

RERVM
SCOTICARVM
HISTORIA,

AUCTORE
GEORGIO BVCHANANO
SCOTO.

AD
IACOBVM VI. SCOTORVM REGEM.

*Accessit DE IVRE REGNI apud Scotos Dialogus,
eodem GEORGIO BVCHANANO auctore.*



CIO. IO. XXCIII.

Ad exemplar Alexandri Arbuthneti
editum

EDIMBVRGI.

MEMORANDUM

SCOTTISH ARMY

REPORT

TO THE

COMMISSIONER OF THE ARMY



AND

THE SECRETARY OF STATE

FOR THE ARMY

AND

THE SECRETARY OF STATE

FOR THE ARMY

AND

THE SECRETARY OF STATE

FOR THE ARMY

AND

THE SECRETARY OF STATE

FOR THE ARMY

GEORGIUS BVCHANANVS

IACOBO VI. SCOTORVM REGI

S. P. D.



VM post viginti quatuor annorum peregrinationem tandem in patriam redissem, nihil prius habui, quam vt schedas meas malignitate superiorum temporum disiectas, & multis modis male habitas recolligerem: partim enim nimio amicorum erga me studio, dum immaturam adhuc editionem præcipitant, partim librariorum in alienis operibus immodica licentia, cum censorum personam induissent, multa pro cuiusque libidine plerunque immutata, nonnulla fæde corrupta comperio. His ego cum incommotis mederi conarer, subita amicorum preces omnes meas rationes conturbant. Omnes enim, velut conspiratione facta, hortabantur, vt ab leuiores operis libellis, qui magis aures oblectarent, quam animū erudirent, me ad historiam nostræ gentis conscribendam conferrem. Id enim & ætate, & ciuium de me expectatione dignum esse: neque aliud esse argumentum aut vberius ad laudem, aut firmitus ad memoriæ conseruandam diuturnitatem. Ceteras autem rationes vt omittam, cum Britannia nostra vna sit totius orbis insula celeberrima, eiusque historia res in omnes partes maxime complectatur memorabiles, vix in omnis æui cursu reperiesset, qui rem tantam suscipere sit ausus, aut susceptam sustinere potuerit. Non mediocriter etiam me illud impellebat, quod meam sic operam tibi nec indebitam, nec ingratam fore existimares. Absurdum enim, ac pudendum videbatur, te, qui in ista ætatula omnium prope nationum res gestas perlegeris, plurimas memoriter teneas, domi quodam modo peregrinari. Præterea cum partes ingenij tui excolendas mihi commissas per valetudinem incurabilem obire non possem, proximum existi maui, id genus scriptionis esse, quæ ad animum comparata est, quo hanc cessationis culpam, quoad possem, delem, statui fidos ex historia monitores ad te mittere, quorum consilio in deliberationibus vti, & in re gerenda imitari virtutem queas. Sunt enim inter maiores tuos in omni laudis genere viri præstantes, & quorum nullam vnquam posteritatem pigebit. Et vt cæteros omittam, neminem in vllis rerum reperias monumentis, quem cum Dauide nostro conferas. Quod si illi non modo miserrimis, sed etiam flagitiosissimis temporibus diuina benignitas est elargita, (vt ait vates Regius) vt matribus tu quoque mensura fias voti, quoties bene precantur liberis, iure poterimus sperare, hanc potestatem, in omnium rerum exitium & ruinam properantem, posse interim etiam sufflaminari, donec ad ea tempora veniatur, cum ex æterno res humana consecuta decretum certum suum finem sint habitura.

Edimburgi IIII. Calend. Septemb.

REGVM SCOTIAE

CATALOGVS.

1	Fergusius	Folio 28. b	55	Malduinus	ibid.
2	Firretharis	29. a	56	Eugenius v.	47. a
3	Mainus	ibid.	57	Eugenius vi.	ibid.
4	Dornadilla	ibid.	58	Amberkelethus	ibid.
5	Nothatus	ibid.	59	Eugenius vii.	ibid.
6	Rutherus	29. b	60	Mordacus	47. b
7	Reutha	30. a	61	Etfinus	ibid.
8	Thereus	ibid.	62	Eugenius viii.	ibid.
9	Iosina	ibid.	63	Fergusius iii.	ibid.
10	Finnanus	ibid.	64	Soluathius	ibid.
11	Durftus	ibid.	65	Achaius	48. a
12	Euenus i.	ibid.	66	Congallus	48. b
13	Gillus nothus	ibid.	67	Dongallus	ibid.
14	Euenus ii.	31. a	68	Alpinus	ibid.
15	Ederus	31. b	69	Kennethus ii.	49. a
16	Euenus iii.	ibid.	70	Donaldus v.	50. b
17	Metellanus	ibid.	71	Constantinus ii.	51. a
18	Caratacus	ibid.	72	Ethus	51. b
19	Corbredus	ibid.	73	Gregorius	ibid.
20	Dardanus	32. a	74	Donaldus vi.	52. a
21	Corbredus ii. Galdus cogn.	ibid.	75	Constantinus iii.	52. b
22	Luētacus	32. b	76	Milcolumbus i.	53. a
23	Mogaldus	ibid.	77	Indulfus	ibid.
24	Conarus	33. a	78	Duffus	53. b
25	Ethodius i.	33. b	79	Culenus	54. a
26	Satrael	34. a	80	Kennethus iii.	55. a
27	Donaldus i.	ibid.	81	Constantinus iii. cog. Caluus	57. b
28	Ethodius ii.	34. b	82	Grimus	58. a
29	Athirco	ibid.	83	Milcolumbus ii.	58. b
30	Nathalocus	35. a	84	Donaldus	60. b
31	Findochus	ibid.	85	Macbethus	61. b
32	Donaldus ii.	35. b	86	Milcolumbus iii.	62. b
33	Donaldus iii.	ibid.	87	Donaldus Banus.	64. a
34	Crathlinthus	36. a	88	Duncanus	64. b
35	Fincormachus	ibid.	89	Edgarus	ibid.
36	Romachus	36. b	90	Alexander i. cog. Acer	ibid.
37	Angusianus	ibid.	91	Dauid i.	65. a
38	Fethelmachus	37. a	92	Milcolumbus iv.	66. b
39	Eugenius i.	ibid.	93	Gulielmus	67. b
40	Fergusius ii.	39. b	94	Alexander ii.	69. b
41	Eugenius ii.	40. a	95	Alexander iii.	70. a
42	Dongardus	42. a	96	Ioannes Balliolus	73. b
43	Constantinus i.	42. b	97	Robertus Brusius	77. a
44	Congallus i.	ibid.	98	Dauid ii.	83. b
45	Goranus	43. a	99	Eduardus Balliolus	84. b
46	Eugenius iii.	45. a	100	Robertus ii.	90. b
47	Congallus ii.	ibid.	101	Robertus iii.	96. a
48	Kinnatellus	ibid.	102	Iacobus i.	100. b
49	Aidanus	45. b	103	Iacobus ii.	107. a
50	Kennethus	46. a	104	Iacobus iii.	118. a
51	Eugenius iii.	ibid.	105	Iacobus iv.	130. a
52	Ferchardus i.	ibid.	106	Iacobus v.	138. a
53	Donaldus iii.	46. b	107	Henricus Stuartus cū Maria Stuarta	183. b
54	Ferchardus ii.	ibid.	108	Iacobus vi.	195. b



R E R V M
S C O T I C A R V M
H I S T O R I A,

Auctore Georgio Buchanano Scoto.

L I B E R P R I M V S.



V M res gestas maiorum nostrorum à fabularum vanitate liberare, & ab obliuionis iniuria vindicare statuissem, non ab re mihi facturus videbar, si à primordio vsque repeterem (quantum in tanto interuallo temporum, & literarum primùm egestate, deinde calamitate fieri posset) qui regionum situs, quod soli, cælique sit ingenium, quæ vetusta nomina, & mores, qui primi cultores fuerint insularum, quæ veteribus Britannia vocantur, quæque inter Hispanias, & Germaniam magno terrarum spatio Gallia prætenduntur, earum reliquas magnitudine duæ longè præcellunt Albium, & Hibernia. De his primùm dicam: deinde, ut commodum erit, cæterarum situm, & nomina explicabo.

Prima magnitudine est Albiū, quæ nunc sola nomen Britannia retinet, quod antea omnibus erat commune. De eius longitudine, ac latitudine cæteri ferè scriptores cum
30 Cæsare consentiunt: esse videlicet longam à septentrionibus in meridiem octingenta millia porrectam: qua verò latissima est (ut quidam sentiunt) qua Galliam spectat, aut (ut alijs visum est) à Meneuiæ angulo ad Iari fluminis ostiū fere ducenta millia patere: inde paulatim in angustum cogitur, donec ad Scotiae limitem sit peruentum. Romani, quibus vltiora nondum satis erant nota, totam insulā triquetram crediderunt. Verum paulatim vltius progressi cognouerunt vltra vallum Adriani eam se latius sensim diffundere, & ad orientem æstium procurrere. Hæc in summa de eius magnitudine dicta sint. Cælum gallico temperatius, ut ait Cæsar: verum vtroque mitius est Hibernicum. Aër raro serenus, sed caligine densa plærumque obscurus, ac hieme satis miti magis pluuius, quàm niuosus. Terra benignè fruges gignit, ac præter fruges etiam omnis
40 generis metalla. Pecore tota foecundissima. Qui partes insulae extremas, ac magis frigore infestas habitant, auenaceo pane vtuntur, vinum è frugibus corruptis faciunt: plærique serum lactis excoquunt, ac in dolijs complures menses defodiunt: isque multis potus non solum salubriter, sed etiā iucundè bibitur. De nomine Britannia nulla inter veteres controuersia fuit, nisi quod Græci Brettanian, Latini Britannia eam nominabant. Cæteræ gentes aut hos, aut illos pro suo quisque arbitrio imitabantur. Nuper emerferunt homines non tam veritatis cupidi, quàm contentionis, qui ex hominum clarissimorum suggillatione clarescere se posse sperarent. Neque enim fieri posse existimarunt, ut non in magna eruditionis opinione vulgo essent, qui cum tota antiquitate certamen sibi proposuissent: & quanquam de re non admodum magna lis esset, tamen
50 quia de nomine ipso patriæ ageretur, tanquam pro aris, & focis, omnique totius gentis vetere gloria sibi contendendum putarent. Tria vetusta insulae, ut ipsi volunt, nomina diuersos habent assertores Prudania, Prytaneia, & Britannia. Pro Prudania totis ingenij viribus Luddus: pro Prytaneia Thomas A Eliotus eques Britannus, sed modestis studijs

RERV M SCOTICARVM

contendit: Britannia cetera fere gentes retinere conantur. Pro Prudania utitur Luddus
 fragmenti cuiusdam veteris ea auctoritate, quam situs, & caries & temporis longinquitas
 pene sacrosanctam facit. Eam tamen si per se firmam, tamen & Etymologia, & Bardoru
 carminibus, & patrij sermonis consuetudine, & vetustatis veneranda quadam rubigine
 confirmat. Fragmentum quidem illud, in quo causae columen, & firmamentum est
 positum, ante omnia interrogo unde? quando? aut quo patre natum prodijt? aut quid
 tandem ait, quod pro causa faciat? De loco, de tempore, de auctore forsitan inquires:
 Haec omnia, quod incerta sunt vetustatem eius probant. Praeclara sane probatio. Ex
 ignorantia, ignobilitate, & obscuritate certitudo, fides, & auctoritas testimoniorum
 pendet: & quod ad rem controuersam explicandam assumitur plus habet obscuritatis, 10
 plus infirmitatis, quam causa ad quam probandam affertur. Quis testimonium hic
 dicit? nescio. Quid pro testimonio dicit? ne id quidem scio. Illud autem audiui in illo
 fragmento Prudanium nominari. Quid ista Prudania? monsne an fluuius? vicus, an op-
 pidum? vir, an mulier est? nescio: sed Britanniam hoc nomine significari puto. Age
 vero Prudania Britanniam significet. Quid tandem pro te facit hic tuum fragmentum?
 Illud scire velim, verumne nomen insulae Prudanium esse affirmet: an eorum inscitiam
 coarguat, qui falsum hoc nomen insulae tribuunt? Ne hoc quidem scio: sed sonum
 Britannicū hic quidem agnosco, visque sermonis Britannici in ipsa vocis Etymologia
 se ostendit. Est enim Prudania, quasi Prudcania, hoc est excellens pulchritudo: à Pryd,
 quod est forma, & Cam, quod est candidum, emollita paulum asperitate vocis. At ista 20
 ratione non Prudanium, sed Prudaniam factam oportuit: quam vocem in patrio ser-
 mone Prudam Bardi pronuntiant. Omitto hic quā sit lenis, fallax, & plerumq; ridicula
 tota haec originis vocum quaerendi ratio. Omitto M. Varronem, aliosque excellenti
 doctrina viros, qui in hoc genere saepenumero ridentur. Totum Platonis Cratylum
 taceo. Hoc tantum affirmo, facilius aequis auribus me probaturum Cambros ē canibus
 & brutis esse factos, quā tu Prudanium ē Prudcania coaluisse persuadebis. Isto enim
 modo quidlibet ē quolibet licebit effingere. Sed quā parum sit in his omnibus fir-
 mamenti indicat Luddus, qui istis praesidijs parum confusus accersit in auxiliū Bardos,
 sanē peruerustum genus hominum, sed quos veteres nihil scripsisse asseuerent. Sed de
 eis alias nobis plura erit dicendum. Ad vltimum Luddi per fugiū veniamus. C A E S A R 30
 (ait) qui primus Romanorum huius insulae nomen latinis literis commendauit, eam
 Britanniam appellauit, quem omnes ferē latini scriptores secuti, idem nomen haud
 mutauere. Hic ab illustri mendacio Luddo visū est ordiri, quod videlicet Caesar primus
 Latinorum Britanniam nominauit. Nam ante Caesarem natum Britanniae Lucretius
 meminit, Aristoteles longē prius apud Graecos, & non multo post Caesarem Proper-
 tius, cum ait, *Cogor & in tabula pictos ediscere mundos*, indicat sua aetate mundi descri-
 ptionem parietibus affigi solitam. Te ipsum rogo, credisne Caesarem illum in omni li-
 berali disciplina eruditū descriptionem orbis nunquam vidisse? aut visam non legisse?
 aut cum reliquus orbis describeretur, Britanniam insulā vnam totius orbis maximam,
 iam tum latinis & graiis monumentis tam illustrem in tabulis illis omissā fuisse? cre- 40
 disne illum, qui de rebus Britannicis tam diligenter sibi inquirendum putauit, qui ho-
 mines eam regionem & tum, & iam olim habitarent: quae stirpium, quae animantium
 genera in ea nascerentur, quibus legibus & moribus viueretur: cum, inquam, credis
 cum de his tam fuisset sollicitus, in vniuersae regionis nomine tam fuisse negligentem?
 aut qui tanta fide, & diligentia sua Gallorum urbibus nomina reddidit, Britannos an-
 tiqua sua gloria fuisse fraudaturum? Vetus autem (quoniam in hac maxime parte se
 Luddus iactat) cur nomē Prudaniae existimet, nihil video: nisi fortē ē putris chartae situ
 etiam verba senectutem contraxerint. Haec satis ad Luddum in praesentia, qui testibus
 domo productis, suisque insomnijs aduersus omnium, qui vsquam sunt, aut fuerunt
 doctorum hominum consensum certandum sibi putauit. Cum A Elioto minus erit 50
 negotij. Is non modō coniecturis verisimilibus, sed non obscuris etiam auctoribus in-
 ductus credit aliquando eam regionē Prytaneiam fuisse appellatā. Non enim incōmo-
 dē existimauit insulam omnium rerū, quae ad vitam instruendam vel ornandam sunt
 necessariae,

necessaria, copia redundantem sic dici posse. Hic si causas nominum expendere oporteat, Sicilia Prytaneia potius dici debebat, nonnullaque alia tanto Britannia fertiliores, quanto terrarum spatium sunt minores. Præterea apud auctores, quorum testimonio nomen Prytaneia confirmatur facile apparet scripturam esse vitiatam. Apud Stephanum quidem summa inconstantia est. In voce ALBION, inquit, eam esse insulam Britannicam secutus, ut ipse ait, Martianum. In vocibus Iuvernica, & Iuerna Prætanica scribitur. Alibi inquit esse in Oceano insulas Britannicas, quarum cultores Britanni dicantur. Sed Martianum, & Ptolemaum in ijs vocibus P, litteram primam facere. Quos locos si quis conferat, comperiet procul dubio scripturam esse corruptam. Stephanumque ipsum sentire Britanniam per B primam, & duo TT scribi debere. Hæc A Eliotus cum opinor non ignoraret, quæ homines gloriæ famelici ad ostentationem eruditionis undique conuerunt, admonuisse quantum satis est contentus, suum lecti iudicium relinquit. Luddus verò, ut hic ingenium noscas, è tribus nominibus insulae maximæ id maximè probavit, quod paucissimos habuit assertores nempe Prudanium. Proximè Prytaneiam amplectitur. Britanniam verò, quod nomen iam per omnes nationes erat illustre, quod (ut ait Plinius) græcis, & latinis monumentis erat celebratum, velut corruptum rejicit, & serò tandem, idque à C. Julio Cæsare ait corruptum, quem falso existimat (ut dictum est) nomen Britannia latinis literis commendasse primum, ceterosque secum in eundem errorem traxisse. Ego verò antiquitatem vocis huius BRITANNIA multis, & quidem locupletissimis testibus probare possem, si res in controverso esset: & à Cæsare non vitiatam, sed per manus à maioribus, & quidem puram fuisse traditam, nisi quod veteres geminum TT scribere soliti videntur. Hinc factum opinor, ut Lucretius istius nominis primam syllabam fecerit longam. Nunc autem alterum T solet omitti Latinis, quod in voce Britto perpetuo retinetur. Græci qui Britanniam scribunt, proximè ad patrii sermonis prolationem accedunt: quam & ipsi Britanni, & omnes vicini adhuc retineant. Nam & Galli propiores Brettas appellant omnes sceminas Britannicas, & Bretter Britannicè loqui, & promontorium Aquitaniae vulgò Capbreton dicitur, & utriusque Scoti, hoc est Albienfes, & Hibernenses sic loquuntur. Id tantum interest, quod qui Germanica dialecto gaudent, interdum transpositione litterarum utuntur, ac Berton pro Breton proferunt. Dionysius autem Afer in illo versu, Ὁ κενὸν κέχυται ψυχρὸς πόδες ἐνθα Βρετανός, In altero T, rejiciendo usus est licentia poetica quemadmodum idem in Σαρμάτας pro Σαρμάτας, fecit. Hic tot nationum pene ab initijs usque rerum consensus & inter se, & cum vetustissimis Græcorum, & Latinorum pluris apud me erit, quam omnia Luddi rhacomata è luto ad ludibrium collecta, ad ignominiam seruata, & ad falsum testimoniū aduersus antiquitatem dicendū quamlibet impudentem habeant patronū, tamen nondum egredi ausa. Proferat ille, si potest, qui ante Aristotelem scripserit Prudanium. Id autem ut in omnia se vertat, nunquam efficiet: cum certum sit post Aristotelem aliquot sæculis, Bardos nihil scripto commississe. Facessat illa gloriosa dicam, an stolidi iactatio antiquitatis, cuius nullum argumentum, nullum vestigium, imò ne vestigij fragmentum reperiri potest. Inter has variarum opinionum discordias, diuersasque loquendi consuetudines Luddus putat consultißimum, vetustatem, & patrium loquendi morem velut Cynosuram quandam semper spectare, atque inde omnis sermonis cursum dirigere. Ab eo ego non magnopere dissentirem: siquidem quod in veteri consuetudine positum est, & ideo certum existimatur, id semper teneri posset. Sed pluribus de causis id fieri non posse animaduerto. Primum, quod in omni sermone vetustissima inueniri sit difficillimum: tutiusque sit hic sequi doctiorum consuetudinem, quam retrò semper origines, velut Nili fontes vano & ridiculo labore perquirere: præsertim cum vocabulorum initia non à sapientiorum iudicio pendeant, sed à vulgi maximè rudis, & inculti arbitrio cuius consilium anxie inquirere, superuacaneæ cuiusdam est diligentiae, & ubi inuenietis, non magnum feceris operæ precium. Nam ut in reliquarum omnium rerum generatione quæ sponte natura proueniunt, aut ab hominibus ad usus vitæ excogitantur, primi fœtus quodam modo imperfectiores, & non solum ad usus commodi, sed aspectu minus iucundi exeunt.

RERV M SCOTICARVM

Cultu deinde mansuescunt, & tractando paulatim leuigantur. Eadem certe est in sermone ratio, qui primum ab hominibus crassis, & rudibus editus asper plerumque, & insuavis, & impolitus est exortus, mox tractando sensim genitalem horrorem exuit, & mansuetius, & iucundius ad aures accidebat, & multo facilius in animos hominum infuebat. Itaque in hac parte, ut si qua alia, consuetudini politiorum hominum aliquid indulgendum censeo: & voluptatem minimè illam illiberalem, & inhumanam, quatenus moribus est innoxia, minimè abominandam. Quod si quis ita Musis iratus est natus, ut Catonis & Ennij sermonem potius amet, quàm Ciceronis & Terentij, & inuentis frugibus glandibus tamen vesci malit, iubeamus miserum esse libenter, quatenus id facit. Sed hæc nostra disputatio non est de puritate, & elegantia sermonis latini. Ad hanc enim nihil interest quo sono Britanni olim literas efferrent. Hæc enim tota contentio 10 eò tendit, ut Latini Britannicum, non Britanni Latinum sonum discant. Quod ad me attinet malim ignorare veterem illam, & anilem priscorum Britannorum balbutiem, quàm dediscere quodcunq; hoc est sermonis latini, quod magno cum labore puer didici. Neque aliud est cur minus molestè feram priscam Scotorum linguam paulatim intermori, quàm quod libenter sentiam barbaros illos sonos paulatim euanescere, & in illorum locum Latinarum vocum amoenitatem succedere. Quod si in hac transmigratione in alienam linguam necesse est alteros alteris cedere, nos à rusticitate & barbaria ad cultum & humanitatem transeamus: & quod nascendi infelicitate nobis euenit, voluntate & iudicio exuamus. Aut si quid opera & industria possimus, id omne eò confera- 20 mus ut linguam Græcam & Latinam, quas orbis pars melior tanquàm publicas recepit, pro viribus expoliamus, et si quis ex contagio barbari sermonis adhæsit situs, & squalor, quoad fieri possit extergeamus. Quid? quod hæc nimis anxia diligentia in nominibus peregrinis præsertim in alienam linguam transferendis nec seruari potest, nec si posset, expedit. Quæ enim non literas & sonos habet, quæ alterius sermonis characteribus omnino exprimi non possunt? Quæ natio præter Germanos W literam proferre potest? Quis latinis literis eum sonum reddet, quem Hispani, Brittones, & Scotorum pars in literis D. G. P. T. X. & Z. efferunt? Ob hanc opinor soni absurditatem Plinius enumerans Hispaniæ oppida, quædam negat latiali sermone dictu facilia. Alia vocat ignobilia, & barbaræ appellationis: alia citra fastidium nominari posse negat. Quid hinc rogo faceret 30 Luddus, si ei latinè sit scribenda historia Britannica? Ipsa genuina Brittonum nomina quomodo enunciaret, cum tota sua barbarica rubigine opinor non haberet. Nam cum tam anxie se torquet, quomodo Luddum scribat, Lhuydumne, an Lludum, an verò Luddum, quorum nullum nec Latinis literis exprimi, nec ore latiali efferri, nec ab auribus latinis sine fastidio audiri potest. Si verum sonum retineat, non Latinam sed semibarbaram faciet orationem. Sin ad genuinum latini sermonis sonum inflectet voces peregrinas, non minus flagitiose peccabit, quàm Cæsar in verbo Britannus fecisse dicitur. Quid igitur Luddo faciemus? ut hominem & molestum & morosum placeamus? Prudamiam dicemus, potius quàm Britanniam? Hoc nec Luddus tam seuerus aliorum censor exiget? Permitteret enim ut è Prudam Prudamiam declinemus. Quod 40 si quis Britanniam, aut Brettaniam ausit dicere, quid aliud quàm sacrosanctæ vetustatis violatæ, & sermonis antiqui, sincerique contaminati, & è robusto illo & masculo sono in muliebrem mollitiem fracti reum peraget? Nihilne ergo ex horrore vetusti squalore mutare nobis fas erit? aut si non mutare, saltem malè tornata perpolire vocabula? & ab inculta illa immanitate paulatim ita inflectere, ut saltem vox hominem sonet? & quod maiores nostri in Morinis, & Moremarusa, & Armoricis fecisse videmus: ut si has voces donare ciuitate latina non possimus, certè in eis amictum, & incessum latinum imitemur? Sed per Luddum, ut video, non licet. Ad augustam illam nos reuocat Prudanorum vetustatem: & à Bardis, & Senecionibus vetat vîquam diuertere. At vetustissimos Græcorum, & Latinorum nunquam hæc religio tenuit. Neque 50 postquam sermonis antiqui rigor se remittere cœpit, quisquam fuit, qui famul, & volup retinere maluerit, quàm quæ in eorum locum successerunt recipere, & in transferendis è græco latinis, aut è latino græcis summa libertas fuit. Quis vnquam latinis vitio vertit quod

quòd Polydeucen in Pollucem, quòd Heraclea in Herculem, quòd Aesclepiion in AEsculapium verterint? aut Græcis, quòd pro Catulo Catlū, pro Remo Romū dixerint? Quid in Barbaris ad se transferendis? num Græci dubitarunt? Punicū in ultimis dictionum syllabis in As conuertere? num si quis Annibas, pro Annibal dixit, omnem historiae maiestatem proculcauit, veritatem corrupit, aut Pœnorum linguam maculam ullam inussit? Videte quantum veterū Saxonum, & Danorū, qui postea immigrarunt in Britanniam humanitatis & cultus studiū ab hac Luddi immanitate & squaloris affectatione diffidēt. Illi inculti, & omnis eruditionis ignari, cum venissent ad homines barbaros, & balbutientes, non solum eorū strilagine se passi non sunt infici, sed gustata semel Græci, & Latini sermonis suauitate multum ex eo, quem ipsi inuexerant horrore, absterse runt: quædam vocabula asperiora leuigarunt ita, vt sine vlla aurium offensione tolerari possint, qualia sunt Oxonia, & Roffa, pro Oxonfordia, & Raufchestria, & pleraque alia ne repugnante quidem Luddo, Sed nec ipse quidem in hoc genere parum sibi permittit, qui in vno Britannia nomine cum tam dura seueritatis est exactor, in tot alijs sibi tantam assumit licentiam. Nunc contra veterem omnium gentium consuetudinem pro nouo, obscuro, & incerto vocabulo tam pertinaciter nititur: nimirum ne regium illud nomen Luddi e Cimbrorum prosapia ductum, & velut palladium in hunc vsque diem seruatum, in obliuionem veniret. Idne fieret, Luddus aduersus multitudinis consensum, temporis veritatem, atq; adeo ipsam veritatem sibi certamen instituit. Est & in vocabulo BRITANNIA illa adhuc obseruatio, quod apud exteros scriptores id insulae totius est nomen. Brittones autem & Angli qui res Britannicas literis mandarunt nunc cum exteris consentiunt: nunc tantum Britannia nomine censent eam insulae partem quæ prouincia Romana fuit: idque variè, prout belli euentus limites mutauit, interim enim Adriani, interim Seueri vallum finem imperio faciebant: reliquos, qui extra vallum erant, nunc Barbaros, nunc transmarinos appellabant. Beda libri primi initio sic scribit, I T A Q V E “ petentes Britanniam Picti habitare per septentrionales insulae partes coeperunt. Nam “ austrina Brittones occupauerant. Idem ca. x x x i i i. Aidanus Rex Scotorū qui Britan- “ niam habitant. & Lib. i i i i. Cap. i i i i. dum reditū Colmani ex Anglia in Scotiam scribit, ait, Interea Colmanus, qui de Scotia erat, relinquens Britanniam. Erat ibi, Exinde “ coeperunt per plures dies de Scotorum regione venire in Britanniam. Item, occisus est “ Osualdus iuxta murum, quo Romani ob arcendos Barbarorum impetus totam à mari “ vsq; ad mare præcinxerant Britanniam. Eadem loquendi forma est apud eundem Lib. i i “ Cap. ix. Hanc peculiarem Britannis loquendi formam non videtur ignorasse Claudianus, cum scribit legionem Romanam, quæ Scoto dat frana truci prætentam fuisse Britannis, hoc est oppositam Scotis, vt eorum furorem à Britannis propelleret, in extrema quidem Britannia ac Scotiae limite. Frequentissime hoc genere sermonis viuitur Gulielmus Malmesburiensis, & Galfridus Monumetensis non obscuri inter britannicarum rerum scriptores, apud quos facile cuius erit animaduertere Britannia vocabulo nominari, quod intra Seueri vallum tantum continetur. Id apud eos etsi adeo perspicuum est, vt neminem latere possit: tamen magnos apud ætatis proxima scriptores peperit errores, qui Aluredum, & Athelstanum, aliosq; nonnullos Saxonum Reges totius insulae aliquando positos scriptū reliquerunt, cum tamen Seueri vallum nunquam transcenderint. Nam cum legerent eos totius Britannia tenuisse imperiū totam insulam ab eis possessam existimabant. Nec dissimilis interim obseruatio est in horum nominum vsu (Britannus,) & (Britto.) Veteres enim omnes totam insulam Græci, & Latini scriptores Britanniam, incolas autem eius omnes sine discrimine Britannos vocabant. Primus quod sciam Romanorum Brittones nominauit Martialis in illo versu, Q V A M veteres braccæ Brittonis pauperis. Brittones ferè vulgus appellat peninsulae Gallicæ habitatores: quanquam & ipsam Britanniam, & incolas Britannos Gregorius Turonensis semper vocet. Romani suos prouinciales constanter Britannos dicunt: quanquam ipsi prouinciales sese Brittones appellari gaudeant. Vtriusque vero nominis vna radix, & origo est, Britannia. Et sicut vtrunque nomen ab vno fonte promanat, ita res eadem prorsus vtroque indicatur. Id autem maxime perspicue ostendit Ausonii poetæ carmen.

RERVM SCOTICARVM

Silvius ille bonus, qui carmina nostra lacescit.

Nostri magis meriti disticha Brito bonus.

Silvius hic bonus est. Quis Silvius? Ille Britannus.

Aut Brito hic non est Silvius, aut malus est.

Silvius esse bonus Brito, ferturque Britamus.

Quis credat civem degenerasse bonum?

Nemo bonus Brito est: si simplex Silvius esse

Incipiat, simplex desinet esse bonus.

Silvius hic bonus est: sed Brito est Silvius idem.

Simplicior res est dicere Brito malus.

Silvius Brito bonus, quamvis homo non bonus esse

Fertis, nec se qui iungere Brito & homo.

Qui Britannos Gallorum colonos esse contendunt, hi Herculem & Celto puella Gallica Britannum filium genuisse produnt: à quo gentem Britanniam propagatam. Hanc nationem Plinius vicinam Morinis, Atrebatibus, Gesoriacis collocat. Qui & Græcis hæc confirmant non desunt Grammatici, Soudas, & qui Etymologicon magnū scripsit. In eadem sententia mihi fuisse videntur C. Iulius Cæsar, & C. Cornelius Tacitus, alijque scriptores latini non indocti: non ita celebres tamen. Itē sacra, sermo, instituta, gentiumq; quarundam ad mare Gallicum habitantium mores id confirmant, equibus mihi Britanni transmigrationibus exhausti, Morini paulatim consumpti videntur. Morinus quidem à More (id vetere Gallorum lingua mare significat) suam mihi originem testari videtur. Venta Belgarū, & ab Icio dictum Icenū etiam in alienū solum se cū cognominis loco patriam vocem extulisse sit verisimile: atque in ipso statim aditu occurrentes Britannos, velut progeniem agnoscētes, domū suam tanquam in hospitium deducere velle. Morinus enim Gallis veteribus marinum, & Moremarusa mare mortuum significat: quanquam hæc postrema duo nomina Gorropius, dum suos Aduaticos nimis ambitiose vult excolere, pene nobis surripuit. Nec Armorici, aut Armorice nostri generis negare possunt. Habemus enim maiores & propinquos penes nos obsides. Nam Ar vel Are verus est præpositio linguæ Gallicæ, quod ad vel super indicat, quasi dicas ad mare, vel super mare, hoc est, maritimum. Moremarusa verò à More, hoc est mare, declinat vltima syllaba producta in morem participij græci. Areniorica quidē seu Armorica (qui statim auditum non agnouerit, is veterem linguam Gallicā prorsus ignorat) & ipsum quoque (maritimum) significat, vel Strabone interprete, qui græcè pro eo nobis semper reddit Apocœnitas. Cæsar de Armoricis hæc Lib. v. Magnas Gallorū copias earum ciuitatum, quæ Armoricæ appellantur, oppugnādi sui causa conuenisse. & Lib. vii. Vniuersis ciuitatibus, quæ Oceanū attingunt, quæq; eorum consuetudine Armoricæ appellantur. & Lib. iix. Cæteraq; ciuitates positæ in vltimis Galliæ finibus, Oceanoque coniunctæ, quæ Armoricæ appellantur. Cæsar quoties harum ciuitatum meminit, semper adijcere solet *QVÆ APPELLANTVR*: sed ita adijcere, vt non nomen proprium esse intelligas, sed aut epitheton, aut loci cognomen, sed nec apud quenquam alium idoneum scriptorem id ciuitatis nomen fuisse reperitur, cum tamen latissime in illa ora vox illa vagaretur, ab Hispania videlicet ad Rhenum: interque tot scriptores vnum Plinium reperiam, qui genuinam nominis vim non videatur intellexisse. Omnem nanque Aquitaniam ita putat aliquando fuisse appellatam. Sed hæc in præsentia. Nam plura nobis de sermone Gallico disputandum erit.

Antiquissimum insulæ nomen creditur fuisse Albion: aut vt Aristoteles, vel potius Theophrastus in libro, qui De Mundo inscribitur, recenset Albium. Sed hoc nomen magis & libris eruitur, quam in cōmuni sermone vsurpatur, nisi præsertim apud Scotos, qui se Albinich, suam regionē Albin adhuc vocant. Multi nomen inditū inde putant, quod appellentibus & Gallia albæ rupes primæ occurrant. Mihi verò absurdum imprimis videtur Britannici nominis originē & latino sermone repetere, tam raro tum inter feras gentes commercio. Sunt qui ab Albione Neptuni filio id nomē inditum putent, quem aliquando Britannia fuisse Regem comminiscuntur: audaci prorsus mendacio & nullo

& nullo penitus antiquitatis testimonio nixi. Super hoc tamen tam inuafido cognati nominis fundamento, regnum extruere eos non puduit. Nullam enim aliam liquis cōmenti ex historijs occasionē datam video. Meminerunt enim Albionis, & Bergionis ē Græcis quidē Diodorus Siculus, & Strabo: ē Latinis Cato, Hyginus, & Melas: quibus id ferē colligi potest Albionem, & Bergionem Neptuni filios Ligures ex agro Albionis itinera, quæ in Italiam ferrent, latrocinij infesta habuisse. Hi cum Hercule ex Hispania Gerione victo redentem præda exuere tentassent, tam atroci prælio eum exceperunt, ut pene desperatis rebus Iouis auxilium implorare sit coactus: eum, ut filio laboranti opem ferret, imbrem lapideum celo demisisse. Eius pugna indicium ad posteros mansisse campum lapideum. Neque ego tamen abnuērim ab albo & insulam, & latronem nomen accepisse. Verum album contendo plurimarum gentium commune fuisse vocabulum, apudq; eos non modō coloris, sed altitudinis nomē fuisse. Et Festus quidem Pompeius quæ Latinis Alba dicuntur, ea Sabinis Alpa vocari asserit, indeque Alpibus nomen inditum, quod perpetuis niuib; albescant. Ego quidē (ut de altero assentior) Album, & Alpum pro eodē à veteribus fuisse dicta, non Festi solum, sed etiā Strabonis auctoritate fretus: ita Alpes potius ab altitudine, quā à candore nominatas arbitror. Primum quod cum Alba multatū sit in Italia, Gallia, Hispania vrbium nomen, omnes in collibus, aut prope colles sint sitæ. Deinde quod Strabo absque discrimine hæc nomina Alba, Alpa, Alpia, Albionia, Albici in significatione altitudinis velut ab eadem radice declinata agnoscat: ideoque has voces usurpari maxime ostendat, ubi Alpes se attollere incipiunt. Hinc in Liguria Albinganum, & Albium Intimelium. In Iapodibus autē iugum est editissimum, ubi Alpes desinunt. Sunt & alia loca, quæ ab altitudine nominata possunt videri. In Italia quidem Albula fluuius ex Etruria, Albula aqua ē Tiburtinis montibus effusa: in Gallia Narbonēsi Albici populi montani: in Germania Albi fluuius in Boëmorū montibus natus: in Asia Albanus fluuius ē Caucaſo defluit: & Albani populi, velut eisdem montibus infusi. Ex his opinor non abhorret à vero Album non vnius sed multarum gentium fuisse vocabulum, cumque omnibus quos nominavi locis altitudo perpetuò, & immutabiliter albescere vix paucis mensibus, nec omnibus semper accidat. Faciunt ad hanc quoque coniecturam & ipsa Gigantum Ligurum nomina Albion, & Bergion vtrunque, ut opinor, à proceritate corporis impositum: ac de Albo iam quid veteres senserint diximus. Germanis verò Berg pro alto dici notius est, quā ut pluribus indicandum sit. Et Gallis olim eodem intellectu dictum fuisse ostendit locus Plinij libro tertio, quem ita legendū contendo: Unde Bergomates Cato dixit ortos, etiam nomine prodentes se altius, quā felicius sitos. Albion igitur, & Bergion homines, ut videtur, ceteris vicinis corporū proceritate præstātes, & fiducia virium in ea Ligurum ora latrocinium exercentes: quos Hercules cum illac iter haberet armis compescuit. In Britannia autem regnasse nemo veterum eos prodit, & rem omnino dissimilem veri facit rerum, qui tum erat gallicarum status. Nec verisimile britannicum multo fuisse tranquilliorē: qua in terra regnum maximū magnus ille Albion reliquit, ut domi latrocinaretur. Nos verò etsi non multū ab eorum opinione discedimus, qui Albionem ab Albo dictam fuisse scripserūt, ita non colorem, sed altitudinem montiū occasionem homini imponendo dedisse arbitramur. Qui autem hoc nomen imposuerunt, puto non nihil impulsos comparatione Angliæ cum Hibernia, inter quas angusto mari nauigatur. Nam cum alterum litus torum in montes consurgere viderent, alterum depressum, & humile in campos aquales explicari, illam ab altitudine Albionem dixerunt: huic autem ab humilitate an nomen aliquod dederint, longinquitas temporis, & incolarum negligentia in memoria rerum veterarum prodenda fecit incertum. Huic præterea mea sententiæ etiam illud suffragari videtur, quod nomen istud insulæ ab albo ductum, siue Albion, siue Albium sit, adhuc in Scotia, velut natali solo pertinaciter hæret: neque inter tot mutationes habitatorum, regnorum, linguarum, aliarumque rerum vicissitudines vnquam extirpari potuit. Hæc etsi nobis aut vera, aut veris proxima videntur, ramen si quis afferet meliora facile in eius sententiam transibimus. Hactenus de vetustis insulæ nominibus. proximum esse videtur, ut

R E R V M S C O T I C A R V M

terrarum situm exequamur. Ac Angli quidem domestici scriptores satis disertè, atque
 explicatè singulas regiones tradiderunt. Hector autem Boëthius in Scotiæ descriptione
 quædam parum verè prodidit, & alios in errorem induxit, dum ipse, quibus ea inqui-
 rendi dedit negotium, nimis credulus eorum sententiâ temerè vulgavit: nos, quæ
 comperta erunt nobis leuiter, & persuntoriè attingemus: quæ aut obscurè, aut minus
 verè prodita videbuntur, quoad poterimus corrigemus. Angliam commodissimè, quod
 ad nostrum institutum spectat, diuidunt quatuor flumina, duo in mare Hibernicum
 decurrentia Deua, & Sabrina: totidem in mare Germanicū Tamesis, & Humber. Inter
 Deuam, & Sabrinam triplex regionibus distincta includitur Vallia: inter Sabrinam, &
 Tamesin totum illud latus Angliæ, quod Galliam spectat inter Tamesin, & Humbrum
 interiectæ regiones tertiam portionem constituunt: quartam, quicquid terrarū ab Hum-
 bro, & Deua ad Scotiam pertinet. Dirimitur autem Scotia ab Angliis primū Tueda
 fluuius, Zeuiota monte altissimo, & qua mons deficit, vallo non adeo pridem facto, ac
 deinde Esca, & Soluæ fluminibus. Circa hos limites à mari Scotico ad Hibernicum re-
 giones hoc ordine iacent: Marcia in qua Bernicum oppidum nunc Angli tenent, sini-
 strum Tuedæ latus attingit: ad orientem Forthiæ æstuario, ad meridiem Anglia clauditur.
 Ad occidentem ad utrumque Tuedæ latus est Teuiotia, à Teuioto amne nomen adepta,
 Zeuiota monte ditimitur ab Anglia. Post hunc regiones non magnæ Lidalia, Euia, &
 Esca à tribus fluminibus cognati nominis Lidalo, Euo, & Esca nominatæ. Vltima An-
 nandia, & ipsa ab Annando amne prope mediani diuidente appellata, secundum Sol-
 uam in mare Hibernicum decurrit. Iam ut rursus ad Fortham redeamus, is ab ortu
 Lothianam claudit: Cocburni saltus, & Lamyrii montes eam à Marcia separant. Con-
 tingit deinde paulum ad occasum inflexa Lauderiam, & Tuediam: alteram à Laudero
 oppido, alteram ab amne Tueda mediam secante. Tuediam ad meridiem, & occidentem
 contingunt Lidalia, Nithia, Glottiana. Nithiæ Nithus amnis nomen dedit per eam in
 mare Hibernicum labens. Lothiana à Lotho Pictorum Rege nominata. Ab oriente
 æstiuo finitur Fortha, siue mari Scotico. Vallem Glottianam spectat ab occidente hiber-
 no. Hæc regio humanitatis cultu, & rerum necessariorum ad vsum vitæ copia cæteras
 longè præcellit. Quinque amnibus irrigatur, Tina, utroque Esca, (qui antequam in mare
 cadant in vnum alium cœunt) Letha, & Almone. Hi partim è Lamyrijs, partim Pic-
 tlandicis montibus in Fortham defluunt. Oppida habet Dumbarum, Hadinam, vulgò
 Hadintonam, Dalkethum, Edimburgum, Letham, Limnuchum. Magis ad occidentem
 iacet Glottiana, utranque Glottæ fluminis ripam complexa, quæ ob longitudinem in
 duas præfecturas diuiditur. In superiore præfectura collis est non admodum editus, è
 quo in tria diuersa maria flumina effunduntur, Tueda in mare Scoticum, Annandus in
 Hibernicum, in Deucaledoniū Glotta. In ea vrbes insigniores sunt Lanarcū, & Glasca.
 Hanc ab occidente hiberno Coila contingit. Ultra Coilam est Gallouidia. Ea separatur
 à Nithia Cludano amne, tota ferè in meridiem vergens, ac ab litore eius reliquum illud
 Scotiæ latus tegitur. Vniuersa pecoris, quàm frumenti fertilior. Amnes habet in Hi-
 bernicum mare decurrentes, Vrum, Deuam, Kennum, Cream, & Lussum. Nusquam
 ferè in montes attollitur, sed collibus tantum frequentibus intumescit. In conuallibus
 inter eos aqua restagnans innumeros prope lacus efficit, è quibus primis ante æquino-
 ctium autumnale imbribus rui augentur, vnde multitudo incredibilis anguillarum
 descendit, quas accolæ nassis vimineis exceptas sale condiunt, ac non modicum inde
 quæstum faciunt. Extremum lateris est Nonantum promontorium, sub quo in ostio
 Lussi fluminis sinus est, qui Ptolemæo Rerigonius vocatur. Ei ex aduerso influit ex
 æstuario Glottæ sinus vulgò lacus Rianus, Ptolemæo Vidogara: quod inter hos sinus
 terra procurrat, incolæ Rinum, hoc est Gallouidiæ aciem appellant. Ab eisdem Nonan-
 tum Mula, hoc est rostrum, siue rictus nominatur. Tota autem regio Gallouidia (nam
 Gallouid præcorum Scotorum lingua Gallum significat) appellatur. Infra Vidogaram
 à tergo Gallouidiæ leuiter declinat ad Glottæ æstuarium Caricta. Eam duo amnes
 intersecant Stinsiarus, & Greuanus: vterque multis amœnis villis cingitur. Inter am-
 nes qua in modicos colles tumet pascuis foecunda, nec infelix frumento est. Tota
 terrestri-

terrestribus, maritimisq; copijs non modò sibi sufficiens, sed vicinis multa suppeditans. Dunus amnis eam à Coila separat, ortus ex eiusdem nominis lacu, qui insulam complectitur modicæ arcis capacem. Sequitur Coila, quam à meridie Gallouidia claudit, ab ortu æstiuo Glottianam attingit: ab occasu Iruino fluuio à Cunigamia distinguitur: mediam Aëra amnis diuidit. Ad eum sita est Aëra emporium non ignobile. In vniuersum regio est feracior virorum fortium, quàm frugum, aut pecorum, rota quippè tenui & arenoso solo: quæ res hominum industriam acuit, & parsimonia vires animi, & corporis confirmat. Cunigamia post hanc ad septentriones procurrit, & Glottam submouet, ac prope ad iusti amnis modum coërcet. Nomen regioni Danicū est, quod eorum
 10 lingua Regis domicilium significat: quæ res indicio est, eam Danos aliquando tenuisse. Proximè ad orientalem eius plagam sita est Renfroana, ab oppidulo in quo conuentus eius celebrari solent, appellata: vulgò Baroniam dicta. Mediam eam secant duo amnes, quibus vtrisque Carthus est nomen. Post Baroniam est Glottiana, ad vtranque Glottæ ripam protensa, & ipsa in plures iurisdictiones ob magnitudinem diuisa. Amnes nobiliores fundit: à læua Auennum, & Duglassum, qui in Glottam decurrunt: item à dextra alterum Auennum, qui Lothianam ab agro Sterlinensi dirimit. Hi duo fluuij communem amnium appellationem loco proprij nominis acceperunt: quemadmodum in Vallia diuersa dialecto is, quem Auonem vocant. Sterlinensem agrum à meridie separat à Lothiana Auennus, ab ortu æstuarium Forthæ, donec paulatim seipso minor ad
 20 iustam fluminis magnitudinem redactus prope Sterlinum pontem patitur. Secat regionem fluuius vnus, qui memoratu sit dignus Carron: iuxta quem aliquot vetusta sunt monumenta. Ad læuam Carrontis duo terreni sunt tumuli hominum opera (vt res indicat) ædificati: vulgò Duni pacis appellantur. Inferius autem ad eundem amnem ad duo ferè millia passuum est ædificium rotundum sine calce, sed saxis asperis ita conformatis, vt superioris lapidis pars in inferiorem se inferat: ita vt totum opus muruo complexum, & saxorum pondere se sustineat, paulatim ab imo ad summum in arcum se colligens. Summa pars aperta est, Vulgus alium atque alium vsum, & auctorem eius ædificij pro suo quisque ingenio comminiscitur. Ego certè aliquando coniectura fui inductus, vt crederem templum Termini fuisse, quod (vt accepimus) rotundū & supernè
 30 apertum ædificari solitum erat. Nonnihil etiam coniecturam nostram iuuare videbantur Duni pacis propinqui: quasi facta ibi pace, cuius monumentum hi colles essent, quòd illic terminum suæ ditionis Romani statuissent. Neq; alia res me ab hac opinione deduxisset, nisi rescissem ex hominibus fide dignis in insula quadam compluria esse ædificia: cætera quidem ædiculæ, cuius meminimus, similia, nisi quòd maiuscula, & laxiora essent. Duo item in Rossia simili forma sunt sacella. Ea res suspendere sententiam me coëgit, ac iudicare monumenta rerum gestarum hæc esse, ac potissimum trophæa, ac pæne extra orbem terrarum, vt tuta ab iniuria hostium essent, constituta. Sed certè siue hæc trophæa sunt, siue (quod quidam suspicantur) clarorum virorum sepulcra, fuisse credo monumenta ad æternitatem memoriæ perpetuandam consecrata, sed ab
 40 hominibus indoctis, incultisque ad similitudinem illius ædiculæ, quæ est ad Carrontem constructa. A dextero Carrontis latere ager ferè cætera planus in collem paulum prominet, medio ferè spatio inter Dunos pacis, & ædiculam: in eo ad ipsum anguli flexum modicæ vrbs vestigium adhuc apparet. Sed murorum fundamenta, & vicorum descriptio partim cultu rustico, partim eruendis ad propinquas ditiorum villas construendas lapidibus quadratis confusa est. Hunc locum disertè Beda Anglus Guidi vocat, atque in ipso valli Seueri angulo collocat. Multi præclari scriptores Romani eius valli meminerunt: multa vestigia extant, multi lapides inscripti eruuntur, quibus aut testimonia salutis per Tribunos, & Centuriones acceptæ, aut sepulcrorum inscriptiones continentur. Et cum ab Adriani vallo (vt vtriusque vestigia indicant) raro minus centum milli-
 50 bus passuum distat hoc vallum Seueri ab eo, quod antè Adrianus construxerat, aut magna incertitia fuit eorum, qui res Anglicas scripserunt, si Latinos qui hæc tradiderunt non intellexerunt: aut incuria, qui dilucidè tradita tam confusè reddiderunt. Vtrumcunq; sit autem, res mihi digna est visa si non reprehensione, saltem leui admonitione:

RERVM SCOTICARVM

præsertim cum ex monumentis iam dictis, & Bedæ Angli historia satis constet, ibi aliquando inter Brittones, & Scotos limitem fuisse. Qui verò hic Camelodunum fuisse fabulantur, iidem contendunt quam diximus ædiculam Claudij Cæsaris fuisse templum: vanissimo in utroque mendacio, cum & Camelodunum colonia Romanorum ultra trecenta millia passuum ab eo loco absit, si Ptolemæo, & Antonini itinerario fides habenda sit. Cornelius Tacitus hunc eorum errorem apertissime ostendit cum reliqua tota narratione, tum maxime quod Romanos amissa Cameloduno in templum Claudij Cæsaris confugisse salutis tuendæ causa scribit. A Edicula autem illa, siue templum Termini, siue alterius rei monumentum fuerit, sine foribus quarum nullum habet vestigium, & supernè ad iactus lapidum patens, ne decem quidem milites non modo tegere, sed vix quidem continere potuerit. Quid? quod quadragesimo ferè anno post Claudij Cæsaris expeditionem Iulius Agricola Romanorum primus in eas partes penetrauit? quod quinquagesimo post Agricolam anno Adrianus limitem provincie inter Tinam, & Escam vallo ducto statuit? cuius adhuc multis in locis vestigia supersunt. Septimius autem Severus circa annum à Christo nato ducentesium decimum Britanniam ingressus, ultra limitem ab Adriano factum centum millia passuum ab æstuario Glottæ ad confluentem Forthæ & Auenni vallum duxit, cuius adhuc plurima, & perspicua remanent indicia. Accedit ad hæc, quod in antiquis monumentis nusquam comperimus summam rei Picticæ non Cameloduni fuisse, sed Abrenethij & regiam & primatis Episcopi sedem, quæ postea ad Fanum Andreæ translata est. Quod si quærat, quid Romanos impulerit, ut coloniam illuc deducerent, & quomodo eam in agro tam sterili, & tum (ut res erant) siluestri, & inculto, & hostiū ferocissimorum obnoxiam quotidianis iniurijs, aluerint, respondebunt opinor (nam non video quid aliud respondere possint) copijs maritimis eam fuisse sustentatam, quando aduerso Carronte tum naues ad vrbis vsq; portas appellere solerent. Id siquidem verum fuit, necesse esset agros ad vtranq; ripam Forthæ iacentes tum inundationibus Oceani obrutos, ac perinde steriles fuisse, quos tamen in illo tractu solos frumentarios esse oportebat. Illa prope difficilior occurrit quæstio, quod cum vtrinq; circa Fortham loca aquæ marinæ obtinerent, cur illic Romani non potius vallū finirent, quàm superuacuo labore vterius per multa millia passuum producerent? Ultra Sterlinensem agrum est Leuinia, à Renfroana præfectura Glotta, à Glascuensi Keluino amne diuisus, ab agro Sterlinensi montibus, à Taichia Fortha dirimitur: tandem in montem Grampij definit, ad cuius radices per vallem cauam Lominius lacus se explicat, viginti quatuor millia passuum longus, octo latus. Supra viginti quatuor insulas complectitur. Præter multitudinem aliorū pisciū habet & sui generis esu non insuaues: Pollacas vocant. Tandem crumpens meridiem versus Leuinum amnem, qui regioni nomen dedit, effundit: qui prope Britannodunū arcem, & eodem nomine oppidū in Glottam ingreditur. Leuinia partem extremā Grampij montis vltimi colles attollit, sinu maris exiguo, quem Gerlochū à breuitate appellant, intercisi. Ultra hunc est sinus multo amplior, quem Longū vocant à Longo qui in eum cadit fluuius. Is limes est inter Leuiniam, & Coualiam. Ipsa Coualia, Argathelia, seu potius Ergathelia, & Cnapdalia multis sinibus angustis ex æstuario Glottæ infusis, in multas partes dirimuntur. Vnus inter cetera insignis lacus Finis vocatur, à Fino fluuius, quem recipit. Is ultra sexaginta millia passuum in longitudinem porrigitur. Est & in Cnapdalia lacus Auus, in quo est insula exigua, & arx munita. Ex eo fluuius Auus effunditur: qui vnus in illis regionibus in mare Deucaledoniū exit. Ultra Cnapdaliā ad occidentem hibernū excurrit Cantiera, hoc est regionis caput, Hiberniæ occurrens, à quo modico freto dirimitur, ipsa longior quàm latior, adeo arctis faucibus Cnapdaliæ coniungitur, ut vix mille passus expleant, idque spatium nihil aliud quàm arena sit, adeo humilis, ut per eam nauculis tractis nautæ plerunq; nauigandi compendium quærant. Hanc attingit Lorna Argatheliæ adiacens, & vsq; ad Abriam pertinens: regio plana, nec infœcunda. Qua Grampius mons humilior est, & magis peruius Braid Albin regio vocatur, hoc est quasi altissimam Scotiæ partem dicas, ac vbi maxima pars illa attollitur Drum Albin, id est Scotiæ dorsum vocatur, nec omnino sine causa.

Ex co

Ex eo enim dorso flumina in vtrunque mare decurrunt, alia in septentrionem, alia in meridiem. Ex Ierno enim lacu Iernam fluuium in orientem hibernum fundit: qui in Taum illabitur ad tria millia passuum infra Perthū. Ab hoc fluuio cognomen accepit ad vtranque ripam affusa vetere Scotorū lingua Strathierna dicta. Strat enim regionem ad fluminum decursum iacentem appellare solent. Inter montes eius regionis, & Fortham porrigitur Taichia, à Taicho fluuio qui medium secat, nomen adepta. Excipiunt eam Ocelli montes, ipsi quidem magna ex parte, atque ager ad eorum radices adiacens in Iernensi praefectura censentur. Verum reliquum agri ad Fortham vsque ambitio in varias praefecturas dissecuit, Clacmananam, Colrossianam, & Kinrossianam. Ab his, & 10 Ocellis montibus quicquid agri à lateribus Fortha, & Taisclaudunt, in orientem angustè cuneatur ad mare. Ea vno nomine vocatur Fisa, omnibus rebus ad vsum vitae necessarijs sibi sufficiens: qua lacus Leuinus eam scindit, latissima: inde vtrinque se colligens in angustum vsque ad Caraliam oppidum. Amnem vnum, qui memoratu sit dignus Leuinum fundit. Totum litus frequentibus oppidulis praecingitur: e quibus maximè est memorabile propter bonarum artium studia Fanum Andree, quod prisca Scoti Fanum Reguli appellant. Interius in media ferè regione est Cuprum, quo reliqui Fisani ad ius accipiendum conueniunt. Qua Ierniam contingit, est Abrenethium vetus Pictorum regia. Hic in Taum influit Ierna. Ipse autem Taus è lacu Tao, qui est in Braid Albin viginti quatuor millia longo erumpit, fluuiorum Scotiae facile maximus. Is se ad 20 Grampium montem inflectens, Atholiam attingit regionem fertilem in ipsis Grampij saltibus collocatam. Eius partem sub radicibus montis in planitiem explicatam Blaram vocant, quæ vox liberum arboribus solum significat. Infra Atholiam ad dexteram Tai ripam sita est Caledonia oppidum, vetus tantum nomen retinens, vulgo Duncaldem, hoc est tumulus corilis consitus. Corijus enim cum per inculta se latissimè funderet, & silvarum opacitate agros tegetet, & oppido & genti nomen dabat. Caledones enim, aut Caledonij gens olim inter Britannorum clarissimas alteram partem regni Pictorum faciebant, quos Ammianus Marcellinus in Caledones, & Vecturiones diuidit, quorum nunc vix nominis vestigium aliquod superest. Infra Caledoniam ad 30 duodecim millia passuum in eadem dextra ripa est Perthum. Ad sinistram ripam sub Atholia ad orientem spectans est Gorea frumentarijs campis nobilis. Et sub hac iterū inter Taum, & Escam porrecta Angusia, siue, vt prisca Scoti loquuntur, AEncia. Sunt qui Horestiam, aut iuxta dialectum Anglorū Forestiam dictam putent. In ea sunt vrbes Cuprum, & quod Boethius patriæ suæ gratulans ambitiosè Deidonum vocat. Vetus enim nomen Taodunum fuisse reor, à Duno, id est colle ad Taum sito, sub cuius radicibus oppidū est extructū. Extra Taum ad xiiii. millia passuum recto littore occurrit Abrenethea, alio nomine Abrinca. Deinde Rubrum promontorium satis longè conspicuum. Esca fluuius cognomento Australis mediam secat: alter Esca Septentrionalis eam à Mernia diuidit. Ea ex magna parte solo est campestri, & plano, donec ultra Fordunum, & Dunotrum Comitum Martialis arcem occurrat Grampius paulatim se demit- 40 tens, & in mare subsidens. Ultra eam ad septentriones est Dena, vulgo Dæ fluminis ostium: & plus minus mille passus ulterius Dona. Ad alterū Abredonia est salmonum piscatu nobilis, ad alterum Episcopi sedes, & scholæ publicæ omnium ingeniarum artium studijs florentes. Hanc citeriorum inuenio vetustis monumentis Abredeam appellatam. Nunc vtrunque oppidum Abredonia Veteris & Nouæ cognominibus distinctum vocatur. Ab hac tam angusta fronte inter hæc flumina incipit Martia, ac sese paulatim dilatans ad sexaginta in longitudinem milia se protendit Badenacham vsque. Ea regio perpetuo dorso continetur, & in vtrunque mare flumina euergit. Badenacha confinis est Abria, ad mare Deucaledonium modice prona, regio (vt inter Scotos) imprimis copiosa maritimis, & terrestribus commodis. Est enim & frumentis, & pascuis 50 imprimis felix, & præterea nemorum umbris, & riuulorum fontiumque amoenitate iucunda. Piscium verò prouentu adeo fertilis, vt nulli prope Scotiae regioni cedat. Nam præter fluuiatilium copiam quam tot riuus sufficiunt, mare longo canali per planum solum infusum penetrat: ibique terræ paulo altiore margine coercitū se latius diffundit,

R E R V M S C O T I C A R V M

ac speciem stagni, aut verius lacus præbet: vnde Abriam, id est stationem, patrio sermone appellant. Idem quoque nomen regioni circum circa vicinæ dant. Qui Anglicè loquuntur vtranque, hoc est & sinū illum maris, & regionem perperam, & absurdè Lochabrian vocant. Hæ tres regiones Abria, Badenacha, & Marria latitudinem Scotiæ inter duo maria complectuntur. Ad plagam septentrionalem proxima Marriæ est Buchania, Dona fluuiio ab ea diuisa. Ea omnium Scotiæ regionum longissimè se in mare Germanicum exporrigit. Pascuis ouiumque prouentu admodum felix, cæteri q; commodis ad vitam necessarijs sibi sufficiens. Fluuij eius cum salmonibus abundant, Rarum amnem tamen id genus piscis non ingreditur. Est in eius littore spelunca, cuius natura prætereunda non videtur. Aqua è naturali fornice guttatim destillans statim in lapidum pyramidas vertitur, ac nisi opera hominum antrum subinde purgaretur, spatium vsq; ad fornitem breui completeretur. Lapis autem qui ita gignitur velut medianam naturam inter glaciem, & saxū obtinet: est enim friabilis, neque ad marmoris duritiem vnquam consolidescit. Nos cū Tolosæ essemus circiter annum salutis MD. XLIV. accepimus ex hominibus fide dignis similem per omnia huic speluncā esse in proximo Pyrenæo. Ultra Buchaniam ad septentriones duæ sunt regiunculæ Boina, & Ainia, quæ vsque ad Spæam flumen pertinet, qui separat eas à Moravia. Oritur autem Spæa à dorso Badenachæ, cuius meminimus: nec longè ab eius fonte lacus est, vnde erumpit Lutea, ac se in occidentum mare deuoluit. Ad ostium eius ferunt oppidum nobile fuisse, à fluuiio Ennerluteam nuncupatum. Certè siue terræ vicinæ spectes ingenium, siue nauigationis, & subuedtionis maritimæ commoditatem, locus est admodū emporio aptus. Prisci quoq; Reges has opportunitates secuti aliquot sæculis ibi habitauerunt in Euonia arce, quam nunc multis falso persuasum est esse Stephanodunum. Eius enim arcis rudera, & vestigiū adhuc in Lorna monstrantur. Sunt regiunculæ aliquot exiguæ inter Buchaniam, & mare occidentum interiectæ: sed cū nihil habeant insigne, ac narratu admodum memorabile, non est quod in eis explicandis immoremur. Ultra Spæam vsque ad Nessum sequitur Moravia, olim (vt creditur) Varar dicta. Inter eos amnes Oceanus Germanicus velut retro in occidentem terram agens, sinu vasto eius laxitatem castigat. Tota quanta est hæc regio frugibus, & pascuis foecunda, amoenitate verò, & fructiferarum arborum prouentu totius regni facillè prima. Duo memoratu digna habet oppida, Elginam ad Loxiam amnem, qui nomen antiquum adhuc retinet, & Nessum ad cognominem fluuium. Nessus à lacu Nesso longo viginti quatuor millia effluit. Aqua semper ferè tepida, nec vnquam ita frigida vt congelet. Quin & asperissima hieme fragmina glaciæ in eum inuecta tepore aquarum breui solvuntur. Ultra Nessum lacum occidentem versus octo millia continentis terræ protenduntur. Tantillum sanè est, quod obstat, quo minus maria cocant, & quod reliquū est Scotiæ insulam reddant. Nam quod spatij ab ijs faucibus ad mare Deucaledonium interijcitur, ferè sinubus maris in terram irrupentis est intercisum. Quod ultra Nessum, & fauces illas angustas est interiectum in quatuor prouincias solet diuidi, Nauerniam, seu vt vulgò Stranauerniam, à flumine Nauerno dictam. Ultra ostium Nessi, qua mari Germanico immergitur est Rossia, in mare promontorijs altioribus excurrent: quod & nomen ipsum indicat. Ros enim Scotis promontorium significat. Ea tota longior est, quàm latior. Nam à mari Germanico ad Deucaledonium porrigitur, qua in montes attollitur aspera, & inculta: qua se in campos explicat frugum fertilitate nulli prope Scotiæ agro inferior. Valles habet amœnas piscosis amnibus irriguas: lacus piscosos complures, sed maximū omnium Lubrum. A mari Deucaledonio littus paulatim se castigat, & in orientem æstiuum reflectit. Ab altero littore mare Germanicū inter rupium excelsum scopulos iter sibi pandens interius in sinum se spatiosum explicat aduersus omnes tempestates portum salutiferum, ac certum perfugium. Est enim ingredientibus non difficilis aditus, intus verò aduersus omnes cæli, marisque iniurias tutissima statio quantumlibet magnis classibus. Proxima Rossia extremæ septentrionem versus est Nauernia, à Nauerno amne appellata: quam vulgò proprietatem sermonis patrij secuti Stranauerniā appellant. Eam à meridie Rossia claudit, ab occasu & septentrione mare Deucaledonium

nium eam alluit, ab oriente Cathanesiam contingit. Sutherlandia his omnibus ita in-
 teriecta est, ut omnibus sit finitima, atque ab aliqua regione celi eas contingat. Nam ab
 occidente Stranauerniam, à meridie & oriente Rossiam, à septentrione Cathanesiam
 habet obiectam. Cultores magis ex natura regionis pascuo, quam aruodediti. Nihil in ea
 quod sciam singulare, nisi quod montes candidi marmoris habet, rarum in regionibus
 frigidis miraculum, & propè in nullos usus comparatum, quod nondum eius affectatrix
 luxuria eo immigrarit. Cathanesia vltima ad septentrionem Scotiae regio est: qua in
 10 plaga ei Nauernia occurrit: hæc, duæ regiones Scotiae latitudinem in frontem angustam
 contrahunt. In ea fronte tria attolluntur promontoria. Altissimum in Nauernia, quod
 20 Prolemæo est Orcas, siue Taruedum: reliqua duo nequaquam æque sublimia in Catha-
 nesia sunt, Veruedrum, nunc Hoia, & Betubium, falsò Hectori Boëthio Dume appella-
 tum, nunc Dunis Bei vulgò dicitur, alij Duncans Bei vocant. Ex hoc nomine aliquot
 literis exemptis vox Dunis Bei facta videtur. Ad radicem collis sinus est permodicus, quo
 portu nauiculæ ab insulis Orcadibus appulsæ vtuntur. Sinus autem maris vulgò Bei
 vocatur. Hic igitur sinus cum Duncani, vel Donachi sinus à vicinis appellaretur, ex his
 vocabulis utrunque coniunctis sermo popularis Dunis Bei effinxit. In hoc tractu Pro-
 lemaeus collocat Cornauios, cuius nominis adhuc vestigia quadam restant. Arcem enim
 30 Comitum Cathanesiae vulgò Gernico vocant. Nam qui Prolemæo, & exteris Cornauij
 sunt, Britannis Kernici fuisse videntur. Nam cum non in hoc tractu modò, sed in diuer-
 40 sissima insulæ parte, nempe in Cornouallia Cornauios ponat eosdem, qui vetustum
 sermonem Britannicum retinent adhuc Kernicos vocant. Ac fortasse non absurdè iu-
 dicabit, si quis Cornouallos pro Kernicouallis, id est Kernicis Gallis dictos existimaue-
 rit. Videntur & in media insula obscura quidem illa, sed huius tamen nominis vestigia
 remansisse. Valli enim Seueri initium scribit Beda non procul abesse à Cœnobio Ke-
 bercurnig, & monasterij quidem illic nullum indicium in illis locis est relictum. Ma-
 net autem non procul illinc semidiruta Duglassiorum arx Abrecornum nomine. Ho-
 rum autem vocabulorum utrunque, an alterum sit à Kernico corruptum, lectori diu-
 dicandum relinquo. Restat nunc ut de insulis aliquid dicamus (quæ pars historiae Bri-
 tannicæ maximis erroribus est implicata.) Sed omissis vetustioribus, à quibus nihil certi
 50 nobis est traditum, quæ ab hominibus nostri temporis & verius, & apertius sunt pro-
 dita prosequemur. Insularum omnium, quæ Scotiam veluti coronant, tres fecerunt vel
 classes, vel ordines, Occidentales, Orcadas, & Zelandicas. Occidentales appellant, quæ
 ab Hibernia pene ad Orcades, in mari Deuceledonio lateri Scotiae Occidentali præten-
 duntur. Eas, qui nunc aut patrum ætate aliquid de rebus Britannicis scripto euulga-
 runt Hebridæ appellant, nomine certè nouo, & cuius nullam originem, aut vestigium
 è scriptoribus priscis ostendunt. In illo enim maris tractu alij AEbudas, vel AEmodas
 collocarunt: sed tanta inter se inconstantia, ut vix vnquam in numero, situ, aut nomi-
 nibus conueniant. Straboni (ut ab antiquissimo incipiam) fortasse venia danda sit, quod
 ea parte orbis nondum satis explicata, famam incertam secutus videri possit. Mela He-
 40 modas septem, totidem Martianus Capella Acmodas, Prolemæus & Solinus quinque
 AEbudas, Plinius septem Acmodas, & triginta AEbudas numerat. Nos in nominibus
 frequentissima antiquis retinebimus: AEbudasque omnes Occidentales insulas appel-
 labimus. Situm, & singulorum naturas, commoditatesque ex auctoribus ut recentiori-
 bus, ita multo certioribus recensebimus. In primis autem Donaldum Monroum se-
 quemur, hominem & pium, & diligentem, qui eas omnes & ipse peragravit, & oculis
 perlustravit. Hæ verò in mari Deuceledonio sparsæ iacent, numero supra trecentas, &
 50 Ab vltimis vsque temporibus omnes Scotorum Reges eas tenuerunt vsque
 ad Donaldum Milcolumbi Tertij fratrem: qui eas Regi Noruegiæ cessit, ut eius opera in
 regno Scotorum aduersus ius, fasque occupandum adiungetur. Tenuere eas Dani,
 & Noruegi circiter annos centum sexaginta, donec ab Alexandro Tertio Scotorum
 Rege ingenti prælio victi eis cesserunt. Tentarunt interdum & viribus freti, & seditio-
 nibus adducti se in libertatem vindicare, & sibi Reges creare. Regium enim nomen cum
 alij, tum non adeo pridem Ioannes è Donaldina familia vsurpauit. In victu, vestitu,

RERVM SCOTICARVM

totaq; rei domestica ratione antiqua vtuntur parsimonia. Opsonatio illis est venatus,
 & piscatio. Carnem aqua in omasum, aut caesi pecoris pellem infusa coquunt: in ve-
 nationibus interim sanguine expresso cruda vescuntur. Pro potu est ius carnis elixa-
 rum. Serum lactis aliquot annos seruatum in contritijs etiam auidè bibunt. Id portio-
 nis genus Blandium appellant. Maior pars aqua sitim sedat. Panem ex auena, & hordeo
 (quæ sola frugum genera in illis regionibus proueniunt) conficere non iniucundum
 ex diuturno vsu peritla quadam adhibita consueuerunt. Manè ex eo paulum degustant,
 eoq; contenti venantur: aut si quid aliunde operis est obiectum, vsque ad vespertum
 cibo abstinent. Veste gaudent varia, ac maxime virgata: colores amant maxime purpu-
 reum, & ceruleum. Maiores sagis versicoloribus plurifariam distinctis utebantur, vt 10
 adhuc plarisque mos est. Verum plures nunc magis fuscas, & ericæ frondes proximè
 imitantes, ne in ericetis cubantes lucè florida vestis agnosci possint, ferunt. His inuolunt
 potius, quàm tecti sæuissimas tempestates sub dio tolerant: ac interdum niuib; obruti
 fomnum capiunt. Domi etiam suæ humi cubant. Substernunt silices, aut ericam: sed
 hanc radicibus deorsum, frondibus sursum versis: adeoque scite hac ratione lectos con-
 cinnant, vt mollicie cum pluma certent, salubritate longè superent. Erica enim natu-
 rali siccandi vi prædita superuacuos humores exhaurit, neruisque eorum molestia li-
 beratis suum vigorem restituit: ita, vt qui vespere languidi, & lassī decubuerunt, manè
 vegeti, & alacres resurgant. Omnibus non negligentia modò in culcitrīs, & stragula
 veste, sed affectatio inculti horroris, & duritiæ summa est. Si quando vsus, aut necessi- 20
 tas eos in peregrinum solum trahit, culcitrās, & hospitum stragula humi prouoluunt,
 ac suis vestibus inuolati se quieti componunt: solliciti videlicet, ne barbara illa (vt ipsi
 vocant) mollicies patriam, & ingenuam duritiem contaminet. In bello autem quibus
 corpora regant arma sunt cassis ferrea, & lorica ferreis annulis confecta, plarunq; ad
 talos vsque demissa. Tela aduersus hostem arcus, & sagittæ maxima ex parte hamatæ
 ferreis vtrinque barbulis eminentibus: quæ nisi vulnere latè patefacto è corpore extra-
 hi non possunt. Sunt qui ensibus latis, aut securibus pugnent. Loco tubæ tibia vtuntur
 vtriculari. Musica maxime delectantur: sed sui generis fidibus: quarum alijs chordæ
 sunt aeneæ, alijs è neruis factæ, quas vel vnguibus prælongis, vel plectris pulsan. Vnica
 autem illis ambitio est, vt fides multo argento exornent, & gemmis. Tenuiores pro 30
 gemmis cristallum adhibent. Accinunt autem carmen non inconcinne factum, quod
 ferè laudes fortium virorum contineat: nec aliud ferè argumentum eorum Bardī tra-
 ctant. Vetere Gallorum sermone paulum vtuntur. Insulæ circa Scotiam, quæ prisca
 vtuntur lingua, quæque Occidentales vocantur, ita ferè se habent. Prima omnium est
 Mana, falso quibusdam dicta Mona, ab antiquioribus Eubonia: à Paulo Orosio Meua-
 nia, aut potius Manauia. Prisca enim lingua Manim dicitur. Superior atas opidum in
 ea Sodoram appellabat: in qua Insulanorum Episcopus sedem habebat. AEquo ferè
 spatio ab Hibernia, Gallouidia Scotiæ, & Cumbria Angliæ provincia sita est. Viginti
 quatuor millia passuum in longum, octo in latum protenditur. Proxima in æstuario
 Glottæ surgit Alisā, rupes ardua vndique præter vnum aditum præceps. Toto ferè anno 40
 humano cultu vacua, nisi quod statis temporibus nauicularum ingens numerus ad
 asellos piscandos eo conueniat. Frequens est cuniculis, auibusque marinis, eoq; ma-
 xime genere anserum, quas Solanas vocamus. Ex æquo ferè spectat ad orientem biber-
 num Carietam, ad occidentem hibernum Hiberniam, ad occidentem æstiuū Kinteram.
 ad viginti quatuor millia ab hac sita est Arania, ferè in septentriones vergens: longa
 viginti quatuor millia, sedecim lata. Tota in altissimos, atque asperrimos montes assur-
 git. Sola maritima ora colitur. Mare qua humilior est, irrumpens in ea sinum satis
 magnum facit cuius aditum claudit insula Molas. Itaque montibus vndique se attol-
 lentibus, ac ventorum impetum frangentibus portus nauibus intus est tutissimus: & in
 aquis perpetuò tranquillīs piscatio adeo copiosa, vt si quid vltra, quàm quod in vnum 50
 diem sit satis capiat, accolæ in mare, tanquam in piscinam id proijciant. Nec longè
 ab Araniæ litore iacet insula exigua Flada cuniculorum feracissima. Bota octo millia P.
 longa, quatuor lata interius in æstuario Glottæ sita est, ab Arania (vti dictum est)
 octo

octo millia passuum ad orientem æstium distans. Ab occidente æstiuo abest ab Argathelia plus minus quingentos passus, ad orientem à Cunigamia sex millia P. Tota ferè humilis est, & frugibus, & pascuis satis commoda. Vnam habet insulæ cognominem urbem, & in ea veterem arcem Rosaiam. Aliam habet arcem ad sinum, qui sermone patrio Cames, hoc est Kampfos, vocatur. Ad occidentem hibernum est insula Mernoca humilis, & pro magnitudine fertilis, & culta: mille passuum longa, quingentos lata. Interius in æstuario Glottæ sunt Cumbra maior, & minor, modico spatio discrepant: maior frugum, minor platyceroton ferax. A promontorio Cantera paulo plus mille passus abest Auona, id est portuosa: id cognomen adepta ab statione navium: quòd cum Dani insulas tenebant, ad eam classes eorum cursus dirigebant. Ab eodem promontorio ad occidentem hibernum contra Hiberniæ litus porrecta est Raclinda. Et à Kintera quatuor millia exigua insula Garaia: nec longè ab ea sita est Gigaia sex millia longa, mille & quingentos lata. Ab hac quatuor & viginti in longum porrecta abest Iural. Duodecim autem millia distat à Gigaia. Maritima cultu satis frequentia sunt: interiora siluis operta ceruorū varij generis copia abundant. Sunt qui existiment eam antiquitus Deram fuisse nominatam: quod nomen ceruum Gothico sermone significat. Ab hac duo millia abest Scarba, ab oriente in occidentem quatuor millia passuum in longitudinem excurrent, mille lata: raris in locis ab hominibus culta. A Æstus maris inter eam, & Iuram tam violens est, ut nec velis, nec remis, nisi certis tempestatibus superari possit.

20 Post hanc multæ ignobiles insulæ deinde sparguntur, Bellach, aut Genistaria, Genrastilla, Longaia, utraque Fiola. Tres item Garuæ cognominibus distinctæ, Culbrenina, Dumichonel, Luparia, Belnahua, Vikerana, Vitulina, Luinga, Scila, Seuna. Hæ tres proximæ pecore, & frugibus satis fecundæ Argatheliæ Comitibus parent. Proxima his Sclata, quòd è rupe eius regulæ, quas Sclatas vocant, exciduntur. Deinde Naguifoga, & Eisdalfa, ac Skennia, & quæ vocatur Thiana, ab herba frugibus noxia non dissimili Luteæ, nisi quòd magis diluto sit colore, & Vderga, & insula Regia, mox Duffa, hoc est nigra, atque insula Ecclesiæ, & Triaracha. Deinde insula Ardua, Humilis, & Viridis, & Erica. Item Arboraria, Capraria, Cunicularia, & quæ Ociosorum dicitur, & Abridica. Item Lismora, in qua olim sedes Episcopalis Argatheliæ fuerat, longa octo millia

30 passuum, lata duo. In ea præter communia cum cæteris commoda, metalla inveniuntur. Deinde Quilia, & Siuna, insula Traiectus, insula Ouicularis. Item Flada, & insula Saxi, & Gressa, & insula Magna, & Ardiescara, & Mnsadilla, & Bernera, olim sacrosanctum asylū dicta, Silva taxi nobilis, Molochasgit, Drinacha spinis, sambuco & magnarum adiū ruinis operta. Insula Vici fabricorum siluæ fertilis. Item Ransa, & Keruera. Maxima post Iuram ad occidentem est Ila, longa viginti quatuor millia, sedecim lata: à meridie in septentrionem porrecta: pecorum, frumenti, ceruorum, item plumbi fertilis. Amnem aquæ dulcis habet nomine Laiam, item aquæ marinæ sinum, in quo insulæ variae. Præterea aquæ dulcis lacum, in quo est insula Falangama dicta, olim omnium Insularum regia, in qua insularum Regulus assumpto nomine regio solebat habitare. Huic propin-

40 qua, sed minor est insula Rotunda: cui etiam à consilio nomen est inditum. In ea enim curia erat, in qua quatuordecim è primoribus ius assidue dicebant, ac de summa rerum etiam agitabant consilia: quorum summa æquitas, & moderatio pacem domi, forisquæ præstitit, & pacis comitem rerum omnium affluentiam. Inter Ila & Iuram sita est insula parua à cunplo lapidum cognominata. Ad australe latus Ila iacent hæ deinceps insulæ Colurna, Mulmoris, Ofrima, Brigidana, Corfkeria, insula Humilis, Imerfga, Beathia, Texa, Ouicularia, Naosiga, Rinarda, Cana, Tarscheria, Achnarra, insula Magna, insula figuræ humanæ, insula Ioannis, Stacbadis. Ad occidentalem Ilae angulum Ouerfa. Ibi quoque fretum torrentissimum nisi certis horis impermeabile est navibus. Insula Mercatoris: & ad occidentem æstium spectans Vfabrasta, & Tanasta, & Nefa, & insula

50 Textoris, & ad octo millia ab Ila magis in septentriones versæ Oruanfa, & ei proxima Porcaria & quingentos passus ab Oruanfa Coluanfa. Ultra Coluanfam ad septentriones iacet Mulla, duodecim millia passuum distans ab Ila. Hæc insula quatuor & viginti millia in longum, totidem in latum porrigitur: aspera quidem illa, sed frugum

RERVM SCOTICARVM

non infœcunda. Habet siluas frequentes, magnosque ceruorum greges, portumque
 satis tutum. Ex aduerso insulæ Columbi habet duos amnes salmonum fœcundos:
 alios item minores non omnino steriles: duos item lacus, & in singulis singulas insulas,
 suasque in eis arces. Mare diuersis in locis irrumpens quatuor facit sinus, omnes hale-
 cum abundantes. Ad occidentem hibernum sita est Columbaria, siue insula colum-
 barum: ad orientem æstiuum Era: vtraque pecori, & frumentis, & piscatui commo-
 da. Ab ijs duo millia passuum abest insula D. Columbi, longa duo millia passuum,
 supra mille lata, fertilis quidem omnium, quæ ea cæli plaga gignere solet, & veteribus,
 vt in ea gente, monumentis illustris: sed D. Columbi seuera disciplina, & sanctitate
 clarior. Erant in ea duo monasteria, alterum Monachorum, alterum Monacharum: 10
 curia vna, siue (vt nunc loquuntur) parochialis ecclesia, multaue facella ex munifi-
 centia Regum Scotorum, & Regulorum Insulanorum. In Cœnobio veteri D. Colum-
 bi insularum Episcopi sedem statuerunt, vetere domicilio, quod erat in Eubonia, ab
 Anglis capto. Remanet adhuc inter veteres ruinas sepulcrum, siue cœmeterium
 commune omnium nobilium familiarum, quæ in occidentalibus insulis habitabant.
 Eminent inter ceteros tumuli tres modicis intervallis distantes tribus impositis do-
 munculis in orientem versis. In occidentali cuiusque parte lapis inscriptus quorum tu-
 muli sint, indicat. Qui medius est titulum habet, T V M V L V S R E G V M S C O T I A E.
 Ferunt enim quadraginta octo Reges Scotorum ibi fuisse humatos. In dextro incisus
 est titulus, T V M V L V S R E G V M H I B E R N I A E. Quatuor enim Reges Hiberniæ 20
 illic conditi fuisse dicuntur. Qui est in sinistra parte inscribitur, T V M V L V S R E-
 G V M N O R V E G I A E. Huius enim gentis octo Reges illic fuisse sepultos fama est.
 In reliquo cœmeterio seorsum claræ Insulanorum familiæ habent sua conditoria. Cir-
 ca eam sex proximæ insulæ exiguæ, nec tamen infœcundæ, ab antiquis Regibus, & In-
 sularum Regulis Cœnobio Columbar donatæ fuerunt. Soa etsi ouibus commoda
 habet pascua, maior tamen prouentus est ex auium marinarum incubatu, & maxime
 ex ouis. Proxima est Mulierû insula, ac deinde Rudana, mox Reringa. Post eam Skennia
 quingentos passus à Mulla distans. Habet suum parochum: sed parochiani magna ex
 parte in Mulla habitant. Litora cuniculis abundant. Ab hac mille passus abest Eorfa.
 Hæ omnes Cœnobij Columbi Monachis parent. Ab Eorfa duo millia abest Vlva, quin- 30
 que millia passuum longa, frumento, & pascuis pro magnitudine fœcunda. Habet sta-
 tionem nauibus longis commodam. Australi eius lateri prætenditur Coluanfa: agrum
 habet non infœcundum, ac siluam columnam. Ab hac ferè trecentos passus sita est Go-
 matra, duo millia longa, mille passus lata, à meridie in septentrionem excurrans. Deinde
 à Gomatra quatuor millia passuum meridiem versus Stafa, vtraque portuosa. Quatuor
 ab hac millia passuum ad occidentem æstiuum recedunt duæ Kerniburgæ, maior, & mi-
 nor rupium ita circumuallatæ præcipitijs, & æstu torrentissimo, vt naturali munimento
 industria adiuto sint planè inexpugnabiles. Ab his mille passus distat insula, cuius terra
 ferè tota est nigra ex putribus vetustate siluis, & mosco concreta. Eius glebas ad vsum
 ignis desiccant: inde dicta insula Monadum: nam ita genus illud terræ vocant, quæ 40
 Anglico sermone Mossa dicitur. Deinde Lunga, duo millia in longitudinem porrecta:
 dimidio minor Baca. Ab hac ad occidentem sex millia recedit Tireia, octo millia longa,
 tria lata, omnium insularum omnibus ad vitam rebus necessarijs longè copiosissima.
 Nam & pecore, & frumento, piscatu, & marinarum auium foetu abundat. In ipsa est la-
 cus aquæ dulcis, & in ea vetus arx: habet & portum longis nauibus non incommodum.
 Hinc duo millia abest Gunna: & à Gunna pari spatio Colla duodecim millia longa,
 duo lata, imprimis fertilis. Nec procul hinc est Calfa, tota propè siluis operta. Post duæ
 insulæ cognominatæ Virides, maior, & minor. Item toridem eisdem cognominibus ex
 aduerso promontorij Mullæ. Iacent non longè ab ea duæ insulæ cognominatæ Glassæ,
 hoc est ceruleæ. Deinde Ardan ridir, id est alta insula equitis. Deinde Luparia, siue insu- 50
 la luporum. Post eam insula Magna. A Colla insula septentrionem versus protendi-
 tur ab oriente in occidentem sedecim millia longa, sex lata montibus arduis, & siluosis
 assurgens Ruma, & quia raris in locis habitata est, aues marinæ passim in campis oua
 ponunt,

ponunt, quorum quantum libet quivis vere adulto colliget. In rupibus excelsis marini anseres (de quibus antè à nobis dictum est) abundè capiuntur. Ab ea quatuor millia ad orientem hibernum est insula Equorum: & ab ea quingentos passus Porcaria, pro magnitudine rerum necessariarum abundans. Nidificat in ea falco: habet & portum satis commodum. Non longè ab hac sunt Canna, & Egga modica insula satis foecunda, posterior etiam anseribus marinis, quas Solanas vocant. Deinde Soabretilla, venari quàm alijs vitæ commodis aptior. Hinc à septentrione in meridiem porrigitur Skia omnium insularum circa Scotiam maxima: quadraginta duo millia passuum longa, alibi octo, alibi duodecim lata, in montes pluribus locis se attollens, ipsi silvis, silvæ pascuis abundant, campi frugum & pecorū fertiles: in his præter alia pecora greges equarū. Quinque annes habet maiores salmonum foecundos: multos etiam minores, nec eos salmonum steriles. Mare ab omni parte in terram penetrans multos aquæ salis sinus facit, tres præcipuos, tredecim item alios, omnes halecum foecundos. Habet & lacum aquæ dulcis, & quinque arcès. Insula priscorum Scotorū sermone Skianacha, hoc est alata vocatur, quod promontoria, inter quæ mare se infundit, velut alæ se obtendunt. Vfus tamen obtinuit, ut Skia, id est Ala vulgò diceretur. Circa hanc sparsæ iacent insulæ minores Oransa frugibus & pecore, Cunicularia nemoribus & cuniculis abundans. Paba latrocinij infamis, quod in eius silvis prædones transeuntibus insidias locant. Inde Scalpa octo millia ad æstivum occidentem sita. Præter alia commoda magnos ceruorum greges in silvis alit. Inter ostium Caronis sinus, & Raarsam iacet Grulinga statio nauibus tuta. Et à Scalpa duo millia in septentriones porrigitur Raarsa septem millia longa, duo lata: silvas habet Betuleas, & in eis ceruos. Quingentos ab ea passus est Rona silvis & erica operta. Portum in intimo sinu habet latrocinij infestum prætereuntibus, insidijs regendis aptum: & in sinus (qui à breuitate Gerloch vocatur) ore est eiusdem nominis insula. Et à Rona sex millia septentrionem versus Flada, & à Flada duo millia Tuilmenna, & ad australe Skiæ latus Oransa, & mille P. ab ea Buia parva, deinde Buia maior, ac deinceps quinque parvæ insulæ ignobiles: post quas Isa fertilis frugum: & iuxta eam Ouia: deinde Askerma, & Lindilla, & ad octoginta millia à Skia ad occidentem æstivum proiecta Linga, & Gigarmena, & Bernera, & Megala, & Paba, & Flada, & Scarpa veruecum, & Sandera, & Vaterfa, quæ præter alia commoda plurima stationem habet multarum, & magnarum nauium capacem, in quam ex omnibus circumiacentibus regionibus statis temporibus magna piscatorum frequentia convenire solet. Hæ novem postremæ insulæ sub dominatu sunt Episcopi insularum. A Vaterfa duo millia abest Barra septem millia longa, ab occidente hiberno se ad orientem æstivum exportigens: frugum non infœcunda: piscatu asellorum maximè insignis. In hanc sinus maris angustis faucibus infunditur: interius latius rotundatur. Insulam habet vnam, & in ea arcem munitissimam. In septentrionali plaga Barræ assurgit collis, ab imo ad summum herbida: è summo ebullit fons aquæ dulcis, è quo riuus qui defluit, secum in mare vicinum deferret velut minuta quædam, sed adhuc informia animalia, quæ aliqua ex parte, sed obscure speciem conchularum, quas vulgò vocamus Cochleas, præferre videantur. Hanc litoris partem in quam deferuntur accolæ magnas arenas appellant, quod ibi recedente maris æstu ultra mille passus arena nudetur: illinc magnæ conchæ effodiuntur, quas vicini credunt ex illo velut seminio, quod riuus è fonte deferret aut nasci, aut certè in mari incrementum sumere. Inter Barram, & Vistum iacent hæ deinceps exiles insulæ, Orbanfa, Ouia, Hakersæta, Garulanga, Flada, Buia maior, Buia minor, Haia, Hellisaia, Gigaia, Lingaia, Feraia, Fudaia, Eriscaia. Ab his in septentriones excurrit Vistus, longa triginta quatuor, lata sex millia. Hæc insula influente duobus in locis maris æstu trium velut insularum speciem præbet: rursus nudatis æstu recedente arenis in vnam coit. In ea plurimi sunt lacus aquæ dulcis: sed vnus præcipua magnitudine tria millia passuum longus. Ad hunc exesa terra mare viam sibi patefecit, nec ab incolis obiecto sexaginta pedum aggere excludi potuit quo minus inter ingentia saxa malè coagmentata se insinuet, & marinos pisciculos per sæpe relinquat. In eo piscis capitur cætera salmoni similis, nisi quod ventre albo, dorso nigro sit, & sine

R E R V M S C O T I C A R V M

squamis instar salmonis. Item in eo prope innumeri sunt aquæ dulcis lacus. Speluncas habet erica rectas latronum latibula: in ea sunt quinque ad sacrorum usum Curia. Inde octo millia orientem versus iacet Helscher Vetularū, ita reor cognominata, quod ad Monachas Ionæ insulæ spectet. Deinde paulo longius ad septentriones se attollit Haneskera, in quam certo anni tempore vituli marini frequentes appellant, & capiuntur. Sexaginta ferè ultra hanc millia ad occidentem æstium recedit Hirta, frugum, pecorum, ac maximè ouium ferax, procerioresque gignit, quàm vlla aliarum insularum. Incolæ prope omnium artium, ac maximè religionum rudes. Eò post solstitium æstium dominus insulæ procuratorem suum ad vectigalia colligenda mittit, & vnà cum eo sacerdotem, qui pueros proximo anno natos baptizet: is autem si fortè desit, suos quisque baptizat. Domino pendunt certum numerum vitulorum marinarum, & sole duratorum veruecum, & auium marinarum. Tota insula non superat longitudinem mille passuum, totidem prope lata, nec ab vlla aliarum insularum videri pars eius vlla potest, præter tres montes in litore se attollentes, qui ex locis editioribus cernuntur. In ijs montibus sunt oues eximiae pulchritudinis: sed ob violentiam æstus marini vix cuiquam est ad eos aditus. Iam vt ad Vistum redeamus, à promontorio eius septentrionali sita est insula Valaia mille passus lata, duplo longior. Inter promontorium, & Haream insulam hæ ferè sunt interiectæ exiguae quidem, sed non infrugiferae Soa, Stroma, Pabaia, Barneraia, Enisaia, Keligira, Saga parua, Saga magna, Hermodraia, Scaruaia, Gria, Linga, Gillinsa, Hea, Hoia, Ferelaia, Soa parua, Soa magna, Ila, Seuna parua, 20 Seuna magna, Taransa, Slegana, Tuemen, & supra Haream Scarpa, & ad occidentem æquinoctialem supra Leogum quinquaginta millia absunt septem insulæ, quas alij Flauanas, alij Sacras, Asyla vocant, in montes herbidos consurgentes, sed ab omni humano cultu deserta. neque quadrupedem ferè vllum præter oues feras habent, quæ quidem à venatoribus capiuntur, sed ad nullum victus usum. Carnis enim loco aruinam habent: aut si quid sit carnis, id adeo insuaue est, vt nemo attingat, nisi in extremo famis periculo. Deinde prope eodem tractu propius septentrionem iacent Garuellan, id est aspera insula, & Lamba, & Flada, & Kellasa, & Bernera parua, Bernera magna, & Kirta, & Buya parua, & Buya magna, & Vexaia, & Pabaia, & Sigruma magna, Cunicularia ab eius animalis foecunditate vocata, & Sigruma parua, & Pygmaeorum 30 insula. In hac fanum est, in quo credunt vicini populi olim Pygmaeos fuisse humatos. Multi exterorum terra altius effossa repperunt, & adhuc deprehendunt capita parua, & rotunda, aliarumque corporis humani partium ossicula, nihil famæ vetustæ derogantia. In eo litore Leogi insulæ, quod in orientem hibernum spectat duo sinus maris in terram irrumpunt, quorum alterum lacum Meridionalem, alterum Septentrionalem vocant. Vterque toto anno pisces abundè captantibus suppeditat. Ex eodem litore Leogi magis ad meridiem vergit Fabilla: deinde Adami insula: deinde insula Agnorum. Item Hulmena, & Viccoilla, & Hauerera, & Laxa, & Era, & insula Columbi, & Tora, & Iffurta, & Scalpa, & Flada, & Seuta. Ad orientale latus huius insulæ iter est subterraneum, supernè fornicatum, longum ultra iactum sagittæ, sub quam cryptam 40 nauiculæ minores velis, aut remis agi solent, dum fugiunt violentiam æstus, qui ad propinquum promontorium magno cum fragore, & nauigantium periculo sæuit. Magis ad orientem iacet insula, quam Vetustum Castellum appellant, locus naturali munimento tutus, & frugum, & piscium copia, & ouis, ibi nidificantium volucrum marinarum abundè comineatum incolis sufficiens. Ad litus vbi sinus Briennus terras aperit insula Eu sita est, tota ferè siluis vmbrosa, ac latronibus tantum, qui prætereuntibus insidiantur accommoda. Magis ad septentriones iacet insula Gruinorta, & ipsa itidem siluis opaca, & latronibus infesta. Et in eandem celi plagam spectans insula Sacerdotum vocata, præter pabula ouis volucrum marinarum abundans. Proxima huic est Afulla. Deinde ei propinqua Habrera magna, post eam Habrera parua, iuxta eam 50 insula Equorum, iuxta eam rursus insula Mertaika. Hæ octo proximæ insulæ ante ostiū sitæ sunt sinus, quem vulgò lacum Briennum vocant. Ab his insulis quæ sinum Briennum præcingunt absunt Haraia, & Leogus septentrionem versus excurrentes. In longum

gum patent sexaginta millia, in latum sedecim. Hæ quidem vnā faciunt insulam, non enim maris infusi æstuarijs, sed limitibus agrorum, & dominorum diuisionibus designantur. Pars autem ad meridiem exposita solet Haraia vocari. In ea fuerat monasterium Roadilla dictum, à Macclodio Haraiensi conditum: ager frugum satis fertilis, sed quæ magis ex fodiendo, quàm arando illis proueniunt. Pascua sunt in ea ouium pastum commoda, præsertim mons præaltus ad summum vsque fastigium gramineo vitens. Narrat Donaldus Monrous homo doctus, & pius se, cum illic esset, vidisse quæ admodum annosas, vt in eo pecoris genere, sine certis dominis vagas, quarum prouentum illic auget, quod ibi nusquam cernatur vulpes, lupus, aut serpens, quanquam inter hanc partem & Leogum magnæ interiectæ sunt siluæ, quæ ceruôs alant frequentes, sed humiles, & mole corporis minus conspicuos. In hac insulæ parte fluitans est salmonum ferax. In parte ad septentriones proiecta est Leogus, secundum litus satis frequenter culta. Quatuor habet Curias, arcem vnā, septem annes mascululos, ac duodecim præterea minores, omnes pro cuiusque magnitudine salmonum fecundos: plurimis in locis mare in terras penetrat, in sinusque se diffundit omnes halecum copia abundantes. Magnus ibi prouentus ouium, quæ in ericetis, ac saltibus liberè vagantur. Eas in locum angustum, ac velut caulas singulis annis coactas incolæ antiquo more vellunt. Soli campestris magna pars ericetis constat: in quibus terra superne est nigra ex musco, & siluis putrescentibus multis sæculis coalita ad altitudinem circiter pedalem.

20 Hæc velut superior crusta in cespites oblongos, & tenues conscissa, & ad solem difficata in vsum igni colligitur, & lignorum vice vritur. Proximo post anno nudum solum alga marina stercoretum feritur ordeo. In hac insula tanta plerumque balenarum capitur copia, vt aliquando (vti seniores narrant) viginti septem partim prægrandes, partim minuscule decimarum nomine sacerdotibus sint exhibitæ. Est & in hac insula spelunca ingens, in qua recedente æstu aqua duas orgyas alta manet: vbi verò redijt æstus, supra quatuor est profunda. Ibi in rupibus sedens omnis generis sexus, & ætatis multitudo, hamis, & lino magnam vim piscium promiscuè ducit. Ad orientem æstiuum sexaginta ferè millia P. à Leogo sita est insula parua, solo humili, ac plano, & satis frequenter culto. Nomen est Rona. Cultores homines rudes, ac prope omnis religionis expertes.

30 Dominus eius, qui eam colant certum familiarum numerum finit, eisque maiorum, & minorum pecorum assignat quantum satis videtur, vnde & ipsi commodè viuunt, & vectigalia soluant. Quod vltra victum prouenit, ad Leogum singulis annis agri sui dominum mittunt. Hæc ferè vectigalis nomine pendunt: magnam vim farinæ ordeaceæ in pellibus ouium insutam: (apud eos enim hoc genus frugum copiosè nascitur.) carnis ouillæ, & marinarum auium sole duratarum, quantum ex annuo prouentu superat. Ac si quando multitudo capitum abundat, supernumerarios quoque domino annumerant. Atque ita soli, vt opinor, in vniuerso orbe sunt quibus nihil vnquam deest, omnia ad satietatem redundant. Iuxta luxus, & auaritiæ ignari: quique innocentiam, & animi tranquillitatem, quam alij magnis laboribus ex institutis, &

40 præceptis sapientiæ petunt, ex ignoratione vitiorum comparatam habent: nec aliud quicquam, præterquam quod suæ conditionis commoditatem non intelligant, ad summam felicitatem deesse videatur. Est in hac insula sacellum D. Ronano sacrum: In eo (vt maiores natu ferunt) ligo perpetuò relinquitur: quo cum quis moritur sepulcri locum inueniunt designatum. In hac insula præter aliam piscationem plurimæ balenæ capiuntur. Ab hac millia passuum sedecim occidentem versus iacet insula Suilf keraia, mille passus longa: sed quæ nullam herbam, ac ne ericam quidem gignat. Rupes tantum nigras attollit, quarum quædam musco nigro teguntur. Volucres marinæ passim ibi oua ponunt, & excludunt. Ad eas nondum ad auolandum maturas proximi è Leogo insula adnauigant, ac plus minus octo dies eis legendis tribuunt, donec earum carne vento durata, plumisquæ nauculas onerent. In hac insula rarum, & alijs regionibus ignotum genus auis conspicitur: colcam vocant, magnitudine paulò infra anserem. Ea verè singulis annis eò adueniat, pullosque exclusos eousque educat, dum ipsi sibi prospicere possint. Ad id ferè tempus plumæ sponte defluentes è toto corpore

nudam destituunt: ac tum demum ad mare se recipit, nec ante proximum ver vsquam
 -conspicitur. Illud quoque eis est singulare, quod earum pennæ caulem non habent:
 sed lecti, & cui nihil prorsus duri adest, pluma totum corpus velut lanugine vestiunt.
 Sequuntur Orcades in mari partim Deucaledonio, partim Germanico ad septentrio-
 nalem Scotiæ partem sparsæ. Harum de nomine inter scriptores veteres, & recentio-
 res satis convenit. Rationem autem nominis nemo (quod adhuc sciam) explicavit.
 Sed neque, qui eas primò tenuerint satis constat. Omnes Germanicæ originis eos fuisse
 tradunt. At quæ natione Germanorum aduenerint, id non proditur. Si è sermone
 coniecturam faciemus, & olim, & nunc quoque vetere Gothica lingua vtuntur. Sunt
 qui Pictos eos fuisse arbitrentur, hoc maxime argumento, quod frater eos à Catha- 10
 nesia diuidens Picticum cognominatur: Pictosque ipsos generis Saxonici fuisse existi-
 marint, Claudiani carmine maxime fratri è septima Panegyrica,
Maduerunt Saxones fuso
Orcades, incaluit Pictorum sanguine Thule:
Scotorum cumulos fletus glacialis Terno.
 Sed eorum refutari facile error potest, partim ex Beda Anglosaxone, qui cum quinque
 diuersis linguis à Britannis Dei laudes cani asseueret, vnam ex eo numero Picticam
 esse ait. Quod si tum Saxonice Picti locuti fuissent, eam à Saxonica, (qua tum Angli
 incorrupta utebantur) non separasset: partim quod in illis versibus Claudianus diserte
 Pictos à Saxonibus alios esse ostendat: cum alteris Orcadas, alteris Thulen patriam esse 20
 affirmet: sed vndeunque sunt oriundi, nostra adhuc ætate lingua à Scotis, & Anglis
 diuersa vtuntur: & quæ à Gothica non multum discrepet. In conuictu quotidiano mul-
 tum è vetusta parsimonia adhuc vulgus retinet. Itaque perpetua corporis, & animi
 sanitate ferè omnes fruuntur. Rari morbis, plarique omnes senio soluuntur: plusque
 apud eos deliciarum ignorantia, quam apud alios medicorum ars, & diligentia ad sa-
 lutem tuendam prodest. Eadem parsimonia & ad formæ elegantiam, & ad staturæ pro-
 ceritatem plurimum facit: frugum prouentus eis exiguus est, præterquam auenæ, & or-
 dei, ex quibus eis & panis & vinum suppetit. Ex gregalibus animantibus oues, boues,
 & capræ non infrequentes, vnde multus eis lactis, casei, & butiri est vsus, aues marinæ
 innumeræ, ex his ferè, & piscibus victus eorum magna ex parte constat. Nullum ibi 30
 venenatum animal, ac ne deforme quidem aspectu apparet. Sunt eis equulei, specie
 quidem contemptibiles, sed ad omnes vsus suprâ quàm credi potest strenui. Nulla vs-
 quam arbor, ac ne frutex quidem præter ericam, nec id tam cæli, aut soli vitio, quàm in-
 colentium ignauia, quod facile ostenditur ex arborum radicibus, quæ pluribus in locis
 eruuntur. Quoties exotica vina nauibus inuehuntur, auidè se ingurgitant. Scyphum
 habent antiquum, quem (vt maior crapulæ sit autoritas) diui Magni, qui primus ad eos
 Christi doctrinam attulit, fuisse prædicant. Is cum ita superet communium poculorum
 amplitudinem, vt è Lapitharum conuiuio reseruatus videri possit, eo suos Episcopos
 initio ad se aduentantes explorant: qui plenum vno hauustu ebiberit, (quod admodum
 raro euenit) miris cum laudibus prosequuntur: atque hinc velut læto augurio sequen- 40
 tium annorum prouentum animis præcipiunt. Vnde facilis coniectura est, illam quam
 dixi parsimoniam non tam à ratione, & studio, quàm penuria ortam esse: eademque,
 quæ eam initio pepererat, diu apud posteros conseruauit necessitas: donec vicinis na-
 tionibus inualecente luxuria corruptis, paulatim disciplina vetere labefactata, blan-
 dientibus quoque delitijs ipsi sese dedidere. Multum etiam præcipitantem temperan-
 tiam impulere piratarum commercia: qui regiones continentis habitatoribus frequen-
 tes adire non ausi ex insulis aquantur: & vina, mercesque alias aut com meatibus mu-
 tant, aut vili precio distrahunt: & Insulani, & pauci numero, & inermes, & in mari
 procelloso ita sparsi, vt mutuis auxilijs se tueri non possint, infirmitatis suæ conscij
 non omnino inuiti securitatem cum lucro coniunctam ad blandiente etiam voluptate 50
 vel receperunt, vel non reiecerunt. Sed hæc morum labes in potentiores ferè, & sacer-
 dotes incubuit. Apud vulgus multa pristinæ moderationis adhuc vestigia restant. Ma-
 re illis non solum ventorum violentia, & siderum positu satuum, & tempestuosum est,
 sed

sed æstibus contrarijs ex Oceano occidentali incitatis, & inter angustias terrarum confligentibus nulla vi remorum, aut velorum freti ex aduerso recurrentes, & in se contorti vortices superari possunt. Si qui propius accedere audent, aut impetu violento rursus in mare rapiuntur, aut fluctuantis æquoris rapiditate abrepti in rupes, & scopulos compelluntur, aut in se conuolutis aquarum cumulis absorbentur. Duæ sunt tempestates, quibus hæ angustia sunt superabiles, aut cum æstuum relapsu cessante vndarum conflictu mare tranquillatur: aut vbi pleno alueo æquor ad summum incrementi peruenit languescere vtrinque vi illa, quæ vndas concitabat velut receptui carente Oceano procellis, & vorticosis pelagi commoti molibus se velut in sua castra recipientibus. De numero quoque Orcadum inter scriptores non conuenit. Plinio sunt insulæ quadraginta, ceteris serè triginta. Proximè ad verum accessit Paulus Orosius, qui triginta tres prodit, è quibus tredecim habitentur, ceteræ desertæ, & pecori pascendo relictæ. Sunt enim plæræque humiles, & ita spatijs angustis, vt vix colonum vnum aut alterum, si colerentur, alerent. Aliæ nudis scopulis aut opertis musco squallentes. Orcadum maxima multis veterum Pomona vocatur. Hodie continentem appellant, quod longè alias magnitudine præcedat. Patet enim in longum triginta millia passuum. Hæc satis frequenter habitatur. Habet enim duodecim siue Curias, seu parochias rusticas. Præterea oppidum vnum, quod Dani, quorum in ditione Orcades diu fuerunt, Cracouiacam appellabant: nunc nomine corrupto Kircua Scotis dicitur. In hoc duæ sunt velut modicæ arces propinquæ, altera Regis, altera Episcopi. Inter eas situm est templum, vt in locis illis satis magnificum. Inter templum, & arces vtrinque sunt non infrequentia ædificia, quas duas vrbes incolæ appellant: alteram Regiam, alteram Episcopalem. Tota insula excurrit in promontoria: inter quæ sinus maris infusi stationes nauibus tutas, & interim portus faciunt. Sex diuersis in locis huius insulæ metalla sunt plumbi albi, & nigri tam probe quàm vsquam in Britannia reperiatur. Hæc insula à Cathanesia circiter viginti quatuor M. abest interiecto freto Pictico, de cuius natura iam diximus. In eo freto sparguntur insulæ complures, è quibus Stroma quatuor à Cathanesia M. abest, non infœcunda pro magnitudine. Sed hanc ob propinquitatem terræ Britannia, & quod Cathanesia Comites eam semper tenuerint, inter Orcadas non numerant. Ab hac ad septentriones nauiganti prima Orcadum occurrit Ranalsæ australis, quæ à sinu Duncan, aut verius Dunachi abest sedecim millia: quod spatium duabus horis æstu secundo, etiam cessantibus ventis, nauiculæ conficiunt: tanta huius freti est violentia. Hæc quinque millia passuum longa est, habetq; portum satis commodum à D. Margarita cognominatum. Ab ea paulum in orientem proiectæ sunt insulæ duæ exiguæ, & incultæ, pecori pascendo relictæ. Holmas illi gentili vocabulo eas appellant, hoc est planicies herbidas, aquis affitas. Ad septentrionem est Burra insula, & duæ inter eam, & Pomonam Holmæ. A Burra occidentem versus ordine tres insulæ iacent, Suna, Flata, & Fara: & vltra eas Hoia, & Valis, quas alij duas, alij vnam insulam vocant: quod circa æquinoctia (quo tempore maria violentissime incitantur, ac feruent) æstu recedente nudantibus se arenis angustis faucibus coherent, vnamque insulam faciunt: redeunte æstu rursus interiecto mari duarum insularum speciem præbent. In hac insula omnium, quas Orcades habent, altissimi sunt montes. Hoia, & Valis, decem millia in longum porriguntur: ab Ranalsæ absunt octo: à Fano Donati in Cathanesia, supra viginti millia passuum: à septentrione est insula Granisa, in freto admodum angusto sita. Abest enim Hoia à proximo continentis, id est Pomonæ promontorio duo modò millia. Hæ ferè inter Pomonam, & Cathanesiam sunt insulæ in ipso freto sitæ. Latus continentis occidentale mare apertum spectat, nullis in eo nec insulis, nec scopulis apparentibus. Ab orientali eius promontorio paulum procurrit. Cobesæ à Borea eam velut tegit. Litori propior Siapinsæ paulum se in orientem inflectens, ex aduerso Cracouiacæ duo millia sita, ipsa sex millia longa. Ab occidentali parte Pomonæ iacet Rusa sex millia longa. Ab ea propius orientem sita est Eglisæ, vbi diuum Magnum fama est esse sepultum. Hinc ad meridiem adiacent Vera, Gerfa: nec longè illinc Vestra, à qua Hethlandia abest millia passuum xxc. Papa,

RERVM SCOTICARVM

Stronza distat ab Hethlandia x x c. millia passuum. In hoc medio ferè cursu iacet Fara, hoc est bella insula, vtrisque & Orcadibus & Hethlandiæ conspicua. Assurgit enim in tria altissima promontoria rupibus excelsis præincta, & vndique inaccessa, nisi quod ad orientem æstiuum paulum sese demittens stationem tutam nauiculis præbet. Incolas habet longè pauperrimos. Piscatores enim, qui ex Anglia, Hollandia, cæterisque propinquis Oceano regionibus, quæ piscatum in illa maria singulis annis præternauigant, omnia pro arbitrio rapiunt, & ferunt. Proxima post illam est insula Hethlandicarum maxima, quam ob eam causam incolæ continentem appellant, sexaginta millia passuum longa, lata alicubi sedecim, in plurima parua se promontoria spargens. Duo tantum sunt, quæ nominare non pigeat: alterum longum, sed angustum in septentriones excurrit: alterum latius in orientem hibernum. Maritima ferè habitantur. Interiora nullum animal præter volucres adit. Superioribus annis incolæ latius quàm maiores eorum solebant, excolore tentarunt: sed nullo prope successu. Diuitiæ eis sunt à mari, ab omni parte summa piscandi commoditate obiecta. Ab ea ad decem millia septentrionem versus est Zeal sita supra viginti millia longa, octo lata, adeo ferra, vt nullum animal nisi illic natum, ferat. In hac habitare dicitur Bremensis mercator, qui omnes merces exoticas, quarum illic vsus abundè omnibus suppeditet, apportet. Inter hanc, & continentem iacent insulæ minores Linga, Orna, Bigga, Sancti ferri. Vltra hanc circiter nouem millia ad septentrionem iacet Vusta, supra viginti millia in longum porrecta, in latum sex. Plana, & alioqui non inamoena aspectu, nisi quod longè sæuissimo mari ambiatur. Inter hanc, & Zeal sunt interiectæ Via, Vra, Linga. Extra eam ad occidentem respiciunt Skeniæ duæ, Burra: ad orientem Balta, Honnega, Fotlara septem millia longa, ab Vusta septem distans, octo à Zeale: & obiecta freto, quod Vustam à Zeale diuidit. Multæ deinceps insulæ ignobiles prætenduntur orientali continentis lateri Mecla, Skeniæ orientales tres, Chualsa, Nostuada, Brasa, & Mufa. Latus occidentale cingunt Skeniæ occidentales, Rottia, Papa parua, Vonneda, Papa maior, Valla, Trondra, Burra, Haura maior, Haura minor, & inter eas totidem ferè Holmæ intersparæ. Victus ratio Hethlandiæ eadem, quæ Oreadensibus: nisi quod iuxta copias domesticas paulo asperior. Vestiuntur Germanico ritu, sed iuxta facultates non indecore. Prouentus illis est ex panno sui generis crasso, quem Noruegis vendunt: ex oleo è piscium intestinis confecto, è butiro, è piscatu. Piscantur nauiculis duorum scalmorum, quos factos è Noruegis coëmunt. Quos coeperint pisces partim sale condiant, partim vento siccant. Ex ijs ferè rebus diuenditis pecuniam conficiunt, vnde vestigalia soluunt: domos in quibus habitent, supellectilem vniuersam, ac magnam victus partem parant. In domestico instrumẽto qui elegantie student, non nihil argenti habent. Mensuris, numeris, ac pondere, ad morem Germanicum vtuntur. Germanicus etiam, aut pene vetus Gothicus est illis sermo. Ebrietatem ignorant, nisi quod singulis mensibus se mutuo inuitant: eosque dies hilarè, & simpliciter sine rixis, & cæteris, quæ fert ebrietas, vitijs transigunt: eamque consuetudinem ad mutuam amicitiam retinendam facere sibi persuadent. Salubritatis firmitudo in Laurentio quodam nostra ætate apparuit, qui post centesimum annum vxorem duxit. Centesimum quadagesimum annum agens sæuissimo mari in sua nauicula piscatum prodibat: ac nuper nulla vi grauioris morbi labefactatus, sed senio solutus decessit.



RERVM

SCOTICARVM

HISTORIA,

Auctore Georgio Buchanano Scoto.

LIBER SECVNDVS.



REPETENTI mihi rerum Britannicarum memoriam supra duo millia annorum, cum multa se impedimenta obijciunt, tum illud in primis, quod in eis regionibus, unde nostræ originis eruenda est cognitio, diu literæ nullæ fuerunt: & cum serò tandem aduenissent, in ipso propè ortu interierunt. Omnes enim nationes, quæ in Britannia sedes ad hunc usque diem collocarunt, iure mihi videor affirmare posse è Gallijs, Hispanijs, & Germania in hanc insulam commigrasse. Galli primùm characteres literarum à Massiliensibus Græcis acceperunt, quibus vterentur ad rationes conficiendas, & literas inter se missitandas: Græcis quidem figuris elementorum, sed sermone Gallico. Leges autem, & factorum ritus ne Iulij quidem Cæsaris ætate literis committebant: res verò gestas multo minus, quas tamen verisimile est fuisse multo maximas. Quæ in Italia, Germania, Thracia, Macedonia, Græcia, & Asia, vel fecerunt, vel passi sunt, in eadem fuissent apud posteros obliuione, nisi exteri scriptores ea memoriæ prodidissent. In Hispania verò Græcis, & ante eos Phœnicibus, qui interni maris occupauerant litora, & vnus è Barbaris (vt Strabo scribit) Turdetanis fuit quidem literarum vsus: sed veteris memoriæ scriptor, quod adhuc sciam, extitit nemo. Varro enim, & Plinius, & si qui alij Latinorum de primis Hispaniarum cultoribus obiter aliquid attigerunt, coniecturis magis, quàm scriptorum testimonijs in hac parte fidem suarum opinionum confirmant. In ea parte Britannia, quam Cæsar attigit, nulla prorsus vetustarum rerum erat memoria. Apud interiores verò, qui longè incultius agebant, longè minus: adeò vt cum illos de gentis origine, & veterrimis insulæ cultoribus rogaret, nihil certi se comperisse scribat. Post Cæsarem Cornelius Tacitus non minore fide, quàm diligentia scriptor, iam perlustrata Romanis classibus Britannia, intimisque latebris eius excussis, ne ipse quidem quicquam certi, quod posteritati proderet, inuenit. Gildas quoque, qui supra quadringentos annos post Tacitum vixit, se non è monumentis, quæ nulla erant, sed ex transmarina relatione, quæ scribit tradere affirmat. Germania verò postrema omnium literis fuit expolita. Sed illa pro reliqua sua ingenuitate cum nihil haberet, quod ex antiquis monumentis pro vero afferret, nihil monstri noui ipsa sibi confinxit. Igitur qui de veteribus annalibus Britannorum originem afferre se asseuerant, reddenda (opinor) illis erit ratio, quis primus ista tradiderit, vbi tandiu latuerint, quomodo ad nos tot post sæculis incorrupta peruenerint. Quod autem ad Bardos, & Seneciones veteris memoriæ custodes quidam confugiunt, prorsus perridiculè faciunt. Id autem multo magis intelligetur, si explicauero quale fuerit id genus hominum, cui de tantis rebus, tam obscuris, & à memoria nostra tam procul remotis fidem haberi volunt. Primùm, Bardi qui fuerint olim, & nunc sint, luculenter à Strabone & Ammiano exprimitur: sed breuiter

RERVM SCOTICARVM

& dilucidè quod ad præsens institutum sit satis à Lucano his versibus,

Vos quoque qui fortes animas, belloque peremptas

Laudibus in longum vases diffunditis æuum,

Plurima securi sudistis carmina Bardi.

Sed horum antiquissimi literarum prorsus erant ignari, & qui nulla de rebus veteris reliquerunt monumenta. Alterum genus est Senecionum, ut ipsi vocant, è quibus veterum familiarum principes, & præterea plerique opibus præstantes aliquem alunt, qui patroni sui maiores à primis usque rerum initijs recitent memoriter. Sed & hi cum literas prorsus ignorent, expendat apud se quisque quantum eis fidei sit habendum hominibus, quorum omnis res, & spes ex adulatione pendeat. Deinde ut maximè vera sint, quæ afferunt, non magnopere scriptorem historiæ iuvare possunt. Postremò etiam illud cogitemus quoties in manifesto errore deprehendantur scriptores rerum gestarum: quoties nutent, dubitent, æstuent: quantum non modò alij ab alijs dissentiant, sed & ipsi sibi sæpe non consent. Hæc si contingunt ijs, qui magno labore in studium veritatis incumbunt, quid ab illis sperandum est, qui sine literarum auxilio (quo qui temerè labuntur possint erigi, & de industria mentientes redargui) soli confidunt memoriæ? Ut omittam quòd ea incultu soleat imminui, & ætate debilitari, & morbo penitus extinguì. Ad hæc si accedat (ut fit plerumque) patronis adulandi studium, aut discedat obsequendi voluntas, aut interueniat ira, odium, invidia, quæ animi iudicium solent pervertere, quis audeat ex horum auctoritate quicquam pro vero affirmare, aut eum falsum refellere? aut quis pro certo tradet, quod à tam incertis auctoribus acceperit? In tanto igitur scriptorum veterum silentio rerum antiquarum, & suæ plerumque ætatis ignorantia, ubi nihil comperti, nihil sinceri esse potest, modestius esse reor quæ nescias silendo pudori feruire, quàm falsa comminiscendo tuam impudentiam prodere, & aliorum iudicia contemnere. Apud omnes igitur Britannorum nationes tanta fuit scriptorum penuria, ut ante Romanorum illuc aduentum omnia silentij vastis tenebris consepulta iacuerint, ac ne res quidem à Romanis ibi gestas aliunde, quàm è Græcis, Latinisque monumentis colligere possimus: & quæ aduentum eorum præcesserunt, de his magis eorum coniecturis, quàm nostris sit credendum commentis. Nam quæ nostri scriptores de suæ quisque gentis origine prodiderunt, adeo sunt absurda, ut non existimarem refellenda esse diligentius, nisi essent, qui illis commentis, velut serijs oblectarentur, & alienis plumis ornati sibi magnificè placerent. Nec minimam in hoc negotio difficultatem adfert recentiorum scriptorum diuersa tradentium tanta inter se discordia, ut non facile sit iudicare quem potissimum sequamur: tanta verò absurditas, ut omnes propemodum iure optimo videantur repudiandi. Neque ego tam demiror veterum in re tam obscura silentium, aut recentiorum in fingendo discordiam, quàm paucorum concordem impudentiam. De illis enim temporibus, quibus omnia erant instabilia, & incerta tam constanter omnia affirmant, ut aurum potius vanam oblectationem, quàm narrationis fidem spectasse videantur. Primis enim illis temporibus cum Britannis perinde ac plurimis alijs nationibus rarus foret agri colendi usus, diuitiarumque omnes in pecore essent, homines nulla rerum suarum, quæ propè nullæ erant, caritate imbuti, dum vel à potentioribus pellerentur, vel infirmiores ipsi pellerent, vel vberiora in locis vastis, & incultis pascua sequerentur facile sedes mutabant: facile etiam cum nouis dominis locorum nomina mutabantur. Multam etiam attulit difficultatis opulentiorum illa ambitio, qui, uti sui memoriam posteris commendarent, nationes, prouincias, & oppida in suum nomen adoptabant. Omnibus ferè urbibus Hispaniæ bina erant nomina, omnium in eadem cultores, & cum cultoribus urbium, & regionum nomina sæpe fuerunt mutata. Ut autem Aegyptum, Græciam, & longinquiora omittamus, nonne

Sæpius et nomen posuit Saturnia tellus?

Accedit quòd eisdem gentibus in eadem terra degentibus non eadem semper nomina soleant esse. Nam quæ Romanis est Hispania, Græcis Iberia, poetis Hesperia, Diuo Paulo in epistolis, Theodoreto, & Sozomeno in historia Spania vocatur. Græcorum tam celebratū Latinis, omnibusque Europæ gentibus nomen Græcis ipsis est obscurius.

Hebræi,

Hebraei, & Arabes, omnibus ferè nationibus vetusta seruant vocabula, ne fando quidem
 audita cæteris populis. Scotus, & Anglus, vulgata gentium Britannicarum nomina sunt,
 quæ hodie quoq; præscis Scotis, & Britannis prope sunt ignota. Alteros enim Albinos,
 alteros Saxones appellant. Quare nemini mirum videri debet, si in tanta rerum huma-
 narum inconstantia de nominibus hominum, locorumue, non semper conueniat in-
 ter scriptores diuersis temporibus natos, magnis terrarum internallis dissiros, lingua, &
 moribus dissidentes. Hac cum retro gentium repetentibus origines magnas pariant
 difficultates, recentiorum quidam praua ambitione impulsæ densissimis omnia tenebris
 inuoluerunt. Nam dum suæ quisque gentis originem è longinquo petunt, & se fabu-
 10 losis commentis frustra nobilitare nituntur, nimia fingendi licentia hoc tantum profi-
 ciunt, vt quas illustare res debuerant, eas obscurant: & si quando vera dixerint, tories,
 tamque ineptè mentiendo ipsi sibi fidem derogant: ac tantum abest, vt quam sperarant
 assequantur gratiam, vt mendacijs in lucem proditis ab eis ipsis, quorum assensionem
 captabant, rideantur. Primum omnium vt ab antiquissima gente, ita ab impudentissi-
 mo exordiar mendacio. Qui veterum Britannorum nouam commenti sunt historiam,
 interpolata Danaïdum fabula, Regem quendam Syriæ Diocletianum fingunt ex vxore
 Labana triginta tres genuisse filias, quæ in ipsis nuptijs occisis maritis à patre in nauem
 sine gubernatore, & remigibus impositæ, in Britanniam tum desertam peruenerunt: so-
 20 læque in regione frigida, fructuumque sponte nascentium parum fœcunda non modò
 vixere, sed è malorum Dæmonum compressu Gigantes genuere, quorum genus vsque
 ad Bruti aduentum perseuerauit. Insulam aiunt ab Albine Albionem fuisse appellatam.
 Is autem Brutus dicitur fuisse AENEÆ Troiani pronepos, AENEÆ Siluij filius. Ab hoc
 Bruto cum temerè, misso telo, pater fuisset occisus, factum quidem cunctis infelix, ac
 miserabile est vsum: sed quia lædendi voluntas aberat, mortis poenam remissam, exiliū
 vel indictum, vel sponte susceptum affirmant. Interemptorem igitur consulto Dianæ
 oraculo varia fortuna vsum per tot maria, atque terras decimo tandem anno in Britan-
 niam appulisse cum magno comitū numero, multisque congressibus Gigantum imma-
 nitatem sublata totius insulæ imperium tenuisse. Ei verò tres fuisse filios Locrinum, Al-
 30 banaetum, & Cambrum: ijs insulam diuisam. Ab Albanaetò Albanis, qui Scoti postea
 fuerunt, ab Cambro Cambris, qui nunc sunt Valli, imperatum. Eos suorum quenque
 regnorum imperium ita tenuisse, vt summa rerum penes Locrinum esset, qui reliquis
 Britannis præfectus Loegriam suæ parti nomen dederit. Adiciunt posteriores, vt & ipsi
 fabulosū illud imperiū pro virili propagarent, Locrino successisse Vendolinam filiam,
 Vendolinæ Madanū, Madano Menpriciū, ei deinde Ebrancum: qui è viginti vxoribus
 totidem genuerit filios. Ex his vnde viginti in Germaniam migrasse: eamque regionem
 adiutos Albæ Siluij propinqui sui copijs armis sibi parasse: ab eis fratribus Germaniæ
 nomen fuisse impositum. Hac sunt ferè quæ Brittones, & post eos quidam Anglorum
 de primis Britanniarum cultoribus tradunt. Eorum autem nobis hæc subit mirari consiliū:
 40 quod cum facile possent, ac sine inuidia imitari Athenienses, & Arcadas, aliasq; gentes
 in primis illustres, seseque dicere indigenas, neque dedecori sibi existimare eam origi-
 nem, quam prope nobilissima, & prudentissima totius orbis ciuitas gloriæ ducebat,
 præsertim cum ea opinio non posset è scriptoribus antiquis refelli, atque etiam non
 ignobiles haberet assertores, maluerunt tamen ex omnium gentium colluue sibi maiores
 affingere, quos & ipsa narrandi series vulgo etiam imperito posset facere suspectos, nec
 vetustiorum quisquam vel tenui suspitione confirmaret. Deinde si id minus placuisset,
 cum eis fuisset liberum, vt quidam poetarum scripsere, honestos maiores è quocunque
 vellent sumere libro, miror quid eis in mentem venerit, vt eos potissimum eligerent,
 quorum omnem posteritatem semper puderet. Quanta enim illa est stultitia nihil ex-
 istimare magnificum, vel illustre, quod à magno scelere, vel flagitio est alienum? nec
 50 defunt tamen, qui talibus nugis sese imperitis venditent. Ac Ioanni Annio homini non
 indocto ignoscendum puto, cum sciamus poetis esse concessum, vt familiarum, & na-
 tionum origines fabularum figmentis ornare conentur. Qui verò ex professo scripserūt
 historiam, nescio an æquū sit hanc veniam concedi. Vt igitur ab vltimis repetam, quid

R E R V M S C O T I C A R V M

magis obhorret à fide, quàm puellas paucas absque virorum auxilio è Syria vsque per tot maria (quæ nauigatio classe firma, omnibus rebus ornata in tanta nauigandi scientia, & vsu hodie rei naualis peritis esset formidabilis) extra orbem terrarum delatas in desertam insulam? ibique nullis frugibus, nullis arborum fructibus victitasse: foeminaeque Regij generis sub frigido cælo rerum omnium inopes non modo durasse, sed Gigantes etiam genuisse: ac ne parum digno potirentur matrimonio, à Cacodæmonibus compressas? Diocletianus autem iste, quo tempore, qua in parte Syria, regnauit? quo pacto fiat, vt nulla de eo apud rerum scriptores sit mentio? præsertim, cum nullius gentis res gesta diligentius, quàm Syrorum prodita sint posteris. Vnde accepit nomen Diocletiani? quod supra mille annos post eum inter Barbaros sit natum, & ab origine Græca, 10 ad formam Latini sermonis, sit declinatum. Proxima deinde nobilitatis accessio Brutus parricida, ne videlicet in hac parte Romulo esset inferior. Brutus autem iste quicumque fuit, quem, & gentis, & nominis auctorem Brittones edunt, quibus opibus? quo linguae commercio illis præsertim temporibus eo penetrauit, quò Romana arma florentissimo statu reip. reliquo serè terrarum orbe perdomito vix tandem peruenire potuerunt? Nam & ante Romam conditam, quàm res Italorum fuerint tenues, quàm ipsi ab omni longinqua peregrinatione abhorrentes, superuacuum est differere. Nec illud habeo necesse quærere, terra an mari venerit. Alpibus ad eum vsq; diem vni Herculi peruijs, & Gallis ob insitam feritatem adhuc ab exterorum commercio alienis. Oceanum verò nauibus ingredi vix serò, & florentibus domi rebus ausi sunt Carthaginenses, & 20 Græci, qui Massiliam incolebant: ac ne tum quidem dominandi, sed speculandi causa: nedum Albanos pastores, semiagreste genus hominum, tam audax facinus aggressuros fuisse credamus. Præter hæc nemini qui Latinas literas non ignorat, ignotum esse potest, Bruti nomen anno post commentitium istum Brutum serè quingentesimo sub Tarquinio demum Superbo celebrari esse coeptum, cum L. Iunius homo nobilis contemptu sui Regiam effugere vellet crudelitatem, simulatione stultitiæ nouum illud sibi cognomen peperisset, atq; ad posteros transmississet. Sed Monachus ille huius Brutinæ fabulæ poëta, & artifex, videre visus est commenti absurditatem. Verum obiecta specie religionis omnium ora se posse obstruere existimauit: ac Dianæ oraculo eos paruiffe videri voluit. Non scrutabor hinc diligentius, cur hoc Dianæ oraculum posteris tam ignotum fuerit, cum 30 Fauni, Sibyllæ oracula, ac Prænestinæ etiam sortes in tanta celebritate tum essent. Illud tantum quæro, qua lingua Diana respondit. Si Latine dicant, illud rogabo, quid Brutus intelligere potuit sermonem nongentos circiter annos post se natum. Nam cum Horatius homo doctissimus carmen Saliare Numa Pompilio regnante compositum fateatur ingenuè se non intelligere, quomodo Brutus iste tot annos ante Salios institutos mortuus potuit intelligere carmina diu post Horatium, vt orationis tenor indicat, facta? Item, quomodo Bruti posteris sermonis Latini ita sunt penitus obliti, vt ne tenue quidem vestigium eius apud eos remaneat? & vnde eum, quo nunc vtuntur, sunt nacti? Aut si Britannicè & Dij, & homines tum in Italia sunt locuti, certè non hoc, quo nunc Brittones vtuntur: quippe qui ex vicinarum gentium linguis ita sit conferruminatus, vt 40 multæ nationes in eo sua vocabula agnoscant. Sin veteres illos Latinos locutos affirment Britannicè, vnde Monachus ille tam veterem dictionem bis mille annos ante datam intellexit? Sed quid ista minutius persequimur, cum pluribus alijs argumentis appareat, eundem Monachum, & historiam totam fabricasse, & Brutum istum qui nunquam fuit, genuisse, & responsum Dianæ confinxisse. Quin carmen ipsum apponemus, vt malè callidorum hominum se facilius prodat vanitas. **B R U T V S C O N S V L I T.**

Diua potens nemorum terra siluestribus apris,

Cui licet anfractus ire per æthereos,

Infernaeque domos, terrestria iura resoluit,

Es dic, quas terras nos habitare velis.

Dic certam sedem, qua te veneremur in æuum.

Qua ubi virginis templa dicabo choris.

Respondit autem Diana versibus eiusdem generis, vt & ab eodem poëta facti videantur

tur, non illis quidem obliquis, ambiguis & flexiloquis, sed perspicuis, quibus quod nunquam datura erat, promittit: imperium videlicet orbis terrarum.

Bruta sub occasum solis trans Gallicæ regna

Insula in Oceano est undique cincta mari.

Insula in Oceano est habitata Gigantibus olim,

Nunc deserta quidem, gentibus apæ suis.

Hanc pete: nanque tibi sedes erit illa perennis.

Hæc fiet natis altera Troia tuis.

Hic de prole tua Reges nascentur, & illis

Totius terræ subditus orbis erit.

Ex hoc, opinor, carmine cum ipsorum historijs collato reliquum commentum deprehendi potest: nec id obscure quidem. Nam præter vanitatem utrinque promissorū, etiam insulam non tum habitari, sed habitatam aliquando fuisse, nunc verò desertam esse carmen asseuerat, Vbi ergo hominum illa portenta Gogmagog, & Tentagol, aliaque vastiora nomina ad terrorem dicam, an ludibrium conficta? Vbi præclara illa certamina Corinthi, aliorumque Bruti sociorum aduersus non terrigenas, sed Dæmonigenas Gigantes. Hæc de Bruto, eiq; data dictione. Horum adeo mendaciorū neq; pœnitet, neque pudet posteros, ut ante paucos annos non vltimi nominis apud eos scriptor impudenter confinxerit Troianos Britannicè locutos. Huius sententiæ impudentem vanitatem facile refellunt Homerus, & Dionysius Halicarnassius, quorum ille omnibus Troianis nomina dat Græca: alter longa, & seria disputatione contendit Troianos ab vltimis vsque primordijs genere Græcos fuisse. Illud verò prætereo, quod cum in Angliam appulisset cum non magno comitatu, quomodo intra viginti annorū spatiū tria regna condiderit, & qui vniuersi in primo aduentu vix vnius modicæ coloniae numerū explere poterāt, tam breui insulam orbis maximam non pagis modo & vrbibus, sed tribus regnis amplissimis occuparint: quique paulò post abundante multitudine, nec Britannia (ut videtur) eam capiente Germaniam regionem tam latè fusam ceperint, incolasque victos in suum non Britannicum, sed Latinum nomen transire coegerint: atque ab vndeuginti illis fratribus, qui ne ipsi quidem Germani erant (nam singulis fere singulæ matres erant) Germaniam dici. Hoc nos commentum tam ex omni parte absurdum non adduximus in medium, ut confutarem, sed ut Germanis irridendum proponeremus. Hæc in vniuersum de commentis Brittonum dicta sint. Consilium autem fingentium non adeo mihi obscurum videtur. Illa enim de Dæmonum cum puellis concubitu monstrosa fabula illuc mihi pertinere videtur, ut Brutum suum cum duabus vicinarum gentium maximis vel cognatione iungeret, vel de nobilitate cum eis decertaret. Galli enim Cæsare, & Germani Tacito authoribus à Dite patre se oriundos ferebant. Similis quoque videtur fuisse causa fabulæ de Bruto fingendæ. Nam cum in Epiro Buthroti, in Sicilia aliquot populi, in Italia Romani, Campani, Sulmonenses, in Gallia Aruerni, Hedui, Sequani, & posterius Franci Troianorum, nescio quos conditores laudarent, Britannicarum rerum scriptores ad suæ gentis nobilitatem exornandam non parum sibi collaturi videbantur, si ex antiquitatis arcanis eius peterent primordia: idque potissimum à Troianis, vel ob vrbis claritatem omnium gentium literis celebratam, vel ob cognationem cum tot nationibus, quæ ex eodem illo velut naufragio prodijisse dicerentur. Neque arrogans id mendacium visum iri existimabant, si illius cum tot gentibus communicatæ nobilitatis ipsi in parte aliqua haberent. Hinc opinor illud de Bruto commentum, aliaque antiquiora non minus stultè recepta, quam impudenter ficta: quarum omnium rerum ut vanitas argueretur, satis fortasse fuisset admonere vetustis scriptoribus ignota fuisse, literis florentibus in lucem prodire non ausa, e morientibus demum nata, ab adulatoribus indoctis prodita, ab hominibus crassis, & nimium credulis, qui fingentium fraudem non intelligerent recepta. Impostorum enim istorum qui non ex historiæ veritate communem vtilitatem, sed ex adulatione priuatam aliquem fructum petunt huiusmodi est ingenium, ut cum vehementissimè videntur laudare, tum maximè irrideant. Quid enim aliud isti faciunt, qui quorum

R E R V M S C O T I C A R V M

ornare se simulant nobilitatem, eam, ut clarius splendeat, de totius nature colluvione petunt? & ea generis claritate homines creduli dicam, an stolidi sibi placent, quam nulli finitimorum eis invident. Qui Scotorum res litteris prodiderunt, honestiorem, ut ipsis visum, originem ediderunt: sed nihilo Brittonum nobilitate minus fabulosam. Non enim è Troianorū profugis reliquijs: sed è Graijs illis heroibus, quorum postea Troiam euerterunt, maiores nobis adoptarunt. Nam cum Græcorū prisca illis temporibus duo maximè genera celebrarētur, Doræ & Ionæ, ac Dorici generis principes essent Argiui, Ionici verò Athenienses, Scoti principem suæ gentis conditorem Gathelum quendam faciunt: quem Argi, an Cecropis esse filium mæsent, incertum reliquerunt. Ac ne Romanorum in hac parte cederent claritati, validam ei latronū adiecerunt manum, cum qua 10 profectus in Aegyptū, præclaras res gessisse dicitur, copijsq; Regijs post Moysi discessum fuisse præfectus. Deinde cum vxore Scota Regis Aegyptij filia, totum Europæ litus ad mare internū pertinens, circumnavigasse: ac præteritis tot regionibus illa ætate desertis, aut certe raris in locis, & à paucis habitatis, Græcia, Italia, Gallia, totoque Africæ litore, (ut omitram interim tot maris interni insulas) alij eum ad Iberiamnis ostiū exponunt, eoque agro, quem tenere non poterat relicto in Galæciam regionem multò steriliorem traducunt. Alij Oceanū primum, ut arbitror, mortalium classe ingredi ausum, ad Durij fluminis ostium exponunt, eoque in loco celebre oppidum condidisse volunt, quod de nomine eius Portus Gatheli nunc vocetur: ynde vniuersa regioni, quæ à Lusō, & Lusā Bacchi filijs diu Lusitania fuerat appellata, Portugalliam dici coepisse. Deinde coactum 20 illinc in Galæciam penitus abire, Brigantiam ibi extruxisse, quæ nunc Compostella vocetur. Bracaram item ab eo ad Mundæ amnis ostiū conditam. Hæc de origine suæ gentis fabulosè tradunt Scoti: in quibus fingendis quàm nostri parum circumspecti fuerint, vel hinc æstimare licet, quod Græco illi Gathelo scriptoribus Græcis ignoto ne Græcum quidem nomen dederint: quod vrbi à se conditæ Lauaum à portu nomen potius quàm Græcum dederint, præsertim illa ætate, qua Græcorum paucissimis Latium ipsum fuit cognitū, quod dubitant Argine an Cecropis fuerit filius, cum Cecropem Argus prope centum annis antecesserit: quod is, qui inter homines omnium ingeniosissimos tantum prudentia præstitisset, ut secundum à Rege locum teneret, ut Moysi profugo sufficeretur, ut peregrinus Regijs honoraretur nuptijs, relicta regione totius orbis fertilissima, tot 30 præteruectus dextra lauaque continentis vtrinque terras, tot insulas prouentu frugum omnes, aeris temperie plarasq; insignes Cretam, Siciliam, Corsicam, Sardiniam, quæ illa ætate ab agresti hominum genere tenebantur verius, quàm colebantur, in Oceanum etiam ipso nomine formidabilem eruperit, præsertim cum homines adhuc non magnū rei nauticæ vsum haberent, Portugalliam, seu portum Gatheli urbem condiderit ad Durium: cuius vrbs nomen nusquam reperitur ante Saracenorum in Lusitania dominatum: Bracaram etiam ædificari ad Mundæ fluminis ostiū, cum inter Bracaram & Mundam intersint multa passuum millia, interiectis etiam duobus claris amnibus Durio, & Vaca: Bracaraque omnino maritima non sit. Subit & illud quærere, qui fiat, ut Gathelus homo Græcus, & illustri loco natus, & rebus gestis clarus, cum è gente esset 40 ambitiosissima in sui nominis memoria prodenda posteris, magnoque comitatu in extremas orbis totius oras, & ut tum res erant, prope incultas & barbaras vñtus, opida condiderit, nulli tamen eorum non modò suum, sed ne Græcum quidem nomen imposuerit. Portugalliæ enim nomen, aut (ut illi malunt) Portus Gatheli tot vetustis scriptoribus, qui ex professo terrarum, & locorum nomina sibi scribenda sumpserunt, ignotū, ante quadringentos annos celebrari coeptum est. Neq; minus de istius Gatheli aduentu in Hispaniam suspecta est omnium Græcorum, & Latinorū taciturnitas, præsertim cum Phœnicum, Persarum, Pœnorum, Iberorū, Gallorum, & comitū Herculis, & Bacchi, qui in Hispaniam aduenerint, frequens & illustris mentio sit apud veteres. Sed nostri fabulatores (opinor) monumenta veterū non legerunt: alioqui enim quando 50 illis è Græcia conditorem gentis & suæ nobilitatis authorem educere visum erat, nunquam commisissent, ut hominem potius ignobilem sibi comminiscerentur, quàm ad Herculem & Bacchū omnium gentiū monumentis celeberrimos suum genus referrent.

Hæc ferè

Hæc ferè de origine suæ gentis à nostris traduntur : quæ si cui plaribus quàm res poscat, prosecutus esse videar, is velim ex aduerso consideret, quàm pertinaciter quidam hæc tanquam Palladium cælo demissum propugnent. Id si fecerit, non dubito, quin aduersariorum peruicacia sit cum nobis minus iniquam redditura. De reliquis gentibus, quæ in hanc insulam posterius venerunt, & domicilio locum ceperunt, Pictis, Saxonibus, Danis, Normanis, quoniam eorum historia nihil monstrum continet, posterius commodiore loco dicemus. Hæc verò duæ nationes (quarum meminimus) è Galliis mihi videntur oriundæ. Id cur ita esse existimem adjiciam, si pauca prius de antiquis Gallorum institutis dicam. Gallia omnis quanquam est frugum ferax, 10 tamen & est, & fuisse dicitur hominum feracior : adeo vt, Strabone teste, Celtarum, quæ tertia pars est Galliæ, inuenta sunt trecenta millia eorum duntaxat, qui arma ferre possent. Itaque cum in agro quanuis fertili, multitudine tamen laborarent sua, ad eam minuendam permissum fuisse creditur, vt puerorum amoribus indulgerent. Hac tamen ratione cum non satis prouisum aduersus inopiam agri videretur, prægrauante adhuc turba liberorum capitum, sæpe decreto publico, interdum priuatis consilijs ad exhauriendam domi multitudinem in omnes circum circa regiones frequentes colonias emiserunt. In Hispaniam autem, vt inde incipiam, tam frequentes, vt Ephorus, teste Strabone, Galliæ longitudinem ad Gades vsque porrexerit, & certè totum latus Hispaniæ ad septentriones versum populorum, & gentium nominibus 20 diu Gallicam testata est originem. Primi autem nobis occurrunt Celtiberi,

— profugique à gente vetusta.

Gallorum Celtae miçentes nomen Iberis.

Hi tam latè suos fines propagauerunt, vt quanuis asperam regionem, nec alioqui frugiferam incolerent, tamen M. Marcellus sexcenta talenta tributum nomine ab eis exegerit. Sunt etiam à Celtis, aut Celtiberis oriundi Celtici ad Anam fluuium, Ptolemæo Berici cognominati, & Celtici alteri in Lusitania Anæ propinqui : & si Pomponio. Melæ homini Hispano credimus, à Durij fluminis ostio ad promontorium vsque, quod siue Celticum, siue Nerium vocant, Celtici colunt cognominibus distincti, nempe Gronij, Prasamarci, Tamarici, Nerij : ac cæteros quoque Galæcos à Gallica origine non 30 abhorrere nomen gentis indicat. Ab altera parte transierunt è Galliis in Italiam Ligures, Libui, Salassi, Insubres, Cenomani, Boii, Senones, & (si nonnullis scriptoribus antiquis credimus) Veneti. Hæ gentes quàm latè dominatæ sint in Italia cum nemini paulum modo in historiarum lectione versato sit ignotum, non habeo necesse explicare. Sed nec inquiram diligentius quantæ Gallorum manus vel in Thracia confederint, vel ex ea egressæ Macedonia, Græciæque proculcata in Bithyniam transierint regnaque Gallogræcorum in Asia condiderint : quando ad nostrum institutum ea res non magnopere pertinet. Ad Germaniam festinat oratio, ac de coloniis in ea Gallicis locupletissimos habeo auctores C. Iulium Cæsarem, & C. Cornelium Tacitum. Ille enim in commentarijs belli Gallici scribit, quodam tempore Gallos Germanis habitos fuisse fortiores. 40 Itaque Teutofages fertilissimam Germaniæ partem circa Herciniam siluam tenuisse, & Boëmi, vt alter affirmat, ipso nomine conditores suos Boios indicant. Et propiora inter Menum, & Rhenum amnes aliquando Heluetij tenuerunt : & Galliæ originis etiam fuere Decumates trans Rhenum, & ad Dannubiū Gothini, quos Claudianus Gothunnos vocat, Arrianus in vita Alexandri Getinos, Flauius Vopiscus in Probo Gautunnos appellat. Sed & Gothunnos inter Getas Claudianus recenset, & Stephanus putat Getas ab Arriano Getinos dici : vt fortasse ne Getæ quidem ipsi à Gallica gente alieni fuerint : quando quidem certum est multas gentes Gallicas in Thraciam profectas esse, atque etiam resedisse in ea parte, quam Getæ tenuisse dicuntur. Gothinos quoque ætate sua Tacitus ait sermone Gallico fuisse vsos. Cimbri quoque, teste Philemone, & (si Tacito credimus) 50 Aestiones ad mare Suzuicū, vbi succinū legitur, habitantes, tum locuti sunt Britannicè, qui sermo erat idem cum Gallico, aut non multum ab eo diuersus. Sunt & alia plurima Gallicarū per Germaniam coloniarum vestigia, quæ non grauati persequeremur, nisi quæ dicta iam sunt, abundè ad nostrum institutum facerent : nempe vt ostendam quàm latè

RERVM SCOTICARVM

Gallia circa Britanniam suas diffuderit colonias. Quid ergo Britannia, quæ nec magnitudine, nec viribus, nec rei militaris peritia nationes illas æquabat? eam tam vicina Gallorum fortissimis, nec æris clementia, aut soli fecunditate propinquis regionibus inferior nullos exteros colonos accepit? imo, ut Cæsar, & Tacitus assueverant, complures: ut autem ego contendo, veteres cultores vniuersos. Tres enim antiquitus gentes, ut satis constat, totam insulam tenuerunt, Brittones, Picti, & Scoti: de quibus deinceps dicemus. Atque ut à Brittonibus, qui latissimè in Albio regnarunt exordiar, primus (quod sciam) C. Julius Cæsar aliquid certi de eis prodidit. Is interiores incolas indigenas putat: ideo credo, quod diligentius perquirendo nihil de primo eorum aduentu compererat: nec vlla tum erant apud eos monumenta literarum unde id disci posset. Maritima insula ait teneri à Belgis, quos spes prædæ illexerat, agri fecunditas, & cæli clementia dereliquerat. Eius rei argumentum putat, quod plerique ciuitatum unde venerant, nomina retinebant: quod ædificia Gallicis essent similia. Addit Cornelius Tacitus auctor grauissimus mores non esse dissimiles: parem & in periculis deprecandis audaciam, & in defugiendis formidinem: magnas vtrinque factiones, magnas clientelas fuisse. Denique sua ætate talem esse Britanniam, qualis ante aduentum Romanorum fuerat Gallia. Adijcit præterea Pomponius Mela in bello Britannos equitatu, bigis, curribus, Gallico armatu dimicare. Beda quoque omnibus, qui fabulosa de Britannorum origine scripserunt & ætate maior, & autoritate prior primos insulæ cultores ex Armorico tractu venisse affirmat. Ab his non dissentiunt quidam Græcorum Grammatici, qui Britannos à Britanno Celtus filio nomen accepisse tradunt. In eo certè consentiunt, quod è Gallia eos intelligi voluerunt oriundos. E recentioribus huic sententiæ subscribunt Robertus Canalis, & in vita Diocletiani Pomponius Lætus minime spernendus auctor: vterque opinor vi veritatis coactus. In hoc tamen vterque mihi videtur errare, quod eos è Brittonum peninsula ad Ligerim quæ nunc Britannia vulgò vocatur, educat: præsertim cum maritimæ Britannorum coloniæ ipsis, ut Cæsar ait, nominibus testentur unde demigrauerint. Sequitur ut de Gallicis coloniis in Hiberniam missis agamus. Iam antè ostendimus totum latus Hispaniæ quod ad septentriones exporrigitur Gallicis colonis occupatum fuisse. Ex Hispania verò causas in Hiberniam commigrandi video complures fuisse: nam vel in Hiberniam eos pertraxisse videri potest facilis è propinquo tractus, vel domo expulsi immoderata imperia Persarum, Phœnicum, & Græcorum in Hispanos bello superatos, & propter infirmitatem eis obnoxios. Item inter Hispanos ipsos è multis nationibus homines inter se malè coalescentes, & studium libertatis, & fuga seruitutis inter motus ciuiles, & nouas rerum perturbationes in gente belli auda subinde exorientes. Has migrationum causas qui expendet, non mirabitur opinor si plerique fortunam quamvis tenuem foris, modò cum libertate coniunctam domesticæ, & quidem acerbæ seruituti prætulerint. Retinuit autem illuc aduectos turbulentior indies rerum Hispanicarum status, nunc Carthaginensibus, nunc Romanis omnia seruitutis mala in bello superatos exercentibus, & multos præterea ad eandem malorum fugam compulit: præsertim cum Hispani tum nullam aliam vicinam regionem haberent, in quam aut rebus domi florentibus exuberantem multitudinem emitterent, aut unde rebus aduersis calamitatum perfugium peterent. Retinuit & æris clementia. Est enim, ut ait Cæsar, cælum Britannicū Gallico temperatius: Hibernicū autem solum amœnitate, & cælum temperamenti æquabilitate longè Britannicum superat. Præterea homines in solo aspero nati, & educati, ocio, ut sunt omnes Hispani, dediti, ad pascua ferè totius Europæ vberima traducti sese libenter è domesticis tumultibus in sinum externæ pacis recondebant. Sed nec gentis cuiusque de suis maioribus opinionem quæ verisimilibus coniecturis innititur, & testimonio vetusto confirmatur repudiandâ existimo. Nam C. Tacitus occidentale latus Britanniæ, siue Albij à posteris Hispanorū coli certa, ut ipsi videtur, coniectura affirmat. Verisimile autem non est Hispanos relicta à tergo Hibernia terra propiore, & cæli, & soli mitioris, in Albium primum descendisse, sed primum in Hiberniam appulsi, atque inde in Britanniam colonos missos: quod & Scotis contigisse omnes eorum annales affirmant, & Beda lib. i. testatur. Scoti enim omnes Hiberniæ

Hiberniæ habitatores initio vocabantur, vti indicat Orosius. Nec semel Scottorum ex Hibernia transitum in Albium factum nostri annales referunt: sed primum duce Fergusio Ferchardi filio: deinde post aliquot ætates domo pulsos in Hiberniam rediisse, atq; denuo duce Reutharo in Britanniam reuersos. Post etiam regnante Fergusio Secundo magna auxilia Scottorum Hibernicorum missa, quibus sedes in Gallia fuit data. Et Claudianus ætate sua auxilia illine aduersus Rom. transmissa indicat: æt enim,

Totum tunc Scotus Iernum

Monit, & infesto spemauit renige Terbyu. Et alio loco,

Scotorum cumulos fleat glaciulis Ierne.

10 Principio autem cum vtrique, id est Hibernia incolæ, & coloni eorum in Albium missi Scoti appellarentur, vt discrimine aliquo alteri ab alteris distinguerentur, initio coepere alteri Scoti Ierni, alteri Scoti Albini vocari: ac paulatim vtrique cognominem loco nominis vsurpata effecerunt, vt vetus nomen Scottorum propè obliuioni daretur: ac non ex vsu loquendi, sed annalium memoria repeteretur. Quod ad nomen Pictorum attinet, non patrium, & vetus id eis fuisse arbitror, sed à Romanis ex re datum, quod corpora cicatricibus haberent inscripta: quod & versus Claudiani indicat,

Ille leues Mauros, nec falso nomine Pictos

Edomuit, Scotumque Vago mucrone secutus,

Fregit Hyperboreus remis audacibus vultus. Item alibi,

20 *Veni & extremis legio præstanti Britannis,*

Quæ Scoto dat frangit truci, ferroque notat

Perlegit exanimis Picti moriente figuras.

Herodianus quoque de eadem gente, sed nomine tacito loquens, hanc pingendi rationem, nisi quod ferri non meminit, dilucide exprimit. Neque (ait) vestis vsum cognorunt: sed ventrem, atque ceruicem ferro incingunt, ornamentum id esse, ac diuitiarum argumentum existimantes, perinde vt aurum ceteri barbari. Quin ipsa notant corpora pictura varia, & omnifariam formis animalium, quocirca ne induuntur quidem, videlicet picturam corporis ne adoperiant. Quo verò nomine sese ipsi nuncuparent in re tam vetusta difficile dictu est. Vicinæ centè nationes in eorum nomine 30 parum secum consentiunt. Nam Brittones Pichtiades, Angli Pichtos, Scoti prisca Peachros eos appellant. Locorum verò quorundam nomina quæ quondam Picticæ ditionis fuerant, nunc verò à Scotis tenentur, diuersam ab omnibus appellationem ostendere videntur. Nam Penthlandici montes, & fretum Penthlandicum à Penthro, non à Picto composita videri possunt. Sed hæc nomina posterioribus temporibus ab Anglis, aut certè Scotis Anglicum sermonem vsurpantibus indita fuisse crediderim. Eorum enim apud priscos Scottos nec intellectus, nec vsus est vllus. De nomine verò Pictorum vtrunque se res habet, siue Romani vocabulum barbarum in propinquam vocem Latinam transfulerint, siue Barbari Latinam ad sui quisque sermonis sonum, & declinationem proximè accommodauerint, ego certè in magno non ponam discrimine. Sed quando de nomine constat, & ab orientali celi plaga, alij è Scythia, alij 40 è Germania eos in Britanniam appulisse rerum scriptores fatentur, restat vt vestigia persequentes coniecturis, si fieri potest, ad veritatem perueniamus. Neque aliud certius vestigandi initium video, quam à corporis illa pictura. Pingebant autem Britanni, Arii in Germania, & Agathyrsi corpora: sed, vt in bello terribiliores hosti apparerent, succis modò herbarum se inficiebant. Sed cum Picti ferro cutem variarent, ac diuersorum animalium figuris inscriberent, verius erit querere quæ gentes vel in Scythia, vel Germania, regionibusque vicinis certo illo pingendi corpora instituto non ad terrorem, sed ad decorem vterentur obseruare. Occurrunt autem in Thracia, vt Vergilio placet, Geloni, de quibus Claudianus libro primo aduersus Rufinum,

50 *Membraque qui ferro gaudet pinxisse Gelonus.*

Occurrunt apud eundem Poëtam in Thracia Getæ,

Crimigeri sedere patres pellina Getarum

Curia, quos plagis decorat numerosa cicatrix.

R E R V M S C O T I C A R V M

Igitur cum Geloni Vergilio sint Getis vicini, & vel Gothunni, vel Getini iuxta Arrianum Getis annumerentur, quid vetat cum iuxta Tacitum Gothunni Gallicè loquerentur, hinc credere Pictos oriundos? verum è quacunque natione Germanica aduenerint, mihi sit verisimile eos fuisse de veteribus Gallorum colonis, qui vel ad mare Sueuicum vel Danubium sedes habuerunt. Gallici enim generis homines cum à Germanis alienigena (ut erant) haberentur, eorum puto nomen in contumeliam abiit, adeo ut vno vocabulo *WALSCH* Gallum, peregrinum, & barbarum indicent. Ideoque siue à vicinis eieci, seu tempestatum vi adacti fuerint, facile maiores Pictorum Scotis fuisse conciliatos puto, atque ab eisdem, ut traditur, adiutos, ut homines cognatos, eiusdem fere lingue, nec dissimili rituum: eoque facile impetratum, ut sanguinem miscerent, 10
connubijsq; prope in vnam gentem coalescerent. Alioqui enim non video quomodo Scoti, qui tum Hiberniam tenebant, homines feri, & inculi peregrinos omnium rerum egenos, ac tum denique viros, nullo legum, factorum, aut lingue commercio coniunctos, tot necessitatibus circumuentos in ius affinitatis, ac prope omnium rerum societatem tam facile asciuisissent. Hic nobis non nihil ob stare videtur Bedæ Anglo-Saxonis auctoritas, qui vobis (quod sciam) Pictos à Scotis diuersa lingua prodit viros. Ait enim, de Britannia loquens, eam quinque linguis vnam eandemque summæ veritatis, & veræ sublimitatis scientiam scrutari, & confiteri, Anglorum, Brittonum, Scotorum, Pictorum, & Latinorum. Bedam autem ego opinor pro quinque dialectis quinque linguas dixisse: quod à Græcis in re simili factum videmus. Item à Cæsare in exordio 20
commentariorum belli Gallici. Tres enim Galliarum partes linguis, moribusq; diuersis esse vsas ait. At Strabo, ut Aquitanos à cæteris lingua discretos esse confitetur: ita reliquos Gallos eadem lingua, sed paulum variata uti. Sed nec Scotos à Brittonibus toto sermone, sed dialecto potius discrepasse arbitror, uti posteriùs dicam, cum nunc etiam tam in sermone consentiant, ut eodem aliquando vsi fuisse videantur, minusque inter se differant, quàm quædam Gallicæ nationes, quæ omnes gallicè loqui dicuntur. Itaq; cæteri scriptores, ne diuersi quidem sermonis vllam suspensionem faciunt: & ipsi, quando regnum vtrunque fletit, velut vnius gentis homines matrimonia semper inter se contraxerunt: ac initio mixti, deinde vicini, ac sæpius amici fuerunt, vsque ad Pictorum excidium. Sed nec eorum reliquæ (quas extincta militari ætate multas fuisse oportet) 30
vlla ex parte Scotorum linguam corruperint: ac ne in eis, quas reliquerunt sedibus vllum peregrini sermonis vestigium remansit. Omnes enim Pictorum regiones, ac singula etiam loca Scoticas appellationes hodie retinent, præter admodum pauca, in quibus, præualecente supra patriam Saxonica lingua, Germanicæ originis nomina sunt imposita. Nec illud omittendum, quod ante Saxonum in Britanniam aduentum nunquam vllas Britannicas nationes inter se interpretibus vsas legamus. Igitur cum vno consensu Scoti, Angli, & Germani scriptores Pictos è Germania oriundos ferant, constetq; Gothunnos, siue Getinos Gallorum fuisse colonos, & gallicè locutos, & AEstios ad mare Sueuicum Britannicè, vnde potius existimem Pictos prodijisse? aut quò sedibus eiectos, nisi ad cognatos contendisse? aut vnde potius connubia impetraturos, quàm à populo, 40
sanguine, lingua, moribus sibi coniuncto. Quod si Pictos à Gothunnis, aut AEstijs, aut Getis neget aliquis oriundos, propter earum regionum longinquitatem, is secum cogitet quor, & quantæ migrationes in omnes partes factæ sint illis temporibus, in quæ Pictorum aduentus in Britanniam est coniectus, ac deinceps multis sæculis: intelliget opinor nihil horum non modò fieri, sed etiam facile fieri potuisse. Galli Hispaniæ, Italiæ, Germaniæ, & Britanniæ bonam, magnamque partem colonijs occuparunt: ad Mæotida & Cimmerium Bosporum populando sunt progressi, Thraciam, Macedoniam, & Græciam peruastantes in Asia confederunt: Cimbri, Ambrones, & Teutones Galliam depredati in Italiam penetrarunt. Geloni qui Vergilio in Thracia collocantur, apud cæteros fere scriptores vicini in Scythia sunt Agathyræ. Gothi obscura diu natio dilu- 50
uij instar breui tempore Europam, Asiam, Africam inundarunt. Multis igitur deinceps sæculis dum ferociore finitimorum sibi sedes vendicabant, infirmiores potentiorum iniurijs obnoxij, patriam, quam retinere nequibant, relinquunt, si homines diu cum fortuna

fortuna colluctati, atque incertis sedibus per varios errores iactati, se in longinquas re-
 giones tandem aliquando contulerunt, nihil, opinor, apud rerum peritos admirationis
 res habere debet. Duas præterea nationes vetustas à scriptoribus Romanis collocari
 videmus intra eos limites, quibus regna Scotorum & Pictorum aliquando clauderentur,
 Maiatas & Attacottas. Ex his Maiatas, quos Dion vnus (quod sciam) nominat, Pi-
 cticæ gentis fuisse, reor: quando eos in agris Caledonijs proximis constituit: quos
 agros certum est Pictos tenuisse. Attacottas ex Marcellino apparet fuisse ex eis, qui ali-
 quando vallo Adriani exclusi, postea prolatis imperij finibus, ad Severi vallum vsque
 intra prouinciam sint comprehensi: quoniam in libello de castrensibus officijs Roma-
 10 norum per prouincias inter externa auxilia reperio cohortes aliquot Attacottorum,
 sicut & Brittonum: quo magis miror audaciam dicam, an stuporem Luddi: audaciam,
 qui, Attacottas fuisse Scotos, sed nullo prorsus auctore, aut coniectura verisimili affir-
 met: stuporem, quòd in loco Marcellini à se citato, Scotos ab Attacottis separari, non
 videat. Inquit enim Marcellinus, Picti, & Saxones, Scoti, & Attacotti Britannos arum-
 nis vexauere continuis. Pari stupore ab eo factum est, vt contendat, Caledonios è Brit-
 tonum gente fuisse, qui planissime Picti fuerunt: quod perspicue Luddus testimonio ex
 Panegyrico, qui dictus fuit Constantino, aduersus se prolato demonstrat. Inquit enim
 orationis auctor Caledonum, & aliorum Pictorum siluas. Id testimonium ille, qua stul-
 titia est, pro se produxit: & quòd stupore est, non contra se facere animaduertit. Quòd
 20 si vocem inspiciamus, ea lingua Scoticæ est. Calden enim Scotis ea arbor est, quæ La-
 tinis corilus dicitur: vnde & Caledoniæ siluæ nomen reor inditum, & Caledoniorum
 opidum ad Taum amnem situm, Duncalden adhuc vocatur, hoc est, corilorum tumu-
 lus. Et si aduersus consensum omnium Ptolemæi codicum mihi aliquid permittere au-
 derem, pro mari Deucaledonio scriberem Duncaledonium: & apud Marcellinum, pro
 Dicaledones, Duncaledones: & mari, & gente à Duncaledonio opido cognominatis.
 Hæc quæ scripsimus, etsi abundè satisfacere possint lectori non iniquo: nihilominus
 adiiciemus & alia, quæ C. Plinius manifesta originum indicia existimauit: nempe sacra,
 linguam, opidorum vocabula. Primum satis constat, maximum amicitiae vinculum,
 & cognationis argumentum habitam fuisse similitudinem religionis, & eandem de
 30 Dijs opinionem. Apud Britannos autem & Gallos idem planè Deorum erat cultus,
 idem apud vtrosque, & nusquam alibi, Druidum sacerdotium, quorum superstitio adeo
 vtriusque gentis animos peruasera, vt multi dubitarent, vtri ab vtris eam philosophiam
 didicissent. Item, eadem sacra ex superstitionis persuasionem deprehendi, ait Tacitus.
 Nec ab eo ritum fuisse immunes Hispanos, vt quorum bona pars è Gallijs originem du-
 cebat, indicat tumulus prope Carthaginem nouam, qui Mercurius Teutates appellaba-
 tur, vti scriptum est à Liniis. Idem quoque genus vatium apud Gallos & Britannos in
 summo fuit honore, quos vtrique Bardos vocabant. Horum & functio & nomen ad-
 huc perseuerat apud omnes nationes, quæ vetero Britannorum lingua vtuntur, tan-
 tusque eis honos multis in locis habetur, vt & ipsi sacrosancti, & eorum domus pro asylo
 40 sint: & inter infestissimos hostes, vbi crudelissime & bellum geritur, & victoria exerce-
 tur, perpetua sit eis eorumque comitibus vtro citroque, commeandi potestas. Nobiles eos
 ad se ventitantes & honorifice suscipiunt, & munifice dimittunt. Carmina autem non
 inculta fundunt, quæ Rhapsodi proceribus, aut vulgo audiendi cupido recitant, aut ad
 musicos organorum modos canunt. Plurima ex veteribus institutis adhuc manent: nec
 quicquam ferè in Hibernia, nisi in ceremonijs & religionis ritibus, est mutatum. Hæc
 de sacris in præsentia dicta sint. Superest, vt de lingua veteri, ac opidorum & gen-
 tium vocabulis agamus. Hæc autem partes plerumque nobis erunt promiscue tractan-
 da, quòd altera alteri sæpenumero velut fundamento innititur, præcipue cum nomen
 proprium aut originatione, aut declinatione patriam asseret. Atque hæc quidem, etsi
 50 mutua conspiratione sese confirmant, tamen quoad fieri potest, ea nos, docendi gra-
 tia, separabimus. Primum igitur Tacitus in vita soceri sui affirmat, non multo Galli-
 cam à lingua Britannica esse diuersam: ex quo facio coniecturam, aliquando eandem
 fuisse, ac paulatim, vel externarum gentium commercio, vel ignotarum antè rerum

R E R V M S C O T I C A R V M

inuestione, vel nouarum artium inuestione, & frequenti formæ vestium, armorum, suppellectilisque reliquæ mutatione sermonem facile sequacem multis in partibus interrim auctum, interim adulteratum, ac multa noua vocabula genita, multa vetusta viriata. Cogitet apud se quisque quantum populi inconstantia sibi in hac parte sumat: quantum ei semper & fuerit, & sit præsentium fastidium, & innouandi studium, comperiet profecto illud optimi poetæ, & vnici censoris iudicium esse verissimum,

Vt filia folijs pronos mutantur in annos,

Prima cadunt, ita verborum vetus interit ætas,

Et inuenum ritu florent modo nata vigentque.

Multa renascuntur, quæ iam cecidere, cadensque

Quæ nunc sunt in honore vocabula, si uolet usus,

Quæ penes arbitrium est, & ius & norma loquendi.

Et paulo infra,

Hæc quidem ille de Romano sermone scripsit, qui magna ciuium cura incorruptus seruabatur: quem omnes nationes, quæ intra tam latos imperij fines continebantur diligenter addiscebant. Ne admiremur igitur linguam ante colonias à Galliis in omnes partes emissas iam domi discordem, & deinde diuersarum nationum commistione pollutam, & ab initio barbaram, & suis quodam modo neglectam, ac postquam ab externo solo rursus in Britanniam se recepit in regna exteris plerumque obnoxia diuisam sibi non semper constare. Nam & initio Celtæ, & Belgæ diuersa vrebantur, vt Strabo censeret, dialecto. Deinde cum Celtæ magnas colonias in Hispaniam emisissent, vt Celtiberorum, & Celticorum indicant nomina, & Belgæ Britanniam maritimam, vt intelligi potest ex Ventæ Belgarum, ex Atrebarum, & Icenorum nominibus, occupassent, non potest fieri, vt non hinc Hispani, inde Romani, Angli, Dani, Normani non multa peregrina vocabula secum aduexerint, patriâ corruperint. Quin illud potius mirandum censeo, quod nunc etiam tanto post tempore tot gentium aduentu adulteratis, & magna ex parte mutatis vicinarum nationum linguis adhuc Britanni non tam sermone toto, quam proprietate, & dialecto inter se discrepent: ac si quis ex eis alterius nationis Britannicè hominem audiat loquentem, sonum tamèn suæ linguæ agnoscat, & plurima verba capiet, quanquam sermonem vniuersum non intelligat. Nec si non eadem semper apud omnes eandem rerum inueniantur vocabula nouum debet videri, reputantibus quantum in singularum gentium sermone quotidie mutant vicinorum commercia, quantum assidua consuetudo, quot noua verba cum rebus nuper inuentis nascantur, quot ex vltimis terris cum suis mercibus aduehantur, quot vetusta intereant, quot adiectis literis vel syllabis protrahantur, ablati decurantur, transpositis aut mutatis interpolentur. Non quæram quantum, & quam breui sermo Ionicus ab Attico degenerauerit, quantum ab vtrisque reliqui Græci diffideant, obseruemus nobilissimarum in Europa gentium sermonem. Gallica, Italica, Hispanica lingua ab eisdem radicibus ortæ, quam cito à puritate linguæ Latinæ descuerint nec inter se interim minus discrepant, quam Scotica prisca, & Britannica. Imò si singulas Galliarum provincias (eas dico, quæ gallicè loqui existimantur) dispiciamus, quantum discrimen inter Galliarum 49 Narbonensis incolas comperiemus, & Vascones? quantumque ab vtrisque recedunt vtrisque finitimi Lemouices, Petragorici, & Aruerni? quantum ab his omnibus reliquæ Galliarum prouinciæ? Atque vt propioribus vtamur exemplis, leges Anglorum quingentos abhinc annos à Gulielmo Normano gallicè editas nemo Gallorum sine interprete nunc intelliget. Imò si qui longiusculè vixerunt senes, in memoriam reuocent quot vocabula ipsis pueris usu protrita nunc prorsus obsoleta sint: quot autem proavis nostris inaudita in eorum locum successerint minimè mirabuntur eandem ab initio linguam apud gentes longè diffusas, & sæpius bello dissidentes ita sensim longinquitate temporis immutari, vt propemodum tota diuersa videatur. Contra verò cum non tot annis, sed sæculis, in sermone Britannico videam eam concordiam inter nationes 50 vel spatio terrarum longè separatas, vel mutuis odijs laborantes, quanta non est inter multos Gallorum populos, qui sub eisdem Regibus, & legibus diu vixerunt. Cum talem igitur in loquendo concordiam mecum recogito, quæ & veterem cognationem & non

non obscuras eiusdem originis notas adhuc seruet, facile adducor, ut ante Saxonum aduentum, omnibus Britannis non multum diversam fuisse linguam, credam: ac proximas Gallico litori nationes verisimile est Belgica usus fuisse: & quorum finibus bona pars vicinorum Galliarum Britannorum (ut legere est apud Casarem) transmigraverat. At Hiberni, & coloniae ab eis missae à Celtis Hispaniae habitatoribus oriundi, uti credibile est, Celtica utebantur. Haec gentes cum, velut à longinqua peregrinatione reuerse, vicinas occupassent sedes, ac prope in unum populum commistae fuissent, rursus prope confusis idiotisimis sermonis quandam permixtionem factam reor, ut neutri linguae vel Celticae, vel Belgicae omnino similem, ita neutri penitus dissimilem: qualem animadvertere licet in eis nationibus, quae Germanice loqui putantur, & tamen à verusto sermone multum descivisse constat. Intellego Danos, Saxones maritimos, Frisios, Flandros, & Anglos, in quibus omnibus facile erit deprehendere quasdam literas, sonos, & inflexiones, vni Germanis proprias, & cum nulla alia gente communes. Ex hoc opinor literarum sono, & familiari singularum gentium in certis literis pronunciandis ratione, & aurium iudicio: item, ex compositione, & declinatione vocum, certiora sumi posse indicia cognati sermonis, quam à singulorum verborum significatione. Huius rei exempla sunt, in literis W. Germanicum, in compositione Moremarusa, & Armoricus, de quibus dictum est. In declinatione ea, quae apud Gallos in ac exeunt, quorum prope infinitus est numerus: quae forma apud Scotos est hypocoristica, & apud veteres Gallos fuit. Apud Scotos à Drix, quod veprem significat, declinatur Drissac, id est vepicula, & à Brix, quod rupturam indicat, Brixac: quod nunc Galli pronuntiant Brissac. Quod enim Brix Scotis dicitur, id Galli adhuc Bresche appellant, nullo discrimine in vocum significatione. Scriptura ut discrepet in causa est, quod veteres Scoti, & adhuc uniuersi Hispani x. litera pro duplici ss. utebantur. Itaque veteres Galli à Brix Cornomanorum opidum Brixiam nominarunt, & à Brixia rursus Brixiacum, quod vulgo Brissacum. Simili prope forma ab Aurelia, Aureliacum factum est, & ab Ebury, quae Cerealis, vel Eborac, quae felicitas Iulia Hispanis cognominatur Eboracum, ab Hispanis oriundi Brigantes declinauerunt, Gallici sermonis proprietatem in declinando exprimentes. Quin & praeter ea, quae nobis commemorata sunt, totum illud Britanniae latus, quod ad occidentem hibernum porrigitur manifesta & Gallici sermonis, & originis impressa retinet vestigia, eaque etiam, perspicuo gentium exterarum testimonio, comprobata. Prima in eo latere occurrit, quam multi Cornualliam, Cornaulam veteres, vulgus Kernico vocant: quemadmodum & apud Scotos Cornauij, qui in vltima ferè septentrionis plaga statuuntur à Ptolemaeo, vulgo Kernic appellantur. A Kernico igitur & Vallis, Cornuallia deducta est, quasi dicas Kernicogallos. Vallis etiam in eodem latere altera peninsula & nomine, & sermone maiores suos afferit. Id eius nomen qui ad Germanici sermonis sonum propius accedunt per W. propriam vni Germanis literam effecerunt: quam literam reliqui vicini, qui vtuntur sermone prisco, nullo modo pronuntiare possunt. Imò ne tormentis quidem à Kernicovallo, Hiberno, aut prisco Scoto exprimes, ut eam proferat. Gallis verò, qui Valliam nominare volunt, G. semper prima est litera, nec in hoc nomine solo id obseruare licet, sed in alijs multis, quae à litera G. habent initium. Gallicum enim sermonem qui ex propinquitate regionum germanissant, Wallum vocant: & in alijs prope infinitis hac permutatione literarum vtuntur. Contra verò, quae regio est Anglis Wales, & Northwales, ea Gallis est Gales, & Norgales, pertinaciter adhuc in vestigijs antiqui sermonis haerentibus. At Polydorus Vergilius, velut nouo commento sibi placet, quod rem nulli sermonis Germanici mediocriter perito ignotam, se vnum animaduertisse putat: nempe, quod vox illa Walch, peregrinum significet, atque inde Vallos, seu peregrinos ab eis fuisse nuncupatos. Hac in re mihi praeter equum sibi placere videtur. Nam si à peregrinitate nomen illud ductum fuisset, rectius (opinor) in Anglos aduentitios competeret, quam in eos qui propter antiquitatem indigenae multis veterum sunt crediti. Aut si ab Anglis eis impositum fuit, cuius Scotis, & Pictis, id nomen non dederunt, qui rectius quam Brittones ita vocari poterant, ut quibuscum rariora commercia, & minorem usum habebant aut si

RERVM SCOTICARVM

Angli tam contumelioso nomine Vallos notassent, num etiam ipsi Brittones tot saeculis Anglorum hostes infestissimi, & nunc etiam magis obnoxii, quam amici id nomen agnoscerent? quod quidem non iniuri faciunt, cum ipsi sua lingua se Cumbros appellent. Quid, quod vox Walsch non simpliciter Germanis peregrinū significet, aut barbarum? sed etiam priore, & proprio magis intellectu Gallum. Itaque vox Vallia, ut ego quidem sentio, à verbo Gallia est immutata ab Anglis consentientibus quidem de nomine cum ceteris vicinis nationibus, sed observata tamen proprietate linguae Germanicae in prima littera enuncianda Wallia. Veteres certe eius peninsulae incolae Silures appellabant, ut apparet ex Plinio: quod nomen in parte quadam Valliae diu apud posteros resedit. Lelandus autem genere Britannus in suae gentis antiquioribus monumentis proferendis homo apprime diligens affirmat Valliae partem aliquando Rossiam fuisse vocatam: quae vox Scotis peninsulae indicat. Verum nationes propinqua videntur nomen in loquendo potius usurpasse, quod gentis originem, quam quod regionis situm, & formam demonstraret. Idem quoque in Scotorum nomine est factum. Nam cum ipsi se Albinos nomine ab Albio declinato vocent, vicini tamen Scotos eos nuncupant, quo nomine origo eorum ab Hibernis delaturatur. Sequitur in eodem latere, & litore occidentali Gallouidia: quam vocem & Scotis, & Vallis, Gallum significare est perspicuum, ut cui alteri à Gallo, alteri à Vallo nomen dedere. Valli enim Wallovithiam eam appellant. Ea magna ex parte patrio sermone adhuc utitur. Hae autem tres nationes totum Britanniae latus, quod ad Hiberniam vergit, tenent: nec leuia indicia, sed penitus iniustas 20 notas Gallici sermonis, & cognationis adhuc servant. Illud autem in primis, quod Scoti prisca omnes nationes, quae Britanniam incolunt, in duo genera partiuntur: alteros Gael, alteros Galle, siue Gald appellant: hoc est (ut ego quidem interpretor) Galacos, & Gallos. Porro Galaci vocabulo, id est Gael ipsi sibi placent: suamque (ut dixi) linguam Galacam vocant, eaque velut magis culta, & elegante gloriantur: reliquos, hoc est Gallos, velut barbaros praese contemnunt, & quanquam ab initio Scoti Brittones, hoc est vetustissimos insulae cultores Gallos appellarent, tamen consuetudo loquendi paulatim obrinuit, ut omnes nationes, quae posterius sedes in Britannia collocarunt contumelioso potius, quam gentilitio nomine ita compellent. Vox enim Galle, aut Gald non est minus apud eos significans quam apud Graecos & Latinos Barbarus, apud Germanos Walsch, iam tandem eo ventum est, ut ex opidorum, fluminum, regionum, & alijs id genus nominibus linguae inter Gallos, & Britannos communionem, atque ex ea veterem cognationem demonstramus. Lubricus sane locus, & diligenter examinandus. Nam & superius disseruimus quam multis de causis sermo publicus immutetur. Quanquam enim non penitus ac semel innouetur, tamen in perpetuo fluxu est, & mutantium inconstantiam sua quadam naturae flexibilitate facile sequitur. Id autem praecipue apparet in eo rerum genere, quae non modo temporum momentis, sed vnius etiam cuiusque arbitrio sunt obnoxiae: qualia sunt singularium rerum, quae ad usum vitae quotidianum sunt inuenta, quarum nomina leuibus de causis obsolescunt, innouantur, & interpolantur. At in ijs quae sunt aeterna, ut caelum, mare, terra, ignis, montes, 40 regiones, flumina: item in illis quae diuturnitate sua quoad naturam patitur infirmitas aeterna illa, & incorrupta quadam tenus imitantur, qualia sunt opida quae tanquam sempiterna futura conduntur, diuersa longe ratio est. Gentium enim & urbium non facile quis aut noua nomina fingit, aut vetusta immutat: quippe quae non temere, sed sere consilio, & consensu populari dantur ab initio à conditoribus, quos vetustas plerumque diuinis honoribus prosequatur, & quoad poterat immortalitate donabat. Merito igitur haec nomina perennant, nec sine magna rerum omnium perturbatione loco cedunt, ac reliquo sermone prorsus mutato tamen illa pertinaciter haerent, & non nisi inuita discedant. Multum etiam ad eorum durationem facit causa nominis imponendi. Nam in demigrationibus qui vel pulsi sedes antiquas linquebant, vel sponte nouas querebant, 50 amissa patria tamen nomen retinebant, & sono auribus iucundissimo libenter fruebantur, & hac qualicumque nominis ymbra soli natalis desiderium leniebant: nec omnino sibi exulare, & procul domo agere videbantur. Sed nec deerant, qui superstitione quadam

quadam tacti sanctiorem aliquam, & augustiorem speciem in animis concipiebant, quam quæ in parietibus, & rectis conspici posset, ac non solum charitate patria simulacrum illud, & suauissimum prioris patriæ pignus amplectebantur. Certius igitur ex hoc verborum genere cognationis argumentum sumetur, quam ex illis, quæ tenuissimis, ac sæpe nullis de causis rebus momentaneis & dantur, & adimuntur. Nam, ut casus efficere potest, ut idem vocabulum in diuersis regionibus usurpetur: non tamen credibile est, tot gentes, tam longè, lateque fusas eisdem in nominibus dandis toties fortuito consensisse. Proximo loco sunt ea, quæ ex primis deflexa sunt, aut composita. Sæpenu-
 10 mero enim declinationis & compositionis similitudo propius indicat sermonis communio-
 nem, quam vocabula prima: quod hæc fortuito sæpe imponuntur, illa vna, ac certa ratione declinantur, & ad certum quoddam exemplum diriguntur, quod Græci ἀναλογία vocant. Hæc igitur certa, & perpetua ratio cognationis (ut Varro loquitur) nominalis nos quodam modo ad generis cognationem, & veterem sermonis communio-
 nem ducit. Est & quædam in singulis verbis primogenijs observatio, unde quadam te-
 nus quæ sint inquilina, quæ patria dignosci possit. Nam & Philosophia, & Geometria,
 & Dialectica, quanuis sæpe usurpentur à Latinis scriptoribus, vix vllum tamen habent
 in lingua Latina cognatum vocabulum, aut ex sese progenitum, aut unde ipsa trahere
 originem posse videantur. Contra Paradisus, & Gaza in usu sunt Græcis, & tamen esse
 inquilina vel illinc facillè apparet, quod nec maiores, nec progeniem in Græcâ ciuita-
 20 tem ascriptam possint ostendere. Eadem observatio in reliquis etiam linguis ad diui-
 dicandum, quæ domestica, quæ aliunde accersita sint proficiet. Hæc de vniuerso genere
 dicta sint: nunc è singulis partibus proponamus exempla: ac prima nobis occurrunt,
 quæ in Bria, Briga, & Brica finiuntur. Briam Strabo lib. vii. & cum eo consentiens Ste-
 phanus ait urbem significare. Id ut confirmet, hæc nomina inde facta proferunt, Pul-
 to-
 bria, Brutobria, Mesimbria, & Selimbria. Sed quæ illis est Brutobria, alijs est Brutobrica,
 & quæ Ptolemæo finiuntur in Briga, Plinio exeunt in Brica, ut verisimile sit Briam, Bri-
 gam, & Bricam idem significare. Verum originem omnibus è Gallia esse vel hinc ap-
 parer, quod Galli antiquitus in Thraciam, & Hispaniam, non autem illi in Galliam co-
 lonos misisse dicantur. Igitur apud scriptores idoneos hæc ferè huius generis leguntur.
 30 Abobrica, Plinio, in conuentu Bracarenfi.
 Amalobrica in Itinerario Antonij Aug.
 Arabrica Plinio, conuentus Bracarenfis.
 Arabrica altera, Ptolemæo, in Lusitania.
 Arcobrica, Ptolemæo, in Celtiberis.
 Arcobrica altera, Ptolemæo, in Celticis Lusitanis.
 Arcobrica tertia, Plinio, in conuentu Casaraugustano.
 Artobrica, Ptolemæo, in Vindeliciis.
 Augustobrica, Plinio & Ptolemæo, in Lusitania.
 Augustobrica alia, Ptolemæo, in Vectonibus.
 40 Augustobrica tertia, Ptolemæo, in Pelendonibus.
 Axabrica, Plinio, in Lusitanis.
 Bodobrica, Itinerario Antonij Aug. & lib. de notitia Imperij Ro. in Germania prima.
 Brige, Itinerario Antonij Aug. in Britannia.
 Brige vicus, Straboni, ad Cottias alpes.
 Brutobrica, Stephano, inter Betim & Turdulos.
 Calibrica, Ptolemæo, Celerinorum.
 Casarobrica, Plinio, in Lusitania.
 Catobrica, in Turdulis, Itinerario Antonij Aug.
 Corimbrica Pli. in Lusitania: sed, nisi fallor, corrupte, pro Conimbrica, cuius meminit
 50 Itinerariū Ant. Aug. & quæ suum vetus nomen adhuc seruat, ad Mundam armenem.
 Cotteobrica, Ptolemæo, in Vectonibus.
 Deobrica, Ptolemæo, in Vectonibus.
 Deobrica altera, Ptolemæo, in Autrigonibus.

RERVM SCOTICARVM

Deobricula Ptolemæo Morbogorum.

Dessobrica non longè à Lacobrica, Itinerario Antonij Aug.

Flauibrica Plinio, ad Amanum portum. Ptolemæo in Autrigonibus Magnum vocat: ac nescio, an apud Plinium Magnum scribi debeat.

Gerabrica in conuentu Scalabitano, quæ in eodem, Ierabrica.

Iuliobrica Plinio & Itinerario Antonij Aug. in Cantabris, olim Brigantia.

Lacobrica in Vaccæis Plinio, & Ptolemæo, & Festo Pompeio.

Lacobrica in sacro promontorio Melæ.

Lancobrica in Celticis Lusitanis, Ptolemæo.

Latobrigi, vicini Heluetijs, Cæsari.

Medubrica, cognomento Plumbaria, Plinio, in Lusitania. Hæc, ni fallor, in Itinerario Antonij vocatur Mundobrica.

Merobrica, cognomento Celtica, in Lusitania, Plinio & Ptolemæo.

Mirobrica, in Oretanis, Ptolemæo.

Mirobrica altera in Beturia, siue Turdetanis Beticis, Plinio, & Ptolemæo.

Nemetobrica in Celticis Lusitanis, Ptolemæo.

Nertobrica in Turdulis Beticæ, Ptolemæo.

Nertobrica altera in Celtiberis, Ptolemæo, in Itinerario Antonij Aug. Nitobrica.

Segobrica in Celtiberis, Plinio. Ptolemæo verò, Celtiberiæ caput.

Talabrica in Lusitania, Plinio & Ptolemæo.

Turobrica in Celticis Beticæ, Plinio.

Tuntobrica inter Bracares Galæcos, Ptolemæo.

Vertobrica, cognomento Concordia Iulia, Plinio in Celticis Bæticis.

Volobrica Nemetum, Ptolemæo.

Ad hanc formam pertinere videntur plurima opidorum & gentium nomina in omnibus prouincijs, in quas Galli colonias deduxerunt. Nam vt à Burgo Burgundus, & Burgundio, ita à Briga Brigantes deduci videntur. Rectus autem casus huius vocis apud Stephanum est Brigas, vnde inflectimus Brigantes, vt à Gigas Gigantes. Sunt autem Brigantes Straboni ad Cottias Alpes: & in eodem tractu Brige vicus: & Brigiani in trophæo Augusti inter Alpinas gentes recensentur: & Brigantium opidum est Alpi-
num: & Brigantij in Vindelicis Straboni, & Brigantia in Itinerario Antonij Aug. & Briga mons Ptolemæo prope fontes Rodani & Danubij: & Brigantium in Rhætis Ptolemæo, opidum opinor, quod in libro de notitia prouinciarum Popul. Roman. est Brecantia, & lacus Brigantinus, & in Hibernia Brigantes populi Ptolemæo, & in Albio Brigantes Ptolemæo. Tacito & Senecæ, & Brige opidum, & Isobrigantium Itinerario Antonij Aug. & Brigantium opidum Orosio, ad Celticum promontorium, & Flauio-
brigantium Ptolemæo, in magno portu, & recentior Brigantia, nunc in regno Lusitania. Est & alia nominum forma, vel à Duno incoantium, vel in eam vocem exenn-
tium, quam Gallicam fuisse, ostendunt cumuli illi arenæ in litore Morinorum, qui Duni adhuc appellantur, & in mari cumuli aduersus Anglicum litus, quibus idem est
nomen: & Plutarchus (is dico, qui de fluminibus libellum scripsit) qui exponens Lugduni originem, Dunum pro vocabulo Gallico agnoscit. In nominibus autem vicorum
& opidorum exprimendis, non est ferè alia vox frequentior apud nationes, quæ veterem Gallicam linguam prope integram seruant. Intellego Brittones in Gallia Celtica, & priscos Scotos in Hibernia & Albio: & Vallos, & Kernicovалlos in Anglia. Neque enim quisquam est harum gentium, qui id vocabulum pro suo non agnoscat. Id modò interest, quod Galli veteres compositas inde voces in Dunum finiebant: Scoti plerunque in principio verborum eam collocant. Huius generis in Gallia hæc repe-
rimus: Angustodunum, in AEduis. Rodani.

Castellodunum, agri Carnotensis.

Melodunum, ad Sequanam.

Lugdunum, ad confluentem Araris &

Augustodunum, in Aruernis Ptolemæo.

Lugdunum, in Conuenis Ptolemæo.

Novidunum, in Tribocis Ptolemæo.

Vxello-

Vxellodunum, Cæsari.

Iuliodunum, in Pictonibus.

Ifodunum, & Regiodunum in Biturigibus.

Laodunum, agri Remensis.

Cæsarodunum, in Turonibus, Ptolemæo.

Segodunum, in Rutenis, Ptolemæo.

Velannodunum, Cæsari.

IN HISPANIA.

Caladunum Ptol. Brac.

Sebendunum Ptolemæo.

IN BRITANNIA.

Camulodunum in Brigantibus, Ptolemæo. Rigodunum in Brigantibus, Ptolemæo.

Camulodunum, colonia Romana, Tacito. Cambodunum, Itinerario Antonij Aug.

10 Dunum opidum Durotrigum, Ptolemæo. Margidunum, Itinerario Antonij Aug.

Maridunum Demetarum, Ptolemæo & Itinerario Antonij Aug. Soriodunum, vel Sorbiodunum, eodem Itinerario Antonij Aug.

Segodunum, & Axelodunum li. de notitia Im.

RECENTIORA IN ANGLIA.

Venantodunum.

Dunelmum.

IN SCOTIA.

Duncaledon, quæ & Caledonia.

Nouiodunum, vel Dunum nouum, in Coualia.

Deidunum, aut verius Toadunum ad Taum amnem.

Britannodunum, ad confluentem Glottæ & Leuini.

20 Edinodunum, quam vocem prisce Scoti adhuc retinent: at qui germanissant Edinburgum malunt.

Sunt autem hoc tempore innumera nomina arcium, aut vicorum, aut collium hinc composita.

Dunum Hiberniæ opidum.

IN GERMANIA, apud Ptolemæum leguntur,

Lugdunum, Segodunum, Tarodunum, Robodunum, Carrodunum.

IN ALPIBUS.

Ebrodunum, & Sedunum.

IN VINDELICIS, Rætia, & Norico.

Cambodunum, Corrodunum, Gesodunum, Idunum, & Nouiodunum, & in libro de notitia Imperij Romani, Parrodunum.

30 IN SARMATIA, & Dacia Ptolemæo.

Corrodunum, Singindunum ad Dannubium: Nouiodunum ad ostium Danubij: item Nouiodunum alterum. Sunt & in eisdem prouincijs non pauca à Dur declinata, quæ vox veteribus Gallis & Britannis aquam significabat, & apud quosdam in eodem intellectu adhuc perseuerat.

IN GALLIA.

40 Durocottorum, in Remis, Ptolemæo. Legitur & Durocortium: meminit & Cæsar Diuodurum Mediomatricorum Tacito. Diuodurum prope Luteciam Itinerario Antonij Aug. Batauodurum, in Batavis Ptolemæo & Tacito. Breuiodurum Itinerario Antonij Aug. Ganodurum, prope Renum Ptolemæo. Gannodurum, in Heluetijs Ptolemæo. Octodurum, vel Octodorus in Veragris, Cæsari.

IN RÆTIA, Vindelicis, & Norico.

Bragodurum, Carrodurum, Ebodurum, Gannodurum, & Octodurum, Ptolemæo. Venaxamodurum, & Boiodurum, libro de notitia prouinciarum.

IN HISPANIA.

Octodurum, & Ocellodurum Ptolemæo. Durus amnis in Oceanum, Duria in mare internum fluens, & in Hibernia Dur fluius Ptolemæo.

IN BRITANNIA.

50 Durocobriæ, Duroprouæ, Durolenum, Durouernum, Durolipons, Durotriges, Durocornouum, Durolitum, Duronouaria, Laetodurum. Ad hanc fortasse pertinent originem, Doria maior & minor, Alpina flumina, alter per Salassos, alter per Taurinos in Padum influentes. Item Issidorus, & Altissidorus vrbes Galliarum, à situ (vt reor) prope flumina dictæ. Huc etiam pertinet Dureta, quæ vox Hispanis folium ligneum significabat, vt in Augusto scribit Suetonius. Huc pertinet, apud Cæsarem, proprium viri

R E R V M S C O T I C A R V M

nomen Domnacus, quod mihi ex Dunaco corruptum videtur. Dunach enim Dunachum & Dunensem significare potest, ut Romach Romanum. Dunacus, siue potius Dunachus, adhuc inter propria virorum nomina vsurpatur, quod nomen vtriusque linguæ, Latinæ & Britannicæ, ignari perperam nunc Duncanum, nunc Donatum vertunt. Magus item, vox antiqua in omnibus prouincijs, in quibus publicus fuit vsus Gallici sermonis, in nominibus vrbiū exprimendis admodum frequens: quæ res, Gallicam eam fuisse, indicat. Verum è declinatis ab ea magis suspicari possumus, quàm pro certo affirmare, domicilium, urbem, aut ædificium ea indicari solitum in libro de notitia Imperij Populi Romani legitur, Præfectum numerorum Pacensium in præsidio Magis: item in eodem lib. Tribunum cohortis secundæ Magnis collocatum. Magnos 10 item in Itinerario Antonij inuenimus: vnumne opidum, an diuersa sint, non ausim pro certo affirmare. Verum magis inclinat animus, ut credam diuersa. In Magus autem exeuntia, hæc ferè legimus. Ex Ptolemæo Nouiomagus in Santonibus, Nouiomagus Lexouiorum, Nouiomagus in Vadeassijs, Nouiomagus Nemetum, Nouiomagus in Tricassinis, Nouiomagus Biturigum, Iuliomagus in Andegauis, Rotomagus in Venclocassijs, Cæsaromagus Bellouacorum, Rotomagus Nerviorum, Borbetomagus Vangionum, in Germania prima, Vindomagus in Volcis Arecomicis. Item ex Itinerario Antonij Argantomagus, & in Germania prima, Nouiomagus: ex libro de notitia Imperij Romani. Nouiomagus Belgicæ secundæ. In Rhatia Drusomagus Ptolemæo. In Britannia ex Itinerario Antonij Augusti. Cæsaromagus, Sitomagus, Nouiomagus in 20 Regnis, Vacomagi, Magiouiunium. Vicomagi pars Pictorum, Ptolemæo. Sunt & alia locorum nomina, pluribus harum gentium communia, sed non tam frequenter vsurpata, nec tam latè sparsa, quàm superiora: qualia sunt, Hibernia, Romanis insulæ nomen, Pomponio Melæ, Ptolemæo & Iuuenali Iuerna, Straboni, Claudiano, & incolis Ierna. Quod alijs Nerium promontorium est, Straboni Ierne. Iernus, fluuius Galaciæ, Melæ est Ierna. Iernus, Hiberniæ fluuius, Ptolemæo, Iernus, Scotiæ fluuius, in Taum cadens. Alter eodem nomine per Morauiam labitur. Regio vtrique vicina Ierna vocatur. Ptolemæo Mediolanum opidum. Insubrum, alterum in Santonis, aliud in Aulercis Eburacis, aliud ad Ligerim, aliud ad Sequanā, quod nunc (opinor) dicitur Meulan, aliud in Germania magna prope Asciburgum, aliud ad Danubium, aliud in 30 Britannia, cuius etiam meminit Itinerarium Antonij. Item Marcolica, Hispaniæ opidum: Macolica Hiberniæ. Vaga Lusitaniæ fluuius, & alter Valliæ in Anglia. Auo Melæ, Auus Ptolemæo, Galaciæ fluuius, nomen adhuc retinet. In Argathelia eiusdem nominis fluuius ex Auo lacu defluens. Sacrum promontorium, alterum Hispaniæ, alterum Hiberniæ. Ocellum promontorium Britannia. Ocellum Galaciæ, in conuentu Lucensi. Ocelli montes in Scotia. Ocellum vltimum Galliæ togatæ opidum, Cæsari Vxellum opidum Britannia, forè pro Ocello. Nam & Marlianus in antiquis vrbiū Galliæ nominibus explicandis id se nomen variè scriptum inuenisse testatur, Ocellum, & Oscela, & Oscellum. Atque hinc fortasse Vxellodunum, quod & Vxellodurum solet scribi. Item Tamarus fluuius Galaciæ, Ptolemæo, Tamaris Melæ, Tamarici popu- 40 lus Galaciæ, Plinio Tamarus fluuius, & Tamara opidum Britannia, Ptolemæo Sars Galaciæ fluuius, Melæ, Sarcus Scotorum. Eborā opidum Lusitaniæ, dicta Liberalitas Iulia, Plinio & Ptolemæo Eburā, quæ Cerealis in Bætica, Plinio Eborā, Ptolemæo Aulerci Eburaci in Gallia Celtica, Ptolemæo Eboracum in Brigantibus Britannis. Deua, nunc Dea, Angliæ fluuius, & Scotiæ, vnus in Gallouidia, alter in Angusia, tertius diuidit Merniam à Marria. Cornauij in Anglia ad vltimum occasum, in Scotia ad vltimum Septentrionem. Vtrique nunc Kernici vocantur. Videntur & tertij Kernici in Scotia fuisse, ad ostium Auenni fluminis, qui limes est inter Lothianā & agrum Sterlinensem. Nam Beda ad finem valli Seueri statuit Monasterium Aberkerniæ: vbi nunc ruinae Abercorni arcis ostenduntur. Auennus fluuius sæpius in Scotia, & Anglia. Auen 50 autem Scotis, & Auon Vallis fluuium significat. E tribus gentibus, quæ insulam primæ tenuerunt post Cæsaris aduentum, Brittones paulò minus quingentis annis, sub Imperatoribus Populi Romani: Scoti & Picti sub suis Regibus fuere. Tandem, cum
Romani,

Romani, vniuersis circum circa nationibus in exitium eorum coniuratis, exercitus omnes à longinquiorebus prouincijs, ad patriæ salutem tuendam, reuocassent. Brittones destituti externis auxilijs, atque à Scotis & Pictis miserum in modum vexati, Saxones tum piratica classe mare infestantes conduxerunt. Sed id consilium illis male vertit. Nam Saxones, repressis Pictis & Scotis, ipsi & regionis vberitate, & incolarum infirmitate perspecta, ad occupandū insulæ imperium animum adiecerunt. Igitur post variam belli fortunam, cum vi aperta, quò intenderant, peruenire non possent, fraude Brittones aggre-
 10 di statunt: cuius hæc ratio fuit. Cum ad colloquium vtriusque partis procures loco & die statim conuenissent, Saxones, ab Hengisto suo duce signo accepto, omnem Brittonum nobilitatem trucidarunt, reliquū vulgus in loca montana & aspera compulerunt: planitiem omnem, ac longè fertilissimos insulæ campos ipsi inter se in septem regna
 20 disperserunt. Hic fuit status rerum in Britannia, circiter annū Salutis nostræ quadrin-
 gentesimum, sexagesimum quartum. Cum autem ab initio tres nationes Germanicæ expeditionem in Britanniam suscepissent, reliquæ duæ paulatim in nomen Anglorum concesserunt. Sed neque cum Brittonibus, nec ipsis inter se Anglis vnquam satis fida pace, post cccxvi. ferè annum, Dani maris potentes primum piraticis incursionibus Angliam ingressi, cum acriter fuissent repulsi, tricesimo sexto ferè post anno maioribus
 30 copijs aucti, exercitum iustum in terram exposuerunt. Ac primo congressu victores, vario Marte cum Anglis diu contenderunt, donec ad annum Salutis M. xxi. Sueno, deuictis penitus Anglis, publico eorum consensu regnum est adeptus, quod tamen
 40 paucos annos in eius familia femansit. Saxones enim, iterum suæ gentis Regibus creatis, post vicesimum quartum ferè annum à Gulielmo Normanno victi, nobilitate maxima ex parte extincta, agris inter Normannos diuisis, vulgus in misera seruitute fuit: vsque ad Henricum Septimum, qui parte oneris leuata, paulò commodiorem plebeiorum
 50 conditionem fecit. At qui in honore apud Regem sunt, aut nobilitate illustres videri volunt, vniuersi suum genus ad Normanos referunt. Hæc sunt, quæ ex antiquis monumentis alijsque non obscuris indicijs, de trium vetustissimarum in Britannia nationum origine, institutis, & sermone potuimus eruere: quæque mihi faciunt fidem, veteres Brittones cæterosque Britannia incolas è Gallijs oriundos, Gallicoque sermo-
 ne ab initio vsos fuisse. Quarum rerum multa & manifesta vestigia, tam in Gallia quam
 60 Britannia adhuc remanent. Nec mirum videri debet, si in sermone, qui ad singula vitæ momenta mutatur, plæræque res alijs alibi nominibus, in tanta longinquitate temporis, vocentur. Imo illud potius admirandum reor, quod idem (vt ita loquar) sermo-
 nis fundamentum, eadem declinandi ratio in populis magno interuallo distitis, tam raro in reliqua vitæ ratione concordibus, sæpe etiam capitali odio dissidentibus, adhuc
 70 perseueret. De reliquis tribus gentibus, Anglis videlicet, Danis, & Normanis, non erat, quod anxie disquireremus, cum aduentus eorum tempora causæque sint pene omni-
 bus perspicuæ. Hic autem labor à nobis est susceptus, vt nos maioribus, ac maiores nobis redderemus. Id si præstitimus, non est, quod nos poeniteat quantumque in
 80 re non maxima laboris: sin minus, etiam qui sententiæ nostræ non accedent, voluntatem tamen opinor non improbaturos. Ego verò, tantum abest, vt hæc refelli molestè feram, vt, si quis certiora doceat, ac de errore me deducat, ei maximam gratiam sim habiturus. Statueram huic disputationi, quæ est de origine Britannicarum gentium, hic finem imponere, nisi Luddus me inuitum retraxisset, dum Scotos Pictosque non
 90 ita pridem in Albium venisse contendit. Eius etsi leuissimam vanitatem cum imperitia coniunctam sine villo piaculo contemnere potuissem: tamen, ne indoctorum factio nimium sibi hoc patrono placeret, paucis visum est hominis procacitatem retundere, ac
 100 potissimum ex argumentis & testibus, quos aduersus nos ipse producit. Ac primum de genere argumentandi, post de re ipsa dicam. Iulius (inquit) Cæsar, & Cornelius Tacitus, tanta diligentia scriptores, item Suetonius, Herodianus, ceterique Romani, qui de re-
 bus Britannicis scripserunt, nusquam Scotorum & Pictorum meminerunt, igitur ea ætate sedes in Britannia nullas habuerunt. Visne, Lude, istam conditionem recipere, vt, cuius gentis nemo veterum scriptorum nomen protulerit, ea nusquam fuerit? Hanc

RERVM SCOTICARVM

conditionem si accipis, vide, quot vno & altero versu gentes à suis aris & focis exigas: quantam proscriptionis tabulam proponas: quos etiam viros proscribas, Brutū Albanactum, & Cambrū: quas gentes è rerum natura tollas, Loegros, Cambros, & Albanos, sicuti tu postulas, non modo in historia, sed etiam in Grammatica tyrannus, qui Albanos ab Albanacto declines. Quod si ista, quæ tibi offertur, cōditio, non satis videtur æqua,

— quia in gallina filius alba,

Nos viles pulli, nati infelicibus ouis.

aliam tibi proponam, eamq; quam recusare nec debeas, nec opinor audeas. Est quoddam probationis genus è fragmentis, vnde, si paulū frontem perfricueris, nihil est, quod non queas probare. Eo autem vt vtar, mihi potissimum venit in mentem, quod id tu videaris maxime amplecti, vt qui è fragmento tibi (opinor) vni noto, Cimbrorum illam infinitam multitudinem, ad delendum Imperiū Rom. emiseras, è fragmento, inquam, tibi ostendā, Scotos & Pictos ante Vespasianam ætatem (quod tu negas) in Britannia fuisse. In libello tuo, cui tu, Fragmentū Britannicæ descriptionis, nomen dedisti, hanc maxime ob causam opinor, quod existimasses te satis probasse, è duorū fragmentorū altero, Prytaniam potius quàm Britanniam dicendum, ex altero multitudinem Cimbrorum, quantam Britannia tota tum conficere non potuit, euomuisse. Hanc ob causam arbitratus es, tuo fragmento satis fidei solo illo nomine conciliaturum. In eo libro scribis, Scotorum & Pictorum nomen vnā cum Francis & Anglis orbi Romano innotuisse. Huius sententiæ testem laudas (sanè idoneum) Mamertinum in Panegyrico, quem dixit Maximiano: qui testis, si ego eum recte intelligo, contra Luddum facit. Nam cum Ma-

» merinus de primo Iulij Cæsaris aduentu in Britanniam scribit, his verbis vtitur. Ad hoc
 » natio & tum rudis, & soli Britanni Pictis modo & Hibernis assueta hostibus adhuc se-
 » minudis, facile Romanis armis & signis cesserūt. Videre, quæso, quid ex hoc testimonio colligat Luddus: primum, solos tum Brittones in insulam incoluisse: deinde, qui ibi dicuntur Hiberni, postea Scotos fuisse appellatos. At horum neutrum author Panegyrici dicit. Brittones enim affirmat, ante Cæsaris aduentum dimicasse aduersus Scotos & Pictos soli Britanni, id est, in solo Britanno habitantes hostes: vt, soli Britanni, non rectus, sed gignendi sit casus: alterum sibi falso assumit. Arbitror enim, me satis dilucide ostendisse ex Paulo Orosio Hispano, & Beda Anglo, omnes Hiberniæ incolas ab antiquissimis vsque temporibus dictos fuisse Scotos, ac tum demum, cum in Albium colonos miserunt, nomen Scotorum, domi propè extinctum, foris celebrari cœpisse, alio loco contendit Caledonios fuisse Brittones, non alio argumento, quàm, quod eos Britanos vocari reperit, quod nomen commune est omnibus eandem insulam colentibus.

At nos superius, è loco Panegyrici ab ipso citati, ostendimus, Caledonios Pictos fuisse. Idem confirmat Marcellinus, qui duo esse Pictorum genera inquit, Dicaledones, siue (vt ego legendum censeo) Duncaledones, & Vecturiones. At Caledonij, siue Caledones, ante Vespasiani imperium in Britannia habitabant, nec ignoti Romanis erant: vt perspicue indicat Lucanus, qui Nerone principe decessit.

Aur vaga cum Tebys, Rutupnaque litora feruent,

Vnda Caledonios fallit turbata Britannos.

Sed quorsum externis testibus conquirendis laboramus, cum domesticum eumque luculentum admodum habeamus. Beda enim, historia Ecclesiasticæ gentis Anglorum scriptor, ordinem & propè momenta temporum notat, quibus peregrinæ gentes in Britanniam immigrarunt. Hæc sunt verba eius è Lib. primo, I M P R I M S autem insula Brittones, à quibus nomen accepit, incolas habuit: qui de tracto Armorico, vt fertur, in Britanniam aduecti, Australes sibi partes illius vendicarunt: & cum plurimam Insulæ partem, incipientes ab Austro, possedissent, contigit gentem Pictorum de Scythia (vt perhibent) longis nauibus non multis Oceanū ingressam, circumagente flatu ventorū, extra fines omnes Britannia in Hiberniam peruenisse. Et paulò post. Itaque petentes Britanniam Picti, habitare per Septentrionales partes Insulæ cœperunt: nam Austrina Brittones occupauerant. Tandem post paucos versus adicit: Procedente hoc tempore, Britannia post Brittones & Pictos tertiam Scotorū nationem in Pictorum parte recepit.

Deinde

Deinde post multos versos addit: Versi eadem Britannia Romanis usque ad C. Iulium
 Casarem inaccessa, atque incognita fuit. Quas te, quicumque hanc leges, hic animad-
 uerte, unde, quo tempore, quo ordine scriptor Luddo multo antiquior & grauior, has
 nationes Britanniam ingressas affirmet. Nempe Brittones ex Armorico tractu, tempo-
 re incomperito, externorū ordine primos: Pictos à Scythia in Britannia partem adhuc
 habitatorū vacuam, nec adeo diu post aduentū Brittonum, qui mundū in tantam mul-
 titudinem creuerant, vt totam Insulam occupare possent. Quid ergo Scoti? quando in
 Britanniam venerunt procedente, inquit, tempore: nempe concedentibus in sua parte
 sedes vacuas Pictis, ad priores vltimi accesserunt. Brittones igitur, teste Beda, ex Armo-
 10 rica Gallica, nec adeo diu post picti à Scythia, vtrique autē in vacua venerunt: tandem
 Insula inter eos diuisa, Scoti non vi ingressi, sed in sortem Pictorū recepti fuerunt: id-
 que diu, antequam Romanis esset cognita Britannia. Hic quid Luddo facies, qui testes
 sui mendacij Gildam & Bedam facit: nempe quod Scoti & Picti, imperante Roma
 Honorio, primum in Britannia coeperint sedes, anno à Christo quadringentesimo ac
 vigesimo, quorum Gildas nihil pro Luddo facit, Beda cum mendacij coarguit. Tu ve-
 rò, lector, nec Luddo, nec mihi, sed tuis oculis crede, & vtriusque scriptoris locos dili-
 genter expende. At verò Dion (inquit) Caledonios vocat Britannos: vocat sanè &
 Lucanus, vt ante dictum est, & Martialis in illo versu,
 20 *Quinte Caledonios Ouidi visure Britannos.*
 Sed nullus eorum propterea Pictos eos fuisse negat: sed iure tamen optimo Britan-
 nos vocant. Nam quemadmodum tota insula Britannia vocatur, ita vniuersi eius in-
 colæ Britanni meritò vocabuntur. Verum quemadmodum insula Sicilia habitatores
 à Romanis vniuersi vocantur Siculi, sine vllō discrimine, ipsi verò scilicet Sicelus, vel
 Sicelioras appellabant, ita Britannia totius incolæ Britanni exteris appellantur: ipsi
 verò antiquos habitatores sapissimè Brittones, reliquas verò gentes in ea degentes ple-
 runque priuaris nationum nominibus, interim verò communi Britannorum vocabu-
 lo nuncupant. Igitur Caledonij, Picti, Scoti interim suo quæque gens nomine, interim
 30 communi Britannorum vocabulo, nec adeo raro, censentur. At Brittones eos, quantum
 memini, nemo adhuc vocauit. Est & aliud discrimen apud eos animaduertendum in
 voce Britannia, quale est apud Græcos & Latinos in voce Asia. Est enim Asia interdū
 tertia pars Terræ habitabilis, interim maioris illius Asia pars, quæ citra Taurū mon-
 tem, & minor Asia appellari solet: Ita Britannia, modò nomen est Insula vniuersa;
 modò partis eius, quæ Romanis fascibus parebat: eaque pars nūc Humbro fluuiō, nunc
 Adriani, nunc Seueri vallo finiebat. Eius autem partis habitatores sapius à Britan-
 nis scriptoribus Brittones quàm Britanni nominantur: ceteros verò Insulae habitato-
 res, nempe Scotos & Pictos, interim Britannos, interim peregrinos, & transmarinos
 Beda vocat. Idem quoque discrimen apud Monumetensem Monachum, & Guliel-
 mum Malmesburiensem obseruare est. Quamobrem Caledonij nihilo magis erunt
 40 Brittones, si à Dione, Martiali, Lucano, aut alio probò scriptore Britanni dicantur, quàm
 Brutij fient Romani, etiam si vtrique sint Itali. Hæc si animaduertisset Luddus, nun-
 quam in tantas tenebras se induisset, & de re, non satis cognita, tam temerè & incon-
 sideratè pronunciaffet, Caledoniosque, quia vocentur à Dione Britanni, Pictos fuisse
 negaret. Nec est, quod miretur Luddus, quod cum Scoti & Picti tot, non dico annos,
 sed sæcula in Britannia habitauerint, nemo tamen paulò vetustior scriptor eorū me-
 minerit, ante Ammianum Marcellinum, & Claudianum. Nam, vt omittam Vallos,
 Cambros, Loegros, nuper nota mūdo nomina, possum & ego eū rogare cum tot Græci
 & Latini res Græcorum mandarint memoria, cur nemo Græcus Græcos, aut Roma-
 nus Hellenas nominet? cur tam serò nomina nationum, quarum modò memini, in
 historiam Britannicam irreperint, quæ Cambrobritannus iste vult videri vetustatem,
 50 si quem Anglum roges, cuias sit, nemo Saxonem se profitebitur, cum Scoti, Picti, Hi-
 berna, vtrique Brittones, & qui Britanniam, & qui Galliam incolunt, vno consensu
 perpetuò Saxones eos vocent? cur prisca Scoti, ne nunc quidem, Scotorum nomen
 agnoscant? Non debet igitur nobis absurdum videri, si Romanis captiuos rogantibus,

RERVM SCOTICARVM

cuius gentis essent, alius Maxam, alius Attracottum, alius Caledonium se esse diceret, & quæ ab eis acceperint exteræ gentes, ea nomina retinuerint, & in sermone publico usurpauerint: nec erit, opinor, incredibile, alia nomina historicis & peregrinis, alia popularibus esse notiora. Etsi satis ex his liquet, Scotorum & Pictorum in Britanniam aduentum non modo antiquiorem, quam contendat Luddus, sed non adeo diu Britonum aduentu posteriorem fuisse; adijciam & alias non spernendas coniecturas. Brigantes magna & valida natio trans Humbrum; nempe circa Eboracum, habitabant, ac totius Insulæ latitudinem inter duo maria obtinebant. Hos non e proximo Gallia tractu, in quo nulli Brigantes habitasse dicantur, sed ex Hispania in Hiberniam, ex Hibernia in Britanniam propinquam immigrasse, est verisimile: nec à coniectura 10 Cornelij Taciti, quam de antiquis insulæ cultoribus facit, abhorrens. Si ab Hibernia Brigantes adueneret, Scoti præfecto generis, uti & reliqui omnes Hibernia habitatores, fuere. Hanc nostram sententiam videtur etiam Seneca confirmare in elegantissima illa de morte Claudij satyra his verbis,

*Ille Britannos vltra noti litora ponti,
Et ceruleos Scutabrigantes dote Romuleis
Colla catenis iussit, & ipsum noua Romana
Iura securis tremere Oceanum.*

In his versibus, pro Scutabrigantes, Iosephus Scaliger Iulij filius legendum censet, Scotobrigantes. Is iuuenis quanta sit eruditione & iudicio, quaque in vetustis scriptis conferendis industria, & abstrusis sensibus eruendis acumine, monumenta ab eo edita testantur. In præsentia autem, cum res Britannicas illustrandas suscepissem, eius iudicium non censui omittendum. Id autem cur verum existimem, paucis exponam. Etenim cum legamus apud Cæsarem, aliosque scriptores non minus diligentia quam eruditione præstantes, Britannos glasto solitos inficere corpora: ac, iuxta Herodianum, scutis angustis (qualia Livius Gallis Asiaticis tribuit) nec in armis insigni vlllo vfos ornamento, absurdum videbatur, corporis, quod pingebatur, mentione omissa, scuti quod non pingebatur, meminisse. Pingebantur autem veteres Britanni, non ad decorum, ut aliæ non paucæ nationes: sed ut ceruleus color terribiliorem pugnantium speciem in acie hostibus offerret. Is verò color quomodo in angusto scuto terribilis videri posset, non intelligo. Itaque 30 verisimile est ab homine doctissimo, & Britannicarum rerum perito, ut qui totam Insulam, iuxta Dionem, vsuris oppressam teneret, Scotobrigantes scriptum fuisse: ut diuersi ab Hispanis & Gallis Brigantibus intelligerentur. Eodem quoque, pertinet illud, quod eodem carmine Britannos & Brigantes separauit, velut diuersas nationes: quod à nonnullis Britannicis scriptoribus est factum, qui Britannia finem Humbrum faciunt. Atque hæc res parum animaduersa, Hæctorem Boethium (opinor) fefellit, qui cum Silures & Brigantes alicubi legisset, Scotos appellari, utpote ex Hibernia oriundos, eos in parte regni Scotorum in Albio collocaret: eius error, etsi alios iure offenderet, non tamen ita erat à Luddo exagitandus, cum ipse non leuius in eodem genere impeggerit, qui Cimbros (aut, ut ipsi se vocant, Cumros) ad spoliandum orbem terrarum à Britannia angulo emisit. Cimbros enim & Britan- 40 nos, ex vno & altero vocabulo, quod vtrisque commune fuit, eiusdem gentis fuisse colligit. Ea sunt, Moremarusa & Trimarchia: vbi operæ precium est videre hominis in disputando acumen, & colligendo subtilitatem. Hoc, inquit, vocabulum Moremarusa Britannicum est, Cimbricum erat, nec vllius præterea, quæ ad mare Balthicum habitet, gentis. At cum nostri ea voce vtantur, eodemque nomine censeantur cum alteris illis Cimbris, eiusdem igitur gentis, eiusdem nationes erant utrique. Primum hæc partim falsa pro veris, partim incerta pro certis sumit. Nam utrosque Cimbros vocari, manifestum est mendacium, vel ipso Luddo teste, quosuis ciues Cambros, à Rege Cambro, dictos scribit, & se Cambrobritannum appellat, possem idem omnium ciuium tuorum testimonio falsum conuincere, qui se non Cimbros, sed Cumros vocant. Ut hoc autem falsum, ita illud 50 incertum est, an alij ad mare Balthicum accolentes populi ea voce, quam tu Cimbris vnus tribuis, vterentur: præsertim cum ex Tacito constet, plures gentes in eo Germaniæ tractu Gallicæ locutas, & superius à nobis ostensum sit, eam vocem Gallicam fuisse.

Sed

Sed fuerit vtrunque horum verum. Quid? tu id satis existimas, ad istam conclusionem colligendam? legistine aliquando Gn. Pompeij milites, cum ipse res in Asia gereret, ab Albanis in monte Caucaſo habitantibus fratres fuisse salutos, propter commune nomen Albanorum. Neque dubito, si quis vtriusque gentis linguam obseruasset, quin vnum aut alterum vocabulum rem eandem significans inuenisset. Sed deerat illis Luddus, qui quod vterque populus quædam vocabula communia haberent vtroſque gentis eiſdem eſſe oſtenderet. Quid? quod conclusionis vitium caculus ille viſus eſt animaduertiſſe, cum adijcit, Cimbros à Germanis AEstiones vocari. Id vt confirmaret, explicandū ei erat, quando, & cur Cimbri in AEstiones, aut AEstiones iterum in Cimbros fuerint transformati. Horum ille nihil, niſi quod Britannicam hiftoriam ex Mileſijs Gallorum fabulis collectam, ac fragmentum quoddam citat, vnde iſte non, iam antiquarius, ſed vel veteramentarius, vel ſcutarius, & (ſi ita loqui liceat) fragmentarius, noua regna, nouasque gentes nobis conſtituit: idque magno cum labore, nec villo tamen veriſimili colore, cum tamen obuium ei eſſet (niſi forte id eum reſugerat) Cimbrici nominis communicati cum Vallis cauſas inuenire. Plutarchus enim non nationis, ſed ſtudij nomen id eſſe putat, eoque Germanis latrones intelligi. In eodem intellectu Suidas, non ignobilis inter Græcos Grammaticus, eandem vocem agnoſcit, & apud Latinos Feſtus Pompeius ſcribit, Cimbros à Gallis dici latrones. Horum ſententiam ſi ſequamur, non erit difficile repertu, vnde Cimbri, quos Luddus in Britannia collocat, id nomen acceperint: præſertim cum vicini Angli, hoc etiam ſæculo, eorum ab eo ſtudij mores non abhorreſcere, affirmant. Liuius certe ſeruū illum ad Marium in carcere Minurnenſium occidendu miſſum Gallum, Lucanus Cimbrū, nemo ſcriptor illuſtior Britannum appellat. Hæc ſi Luddus animaduertiſſet, aut ſi animaduerſum tenere maluſſet, quàm noua monſtra ſibi conſingere: non fuiſſet ei neceſſe, omnem Britanniam vno momento, aut verius vno mendacio, omni militari iuuentute exhausta, ſexcentis millibus capitum eduſtis, propemodū deſertam relinquere. Non vacat hîc minutatim exquirere, quibus pueris Valli Cimbricorū Regū dare nomina ſoleant: id enim etiam homo diligens pro argumento generis nobis aſſert. Ea autē nomina (niſi fallor) pauca præ Latinis, Germanis & Syris comperiet. Quod ſi è proprijs virorum nominibus, quæ plerunque aut temerè à parentibus dantur, aut ambitioſè ex hiftoria aliqua adoptantur, ſolidum argumentū peti poſſet, hac ratione Luddus ciues ſuos Iudæos, Romanos, aut Germanos facilius, quàm Cimbros eſſe perſuaderet: aut ſi ſuos admonere voluiſſet, vt in Baptiſmo pueris ex hiftorijs eruta nomina darēt, intra non adeo multos annos gentem ſuam in, quam vellet, nationem transformandam curaret. De nominibus autem Regum Cimbrorū, quæ pueris ait dari ſolita, illud libenter hominem rogarem, è quo illa oraculo acceperit, niſi ſcirem, nunquam illi de futuro fragmentum aliquod, vnde quidvis probet. Illum autem mirari ſubit de Cimbrica iſta expeditione, quomodo omni militari ætate emiſſa intra quadraginta annos (tantum ſerè ſpatium fuit à bello Cimbrico, vſque ad C. Cæſaris aduentum in Britanniam) tam cito tantas vires Vallia veſtra recuperauerit: præſertim cum, rebus Britannicis multo florentioribus, à Maximo longè paucioribus eduſtis, nunquam deinde Brittones caput extulerint, donec in acerbiffimam ſeruitutem à Saxonibus fuerint pertracti. Aut quomodo Cæſar, qui per ætatem belli Cimbrici meminiffe poterat, cum in Britanniam veniſſet homo doctus, & Marianarum partium ſtudioſus, nihil de Cimbrica iſta expeditione percunſtando compererit. Demum illud ſcire cupio, ludens an ſeriò Luddus adiecerit, è pari auri & argenti contemptu colligi vtrorumque Cimbrorum cognationem. Hic libenter ex eo quærerem, parcoſne & frugi ſeriò vocet illos Cimbros, qui Gallijs & Hiſpaniæ parte, non dico, vexatis, aut ſpoliatis, ſed proculcatis, & penè ad vaſtatem redactis, tamen ad prædam magis opimam in Italiam properabant? quorū opulentiam ex latrocinijs collectā æmulari Heluetij, & ipſi latrones euaserint, vt eſt apud Strabonem lib. vii. Hos tu homines frugi & temperantes vocare audeſ? ac ne parū verè Cimbricū nomen vobis conueniat, tuos ciues ſtudioſum, quibus illi aſſueuerant, vis æmulos fuiſſe: teque ipſum in primis, qui ad hoc quantulumcunque gloriæ latrocinium per omnes natio-

RERVM SCOTICARVM

nes grassaris : nec contentus res gestas Cimbrorū tuis vendicare , nisi æquè impudenti figmento , Sicambros vestri generis fuisse , contendas : & quia in vtriusque gentis nomine quadam similitudo literarum inest , ex ea verborum cognatione sanguinis conjunctionem es commentus . Deinde è Sicambriis Franci , & nati natorum vobis erunt cognati , ac multis demum contabularis mendaciorum ordinibus , pontem , ad retrahendos Brennos illos fugaces , struis , quorum alter , qui Romam cepit , cum alterum , qui Delphos obsedit , circiter centum annis præcesserit , tu vtrunque in vnum corpus coagmentas , vt nouum ex homine viuo & mortuo nobis monstrum conficias . Quasi verò difficile esset alioqui probare , in ea , quæ te genuit , terra monstra nasci . At duos , inquit , Luddus , Brennos nemo , præter Polydorum Vergilium , tradit . Fugit te , Luddus , ratio , aut certè non legisti quartum Strabonis librum , vbi scribit , alterum Brennum , qui Delphos oppugnauit , à quibusdam Prausum existimari . Imo non Strabo solus , sed quicumque Romam à Brenno captam , & supra centum annos posterius Delphos à Brenno obsessos credit , is duos Brennos facit : cum vtrunque horum ab vno geri non potuerit . Quòd si Monacho historiae Britannicæ architecto credimus , Brennus Belini frater hos ambos Brennos trecentis annis præcessit : qui , si in Italiam duxisset , non cum populo Roman. libero , sed cum Numa Rege , aut Tullo Hostilio congregi debebat . Sed , his omissis , videamus , vnde nouus hic Dialecticus colligat , Brennum fuisse Britannum : ex vno , videlicet , vocabulo Trimarchia , quod certè vocabulum Scotis & Gallis erat cum Vallis commune . Pausanias certè , quem tu truncatum citas , vt ad rem tuam faciat , Brennum comitesque eius Gallos appellat ; & vocem illam pro Gallica agnoscit . Tu verò , quæ tua est impudentia , Brennum , aduersus omnium scriptorum fidem , qui Græcè & Latine scripserunt historias , vnus , non modò Minerua , sed Musis omnibus inuitis , Britannum esse contendis . Hac nos fortasse paulò pluribus , quàm aut rerum obscuritas desiderabat , aut Luddi imperitia & inconstantia merebatur , persecuti sumus , non studio reprehendendi (quod à nobis procul abest) sed vt hominis loquaciter maledici insulsam procacitatem paulum reiunderem , & à rabie , qua in omnes ferè scriptores grassatur , aliquando ad sua eum errata recognoscenda reuocarem . Ac , vt cæteros omittam in præsentia , in Hectorem Boethium , non solū artium liberalium cognitione , supra quàm illa ferebant tempora insignem , sed humanitate & comitate singulari præditum , incurrit scurriliter : sed ita incurrit , vt nihil in eo reprehendat , quin ipse in eodem genere turpius errarit . Hector in Galloudia Brigantes collocauit : falsò quidem ille , neque enim errata eius defendere est animus . Luddus ingentes Cimbrorum copias è Britannia angulo educit : quàm rectè , penes doctos esto iudicium . Hector res , ab alijs in Britannia contra Romanos gestas , Scotis suis attribuit . Luddus captam Romam , vexatam Macedoniam , afflictam Græciam , nobilissimum orbis terrarum Oraculum sacrilegio violatum , Asiam coactam paucis errabundis tributum pendere , impudenter Brittonibus suis ascribit . Hectori vitio dat , & quidem falsò , quòd Gildonem , qui maximum in Africa motum conciuuit , Scotum faciat : nec ipse dubitat , eundem Gildonem , qui Maurus erat , Gothum affirmare . At Gildus & Gildo propinqua sunt nomina : an magis , quàm Luddus , Lydus , & Ludio . Certè Gildus verus est in Scotia nomen : vt vetus Makgildorum , siue Makgillorum , gens indicat : è cuius posteris honestæ adhuc in Scotia , & Anglia sunt familiae . Sed cum ea linguæ intemperantia sit Luddus , vt , modò malè dicat , nihil pensi habeat , quid dicat ; nos , eo relicto , finem faciamus , hoc tantum admonentes , vt Loripidem rectus derideat , Aethiopem albus .



R E R V M
S C O T I C A R V M
H I S T O R I A,

Auctore Gregorio Buchanano Scoto.

L I B E R T E R T I V S.



V A N Q V A M superioribus libris satis demonstrasse videmur, quam non modo fabulosa, sed portentosa sint, quæ rerû Britan-
nicarû scriptores de maioribus suis tradiderunt, ac certissimis
indiciis ostendimus, veteres Britannos e Gallijs fuisse oriundos:
tamen, quia rem nobis esse videbamus, potiuscum homini-
bus pertinaciter in manifesto hærentibus mendacio, quam te-
mere per ignorantiam lapsis, operaprecium me facturum ex-
istimaui, si ex scriptoribus, quorum summa apud omnes doctos esset auctoritas, ho-
minum male feriatorum retunderem audaciam, & viris bonis ac veri studiosis, ad co-
hibendam eorû impudentiam, arma suppeditarem. Hoc in genere C. Iulio Casari
iure principatum tribuendum existimaui, vel ob diligentiam in indagando, vel cogni-
tionis certitudinem, vel explicandi sinceritatem. Is in quinto commentariorum bel-
li Gallici de Britannia hoc habet. BRITANNIAE pars interior ab ijs incolitur, quos
natos in Insula, ipsi memoria proditum dicunt. Maritima pars ab ijs, qui, præ-
dæ ac belli inferendi causa, ex Belgio transierant, qui omnes fere his nominibus ciui-
tatum appellantur, quibus orti ciuitatibus eo peruenierunt, & bello illato ibi reman-
serunt, atque agros colere cœperunt. Hominum est infinita multitudo, creberrima-
que ædificia, fere Gallicis consimilia: pecoris magnus numerus: vtuntur autem num-
mo æreo, aut annulis ferreis, ad certum pondus examinatis, pro nummo. Nascitur ibi
plumbum album in mediterraneis regionibus, in maritimis ferrum, sed eius exigua
est copia: ære vtuntur importato. Materia cuiusque generis, vt in Gallia, est, præter
fagum, atque abietem. Leporem & gallinam & anserem gustare, fas non putant: hæc
tamen alunt, animi voluptatisque causa. Loca sunt temperatiora, quam in Gallia,
remissioribus frigoribus. Insula natura triquetra, cuius vnum latus est contra Galliam.
Huius lateris alter angulus, qui est ad Cantium, quo fere omnes ex Gallia naues ap-
pelluntur, ad orientem Solem, inferior ad Meridiem spectat. Huius latus tenet cir-
citer M. passuum D. alter vergit ad Hispaniam, atque occidentem Solem, qua ex par-
te est Hibernia, dimidio minor, vt existimatur, quam Britannia: sed pari spatio trans-
missus, atque ex Gallia, est in Britanniam. In hoc medio cursu est insula, quæ appel-
latur Mona: complures præterea minores obiectæ insulæ existimantur, de quibus in-
sulis nonnulli scripserunt, dies continuos xxx. sub bruma esse noctem. Nos nihil de
eo percunctationibus reperiebamus, nisi quod certis ex aqua mensuris breuiores esse
noctes, quam in continente videbamus. Huius est longitudo lateris, vt fert illorum
opinio D. C. C. millium passuum. Tertium est contra Septentrionem: cui parti nulla
est obiecta terra: sed eius angulus lateris maxime ad Germaniam spectat. Hoc millia

RERV M SCOTICARVM

passuum **cccc.** in longitudinem esse arbitrantur. Ita omnis Insula est in circuitu
vicies centena millia passuum. Ex his omnibus longe sunt humanissimi, qui Cantium
incolunt, quæ regio est maritima omnis, neque multum a Gallica differunt consuetu-
dine. Interiores plerique frumenta non ferunt: sed lacte & carne viuunt, pellibusque
sunt vestiti: omnes vero se Britanni luteo inficiunt, quod caeruleum efficit colorem,
atque hoc, horribiliore sunt in pugna aspectu, capilloque sunt promisso, atque omni
parte corporis rafa, præter caput & labrum superius. Vxores habent deni duodenique
inter se communes, & maxime fratres cum fratribus, & parentes cum liberis. Sed, si
qui sunt ex his nati, eorum habentur liberi, a quibus primum virgines quæque ductæ
sunt.

Et infra.

Ab his cognoscit, non longe ab eo loco opidum Cassiuellauni abesse, siluis palu-
dibusque munitum: quo satis magnus hominum pecorisque numerus conuenerit.
Opidum autem Britanni vocant, cum siluas impeditas vallo atque fossa munierunt:
quo, incursionis hostium vitandæ causa, conuenire consueuerunt. Eo proficiscitur
cum legionibus: locum reperit egregie natura atque opere munitum, tamen hunc
duabus ex partibus oppugnare contendit. Hostes, paulisper morati, militum nostro-
rum impetum non tulerunt, seseque ex alia parte opidi eiecerunt. Magnus ibi nume-
rus pecorum repertus: multique in pugna sunt comprehensi atque interfecti.

DE IULII AGRICOLAE VITA TACITVS.

Britanniæ situm populosque, multis scriptoribus memoratos, non in comparatio-
nem curæ ingenijve referam: sed quia tum primum perdomita est. Iraque, quæ prio-
res, nondum comperta eloquentia, percoluere, rerum fide tradentur. Britannia in-
sularum, quas Romana notitia complectitur, maxima spatio & cælo, in Orientem,
Germaniæ, in Occidentem, Hispaniæ obtenditur: Gallis in Meridiem etiam inspeci-
tur. Septentrionalia eius, nullis contra terris, vasto atque aperto mari pulsantur.
Formam totius Britanniæ Liuius veterum, Fabius Rusticus recentium, eloquentissi-
mi authores, oblongæ seuulæ vel bipenni assimulauere: & est ea facies citra Caledo-
niam, vnde & in vniuersum fama est transgressa: sed immensum & enorme spatium
procurrentium extremo iam litore terrarum, velut in cuneum tenuatur. Hanc oram
nouissimi maris tunc primum Romana classis circumuecta, insulam esse Britanniam
affirmauit, ac simul incognitas ad id tempus insulas, quas Orcadas vocant, inuenit,
domuitque. Despecta est & Thyle, quam hætenus nix & hiems abdebat: sed, mare
pigrum & graue remigantibus, perhibent. Ne ventis quidem proinde attolli: cre-
do, quod rariores terræ montesque (causa & materia tempestatum) & profunda
moles continui maris tardius impellitur. Naturam Oceani atque æstus, neque quare-
re huius operis est, ac multi retulere. Vnum addiderim, nusquam latius dominari
mare, multum fluminum huc atque illuc ferre: nec litori tenus accrescere, aut re-
sorberi, sed influere penitus atque ambire, etiam iugis atque montibus inferi, velut
in suo. Cæterum Britanniam qui mortales initio coluerint, indigenæ, aut aduecti, vt
inter Barbaros, parum compertum. Habitus corporum varij: atque ex eo argumen-
ta. Nanque rutilæ Caledoniam habitantium comæ, magni artus, Germanicam ori-
ginem asseuerant. Silurum colorati vultus, & torti plerunque crines, & positi con-
tra Hispaniam, Iberos veteres traiecisse, easque sedes occupasse, fidem faciunt. Pro-
ximi Gallis & similes sunt: seu durante originis vi: seu procurrentibus in diuersa ter-
ris, positio cæli corporibus habitum dedit. In vniuersum tamen æstimanti, Gallos
vicinum solum occupasse, credibile est. Eorum sacra deprehendas superstitionum
persuasione. Sermo haud multum diuersus. In deposcendis periculis eadem audacia,
& vbi aduenere, in detractandis eadem formido. Plus tamen ferociæ Britanni præfe-
runt, vt quos nondum longa pax emollierit. Nam, Gallos quoque in bellis floruisse,
accepimus. Mox segnitia cum otio intrauit, amissa virtute pariter ac libertate. Quod
Britannorum olim victis euenit, cæteri manent, quales Galli fuerunt. In pedite ro-
bur, quædam nationes & carru præliantur: honestior auriga, clientes propugnant.
Olim Regibus parebant, nunc per principes factionibus & studijs trahuntur. Nec
aliud

aliud aduersus validissimas gentes pro nobis vtilius, quam quod in commune non consulunt. Rarus duabus tribusque ciuitatibus, ad propulsandū commune periculum, conuentus: ita, dum singuli pugnant, vniuersi vincuntur. Cælum crebris imbribus ac nebulis foedum. Asperitas frigorū abest. Dierum spatia vltra nostri orbis mensuram & nox clara, & extrema Britanniae parte breuis, vt finem atque initium lucis exiguo discrimine internoscas. Quod si nubes non officiant, aspici per noctem solis fulgorem, nec occidere & exurgere, sed transire affirmant: scilicet extrema & plana terrarū humili vmbra non erigunt tenebras, infraque cælum & sidera nox cadit. Solum præter oleam, vitemque, & cætera calidioribus terris oriri sueta, patiens frugum, fecundum. Tarde mitescunt, cito proueniunt. Eademque vtriusque rei causa, multus humor terrarum cælique. Fert Britannia aurum & argentum, & alia metalla, pretium victoriæ. Gignit & Oceanus Margarita, sed subfusca & liuentia. Quidam, artem abesse legentibus, arbitrantur. Nam in rubro mari, viua ac spirantia saxi auelli, in Britannia, prout expulsa sint, colligi. Ego facilius crediderim, naturam margaritis deesse, quam nobis auaritiā. Ipsi Britanni delectum, ac tributa, & iniuncta imperij munera impigre obeunt, si iniuriæ absint: has ægre tolerant, iam domiti, vt pareant, nundum, vt seruiant. Igitur primus omnium Romanorum D. Iulius cum exercitu Britanniam ingressus, quanquam prospera pugna terruerit incolas, ac litore potitus sit, potest videri, ostendisse posteris, non tradidisse. Mox bella ciuilia, & in rempublicam versa principum arma, ac longa obliuio Britanniae etiam in pace. Consilium id D. Augustus vocabat, Tiberius præcipue. Agitasse C. Cæsarem de intranda Britannia, satis constat, ni velox ingenio, mobilis pœnitentia, & ingentes aduersus Germaniam conatus frustra fuissent. Diuus Claudius auctor operis, transuectis legionibus auxiliisque, & assumpto in partem rerum Vespasiano. Quod initium venturæ mox fortunæ fuit, domitæ gentes, capti Reges, & monstratus satis Vespasianus. Consularium primus Aulus Plautius præpositus, ac subinde Ostorius Scapula, vterque bello egregius: redactaque paulatim in formam prouinciæ proxima pars Britanniae: addita insuper veteranorum colonia. Quædam ciuitates Cogiduno Regi donatæ. Is ad nostram vsque memoriam fidissimus mansit, vetere ac iam pridem recepta populi Roman. consuetudine, vt haberet instrumenta seruitutis, & Reges. Mox Didius Gallus parta a prioribus continuit, paucis admodum castellis in vltiora promotis, per quæ fama aucti officij quæreretur. Didium Veranius excepit, isque intra annum extinctus est. Suetonius, hinc Paulinus biennio prosperas res habuit, subactis nationibus, firmatisque præfidijs: quorum fiducia Monam insulam, vt vites rebellibus ministrantem, aggressus, terga occasione patefecit. Nanque, absentia legati remoto metu, Britanni agitare inter se mala seruitutis, conferre iniurias, & interpretando accendere: nihil profici patientia, nisi vt grauiora, tanquam ex facili tolerantibus, imperentur: singulos sibi olim Reges fuisse, nunc binos imponi, e quibus, legatus in sanguinem, procurator in bona sæuaret: æque discordiam præpositorum, æque concordiam subiectis exitiosam: alterius manus centuriones, alterius vim, & contumelias miscere: nihil iam cupiditati, nihil libidini exceptum: in prælio fortiores esse, qui spoliect, nunc ab ignauis plerunque & imbellibus eripi domos, abstrahi liberos, iniungi delectus, tanquam mori tantum pro patria nescientibus: quantum enim transisse militum, si sese Britanni numerent? sic Germanias excussisse iugum, & flumine, non Oceano, defendi: sibi patriam, coniuges, parentes, illis auaritiā & luxuriā causas belli esse: recessuros, vt Diuus Iulius recessisset, modo virtutes maiorum suorum æmulerentur: neve prælij vnus aut alterius euentu pauescerent: plus impetus, maiorem constantiam penes miseros esse: iam Britannorum etiam Deos misereri, qui Romanum ducem absentem, qui telegatum in alia insula exercitum detinerent: iam ipsos, quod difficillimum fuerit, deliberare: porro in eiusmodi consilijs, periculosius esse deprehendi, quam audere. His atque talibus inuicem instincti, Voadica generis Regij foemina duce (neque enim sexum in imperijs discernunt) sumpsere vniuersi bellum: ac sparsos per castella milites consecrati, expugnatis præfidijs, ipsam colo-

R E R V M S C O T I C A R V M

" nam inuasere, ut sedem seruitutis: nec ullum in barbaris fauitia genus omisit ira &
 " victoria. Quod nisi Paulinus, eo cognito prouincia motu, propere subuenisset, amif-
 " sa Britannia foret: quam vnus praelij fortuna veteri patientia restituit, tenentibus ar-
 " ma plerisque, quos conscientia defectionis, & proprius ex legato timor agitabat. Hic
 " cum egregius caetera, arroganter in deditos, & ut suae quoque iniuriae ultor, durius con-
 " suleret, missus Petronius Turpilianus, tanquam exorabilior, & delictis hostium nouus,
 " coque poenitentiae mitior, compositis prioribus, nihil ultra ausus, Trebellio Maximo
 " prouinciam tradidit. Trebellius segnior, & nullis castrorum experimentis, comitate
 " quadam curandi prouinciam tenuit. Didicere iam barbari quoque ignoscere vitijs
 " blandientibus, & interuentus ciuilium armorum praebuit iustam segnitiae excusatio- 10
 " nem. Sed discordia laboratum, cum assuetus expeditionibus miles otio lasciuiet. Tre-
 " bellius fuga ac latebris vitata exercitus ira, indecorus atque humilis, precario mox pra-
 " fuit: ac velut pacti, exercitus licentiam, dux salutem. Hac seditio sine sanguine stetit.
 " Nec Vectius Bolanus, manentibus adhuc ciuilibus bellis, agitauit Britanniam discipli-
 " na. Eadem inertia erga hostes, similis petulantia castrorum: nisi quod innocens Bo-
 " lanus, & nullis delictis inuisus, caritatem parauerat loco auctoritatis. Sed ubi cum caete-
 " ro orbe Vespasianus & Britanniam recuperauit, magni duces, egregij exercitus, minu-
 " ta hostium spes: & terrorem statim intulit Petilius Cerialis, Brigantum ciuitatem, quae
 " numerosissima totius prouinciae perhibetur, aggressus. Multa praelia, & aliquando non
 " incruenta: magnamque Brigantum partem aut victoria amplexus, aut bello. Et cum 20
 " Cerialis quidem alterius successoris curam famamque obruisset, sustinuit quoque molem
 " Iulius Frontinus, vir magnus quantum licebat, validamque & pugnacem Silurum gen-
 " tem armis subegit, super virtutem hostium locorum quoque difficultates eluctatus.

C I C E R O ad Trebatium, lib. vii. epist. famil.

" I N Britannia nihil audio neque auri, neque argenti. Id si ita est, esse dum aliquod
 " capias, suadeo, & ad nos quamprimum recurras. Sin autem (sine Britannia tamen) id
 " assequi, quod volumus, possimus, perfice, ut sis in familiaribus.

P A V L V S O R O S I V S de Hibernia loquens.

" H A E C propior Britanniae, spatio terrarum angustior, coeli Solisque temperie
 " magis utilis, a Scotorum gentibus colitur. Huic etiam Meuania insula proxima est, 30
 " & ipsa spatio non parua, solo commoda, aequae a Scotorum gentibus habitatur.

" I d e m S E V E R V S victor in Britanniam, defectu pene omnium socio-
 " rum, trahitur. Vir magnis, grauibque praelijs gestis, receptam partem Insulae a
 " caeteris indomitae gentibus vallo distinguendam putauit. Itaque magnam fossam, fir-
 " missimumque vallum, crebris desuper turribus communitum, per centum & trigin-
 " ta millia passuum a mari ad mare duxit. Eadem pene ad verbum habet Ado Ar-
 " chiepiscopus Viennensis. Vtrinque error in numeris est corrigendus: nam pro
 " cxxxii. scribendum est xxxii.

E S O L I N I Cap. xxxv.

" M V L T I S insulis, nec ignobilibus circundatur, quarum Hibernia ei proximat 40
 " magnitudine. Inhumana est, ritu incolarum aspero: alias ira pabulosa, ut pecuaria,
 " nisi interdum aestate a pastibus arceantur, in periculum agat satias. Illic nullus anguis,
 " auis rara, gens inhospita, & bellicosa. Sanguine interemptorum hausto, prius victores
 " vultus suos obliuunt. Fas ac nefas eodem animo ducunt. Puerpera, si quando marem
 " edidit, primos cibos gladio imponit mariti, inque os paruuli summo mucrone (auspi-
 " cium alimentorum) leuiter infert, & gentilibus votis optat, non aliter quam in bello &
 " inter arma mortem oppetat. Qui student cultui, dentibus mari nantium belluarum
 " insigniunt ensium capulos: candicant enim ad eburneam claritatem. Nam praecipua
 " viris gloria est in armorum nitela. Apis nusquam. Aduectum inde puluerem, seu lapil-
 " los si quis sparserit inter aluearia, examina fauos deferunt. Mare, quod Hiberniam & 50
 " Britanniam interluit, vndosum & inquietum, toto in anno non, nisi aestiuis pauculis
 " diebus, est nauigabile. Nauigant autem vimineis alueis, quos circūdant ambitione ter-
 " gorum bubulorum. Quantocunque tempore cursus tenebit, nauigantes escis abstinent.

Freti

Freti latitudinem in centum viginti millia passuum diffundi, qui fidem ad verū ratio-
cinati sunt, æstimarunt. Silurum quoque insulas ab ora, quam gens Britannia detinet,
turbidum fretum distinguit: cuius homines etiam nunc custodiunt morem vetustum.
Nundinas ac nummum refutant, dant res, & accipiunt. Mutationibus necessaria po-
tius, quam precijs parant. Deos percolunt. Scientiam futurorum pariter viri ac foemi-
næ ostentant. Thanatos insula alluitur freto Gallico à Britannia continenti æstuario
tenui separata, frumentarijs campis felix, & gleba vberi, nec tantum sibi soli, verum
& alijs salubris locis. Nam cum ipsa nullo serpatur angue, asportata inde terra, quo-
quo gentium inuecta sit, angues necat.

E Libro III. Herodiani, Politiano interprete.

At Seuerus moras de industria nectens, ne vacuo sibi Romam adeundum foret, cu-
pidus victoriæ cognominisq; Britannici, legatos quidem, re infecta, domū dimittit,
ipse, quæ bello vsui forent, magna solertia comparabat. Sed in primis tamen cura ha-
buit, pontibus occupare paludes, vt stare in tuto milites possent, atque in solido prælia-
ri. Siquidem Britannia pleraque loca frequentibus Oceani alluuiionibus paludescunt.
Per eas igitur paludes barbari ipsi natant, excursantque ad ilia vsque demersi, ac, plera-
que corporis nudi, coenum contemnunt. Neque enim vestis vsum cognorunt, sed ven-
trem atque ceruicem ferro incingunt, ornamentum id esse ac diuitiarum argumentum
existimantes, perinde vt aurum cæteri barbari. Quin ipsa notant corpora pictura va-
ria, & omnifariam formis animalium, quocirca ne induuntur quidem, videlicet, pictu-
ram corporis ne adoperiant. Sunt autem bellicosissima gens, atque audissima cædis,
tantū scuto angusto lanceaq; contenti. Præterea gladio nudis corporibus dependente,
loricæ ac galeæ penitus ignorant vsum, impedimentum id esse transgrediendis paludi-
bus, arbitantes, quarum vaporibus æstuque cælum ibi semper caliginosum.

EX AMMIANI Marcellini libro xx.

Hæc per Illyricum, perque Orientem rerum series fuit. Consulatu vero Constantij
decies, terque Iuliani, In Britannijs, cum Scotorum Pictorumque gentium ferarum
excursu, rupta quiete, condita loca limitibus vicina vastantur, & implicaret formi-
do prouincias, præteritarum cladum congerie fessas, hiemem agens apud Parisios Cæ-
sar, distratusque in solitudines varias, verebatur ire subsidio transmarinis, vt retuli-
mus ante fecisse Constantium, ne rectore vacuas relinqueret Gallias, Alemannis ad
fauitiam etiam tum incitatis, & bella. Mittere igitur ad hæc loca, ad rationes compo-
nendas, Lupicinum placuit, ea tempestate Magistrum armorum, bellicosum sane, &
castrensis rei peritum, sed supercilia erigentem vt cornua, & de tragico, quod aiunt,
cothurno strepentem: super quo diu ambigebatur, auarus esset potius, an crudelis. Mo-
to ergo velirari auxilio, Herulis scilicet & Batavis, numerisque Mœsiorum pluribus,
adulta hieme, dux antedictus Bononiam venit: quæsitisque nauigijs, & omni imposito
milite, obseruato flatu secundo ventorum, ad Rutupias litas ex aduerso defertur: petit-
que Lundinium: vt exinde suscepto pro rei qualitate consilio, festinaret ocyus ad pro-
cinctum.

Ex Eiusdem libro xxvi.

Picti, Saxones, & Scoti, & Attacotti Britannos ærumnis vexauere continuis.

Ex Eiusdem libro xxvii.

Illud tamen sufficere dici, quod eo tempore Picti in duas gentes diuisi, Dicalidonas
& Vesturiones, itidemque Attacotti bellicosa hominum natio, & Scoti per diuersas
vagantes multa populabantur. Gallicanos tractus Franci & Saxones, iisdem confines,
quo quisque erumpere potuit terra vel mari, prædis acerbis incendijsque, & capitiuorū
funeribus hominum violabant. Ad hæc prohibenda, si copiam dedisset fortuna, pro-
superior, orbis extrema dux efficacissimus potens, cum venisset ad Bononiæ litus,
quod a spatio cōtrouerso terrarum angustijs reciproci distinguitur maris, attollit hor-
rendis æstibus aduerti, rursusque sine vlla nauigantium noxa in speciem complanari
camporum, exinde transmeato lentius freto defertur Rutupias, stationem ex aduerso
tranquillam. Vnde cum consecuti Batavi venissent & Heruli, Iouijque, & victores
fidentes viribus numeri, egressus tendensque ad Lundonium verus opidum, quod Au-

R E R V M S C O T I C A R V M

„ gustam posteritas appellauit, diuisis plurifariam globis, adortus est vagantes hostium
 „ vastatorias manus graues onere sarcinarum. Et propere fulis, qui victos homines age-
 „ bant & pecora, prædam excussit, quam tributarij perdidere miserrimi. Denique resti-
 „ tuta omni, præter partem exiguam impensam militibus fessis,mersam difficultatibus
 „ suis antehac ciuitatem, sed subito (quoniam salus sperari potuit) recreatam, in ouan-
 „ tis speciem latissimus introijt. Vbi, ad audenda maiora, prospero successu elatus, tuta-
 „ que scrutando consilia, futuri morabatur ambiguus, diffusam variarum gentium ple-
 „ bem & ferocientem immaniter, non nisi per dolos occultiores, & improuisos excur-
 „ sus superari posse, captiuorum confessionibus & transfugarum indicijs doctus. Deni-
 „ que edictis propositis, impunitateque promissa, desertores ad procinctum vocabat, 10
 „ & multos per diuersa libero commeatu dispersos. Quo monitu vt rediere plerique,
 „ incentiuo percitus, retentusque anxijis curis, Ciuilem nomine recturum Britannias
 „ pro præfectis ad se poposcerat mitti, virum acrioris ingenij, sed iusti tenacem & recti:
 „ itidemque Dulcitium ducem, scientia rei militaris insignem.

E X D I O N I S libro xxix.

„ Cæsar igitur, Renum primus Ro. cum transisset, & in Britanniam postea, Pom-
 „ peio & Crasso Coss. transmisit. Ipsa vero regio habet ultra Morinos ccccl. mini-
 „ mum stadia. Præstenditur vero ultra reliquam Galliam ac totam propemodum His-
 „ paniam, in mare se porrigens: & quidem Græcorum & Romanorum antiquissimis ignota.
 „ Posteris vero, continens an insula esset, dubitatum est, & a multis (vera quidē igno- 20
 „ rantibus, vt qui nec ipsi quidem ea vidissent, nec ab incolis fando accepissent, sed con-
 „ iecturas sequerentur) pro vtrisque partis, aut otio aut studio, literis mandata fuerunt.
 „ Procedente vero tempore, primum Agricola præfecto, deinde Seuerio Imperatore,
 „ insulam esse, dilucide deprehensum est. In hanc igitur tum Cæsar, reliquis in Gallia rebus
 „ compositis, adiectisque Morinis, transire cupiebat, & qua commodissimum erat, cum pe-
 „ dite traiecit, non tamen, vbi oportuit, appulit. Audita enim fama aduentus eius, Bri-
 „ tanni omnes aditus continentis præoccuparant. Rupem autem prominentem circū-
 „ vectus, alibi descendit: ac victis, qui descensum impediabant, prius in terram suos expo-
 „ suit: eaque potitus est, antequam plures hostibus se coniungerent: ac deinde subsidia 30
 „ ipsa expulit. Barbarorum autem non multi cadebāt, qui cum e curribus & equis prælia-
 „ rentur, facile Romanos (quippe quibus nondum equitatus esset) eludebant. Attoniti
 „ vero ad ea, quæ de eis ex continenti nunciabantur: & quod omnino transmittere ausi
 „ essent, & exscendere omnino potuerint, mittunt ad Cæsarem quosdam e gente Mori-
 „ norum, amicos suos, qui legationem perferrent. Ac primum quidem obsides petenti pro-
 „ miserunt. Verum, cum nauales Romanorum copiarum, & quæ aderant, & quæ aduentabant,
 „ tempestate vexarentur, sententiam quidem mutarunt: nec tamen aperte sunt eos ag-
 „ gressi (castra enim valido præsidio tenebantur) quosdam vero nacti, velut in pacatum ad
 „ rerum necessariarum conuentionem missos, pene omnes interemerunt (Cæsar enim reli-
 „ quis celeriter subsidio venit) ac statim ipsa in castra impetum fecerunt: atque ibi, nulla re
 „ perpetrata, turpiter fuerunt reiecti: non tamen ad conditiones venerunt, antequam 40
 „ sæpe male accepti fuissent: ac ne Cæsari quidem alioqui cum illis erat in animo pacif-
 „ ci. Cum vero & hiems adesset, nec satis haberet copiarum, ad bellum tum gerendum,
 „ & quas aduexerat, essent imminutæ, & Galli per eius absentiam res nouas moliri essent,
 „ de pace cum eis inuitus egit, pluribus tum petitis obsidibus, paucis vero acceptis. Et ille
 „ quidem in continenter reuectus res turbatas composuit, nullo neque priuatim, neque
 „ publice ex Britannia opere precio perpetrato, nisi quod bello eam petisse videantur.
 „ Ob hoc enim & ipse sibi vehementer placebat: & qui Romæ erant, mirifice prædicabāt.
 „ Nam cum viderent, quæ prius ignota fuerant, in lucem prolata, & quæ ante, ne fando
 „ quidem erant audita, iam sibi patefacta spem ex his consecuturam, velut re exhibitam,
 „ amplectebantur, & quæcunque spe amplexi erant, tanquam voti iam compotes, gestie- 50
 „ bant: atque ob has res, supplicationes in vigesimum diem decreuerunt.

E X B E D A E libri primi Cap. 1.

„ V. gentium linguis vnam, eandemque summam veritatis, & veram sublimitatis scien-
 „ tiam

tiam seruetur, & confitetur: Anglorū videlicet, Brittonū, Scotorū, Pictorū, & Latinorū: quæ meditatione scripturarū cæteris omnibus est facta communis. In primis autē Insula Brittones solū, a quibus nomen accepit, incolas habuit: qui de tractu Armorico, ut fertur, Britanniam aduecti, Australes sibi partes vendicarunt. Et cum plurimæ insulæ parte incipientes ab Austro possedisset, contigit gentē Pictorū de Scythia, ut perhibent, longis nauibus non multis Oceanū ingressam, circumagente flatu ventorū extra fines omnes Britannia, Hiberniam peruenisse, & vsque Septentrionales oras intrasse: atque, inuenta ibi gente Scotorum, sibi quoque in partibus illius sedes petisse, nec impetrare potuisse.

Ex eiusdem libri I. Cap. v. SEVERVS genere Afer Tripolitanus, ab opido Lepti decimus quartus, ab Augusto Imperiū adeptus, decem & septem annis tenuit. Hic natura sævus, multis semper bellis laceffitus, fortissime quidē rem publicam, sed laboriosissime, rexit. Victor ergo ciuiliū bellorū, quæ & grauissima occurrerant, in Britannias defectu pene omniū sociorū trahitur: vbi magnis grauibusque prælijs sæpe gestis, receptam partem Insulæ, ac cæteris indomitis gentibus non muro, (ut quidam æstimant) sed vallo distinguendā putauit. Murus etenim de lapidibus: vallū enim, quo, ad repellendā vim hostium, castra muniuntur, fit de cespitibus quidem circumcisis e terra, velut murus extruitur altus super terram: ita ut in ante sit fossa, de qua leuari sunt cespites: supra quam fudes de lignis fortissimis præfiguntur. Itaque Seuerus magnā fossam, firmissimūque vallum, crebris de super turribus communitum, a mari ad mare duxit: ibique apud Eboracum opidum morbo abiit. Ex eiusdem libri I. cap. xii. Exin Britannia omni armato milite, militaribus copiis vniuersis, tota florida iuuentutis alacritate spoliata, tyrannorū temeritate abducta, nunquam ultra domū redijt, prædæ tamen patuit: utpote omnis bellici vsus prorsus ignara. Denique subito duabus gentibus transmarinis vehementer sæuis: Scotorū a Circio, Pictorumque ab Aquilone multos super gemitque per annos. Transmarinas dicimus ad gentes: non quod extra Britanniam essent positæ, sed quod a parte Brittonū erant remotæ, & duobus sinibus maris interiacentibus: quorum vnus ab Orientali mari, alter ab Occidentali Britannia terras longe lateque irrupit, quanuis ad se invicem pertingere non possint. Orientalis habet in medio sui urbem Guidi: Occidentalis supra se, hoc est, ad dexteram sui, habet urbē Alcluih, quod lingua eorū significat petram. Cluih est enim iuxta fluuiū nominis illius. Ob harū autem infestationem gentiū, Brittones legatos Romā cum epistolis mittentes, lachrimosis precibus auxilia flagitabant, subiectionemque continuam, dummodo hostis imminens longius arceretur, promittebant: quibus mox legio destinatur armata: quæ, vbi insulā aduectā, & cōgressa est cum hostibus, magnā eorū multitudinē sternens, cæteros sociorū finibus expulit: eosque interim a dirissima depressione liberatos hortata est, instruere inter duo maria trans Insulam murū, qui arcendis hostibus posset esse præsidio: sicque domū cum triumpho magno reuersa est. Ad insulam murū, quem iussi erant, non tam lapidibus quam cespitibus construentes, utpote nullum tanti operis artificem habentes, ad nihil vtilem statuunt. Fecerūt autem eum inter duo freta, vel sinus (de quibus diximus) maris per millia passuum plurima: ut, vbi aquarū munitio deerat, ibi præsidio valli fines suos ab hostium irruptione defenderent: cuius operis ibidem facti, id est, valli altissimi, vsque hodie certissima vestigia cernere licet. Incipit fere miliū spatio a monasterio Ceburnig ad Occidentē, in loco, qui sermone Pictorū Penuachel, lingua autē Anglorū Penuelima appellatur, & tendens contra Occidentē, terminatur iuxta urbē Alcluih. Verū priores inimici ultro, ut Romanū militē abisse conspexerāt, mox aduecti nauibus irrumpūt terminos, cedūtque omnia, & quasi maturā segetem obuia quæque metunt, calcant, traseunt. Vnde rursus mittuntur Romā legati, flebili voce auxiliū implorantes, ne penitus misera patria deleteretur: ne nomen Romanæ prouinciæ, quod apud eos tam diu claruerat, exterarū gentiū importunitate obrutum vilesceret. Rursus mittitur legio, quæ imperata tempore Autumnii adueniens, magnas hostiū strages dedit: eosque, qui euadere poterant, omnes trans maria fugauit: qui prius anniuersariū prædas trans maria, nullo obistente, cogere solebant. Tunc Romani nunciauere Brittonibus, non se ultra ob eorum defensionem cum laboriosis expeditionibus posse fatigari:

RERVM SCOTICARVM

„ ipsos potius monent arma corripere, & certandi cum hostibus studium subire, quod
 „ non ob aliam causam, quam si ipsi inertia soluerentur, eis possent esse fortiores.
 „ Quinetiam qui & hoc socijs, quos derelinquere cogeantur, aliquid commodi alla-
 „ turum putabant, murum a mari ad mare recto tramite inter vrbes, quæ ibidem ob
 „ metum hostium factæ fuerant, vbi & Seuerus quondam vallum fecerat, firmo de la-
 „ pide locarunt. Quem videlicet murum hætenus famosum, atque conspicuum, sum-
 „ pru publico priuatoque, adiuncta secum Britannorum manu, construebant. Octo pe-
 „ des latum, & duodecim altum, recta ab Oriente in Occasum linea. Vtrosque hodie
 „ intuentibus clarum est: quo mox condito, dant fortia regni populo monita: præbent
 „ instituendorum exempla armorum. Sed in litore Oceani ad Meridiem, quo naues eo- 10
 „ rum habebantur: quia & inde Barbarorum irruptio timebatur, turres per intervalla
 „ ad prospectum maris collocant, & valedicunt socijs, tanquam vltra non reuersuri.
 „ Et paulo post. Quid plura? relictis ciuitatibus ac muro, fugiunt, disperguntur, inse-
 „ quitur hostis, accelerantur strages cunctis crudeliores prioribus. Sicut enim agni a
 „ feris, ita miseri ciues discerpuntur ab hostibus: vnde a mansionibus, ac possessioni-
 „ bus suis eiekti, imminens sibi famis periculum, latrocinio ac rapacitate mutua tempe-
 „ rabant: augentes externas domesticis motibus clades, donec omnis regio, totius cibi
 „ sustentaculo excepto, venandi solatio vacuaretur.

EX EPISTOLA GILDAE.

„ Quos iussit construere inter duo maria trans Insulam murum, vt esset arcendis ho- 20
 „ stibus a turba instructus terrori, ciuibisque tutamini. Et infra. Igitur rursum
 „ miseræ mittentes epistolas reliquæ ad Aetium Romanæ potestatis virum, hoc
 „ modo loquentes: Aetio ter Consuli Gemitus Britannorum. Et post
 „ pauca querentes, Repellunt Barbari ad mare, repellit mare
 „ ad Barbaros. Inter hæc duo genera funerum aut
 „ iugulamur, aut mergimur: nec pro eis
 „ quicquam adiutorij habent.

50 55





R E R V M
S C O T I C A R V M
H I S T O R I A,

Auctore Georgio Buchanano Scoto.

L I B E R Q V A R T V S.



V M nostræ gentis historiam scribere aggredieremur, quo reliqua magis aperta legentibus essent, pauca visum est supra repetere: sed ea potissimum, quæ a fabularum vanitate abessent, & a vetustis rerum scriptoribus non dissentirent. Primum omnium, constans fama est, quamplurima etiam indicia confirmant, Hispanorum multitudinem, siue a potentioribus domo pulsam, siue abundante sobole ultro profectam, in Hiberniam transmisisse: eiusque insulæ loca proxima tenuisse. Deinde, cum & aeris salubritas, & pabuli fecunditas inuitaret, paulatim complures, & propter seditiones domi, & exterorum iniurias (quibus Hispania semper fuit obnoxia) quietioris vitæ spes & cupiditas eodem traxit: eoque facilius, quod ad insulam, iam a popularium suorum multitudine occupatam, tanquam ad alteram patriam se proficisci, sibi persuaderent. Stirps autem illa tanta sobole in terra hominum fecundissima re floruit, ut iam, non Hiberniæ finibus contenti, in proximas etiam insulas minores frequenter emigrarent. Interea Scotis (id enim vniuersæ genti nomen erat) per AEbudas insulas fines propagantibus, sed sine Rege ac certo imperio per cognationes tributim sparsis, appulit ad Hiberniæ litus classis Germanica, vel, ut scribit Beda, Scythica, eo reiecta tempestatibus, ut credibile est, quod nec liberos, nec uxores secum extulissent. Hi omnium rerum egeni, cum e longinqua nauigatione nihil eis, præter arma, superesset, a Scotisque, missis legatis, sedes peterent: responsum fuit, Se exiguas & infœcundas insulas ob agri penuriam occupare coactos, quas ne vniuersas quidem, si eis cedere possent, suffecturas tantæ multitudini. Communis vero fortis miseros, hominibus sæuitia fortunæ afflictis, nec genere (ut e sermone, & institutis apparebat) alienis, consilium, & ad efficiendum, quanta possent, auxilia duros. Consilium autem erat, ut propinquam insulam Albium, & amplam & fecundam, & multis in locis adhuc incultam, & propter incolarum, sicubi essent, ingenia, qui multis tum Regibus inter se inimicis parebant, infirmam peterent. In illis discordijs civilibus facile fore infirmiores fouendo, regionem amplissimam occupare. Sua ad id auxilia non defutura. Cum AEbudarum angustia, & res, ut tum erant, tenues facerent fidem. Germani (qui postea Picti a Romanis & vicinis gentibus sunt appellati) oram Germanico mari vicinam ingressi, pulsos incolis, qui & rari, & inter se discordes erant, magnam eius oræ partem in suam ditionem redegerunt: breuique prima illa cum Scotis amicitia auspicio sequuti, coniugibus ab eis acceptis, in vnam prope gentem coaluerunt. Ita enim effectum est, ut frequenti ultro citroque comœatu, magna Scotorum multitudo, vel ab affinis adhuc infirmis retentâ, vel domesticarum rerum penuria impulsâ, vel charitate suorum, inter Pictos locum domicilio caperet. Picti primo affinium aduentu

RERVM SCOTICARVM

lati, cum augescere paulatim multitudinem cernerent, formidare cœperunt, ne cum primum spem vires Scotis facerent, ipsi eis obnoxij redderentur, primo secretis coitionibus, deinde palam in consilijs fremere cœperunt, prouidendum, ne peregrini secum post miscerentur: rationemque ineundam, vt, quæ adesset, multitudo minueretur. Iactatus etiam vulgo rumor est, diuinitus Pictis dictionem esse datam, fore, vt aliquando tota gens a Scotis deleteretur. Hæ suspiciones in causa fuerunt, vt nationes ante amicissimæ seorsum habitarent: Scotique montanis in locis, & agriculturæ minus aptis (vt qui pecori pascendo, & venationibus magis dediti essent) se continerent: Picti agris fertilioribus secundum mare Germanicum colendis assuescerent: ac paulatim tot ante officijs necessitudo contracta, breui in funestum prope ciuile bellum vertit. Leuibis enim de causis, primum iurgijs, deinde iniurijs inter homines feroces ortis, grauissimorum odiorum semina iacta videbantur. Hanc occasionem Brittones vtriusque gentis inimici cum essent nacti, discordiarum faces admouerunt, & Pictis non poscentibus auxilium aduersus Scotos offerunt. Id Scoti cum tractari sentirent, & ipsi aduersus imminens discrimen non modo auxilium, sed Regem etiam peregrinum asciscunt. Insulanorum duces cum pene pari dignitate essent, nec alter alteri cedere in animum induceret, accersitur cum copijs ex Hibernia Fergusius, Ferchardi filius, omnium Scotorum & consilio & manu primus habitus: & magno populi consensu Rex declaratur: atque exercitum ad aleam pugnae, si sit opus, subeundam parare, iubetur. Eodem prope momento rumor ad Scotos Pictosque promanarat, Brittones ambigua consilia vtrique genti iuxta perniciose agitare, vt victos pariter victoresque bello aggrederentur: & vtrisque, vel ad internecionem casis, vel Albio expulsis, ipsi totius Insulae potirentur imperio. Ea res vtriusque gentis copias, consilij incertas, aliquot dies in castris continuit. Tandem in colloquium ventum, & detecta Brittonum occulta fraude, de pace agi cœptum: eaque renouata, tres exercitus diuersi domum concesserunt. Britto conatu priore deiectus, alia fraude rem aggreditur. Immissis clam latronibus pecora Pictorum abigit. Res repetentibus respondet, iustius a Scotis, furtis & latrocinijs assuetis, eas, quam a se repeti. Ita elusa legatione, re infecta foeciales dimissi. Enimuero ea iam aperta ludificatio videri. Itaque, cum fraudulenta consilia se magis magisque aperirent, recens contumelia vehementius, quam ex priore conatu ira residua, vtriusque populi animos inflammauit. Igitur exercitū, quantum poterant, coacto, duo Reges bifariam Brittonum fines ingressi, agris ferro flammaque late deformatis, cum ingenti præda domum reuertuntur. Ad eam iniuriam vindicandam, Britto Scotorum fines ingressus, ad Dunum vsque amnem penetrauit, & minore longe damno, quam terrore, ea loca peruagatus, in ripa fluminis confedit. Fergusius enim, missis in montes locaque exercitibus inaccessa liberis & coniugibus, rebusque alijs, quæ agi aut asportari poterant, ipse aditus omnes obseruabat vsque ad Pictorum aduentum. Castris tandem cum eis coniunctis, communicatoque consilio, statuunt bellum ducere, & in regione hostili, incursione prope vasta hostem conficere. At Coilus (id Brittonum Regi nomen erat) per speculatores causa cunctationis intellecta, quinque millia hominum in loca editiora, vt ibi in insidijs essent, præmittit: ipse reliquum exercitum recta in hostem ducere decreuit. Id quoque cum Picti rescissent, inito rursus cum Scotis consilio, anteuertendum rati, statuunt Brittonum castra de nocte aggredi. Igitur eductis copijs, Scoti a fronte, Picti a tergo inuasuri, ad hostem ante lucem perueniunt. Ibi Brittones fiducia incautos, & qui, ob superiorum dierum cunctationem, hostes timere desierant, adhuc semisomnes obruncant. Cecidit cum parte maiore suorum in eo tumultu Coilus ipse, regionemque, in qua pugnatum est, de suo nomine celebrem fecit. Fergusio victore domum reuerso, Scoti ei posterisque eius regnum iureiurando confirmarunt. Ipse deinde, rebus in Scotia pacatis, ad comprimendas auctoritate sua seditiones, in Hiberniam transijt: rebusque ibi compositis, in reditu non procul euectus e portu, cui Rupes Fergusij nomen est, coorta repente tempestate, interiit, anno regni sui vicesimo quinto. Aduentum eius in Albium, in ea tempora coniiciunt, quibus Alexander Macedo Babylonem cepit, trecentesimo tricesimo fere anno ante Christum natum.

II. REX.

Fergusio defuncto, duo filij, sed nondum regni potentes, restabant, Ferlegus, & Mainus. Eo factum est, vt Phylarchis ad prodendum Regem coeuntibus, magna contentione res transigeretur, alijs iusiurandum iactantibus, quo adacti erant, regnum stirpi Fergusianæ se conseruatuos: alijs, quanta domi forisque Rege puero inflarent pericula, commemorantibus. Tandem, post longam disceptationem, ratio inita est, qua nec puer, ætate nondum regno matura, imperaret, nec iuriurando fraus fieret: vt videlicet regum liberis nondum adultis, propinquorum, qui maxime videretur regno idoneus, is rerum summæ præficeretur. Eo mortuo, regni successio ad regis superioris liberos perueniret. Hæc postea perpetuo lex valuit, per annos fere c. l. v. usque ad Kennethum Tertium, de quo suo loco dicemus. Hæc lege Feritharis, Fergulij frater, regnum est adeptus: atque annos quindecim eum honorem gessit, tanta æquitate & modestia, vt & ciues iustum regem, & pupilli tutorem optimum eum experirentur. His artibus cum pacem foris, domi charitatem ciuium comparasset, propinquorum tamen ambitionem placare non potuit. Ferlegus enim, regnandi cupiditate iamdudum inflammatus, communicata re prius cum turbulentissimo quoque iuuentutis, ac rerum nouarum auidissimo, patruum adit, & regnum paternum reposcit, quod ille non vt suum, sed vt fiduciarium tenebat. Feritharis adeo illo adolescentis importuno consilio non est perturbatus, vt, concione aduocata, regnum eicere paratum se esse ostenderet: multaue etiam de adolescentis laude adiecit. Regno autem sibi credito, quod mors propinqua esset ablatura, malle sponte cedere, & voluntate potius quam necessitate, pietatem erga propinquos colere. Sed tantum omnium fuit erga Feritharem studium, tantaque charitas, vt hanc præproperam in Ferlego regni cupiditatem non modo vultu, sed increpationibus, atque adeo clara totius concionis acclamatione, sint auersati. Patefacta vero per indices aduersus patruum coniuratione, cum consilij detestabilis auctor supplicio grauissimo dignus haberetur, valuit tamen in Ferlego patris memoria, & patrum præsentis gratia & preces, quo minus grauiissimi sceleris cogitati morte poenas lueret. Custodes tantum adhibiti, qui facta dictaque eius omnia specularentur. Sed ille quamlibet brevis moræ ad spem animo conceptam impatiens, deceptis custodibus, cum paucis consocijs, primum ad Pictos, deinde, cum ibi nullam rerum nouandarum materiam inueniret, ad Brittones confugit, apud quos vitam ignauam & perinde ignobilem egit. Feritharis vero paucos post menses, incertum morbo an fraude, est sublatus. Eius mortis suspicionem superior ambitio scelusque detectum, & recens fuga sic auxit, vt Ferlegus omnium sententijs absens damnaretur, quintodecimo fere post mortem patris anno.

III. REX.

Ferlego damnato, Mainus frater eius Scotorum rex tertius creatur: vir patri & patruo, quam fratri similior. Is, pace cum vicinis confirmata, domi sublati facinorosis, sacrorum ritus diligenter obeundo, tantam sibi iustitiæ & pietatis opinionem parauit, vt eum lædere, summum nefas tam ciues quam peregrini existimarent. Hæc sanctitatis opinione quam armis tutior, postquam viginti nouem annos imperasset, decedens, magnum sui desiderium apud omnes bonos reliquit.

III. REX.

Dornadillam habuit, & filium & regni successorem, & in æquitate colenda, patri similem: ceteris vitæ partibus disparem. Magnam enim temporis partem venationi: dedit: id studium in pace decorum, & corpori salubre ratus, & ad robur militare confirmandum, maxime vtile. Animum præterea voluptates maxime puras inde capere: & aduersus auaritiam & luxuriam, ceteraque vitia, quæ ex otio gignuntur, non modice roborari. Hunc fama est, leges venaticas, quæ apud præseos Scotos hac ætate obseruantur, tulisse. Decessit octauo & vicesimo regni anno.

V. REX.

Northatum eius fratrem populus regnare iussit, immaturo adhuc, ad regendum, Reuthero eius filio. Is imperium, quod ad eum diem fuerat moderatum & legitimum,

RERV M SCOTICARVM

statim in superbam dominationem conuertit: ciuesque passim iuxta summos & infimos, velut non in tutelam, sed prædam sibi datos, multatione bonorum, exilio, morte, omni denique suppliciorum genere ita afflixit, vt nihil ad summam immanitatem sibi reliquum faceret: cæteris metu torpentibus. Doualus quidam e Gallouidia, homo ambitiosus, ex odio ciuium in regem locum crescendi datum ratus, cum sciret, sibi insidias ab Rege parari, facinus occupare statuit. Omnibus ad id satis comparatis, magna clientium & amicorum manu stipatus, ad Regem venit. Ei palam eadem nobilitatis, bonorum direptionem, publicamque seruitutem cum exprobasset, petit, vt tandem aliquando regnum, quod gerere nesciat, hæredi legitimo restituat. Nothatus, præter expectationem vltro conuicijs petitus, de acerbitate pristina nihil remittens, respondit, Se, quæ gesserit, iure regio gessisse: si quid durius patratum esset, non id regis ingenio, sed ciuium contumaciæ tribuendum. His conuicijs ira vtrinque irritata, cum ad manus ventum esset, Nothatus a Doualianis obtruncatur, postquam crudeliter & auare viginti præfuisset annos.

VI. REX.

Reutherus a Douali factione, sine populi suffragijs, Rex appellatur. Proceres, fama rei gestæ ad se perlata, etsi Nothatum quouis supplicio dignum existimabant, non probabant tamen exemplum. Multo etiam molestius ferebant, comitia regia sublata, & ad vnius arbitrium lectionem amplissimi magistratus collatam. Neque id gratuitum facinus existimandum, quod adolescens oneri impar ad summum imperium esset cunctus. Rem vere æstimantibus, satis apparere, Reuthero nomen imperij, Doualo vires esse quasitas. Neque sane publice interesse, Nothatus an Doualus præesset, nisi forte commodiorem sub eo vitam sperarent, qui priuatus Reges interimeret, priuatus priuato sceptrum daret, quam sub eius imperio, qui non ante insanierit, quam potestatis viribus fretus, & armorum terrore permissu populi septus fuit. Nothati propinqui, cum hæc vulgo iactari audirent, in cœtus publice omnium vicem indignantium se insinuant, perfecerunt, vt bellum aduersus Doualum decerneretur. copijsque ducem Ferchardum, Nothati generum, præficiendum curant. Nec Doualus pugnam detrectauit. Bis eodem die concursum. Doualiani, etsi numero superiores, tamen fusi fugatique sunt. In fuga plures quam in prælio cæsi. Præter enim Doualum factionisque principes, cecidit cum multis suorum Getus Pictorum Rex. Reutherus nouus Rex captus est. Profuit ei ad veniam simplicior ætas, patris memoria, & Regij sanguinis respectus. Nec incruenta victoribus fuit pugna, cæsis, præter alios, prope omnibus Phylarchis. Hic conflictus, Scotorum & Pictorum res in Britannia ita afflixit, vt qui supererant, ne prædæ Brittonibus forent, in loca asperiora incultaque, & in proximas insulas defugerent. Brittones enim, quam diu quæsierant, occasionem nacti, statim ad Bodotriam (is nunc Forthæ est) nullo resistente, perueniunt. Deinde, ibi rebus pro tempore compositis, in Caledonios profecti, disiectis, qui se ibi congregauerant, regiones Pictorum campestris occuparunt: ibique prædijs dispositis, bellum confectum rati, domum reduxerunt exercitum. Interea reliquæ Scotorum & Pictorum, quæ in montibus, siluis, alijsque locis impeditis resisterant, direptionibus pecorum & arcium præfectos infestabant, & ipsi quoque victitabant. Interim maiore etiam manu ex insulis collecta, vicos vrebant, & latius prædas agendo, agros plerisque in locis incultos reddebant. Brittones, siue domesticis dissidijs detenti, siue exercitum in loca vasta & impedita ducere, non satis tutum rati, cum obuiam nulla maiore manu irent, sua segnitie hostium aluerunt audaciam. His miserijs Scoti & Picti cum per duodecim annos fuissent afflicti, tandem noua sobole inuentutis bellicosæ (vt pote in tantis rerum angustijs duriter educatæ) aucti, nuncijs in omnes partes missis, mutuis adhortationibus confirmati, statuunt fortunam experiri. Reutherus igitur ex Hibernia in Aebudas, illinc deinde in Albium nauigat: atque ad æstuarium, quem nunc lacum Briennum vocant, copias exposuit: & cum Getho Gethi filio, eodemque suæ vxoris fratre congressus, de summa belli deliberat. Optimum factu rati, ad hostem incogitantem atque imparatum ducere. Eum vbi primum obuiam habuerunt, ita

ita conflixerunt atrociter, vt neutra acies e praelio lata discesserit. Ex eo, vtrisque cladi-
bus defatigatis, pax in aliquot annos fuit. Reutherus (siue, vt Beda vult, Reuda) in
antiquam sedem Argatheliam concessit: Scotique diu ab eo Dalreudini appellati.
Daal enim, Scotorum lingua, partem significat. Inde progressus, breui regnum ad fines
antiquos promouit: ac vicesimo sexto, quam regnare ceperat, anno decessit, Thereo
filio e Geithi filia relicto.

VII. REX.

Is quia vix decem erat annorum, iuxta legem de Regibus ordinandis iam pridem
receptam, patruus eius Reutha Rex fuit declaratus. Qui a bellis externis ocium nactus,
populum primum malis efferatum, deinde victoria eisi cruenta, insolentem, ad mi-
riorem cultum redigere conatus, multas sanctiones publice viles fecit: quarum non
paucae apud priscos Scotos adhuc manent. His artibus cum septemdecim annos impe-
rasset, cum summa omnium reuerentia & amore, seu valetudinis aduersa (quod ipse
causabatur) tadio, seu propinqui sui Therei ambitiosum timens ingenium, multa de
laudibus eius habita oratione, populo agre permittente regno se abdicauit.

VIII. REX.

Thereus ei successit, primis quidem sex annis ita regnum gessit, vt Reutha de eo re-
cte vaticinatus fuisse videretur. Deinde non sensim, sed repente ita in omnia flagitia
praeceptis abiit, vt, nobilissimo quoque per calumniam sublato, facinorosi homines,
amoto metu, totum regnum breui latrocinij infestum fecerint. Phylarchi, deplorato
statu publico, cum in eum animaduerrere statuissem, ille, comperta coniuratione, ad
Brittones confugit: ibique, reditu desperato, in summo contemptu & ignominia con-
senuit. Interea Conanus, homo prudens ac seuerus, Prorex electus, ab illo labefactata
& concussa restituit: latrocinia compescuit: ac rebus, quoad potuit, compositis, in con-
uentu publico, accepto nuncio de Therei morte, magistratu se abdicauit, duodecimo
ferme anno, quam Thereus regnum inierat.

IX. REX.

Iosina proximi regis frater, rerum gubernaculo admotus, nihil in vllam partem
gessisse memorabile, fertur, nisi quod medicos in honore summo habuit: quod, cum
exularet in Hibernia cum patre, eis maxime familiariter fuisset vsus. Breui reliqua no-
bilitate in Regis mores eunte, factum est, vt multis saeculis nemo esset in Scotia illu-
striore loco natus, qui vulnere curationem non teneret. Reliquarum enim partium
medicinae rarus erat tum vsus apud homines, in summa parsimonia educatos, & ma-
gnis laboribus exercitatos. Decessit autem matura senectute, cum viginti quatuor an-
nos regnum tenuisset.

X. REX.

Huic successit filius Finnanus, qui, paternis insistens vestigijs, nihil magis labo-
rauit, quam vt civili & moderato imperio suos assuesceret: & beneuolentia magis,
quam armis, auctoritatem regiam tueretur. Vt autem radices tyrannidis recideret, de-
cretum fecit, ne quid Reges, quod maioris esset momenti, nisi de publici consilij au-
thoritate, iuberent. Cum triginta annos regnum tenuisset, ciuibus & peregrinis iuxta
carus, decessit.

XI. REX.

Nec vlla tamen res aequae desiderium eius auxit, ac Dursti filij, qui ei successit, vita in
omnia vitia proiecta. Paternos primum amicos, vt molestos voluptatum suarum inter-
pellatores, a se ablegauit, & corruptissimum quendam e iuuentute in familiarem con-
suetudinem asciuit: ac tum demum se totum epulis & Veneri dedit. Vxorem regis Brit-
tonum filiam, comitibus prostitutam, abegit. Tandem, facta contra eum nobilitatis
coniuratione, velut e somno experrectus, cum neque domi quicquam tutum, nec foris
exilio locum fidum prospiceret, quod peregrinis & ciuibus iuxta inuisus esset, optimum
factu ratus, prioris vitae simulare poenitentiam. Ita enim, & se imperium retenturum,
& de inimicis in tempore poenas expetiturum. Igitur, primum reuocata vxore, Brit-
tones reconciliare conatus est. Ciuum primores ad se vocat. Grauiissimo sacramento

RERVM SCOTICARVM

interposito, præteritorum obliuionem sancit. Flagitiosissimum quenque, velut ad supplicium seruatum, in carceres conijcit: ac sancte pollicetur, se nihil in posterum, nisi de primatum consilio, acturum. His rebus vbi animi sinceri fidem fecit, concordiam ludis, conuiuijs, alijsque, quæ publica fert lætitia, celebrat: ac, iam gaudio solutis omnium animis, nobilitatem frequentem ad cœnam vocat: eos, vbi incautos & inermes in vnum locum conclusisset, immixtis percussoribus omnes ad vnum occidit. Ea calamitas non tam reliquorum animos metu repressit, quam iram languentem nouis facibus accendit. Igitur coacto magno exercitu, cunctis, ad inuisum portentum tollendum, coniurantibus: Durstus, omnia alia spe præcisa, cum paucis flagitiosis, quos metus communis pœnæ, ob superioris vitæ scelera, aggregauerat, prælij fortuna tentata, 10 occisus est, postquam nouem annos regnasset. In omnium ordinum tam iusto aduersus eum odio, tamen hoc regio nomini & maiorum memoriæ tributum est, vt defuncti corpus in monumenta maiorum inferretur.

XII. REX.

In comitijs regijs magna fuit inter proceres contentio, alijs censentibus, iuxta sacramentum Fergusio præstitum, veterem esse morem seruandum, alijs metuentibus ne, si quem e Dursti propinquis facerent Regem, vel similitudo morum eum ad flagitia, vel sanguinis propinquitas ad vltionem impelleret. Tandem Euenus Dursti frater patrueis, & vitæ superioris commendatione, & insigni aduersus tyrannum viuum odio commendatus, e Pictis, vbi, Durstum perosus, sponte exulabat, ad regnum magno consensu vocatus est. Is primus creditur, ciues in suum nomen sacramento adegisse: qui mos a Phylarchis nunc quoque seruatur. Euenus omnium primum, vt mores a superiore rege corruptos formaret, adolentes ad antiquam in victu, vestitu, & in consuetudine quotidiana parsimoniam reuocauit. Ita firmiores ad militiam, & minus domi turbulentos ratus futuros. Omnes regni sui partes diligenter perlustrauit: ius cum summa moderatione dixit: & fontes, pro modo delictorum, puniuit. Pictorum regem aduersus Brittones auxilijs iuuuit: inter quos pugnam longe pertinacissimam nox diremit, adeo incerta victoria, vt pari clade, ac perinde metu vterque exercitus affectus discesserit, Brittones domum, Scoti & Picti in montes proximos: qui postridie e superiore loco animaduersa hostium fuga, spolia legerunt: ac, se pro victoribus gerentes, exercitus 20 domum reduxerunt. Hostibus repressis, Euenus iterum ad pacis opera se conuertit: ac ne molestum esset Regibus, toties regiones omnes (vt tum mos erat) ad ius dicendum obire, iudices ordinarios, regno in conuentus diuiso, iuri dicundo præfecit. Delatores item instituit, qui noxios deferrent. Id munus, vitio deprehenso, incertum legene sit abrogatum, an sponte abolitum. Decimo nono regni sui anno mortem obiit. Gillo filio notho, eodemque vafro & regni cupido post se relicto.

XIII. REX.

Supererant e legitima Regum stirpe proximi, Dochamus & Dorgallus, Dursti filij, iidemque gemini. Inter eos, cum discrimen ætas non faceret, foedum de regno certamen ortum, Gilli etiam fraude vehementius accensum est. Cum res ad arbitrium 40 propinquorum relata esset, ibi, præ pertinaci factionum studio, nihil decerni potuit. Gillus, qui auctor vtrique fuerat, vt alter alterum tolleretur, cum occulta consilia parum procederent, procerum & propinquorum primis, vt controuersias finirent, in vnum locum coactis, per homines idoneos seditione subito excitata, vtrunque interimendum curat. Deinde velut ipse petitus foret insidijs, implorata omnium, qui aderant, fide, in Euonium locum ab Eueno communitum profugit. Eo præsidio cum parte nobilitatis & hominibus sui sceleris conscijs occupato, e superiore loco multa de fratrum temeritate & pertinacia ad populum frequentem concionatus multa aduersus eadē auctores locutus, tandem subiecit, se ab Eueno, non modo rerum domesticarum, sed etiam regni, donec nouus Rex eligeretur, curatorem relictum. Hæc qui 50 audiebant, etsi falsa rebantur, tamen, cum eum firmis præsidijs munitum viderent, metu grauioris periculi, sacramento incunctanter adacti, eum Regem dixerunt. Ille etsi consensu populi vtrunque expresso regnum sibi confirmauerat, tamen superstitionibus Dursti

Durſti poſteris nunquam ſe tutum ratus, animum, ad nepotes eius tollendos, adiecit. Erant autem Liſmorus, Gormacus & Ederus e Dochamo Durſti filio geniti. Hi cum in Manna inſula educarentur, Gillus ipſe, ad eos reducendos, proſectus, duos maiores natu omni honoris & humanitatis ſpecie proſectus, in Albium ſecum abduxit: vt apud ſe (quemadmodum ſimulabat) Regij pueri regio cultui aſſueſcerent. Cum Edero, qui minimus erat, milites, præſidij obtentu, reliquit, quibus occulta dederat mandata, vt ſtato die puerum interficerent. Sed, cum Gilli ingenium omnibus eſſet norum, nutrix fraudem ſuſpicata, alumnum clam ſublatum, nocte in Argatheliam tranſmiſit: ac, nequicquam ad eadem eum quærente Gillo, aliquot annos occulte in
10 ſpelunca educauit. Ille non modo fratres pueri natu maiores, ſed milites etiam cuſtodes occidit. Ipſum vero Ederum, cum falſus rumor in Hiberniam delatum peruulgaffet, quæreſe deſijt. Sed nec, nepotum Durſti cæde perpetrata, ſatis tutum adhuc ſe arbitratuſ, quandiu quiſquam e Regia ſtirpe ſuper-eſſet, omnes propinquos familiaresque interimendos curauit. Proceres, qui moleſte præſentem rerum ſtatum ferebant, & peiora metuebant, coniuratione clam facta, tanto ſilentio rem texerunt, vt Gillus prius geri, quam parari bellum, ſenſerit. Cum exercitum contra rebelles cogeret, ſenſit, quam fluxa fides hominum erga ſceleratos eſſet. Nam & pauci ad eum conuenerunt, & hi fere, qui, propter ſuperioris vitæ flagitia, pacem timebant. Itaque ſuis diſſuſus, relicto exercitu, piſcatoria nauicula in Hiberniam fugit. Scoti, ne legitimo carerent imperio,
20 Caduallum coniurandi principem, copijs hoſtium in fidem receptis, Proregem creant. Is cum Gillum, ſacinosos vndique cogentem, bellum renouare velle intelligeret, eum, antequam copias maiores colligeret, perſequi, quocunque fugeret, decreuit. Primum in AEbudas inſulas nauigauit. Ibi Ederum, vnum e Durſti progenie ſuperſtitem, ad ſe adductum, liberaliter inſtituendum dedit. Gillus audito eius aduentu, ruruſ in Hiberniam abiit: proceribus eius gentis magna ſpe præmiorum ſolicitatis, in primis ſi ſe reducerent AEbudas, ijs ſe donaturum. His pollicitationibus magnum exercitum conſecit. Caduallus, cum rebus omnibus ad traiectionem paratus eſſet, prope de curſu reuocatus eſt, vt ſe ſuſpicionem regni falſa liberaret.

XIIII. REX.

30 Primum omnium Euenum, præclara fama virum, Douallo Finnani Regis fratre genitum, populi ſuffragijs Regem creandum curat. Is, accepto magiſtratu, loca hoſtibus opportuna ac maxime maritima, firmis præſidijs communit, ne ſubiti hoſtes poſſent impune exſcensionem facere. Gillus, id cum reſciſſet, & ipſe mutato conſilio, in Ilam inſulam nauigat. Ibi cum omnia late ferro flammaque vaſtaſſet, in Hiberniam redijt. Euenus, vt belli fontem exhauriret, magnum eo exercitum, duce Caduallo, mittit. Nec Gillus certamen detrectat. Sed a ſuis, magis prædam quam ducem ſecutiſ, deſtitutus, veſte mutata, in propinquum nemus fugit, paucis e tanto numero eum comitantibus. Reliquus exercitus a ſocijs & duce prodiſus, ſe Caduallo dedit. Gillus, poſt prælium diu quæſitus, tandem in antro obſcuro repertus, trucidatur tertio quam re-
40 gnum occupauerat anno. Caput relatum ad Caduallum. Eum, rebus feliciter geſtiſ ex Hibernia redeuntem, non eadem fortuna excepit. Maiorem enim exercitus partem cum omni præda, fœda tempeſtate vexatus, amiſit. Vnde tantum concepit moerorem, vt non adeo diu poſt, ægritudine animi conſectus, interierit: Rege fruſtra conſolante, ac res præclare bello geſtas laudante, aduerſa in fortunæ ſauitiem conferente. Rex nouus hoc rerum ſucceſſu clarus, pacem cum Pictis renouauit: &, Gerhi tertij Pictorum Regis filia in matrimonium accepta, eam confirmauit. Sed hanc publicam lætitiâ ſubitus Orcadenſium in Albium exſcenus interpellauit. Eos repente Rex aggreſſus, ex agris ad montes, e montibus ad mare cõpulit. Ibi trepidantes, & in conſcendendo turbatos adortus, pene ad vnum concidit. Belus eorum Rex, deſperata ſalute, ſibi
50 manum intulit. Euenus, bello deſunctus, ad pacis opera conuerſus, duo emporia locis commodis inſtituit: vtrique ab amnibus præterfluentibus indita nomina Ennerlorhea & Ennerneſſa. Enner enim priſci Scoti vocant locum, quo naues appellere poſſunt. AEbudas, longa bellorū licentia tumultuantes, ſublatis inter incolas diſcordiis, pacauit.

RERV M SCOTICARVM

Brevi deinde post, cum septemdecim regnasset annis, mortem obiit.

XV. REX.

Suffectus ei Rex est Ederus, Dochami filius. Is cum pace domi forisque parta frueretur, ac venationibus (ex vetere gentis consuetudine) indulgeret, subito affertur, Bredium insulanum, Gilli tyranni propinquum, magna cum classe appulisse, ac late prædas agere. Aduersus hunc tumultuario repente exercitu ducto, noctu hostium castris quanto potuit cum silentio, præteritis, stationem navium aggressus, paruo negotio nec opinantes in suam potestatem redegit: custodibus occisis, classē incendit. Mane in hostes duxit: ac, pari negligentia ibi inuenta, primo tumultu incompósitos fudit. Multi inter cunctationem pugnae ac fugae cæsi: reliqui ad mare propinquum, interclusa fuga, 10 capti, & laqueis strangulati. Præda, dominis agnoscentibus reddita. Similem tumultum ex eisdem insulis, post aliquot annos, eiusdem Gilli alius propinquus excitavit, qui similem quoque habuit exitum, deletō exercitu, classē incensa, præda recuperata, ac dominis reddita. Ita pace ubique parta, senex octavo & quadragesimo imperij anno, morbo est extinctus.

XVI. REX.

Huic successit Euenus tertius, indignus optimo patre filius: qui non contentus centum e nobilitate concubinis, ni suam spurcitiem, latis legibus, in vulgus proderet. Tulit enim, ut cuius liceret, pro opibus quot alere posset, vxores ducere: ut Rex ante nuptias sponsarum nobilium, nobiles plebeiarum prælibarent pudicitiam: ut plebeiorum vxores cum nobilitate communes essent. Hanc flagitiosam eius nequitiam secuta sunt (ut fere solent) comites luxuria, crudelitas, auaritia. Nam, cum ad sumptus opes non superpetent, opulentiores, confictis causis, rapiébantur ad supplicium, & commercio Regi cum furibus inito, furandi summa erat impunitas. Ita, quam gratiam ab adolescentia corrupta, ex promiscua libidinis permissione, sperarat, eam truculentia & rapacitate amisit: & coniuratione nobilitatis facta, sensit, quam infida malorum esset societas. Nam, cum primum in aciem ventum est, a suis destitutus, viuus in hostium manus venit, ac in custodiam publicam coniectus est. Cadallano, qui pro Rege ei suffectus erat, rogante de poena eius, in perpetua vincula est damnatus. Ibi quidam ex inimicis, priorum offensarum memor, e cæde Regis vel procerum gratiam, vel saltem impunitatem 30 sperans, cum noctu in carcere strangulauit, cum iam septem annos regnasset. Eius facinoris auctor, fracta gula, poenas luit.

XVII. REX.

Sequitus est Metellanus Ederi propinquus, non minus, ob virtutes egregias, omnibus carus, quam Euenus fuerat, ob vitam flagitiose actam, inuisus. Ea res tamen ei apud omnes peperit auctoritatem, ut eo imperante perpetua fuit foris pax, & domi tranquillitas. Hoc vnum ad summam felicitatem ei defuit, quod, nobilitatis in libidinem procliuis pertinacia impeditus, leges Eueni spurcas abrogare non potuerit. Obijt mortem, anno regni sui tricesimo.

XVIII. REX.

Eo sine liberis defuncto, regnum delatum est ad Caratacum, Cadallani filium, generis Regij iuuenem. Is, inito statim regno, AEbudas a morte proximi Regis tumultuantes, non sine labore compescuit: nec temere tamen crediderim, quod nostri scriptores, Orosium, Eutropium, & Bedam secuti, tradunt, Orcadas, eo imperante, a Claudio Cæsare superatas: non quod difficile existimem, paucas insulas in sæuissimo mari disiectas, a paucis incolis & inermibus habitatas, singulas aggredi, & cum mutuis auxilijs se tueri non possent, omnes vincere. Nec quod incredibile putem, in eam expeditionem classē a Claudio missam, homine (ut inquit Orosius) qui bellum ubique & victoriam vndecunque quæreretur: sed quod Tacitus affirmet, ante Iulij Agricolaë aduentum, eam Britanniaë partem Romanis omnino incognitam fuisse. Caratacus re- 30 gnum annos viginti tenuit.

XIX. REX.

Ei successit Corbredus frater. Is quoque Insulanus, qui, omnibus ferme inter-
regnis

regnis spem nouarum rerum secuti, nouos motus ciebant, multis expeditionibus attriuit: latrones, in plebem grassantes, extinxit: & pace ibi constituta, in Albium reuersus, totamque Scotiam peruagatus, labefactata bello restituit, ac decimo octauo regni anno decessit.

XX. REX.

Conuentus procerum, præterito ob immaturam ætatem Corbredi filio, Dardannum Metellani nepotem regnare iussit. Nemo ante hunc maiore cum expectatione regnum iniit: nemo spem de se conceptam vehementius fefellit. Ante susceptum magistratum, multa liberalitatis, temperantiæ, & fortitudinis dedit exempla: initio imperij medium se regem gessit: triennio vix exacto, in omnia vitiorum genera præceps abiit. Probos & prudentes viros, qui patri a consilijs fuerant, quod eius aduersarentur nequitia ex aula expulit. Adulatores & nouarum voluptatum inuentores in præcipuo habebat honore. Cardorum propinquum suum, qui iuri & æquitati administrandæ præfectus fuerat sub rege superiore, molestum suarum voluptatum interpellatorem, occidit. Atque intra paucos dies plerique alij, diuitijs aut virtute præstantes, alius alia fraude circumuenti periere. Tandem, vt metum successoris sibi demeret, Corbredum Galdum, genere propinquum, fratresque eius in spem regni liberaliter educatos, tollere decreuit. Negotium eos necandi datur Cormoraco cuidam, ex intimis familiaribus. Is magnis muneribus donatus, & promissis oneratus, ad scelus perpetrandum dimissus: sed rem incautius aggressus, a Galdi comitibus, strictam sicam tenens, est comprehensus: ac in insus ductus, tormentis adhibitis auctorem totiusque coniurationis seriem confessus, statim occiditur. Hoc facinore vulgato, magno consensu in regem coniuratur: cæsisque statim turpium voluptatum, quos nancisci poterant, ministris, ad ipsum mali caput viam affectant. Interea Conanus, vnus ex assentatorum grege, obscuro quidem loco natus, sed cui omnium rerum apud regem maxima erat fides & auctoritas, collecta manu, proceribus obuiam ire ausus, a suis deferitur, & captus, vitam laqueo finit. Multitudo iam Galdum ducem nata. Dardannum latebras spectantem, & inter prendendum manum sibi inferre conantem, ad eum perducit. Ibi statim mori iussus. Capite defuncti ad ludibrium proposito, corpus in cloacam proiectum, cum regnasset annos quatuor.

XXI. REX.

Huic successit Corbredus secundus, cognomento Galdus, & suarum virtutum tirocinio, & patris optimi memoria, & indole præclara proceribus ac plebi iuxta carus. Sunt, qui, hunc Galgacum a Tacito appellari, existiment. A Scotis cognomen ei Galdi est additum, quod apud Brittones educatus fuisset. Scoti enim vetere consuetudine aduenas Galdos vel Gallos, velut Germani Wals, appellare solent: qua de re alibi plura diximus. Hic maximam de se spem conceptam auxit. Profectus ad insulas, Sciam & Leogum, non minore prudentia quam seueritate motus iam pridem ortos, & ignauia Dardanni auctos compescuit. Latronum duces interemit: cæteris, poenæ metu, vel sibi consciscere exilium, vel ad opera rustica redire coactis. Hic, opinor, primus Regum Scotorum signa cum Romanis contulit, imperio eorum paulatim se ad fines ipsius propagante. Nam Petilius Cerialis, primus Brigantium vires fregit: & eius successor Iulius Frontinus Silures vicit. Ad has gentes, non adeo longe a Scotorum & Pictorum finibus positas, non abhorret a vero, missa fuisse auxilia. Successit superioribus Iulius Agricola: qui, superatis Ordouicibus, Monaque insula in potestatem redacta, cum ad angustissimam Britannia partem venisset, ratus, non magnum sibi ad insula finem spatium superesse, animum ad totam perdomandam adiecit. Tertio igitur imperij anno, proximas Pictorum & Scotorum regiones, populando percurrit, donec ad Taumamnem peruenit: quanuis afflicto tempestatibus exercitu, spatium tamen ponendis idoneo loco castellis habuit: quæ res & consilia hostium vana reddidit, & vires fregit. Antea enim, homines ad omnium malorum patientiam indurati, quæ æstate amiserant, hieme, legionibus per hiberna dispersis, recuperabant: ac plerunque castella non satis munita expugnabant. Tum vero, solertia Agricola in castellis ponendis,

R E R V M S C O T I C A R V M

Breui deinde post, cum septemdecim regnasset annis, mortem obiit.

X V. R E X.

Suffectus ei Rex est Ederus, Dochami filius. Is cum pace domi forisque parta frueretur, ac venationibus (ex vetere gentis consuetudine) indulgeret, subito affertur, Bredium insulanum, Gilli tyranni propinquum, magna cum classe appulisse, ac late prædas agere. Aduersus hunc tumultuario repente exercitu ducto, noctu hostium castris quanto potuit cum silentio, præteritis, stationem nauium aggressus, paruo negotio nec opinantes in suam potestatem redegit: custodibus occisis, classem incendit. Mane in hostes duxit: ac, pari negligentia ibi inuenta, primo tumultu incompositos fudit. Multi inter cunctationem pugnae ac fugae cæsi: reliqui ad mare propinquum, interclusa fuga, 10 capti, & laqueis strangulati. Præda, dominis agnoscentibus reddita. Similem tumultum ex eisdem insulis, post aliquot annos, eiusdem Gilli alius propinquus excitauit, qui similem quoque habuit exitum, deleto exercitu, classe incensa, præda recuperata, ac dominis reddita. Ita pace vbique parta, senex octauo & quadragesimo imperij anno, morbo est extinctus.

X V I. R E X.

Huic successit Euenus tertius, indignus optimo patre filius: qui non contentus centum e nobilitate concubinis, ni suam spurcitiem, latis legibus, in vulgus proderet. Tulit enim, ut cuius liceret, pro opibus quot alere posset, vxores ducere: ut Rex ante nuptias sponsarum nobilium, nobiles plebeiarum prælibarent pudicitiam: ut plebeiorum vxores cum nobilitate communes essent. Hanc flagitiosam eius nequitiam secutæ sunt (ut fere solent) comites luxuria, crudelitas, auaritia. Nam, cum ad sumptus opes non superpetent, opulentiores, confictis causis, rapiiebantur ad supplicium, & commercio Regi cum furibus inito, furandi summa erat impunitas. Ita, quam gratiam ab adolescentia corrupta, ex promiscua libidinis permissione, sperarat, eam truculentia & rapacitate amisit: & coniuratione nobilitatis facta, sensit, quam infida malorum esset societas. Nam, cum primum in aciem ventum est, a suis destitutus, viuus in hostium manus venit, ac in custodiam publicam coniectus est. Cadallano, qui pro Rege ei suffectus erat, rogante de poena eius, in perpetua vincula est damnatus. Ibi quidam ex inimicis, priorum offensarum memor, e cæde Regis vel procerum gratiam, vel saltem impunitatem 30 sperans, eum noctu in carcere strangulauit, cum iam septem annos regnasset. Eius facinoris auctor, fracta gula, poenas luit.

X V I I. R E X.

Sequutus est Metellanus Ederi propinquus, non minus, ob virtutes egregias, omnibus carus, quam Euenus fuerat, ob vitam flagitiose actam, inuisus. Ea res tamen ei apud omnes peperit auctoritatem, ut eo imperante perpetua fuit foris pax, & domi tranquillitas. Hoc vnum ad summam felicitatem ei defuit, quod, nobilitatis in libidinem procliuis pertinacia impeditus, leges Eueni spurcas abrogare non potuerit. Obiit mortem, anno regni sui tricesimo.

X V I I I. R E X.

Eo sine liberis defuncto, regnum delatum est ad Caratacum, Cadallani filium, generis Regij iuuenem. Is, inito statim regno, AEbudas a morte proximi Regis tumultuantes, non sine labore compescuit: nec temere tamen crediderim, quod nostri scriptores, Orosium, Eutropium, & Bedam secuti, tradunt, Orcadas, eo imperante, a Claudio Cæsare superatas: non quod difficile existimem, paucas insulas in sæuissimo mari disiectas, a paucis incolis & inermibus habitatas, singulas aggredi, & cum mutuis auxilijs se tueri non possent, omnes vincere. Nec quod incredibile putem, in eam expeditionem classem a Claudio missam, homine (ut inquit Orosius) qui bellum vbique & victoriam vndecunque quæreretur: sed quod Tacitus affirmet, ante Iulij Agricolaë aduentum, eam Britanniaë partem Romanis omnino incognitam fuisse. Caratacus re- 30 gnum annos viginti tenuit.

X I X. R E X.

Ei successit Corbredus frater. Is quoque Insulanus, qui, omnibus ferme inter-
regnis

regnis spem nouarum rerum secuti, nouos motus ciebant, multis expeditionibus attriuit: latrones, in plebem grassantes, extinxit: & pace ibi constituta, in Albium reuersus, totamque Scotiam peruagatus, labefactata bello restituit, ac decimo octauo regni anno decessit.

XX. REX.

Conuentus procerum, præterito ob immaturam ætatem Corbredi filio, Dardannum Metellani nepotem regnare iussit. Nemo ante hunc maiore cum expectatione regnum iniit: nemo spem de se conceptam vehementius fefellit. Ante susceptum magistratum, multa liberalitatis, temperantiæ, & fortitudinis dedit exempla: initio imperij medium se regem gessit: triennio vix exacto, in omnia viriorum genera præcep abijt. Probos & prudentes viros, qui patri a consilijs fuerant, quod eius aduersarentur nequitia ex aula expulit. Adulatores & nouarum voluptatum inuentores in præcipuo habebat honore. Cardorum propinquum suum, qui iuri & æquitati administrandæ præfectus fuerat sub rege superiore, molestum suarum voluptatum interpellatorem, occidit. Atque intra paucos dies plerique alij, diuitijs aut virtute præstantes, alius alia fraude circumuenti periere. Tandem, vt metum successoris sibi demeret, Corbredum Galdum, genere propinquum, fratresque eius in spem regni liberaliter educatos, tollere decreuit. Negotium eos necandi datur Cormoraco cuidam, ex intimis familiaribus. Is magnis muneribus donatus, & promissis oneratus, ad scelus perpetrandum dimissus: sed rem incautius aggressus, a Galdi comitibus, strictam sicam tenens, est comprehensus: ac in ius ductus, tormentis adhibitis auctorem totiusque coniurationis seriem confessus, statim occiditur. Hoc facinore vulgato, magno consensu in regem coniuratur: cæsisque statim turpium voluptatum, quos nancisci poterant, ministris, ad ipsum mali caput viam affectant. Interea Conanus, vnus ex assentatorum grege, obscuro quidem loco natus, sed cui omnium rerum apud regem maxima erat fides & auctoritas, collecta manu, proceribus obuiam ire ausus, a suis deferitur, & captus, vitam laqueo finit. Multitudo iam Galdum ducem nata. Dardannum latebras spectantem, & inter prendendum manum sibi inferre conantem, ad eum perducit. Ibi statim mori iussus. Capite defuncti ad ludibrium proposito, corpus in cloacam proiectum, cum regnasset annos quatuor.

XXI. REX.

Huic successit Corbredus secundus, cognomento Galdus, & suarum virtutum tirocinio, & patris optimi memoria, & indole præclara proceribus ac plebi iuxta carus. Sunt, qui, hunc Galgacum a Tacito appellari, existiment. A Scotis cognomen ei Galdi est additum, quod apud Brittones educatus fuisset. Scoti enim vetere consuetudine aduenas Galdos vel Gallos, velut Germani Wals, appellare solent: qua de re alibi plura diximus. Hic maximam de se spem conceptam auxit. Profectus ad insulas, Sciam & Leogum, non minore prudentia quam seueritate motus iam pridem ortos, & ignauia Dardanni auctos compescuit. Latronum duces interemit: cæteris, poenæ metu, vel sibi consciscere exilium, vel ad opera rustica redire coactis. Hic, opinor, primus Regum Scotorum signa cum Romanis contulit, imperio eorum paulatim se ad fines ipsius propagante. Nam Petilius Cerialis, primus Brigantium vires fregit: & eius successor Iulius Frontinus Silures vicit. Ad has gentes, non adeo longe a Scotorum & Pictorum finibus positas, non abhorret a vero, missa fuisse auxilia. Successit superioribus Iulius Agricola: qui, superatis Ordouicibus, Monaque insula in potestatem redacta, cum ad angustissimam Britannia partem venisset, ratus, non magnum sibi ad insula finem spatium superesse, animum ad totam perdomandam adiecit. Tertio igitur imperij anno, proximas Pictorum & Scotorum regiones, populando percurrit, donec ad Taumamnem peruenit: quanuis afflicto tempestatibus exercitu, spatium tamen ponendis idoneo loco castellis habuit: quæ res & consilia hostium vana reddidit, & vires fregit. Antea enim, homines ad omnium malorum patientiam indurati, quæ æstate amiserant, hieme, legionibus per hiberna dispersis, recuperabant: ac plerunque castella non satis munita expugnabant. Tum vero, solertia Agricola in castellis ponendis,

R E R V M S C O T I C A R V M

& diligentia in muniendis, annuis copijs in singula coniectis, artes eorum frustrabantur. Quarto imperij anno, perspecto, quam breui spatio Bodotriæ & Glottæ æstuaria dirimantur, ac, loco præsidij firmato, regiones in Hibernicum mare versas depopulatus est. Quinto anno, classe in Oceanum immissa, multis in locis exscensiones fecit, ac populationibus maritimam oram infestauit, littoraque Hiberniam spectantia præsidij munivit, non modo in vsum præsentem, sed etiam vt in Hiberniam illinc facilius traiceret. Hac Agriculæ prudentia Scoti & Picti in angustum angulum conclusi, & a Brittonum commercio seclusi, ad vltimum sese periculum comparabant. Nec segnius Agricola, classe circumire iussa, ad extrema insulæ exploranda, & ipse trans Bodotriam ducto exercitu, in Caledonios tetendit. Ibi iam hostes (vt in vltimum discrimen) parati, 10 castella quædam Romanorū oppugnare aggressi, tantum intulerūt terroris, vt plerique & multitudinem, & ex desperatione pertinaciam timentes, consulerent, cum exercitu retro in pacatiora loca reuertendum. Verum dux propositi certus, cum hostes pluribus agminibus aduentare audisset, & ipse tripartito aduersus eos duxit: quæ res ei pene exitio fuit. Hostes enim, eius intellecto consilio, vniuersi vnā legionem de nocte oppugnare aggressi, cæcis vigilibus, paulum abfuit, quin castra caperent. Sed aduentu reliquarum legionum impediti, cum vsque ad lucem acriter dimicassent, tandem victi, in loca impedita refugerunt. Hæc fere septimo expeditionum anno gesta. In proximam æstatem vtrique se ad vltimam dimicationem parabant: Romanis in ea victoria spem finiendi belli collocantibus: hostibus de libertate, de vita, de omnibus, quæ 20 chara & sancta solent esse hominibus, decerraturis. Ac superioribus prælijs se rati, arte potius quam virtute victos, ad Grampij montis radices, loco paulum editiore, Romanorum aduentum opperiantur. Ibi cruento prælio congressi, cum diu incerto Marte pugnassent, tandem Caledoniorum fortissimo quoque cæso, victa pertinacia, in loca tutiora secesserunt. Neque quisquam dubitabat, quin Agricola totam Britanniam armis pacaturus esset, nisi a Domitiano, non ad honorem ostentatum, sed ad necem reuocatus fuisset. Sub discessum eius, Romana castra seditione laborarunt: & Scoti Pictique, paulum hac occasione recreati, e latebris prodire cœperunt: & cum nec parem ducem, nec eandem disciplinam apud Romanos sensissent, legatis passim dimissis, non modo popularium animos, sed etiam Brittonum tentare sunt aggressi. 30 Ac primum, leuibus prælijs resumpta audacia, iam præsidia oppugnare, & acie structa, certaminis aleam experiri non dubitabant. Hac ratione, Romani ex agris eorum expulsi, cum Brittonibus de veteri prouincia Marte ambiguo decertabant. Galdus, ab armis ocium nactus, regiones diligenter obeundo, veteres dominos in agros bello vastatos reduxit: in vacua milites misit: & latrocinij cohibitis, dissidia cum Pictis orientia composuit. Tandem, non minore apud hostes quam ciues gloria clarus, decessit anno, quam regnum suscepit tricesimo, quinto.

XXII. REX.

Patri optimo suffectus Luctacus, filius flagitiosissimus: qui, spreto maiorum consilio, se totum vino & scortis dedit. Nullam ab eius libidine, vel propinqua cum ipso cognatio, vel reuerentia legum, vel maiorum aut maritorum respectus vendicabat. Accessere ad hæc, inhumana crudelitas, & inexplebilis auaritia. Iuuentus quoque, in peiora procliuius, facile in regios mores degenerauit. Igitur cum passim omnia stupris, rapinis & cædibus contaminaret, nec vnus quispiam eius impotentia obuiam ire auderet, tandem, conuentu primorum facto, cum liberius coargueretur, & principes, tanquam seditiones, ad supplicium rapi iuberet, concursu multitudinis vna cum scelerum administris fuit occisus, vix finito tertio regni anno. Datum autem honori patris, vt in sepulcrum maiorum cadauer inferretur. Cæterorum corpora insepulta proiecta.

XXIII. REX.

Mogaldus deinde Rex electus, Galdi ex filia nepos, initio imperij optimis regibus par: senior facile, vitiorum contagio, in auunculi mores abiit. Principio, vt vitiosis superioris Regis institutis, mores publicos foedantibus, facilius mederetur, pacem cum vicinis coluit: ceremonias veteres, incuria neglectas, restituit: ministros flagitiorum ex aula

ex aula expulit: atque ad consilia seniorum omnia, more prisco, reuocauit: quæ res ei & omnium popularium amorem, & apud vicinas nationes peperit reuerentiam. Rebus domi compositis, Rex ad studia belli conuersus, Romanos regni sui finibus prohibuit, & Pictos auxilijs ab eorum iniuria defendit: & eorum auctoritatem aliquot secundis prælijs apud Brittones ira imminuit, vt & ipsi, spe libertatis recuperandæ erecti, multis in locis arma sumpserint. Eam spem auxerat, quod Adrianus Iulium Seuerum virum acrem, & rei militaris peritum, e Britannia in Syriam, ad componendos Iudeorum motus, transtulerat. Igitur Adrianus, tumultu magis ac magis gliscente, e Gallijs in Britanniam transijt: Sed vt erat pacis quam belli studiosior, magisque tueri parta, quam limites imperij proferre cupiebat, cum Eboracum venisset, agrosque vltiores omni belli clade vastatos comperisset, vt rem propius inspiceret, ad Tinam amnem castra mouit. Ibi a senioribus, qui, Agricolam secuti, prope ad vltimos Britannia fines penetrauerant, edoctus, in reliqua Insula perdomanda plus laboris quam emolumenti fore, vallo & fossa inter Tinæ & Esæ fluminum æstuaria per octoginta millia passuum ducto, Scotos & Pictos a prouincialibus exclusit: ac statu prouinciæ ordinato, in continentem rediit. Huius valli cum adhuc pluribus in locis extent vestigia, miror, a Beda mentionem penitus omissam, præsertim cum e Latinis, Aelius Spartianus in Adriano, e Græcis, Herodianus in Seuerio meminerit. Nec enim mihi persuadere possum, in eo fuisse Bedam errore, qui plerosque adhuc tenet, hoc vallum, non ab Adriano, sed a Seuerio fuisse factum. Hac ratione Romana prouincia pacata, & vicinorum excursionibus cohibitis, diu pax vtrinque fuit: Britannis ocium libenter amplectentibus, & Scotis Pictisque agrum vicinum, velut prædam oblatam, inter se diuidentibus. Sed eadem pax, præterquam quod delidia & ocio vires corporis fregit, etiam, voluptatum blandientibus iam rum illecebris, animi robur emolliit, Itaque aduersus arma hucusque inuictus Mogaldus, auitæ gloriæ oblitus, in vitia præceps abiit: ac præter alia facinora foeda, & publice perniciofa, legem iniquissimam condidit, vt damnatorum bona fisco addicerentur, nullam in partem liberis & vxoribus admissis. Eam legem etsi omnibus iniquam, & inhumanam & tum intelligerent, & nunc intelligant, tamen a fisci procuratoribus, qui Regum cupiditatibus lenocinantur, hac etiam ætate defenditur. Mogaldus, suis vitijs nobilitati & vulgo iuxta inuifus, cum eorum coniurationi par esse non posset, cum vno & altero comite latebras & fugam circumspectans, deprehensus interficitur, postquam triginta sex annos regnasset, circiter Antonini pij annum v.

XXIIII. REX.

Hunc secutus est filius Conarus, qui, ab scelesto initio exorsus, regnum flagitiosissimum infelici exitu clausit. Nam non modo conscius, sed etiam particeps coniurationis in patrem fuit. Sed ad occultanda initio vitia, bellum commode ei incidisse videbatur. Vallo enim Adriani superato, Brittones magnam hominum pecorumque vim abstulerant. Consilio igitur communicato, & exercitu cum Pictis iuncto, pluribus locis vallum transcendunt: Brittonumque agros late populantur: ac, demum cum hoste congressi, magno & cruento prælio cum Romanis & Brittonibus confligunt. Vtrinque prope par clades pacem in proximum annum præstitit. Romanus, quia non vicerat, sibi pro victo videri. Igitur suis copijs attritis, & Brittonibus, quos ex ipsius calamitate in spem libertatis videbat erectos, non satis confidens, supplementum ab Antonino Pio petit: culpam violatæ pacis in Scotos & Pictos, acceptæ cladis in Brittones confert. Missus ab Imperatore legatus, Lollius Urbicus, hostes magno prælio victos submouit, ac vallum denuo instaurauit. Deinde per annos complures, velut tacitis inducijs, ab armis est cessatum. Romanus enim satis habebat, castris in propinquo positis, hostem populatione prohibere: & Conarus, qui nihil in bello, præter licentiam, amabat, domum, vt se totum voluptatibus per ocium immergeret, properabat. Ibi statim vitia, quæ ad hominum studia concilianda calauerat, se prodiderunt. Hac arte regnum sibi conciliatum ratus, a maioribus magno labore parta, luxu & libidinibus ita profudit, vt breui ad extremam redigeretur inopiam. Igitur conuentu habito, multa de magnificentia regibus necessaria locutus, & de inopia publica conquestus,

splendoris & elegantiae honestis nominibus vitia sua regens, vehementer petere insti-
 tit, ut censu habito, pro rei familiaris modo tributum indiceretur. Ea oratio cum ad
 omnium aures ingrata accideret, responsum est, rem esse maioris momenti, quam ut
 in praesentia expediri posset. Breui tempore, ad consultandum, impetrato, cum singu-
 lorum sententias exquisissent, intellectum est, nouum hoc infinitae pecuniae aucupium
 non a primoribus, sed ab adulatione aulica fuisse inuentum. Statuunt Regem, ut pa-
 ram ad regendum idoneum, in custodia habendum, donec, eo regnum eierante, alium
 substituunt. Postridie retlocatis, qui primus rogatus est sententiam, asperce in priorem
 Regis vitam inuectus, longa oratione docuit, non leuones, parasitos, symphoniacos,
 & meretricum greges instrumentum esse regni: quippe in bello inutiles, in pace mo- 10
 lestos, sumptuosos, infamiae & dedecoris plenos. Falsam esse quarelam, Regias opes
 sumptibus esse impares: quippe quibus tot superiores Reges, bello clari, & formida-
 biles hostibus, in pace honeste & splendide vixerint. Quod si cui patrimonium publi-
 cum angustius videatur, non e ciuium ditteptione, sed e parsimonia domestica, quod
 deest, supplendum. Sumptuum cuique modum, non ad cupiditates, quae infinitae sunt,
 sed ad census mensuram & necessitates naturae componendum. Itaque, se censere, ne-
 bulones illos, in quos collatum erat patrimonium publicum, & quorum causa Rex tot
 homines honestos afflixerit, bonis exuerit, trucidarit, cogendos: ut, quae per iniuriam
 aliorum adulando pararint, iure, nec sine cruciatu, rependant. Regem in custodia in-
 terim habendum, dum alium sufficiant, qui non modo assuescat ipse, sed alios exem- 20
 plo doceat, more patrio, parce & duriter viuere: & disciplinam a maioribus acceptam
 ad posteros transmittere. Haec oratio, ut erat aspera, auribus, liberam audire vocem in-
 solentibus, visa est asperior. Itaque Rex non leuiter animos commotos inflectere &
 sedare annixus est, sed ferocibus minis vehementius inflammauit, & pene efferauit:
 interque altercationem & iurgia orto tumultu, Rex, iniecta ab astantibus manu, in cel-
 lam cum paucis includitur. Aulici, praeiorum consiliorum auctores, statim ad suppli-
 cium ducuntur, & ne maior aliquis motus oriretur in populo vinculis imperij soluto,
 Argadus homo nobilis fit Prorex, dum populus ad nouum Regem prodendum coeat.
 Is, quanquam initio statum publicum, aequitate summa rem administrando, compo-
 suisset, & magnam hac moderatione laudem esset affecutus, tamen, corrupto rebus pro- 30
 speris animo, breui prope omnem vitae superioris existimationem amisit. Intestinas
 enim seditiones fouendo, & externis viribus auctoritatem suam confirmando, iuncto-
 que cum primoribus Pictorum hospitio, ut vxore inde sumpta, filiabusque ibi elocatis,
 facile apparebat, eum viam ad regnum praestruere. Haec cum ei in conuentu obiiceren-
 tur, grauiusque increparetur, quod tam cito degenerasset, atque ille, quae obiecieban-
 tur, cum vera esse cognosceret, totus pudore confusus, in lachrimas prorupisset, ac ubi
 primum loqui potuit, cum obiecta crimina purgare non posset, ad misericordiam con-
 uersus, poenam deprecatur. Id si impetret, se breui curaturum, ut quod per errorem
 peccasset, virtute & industria corrigeret. Haec humi proiectus cum suppliciter oraret, ira
 in misericordiam versa proceres eum attollunt, & in imperio perseuerare iubent: ab 40
 eoque petunt, ut ipse sibi poenae moderator esset: satis enim illis sumptum videri sup-
 plicij, si vere & ex animo superiorum eum poeniteret. Ex illo die, Argadus, hominibus
 prudentissimis conuocatis, nihil, nisi de eorum consilio, transigebat, multa in suo ma-
 gistratu utiliter in publicum constituit. Illud autem in primis, quod iudicum prouin-
 cialium licentiam cohibuit: vetuitque ne sine discrimine de quouis delicto pronuncia-
 rent. Facinorosis sublati, aut coerciti, mores, diuturna licentia corruptos, non modo
 poenis legum, sed vitae quoque suae exemplo emendauit. Inter haec Conarus decimo
 quarto regni anno, partim morore confectus, partim aduersa valetudine afflictus, in
 custodia impuram vitam finiuit.

XXV. REX.

In eius locum surrogatus Ethodius, ex Mogaldi sorore natus, ilico in conuentu
 Argadium magnis laudibus ornauit, honoribus prosecutus est, & amplis praemijs dona-
 uit, summamque rerum omnium potestatem secum ei detulit. Cum de more omnes
 regni

regni sui regiones perlustraret, in AEbudas traiecit. Missus ad pacis turbatores Argadus, breui comprehensos ad Regem perduxit. His motibus compositis, cum in Albium redisset, Insulani presenti metu liberati, & falsis de bello externo rumoribus inducti, & supplicio noxiorum magis irritati, quam suppressi, iterum tumultuari coeperunt. Ad eos coercendos, misso rursus Argado, cum hic Pictorum, illi Hibernensium auxilijs freti essent, nulla mora pugnae facta est: in qua Argadus, circumventus insidijs, interijt. Ea calamitas, ceteris rebus omissis, illo Regem traxit: qui leuibus, per occasiones, praelijs & assiduis incursionibus ita Insulanos afflixit, vt (cum viribus minus possent) quo loci commoditate tutiores essent, in vallem rupibus praeiunctis vndique cinctam, in
 10 quam vnus angustus ferebat aditus, se coniecerint. Ethodius loci vitio perspecto, custodijs ad idoneos exitus dispositis, fossam & vallum ante fauces obiecit: atque ita ad extremam omnium rerum penuriam eos perduxit, vt, malis coacti, tandem sui arbitrium Regi permitterent. Data nihil recusantibus conditiones, reducenti, quos Rex ederet, vna cum duce dederentur: reliqui, traditis armis, ad sua quisque remearent. Deditorum, quod statim representatum est, supplicium prope nouam seditionem concitauit. Vulgus enim adeo, indignitate spectaculi tam foedi, exarsit, vt cum armis carent, lapidum temere obiacentium iactu regios incesserent. Is quoque tumultus non
 20 sine multa caede compressus est. Ethodius, pace vbique parata, dum, iuris dicundi causa, omnes regni fines obit, & ocium venationibus oblectat, multas venaticas leges fecit, quarum magna pars adhuc seruat. Cum de more procerum Scotorum, fidicinem ex Hibernia in cubiculo suo pernoctantem haberet, ab eo noctu occisus fuit, in ultionem cuiusdam propinqui sui, quem a Rege interemptum causabatur. Is dum ad supplicium duceretur, auerso a tormentis animo, speciem gaudentis praebuit, tanquam, qui suo munere probe functus fuisset.

XXVI. REX.

Ethodio, cum triginta tres annos regnasset, extincto, filioque nondum ad regendum maturo, electus est frater eius Satrael. Hic cum callido prauoque esset ingenio, ac regnum stabilire in sua domo, extinctis Ethodij liberis, statueret, primum proceres, vt quisque superiori Regi carus fuerat, varijs calumnijs aggressus est. Deinde vulgus
 30 (vt rebatur) primatum caede attonitum spoliare coepit, quae res breui odium eius auxit, & auctoritatem imminuit: & seditiones excitauit. Ad eas reprimendas, odij publici non ignarus, cum prodire non auderet, a suis noctu domi strangulatus est: cum praefuisset annos quatuor.

XXVII. REX.

Assumptus est in locum eius alter Ethodij frater, Donaldus: qui Satraelis vitia magnis virtutibus aequauit: vel etiam superauit. Quas virtutes gratiores reddebat cum studio aequitatis coniuncta clementia. Is, & auctoritatis pondere, & poenarum representatione sublatis intestinis discordijs, iuuentutem, partim ocio lasciuientem, partim luxu fractam, itineribus & labore salubriorem, & ad vim hostium arcendam paratiorem
 40 fore ratus, delectum habuit, & militem exercendo ita assuefecit, vt breui tirones veteranorum aequarent virtutem. Huic consilio pax foris non nihil opitulata est. Nam cum ante paucos annos milites Romani in Britannia tumultuantes quemlibet alium, quam Commodum Imperatorem deposcerent, ac praecipue AElum Pertinacem, qui, ad eos pacandos, erat missus, Scotis & Pictis omissis, omnem vim belli in semetipsos conuerterunt. Profuit etiam, ad pacem colendam, quod Donaldus, regum Scotorum primus Christianos ritus receperat. Nec tamen ipse, nec proximi aliquot reges, etsi magna nobilitatis parte conatibus eorum fauente, priscas sacrorum ceremonias penitus exigere potuerunt. Verum, cum incidisset in eius regnum Seueri Imperatoris expeditio omnes omnium rationes & publicas & priuatas ea immutauit. Seuerus enim, homo
 50 rei militaris peritissimus, in spem totius Insulae perdomandae, tantas in Britanniam copias, quantas nemo antea Romanorum duxit. Suberant & aliae huius expeditionis causae: filiorum vita vrbani delitijs corrupta, & exercitus ocio & ignauia mollitus: quibus rebus ex labore militari petendum esse remedium, existimabat. Eius aduentu,

RERVM SCOTICARVM

iamentum erupturi motus sunt compressi: & Scoti Pictique, relictis proximis agris, in loca impeditiora se receperunt. Seuerus, ut aliquando finem bellis Eritannicis imponeret, per vasta omnia, & a cultoribus deserta in Caledonios duxit. Hostibus nusquam congredi ausis, cum regionis asperitate plurimum ei laboris fuit, dum siluas excindit, editiora complanat, congesta in paludes terra viam sternit, & amnes pontibus iungit. Interea hostes non ausi aduersus tantam multitudinem aciem struere, pecorum praedam alijs atque alijs locis obijciebant: ut ea illecebra Romanos, longius ab exercitu digressos, conficerent: qui praeterquam quod sparsi insidijs excipiebantur, etiam insolitis affligebantur imbribus: & itineribus fessi, cum sequi non possent, a familiaribus, ne in hostium potestatem venirent, passim occidebantur. Neque tamen, desideratis 10 quinquaginta millibus (ut scribit Dion) prius ab incepto distiterunt, quam ad finem Insulae penetrassent. Seuerus ipse, quanquam aduersa valetudine fere tota hac expeditione lectica recta sit circumlatus, tamen perseverantia illa incredibili coegit hostes, ad conditiones pacis venire, atque agri parte non exigua cedere. Finem Romani Imperij vallum duxit, inter Bodotriae & Glottae aestuaria, ubi antea Agricola finire provinciam decreuerat. Id vallum, qua Carrontem amnem attingit, praesidium habuit eo situ & viarum descriptione, ut modicae urbis instar esset, quam nostrorum quidam falso, Camelodunum fuisse, existimarunt. Propius vero est, hanc esse urbem, quam Beda Guidi vocat. Paucis, antequam haec scriberemus, annis, vestigia fossarum & murorum, item vicorum apparebant, nec adhuc muri diruti omnino ita confusa sunt indicia, ut 20 non interim se multis in locis prodant: terraque leuiter effossa, quadrati lapides eruntur, quibus vicini agrorum domini ad aedium suarum substructiones utuntur. Indicant autem inscripti lapides, qui interim inveniuntur, id opus Romanorum fuisse. Magnitudinem molitionis eius ostendunt haec Aelii Spartiani verba, BRITANNIAM (quod maximum eius Imperij decus est) muro per transversam insulam ducto, utrinque ad finem Oceani muniuit. Quibus verbis mihi indicare videtur, non vallum, quod Beda vult, sed murum fuisse: praesertim cum opus, quod vallo Adriani plusquam dimidio breuius sit, tali elogio prosequatur. Distat autem, ubi minimum, haec munitio plus octoginta millibus passuum a vallo Adriani. Extant & alia, nisi fallor, eius pacis indicia. Est enim paulo infra id, quod diximus, praesidium, in aduersa Carrontis ripa, 30 aedificium rotundum, e saxis quadratis nulla calce aut cemento coagmentatis: non maius modico columbari, superne apertum, caetera elatum, nisi quod ostij superum limen, in quo nomen auctoris & operis inscriptum fuisse, creditur, ab Eduardo primo Anglorum Rege est ablatum: eadem inuidia, qua reliqua omnia vetera Scotorum monumenta, quod in ipso erat, deleuit. Id opus, nonnulli falso prodiderunt, templum Claudij Caesaris fuisse. Nos, quantum coniectura possumus assequi, aedem Termini fuisse, credimus. Erant item in eiusdem fluminis ripa sinistra duo tumuli terreni, in modica planitie, manu (ut satis apparet) congesti. Minoris, qui magis ad Occasum vergit, bona pars alluione amnis est ablata. Dunos pacis adhuc eos accolae vocant. Pace igitur, ex hac insulae diuisione, iterum parta, ac rebus utcumque compositis, Donaldus; cum vnum & viginti rei Scoticae praefuisset annos, decessit.

XXVIII. REX.

Ei successus est Ethodius secundus, superioris Ethodij filius: homo prope stupidus: certe languidiore ingenio, quam cui tam ferocis populi moderatio conueniret. Quo animaduerso, primores collecti, erga genus Fergusij ea sunt usi reuerentia, ut homini, quantumvis ignauo, nullius tamen sceleris comperto, nomen quidem Regium relinquerent, praefectos autem singulis regionibus darent, qui ius dicerent. Eorum moderatione & aequitate factum est, ut nunquam Scotica res fuerit tranquillior. Neque enim tantum delicta puniebant, sed Regis avaritiam immodicam populo reddiderunt innoxiam. Rex, vicesimo primo magistratus anno, familiarum tumultu occisus est.

XXIX. REX.

Athirco eius filius, cum ingenij maius, quam pro aetate, specimen daret, Rex creatur. Nam

Nam equitando, iaculando, militaribusque studiis cum æqualibus contendendo, præterea beneficentia & humanitate omnium sibi amorem conciliauerat. Verum cum ætate in vitia deflectens, profunda auaritia, iracundia, luxuria, inertia, omnium bonorum studia breui ab se auertit: &, quo iuuentus flagitijs eius magis consentiebat, eo vehementius eorum patres offendeat. Tandem per Nathalocum, hominem apprimè nobilem, cuius filias a se constupratas, & flagris cæsas colluioni scædorum hominum, quam circa se habebat, prostituerat, coniuratione nobilitatis facta, frustra se vi tueri conatus, a suis etiam, turpium flagitiorum odio, desertus, manum sibi intulit, duodecimo quam regnare coeperat anno. Rege extincto, Dorus, vel quia
 10 frater, vel quod scelerum minister ei fuisset, meruens proceres, ne, vt in recenti inuidia erant animo inflammato, in totum genus Regium scirent, cum paruis eius liberis Findoco, Carantio, & Donaldo aufugit. Neque multum eum sua fefellit opinio. Natholocus enim, qui singulari erat affectus iniuria, non contentus Dori exilio, submittit percussores, qui ipsum cum liberis fratris interficerent. Hi ad Pictos profecti (nam eum locum exilio Regij pueri delegerant) insidiatores, decepti staturæ & faciei similitudine, alium pro Doro clam nacti obtruncant.

XXX. REX.

Natholocus, quem maxime suis rationibus aduersum metuebat, sublatum ratus,
 20 primus, ambitiose regnum apud Scotos petisse dicitur, ac magna nobilitatis parte aduersa, ab ijs, quos pollicitationibus & donis corruerat, Rex factus est: nec male partum imperium melius gessit. Suspecta enim nobilitate, quam in Comitij regni sibi aduersam fuerat expertus, per homines plebeios, quos egestas & audacia facile ad quoduis facinus impellere poterat, omnia administrabat. Accessit ad has suspiciones alia grauior, deprehensis literis ad principes nobilitatis, e quibus intellectum est, Dorum Athirconisque liberos viuere, ac in regni spem, apud Pictos educari: hoc igitur periculum vt auerteret, quos maxime suspectos e primoribus habebat, ad se vocat, tanquam de commodis publicis cum eis consulturus. Comprehenso, vniuersos in
 30 carcerem coniecit, ac proxima nocte strangulandos curauit. Verum, quod suo timori sperauerat remedium, id velut fax coniurationis fuit. Nam Cæsarum amici non minus sibi metuentes, quam propinquorum & necessariorum calamitate dolentes, vndique in eum arma comparant. Quorum conatibus vt obuiam iret, dum exercitum cogit, a quodam suorum familiarium occiditur, prope duodecimo regni anno. Adiciunt hic quidam nostrorum fabulam, magis concinne fictam, quam verisimilem: illum ipsum, a quo Rex cæsus fuit, ad diuinos missum, vt de victoria, de vita Regis ac regno eius percontaretur, responsum a quadam anu accepisse, Regem non diu victurum: nec periculum ei ab hoste, sed a familiaribus instare. Cum ille vrgeret, a quo? animum, a te, subiecisse. Ille, mulierem execratus, cum domum rediret, subiit animum illa cogitatio, nec responsum cæleri posse, nec edere tutum esse: ne se apud
 40 Regem, hominem prauum & suo timori indulgentem, suspectum redderet. Itaque tutius visum est, tyrannum cum multorum gratia interficere, quam, cum grauissimo proprii capitis discrimine, incolumem seruare. Statim, vbi domum rediit, impetrato, ad responsa diuinorum exponenda, secreto: cæso Rege duodecimum imperij annum ingressus, patriam seruitio, & se periculo exemit.

XXXI. REX.

Eius morte diuulgata, liberi Athirconis reuocantur. Findochus, præter genus, multis naturæ blandimentis, corporis viribus, forma, proceritate, ætatis flore, ad hæc periculis commendatus, Rex eligitur: neque spem de se conceptam fefellit. Erat
 50 enim, in consuetudine quotidiana, summa humanitate, in iure dicundo, æquitate, in promissis, fide. Verum Donaldus Insulanus, pacis impatiens, cum numerosa manu suorum in Albium traiecit: & ingenti clade, villarum, quacunque pergebat, edita, magnam prædam domum abegit. Causa belli prætexebatur, vltio mortis Nathaloci

R E R V M S C O T I C A R V M

Regis. Findochus, exercitu statim collecto, in illam Insulam transmisit, & Donaldum, proelio victum, ad naues fugere coegit. Multi in acie ceciderunt: multi, dum cum tumultu naues conscendunt, submersi. Donaldus ipse, dum, in scapham receptus, fugam meditatur: ea multitudinis irrumpentis pondere depressa perijt. Insulani, animis nihil ea clade fractis, discedente Rege, accitis ex Hibernia auxilijs, bellum renouant: & Donaldus prioris Donaldi filio duce, iterum excensionem faciunt: magnamque prædam abigunt. Findochus iterum cum copijs in AEBUDAS traiecit: omnesque insulas perlustrando, seuerè in latrones animaduertit: munitionibusque in quas confugere consueuerant, euertis, tantum prædarum abegit, tantamque cædem fecit, vt multas insularum prope desertas relinqueret. Ad eius reditum, Donaldus ex Hibernia, quo per-
fugerat, reuersus, dum exercitum reparare conatur, ira vires imminutas sensit, vt necessario, belli aperte gerendi, consilij omis-
sis, ad dolos animum conuerteret. Nam, cum non auderet Regi, fidem publicam interponenti se committere, duos e suis, iuxta callidos & audaces, in aulam cum secretis mandatis misit. Hi, cum & genus suum iactarent, & de Donaldi iniurijs grauiter conquererentur, Regi quidem fidem non fecerunt. Itaque ad fratrem eius Carantium, hominem leuem & ambitiosum, se contulerunt. Ab eo in intimum familiaritatis locum recepti, & per eum ad consilia de rebus maximis admissi, cum eius ingenium explorando cognouissent, non dubitarunt, secreta mandata, de Rege tollendo, cum eo communicare. Ille regnum, alieno scelere & periculo partum, velut iam certum, amplexus, omni genere fauoris eos est prosecutus.
Igitur omnibus ad præcogitatum scelus comparatis, captato tempore, dum Rex, cæteris ad spectaculum inusitata magnitudine feræ accurrentibus, alterum eorum suæ fortunæ multiplicem euentum narrantem audit, ab altero, venabulo in pectus adacto, interimitur. Concursum factum ad atrox facinus, alij moribundum Regem excipiunt, alij percussores sequuntur. Comprehensi, & ad supplicium ducti, expresso prius tormentorum vi Donaldi consilio, & scelere Carantij, qui tum, dissimulandæ rei causa, procul aberat, ipsi quidem iustas pœnas luerunt. Carantius autem, primum ad Brittones fugit. Sed ibi, vulgata exilij causa, cum hospitibus esset detestabilis, ad Romana castra se contulit.

X X X I I . R E X .

Optimo & viro & Regi, scelere detestabili fratris occiso, vndecimo regni anno, suffectus est minimus trium fratrum, Donaldus. Is, cum ad ultionem necis fraternæ se pararet, audit, Donaldum Insulanum, Morauiam ingressum, non iam pro latrone, sed pro Rege omnia gerere. Igitur edicto, vt reliqui sequerentur, ipse cum paucis, qui forte aderant, recta ad hostem progreditur. Donaldus Insulanus certior per exploratores, quam exiguæ Regi essent copię, diem noctemque continuato itinere, famam sui aduentus prauenit. Rex, inopinata re perculsus, cum certamen fugere non posset, congressus, maius quam pro numero prælium fecit. Tandem, superante hostium multitudine, victus, & grauiter vulneratus, ipse cum triginta e primoribus nobilitatis in manus venit. Cæsa ad tria millia, duo capta. Rex intra triduum seu mœnore ob rem male gestam, seu dolore vulnerum decessit, vix circumacto primo anno regni sui.

X X X I I I . R E X .

Eo defuncto, Donaldus Insulanus, qui nomen Regium antea, nullo auctore, sumperat, iam pro legitimo Rege se gerebat, fretus maxime timore procerum: qui, ne propinqui sui captiui occidantur (nam id Donaldus assidue comminabatur) nihil mouere ausi sunt. Tyrannus, cum in omnes debaccharetur, non contentus edicto prohibere, ne quis, præter ipsius ministros, arma ferret, aut nobilitatem passim ad cædem rapere, in cuius exitio firmamentum sui regni constiruebat, inter suæ crudelitati superstites discordias ferebat: nec vllum pulchrius existimabat spectaculum, quam mutuum ciuium cædem. Eam enim cladem lucro sibi ponebat: tot inimicis leuari putabat, quot ex vtraque acie perissent: neque quicquam magis, quam ciuium concordiam metuebat. Itaque domi fere se continebat: & suarum in omnes iniuriarum sibi con-

conscijs, omnes formidans, omnibusque formidabilis, raro in publicum prodibat. Duodecimo tandem anno in ijs miserijs transacto, vix publicorum malorum vindex est inuentus Crathilinthus, Findoci Regis filius. Is, occulte apud nutricium delire- scens, diu perijsse, est creditus. Verum, cum iam paucos viribus & solertia pares ha- beret, genus & nomen dissimulans, primum in aulam, deinde in Regis familiaritatem receptus, dexteritate ingenij breui perfecit, vt primum gratiæ locum apud eum obti- neret. Tandem, rebus omnibus ex animi sententia succedentibus, cum, indicato pau- cis, quis esset, & quid pararet, idoneam facinori patrando manum ad se collegisset, Do- naldum, iniuriæ opportunum nactus, occidit, & cum suis clam discessit.

XXXIII. REX.

Tyranni morte diuulgata, & res & auctor summa omnium cum laticia excipitur. Crathilinthus, generis indicijs testibusque prolatis, quanto nemo antea studio, Rex est declaratus, vt qui, non modo libertatis, sed salutis omnium auctor esset. Primum, magno omnium consensu, Tyranni liberos & propinquos, vt velut radicitus tyran- nidem extirparet, necandos curauit: deinde, partes omnes regni, ad ius de more di- cendum, perlustrauit: labefactataque a Donald, quanta potuit cura, confirmauit: ac, pace domi forisque parta, ocium, gentis more, venationibus oblectare statuit. Eius rei studio, cum in monte Grampio, iuxta Pictorum fines ageret, iuuentutem Picti- cam ad se venientem honorifice habuit. Nec ea contentus amicitia, quæ ex antiquis necessitudinibus & publica pace nata erat, etiam eos familiari consuetudine comple- cti studuit. Sed ea Regis comitas prope in perniciem vertit. Nam cum Picti canem insi- gnem, quem Scotorum Rex in delicijs habebat, clam apud se cælassent, indicio ad cu- stodem canis perlato, ad locum, vbi cælabatur, profectus, dum canem retrahere co- natur, interimitur. Ad eius cædem, clamore facto, cum vtrunque magna multitudo concurrisset, acri pugna edita, ac multis occisis, in ijsque non paucis vt vtriusque gen- tis nobili iuuentute, iactum est crudelissimi belli seminarium. Nam ex eo die, cum vtraque gens alteram omnibus bellorum incommodis vexaret, non ante cessatum est, quam iustis exercitibus sit concursus. Neque pax, etsi Regibus vtrunque eam cu- pientibus, vllis conditionibus coire potuit. Quanquam enim non ignorabant, Ro- manis & Brittonibus semper infestis, quanto cum periculo dissiderent, mutua ramen vltionis cupiditas ita eos efferauerat, vt, dum priuatas quisque persequitur iniurias, calamitatem communiter omnibus impendentem contemnerent. Ac nisi Carausius exul Romanus, obscuro quidem loco natus, at militia clarus interuenisset, ad alterius gentis internecionem pugnatum fuisset. Is enim a Diocletiano missus Bononiam ma- ritimam, vt Belgicam Armoricam ab incursionibus Francorum & Saxonum tueretur, cum, multis barbaris sæpe captis, prædam integram nec provincialibus redderet, nec ad Imperatorem mitteret, suspitio est orta, consulto ab eo barbaros admitti, vt redeuntes cum præda exciperet, atque hac se occasione ditaret. Igitur a Maximiano iussus occidi, purpuram sumpsit, & Britannias occupauit: vtque opes aduersus Bassia- num Legatum Romanum firmaret, discordijs inter Scotos & Pictos pacatis, cum vtrisque foedus fecit, & societatem iniit. Romanis multa aduersus hominem rei mi- litaris peritum frustra expertis, & Scotis & Pictis in veterem, quos aliquando tene- rant, agrorum possessionem restitutis, postquam septem annos imperium gessisset, ab Allecto socio est occisus. Allecto, cum triennio rebus præfuisset, ab Asclepiodo- to interempto, Britannia, decimo quam defecerat anno, Romanis est restituta. Sed nec Asclepiodotus, nec, qui ei successit, Constantinus Chlorus quicquam in Bri- tannia memoratu dignum gessit, nisi quod ex Helena concubina Constantinum, qui postea rerum potitus est, genuit. Inter hæc, decessit Crathilinthus, postquam rei Scoticæ præfuisset annos viginti quatuor.

XXXV. REX.

Fincormachus frater eius patruelis, post eum regno Scotorum potitus, secunda

R E R V M S C O T I C A R V M

prælia aduersus Romanos, adiunctis Brittonibus & Pictis, quædam absque externis auxilijs fecit. Tandem, viribus Romanorum domi bellis ciuilibus, & foris assiduæ contentionibus attritis, quietioribus rebus, Scoti quoque libenter pacem sunt amplexi. Liberati curis externis, nihil prius habuerunt, quam vt religionem Christianam promouerent, occasione illinc orta, quod multi ex Brittonibus Christiani, sequitiam Diocletiani timentes, ad eos confugerant: e quibus complures, doctrina & vitæ integritate clari, in Scotia substituerunt, vitamque solitariam, tanta sanctitatis opinione apud omnes, vixerunt, vt vita functorum cellæ in templa commutarentur. Ex eoque consuetudo mansit apud posteros, vt prisci Scoti templa cellas vocent. Hoc genus monachorum Culdeos appellabant: mansitque nomen & institutum, donec monachorum genus recentius, in plures diuisum sectas, eos expulit: tanto doctrina & pietate illis inferius, quanto diuitijs & ceremonijs, cæteroque cultu externo, quibus oculos capiunt, & animos infatuant, sunt superiores. Fincormachus igitur, Scottorum rebus æquitate summa compositis, & ciuibus ad mansuetioris vitæ cultum reductis, decessit, quadagesimo septimo regni sui anno.

X X X V I. R E X.

Eo defuncto, grauissima de regno contentio est exorta, inter tres fratres patruels, e tribus Crathilinthi fratribus genitos, Romachum, Fethelmachum, & Angusianum, seu verius AEneanum. Romachum commendabat, quod e tribus Crathilinthi fratribus pater eius ætate maximus, quod mater e Regio Pictorum sanguine esset, quod ipse ingenio foret acri, & ad parandas amicitias, flexili. Pro Angusiano faciebat ætas, & experientia rerum, & mores amabiles, atque inde fauor populi, & ante omnia, qui initio fuerat competitor, tum suffragator Fethelmachus. Propter eorum seditiones, cum res ad arma spectaret, primis conitijs nihil peragi poterat: & soluto conuentu, cum totum regnum in duas factiones diuersas iret, Romachus fauore populi inferior, aduocata iuuentute Pictica, se externis auxilijs firmat. Ab ijs, cum Angusianus rescisset, sibi insidias parari, potius existimauit, vitam semel fortunæ committere, quam in perpetuo timore sollicitam agere. Igitur, coactis amicis, cum Romacho prælio congressus, victusque, in AEbudas cum Fethelmacho profugit. Ibi cum intelligeret, se factionum principibus ob virtutem formidabilem, & apud populum natura venalem, & Romachi pollicitationibus corruptum, parū fore tutum, in Hiberniam cum suis discessit. Romachus autem, vi magis, quam populi voluntate regnum affectus, æmulo submoto, in aduersarios crudeliter exercuit inimicitias: ac, ne vi magis, quam iure grassari videretur, dum regiones obit, ad cōuentus habendos, ac, non adhibito de more consilio, solus ad suum arbitrium causas capitales reuocat, magna cum cæde grassatus, maximum timorem in omnes bonos diffudit. Tandem, omnibus præsertim rerum statū exosis, repentina coniuratione nobilitatis, antequam vires tyrannis colligere posset, oppressus e fuga, quam ad Pictos intenderat, retractus, poenas luit, tertio sui regni anno. Caput, pilo affixū, lætū populo spectaculū circumlatum est.

X X X V I I. R E X.

Angusianus ingenti omnium consensu, ad regnum capiendum, est reuocatus. Primum, qui Romacho crudelitatis & avaritiæ ministri fuerant, sub Rege iusto sibi timentes, Pictorum Regem Nectamum, in vltionem propinqui sui, ad arma commouerunt. Angusianus pacis cupidus, per Legatos sæpe Pictos admonuit, quanto cum periculo vtriusque regni pugnaturi essent, Brittonibus in amborum exitium intentis. Verum, vbi eos vel fiducia virium, vel iracundia perturbatos, a pacificis consilijs auersos vidit, educto exercitu, post acerrimum conflictum, victoria est potitus. Rex Pictorum cum paucis euasit. Verum, postquam metus recessit, ira & pudore inflam- matus, ægre a suis impetrat, vt nouum sibi exercitum decernant. Eo coacto, in Caledoniam ducit. Angusianus, iterum frustra tentata pace, cum suis copijs ad hostem tendit. Pugnatum est vtrinque pari obstinatione, alteris partem laudem tueri, alteris igno-

ignominiam acceptam delere, conantibus. Denum Scoti, Anguliano cæfo, foluis ordinibus, in fugam verfi. Nec Pictis lata fuit victoria, Rege fuo, ac præfantiſſimo quoque bellatore in acie interempto. Prope par vtrinq; damnum acceptum, pacem ad breue tempus præſtitit. Præfuit rei Scotice Angulianus paulum fupra annum.

XXXVIII. REX.

Fethelmachus Anguliano Rex eſt ſuffectus. Cum vix biennium in regno com-
pleſſet, exercitu coacto, Pictorum agros foedis populationibus vaſtauit. Vbi primum
hoſtis occurrit, concurſum eſt cum vtriuſque gentis magna ſtrage. Nam Pictorum
acies media, cornibus nudata, prope tota circumuenta eſt: nec tamen inulta ceci-
dit: Rex Pictorum, tertio poſt die, e vulnere deceſſit. Scoti victoria vſi, late, nullo
exercitu obuio, Pictorum agros vaſtant. Picti enim, tanta clada accepta, nunquam
totis viribus auſi ſe fortunæ committere, leues procurſantium manus in populatores,
locis & temporibus opportunis immittentes, lätius eos euagari prohibebant. Interea
Herguſtus homo callidus, accepto in ſuos imperio, quatepus viribus impar erat, ad
fraudem conuerſus, duos Pictici generis viros immiſit, qui, ſe Scotos ſimulantes,
Regi perniciem molirentur. Hi cum fidicine quodam de cæde Regis tranſegerunt.
Hoc enim hominum genus, ad ſomnos conciliandos, & vigilias oblectandas, in cu-
biculis nobilium pernoctabant: qui mos etiam adhuc in omnibus inſulis Britannicis
apud priſcos Scotos obſervatur. Igitur ſtatu die, Picti, vt conuentum erat, a fidicine
intromiſſi, Regem, quam maxime poſſunt occulte, iugulant. Nec tamen ira rem
coelare potuerunt, quin ad morientis gemitum miniſtri excitati, facinoris auctores
ſunt perſecuti: & cum ulterius fugere non poſſent, e prærupto faxo lapidibus pro-
pugnantes miniſtri Regij aſſecuti, ad poenas eos retraxerunt.

XXXIX. REX.

Fethelmacho regni ſui anno tertio extincto, ſucceſſit Eugenius, ſeu potius Eue-
nus, Fincormachi filius. Sub id tempus, Maximus legatus in ſpem totius inſulæ po-
tiundæ erectus, ſi vtranque gentem deleret, primum cum Pictis, vt tum res erant,
infirmioribus, atque ideo, ad paciſcendum promptioribus, amicitiam ſimulat: eos
vanis promiſſis implet, ſi in ſocietate Romana perſeuerent, præter innumera alia
commoda, totum Scotorum agrum ſe eis conceſſurum. Audiuerè libenter ea Picti,
& ira cæci, & vindictæ cupidi, & promiſſis deleniti, & in futurum improuidi. Igitur,
cum Romanis coniuncti Scotorum agros popularentur, primus eis conſlictus fuit
ad Cream Gallouidiæ amnem. Scoti pauciores a pluribus circumuenti, dum in o-
mnes partes fugiunt, Romani, velut certa victoria potiti, ſine ordine fugientibus
iſtant. Interea Argathelij, & vltiores aliquot populi, qui nondum ſe cum reli-
quis copiis coniunxerant, in diſſipatos Romanos denſis agminibus inuecti, magnam
ſtragem ediderunt. Eugenius, collectis, quos e fuga retrahere potuit, habito ſuper
ſumma rerum conſilio, cum præſentes copię nullam ſpem renouandi belli facerent,
retro in Cariſtam abiit. Maximum vero, quo minus victoria vteretur, prohibuit tre-
pidus nuncius, omnia in interiore Britannia bello ardere. Scoti, eius diſceſſu, maiore
hoſtium parte leuari, quanquam vix ad ſua tuenda ſufficerent, ira tamen ac ſpe, ſe ante
exactam æſtatem hoſtes vicinos inſigni aliqua clade repreſſuros, quicquid viriū aut odij
ſupererat, in Pictos effuderunt. Quacunque pergebant, obujs abſque diſcrimine tru-
cidatis, ferro & flamma late vaſtitate faciebant. Maximus, quanquam minis & verbo-
rum contumelia Scotos perſequebatur, vtriuſque tamen clade gentis pariter lætus, vbi
primum ei commodum fuit, tanquam damna Pictis illata vlturus, in Scotos mouit.
Illi tum, non de gloria, imperio, aut præda dimicaturi: ſed de patria, fortunis, vita,
cæterisque, quæ hominibus cara eſſe ſolent, eduſtis omnibus, qui arma ferre poſſent,
non modo viris, ſed etiam (gentili conſuetudine) mulieribus, in vltimum ſe diſcri-
men parant: & caſtris non procul a Duno amne poſitis, non longe ab hoſtibus con-
ſtiterunt. Acie vtrinque inſtructa, primi concurrerunt cum Scotis Romanorum auxi-
lia. Ibi alteris ſpe, alteris deſperatione incitatis, certamē acrius, quam longius fuit, Picti
& Brittones magna cum cæde repulſi: ac, niſi ſubſidiū in tempore a Romanis veniſſet,

R E R V M S C O T I C A R V M

fugam circumspectabant. Verum, Maximo legiones admovente, Scoti, & multitudine, & genere armorum, & disciplina inferiores, ruinæ modo retroacti. Cecidit ibi Rex Eugenius, dum suis non vult superesse: ac maior procerum pars, ne Regem prodidisse videretur. At Maximus, tanta victoria citius, quam sperarat, potitus, cum vix haberet, in quem odium exerceret, misericordia ad pristinam clementiam reuocatus, multis Scotorum regionibus perlustratis, dedentes sese recepit, agrosque colere iussit: & ut suis contenti, vicinis molesti ne essent, imperat. Picti hanc eius clementiam agerrime ferentes, contendebant, nunquam Romanos eorumque socios solidam & sinceram pacem habituros, incolumi gente Scotorum, semper inquieta, semper ad omnem prædæ occasionem intenta: nunquam terram Britanniam securam fore, dum in ea quicquam illius sanguinis superesset: cum feris belluis rem esse, quæ nullis officiis provocata mansuescant, nullis damnis facta conquiescant: eundem, qui ei genti esset, bello finem futurum. Cum Maximus contra multa differeret, de vetere populi Romani instituto, a quo gentes victæ, non modo relicta incolumes, sed etiam ciuitate sint donatæ: nunquam in orbe terrarum, fere perdomito, gentem vllam penitus excisam: se curasse, ut, Rege cum omni inuentute cæso, non metuendos vicinis, sed potius miserandos hostes relinqueret: nec se Pictorum aduersus eos odio cedere: sed, rem vere æstimantibus, multo lætius esse spectaculum, e viuentium miseris, quam cruore occisorum: grauioremque pœnam esse, viuendo semper mortem optare, quam semel moriendo, malis omnibus defungi. Hæc quidem ille differebat, non tam vlla erga Scotos beneuolentia, quam Picticæ crudelitatis odio: simul in futurum prospiciens, quam periculosum esset prouinciæ Romanæ, si vires Pictorum, deletis penitus Scotis, duplicarentur. Picti vero, nec querelis, nec precibus, nec donis obstinuerunt, prius, quam edictum impetrarent, ut Scoti omnes, ante certum diem, Britannia excederent: qui secus fecisset, ei fore capitale. Ager eorum inter Pictos & Brittones diuisus. Scoti superstites, quo quæque fors tulit, per Hiberniam, Aebudas, Scandiam, & Cherronesum Cimbricam dispersi, ab incolis satis humaniter fuerunt recepti. Sed nec a sacerdotibus & monachis, qui tum in summo erant honore, Picti, etsi publice Christianis institutis imbuti, iniuriam abstinerunt. Illi vero profugi, cum in omnes circum circa regiones dispergerentur, multi in Ionam, Aebudarum vnam, deuenerunt: atque ibi in cœnobium collecti, magnam suæ sanctitatis & eruditionis famam ad posteros transmiserunt. Cæteris Scotis ita bello afflictis, patria pulsis, & de reditu desperantibus, Aebudarum cultores ingenio feroces & inquieti, & ob desidiâ inopes, & hominum multitudine, & rerum necessariarum superante penuria, aliquid per se audendum rati, classe longarum nauium coacta, duce Gillone, in Argatheliam transmittunt. Ibi dum ad prædam, ut in regione prope vacua habitatoribus, vagi discurrunt, a Pictis eo ad præsidium missis circumuenti, ac a nauibus exclusi, ad vnum periere. Classis capta, & ad vsum belli aduersus insulanos, reseruata. Nec ita multo post, qui in Hiberniam confugerant, partim veteris cognationis commemoratione, partim fortunæ commiseratione, gentem ad bella prædæque, suoapte ingenio procliuem, facile mouerunt, ut auxilium, ad patriam pristinumque statum recuperandû, decernerent. Data decem millia. Hi in latus Scotiæ aduersum Hiberniæ transpositi, magni sui aduentus terrorem late fuderunt. Hoc primo successu læti, cum de reliquo bello consultarent, Scoti Albini gnari virium Romanarum, & quantum reliquas nationes peritia rei militaris anteirent, auctores erant, ut, præsentē victoriâ contenti, cum præda domos redirent, nec expectarent, dū totius Britanniæ vires eos adorirentur. Et quando, nec vniuersæ Hibernorum copiæ si adessent, pares esse queant aduersus eorum exercitus, quorum consilio & armis terrarum orbis esset perdomitus, cum eis, non vi aperta, sed astu certandum: occasiones captandas: & quos nec numero, nec opibus, nec bellandi peritia æquare possent, laboribus & malorum patientia fatigandos. Hanc vnam esse huius belli gerendi rationem. Hiberni Scoti contra, Albinos increpare, quorum pristina animi vis adeo elanguerit, ut, cum posteri essent eorû, qui Romanos exercitus prope delessent, ipsi nec aspectû quidem illorum sustinere possent. Nec deerant etiam

etiam ex ipsis Scotis Albinis, qui contenderent, belli rationem a ciuibus suis proposi-
 tam plane inanem esse: vt quæ ad hostem tantum vexandum, non ad patriam recu-
 perandam faceret. Quamobrem, fortunæ instandum: eam reditus ducem sequendam.
 Id si faciant, non esse dubitandum, quin Deus, qui tam prospera belli initia dederit,
 aut nouo Brittonum motu, aut reuocatis ad bella propiora legionibus, hostium vires
 sit imminuturus. Occasionem oblatam potius amplectendam, quam in præsentia
 neglectam posterius frustra quærendam. Hæc sententia cum in consilio vicisset, lati
 ad prædas discurrent: ac dum in spem amissa recuperandi, audacius quam pruden-
 tius suæ cupiditati indulgent, maioribus repente copijs oppressi, maiorem suorum par-
 tem amiserunt. Hæc clades, in Hiberniam renunciata, Scotis omnem spem reditus
 præcidit, & Hibernos, de sua libertate retinenda, sollicitos reddidit. Multis igitur
 consilijs tentatis, cum alius exitus non appareret, visum est Scotis Hibernensibus, le-
 gatos in Britanniam esse mittendos, ac pacem, quam maxime commodis possent, con-
 ditionibus, cum Romanis faciendam. Eos Maximus primum grauiter increpat, quod
 nullis prouocati iniurijs, vltro arma Romana lacecessissent. Legatis excusantibus, &
 culpam in imperitam multitudinem conferentibus, data venia. Pax ijs legibus facta, ne
 hostes Romanorum, post eum diem, Hiberni reciperent, ab eorumque socijs omnem
 vim abstinerent, comiter Imperij Maiestatem colerent. Hiberni æquiores, quam spera-
 rant, conditiones læti domum retulerunt. Maximum autem ad pacificandum, non me-
 tus ab Hibernis (vt qui non magnum in eorum motibus momentū poneret) flexit: sed
 quod, in maiorum rerum spem intentus, non modo quietam, sed etiam beneuolam
 sibi volebat relinquere Britanniam. Nam cum, tot cæsis exercitibus, Imperij Romani
 vires bellorum ciuiliū tempestatibus debilitata videret, Imperatoresque non a Se-
 natu Populove legi, sed militari fauore assumi, cumque perdomita (quod nulli alteri
 contigisset) Britannia, magnum in re militari nomen, exercitumque (pro multitudine)
 satis firmum haberet, in eo rerum statu decreuerat, si se occasio Imperij occupandi
 offerret, fortunæ non deesse. In hanc spem pronus, milites plurima comitate & omni
 largitionis genere complectebatur. De rebus grauissimis cum Britannorum maioribus
 consultabat: Pictorum iuuentute exercitum supplebat: eisque præsidia pluribus in
 locis prouinciæ committebat custodienda. Diuiso inter eos & Brittones Scotorum
 agro: Pictis quidem veterem ditionem liberam reliquit: sed vectigalia modica, ex
 attributo eis vltimo regni Scotorum angulo, exegit: indicium quidem, vt ipse præ-
 dicabat, Britanniam vniuersam partim a se perdomitam, partim pacatam. Atque
 his quidem artibus vulgus mirum in modum sibi conciliabat. Itaque, omnibus ad
 spem conceptam paratis, velut a militibus coactis, purpuram sumpsit. Post eum
 Constantinus ex infimo militiæ ordine, sola nominis commendatione, a Brittoni-
 bus dux est electus: atque eo rursus interempto, Gratianus homo Britannici san-
 guinis Insulæ imperium inuasit. Verum, Maximo in Italia, Gratiano in Britannia
 cæso, missus est Roma Victorinus, qui Legati nomine Britanniam regeret. Is, cum
 sua opera Imperium videri vellet auctum, Pictis in prouinciæ formam redactis, legi-
 bus Romanis eos vti iussit, graui pœna, ni pareatur, indicta: ac, Hergusto eorum
 Rege inter hæc mortuo, vetuit, ne nouum crearent, neve Magistratum alium, nisi
 a populo Romano datum, haberent. Id vero Pictis mera seruitus videri: ac iam sero
 & frustra queri, gentem & amicam & cognatam, ac licet interim molestam, tamen
 aduersum externum hostem omnium periculorum sociam, a se foede & crudeliter
 proditam. Eo se hæc iure pati, qui non auxilio solum, sed misericordia se priuarint.
 Quis enim eorum calamitatibus indolere posset, qui meminerit, ad quantam o-
 mnium rerum inopiam veteres amicos redigissent? huc nimirum pertinere vetus il-
 lud oraculum, quod Pictos olim a Scotis delendos præcinuerat. Ob Scotos enim
 a se proditos, nunc pœnas luere, ac miserius quam illos perire: nisi forte quis into-
 lerabilius exilium, quam seruitutem putet. Illos enim in qualicunque fortuna, ta-
 men liberos esse: se vero in extremis malis versari, eoque grauioribus, quod suo
 merito in ea incidissent. Itaque, vt haberent, ad quem conuenirent, vt in medium de

RERVM SCOTIC. LIB. QVART.

remedio calamitatum suarum consulerent, Durstum Hergusti filium Regem creant. Apud hunc primores congregari, dum remedia circumspiciunt, seruitutis asperitatem querelæ expresserunt. Iam non imaginaria se, sed vera seruitute premi. Inclusos intra vallum Seueri, velut feras bestias, ab omni humano commercio seiunctos: inde iuventutem omnem, splendido militia nomine, ad Ianienam educi. Præter vicinarum gentium odium, accedere monachorum acerbissimas increpationes: qui occlamarant, merito eorum præces a Deo contemni, qui Dei ministros, suosque fratres eorundem sacrorum participes tanta sæuitia essent persecuti, ut ne monachos quidem, per quos Deus exorari posset, eodem secum cælo frui sinissent. Hac cum graui-
ter eos viderent, subeunte in rebus aduersis animos religione, tandem,
nonnihil a perpeffione malorum laxamenti dato, vna ad libertatem
restituendam via est visa, si Scotis placandis, Deum etiam suæ
perfidie infensum placare possent. Se intelligere, Fergus-
sum, Regij generis lunenem, in Scandia exulare:
eo reuocato, ceteros eius auctoritate facile
posse adduci, ut redirent. Ad eius ani-
mum tentandum, occulta, metu
Romanorum, legatio
decreta est.

§ §



R E R V M
S C O T I C A R V M
H I S T O R I A,

Auctore Georgio Buchanano Scoto.

LIBER QVINTVS.

20 **C**AES O, vti retulimus, a Romanis Eugenio, ac gente vniuersa patria pulsa, Regis frater, siue ille Echadius, siue Ethodius fuit, metu insidiarum a Pictis, ac rerum suarum incertus, conducto nauigio non magis ventis, quam fortunæ vela committens, in Scandiam appulit, vna cum filio Ertho, & nepote Fergusio. Ibi, cum in aulam venisset, Rex illius oræ edoctus, qui & vnde esset, quaque fortunæ violentia exercitus fuisset, cum, præter victorum sermones, habitus formaque viri facile dictis fidem faceret, breui eum in familiarium numerum admisit. Fergusius ibi (patre & auo mortuis) cum adoleuisset, & se totū studijs militaribus deditisset, multæ simul aduersus Imperium Romanū expeditiones a populis, ad Septentrionem spectantibus, sunt susceptæ. Alijs in Pannoniam, alijs in Galliam nationibus irrupentibus, Fergusius pariter & armorum studio, & Romanorum odio, Francos in bellū aduersus Gallos est secutus. Sed, cum ea expeditio parum prospere cessisset, maiore gloria quam re parata, in Scandiam rediit. Cum vero non ibi tantum, sed per vicinas quoque gentes, nomen eius celebraretur, ea viri fama ad Scotos & Pictos perlata, spem fecit Scotis, patriam, Pictis, libertatem recuperandi, si, antiquis odijs depositis, hoc duce aduersus Romanos fortunam tentarent. Et erat, ea tempestate, Romana res adeo afflictæ finitimorum armis, vt ipsa occasio veteres inimicos ad vindictam superiorum iniuriarum excitaret. Nam imperatores, ciuilibus bellis attriti, Gothis, & Vandalis, & Francis, & Afris in proximas cuique prouincias irrupentibus, ita vndique vexabantur, vt ad Italiam, & Romam Imperij sedem tuendam, omiſſa rerum exterarum cura, exercitus reuocarentur. Inter eos motus, qui Britannicis legionibus præerant, Rem Romanam habentes pro deplorata, sibi quisque priuatim consulentes, alius alio tempore tyrannidem stabilire conabantur: nec contenti, Insulanos omni genere crudelitatis & auaritiæ vexare, etiam ipsi mutuis incursionibus sese conficiebant. Ita decrescente quotidie Legionariorum numero, crescente Prouincialium odio, magis deerant Britannis vniuersis vires, quam animus, ad rebellandum. Sed supra clades alias, maxime omnium afflixit Insulam vltimus exercitus Imperator Constantinus, qui, sumpta purpura, non modo militem Romanum, sed quicquid in Britannia erat abduxit, & Insulam exarmatam, & si quem externum hostem habuisset, ad omnem iniuriam reliquerat expositam. Quæ potissimum occasio Scotorum mirum in modum 30 conspirationem maturauit. In hoc igitur statu rerum, in ita concordia, per secreta cum Pictis colloquia, per viriusque gentis legatos, Fergusius, ad regnū auitum suscipiendum, reuocatur. Ille, vt homo militaris, & gloriæ cupidus, & præsentium rerum tædio affectus, & futurarum spe erectus, facile conditionem accepit. Ad famam eius profectionis,

non modi Scoti exules, sed Danorum multi, familiari usu & commilitio conciliati, in eandem cum eo spem domo profecti, in Argatheliam appulerunt. Illuc ad eum, antea de eius aduentu præmoniti, qui in Hibernia & circumiectis insulis exulabant, celeriter conuenerunt: & ipsi secum hospitem, & amicorum, iuuentutis item, novarum rerum avidæ, satis magnum numerum trahentes.

XL. REX.

His auxilijs Fergusius fretus, more patrio, quadragesimus Scotorum Rex est creatus. Liber Pasletensis reditum eius conijcit in annū Honorij & Arcadij Imp. sextum. Alii in octauum, hoc est, iuxta Mariani Scoti supputationem CCCC.III. iuxta Functionem CCCC.III. a Christo nato, qui fuit, a morte Eugenij aui, circiter xxvii. Qui ex Beda contendunt, hunc primum fuisse Scotorum in Britanniam aduentū, eos eius historia manifesti mendacij coarguit. Comitij igitur peractis, homo in bello natus, & educatus, & qui fortunæ benignitate, & hominum alacritate utendum, & famam sui aduentus præueniendam censeret, præsidia proxima, cum non satis militū haberet ad ea obtinenda, diruit: & regno recuperato, cum primum per anni tempestatem posset, diligenter aduersus hostes expeditionem apparat. Brittones interea in duas factiones erant diuisi. Alteri, libertatis cupidi & externæ dominationis peracti, eorum aduentu gaudebant: alteri, præsens ocium cum maximis incommodis coniunctum, incertæ libertati & certo bello præferebant. Itaque, & periculi imminentis metuentes, & suæ infirmitatis conscij, duplicem legationem decernunt: alteram ad Pictos, quæ eos sollicitaret, ne relicta Romanorum & Britannorū amicitia, ad veteres suos inimicos, homines sine re, sine spe, sine viribus, deficerent. Addunt admonitiones, pollicitationes, & ni pareatur, graues minas a Romanis, quibus nec integri ambo vnquam resistere potuerunt, nedū nunc, alteri delectibus exhausti, alteri omni genere malorum attriti, pares esse possent. Legationis ad Romanos summa hæc erat, ut in tempore, dū aliquid ab hostium immanium crudelitate superesset, quod defenderetur, auxilia mitterent. Id si facerent, Britanniam in eorum perpetua fide constanter permansuram: sin minus, satius fore, patriam relinquere, quam gentium ferarum morte grauiorem seruitutem tolerare. Romani, etsi vndique ipsis instarent bella, tamen legionē vnā, ad prouinciam protegendam, e Gallijs mittunt: sed, rebus ibi pro tempore compositis, reuerti iussam. Iis copijs Brittones freti, repentino aduentu manus prædatorias, incautius vagantes, magna cum cæde repulerunt. Socij Reges, instructo exercitu, cum ad vallum Seueri venissent, ad Carrontem amnem hostium copiis occurrerunt. Ibi atrox commissum prælium. Magna vtrunque cæde edita, Romani superiores, qui breui in Gallias erant redituri, contenti, hostes repressisse, vallum Seueri, pluribus locis dirutum, restituunt: eoque instaurato, ac Brittonum prædiis firmato discedunt: & socij Reges, etsi celeritate & laborum tolerantia superiores, multitudine tamen & opibus hosti impares, decreuerant præliis abstinere, crebris incursionibus hostem vexare, summam rei, nondum adultis viribus, in discrimen vnus certaminis non committere. Verum, ubi Romanos e Britannia abcessisse nunciatum est, mutata sententia, totis viribus in vnum collectis, vallum, militari tantum opere constructum, & segniter a Brittonibus custoditum, diruunt. Inde, liberiore iam populatione, agrum ultra vallum, quem ob hominum inopiam tenere non poterant, ad multa millia Brittonibus inutilem reddiderunt. Principem in munitione diruenda Græmum quendam fuisse, dicunt: qui, milite nauibus trans vallum exposito, custodes incautos oppressit, ac suis aditum patefecit. Hic Scotusne, an Britto fuerit, scriptores in ambiguo relinquunt. Maior pars, Brittonem fuisse e familia Fulgentiana, imprimis in illa gente nobili, oriundum, eundemque Fergusij socerum contendit. Eos ut sequar, magis inclinatur animus. Vallo igitur diruto, cum Scoti & Picti in humana crudelitate in Brittones (ut tum res erant) armorum desuetudine imbelles, sine discrimine sexus & ætatis, grassarentur, illi miserabilem legationem Romam mittunt, quæ ineffabilem gentis calamitatem indicaret, & suppliciter auxilium posceret. Quod si Brittonum cladem & prouinciæ, nuper tam splendidæ, negligerent interitum, tamen ad digni-

dignitatem Populi Romani pertinere, ne nomen eorum apud barbariem illam incultam vilesceret. Rursus igitur missa legio, quæ (vt ait Beda) inopinato tempore Autumni adueniens, magnam hostium stragem dedit. Ad hos reprimendos, socij reges, quantum possunt exercitum cogunt: & fratri superiorum temporum successu, & Dionethi Brittonis amicitia, ad hostem ducunt. Erat autem Dionethus honesto loco apud suos natus: & quia semper alias omnibus suis auctor fuerat, vt e seruitute Romana se eximerent, ac tum maxime, tanta opportunitate oblata, totis Imperij viribus in alia bella conuersis, ideo suis, ob nouarum rerum studium, suspectus, Romanis inuisus, Scotis & Pictis amicus erat. Hi, cum initum scirent ab hostibus consilium, vt hunc primum, 10 velut propius malum, & in ipsis inhærens vitalibus, opprimerent, id ne fieret, magnis itineribus ad hostem contendunt: & coniunctis cum Dionetho castris, acrique aduersus Romanos conflictu inito, eos a fronte atque a tergo, multitudine fratri, circumueniunt. Cum, solutis ordinibus, legionarij cederent, socij Reges acrius inuecti, a reliqua parte Romani exercitus, quæ, in subsidijs collocata, sub signis manserat, excepti, cum magna strage repelluntur: ac, nisi Romani suæ paucitatis conscij fugientes insequi longius ausi non fuissent, insignem eo die accepissent cladem. Verum, quia damnum amissi militis in paucitate magis sentiebatur, minor ex victoria fuit lætitia. Maximianus (ita, qui legioni præerat, a nostris vocatur) hac offensione percussus, in intimam se recepit prouinciam. Reges diuersi ad sua quisque reuertuntur. Dionethus, more Romano, sumpta purpura, se regem Brittonum edit. Romanus vbi dispersos hostes intellexit, collectis, quantas poterat, viribus, Brittonum auxilijs suas copias auget, ac in Dionethum, propinqua sibi prouinciæ loca infestantem, ducit: eum, vnde propius erat periculum, ante sociorum aduentum ratus, posse opprimi: sed tres reges, celerius eius opinione, coniuncti, castra castris contulere, ac, suos pro tempore exhortati, in aciem produxerunt: nec mora prælio facta est. Romanus Britannos in prima acie collocauit: suos in subsidijs tenuit. Commisso acri prælio, cum prima acies loco mota esset, Maximianus, promota legione, Brittones prope circumspectantes fugam retinuit. Deinde circummissis, quæ terga caderent, cohortibus, Scotorum aliquot manipuli, in medio deprehensi, cum in orbem pugnando se defenderent, maiore hostium parte in eos versa, 30 ipsi quidem vniuersi occisione occisi: sed eorum calamitas cæteris, ad dilabendum, spatium dedit. Ceciderunt in ea pugna Fergusius Scotorum, Durstus Pictorum reges: Dionethus saucius, ægre per suos raptus ad mare, nauicula domum est auectus. Hæc victoria ita omnium animos percussit, vt superioris temporis ante oculos imaginem haberent: & plerique iam exilio locum circumspicerent. Decessit Fergusius, postquam sedecim annos rei Scoticæ præfuerat: vir plane magni animi, & quem secundum regni Scotorum conditorem iure liceat appellare: atque in eo (fortasse) priori Fergusio anteferre, quod ille in vacuos prope agros, concedentibus etiam Pictis, venit: nec ei res cum Romanorum inuictis copijs, sed cum Brittonibus, vt non multo belli apparatu superioribus, ita laborum patientia longe inferioribus. At hic Fergusius, cæsis prope omnibus, 40 qui arma ferre possent, in externo solo educatus, post vicesimum septimum demum exilij annum, rex ignotus ab ignotis sibi ciuibz ascitus manu collectitia ex varijs gentibus, aduersus Britannos interim Romanis opibus subnixos accersitus, nisi manifesta vis numinis eius conatibus affuisset, temerarium facinus ac propius amentiz ausus, videri poterat. Decedens, tres reliquit filios adhuc impuberes, Eugenium, Dongardum, & Constantium. Eis, omnium magno assensu, Gramus avus maternus tutor est datus: interim, dum pueri adolescerent, pro rege futurus. In eo tanta fuit virtus, vt temporibus turbulentissimis in gente feroci, nec semper suis regibus morigera, nullus domi sub peregrino principe motus extiterit.

XLI. REX.

50 Eugenius, siue Euenus, maximus natu filiorum Fergusij, nomen regium habebat: potestas penes Gramum erat. Is, censu iuniorum per vniuersum regnum habito, cum vires, supra quam crediderat, superioribus prælijs attenuatas, comperisset, nihil tum conandum ratus, delectum remisit. Romana autem legio, vti iussa erat, liberatis socijs,

RERVM SCOTICARVM

in continentem reditura, quicquid terrarum hostilium intra vallum Seueri erat, depulata, cæsis incolis, agros Brittonibus restituit, prædam sibi retinuit. Scotorum ac Pictorum reliquæ, quæ eam calamitatem euaserant, intra duo maris æstuaria rursus inclusæ. Rebus ad hunc statum reductis, Romani Brittonibus exponunt, quot, & quam validis exercitibus, in exitium rei Romanæ coniuratis, ipsi obsideantur: Imperium, nec laboribus nec sumptibus tantis posse sufficere, ut longinqua tueatur. Quamobrem Brittones admonent, ne in posterum externa expectent auxilia, sed ipsi arma capeffant, & ad militares labores sustinendos, sese exerceant: & quod ignauia antea peccatum fuerat, industria & malorum tolerantia compensent: ne se sinant hostibus, quibus ipsi & numero & opibus præstent, ita esse contemptui, ut ex agro eorum annuas prædas, non secus ac si venatum exirent, abducant. Ipsi vero Romani etiam, ut in posterum prodesse magnum & memorabile opus aggrediuntur. Collecta enim e tota prouincia maxima opificum manu, Romanis ac Brittonibus certatim contendentibus, ubi vallum per triginta millia passuum a Seuero fuerat ductum, murum e lapidibus extruunt, octo pedes latum, duodecim altum. Castellis eum distinguunt, quorum nonnulla opidulorum speciem præferbant. Finiebatur ad Occidentem, ad locum, qui nunc Fanum Patricij dicitur. Ad Orientem vero, incipit a monasterio Aberkernico, ut scribit Beda: qua in regione, ante cxx. annos, arx valida Duglassiorum fuit, Abercornum: monasterij vero nusquam ullum vestigium. Præterea, ne hostes (ut alias factum meminerant) nauibus ultra murum in terram descenderent, frequentes toto litore speculas excitarunt, in locis editioribus, unde prospectus late in mare patebat. Appositæ, ubi commodum visum est, custodiæ: sed plane hominum ignauorum & imbellium, qui nec hostis armati aspectum sustinerent. His Romana legio prouinciales officijs profecuta, fortibus etiam consilijs, ad patriam proprijs armis protegendam, hortantur: ac verant auxilium Romanorum post eum diem sperare. In eo enim statu rem Romanam esse, ut socijs longinquis nullam opem possit afferre. Scoti & Picti, ubi Romanos abiisse, nec denuo reuersuros, per exploratores pro certo compererunt, totis viribus, ac multo quam ante acrius, murum aggressi, non modo telis missilibus propugnatores deiecerunt: sed vinctis telis, inquit Beda, id est (ut ego interpretor) dorydrepanis, aut falcibus muralibus, e muro detrahebant: ac, superiore munitione defensoribus nudata, operis adhibitis, fundamenta subruiebant: & semel aditu patefacto, hostem perculsum cogeant, relictis villis atque urbibus, qua cuique commodum erat, fugam intendere. Scoti vero & Picti tam auide vindictæ incubuerunt, ut superiores omnes calamitates, præ malis presentibus, tolerabiles hostibus videri possent. Deinde ubi prædatores magis lassati, quam satiati miserijs hostium, domum rediere, sera tandem subit illa cogitatio, se non tam bona inimicorum, quam victoriæ præmia corrupisse. Igitur, cum in conuentu procerum disceptaretur, quomodo tanta victoria utendum esset, primum omnium placuit, agros hostibus ereptos, ad sobolis propagationem, nouis colonijs occupare. Et, ut id consilium salutare videretur, faciebat ingens multitudo fortium, sed inopum virorum, quibus veteres agri angusti erant futuri. Hoc autem rerum secundarum cursu per nationes vicinas diuulgato, non solum exulum e Scotia, sed & peregrinorum, domi inopum, vis ingens, velut ad prædam conuenerat, rati, Græmum ætate & rebus gestis florentem, non prius finem belli gerendi facturum, quam totam Britanniam perdomuisset. Verum illi, tot casibus iactato, pronior animus erat, ad pacem cum re & gloria amplectendam, quam ad certam felicitatem in periculum incertum coniiciendam. Igitur pacem cum Brittonibus non modo volentibus, sed etiam cupidis, his legibus fecit, ut vterque populus, antiquis finibus contentus, ab alteris abstineret iniuriam. Limes autem vtrisque esset, Adriani vallum. Græmus ita pace confecta, non modo Scotis, sed etiam peregrinis, auspicia sua secutis, agros diuisit. Regiones prope omnes, quod plerique nouorum incolarum peregrini, reliqui vero maiore ex parte in exilio nati essent, vetera nomina commutarunt. Gallouidia, Hiberniæ regio proxima, Hibernis sorte data, nomen id apud suos tum celebre creditur accepisse. Cathanesia, quod montana: Rossia, quod peninsula: Buchania quod magnum e bubus vectigal penderet, dicta. Bogia, & Narnia, & Nauernia,

Nauernia, & Speia, & Iernia, & Taichia à fluminibus: Abria a lacu, aut (verius) astuario
 maris, nomen accepit. Plurimæ item cis Fortham regiones, Leuinia, Glotia, Taedia,
 Teuoria, Lidalia, Escia, Euia, Nithia, Annandia, & Duglassia, a fluminibus cognominatae
 sunt. Multis nomen antiquum permansit integrum: quibusdam paulum immutatum
 est. Deinde, ut rectis institutis licentiam, diuturnitate belli luxuriantem, compesceret,
 primum operam dedit, ut monachi doctoresque Christianorum institutorum reuoca-
 rentur: & ne graues populo inopi essent, annuos proventus ex agrorum fructibus attri-
 buit: qui, etsi exiles (ut illis temporibus erant) hominum tamen modestia & temperan-
 tia fecit, ut ampli viderentur. Praesidia opportunis locis, aduersus subitas hostium incur-
 siones, disposuit, partim, quæ deiecta erant, restitutis, partim nouis institutis. Bellis ita
 10 per totam Britanniam restinctis, Brittones, velut e turbulentissima tempestate recepti,
 tranquillitatis publicæ bonis fruebantur: ita incertum fecerunt, bellum ne eis an pax
 plus incommodi attulerit. Dirutis enim urbibus, villis incensis, pecore, omni que rustico
 instrumento amisso, qui hostium sauitiam intrauerant, cogebantur aut venando vitam
 inopem tolerare, aut latrocinandi licentiam ab hoste aduersum suos conuertere: adeo,
 ut e pace externa prope domesticum bellum nasceretur. Nec soli exterorum perpetui
 hostes, etsi ab aperto bello temperabant, subinde proxima populabantur: sed Hiberno-
 rum manus, spe lucri inuitata, maritimis incursionibus miseros, & extremis malis ob-
 sessos vexabant. Accessit, omnium calamitarum extremum, fames: quæ adeo feroces spi-
 20 ritus fregit, ut plurimi sese hosti sponte dederent. Tandem pauci, qui in speluncis late-
 bant, necessitate coacti, prodeuntes, vagas prædatorum manus disiecerunt: & Hiber-
 nos, ad mare compulsos, Albio discedere coegerunt. Ea peste vix abacta, propius malum
 grauius urgere coepit. Scoti & Picti perpetui hostes, non contenti prædas clam abducere,
 in occasionem rei maioris animum intenderant. Eugenius enim Fergusij filius, qui sub
 aliena tutela ad id tempus quieuerat, iam adultis longa pace viribus, ac multa sobole iu-
 uentutis auctus, specimen sui ostendere cupiebat: & præter Brittonum infirmitatem,
 accesserat priuata belli causa. Græmus auus eius maternus, claro genere apud suos, ut
 diximus, ortus erat: sed ex ea factione, quæ patriam eripere cupiebat e seruitute Roma-
 norum. Eam ob causam, ab altera factione validiore domo pulsus, ad Scotos, quibus-
 30 cum auitum ei hospitium, ac multæ aliæ necessitudines erant, se contulit. Eo defuncto,
 Eugenius agros auitos & fructuosos, qui intra Adriani vallum erant, per legatos repe-
 bat: ac non obscure præ se ferebat, nisi redderentur, bellum se illaturum. Cum legati
 mandata in consilio Brittonum exposuissent, inter ipsos tanta contentione animorum
 est certatum, ut prope ad manus venirent. Ferocissimus quisque clamat, Scotos, non tam
 agros (quibus abundarent) quam bellum querere: nec insidiari tantum alienis calami-
 tatibus, sed patientiam tentare. Si agri negentur bellum instare: si dentur, hostem im-
 manissimum intra viscera accipi: nec tamen ita pacem habituros, nisi sperent, eorum
 avaritiam paucorum agrorum concessione expletum iri, qui tot, tam amplis regionibus,
 quibus proximo bello demigratum sit, non sint contenti. Totis itaque viribus, ab
 40 initio, eorum immoderata, imo inextinguibili libidini obuiam eundum esse: nec, paruarum
 rerum concessione, cupiditatem inflammandam, & augendam audaciam, sed ferro com-
 primendam licentiam. Erat in eo consilio Conanus, vir apprimè nobilis, & opinione
 prudentiæ inter suos clarus. Is cum multa grauius de hostium sauitia, deque præsentis
 Brittonum statu differuisset, iuventutem fere omnem in transmarinas expeditiones ab-
 ductam: accessisse & bellum foris, & domi seditiones, & ex inopia famem, quæ reliquias
 miserrimas aut consumpserit, aut debilitarit. Romanas legiones ad domestica bella, spe
 omni redditus prærepta, abiisse: pacem cum hoste crudelissimo, parum quidem hone-
 stam, sed certe necessariam esse. Id consilium, nullo rerum suarum respectu, a se datum,
 sed publica necessitate expressum: hoc esse indicio, quod quandiu se tueri aduersus ho-
 50 stium immanitatem poterant, nulla vnquam pacis mentio a se fuisset facta: neque se
 ignorare, hanc ipsam, quam suadeat, non fore diuturnam, sed moram tantisper bello
 facturam, dum vires Brittonum, tot casibus debilitata, ac prope fracta, breui quiete re-
 forillari ac recreari possint. Hæc eum differentem clamor, ab vniuersa concione subla-

R E R V M S C O T I C A R V M

tus, conterruit. Occlamabat enim seditiosissimus quisque, nullam utilitatem publicam
 cum spectare: sed regnum sibi, fretum externis auxilijs, velle parare. Cum ille, e consilio
 discedens, Deum testaretur, se, nulla privati emolumenti spe, pacem suadere, exorto
 tumultu, a multitudine confossus est. Eius calamitas effecit, ne prudentiorum quisquam
 etsi patriæ incertum aperire videret, vocem tamen auderet liberam mittere. Legati cum
 illinc domum, re infecta, redissent, Scoti & Picti, alijs curis omissis, in belli apparatus
 erant intenti. Brittones quoque, ita futurum rati, postquam inapeius iræ paulum rese-
 derat, legatos ad Scotos decernunt, qui simulatione pacis conficienda, moram belli
 redimerent, pecuniamque offerrent: ac spem iniicerent, plus, quam bello peteretur,
 posse tractando atque cedendo impetrari. Belli casus esse dubios, & exitum incertum: 10
 virorum prudentium non esse, quæ ante oculos esset, utilitatem negligere, & certo pe-
 riculo in spem incertam incumbere. Nihil impetratum. Eugenius enim per explora-
 tores rescuerat, pacem foris simulari, domi bellum a Brittonibus, intentissima cura,
 parari. Igitur cum ob hanc causam, tum vetere odio Scoti & Picti incensi, & Britto-
 num calamitatibus inuitati, & rerum successu elati, nihil, nisi omnia permittentibus,
 concedebant. Exercitibus ergo ad ultimam dimicationem paratis, socij reges, per ali-
 quot annos vincere soliti, in spem victoriæ maioris erecti erant: Brittonesq; quicquid
 victis accidere ab hoste infensissimo posset, ante oculos habebant. In hoc rerum atque
 animorum statu, vbi primum uterque exercitus alteri in conspectum venit, prælium
 factum est, quale, ante eum diem, Britannis inter ipsos nullum fuerat: tantaque obstina- 20
 tione animorum est pugnatum, ut, vix post longam dimicationem, Scotorum dextrum
 cornu inclinare inciperet. Id conspiciens Eugenius, iam omnibus alijs subsidijs in pu-
 gnam promotis, cohortem ad impedimenta relictam in aciem duxit. Ab ijs, ut integris
 adhuc, Brittones, qui ex aduerso stabant, loco moti: atque initium victoriæ fuit, ab ea
 parte, vnde cladem & perniciem formidauerant. Illius aciei fortunam ceteri Brittones
 secuti, terga verterunt: cum autem in silvas & paludes, loco, vbi pugnatum fuerat, pro-
 pinquas, confugissent, eos palantes & sparsos & inermes calones hostiū nacti, magnam
 stragem ediderunt. Cecidere in ea pugna Brittonum ad quatuordecim millia: hostium
 vero quatuor. Secundum hanc pugnam, Brittones, amissa prope omni iuuentute mi-
 litari, legatos mittunt, qui nullas conditiones pacis recusent. Reges confœderati, cum 30
 omnia sibi permissa viderent, paulum ad misericordiam versi, pacis conditiones, etsi
 duras, non tamen (ut in rebus afflictis) iniquissimas obtulerunt: ut Brittones nec Ro-
 manum, nec vllum extræ gentis exercitum accerferent, aut, vltro aduenientem, reci-
 perent, aut per suos fines iter præberent: ut communes cum Scotis & Pictis amicos ini-
 micosque habeant: neu, eorum iniussu, fœdus aut bellum faciant, auxiliaue poscenti-
 bus mittant: ut finis eis esset Vmber fluius: pecuniæ etiam adiecta summa, quam, in
 milites diuidendam, repræsentarent: quamque in singulos annos penderent: item cen-
 tum darent obsides, confœderatorum arbitrio. Has conditiones grauate multi, neces-
 sario tamen omnes Brittones acceperunt: atque hanc pacem, ut per aliquot annos serua-
 rent, fecit eadem, quæ eam peperit, necessitas. Brittones autem per se infirmi, & ab ex- 40
 teris destituti, ut esset, apud quem in commune consulerent, Regem sui generis creant
 Constantinum, e Britannia Gallica accersitum, hominem nobilem & domi clarum. Is
 cum videret Brittonum vires, foris bello, domi latrocinijs & intestinis discordijs fractas,
 nihil attentandum ratus, decem (quibus regnum tenuit) annis, pacem cum vicinis co-
 luit: demum insidijs Vortigerni, hominis potentis & ambitiosi, occisus est. E tribus
 filijs duo adhuc impuberes erant: tertius, qui erat natu maximus, tanquam rebus ad-
 ministrandis parum idoneus, in monasterium relegatus. Is tamen opera, maxime Vor-
 tigerni, qui sub alieni nominis inuidia sibi opes parabat, Rex creatur. Agris per pacem
 cultis, post famem grauissimam successit tanta fructuū copia, quantam nulla memoria
 fuisse in Britannia, est auditū. Inde pacis vitia, longe omnibus bellorum damnis magis 50
 perniciofa, sunt enata, luxuria, crudelitas, stupra, ebrietas. Adeo nihil vsquam veri &
 synceri, ut non solū apud vulgus, sed & inter monachos & sanctiores vitæ professores,
 æquitas, promissorum fides, vitæ constantia, pro ludibrio essent: de quibus luculentia
 est apud

J. Buchanan, un des meilleurs
latins de son siècle, naquit 1506.
et reçut son éducation à Paris.

En 1536. il fut chargé par le
Roi Jacques 5. de l'éducation de
son fils naturel lord Murray,
mais bientôt mis en prison et évadé,
revint en France et y passa encore
8. années. Puis il enseigna à Paris,
versité de Coimbre la philosophie
d'Aristote et souffrit 3. ans dans
les prisons de l'inquisition.

En 1560. il retourna dans sa pa-
trie où il embrassa ouvertement
la religion réformée. C'est alors
qu'il se joignit à lord Murray
dans les persécutions qu'il fit
devenue dirigée contre la
malheureuse Marie Stuart, et
cette infidélité envers sa reine
légitime lui valut une pension
de Elisabeth et le titre de gouverneur
du jeune Jacques 6. Il fut en 1582.

RERVM SCO

us. conternit. Oculamabar enim feditio

est apud Bedam Anglosaxonem, & Gildam Britannum querela. Interea legati, ab Actio reuerſi, in eo nullam ſpem auxilij eſſe, renunciarunt. Scripſerant enim ad Actium Brittones literas, quarum paucos verſus, a Beda recitatos, libuit huc apponere: tum quod miſerias gentis breuiter indicent, tum quod oſtendant, in ratione temporum exponenda, quantus ſit apud pleroſque ſcriptores error. Verba hæc ſunt, AETIO tertium Conſuli, Britannorum gemitus. Et paulo poſt: Repellunt Barbari ad mare, repellit mare ad Barbaros. Inter hæc duo genera funerum, aut iugulamur, aut mergimur. Geſſit autem Aetius tertium conſulatum cum Symmacho: qui fuit annus a Chriſto nato quadringenteſimus quinquageſimus. Neque tamen quiequam auxilij ab eo eſt impetratum, tum præcipue aduerſus Attilæ motus intento. Cæteris Brittonibus in hanc rerum deſperationem reſectis. Vortigernus, vnus malis publicis latus, quod diu præcogitauerat, ſcelus in hac omnium rerum perturbatione impune ſibi futurum ratus, Regem per corporis cuſtodes, a ſe adhibitos, obtruncandum curat. Deinde, vt tam foedi facinoris a ſe ſuſpicionem auerteret, velut iræ & moræ in vindicta expetenda impariens, ipſos cuſtodes, indiſta cauſa interemit. Ita regnum per ſummum neſas adeptus, nihilo ſanctius geſſit. Nam, cum ciuium ſuorum fidem erga ſe ſuſpectam haberet, & viribus, vtpote infirmis parum conſideret, Saxones, qui piraticam exercebant, & omnia litora infeſta late habebant, ſibi conciliat. Eorum duci Hengiſto, cum valida manu tribus longis nauibus ad ſe aduecto, agros attribuit, vt pro Britannia, non iam vt peregrina terra, ſed ſuo domicilio ſuiſque penatibus, libenter dimicaret. Ad hanc famam, tum tantæ manus e tribus Germaniæ nationibus Iutis, Saxonibus, & Angliſ affluxiſſe dicuntur, vt iam indigenis formidabiles eſſent. Primum, circa annum a Chriſto nato CCCC.XLIX. ijs auxilijs fretus Vortigernus, manum cum Scotis & Pictis conſeruit: victorque, eos vltra Adriani vallum repulit. De Eugenio Scotorum Rege duplex eſt fama: alij in prælio trans Vmbrum interiſſe, alij morbo extinctum ſcribunt. De morte, vt res habet, ſatis conſtat, ea æquitate rem Scoticam moderatum, vt iure inter optimos reges connumerari debeat. Quanquam enim primam vitæ partem, pene a pueritia uſque, totam bellis impertiit, tamen ſub aui diſciplina ira profecit, animumque confirmauit, vt nec licentia militaris (quod plerumque fieri ſolet) in vitia ſoluerit, aut in moribus ad pietatem conformandis negligentioſiorem fecerit, aut ſucceſſus rerum ſecundarum arrogantioſiorem reddiderit. Sed nec pacis ocium ingenij actimoniam, & martios viri ſpiritus fregit: ſed ita vitam æquabili tenore temperauit, vt qui ſtudijs bonarum artium inſtructi, ſe ad rerum gubernationem conferunt, eos, indole naturali frætus, vel æquarit, vel ſuperarit.

XLII. REX.

Eugenio deſuncto, eodem anno, qui fuit a Chriſto nato quadringenteſimus quinquageſimus ſecundus, ſuffectus eſt frater Dongardus, homo plane fraternorum morum: vt qui pace honeſta libenter frueretur, & cum res poſceret, bellum non reformidaret. Itaque in vtriuſque temporis curam intentus, dabat operam, non modo vt omnia, ingruente hoſte haberet parata, ſed etiam ne animi per ocium, nimis bonis debilitati, languerent: iuuentutem labore & paſſimoniam, quoad poterat a vitijs continebat. Quo minus autem bello claruerit, ſeditiones domeſticæ, inter Brittones excitæ, in cauſa fuerunt. Hoc igitur metu liberatus, ad cultus diuini curam ſe totum conuertit. Nam Eccleſias adhuc turbabant hæreſis Pelagianæ reliquiæ: ad quas refutandas, miſſus erat a Celeftino, Pontifice Romano, huius patre Eugenio regnante, Palladius, a quo inſtituti plurimi, doctrina & vitæ ſanctitate clari ſucceſſerunt. In primis Patricius, Seruanus, Ninianus, Kentigernus. Creditur idem Palladius primus, Episcopos in Scotia creaffe. Nam ad id uſque tempus Eccleſiæ abſque Episcopis per Monachos regabantur, minore quidem cum faſtu & externa pompa, ſed maiore ſimplicitate & ſanctimonia. Ad hanc ſacrorum repurgandorum curam Scoti tum intenti, & in animi cultu occupati, eam tempeſtatem bellorum, quæ pene totum orbem afflixerat, intacti euafere. Eugenio ſecundum annum regnante, Vortigerno deiecto, filius eius Vortimerus Rex a Brittonibus eſt electus. Is, vt Saxonum vires facilius frangeret, cum Scotis & Pictis

R E R V M S C O T I C A R V M

antiquum foedus renouauit, quod tempore Carausij, factum a tribus gentibus erat, aduersus Romanos. Huic foederi Dongardus non superuixit. Decessit enim post quintum regni sui annum.

X L I I I . R E X .

Successit ei frater, natu minimus, Constantinus: qui, cum priuatus satis moderate vixisset, statim regnum adeptus, vitijs omnibus fræna soluit. Aduersus nobilitatem crudelis & auarus: infimi generis hominibus familiaris. Cum in stupra virginum & matronarum, & immoderata conuiuia se totum daret, circa se symphoniacos, & histiones omnisque generis voluptatum ministros semper habebat. His vitijs offensus Scotorum proceres, frequentes ad eum venerunt, ac sui eum officij admonuerunt. Eos ille adeo superbe contempsit, vt iuberet, alia curare, sibi satis aliunde consilij esse: fallam illam spem deponerent, se posse, consulendi obtentu, Regem in ordinem cogere. Vt autem erat erga suos arrogans, ita aduersus hostes tam deiecto & humili se animo præbebat, vt statim petentibus non modo pacem dederit, iniuriasque remisit, sed arcus alias reddiderit, alias dirui permiserit. Hi mores eius ita Scotos & Pictos commouerunt, vt Scoti propemodum rebellarent: Picti, qui iam antea secreta consilia cum Saxonibus contulerant, per se rebus suis consulere, & palam tandem foedusicerent. Sed apud Scotos, Dugallus Gallonidianus, cuius ad populum maxima erat auctoritas, multitudinem oratione blanda in præsentia cohibuit, fatendo quidem, pleraque vera, quæ dicerent: iusta, quæ peterent. Sed, si ad præsentia mala ciuile bellum accederet, summæ rei periculum esse, cum iam regnum ab interitu vix posset sisti, Pictis ab alienatis, Brittonibus (Vortimero extincto) incertis amicis, Saxonibus (quibus maximæ erant vires ad bellum, summa in victoria crudelitas, in commercijs nulla fides) in perniciem omnium vicinorum semper intentis. Et populo quidem maiorum natu prudentia lenito, cum Rex in magno apud omnes odio & contemptu tamen regnaret, tandem a nobili AEbudensi, ob stuprum per vim filia illatum, cæsus fuit, anno, quam regnare cœperat, quintodecimo. Hac vulgatiores fama est. Verum ego Ioanni Fordono magis accedo, qui in Scoticronico tradit eum viginti duos annos regnasse, ac tandem diuturno morbo consumptum. Eo regnante, venit in Britanniam hanc e minore Aurelius Ambrosius, Constantini, qui ante complures annos regnum tenuerat, filius: sed, eo per fraudem cæso, ac fratre, qui post patrem regnum gesserat, a Vortigerno per dolum sublato, duo reliqui Constantini filij, per amicos paternos, in Britanniam Gallicam fuerunt transuecti. Verior (opinor) hæc est Aurelij Ambrosij origo, quam quæ a quibusdam alijs traditur: in quibus etiam est Beda, qui cum, Romani generis vltimum, in Britannia rerum fuisse potitum, tradunt. Hi fratres. Vortimero noueræ fraude extincto, & Vortigerno regium nomen sine auctoritate & potentia tenente, iam adulti & regni potentes, cum fauore & expectatione hominum, in insulam, ad repetendum regnum paternum, reuersi, non spernenda Brittonum e Gallia secum auxilia attulere. Priusquam aduenas iam commouerent, oppresso in Vallia Vortigerno, legatos mittunt ad Scotos & Pictos, amicitiam & arma sociata aduersus Saxones, acerrimos nominis Christiani hostes, petentes. Et a Scotis quidem, beneuole accepta legatione, foedus cum Constantino prius ictum renouatur: quod, ab eo die, perpetuo fere tenore mansit inuiolatum, donec regnum Brittonum ab Anglis, Picticum a Scotis fuit oppressum. A Pictis autem responsum est legatis Brittonum, se foedus habere cum Saxonibus, quod vt violarent, nullam adhuc interuenisse causam: cum eis, omnia sibi prospera & aduersa posthac fore communia. Ita Insula tota rursus in duas factiones abiit, Scotis cum Brittonibus aduersus Pictos & Saxones assidue bellum gerentibus.

X L I I I I . R E X .

Constantino successit Congallus, e Dongardo Constantini fratre genitus. Vir ad bellum quidem pronior: sed nihil dum committere ausus, populo sub imperio patui, inter conuiuia & stupra fracto. Nec multorum sententijs eius ingenio (vt apud Reges fieri solet) velificantibus, ad bellum faciendum induci potuit. Primum se moribus publicis

publicis emendandis dedit, nec tantum, prius quam creatis nouis magistratibus, & per eos litibus, furtis, & latrocinijis cohibitis, disciplinam veterem reuocare est aggressus. Pace domi parta, ceteros, suo primum exemplo, ad temperatiorem vitæ rationem inducere, est conatus: deinde, si quos in flagitijs pertinacius hærentes animaduertisset, partim castigando leniter, partim tanquam nihili homines contemnendo, breui omnia in pristinum statum redegit. Initio imperij, cum (vti dictum est) totum se studijs pacis dedidisset, Brittones Aurelio Ambrosio suadere cœperunt, vt Vestmariam, a Scotis iam multos annos occupatam, repeteret. Verum cum, legationibus vltro citroque frustra missis, res ad arma spectare cœpisset, metus ab hoste communi disceptationi finem imposuit. Fœdus a Constantino factum renouatur. De Vestmaria nihil mutatum. Toto tempore, quo regnauit Congallus, bellum quidem cum Saxonibus erat, sed lentum, & per fortuitos inter prædas agendum congressus, quo in genere Scotus lenis & procurator miles, & equitatu maxime fidens, se hosti præstare existimabat. Nunquam ad vniuersæ rei periculum est deuentum. Congallus enim, qui fortunæ arbitrio quam paucissima committenda censebat, partem suorum ad Aurelium Ambrosium auxilio mittebat, cum reliquis hostem fatigando distinebat: ac nocte dieque semper sollicitum tenebat. In horum & proximorum Regum tempora inciderunt Merlinus & Gildas, ambo Brittones, magnum apud posteros, ob diuinandi opinionem, nomen consecuti. Sed Merlinus, ætate paulo maior, egregius impostor ac veterator potius, quam vates habendus. Circumferuntur eius vaticinia, obscura quidem illa, & nihil certi continentia, quæ, vel ante quam eueniant, sperare, vel, cum euenerint promissa, vera audeas affirmare. Præterea ita composita sunt, vt eadem ad multa diuersarum rerum euenta circumflectere & accommodare possis. Ea cum quotidie interpolentur, & nouis accessionibus accrescant, tamen hominum credulorum tanta est insania, vt quæ non intelligant, quouis sacramento, vera esse, contendere non dubitent: nec, in manifesto interim deprehensi mendacio, se coargui patiantur. Posterior vero Gildas, vir bonus & doctus, in magna veneratione habitus est & viuus & mortuus, ob egregiam doctrinam cum vitæ sanctitate coniunctam. Vaticinia, quæ nomine eius circumferuntur, ita & sententijs sunt ridicula, & verbis totoque compositionis genere informia & inculta, vt ea, nemo sanus, Gildæ esse, sit crediturus. Contigit quoque vtrique pro moribus patronus. Merlino enim, primo Vortigernus, deinde Vter, apud quem stupri interpretes & conciliator fuit: Gildæ Aurelius Ambrosius, vir nihilo morum probitate, quam victorijs bellorum minus admirandus: quo mortuo, Gildas in Auallonia secessu vixit, & decessit sanctissime. Eius meminerunt libri nostri, de vita Aurelij Ambrosij: cui, vita functo, successit e tribus Constantini filijs minimus, Vter, anno Salutis humanæ quingentesimo. Ac proximo post anno Congallus, Scotorum Rex, vicesimo secundo, quam regnare cœperat, anno, decessit.

XLV. REX.

Et huic successit Goranus frater: qui eius exemplo, quantum per externa bella licuit, summa pietate & iustitia rem Scoticam gubernauit: neque solum, Regum bonorum vetere instituto, regiones omnes obeundo, in facinorosos animaduertit: sed potentiores, quo minus in tenues & imbecillos, sibi obnoxios, grassarentur adeo, vt, accepta iniuria, queri non auderent, deterruit, ne acerbius dominarentur, institutis exploratoribus, qui crimina tabulis inscripta ad se deferrent: remedium illis temporibus forte necessarium: sed nunc certe anceps, & non mediocriter periculosum. Eius maxime studio & auctoritate factum est, vt Picti, relicta Saxonum amicitia, fœdus communiter cum Scotis & Brittonibus inirent. Erat tum Pictorum Rex Lothus, omnibus corporis & ingenij bonis omnium equalium præstantissimus. Cum eo diligenter Goranus egit, vt se a societate hominum barbarorum segregaret, memor communis patriæ, in qua natus esset, communium item sacrorum. Quod si Scotis & Brittonibus superatis, fidam sibi cum Saxonibus pacem fore, speret, cum vehementer decipi: quippe cum hominibus inhumana crudelitate, inexplebili auaritia. Eos documentum satis perspicuum dedisse, quam nihil apud eos sanctum esset,

RERVMSOTICARVM

cum Brittonum nobilitatem, optime de se meritam, ad colloquium euocatam, per
 summum scelus trucidarunt. A socero seruatum esse generum, non ad calamitatis ali-
 quod subsidium, sed ad hostis ludibrium. Foederum sanctitas, quod apud alios amicitiae
 firmissimum vinculum creditur, apud eos pro insidiantium laqueis, quibus viri simpli-
 ces & incauti capiuntur, existimari. Quorsum attinebat, tot subire pericula, ut se a Ro-
 manorum dominatione liberarent, si Saxonibus in duriores & longe foediores serui-
 tutem sint sponte sese tradiuri? hoc enim non esse, conditionem, sed dominum mu-
 tare: & miti & humano truculentum & barbarum praefere. Quanta stultitia sit, aut
 potius dementia, agros Scotis & Brittonibus adimere, quos Germanis tradant? & ho-
 mines nuper amicos, multisque vetustis officijs & necessitatibus sibi iunctos, dispoliare,
 ut piratas, communes humani generis hostes, ad suum exitium opibus augeant? Ho-
 mini vero Christiano id longe omnium videri debet grauissimum, in id foedus consen-
 tire, quo religio Christiana extinguatur. profani ritus reuocentur: & prope impijs ty-
 rannis, omnis humanitatis & pietatis hostibus, arma nefaria, aduersus Deum & eius
 legem, induere. Haec quidem Lothus, vere dici, intelligebat. Itaque Gorano rem in-
 integram committit. Ille Vterio facile persuadet, ut non in amicitiam tantum, sed affi-
 nitatem Pictus assumatur, data ei vxore Anna, siue sorore, siue, ex legitima vxore, filia.
 Ego eis potius accedo, qui, sororem fuisse, tradunt: atque, errorem ex eo natum, pu-
 to, quod Vterius, aliam ex concubina Annani sustulisse, dicatur. Hoc patrato trium
 Regum foedere, multa de Saxonibus partae victoriae: ac nomen Vterij, magnum & for-
 midabile per totam Britanniam esse, coeperat. Omnibus fere Saxonum ducibus occi-
 sis, & superstitum fracta potentia, rebusque prope apud eos desperatis, Vterius inter
 maximos aetatis suae Reges poterat recenseri, nisi, flagitio foedo cum ingenti scelere con-
 iuncto, magnis virtutibus maculam aspersisset. Erat inter principes Britannorum Gor-
 lois, virtute & potentia clarus. Eius vxorem Igernem, forma praestantem, Vterius ad-
 huc priuatus deperibat. Sed cum omnia circa eam obsepta pudicitia libidini eius ob-
 starent, tandem per Merlinum, hominem audacem & maleficum, mulieris continen-
 tiam expugnat. Ex hac stupri consuetudine natus est eis filius Arcturus. Vterius, le-
 gitima vxore mortua, liber a vinculis nuptialibus, & Rex factus (ut sibi persuadebat)
 solutus legibus, cum Igeries desiderium ferre non posset, temerarium ex amore con-
 filium capit. Crimine aduersus Gorloim confecto, arcem eius obsessam capit: ipsum
 interimit: Igernem vxorem ducit, & Arcturum filium agnoscit: atque omni indul-
 gentia, in spem regni, educat. Ut autem vxoris infamia (quando regi non poterat) sal-
 tem eleuaretur, fabulam confingunt non dissimilem ei, quae de Ioue & Alcmena in
 theatris saepe actitata fuerat. Vterium scilicet, arte Merlini, in faciem Gorloidis ver-
 sum, primam cum Igerne habuisse consuetudinem. Et erat is Merlinus, qui prauo po-
 tius, quam nullo facinore vellet nobilitari. Arcturus igitur, ex hoc furriuo congressu
 genitus, ubi primum e pueris excessit, non solum corporis lineamentis, sed animi etiam
 indole talis apparuit, ut & parentum & reliquorum ciuium animos oculosque in se
 conuerteret, & futurae magnitudinis multa indicia exhiberet: eumque, mortuo patre,
 omnes Regem sibi destinarent. Et pater, hoc velut populari omine laetus, vulgi cupi-
 ditatem ita omni arte fouebat, ut iam cuncti in certam spem venirent, se non alium re-
 gni heredem habituros. Vterio, cum septemdecim regnasset annos, vita functo, statim
 ei successus fuit Arcturus, multum obrinente Lotho Rege Pictorum, qui suos liberos
 (binos enim habebat, ex Anna Arcturi amita natos, iam tum pueritiam egressos)
 grauer querelatur, regno fraudari, spuriumque, ex adulterio genitum, eis praeferi.
 Contra Brittones vniuersi pro Arcturo stabant: ac pro spurio habendum, negabant:
 quod Vterius matrem eius, etsi eo iam nato, vxorem tamen duxisset, eisque nuptijs
 filium legitimi loco sibi recepisset: atque, ex eo, semper eam pro legitimo habuerit. Sed
 quanquam hunc iuris colorem praeenderent, plus tamen Arcturo profuit praecleara in-
 doles, & virtutum specimen saepiuscule exhibitum: &, velut tacita quaedam in omnium
 animos impressa, diuinitio, de eius claritate futura. Adeoque omnes in eius partes
 ierant praecipites, ut Lothus, non solum illa iuris specie (quae certe post id semper in Bri-
 tannia

rannia valuit) sed studijs & populari gratia superatus, a regno petendo destiterit: eoque
 facilius, quod liberos, quibus regnum petebat, Brittonibus infensis committere non au-
 deret. Mouerant etiam preces amicorum, qui affirmabant, nullum regnum tanti ei de-
 bere videri, vt, ad euersionem religionis Christianæ, societatem cum hominibus infidis
 coiret: qui nihilo sanctius amicitiam & fœdera cum eo culturi essent, quam cum Brit-
 tonibus ante coluissent. Mouit etiam & ipsius Arcturi ingenium liberale, & supra æta-
 tem; animi magnitudo. Igitur fœdus a prioribus regibus inter Scotos, Pictos, Britto-
 nesque factum, denuo est confirmatum: rantaque ex eo secuta est familiaritas, vt Lo-
 thus, Galuinum e duobus filiis minorem, vbi primum per ætatem labores ferre pote-
 rat, in aulam Brittonum se missurum, sit pollicitus. Inijt regnum Arcturus, decimo
 octauo ætatis anno nondum expleto. Sed, vt ei animus supra ætatem erat, ita animo
 excelsio nunquam successus defuit. Cum pater eius regnum certis finibus cum Saxonibus
 diuississet, pacemque certis legibus confecisset, plus apud eos valuit occasionis ex
 adolescentia Regis blandimentum, quam fœderum sanctitas. Arcturus, vt incendium
 in ortu ipso statim extingueret, collecto citius omnium opinione exercitu, accitisque
 Pictorum & Scotorum auxilijs, duobus magnis prælijs hostem vicit: & ad tributum
 pendendū legesque accipiendas, compulit. Eodem impetu caput regni Saxonici Lon-
 dinum capit, & rebus ibi compositis, recta Eboracum ducit. Sed auxiliorum e Germa-
 nia aduenientium fama, & propinqua hiems obsidionem soluere coegit. Proxima æsta-
 te Arcturus, metu ingenti ex anni superioris repentino successu iniecto, vbi primum
 Eboracum aduenit, opidum per deditiōem recepit. Eo vndique vicinorum & ciuium
 nobilitate adueniente, cum ibi hiemaret, extremo Decembri omnibus lætis, & potatio-
 ni cæterisque, quæ ex ea nascuntur, vitijs deditis, renata est veterum Saturnaliorum ima-
 go, sed numero dierum duplicato, & apud potentiores triplicato: quibus diebus prope
 nefas habetur, aliquid seræ rei agere: Munera mittuntur: Fit murua & proluxa inter a-
 micos inuitatio: A ministrorum castigatione abstinetur: Nostri (Iulia) id festum vocant,
 Cæsaris videlicet nomine, pro Saturno substituto. Vulgo persuasum est, natalem Chri-
 sti ijs ceremonijs coli: qua in re verius Bacchanaliorum lasciuia, quam Christi tum
 nati memoriam referri, satis constar. Interea, cum Saxones ad Vmbrum dicerentur
 habere castra, Arcturus ad dubia adhuc signa veris ad eos ducit. Fracti voluptatibus
 Brittones, cum segnus militiæ munera obirent, nec iidem viderentur, qui tot prælijs
 Saxones fuderant, tantumque, per ocium luxuriosum, viderentur ad temeritatem ad-
 iecisse, quantum de seueritate disciplinæ detraxissent, a senioribus orta mentio est, de
 Scotorum & Pictorum auxilijs accersendis. Id facile per legatos impetratum: & quos
 ambitio pene diremerat, ita conciliauit studium religionis, & accendit æmulatio, vt,
 opinione citius, ab utroque Rege copiz adessent. Lothus etiam, vt animi reconciliari
 daret apertius testimonium, Modredum & Galuinum filios in castra secum adduxit.
 Galuinum etiam Arcturo comitem dedit: quem ille tanta humanitate complexus est,
 vt, post eum diem, simul & vitam transegerint, & mortem obierint. Parato a tribus
 Regibus exercitu, castrisque coniunctis, vt, quemadmodum erat omnibus commune
 periculum, ita eadem periculi causa videretur, magno consensu ab vniuersis constitu-
 tum, vt, expulsis Saxonibus, Christiani ritus & pietatis cultus, ab eis profanatus, re-
 stitueretur. Cum castra iam castris prope essent collata, Occa superioris Occæ filius,
 qui tum Saxonum erat imperator, nullam pugnae moram fecit. In exercitu sociali,
 cornua Scotis & Pictis, acies media Arcturo commissa. Scoti primo statim congressu,
 Childerico, qui ex aduerso steterat, hostium duce ex vulnere collapsus, cæteris eius
 casu territis, cornu disiecerunt. In altero, Colgernus Saxo, multa in Pictorum perfidi-
 am iurgatus, in Lothum, habitu corporis & armis conspicuum, imperu facto, cum
 ex equo deturbauit: ipse in medium ab hostibus acceptus, a duobus Pictis vtrinque
 hastis transfigitur. Media acies, vbi acerrime pugnabatur, cornibus nudata, tandem &
 ipsa cessit. Occa saucius ad mare delatus cum cæteris, quibus nauium copia fuit, in Ger-
 maniam transmisit. Ex ijs, qui remanserunt, pertinaciores in errore suo morte multati:
 reliquos simulatio Christiani ritus incolumes seruauit. Restabant adhuc in Orientali

R E R V M S C O T I C A R V M

Anglia & Cantio, valida Saxonum copia. In eos Arcturus, æstate, quæ secuta est mo-
 uit, adiunctis ad suos denis Scotorum & Pictorum millibus, quorum alteris Congallus
 Eugenij, alteris Modredus Lothi filius præerat, iuvenes magnæ spei, & qui sæpe for-
 titudinis & prudentiæ specimen præbuisent. Is trium regum exercitus, cum circiter
 quinque millia ab hostibus abesset, ternisque castris diuersi tenderent, Saxones, per
 exploratores comperto, apud Pictos (qui longiuscule a reliquis copijs tendebant)
 summam esse negligentiam, eos de nocte repente inuadunt. Modredus, cum fortiter
 diu restitisset, tandem prope desperata salute, cum Gallano socero in equum impositus,
 ad Arcturum venit. Ille nihil Pictorum clade territus, cum diem rebus, quæ turbatz
 erant, componendis dedit. Itinere exercitui denunciato, de tertia vigilia triplici acie 10
 in hostem ducit: ac prius quam Saxones, quid ageretur, scire possent, ad castra perue-
 nit. Illi dum trepidi concursant, nec temporis, vel ad consilium capiendum, vel se
 armandum satis haberent, passim a Brittonibus, vallo superato, trucidantur: ab iratis,
 maxime Pictis, in omnes sine discrimine sæuitum. Quidam scriptores rerum Anglica-
 rum tradunt, Arcturum duodecies cum Saxonibus, signis collatis, dimicasse. Sed cum
 nihil, præter nuda locorum nomina, in quibus pugnatum dicunt, ponant, id satis ha-
 bui lectores admonere. De rebus eius gestis, vt summatim dicam, illud inter omnes
 constat. Saxonum viribus attritis, pacem ab eo Britannia partam: & dum, ad res in
 minore Britannia componendas, profectus abesset, Modredo propinquo suo regnum
 commendasse, vt, vsque ad suum reditum, pro Rege præesset: quas autem res in Gallia 20
 gesserit, nihil, quod pro certo scribam, habeo. Quæ vero Galfridus ab eo gesta refert,
 nullam habent vmbram, ne dicam similitudinem, veritatis. Ea igitur, vt impudenter
 ficta, & temere credita, omitto. Igitur vt ad rem redeam, dum Arcturus rebus Gallicis
 componendis intentus abest, iacta sunt semina belli, terræ Britannia longe pernicio-
 sissimi. Erat in comitatu Arcturi Constantinus quidam, Cadoris filius: qui ob eximias
 corporis & animi virtutes, flagrantissima apud omnes gratia erat. Is cum occulte am-
 biret, ac populum paulatim suum faceret, proceres Regem aliquando vacuum a ne-
 gotijs nacti, sermonem de successore iniecerunt. Orant, vt reliquis infinitis in patriam
 beneficijs hoc adijciat, ne, si ipse liberorum orbus moreretur, etiam Britanniam Rege
 orbaram relinquat, præsertim tantis bellorum procellis imminentibus. Sub hæc cum 30
 quidam nominasset Modredum, genere maxime propinquum, ac iam bello & pace
 rebus moderandis assuetum, & qui hac vicaria regni administratione specimen sui de-
 disset, quique non paruam accessionem esset ad res Britannicas adiecturus: succlamatum
 est a multitudine Constantino fauentium, se peregrinum regem nolle: neque Britan-
 niam adeo viris effœtam esse, vt non sui populi rectorem ex sese possit edere. Stultum
 esse, cuius domi copiam habeant, foris quærere. Senserat iam pridem Arcturus populi
 in Constantinum studia. Itaque homo, alioqui ambitiosus, facile suorum voluntati ac-
 quieuit: ac, ex eo die iuuenem non cessauit producere, & ad spem regni propius admo-
 uere. Hanc iniuriam, cum amici Modredi ostenderent, se moleste ferre, ac fœdere Ar-
 cturi cum Lotho cautum dicerent, ne, in regni successione, quisquam liberis Lothi ante- 40
 ferretur, respondebatur, fœdus id aduersus publicam totius gentis utilitatem, tempo-
 rum necessitate expressum: neque, Lotho auctore mortuo, eo se teneri. Proinde recte
 facturos Pictos, si, finibus antiquis contenti, alienis abstinerent. Britannorum regnum
 nunc, Dei benignitate, in eo statu esse, vt non modo nouas iniurias prohibere, sed ve-
 teres etiam vlciſci possit. Hæc ad Modredum perlata, penitus animum eius ab Arcturo
 auerterunt, & ad dignitatem suam tuendam, conuerterunt. Tantum bello moræ fuit,
 dum Scotorum animos experiretur. Eis ad causam adductis, scribitur exercitus ex Pi-
 ctis, Scotis, & frequentibus Brittonibus, vel æquitate causæ, vel priuato in Arcturum
 odio, aut Modredum beneuolentia persuasis. Nec putauit Vanora vxor Arcturi,
 nouorum consiliorum fuisse ignara: vt quæ stupri consuetudinem cum Modredo 50
 crederetur habere. Exercitus vtrinque ad Vmbrum castra contulere. Cum iam in
 procinctu starent, tentata concordia est, per vtriusque partis Episcopos, sed frustra,
 Constantini propinquis obnitentibus, omniaque prona Arcturi felicitati affirmanti-
 bus.

bus. Concursum est ingentibus vtrunque animis. Sed Modredo & confederatis duo potissimum fuere auxilio, locus in medio paluster, Brittonibus transitu difficilis, & in ipso pugnae ardore subornatus, qui Brittones moneret, ut, arcturo caeso, rebus perditis, suae quisque saluti consuleret. Ea vox in fugam eos vertit: magna tamen caedes viriusque partis facta. Victoria neutris laeta fuit, caeso ab altera parte Modredo, ab altera fratre eius Galuino: atque Arcturo letaliter vulnerato. Praeda ingens capta. Non ignoro, quae de vita & morte Arcturi a multis fabulose tradantur: sed indigna relatu sunt, & viri clarissimi rebus gestis tenebras offundunt. Nam, dum tam asseueranter mendacia affirmantur, saepe veritas in dubium vocatur. Fuit certe vir magnus, & singulari fortitudine, & caritate in patriam, vel dum suos a seruitute liberat, vel cultum Dei sincerum reuocat, vel vitiatum restituit. Haec nos de genere, vita, & morte eius pluribus, quam instituti operis ratio poscebat, sumus profecuti: ut quibus, non vniuersas Britannorum res gestas complecti, sed partim ab obliuionis iniuria, partim a fabulosis male feriatorum hominum commentis res gestas nostrae gentis liberare, fuit propositum. In Arcturi vero rebus longiuscule sumus immorati, quod plerique eas, partim per inuidiam nimis parce, partim per vanitatem nimis verbose persequantur. Mortuus est anno Christi 10. XLII. regnavit annos XXIII.

10. XLII.

Ut ad res Scotticas redeamus, Goranus Rex, magno iam natu, discesserat, postquam triginta quatuor annos praefuisset Scotis, suorum (ut creditur) fraude extinctus. Erat quidam Toncetis, supremus rerum capitalium quaestor, homo non minus crudelis, quam avarus. Is, cum aduersus ditiores multa saeva facinora patrasset, facilem omnium sperabat apud Regem veniam, quod hac ratione fisci commoda nonnihil auxisset. Populus, cui non facilis erat ad Regem, senio & morbo inualidum, aditus, nec si adire licuisset, aduersus hominem primarium & gratiosum fides, Toncetum aggressi trucidant. Deinde postquam impetus irae deferbuit, cum secum cogitarent, quantum facinus admisissent, nullumque veniae impetrandae locum prospicerent relictum, in ipsum Regem impetum odiumque conuerterunt: ac, incitante Donaldio Atholio, in aedes intromissi, eum interimunt.

XLVI. REX.

Ei successit Eugenius, Congalli filius. Hunc cum, ad vlciscendam Gorani patrum necem, quidam nobiliorum hortarentur, eorum orationem adeo negligenter accepit, ut ipse suspicione sceleris non caruerit. Eam etiam opinionem auxit, acceptus in amicitiam & familiarem consuetudinem Donaldus Atholius. Gorani igitur vxor, liberis parvis timens, cum eis in Hiberniam secessit: Eugenius autem, ut se vita moribusque purgaret, ita regnum gessit, ut nemo superiorum regum iure ei praeferi possit. Cum vicinis nullum per se bellum gessit. Modredum aduersus Saxones, atque etiam Arcturum auxilijs iuuit. Assiduus per varios duces excursionibus, Anglorum fines infestos habuit. Nunquam iusto exercitu eum eis congressus. Regnum tenuit annos XXIII. decessit 10. LVIII.

10. LVIII.

Post eum successit frater eius, Congallus: qui decem annos regno in summa pace praefuit: vir, ob egregias virtutes, omnium saeculorum memoria dignus. Nam, praeter aequitatem in iure dicundo, & animum aduersus auaritiam inuictum, certabat moderatione vitae cum monachis, qui, ea aetate, seuerissima disciplina utebantur. Sacerdotes praedijs alijsque prouentibus ditauit, pio magis studio, quam felici successu. Iuuentutem declinantem ad mollitiem & luxum, pacisque bonis abutentem, magis vitae exemplo & auctoritate, quam legum seueritate continuit. Filios Gorani, qui metu Eugenij in Hiberniam secesserant, reuocauit. Sed, ante reditum eorum, ipse decessit anno a Christo nato 10. LXVIII. Rem bellicam non attigerat, nisi quatenus Brittones auxilijs iuuit aduersus Saxones, cum quibus, varia fortuna, saepe pugnarunt.

10. LXVIII.

XLVII. REX.

Eo defuncto, & fratre eius Kinnatello Rege designato, Aidanus Gorani filius venit in Scotiam, hortante viro sancto Columba, qui ante biennium ex Hibernia accesserat.

R E R V M S C O T I C A R V M

Per eum ad Regem ductus, præter & suam & multorum spem, humanissime accipitur: ac, bono animo esse, iubetur, ut qui breui regnaturus esset. Kinnatellus enim & morbo & ætate confectus, cum regio muneri non sufficeret, ipse Aidano, ad rerum gubernaculum admoto, quartodecimo, aut ut alij quintodecimo, quam regnare coeperat, mense, diem suum obiit. Sunt qui, hoc omisso, Aidanum statim Conuallo subijciant. Verum plures auctores inter eos Kinnatellum inserunt.

X L I X. R E X.

Aidantus Rex nominatus a Kinnatello, & a populo confirmatus, a Columba regia accepit insignia. Erat enim, illis temporibus, tanta eius viri auctoritas, ut nihil Reges populusue, absque eius consilio, susciperet. Ac tum quidem, cum satis longa oratione hortatus esset omnes, ut Rex erga populum æquitate, populus erga Regem observantia vteretur, vniuersos vehementer rogauit, ut in puro Dei cultu peristerent: ita enim fore, ut vtrisque omnia prospere succederent: sin aliter facerent, dignum male patris expectarent exitium. His ita peractis, ad suos discessit. Prima Aidani expeditio fuit aduersus latrones, Gallouidiam infestantes. Eo profectus, ducibus eorum supplicio affectis, cæteros metu compescuit: sed eum, inde reuersum, maior tempestas excepit. Nam postquam tribus conuentibus in Gallouidia, Abria, & Cathanesia habitis, omnia pacata existimasset, inter venandum oborta seditione, ac cæde atroci patrata, ministri regij, qui noxios in ius vocabant pulsati: auctores, pœnarum metu, in Lothianam, ad Brudeum Pictorum regem, perfugerunt. Ab eo cum, per legatos ex fœdere petiti, non redderentur, bellum graue inter Scotos & Pictos exarsit: sed id breui, opera Columbae, cuius apud utrosque merito plurimum valebat auctoritas, extinctum. Interea Anglia iterum in septem regna diuisa, &, Brittonibus in peninsulam Valliam compulsi, Saxones, non contenti tam late patentibus agris, nouum bellum inter Scotos & Pictos suscitant. Eius auctor & fax fuit Ethelfridus, Northumbriae Rex, homo auarus, & ob regni augendi cupiditatem, pacis impatiens. Is Pictis, ægre consentiente Brudeo, persuasit, ut prædas abigendo ex agro Scotico, semina belli iacerent. Aidanus quoque fraude Saxonis intellecta, ut & ipse peregrinis auxilijs se firmaret, cum Malgone Brittone fœdus antiquum renouauit. Filium Grifinum, & sororis filium Brendinum, Euboniae, quæ nunc est Manna, Regulum, hominem militem cum copijs misit. Hi, castris cum Brittonibus coniunctis, Northumbriam ingressi, tertio die ad hostem perueniunt: sed Angli, noua expectantes auxilia, quæ non procul abesse dicebantur, pugnam detrectabant. Adueniebat enim Ceulinus, orientalium Saxonum rex, vir bellicosissimus cum magnis copijs. Hunc Scoti & Brittones in itinere adorti, primam eius aciem, quæ satis cæteros anteibat, integram cum Cutha filio occidione occiderunt: reliquos, quo minus aggredierentur, fecit timor, ne ab Ethelfrido, qui non longe aberat, circumuenirentur. Coniunctis igitur duobus Saxonum regibus, rursus congressi, multa vtriusque cæde edita, victi sunt & fugati Scoti & Brittones. Cæsi e Scotorum primoribus Grifinus, & Brendinus: ex acie aduersa Ethelfridus, altero oculo orbat: Brudeus saucius e pugna elatus, cum magna trepidatione suorum. Ethelfridus, proxima ætate, Pictorum copijs ad suas adiunctis, in Gallouidiam duxit, ratus, ex superioris anno infelici prælio, se plena formidinis omnia inuenturum. Verum Aidanus, cum illuc citius hostium opinione venisset, palantes prædatores aggressus, in castra trepide eos coegit. Ita, temeritate castigata, quietiores fore ratus, nocte proxima præteritis eorum castris, se Brittonibus coniunxit. Ambo exercitus, viribus in vnum coactis, cum in valle angusta Annandia confedissent, hostes, obsessis faucibus, eorum exitio imminabant. At illi, communis castris, ut manentium speciem præberent, nocte recedente maris æstu, per nota inter instabiles arenas vada in Cumbriam, ac deinde Northumbriam duxerunt, fœda populatione, quacunque ierant, facta. Hostes eorum vestigia secuti. Statim, ubi in mutuum conspectum venere, vtrique se ad pugnam expediunt. Scoti & Brittones, ut pluribus ducibus vulgus temerarium regeretur, ad priores duces quatuor, homines nobiles bellicarum rerum experientes, adiiciunt: e Brittonibus Constantinum, & Mencrinum: e Scotis Calenum, & Murdacum. Horum ductu

ductu & hortatu, tanto impetu milites irruerunt in hostem, vt statim impulsus fugam capefferet. Hanc victoriam, fama est eadem hora, qua res gesta fuit, Columbam in Iona insula suis sodalibus renunciasse. Cæsi e primoribus Saxonum Cialinus & Vittelius, genere & factis illustres. Anno fere, post hanc victoriam, vndecimo, Saxonibus & Pictis, vicinos agros infestantibus, dies dicta est, qua die Brittones & Scoti, coniunctis viribus, Saxones inuaderent. Ad diem & locum destinatum Aidanus, quanuis natu grandior, cum venisset, tum Brittones frustra expectat, ac prædas interim ex hostico agit, Ethelfridus opportunitatem rei bene gerendæ nactus, Scotos palabundos assecutus, magnam eorum cadem fecit. Aidanus, compluribus suorum casis, fugit: nec Saxones tamen incruentam retulere victoriam, amisso Ethelfridi fratre Theobaldo, & aliquot, quæ eum sequebantur, cohortibus pene ad internecionem cæsis. Aidanus, ad hanc cladem accedente morte hominis sanctissimi & sibi vnice cari, Columbæ, cum prospiceret, quantæ hostium crudelitati reliquæ Christianorum essent expositæ ætate pariter & mœrore confectus, non diu supervixit. Regnavit annos **xxxi. decessit anno partæ Salutis 15. C. l. i. i. i.** Eo regnante, venit in Britanniam, a Gregorio Romano Pontifice missus Augustinus quidam monachus: qui sua ambitione, dum nouam religionem docet, veterem vehementer turbauit: nam non tam Christianam disciplinam, quam ceremonias Romanas docebat. Superiores enim Britanni, Christianismum ex Ioannis Euangelistæ discipulis edocti, a monachis, quos ætas illa adhuc eruditos & pios habebat, instituebantur. Ille, dum ad vnius Episcopi Romani dominatum omnia reuocat, ac se vnum totius Britannię Archiepiscopum edit, & disputationem, de die celebrandi Pascha, nec necessariam, nec vtilem introducit, magnopere turbauit Ecclesias: ac disciplinam, iam in superstitionem prolabentem, ita ceremoniis nouis fictisque miraculis oppressit, vt sincera pietatis vix relinqueret vestigium.

L. REX.

Post Aidanum, Rex electus Kennerhus, nil memoria dignum gessit. Quarto, vel (vt alij scribunt) duodecimo mense, post initum regnum, expleto, decessit.

L. I. REX.

Proxime post hunc, Rex pronuntiatur Eugenius, Aidani filius, anno a natali Christi, **DC. v.** Hic (vt in libro Paslerensi scriptum est) a Columba pie & honeste educatus, **DC. v.** ac literis etiam luculenter eruditus, in hoc ab eius institutis deflexit, quod belli, quam pacis studijs magis se addiceret. Assiduus enim expeditionibus Saxones & Pictos exercuit. Vir imperij plane seueri & asperi: & qui superbos & contumaces libentius ferro compesceret, quam conditionibus adiungeret: sed veniam perentibus, ac se vltroudentibus maxime clemens & facilis: & in victoria minime insolens. Hæc ille de Eugenio. Boethius contra, cum in summa pace regnum tenuisse, prodidit: eamque pacem ei contigisse, non tam externis foederibus, quam hostium, qui ciuili inter se bello dissidebant, discordijs. Interiores enim Angli iam nomen Christi professi, dum illatas viciscuntur iniurias, Ethelfridum, Regem Northumbriæ potentissimum, vita pariter & regno exuerunt. Ei cum successisset Eduinus, propinqui Ethelfridi in Scotiam profugerunt: interque eos septem eius filij, & filia vnica, cum iam decimum annum rebus Scoticis præfuisset Eugenius. Is aduenas Saxones, etsi suos, & Christiani nominis hostes infestissimos, summa cum humanitate & liberalitate, quoad vixit, apud se habuit: ac doctrina Christiana diligenter instituendos curauit. Ipse decimo sexto regni anno decedens, magnum sui apud omnes desiderium reliquit.

L. II. REX.

Ei surrogatus fuit Ferchardus filius, anno a Christo nato **DC. xxi. i.** qui fuit Heraclio Imperatore **xlii. i.** Is, cum esset homo scelerate callidus, ac legitimum regnum in tyrannidem mutare vellet, factiones nobilium inter ipsos alebat: ita nefarie a se perpetrata impune fore, ratus. Sed procures, animaduersa eius malitia, clam eo dissidia composuerunt: deinde, conuentu indicto, eum ad concionem vocant. Renuentem, arce, in qua tum se continebat, expugnata, inuitum in ius pertrahunt. Multa & gra-

uia crimina ei sunt obiecta. In his etiam hæresis Pelagiana, & contemptus Baptismi & aliorum sacrorum rituum. Horum cum nullum satis purgaret, in vincula coniectus ne diutius ad ludibrium superesset, ipse sibi mortem conscivit, decimo quarto regni sui anno.

LIII. REX.

Suffectus ei frater Donaldus, siue Doneualdus, qui & patris laudibus, & fratris exitu admonitus, nihil maiori studio egit, quam, ut verum Dei cultum tueretur: neque domi solum, sed etiam foris, quacunque poterat ratione, eum amplificare studuit. Nam, extincto Eduino, liberos & propinquos Ethelfridi, qui multos iam annos in Scotia exularant, redeuntes domum, viatico iuuit, & muneribus est prosecutus, copisque suis reduxit, & liberam commeandi, quoties res eorum poscerent, potestatem fecit. Cæsus autem fuerat Eduinus a Kedualla, ut Beda vocat, Brittonum, & Penda Merciorum Rege: quorum alter vetere gentis, alter nouo Christianismi odio; vterque, amulatione potentiae, ei infensus erat. Nec alia crudelior fuisse memoratur victoria. Nam dum Penda Christianos, Kedualla Saxones delere contendunt, nulli neque sexui nec ætati furor eorum perpercit. Post Eduinum, Northumbria in duo regna fuit diuisa. Deiorum Rex creatur Osticus, Eduini frater patruelis, Berniciorum, qui Eanfridus Bedæ, nostris Andefridus appellatur, Ethelfridi filiorum maximus. Hi, repudiata Christianorum disciplina, in qua diligenter fuerant instituti, alter a Scotis monachis, alter a Paulino Episcopo, ad veterem superstitionem reuersi, breui per Pendam & vitam & regnum amiserunt. Vtrique successit Osualdus, Ethelfridi filius: qui doctrinam Christianam magno studio promouit. Ad eum, doctores e Scotia per legatos petentem, misit Donaldus viros sanctitate & doctrina claros, quos ille magna humanitate accepit, & beneficentia est prosecutus: neque regio munere inferius existimauit, in concione (populo peregrinum Scotorum sermonem non capienti) concionis sententias interpretari: quæ omnia luculenter a Beda sunt scripta. Donaldus decessit xliiii. regni sui anno, præclara virtutum suarum memoria post se relicta.

LI. REX.

Successit ei Ferchardus, ex Ferchardo eius fratre natus, vir in omni scelerum genere inquinatissimus: vini æque ac pecuniæ inexplebilis: immani in homines crudelitate, & in Deum impietate. Cum in alienos passim sauitia & rapinis grassatus fuisset, tandem in suos furorem vertit, iugulata vxore, & stupratis filiabus. Ob hæc scelera, communione Christianorum fuit exclusus. Proceres autem, ad eum puniendum, coire volentes, inhibuit sanctus Episcopus Colmannus: coramque eum admonuit, breui diuinam vindictam instare. Nec fides dicto abfuit: nam inter venandum, post dies paucos, cum, a lupo vulneratus, in febrim incidisset, nec a solita intemperantia abstinere, morbo tandem pediculari corpus exedente, exclamasse fertur, merito sibi hæc euenire, qui bene monentem Colmannum non audisset: ac, tum demum agnito errore, Colmanno consolante, ac spem veniæ ostendente (si modo resipisceret) in publicum se, vili veste indutum, in lectica proferri iussit, ac palam sua scelera confessus interiit, anno redempti orbis DC. LXVIII. Octodecim annos hoc monstrum Scotia pertulit.

LV. REX.

Huic Malduinus, e Donaldo genitus, est suffectus, qui, ut labefactaras regi partes tyrannide Regis proximi, confirmaret, pacem cum omnibus vicinis fecit. Quietem, ab hoste externo impetratam, turbauit intestina seditio, inter Argarhelios & Leuinianos orta. Eam Malduinus ut compesceret, profectus est aduersus auctores, ut in eos, sine incommodo plebis, animaduertere. Illi, ut Regis iram vitarent, discordia primum sedata, in Aebudas fugerunt. Insulani eos, ad supplicium postularos non ausi retinere, dediderunt: eorum poena ceteros in officio continuit. Circa hæc tempora, cum Scoti monachi late per Angliam Christi doctrinam disseminassent, ac iuuentutem Anglorum ita literis erudissent, ut ipsi, satis luculenter suis Euangelium annunciare posse, viderentur, creuit etiam cum doctrina aduersus doctores inuidia: Scoti-

Scotique, eorum importunitate, ad suos redire sunt coacti. Quæ contumelia, ut regnorum concordiam diremit, ita eorum, qui iniuriam acceperant, modestia vtrunque gentem ab aperto bello continuit. Assiduus excursionibus, sæpe ac multis in locis pugnabatur. Incidit in eadem tempora per totam Europam pestis, quantam nunquam fuisse, seniores meminerant. Soli ab ea immunes Scoti & Picti fuisse dicuntur. Ob frequentes vtrinque illatas iniurias, prædasque abactas, cum res in apertum bellum eruptura videretur, interuenit Malduini mors, postquam regnasset annos viginti. Vxor, quæ, ob suspicionem de pellice, cum strangulauerat, quarto post die viua cremata est.

LVI. REX.

10

Regnum autem iniit Eugenius quintus Dongardi Regis filius. Eum Egfridus Northumbriæ Rex (cum quo summopere pacificare contendebat) cum simulatis inducijs fallere conaretur, pari arte ipse petitus est. Vterque enim pacem verbis ostentabat, occulte vero bellum apparabat. Finitis inducijs, Egfridus, dissuadentibus amicis, conjunctis Pictorum copiis, Scotiam ingressus, Gallouidiam populatur. Verum, cessantibus in pugna Pictis, ab Eugenio superatus, amisso pene toto exercitu, ipse saucius cum paucis euasit. Proximo anno, æque dissuadentibus amicis, in Pictos duxit: ab eis, fugam simulantibus, in insidias tractus, cum suis omnibus concisus est. Hanc tantam occasionem Picti arripientes, latissimos agros, superioribus bellis ademptos, recuperant: & Brittones, qui ab Anglorum imperio suos vindicabant, vna cum Scotis Northumbriam ingressi, magna eam clade afflixerunt: adeo, ut nec vnquam in pristinum statum se erexerit. Secuta statim est mors Eugenij, quarto, quam regnare coeperat, anno.

LVII. REX.

Eugenio quinto successit Eugenius sextus, Ferchardi filius: Egfrido vero Northumbro frater Alfridus: vterque Rex literis, ac præcipue sacris, ut illa ferebant tempora, eruditi, ac inter se, communium studiorum societate, conciliati. Itaque pax inter eos fida fuit. Hac tranquillitate fretus Alfridus, regnum angustioribus, quam antea finibus, quodam tenuis composuit. Cum Pictorum vero gente Scotis neque certa pax, nec bellum fuit: excursionibus, vario euentu, sæpe pugnatum est, frustrantentibus Cuthbercto Anglo, & Adamanno Scoto Episcopis, ut rem componerent. Id autem perfecerunt, ne iustis vnquam exercitijs concurreretur. Eugenius interea, inexpiabili odio aduersus Pictorum perfidiam inflammatus, e medio rerum cursu est sublatus, cum decem regnasset annos. Hoc Rege, septem dies per totam Britanniam sanguine pluuisse, tradunt, conuerso etiam lacte, caseo, & butiro in sanguinem.

LVIII. REX.

Post hunc regnum adeptus est Amberkelethus, Findani filius, Eugenij quinti nepos. Is, cum initio temperantiam simulasset, ad veros mores breui redijt: & in omnia flagitia simul prorupit. Hac occasione arrepta, Garnardus Pictorum Rex, magno exercitu conflato, Scotos inuasit. Amberkelethus tandem, prope conuiuijs excitatus, cum arma sumpisset, noctu, dum ad necessaria naturæ cum duobus famulis egreditur, sagitta (incertum a quo missa) occiditur, cum nondum regni plenum expleffet biennium. Sunt qui, dum hostes in silua densa vrgeret, sagitta vulneratum, decimo post die extinctum, tradant.

LIX. REX.

Ne exercitus solueretur, aut sine imperio esset, militari suffragio in castris designatus Rex Eugenius septimus, prioris Regis frater. Is, cum parum spei in exercitu, ab inerti Rege collecto, reponeret, bellum inducijs distulit: atque accepta vxore Spondana Garnardi filia, nuptijs finiuit. Ea, non adeo multo post, a duobus Atholijs in caput Regis coniuratis, in lectulo confossa, perijt. Rex falso criminis insimulatus, & in ius ductus, ante causam dictam, deprehensus cædis patratorebus, liberatus est. Noxij exquisito supplicio puniti. Rebus foris compositis, Rex ad

RERVM SCOTICARVM

pacis opera conuersus, ocium quidem venatione oblectabat. Religionis in primis curam habuit. Eius institutum fuit, vt in coenobiis res gestæ Regum memoriæ mandarentur. Pace perpetua per septemdecem annos cum omnibus vicinis continuata, Abrenethi diem obiit.

LX. REX.

Eugenius paulo ante mortem, Mordacum Amberkelethi filium, proceribus commendauit. Eo regnante, pax per vniuersam Britanniam fuit: cuius Beda sub finem historiæ suæ meminit: nec in pace modo colenda, sed monasterijs etiam iuuandis, Eugenij æmulus fuit. Candidæ casæ coenobium dirutum restituit. Incunte decimo-sexto regni anno, decessit.

10

LXI. REX.

DCC. XXX. Anno post Christi aduentum, septingentesimo & trigésimo, Erfinus Eugenij septimi filius, regnum suscepit: & is, proximorum Regum æmulus, per annos triginta vnum, quibus regno præfuit, in summa tranquillitate suos continuit. Iam senior, cum per se non posset Regis munus obire, quatuor præfectos dedit, qui ius populo dicerent. Iis rem Scoticam regentibus, facinorosi, resumpta licentiâ, vel Magistratum negligentia, vel (vt quidam crediderunt) culpa, omnia miscere coeperunt. Sed aliorum scelera obscura fecit Donaldi crudelitas, & superbia: qui per Gallouidiam grassatus, agrestes vel sibi tributa pendere cogebat, vel spoliatos ad summam redigebat inopiam.

20

LXII. REX.

Inter hos tumultus, Regi mortuo successus est Eugenius octauus, Mordaci filius, qui nihil prius egit, quam Donaldum, aliquot cruentis fractum prælijs, cepit, ac supplicium, ceu latum spectaculum, repræsentauit. Mordacum Gallouidiæ præfectum, socium Donaldini sceleris conuictum, mori coegit: reliquos præfectos pecunia multauit. Populo spoliato de bonis eorum satisfecit. Harum poenarum formidine malis perterritis, summa tranquillitate post turbulentissimam tempestatem restituta, cum vicinis Regibus foedera, ante facta, confirmauit. Verum ipse, cuius in rebus turbidis gloria creuerat, pace facta, in omnia flagitia præceps abiit, & cum nec amicorum, nec sacerdotum admonitionibus quicquam moueretur, post tertium regni sui annum, in cœtu procerum, omnibus in eius exitum consentientibus, confossus periit. Socij scelerum & flagitiorum in crucem acti, & ipsi gratum populo spectaculum præbuere.

30

LXIII. REX.

Successit ei Fergusius tertius, Erfini filius, qui, pari simulatione virtutis, & viti-
orum sceditate vsus, pari prope fato defunctus, pari etiam spatio, id est triennio, regnum tenuit: periit autem, veneno ab vxore dato. Alij scribunt, cum vxor sæpe exprobrasset ei matrimonij contemptum, & pellicum greges, neque quicquam profecisset, tandem noctu dormientem ab ea strangulatum. Quæstione de morte eius habita, cum amicorum plurimi insimularentur, nec quisquam, ne in grauissimis quidem tormentis, quicquam fateretur, mulier, alioqui ferox, tot innoxiorum capitum miserta, in medium processit: ac, e superiore loco eadem a se factam confessâ, ne ad ludibrium superesset, pectus cultro transfodit: quod eius factum varie, pro cuiusque ingenio, est acceptum: ac perinde sermonibus celebratum.

LXIII. REX.

Sequitur Rex Soluathius Eugenij octauæ filius: qui, nisi tertio regni anno e frigore podagram contraxisset, iure inter optimos Reges annumerari potuisset: nihilo tamen minus tumultus, per præfectos, consilio & prudentia sedauit. Primus velut de Rege, ob infirmitatem pedum, securus Donaldus Banus (hoc est albus) occupatis omnibus insulis Occidentalibus, Regem se AEbudarum vocat. Deinde in continentem ingressus, dum vndique pradas agit, a Cullano Argatheliorum, & Duchalo Artholiorum præfectis, in saltum, qui vnum modo exitum habebat, compul-
sus, cum suis frustra erumpere tentantibus periit, nullo superstitæ relicto.

Eadem

Eadem spe & audacia, Gildombus, Gallonidiam a patre vexatam aggressus, ab eisdem praefectis victus, poenas luit. Pax interea ab Anglis & Pictis, rebus eorum domiturbatis, fuit. Soluathius, cum viginti annis praefuisset, cum summa laude moritur, anna Christo nato, septingentesimo, octogesimo septimo.

LXV. REX.

DCC.

LXXXVII.

Huic successit Achaius, filius Etfini. Hic, pace ab Anglis & Pictis parta, cum ab Hibernia bellum instare intelligeret, non modo labore, sed etiam liberalitate, seditiones, domi iamiam erupturas, composuit. Causa belli Hibernici haec fuit. Superiore Rege, ad expeditiones obeundas, inualido, Hiberni & Insulani, spe praedae & impunitatis, eodem tempore cum magnis exercitibus in Canteriam peninsulam proximam exscenderant. Contracto autem inter latrones certamine, Insulanorum multi, Hiberni vniuersi periere. Hanc cladem Hiberni ut vliscerentur, magnam classem ornabant, ad traiiciendum in Aebudas. Achaius cum per legatos ostenderet, nullam iustam belli causam esse, quod latrones, de praeda pugnantes, mutuis vulneribus ceciderint, neque, quod multi perierint, sed quod quisquam euaserit, in damno ponendum esse. Regem & consilium publicum adeo, ab inferenda Hibernis iniuria, abesse, ut caedis nuper factae auctores omnes ad vnum sustulerint. Cum in hanc sententiam multa legati differerent, adeo ferociter ab Hibernis sunt reiecti, ut, ante discessum eorum, classem aduersus Scotos Albinos emiserint. Ea in altum euecta, tempestate vniuersa periit. Res Hibernis in religionem versa effecit, ut pacem, quam superbe recusauerant, suppliciter peterent. Ab Achαιο primum, inter Scotos & Francos, inita est amicitia, hac maxime de causa, quod non modo Saxones Germaniae cultores, sed qui in Britannia quoque ceperant sedes, Gallias piraticis incursionibus infestabant. Deinde etiam a Carolo Magno, qui Galliam non minus literis, quam armis illustrare cupiebat, accersiti e Scotia, qui philosophiam Luteciae Graece & Latine docerent. Apud Scotos enim adhuc multi erant monachi, vetere disciplina nondum extincta, literis & pietate insignes. Quo e numero erat Ioannes, cognomento Scotus, siue Albinus, quod idem valet (Scoti enim se Albinos sua lingua vocant) Caroli praeceptor, qui plurima ingenij sui monumenta reliquit: e quibus nos Rhetorica praecepta vidimus, cum inscriptione Ioannis Albini. Clementis quoque Scoti, qui, eodem tempore, Luteciae literarum insignis professor erat, quaedam scripta adhuc supersunt. Commigrarunt etiam in Gallias complures monachi Scoti, studio pietatis ducti, qui populis circa Renum Christianam doctrinam praedicabant: tanto successu, ut monasteria plurimis in locis condiderint. Eorum memoriae id Germani dederunt, ut usque ad nostram aetatem semper Scotos eis praeficerent. Achaium, pacis cupidum, res Pictica in bellum traxit. Nam cum Athelstanus Anglus vastasset proximos Pictorum agros, Hungus eorum Rex ab Achαιο, Anglis iam ante infenso, decem Scotorum millia impetrauit. Eis filium Alpinum, qui ex Hungi sorore natus erat, praefecit: quibus fretis auxilijs, maximam e Northumbria praedam abduxit. Athelstanus homo ferox, prope vestigijs inherens, cum non procul ab Hadina opido assequitur. Picti, inopinato hostium aduentu consternati, ad arma currunt, & ad noctem usque, se suis tenent locis. Sub noctem vigilijs dispositis, Hungus, ceteris rebus inferior, ad diuinum auxilium conuersus, totum se precibus dedit. Tandem corpore laboribus fesso, & animo cogitationibus agro, cum in somnum incidisset, visus est sibi per quietem, videre Andream Apostolum astantem, & victoriam pollicentem. Hoc viso Pictis narrato, spei bonae pleni, ad conflictum, quem alioqui fugere non poterant, se alacrius comparant: postero die per leues velitationes consumpto, tertio demum ad manus ventum est. Adijciunt & aliud ostentum, crucem decussatam, cum pugnaretur in caelo visam: quae res Anglos adeo conterruit, ut primum Pictorum impetum agre sustinerint. Ibi casus Athelstanus, loco nomen dedisse dicitur, qui adhuc Athelstani vadum appellatur. Hungus Andream victoriam acceptam retulit: eique, praeter alia munera, decimam partem praediarum Regionum donauit. Hic, opinor, fuit Athelstanus, Danicae gentis

R E R V M S C O T I C A R V M

imperator, cui Angli affirmant Northumbriam ab Aluredo concessam. Decessit Achaius, ab initio regno tricesimo secundo anno, a Christo nato, octingentesimo nono.

LXVI. REX.

Huic successit Congallus patruelis: qui cum summa domi, & foris concordia quinquennium regnavit.

LXVII. REX.

Excepit hunc Dongallus, Soluathij filius: cuius seueritatem cum iuuentus ferre non posset, collecti ad Alpinum Achaij filium, quoniam ei persuadere non poterant, ut regnum susceperet, vi & minis eum, in sua verba iurare, cogunt. Is, cum exercitu confecto, se omnia ex eorum sententia gesturum, simulasset, frustratus eos, ad Dongallum venit. Id factum eius quam Regi gratum, tam rebellibus molestum fuit: ideoque, tanquam ipsi Alpini suasu rebellassent, eum apud Regem accusant. Rex, eorum calumnia intellecta, exercitu subito parato, rumorem sui aduentus praeuenit. De comprehensis poenas sumpsit. Decessit interea Hungus: & filius eius natu maior, Dorstologus, fratris Egani fraude periit: nec cadis auctor diu fratri superfuit. Ita, stirpe virili Hungi extincta, sororis eius filius Alpinus, & vetere lege, & cognationis iure proximus haeres, regnum Pictorum petit. Eum cum Picti, ut peregrinum, aspernarentur, Dugallus ea de re legatos ad eos mittit. Picti cum nondum auditos intra quartum diem finibus exire iussissent, Dugallus in eos summa vi bellum molitur. Sed, in ipso apparatu submersa nauicula, in transitu Speia amnis rapidissimi, extinctus est, postquam Scotorum regnum tenuisset annos sex: alij septem.

LXVIII. REX.

Alpinus, Achaij filius, exercitum a Dongallo confectum, aduersus Feredethum, qui sibi Pictorum arrogauerat regnum, ducit. Congressi ad Restenotum Angusia pagum, cruentissima pugna usque ad noctem, incerta victoria, conflixerunt. Mors Feredethi fecit, ut Scoti victores viderentur. Is enim, cum suorum animos in pugna labare videret, cum globo nobilium iuuenum mediam Scotorum aciem perrupit: sed exclusis a suis, cum flore nobilitatis vna interiit. Substitutus in locum eius Brudus, homo ignauus, nec ad rem militarem aptus. Eo regnante, cum Scoti, nullo resistente, praedas ex hostico agerent, Picti, ex composito inter se tumultuantes, Brudum, ante annum in imperio exactum, interficiunt. Ei Kennethum, alterum Feredethi filium, substituunt, nec fratre in bello fortiolem, nec exitu feliciorum. Nam cum, exercitu confecto, in hostium conspectum ventum fuisset, Kennethus clam se subducens, a rustico ignaro, quis esset, sed turpem ei fugam exprobrante, interficitur. Picti, amisso Rege, antequam hostes id persentiscerent, domum reuersi, alterum Brudum, hominem genere factisque nobilem, Regem faciunt. Is, statim accepto regno, primum populos vagos aggressus, ingenti caede temeritatem eorum compescuit: deinde, ut vires affectas auxilijs externis firmaret, legatos cum magnis muneribus ad proximos Anglorum misit. Illi munera quidem acceperunt, & auxilia promiserunt satis impigre: sed flagrantibus Pictis nihil praestiterunt, causati res domi turbatas. Picti, illa spe deiecti, omnibus, qui arma ferre possent contractis, ad vltimum discrimen se comparant, ac recta ad hostem ducunt, qui castra non procul a Taoduno habebant. Vbi in conspectum alij aliorum venerunt, tanto impetu concursus est, quantum vetus odium, ira recens, multae cades mutuae, & vltro citroque damna saepius illata poterant efficere. Cum diu anceps fuisset certamen, tandem centum equites Pictorum ex insidijs surgunt: qui, ut numerus maior videretur, calonibus in oneraria iumenta impositis, cum se in collibus proximis ostentassent, circumaque viderentur, ut pugnantium terga inuaderent, ea specie tantum Scotis iniecerunt terroris, ut ilico sparsi in silvas proximas fugerent. Ea maiori parti saluti fuerunt: pauci in praelio, plurimi a calonibus expeditis in fuga occisi. Alpinus Rex, multique procerum capti: omnes crudeliter caesi. Regis caput conto affixum, ac per exercitum circumlatum, in conspectissimo loco maximi apud eos opidi (id tum Abrenethium erat) ad spectaculum propositum. Locus ubi caesus fuit, Alpinus ab eo adhuc Bas Alpin, id est Alpini mors vocatur.

Ei

Ei post tertium regni annum interempto, successit filius Kennethus. Proxima æstate Picti in spem adducti, si paulum adniterentur, Scotos, ut antea factum fuerat, Britannia posse expelli, auxilio conductis aliquot Anglorum cohortibus, copias, quantas possunt maximas, cogunt. Sed cum seditio inter ipsos orta esset repentina, & adeo vehemens, ut per Brudum Regem componi non posset, solutus est exercitus. Brudus ipse, mœrore magis, quam morbo, post tertium fere mensem decessit. Suffectus ei frater ipsius Druskenus: qui dum componendis domi rebus frustra vacat, Scoti iuvenes aliquot Alpini caput nocte detractum ex eo, ubi Picti id fixerant loco, ad Kennethum retulerunt. Ea res iuuenibus non modo fuit honori, sed agris quoque sunt locupletati. Kennethus, conuentu habito, cum de bello in Pictos consultaret, quanquam Rex & ferocissimus quisque iuuenum, a perfidis iustam expectendam vindictam, suaderent: tamen maior pars, ac potissimum seniores censebant, expectandum, dum vires, superioribus bellis attritæ, reficerentur: a Pictis interea nec pacem petendam, nec bellum gerendum, donec aliqua maior se offerret aut pacificandi necessitas, aut belli gerendi opportunitas. Hæc sententia cum vicisset, consensu tacito vtriusque gentis, triennium proximum pax fuit. Quarto anno Kennethus, belli cupidus, cum paucos in conuentu suæ sententiæ fautores inuenisset, primores gentis ad cœnam vocat: & cum in multam noctem conuiuium fuisset extractum, in aula omnes pernoctant, quod eo facilius eis fuit, quod, maiorum instituto, humi cubarent, in spatiosa domo, ut quisque poterant, compositi, substratis tantum frondibus aut herba. Ibi iuuenem sibi propinquum Rex subornat, ut piscium exuiis (maxime generis asellorum) a siccatis vento piscibus detractis, indutus, noctu ingressus, voce per longum canalem emissâ, ut longius ad aures perferretur, velut cœlitus demissus, eos ad bellum hortetur. Ad hanc vocem, humana (ut tum ipsis visum est) augustiorem, proceres subito expergefacti, plerique etiam vino graues, attoniti, cum fulgor argenteus e pellibus piscium in semisomnes oculos incurreret, aciemque hebetaret, stupore vehementissimo capti sunt vniuersi: cum & oculos species insolita, & animos occulta quædam religio percelleret. Illud etiam admirationem non modice auxit, quod nuncius, persona reliquoque ornatu detractis, cum se per exitum occultum momento temporis e conspectu subduxisset, euanuisse est visus. Mane cum rumor ad Regem permanasset, multique omnia (ut fit) in maius augerent, nec ipse dissimularet similem sibi speciem per quietem obuersatam, omnium decreto bellum, tanquam Deo auctore, gerendum decernitur. Exercitibus eductis, ubi primum alteri alteris visi sunt, non exspectato ducum imperio, qua cuique proximum fuit, in hostem procursum. Nec minus atrociter pugnatum, quam cupide commissum est certamen. Tandem ad Scotos inclinavit victoria. Pictis, in quo plurimum habebant fiduciæ, id ipsum fuit exitio. Cohortes enim Anglorum, cum nullo ordine, sed temerario impetu rem geri, viderent, velut spectatores alieni periculi, in proximum tumultum se subdixerunt. Pictorum maxima cædes fuit, Scotis non solum superiorum temporum odio indulgentibus, sed recentis crudelitatis aduersus Alpini & cæteros captiuos memoria inflammatis. Maxime animos accendit vox, velut tessera, inter Scotos circumlata, ut memores essent Alpini. Ex eo, nec ætati nec conditioni parsum est. Anglos abeuntes colles texere: & a persequendo Scotos pertinax ira, in vindicta exercenda, retinuit. Hac victoria Pictorum rebus vehementer afflictis, ac pene deploratis, pax ut coiret, ab eis tentatum, sed frustra, Scotis nullas condiciones audientibus, nisi regnum daretur. Proximo anno, iam deditis omnibus, qui ultra Fortham ad Septentriones vergunt, ac præsidij impositis, dum Kennethus in citeriores ducit, accepto nuncio, cæsa esse quædam ab eo relicta præsidia, reducto aduersus rebelles exercitu, nemini mortalium Pictici generis perpercit. Omnia ferro & flamma vastata. Druskenus, ea crudelitate Pictis pene efferatis (cum non de regno, sed de vita sua, & suorum sibi decertandum cerneret) quicquid supererat virium, vnum in locum cogit: ac Fortham transgressus, ad Sconam opidum

RERVM SCOTIC. LIB. QINT.

in ripa Tai amnis Scotos opperitur. Ibi pacificatio frustra iterum tentata est, Pictis agro trans Fortham cedentibus, Scotis nihil, nisi omnia permitterentur, audientibus. Prælium, ut in extrema necessitate, fuit atrox. Tandem fracta Pictorum pertinacia, fugientibus Taus fluuius fuit exitio. Ibi Drakenus, cum transire non posset, cum omni fere nobilitate cæsus est. Nec dissimilis fuit aliorum fortuna: qui, cum temere diuersis congregassent se locis, fugam impediende flumine, omnes ad vnum perire. Hinc factum esse, arbitror, ut nostri, vno die septies cum Pictis pugnatum fuisse, tradiderint. Hac clade vires Pictorum penitus fractæ sunt: & Kennethus, ne se reparare iterum possent, Lothianam proximæque regiones similiter ac Transfor-
10
 thanam vastat. Præsidia metu se dediderunt. Qui cladi superfuerunt, pauci in Angliam, omnium rerum inopes fugerunt.

So 03





RE R V M S C O T I C A R V M H I S T O R I A

Auctore Georgio Buchanano Scoto.

LIBER SEXTVS.

VT Fergusium primum, ac deinde secundum, iure optimo, regni
Scotorum conditores superius nominauimus, ita nunc, non in-
iuria, Kennethum, Alpini filium, tertium in eum numerum re-
feremus. Prior enim Fergusius, ex modicis initiis, Scotos ad opes,
vicinis inuidiosas, prouexit: Secundus extorres, & in longinquas
nationes dispersos, & inimicorum opinione penitus extinctos, ve-
lut in vitam reuocauit, & intra paucos annos, in pristinum splen-
dorem restituit. At vero Kennetho, in rebus prope deploratis accepto regno, cum alij,
vix reliquias miseras defendi & contineri posse, sperarent, tantum animi superfuit, ut
hostem, externis auxilijs fretum, & recenti victoria exultantem, multis & asperis (sed
tamen secundis) praelijs fregerit, fractumque ex omni Britannia exegetit, nomenque
Regium, semel ereptum, nunquam, ex eo die, sit passus eum resumere. Hæc, quan-
quam magna sunt, tamen operum eius non sunt maxima. Regnum enim, in du-
plam magnitudinem a se auctum, ita legibus nouis temperauit, & disciplina vetere ro-
borauit, ut nec e bello nata licentia, nec e victoria insolentia, nec flagitiorum, quæ
luxuriam & oculum comitari solent, vllum vestigium, eo viuo, apparuerit: ac legibus
eius, quas Macalpinanas posteritas dixit, multis deinceps sæculis, non minus, quam
armis, Scotica res stare visa est. Sed, his omissis, nos res eius gestas, uti coepimus, pro-
sequemur. Pictis igitur exactis, Kennethus agros, pro virtute cuiusque, suis diuisit:
quorum ambitio multis locis & regionibus noua nomina, veteribus oblitteratis, im-
posuit. Horestiam duobus fratribus, AENEÆ & MERNÆ, partitus est. Altera pars, prisco-
rum Scotorum sermone, adhuc AENEIA dicitur (qui Anglice loquuntur, Angusiam no-
minare maluerunt) altera MERNIA appellatur. Proximam regionem, a Tao vsque ad
Fortham, apparet, veteribus dictam fuisse ROSSIAM, hoc est, peninsulam: cuius nominis
indicia adhuc restant, Culrossia opidum, quod est velut dorsum, aut posterior pars Ros-
siæ: & Kinrossia, quod Rossia caput. Eam regionem nunc FIFAM vocant, a Fife viro
egregio, cui cognomen Duffo fuisse, aiunt. Barodunum opidum in Lothiana, vel, iuxta
aliam dialectum, Dumbarum, a viro strenuo, cui Bar erat nomen, appellatum creditur.
Lothiana, non ita pridem, a Lotho Rege Pictorum nomen habebat: Cunigamia, vox
est prorsus Danica, quam post Kennethum usurpatam fuisse, reor a Danis: qui eam re-
gionem, pulsos extra vallum Seueri Scotos, aliquot annos tenuerunt. Significat autem vox
Cunigham, Regiam habitationem, vel domiciliū, Danorum sermone: Marciam, quod
limes duorum regnorum diu fuerit, credibile est, a Danis etiam ita dictam. Edimburgū,
quorundam vel crassa ignorantia, vel peruersa diligentia, qui nunc Vallem dolorosam,
nunc Castrum puellarum appellant eam arcem, nomen, non adeo per se obscurum,

RERVM SCOTICARVM

prope tenebris immerſi. Nomina enim hæc, e fabellis Gallicis, intra trecentos annos proximos confectis, ſunt mutuati. Certe priſci Scoti Dunedinum, recentiores Edimburgum, patriam in figendis nominibus conſuetudinem ſecuti, eam arcem nominant, quæ rectius (optimor) media inter vtrumque nomen appellatione, Edinum diceretur. Haſtenus de regionum priſcis, & nouis vocabulis: de quibus alio loco plura diximus. Vt ad Kennethum reuertar: Regno (vbi ſcripſimus) armis amplificato, & legibus compoſito, in rebus uſque ad ſuperſtitionem ſcibus auctoritatem Regum confirmare laborans, ſaxum marmoreum, quod ex Hiſpania in Hiberniam tranſtulſſe, dicitur Simon Breccus, in ſcotiam Albinenſem Fergusius Ferchardi filius, atque in Argathelia collocare: ex Argathelia Sconam ad Taum amnem tranſlatum, Kennethus, & in cathedram ligneam incluſum, ibi poſuit. Ea in ſede, Reges Scotorum & nomen & Regum inſignia accipere ſolebant, uſque ad Eduardum primum Anglum, de quo, ſuo loco, dicemus. Sedem Episcopalem, quam Picti Abrenethij collocarant, ad Fanum Reguſi tranſtulit, quod poſteritas, Fanum Andrea dici, maluit. Scotorum autem veteres Episcopi e monaſterijs electi, cum adhuc non honoris & loci, ſed ſanctitatis & doctrinæ certamen inter eos eſſet, ſine inuidia & amulatione paſſim, vbi cuique obuenerat occaſio, ſuum munus obibant, nullis adhuc regionibus definitis: cum nondum functio muneris Eccleſiaſtici eſſet quaſtuaria. His artibus, Kennethus imperio viginti annos præſuit. Quinto incunte regni ſui anno, Pictos proſtigauit, vt eſt in libro Paſſerenſi. Reliquos xvi. annos, poſt ſublatum imperium Pictorum, quietiſſime vixit, domi iuſticia, foris armis pace parata, ac promotiſ de ccc. ſinibus, ab Orcadum inſulis, uſque ad vallum Adriani, dccc. lrv.

LIV.

LXX. REX.

Donaldus eius frater, proxime Rex electus, totam ſecum diſciplinam publicam circumegit. Nam cum, viuo Alpino, temperantiæ ſtudium ſimulaſſet, ac ſeniorum ſibi animos conciliaſſet, eo mortuo, velut metu & magiſtro liberatus, totum ſe voluptatibus dedit. Ac, velut iam de hoſte ſecurus, in militaribus ſtudijs neglectis, venatores, aucupes, & nouarum libidinum inuētores circa ſe prope ſolos habebat. In hos publicum patrimonium profundebatur. Inuentus, ad voluptates explendas prona, Regem, vt elegantem & liberalem, laudibus ad cælum ferebat: paſimoniam ſuperiorum temporum, vt incultam & illiberalem, ridebat. Seniores, cum, omnia breui in præceps ruitura, cernerent, ad Regem collecti, ſui cum officiij, præſentium flagitiorum, & inſtantis periculi admonent. Cum ille nihilo minus in ignauia perſtaret, Pictorum reliquæ, velut claſſico e ſumma deſperatione excitæ, Osbrethum & Ellani, qui inter Anglorum Reges (nam tum in plura regna diuiſi erant) auctoritate & potentia præcelebant, adeunt: ſuam fortunam conqueruntur: auxilium petunt: ſe poſt victoriam, quam Donaldi inertia facile ſpondebat, perpetuo cum omni poſteritate in Anglorum ditione futuros, pollicentur. Angli facile perſuaſi, compoſitis domi rebus, educto exercitu, in Marcia concedere: ac per ſœciales a Donaldō petunt, vt, quos per vim Pictis amicis ſuis Scoti ademſſent, agros reſtituat. Id ni faciat, ſe nuper amicos, nunc etiam deditos non neglecturos. Donaldus, ex maiorum ſententia, quos inuitus (imminente periculo) conuocauerat, habito delectu, ad Ieddā, Teuiotiz amnem, hoſti occurrit: & commiſſo prælio, victor, Osbrethum ad proximōs uſque montes fugat. Inde, ſecundum Tuedam, ad mare profectus, Benuicum ab Anglis capſum, ac deinde, metu ex aduerſa pugna cōterritis, deſertum ingreſſus, nauibus in hoſtio amnis deprehenſis, omni hoſtium commeatu potitur. Ibi voluptatis interpellatæ inſtrumentum naſtus, tranquam inimicis proſus proſtigatis, cupide ſe delectiſ immerſit. Angli, qui ſuperiore prælio magis ſparſi, quā concili fuerant, per ſpeculatores cognita Scotorum ignauia & negligentia, aduocatis auxiliis propinquis agris, noctu ſomno & vino grauatos adiunguntur: & magna caede in ceteros graſſati, Regem ſemifomnem capiunt. Inde victoriam curſum ſecuti, vt latius popularentur, in hoſticum bipartito ducunt. Eorum pars cum ad Forthā veniſſet, coactis nanigijs, trahere in Fifam parant: ſed, multis naufragio amiſſis, ceteris vl tempeſtatis in litus, vnde ſoluerant, reiectis, Sterlinum ducunt: & cum reliquo

reliquo exercitu coniuncti, Fortham ponte transeunt. Scoti, eo ex fuga collecti, magis speciem, quam robur exercitus ostentantes, legatos de pace mittunt: quam Angli, & pugna ad leddam aduersa, & naufragio viribus imminutis, non recusandam censebant. Duræ conditiones propositæ, quas tamen præsens rerû status tolerabiles faciebat, videri: vt omni agro, qui intra vallum Seueri esset, Scoti cederent: vt limites essent, infra Sterlinum Fortha, infra Britannodunum Glotta, inter duos amnes vallum Seueri. In tam dura pace, Scotis non minus lætum, quam inopinatum accidit, quod nulla mentio, de reducendis Pictis, facta esset. Angli enim & Brittones agros relictos inter se partiti sunt, Glotta eos dirimente. Sunt, qui putent, monetam argenteam, 10 quam adhuc Sterlinam vocat vulgus, ibi tum excusam. Agris ita diuisis, Picti, qui sua se recuperaturos crediderant, elusi, ac spe frustrati, ad Cimbros & Scandianos, id est, vt nunc loquimur, in Daniam & Noruegiam transmiserunt. Pauci, qui apud Anglos remanserant, velut res nouas per externa auxilia molituri, ad vnum ab eis cæsi. Donaldo, post pacem factam, ad suos reuerso, maiorum memoriæ ac spei respicientiæ datum, vt honorifice reciperetur. Sed, cum ille in pristina perseueraret ignauia, proceres veriti, ne homo foedus & deses, qui nec consilijs amicorum, nec suis calamitatibus emendaretur, quod reliquum regni supererat, amitteret, eum in carcerem conijciunt. Ibi, vel præ dolore inhiatarum voluptatum, vel metu publici ludibrij, sibi manum intulit, sexto, quam regnum, iniit anno. Hunc Donaldum, alij tradunt, domi forisque rem egregie gessisse, & fato suo Sconæ decessisse, DCCC. LVIII.

DCCC.

LVIII.

LXXI. REX.

Post eum, Constantinus, Kennerthi filius, Sconæ regnum suscepit: vir magni animi, ac virtutis eximiæ. Is, cum acceptam sub Donaldo ignominiam delere, atque ad fines a patre relictos regnum promouere cuperet, a senioribus inhibitus, quod iuuentutis magna pars sub Donaldo extincta, & reliqua ita corrupta fuerat, vt arma publice ei committenda non viderentur. Igitur primum ad disciplinæ publicæ emendationem Rex conuersus, sacerdotum ordinem, iam relicto prædicandi Evangelij munere, luxu corruptum, & venationibus, aucupijs, aulicæque pompæ deditum, ad veterem parsimoniam, legibus seuerissime latis, reduxit. Iuuentutem, delitijs effœminatam, humi cubare, ac semel quotidie cibum sumere, iussit. Ebrios capitali supplicio multauit. Lusus prohibuit, nisi, qui ad militiam corpus animumque firmarent. His legibus, adolescentia ad meliorem frugem conuersa, extitit repente insulanus quidam Euenus, quem ipse Abriæ præfecerat, homo inquietus, & regnandi cupidus: qui gnarus, quam ægre iuuentus legum nouarum asperitatem ferret, primum inter paucos, ac deinde pluribus adhibitis, de præsentis rerum statu conquestus, vbi, suam orationem secundis auribus accipi, vidit, facile persuasit, ad coniurandum, de Constantino tollendo. Sed dum diligentius, quam cautius factioni vires adiiciunt, a suis proditi, antequam, in se copias comparari, 40 intelligerent, oppressi fuerunt. Euenus, coniurandi princeps, laqueo strangulatus. Circa hæc tempora, Dani tum omnium Germanorum opibus florentissimi, a Pictis aduersus Scotos, item a Buerno (vel vt alij scribunt, Verna, cuius vxori Osbrethus, per vim, stuprum intulerat) sollicitati, abundante domi iuuentutis multitudine, facile consenserunt, vt in Britanniam classe magna transmitterent. Primum in agrum Fisanum exscenderunt. Ibi obujs omnibus, ob Christiani nominis odium, sine discrimine trucidatis, bifariam diuiso exercitu, agros late vastarunt. Aduersus eos Constantinus profectus, primum in eam incidit manum, cui Hubba Regis Danorum frater præerat. Hi, subito Leuini amnis incremento prohibiti cum suis vires coniungere, facile victi, omnesque cæsi, præter paucos, qui, nandi periti, 50 flumen transiere, atque ad Humbrum alterum ducem peruenere. Ad hos, fluuium iam permeabili, Constantinus, tanquam ad prædam, non ad prælium ducens, eos est affecutus, non procul a Caralia opido, castris iam permunitis. Dani enim, ab aduersæ pugnae euentu, magis in omnia intenti, super modicas & flexuosas rupes,

R E R V M S C O T I C A R V M

prope litus, cumulis obiacentium passim saxorum aggestis, speciem valli obiecerunt. Ibi Constantinus eos adortus, loci iniquitate Danorum desperationem iuuante, multo cum suorum sanguine suæ temeritatis poenas luit. Magna enim exercitus parte amissa, ipse captus, & in speluncam modicam tractus, occiditur. Extant adhuc eius pugnae monumenta, specus, & castrorum ambitus, non æquis spatiis dimensus, sed ad rupium flexus circumductus. Rei male gestæ culpam quidam in Pictos conferunt, qui a Constantino in fidem recepti, ac in commilitium asciti fuerant. Ab eis initium fugæ factum, magnam exercitus partem vna auerit. Dani, spolijs collectis, ad naues abierunt. Postridie Regis cadauer inuentum, ad sepulchra maiorū, in Ionam insulam deferitur. Regnum autem tenuit Constantinus annos sedecim, anno: DCCC. LXXIIII. 10

DCCC.

LXXII. REX.

LXXIIII.

Successit Ethus frater, a pedum celeritate Alipes cognominatus, nulla alia commendatione, Rex electus, nisi, quia reliquias exercitus a Danis profligati reduxit. Inter ostenta numerantur pisces marini, raro quidem & per longa temporum interualla semper gregatim, sed nunquam, sine magno mali præfagio, visi. Vulgus alii monachos marinos, alij Bassinetos, quasi dicas galeatos, vocant. Ethus immemor fratris & maiorum, cum se omnibus vitijs pollueret, ac iuuentutem, ad peiora procliuem, secum traheret, coniuratione nobilitatis facta, capitur: & oratione longa totius vitæ flagitijs populo expositis, regnum eierare cogitur, secundo, quam regnare cœperat, anno. In custodia tertio die mœrore perijt. Maxime viros militares offendeat eius 20 segnities, quod, Danis aduersus Anglos cruento bello contendentibus, de recuperandis regionibus amissis, nec ipse cogitaret, nec, se admoneri, pateretur. Sunt, qui, non coactum cedere regno, sed ab æmulo regni Gregorio in quadam pugna vulneratum, duos post menses interiisse, scribant: DCCC. LXXV.

DCCC.

LXXV.

LXXIII. REX.

Etho Gregorius, Dongalli filius, est suffectus, homo plane animo Regio, & cui nulla virtus abesset, quæ virum principem deceret. Primum omnium reconciliatis omnibus, quos, in regno petendo, habuit aduersarios, animum adiecit, vt procerum inter ipsos tolleretur discordias. Seueritatem imperij ita comitate temperauit, vt plura caritate, quam metu apud suos perficeret. Leges, de immunitate ministrorum Ecclesiæ (qui, sub Pictis, prope seruorum loco fuerant) vel veteres reuocauit, vel nouas condidit. Prima ei expeditio in Fifam, aduersus Pictos, illic a Danis relictos, fuit, dum ipsi in Anglos arma transferunt. Eos non modo illinc, sed e Lothiana & Marcia eiecit. Cum Bernicum venisset, Dani, si quid ipsis accidisset, Anglos etiam a tergo meruentes, non ausi cum Gregorio Marte aperto congregi, partem suarum copiarum trans fluuium in Northumbriam miserunt, iussam, cum noua manu popularium recens aduecta se coniungere, reliqui, vt opido essent præsidio, Bernicum ingrediuntur. Verum Angli, qui Danis (diuersæ religionis hominibus) inuiti parebant, nocte Scotos in urbem receperunt. Dani, in medio cæsi, ad vnum interiire. Inde in Northumbriam Gregorius profectus, cum Hardunto feliciter confligit: tantamque Danorum cædem fecit, vt 40 eorum vires, toti nuper Britannia formidabiles, partim a Gregorio Scoto, partim ab Aluredo Anglo prope confectæ fuerint. Gregorius, recepta Northumbria, Angliſque, qui abire vellent, cum bona gratia dimissis, reliquis humaniter habitis sedes dedit. Maiorem eorum partem retinuit, partim soli natalis amor, partim Regis beneficentia, & timor ab hostibus. Nam, cum iam per aliquot annos tam incerta victoria, totque conflictibus cruentis cum Danis esset bellatum, multi Anglorum Scotis, etsi antea inimicis, tamen Christianis parere malebant, quam vel in crudelium Danorum potestatem venire, vel incerta suorum auxilia sperare, præsertim rebus ita per totam insulam turbatis, vt fere semper Angli dubitare cogerentur, cui primum parti opem ferrent. Re aduersus Danos ita gesta, vt diuturnam ab eis quietem speraret, arma vertit in Brittones, qui partem agri Scotici adhuc tenebant. Cum his quoque pace facta, receptis agris, promissoque auxilio aduersus Danos, si redirent, exercitum dimisit. Verum Brittones domum reuersos pacis

pacis initæ poenituit. Igitur Scotiam hostiliter ingressi, cum prædam ingentem aspor-
 tarent, Gregorius eos ad lacum Mabanum, ingenti prælio, fudit, Constantino eorum
 Rege cæso. Cum hunc prauis consilij fructû Brittones retulissent. Heberto Constantini
 fratre Rege creato, cogitare coeperunt, quam suæ res in præcipiti starent, Scoris & Da-
 nis inimicis, nec amicitia cum Anglis vnquam satis fida: decretum fit de pacificando
 cum Scotis. Missi ad id legati, cum nihil transigerent, nisi Cumbria & Vestmaria reddi-
 tis, pax in eas leges est facta. Acceperunt, eodem fere tempore, legati ab Aluredo Anglo,
 partim, vt victoriam de Danis gratularentur, vt quæ communiter omnibus Christianis
 iucunda esse debeat: partim, vt nouo fœdere se, aduersus omnes Christianorum ini-
 10 micos, confirmarent. Pax his legibus est facta, vt peregrinum hostem communibus
 auxilijs propulsarent: vbicunque exscenderent, cum viribus, quantis possent, vterque
 populus accederet: quod agri de Danis Scoti cepissent, vt id, sine controuersia in po-
 sterum tenerent. Ita pace armis vndique parta, & fœderibus stabilita, Gregorio reuer-
 so nuncius affertur. Hibernos in Gallouidiam irrupisse. Causa bello prætendebatur,
 quod Dublinensium (quæ ciuitas est Hiberniæ) Gallouidiani naues aliquot longas, ad
 suum litus appulas, hostiliter diripuissent. Hiberni, audito Gregorij aduentu, trepide
 cum præda se in naues coniecerunt. Gregorius, coacta classe, ac firmo exercitu in Hi-
 berniam, vbi primum ei commodum fuit, traiecit. Erat, per id tempus, Duncanus, siue
 Donatus, seu verius Dunachus, eorum Rex, adhuc puer, Brienus & Cornelius, secun-
 20 dum Regem potentissimi, totam gentem in duas factiones distraxerant. Hi ad externi
 hostis aduentum, inducijs factis, ad Bani fluminis ripam locis, vt videbatur, satis tutis
 bina castra communierant, eo consilio, vt impetum Gregorij mora eluderent, & ino-
 pia comineatuum, e solo peregrino & peruastrato eum abigerent. Et Gregorius id ipsum
 agi suspicatus, partem exercitus noctu clam misit, qui tumultum editiorem, supra Brieni
 caput, occuparent. Ex eo tumultu postridie, cum incalesceret pugna, magnæ saxorum
 moles, deuolutæ multos in castris obtriuierunt: reliquis tantum iniecerunt pauoris, vt
 ordine nullo, quo quisque poterat, diffugerent. Cornelius, hoc euentu pugnae audito,
 suos integros in tutiora loca reduxit. Brienus in castris periit: reliqui, iubente Grego-
 rio, quoad fieri potuit, incolumes seruati. Agrum sine noxa miles transiuit. Eæ re effe-
 30 ctum est, vt maior pars, se Regis clementiæ permittere, quam vim experiri, mallet. Opi-
 da munitiora præsidij tenebantur. Gregorius, Dundargo & Ponto, locis natura & o-
 pere tutis, in suam potestatem redactis, Dublinum ducere statuit. Sed, cum rescisset,
 Cornelium omnibus Hibernorum copijs præfectum, cum ingenti exercitu eodem ad-
 uentare, in eum conuersus, acie vicit: & fugientes Dublinum vsque secutus, opidum
 obsedit. Verum, cum tantæ multitudini, quanta illuc confugerat, comineatus non suffi-
 cerent, breui id opidum dedente Cormacho, loci Episcopo, sine cuiusquam detrimento
 aut iniuria ingressus, Duncanum Regem propinquum suum inuisit: ac testatus, nulla
 se regni vel opum cupiditate, sed iniuriæ vindicandæ causa, illuc accessisse. Cura pueri
 educandi maioribus natu, quos, maxime fidos ei fore, credebat, commissâ, ipse, tutoris
 40 nomine, dum Rex adolesceret, suscepto, ac præsidij in arces impositis, iusiurandum a
 proceribus exegit, neminem se Anglum, Brittonem, aut Danum in Insulam, sine di-
 plomate ipsius, admissuros. Præfectos locis commodis imposuit, qui e legibus patrijs ius
 dicerent: ac sexaginta, hæc ita fore, obsidibus acceptis, domum magna cum laude rediit.
 Hæc fama iustitiæ pacem in reliquum tempus certiolem, quam vllus armorum terror
 potuisset, præstitit. His rebus domi forisque patratis, duodeuicesimo regni anno de-
 cessit, non minus iustitia & temperantia, quam fortitudine clarus: vnde merito apud
 suos Magni cognomentum est adeptus DCCC. XCII.

LXXIIII. REX.

DCCC.

XCII.

Proxime Rex est factus, Constantini secundi filius, Donaldus, eius nominis quintus,
 50 ab ipso Gregorio, antequam decederet, proceribus commendatus. Is iudicium de se, viri
 prudentissimi, non fefellit. Ita enim pacem coluit, vt semper ad bellum fuerit paratus.
 Et cum nemo diu laceggeret, id operam dabat, ne iuniorum animi, pacis bonis corrupti,
 nimium luxuriarent: & quod antea sæpe acciderat, in fœdissima vitia prolaberentur.

R E R V M S C O T I C A R V M

Cum noua Danorum manus ad Northumbriæ litus appulisset, ac, sine cuiusquam iniuria, illic ad anchoras aliquot dies stetisset, Donaldus, confecto exercitu, eo profectus, in occasiones omnes intentus, regioni præfedit. Tandem, audito, Danos in Anglorum agros exscendisse, auxilia ad Aluredum Anglum misit. Is adeo cruento prælio de hoste victoriam retulit, vt non recusaret, eos in partem agri accipere, modo Christiani fierent. Ita pace composita, ac demisso exercitu, nouus Donaldum domi tumultus excepit. Inter Rossos & Morauos, ex paruis latrocinij, subito tam magnum incendium est ortum, vt plures interdum tumultuarijs congressibus caderent quam alias iusta acie. Eo Donaldus profectus, ducibus factionum sublatis, pacem cæteris restituit. Ioannes Fordonus, Scoti chronici scriptor, in hac expeditione Foressæ eum decessisse, affirmat, nec sine suspicione veneni. Boethius, in Northumbriam reuersum, vt videret, quo pax cum Danis, quam semper habuerat suspectam, vergeret: ibique, post vndecimum regni annum, factum, 10
DCCC. 10 suo functum, iuxta summis & infimis carum, a Christo nato, DCCCC. III.

III.

LXXV. REX.

Ei successus est Ethi filius, Constantinus tertius: homo non tam ingenio prauo, quam in bono parum constante. Dani, qui nullis pollicitationibus Gregorium & Donaldum, proximos Scotorum Reges, potuerant flectere, vt arma aduersus Anglos tum Christianos sumerent, Constantinum facile, muneribus & vana spe finium proferendorum, corruerunt, vt secum foedus iniret. Quod cum vix biennium durasset, Scotis relictis, Dani cum Anglo foedus percussere. Eo quoque vix quatuor annos continuato, Eduardus 20
Anglus, milite repente coacto, Danorum agros longe lateque populatus, eo desperationis eos reduxit, vt ad Scotos, nuper a se relictos, redirent: ac sanctissime iurarent, se amicitiam perpetuo duraturam inituros. Hoc secundum foedus magna ceremonia fuisse factum, memoratur, decimo quam Constantinus regnare cœperat, anno. Is eodem quoque anno, Milcolumbo proximi Regis filio Cumbriam donauit: qui honor velut augurium & argumentum erat, eum proxime regnaturum. Ac deinceps in proximis aliquot Regibus id fuit obseruatum, manifesta aduersus veterem comitiorum rationem fraude, quæ omnem liberorum suffragiorum vim prope tolleret, non minus ac Cossæ Caesaribus designatio. Otto igitur bello inter Eduardum Aluredi filium, & Danos, Constantinus auxilia Danis, Milcolumbo duce, misit. Hi, exercitibus iunctis, multitudine 30
sua fratri, late proximos Anglorum agros populantur: & maximam, quacunque eunt, vastitatem faciunt, eo scilicet consilio, vt Anglos, longe numero inferiores, ad prælium illicerent. Tantum enim sibi arrogabant, vt, ne conspectum quidem suum hostem laturum, existimarent: ac iam, non de victoria, sed de spolijs partiendis, cogitarent. Verum, vt secundæ res animos interim prudentiorum occœcant, ita aduersæ, periculorum cogitatione, infirmiores erudiunt: Angli quod viribus deerat, consilio suppleant. Acie subsidijs commode firmata, iussis primis, cedentium speciem præbere, ac deinde solutis hostium ordinibus, confertim in persequentes redire, pugnam non morantur. Præerat omnibus Anglorum copijs Athelstanus Eduardi nothus, vt nostri scriptores contendunt, assentiente etiam Graftono. Hunc quoque Athelstanum parricidij 40
infamem faciunt, interfecto patre, ac duobus fratribus, qui iure patri proxime succedere debuerant, Edredo scilicet, & Eduino. De patris morte violenta, suspensionem auget fama, quod eum quidam Eduardum Martyrem appellat. Ob id facinus, inuisus suis, vt illustri aliquo facto populi fauorem sibi acquireret, statuit, propinquorum manibus hostium sanguine parentare. Igitur, cum satis acre prælium initio conseruisset, sensim primo, deinde trepidantius cedendo, cum iam veræ fugæ speciem præbuisset, Dani & Scoti sese victores rati, ne, si longius sequerentur, præda omnis penes inertissimos esset, ad castra diripienda, recurrunt. Tum dato signo ab Athelstano, Angli ad signa collecti, sparsos & præda graues adorti, velut pecora trucidant. Perijt in ea pugna maior Scoticæ nobilitatis pars, dum mori potius eligunt, quam ignominia (velut socio- 50
rum desertores) superesse. Milcolumbus, multis vulneribus faucius, in pacatum a suis reportatus, tristem amissi exercitus ad Regem Constantinum nuncium pertulit. Neque apud Danos latiores res fuere. Athelstanus, attonitis tanta clade hostibus, de
Scotis

Scotis Cumbriam & Vestmariam, de Danis Northumbriam cepit. Constantinus, habito procerum conspectu ad Abrenethum, cum neque virium satis, nec ad belli, nec ad pacis munia sustinenda, reliquum esset, eiurato sponte magistratu, ad Culdeos, hoc est Dei cultores (ita enim illius ætatis homines Monachos vocabant) se, velut in portum recepit, ac reliquos vitæ annos quinque inter eos ad Fanum Andree transegit. Decessit, anno a regno inito quadragesimo, a Christo nato DCCC. XLIII. Hic Angli, profusi in suas laudes, tradunt, Athelstanum totius Britanniae vnicum fuisse Regem, ceteros, qui intra Albium regium nomen usurpant, precario regnasse, ac beneficiarios eius fuisse, eique sacramentum, seu supremo domino, solitos dicere. Testesque eius sententia laudant multos scriptores Anglos ignobiles, quibus ut facilius crederemus, Marianum Scotum, fama illustri hominem, adiungunt. Qua de re lectorem admonendum, putavi, nusquam in eo Mariani codice, qui est in Germania editus, ullam prorsus esse mentionem. Ipsi vero, an alium habeant ab eo, qui publice legitur, Marianum, aut interpolatum, aut a se confictum, cum, velim, proferant. Quid, quod ne suos quidem scriptores (quippe homines magna ex parte ineruditi) satis alicubi intelligant, nec animadvertunt, apud Bedam, Gulielmum Malmesburiensem, & Galfridum Monumetensem, Britanniam per unumque vocari eam partem, cui Brittones imperarant: hoc est, quæ est intra vallum Adriani, aut, cum longius eius fines protendunt, intra vallum Seueri: Scotos vero & Pictos sæpe extra Britanniam censerit, & interim Transmarinos populos dici. Quod igitur apud illos est, Anglos toti Britanniae imperasse aliquando, id isti ita accipiunt, ac si diceretur, totam Britanniam, id est Albium, siue Albionem, cum illi brevioribus finibus plerumque, uti dixi, Britanniam circumscribant. Sed de his alio loco latius disseruimus. Nunc ad res Scotorum redeamus.

LXXVI. REX.

Constantino in Monachorum secessu quietem amplexo, Rex declaratur Milcolumbus, Donaldi filius. Athelstano mortuo, ac regnante fratre eius Edmundo, Cumbria & Vestmaria, relictis Anglis, ad assuetum imperium redire? & Dani, qui in Northumbria remanserant, Aualassum Danum, hominem regij generis, tum in Hibernia exulantem, ad regnum accipiendum, vocant. Edmundus prospiciens, quanta belli moles instaret, Milcolumbum Cumbria & Vestmaria donat, ea lege, ut, qui proxime in regnum Scotorum successurus esset, sacramentum Anglorum Regi, seu supremo eorum locorum domino, diceret. Deinde Danos, varijs calamitatibus afflictos, facile in suam ditionem redegit: nec ipse diu ei victoriæ superstes fuit. Angli, in locum eius, fratrem Edredum Regem creant. Aduersus hunc cum Dani, qui Northumbriam tenebant, nec unquam bona fide pacem cum Anglis fecerant, rebellassent, multa que loca munita de eo, in diuersa regni parte occupato, cepissent: ac in primis Eboracum, decem millibus Scotorum in subsidium acceptis, Anglus eos magna clade compescuit. Milcolumbus, domum reuersus, totum se pacis artibus dedit. Ut autem belli vulnera, ac potissimum licentiam & luxum sanaret, vniuersos Scotorum conuentus iuridicos alternis fere annis inuisebat: & summa cum æquitate ius dicebat. Tandem decimo quinto regni anno, dum actius latrocinia punit, & luxuria diffuentes iuniorum mores coercet, in Moravia noctu a coniuratis est extinctus. Facinoris conscij diligenter a proceribus quæsit, ac deprehensi vario suppliciorum genere, pro cuiusque opera in scelere patrando, affecti.

LXXVII. REX.

Proxime regnavit Indulfus: qui, rebus domi compositis, proximum septennium in summa tranquillitate transegit. Octauo demum regni anno, Dani aggre ferentes, amicitiam Anglorum suæ prælata, sedusque perpetuum a duobus regibus aduersus se factum, classe quinquaginta navium, Scotis nihil minus expectantibus, in æstuarium Forthæ fluminis ingressi, prope nec opinantes oppresserunt. Igitur in re tam subita, terroris ac trepidationis plena fuerunt omnia, alijs bona sua in loca tutiora ac mediterranea transferentibus, alijs ad mare concurrentibus, ut hostem exscendere prohiberent. Præerant classi Hago & Helricus. Hic cum Lothianam, ac deinde Fifam frustra tentassent, Tai æstuarium adeunt. Illic quoque terra prohiberi, cum reliquum litus legerent, Aeneiam,

R E R V M S C O T I C A R V M

siue Angusiam, Merniam, Marriam, Buchaniam præteruecti, nec usquam admissi, tanquam discessuri, vela in altum dederunt. Deinde, omnibus securis, post aliquot dies reuecti, in litore Boine ad Collini fluminis ostium nacti locum idoneum, antequam edito tumultu accolæ accurrerent, nullo prohibente, militem exponunt. Eorum aduentum rescisset Indulfus, pene famam sui præuenit: ac, primum in sparsos populos inuectus, eos ad reliquum exercitum compulit, minore quidem cum caede, quod Danorum castra non longe aberant. Vbi in mutuum conspectum est ventum, sine mora in structis aciebus, paribus prope animis & viribus est concursum. Cum acriter utrinque pugnaretur, subito Danos perturbarunt a tergo conspecti Gramus & Dumbanus, cum Lothianis cohortibus. Cum alij ad naues, alij, quo metus hostium agebat, per loca ignota fugerent, maior pars in valle siluestri conglobati, occasionem aut rei bene gerendæ, aut fortiter moriendi oppetiebantur. Indulfus, velut penitus hostibus profligatis, cum paucis obequitans, casu in eos illatus, occiditur, ineunte decimo sui regni anno. Præfuit enim Scotis nouem annos, & tres menses. Sunt, qui, sagitta e naue missa interemptum, prodant: dum exarmatus, ut fugientibus vehementius instaret, in conscendentes acius fuisset inuectus.

L X X V I I I. R E X.

Eo defuncto, regnum adeptus est Duffus, Milcolumbi filius. Is statim Culenum, Indulfi Regis filium, præfecit Cumbriæ, atque in AEbudas tumultuantes misit, ut eas a latrocinij purgaret. Iuuentus enim nobilis, magno numero comitum ascito, victigalem sibi plebem faciebat, præter victum gratuitum, certa pecunia singulis familijs indicta. Nec in eos asperior fuit Culenus, quam in ipsos insularum præfectos, qui genus id hominum coercere debuerant. Indictum eis, ut in posterum ipsi, quorum negligentia hæc eueniebant, damnum acceptum plebi, multam Regi persoluerent. Hæc denunciatio tantum ociosis illis nebulonibus terroris iniecit, ut in Hiberniam plurimi discederent, & ibi, mercenaria opera, victum quærerent. Quam hæc res plebi fuit grata, tam proceres exulum propinquos, multosque iuuenum, id genus ociosæ vitæ probantium, offendit. Hi, in omnibus stationibus & conuenticulis primum secretis, mox comprobantium multitudine freti, apertis criminationibus Regem lacerabant. Eum, nobilitate contempta, Sacrificulorum consilijs abduci: homines, honesto loco natos, ad seruilium munera cogere: plebis ultimos ad summos honores prouehere: omnium rerum discrimina tollere, ac summa in finimis miscere. Hic status rerum si perseveraret, aut nobilitati alio migrandum esse, aut alium Regem creandum, qui populum in maiorum institutis, quibus hoc regnum, ex tam paruis initijs, in hanc magnitudinem sit progressum, contineat. Inter hæc, Rex, nullis apparentibus causis, morbo nouo & inaudito affligi coepit: tandem, alijs alia remedia frustra quærentibus, incertis auctoribus, rumor est peruulgatus, eum maleficarum veneficijs peti, siue ex indicijs orta suspitione: siue cum e perpetuo sudore corpus paulatim contabesceret, & vires deficerent, medicique vndique acciti nihil salubre proferrent. Communibus morborum causis non se prodentibus, ac occultam decursum est. Omnibus igitur in hoc vnum intentis, tandem allatum est, Foreslæ (quod est Morauia opidum) conuentus nocturnos, in eius perniciem, fieri. Id, quia nihil aliud occurrebat, pro vero acceptum. Missi, ad rem explorandam, fidi homines ad Donaldum arcis præfectum, cui, maximis de rebus, Rex semper maximam habere fidem solebat. Is, indicio cuiusdam meretriculæ, cuius mater eius artis infamia laborabat, totam rem deprehendit ac detexit. Puella enim, quod de salute Regis, ac sine vitæ proximis diebus quædam temere effudisset, capta, statim ostentatis tormentis, quid in Regis exitum pararetur, indicauit. Missi milites puellæ matrem cum aliquot mulierculis, effigiem Regis ceream lento igne torrentes, comperiunt. Id facinus eo tendebat, ut, cera paulatim liquecente, Rex, in sudorem solutus, sensim contabesceret: ea vero consumpta, spiritu defectus moreretur. Fracta cerea imagine, ac punitis veneficis, tradunt, eodem momento, Regem morbo leuatum. Hæc ego, ut a maioribus accepi, tradenda censui. Quid de hoc genere veneficij sit sentiendum, legentium iudicio relinquo. Admonendum tamen existimaui lectorem, apud vetustiores non inueniri. Inter hæc obiecto Regis, quem breui moriturum sperarant, metu, multæ passim cades, multa latrocinia fiebant.

Duffus

Duffus, recuperatis viribus, latrones per Morauiam, Rossiam & Cathanesiam secutus, multos varijs casibus interemit. Principes eorum Foressam, vt conspectius fieret supplicium, puniendos reduxit. Ibi, cum Donaldus, arcis praefectus, aliquot necessarios suos poenae eximere precibus nequisset, ingentem irae molem aduersus Regem concepit: ac totus, velut insigni contumelia affectus, in vindictae cogitatione erat. Tanti enim sua erga Duffum beneficia aestimabat, vt, quacunque de re, nullam ab eo repulsam pati deberet. Vxor quoque Donaldi, cum supplicium noxiorum ad aliquot ipsius propinquos, pertinuisset, agrum mariti animum, non modo verborum acerbitate inflammavit, sed consilio ad Regis necem armauit, affirmans, regiae arcis custodem vitam, 10 mortemque eius in sua manu habere: eaque potestate praeditum, non modo vt facinus patrare, sed etiam patratum occultare posset. Igitur cum Rex altiore somno, post negotia, esset oppressus, & ministri eius, a Donaldo largius inuitati, iacerent, immixtis percussoribus, nemine prorsus sentiente, curat, iugulatum Regem per posticum effe- rendum ita circumspicere, vt nulla sanguinis gutta facinus proderet, atque ad duo millia passuum a Kinlossio coenobio, sub ponticulo quodam, in loco obscuro sepeliendum, cespite herbosa superinducta, ne quod terrae effossae vestigium appareret. Hoc mihi verisimilius videtur, quam quod alij tradunt, auerso amnis cursu, in scrobem corpus in- iectum: deinde reuocato in suum alueum flumio, sepulcrum reatum. Ministri quoque sceleris ablegati: quod opinio, a maioribus accepta, nostrorum hominum animos ad- 20 huc obtineat, praesente caedis auctore, cruorem e vulneribus, velut recente facinore, post aliquam multos dies manaturum. Postridie vulgato rumore, Regem nusquam com- parere, lectum cruore esse conspersum, Donaldus, re atroci & subita percussus, in cu- biculum aduolat: ministros, tanquam irae impatiens, iugulat: cuncta circum circa dili- genter peruestigat, si qua cadaueris indicia comparerent. Caeteri, tam nouo scelere at- toniti, cum sibi quoque metuerent, domum quisque discedunt. Ita Rege optimo in ata- tis flore, per nefarium scelus, postquam quatuor annos, & sex menses regnasset, extin- cto, vbi primum commodum fuit, comitia, nouo Regi creando, sunt habita.

LXXIX. REX.

Rege in comitijs creato Culeno, Indulfi filio, nihil prius actum, quam quaestio, de 30 Regis Duffi caede, decreta esset. Adigebant quoque, vt id properarent, prodigia: vnum, quod proprie ad facinus pertinere videbatur: Accipiter a bubone, reciso gutture, est in- terfectus: Alterum vulgi interpretatio eodem referebat. Per sex totos post caedem men- ses, crebri, praeter solitum ignes, micabant: & aer ventis vehementioribus agitur, & nubibus ita obductum fuit caelum, vt neque Sol, neque luna vsquam in Scotia conspi- ceretur. Omnibus igitur in id vnum intentis, vt optimi Regis mortem vlciscerentur, Culenus in Morauiam properat: tanquam illic, vbi scelus patratum fuit, certiora eius reperturus indicia. Donaldus, ad hunc rumorem cum sibi nefariae crudelitatis esset con- scijs, & nimia, & prope insana eius, in auctoribus vestigandis, diligentia multis esset 40 suspecta, nauem ad ostium Spæ fluminis nactus, inscijs vxore & propinquis, eam cum paucis conscendit: veritus videlicet, ne res ex ipso tormentis exquireretur. Hic quoque eius festinatio, & vultus perturbatus, & comitatus, & in conscendendo trepidatio, praesertim in nauiculam forte oblatam, sine villo apparatu, ita vehementer in omnium, qui aderant, animos impressit suspicionem, vt a nullo genere contumeliae in eum tempera- rent, impium, sacrilegum, parricidam, & si quid ira grauius subiiciebat: acclamantes. Etsi Regis aduentum fugeret, Dei tamen prouidentiam subterfugere non posse. Deni- que omnibus execrationibus, quas indignatio commotis animis offerebat, eum pro- secuti sunt, donec, in altum euectus, e conspectu abiit. Nuncio tam trepidae fugae ad Culenum perlato, iter accelerat. Vxorem Donaldi, ac tres filios, repraesentatis tormen- tis, cogit, omnem facinoris ordinem exponere. Item corpus quomodo, per quos, vbi 50 sepultum. Horum omnium se marito non consciam, non comitem modo, sed aucto- rem fuisse. Haec audiente populo (nam palam quaestio habita erat) vix a magistratibus persuaderi poterat, vt manibus temperaret. Postridie Donaldus, cum aliquot dies ven- tis aduersus fuisset iactatus, tandem naufragio in litus eiectus, ad Regem perductus, vna

RERV M SCOTICARVM

cum suis omnibus poenas dedit. Qui eum ad regem adduxerant, liberaliter muneribus donati. Arx, omnibus, qui in ea erant, caesis, cremata. Corpus Duffi honorifice maiorum sepulchris illatum. Hæc ut bonorum animos vehementer Culeno conciliarunt, ita reliquus vitæ cursus tantum ei peperit odium, quanto, ante eum, nemo regum flagrauerat. Siue enim naturæ sponte inductus, siue metu (ut videri volebat) periculi tractus, disciplinam seueram, sub Indulfo Duffoque cultam, solui, est passus: ac iuuentutem, comestationibus intempestiuis & peregrinis delitijs fractam, permisit, ad libidines legibus vetitas, deinde ad vim apertam latrociniaque prorumpere. Eo cum maiorem adolescentium nobilium partem inclinare, intellexisset, protinus & ipse eodem deflexit, ac palam ira se flagitijs immerfit, ut nec a matronis honestis, nec sacris virginibus (quæ tum, ob singulare pudicitiae seruandæ studium, erant in honore) nec a fororibus suis, nec a filiabus temperaret, cæterarumque virginum greges, per conquisitores adductas, velut in prostibulo contineret. Cum a viris prudentioribus admoneretur, partim iuuentutem, ætatis excusatione, defendebat, partim se, etiam si, quædam minus recte fieri, confiteretur, metu tamen, ad ea toleranda, cogi. Meminisse etiam, quantam superioris regis intempestiua seueritas attulerit, non modo ipsi, sed toti regno calamitatem, in nobilitate firmamentum esse regnorum: neque verum esse, isto liberiore viuendi genere, spiritus eorum Martios frangi, & humiles deiectosque reddi, ac studia belli sic in pace ab eis negligi, ceu, nunquam bellum fore, sperent. A Etatis florentis luxuriam ita compescendam esse, ne effluat, & bonam ingeniorum frugem, nimia lætitia, in herba strangulet: non autem omnino succidendam, ne simul virtutum seminaria tollantur. His auditis, nobiles cum nihil apud regem admonendo proficerent, sibi etiam ea libertate sermonis periculum crearent, ab aula secesserunt, ne non modo testes, sed interim participes fieri cogèrentur earum rerum, quibus cernendis audiendisque, oculos & aures conscelerare sese, existimabant. Et Rex, tam molestis arbitris liberatus, se totum conuiuijs Venerique dedit. Nec præmia deerant, si quis nouum voluptatis genus, quantumuis spurcum, ac detestandum, inuenisset. Noctes diesque, aula lasciujs cantionibus ebriosorumque clamoribus perstrepebat. Nec minor illic laus erat impudentiæ & intemperantiæ, quam apud bonos & honestos esse solet, modestiæ & pudoris. Nam quæ apud alios mortales, etiam cum lege sunt permissa, cælantur, ibi in proparulo, absque verecundia fiebant. Iuuentus illecebris voluptatum delenita, & adulatorum scurrarumque turba regem in cælum laudibus ferre: ut qui, primus, splendorem magnificentiamque cum auctoritate coniunxerit, & seueritatem imperij comitate temperarit, & laborum molestias animorum remissione leuarit. Ad hæc autem continuanda, cum sumptu opus esset, opulentiores, confictis causis, spoliabantur: plebei homines non modo in prædam permissi, sed seruilibus etiam ministerijs attriti. Si cui præsentia non placerent, aut pro agresti incultoque contemnebatur, aut, si ferocioris animi videretur, delatorum calumnijs obiectus, plerunque, velut res novas molitus, petebatur. In hac omnium flagitiosorum licentia, cum triennium iam peractum esset, hominibus aut metu, aut segnitia cessantibus, ipsa luxuria poenas exigere cœpit. Viribus enim Venere immodica exhaustis, corporis deformitate ex epulis largioribus contracta, morbisque grassantibus, qui vtriusque vicij comites esse solent, restabat deforme cadauer, ad nullos alios vsus sibi superstes, quam, ad poenas flagitiosæ vitæ perferendas. Rege ad omnes vitæ functiones inutili, corporis animique viribus intemperantia debilitatis, & aula in mores eius conuersa, audaciores, spe prædæ & impunitatis sollicitati, cædes & latrocinia palam factitabant, plebeios & aulicos iuxta contemnentes: quippe, alteros per inopiam seruiliter deiectos, alteros nequitia sua imbelles & effœminatos. Qui saniores erant e nobilitate, duplici malo circumuenti, ac, de summa rerum consultare, coacti, conuentum publicum Scenam indicunt. Ibi Rex adesse iussus, ut vna cum cæteris, in tam præcipiti rerum statu, salutis publicæ prospiceret. Hac admonitione ictus, & ex ignaua illa somnolentia velut experrectus, ambigere cum suis vna cœpit, quid, potissimum in tantis angustijs deprehenso factu optimum esset. Et cum neque resistendi, neque fugiendi ratio constaret, etsi animus nihil boni diuinabat, tamen ad conuentum ire decreuit. Atque, ut miseri interdum

interdum in rebus aduersis sibi blandiri solent, non omnino desperabat, se vel misericordia vel patris oprimi memoria aliquid effecturum, ne ex tanta fortuna subito in extremum miseriarum caderet. Igitur cum Sconam iret, satis magno comitatu, sed imbelli ac iam ad Methuanum vicum propinquum peruenisset, a Thano regionis, ob stuprum per vim filiae illatum, est occisus. Mors eius audita uti omnibus fuit grata, quod minore, quam sperauerant, labore tali monstro liberari essent, ita Rohardi, siue Radardi Thani facinus vehementer omnibus displicuit. Regnavit, quemadmodum & superior Rex, annis quatuor, mensibus sex.

LXXX. REX.

10 Cúleno suffectus fuit Kennethus, Duffi frater, eius nominis tertius. Is, ut ingenio, moribus, & totius vitæ instituto Regi superiori fuit dissimilis, ita pari studio in corrigendis adolescentium moribus, atque ille in corrumpendis, elaboravit: eoque difficilius id ei certamen fuit, quanto maiore animi propensione homines in vitia præcipites ruunt, quam ad virtutem per arduum, & velut difficilem clium enituntur. Quæ res, potissimum in causa fuisse, videtur, ut nonnulli, qui sapientiæ studio sese dediderunt, existimauerint, homines, ad voluptates fruendas, a natura factos esse, ad virtutem violenter, contra suum ingenium, trahi. Falso quidem utrunque: sed eius erroris inde fortasse fuit initium, quod, cum in homine duplex naturæ sit vis, altera corporis, altera animi: corporis quidem vigor prius adolescere, animi vero tardius videatur. Ac velut
20 stirpes prius caules, folia, floresque aspectu iucundos diffundunt, quam semen intra vaginas & conceptacula formari incipiat: maturescente vero semine, hæc omnia languescant, ac demum marcescant: ita corpora nostra cito adolescunt quidem, ante quam virtus animi, adhuc infirmi, suas vires possit exere: ac, senescentibus paulatim membris, robur mentis & consilij magis ac magis se profert. Itaque non secus, ac in segetibus herbescentem luxuriosius messem compefcimus, vel pascendo, vel desecando, ita in adolescentibus indolem, se vehementius ostentare festinantem, cura & cultu cohibendam, leges censent, donec adolescens ratio per se corporis iam infirmi impetus comprimatur. Sed ad Kennethum redeamus. Is cum persuasum haberet, vulgus fere ad Principum nutus circumagi, & studia eorum diligenter æmulari, primum familiæ suæ
30 disciplinam formare instituit: ut, quæ verbis præciperet, rebus exprimeret: atque, ut suam vitam familiaribus, ita, ipsorum mores cæteris exemplo esse voluit. Aula libidinum & nequitiae ministris purgata, ut idem in cæteris regni partibus præstaret. Ipse ad conuentus habendos, singulas regiones obire statuit: ut furta, caedes, & latrocinia supplicij coercens, ac præmijs omnes, ad labores perferendos, inuirans, & commodis sermonibus ad concordiam adhortans, veterem disciplinam paulatim reuocaret. Sed id, experiundo, difficilius opinione inuenit, quod magna pars nobilitatis, aut ipsa scelorum sibi conscia poenas timeret: aut cum facinorosis illigata propinquitatibus esset. Igitur, cum primus conuentus ad Lanericum, Glottæ opidum, indictus esset, qui vocati in ius fuerant, admoniti a propinquis, quanto cum periculo essent venturi, qui-
40 dam in AEbudas, alij in alias latrocinij infames regiones fugere. Rex cum fraudem intelligeret, nec auctores eius ignoraret, dissimulata ira, soluit conuentum: & velut voti Diuo Niniano reus, in Gallouidiam cum paucis familiaribus proficiscitur. Ibi per ocium, re cum ijs, quos fides sibi rebatur, communicata, optimum factu visum est, ut, anno proximo, conuentum totius nobilitatis ad Sconam habeat, tanquam de rebus, ad vniuersos pertinentibus, acturus. Ibi capira factionum sine tumultu posse capi. Illos in custodiam abditos, posse per amicos & clientes curare, ut facinorosi ad Regem adducantur: id consilium cum placuisset, paucis creditum, ac silentio rectum, usque ad conuentum Sconensem, fuit. Tum per homines idoneos parato milite, atque intra Regiæ proximas ædes occultato, cum postridie frequens nobilitas in
50 aulam venisset, atque a Rege fuisset & vultu & verbis humanissime accepta, repente signo dato, armati concilium circumsteterunt. Subito terrore ex insolita rerum facie, oborto, Rex eos leni oratione consolatur. Rogat, ut si quam ex his, quos viderent, animo formidinem conciperent, eam omnino deponerent. Nemini

RERVM SCOTICARVM

enim (a se) viro bono & innoxio periculum imminere: nec, in eorum perniciem, sed praesidium, hac arma comparata. Neque obscurum id eis esse posse, quo sua studia omnia, ex quo regnum suscepit, pertinuerint: nempe, ut, sublati scelerosis, boni non modo patrimonio vel a maioribus relicto, vel virtute & industria pariti: sed regia, pro cuiusque merito & dignitate, munificentia frui possent. Hoc vero, eorum studio & opera se assequi posse. Superiore anno, cum noxiorum quosdam in ius vocasset, neminem ad diem affuisse. Crebris multorum sermonibus, se intellexisse, non tam id ab eis factum suarum virium, quam propinquorum & amicorum fiducia. Hoc siquidem verum esset, & publice calamitosum, & ipsis eorum amicis turpe esse. Nunc autem tempus venisse, quo sese crimine, & regnum latrocinij liberare possint. Rem autem facilem fore, si potentiores, in sua quisque ditione, comprehendant scelestos, atque ad supplicium offerant. Hi qui sint, nemini esse ignotum. Quod si excusationes nectant, & cum summa sit facultas, de patria bene merendi, voluntas tamen absit, Regem, cui omnium incolumitas sit commissa, excusari non posse, si ipsos dimittat, antequam poena de noxiis fuerit sumpta. Hunc enim finem eos retinendi se statuisset. Quare si cui diuturnior in illa custodia mora, videatur esse molesta, sibi ipsi eam imputet, cum in sua cuique potestate sit, non modo libertas, sed laudes, honores, praemia, & omnium bonorum gratia. Ad hac primores cum, de communi consilio, Regi respondissent, se malle, suam innocentiam rebus, quam verbis ostendere, operam suam ei prolixè promittunt, inuicemque cum orant, ut, si quam de se suspicionem concepisset, eam deponeret. Id cum sanctè promississet, nomina noxiorum edit. Proceres per amicos diligenti conquisitione facta, facinorosos breui ad Regem perducendos, curant: quibus ex lege punitis, nobiles dimissi, premijs etiam donati, & pollicitationibus onerati, vulgi promiscua multitudine Regi ceterisque omnibus omnia bona precante. Rebus ita domi compositis, cum Anglis foedus, a superioribus aliquot regibus ictum, per Kennethum, quandiu vixit, sanctissime est seruatum. Hanc totius Britanniae publicam tranquillitatem interpellarunt Dani, quorum numerosam classem prope Rubrum promontorium (is locus est Aeneiae, siue Anguliae) ad anchoras stare, nunciatum est. Tenuit eos ibi aliquot dies consultatio, utrum in proximum litus descenderent, an in Angliam, quo eis cursus erat, deflecterent. Multi enim censebant, Angliam petendam, regionem opulentam, quae & fructibus exercitum alere, & auxilijs augere, posset. Multos enim ibi Danici generis esse, adhuc superstites: multos veterè amicitia cum Danis coniunctos. Hos omnes, ad primum eorum motum, accursuros, quod semper antea ibi factitatum est. In Scotia, gentem esse ingenio ferocem, & ut in duro atque inopi solo, duram, & laboris patientem: & quam nunquam, sine clade insigni, sint aggressi: quam si vincant, nullum operæ precium facturos: sin vincantur, extrema omnia passuros. Alij contra disserebant: si in Angliam descenderent, cum utraque gente simul confligendum. Scotis autem prius deuictis, facile bellum cum Anglo futurum, externis auxilijs spoliato, & amicorum clade territo. Neque, magni animi viros in prædam unam intentos esse, decere: sed potius, meminisse debere propinquorum & maiorum, toties in Scotia crudeliter caesorum. Nunc cum ab omnibus ad bellum rebus necessarijs parati, tantum exercitum habeant, eam vindictam expetendam, quae & immanitatem Scotorum pro merito puniat, & terrorem Danici nominis ad omnes nationes circumiectas perferat. Hac sententia cum in consilio vicisset, traducta classe ad Eskæ fluminis ostium, copias in terram exposuerunt. Opidum proximum diripiunt: in direptum ferro & igne sauiunt: arcem solo aquant: ciues, siue discrimine, occidunt: nulli vel sexui, vel ætati parcunt. Eam vastitatem per Angliam, usque ad Tamesinarium, faciunt. Hac per eos, qui fuga sauitiam hostium euaserant, etiam tumultuosiora, quam erant, ad Regem Sterlinum perferuntur. Is, consultis, qui aderant ex prioribus, breuem propius habitantibus, ad conueniendum, die prædicat. Ast longinquiores scribit, ut cum auxilijs accellerent. Ipse cum praesentibus copijs, ad speculandum propinquo res hostium, & populationes agrorum, quoad posset, coercendas, recta ad hostem ducit. Breui ingens multitudo in castra Regis, quae erant ad confluentem Tai & Iernæ fluminum, accessit. Ibi, dum contrahit copias, ad

eum affertur, hostes, Taum transgressos, Bertham opidū obsidere. Loci tam propinquū
 periculo motus, statim eo ducit. Vbi in conspectu Dani fuere, nulla per Scotos in vindi-
 ctam præcipites, mora pugnae facta est. Itaque statim, acie æquo in loco structa, contra ho-
 stes processere. Verum cum Dani in colle aduerso consisterent, neque ad eos facilis esset,
 sine ingenti periculo, accessus, sagittarij & iaculatores eo missi cū descendere coegissent,
 ad radices collis acerrima pugna conferitur. Postquam, incerta victoria, diu multa cum
 caede pugnatum est, Danorum duces per totam aciem dant resseram, nemini in castra,
 nisi victori, reditum sperandum. Ad eam vocem renouato clamore, tanto impetu sunt
 inuecti, vt mediani Scotorum aciem cornibus vtrique nudarent, fugientesque acriter
 10 sequerentur. Fuiſſet profecto illa dies longe Scotis funestissima, nisi, velut diuinitus, per
 vnum hominem, in re prope desperata, fuiſſet oblatum auxilium. Colebat forte agrum
 propinquum, per quem plurimi fugiebant, homo plebeius, cognomento Haius, cum
 duobus vna filiis: qui cum corporis animique viribus magnis essent, nec minore in pa-
 triam caritate, pater iugo, filij, quod cuique in promptu fuit, pro armis accepto, vbi den-
 sissimum fugientium agmen conspexerunt, obuiam loco angusto profecti, primum con-
 uicijs, deinde minis fugientes sistere, conantur. His vbi nihil proficiunt, proximos feriunt,
 se quoque vociferantes, aduersus fugientes Danos futuros. Ad hæc timidiore consistunt:
 fortiores, qui, non tam metu, quam turba suorum abrepti, torga verterant, ad eos se ag-
 gregant, clamantes, auxilium adesse. Ita totum agmen in hostem conuertunt: & Danos
 20 non minus trepida, quam ipsi venerant, fuga retro ad suos compellunt. Ad hanc Dano-
 rum trepidationem agasones, & imbellis agrestium turba, sublato clamore, speciem noui
 exercitus præbuere. Ea res tantum animi Scotis, & formidinis Danis attulit, vt atroci-
 de salute desperantes, erexerit, alteris, pro sperata victoria, certam calamitatem attulerit.
 Hæc est illa victoria, ad Loncartem vicum parata, illo & aliquot proximis diebus, summa
 lætitia ad posteros perpetua fama celebrata. Cum spolia victores diuiderent. Haius in
 omnium ore erat. Multi homines honesti testificabantur, se vidisse, quacunque ille cum
 liberis impressionem fecisset, ibi nostrorum ordines restitutos, & hostilem aciem, velut
 ruina, impulsam. Omnes denique vno ore, prædam, victoriam, famam, salutem se eis
 debere, fatebantur. Haius ad regem perductus, modeste de se locutus, splendida vestes
 30 sibi & filiis oblatas, vt conspectiores Bertham ingrederentur, renuit: ac tantum, absterſo
 puluere, quotidiano amiculo indutus, iugumque quo erat in prælio usus, ferens, multis
 a Rege anteire ac satis magno interuallo sequi iussis, multis ad noui generis spectaculū
 accurrentibus, urbem ingreditur: omniumque ora & oculos in se vnum conuertit: ac
 solus prope omnem illius diei celebritatem tulit. Post Danorum discessum, ocio præter
 spem tam cito parto, in conuentu procerū, qui ad Sconam post paucos dies est habitus,
 nihil prius, quam de Haij filiorumque eius honoribus & præmijs, est actū. Ager eis datus,
 vnus prope totius Scotiæ fertilissimus, quem adhuc eorum posteri tenent: nunc in mul-
 tas opulentas familias propagati: ipsi e plebe in ordinem nobilium relati. Insignia fe-
 renda, vt mos est nobilitati, data scutum argenteum, in cuius solo tria scuta rubricata
 40 insunt. Quæ insignia hoc (opinor) indicant, salutem publicam, trium hominum singu-
 lari in prælio virtute, fuisse defensam. Hoc prælio pax in multos annos parata videbatur:
 quam domi foedarunt res turbulentissimæ: ac Insulanorum quidem, qui per Rosſiam
 vagi prædabantur, motus breui compressus est, multis latronum in prælio caesis, multis
 item in fuga captis, & ad supplicium ductis. Maiorem longe tumultum præbuit Cra-
 thilinthus, Fenellæ, aut (vt alij vocant) Finabellæ filius. Is Merniz tum longe princeps
 genere & diuitijs erat. Cruthinetus eius auus maternus præfectus erat a Rege ei Angu-
 siæ agro, qui inter duos fluuios (Eſka vtrique nomen est) iacet: vectigaliaque inde regia
 colligebat. Ad eum visendum, cum nepos magno comitatu venisset, subito tumultu
 inter ministros eorum orto, duo e Crathilinthi familiaribus sunt occisi. Ille de iniuria
 50 apud auum quæstus, cum in eius comites seditionis culpa reijceretur, a sene graui ora-
 tione est increpitus, nec, sine contumelijs, a ministris & familiaribus eius est dimissus.
 Igitur domum reuersus, irarum plenus, ad matrem querelam detulit. Illa tantum ab-
 fuit, vt, agrum adolescentis animum commodis sermonibus mollire, & ad æquitatem

R E R V M S C O T I C A R V M

reducere, sit aggressa, ut etiam ad patricidium prope conuicijs mater filium aduersus suum patrem, illius alium armauerit. Igitur, non adeo diu post, Crathilanthus cum armata hominum multitudine, quos ad id facinus opportunos credebat, noctu in Angusiam ad aui arcem venit. Ibi cum paucis, sine suspitione, receptus, reliquos comites suis latebris euocatos intramittit. Nepos autem senem etiam omni familia incidat: nec arcem modo, sed victimos etiam agros depopulatus, tanquam re bene gesta, cum ingenti praeda in Meriam latius rediit. Nec diu eam cladem Angusiani inultam passi sunt. Nam, quicquid magno suae factionis hominum numero coacto, multiplicem in Meriorum agris vastitatem reddiderunt. Ab eo tempore, cum utro citroque caedes & rapinae per occasiones fierent, Kennethus, re audita, ne pluribus ad factiones se aggregantibus, maior aliquis motus, existeret, utriusque partis duces Sconam in ius, decimo quinto die adesse iubet. Paucitamen seuerissimi edicti minis permoti ad diem apparuere. Plures consilij, quid committeri essent, Crathilantho auctore, quo cuique commodum erat, diffugerunt. Rex diligentij conquisitione facta noxiorum, alios alibi, maximam vero partem eorum deprehendit in Abria. Crathilanthus, & factionum principes morte, reliqui leuiores poenis, pro delicti modo, castigati: nonnulli, qui leuissime errant, omnino poena exempti. Hoc temperamentum apud malos metum, apud ceteros ingentem regi amorem conciliauit: pacemque ei, ad vigesimum alterum usque regni annum, peperit. Quod si in cursu vitae inchoato institisset, inter optimos principes iure cenferi potuisset. Belli enim & pacis munera ita obierat, ut fortitudinis, constantia, & aequitatis maximam sibi laudem compararit. Sed superioris vitae commendationem, facinore longe scelestissimo, contaminauit: quod eo foedius omnibus est visum, quanto incredibilius, ac minus expectatum ab eius ingenio fuerat, qui tam seuerè antea in facinerosos animaduertisset. Eius autem culpae haec fuit occasio. Rex, iam aetate grandior, Milcolumbum habebat filium, indole quidem praecleara, sed, si quid ipsi humanitus accidisset, ad regendum tam ferocem populum, aetate adhuc immaturum. Etiam quo minus post parentem proxime regnaret, obstabat mos maiorum, qui e propinquis regum defunctorum, non proximos, sed maxime idoneos, modo a Fergusio primo Scottorum rege essent oriundi, eligere consueuerant. Obstabat etiam nobilitatis fauor, erga Milcolumbum, Duffi regis filium, qui tum facile in omni genere laudis Scotticae iuuentutis princeps erat. Accedebat ad haec, quod Cumbriae tum praefectus erat: quam regionem Scoti, beneficio regum Anglorum, ita tenebant, ut Cumbriae praefectura velut omni regni esset, atque ita, iam per aliquot aetates, obseruatum erat. Hunc igitur Milcolumbum, ob has (quas diximus) causas, videbat, spei ac voto suo futurum impedimento: & quoniam palam non audebat, veneno tollendum curauit. Extincto, cum omnium summo dolore, iuene optimo, & iam summæ spei propinquo, signa quidem veneni in corpore apparuerunt: nulli tamen in mentem venit, quicquam de rege suspicari. Nec Rex etiam quicquam omittebat, quod, ad suspicionem auertendam, facere posset. Nam & mortuum fleuit, & quoties de eo sermo incidebat, memoriam eius honorifica mentione prosequeretur, & funus magna ambitione celebrandum, curauit: nullis quæ ad defunctorum honorem excogitari poterant, ceremonijs omissis. Sed nimia illa regis diligentia, quam ille, suspicionis amoliendæ causa, adhibebat, cautiore esse suspecta coepit: verum intra libertatem loquendi, ob summam omnium de sanctitate eius opinionem. At cum rex, per eos dies, spargeret sermones, animosque hominum tentaret, quo pacto laturi essent veteris legis abrogationem, & nouæ, de rege creando, rogationem, ut videlicet, plurimarum gentium instituto, regibus morte sublati liberi succederent, immaturisque adhuc ad regendum tutores darentur, ita, ut penes pueros nomen, penes tutores ius & vis imperij esset: quanquam pars magna, ut regi gratificarentur, hæc laudarent, tamen suspicio de morte Milcolumbi ad plures, metus a rege ad nobilitatem, ac maxime regij generis homines, peruenit. Animis ita affectis, superuenerunt ab Anglia legati, consolaturi regem, de morte propinqui, simul petiuri, ut, in subrogatione praefecti Cumbrorū, meminerit eum magistratum esse pacis interpretem, & concordiae vinculum inter vicina regna. Talem igitur sufficeret, qui ex utriusque gentis comodo antiquam

antiquam amicitiam contineret, & nouas, si quæ orirentur, suspensiones restringeret. Hanc legationem suis rationibus commodam Rex opinatus, conuentum nobilitatis Sconam indixit. In eo cum multa grauitèr differuisset, aduersus comitiorum regionum veterem consuetudinem, recitatis ab initio vsque seditionibus, ea de causa factis, quantoque cum scelere in regum superiorum liberos fuerit a propinquis scuitum, quot bella inde nata, rapinæ, cædes, exilia consecuta. Ex aduerso, quanto minus turbulenta gentium aliarum essent comitia, quanto maior propinqui sanguinis reuerentia, cum, citra ambitionem, filij parentibus succederent. Cum ea de re, quid statuerent, ad concilium retulisset, adiecit etiam postulata Regis Anglorum: & ut animi ciuilis maiora
10 daret indicia, quod de Cumbriæ præfecto creando suæ potestatis iam reges fecerant, suffragijs omnium permisit: simul ratus, hac moderatione, quod de regno petebat, se facilius impetraturum, simul ne, si filium præfectum nominaret, alteri rogationi præiudicasse, videretur: quod uti dixi, præfectura Cumbriæ, velut Regis futuri designatio, videretur. Qui utrique rogationi maxime videbantur aduersaturi, Constantinus Cule-
ni filius, & Grimus ex Mogallo Duffi regis fratre natus, partim formidine periculi, partim ne nobilitatis maiori parti a Rege præcorruptæ aduersarentur, primi omnium sententiam rogati, penes Regem esse, dixerunt, & leges publice incommodas corrigere, & præfectos, quos ei visum foret, constituere. Hæc reliqui, etsi, eos non ex animi sen-
20 tentia locutos, intelligerent, tamen approbarunt. Ita Milcolumbus, Regis filius, immatura adhuc ad rerum administrationem ætate, & Cumbriæ præfectus, & princeps Scottorum est declaratus: quod nomen perinde est Scotis, atque apud Gallos Delfinus, apud priores Romanorum Impp. Cæsar, apud posteriores, Rex Romanorum, quibus omnibus successor superiori magistratui dari intelligitur. Adiectæ sunt & aliæ leges, ut, quemadmodum Regi maxime natus filius in regnum succederet, ita filio ante patrem defuncto, nepos auo subrogaretur. Ut, Rege impubere, tutor, qui pro Rege esset, interea eligeretur, vir prudentia & opibus insignis, qui, ad quartumdecimum vsque annum, regis nomine rem administraret. Ad id ætatis ubi rex peruenerit, ipse sibi curatores eligere posset. Multa præterea, de legitima hæredum successione, constituta sunt, quæ toti nobilitati cum rege voluerunt esse communia. Ita rex per scelus posteris, uti putabat, re-
30 gno stabilito, animum tamen suum confirmare non potuit: Quamquam enim omne genus hominum summo studio & ostentatione beneuolentiæ complecteretur, plurimos omni genere officiorum prosequeretur, & ita regnum gereret, ut nullum boni regis munus in eo quisquam desideraret: tamen animus, conscientia sceleris inquietus, nullum solidum & syncerum ei gaudium esse, permittebat: sed, intercurstantibus per ocium cogitationibus sceleris foedissimi, interdum vexabatur: & per somnum obuerfantia, visa horroris plena quietem interpellabant. Tandem, siue vere (quod quidam tradunt) vox cælo edita est, siue turbatus animus eam sibi ipse speciem finxerat, quod sceleratis plerunque euenire solet, visus est sibi, per somnum ita admoneri, Putasne, Milcolumbe, eadem hominis innoxij a te per summum nefas clam patratam, aut mihi
40 esse ignotam, aut te diutius impune laturum? iam enim insidiæ, quas tu effugere non potes, in caput tuum parantur: nec, ut tu putas, stabile & securum, sed tumultuosum & procellarum plenum regnum tuis posteris relinques. Hac formidabili specie rex contritus, summo mane ad Episcopos & Monachos confugit: animi sui confusionem, ac sceleris poenitentiam denarrat. Illi vero non verum ei Christi doctrina remedium (iam enim a veterum pietate & eruditione deflexerant) præscripserunt: sed illa multo absurdissima, iamdudum a malitiosis ad quæstum excogitata, ab incautis & æque indotis temere accepta, ut loca sacra Templaque donarijs locupletata, & sepulcra Sanctorum hominum inuiferet, Reliquias osculetur, Missis & Eleemosynis peccata redimeret: Monachos & Sacerdotes maiore, quam antea consueuerat, honore & reuerentia
50 prosequeretur. Nec ille quicquam horum, ijs piaculis sanatum iri se, credens, omittebat. Tandem, cum in Merniam ad Palladij sanctissimi hominis ossa venerabundus venisset, ad proximam arcem (Fethercarniam vocabant) rum, ut tradunt, adificijs & nemoribus amoenam, quorum nunc nulla prope vestigia restant, diuertit. Eius arcis do-

R E R V M S C O T I C A R V M

mina erat Fenella (cuius ante meminimus) non tantum ob filij Crathilinthi poenam, erga regem inimico animo; sed ob Constantinum & Grimum, suos propinquos, noua illa lege regni hæreditate exclusos . Ab ea, iram dissimulante, Rex liberaliter & honorifice susceptus, a prandio per ocium, cum locorum amœnitatem & arcis structuram diligentius inspiceret, Fenella eum in diatam seorsum ad statuam æneam, arte singulari fusam, ducit visendum: quam ita ingeniose confectam fuisse, dicunt, vt ex occulto loco funiculo, qui intentus erat, remisso, sagittas eiacularetur: regem autem, dum intentius artificium admiraretur, sagitta e machina emissa interemptum. Hac arte eadem patratam, Ioannes Maior, & Hector Boethius scriptum reliquerunt: quod mihi non sit verisimile. Neque enim credibile est, tum in Britannia vltima, post interitum apud alias gentes elegantiorum artium, statuam tam ingeniose factam fuisse, quanquam Ioannes Maior tradat, Edmondum, Eldredi filium, hac ratione occisum: æque fabulose, vt arbitror. Nec facile mihi persuaferim, tantum gemmarum in tota Scotia tum fuisse, quantum Boethius vni illi fœminæ tribuit . Ideo lubentius accedo ad aliorum sententiam (in quibus est Vintonus) qui scribunt, regem ab equitibus locatis (iussu Fenellæ) in infidijs fuisse occisum. Obijt, anno ab initio regni vicesimo quinto, vir plane cætera eximius, nisi Milcolumbi cædes, & nimium erga suos studium turpem præclaris rebus eius notam inuississet. Regnavit annos viginti quinque, decessit, D C C C C . X C I I I I .

D C C C C .
X C I I I I .

L X X X I . R E X .

Post Kennethum, Constantinus, Culeni filius, cognomento Caluus, tanta ambitione, in regno petendo, est usus, quanta ad eum diem nemo. Is cum omne genus hominum prensaret, querereturque, se aliosque regij sanguinis viros, fraude Kennethi circumventos, & a regni spe exclusos, iniquissimæ legis obtentu, multa aduersus eam rogationem, cui ipse cum alijs propinquis metu cecidisset, disputabat. Neque difficile esse, vitium eius detegere. Quid enim stultius, quam rem vnam, omnium maximam, a prudentium censura & suffragiis ad arbitriū fortunæ reuocare? & sese ipsos astringere, vt puello forte nascendi oblato, & qui a muliercula aliqua regeretur, sese regendos committerent & homines virtute præstantes interim a gubernaculo rerum arceant? Quid si regum liberi corporis, aut animi vitio, cur imperio exarcendo parum sint idonei, laborent? Quid si pueri regnum tenuissent, illis temporibus, quibus cum Romanis, Brittonibus, Pictis, Anglis, & Danis, non tam vtri imperarent, quam vtri essent, toties est dimicatum? aut quid magis furiosum dici potest, quam quod Deus velut vltimam calamitatem, contumacibus minetur, id nos lege accersamus? & minas diuinorum variciniorum vel contemnamus, vel in eas sponte incurramus? Nec verum esse, quod ab adulatoribus Kennethi iactari solet, hac ratione cædes & auaritiam consanguineorum vitari, neque enim liberis Regijs, nondum adultis, minus tutorum fraudes esse metuendas, quam antea fuerant propinquorum? Quamobrem nunc, oppresso tyranno, libertatem ab eo sublatam fortiter esse repetendam: legemque illam per vim latam, per metum acceptam (si modo lex est, ac non potius publicæ libertatis mancipatio) abrogandam, & ad pristina instituta (quæ hoc regnum ex nihilo pepererunt, & ex paruis initijs in tantam magnitudinem extulerunt, vt nulli vicinorum cedat, & toties deiectum erexerunt) dum licet, restituenda. Quin & præsentem occasionem potius, dum se offert, amplectimur, quam, e manibus elapsam, frustra posterius quæramus? Hæc, circumeundo potentiores, cum passim dissereret, magna multitudine persuasa, factione illa fretus, Scotiam venit: & duodecimo die a funere Kennerthi, Rex est appellatus. Milcolumbus interea, qui patris funus curabat, audito, Constantinum regnare, amicis conuocatis de summa rerum deliberat. Alij sentiebant, procerum animos, ante quam quicquam moueret, esse pertentandos, vt contra hominem popularem, & multis amicitijs & factionibus implicitum profecturus, vires expenderet: ac tum demum, ex præsentī copia, consilium caperet. Hæc iuniores & ferocissimus quisque, velut lenta consilia, aspernari, ac disserere, obuiam periculis eundum, & hostem ante quam nouum regnum confirmaret, aggrediendum. Hanc sententiam Rex adolescens, velut magis speciosam, secutus, circiter decem millibus hominū coactis, ad hostem pergit. Nec Constantinus sibi defuit. Tantum enim

enim exercitum breui confecit, vt Milcolumbus, ad famam aduentus eius, suos dimiserit: ipse in Cumbriam abierit. Id vero Kennethus, eius frater e pellice natus, cum flagitiosum existimaret, aliquot virorum fortium cohortibus persuasis, prope Sterlinum ad Fortham amnem, qui eis limes erat, hosti se obiicit. Ibi, cum ad amnem præaltis ripis ac ratis in locis vadofum, ociosi vtrunque desiderent, fame & peste, quibus malis eo anno vehementer laboratum erat, vterque copias dimittere est coactus. Ita regno in duas factiones diuiso, plebs peste, fame, latrociniiis miserabiliter est afflicta. Interea, absente Milcolumbo, qui ex fœdere Anglo aduersus Danos auxilium ferebat, Constantinus, occasionem se nactum, ratus, opprimendi factionem aduersam, cum magnis copiis in Lothianam contendit. Kennethus a fratre relictus, vt ad omnes Constantini motus esset paratus, ad Almonis amnis ostium se venienti obiecit. Et, quia inferior numero erat, rem consilio iuuuit, ita acie structa, vt Solem & ventum a tergo haberet: latera, quoad poterat, flumine muniret. Ea res præcipue ei victoriam dedit. Nam Constantiniani, multitudine freti, cum acriter in prælium ruisent, præter incommodum Solis aduersi, procella statim coorta tantum pulueris in ora oculosque ingessit, vt Constantini milites vix attollere vultus in hostem possent. In vtroque exercitu strages ingens facta: & duces ipsi, congressi mutuis vulneribus, alter alterum confecerunt, post annum & sex menses, quam regnum inuaserat.

LXXXII. REX.

Grimus Duffi Regis filius, siue, vt alij tradunt, ex Mogallo fratre eius natus, extincto Constantino, Rex, a suæ factionis hominibus Sconam ductus, appellatur. Hic suæ partis proceres cum alios iam corruptos, alios per legatos e Milcolumbo sollicitari, comperrisset, comprehensos quosdam a Milcolumbi legatis, qui ad eos mittebantur, in vincula coniecit. Id ille factum cum, contra ius gentium, videri vellet, grauiter offensus, bellum molitur apertum. Aduersus eum cum Grimus properaret, subitus rumor, de magnitudine copiarum eius, per hostilem exercitum dispersus, omnes rationes Milcolubi turbauit: multi igitur quotidie dilabebantur: nonnulli, alia atque alia causantes, aperte missionem flagitabant. Is metus primum a mercatoribus ortus, qui suas rationes publicis vtilitatibus præferebant, paulatim totum peruasit exercitum. Neque deerant etiam, qui Grimoclam studerent: erant enim in eo multa, quæ vulgus conciliarent, staturæ proceritas, & cum formæ dignitate coniuncta, summa humanitas, & in omni actione, cum decore, comitas. Nec deerat in loco seueritas in animaduertendo, & in rebus gerendis celeritas, cum prudentia. Itaque multi, sub eo, regnum sibi cum dignitate quietum spondebant. In hoc animorum motu, Milcolumbus, nihil ausus fortunæ temeritati committere, ex consilio amicorum maiore parte exercitus dimissa, cum selectis cohortibus, statuit, hostes Forthæ transitu prohibere. Interea Forthadus Episcopus, magna tum apud omnes, ob sanctitatis opinionem, auctoritate, rem componere aggressus, sæpe inter factiones commeando, tandem perfecit, vt, induciis in tres menses datis, Grimus in Angustiam, Milcolumbus in Cumbriam secederet. Arbitri de vtriusque consensu electi, qui statuerent de controuersis. Nec cessauit Forthadus, donec per eos hæ pacis conditiones ederentur: vt Grimus, quoad viveret, Regium nomen teneret. Eo defuncto, regnum ad Milcolumbum rediret, ac in posterum lex Kennethi, de regno Regum liberis stabilendo, sancta & inuiolabilis esset. Interea communis vtrique limes esset vallum Seueri: quicquid intra vallum esset, Milcolumbo, quod extra, Grimocederet. Hoc limite vterque contentus, neuter alterum armis peteret, aut hostibus alterius auxilium ferret. Ita cum omnium summa lætitia pax est facta, quæ prope per octo annos summa fide seruata fuit. Eius violandæ causa a Grimoc est profecta. Nam, cum ab initio regni, temporibus turbulentis, boni Principis specimen dedisset, remissa per ocium industria, totum se voluptatibus immergit. Deinde crescente, vt solet, ex luxuria egestate, ex egestate auaritia multos e ditioribus, cōfictis causis, afflixit. Hæc quanto cum periculo faceret, a maioribus admonitus, tantum abfuit, vt quicquam de prioris vitæ turpitudine remitteret, vt monitores, quanquam blande ad se vocatos, tamen in carcerem conijcere decreuerit, vt reliquos, eorum poena deterritos, ab huiusmodi libertate aduersus Reges cōpesceret.

R E R V M S C O T I C A R V M

Illi autem, cum ab amicis admoniti, sese poene subtraxissent, Grimus adeo exarsit, ut, collecta manu, statim aduersus eos duceret: in agrosque eorum multo crudelius, quam ullus externus hostis, sauiret. Non homini, non villis, non pecori, non agris parsum. Quicquid asportari non poterat, ne dominis post vsui esset, corruptum. Nihil sacrum, aut profanum, ferro flammave inuiolatum remansit. Milcolumbus, qui tum maxime operam Anglo, aduersus Danos, nauabar, suorum querelis domum reuocatus est. Neque solum earum rerum indignitate, quas homines clari & innoxij patiebantur, erat commotus, sed multo magis, quod Grimus, velut e ditione inimicorum, quam ad alium breui transituram, sciebat, nullo temporis futuri respectu, praesentes fructus colligebat. Ad Milcolumbi reditum, cum concursus ingens fieret, Grimus, qui ad tempus, 10 ob raras corporis & animi virtutes, populo fuerat charissimus, etsi a maxima procerum parte desertus esset, cum quantis poterat copiis, obuiam est profectus. Cum iam castra castris contulissent, sub Ascensionis diem, gnarus, quam sancte Milcolubus id festum obseruaret, decreuerat, eum imparatum ac nihil suspicantem aggredi. Sed Grimi consilium cum ad Milcolumbum perlatum esset, suos in armis paratos habuit: & quamquam de victoria, in causa tam bona, bene speraret, tamen misit obuiam hosti, qui eum hortarentur, ne homo Christianus memoriam diei tam celebris cruore ciuium pollueret. Ille, nihilo secius, aciem ad praelium paratam in hostem ducit. Inimici timorem, cui diei festi reuerentiam praterderet, suis, velut omen victoriae, indicat. Igitur cum infestis armis, animisque infensis esset acriter concursum, Grimus subito a suis desertus, 20 vulnerato capite, capitum: mox oculis priuatus. Nec multo post, animi moerore accedente ad vulnera, moritur, decimo, quam regnum inierat, anno. Milcolumbus, Regio aduersus victos animo vsus, Grimum sepulchro maiorum inferendum curauit. Factionem, quae secuta eum fuerat, deposita omnium offensionum memoria, in gratiam recepit. Deinde, ad Regia comitia, Sconam profectus, non prius imperium suscepit, quam lex, de Rege creando, a patre lata, omnium suffragijs confirmaretur.

L X X X I I I . R E X .

Statim suscepto regno, ad conuulsam factionibus rem Scoticam restituendam, est aggressus. Primum, quemadmodum ipse omnibus offensas remisisset, ita curauit, ut inter omnes diuersarum factionum homines veteres discordiae consopirentur. Deinde 30 praesides e nobilitate, viros iustos & pios, qui latrones superiorum temporum licentia vagos, compescerent, in omnes prouincias misit. Plebe quoque ab eisdem ad agriculturam coacta, annona fuit laxior, & commercia tutiora, & publice secura tranquillitas. Inter haec, Sueno, Haraldus filius, Danorum Rex, domo profugus, in Scotiam venit. Is saepius a Vandalis victus, captus, redemptus, cum ab Olauo Scandianorum, & Eduardo Anglorum Regibus frustra petisset auxilium, tandem a Scotis, ex acerrimo Christiani nominis hoste, Christianus factus, acceptis modicis copiis, in regnum rediit: inde, cum magno exercitu in Angliam transiuit. Anglos primum solos, deinde adiunctis cum eis Scotorum auxilijs, vicit: multa Scotis prius comminatus, quod, relictis Anglis, domum redire nollent. Nec minae frustra fuere. Olauus enim Scandianus, & Ene- 40 cus, summus Daniae praefectus, ab eo cum exercitu valido in Scotiam immissi. Hi per Morauiam vagi, caesis obuijs, sacris profanisque direptis, tandem in vnum collecti, arces & alia munitiora loca aggrediuntur. Haec dum oppugnant, Milcolumbus, e proximis regionibus milite collecto, castra non longe ab eis locat. Postridie Scotos, visa Danorum multitudine & apparatu bellico, ingens terror inuasit. Rex eos confirmare aggressus, cum non multum proficeret, tandem clamor a paucis, qui minus timidi volebant videri, exortus, & a reliquis exceptus, fecit, ut statim, velut lymphari, iniussu ducis, in hostem proruerent: ac sese instantium in prociectu Danorum tela induerent. Primis cadentibus, reliqui citatiore, quam venerant, gradu fugam intenderunt. Rex, accepto in capite vulnere, vix a suis in propinquum nemus ablatu, ac ibi equo imposi- 50 tus, mortem euasit. Dani, parta victoria, Narnim arcem, custodibus euentu infelicitis pugnae perterritis, per deditionem acceperunt: in deditos tamen sauitum. Arx, quod opportuno loco sita esset, valide munita, ex peninsula, admissa per angustas fauces mari, insula

insula facta : ac, Danico nomine, Burgus appellata, Reliquae arces, quae Elgina & Fores-
 se erant, metu crudelitatis Danorum, desertae. Dani, rebus tam prospere cedentibus, in
 Moravia confidere, statuunt. Naues domum, ut liberos & uxores aduehant, dimittunt.
 Nullam interea seruitutis asperitiae exemplum in captiuos pratermissum. Milcolum-
 bus, ut eorum consiliis obuiam iret, maiore & firmiore exercitu, quam antea, eis iam
 in Marriam progressus, ad Murhilacum occurrit, non sine magno utriusque partis ti-
 more, Scotis crudelitatem Danorum, Danis ignota loca procul a mari & insidiis oppor-
 tuna magis, quam hostem formidantibus. Scotis, in congressu, meru' auxilium trium viroru'
 fortium, Kennethi insularu', Grimi Ierniae, & Dumbarij Lothianae Thanoru' continuata
 caedes. Igitur loco moti, in antiquu', quod a tergo erat, praesidiu' pulsi. Ibi vallo & fossa, &
 arborum contadibus circumdati, in angusto loco, aequata fronte, hostibus resistunt.
 Quosdam eorum, velut parva victoria, incautius inuectos, circumuenerunt, caeso inter
 hos vno e duobus, Eneco. Ea res, ut Danos ad pugnam segniores fecit, ita Scotis, pene
 profligatis, alacritatem addidit. Igitur, pene momento temporis mutata fortuna, Dani
 fugiunt, Scoti fugientibus instant. Olauus, imperatoru' alter, nactus itineris duces cum
 paucis in Morauiam, ea nocte, contendit. Id quanquam Milcolumbus non ignoraret, ta-
 men promptissimo quoque in praelio caso, ac plurimis vulneratis, ab hoste persequen-
 do destitit. Eam cladem ad se in Angliam delata magno animo tulit Sueno : ac partim
 e veteranis, partim e nouis subsidiis domo adiectis, duce Camo, ad veterem supplendu'
 exercitum, misit. Is primum Forthae aestuariu' inuectus, cum ab accolis, passim ad omnes
 ejus motus occurrentibus, descendere prohiberetur, ad Rubru' Angustiae promontoriu',
 vela fecit. Ibi militibus in terram expositis, ac locis aliquot frustra tentatis, ad praedan-
 dum se conuertit. Cum ad Balbridum, hoc est Brigidae pagum, haberet castra, didicit de
 exploratoribus, Scotorum copias vix duo millia passuum abesse. Vterque pro tempore
 suos ad pugnam hortati sunt : ac postridie quoque, eodem prope momento, in procin-
 ctu steterunt. Pugnatum est, tertio die, tanta pertinacia, quantam & noua spes, & vetus
 odium efficere poterat. Tandem, vincentibus Scotis, Camus reliquias exercitus in mon-
 tes, qua, iter in Morauiam esse, intellexerat, subducere conatus, antequam duo millia pas-
 suum esset progressus, a sequentibus circumuentus, cum suis omnibus periit. Huius vi-
 ctoriae monumenta extant, obeliscus, & vicus proximus, adhuc memoriam nominis
 Cami retinens. Alia manus, non procul a Brechino opido, interiit. Ibi quoque obelif-
 cus alter erectus est. Reliqui, pauci admodum numero, tenebris propinqua noctis pro-
 tecti, ad naues penetrare conati sunt. Hi, cum ventis aduersis aliquot dies saeuissimo ma-
 ri iactati fuissent, tandem ad Buchaniae litus importuosum appulsi, tandiu ibi, aduersis
 tempestatibus detenti, ad anchoras steterunt, donec, pene omnium rerum in opes, coa-
 cti sunt, circiter quingentos e suis praedatum in propinquos agros mittere : quos Mer-
 nanus, loci Thanus, a mari exclusos, in tumultum satis arduum coegit. Ibi cum diu,
 loci commoditate adiuti, se saxis defenderent, ac multos, temere subeuntes afflige-
 rent, tandem Scoti alij alios cohortati, diuersis partibus, multitudinem freti, in collem
 subierunt. Dani ad vnum cecidi. Illic etiam, ut ad Balbridum, vento arenas excitante, ossa
 plerumque nudantur maiora, quam pro statu hominum huius aetatis. Nec hac cala-
 mitate Sueno fractus, Canum filium, cum nouo delectu, in Scotiam mittit. Aduer-
 sus hunc, expositis militibus in Buchania, praedas agentem, Milcolumbus, nondum
 ex superioribus praelijs suorum viribus refectis, cum exercitu venit : ac nondum alea
 fortunae rem committere ausus, optimum statuit, hostem populatione prohibere, ac
 leuibus certaminibus frigare, sperans fore, ut breui in alieno agro, cladibus belli vasta-
 to, ac iam pene deserto, rerum omnium inopia laboraret. Id consilium cum per ali-
 quot dies fuisset secutus, euenit, ut, hoste cognito, Scoti suis viribus minus diffiderent,
 atque vterque exercitus prope pari inopia premeretur. Igitur omnibus signum pugnae
 ferociter flagitantibus, ac, ni daretur, praeferebantibus, imperatorum iniussu pugnatu-
 ros, Milcolumbus suos in aciem educit. Commissa pugna, ira & desperatione vltima
 tam pertinaciter est certatum, ut neutra pars lata discederet. Et quanquam victoriae no-
 men apud Scotos esset, tamē, magna Nobilitatis parte caesa, ceteri ira laboribus fatigati,

& animis fracti, in castra redierunt, ut Danis, liberam se recipiendi potestatem, nemine persequente, permitterent: postmodum, cum utrique suos recenserent, tantam cladis magnitudinem compererunt, ut Sacerdotes pacis interpretes utrique libenter addiderent. Ea in has leges facta est, ut Dani, Moravia Buchaniaque relictis, discederent: neuter populus, Milcolumbo & Suenone viuentibus, alterum bello lacefferet: aut alterius hostibus aduersus alteram, auxilium ferret: ager, in quo pugnatum est, in sepulturam mortuorum consecraretur. Danis se recipientibus Milcolumbus in praelio caesos curauit sepeliendos. Post haec, indicto ad Sconam conuentu, ut bene meritis de patria gratiam referret, omnes agros Regios eis diuisit. Nobilitas contra Regi concessit, ut, cum eorum aliquis moreretur, liberi, ad vicesimum primum aetatis annum, in tutela Regia essent: Rexque prouentus omnes, praeterquam quod in educationem liberorum impenderetur, acciperet. Praeterea, ut puerum collocandorum potestas penes eum esset, ad eumque dos rediret. Hunc morem ab Anglis & Danis potius acceptum, credo: quod in tota Anglia, & parte Normaniae adhuc perseveraret. Deinde Rex versus, ad detrimenta belli reparanda, multa loca sacra, ab hostibus euerfa, restituit: arcesque per omnia opida, aut labefactas instaurauit, aut nouas condidit. Tum regnum, a se magna virtute pacificatum, legibus & institutis ornare aggressus, noua Magistratuum nomina (credo, a vicinis accepta) magis ad vanam ambitionem, quam ad vllum usum instituit. Nam, superioribus saeculis, praeter Thanos, hoc est praefectos regionum, siue Nomarchas, & Quaestorem rerum capitalium, nullum honoris nomen Equestri ordine altius fuerat: quod, apud Danos obseruari adhuc, audio. Nunc vero, nec vllus in nouis honorum nominibus est modus: neque, praeter inanem titulum, vllus nominum usus. Ac Milcolumbus quidem bellis perfunctus, aliquot annos magna cum gloria regnauit: sed, in aetatis decursu, vna superioris splendorem avaritia foedauit. Id ei vitium partim cum senio, ut solet, accreuit: partim enatum est ex inopia, quae largitionum immodicarum semper est comes. Praedia, temere nobilitati diuisa, per scelus ad se retrahere conatus, multos opulentiorum ita multauit, ut alios ad mortem, alios ad extremam aegritudinem redegerit. Igitur praesente poena, utcumque interdum iusta, superioris beneficentiae gratiam superante, cum iniuria ad paucos, metus tamen ad multos pertineret, spoliatorum ac caesorum necessarij in ultionem suorum, ac suam securitatem omnes cogitationes intenderunt. Tandem apud Glammim in Angusia, corruptis pecunia domesticis ministris, nocte intronissi, Regem trucidarunt. Facinore perpetrato, ministri vna cum parricidis cum in equos conscendissent, quos, ad euentum rei, stratos habebant, viarum vestigijs per campos niue adopertos confusis, in lacum, qui est ad Forfarum opidum, delati, cedente oneri glacie nondum firma, ad vnum aquis obsopti perierunt. Gelu deinde coeunte ad tempus calata, ac tandem glacie resoluta, detecta corpora passim per vias publicas, ad terrorem viuentium, ac mortuorum ludibrium, contabuerunt. Haec vulgatio est fama. Alij, ex insidijs a propinquis Grimi & Constantini, superiorum Regum, cruento praelio confecto, interemptum, alij, a propinquis puellae nobilis, cui vim intulerat, caesum, omnes, violenta morte periisse, tradunt. Milcolumbus supra annos triginta regnum ita tenuit, ut, nisi avaritia senilem animum corrupisset, inter optimos principes haberi posset. Annus, quo mortuus est, prodigiosus fuit, Hieme fluminum, Vere maris inundationibus: item, paucis diebus post aestiuum solstitium, vehementi gelu, & niuis casu: quod prodigium magna, frugibus corruptis, fames est consecuta.



R E R V M
S C O T I C A R V M
H I S T O R I A,

Auctore Georgio Buchanano Scoto.

L I B E R S E P T I M V S.

QVAM pertinaci contentione Kennethus, & Milcolumbus eius filius elaborarint, ut Regum liberi per manus imperia parentum acciperent, superiore libro est a nobis explicatum: quo vero successu id fecerint, in sequentibus apparebit: certe quod publice regno, aut priuatim Regibus promittebatur, ex lege noua, commodum non est consecutum. Illa enim vniuersis ostentabatur utilitas, ex hoc Regiæ successionis stabilimento, ut seditiones, cædes, insidiæ inter propinquos, ambitio inter proceres, malaque cætera, quæ ex ijs nasci solent, præcauerentur. Contra vero, mihi causas malorum publicorum perquirenti, & vetusta cum recentioribus conferenti, hæc omnia, quæ lege noua fugiebamus, vitia, non, vetustæ legis antiquatione, videntur extincta, sed cum noua potius magnum accepisse incrementum. Ut enim omittam propinquorum, in eos, qui regno potiuntur, insidias, & regnantium, aduersus eos, quos & natura & lex voluit, cuique esse carissimos, suspitiones nefarias, quas narrationis ordo explicabit, tot priorum seculorum clades cum illis collatæ calamitatibus, quæ Alexandri tertij interitum sunt consecutæ, leues præ ijs, & tolerabiles videri possint. Omitto, quod ista lex enervat vires consilij publici, sine quo, nullus legitimus dominatus potest consistere: quod ea mala ultro accersit, quæ alij rerum publicarum participes, vnice deprecantur, ut Reges videlicet constituamus, quibus alij rectores præficiendi sint. & in eorū potestatem vniuersum tradamus populum, qui ipsi sui potestatem non habeant: & qui agere regibus, usu rerum, peritiis & prudentia præstantibus, parent, poscimus, ut qualibuscunque Regum vmbis pareant: & in eas scelerum poenas (sponte) nos præcipitamus, quas Deus sui contemptoribus comminatur, nempe, ut pueris & puellis subiiciamur, quos omnium gentiū leges, & (omnium legum parens) natura, in aliena potestate esse, voluerunt. Quod autem priuatim ex hac lege petunt Reges emolumentum, ut generis & nominis perpetuitatem inde sibi promittant, id quam sit vanū, & fallax, non modo veterū exempla, sed ipsa etiam natura poterat admonere, si secum cogitassent, quot legibus & præmijs etiam familiarum suarum præclara illa nomina Romani perpetuare sint conati. quarum ne vnius quidem vestigium in toto terrarum orbe, ab illis deuicto, ad hunc vsque diem, perseueret. Ac merito quidem id illis evenire, arbitror, qui, aduersus naturam, rerum certamen sibi desumunt, & rem maxime fluxam & fragilem, omniumque casuū momentis obnoxiam, æternitate, quam ipsi nec habent, nec habere possunt, donare contendunt: & ea ratione contendunt, quæ maxime instituto eorum contraria videntur. Quid enim est, ad diuturnitatem, minus fidum, quam tyrannis? at, ad eam, hæc noua lex gradum struit. Est autem tyrannus, velut scopus, ad vniuersorum mortalium propositus odium: qui nec

RERV M SCOTICARVM

diu stare potest: & vbi cecidit, omnium suorum vna secum ruinam trahit. Hunc stultorum hominū conatum mihi numen videtur, plerumque infringere leuius: interdum velut suæ potentiaæ æmulum, publico ludibrio exponere. Eius voluntatis diuinæ, nescio, an vllum aptius & apertius exemplū proponere possim, quam quod in præsentia tractamus. Milcolumbus enim, qui tantopere laborauit, vt legem, a patre suo prope per vim latam, de Regum liberis in parentum locum sufficiendis, communibus totius populi suffragijs confirmaret, nullam, de se stirpis virilis prolem reliquit. E duabus vero filiabus, alteram Beatricem nomine, homini nobili Crino, insularum Occidentalium Thanō, & reliquorum Thanorum præfecto, quem ætas illa Arhanum vocabat: alteram Doacam Angulæ Thanō collocauit: vnde genitus fuit Macbethus, siue Macbeda, de quo, suo loco, erit nobis dicendum.

LXXXIIII. REX.

Cæso igitur (vti dictum est) Milcolumbo, successit Donaldus, nepos ex filia Beatrice, vir summa humanitate, ac maiore erga suos indulgentia, quam in Rege est opus. Erat enim natura lenior, ac, iam inde ab adolescentia, magnū popularitatis indicium dederat: nam, temporibus difficillimis, cum ab auo præfectus Cumbriæ fuisset, quanquam, propter Danorum cohortes passim vagantes, ad Regem penetrare non poterat, vt in leges iuraret, tamen cum fide partiū Anglicarū causam sustinuit, donec, cætera Anglia dedita, Canutus expeditionem in eum suscepisset: ac tum demum in fidem Danorum se dedit, eisdem conditionibus, quibus antea Anglo pæctabatur. Erat & illud in eo popolare, quod cum summa æquitate ius dicebat: ac, singulis annis, ad inopum querelas audiendas, per-lustrabat provincias: neque quenquam, quod in ipso erat, potentiorū vi opprimi, sinebat. Sed, vt hæ virtutes bonorū studia ei conciliabant, ita auctoritatem, apud seditionum cupidos, minuebant, & ex eius erga bonos clementia, creuit malorum audacia. Initium spernendi imperij natū in Abria, aduersus Banchonem, eius regionis Thanū, hominem acrem, & æquitatis vnicum cultorem: cuius, in animaduertendo, seueritatem cum non perferendam ducerent mali, conspiratione aduersus eum facta, bonis direptis, vulneratum ac semiuiuum expulerunt. Vbi primū, per vulnera, iactationem corporis ferre potuit, ad Regem querelem detulit. Missus a Rege minister publicus, qui facinoris auctores in ius vocaret, omni contumeliarū genere affectus, occiditur. Tantā eis securitatem dabat boni principis lenitas, quam illi ignauiam interpretabantur. Factionis, quæ eum morum conciuerat, princeps Makdualdus, desperata venia, ad bellū se apertum comparat. Insulanos, semper ad omnes motus paratos, & promptissimum quæque ex Hibernia, spe prædæ, aduocat. Docet, sub Rege molli ac deside, & qui aptior esset monachis, quam viris fortibus regendis, nullum poenæ metum, magnam emolumentorum spem esse: neque sibi dubium esse, quin Scoti, sub Rege superiore velut longæ pacis claustris cohibiti, proposito semel belli signo, se in pristinam libertatem vendicarent. Accessit, ad has horrationes, ab initio successus, qui ferociam eorum auxit. Milcolumbus quidam e prima nobilitate, cum copiis a Rege missus, statim ab eis, exercitu fuso, victus, captus, ac demū capite multatus fuit. Hac clade Rex perturbatus, conuocato consilio, cum eis de remedio, consultat. Alijs parum sententiam expediētibus, Macbethus, Regis consobrinus, culpa rei male gestæ in ignauiam superioris temporis collata, pollicetur, si sibi cum Banchone, regionis perito, manderetur imperium, omnia breui pacata redditurū. Erat enim Macbethus acri ingenio, animo prorsus excelso, & magnarū rerum cupido: cui si moderatio accessisset, quamuis magno imperio dignus erat. In plectendis autem sceleratis, ea seruitute, quæ, soluta legū vinculis, in crudelitatem facile videretur eruptura. Decretum ei a Rege imperium, adeo multos terruit, vt, abiecta spe, quam de Regis ignauia conceperant, alij alio latebras petentes, aufugerent. Insulani atque Hiberni, interclusa fuga, in extremam desperationem acti, fortiter pugnando, ad vnum prope interiere. Macdualdus, cum paucis in turrim propinquam inclusus, omni spe veniæ destitutus, se suosque, voluntaria morte, ab hostium ludibrio exemit. Macbethus, ea poena non contentus, abscissum caput Bertham ad Regem mittit: corpus truncū in loco conspicuo suspendit. Quos Insulanorum cepit, carnifici strangulandos dedit. Domestica
seditio-

seditione pacata, terror Danicus maiorem longe solitudinem attulit. Sueno, Danorum Rex potentissimus, moriens, tribus filijs tria reliquit regna, Angliam Haraldo, Noruegiam Suenoni, Daniam vero Canuto. Haraldo, breui post mortuo, ei successit Canutus in regnum Angliæ. Sueno Rex Noruegiæ, fraternæ laudis æmulus, magna cum classe in Fifam traiecit. Ad rumorē eius aduentus, Macbethus ad delectum missus, Banchone, qui interim rei militari præesset, cum Rege relicto. Duncanus velut ex ignavia somno excitatus esset, hosti obuiam ire, coactus est. Prope Culrossiam pugnatum est, tanta pertinacia, ut alteris, ad sequendum fugientes, animus deesset, vix alteris, ad fugam, vires suppeterent. Scoti, qui, iniquitate loci magis quam virtute superati, sibi videbantur, postquam Bertham venerūt, ibi, hostium consilia opperientes, cum reliquijs victi exercitus confederunt. Sueno, si paulum instaret, rotam Scotiam breui suæ ditioris fore ratus, Bertham cum omnibus copijs, ad Duncanum obsidendum, contendit, classe circummissa, ut per Taum amnem eodem appelleret. Duncanus, etsi, adueniente ac iam propinquo cum nouis subsidijs Macbetho, satis præsentibus rebus consideret, tamen subiiciente Banchone, ut arte vires iuaret, dimittit nuncios, alium ad Macbethum, ut subsisteret, alium ad Suenonem, qui de deditioe ageret. Scotus petebat, ut, vrbe dedita, sibi cum suis incolumibus abire, liceret. Sueno ratus, eam deditioem ab vltima desperatione profectam, nihil, nisi omnibus sibi permissis, audiebat. Missi alij nuncij cum liberis mandatis, qui, in scribendis conditionibus, tempus tererent. Hi, ut ampliorem beneficentiæ speciem adijcerent, Regem affirmant, dum leges pacis darentur, earū rerum, quarum non magnam copiam apud Noruegos intelligeret esse, affatim in castra missurum. Id vero munus non tam beneficentia Scotorum, & poenuria Noruegorum fecit gratum, quam quod existimarent, fractis ferocibus animis, iam debellatum esse. Missa magna vis panis & vini, tum e vite, tum ex ordeo confecti, ac succo infecti herba cuiusdam veneficæ, cuius magna copia passim in Scotia nascitur. Vulgo Solanū somniferum vocant. Caulis ei, maior bipedali, in ramos superne diffunditur: folia latiuscula, acuminata exteriore parte, ac languide virentia, acini praegrandes, ac nigri, cum maturuerunt, coloris, qui e caule sub axilla foliorum exeunt: sapor eis dulcis, & propemodū fatuus. Semen habent perexiguum, velut fici grana, vis fructui, radici ac maxime semini, somnifera, & quæ in amentiam, si largius fumantur, agat. Hac herba cum omnia infecta essent, qui commeatus in castra vehebant, ne qua doli subesset suspicio, prae gustabant, Danosque magnis poculis inuitabant, ad bibendū. Idem quoque Sueno ipse, beneuolentiæ significandæ causa, ut illis nationibus mos est, faciebat. Duncanus, qui futurum sciret, ut vis potionis vna cum somno visceribus conciperetur, iam Macbethum cum suis, per auersam ab hoste portam, summo silentio in urbem receperat: compertoque per exploratores, somno & vino graues iacere hostes, Banchonem, itinerum aditusque in castra gnarum, cæteris in insidijs collocatis, cum parte maiore exercitus mittit. Is ingressus castra, sublato clamore magno, opinione sua omnia negligētiora inuenit. Pauci tumultu excitati, cum, velut amentes, temere discurrerent, ab obuijs cæduntur. Reliquis fere mors cum somno cōtinuata est. Rex, per temulentiam velut mortuus, a paucis, qui minus vinolenti erant, correptus, cum non modo viribus, sed etiam sensu careret, instar oneris, in iumentum forte oblatum iniectus, ad naues est delatus. Nihilo ibi, quam in castris, melior status rerum fuit. Nautis enim prope omnibus in terra cæsis, vix, qui vnā nauem regerent, collecti: eorum opera Rex domum reportatus est. Reliquæ naues, vi tempestatis obortæ, inter se collisæ, subsederunt: cumque arena, atque alijs, quæ flumen temere fert, aggestis, cumulum nauigantibus periculosum fecerunt, quem vulgo Drumilaum vocant. Scotis, post hanc victoriam sine sanguine paratam, in lætitiā conuersis, affertur, classē Danicā ad Kingornum stare, subsidio Suenonia Canuto missam: vectores in terram expositos, ferre, agere, nullo resistente, Fisanorum bona. Aduersus eos Bancho cum copijs missus, primos adortus, magna strage concidit. Hi fere primores gentis erant: reliqui facile ad naues compulsi. Bancho, magna pecunia caesorum sepulturam vendidisse, dicitur, quorum sepulchra, aiunt, adhuc in A Emona insula ostendi. Danos, toties male tentatis in Scotiam expeditionibus, iure iurando sanxisse,

RERVM SCOTICARVM

ferunt, se nunquam hostiliter co redituros. Cum in Scotia, rebus domi forisque prospere succedentibus, omnia pace florerent, Macbethus, qui consobrini ignavia semper spreta, regni spem occultam in animo alebat, creditur, somnio quodam ad eam confirmatus. Quadam enim nocte, cum longiuscule abesset a Rege, visus est sibi, tres formas forma augustiore, quam humana vidisse: quarum vna, Angusia Thanum, altera Moravia, tertia Regem cum salutasset. Hoc somnio animus, cupiditate & spe ager, vehementer inciratus, omnes regnum adipiscendi vias secum voluebat, cum non iniusta, ut ipsi videbatur, oblata est occasio. Duncanus e filia Sibardi, Reguli Northumbrorum, duos filios genuerat, Milcolumbum Cammorum (quasi dicas Megalocephalon) & Donaldum, cognomento, Banum, id est, album. Ex ijs, Milcolumbum vix 10 dum puberem Cumbriae praefecit. Id factum eius Macbethus molestijs, quam credi poterat, tulit, eam videlicet moram sibi ratus iniectam, ut priores iam magistratus, iuxta visum nocturnum, adeptus, aut omnino a regno excluderetur, aut eo tardius potiretur: cum praefectura Cumbriae velut aditus, ad supremum magistratum, semper esset habitus. Animus etiam, per se ferox, prope quotidianis conuitijs uxoris (quae omnium consiliorum ei erat conscia) stimulabatur. Igitur, re cum intimis amicorum, in quibus erat Bancho, communicata, Regem opportunum insidijs ad Ennernessum nactus, septimum iam regnantem annum, obruncat: ac, manu collecta, Sconam profectus, populari fauore fretus, Regem se dicit. Liberi Ducani, tam repentino malo icti, cum simul & patrem caesum, & auctorem caedis regnantem audirent, & in sedias passim a tyranno col- 20 locari, ut eorum caede regnum confirmaret, latebras fugae subinde mutando, saluti aliquandiu consuluerunt. Verum cum neque quicquam, aduersus potentiam eius, satis tutum videretur, neque ab homine, natura saeuo, spes vlla clementiae ostenderetur, diuersi, Milcolumbus in Cumbriam, Donaldus ad propinquos patris in AEbudas, diffugiunt.

LXXXV. REX.

Macbethus, ut regnum male partum stabiliret, potentiores magnis largitionibus sibi conciliat, securus de Regijs liberis, ob aetatem, de vicinis Regibus ob mutuas similitudines, Potentioribus delentis, populi fauorem aequitate parare, seueritate retinere, decreuit. Igitur cum latrones punire statuisset, qui Duncanum lenitate animos sustulerat, nec id posse fieri, sine magno rerum motu, videret, consilium iniit, ut, per idoneos homines, discordiarum semina inter eos spargerentur, & ex discordia prouocationes, & paucorum pari numero certamina, in disiunctissimis Scotiae locis, omnia eodem die fierent. Quem ad diem cum conuenissent frequentes, per homines fidos, ad id commodè dispositos, omnes comprehensi. Eorum poena, caeteris metus est iniectus. Praeter Thanos Cathanisiae, Rossiae, Sutherlandiae, & Narniae, nonnullos etiam e potentioribus, quorum intestinis discordijs plebs attrita erat, sustulit. Ad AEbudas profectus, ius seuerissime dixit. Inde reuersus, cum Macgillum, siue Macgildum, Gallouidiae longe potentissimum, semel atque iterum in ius vocasset, isque magis Milcolumbicae factionis inuidiam, quam obiecta crimina pertimescens, adesse renueret, missis eo copijs, praelio victum, capitali supplicio affecit. Per haec, summa tranquillitate restituta, ad leges scribendas (rem a 40 superioribus Regibus prope neglectam) animum adiecit: tulitque longe plurimas, atque vtilissimas, quae nunc, magno publico malo, aut penitus ignotae sunt, aut neglectae iacent. Prorsusque, per decennium, ita regnum administravit, ut, si vis in eo parando abfuisset, nemini superiorum Regum fuisset habitus inferior. Verum, cum ita praesidijs & fauore multitudinis se communisset, ut, a vi sibi metuendum, non arbitraretur, Regiae (ut credibile est) caedis stimulis animum elatum in praecipua impellentibus, imperium, perfidia partum, in crudelissimam tyrannidem vertit. Primum suae immanitatis impetum in Banchonem, Regiae caedis socium, coniecit. De hoc vulgabatur sors, per maleficos edita, fore, ut eius posteritas aliquando regno potiretur. Igitur veritus, ne homo potens & industrius, & Regio iam sanguine imbutus, exemplum ab ipso propositum imitaretur, cum cum filio ad coenam familiariter vocatum, curat, redeuntem per insidias interimendum, veluti per tumultum repente ortum. Fleanchus filius, per tenebras ignotus, euasit insidias. Ab amicis autem admonitus, patrem a Rege dolo caesum, suam

suam quoque vitam peti, occultus in Valliam profugit. Hac eade tam crudeliter & perfidiose patrata, procures sibi mercentes, domum quisque suam secesserunt: ac raro & rari in aulam ventitabant. Igitur partim patefacta, partim vehementer omnibus suspecta crudelitate Regia, ex mutuo timore inter eum & procures, mutuum odium natum. Atque inde, cum coelari amplius non posset, res in apertam tyrannidem euasi: ac palam, leuibus de causis, & plerunque confectis, potentiores occidebantur. Eorum bonis, facinorosorum circa Regem manus, nomine custodia, alebatur. Nec per hos tamen Rex vitam suam satis munitam ratus, in colle Dūsinano, vnde late in omnes partes est prospectus, arcē adificare aggressus. Cum opus, ob difficultatem vecturæ tardius procederet, Thanis omnibus, per vniuersum regnum, laborem per vices partitus, operas & iumenta imperauit: ipsosque, velut operi præfectos, adesse iussit. Erat tum Macduffus Fife Thanus, longe potentissimus. Is, vitam suam Regi committere, non ausus, operas frequentes, & ex intimis amicorum, qui opus vrgerent, eo misit. Rex siue operis (quod simulabatur) inuisendi studio, siue (quod Macduffus metuebat) vt eum comprehenderet, cum aduenisset, & forte iugum bouum, oneri impar, per aduersum cliuum subire non posset, Rex, occasione succensendi libenter arrepta, minatus est, se contumaciam Thani, iampridem sibi perspectam, domitutum, ac iugum ipsius collo imposturum. Macduffus, re ad se perlata, nihil cunctatus, commendata vxori familia, ac nauicula (pro temporis angustia) ornata, in Lothianam transuectus, inde in Angliam abiit. Fugæ consilio audito, Rex statim valida manu, si forte eum opprimere posset, in Fife contendit. In arcem statim intronissus, non inuento Thano, in vxorem & liberos, qui aderant, omnem iram effudit. Bona in fiscum redacta, ipse per duellis denunciatus, graui indicta poena, si quis vel congregi cum eo ausit. In ceteros quoque genere claros, aut opibus potentes, sine discrimine, sauitum. Ac iam ex eo contemptis proceribus, Rex domesticis consilijs regnum administrabat. Interea Macduffus, in Angliam delatus, Milcolumbum Regis cultu habitum apud Eduardum Regem inuenit. Eduardus enim, fractis in Anglia Danorum opibus, in regnum ab exilio reuocatus, multis de causis fauore prosequeretur Milcolumbū, ab auo materno Sibardo ad se adductū: vel, quod pater autique, cum præessent Cumbria, quatenus per tempora licuit, semper maioribus suis studuissent: vel, quod euentorum similitudo, & memoria periculorum eos conciliaret, quippe Regem vtrumque, & iniusto exilio a tyrannis multatos: vel, quod Regum afflictæ res facile hominum etiam alienissimorum, animos commouent. Thanus igitur, vbi primum per dæiū Milcolumbū conuenire potuit, cum longo sermone suæ fugæ infelicem necessitatem, Macbethi in omnes ordines crudelitatem, & omnium contra eam odia exposuisset, accurata oratione, ad regnum paternum repetendum, filium est horatus, præsertim cum neque, sine summo scelere, patris necem impiam inultam relinquere, nec populi, a Deo ipsi commissi, miseras negligere, neque amicorum, iusta petentium, precibus deesse, posset. Præterea, non ei defuturum neque Eduardi, Regis optimi, erga amicum & supplicem, officium, neque populi studium, aduersus tyrannum, neque numinis fauorem, pro bonis contra scelestum, nisi ipse, sibi deesse, velit. Milcolumbus, qui saepe antea per homines a Macbetho summissos, vt eum per dolum ad se illiceret, sollicitatus fuerat, de reditu, priusquam rem tantam fortunæ committeret, Macduffi fidem tentare statuit. Ego vero, inquit, nihil horum, quæ a te sunt exposita, ignoro: sed vereor, ne tu me, quem, ad regnum suscipiendum, inuitas, penitus ignores. Eadem enim vitia, quæ iam multos Reges pessima dederūt, libido & avaritia in me quoque adsunt: sed, quæ nunc priuata fortuna occulit, ea regni licentia soluet. Proinde vide, ne me non in regnum, sed in exitum voces. Cum Macduffus ad hæc subiiecisset, multorum libidinem liberali coniugio solui, & avaritiam, poenuriæ metu amoto, temperari: adiecit Milcolumbus, se malle, nunc, apud amicum ingenuè fateri: quam uero, cum in maximo vtriusque malo, in vicio deprehendi: nihil sibi veri, nihil sinceri in animo esse: nemini prorsus fidere, & consilia, ad omnes suspicionum auras mutare, & ex sui ingenij inconstantia, iudicium de alijs facere. Ad hæc Macduffus, Apage, inquit, Regij sanguinis ac nominis dehonestamentū, & prodigiū, non ad regnū accersendum,

R E R V M S C O T I C A R V M

sed in extremas orbis solitudines deportandum: & cum dicto iratus, discedere parabat. Tum Milcolumbus, hominis manu apprehensa causam simulationis ostendit, se toties Macbethi insidijs petitem, ut non temere cuius audeat credere. At in Macduffi nec genere, nec moribus, nec fama, nec fortuna quicquam se scire, unde fraudem extimecat. Igitur, data acceptaque fide, de tyranni exitio consultant, amicis per secretos nuncios pramonitis, ab Eduardo Rege decem millia militum accipiunt: duce omnibus praefecto Sibardo, Milcolumbi auo materno. Ad famam eius exercitus, magni in Scotia motus facti: magni quotidie ad nouum Regem concursus. Macbethus, prope desertus ab omnibus, cum, in tam repentina defectione, nihil melius occurreret, in arcem Dunfinanam se inclusit, missis in Aebudas & Hiberniam amicis, ut pecunia illinc militem 10 conducerent. Milcolumbus, consilio eius audito, recta ad eum ducit, populo, quacunque ibat, bene precante, ac faustis acclamationibus eum prosequente. Hoc velut omine victoriae lati milites, frondes virentes galeis omnes apposuerunt, triumphantiumque magis, quam ad pugnam progredientium, specie agmen incedebat. Ea perterritus hostium fiducia Macbethus, confestim in fugam se dedit: milites eius, a duce deserti, Milcolumbo se dediderunt. Multa hic fabulose quidam nostrorum affingunt: sed, quia theatri, aut Milesijs fabulis sunt aptiora, quam historiae, ea omitto. Macbethus, septemdecim annis, rei Scoticae praefuit. Decem primis, optimi Regis officio est functus: septem supremis, crudelitatem saeuissimorum tyrannorum facile aequauit.

L X X X V I. Rex.

Milcolumbus recuperato paterno regno, Sconae, vicesimo quinto die Aprilis, anno 20
M. LVII a Christo nato, M. LVII. Rex fuit declaratus. Statim regno suscepto, conuentum Forfarum indixit. Primum omnium, liberis eorum, qui a Macbetho erant occisi, bona paterna restituit. A nonnullis primus creditur noua & peregrina nomina, quibus honorum gradus distinguuntur, a vicinis accepta, nec minus barbara, quam erant priora, introduxisse, Duces, Marchiones, Comites, Barones, Ridaros, siue Equites. In primis, Fife Thanus Macduffus Comes est appellatus: multique praeterea, pro suis erga remoticam meritis, nouis titulis honorati. Sunt, qui tradant, tum primum coeptum, ut nobiliores ab agris cognomina sumerent, quod equidem falsum puto, cum ea consuetudo, ne nunc quidem, apud priscos Scotos sit recepta: totaque tum Scotia prisco sermone & 30 institutis vteretur. Loco vero cognominis, more Graecorum, patris nomen proprio subiiciebant: aut, ex euentu aliquo, notaue corporis aut animi, vocabulum affingebant: eundemque tum fuisse morem Gallis, indicant illa Regia cognomenta Crassi, Calui, Balbi: item multarum nobilium in Anglia familiarium cognomina, eorum maxime, qui, circa eadem haec tempora Gulielmum Normanum secuti, in Anglia sedes posuerunt. Apud reliquos etiam Gallos sero mos, cognomina ab agris ducendi, receptus videtur, ut ex Froissardi, scriptoris minime contemnendi, historia intelligi potest. Macduffo, in praemium nauatae operae, tria petenti priuilegia sunt concessa: ut posteri eius Regem coronandum in cathedra collocarent: ut, in Regio exercitu, primae aciei praesent: ut, ob eadem impraemeditatam hominis generosi, viginti quatuor, ob plebeij, duodecim 40 marcas argenti soluerent: quae postrema lex, usque ad aetatem patrum nostrorum, quandiu scilicet ex ea familia superfuit quisquam, durauit. Haec dum Forfare geruntur, qui supererant ex factione Macbethi, filium eius Luthlacum (cui, ex ingenio cognomen inditum erat fatuo) Sconam ductum, Regem appellant. Hunc Milcolumbus, in valle Bogiana affecutus, tertio, quam Regis nomen susceperat, mense, occidit. Generi tamen Regio tributum, ut mortuus una cum patris corpore in Regium sepulchrum in Iona inferretur. Ex eo, in summa pace quatuor annis exactis, affertur validam latronum manum Cocburni saltum insidere, ac Lothianam & Marciam, cum magno agricolarum damno, infestare. Eos Patricius Dumbarius, non sine labore, domuit, quadraginta e suis amissis. E latronibus sexcenti in congressu perierunt: quadraginta cepti, laqueo strangu- 50 lati. Ob id facinus, Patricius Marciae Comes dictus. Regno ita confirmato, ut nulla vis aperta, ei nocere, posset, Rex occultis insidijs est petitus. Totam coniuratione ad eum delata, principem eius, nihil ea de re suspicantem, ad se vocat: ac, longiore sermone familia.

familiariter instituto, solus in vallem secretam, alijs subsistere iussis, hominem seducit. Ibi, exprobratis ei superioribus beneficijs, & commemoratis insidijs, in suum caput structis, *Quin tu nunc, ait, armatus armatum, si tantum tibi animi est, aggredere,* & quod per dolum petis, virtute pramium tibi para. Ille perculsus re subita humi deiecit se, supplex: ac veniam a Rege, non minus clemente quam forti, obtinuit. Huius facinoris meminit Matthæus Paris. Interea Edgarus, cui, secundum Eduardum, regnum Angliæ debebatur, in Scotiam, ventis aduersis actus, cum tota familia applicuit. De hoc viro, vt, quæ sequuntur, facilius intelligi possint, pauca supra repetam. Edmondo, Rege Anglorum, scelere suorum occiso, Canutus Danus, qui in parte insulæ
10 regnabat, totam statim occupat. Filios Edmondi, Eduardum & Edmondum, ad se adductos, initio liberaliter habuit. Deinde, praua ambitione impulsus, eorum eade regnum confirmare suis posteris cupiens, eos, clam tollendos, ad Valgarum Sueciæ præfectum misit. Is, audita puerorum nobilitate, inspecta ætate & innocentia, fortunæ etiam misertus, mentitus Canuto de eade, in Hungariam, ad Solomonem Regem eos misit. Ibi, cum Regio cultu educarentur, tanta indoles in Eduardo eluxit, vt, ex
20 omni iuuentute, eum potissimum eligeret, cui Agatham filiam in matrimonium daret. Ex eo geniti Edgarus, Margarita, & Christiana. Interea, Canuto mortuo, successit Hardicanutus. Eo casu, reuocatus est e Normania, vbi tum exulabat, Eduardus, cum fratre Aluredo, misso, qui eos reduceret, Goduino, homine præpotente, Anglici quidam generis, sed qui Canuti filiam haberet coniugem. Is, cupidus regni in suam familiam transferendi, Aluredum veneno sustulit. Eduardus, magis numinis providentia quam humano consilio, seruatus, regnum in Anglia sanctissime gessit. Liberis autem
30 cū careret, nihil prius habuit, quam, vt propinquos suos ex Hungaria, ad id munus suscipiendum, reuocaret: atque Edgardo reduci statim cedere voluit. Sed ille, cum Regis pietate modestia certans, eo viuo, se regnaturum, negauit. Tandem Eduardo Rege defuncto, Haraldus, Goduini filius, regnum fraude quidem inuasit. Agatham tamen Hungariam, cū liberis, humanissime tractabat. Sed, eo quoque a Gulielmo Normano iam profligato. Edgarus cum matre, & sororibus crudelitatem eius virans, cū, in Hungariam redire statuisset, vi tempestatis, in Scotiam appulit. Ibi, a Milcolumbo receptus hospitali-
40 ter, accepta in vxorem Margarita sorore, affinis etiam factus. Gulielmus, tum in Anglia rerū potitus, leuissimis de causis, in omnes Anglici ac Daniei generis nobiles sauebat. Certior autem factus, quæ in Scotia gererentur, ac veritus, ne noua aliqua tempestas illinc oriretur, Fœcialem mittit, qui Edgarū deposceret, ac, ni dederetur, bellū indiceret. Milcolumbus crudele & nefariū ratus, supplicem, hospitem, affinem, hominem denique, cui ne inimici quidem vllum crimen obijcere possent, ad supplicium dedere hosti immaniſſimo, quiduis potius pati, decreuit. Itaq; non Edgarū modo retinuit, sed & amicos eius, maximo numero domo profugos, recepit, prædijsque donauit: quorū posteri, in multas atq; opulentas familias, propagati sunt. Bello inter Scotos & Anglos, ob has causas orto, Sibardus, Northumbriæ Regulus, Edgardo fauens, copias cum Scotis coniunxit. Normanus, rebus prospere succedentibus, tumidus, tanquā leui momento bello
50 Scotico defuncturus, Rogerū quendā, suæ nationis hominem, domi nobilem, cū copijs in Northūbriā misit. Eo victo & profligato, ac demū a suis exso, Richardus, Glocestriæ Comes maiore cū exercitu missus, a Patricio Dūbario leuibus prælijs fatigatus, & latius prædari, prohibitus, cū nihil promoueret, multo maiores copias eo duxit Odo, Gulielmi frater, ex Episcopo Baiocensi Cantij Comes factus. Quem, cum late Northumbriam populatus fuisset, ac cæsis nonnullis, qui, populatione eum prohibere, nitebantur, redeuntem cū ingenti præda, Milcolūbus & Sibardus adorti, spolijs exuerunt, multis, de eius exercitu, interemptis & captis. Neque Robertus, Gulielmi filius, suppleto exercitu, commissus, vllum operæ precium fecit, nisi quod, ad Tinam amnem positus castris, bellum
60 propulit, magis quā intulit: atq; interea Nouū castrū, vetustate pene collapsum, restituit. Gulielmus, longo magis, quā vtili aut necessaria bello, fatigatus, tandem, lenita paulum ferocia, animū ad studiū pacis adiecit. Pax his legibus facta, vt in Stammoria, quasi dicas ericeto lapidoso (id enim, ex re, nomen est loco) limes regnorū describeretur. In limite

RERVM SCOTICARVM

crux lapidea statuta, quæ regum statuas & insignia vtrunque haberet. Ea, quandiu stetit, Regia crux fuit appellata. Cumbriam Milcolumbus teneret, quo iure maiores eius eam tenuissent. Edgarus, a Gulielmo in gratiam receptus, ac prædijs amplis donatus, ut, ab omni rerum nouandarum suspitione, abesset, quandiu vixit, nunquam ab aula discessit. Voldiosus, Sibardi filius, receptis bonis paternis, in affinitatem etiam Regiam ascitus, accepta vxore nepte Regis ex filia. Pacem externam intestini tumultus sunt consecuti. Gallouidiani, & Ebudenses vicina omnia, non sine cæde, populabantur. Et Morauii, cum Rossianis, & Cathanesijs, alijsque propinquis facta coniuratione, adiunctis etiam Insulanorum proximis, maiore mole bellum ciebant. Aduersus Gallouidianos Valterus, Banchonis ex Fleancho filio nepos, iamdudum a Rege in gratiam receptus, in reliquos rebelles Macduffus est missus, dum Rex cogeret copias maiores. Valterius, cæso tumultus duce, ita cæteram multitudinem compressit, ut Rex eum reuersum, ob rem bene gestam, Stuartum totius Scotiæ fecerit: quasi dicas, œconomum. Hic magistratus census omnes Regios colligit: iurisdictionem etiam, qualem conuentuum præfecti habent, ac prorsus idem est cum eo, quem priores Thanum appellabant. Atque nunc sermone Anglico patrium superante, regionum Thani, plerisque in locis, Stuarti vocantur: & qui illis erat Abthanus, nunc Stuartus Scotiæ nominatur. Paucis in locis, vetus Thani nomen adhuc manet. Ab hoc Valtero, cæpit initium Stuartorum familia, quæ, iam diu, apud Scotos rerum potitur. Macduffus, in regione diuersa, cum ad Marriæ fines venisset, Marrianis pecuniam, ne fines eorum ingrederetur, pollicentibus, multitudinem hostium veritus, rem, simulatione transactionis conditionibus ferendis, suspendit, donec Rex ipse maioribus cum copijs aduenit. Cum ad Monimuscum vicum, coniunctis castris, fuisset ventum, Rex, audita multitudine hostium, sollicitus, Andreæ Apostolo, quem, velut deum tutelarem, Scoti colebant, vicum, in quo tendebat, se donaturum, vouit, si victor ex ea expeditione reuerteretur. Paucis inde castris ventum ad Spæam, omnium Scotiæ fluminum rapidissimum. Hostium ibi tantum numerum, quantum ex illis regionibus cogi posse, nunquam credidisset, in vltiore ripa, ad transitum prohibendum, stare conspiciatus, signifero cunctante flumen ingredi, signum, ei ablarum, Alexandro Carroni, equiti notæ fortitudinis, dedit: posterisque eius is honos habitus, ut Regium, in bello, vexillum ferrent. Ei, pro Carrone, postea cognomen Scrimigero positum: quod magistrum tractandorum armorum, multum sibi ex eo studio arrogantem, ipse, vera virtute fretus, artisque eius penitus imperitus, vicisset. Regem, iam flumen ingredientem, insulati sacerdotes sunt morati: qui, eo permittente, ad hostem profecti, bellum citra sanguinem finierunt. Nobiliores, vita tantum impetrata se dediderunt. Eorum, qui maxime inquieti, & seditionum autores fuisse, comperti sunt, bonis multati, perpetuæ custodiæ mancipantur. Pace domi forisque magnis laboribus parta, ad mores publicos emendandos, conuersus, ipse & sanctissime vivebat, & alios exemplo, ad modestiam & æquitatem, provocabat. Creditum est, eum, in hac re, multum consilijs & abhortationibus Reginæ lectissimæ & singulari pietate foeminæ, adiutum. Illa quidem, in pauperes, &, sacerdotest, nullum humanitatis officium omittebat: nec mater Agatha, & soror Christiana, in vllò pietatis officio, Reginæ cedebat. Nam quoniam tum Monachatus, inter præcipua pietatis instituta, habebatur, vtraque, relictis rerum humanarum molestijs, in virginum monasteria sese incluserunt. Rex ad quatuor priores Episcopatus Fani Andreæ, Glasgux, Candidæ casæ, & Murthlaci (qui, Episcoporum inertia, veterem disciplinam aut soluerant, aut abiecerant) adiecit Moraniensem, & Cathanesium, conquistis hominibus, prout illa ferebant tempora, doctis, & pijs. Luxum etiam, iam tum, non solum per frequentiam Anglorum, aliarumque gentium exterarum commercia, sed multis exulibus Anglici generis receptis, & per vniuersum regnum diffusis, ingrauescentem, coercere, prope frustra conatus est. Maximus ei labor fuit, dum, ad veteris parsimoniam modum, reuocare studet procures: qui, admissio semel voluptatum delinimento, non modo in peius facile promouebant, sed, in præceps rapi se, patiebantur, foedissimumque etiam vitium, elegantix & munditiarum falso nomine, dissimulare conaban-

conabantur. Milcolumbus, cum, non modo religioni, sed etiam rei militari summam inde perniciem impendere conspiceret, primum diligenter suam familiam expurgauit: deinde leges sumptuarias seuerissimas, graui adiecta poena, aduersus violatores, tulit. His autem remedijs, cum rem lifieret magis, quam curaret, nunquam tamen destitit, quoad vixit, omni conatu vrgeri. Vxoris etiam precibus dedisse, fertur, vt primam nouæ nuptæ noctem, quæ proceribus per gradus quosdam, lege Regis Eugenij, debebatur, sponsus, dimidiata argenti marca redimere, posset: quam pensionem adhuc, Marchetas mulierum, vocant. Dum Milcolumbus, moribus emendandis, intentus est, Gulielmus Rex Anglorum moritur. Succedit ei filius, Gulielmus Rufus. Inter duos
 10 Reges, tam discordi ingenio, pax diuturna esse non poterat. Rex enim Scotorum tum maxime alterum Dunelmi templum in Anglia, alterum ad Dunum Fermelini in Scotia magnis sumptibus edificabat, remque Ecclesiasticam, labantem, confirmabat. Turgorumque, præfectum monachorum Dunelmensium, ad Episcopatum Fani Andree transfert: cum interea Rufus, siluas, ad ferarum venationes, includens, vt laxius spatium complecteretur, monasteria vicisque diruebat. Anselmum Normanum, Cantuariæ tum Archiepiscopum, liberius admonentem, insula exegit. Causam belli aduersus Scotos ferens, Anneuici arcem, caelo præsidio, fraude interceptit. Milcolumbus, rebus frustra repetitis, magno exercitu arcem obsedit. Custodes arcis, pene ad omnium rerum penuriam redacti de deditioe collocuti, petunt, vt Rex adesset, ad clauces reci-
 20 piendas. Eas dum, ad cuspidem lanceæ suspensas, Rex incautus accipit, miles, ferro in oculum adactò, eum interimit. Filius quoque eius, Eduardus, dum salutis suæ negligentior, vindictæ cupiditate, in hostem incautius irrui, ex vulnere breui moritur. Scoti, gemina clade, ex duorum Regum morte, turbati, soluta obsidione, domos abeunt, & Margarita, mœrore confecta, non diu viro & filio fuit superstes. Corpora Regum & Tinmurho (quod ad ostium Tinæ coenobium est) vbi primum fuerant sepulta, Fermelinodunum relata sunt. Regnum tenuit Milcolumbus annos triginta sex, nullo prorsus vitio, notabilis: multis & magnis virtutibus, ad posteros insignis. Genuit ex Margarita sex filios: e quibus, Eduardus, in obsidione Anneuici, e vulnere mortem obiit, Edmondus & Etheldredus exules in Angliam a Donaldò patruo pulsi, interierunt.
 30 Tres reliqui, Edgarus, Alexander, & Dauid, regnum deinceps tenuerunt. Duarum filiarum maior Mathildis, cognomento Bona, Henrico Regi Anglorum, minor Maria Eustathio, Bononiæ maritimæ Regulo, nupsit. Inter prodigia hoc tempore, numeratur, maris Germanici tam insolita inundatio, vt non agros modo demerferit, & arenis obruerit, sed vicos, oppida, & arces euerterit. Tonitrua etiam, solito frequentiora, ac magis horrenda: pluresque, quam vnquam in Britannia memoriæ proditum fuerit, fulminibus exanimati.

LXXXVII. Rex.

Milcolumbo rebus humanis sublato, Donaldus Banus, hoc est albus, eius frater, qui, Macbethi metu, in Aebudas perfugerat. Magno Regi Noruegorum omnes insulas
 40 pollicitus, si, eius auxilio, regno Scotorum potiretur, nullo fere negotio Rex est declaratus, maxime ab ijs, qui superiorem Regem, corruptæ maiorum disciplinæ, falso insimulabant, Anglosque, domo pulsos, in Scotorum agris collocatos, dolebant. Edgarus, in tam subita mutatione rerum, sororis liberis, per ætatem adhuc infirmis metuens, eos in Angliam, ad se, transportandos curauit: sed ea viri optimi pietas calumnia non caruit. Nam ab Orgaro Anglo, gratiam apud Gulielmum Rufum Regem aucupante, accusatus est, quod occulte iactaret, se, suosque propinquos legitimos regni hæredes. Id crimen cum delator nullis testibus confirmaret, certaminis alex iudicium committitur. Tandem delator ab alio Anglo, qui, pro Edgardo, iam seniore, nec satis firma valetudine, se ad certamen obrulerat, victus est. Donaldum, qui, externis auxilijs
 50 cum sua factione coniunctis, regnum inuaserat, cum boni omnes, apud quos sacrosancta erat Milcolumbi & Margaritæ memoria, odissent, ipse id odium, sua temeritate, vehementer auxit, multa inter suos capiti nobilium minatus, qui sacramentum dicere abnuebant. Igitur Duncanum, Milcolumbi nothum, qui apud Rufum diu honesto

RERVM SCOTICARVM

loco militauerat, aduersus Donaldum accersunt. Ad eius aduentum, multis deficientibus, Donaldus, rebus suis diffidens, post sextum, quam regnum inuaserat, mensem, in Aebudas profugit.

LXXXVIII. REX.

Nec Duncanus diu regnum tenuit: homo enim militaris & artium pacis non admodum gnarus, cum imperiosius, quam ciuilis ratio exigebat, omnia tractaret, breui, in maximum maioris partis odium incurrit. Cum Donaldus exul, ad omnes eius motus intentus, rescisset, corrupto Macpendiro, Mernia Conite, Duncanum in Taichia nocte curat obtruncandum. Post annum & sex menses, quam regnare coeperat, ipse, bonis cum (inopia melioris) magis tolerantibus, quam probantibus, plus minus triennio, turbulentissimum regnum gessit: hinc Insulanis, hinc Anglis regnum infestantibus. Accessit & illa maior inuidia, ex insulis Occidentalibus, per Magnum Noruegorum Regem, occupatis: quas & si ille velut per vim ingressus esset, tamen omnes intelligebant, fraudem subesse, non se commouente, ad tantam contumeliam, Donaldus. Actandem multo vehementius accensa est publica indignatio, secreta eius pactione in vulgus prolata.

LXXXIX. REX.

Igitur occultis nuncijs actum cum Edgardo, Milcolumbi filio, ut, ad regnum capesendum, se ducem praeberet: non defutura, ubi primum ad limitem veniret, auxilia. Nec vana fuerunt promissa. Edgarus enim, per Edgarum auunculum modicis auxilijs a Rufo impetratis, vix Scotiam est ingressus, cum Donaldus, a suis destitutus, fugit: atque e fuga retractus, ad Edgarum adducitur: & in vincula coniectus, non multo post mortuus est. Edgarus in regnum, summo omnium ordinum consensu, reductus, primum omnium pacem, cum Gulielmo Anglo, fecit: atque, eo sine liberis defuncto, eandem, cum Henrico eius fratre, confirmavit. Ei Mathildem sororem (cui ex moribus, ut dictum est, cognomen Bonae datum fuit) uxorem dedit. Ex eo matrimonio geniti sunt Gulielmus, Richardus, Eufemia, & Mathildis. Regnavit Edgarus, in summa pace, annos nouem, & sex menses, bonis omnibus carus & verendus, malis adeo formidabilis, ut, toto eius regni tempore, nulli motus intestini, nullus, ab hoste externo, metus fuerit. Vnum operum ciuiliu eius monumentum fuit, Coldingamiae coenobium, Dinae Ebbae virgini dicatum, septimo regni anno: posterius in Cuthberti nomen translatum.

XC. REX.

Edgardo, sine liberis defuncto, successit frater Alexander, cognomento Acer. Hunc, inito statim regno, iuuentus, quietis impatiens, rata pacatum (hoc est, ut ipsa interpretabatur, ignauum) futurum exemplo fratris, ut maiore cum licentia latrocinaretur, cum occulta fraude tollere, decreuit. Ille, patefacta coniuratione, in ultimam usque Rossiam fugere molientes, eos est secutus. Cum ad Spæam amnem constitissent, ac, freti rapiditate fluminis, transitu Regem prohibere, conarentur, Rex, a suis retentus, quod, actu maris allabente, impermeabilis videretur amnis, ipse primus calcaribus equo subditis, ceteris, ne Regem in tanto periculo desererent, sequentibus, ad hostem ire pergit. Verum (ut dixi) a suis retentus, Alexandro Carroni, Alexandri, cuius supra meminimus, filio, partem exercitus dedit, qui, subito cum suis amnem ingressus, audacia miraculo adeo conterruit hostes, ut passim in fugam statim se conijcerent. Multi, inter fugiendum, cæsi: principes eorum, vel tum capti, vel postea ad Regem adducti, laqueo strangulati. Hæc expeditio, ex illo ad finem usque vitæ, pacem ei præstitit. Redeunti per Merniam occurrit mulier paupercula, grauius querens, maritum suum a Comitibus Mernia filio, quem in ius, ob æs alienum, vocasset, loris cæsum. Rex indignabundus, ex equo desiliens, non prius conscendit, quam supplicio facinoris auctor fuisset affectus. Ita demum ac Ennergoream, vel, ut alij scribunt, ad Baledgar, hoc est Edgari villam, est reuersus. Ex his rebus ab eo gestis, sunt, qui Acris nomen ei inditum, putant. Alij magis tragicam cognominis causam afferunt, latrones scilicet a ministro cubiculari corrupto, Rege dormiente, intromissos, Alexandrum vero forte expectum,

rectum primū ministrum, a quo proditus erat, deinde sex e latronibus interemisse. Ad hæc, tumultu in aula concitato, cæteros fugisse, Alexandrū fugientibus instituisse, donec maior eorum pars concisa fuisset. Post hæc, ad pacis opera conuersus, Fanum Michaelis, ad Sconam, a fundamentis extruxit. Collegium, quod ibi erat, Sacerdotum, in cœnobium Monachorum mutauit. In AEmenam insulam tempestate delatus, ibi prope ad extremum periculum, ex fame, venit: cum nullum per aliquot dies, nec ipse neque comites, victum habuissent, nisi, quem apud solitariae vitæ cultorem (cremitas vulgo appellans) inuenerunt. Ibi quoque Fanum, in memoriam Diui Columbi, extruxit, adiectis Canonicis (vt vocant) & agris, qui eos alerent. Fanum quoque Andreæ, satis antea diues, non modo donarijs, sed etiam agris auxit. AEdem, ad Fermelini Dunum a patre coeptam, perfecit, & prouentibus locupletauit. His fere pace belloque, gestis, cum septemdecim annos rei Scoticæ præfuisset, decessit, nullis e Sibylla, Gulielmi Normani filia, relictis liberis.

XC I. REX.

Dauid ei frater successit, anno, a Christo nato, M. CXXIIII. Is, cum fratres eius, alter post alterum, in Scotia rerum potirentur, in Anglia, apud Mathildem sororem, hæsit. Ibi vxorem accepit Mathildem, propinquam suam, forma, diuitijs ac nobilitate florentem. Erat enim ei pater Voldiosus, Northumbriæ Comes: mater Iuditha, Gulielmi Normani neptis. Ex ea filium suscepit Henricum, in quo, statim a pueritia, & paterna & materna indoles eluxit. Ex hoc matrimonio, magnis prouentibus auctus, nempe, Comitibus Northumbriæ, & Hundintoniæ, siue Venantoduni, cum magna ciuium gratulatione, ad regnum accipiendum, in Scotiam venit. Nam, etsi parentum memoria, ad popularis gratiæ conciliationem, magnum momentum haberet, propria tamen virtute effecit, vt, aliena commendatione ad laudem, nihil egeret. Erat enim cuius Regum, in cæteris virtutibus, par: audiendi vero causas, tenuiorum facilitate longe superior. Potentiorum querelas ipse audiebat. Si quis iudicum falsum iudicasset, res iudicatas non rescindebat, sed iudicem litis æstimationem cogebat victo pendere. Luxuriam, latius proserpentem, patris exemplo, coercuit. Artifices & inuentores earum illecebrarum, quæ gulam irritant, regno eiecit. Parentum ac propinquorum beneficentiam, venia potius, quam laude dignam, in augendis prouentibus Ecclesiasticis, longe superauit. Monasteria, vel collapsa vetustate, vel bellorum iniurijs diruta, instaurauit. Præterea, noua a fundamentis multa extruxit. Ad sex Episcopatus priores quatuor adiecit Rossiensem, Brechinensem, Caledoniensem, & Dumblanensem. Hos vt prouentibus annuis ditaret, posteros Reges pene ad inopiam redegit, maxima Regiorum agrorum parte, ad Monachorum alimenta, consecrata. Ioannes Maior, qui, in studio Theologiæ, magnum nomen, in puero, habuit, cum reliqua huius Regis acta magnis laudibus prosequatur, hanc profusam eius in monasteria largitionem graui, (atque vtinam minus vera) oratione incescit. Hanc ego quoque immodicam publicæ pecuniæ, atque adeo patrimonij profugionem eo magis demiror, quod, eisdem illis temporibus, D. Bernardus acerbissimis concionibus, sacerdotes & Monachos, ob luxuriæ sumptus immoderatos, vexat: qui tamen, ad nostram ætatem collati, modici videri possent. Fructus autem, qui secuti sunt, harum donationum quale fuerit consilium, ostendunt. Nam, vt in corporibus sagina distentis, vsus omnium membrorum perit: ita ingeniorum igniculi, luxuria oppressi, in cœnobijs ex eo elanguerunt: literarum studia sunt extincta, pietas in superstitionem degenerauit: & velut in agro inculto, vitiorum omnium semina suppullularunt. Vnum, toto regni tempore, ciuilem tumultum verius, quam bellum, sensit: sed is breui, AEnea Marauiz Comite cum suorum magna multitudine cæso, coquieuit. Milcolumbus Macbethus, cum, nouam seditionem accendere tentaret, in arcem Rosburgi custodiendus datur. Cæteris rebus ex sententia succedentibus, duplex superuenit molestia, aut verius calamitas. Altera ex vxoris, altera ex filij morte immatura. Vxore quidem Mathilde, summo genere, forma, moribus, orbatu, quam & viuam vnice amauit, & in ætatis flore mortuam ita desiderauit, vt plus viginti annis, non modo cœlebs, sed expers etiam veneris superfuerit, nunquam tamen vis

RERVM SCOTICARVM

doloris ei fuerit impedimento, quo minus, & pace & bello, publicis muneribus fungere-
retur. De filio, suo loco dicemus. Cum David se totum studijs pacis dedidisset, res, in
Anglia turbatae, inuitum ad bellum pertraxerunt. Henrici enim Angli tota sobole, pra-
ter Mathildem filiam, in traiectu a Gallijs submersa, Anglus eum casum adeo grauius
tulit, vt, nunquam deinde risisse, tradatur. Mathildis, quae sola tantae cladi superstes fue-
rat, Henrico quarto Imperatori nupsit. Ea, marito sine liberis mortuo, ad patrem
in Angliam redijt. Hanc ille (metuens & viduae, & orbae, si quid ipsi humanitus acci-
disset) vt in regno confirmaret, Nobilitatem sacramento in verba eius adegit: &, in
spem nepotum, Galfredo Plantageneto, Andegauorum Comiti, eam collocauit. Intra
quingennium, post id matrimonium, Robertus Dux Normaniae, atque Henricus Rex
decesserunt: & Galfredus Andegauus, graui morbo correptus, lecto affixus iacebat.
Stephanus interea, Bononiae maritimae Comes, per hanc Regiae stirpis solitudinem
animum adiecit, ad regnum Angliae occupandum: neque, rem fore difficilem, arbitra-
batur: cum, ob aduersae partis infirmitatem, tum quod a Regio genere non esset alie-
nus. Erat enim ex filia Gulielmi Normani, quae Comiti Bloesensi nupsit, genitus. In
matrimonio autem habebat Mathildem, superioris Bononiae Comitis filiam, Mathil-
dis autem Imperatricis consobrinam: ac e Davidis Regis Scotorum sorore Maria natam.
Tot igitur propinquitatibus, & absentia Reginae Anglorum, & Galfredi valetudine fre-
tus, facile se Anglia potiturum, sperabat. Vt autem ad eam spem aditus facilius esset, nihil
reueritus fidem iuris iurandi, quod Reginae una cum reliquis propinquis dederat. Epi-
scopos Anglos, eiusdem sacramenti socios, ad eandem impietatem, magnis pollicita-
tionibus, pellexit. In primis autem Gulielmum, Eboracensem Archiepiscopum, qui
princeps in verba Mathildis iurauerat, & Rogerium, Sarisburiensem Episcopum, qui
non modo ipse iurarat, sed ceteris etiam proceribus verba praerarat. Hac fiducia, Henrico
auunculo nondum sepulto, regnum ingressus, primum biennium satis tranquillam
egit: eoque insolentior factus, & pacta cum Anglis negligere, & cum vicinis arrogan-
tius agere, coepit. Postquam Anglos omnes, partim metu, partim pactionibus, in ver-
ba adegisset, legatos ad Davidem, Scotorum Regem, misit, qui eum, vt idem faceret,
ob Cumbriam, Northumbriam & Hundintoniam, admonerent. David respondit, se
non ita pridem, una cum ipso Stephano, ac omnibus Angliae proceribus, Mathildi, le-
gitimae Reginae, sacramentum dixisse. Alterum autem ea viuam, nec velle, nec debere Re-
gem agnoscere. Hoc responso ad Stephanum relato, initium belli statim factum est:
Anglis, in proximos Scotorum agros, ferro & flamma saeuientibus, Scotisque damna
illata pari clade rependentibus. Proximo anno, ductu Comitum Marciae, Taichiae, &
A Eneiae, Scotorum exercitus, Angliam ingressus, ad Allertonem vicum obuias habuit
Anglorum copias: quibus praerat Glocestriae comes. Pugnatum est acerrime. Par v-
trinque fuit caedes, dum acies steterunt. Fusis Anglis, multi in fuga perierunt: capti
Nobilitate plurimi. In ijs, Comes ipse Glocestriae. Hac plaga Stephanus ictus, ne capti-
uorum propinqui abalienarentur, nullas pacis conditiones recusabat. Haec leges fu-
erunt, vt Anglus captiuos sine pecunia reciperet: ac ius omne, quod in Cumbriam, 40
tanquam supremum dominum, habere se contendebat, remitteret. Sed Stephanus ni-
hilo sanctius illic fidem coluit, quam, in regno propinqua inuadendo, prius fecerat.
Nam, vix dimisso vtrinque exercitu, & captiuis receptis, aliquot Northumbriae arces
clam intercept: praedis, e Scotorum agris abigendis, bellum renouauit. Scoti, collecto
e proximis regionibus exercitu, cum Anglos, illo ipso victos a se anno, contemnerent,
temere praelio commissio ad Tefam amnem, magna clade contemptum hostis luerunt.
Coacti praeterea, Northumbria decedere. Ad hanc ignominiam delendam, David,
quam potuit maximo, exercitu contracto, venit Rosburgum. Eo Turstadus, Ebo-
racensium Archiepiscopus, vel (vt scribit Gulielmus Neobrigiensis) Trustinus, ab An-
glo, ad pacificandum, missus. Spe concordiae iniecta, inducia in tres menses datae, ea
lege, vt statim Northumbria Scotis redderetur. Hoc quoque promissum, quod, sol-
uendi exercitus causa, factum a Stephano erat, cum vanum fuisset, Davidque magnas
praedas ex ea Northumbriae parte, quae Anglo parebat, abegisset, Stephanus, coactis

maximis copijs, Rosburgum vsque penetrauit. Verum, cum rescisset, Nobilitatem
 sibi aduersari, & queri, se bello iniuncto, & non necessario illigari, nulla re gesta, retro
 in intimum regnum se recepit: ac proximo anno, sibi metuens a seditione intestina,
 Mathildem vxorem ad Dauidem eius auunculum misit, quæ de pace ageret. Ea inter-
 prete, factum, vt Dauid e Nouo castro, vbi se ferme continebat. Stephanus e Dunel-
 mo in Cestriam vicum, in medio itinere positum, & ex æquo ab vtroque opido distan-
 tem, mitterent, qui de controuersijs disputarent. Missi a Dauide Fani Andrea & Gla-
 scuz ab Stephano, Cantuariæ, & Eboraci Archiepiscopi. Eo facilius inter eos conue-
 nit, quod Stephanus foris bellum, & domi seditionem metuebat: & Scoti grauius fe-
 rebant, se belli alieni omnem tempestatem excipere, Mathilde interim, cuius causa age-
 batur cessante. Igitur pax, in eas leges, conuenit, vt Cumbria veteri iure Dauidi, Nor-
 thūbria vsque ad Tefam amnem (vt scribit Gulielmus Neobriglensis Anglus) & Hun-
 dintonia Henrico, Dauidis filio, maternæ videlicet hæreditatis nomine, cederet: is-
 que Stephani eo se nomine beneficiarium fateretur. Rebus ita compositis, Dauid in
 Cumbriam, Stephanus in Cantium se recepit. Hæc pax incidit in annum, a Christo
 nato M. C. XXXIX. quo anno Mathildis, in Angliam reuersa, filium suum Henricum, CIO.
 qui postea regnauit inter Anglos, misit Carleolum ad Dauidem magnum eius auun- CXXXIX.
 culum, vt ab eo potissimum (quippe, sine controuersia, omnium ætatis suæ præstantis-
 simo) in militarem ordinem ascisceretur, quæ res, illis temporibus, cum maxima cere-
 monia fieri solebat. Tanta autem tum rerum perturbatio, ex domesticis discordijs, erat,
 vt nihil, ab intestino bello, liberum esset in Anglia, præter eam partem, quam Dauid
 Rex Scotorum tenebat. Sed, ne ille solus a publica calamitate esset immunis, intra trien-
 nium filius eius, vnicus tantarum opum, & felicitatis speratus hæres, in ætatis flore
 decessit, liberis maribus ternis, ac totidem alterius sexus relictis, tantumque sui deside-
 rium apud Scotos & Anglos reliquit, vt, præter publicam iacturam, vnusquisque ma-
 ximo priuato incommodo affectus esse, videretur. Tanta enim sinceritas, & modera-
 tio animi in ea ætate erat, quæ, fere in licentiam efferuescere, solet, vt raros & singula-
 res fructus, ex ea indole (si maturuisset) omnes expectarent. Acerbiorem eum luctum
 patri fecit tenera nepotum ætas, & ingenium Stephani inquietum, & imperij auidum:
 30 & Stephano etiam sublato, Henrici, filij Mathildis, qui in regno successurus erat, elat-
 us animus, & in ætatis feruore, ferocia. Obuersantibus igitur animo ægro tot molestia-
 rum rerum cogitationibus, cum omnes, eum dolori succubiturum, putarent, tantum
 superfuit ei, aduersus ægritudines, fortitudinis, vt nobilium amicorum primos, ne gra-
 uius (vt par videbatur) eum casum ferret, sollicitos, ad coenam vocaret, atque ita allo-
 queretur, vt propior consolanti, quam dolenti videri posset: neque enim sibi, neque
 filio quicquam accidisse noui. Nam se, ex doctorum & sanctorum virorum sermoni-
 bus, didicisse, Mundum Dei prouidentia regi, cui obsistere velle, non modo stultum,
 sed etiam impium esset. Nec ignorare se, ea lege, suum filium genitum fuisse, vt ali-
 quando decederet: & æs alienum, quod nascendo acceperat, moriendo redderet. Id
 40 cum semper haberet in promptu, nihil nec ipsius, nec aliorum interesse, quo tempore a
 creditore appellaretur. Quod si mali tantum morerentur, iure quidem, in propinquo-
 rum obitu, dolendum esse. Verum, cum, bonos etiam decedere, videamus, & homini
 Christiano esse debeat tam persuasum, quam quod est certissimum, bonis (neque vi-
 uis, neque mortuis) quicquam mali euenire posse, quid est, cur hanc disunctionem, a
 propinquis præsertim, tam breuem adeo moleste feramus; cum non tam nos relique-
 rint, quam ad communem patriam præcesserint: quo nos eos, etiam si longissimum
 vitæ spatium transigamus, tamen breui sequemur, Filius autem meus si hanc peregri-
 nationem prior suscepit, vt parentes & fratres meos, homines sanctissimos, prior vi-
 deret, eorumque consuetudine prior frueretur, id si moleste feremus, prouidendum
 50 erit, ne, porius illius inuidere felicitati, quam mala nostra lugere, videamur. Vobis
 autem, viri optimi, cum ob alia plurima officia, tum, ob hanc erga me caritatem, & il-
 lius piam & iucundam memoriam, vterque (vt pro filio etiam spondeam) plurimum
 debere, profiteamur. Hæc magnitudo animi in Rege, vt multum ad pristinam venera-

RERVM SCOTICARVM

tionem adiecit, ita in omnium pectoribus filij desiderium auxit, cum recordarentur, quali principe ipsi liberi que sui orbat essent. David autem, ut qua pote: at vna, consolatione frueretur, nepotes ex filio ad se adducendos, curat: atque aulica disciplina (quæ tum erat sanctissima) educandos, & quantum humanis consilijs prospici poterat, securitati prouidit. Milcolumbum, qui e tribus erat natu maximus, toti Nobilitati, peculiariter vero Macduffo, Fife Comiti, viro potenti, & in primis prudenti, commendauit: & per eum curauit, per vniuersum regnum circumducendum, & pro indubitato regni successore, accipiendum. Gulielmum, natu proximum, Northumbriæ Comitem declarat: cumque, iam tum, in possessionem mittit. Tertium Dauidem, Hundintonij in Anglia, & Garriochæ in Scotia, Comitem appellat. Hæc eo magis festinabat, quod, 10 graui morbo iam implicitus, vitæ suæ finem breui affore, prospiciebat. Decessit autem anno, a Chrifto nato, M. C. LII. nono Cal. Iunij, tanta omnium erga eum charitate, ut, CII. non Rege, sed parente optimo cuncti viderentur orbat. Nam cum, tota vita, talis fuisset, C. LII. qualem nullum, in literarum monumentis, fuisse, legimus, paucis ante mortem annis, totum se ita ad emigrationem animi comparauerat, ut venerationem superioris temporis vehementer apud omnes auxerit. Ut enim superiores Reges, omni laudis genere præstantes, belli artibus æquauerat, studijs pacis antecierat: iam, velut ommissa cum alijs, de omnibus virtutis partibus, contentione, secum sibi certamen proposuit: in eo que tantum profecit, ut summo ingenio homines doctissimi, qui, boni Regis imaginem exprimere, contenderunt, talem non potuerint animo cogitare, qualem se David, toto 20 vitæ cursu, præstitit. Regnavit annos viginti nouem, menses duos, dies tres.

XCII. REX.

Dauidi successor fuit, nepos ex filio, Milcolumbus, qui quanquam adhuc impubes esset, magnam tamen de se spem omnibus præbuit. Ita enim a parente & auo fuerat educatus, ut non magis corporis lineamentis, quam animi virtutibus eos reddere, videretur. Initio statim regni, sæuissima fames, cum magna hominum, pecudumque strage, per totam Scotiam grassata est. Erat, per id tempus, Argatheliæ Thanus Sumerledus, cui & fortuna supra genus, & supra fortunam animus erat. Is, & Regis ætate, & calamitate præfenti, in spem regni erectus, magna manu suorum collecta, vicinas regiones invasit: & populatione late, latius etiam metu sui sparso, facinorosis sponte ac- 30 currentibus, ac bonorum nonnullis vi, se adiungere, coactis, breui magnum confecit exercitum. Ad huius tumultus famam, Donaldus, Milcolumbi Macbethi filius, excitus, cum res novas tentaret, prope Candidam casam in Gallouidia captus, & ad Regem missus, atque in eandem cum patre custodiam fuit inclusus: sed breui post, placato Rege, vterque dimissus. Aduersus Sumerledum, Gilchristius Angusiæ Comes cum exercitu missus, cæsis rebellibus, ipsum profligatum cum pacis in Hiberniam fugere, coegit. Hæc victoria, præter omnium spem, tam cito parata, domi tranquillitatem, foris inuidiam peperit. Henricus enim Rex Angliæ, homo ambitiosus, & proferendarum finium cupidus, crescentem Milcolumbi auctoritatem & potentiam imminuere, statuerat. Sed, quo minus aperte bellum faceret, obstabat ei pactionis verecundia. Nam cum Carleoli 40 a Rege Dauide, Milcolumbi auo, militari baltheo, ut mos est, cingeretur, promiserat, & (ut præter scriptores nostros, Gulielmus Neobrigensis inquit) iureiurando cauerat, se, nec ipsum Dauidem, nec posterorum eius quenquam aliqua parte regionum, quas tum in Anglia David tenebat, spoliaturum. Hæc verecundia obstrictus ut colore aliquo calumniam tegetet, primum, in re leuiori, patientiam Regis Anglus experitur. Cum Ioannes Episcopus Glasguensis per Cumbriam sana dedicaret, Sacerdotes raderet, aliaque, quæ, ad Episcopi munus pertinere, tum credebantur, obiret, Henricus per Trustinum Eboracensem Archiepiscopum nouum in eam regionem misit Episcopum, quem Carleolensem dixit. Ea iniuria Ioannes grauiter permotus, cum nec in Rege, nec in lege satis præsidij videret, relicto suo Episcopatu, se in monasterium Turonense, in Gal- 50 lia abdidit: nec prius inde rediit, quam, rogatu Milcolumbi, a Pontifice Romano inuitus est retractus, & ad suos reuerti, coactus. Hanc iniuriam cum Scotus leuius, quam sperabatur, ferret, neque satis causæ ad bellum esse, existimaret, Cestriam profectus est, ut, sedatis suspi-

suspicionibus, discordiarum causas præcideret. Ibi, fraude Angli, illectus est, ut in ver-
 ba eius iuraret: cum, non Rex ipse, sed fratres eius, qui in Anglia agros haberent, ex
 conuentu iam olim facto, sacramentum dicere deberent. Sed hoc callide ab Anglo, ac
 malitiose excogitatum erat, qui semina discordiarum inter fratres spargebat: quod,
 proximis annis, multo apertius est declaratum, cum Northambriam, Gulielmi fratris
 patrimonium, a Milcolumbo eblanditus est. Londinum enim eum accersit, ut, maio-
 rum exemplo, se, nomine terrarum, quas in Anglia tenebat, in conuentu publico be-
 neficiarium eius fateretur. Ille non cunctanter eo, accepta fide publica, profectus, nul-
 la re, cur venerat, perfecta, cogitur Henricum inuitus in Galliam cum eo, quem tum
 10 ibi habebat, itineris comitatu, sequi. Consilium Angli eo spectabat, partim, ne quid a
 Scoto, se absente, turbaretur, partim, ut, hoc commento, Ludouici Regis Francorum
 animum ab eo auerteret. Ita igitur Milcolumbus inuitus, sed metu grauioris incom-
 modi reluctari non ausus, aduersus veterem amicum tractus, non prius ad suos redire
 permissus est, quam Anglus, bello in Gallia parum prospere gesto, domum est reuer-
 sus. Milcolumbus, tum demum impetrata domum redeundi venia, cum, Nobilitate
 coacta, suæ peregrinationis acta exponeret, magnæ partis animos vehementer infeu-
 sos reperit, quod cum inimico certo aduersus veteres & certos amicos militasset, neque
 prospexisset, quibus artibus ab Henrico peteretur. Rex, cum, se, inuitum, nec tamen
 ausum quicquam ei Regi negare, cuius in potestate erat, in Galliam tum profectum,
 20 diceret, atque ideo non desperaret, se facile Franco purgatum iri, ubi intelligeret eum
 circumuentum, ac sine domesticis copiis propere illuc pertractum, seditionem, iam iam
 erupturam, in præsentia compescuit. Sed nec Henricum, in omnia intentum, fefellit,
 hunc tumultum magis tum cohibitum, quam popularium animos erga eum placatos.
 Itaque iterum Milcolumbus, ad conuentum Eboracensem adesse, iubetur. Ibi, con-
 fecto crimine, accusatus, quod, eius maxime opera, res in Gallia minus prosperæ An-
 glis fuissent. Ideo relatum ad consilium, de adimendis ei regionibus, quas in Anglia te-
 nebat. Ad hæc cum ille respondisset, seque abunde purgasset, omnium aures clausas in-
 uenit: quippe vel timore, vel gratia sui Regis occupatas. Ita decretum in Henrici sen-
 tentiam factum. Nec hac iniuria contentus, per idoneos homines, qui, Milcolumbum
 30 ultro ac volentem tot regionibus cecidisse, dicerent, ciuium odium vehementer erga
 eum accendit: adeo ut domum reuersum, Bertha obsessum, pene comprehenderint.
 Sed, interuentu seniorum, paululum ira sedata est. Cum Nobilitatem edocuisset, se
 non modo iniuste, sed fraudulentè etiam ab Henrico, vetere patrimonio exutum, pro-
 cures ei auctores fuerunt, ut, per vim ablata, iusto pioque bello repeteret. Ex hoc decre-
 to bellum indictum, ac, non sine magnis vtriusque gentis incommodis, gestum. Tan-
 dem cum Reges non procul a Carleolo, ad colloquium conuenissent, post multam di-
 sceptionem, Henricus, Cumbria & Hundintonia Milcolumbo relictis, Northūbriam
 ademit. Anglo nullum aliud ius cupiditati suæ prætendenti, nisi quod, tantam imperij
 sui diminutionem pati, non posset. Verum, cum neque iuris reuerentia, neque pacta, &
 40 conuenta, neque iurisiurandi sanctitas Angli inexplebili auiditati obfisterent, homo,
 pusillanimi, & pacis nimis cupidus, conditionem accepit, aduersa & reclamante No-
 bilitate Scotica: quæ negabat, ius esse Regi, quicquam de finibus Regni detrahere, nisi
 omnibus ordinibus consentientibus. Ex eo, Rex a suis contemni cœpit, ut neque for-
 titudine, nec prudentia ad moderandum imperium, idoneus: neque quicquam æque
 animos hominum ferociorum a tumultu cohibuit, ac maior metus ab Anglo, quem
 fretum simplicitate Milcolumbi, & potentia transmarina, imperio totius insulæ porius
 di cupidum, perspiciebant. Hic vniuersorum erga Regem affectus fecit, ut singuli re-
 uerentiam imperij facilius abijcerent. Initium rebellandi factum est, ab Angusio, seu
 potius, Aenea Gallowidiano, homine quidem potente, sed qui spei plus tamen in Re-
 50 gis ignauia, quam suis viribus collocaret. Aduersus hunc missus Gilchristus, tribus
 præliis victum, in cœnobij Candidæ casæ asylum eum compulit. Vnde cum abstra-
 hendi ius non esset, omnium rerum inopia, ex diuturna obsidione, ad paciscendum est
 coactus. ipse agrorum parte est multatus, & filius obses datus. Hanc immutationem

RERVM SCOTICARVM

prioris magnitudinis cum elatus animus non ferret, rarus, in coenobium, Edimburgo propinquum, se, a conspectu & ludibrio hominum, abdidit. Nec in diuersa regni parte Morauientes, homines inquieto semper ingenio, se a rebus nouis continuerunt. Gildone enim, seu verius, Gildomino duce, non modo regiones omnes circumcirca depopulati sunt, sed foeciales, ad se missos, barbarica crudelitate interfecerunt. Aduersus hos quoque missus Gilchristius, maiore quidem cum exercitu, sed dispare fortuna. Virtus enim aduersarij, quæ alijs terrori esse solet, homines scelestos, &, quid commeruissent, gnaros, desperare de salute, coegit. Igitur dum student, ne inulti cadant, hoste profligato, superiores euadunt. Milcolumbus, ubi cladem suorum rescuit, suppleto exercitu veteri, in Morauiam duxit. Ad Spæi fluminis ostium Morauientes, etsi 10 Regis copias auctas, & suas e superiore prælio imminutas non ignorarent, tamen loco freti, &, parati nuper victoria, feroces, euentum expectare constituerunt. Pugnatum est magna cum pertinacia, nec minore cæde. Neque enim prius cesserunt, quam, fessis Regijs, miles e subsidijs recens successit. Tum vero, inclinata semel acie, non amplius pugna, sed cædes fuit. Nulli ætati aut conditioni furor militaris pepercit. Hoc prælio, veteres Morauiani pene ad internecionem sunt redacti: quæ poena, utcumque crudelis, tamen videri potest, non immerentibus accidisse: grauitatemque ultionis gentis perfidiosa aduersus alios immanitas excusat. Noui coloni in casorum agros missi. Nec Sumerledus, inter tot tumultus sibi quiescendum, duxit. Is (vt antea dictum est) cum in Hiberniam, ex infelici prælio, euasisset, ab eoque tempore, latrocinijs Scotiae lito- 20 ra habuisset infesta, ratus, inter tot cædes maiore parte militaris ætatis consumpta, aut e fugientibus aleam dimicationis opulentam prædam, aut e congregantibus fore non difficilem victoriam, magna vndique facinorosorum manu coacta, æstuarium Glottæ amnis nauibus ingressus, sinistra ripa excensionem fecit, ac, blandiente ab initio fortuna, Renfroam vsque penetrat. Ibi, dum multum prædæ, parum incolumitati suorum intentus, agit, a multo paucioribus circumuentus, suos prope omnes amisit. Ipse viuis, ad poenam & ludibrium, seruatus, ad Regem perducitur. Alij, eum vna cum filio in prælio cecidisse, scribunt. Hæc circiter annum M. C. LXIIII. gesta sunt. Pacato vbique a tumultibus bellicis regno, conuentus omnium ordinum indictus. Ibi, cum alia multa, ad statum regni confirmandum, decerneretur, com- 30 muni consensu, a Rege publice petierunt, vt, quoniam iam pridem matrimonio esset maturus, quippe qui vicesimum secundum vitæ annum excederet, de nuptijs cogitaret, & liberis creandis operam daret. Id eum & publice regno, & priuatim suæ familiæ debere: neque præsentis modo temporis, sed futuri etiam tranquillitati ei animo prospiciendum esse. Ad hæc ille respondit, se, ab eo vsque tempore, quo vitæ suæ rationem inire, & cursum eius dirigere potuerit, continentiam ab huiusmodi cupiditatibus Deo sancte promississe. Quod suum votum se existimare, ei non ingratum fuisse, qui & vires ad id præstandum dedisset, & hæredes, ad succedendum, præparasset: vt, nec infirmitate animi, nec necessitate aliqua publica, e proposito viuendi cursu deflectere, cogeretur. Dimisso consilio, cum foris pax esset, ad artes auitas, nempe sa- 40 crarum Aedium extructiones, & in monachos largitiones, sese conuertit. Qua in re, si vita longior ei fuisset, maiores videbatur longe superaturus. Obiit enim mortem, non multo post: nempe, quinto Idus decembres, anno, a Christo nato, M. CLXV. vitæ vicesimo quinto, regni paulo supra duodecesimum.

CLXV. **XCIII. REX.** Successit Milcolumbo, frater eius, Gulielmus, qui, decimo quinto die post proximi Regis mortem, regnum inuit. Is nullum fere nec publicum, nec priuatum negotium, quod, maioris esse momenti, videretur, prius attigit, quam Northumbriam ab Henrico Anglo repetisset. Anglus, Gulielmum Londinum venire, iussit, vt, ob Cumbriam & Northumbriam, se beneficiarium de more profiteretur. Id ille cum non grauate fecisset, nec tamen a Northumbria poscenda, desisteret, Henricus ambiguo responso rem differebat. Nam cum Northumbria, Milcolumbo adempta, ipsi adiudicata esset, se, eam abalienare (nisi procerum decreto) non posse. Ad proximum conuentum adesset, atque

atque ibi quod ius esset, expectaret. Gulielmus, etsi, nihil aequi se impetraturum, sperabat, tamen, ne calumniandi aduersario daret occasionem, in Anglia, ad conuentum usque, expectauit, & Henricum proficiscentem ad bellum Gallicum, licet inuitus, tamen est secutus. Ibi cum assidua flagitatione nihil proficeret, nec Rex, breui in Angliam rediturus, speraretur, agre com meatu impetrato, in Scotiam est reuersus. Post reditum, primum omnium regnum, latronibus castigatis, repurgauit: deinde locis idoneis arces & praesidia, ad prohibendas repentinas incursiones, imposuit: demum per Legatos, de Northumbria reddenda, Anglum admonuit: ut redderet bellum interminatus. Anglus, Gallico bello impeditus, Northumbriae parte, quam proauus Gulielmi tenuerat, ei cessit. Eam Scotus quidem accepit, restatus, se nihil se suo in reliquam partem iure decedere. Id cum Anglus grauer ferret, & praedam de manibus, lite non dirempta, dimissam, doleret, per incursiones in fines Scotorum, noua belli semina iaciebat: hac occasione sperans, reliqua, quae controuersa videri volebat, se facile ablaturum. Cum res, de more, per limitum praefectos repeterentur, Angli, conque-
 10 ssi, suos limites latrocinio Scotorum vexari, legatos, nulla, ob quam venerant, re impetrata, prope sine responso abegerunt. Scoti, ut, quod iure obtinere non poterant, vi assequerentur, exercitum confecto, in proximos Anglorum agros ferro & igne sauiunt. Angli, iam instante messe, contenti, per absentiam Regis, sua, quoad possent, tutari, nullum quidem exercitum contrahunt. Hiems vero interea, per mutuas incursiones, fuit
 20 iniqua. Aestate proxima, Gulielmus in hosticum magno cum exercitu ingressus est. Ad eum Angli, cum nullas adhuc satis firmas copias haberent conscriptas, legatos in castra mittunt. Inducias magna pecunia mercari contendunt. Id si impetrent, spem injicere conantur, omnia ex sententia conuentura. Credidit fallacibus eorum promissis homo minime malus, & qui pacem, modo non iniquissimam, quamuis iusto bello praeferret. Angli spatium, quo ab armis cessabatur, totum in apparatu belli consumunt. Nec desinunt interim, legatis missitandis, promissa cumulare, ac pariter hostium castra speculari: in quibus cum omnia, induciarum fiducia, remissa ac neglecta cernerent, maioremque partem exercitus Regij, ad com meatus petendos, dilapsam, reuersi, suis
 30 occasionem rei bene gerendae ostendunt. Instant, ne, eam e manibus elabi sinant. Igitur maiore copiarum suarum parte in insidiis collocata, quadringenti fere equites expediti, de tertia vigilia iter ingressi, paucas horas ante Solis ortum, Alneicum, ubi Scotorum castra erant, adueniunt. Ibi maiorem, quam sperarant, bene gerendae rei occasionem nacti, in Regem, velut in summa pace, obequitantem, cum sexaginta plus minus equitibus imperum faciunt: ac pene, antequam discerni posset, amicone aut hostes essent (acceptis enim armis & insignibus Scotis, facile pro Scotis fefellerunt) nono quam regnare coeperat, anno, eum capiunt. Cum e castris tumultu exciti pauci, ac sparsi frustra sequerentur, nonnulli, ne Regem viderentur deseruisse, in hostem ultro incurrentes, capti fuere. Rex ad Anglum, tum in Gallia militantem, est perductus. Angli, hoc insperato successu elati, Cumbriam inuadunt: sine certamine, se po-
 40 tituros ea, rati. Sed a Gilchristio & Rollando, Scotis ducibus, ita sunt repulsi acriter, ut, induciis factis, contenti fuerint, quandiu Rex captiuus esset, Northumbria potiri: Cumbriae & Hundintoniae liberam Scotis possessionem relinquere. Interea David Gulielmi frater, Hundintoniae & Gariochae Comes, qui tum apud Anglum militabat, accepto com meatu, rediit in Scotiam: ac, rebus pro tempore pacatis, legatos in Angliam, de fratre liberando, mittendos curauit: qui tum Falesij in Normania asseruabatur. Rex, traditis Anglo quindecim obsidibus, & quatuor arcibus, Rosburgi, Beruici, Edimburgi, & Sterlini, ad Cal. Februarias permissus est, redire ad suos. Ipse cum proceribus & Episcopis euocatus ab Anglo, Eboracum, ad xviii. Cal. Septembres, venit. Ibi cum
 50 suis omnibus, qui aderant (aderant autem principes Nobilitatis) in verba Henrici iurauerunt: ac regnum Scotiae in fidem & clientelam eius dederunt. Has leges, utcumque duras, Scoti cupidi Regis optimi non renuerunt, ut Angli scriptores tradunt. Thomas Voltingamius Anglus, & ipse hanc deditionem non Eboraci, sed in pago Constantiensis factam, scribit. Sunt, qui tradant, conuentum inter Reges, non de deditione, sed certa

R E R V M S C O T I C A R V M

pecunia per pensiones danda, arcesque tantisper Anglo traditas, dum ea persolueretur. Hanc ut opinionem veriore existimem, facit fœdus, cum Richardo Henrici filio renouatum, de quo suo loco dicam. Rex reuersus, motus in Gallouidia se absente ortos, per Gilchristiū intra paucos menses compescuit. Ad quartum Cal. Februarij, cum conuentus Noramam ad Tuodam indictus esset, eoque Gulielmus venisset, Anglus vehementer contendere cœpit, ut omnes Episcopi Scotorum Archiepiscopū Eboracensem, pro Metropolitano, agnoscerent, instante vehementer, ut id fieret, Legato Romani Pontificis. Post longam disceptationem, responsum fuit a Scotis, paucos in præsentia suorum adesse, nec eos posse cogere absentes, ut ab se decreta confirmarent. Hanc ob causam, re in aliud tēpus dilata, paulo post missis Romam Legatis, Episcopi Scoti Alexandro tertio suam causam probarunt: ac domum rediere lati, quod, eius decreto, ab Anglorū iugo essent liberati. Non ita multo post, Gilchristius (cuius sæpe meminimus) uxorem suam eandemque Regis sororem, adulterij compertam, occidit. Ei, cum in ius ad diem dictum non affuisset, aqua & igni interdictum. A Edesdirutæ, bona in fiscum redacta. Eodem fere tempore, arx Edimburgi reddita, vna pensione soluta: & ad stabilendum firmitus concordia, lata lex, ne alter alterius hostem ad se receptaret. Hac lege Gilchristius Anglia exclusus redijt: ac, mutatis sæpe locis, ignotus inter ignotos, in omnium prope rerum summa pœnuria, miseram vitam transigebat. Interea Gulielmus expeditionem adornabat in Morauiam, aduersus latrones A Ebudenses: quorum princeps Donaldus Baan (hoc est albus) genus suum ad Reges referebat: ac nomen etiam Regis assumperat. Is e nauibus sæpe ac diuersis in locis exscendens, non modo in maritimis locis solitudines faciebat, sed a mari etiam longe remota, crescente per impunitatem audacia, populabatur. Aduersus eum nauibus circummissis, qui classem incenderent, Rex, terrestri itinere profectus, pene omnes ad vnum interemit. In reditu, cum non procul a Bertha abesset, tribus rusticis offensis, præter pannos & illuuiem, nihil rusticum præ se ferentibus, cum declinare viderentur multitudinis occursum, Rex adductos ad se diu contemplatus, institit quærere, qui mortales essent. Gilchristius senior, adorato Rege, miserabiliter de fortuna sua questus, quis esset, indicat: adeoque memoria superioris vitæ, per summam dignitatem transactæ, qui aderant, omnes commouit, ut nemo, lachrymis abstinere se, potuerit. Rex humo surgere iussū, in pristinum & dignitatis & 30
amicitiæ gradum, hominem restituit. Inciderunt hæc in annum M. CXC. quo tempore Richardus, qui superiore anno patri successerat, cum expeditionem in Syriam ornaret, Regi Scotorum arces reddidit, & obsides remisit: atque eum posterosque eius absoluit ab omnibus pactis, vel vi expressis, vel fraude obtentis, regnumque Scotiæ vtendū fruentumque, eis finibus eoque iure ei permisit, quo Milcolumbus Regesque superiores id tenuerant. Harum conditionum meminit Mattæus Parisiensis. Ille contra, ut, Richardo se non ingrātū, ostenderet, ad bellum transmarinum proficiscenti, decies mille marcas argenti dedit, Dauidemque fratrem, Comitem Hundintoniæ declaratum, sequi eum in Syriam, iussit. Is dum redit, classe tempestatibus disiecta ab Aegyptijs captus, a Venetis redemptus, Constantinopoli demum ab Anglo mercatore agnitus, post quartum tandem annum in Scotiam redijt: & magna omnium, sed fratris præcipua gratulatione est receptus. Boethius credit, ab hoc Dauide, incolumi illic exposito, opudum, quod Alectum ante vocabatur, appellatum fuisse Deidonum. Ego potius, Taodunum, composito nomine e Tao & Duno, vocatum, existimo: Alecti nomen apud vnum Boethium inuenio. Nec adeo multo post, Richardus, varijs casibus iactatus, ex eadem peregrinatione redijt. Ad eum reducem Gulielmus cum fratre gratulatum venit, ac duo millia marcarum argenti dono attulit, vel benignitatis superioris erga se memor, vel præsentis inopiæ misertus. Nec vñquam nomen Scoticum creditur, Anglico fuisse coniunctius. Ibi cum Gulielmus in grauissimum incidisset morbum, rumor, de morte eius allatus, nonos in Scotia motus excitauit. Haraldus, Orcadum & Cathanesiæ Comes, Episcopo Cathanesiæ insensus, quod, per eum steterit, diceret, quo minus apud Regem, quæ vellet, obrineret, eum comprehensum, oculis & lingua priuauit. Rex, reuersus domum, Comitibus Haraldis magna ex parte cōpias varijs, congreg-

congressibus deleuit. Ducem, e fuga retractum, oculis orbatum, per carnificem strangulauit: totamque stirpem eius masculam emasculandam dedit: reliquos propinquos, & scelerum ministros magna pecunia multauit. Hac a Boethio sic narratur, & vulgari rumore confirmantur: collisque, a testiculis nominatus, memoriam rei gestæ seruat: ac mihi veriora videntur, quam quæ ab alijs traduntur. Inciderunt hæc in annum Salutis M. CCX. quo anno Regi Alexander filius est natus: & Richardo Anglo defuncto, Ioannes frater successit. Rex Scotorum in Angliam profectus est, ut sacramentum diceret, ob agros, quos in Anglia tenebat. Sed eius aduentus non fuit, initio noui regni, magis iucundus, quam discessus ingratus: quod recusaret, Anglum in expeditionem sequi, aduersus Philippum Francum veterem amicum. Igitur reuersus e Gallijs Ioannes, dum belli causas quærit, præsidium e regione Beruici ædificare, coepit. Gulielmus, frustra per legatos ea de iniuria conquestus, manu collecta, quod ædificatum erat, demolitus est. Exercitus vtrinque conscribuntur. Cum iam castra castris prope collata essent, per primates pax facta, his legibus, ut duæ Gulielmi filia duobus Ioannis filijs, cum per ætatem nobiles forent, collocarentur. Dos ingens dicta. Præsidium ne ædificaretur, cautum. Obsides in hæc dati. Reuersus Gulielmus, in periculum inexpectatum incidit. Berthæ opidi pars maior, inundatione Tai amnis, noctu diruta est. Nec ab hac calamitate Regia fuit immunis, filio Regis infante, vna cum nutrice & quatuordecim alijs, extincto: reliqui ægre euasere. Multi e promiscua multitudine oppressi.

20 Rex, cum aquæ magna ex parte solum vrbis obtinerent, nec vlla fere domus calamitatis esset expers, paulo infra, ad eundem amnem, nouam urbem commodiore loco exstruendam curat, & nomine non multum immutato, Perthum appellat. Hunc honorem habitum credunt Pertho, viro nobili, qui solum vrbis Regi donauit. Eodem fere tempore, Rex ducem rebellium ad Septentriones spectantium, Gothredum Makulliam a suis proditum cepit. Captus, cibo constanter abstinuit, metu (ut creditur) grauioris supplicij. Hoc fere vltimum operum memorabile fuit Gulielmo, ob ipsius etiam ingrauescentem ætatem, per duces gestum. Nam paulo post, LXXIV. annum agens vitæ, regni XLIX. Salutis humanæ M. CCXIII. decessit. Non multo ante mortem Gulielmi, prope singulis annis, cum Ioanne Anglo fœdera sunt renouata. Ioannes

30 enim, homo late proferendi imperij cupidus, cum haberet foris cum Gallo, domi cum Romanensibus bellum, nec certam vnquam cum Vallis & Hibernis pacem, non omisit tamen libidinem inuadendi Scotiam, quæ tum Regem habebat senem, & proximum ei heredem puerum. Ob hæc, cum colloquia frequenter sereret, magis tentandi, quid impetrare posset, quam vilius rei æquæ transigendi, gratia, demum res in aperitam suspensionem erupit. Ac, post fœdera sæpe nouata, tandem Gulielmus ad Nouum castrum ad Tinam euocatus, venit. Ibi cum in morbum grauissimum incidisset, nulla re transacta, rediit. Deinde, cum paulo ante mortem, inuitatus esset Noramam ad Tuedam, nec, per valetudinem, adesse posset, rogatus, ut mitteret filium, id quoque, de consilij sententia, renuit. Fœdera, illis congressibus sancita, non libuit huc ascribere, ut quæ

40 omnia eisdem pene verbis sunt compositæ, neque quicquam habent noui, præterquam quod in vno cautum est, ne Reges Scotorum, sed eorum liberi iurarent in posterum, aut se in fidem Angli dent, ob terras, quas in Anglia tenebant. Tota etiam harum rerum mentio est a scriptoribus Anglis, ob eandem, ut arbitror, causam, prætermissa.

CCXIII. REX.

Gulielmo successit Alexander, filius ex Emergarda propinqua Regis Anglorum, Comitis Belli montis filia. Sedecim erat annorum, cum regnum inuit. Is, turbidis temporibus, imperium adeptus, omnia prudentius, quam pro ætate, composuit. Primum omnium, indicto conuentu publico, patris, viri prudentissimi iuxta ac optimi, acta omnia ordinum decreto confirmauit. Prima ei expeditio fuit in Angliam, nulla priuata cupiditate, sed ut Ioannis tyrannidem compesceret, ab ordine Ecclesiastico (ut tum loquebantur) accersitus. Norama, quam obsidere coeperat, certis conditionibus relicta, interiora ingressus, Regiarum partium homines omni belli clade persequitur. Eo domum reuerso, Ioannes mox Scotiam inuadit. Dumbarum, Hadinam, & omnem

R E R V M S C O T I C A R V M

vicinam Lothianam foeda populatione vastat: & quo latius bellum spargeret, alia via reuerti, statuit. Alexander, cupidus praelio decernendi, inter Pictos montes, & Escam, qua venturus dicebatur, castra posuit. Ioannes, vt congressum vitaret, secundum mare ducens, Coldingamiam coenobium cremat: Beruicum, parum munitum, capit, & incendit. Eum retro festinantem Alexander, qua potuit, proxime secutus, ferro flammaque per Northumbriam grassatus, Richemondam vsque peruenit. Sed, eo se interiorrem Angliam magnis itineribus recipiente, Scotus, per Vestmariam rediens, vasta omnia Carleolum vsque reddidit. Urbem vi cepit, & communiuit. Proximo anno, accersiti ab ijs, qui Sacerdotum factioni aduersus Regem fauebant, Ludouicus Philippi Franci filius, vt, exauctorato Ioanne, regnum acciperet, & Alexander Scotus, vt amico 10 ferret auxilium, ea aestate, Londinum venerunt. Ioannes vero & suorum studiis destitutus, & peregrinis armis petitus, magna pecunia in praesentia, & tributo perpetuo promisso, praeterea iure regni in Pontificem translato, vt Reges Anglorum, in posterum, beneficiarij eius essent, in gratiam rediit. Per Galonem Cardinalem, notae rapacitatis hominem, literas Roma impetrat, quibus Scotus & Gallus, magnis minis, a populo sacrosanctae Sedis vestigali abstinere, iubeantur. Ludouicus, ob hanc rerum commutationem, in Galliam, Alexander in Scotiam redit: sed minus, quam venerat, agmine pacato. Nam, cum Angli extremum abeuntis agmen carperent, & vagos ac moratores exciperent, & Ioannes Trenti fluminis pontes frangeret, vada, palis acutis infixis, occluderet, naues omnes auerteret, magnum redeunti obiectum videbatur impedimentum, & quod, 20 sine certa pernicie, non posset effugere. Sed interim Ioannes, a monacho Anglo accepto veneno, ad Neurgum opidum, in ripa Trenti fluminis situm, lectica delatus, intra biduum moritur. Is casus Alexandro iter aperuit. Tum, suorum incuria castigata, circumspectius quidem agmen egit, sed non sine magno eorum incommodo, per quos ducebat. Quicquid enim agi ferriue poterat, secum auferens, cum ingenti praeda domum redijt. Galo, Legatus Romanus cum Henricum, Ioannis filium, in regno confirmasset, proceres Anglorum, grandi pecunia multatos, in gratiam recepit. Et, vt hoc damnum pari inimicorum calamitate solaretur, Ludouicum Gallum, & Alexandrum Scotorum fulmine Romano, in spem praedae, ferit. Omnibus Scotis sacris interdicat, ratus, diras suas plus apud vulgus simplex, quam Reges, valituras. Sed, pace tandem inter reges firmata, 30 Scoti Carleolum, Angli Beruicum restituant: finesque veteres ad regiam crucem seruari, iubent. Alexander cum suis per Episcopos Anglos, quibus ea potestas commissa erat, refecratur. Hic Galo fremens, tantam sibi praedam e manibus ereptam, in Episcopos & reliquos Scotorum Sacerdotes iram vertit, tanquam suam peculiarem turbam, & nihil ad reges attinentem. Anneuici eis conuentum indicit. Ibi timidiore pecunia hominem placant: qui obstinatiores erant, Romam in ius vocati. Hi, obiter a multis Anglorum Episcopis & Coenobiarchis, literis ad Pontificem, de sordibus Legati, acceptis, hominem grauitur accusant: eum facem omnium malorum fuisse, dum, non publicae utilitati, sed auaritia priuata, studet: & bellum pacemque inter Principes, suo arbitrio, nundinatur. Galo, quod se non satis purgaret, multatus est a Pontifice pecunia, praeda videlicet inter eos di- 40 uisa. Accusatores verbis bonis onerati, pecunia inanes domos dimittuntur. Paucis post annis, Henricus Anglus, aetate & consilio maturior, Eboracum venit. Ibi, cum Alexandro, praesente Legato Pontificis Pandulfo, conuentum est, data sorore Angli Ioanna ei, in matrimonium: ex qua, praematura morte surrepta, nullos liberos suscepit. Ab eo tempore, vsque ad vitae finem, pax inter Reges fuit. Ibi, coram eodem Pandulfo, Rex sancte iurauit, duas Alexandri sorores, pro loci, unde erant, dignitate, se collocaturum, vti antea pater eius promiserat. Verum altera elocata, altera innupta domum rediit. Proximo anno, qui fuit M. ccxx. venit in Britanniam, ad pecuniam, in usum sacri belli, expiscandam, Aegidius Cardinalis. Is, cum satis optimum quaestum in utroque Regno fecisset, quod, per imposturam, ab hominibus nimium credulis exegerat, per luxuriam, in itinere profudit. Cum va- 50 cuus Romam rediisset, mentitus est, se a latronibus fuisse spoliatum. Consecutus est statim alter Legatus, sed homines, iam bis fraude Romanensium spoliati, publico decreto, eum fines ingredi, vetuerunt. Alexander cum domi vitia, per licentiam bellorum enata, tolle-

tolleret, totumque regnum, ius dicendo, vna cum Regina obiret: Rosiam Gilespicus
 indidem ciuis, vicinas regiones foede populabatur. Nessum amnem transgressus, En-
 nernessum opidum captum incendit. Recusantes, in verba sua iurare, crudeliter truci-
 dabat. Aduersus eum Ioannes Cuminius, Buchania Comes, missus, latebras per deuia
 mutantem cepit, & cum duobus filiis, capite multauit. Capita ad rei gestæ fidem, ad Re-
 gem missa. Anno M. CCXXXII. Cathanesiensis, Adami Episcopi sui cubiculum ingressi CIO.
 nocte, monachum, quem de more comitem habebat (nam Mulrossensis Abbas ante CCXXXII.
 fuerat) & ministrum cubicularium occiderunt. Ipsum, grauiter vulneratum, in culinam
 attractum, vna cum domo cremarunt. Causam tantæ crudelitatis fuisse, aiunt, quod
 10 Episcopus, acerbius solito, decimas exigeret. Hi, diligenter conquisiti, grauissimo sup-
 plicio fuerunt affecti. Comes Cathanesia, quanquam in facinore patrandō non affuif-
 set, suspicione tamen non caruit. Postea vero cum ad ferias natalis Dominici, quæ Sco-
 torum Saturnalia sunt, clanculum ad regem fuisset perductus, veniam suppliciter peri-
 tam impetrauit. Circa hæc tempora, decessit Alanus Gallouidianus, Scotorum longe
 potentissimus. Decedens, tres filias reliquit, de quibus posterius nobis erit sermo. Tho-
 mas, filius eius nothus, earum ætate & sexu contempto, se dominum vocat: nec eo con-
 tentus, coactis ad decem hominum millia, resistentes opprimit, prædas e vicinis agris,
 late populabundus, agit. Tandem, missō a Rege exercitu, ceciderunt e rebellibus, vna
 cum duce, ad quinque millia. Eodem anno, Alexander cum vxore in Angliam profe-
 20 ctus est, vt tumultus, aduersus Henricum orientes, quoad posset, sopiret, & Nobilita-
 rem cum eo in concordiam redigeret. Hæc dum ille curat Eboraci, vxor eius cum Re-
 gina Angliæ Cantuariam, religionis ergo, profecta, rediens inde, ex morbo decessit, ac
 Londini sepulta est. Non adeo diu post eius mortem, Rex, cum liberis careret, Mariam, CIO.
 Ingelrami Cuciani Franci filiam accepit vxorem, anno, a Christo nato M. CCXXXIX. CCXXXIX.
 Ex ea natus est Alexander, qui patri successit. Biennio proximo, anno scilicet M. CCXLII. CIO.
 cum Rex Angliam versus properaret, vt Anglum, e Gallia reducem, inuiseret, dum CCXLII.
 Hadina in Lothiana se ludis equestribus oblectat, Patricij Gallouidiani Comitis Artholæ
 hospitium, vna cum ipso, ac duobus ministris, arsit, late etiam in propinqua fuso in-
 cendio. Id minime creditum est, fortuitum fuisse, propter nobiles inimicitias Patricij
 30 cum Bisetorum familia. Et quanquam Gulielmus, familiæ princeps, teste etiam Regi-
 na, probaret, se, ea nocte, qua facinus id patratum fuerat, Forfaræ fuisse, vltra sexaginta
 millia passuum ab Hadina: ex aduerso, propinqui Patricij arguebant, ea nocte mini-
 stros & clientes eius complures Hadina: visos: dies Gulielmo dicitur. Ille quidem ad
 diem Edimburgum venit: sed, ob aduersariorum potentiam (hi autem erant Cumini)
 non ausus, iudicio experiri, singulari certamine causam suam tueri, cupiebat. Ea vero
 conditio, cum non acciperetur, cum multis propinquorum exulatum in Hiberniam
 abiit: ac suæ gentis familiam in ea claram reliquit. Exortus est alius in Argathelia tu-
 multus, duce Sumerledo, Sumerledi superioris filio. Sed is intra paucos dies, per Pa-
 triciū Dumbarium victus, se in potestatem Regis dedit, atque ab eo veniam præteri-
 40 torum accepit. Rex, non multo post, morbo correptus, decessit, anno ætatis LI. Re-
 gni xxxv. Salutis humanæ, M. CCXLIX. CIO.
 CCXLIX.

XC V. REX.

Eius filius, Alexander tertius, eodem anno Sconæ coronatur, puer nondum annum
 octauum egressus. Omnium prope rerum potestas penes Cuminiū factionem erat.
 Hi, cum publicum patrimonium in suam rem verterent, imbecilliores opprimerent,
 nobilium quosdam, suæ libidini aduersos, ac liberius de statu regni loqui ausos, confi-
 ctis criminibus, circumuenirent, ac bona damnatorum in fiscum redacta, ipsi a Rege
 (cui tum imperabant potius, quam parebant) accepta inuaderent, conuentu ordinum
 habito, tractatum præcipue, de Anglo placando, ne, tam periculoso tempore, aliquid
 50 attentaret. Id quo facilius fieret, affinitate coniungendum esse. Hæc ratio commodior
 Cuminiū inimicis visa est, ad eorum potentiam infringendam, quam, si eos aperte
 oppugnarent. Legati ad Anglum missi, libenter ab eo auditi, & munifice dimissi, omni- CIO.
 bus, cur ierant, impetratis. Proximo anno, qui fuit M. CCLI. Eboraci Reges conue- CCLI.
 CCLI.

RERVM SCOTICARVM

niunt ad 1117. Cal. Decemb. Ibi, ipso Dominici natalis die, Scotus ab Anglo in Eque-
 strem ordinem est allectus, ac postridie, de nuptiis cum Margaritha Henrici filia, conuen-
 tum. Pax item renouata, quæ, quandiu vixit Henricus, firma & inuiolata mansit. Quo-
 niam vero Alexander adhuc impubes erat, ex amicorum consilio, decretum, vt socii,
 velut curatoris, consilio vteretur, in rebus grauioribus. Ex hoc decreto, quidam prima-
 tum accusati, se clam subduxerunt. Rege domum reuerso, accusatus Robertus, Ferme-
 linoduni Abbas, regni Cancellarius, quod Alani Dironarti vxorem, Alexandri secundi
 notham, legitimæ prolis iure donauerit: vt hac ratione, si Rex absque liberis moreretur,
 ea, velut hæres, ei succederet. Cancellarius hoc metu iniecto, mox vbi domum redijt,
 magnum sigillum proceribus reddidit. Gamelinus, qui postea Fani Andreae fuit Episco- 10
 pus, in eius locum suffectus. Triennio fere proximo, cum, qui a consilijs Regi fuerant,
 singuli se prope pro Regibus gererent, ac agerent raperentque omnia, populus, in me-
 dio relictus, seruilera in modum premebatur. Rex Angliæ, paterno plane erga Regem
 Scotorum animo, certior factus, ad Vercam, quæ arx est ad limitem Scotiæ sita, venit:
 eoque generum cum primoribus accersit. Ibi multa, ex eius consilio, vtiliter murata, in
 ijs præcipue magistratibus, quorum culpa minus tranquillæ domi res erant: multa vti-
 liter in futurum statuta. Rex, cum vxore, ac præsidio Anglico, qui domum deducerent,
 reuersus, Edimburgi in arce continere se, decreuerat. Eam tenebat Valterus Cuminus,
 Taichia Comes, ob immutationem status publici ab Anglo factam, alienior. Tamen
 per Patricium Dumbarium, Anglicis auxilijs fretum, arcem coactus est dedere. Maior 20
 pars Nobilitatis, & Ecclesiastici ordinis, quorum potentia nouis statutis erat imminuta,
 offensior, ea calumniabantur, quasi iugum Anglicum, & seruitutis initium. Eoque
 contumacia eorum processit, vt, in ius vocari, vt rationem rerum, superioribus annis
 a se gestarum, redderent, imperium contemnerent. Qui prius rerum turbandarum
 principes, iidem nunc, non parendi, auctores fuerunt. Hi fere Cuminiorum principes,
 Valterus Taichia, Alexander Buchania, Ioannes Atholia, Gulielmus Marria Comi-
 tes, alijque eiusdem sectæ, non obscuri homines. Hi non ausi, ad causam dicendam, ve-
 nire, quippe multarum in tenues, ac Regem etiam iniuriarum sibi conscij, periculum
 audacia discutere, decreuerunt. Explorato enim, Regem, paucis comitatum, negligenter,
 vt in pace, ad Kinrossum agere, manu clientium subito collectâ, eum dormientem oppri- 30
 munt, ac Sterlinum ducunt: ac, tanquam non per vim irrupissent, sed iure fuissent electi,
 veteres ministros expellunt, nouos assument, omniæque, pro sua libidine, gerunt. Ac
 iam verterat terror in consultores priores. Sed hunc motum sedauit Valteri Cuminij
 mors, ab Vxore Angla, vt creditum est, veneno extincti. Auxit suspicionem, quod cum
 a multis nobilibus ambiretur, ea amatori suo, Ioanni Russello, iuueni Anglo, nupsit.
 Ipsa, veneficij accusata, & in carcerem coniecta, salutem pecunia redemit. Russellus
 cum vxore, literis a Pontifice impetratis, actionem damni dati aduersarijs coram Lega-
 to Pontificis, intendit. Ea res sine exitu fuit, quod, veteri priuilegio, Scoti negabant, se
 posse, ad causam dicendam, extra regnum euocari. Rex suæ potestatis factus, Cuminij,
 suppliciter petentibus, veniam dedit, tanquã, per Valteri mortem, omniũ scelere expia- 40
 to. Sunt, qui profuisse eis credunt, præter amplitudinem familiæ, etiam ab hoste externo
 in rebus turbatis metum. Sed id bellum, tardius omnium opinione, geri coeptum est.
 CIO. Nam anno à Christo nato, M. CCLXII V. ad Cal. Augusti, Acho, Rex Noruëgiæ, cum
 CCLXII V. centum sexaginta nauibus ad Aeram, opidũ Coilæ maritimũ, applicuit: ac viginti millia
 militum exposuit. Causa belli prætendebatur, quod maioribus suis a Macbertho aliquot
 insulæ promissæ nondum essent traditæ, Bota videlicet, & Arania, & vtræque Cumbræ,
 quæ nunquam inter A Ebudas adnumeratæ fuerant. Sed quærenti bellum satis erat, eas
 esse insulas. Duas maximas earum direptas, captis arcibus, antequam obuiam iri posset,
 Achò in suam potestatem redegerat. Hoc successu elatus, in Cunigamiam proximam
 continentem, ex aduerso Botæ descendit, eam in partem, quam Largas vocant. Ibi dupli- 50
 ci infortunio, eodem fere momento, perculsus fuit. Primum, cum Alexandro Stuarto,
 eius, qui ex ea familia primus in Scotia Regnũ gessit, proauo congressus, a multitudine
 Scotorum prope circumuentus, trepidè ad naues refugit. Deinde, nauibus foedissima
 tempestate

tempestate vexatis, cum paucis, qui superfuerunt agre ad Orcadas delatus est. Desiderata in eo praelio fuerunt, de Noruegijs, ad sedecim millia, de Scotis, quinque. Sunt, qui, Regem Alexandrum in hoc affuisse conflictu, tradant. Verum & apud hos quoque Alexandri Stuarti honorifica fit mentio. Acho, moerore amissi exercitus, ac propinqui sui iuuenis fortissimi, cuius nomen non traditur, morte confectus, diem obiit. Eius filius Magnus, qui nuper aduenerat, res magis, quam ratus erat, desperatas conspicatus, praesertim cum auxilia domo, ante Ver, non speraret, ac praeterea Insulanorum animos cernens alienatos, & a Scotis, quorum fiducia pater eius bellum susceperat, destitutum se intelligens, animum facile ad pacem flexit: neque magis praelium aduersum, quam ab

10 Insulanis metus, adolescentis ferociam infregerat. Nam iam Alexander, nauibus circummissis, Mannam insulam, inter Scotiam & Hiberniam, medio fere cursu sitam, recuperauerat, ea lege, ut insulae Regulus, quoties opus esset, decem naues longas ad Regem mitteret: Rex vero eum, ab hoste externo, defenderet. Hanc inclinationem animorum cum reliqua insulae securae viderentur, Magnus de pace legatos misit: quam cum Alexander, nisi receptis Aebudis, recusaret, tandem, pacificatoribus vtro citroque comitantibus, conuenit, ut Aebudas Scotus teneret: in praesentia, quatuor millia marcarum argenti, in singulos autem annos centum marcas numeraret. Praeterea, ut Margarita Alexandri filia, quatuor annorum puella, cum per aetatem commodum esset, Hanganano Magni filio nuberet. Circa haec tempora, cum ciuili bello Rex Anglorum

20 distineretur, missa sunt ad eum quinque Scotorum millia, ducibus Roberto Bruffio, & Alexandro Cuminio. Hunc Ioannem scriptores Angli vocant. Eorum maxima pars in praelio caesa fuit. Cuminus vna cum Rege Anglo, & filio, multisque procerum, qui pro Rege steterant, captus. Regem etiam Scotorum sollicitum habuit domi Sacerdotum & Monachorum arrogantia, qui, a superioribus Regibus ditati, diuturna pace lasciuire coeperant: ac Nobilitati, quam opibus anteibant, omnibus in rebus antecellere, aut saltem aequari velle. Id iuuentus indignum rata, cum asperius eos acciperet, querelae ad Regem sunt delatae. Quas ille, siue quia, iniurias non tantas esse, credebat, quantas eas Sacerdotes videri volebant, siue quia haud immeritis credebat illatas, cum non magni faceret, continuo cum omnibus illi, praeterquam Regibus, sacris interdixissent, min-

30 bundi Romam ire instituunt. Sed Rex memor, quantas in Anglia Thomas Becketus, ambitionis Ecclesiasticae signifer, turbas nuper dedisset, profecturos prope de itinere reuocauit: nec eorum avaritiae modo, sed etiam arrogantiae Nobilitatem satisfacere coegit. Plurimum vero, ad eos placandos, profecit Ecclesiasticorum patrocinium aduersus Romanensium avaritiam, a Rege susceptum. Nam, paulo ante, Ottobonus, Romani Pontif. legatus, in Angliam venerat, ut ciuiles discordias sedaret. Sed cum id, cur venerat, perficere non posset, omissa cura publica, ad priuatum se quaestu conuertit, & Concilium Ecclesiasticum Anglis indixit, euocatis, ad id, Scotorum Legatis. Interim, a singulis Paroecijs per totam Scotiam quatuor argenti marcas, a Cathedralibus Ecclesijs sex in sumptum suae procurationis exigere, tentauit. Vix haec Collatio reiecta est, cum


40 allatum est, alium Legatum ad Scotos iam in Angliam appulisse, praetextu pecuniae, ad Bellum sacrum, colligendae: ac praeter Indulgentias, aliaque pecuniae cogendae aucupia, ab Episcopis, Coenobiarchis, & Parochis singulis (ut ab ijs, quos proprie Pontificiae ditio-

50 nis putabat) decimam omnium prouentuum partem exprimere, decreuerat: ut Eduardus, & Edmondus, filij Regis Angliae, comitatiores ad bellum Syriacum proficiscerentur. Scoti cum eam Collationem grauem & iniquam putarent, eo tum id eis erat molestius, quod Angli viderentur, confessionem exprimere velle, Scotiam sui iuris esse: accedebat & ille timor, ne Legatus pecuniam, in bellum collatam, per nequitiam (quod ante paucos annos factum meminerant) disperderet. Quare, eum fines suos ingredi, ventant. Sese enim, absque eius opera, pecuniam, in expeditionem Syriacam, coacturos, & militem eo missuros. Et milites quidem, ducibus Carictae & Atholiae Comitibus, primae nobilitatis hominibus, ad Ludouicum Regem Gallorum miserunt: ad Pontificem vero, ne omnino spretus videretur, mille marcas argenti. Proximo anno, mortuo Rege Anglorum Henrico, successit Eduardus primus, cui coronando affuit Alexander

R E R V M S C O T I C . L I B . S E P T I M .

CIO.
CCXXCV.

cum vxore, quæ, reuerſa, breui poſt mortua eſt. Ac, non longo interiecto tempore, prope continuatis funeribus, deceſſerunt. David Regis filius, ac deinde Alexander, iam vxore accepta Comitſ Flandriæ filia. Item Margarita quoque, Regis filia, quæ, ex Hangoano Rege Noruegiæ, filiam reliquit. Alexander, vxore & omnibus liberis, intra paucos annos, orbatuſ, Iofetam, filiam Comitſ Druidum, coniugem accepit: & intra annum vertentem, ipſe ab equo lapſo excuſſuſ, fractis ceruicibus, interiit, non procul a Kingorno, anno Saluſis noſtræ M. CCXXCV. XIV. Cal. April. Vixit annos XLV. Regnauit XXXVII. Deſiderium ſui reliquit, quantum nulluſ vnquam Regum Scotorum non tam quod, omnibus corporis & animi virtutibus prædituſ, deceſſiſſet, quam quod homineſ iam tum animis proſpiciebant, quantæ calamitateſ in vniuerſum regnum, ex eluſ morte, eſſent redundaturæ. Leges ſaluberrimaſ, ab eo conditaſ, hominum negligentia, & temporis longinquitat antiquauit. Vtiliter ab eo inſtituta magis fama celebrantur, quam conſuetudine uſurpantur. Diuiſo regno in quatuor parteſ, ſinguliſ prope annis totum obibat, ac, ternos fere meſeſ, in ſinguliſ morabatur, ad iuſ dicendum, & pauperum querimoniaſ audiendaſ. Hoc toto ſpatio, etiam tenuiſſimiſ ad eum adituſ erat. Quotieſ iuridicoſ conuentuſ adiret, præſectoſ eorum cum lecta manu præſto aduenientem excipere, iubebat, & abeuntem, ad limitem ſuæ iuriſdictioniſ, deducere. Ibi a proximo præſecto excipiebatur. Hac ratione aſſequiebatur, vt totam Nobilitatem noſceret, & ab omnibuſ noſcigaretur, nec populuſ, quæ ibat, turba aulicorum (quæ fere & rapax & imperioſa eſt) grauaretur. Magiſtratibuſ imperabat, vt ocioſoſ, qui nec artem ſcirent, nec patrimoniuſ haberent, ſeuere compeſcerent: quod, omnium ſcelerum ac flagitiorum ex ocio, velut fonte, primordia dimanare, exiſtimaret. Comitatuſ equeſtriſ modum, qui ſequeretur nobileſ, ad certum numerum redegit: quod equorum multitudinem, quorum in bello nulluſ eſſet uſuſ, annonæ grauem arbitraretur. Cum, vel nauigandi inſcitia, vel temere ſe mari committentium auaritia, multa fierent naufragia, & ad hæc accedente pirataruſ violentia, mercatorum ordo prope ad inopiam redactuſ eſſet, quaſtuſ cauſa ſuoſ nauigare, vetuit. Id inſtitutuſ cum prope annum duraret, ac multorum ſermonibuſ, tanquam publice noxiuſ, reprehenderetur, tandem, peregrinarum mercium breui tanta viſ inuecta eſt, vt non ſolum rerum copia, ſed precij vilitaſ memoriam ſuperiorum temporum ſuperaret. Verum vt hic quoque mercatorum ordini conſuleretur, vetuit, quæquam a peregriniſ inuecta emere, præter mercatoreſ. Cæteroſ autem, quod cuique uſui eſſet, ab illiſ redimere.



R E R V M



R E R V M
S C O T I C A R V M
H I S T O R I A,

Auctore Georgio Buchanano Scoto.

LIBER OCTAVVS.

ALEXANDRO, cum tota stirpe (præter vnam ex filia neptem) extincto, conuentus ordinum Sconam indicitur, in quo de nouo Rege creando, & statu regni interim componendo, ageretur. Eo cum frequens Nobilitas venisset, primum omnium sex creant, qui summæ rerum præsent: regionibus ita diuisis, vt Duncanus Macduffus Fife, Ioannes Cuminius Buchaniæ Comites, Gulielmus Fraserius Fani Andree Archiepiscopus partem Regni, quæ ad Septentriones pertinet, regerent: Meridiem spectantibus præsent Robertus, Glasguensis Episcopus, alter item Ioannes Cuminius, & Ioannes Stuartus. Limes in medio, Fortha amnis esset. Eduardus Anglorum Rex, gnarus, suæ sororis neptem, Regis Noruegiæ filiam, vnam ex Alexandri posteris esse superstitem, eandemque regni Scotorum legitimam heredem, legatos, ad eam deposcendam filio suo vxorem, in Scotiam misit. Hi, cum in conuentu publico multa, de vtilitate publica, quæ hoc matrimonium esset secutura, disseruissent, Scotorum animos ab ea affinitate non alienos inuenerunt. Erat enim Eduardus vir magni animi, magnæque potentia: maioris etiam cupidus: eiusque virtus, patre viuo, in Bello sacro, & mortuo, in subigenda Vallia, enituerat. Neque, Scotorum nomen vnquam Anglo coniunctus fuisse, meminerant, quam sub postremis Regibus. Nec odia vetusta, vnquam commodius aboleri posse, videbantur, quam si vterque populus, honestis & æquis condicionibus, in vnum coiret. Igitur, facile de matrimonio est consensus. Adiectæ tantum, vtraque parte approbante, condiciones, vt Scoti tantisper suis legibus & magistratibus vterentur, donec, ex eo matrimonio, liberi nascerentur, qui regni potentes essent. Quod si forte nulli procrearentur, aut nati, ante legitimam regno ætatem, decederent, tum regnum Scotorum ad proximæ Regiæ stirpe propinquos transiret. Rebus ita compositis, legati in Noruegiam missi Michael, aut, vt alij habent, Dauid Vemius, & Michael Scotus, Equites Fifani illustres, & summæ prudentia: apud suos, illis temporibus, habiti. Hi, quod Margarita (id enim nomen erat puellæ) ante aduentum eorum, diem obierat, mœsti, re infecta, domum redierunt. Ex eius autem puellæ immatura morte, orta de regno est controuersia, quæ Angliam vehementer concussit, Scotorum pene nomen deleuit. Competitores enim extiterunt, homines summa potentia, Ioannes Baliolus, & Robertus Brussius: e quibus, Baliolus in Gallia, Brussius in Anglia, vterque in Scotia magnas possessiones, multas propinquitates habebant. Sed antequam controuersias eorum attingam, quo magis omnia sint perspicua, pauca supra reperam. Scotorum tribus proximis Regibus, Gulielmo, Alexandris item secundo & tertio, cum rota sobole extinctis, supererant, qui regnum iure peterent, Dauidis Comitis Hundintoniæ aut Venantoduni, posterum. Fuerat autem Dauid Gulielmi Regis frater,

R E R V M S C O T I C A R V M

Alexandri autem tertij magnus patruus. Is, accepta in Anglia vxore Mathilde, Comitissæ Cestrie filia, tres ex ea genuit filias. Earum natu maxima, Margarita Alano Gallouidiano, homini inter Scotos præpotenti, nupsit. Secunda, Roberto Brussio, cognomento Nobili, Anglo genere, & opibus claro, fuerat collocata. Tertiam accepit Henricus Hastingsus, item Anglus, cuius posterì Comitatum Venantoduni adhuc, magna cum laude tenent. Sed eo (quod a Regni petitione se abstinuit) omisso, de Ballioli, & Brussij genere, maioribus, & causa orationem prosequamur. Gulielmo in Scotia rerum potente, Fergusius, Gallouidiæ Regulus, duos reliquit filios, Gilbertum, & Ethredum. Gulielmus, ut discordiarum inter fratres semina tolleret, paternam hereditatem æquis portionibus diuisit. Eam æquationem Gilbertus, qui maior natu erat, indigne ferens, fratrem, ut æmulum, & Regem, ut parum æquum, iuxta oderat. Itaque Rege ab Anglis capto, liberatus metu legum, odium, diu reconditum, in vtrunque exprompsit. Fratrem enim cum nec opinantem cepisset, erutis oculis, & lingua exsecta (simplice morte non contentus) grauitè & diu cruciatum, extinxit: & ipse ad Anglorum partes se adiunxit, prædaque ex agris finitimis, velut ex hostico, agens, in ciues suos omni clade belli sauebat. Ac nisi Ethredi filius Rollandus, collecta ad se popularium, qui in fide Regis perstiterant, manu, ei restitisset, regiones propinquas vel omnibus bonis spoliasset, vel in suas partes traxisset. Rollandus enim, iuuenis acer, summis animi corporisque viribus, & patrii impetus retundebat, & cum Anglis (dum vel populates reprimat, vel agros eorum ipse populatur) semper fortiter, sæpe etiam feliciter confligit. Rege tandem ad suos reuerso, Gilbertus, deprecantibus amicis, venia donatur, promissa, ob damna data, pecunia, ac daris in id vadibus. Sed Gilberto paucis post diebus mortuo, qui, sub eo, sanguini & præda assueuerant, cum se in Regis Angliæ fidem tradidissent, seu ingenij inconstantia, seu metu poenæ, ex conscientia ante factorum, stimulat, arma resumpsere, ducibus Gilpatricio, Henrico Kennedo, & Samuele, qui antea Gilberto flagitiorum auctores & administri fuerant. Aduersus eos Rollandus cum exercitu missus, graui prælio facto, principes eorum, magnamque promiscuæ plebis multitudinem occidit. Qui ex eo conflictu supererant, ad quendam Gilcolumbum fugerunt, prædonum ducem, qui, late populando Lothianam peruagatus, multos nobilium ac ditiorum afflixerat: quosdam etiam occiderat. Inde in Gallouidiam profectus, Gilberti causam, ab alijs pro desperata relictam, suscepit. Nec eius tantum agros sibi vendicauit: sed pro Gallouidiæ totius domino se gerebat. Tandem, inito cum Rollando conflictu, ad Cal. Octob. tertio fere, post Gilberti partes profligatas, mense, cum maxima parte suorum cecidit, paucis e Rollandi exercitu desideratis: & in ijs, fratre ipsius iuvene strenuo. Anglus cladem eorum (ut qui, superiore anno, in fidem eius se dedidissent) moleste ferens, Carleolum usque cum exercitu progressus est. Ibi ad eum, Gulielmi Regis opera sibi placatum, Rollandus venit: & inimicorum calumnijs refutatis, ac demonstrato, quam nihil temere, nihil iniuste aduersus inimicum suum, atque etiam publicum gessisset, a Rege honorifice est dimissus. Gulielmus, illinc domum reuersus, memor & perpetuæ patris eius Ethredi constantiæ, & rerum ab ipso, pro Causa publica, gestarum, totam ei Gallouidiam dedit. Gilberti etiam filium, utcumque de se meritum, Caricta donauit. Gulielmus Neobrigensis, Anglus, hæc in annum M. CXXCI. Rollandus vxorem duxerat, sororem Gulielmi Moruillij, qui Comes stabuli in Scotia erat, quo sine liberis defuncto, Rollandus hereditarium eum magistratum accepit. Ei filius fuit Alanus, qui, obstrenuam operam Ioanni Anglo in Hibernia nauatam, opulentissima accepit prædia: quo nomine, permittente Gulielmo Scoto, Regis Anglorum beneficiarium se professus, in verba eius iurauit. Duxit vxorem Alanus, Margaritam, primogenitam Davidis Hundintonij. Ex ea tres filias suscepit: quarum maximam, Dornagillam, collocauit Ioanni Balliolo, qui Scotorum (aliquot annos) Rex fuit. Robertus vero Brussius, qui Isabellam, secundam Davidis filiam, duxerat, qui Carictæ Comes est dictus, hanc ob causam, quam dicam. Martha, Carictæ Comes, iam nubilis, ac patris, qui in Bello sacro decesserat, vnica hæres, cum forte, inter venandum, conspexisset, Robertum Brussium omnium æqualium adolescentium longe formosissimum, eum in arcem suam propinquam

quam benigne inuitat, ac, renuentem, prope inuitum ducit. Ibi, cum ætas, forma, genus, mores facile mutuum amorem conciliassent, paucis conscijs, matrimonio copulantur. Id cum Rex, cui ius erat puellæ collocandæ, rescisset, licet vtrique grauitè succenseret, tamen, per amicos, postea fuit placatus. Ex hoc matrimonio genitus est Robertus Brussius, qui posterius Regnum apud Scotos gessit. Igitur hæc præfati abunde, ad rem præsentem, & competitores veniamus. Hi autem erant, Dornagilla, Dauidis Hundintonij ex maiore filia neptis, & ex minore, Robertus Brussius, Cariæ Comes, eiusdem Dauidis pronepos. Pro Dornagilla, faciebat mos patrius, quo, qui gradu propior est, iure potior habetur. Pro Roberto, sexus, 10 quod, in pari propinquitatis gradu, mares foeminis præferantur. Itaque negabat, æquum esse, vt, viuo nepote, neptis in auita bona succederet. Et quanquam in priuatorum popularium hæreditatibus cernendis, interim aliter fiat, in eis tamen bonis, quæ feodi (vt vocant) nomine tenentur, ac regnorum successionibus, contrarium ius esse. Iactabatur exemplum recens, in controuersia, de Ducatu Burgundiæ: quem, qui petebat, Comes Niuernensis, licet haberet vxorem, Ducis proximi ex filio natu maximo neptem, tamen filio Ducis minori fratris adiudicata fuit hæreditas. Robertus igitur contendebat, se Ioanni Balliolo gradu priorem, nempe nepotem pronepote: Dornagillæ autem, cum qua in gradu erat æquali, præferendum, quippe marem foeminæ. Hanc controuersiam proceres domi non poterant diiudicare: quod, 20 ob partium potentiam, totum regnum in duas factiones discesserat. Balliolus enim, per matrem, totam Gallouidiam (regionem amplissimam) tenebat. Cuminiam familiam, secundum Reges potentissimam, affinitate sibi iunctam habebat, per Ioannem Cuminium, cui Maria, Dornagillæ soror, nupserat. Robertus, qui in Anglia Cleuelandiam, in Scotia Annandiam & Gariocham, & per filium, Cariæ Comitem (qui post regnavit) multis claris familijs subnixus erat, populo maxime suo utebatur. Igitur cum, ob has maxime causas, controuersia, domi finiri, non posset, nec si maxime ex æquo & bono pronunciaretur, vlla tanta in Scotia esset potentia, quæ partes cogere posset, vt iudicato starent, prope omnium voluntate, consensus est, vt, Eduardo iudice, res decideretur. Neque quisquam, de 30 fide eius, dubitabat: vt qui ex eo patre natus esset, quem superior Scotorum Rex fuisset expertus, & socerum amantissimum, & tutorem æquissimum. Contra vero, Anglus beneuolentiæ Scotorum, erga se, recens & illustre testimonium habebat: cum ei tam facile, de matrimonio Regiæ suæ, consenserunt. Igitur Eduardus, cum primum Beruicum venit, eo Rectores Scotiæ & Ordinum Legatos, per literas, euocat, protestatus, se eos, non tanquam subditos ad dominum, aut magistratum legitimum, sed amicos, ad arbitrium ab ipsis electum, accersisse. Primum omnium, iusiurandum a competitoribus exegit, se decreto staturos. Deinde, ab Ordinum Principibus & Legatis, se ei, quem ipse iuratus Regem daret, parituros: ac, super ea re, publicum omnium Ordinum diploma, singulorum sigillis appen- 40 sis, sibi dari, poposcit. Deinde e singulorum Ordinum prudentioribus, selegit duodecim Scotos, ac totidem Anglos eis adiunxit: a quibus etiam iusiurandum exegit, de eo, quod æquum ac verum crederent, iudicando. Hæc palam, in speciem, honesta, & popularia facta. Illud secreto, & inter paucos agitabatur, quomodo Scotiam suæ ditionis faceret. Id cum facile existimaretur, Regno in duas factiones diuiso, tamen, quo res esset expeditior, & fraus occultior, præter Brussium & Balliolum, octo alios competitores excitauit: vt e maiore numero facilius esset, vnum, aut etiam plures in suas partes traducere. Ac, ne tanta res temere acta videretur, consultatio eis est proposita, qui in Gallia pietate, prudentia, & iuris scientia rum primi habebantur. Neque dubitabat (vt est id genus hominum nunquam 50 inter se satis concors) aliquod se responsum, quod in rem suam faceret, relaturum. Et competitores quidem noui, cum nihil in causa suscepta firmitatis viderent, sponte a petendo destiterunt. Iuris peritis vero ab Anglo, qui totius negotij apud eos auctor & moderator erat, falsa species in hunc modum est proposita.

RERVM SCOTICARVM

Rex quidam, nec coronari, nec inungi solitus, sed in sede quadam a suis collocari, ac Rex denunciari, neque tamen ita libere Rex, ut non in clientela sit Regis alterius, cuius se beneficiarium fateatur, sine liberis decessit. Duo propinqui, e Sempronio magno Regis defuncti patruo prognati, hereditatem petunt, Titius videlicet, ex maiore Sempronij filia, pronepos, Seius, ex minore filia nepos: vter, in hereditate impartibili adeunda, alteri preferendus? Hac consultatione his fere verbis proposita, prope omnes responderunt, si qua lex, vel consuetudo, ea de re, in regno, quod petitur, esset, ei standum: sin minus, verum esse consuetudinem sequi eius, in cuius clientela sunt: quod, in feodis diiudicandis, consuetudo descendat, non autem ascendat: hoc est, consuetudo superioris inferiori pro lege habenda est, non contra. 10 Longum esset, omnium sententias sigillatim referre: sed, ut paucis colligam, prope vniuersi, de iure litigantium, incerta & controuersa responderunt: potestatem vero iudicandi summam, iuxta falsam speciem propositam, Eduardo tribuerunt. Ita, re magis implicata & inuoluta, quam prius erat, anno proximo, conuenitur ad Norham. Ibi Eduardus, per homines idoneos, leniter Scotorum animos pertentat, num sponte in ditionem eius vellent concedere: quod, ab eorum maioribus saepe factum fuisse, contendebat. Id cum constanter omnes abnuerent, competitoribus Regni, quos ipse excitauerat conuocatis, promissis ingentibus, ab eis exprimit, ut ipsi in verba eius iurent: ceteris persuadet, ut conuentus Beruicum, in locum magis idoneum, transferatur. Ibi viginti quatuor iudices illos selectos, in Templum sine 20 arbitris inclusos, de controuersia cognoscere, iubet: vetito interea, ne quisquam ad eos propius accedat. Cum lentius res procederet, ipse solus identidem ingrediebatur, & alios atque alios compellendo, cum comperisset, pluribus videri, iure priorem esse Balliolum, gratia & factione inferiorem, Brussio prius conuento, quem, quod iure esset inferior, facilius suis rationibus assensurum, putabat, Regnum ei Scotorum pollicetur, si se in Regum Anglorum clientela, eorumque ditioni subditum, profiteri vellent. Ad hac cum Brussius ingentem respondisset, se non ita cupidum regnandi, ut, ea de causa, libertatem a maioribus relictam imminueret, statim eo dimisso, Balliolum acciri, iubet. Is regni, quam famam honestam, auidior, condicionem oblatam libenter arripuit. 30

XCVI. REX.

Ita, post sex annos, ac nouem menses, a morte Alexandri, Ioannes Balliolus Rex Scotorum est declaratus. Scoti quidem ceteri, tranquillitatis publicae cupidi, Ioannem, Sconam de more ductum, coronarunt, ac vniuersi, praeter Brussium, in verba eius iurarunt. Ille, ab Anglo Rex pronuntiatus, a suis receptus, iam de regno securus, ut promissi fidem exoluere, ad Eduardum, qui tum in Nouo castro ad Tinam agebat, venit, atque in verba eius iurauit. Idem quoque fecerunt, qui e proceribus eum secuti erant, non ausi, aduersus duos Reges procul domo reniti. Id autem reliqua Nobilitas ubi rescivit, factum quidem molestissime tulit: sed, infirmitatis suae conscia, iram dissimulabat. Eam ut declararent, non adeo diu post, se obtulit occasio, Macduffo, Comite Fifano (qui, tempore Interregni, fuerat e sex gubernatoribus) ab Abernethijs (quae familia tum in Scotia florebat opibus, & auctoritate) caeso, ac fratre Comitibus ab eisdem in ius, ad conuentum Ordinum, tracto, Rex secundum Abernethios pronunciauit. Macduffus, agro, de quo lis erat, abiudicato, Regem, tum sibi ratus iniquiorem, ut ante, fratris interfecti non satis acrem vindicem, Anglum appellat: apud eum, in ius, Balliolum vocat. Causa Londinum delata, forte Balliolus Eduardo Anglo, in conuentu Ordinum, affidebat: qui cum citatus, per procuratorem respondere, vellent, ipse coactus est, surgere: & e loco inferiori, causam dicere. Hanc contumeliam tum liberior agere non ausus, tacitus tulit. Sed, cum primum se inde expedire potuit, ingentem irarum molem animo voluens, domum redijt: in eaque 30 cogitatione totus erat, quomodo suorum animos reconciliaret, & Anglum offenderet. Hac meditante commodum interuenit, inter Francos & Anglos, nouum dissidium, quod in bellum statim erupit: Itaque ad conuentum, in Scotia indictum, aderant

aderant ab utroque Rege legati: Galli, ut cum Rege nouo vetus foedus renouarent.
 Angli, ut ex recenti deditione, ad bellum susceptum, auxilia acciperent. Vtrique Le-
 gatione ad publicum concilium relata, proceres, ad rebellionem proni, Gallos aquam,
 Anglos iniquam rem petere, iudicarunt. Foedus enim cum Gallis, consensu vniuer-
 sorum, ante quingentos annos factum, & propter æquitatem & vtilitatem, in hunc
 vsque diem, perpetuo tenore, seruatum fuisse. Deditionem hanc recentem, a Rege
 inuito, expressam: quam etsi volens fecisset, ea tamen non teneri vel Regem, vel
 Regnum: ut quæ a principe solo facta esset, non conuocatis Ordinibus: quibus in-
 consultis, aut aduersantibus, nihil, quod ad totius Regni statum attineret, Regi
 10 agere liceat. Decretum igitur fit, ut Legati in Galliam mittantur, ad foedus antiquum
 renouandum: & Eduardo Balliolo, Ioannis filio, Regij generis vxorem deposcen-
 dam. Altera item in Angliam Legatio missa, quæ declararet, Regem Scotorum, quod
 per vim, ac nullo iure deditionem sui ac Regni Anglo fecisset, eam reuocare: ac re-
 nunciare amicitiam, cum ob has causas, tum ob innumeras iniurias, sibi ac suis fa-
 ctas: ac se in pristinam libertatem vindicare. Hanc renunciationem cum nemo,
 paulo illustrior, auderet ad hominem, natura præferocem, &, fortunæ indulgentia,
 prope sui immemorem, deferre. Monachus quidam, aut, ut alij scribunt, Abbas
 Abrebrothij per literas detulit: qui, innumeris contumelijs affectus, agre incolumi-
 20 mis ad suos redijt, magis contemptu sui, quam reuerentia Legationis, tutus. Interea
 Anglus, qui aliquot mensium inducias cum Gallo pactus erat, sperans, ante exitum
 earum, Scotorum imparatum posse opprimi, classem, in expeditionem Gallicam
 paratam, in Scotiam mittit: quæ prohiberet, ne com meatus Beruicum (quod au-
 dierat, valido præsidio firmatum) inueheretur. Cum hac, in ostio fluminis, Scoti
 congressi, octodecim naues expugnant, reliquas in fugam vertunt. Eduardi ferox
 animus, hoc damno, vehementius ad vindictam est irritatus. Balliolum semel atque
 iterum, in ius, ad se vocat. Ipse, magno exercitu coacto, ad Nouum castrum ad
 Tinam venit. Ibi, edicto proposito, Ioannem rursus, ut, de criminibus obiectis,
 se purget, in ius vocat. Verum, cum nec ille, nec quisquam, eius nomine, ad diem
 conuenisset, consilio ad vires adiecto, Brussium ad se accersit. Regnum ei pollice-
 30 tur, si, in Balliolo exigendo, fidelem operam nauet. Ad quam rem perficiendam,
 nec labore, nec impensis opus esse. Tantum ad amicos det literas, ut, aut Regem
 deserant, aut in prælio cessent. Ipse, magnis itineribus, Beruicum contendit. In eo
 oppugnando, cum nihil proficeret, quod opidum valido præsidio teneretur, simu-
 lato discessu, velut expugnatione desperata, per Scotos quosdam, Brussianarum
 partium, spargendos rumores curat, Balliolum cum magnis copijs iam propinquum
 esse. Ad eum honorifice excipiendum, cum illustrissimus quisque properarent, vr-
 beque sese, promiscue, pedites equitesque proiecissent, eques, ab Eduardo im-
 missus, obuios partim proculcat, partim a suis excludit: &, occupata porta pro-
 xima, urbem ingreditur. Secutus Rex cum peditum copijs, miserabilem omnis
 40 generis cædem edit. Occisa feruntur Scotorum, supra septem millia: flos Lothia-
 na & Fisanæ Nobilitatis, Cum nihil minus, ab initio, mihi fuisset propositum,
 quam ut, a continente rerum explicatione, diuerticula quærerem, non potui mihi
 temperare, quin Richardi Graftonij, qui nuper historiam rerum Anglicarum edi-
 dit, effrenem maledicendi libidinem ostenderem: ut, qui hæc legent, hinc ex-
 pendant, quantum ei scriptori fidei sit habendum. Aut enim, ab Hectore Boe-
 thio scriptum, libro quartodecimo, capite secundo, tantum ibi sanguinis fusum,
 ut riuus eius, per urbem decurrentes, molam aquariam per biduum circumagere
 possent. Primum, Boethius librum in capita non diuisit: deinde, quod iste
 asseuerat, apud eum omnino scriptum non est: sed, homine indocto, & im-
 50 pudenter mendace omisso, ad Eduardum redeamus: qui, abundante multitu-
 dine, partem exercitus, ad obsidendum Dumbarum, misit. Ipse, paucos post
 dies, arcem Beruici, auxilium nusquam sperantem, per deditionem accepit.
 Deinde, iunctis ad Dumbarum omnibus copijs, cum Scotorum exercitu, qui, ad

R E R V M S C O T I C A R V M

soluendum obsidionem, venerat, magno praelio conflixit. Victoria ad Anglos incli-
nante, principes Nobilitatis in arcem confugerunt: arx quoque siue Richardi Suardi
praefecti perfidia, siue, commeatu non sufficiente multitudini in arcto conclusae, dedi-
ta, in omnes captiuos crudeliter sauitum. Sunt, qui tantae calamitatis causam in Ro-
bertum Brussium seniore reijciant: quod, amicis eius in praelio cessantibus, reliquis
timor sit iniectus. Nostri praeterea constanter tradunt, quod cum ab Eduardo Brussius
(opera ibi nauata precium) sibi promissum regnum Scotorum peteret. Anglum Gal-
lice, quo sermone libenter utebatur, respondisse, Nihil aliud scilicet est, quod aga-
mus, quam, ut vobis regna paremus? Dumbaro, ac nonnullis alijs arcibus, prope
fines Anglorum, captis secuta est deditio Edimburgi & Sterlini. Ibi Anglus, Fortham 10
transgressus, iter Forfaram intendit, vbi tum se Balliolus continebat. Cum, nullo re-
sistente, ad Montem rosarum venisset, suadente Ioanne Cuminio Strabogiano, ad
Eduardum venit: ac se Regnumque ei dedit. Eo in Angliam nauibus misso, Berui-
cum Anglus reuersus, graui edicto Scotorum proceres eo accersuit: qui venerunt,
in verba eius iurare, coacti. Gulielmus Duglassius, vir clarus genere & factis, cum
obstinatè recusaret, in carcerem coniectus: ibi, post aliquot annos, decessit. Ita, re-
bus ex sententia gestis, Ioanne Varreno Surriae Comite pro Rege, & Hugone Cressin-
gamio pro Quaestore post se relicto, Londium redijt. Ibi Ioannem Balliolum in cu-
stodiam tradidit, post quartum, quam regnum inierat, annum. Sed is paulo post,
deprecante Pontifice Romano, ac spondente, nihil eum in Scotia moturum, in Gal- 20
liam est remissus, Eduardo filio obside retento. Anglus, omnibus rebus, ad bellum
Gallicum (quod, propter Scotorum tumultus, distulerat) paratis, cum magnis co-
pijs traiecit. Scoti, per eius absentiam, in spem libertatis erecti, duodecim eligunt,
qui summa rerum praessent. Ex horum communi sententia, Ioannes Cuminus,
Buchaniae Comes, cum manu satis valida, in Angliam missus. Anglis, qui in Sco-
tia per praesidia sparsi erant, se non ausis commouere, libere Northumbriam & Cum-
briam populatur: Carleolum frustra obsedit. Hac expeditio etsi Scotorum animos
nonnihil erexit, & Anglorum iniurias inhibuit, tamen parum, ad summam bel-
li, ea profectum est, omnibus locis munitioribus ab hostium praesidijs infestis. Ve-
rum, cum Nobilitati nec virium, nec animi satis videretur, ad maiora capeienda, 30
repente exortus est Gulielmus Vallas, homo nobili & antiqua familia, sed in re tenui
natus, & educatus, ac nullis prope opibus fretus: qui tamen, non modo supra
omnium expectationem, sed etiam, supra fidem, res eo bello gessit. Is enim, cum
magna vi corporis atque animi effer, adhuc adolescens, nobilem iuuenem Anglum,
superbe sibi insultantem, occidit. Ob id facinus, profugus domo, & latitans, fu-
ga locum subinde mptando, annos aliquot transegit. Hac vitae consuetudine, cor-
pus, aduersus omnes fortunae iniurias, durauit, & animum, saepe subeundis pericu-
lis, ad maiora audenda, confirmauit. Tandem, cum eius vitae erratica taderet, &
aliquid vel cum periculo tentandum, censeret, manu hominum collecta, quos par
fortuna ei conciliauerat, non modo singulos excipiebat, sed plures saepe cum paucio- 40
ribus aggressus, varijs subinde in locis deprehensos trucidabat. Hac cum, pari
celeritate & audacia, gereret, nec vnquam opportunum se hosti praberet, breui
fama sui vtrunque pariter gentem impleuit. Igitur, concurrentibus ad eum pas-
sim, quos vel causa similes, vel non dissimilis amor patriae conciuerat, intra pau-
cos menses, non contemnendum exercitum confecit. Ab hac tumultuaria tur-
ba, proceribus, vel metu, vel ignauia, segnius omnia gerentibus, Vallas Prorex
appellatur: &, tanquam Ballioli Legatus, omnia pro legitimo magistratu imperat.
Id nomen ille, nulla ambitione, aut imperandi cupiditate, sed tantum ciuium suo-
rum misericordia & caritate, suscepit. Hac manu primum vim apertam expertus
Lanurci, conuentus eius praefectum, clarum genere, Anglum occidit. Multas de- 50
inde arces, aut parum munitas, aut praesidijs non satis firmatas, aut negligentius
custoditas, cepit, & euertit: quibus, leuioris operae expeditionibus, ita militum
animos confirmauit, ut nullum, eius ductu, periculum defugerent: ut cuius nec
audacia

audacia consilium, nec consilio vnquam euentus deesset. Harum rerum fama cum late spargeretur, atque, hominum fauore aucta, plerunque maiora vero perferret, quicunque vel rem Scoticam saluam vellent, vel suæ timerent, ad eum confluentibus, instandum fortunæ ratus, quas Angli trans Fortham arces tenebant, etsi satis validas, & metu nominis eius munitas, breui tamen in suam potestatem redegit. Taodunanam Forfarensem, Brechinensem, ac Montis rosarum arces captas diruit, Dunottium inopinato euentu oppressum, præsidio munivit, Abredoniam, metu sui aduentus, ab hoste direptam, & adhuc ardentem, ingressio, quo minus arcem oppugnaret, rumor, de adueniente exercitu Anglorum, obstitit: quod, eos ad Fortham opperiri, constituerat: prælij enim aleam, nisi suis locis, subire nolebat. Eduardus in Galliam (vbi dictum est) discedens, cum omnia Scotiæ loca munita Anglicis præsidijs obtineret, multosque haberet Scotos sibi fidos, patriæ infidos, principes Scotiæ Nobilitatis, quos, aliquid ausuros, suspicabatur, in intimam Angliam, vsque ad suum reditum, relegauit. In his, Ioannem Cuminium, Badenacæ Regulum, & Alanum Loganum, hominem manu & consilio promptum. Rebus in hunc modum constitutis, nihil minus, quam novos in Scotia motus formidans, exercitum omnem abduxit. Tum vero, fama rerum a Valla gestarum permotus, maiore manu opus esse, ratus, ad eum comprimendum, nec tamen, Rege dignam expeditionem esse, ducens, quippe, aduersus latronem vagum (ita enim hostem Angli vocabant) scribit ad Henricum Percium, Northumbriæ Regulum: item, ad Gulielmum Latimerum, vt, copijs celeriter e propinquis locis confectis, Cressinghamio, qui in Scotia restiterat, se coniungant: ac Scotos rebelles compescerent. Thomas Volsinghamius Comitem Varemæ huic expeditioni præficit. Vallas autem, qui tum Cupri Fifenensis arcem obsidebat, ne exercitus, quem, in aduentum Anglorum intentus, auxerat, interea ociosus esset, hostibus iam propius accedentibus, recta Sterlinum ducit. Fortha amnis, nusquam ferme vadofus, illic (quanquam & minoribus amnibus receptis, & maris æstu reciproco auctus) ponte ligneo transiri poterat. Ibi, Cressinghamio cum parte maiore exercitus transmissio, pons, siue (vt nostri prædicant) architecti opera, qui, non multo ante, compagines trabium ita laxauerat, vt maiorem vim non posset sustinere, siue tot peditum, equitum, machinarumque pondere, arte nulla adhibita, fractus, Anglorum iter interrupit. Scoti transpositos, nondum explicatis ordinibus, aggressi, cæso duce, reliquos in flumen retro agunt, tanta cum cæde, vt prope omnes, vel ab hoste interempti, vel aquis obforpti, perierint. Vallas ab hac pugna, ad arces oppugnandas, reuersus, adeo breui belli fortunam circumegit, vt neminem Anglici generis, præter captiuos, in Scotia reliquerit. Hæc victoria, in qua e Scotis nemo illustrior præter Andreæ Morauium cuius filius aliquot post annos pro Rege rem Scoticam administravit, periit, ad Id. Sept. anni M. c. cxcvii. CIO. parta est. Sunt, qui, Vallam non ab arcis Cuprensis, sed Taodunanæ oppugnatione reuocatum, eodemque post prælium rediisse, tradant: in quibus, est Ioannes Maior, & aliquot Coenobiorum libri. Hanc stragem ex agrorum incultu consecuta est fames, & famem pestis, vnde maior, quam e bello, clades timebatur. Vallas, vt huic malo, quoad posset, mederetur, omnem militarem ætatem, ad diem adesse iussam, secum in Angliam duxit: ratus est, corpora laboribus agitata salubriora fore, & per hiemem in hostico viuendo, com meatibus domesticis parci, & militem, omnium rerum inopem, aliquem belli fructum, ex opulenta regione, & diuturna pace florente, sensurum. Ibi nemine congregi auso, a Calendis Nouembribus, vsque ad Cal. Febr. cum suis & hostium fructibus refecisset, & spolijs ditasset, parta ingenti gloria, domum rediit. Hæc expeditio, vt Vallæ famam & auctoritatem auxit ad populum, ita nobiliorum inuidiam mirum in modum aduersus eum intendit. Eius enim laudes ipsis exprobrare, videbantur, vel ignauiam, si non auderent, vel perfidiam, si nolent viri summa nobilitate & opibus, attentare, quod homo tenuis, omnibus fortunæ præsidijs destitutus, non magis fortiter susceperit, quam gnauiter perfecit. Anglus quoque, rem esse ratus maiorem, quam vt ea per præfectos defungi posset, ipse rebus, pro tempore compositis in Gallia, domum rediit: & maximo exercitu, sed repentino delectu (nam veteranos e

R E R V M S C O T I C A R V M

transmarinis prouincijs non deduxit) & e tyronibus fere conflato, Scotiam versus pergit, cum latronum incomposita manu rem sibi futuram ratus. Verum cum in Stannoria planicie quingenti fere passus inter acies instructas interessent, conspecto Vallæ exercitu, disciplinam, ordinem, & confidentiam hostium admiratus, aduersus veteranum ducem, & militem omnibus malis induratum (etsi multo maiores copias ipse haberet) tamen non ausus, fortunæ rem committere, conuersis lignis, sensim gradum retulit. Vallas quoque, metu insidiarum, abeuntem sequi, non ausus, suos in acie continuit. Hac victoria de potentissimo Rege, sine sanguine, relata, inimici, multo acrius cum adorti, curarunt rumores disseminandos, Vallam iam aperte tyrannidem affectare. Id vero primoribus indignum videri, ac præcipue Brussio & Cuminijs, Regiæ stirpis hominibus: nam, si seruiendum esset, honestiorem, sub Rege maximo & potentissimo, fore seruitutem, quam sub homine nouo, cuius dominatus non minus ipsis turpis, quam periculosus esset futurus. Itaque statuunt, omni ratione Vallæ auctoritatem labefactare. Hic animorum habitus cum Eduardum non lateret, magno ex Anglis & Scotis, qui in fide ei data permanserant, comparato exercitu, æstate proxima, ad Varium sacellum venit: qui vicus in ipsis valli Seueri vestigijs est inædificatus, paulo plus sex millia passuum a Sterlino distat. Nec procul inde Scotorum exercitus confedit, satis quidem validus (erant enim ad triginta millia) si duces inter se concordessent. Duces autem erant, Ioannes Cuminius, Ioannes Stuartus, & Gulielmus Vallas: priores genere & opibus, postremus, rerum gestarum gloria, longe Scotorum florentissimus. Cum in procinctu iam starent tres acies, accessit ad pristinam inuidiam noua contentio, quis primam aciem in hostem duceret. Ac, nemine alteri cedente contentionem Angli diremerunt, qui, instructi sub signis, magno gradu ad eos aduertebant. Cuminius, non tentata pugna, cum suis discessit. Stuartus, a fronte, a tergo circumuentus, cum omnibus eum secutis occiditur. Vallas, cum a fronte acriter premeretur, & Brussius, circumito colle, a tergo immineret, ordinibus, quoad in tali rerum statu poterat, non perturbatis, retro trans Carrontem amnem abiit. Ibi, obiecto flumine, cum & se tueretur, & sparsos e fuga recolligeret, Brussio colloquium petenti non abnuir. Cum soli sine arbitris, qua flumen angustiore alueo præaltis ripis cogitur, ex aduerso constitissent, tum Brussius prior, mirari se, ait, quid Vallæ in mentem venerit, ut, plebeculæ incerto fauore ablatas, contra Regem eius ætatis potentissimum, maximis etiam Scotorum auxilijs subnixum, sese periculis assidue obijciat: idque, nullo tantis laboribus opere præcio proposito, neque enim, si Eduardum vincat, Scotos vnquam ei regnum permissuros: neque, si ipse vincatur, vllum superesse perflugium, nisi in misericordia inimici. Cui Vallas: Ego nunquam, inquit, istum laboris mei finem mihi proposui, ut regnum mihi pararem, quod nec mea fortuna capit, nec animus cupit: sed cum ciues meos, vestra (ad quos regnum iure spectat) ignauia, rectoribus destitutos, viderem, hosti immanissimo, non in seruitutem, sed lanienam obiectos, eorum vicem sum miseratus, & causam a vobis deserram, suscepi: quorum libertatem, fortunas, & incolumitatem non prius deseram, quam vita me deferat. Vos, quibus potior est turpis cum securitate seruitus, quam honesta cum periculo libertas, istam, quam magni æstimatis, fortunam amplectamini. Ego in patria, sæpe defensa, liber & libens moriar: nec me prius eius caritas, quam vita relinquet. Ita soluto colloquio, vterque ad suos rediit. Hoc prælium incidit, in vndecimum Calend. Aug. in quo ceciderunt, e Scotis supra decem millia: in his e proceribus clarissimi, Ioannes Stuartus, Macduffus Fife Comes, & ex acie Vallæ, Ioannes Gramus, secundum ipsum Vallam, Scotorum longe fortissimus habitus. Ex Anglis, Frerus Breangius, in re militari apud suos magni nominis. Post infelicem pugnam, Vallas cum Perthum venisset, dimisit exercitum: atque inuidiæ, cui se imparem sentiebat, cessit: neque post eum diem, pro imperio quicquam gessit. Anglos tamen, cum amicorum cohorte, quæ, abdicato magistratus nomine, semper ei adhæsit, quoties rei bene gerendæ se offerebat occasio, semper infestus premebat. Eduardus post agrum, trans Fortham Perthum vsque, omni clade belli vastatum (receptis in fidem, qui, metu præsentis nihil

nihil mouere audebant) exercitum reduxit. E Scotis, qui patriæ libertati studebant, post hostis discessum, paulum recreati, Ioannem Cuminium iuniorem faciunt Proregem. Is, de consilij sententia, ad Philippum Valesium, Galliarum Regem, legatos misit, qui cum eo agerent, vt per sororem, quæ tum Eduardo erat desponsa, saltem inducias obtineant. Eius opera, in septem menses impetraræ: nec tamen bona fide seruata. Nam legatos, ad Bonifacium octauum missos, Angli retinuerunt, atque in carcerem coniecerunt. Scoti interea, qui, nec tyrannidem Anglorum ferre, nec inmanem Eduardi animum supplicijs exatiare, nec pacem æquam impetrare, poterant, obstinatis animis, ad vltimam dimicationem, citra spem veniæ, se comparant. Primum, omnes Eduar-
10 di præfectos, qui Anglicæ nationis erant, ex omnibus vrbibus & arcibus exigunt. Scotos Anglicæ factionis, quacunque vi possunt, affligunt. Hic status rerum cum prope biennium durasset, Eduardus Radulfum Confrarium, cum magnis copiis, ad prædones (ita enim eos vocabat) domandos, & reliquias belli conficiendas, misit. Hi, nemine obuio, late prædas agentes, ad Roslinum vsque (locus is Lothianæ est, quinque fere mil-
lia passuum ab Edimburgo distans) trifariam, vt latius popularentur, diuisi, castra posue-
runt. Ioannes Cuminus, adiuncto sibi Ioanne Frascrio, Tuediæ longe potentissimo, collectis ad octo millia hominû, ad hostem ducit, vt, vel ab effusa populatione cohibe-
rent, vel, si qua rei bene gerendæ occasio se obrulisset, fortunæ non deessent. Occasio maior, quam sperabatur, est oblata. Nam cum Angli nihil minus, quam hostis toties
20 victi, tot malis fracti, aduentum expectarent, ac solutius, quam in hostico conue-
niebat, se gererent, prima eorum castra, subito aduentu Scotorum, sunt oppressa, magna cæde facta: qui euaserunt, in proxima castra tumultum pertulere. Ibi, Ad arma, trepide clamatum, &, pro se quisque, alius alium hortari, ad opem suis fe-
rendam. Sed, cum serum auxilium esse sensissent, ad vindictam se comparant. Atrox, vt inter feroces victoria, & cupiditate vtrionis incensos, fit conflictus, tandem, suis fugatisque Anglis, victoria quidem, nec incruenta tamen, cessit Scotis. Interea ter-
tia acies, quæ longius retenderat, adueniens, trepidationem Scotis iniecit. Pleri-
que enim vulnerati, ac maior pars, duplicis pugna laboribus fatigati, videbant, in
certamine manifestum periculum, in fuga certum exitium sibi imminere. Tandem,
30 ducum iussu, cæsis captiuis, ne, omnibus in hostem intentis, a tergo insurgerent, ministros suos castrorum spoliis armant, & maioris exercitus speciem hostibus præ-
bent. Prælio inito, acriter vtrunque certatur. Cum aliquandiu anceps pugna fuisset, Scoti, adhortationibus ducum, duplicisque victoria memoria reuocata, viribus re-
sumptis, tanto impetu incurrunt in hostem, vt Angli, turbatis ordinibus, terga ver-
terent. Pugnatum est ad Roslinum, sexto Calendas Martias, Millesimi trecentesi-
mi secundi anni. Hæc victoria tribus exercitiis eodem die, ab vno victis, quanto
fuit clarior, tanto acrius Eduardus, ad ignominiam delendam, & finem tandem ali-
quando diuturno bello imponendum, animum intendit. Igitur exercitum, quan-
tum nunquam antea, conscribit, ac terramarique Scotiam lato armis peruagatus est,
40 ad extremos vsque Rossia fines, nemine armato, se tantis copiis obicere, anso. So-
lus Vallas cum suis, nunc a fronte, nunc a tergo, aut laretibus inturrendo, temere
prægressos, aut moratores, aut si qui, cupiditate prædæ, longius a suis discedebant, exci-
piebat: neque, quenquam longius a signis progredi, sinebat. Hunc Anglos magnis pol-
licitationibus frustra ad se sæpe traducere est conatus. Sed vna eius ad omnes erat ora-
tio, se vitam, quam patriæ debebat, ei deuouisse: cui si aliam opem asferre non posset,
pijs, erga eam, conatibus immoriturum. Restabant aliquot arces, Anglis nondum de-
ditæ: Vrcharta, in Morania, vi capta, omnibus, qui inerant, ad ynusi extinctis: cætera
metu se dediderunt. His rebus gestis, Anglus cum Eduardo filio, quem Perthi relinque-
rat, se coniunxit, ac Sterlinum, tribus mensibus obsessum, deditibus sese, ob omnium
50 rerum penuriam, præsidariis, ac tantum vitam & libertatem pactis, cepit. Nihilominus,
Gulielmus Oliuarius, qui archi præfectus erat, aduersus pacta, & conuentum reuertens est:
& Londinum, in custodiam, missus. Tota Scotia recepta, conuentus Ordine nri ad
Fanum Andree ab Eduardo est habitus: vbi omnes in eius fidem, metu coacti, præter-

C15.
CCD.II.

R E R V M S C O T I C A R V M

vnum Vallam, iurarunt. Is metuens, ne, Anglo sibi infestissimo, a Nobilitate (non satis æqua) prodereur, cum paucis ad antiquas latebras secessit. Eduardus, Praefectis & Magistratibus per totam Scotiam ordinatis, se in Angliam recepit: quo in discessu, singularem sui odii, in omne nomenoticum, significationem reliquit. Non contentus enim, sustulisse omnes, qui, res novas moliri posse, videbantur, adiecit animum, ad omnem (si fieri posset) gentis memoriam abolendam. Leges enim veteres deleuit: ritus Ecclesiasticos ad Anglicam consuetudinem traduxit: historias, foedera, monumentaque vetusta, siue a Romanis relictæ, siue a Scotis erectæ, destruenda curauit: libros omnes, literarumque doctores in Angliam transtulit: lapidem marmoreum rudem, in quo fatum regni contineri, vulgo persuasum erat, Londinum misit: neque quidquam omnino reliquit, quod, spiritus generosos, aut sui memoria, ad pristinae fortunæ recordationem excitare, aut ad veram animi magnitudinem erudire & excolere, posset. Ita, non solum viribus, sed etiam animis (vt rebatur) fractis, & in seruilem humilitatem deiectis, perpetuam sibi illinc pacem spondebat. Reliquit autem Odomarum Valentinum, pro Rege, qui omnium nouarum rerum molimina, si qua emergerent, in ortu ipso extingueret. Verum bellum ei nouum, vnde minime rebatur, est exortum. Erant apud Eduardum Regem, Scotici generis viri inter primos clari, Robertus Brussius, filius eius, qui cum Balliolo de regno contenderat, & Ioannes Cuminus, a colore faciei, Ruber dictus, Ioannis Ballioli, proximi Scotorum Regis, consobrinus. Hos Eduardus, sæpenumero seorsum conuentos, vana regni spe diu frustratus erat: atque ita opera eorum, in Scotia perdomanda, vsus. Patefacta tandem ludificatione, nihil magis vterque expetebat, quam occasionem, qua Regis erga se perfidiam vlcisceretur. Sed, vt æmuli, mutua suspitione continebantur, ne consilia communicarent. Tandem Cuminus cum ea, quæ gererentur, Brussio ingrata esse, comperisset, ab initio malorum omnium exorsus, apud eum patriæ calamitatem vehementer deplorauit: & in perfidiam Regis Angli multum inuectus, sese in primis ac Brussium grauiter inculcavit, quorum auxilio & labore, sui ciues in eas miseras incidissent. Ex hoc sermonis initio, longius progressi, cum vterque alteri, de silentio, fidem dedissent, demum inter eos ita conuenit, vt Brussius regnum obtineret, cedente ei Cuminio ius suum: Cuminus vero Brussij agros, quos in Scotia amplissimos & fructuosissimos habebat, teneret: senatusque ei honor, post Regem, haberetur. Hæc cum inter eos iurata, scripta, & consignata fuissent, Brussius, in oportunitatem rerum nouandarum intentus, relictis in Scotia vxore & fratribus, in aulam Anglicam proficiscitur. Post eius discessum, Cuminus, siue poenitentia prioris consilij, siue quod, fraude tollere de medio Brussium æmulum, statuisset, atque hac via, faciliorem sibi ad regnum aditum parare, secreta consilia dicitur Eduardo prodidisse: atque, ad fidem faciendam, conuentum, ab utroque signatum, ad eum misisse. Brussio dies dicitur, vt perduellionis reo. Ipse ab aula vetitus discedere, appositi etiam custodes occulti, ac iussi, dicta factaque eius speculari. Cunctatio Regis, in crimine manifesto, eo spectabat, vt, ante rumorem sumpti de eo supplicij, fratres eius comprehendi possent. Brussius interea, per Comitem Gomeriam, auitum amicum, certior de repentino periculo factus: qui non ausus, fugæ consilium literis committere, Brussij exemplo monitus, ad eum calcaria inaurata, nummosque aliquot aureos misit, tanquam superiore hæc die mutuo ab eo accepisset. Robertus, vt in periculis homines sunt sagaciores, non ignarus, quid eo munere significaretur, fabrum de nocte accersit, trium equorum soleas inuersas ac præposteras equis affigere, iubet, ne vestigia, velut abeuntium, per niuem fugam prodere. Ipse, eadem nocte, duobus comitis assumptis, iter ingreditur, ac, multum hominibus equisque fatigatis, septimo demum die ad arcem suam, quæ sita est ad lacum Mabanum, venit. Ibi Dauidem fratrem, & Robertum Flaminium nactus, eis adiunctis, ac vix fugæ causa indicata, in tabellarium incidit, qui literas a Cuminio ad Anglum ferebat: in quibus scriptum erat, vt Robertus quamprimum tolleretur: periculum enim in mora esse, ne quid homo, nobilis & graciosus, pari consilio atque audacia, nouæ turbæ excitaret. Perfidia Cuminij his etiam indicijs comperta, Robertus ira inflammatus, Drumfriesium vbi

vbi inimicum esse compererat, recta pergit: ac Ioannem in templo fratrum Franciscanorum nactus, prolatis literis, coarguit: ac, impudenter suas esse negantem, impatiens ira, pugione in ventrem adacto, iacentem pro mortuo reliquit. Cum equum esset conscensurus, Iacobus Lindesius ac Rogerius a Cella, Patricij, alter propinquus, alter vetus amicus, e vultu animi perturbatione intellecta, causam sciscitantur. Qua ille breuiter explicata, cum subiecisset, se putare, Cuminium esse mortuum: Quid, inquit Lindesius? Tu ergo rem tam arduam in incerto reliquisti? &, cum dicto, eadem ingressus, non illum modo, sed & Robertum Cuminium, opem propinquo ferre conantem, conficit. Hac cædes facta est, anno Millesimo, trecentesimo quinto, ad quar-
 10 rum Idus Februarij. Eodem prope tempore Vallas a Ioanne Mentetho, familiari suo, per Anglos pecunia corrupto, in agro Glascuensi, vbi tum latebat, captus, & Londi-
 num missus, Eduardi iussu, foede lanatus interiit, membra, ad aliorum terrorem, in locis celebrioribus Angliæ & Scotiæ suspensa. Hunc finem vitæ habuit vir, sui temporis longe præstantissimus, in suscipiendis periculis, animi magnitudine, in rebus geren-
 dis, fortitudine & consilio, clarissimis veterum ducibus facile comparandus, charitate in patriam nemini secundus, qui seruientibus cæteris, solus liber, neque præmijs adduci, neque metu cogi potuit, vt causam publicam, semel susceptam, desereret: cuius mors eo miserabilior est visa, quod, ab hoste inuictus, a quibus minime debuit, fuit proditus.

C10.
CCDV.

20 XCIIII. REX.

Brussius tantum moratus, dum a Pontifice Romano veniam cædis, in AEdē sacra factæ, obtineret, proximo mense Aprili, anno millesimo tricentesimo sexto, Sconam
 profectus, Rex coronatur. Primum gnarus, quam potente cum hoste res sibi esset, copias, vnde-
 cunque potest, comparat. Sed, cum totam gentem Cumaniam, cuius fami-
 liæ potentiam nulla vnquam ante, neque postea in Scotia æquauit, haberet inimi-
 cam, multorum præterea animos offendisset, propter operam superioribus temporibus Anglo nauatam, maxima autem pars, metu potentia Anglorum, conquiesceret, ad Methuanum tamen cum paucis fortunam tentare ausus, ab Odomaro, Eduardi præfecto, vincitur: eo minore cum cæde, quod Brussiani, suæ infirmitatis conscij, ini-
 30 to statim certamine, integri fugerunt, ad xiv. Cal. Aug. Nec adeo diu post, cum in Atholiam venisset, ac illinc in Argatheliam tenderet, Patefacto Cuminijs eius consilio, in loco, qui Dalree vocatur, hoc est ager Regius, ex itinere prælium inire coactus, paucis amissis, reliquis, quo, cuique commodum erat, dilabentibus, pari ac prius euentu est vsus. Post id tempus, cum vno & altero fere comite tutiorem se, in ea fortuna, paucitate ratus, per loca deserta vagus, prope ferinam vitam egit, nec, si rursus fortunam tentare vellet, vlla virium spes vsquam erat: Vulgo enim, ex hac duplici
 40 offensione, cætera augurante, ab omnibus destituitur. Duo soli, ex veteribus amicis, constanti erga eum fide perstiterunt, Milcolumbus Leuinus, Leuinæ Comes, & Gilbertus Haius. Angli, eius miseriis nondum satiati, mittunt in omnes Regni partes, qui propinquos eius comprehendant: omnes præterea exulum vxores & liberos, iubent, ante certum diem, regno excedere: vxor ipsius Roberti, a Gulielmo Comite Rosio capta, in Angliam mittitur. Nigellus eius frater, Kildrumiæ arce per præfectum Anglis prodita, cum vxore & liberis in hostium manus venit. Thomas quoque, & Alexander iidem, eius fratres, dum e Gallouidia Carictam petunt, ad lacum Rianum (qui Ptolemæo est sinus Rerigonius) comprehensi, in Angliamque missi. Hi tres, alius alibi, capite mulantur, cæteri Brussianarum partium passim conquisiti: ipsi cæsi: bona direpta. Rex ipse, cum vno plerunque comite, interim solus, per loca maxime inculta, pererrabat: atque, in dies & horas, latibula commutabat. Et cum, ne sic quidem, sibi tutus, a ciuium perfidia & hostium crudelitate, videretur, in AEbudas, ad
 50 veterem quendam amicum, transmisit. Ibi cum aliquot menses latuisset, quia nusquam conparebat, perisse creditus, quæri desijt. Hac fama vt, ad securitatem, erat ei non inutilis, ita, si diutius durasset, amicis omnem, recuperandi regni spem, ademptura videbatur. Aliquid igitur mouendum, ratus, modicis ab amico, vbi latebat, copijs

C10.
CCDV.

RERVM SCOTICARVM

acceptis, in Carictam nauigat. Ibi arcem, sui quidem patrimonij, sed a valido Anglorum praesidio inessam, inopinato aduentu opprimit: & Anglis ad vnum oculis, ne ab hostium copijs intercluderetur, transmissio Glottæ astuario, Ennernessum arcem munitam, ad Nessum flumen in tumulto satis edito sitam, longe diuersa regione, negligentius custoditam, pari felicitate capit. Harum rerum fama diuulgata, magnum animorum motum per totam Scotiam fecit. Præter enim veteres amicos, qui passim e suis latebris ad eum accurrebant, multos etiam nouos ei conciliauit Anglorum superbia, qui, postquam extinctum arbitrati fuerant, magis auare & crudeliter imperarunt, quam antea. Igitur auctus non poenitendis copijs militum optimi generis (vt quos, vel indurauerant labores, vel desperatio, ad vltima audenda, impulerat) omnes vbique arces, per Scotiae regionem in Septentriones procurrentem, vt quaque capiebat, diruit: partim, ne suas copias diuidendo infirmiores redderet: partim, ne hostes vllum receptum tutum illic haberent. Cum, passim obuia vincendo, in interiorem partem Regni penetraret, Ioannes Cuminius, Buchania Comes, certior factus, cum ad saltum, per quem Esca fluuius in plana Merniæ delabatur, peruenisse, cum subitario exercitu Scotorum & Anglorum, omnibus, qui militari essent ætate, ad arma conuocatis, ad Glenescam (ita loco nomen est) eum assequitur. Brussius, loci angustias suorum paucitati commodas, ratus, paratus ad dimicandum, hostem expectabat. Cuminius, acie in longitudinem explicata, terrore multitudinis Brussium perculsum iri, arbitrabatur. Verum, vbi eum videt, suis se locis tenere, conscius imbecillitatis suorum, nec ausus, in locum paulo iniquiorem aciem erigere, de inducijs, per quas de pace ageretur, misso præcone, prior egit. Eas Cuminius cum obtinisset, omiſsa mentione pacis, quibuscunque potest rationibus, copias auget: nec Scotis, quos secum habebat (multorum fauore in Robertum inclinato) confisus, supplementum ab Anglis petit. Interea Brussius quoque, vt contemptum sui demeret Anglis, & amicorum animos erigeret, semper hostium copijs inhærens, nunc hac, nunc illac carpere, & infirmiora præsidia aggredi, nec ipse vnquam vlllo in loco consistere diutius, aut hosti se opportunum præbere. Circa hæc tempora, Simon Fraſerius, Valterus Loganus, equites strenui, & summa in patriam caritate, a factionis Cuminiana hominibus capti, & Anglis traditi, Londini supplicio sunt affecti. Eodem fere tempore, Iacobus Duglassius ad partes Brussianas se adiunxit. Erat is Gulielmi filius, iuuenis omnium primarum artium facile princeps: qui, cum Luteciæ literis operam daret, audito, patrem in carcerem ab Anglo coniectum, ac non adeo multo post mortuum, domum rediit, vt, ex amicorum consilio, reliquum vitæ cursum ordinaret: ac patrimonio exutus, amicis alijs alio casu dispersis, omnium rerum inops, ad Gulielmum Lambertum, Fani Andreae Episcopum, se contulit: & in familiam acceptus, atque ibi honeste habitus, vsque ad Eduardi Regis, pacata fere tota Scotia, aduentum, ad Sterlinum obsidendum. Eo, ad Regem salutandum, profectus Lambertus, Duglassium secum duxit: Regemque, opportunum nactus, orauit, vt, patrimonio restituto, iuuenem in fidem clientelamque reciperet, eiusque forti & fideli opera vteretur: atque adiecit, quæ, pro tempore, de laudibus eius dicenda, videbantur. Rex, vbi nomen genusque eius intellexit, de Gulielmi patris pertinacia aspere locutus, neque se filio, nec opera eius vti velle, respondit: nec patrimonium, si maxime vellet, reddere posse, quod iam de se bene meritis gratificatus esset. Ita dimissus ab Anglo Iacobus apud Lambertum fuit, vsque ad Brussij in Merniam aduentum: tum, ne quam Anglo (cuius animum, erga se implacabilem, abunde perspexerat) occasionem nocendi omitteret, direptis, non infcio Lamberto, eius equis ac nonnulla pecunia, ad Brussium venit: eiusque ille opera, multis asperis tempestatibus, est vsus. Non adeo multo post, vterque Rex, eodem prope momento, in grauem morbum incidit. Eduardus, in belli apparatu aduersus Scotos occupatus, paucis post diebus, morbo ad Lancastrium decessit, relicto hærede Eduardo secundo filio, qui a loco, vbi natus erat, Carnariuanus est dictus. Is, a patre aucto exercitu, in hosticum ingressurus, præmisit edictum Drumfrisi, vt Scoti frequentes eo conuenirent:

verum

verum e propinquis regionibus & pauci, & segniter affuerunt. Renunciato etiam, res transmarinas turbari, relicto praesidio, quantum satis putabat, ad Scoticos tumultus reprimendos, reuersus, rebus domi pro tempore compositis, in Galliam traiecit. Interea Robertus, morte Angli nunciata, non nihil recreatus, de rebus suis melius sperare coepit: ac viribus animi corpus infirmum sustentabat. Non ignarus autem, quantum in vnus ducis industria ad victoriam esset momentum, ita se comparabat, ad extremam fortunae aleam, vt hostem & pugnam deposceret. Ex aduerso autem, cum Anglus, amicorum spe tardius, aduentaret, Ioannes Cuminus, auidus gloriae, belli per se finiri, cum speraret, Robertum, vel, adiuncto ad labores morbo grauissimo, extinctum iri, vel, per valetudinem impeditum, in aciem non descensurum, omnibus, quas potuit, copiis, in vnum coactis, recta ad hostem ducet. Ille contra, vt suorum animos confirmaret, se imponi in equum, iuber. Eius autem conspectus, etsi, duobus militibus eum sustententibus, haerere vix posset, tantum animi omnibus adiecit, vt nunquam alacrius pugnam inierint. Cuminus, qui spem victoriae in aduersa hostis valetudine collocarat, postquam, neque hortando, neque castigando, suos continere potuit, vna cum eis fugam capescere, est coactus. Multi in fuga capti: omnes humaniter habiti. Hac victoria, ad Enneruriam parta, vt Regem morbo liberauit, ita rerum prospere gerendarum ei fuit initium, quicquid enim ab eo die attentauit, ei feliciter cessit. Post paucos deinde dies, in Argatheliam duxit. Regionem depopulatus, dominum eius Alexandrum ad deditionem compulit, qui, cum familiaribus in Angliam profectus, ibi breui post, in summa inopia, miseram vitam finiuit. Eodem anno, pridie Calendas Iulias, Eduardus Brussius, aequo prospero euentu, ad Deam Gallouidiae amnem pugnavit: Rollandus, nobilis Eques Gallouidianus, in praelio caesus: Donaldus Insulanus e fuga retractus: Gallouidia longe lateque vastata. Hi tumultus Eduardum Anglum, ocij cupidum, inuitum ad bellum exciuerunt, nam, cum vbique res male gereretur, ipse proximo anno, cum magno suorum exercitu Scotiam ingressus, numerosam manum Scotorum, qui ab Anglis nondum defecerant, sibi adiunxit. Cum ijs copiis ad Renfroam vsque progressus, nulla re digna memoratu gesta, rediit: siue in causa fuit ipsius segne ingenium siue quod, praeter inopiam, quae tum omnem Scotiam affligebat, Robertus curarat, vt commentatus, qua iturus erat exercitus, inde in loca deuia transferrentur. Post eius discessum, Scotus, in arcibus recipiendis, quae adhuc ab Anglis tenebantur, reliquum anni tempus consumpsit. Plurimae, desperato ab Anglis auxilio, non expectata obsidione, sese dederunt. Anno deinde proximo, qui fuit, a Christo nato, M. C. C. D. X. Brussius, vt clades acceptas hosti rependeret, bis Angliam infesto exercitu est ingressus, & cum maxima praeda, sine certamine, rediit. Sequenti deinde biennio, praesidia munitiora, quae in Anglorum potestate remanserant, prope omnia recepit: Perthum vi captum, Angli Scotique praesidarij promiscue caesi: quo ceteri a simili pertinacia deterrerentur: muri diruti: fossa repleta. Huius exempli terror Drumfrisi, Lanarkum, Aeram, Botam opida, aliaque multa minus firma loca, deditionem facere, coegit. Veris initio, Bacchanalibus ad Ieiunij Quadragenarij principium celebrari solitis, custodibus ad ludum lasciuiaque intentis, Rosburgum a Iacobo Duglassio captum: nec adeo diu post, Thomas Randulfus Edimburgi arcem munitissimam cepit. Manna quoque insula dedita: arces vbique, ne iterum receptaculo essent hostibus, dirutae. Interea Eduardus Brussius Sterlini arcem, in rupe (nisi vna, qua aditur, parte) vndique praecipiti sitam, obsidione clauferat. Eam tenebat Philippus Maubraius, homo impiger, qui, successu Brussianarum partium in Scotia animaduerso, eam armis comitatibusque, aduersus obsidionem, quam iam tum animo prospiciebat, egregie munierat. Igitur cum dies multos Eduardus frustra, in ea oppugnanda, consumplisset, neque spem potiundi per vim haberet, ne, nulla re gesta, repulsus inde videri posset, ad conditiones est ventum, ea lege, vt, ni ante annum, ab eo die circumactum, Anglus opem ferret obsessis, atque Scotis dederetur praesidarij, quo vellent, cum rebus suis se conferrent incolumes. Haec conditiones vehementer displicuerunt Regi: eas tamen, ne fratres fidem eleuaret, seruare decreuit. Verum, cum non dubitaret, Anglum ad diem affuturum,

CIO.
CCD.X.

R E R V M S C O T I C A R V M

quicquid, in tanta rerum inopia, potest, aduersus hostem potentissimum, subiturus ultimum discrimen, parat. Et Anglus, qui a Scotis, quos pater ei victos & fractos reliquerat, se, non modo regno Scotorum exutum, sed de Anglia dimicare coactum, cerneret, gentem saepe rebellem, semper inquietam & infestam tollere, cupiebat. Id ut perficeret, exercitum, non modo ex Anglis & Scotis, qui Anglorum sectam sequebantur, sed e transmarina ditione (quæ tum ei magna, & opulenta erat) quantum nullus vnquam Rex Anglorum habuisse dicitur, coegit: corrogatis etiam a transmarinis amicis auxilijs, maxime a Flandris & Hollandis, quos pater eius, aduersus Philippum Gallorum Regem, impense adiuuerat. In eo exercitu supra centum millia bellatorum fuisse, dicuntur. Sequebatur etiam turba calorum & lixarum, eorumque, qui com-
 meatus terra marique subnehebant, ut in regionem non admodum frugum fecundam, & per tot annos omnibus belli cladibus afflictam: præterea eorum, qui, in colonias describendi, & agros accepturi, vxores & liberos secum trahebant, ingens multitudo. Totæ autem vires opulentissimi Regni, & iam diu florentis, oculis animisque subiectæ, tantam omnibus fiduciam pariebant, ut, non de bello gerendo, sed de præda diuidenda, omnis eorum esset sermo. Brussius, tanto apparatu hostium audito, & ipse suas copias parat, numero quidem, aduersus tantam multitudinem, exiguas, erant enim ad triginta millia hominum, sed belli vsu & malis domesticis induratorum, & qui vitæ, fortunarum, omniumque, quæ sunt hominibus cara, spem in dextris gerebant. Cum hac manu, sinistram ripam Bannoci fluminis tenebat. Est autem is amnis, præaltis utrinque ripis, paucosque & angustos haber transitus: a Sterlino circiter duo millia passuum abest: Infra colles, antequam in Fortham influat, per loca paulum æquiora transit, sed alicubi paludibus impedita. Hieme quidem, plerumque rapidus ac torrens fertur: tum vero, ut mediis caloribus, modicis aquis & pluribus in locis peruius erat. Scotus, quanto viribus inferior, tanto ad omnia circumspectior, ut, arte & consilio, transitum impeditiorem Anglis, qui dextram ripam occupauerant, redderet, locis æquioribus fossas præaltas duxit, in quibus palos acutos ita infixit, ut superne integumentum e leui cespite fraudem celaret, murices item ferreos, ubi commodum videbatur, spargi iussit. Igitur cum castra castris, modico amne dirempta, in aduersis collibus prope collata essent, Anglus octingentos equites, paulo longius a castris transmissos, Sterlinum præmittit. Hos Robertus, ad vicini agri prædam mitti, ratus, quingentos equites dat Thomæ Randulfo, cum quibus effusam agrorum populationem cohiberet: &, si se occasio pugnandi daret, eam non omitteret. Eos Angli conspicati, omisso, quo pergebant, itinere, aciem conuertunt. Pugnatum est diu acriter, neutro inclinante victoria. Iacobus Duglassius, suis, qui pauciores erant, vehementer metuens, Brussium orat, ut liceret, laborantibus opem ferre. Id cum ille pertinaciter negaret, in tumultum velut spectator subiectus, certus tamen, si res posceret, suis ire subsidio, ubi Anglorum aciem inclinantem, remque Scoticam meliore loco esse, animaduertit, ibi constitit, ne, ex aliena laude quicquam velle decerpere, videretur. Angli, paucis illis & tanta multitudinem amissis, nihil animis fracti, & Scoti, velut totius victoriæ omine recepto, se, in crastinum diem, ad dimicationem parant. Nox, quamuis tum breuissima (ad Nonum enim Calendas Iulias pugnatum est) pro ardore tamen vtriusque partis, longa videbatur. Omnis Scotorum multitudo in tres acies erat diuisa: Rex mediam ducebat: in dextro cornu eius frater, in sinistro Randulfus imperabat. Angli, præter magnum sagittariorum numerum, quos utrinque cornibus circumfuderant, cataphractos etiam e Galliis habebant. Hi, cum in Randulfum, qui locis humilioribus stabat, se concitassent, ut in latus obliquum incurrerent, subito in preparatas a Brussio fossas ruinæ modo, cum magna hominum & equorum strage, procederunt. Primi suorum, supra ruentium lapsu oppressi, perierunt: & postremi, priorum clade territi, retrocesserunt. Is terror etiam pedestres copias non nihil tardauit, veritas, nec & ipsæ simili fraude caperentur. Accidit & aliud, paruum quidem dictu: sed quod (ut in bello plerumque solet euenire) non leue attulit momentum, ad summam rei. Robertum, qui ante suam aciem obequitabat, clauamque manu tenens, primos ordines continebat, quidam Anglus

Anglus agnoscens, infestus in eum hastam dirigit. Rex, ictu paulo euitato, hostem, equi
 impetu præteruectum, claua ferit, ac exanimem solo prostermit. Vulgus militum peri-
 culosam Regis audaciam magnis laudibus prosequens, non iam consilio regi, sed im-
 petu in hostem ferri, tanto ardore animorum, ut aduersam aciem impulsuri videren-
 tur, nisi sagittarij Anglorum, in cornibus dispositi, magno cum damno eos coercuissent.
 Brüssius, aliquot equitum turmis immissis, eos quidem repressit: error tamen, plus-
 quam hostis, Anglis nocuit. Turba enim castrensis, calonibus in iumenta impositis, lin-
 teisque, signorum instar, explicatis, cum in colle, vnde conspici possent, constitissent,
 speciem noui exercitus aduentantis præbuerunt. Angli, qui proximi stabant, duplici me-
 10 tu attoni, fugam capessunt, ac suo pauore reliquam aciem turbant. Vulgi, in fuga, in-
 gens edita cædes. Quinquaginta Anglorum millia quidam nostrorū cæsa tradunt. Cax-
 tonus scriptor Anglus, ut numerum certum non ponit, ita stragis ingentis suspicionem
 facit: ait enim, innumerabilem cæsorū fuisse multitudinem. Nec, fortassis, iniuria remi
 in incerto reliquit, quod, numerū inire, non erat facile, fuga tam longe lateque sparsa,
 in qua plures, quam in prælio perierunt. Tanta certe clades fuit, ut, proximo ac tertio
 post anno, Angli, quanquam pluribus incommodis prouocarentur, tamen non se com-
 mouerint. E Nobilitate Anglica, ceciderunt circiter ducenti: par prope numerus fuit
 captiuorum Illustrum. Ex ijs cognitum est, initium fugæ ab ipso Rege ortum, ac, nisi
 a Comite Marciæ in arcem Dumbari receptus fuisset, ac nauicula Beruicum missus, non
 20 euasisset manus Duglassij, qui cum quadringentis equitibus quadringenta millia pas-
 suum eum secutus erat. Inter captiuos, deprehensus est monachus, ex eorum factione,
 qui, a Carmelo monte Syriæ, sibi cognomen adoptarunt: is (ut illis temporibus) poeta
 non spernendus fuit habitus: atque ad bellum adductus, ut Anglorum victoriam ver-
 sibus illustraret. Captus autem, eorum cladem (libertatis pretium) decantare est co-
 actus: carmine plane rudi, & barbaro: sed quod illorum temporum auribus non displic-
 eret. Nec incruenta Scotis fuit victoria: ceciderunt enim ad quatuor millia: in qui-
 bus, duo tantum Equestris ordinis fuerunt. Sterlini arx, uti conuenerat, dimisso præ-
 sidio, recepta. Incidit in hæc tempora res, ob Fortunæ in exiguo curriculo varietatem,
 non indigna relatu, Ioannes Menthetus, qui Vallam amicum Anglis prodidit, pro eo,
 30 ac debuit, Scotis inuisus, ab Anglis, præter alia præmia, acceperat præfecturam arcis Bri-
 tannoduni. Ea, reliquis munitionibus recuperatis, prope sola, aut cum paucis, ab An-
 glis tenebatur. Et quia, natura, erat inexpugnabilis cum Rex, per propinquos & ami-
 cos, cum præfecto, de ea redimenda, tractaret, Comitatum Leuinie, proditoris pre-
 tium, petebat: nec, aliam ullam conditionem ad aures admittere fastinebat. Hic Rex
 cum animo fluctuaret, quod, arcem etsi maxime cupiebat, receptionem tamen eius
 non tanti æstimabat, ut, ob eam, Comitem Leuinie offenderet, in omnibus suis ca-
 lamitatibus, amicum certissimum ac prope vnicum. Eam Regis hæsitatiōem Comes
 cum rescisset, auctor ei fuit, ne conditionem recusaret. Igitur, pactis ex sententia
 Ioannis confectis, ac sanctissime confirmatis, cum Rex, ad arcem recipiendam, veni-
 40 ret, in nemore Colchonio, quod prope mille passus ab ea abest, faber quidam ligna-
 rius, Rollandus nomine, impetrato, ut, de re magna Regem conuenire, liceret, frau-
 dem a præfecto intentam ac paratam ei indicauit. Erat autem ea eiusmodi: In cella vi-
 naria depressa & occulta, Angli, satis magno numero, erant inclusi: qui, cætera
 arce recepta, Regem securum, inter prandendum aut caperent, aut obiruriscerent.
 Igitur Rex, a Ioanne in arcem acceptus, cum, cæteris omnibus satis exploratis, ad
 epulas blande inuitaretur, negauit, se præsurum, donec cellam illam occultam in-
 trospeceret. Cum præfectus causaretur, fabrum abesse, qui clauem cellæ haberet, sed
 mox affuturum, ostio effracto, dolus patuit. Angli, armati educti, & seorsum inter-
 rogati, rem ordine narrarunt: aliudque indicium addiderunt, nauem armatam in æstua-
 50 rio proximo stare, quæ Regem in Angliam exportaret. Cæteris supplicio affectis, Ioan-
 nes, in carcerem coniectus asservabatur: quod Rex propinquos eius, ac maxime gene-
 ros offendere tam periculoso tempore, noller. Habebat enim filias complures, egregia
 forma omnes, ac viris opulentis & factionis nuptas. Igitur imminente prælio, in quo erat

R E R V M S C O T I C A R V M

de incolumitate publica, certandum, ne cuiusquam hominis potentis animus offensior ad malas artes impelleretur, ea lege e carcere est eductus, ut, spondentibus pro eo generis, in acie prima locatus, fortunæ iudicium experiretur. Ibi homo alioqui fraudulentus Regi fidem seruauit: atque ita fortiter se gessit, ut eius diei opera non modo veniam præteritorum, sed ampla etiam in posterum præmia promeruerit. Huius victoriæ fama, per vniuersam Britanniam deuulgata, non solum Anglorum ferociam repressit: sed Scotos etiam ex vltima desperatione erexit: nec eos pecunia solum, sed gloria, & armis, & apparatu bellico auxit. Neque suos modo, qui partim bello, partim per inducias capti erant, redemerunt, sed magnam ex captiuis pecuniam confecerunt. Ex spolijs autem, plerique & superiorum temporum damna compensarunt, & magnas in posterum opes pararunt. Venerant enim Angli, cum preciosissimis rerum suarum, non tanquam ad bellum, sed certam victoriam. Rebus bello feliciter gestis, Rex hiemem, quæ secuta est, statum Regni, diuturno bello labefactatum, confirmando, & præmia bene meritis persoluendo, consumpsit. Proximo vere, Beruicum de Anglis est captum, post vicesimum annum, quam in eorum potestatem venerat. Proxime comitia ad Aeram, Coile opidum, sunt indicta. Ibi frequenti conuentu, omnium Ordinum suffragijs Brussio Regnum est confirmatum. Deinde, quia vnicam ex priore vxore filiam habebat, optimates memores, quantum malorum publice redundauerat ex ea controuersia, quæ superioribus temporibus, de iure Regiæ successionis, fuerat, decreuerunt, ut, si nulla Regi stirpis virilis proles esset, Eduardus eius frater Rex crearetur: eiusque deinceps filij succederent. Quod si is quoque, sine stirpe virili, decederet, tum Roberti filia, Maria, posterique eius Regnum tenerent, interea Nobilitas virum, cui eam collocarent, dignum puellæ Regiæ matrimonio, & Regni successionem eligerent. Multo enim æquius esse, ut puellæ maritus ab omnibus, quam a puella Rex omnibus eligeretur. Decretum quoque ibi, ut, Rege impubere, Thomas Randolfus, aut, si quid ei accidisset, Iacobus Duglassius Regis tutor, & Regni gubernator esset. Fama rerum a Roberto, domi bellicę gestarum, ex Hibernia legatos exciuit, ad se suaque omnia in fidem eius permittenda. Quod si ipsum rerum suarum ratio detineret domi, orabant, ut Eduardum fratrem Regem sibi daret: neu fineret, gentem cognatam, sub crudeli & superba dominatione Anglorum, intolerabili seruitute premi. Scripserunt idem Hiberni etiam ad Pontificem Romanum, fere in eandem sententiam. Is cum frustra monuisset, ut ab Hibernis Anglus iniuriam abstineret, tandem Eduardus Brussius, eo cum exercitu profectus, magno vniuersorum consensu, Rex est appellatus. Primo sui aduentus anno, Vltioniam omnem, eiectis Anglis, suæ ditionis fecit: reliquamque totam Insulam, victore exercitu, peragrauit. Anno proximo, nouo ex Anglia transmissio exercitu, cum belli maior moles instaret, Robertus quoque, nouis copijs coactis, ad fratrem festinauit: Multa, ob inopiam com meatuum, in ea expeditione passus, cum fere vnius diei itinere abesset, certior est factus, fratrem, cum omnibus eum secutis, tertio Non. Oct. casum fuisse. Fama est, Eduardum, nimia gloriæ cupiditate percitum, rem præcipitasse, ne cum fratre victoriam communicaret. Rex Angliæ, cum resciscet, florem virium Scotiæ in Hibernia vna cum Brussio abesse domo procul, commodissimam occasionem vlciscendi damna superiorum temporū sibi datam, ratus, magnas copias, sub lectissimis ducibus, in Scotiam misit. Cum eis ter, diuersis in locis, Duglassius limitum præfectus congressus, duces fere omnes, & militum partem maiorem occidit. Angli, terrestribus copijs re male gesta, classe, qua parte virium plus poterant, in Fortham inuecti, excursionibus litora omnia infestant. Comes Fife equites quingentos, ad prædones coercendos, misit. Hi, non ausi, cum tanta multitudine congregari, cum redirent, occurrit reuertentibus Gulielmus Sinclairus, Caledoniorū Episcopus, sexaginta fere comitatus equitibus. Qui, cum reditus causam audisset, grauiter increpita eorum ignauia, exclamauit. Qui rem Scoticam saluam vultis, me sequimini: & cum dicto, correpta lancea, cunctis eum alacriter sequentibus, in populatores vagos impetu facto, tam trepide eos ad litus compulit, ut, dum quisque naues conscendere, festinat, vna naucula, irruentis multitudinis pondere depressa, cum victoribus perierit. Ceciderunt in eo tumultu, plus minus quingen-

quingentis ex Anglis. Id Sinclari factum adeo Regi gratum fuit, ut semper, ab eo tem-
 pore, suum illum appellaret Episcopum. Illa æstate, cum ob annonæ penuriam, & vul-
 gatos in omnia fere mansucta animalia morbos, tum ob frequentes incursiones, An-
 gliz regiones omnes, Scotis propinqua, pene incultæ iacerent, huic malo ut mederetur
 Anglus Eboracum venit: cumque ibi exercitum, ob cultorum paucitatem, conficere
 non posset, coacti sunt Londinenses, & eorum vicini, quanquam plerique vacationem
 haberent, militem dare. Ita tandem, confectis copijs, ad Beruicum obsidendum, profi-
 ciscitur. Eo vixdum venerat, cum Thomas Randolfus, diuersa regione, Soluæo amne
 superato, Angliam ingressus, ferro flammaque omnia vastat, nemine non modo re-
 sistente, sed plerisque in locis, vix quoquam obuio. Nam lues, superiore anno, tan-
 ram fecerat vastitatem, ut facies rerum prope hostibus miserabilis occurreret. Cum vl-
 tra centum millia passuum Scoti progressi essent, omniaque incendijs, ac, maxime cir-
 ca Eboracum, foedarent, rei magis indignitas, quam virium fiducia Archiepiscopum, ar-
 ma sumere, coegit. Is, satis numerofo quidem, sed imbelli exercitu collecto, e promiscua
 multitudine sacrificulorum, & opificum, ac operarum rusticarum, cum aduersus præda-
 tores maiore audacia, quam consilio duxisset, victus ac profligatus, plurimis suorum in
 prælio amissis, ipse cum paucis fugit. Tanta ibi Sacerdotum strages fuit, ut ab Anglis diu
 illud fuerit prælium Album cognominatum. Eduardus, audita suorum clade, metuens,
 ne victor aliquid maius moliretur, obsidione soluta, Eboracum, deinde (recipientibus
 se Scotis) in intimum regnum abiit. Anglo domesticis tumultibus occupato, breues in-
 duciæ secutæ sunt. Regibus magis bello fessis, quam alioqui pacificandi cupidis. Hosti-
 bus igitur quiescentibus, Robertus conuentum indicit, omnem nobilitatem adesse, iur-
 bet. Et quia belli diuturni vicissitudines iura possessionum confuderant, imperat, ut ibi
 quisque proferat, quo iure sua prædia teneret. Id cum veteribus & nouis possessoribus
 iuxta molestum esset, quod viri fortes, optimo iure, se arbitrarentur habere, quæ armis de
 hoste cepissent: ægreque ferrent, non operæ modo nauatæ, sed sanguinis præciū in pace
 eripi. Veteres quoque possessores, cum nulla pene domus belli clade intacta foret, cum
 reliquis bonis etiam, si quod scriptum habuerant de iure prædiorum, id perdiderant: ita-
 que consilium, specie quidem forte, sed euentu audax & temerarium, ineunt. Rege enim
 in consilio iubente, iura possessionum proferri, vniuersi ferrum stringunt, clamitantes, se
 prædiorum iura in dextris ferre. Rex, inopinato spectaculo repente ictus, etsi factum indi-
 gnissime ferebat, iram tamen ingentem in tempus recondidit: neque diu, eius promen-
 di, ei defuit occasio. Nobiliū complures, tam audacis facinoris sibi conscij, metu poenæ,
 coniurant, de regno Anglis prodendo. Id facinus per indicem prolatus, qui adeo ceterum
 crimen attulit, ut ordine, tempore, & loco indicato, literæ deprehensæ sint. Re palam
 facta, comprehensi omnes, & ad Regem perducti sine tumultu. Gulielmus Silius, Ber-
 uici præfectus, plurimum timebatur, ne in opidum & arcem Anglos reciperet. Rex, nondum
 re, vulgata, velut aliud agens, eo proficiscitur. Omnibus comprehensis, conuentus Per-
 thum indicitur. Ibi prolatis literis, agnito quisque suo signo, sua confessione Maiestatis
 conuicti, ad supplicium ducuntur. Principes eorum fuisse dicuntur, Dauid Brechinus, Guliel-
 mus Silius, supremi Ordinis, Item Gilbertus Malarus, Ricardus Brunus, Ioannes Lo-
 gins, complures præterea omnium ordinum accusati, sed, cum suspicionibus tantum vige-
 rentur, dimissi. Vnius Dauidis Brechinij supplicium varie homines affecit: nam, præter-
 quam quod erat e sorore Regis natus, omnium ætatis suæ iuuenum, & belli & pacis at-
 tibus, longe primus habebatur. Dederat etiam suæ virtutis in Syria, Bello sacro, præcla-
 rum specimen. Is, ab coniurationis popularibus appellatus, nunquam assenserat tan-
 tum ei crimini dabitur, quod, in conscientiam rei tam foedæ ascitus, eam tacitam habuit.
 Rogeri Maubrai, ante iudicium defuncti, corpus ad omne genus ignominiae damnatum
 est, Rex, remissa poena, sepeliri iussit. Paucis mensibus ante hoc iudicium, Lega-
 ti Pontificis Romani, qui, ad componenda regnorum dissidia, rogati, ab Anglo vene-
 rant, cum nihil persequerent, ne frustra operam Anglis viderentur locasse, Scotos diris
 Pontificijs (terribilibus illis temporibus telo) feriunt, ac sacris interdiciunt, Scotos, ut Angli
 intelligerent, quam parum, in causa iniusta, Romanensium imprecationibus moueretur.

R E R V M S C O T I C A R V M

collecto exercitu, pene vestigia Legati abeuntis insecutus, Angliam intrauit: ac, omnia ferro & flamma foedando, ad crucem vsque Scammorianam processit: Anglus, ne tantam ignominiam inultus ferret, tam numerosum cogit exercitum, vt, citra sanguinem, facilem sibi victoriam promitteret. Robertus, aduersus ingentem potentissimi Regis apparatus periculosum ratus, omnium fortunarum semel discrimen subire, consilio, magis quam manu, rem decreuit tractare: Pecora igitur in montes, exercitui difficili aditu, agi iussit, reliqua, quae hosti vsui esse possent, aut in loca munita conferre, aut corrumpi. Angli, qui in spem pugnae festinauerant, neque comitatum parauerant, ad expeditionem longinquam, vastitate suorum agrorum conspecta, ira, odio, & cupiditate vindictae accensi, in mediam Scotiam penetrare, statuunt, ac Regem, e suis latibulis, inuitum 10 in praelium trahere. Magnitudo enim copiarum facile spem faciebat, aut ignominiae acceptae insigni victoria demenda, aut damna, proxime data, latiore populatione rependendi. Hoc consilio cum Edimburgum vsque rapiti duxisset, locis quidem sacris tantum pepercit, verum quanto vterius progrediebatur, crescente rerum omnium inopia, intra quintum diem se recipere, coactus est. In redeundo, sacra iuxta ac prophana spoliata: Monasteria, Driburgum & Mulrossia, etiam caesis monachis infirmioribus, qui, vel defectu virium, vel senectutis fiducia, soli remanserant, incensa. Brussius, vbi primum rescivit, Anglum, penuria comitatum, morbis in exercitu vulgatis, pluribus suorum amissis, quam si praelio infelicitate decideret, domum festinare, eius prope vestigiis inharens, cum exercitu, magis genere militum, quam numero praestante, omnia, 20 Eboracum vsque, omni belli clade foedat. Regem ipsum ad Bilandum coenobium, repentino aduentu, pene oppressit, ac, praelio tumultuario victum, fugauit, capta suppellectili & pecunia Regia, omniique belli apparatu. Prater innumeros inferiorum ordinum captiuos, abductus est Ioannes Britannus, Richemondiae Comes. Ad huius infamiae fugae ignominiam delendam, Andreas Berkelaius, Carleoli Comes, breui post accusatus, tanquam rem Anglicam, pecunia corruptus, prodidisset, aliena ignauia poenas capere luit. Proximo anno, duplex Legatio missa est: altera, ad Pontificem Romanum, quae cum, iam diu a Scotis alienarum Anglorum calumnijs, placaret: altera, quae vetus cum Gallis foedus renouaret. Vtraque, quod petijt, facile impetrauit, nam & Pontifex cum intellexisset, nuper eam controuersiam ex iniuria Eduardi primi ortam, 30 qui, Scotorum Regem, velut beneficiarium, Anglorum Regibus parere debere, affirmabat: neque quicquam Anglos habere, quo suum ius defenderent, prater veteres fabulas, & recentes iniurias, semperque rebus secundis, cum in ius ad Pontificem, vocaretur, defugisse aequam discepcionem; rebus aduersis, humiliter operam eius petijisse: Scotos contra semper postulasse, vt de causa cognosceretur, neque vnquam legitimi iudicis cognitionem, aut bonorum virorum arbitrium recusasse: praeterea, cum plurima superiorum Pontificum rescripta & pro se, & contra aduersarios protulissent, Pontifex quando & Scoti ad diem adessent, & Angli, vt adessent, admoniti, abessent, facile Scotis reconciliatus est: nec minus facile a Gallo, de reponendo foedere venusto, impetratum. Ad veteres conditiones adiectum, vt, si quando, de successuro Rege, apud Scotos ambigeretur, ea 40 controuersia ab Ordinum consilio decideretur: qui illic, legitimis suffragijs, Rex esset declaratus, cum auctoritate & armis, si opus esset, Gallus tueretur. In haec tempora nostri conserunt Hamiltoniorum, florentissima nunc familia, originem: Homo nobilis in aula Anglica cum honorifice, de fortuna & virtute Brussii, loqueretur, vnus e Spenseris, minister cubicularius Regis, siue contumeliosum Anglis cum sermonem furus, siue, vt hoc facinore, ampliore locum gratiae, apud lenissimam quendam Nobilitate, quaereret, non educta, in eum insilens, leui vulnere corpus perfrinxit. Vir magni animi contumelia magis, quam damno motus, cum, interquisitis multis, praesens vltis fuisset inhibita, postulat, inimicum sibi oportunitate in eodem loco nactus, eum confectum de natam & legum poenas, & Spenserorum immodicam in aula potentiam formidans, in Scotiam, ad 50 Robertum Regem profugit. Ab eo benigne acceptus, agris ad Olottam fluvium est donatus. Eius posteri, non multo post, in procerum dignationem perueniunt: opulentissimaque ab eo Hamiltoniorum familia est cognominata. Agro quoque, quem

quem a Rege accepit Hamiltoni nomen impositum. Nec adeo multo post, Anglus, turbatis domi rebus, cum e primoribus multos affecisset supplicio, Spenserofque praenorum consiliorum auctores, altius, quam propinqui eius ferre possent, extulisset, ipse a filio, atque ab vxore, modicis copiis transmarinis freta, comprehensus est, & in arctissimam custodiam coniectus, foedo mortis genere interemptus est, transmissio in anum, per fistulam corneam, ferro calido, intestinisque ita adustis, vt nullo exterius indicio facinus immanissimum proderetur. Neque filius & vxor ab eo consilio alieni credebantur: vel quod custodes tantam rem tam aperte, sine magno auctore, ausi non fuissent attentare: vel quod nulla quaestio, de tam nefario scelere, est decreta. Res in Anglia turbata, & Regis subsecuta mors, & Brussio vergente in senium, corporis infirmitas aliquot annos inter finitima regna pacem praestitit. Brussius enim, & metu ab Anglo liberatus, & aetatis decursu admouente, ad res domesticas stabilendas, conuersus, primum omnium Regnum, nondum satis ex superiorum temporum moribus tranquillum, filio vnico, & adhuc puero, confirmare, per conuentum Ordinum, festinat. Is vero si sine liberis moreretur, Robertum Stuartum, nepotem ex filia, successorem destinat: & in verba decreti proceres iureiurando adegit: deinde, veritus, ne vetus de Regno certamen cum Balliolo, se mortuo, renouareretur, praesertim haeredibus suis, propter immaturam aetatem, omnium iniuriis opportunis, misit in Galliam Iacobum Duglassium, ad Ioannem Balliolum, cum amplissimis muneribus & 20 promissis, vt Regno cederet: id autem, non tam noui iuris acquirendi causa (quippe qui, ex more Scotorum, Rex decreto Ordinum, penes quos est omnium rerum summa potestas, factus esset) sed vt praenorum hominum calumnijs posteros liberaret, & seditionum radices praecideret. Duglassius Balliolum, iam extremae senectutis molestijs obsessum, longe, & sua & aliorum opinione, placabiliorem inuenit. Ingenue enim confessus est, sua culpa se in ordinem redactum, ac merito, velut Regno inutilem, exactum. Itaque, se non modo facile pati, imperium penes Robertum suum propinquum esse, cuius virtute summa, singulari felicitate, & maximis laboribus, in pristinum splendorem esset vindicatum. Illud etiam se gaudere, quod, per quos ipse deceptus fuerat, perfidiae suae praemio non fruerentur. Haec cum Robertus 30 ex sententia perfecisset, eodem anno, qui fuit millesimus, trecentessimus, vigesimus c. c. d. septimus, nostri tradunt, legatos, ab Eduardo tertio, ad pacificandum, in Scotiam x x v i i. missos, quod in sidiöse visi essent agere, pro pace bellum domum retulisse: verum, quae fraus intentaretur, non explicant: & Angli, bellum aperte a Roberto indictum, affirmant: sed nec vllam illi causam ascribunt: eam tamen magnam fuisse ac iustam, credibile est, quae senem valetudinarium, tranquillitate domi vixdum constituta, & quem non bellorum, sed victoriarum satietas capere potuisset, ad arma tam cupide resumenda, excierit. Certe illud satis constat, Regem, aetate inualidum, bello gerendo non interfuisse. Missi ab eo sunt in Angliam, Thomas Randolfus, & Iacobus Duglassius, omnium illius aetatis ducum, & fortitudine & prudentia, longe praestanti- 40 tissimi. Viginti millia equitum expeditorum habebant, sine vllis peditum copiis: quod, eo consilio, factum est, vt, sine impedimentis, latius discurrerent, nec vsquam constituerent, aut praelij casum inuiti subirent, aduersus Anglum, quem, cum longe numerosissimo exercitu progressurum in primam expeditionem, non dubitabant. Nec fefellit eos opinio: nam, praeter domesticas copias, magna e Belgio equitum exciuerat auxilia. Verum, orta inter eos & Anglos Eboraci seditione, Anglorum quidam scriptores, eos domum remissos, tradunt. At Frossardus Gallus, aequalis illorum temporum scriptor, tota ea expeditione secutos Anglum, affirmat: ac, non solum honoris causa, sed seditionis etiam metu proximum, post regiam cohortem, in castris locum semper eis fuisse assignatum. Rex igitur, omnibus copiis coniunctis (supra sexaginta hominum 50 millia fuisse, satis constabat) aduersus Scotos, quos iam Tinam esse transgressos, intellegebat, mouit. Ad Tinam enim duo erant opida munita, alterum propius Valliam, Carleolum, alterum circiter quinquaginta millia passuum inferius, Nouum castrum appellant. Vtrinque Anglus magnis praesidijs, vt hostes transitu fluminis prohiberet,

communierat. Illi tamen, vadis notis, ita sine villo tumultu transferunt, vt vtraque praesidia fallerent. Angli, in agrum Dunelmensem progressi, cum ex locis editioribus incendia longe prospicerent, tum demum intelligere ceperunt, quam propinquus hostis esset: tumuliuose, Ad arma, clamant: & velut iamiam pugnaturi, quae incendiorum summi cernebantur, eo, triplice acie instructi, recta ducunt, graui poena proposita, si quis, iniussu imperatoris, acie excederet. Frustra omnibus fatigatis, sub vespere, loco castris in silua prope fluuium quendam designato, ibi impedimenta (quae, celeriter raptum agmen sequi, non poterant) collocant. Postero die, eodem ordine profecti, iam inclinante in vespere die, vt iumenta peditesque reficerent, coacti consistere, castris, pro loci commoditate positis, proceres ad Regem coeunt. Deliberatur, quo pacto efficere possint, vt manum cum Scoto conferant. Maioris partis ea fuit opinio, non posse fieri, vt Angli pedites equitem Scotorum expeditum assequerentur: nec, si assequantur, posse vagos praedones cogi, ad pugnandum, nisi suis locis. Verum quia, iam omnibus peruastatis, in hostico diu permanere non possint, optimu videri, cum omnibus copijs Tinam transire, atque hostem domum redeuntem excipere. Regionem etiam trans Tinam planiorem esse, & commodiorem ad aciem explicandam, totisque simul viribus decernendum. Hac sententia cum esset probata, edictum, vt corpora curent, atque vniuersi, quanto cum silentio possent, agerent, vt imperia facilius capeffere, & sonum tubarum audire queant: vt, relictis impedimentis, singuli singulos panes secum ferrent, vt, proxima luce, cum hoste dimicaturi, quem cuique fortuna daret, exitum opperirentur. Igitur, a fatigatione superioris diei relictis corporibus, paulo post mediam noctem, arma capiunt, & instructi iter ineunt. Sed paludes & colles, quae ducebantur, cito coegerunt, ordines soluere, & quae quisque poterat, primi ducebant: alij praevium vestigia sequebantur: tantoque cum tumultu iter faciebant, vt multi equi, multa item iumenta aut in luto palustri inhaerint, aut per declivia praecipitauerint: saepenumeroque, Ad arma, sit conclamatum, cunctis, magna cum trepidatione, vnde clamor oriebatur, eo sine ordine concurrentibus. Cum vero ad primos ventum esset, audiebant, in causa esse ceruos, qui, strepitum hominum excitari per ericeta, & aspectu hominum conteriti, magnis agminibus inter cohortes discurrebant. Tandem circa vespere, ad vada Tinae fluminis, per quae Scoti transferant, quaque eos Angli redituros sperabant, equites sine pedite peruenerant, ac Sole occidente, transferunt, saxis rotundis ac lubricis, quae fluuius voluit, equos magna molestia afficientibus. Accedebat ad alia incommoda quod rari ferramenta, quibus lignarentur, habebant. Itaque non tantum sine restorijis, (nulla enim attulerant) sed sine tugurijs, sine palis, ad quos equos alligarent, per mensi viginti octo millia passuum, ea nocte, in solo nudo armati, equorumque fraxinos altera manu tenentes, decubuerunt. Primo mane, cum diluxisset, tanti imbres deciderunt, vt modici torrentes equis hominibusque essent imperuij: ex rusticis, forte deprehensis, intelligunt, loca vicina late sterilia & inculta: neque, vnde commeatus petatur, quicquam propius, quam Nouum castrum & Carleolum esse: quorum hoc viginti quatuor, illud triginta millia passuum abesset. Igitur eo missis iumentis, & ministris, interia gladijs lignantur, palosque, illigandis equis, fruticesque & arbusculas, ad casulas extruendas, congerunt, quorum frondibus equos pascunt: eamque noctem ibi ieiuni agunt. Tertia demum luce, qui missi ad opida erant, paululum commeatus quisque suis attulit. Qui ex opido, lucris causa, erant secuti, panem quidem & vinum, sed nec multum nec probum, apportarunt: eius enim tanta penuria erat, vt certaminis causas ipsis inter se praerberet. Ad hanc rerum omnium inopiam, accedente molestia, ex imbris continuis, cum septem dies egissent, ac ephippia madererent, tergaque equorum vicerent, ipsique in vestibis vuidis, ac plerique armati, dies noctesque agerent, nec ignes, e materia viridi & ab aqua pluuiam madente, accendi possent, octauo demum die, decretum, vt septem millia passuum superius, commodiore vado, flumen rursus transirent: sed & ibi amne imbris aucto, pluribus in transeundo vexatis, nonnullis amissis, vbi primum constituerunt, edictum, vt, qui certum nuncium, vbi locorum essent Scoti, attulisset, magna praemia referret: biduo proximo, cum iter per loca

loca vasta, & recentibus incendijs foedata esset, pabuli fatis, sed aliorum comineatum non adeo multum reperiunt. Quarto demum die, vnus, e quindecim iuuenibus, qui exploratum exierant, retulit, Scotos circiter tria millia passuum ab exercitu Anglorum abesse, ac proximis octo diebus, aequae incertos fuisse, quid Angli agerent, atque illi de rebus ipsorum. Hoc se pro certo afferre, vt qui captus a Scotis fuisset, ac sine precio dimissus, ea lege, vt sine mora Regi nunciaret, eos eius aduentum illic expectaturos: nec minore cupiditate pugnandi, quam illum teneri. Hoc nuncio accepto, signa consistere, Rex iubet, equorum virorumque corpora curari, & ad vltimum certamen, arma animosque parare: deinde, triplice acie, lento gradu, hostem versus progreditur. Vbi
10 alteri alteris conspicui fuere, Scoti tres acies seorsum in cliuo ita struxere, vt dexteram & sinistram rupes praecipites clauderent, vnde hostes subeuntes lapidibus obrui possent. Ad radices collis, obiectus erat Anglis rapidus torrens, praegrandibus faxis & rotundis ita impeditus, vt, neque transire ad hostem, nec vbi transissent, se recipere, sine certa perniciie, possent. Angli, cum perspicerent, sine insigni damno aditum ad hostem non esse, castris positis, praekonem mittunt, qui iubeat, in aequam planiciem descendere, & vera virtute, de gloria & imperio, certare: Scoti respondent, se, non hostis arbitrio, sed suo, pugnatorios, se enim, vltum illatas iniurias, in Angliam venisse, si quid fecerint, quod eis doleat, summam experendae vindictae copiam esse. Illic se, quandiu sibi commodum videretur, expectaturos, si quis lacefferet, operam daturus, ne id im-
20 pune faciat. Triduo proximo, collatis castris, stationibusque ad vada collocatis, leuia per occasionem certamina facta. Quarto die, prima luce, vigiles retulerunt, collem, in quo Scoti confederant, nudum esse. Speculatores emissi, qui certiora referrent, & abeuntium vestigia persequerentur, renunciant, Scotos in alio colle, multo tutiore, ad eundem fluuium castra posuisse, iuxta siluam, quae eis tutos exitus & reditus daret. Angli, qui sperarant, se Scotos, praedium detrectantes, in alieno solo fame domituros, ea spe deiecti, eos sequuntur, & in aduerso colle castra metantur. Ibi postquam aliquot dies confederunt, animaduersum est, nocturnas vigilias negligentius ab eis haberi, siue contemptu paucitatis Scotorum, siue quod, nihil nisi de fuga cogitare eos, existimarent. Duglassius, ne occasione deesset, aliquid audendum ratus, cum ducentis
30 equitibus selectis, transmissio flumine, castra hostium, qua maxime neglectam custodiam intellexerat, ingressus, ad tentorium pene Regis penetrauit: ac, duobus ibi funiculis incisis, orto tumultu, trecentis fere Anglis in reditu peremptis, suos incolumes reduxit. Post id, nihil memoria dignum est actum, nisi quod Angli, suo damno moniti, intentiores vigilias locis idoneis disposuerunt. Tandem ex capiuo Scoto rescitum est, edictum in castris fuisse, vt de tertia vigilia omnes, quo Duglassius duceret, sequerentur. Is nuncius tantam trepidationem Anglis iniecit, vt, tribus aciebus modico interuallo separatis, totam eam noctem in armis egerint: equosque instratos, & in euentum paratos, ministri in tentorijs haberent: stationesque firmiores ad omnia vada fluminis ponerent. Tandem, sub lucem, duo tubicines Scoti, ad Regem per-
40 ducti, exponunt, se nunciare, iussos Scotos domum reuerri: si Angli damna accepta velint vlscisci, sequi iubent. Angli, re ad consilium relata, decernunt, satius esse in praesentia, reducere exercitum, quam, cum hominum & equorum vexatione, frustra praedones vagos sequi: praesertim cum, in hac expeditione, plures fame ac morbis perierint, quam plerunque iusto praelio pereant. Decreto reditu, multi Anglorum, vel spe praedae, in nocturna trepidatione relictae, vel noscendi res hostium studio, in castra profecti, haec fere compererunt, feras circiter quingentas cervini generis, ac maxime platycerotas casas, quod genus Angli non modo Reges, sed priuati multi alunt: vtres item ingentes, e crudis pellibus, in quibus carnes coquebant, ac peronum ad decem millia inuenta, duo item Angli, con fractis cruribus, adhuc vi-
50 uentes. Haec fere omnia, cum ingentem paupertatis & laboris patientiam indicarent, fecerunt, vt facile probaretur eorum consilium, qui, de reducendo exercitu, sententias dixerant. Hoc anno, decesserunt Valterus Stuartus, & Elizabetha Regina, hic gener, haec vxor Regis: obsessa item a Scotis arces Norham & Annevici: sed frustra:

R E R V M S C O T I C A R V M

c13.ccd.
xxxix.
 prædæ de Northumbris actæ. Mense Martio, legati ab Anglo missi, qui, de pace perpetua, agerent: Induciæ in tres annos factæ. Anno proximo, qui fuit millesimus trecentus-
 simus vigesimus octauus, ad octauum Calendas Iulias, conuentus Anglorum est habitus, ad Hamptonam, cognomento Septentrionalem: quo in conuentu, ex Ordinum decreto, confecta pax est cum Scotis, in has leges, vt Anglus omni iure, quod ipse maiore sue eius in regnum Scotorum sibi arrogauerant, cederet: idque regnum tam liberum relinquerent, quam fuerat, moriente Alexandro tertio: nullique seruituti externæ, in posterum, obnoxium: vt Scoti pariter remitterent Anglis, quicquid terrarum aliquando tenuerant in Anglia, beneficij nomine: finisque Scotis essent, Cumbria & Northumbria, Stammoria tenus: vt David, Roberti filius, Ioannam, Henrici sororem, uxorem adduceret: vt Angli pacta, conuenta, syngraphas, aut si qua alia seruitutis monumenta haberent, ea Scotis bona fide redderent: irritaque in posterum esse, iuberent: vti Scoti, pro damnis nuper illatis Anglo, proque agris, quos in Scotia pater auusque eius suis donauerant, triginta millia marcarum argenti repræsentarent. Erant suæ vtrique Regi causæ, cur in has conditiones tam facile conuenirent. Anglus enim, proxima expeditione, ærario penitus exhausto, &, ignominioso redditu, apud suos hostemque vilior, metuebat, ne, se ciuili motu impedito, lateri hostis bellicosus adhærens, rebus nuper prospere gestis elatus, insigni aliquo damno regnum afficeret. Et Robertus, senio, laboribus, & morbo (nam, paulo ante mortem, in elephantiam inciderat) fractus, & vtriusque fortunæ diu euentis exercitus, statuerat, non solum sese, si fieri posset, in quietem dedere, sed hæredum quoque, ob infirmitatem ætatis, tranquillitati prospicere: itaque, pace foris parta, totum se, ad res domi ordinandas conuertit. Nuptijs filij magnifice celebratis, Rex, finem vitæ sibi adesse, prospiciens, ipse in priuati prope habitum se componens (nam, aliquot ante annis, omnium maiorum rerum administratio penes Thomam Randolfum, & Iacobum Duglassium erat) in modicis adibus ad Cardrossiam (qui locus a Britannoduno, Leuino amne, dirimitur) se continens, congressu vulgi, nisi si quando necesse erat, abstinebat. Eo, paulo ante exitum, conuocatis amicis, testamentum fecit. Hæredes eosdem, qui in conuentu publico declarati erant, confirmari: primum, Dauidem filium, octauum ætatis annum agentem: proxime Robertum Stuartum, ex filia nepotem: eos proceribus, & in primis Thomæ Randolfo, sororis filio, & Iacobo Duglassio commendauit. Dispositis deinde rebus domesticis, omnes ad concordiam inter se studium, & Regis obseruantiam est hortatus: id si præstent, ab exteris inuictos fore, affirmauit. Tria præterea, seu præcepta, siue consilia, adiecisse fertur: ne ququam vnum AEbudarum insularum dominum facerent: ne totis viribus, si fieri posset, cum Anglis, de omnibus fortunis, vno prælio contenderent: ne vnquam cum eis diuturnas facerent inducias. In primo consilio explicando, multa disseruit, de numero, de magnitudine, & potentia insularum, de incolarum multitudine & ferocia, ac malorum omnium patientia. Hi cum nauibus, sui quidem generis, sed in illis Oceani oris non incommodis, aduersus homines prope a re maritima alienos, se coniungunt, posse plurimum incommodi afferre, modicis contra damnis affici. Eo igitur annuos præfectos, iuris dicundi gratia, mittendos, quibus nec is honos in longum tempus continuetur. Secundum eo pertinere consilium, quod Angli, qui meliorem, quam Scoti, agrum colant, hominum numero, pecunia, omni denique belli apparatu præstent, & ob hac commoda, ocio magis assuescant, eoque minus sunt laborum patientes: Scoti vero in duriore solo educati, ob parsimoniam assiduasque exercitationes, temperamento corporis sunt salubriore, & ad omnem militarem patientiam, ipso educationis genere, assuefacti: propterea aptiores esse, ad tumultuarios congressus, hostemque paulatim carpendum, ac malis frangendum, quam ad statariam pugnam. Tertij consilij hanc esse rationem, quod longior pax Scotos (qui nullum, præter Anglos, hostem habeant, vbi belli artes exerceant) si ad ocium se contulerint, irrepente luxuria, facile duceret ad segnitiam, & illecebris mollitos, imbelles efficeret. Anglos autem, etsi pax eis cum Scoto sit, habere tamen Galliam propinquam, quæ in militari studio eos contineat. Itaque, si rerum bellicarum periti cum Scoto, rudi militiæ, & eo deside, manum conferant, iure

iure optimo certam victoriam sperare, debeant. Commendauit item Iacobo Duglassio
votum suum transmarinum: vouerat enim, in Syriam proficisci, ac Belli sacri, aduersus
omnium Christianorum communes hostes, partem capeffere. Sed quoniam ipse, vel
rerum domi perturbatione impeditus, vel senio & morbo fractus, se voto soluere, non
posset, orare impense, vt Duglassius cor, ipso defuncto, Hierosolymam ferret, ibique
sepeliendum curaret. Id munus ille honorificum, & illustre amoris Regij erga se argu-
mentum interpretatus, proximo post Regis mortem anno, cum firma cohorte iuuenum
nobiliu, profectionem adornat. Sed dum litus Hispania legit, audito, graue bellum ibi
Regi Arragonum esse, aduersus eundem hostem, cum quo in Syria dimicandum esset,
10 nihil interesse, ratus, quo in loco rem Christianam iuuaret, se cum Hispanis coniungit:
ac, post aliquot prosperas pugnas, cum hostem, vt fugacem & imbellem, contemneret,
aliquid cum suis seorsum audendum, ratus, in Sarracenorum aciem incautius incurrit,
ac protractus in insidias, cum parte maiore suorum interemptus fuit. Perierunt ex ami-
cis praecipui, Gulielmus Sinclarus, & Robertus Loganus. Haec inciderunt in annum pro-
ximum, post Regis mortem, qui fuit M. CCC. XXX. Vt multa paucis comprehendam, CIO. CCD.
fuit certe Robertus Brussius vir vndique clarissimus: & cui, ab heroicis vsque tem-
poribus, paucos in omni virtutis genere pares inueniemus: erat enim, vt in bello for-
tissimus, ita, in pace, summa temperantia & aequitate: & quanquam insperati successus,
&, postquam eius malis fortuna satiata, aut potius lassata fuit, perpetuus victoriarum
20 cursus eum vehementer nobilitaret, tamen admirabilior mihi longe in rebus aduersis
videtur. Cuius enim animi robur fuit, tot malis, vno tempore ingruentibus, si non fran-
gi, certe ne debilitari quidem? cuius constantiam non labefactasset captiua vxor, qua-
tuor fratres viri fortissimi crudeliter trucidati: amici omni genere calamitatis, vno tem-
pore, vexati? qui mortem effugere poterant, amissis bonis, profugi: ipse non amplissi-
motantum patrimonio, sed regno exutus, a potentissimo illorum temporum principe,
& manu & consilio promptissimo: omnibus his malis vno tempore obfessus, & ad ex-
tremam inopiam reductus, nec, de recuperando regno, vnquam dubitauit, nec animo
Regio indignum quicquam vnquam aut fecit, aut dixit. Nec, vt Cato posterior, & Mar-
cus Brutus, sibi vim intulit: nec, vt Marius, calamitatibus efferatus, odio, aduersus ini-
30 micos, indulfit. Recuperato enim statu pristino, ita cum ijs vixit, qui maximis exerce-
rant eum laboribus, vt non tam se inimicum aliquando fuisse, quam Regem esse vido-
retur meminisse. Sub exitum, etiam morbo grauissimo ad senectutis molestias
accedente, adeo sibi non defuit, vt praesentem Regni statum confirmaret, & ius
& posteritatis tranquillitati prospexerit: vi, iure optimo, defunctum
omnes, non modo vt iusto Rege, sed pio parente orbat, luxe-
runt. Decessit, septimo Idus Iulias, anno, a Christo nato,
millesimo, trecentesimo, vigesimo nono,
Regni, vigesimo quarto. CIO. CCD. XXIX.



R E R V M
S C O T I C A R V M
H I S T O R I A

Auctore Georgio Buchanano Scoto.

LIBER NONVS.



C O T O R V M procures, funebri officio erga Regem defuncti, comitia in primum diem commodum indicunt, Proregi eligendo. Ibi in Thomam Randolfum, Morauia Comitem (qui, Rege viuo, iam aliquot annos cum gesserat Magistratum, & a moriente testamento erat populo commendatus) publicus fauor apparuit.

X C V I I I. R E X.

Coronatio Regis in octauum Cal. Decemb. anni sequentis, dilata est: vt Romani Pontificis permisso inungeretur, ac noua illa ceremonia apud Scotos angustior videretur. Prorex creatus, primum omniū pacem cum Anglis confirmat: deinde, ad eam stabiliendam domi, conuersus, vt aperta latrocinia comprimeret, validam cohortem iuuenum armatorum circa se semper habebat, in omnes occasiones intentus. Igitur cum, Viatorum (quod Gallouidia est opidum) proficiscenti, allatum esset, manum latronum satis validam in illa regione vias obsidere, ac viatores spoliare, statim ex itinere missa in eos cohorte sua, captos, ad vnum, supplicio affecit. In cadis auctores erat prorsus inexorabilis: adeo vt quendam, Roma reuersum, &, quod per diploma Pontificis veniam obtenuisset, securum, comprehendendi iusserit, culpa condonationem ad Pontificem, corporis poenam ad Regem affirmans pertinere. Furta vero, ex reliqua belli contagione, adhuc frequentia, vt compesceret, legem tulit, vt rustici instrumenta, ruri colendo comparata, in agris relinquerent: neue, noctu, domos aut stabula clauderent. Damni dati si quod esset, precium damni a praefectis iuridicis peterent: praefecti a Rege repeterent. Regi ex bonis latronum deprehensorum satisfaceret. Inter haec, rusticus paulo ad rem audior, cum eam cautionem pro vana haberet, sui aratri ferramenta sublata abscondit, ac, tanquam furto perijissent, a praefecto precium flagitauit: & is quidem statim fide bona persoluit: sed cum diligentius inquireret, comperto, rusticum ipsum furti auctorem fuisse, eum laqueo strangulari, iussit: bona fisco addixit. Turbam vagam scurrarum ac symphonicorum poenis grauissimis propositis, compressit. Si quis viatori, aut alij ministro publico, iure argenti, restitisset, eum occidere impune, licebat. Itaque cum aliquando, ad Halidonem vicum, triginta fuissent a comitibus ministri publici occisi, eadem iure factam, pronunciauit. Nec, ob hanc seueritatem, domi magis erat facinorosis, quam foris hostibus, ob fortitudinem, formidabilis. Igitur Angli, qui, sublato Rege Roberto, in spem vindictae erant in omnes occasiones intenti, cum nihil vi aperta, Randolfo viuo, auderent attentare, ad fraudem occultam animum conferunt. Via breuissima tollendi inimici, veneno, visa est: nec defuit, id molientibus, minister idoneus, Monachus ex eo genere, qui in ocio educati, penuria magistrorum, qui recta doceant, bona plerunque ingenia ad malas artes applicant. In eo cum duae coniunctae essent

essent professiones, Monachatus, & Medicina, altera visa est, ad parandum aditum altera, ad patrandum scelus, idonea. Igitur cum in Scotiam venisset, seque iactaret passim, cum omnis medicina, tum curandi calculi peritum, facilem sibi aditum ad Proregem fecit. Adhibitus, ad eum curandum, medicina lentum venenum admiscuit: deinde, velut ad pharmaca comparanda, accepto paucorum dierum commearu, in Angliam se recepit. Ibi apud Eduardum, graui cum asseueratione, iactat, Randolfum ante certum diem mortem obitum. Rex, in eam spem ingenti exercitu comparato, cum ad limitem Regnorum venisset, audito, Scotorum magnas copias non procul a suis castris abesse, caduceatorem, velut ad res repetendas, mittit, iussu explorare, quis eis copiis imperaret. Randolfus, qui, morbo ingrauescente, ac non reuerso ad diem Monacho, peiora omnia suspicaretur, dissimulato, quoad potuit, dolore, in sella ante tabernaculum sedens, ac veste splendida indutus, ad scæialis postulata, tanquam sanus ac valens, quæ visa erant, respondit. Is cum ad Regem visa & audita retulisset, Monacho (velut mendace) punito, retro signa conuertit, relicto ad limites, aduersus excursions, præsidio: & Randolfus, quo minus progrediretur, morbi violentia impeditus, cum, dimisso exercitu, rediret, ad Muscelburgum, quatuor fere millia passuum ab Edimburgo, decessit, anno Salutis millesimo trecentesimo trigesimo primo, decimo tertio Calend. CIC. CCO.
Aug. postquam biennium a morte Regis Roberti, imperasset, vir, fortitudine & rei XXXI.
militaris peritia, nulli Regum Scotorum inferior: pacis vero artibus, longe omnibus superior. Reliquit duos filios, Thomam, & Ioannem, plane tanto patre dignos. Mortuo Randolfo, Regni custode (ita tum eos vocabant) electus est Duncanus, Martiæ Comes, ad quartum Nonas Aug. Rege decimum annum agente: quo die, trepidus allatus est nuncius, Eduardum Balliolum, Prid. Cal. in æstuario Forthæ, cum numerosa classe fuisse conspectum. De eius aduentu, vt omnia fiant magis illustria, res paulo altius est repetenda. Mortuo Rege Roberto, erat quidam Laurentius Tuina, ex eis Anglis, qui, acceptis in militiæ præmium agris, in Scotia resederant, genere quidem honesto, sed vita flagitiosa. Is, spe maioris licentiæ concepta, ex alterius Regis morte, alterius immatura ætate, multo, quam antea, liberius voluptatibus inhonestis indulgebat. Igitur cum in adulterio sæpe deprehensus, a iudice causarum Ecclesiasticarum itidem admonitus, non abstinere, ab Episcopi Glasguensis Officiali (ita eum magistratum vocant) tandem ei sacris & communionem Christiana est interdictum. Ille, velut iniuria affectus, iudicem Aeram proficiscentem, insidijs ad viam positus, excepit: ac tam diu tenuit apud se captiuum, donec, impensa pecunia se liberaret. Ob id facinus, Tuina cum sciret, Iacobum Duglassium sibi grauiter infensum, seque ad supplicium quæri, eius potentiam veritus, in Gallias profugit. Ibi ad Eduardum Balliolum, Ioannis (qui regnum aliquot annos in Scotia tenuerat) filium, se contulit: ei eum statum rerum Scotticarum indicasset, hortatus est, ne tantam occasionem regni paterni recuperandi omitteret: Regem enim puerum esse, pluresque prope inimicos, & odij erga patrem vindictas, quam amicos habere. Aliorum patres in conuentu publico apud Perthum cruci-
40 datos, alios exules, bonis amissis, multis agrorum bonam partem, multæ nomine, ademptam: complures præterea genere Anglos prædijs a patre ipsius donatos, priuatos, expeditionis comites libenter futuros: nec defuturos ex utroque Regno homines egentes & facinorosos, vel spe lucri, vel iudiciorum metu, notarum rerum cupidos, quibus nihil, præter quem sequantur, ducem, ad omnia miscenda, desit. Ad hæc, Iacobo Duglassio in Hispania extincto, Randolfo, per aduersam valetudinem, ad res gerendas, inuiti, neminem præterea superesse, cuius auctoritati multitudo discors se regendam permitteret. Itaque quantulamcunque manum satis fore, vt vel rem paratam, & se offerentem arripiat, vel impulsam & labefactatam euerat. Hæc cum, magna ex parte, vera Balliolus non ignoraret, & magnas ab Eduardo Anglo copias in Scotiam duci, audiret, facile callidus veterator homini, imperij & gloriæ cupido persuasit, vt, contractis pro præ-
50 senti copia nauibus, expeditionis eius partem susceperet. Verum, sub aduentum Ballioli in Angliam, Eduardus exercitum dimiserat. Nihilò tamen minus Scotis exulibus, atque
Anglis (agris in Scotia expulsi) ad eum confluentibus, manum non contemnendam

R E R V M S C O T I C A R V M

effectit. Sunt, qui sexcentis tantum comitibus rem tantam cum scribant aggressum: quod mihi non fit verisimile. Propior vero eorum videtur oratio, qui, sex millia peditum ei ab Anglo data, ferunt. Alacriores multo ad hanc expeditionem vniuersos fecit, illis ipsis, quibus hæc agitabantur, diebus, mors Randolfi nunciata: ac, velut latum omen rerum gerendarum, omnium animos erexit. Cum hac igitur classe Kingornum vecta, Cal. Aug. nauales copias exposuit. Terrestres autem duxerunt David Cuminus, olim Atholia Comes, Maubraius, & Bellomontius: ex Anglis, Talbotius. Ad classis appulsæ famam Alexander Setonius, homo nobilis, qui tum forte in illis locis diuersabatur, occurrit, sperans, in descendantium trepidatione, occasionem rei bene gerendæ, non defuturam. Non multis autem e vicinia se adiungentibus, cum hoste congressus, cum bona parte suorum est cæsus. Balliolus, paucis diebus suis, ad se ex vexatione itineris reficiendos, datis, Perthum recta contendit, cum ad molas aquarias, non procul ab Ierna, castra metatus fuisset, Prorexque vltra, Patricius Dumbarus citra amnem, vterque cum magnis copijs, binis castris quinque millia distantibus, confedissent. Balliolus, etsi, multis ad famam rerum secundarum se aggregantibus, supra decem millia hominum haberet, tamen, cum inter duos hostiles exercitus tenderet, veritus, ne in medio opprimeretur, optimū factu est ratus, seorsum & ex insperato eos aggredi, primumque Marrium Proregem, quem verosimile erat, quo longius ab hoste tenderet, eo negligentius omnia acturum. Nactus igitur Andream Morauium Tilibardinū ducem est, qui, non ausus palam se Anglis coniungere, palum in medio amnis, qua permeabilis erat, nocte infixit, qui Balliolanis iter indicaret. Illi cum, tecti siluis, quæ vltiorem ripam vestiebant, propius ad hostem accessissent, intelligunt, eum, raris vigiliis & stationibus oppositis, velut in pacato, noctem agere. Hæc eorum negligentia freti, præter castra summo cum silentio ducunt: & in auersam partem, maiorem se ibi solitudinem rati inuenturos, imperum faciunt. Sed in ea parte, qua summam negligentiam fore sperauerant, forte vigilabant Thomas Randolfus, Morauia, Robertus Brussius, Cariæ, Mordacus Taichia Comites, & Alexander Fraserius. Hi, cum amicorum validis turmis, primam hostium impressionem fortiter sustinuerunt, super labrum fossæ, quam decursus aquæ pluuiæ fecerat: interea totis castris clamor & tumultus arma capientium, & properantium ad conflictum fuit, cumque temere, sine ordine, sine signis festinarent, primum suorum, qui irruentes Balliolanos sustinebant, ordines turbant: deinde, vltimis priores impellentibus, eos in fossam deiecerunt, ac ipsi, ruinæ modo, super primos prociderunt. Ibi multi ab hoste cæsi, plures hominum equorumque ruina oppressi, multo maxima pars ita debilitata, vt, nec ad fugam, nec ad prælium, satis virium superesset. Ceciderunt, e Scotis, ad tria millia, fugientium plurimi Perthum contenderunt: sed hi fere, sine armis, sine ductoribus vrbe Anglis sequentibus facile cesserunt. Postridie Dumbarius, cum de alterius exercitus clade, Perthoque capto, & Anglorum paucitate rescisset, recta ad opidum tendit, eo consilio, vt, obsidendo, hostem omnium rerum inopia conficeret. Re ad primores relata, cum aliud aliud excusaret, infecto negotio, discessum est. Balliolus, tot tantisque rebus, præter spem, tam breui tempore confectis, animum adiecit, ad reliquos Scotos, vel conciliandos officijs, vel bello perdomandos: ac breui quidem tantus concursus ad eum est factus, vt maturum videretur, se Regem profiteri. Id consilium ei eo tutius fuit, quod maxima pars cladis in familias Pertho vicinas inciderat: cæsi enim erant in acie, præter Proregem, Robertus Kethus, cum magno propinquorum & clientium numero: e Lindesiorum familia, octoginta, cum principe gentis Alexandro. Haiorum nomen ad interitum fuisset deletum, nisi Gulielmus, familiæ princeps, domi grauidam reliquisset uxorem. Præterea Thomas Randolfus, Robertus Brussius, & Mordacus, Taichia Comes, Gulielmus Sinclarus, Caledoniorum Episcopus, & Duncanus Macduffus, Fifensis Comes, apud hostem captiui, rebus desperatis, in eius verba iurare, sunt coacti.

X C I X. R E X.

Igitur Balliolus, præsentis fortunæ satis confusus, ad Sconam propinquum coenobium c13. ccd. profectus, regnum inijt, anno M. CCC. XXXII. ad oct. Cal. Sept. Hoc vulnere potentia XXXII. Dauidis Brussij, etsi valde labefactata fuit, tamen amici eius, rebus aduersis minime fracti,

fracti, Regem nondum regni potentem, ut extra periculum armorum esset, una cum vxore ad amicum paternum, Philippum Regem Galliarum, mittunt: ipsi ad omnes casus se comparant, certi, vel morte honesta defungi, vel patriam in antiquum statum restituere. Primum omnium, in locum Duncanii Proregis, Andream Morauium, ex Roberti Brussij sorore genitum, virum illustrem, substituunt: deinde in omnes partes nuncios mittunt, partim, ut veteres amicos confirmarent, partim, ut segiores in vltionem iniuriarum accendant. Primi omnium, ad quos recentissimus dolor pertinebat, parentibus & propinquis ad Duplinum caesis, arma sumperunt, Robertus Kethus, & Iacobus, & Simon Fraserius, ac sub æquinoctium Autumnale, Perthum obsidione claudunt: & cum oppugnatione diutius, ac sperauerant, eos tenuisset, post tertium demum mensem, capiunt. Macduffus, Fife Comes, qui opidum, Ballioli nomine tenebat, cum vxore & liberis ad Kildrumiam, Mariz arcem, in custodiam missus: Andreas Morauius Tilibardinus, qui vadum Iernæ annis Anglis commonstrauerat, supplicio affectus. Pasletensis liber opidi muros affirmat solo æquatos. Id mihi verisimilius videtur, quam quod alij scribunt, præsidio imposito, custodiri iussum, in tanta præsertim fidelium amicorum & hominum militarium penuria. Eodem fere tempore, Balliolus Annandiam, recipiendis propin quarum regionum proceribus, intentus: quos ita subita mutatio rerum concusserat, ut etiam Alexander Brussius, Carictæ & Gallouidiz dominus, desperatis Davidis propinqui sui rebus, ei se dederet. Hunc rerum secundarum successum secutus est hostium contemptus, & ex contemptu, negligentia. Id cum, per exploratores, Prorex rescisset, eo misit Areibaldum Duglassium, Iacobi, qui in Hispania periit, fratrem, ut, si qua se offerret occasio, ei ne deesset. Ille, secum assumptis Gulielmo Duglassio, Lidaliz Regulo, Ioanne, Thomæ Randolfi filio, & Simone Fraserio, mille comitatus equitibus, Maufertū venit. Inde, omnibus satis exploratis de nocte mouens, Balliolum sopitum, tanto cum tumultu & trepidatione hostiū, inuadit, ut ipse seminudus in equo, nec frenato nec strato, fugere sit coactus. Complures, ex intimis eius amicis, occisi. Alexander Brussius captus, per Ioannem Randolfum propinquum, veniam impetravit. Henricus Balliolus, eo die, magnam fortitudinis laudem apud utrosque est assecutus: qui, in tam trepida fuga, dum suos ab instantibus tueretur, multos hostium vulneravit: nonnullos interemit: tandem, fortissime pugnans, occidit. Cecidere præterea factionis Anglicæ viri illustres, Ioannes Maubraius, Valterus Cuminius, & Richardus Kirchius. Hæc gesta sunt ad 11x. Cal. Ian. Anno M. ccc. xxxi. His successibus, Brussianæ partis homines non nihil recreati, coeunt frequentes ad Proregem Andream Morauium, ut, de summa rerum, consulant: nemini omnium erat dubium, quin Balliolus non sibi, sed Anglo regnum pararet: omniaque ex eius præscripto faceret. Itaque cum sibi hostem destinant: eoq; diligentius omnia, quæ, in bello vsui esse, possent, ut aduersus potentior rem aduersarium, comparant. Beruicum, vnde Anglum belli initium opinabantur facturum, valido præsidio muniunt. Vrbi Alexandrū Setonium, Equitem illustrem, præficiunt. Patricium Dumbarium arcem tueri, ac vicino limiti præesse, iubent. Gulielmus Duglassius Lidaliz Regulus, de quo, illis temporibus, summa erat & fortitudinis & prudentiæ opinio, Annandiam, ad limitem Occidentalem tuendum, missus: Andreas Morauius Rosburgum, vbi se Balliolus tum continebat, proficisci scitur. Ita distributis imperijs domi, mittitur in Franciam Ioannes Randolfus, ut Dauidem Regem inuideret, ac Philippum Francū, de statu rerum Scoticarum, certiorum faceret: ab eoq; aliquid vi-riū, aduersus communem hostem, impetraret. Morauius, qui Rosburgum ierat, acre prælium cum Balliolo, ad pontem extra urbem, conseruit: dumque Anglis, per pontem retro in opidum se recipientibus, instat pertinacius, a suis exclusus, in hostium potestatem venit: victoriamque iam partam, e manibus amisit. Eodem tempore, in diuersa regione, Gulielmus Duglassius Lidalianus, contracto cum Anglis certamine, cum ipse vulneratus in potestatem hostium venisset, suorum animos eo casu turbauit, ac turbatos in fugam auertit. Hæc variantis fortunæ inconstantia Scotiam iterum in duas factiones distraxit, prout amor, odiū, spes, merus, & rerum priuatarum quæque ratio impellebat. Eius interea occupandæ Anglus, per has dissensiones, commodam occasionem nactus,

CID. CCC.
XXXII.

RERVM SCOTICARVM

Balliolum infirmioreni, quam ut, suis viribus se tueri, posset, in fidem recepit, & sacramento in sua verba adēgit, ac nihil reueritus ius cum Brusio affinitatis, foederum sanctitatem, & iurifurandi religionem, dum immoderatam cupiditatem suam expleret, bellum Scotis, Rege destitutis, & inter se discordibus, simul indicit, & facit. Id autem bellum ut in speciem iustum videri posset, legationem misit, ad Beruicū repetendum, quod opidum pater suus atque avus multos annos tenuisset, ac ipse eum, cum exercitu, statim est secutus. Legatis responsum, Beruicum semper Scotorum fuisse, donec Eduardus avus eius id, per summam iniuriam, occupasset. Tandem Robertum Brusium, proximum Regem, reliqua Scotia recuperata, id quoque opidum Eduardo, eius, qui nunc id reddi postulet, patri ademisse, atque in veterem iuris formulam restituisse. Nec adeo dudum, ipsum Eduardum, ex omnium Ordinum decreto, renūciasse omni iuri, quod ipse, maioresque eius in totam Scotiam, ac singula opida, locaue eius habuisse, dicerentur. Ex eo tempore, se nullius commissi, aduersus foedera sancte iurata, & matrimonio confirmata, conscios, cur iterum iam paucis annis & occulta fraude, & aperto bello peterentur. Hæc cum ita se habeant, se legatos orare, ut sui regis animum, ad æquitatis respectum, inflectant, ne Regem absentem, ætate innoxium, & sororis maritum, caprato tempore, spoliare conetur: se quidem nullas condiciones, modo honestas, recusare. Sin iniusta vis intentetur, pro commissa sibi Regis tutela, potius honestam mortem obituros, quam in pacem, Regno sibi que turpem, consensuros. Hæc a consilio Scotorum responso. Sed Anglus, qui non pacem, sed victoriam cupiebat, magno suorum exercitu externis etiam auxilijs aucto, Beruicum terra marique oppugnare, cepit: neque quicquam, quod ad urbium expugnationem faceret, omittebat: ac, multitudine hominum fretus, nec die nec nocte vllum obsessis vacuum dimicatione tempus dabat: nec minus ferociter, obsessi assiduis eruptionibus Anglos infestabant. Classem, in flumine stantem, iniectis ignibus, magna ex parte incenderunt. Perijt in eo prælio Gulielmus Setomus, præfæcti urbis nothus, multum apud suos desideratus, ob singularem fortitudinem. Is, dum in Anglicam naue insilire conatur, sua naue, vndarum impulsu longius reiecta, in mare decidit: neque ei, in tanta omnium trepidatione, succurri potuit. Alter quoque, Alexandri filius, ex legitima vxore natus, in quadam eruptione, auditate pugnandi longius progressus, & a suis exclusus, ab Anglis fuit captus. Sed cum obsidio, incoata ad Id. Apr. iam in tertium mensem durasset, atque obsessi, præter labores & vigilias, accedente omnium rerum pœnuria, diutius vim hostium non viderentur latuti, cum Anglo paciscuntur, ni ante 11. Cal. Aug. auxilia a suis missa, obsidionem soluerent, urbem Anglo se dedituros. Datus in id, obfes Thomas, filiorum Alexandri natu maximus. Hæc dum ad Beruicum geruntur, Scoti, conuentu indito, de summa rerum, consultant. Prorege ad Rosburgum capto, ne sine duce essent, Arcibaldum Duglassium eligunt. Ei exercitum decernunt, quem in Angliam duceret, ac, regiones proximas populando, Regem Anglorum ab obsidione abduceret. Ex hoc decreto, Duglassius, dum in Angliam ducit, audita pactione Alexandri, consilium mutat, ac, prudentioribus suorum multum aduersantibus, recta ad Angliam ducit: ac, pridie Magdalenes, ab hostibus pariter & amicis est conspectus. Anglus, etsi dies nondum aduenisset, quo die conuenerat, ut opidum dederetur, tamen, cum Scotorum copias tam vicinas videret, misit foeciale ad præfectum præsidii, qui denunciaret, nisi opidum statim dederet, se animaduersurum in Thomam, eius filium, frustra præfecto contendente, diem deditionis nondum venisse, ac fidem datam attestante. Ibi, cum charitas, misericordia, metus, & officium erga patriam varie animum paternum versarent, propiore terroris Anglus ad mouendum ratus, crucem in loco, ad quem prospectus ex opido patebat, erigi iubet, & duos præfecti filios, alterum obsidem, alterum bello captum, eo ad supplicium producit. Ad hoc tam miserabile spectaculum cum patris animus fluctuaret, vxor eius, eademque iuuenum mater, virilis fortitudinis mulier, varia oratione eum confirmavit, proposita ante oculos, fide erga Regem, charitate in patriam, dignitate nobilissimæ familiæ. Liberos alios, illis extinctis, superesse, necdum suam illiusque ætatem, alijs gignendis, præterisse. Illos, etiam si, nunc mortem euaserint, breui tamen, vel morte fortuita, vel temporis maturitate, fato suo functuros: at, si qua famæ macula in gente

gente Setonia inhaerit, eam in omnem posteritatem permanaturam, ac immerenti etiam soboli aspersuram infamiam: sese non semel, e sapientissimorum hominum sermonibus, audisse laudes eorum, qui se, qui liberos suos ad sacrificium, pro incolumitate patriae, obtulissent. Illum vero, si urbem sibi commissam dedat, prodere patriam: neque certum etiam de salute liberorum fore: qui enim sperare posset, tyrannum, qui nunc fidem violaret, promissis posterius statutum? Orabat igitur, ne commodum incertum et (si contingat) momentaneum, certa & perpetua redimeret ignominia. Hac oratione cum viri animū paulo tranquilliores sensisset, ne supplicij foeditatem oculi perferre non possent, eum in diuersam partem, vnde conspici nequibat, auerit. Anglus, secundum supplicium, etiam plarisque suorum ingratus, in Halidonem collem, Beruico-propinquum, castra transfert, atque ibi hostem opperitur. Douglasius, quem ante seniores flectere non poterant, ut, agros Anglorum populando, in se obidentes auerteret, tum ira aestuans, ac veritus etiam, ne, si post tam nefandum facinus, pene sub oculis suis paratū, abscederet sine pugna, hostem timuisse videretur, certus dimicandi, recta ad eum duxit. Cum, acie instructa, satis diu steteret. Anglusque se suis locis tenebat, nec in aquum descenderet, totam Scotus aciem in aduersum collem erexit. Id eius temerarium consilium similem habuit euentum, hostes enim, per cliuum egre obnidentes, ingenti saxorum & iaculorum vi immissa, antequam ad manus veniretur, confauciant: deinde in appropinquantes ita conglobati irruerunt, ut ruinae modo, depulso deijcerent. Ceciderunt supra decem millia. Sunt, qui, ad quatuordecim desiderata, prodant: e primoribus, pene cuncti, qui infelici ad Duplinum praelio superfuerant, periire. Ex ijs clarissimi, memoriae produntur, dux ipse Arcibaldus, Iacobus, Ioannes & Alanus Stuarti, Roberti, qui proxime post Brussios regnavit, patrui, Hugo Rossia, Kennethus Sutherlandia, Alexander Brussius Carictae Comites, Andreas, Ioannes & Simon, Fraserii fratres. Incidit haec Scotorū clades in diem D. Magdalene sacrum anno ccc. xxxiii. c15. ccc. Secundum hunc conflictum, desperatis alijs subsidijs, Alexander Setonius urbem Patriciae Dabarius arcem Anglo dedunt, pacti, ut (incolumes) sua sibi haberent. Vterque, in verba Angli iurare, coactus est. Dumbario praeterea imperatū, ut arcem Dumbaram, quam diruerat, ne receptaculum anglis esset, suo sumptu denuo instauraret. Eduardus, ibi paucos moratus, dies, urbem & belli reliquias Balliolo commendauit: ipse in suum Regnum se recepit, relicto in Scotia Eduardo Talboto, homine nobili ac rarae prudentiae, cum non multis Anglorum cohortibus, qui Balliolum, in reliquis regionibus perdomandis, adiutaret, Nec id quidem, Nobilitate pene rota extincta, perdifficile videbatur, ex ijs, qui supererant, alijs ad victorem concurrentibus, alijs in loca munita aut inculta fugientibus. Sed praesidia admodum pauca erant, quae in fide Davidis permanerant: citra Fortham, insula in lacu, vnde amnis Dunus fluit, vix, ad modicam arcem sustinendam, patens: & Britannodunum, ultra Fortham, arx in lacu Leuino sita: item Kildrumia, & Vrcharta. Proximo anno, Legati a Pontifice Romano, & Philippo, Rege Francorum, venerunt, ad sedandas Regum Britanniae controuersias. Eos Anglus, rerum prospere succedentium cursu elatus, ne in conspectum quidem admittere voluit: ita enim animos, & vires Scotorum fractas existimabat, ut, iterum rebellare, nec auderent, nec possent. Verum, ex occasione leuissima, vnde minime expectabatur, orta inter ipsos Anglos Perthi discordia, summam tranquillitatem in bellum grauissimum commutauit. Ioannes Maubraius agros in Scotia, ab Eduardo primo suis maioribus datos, deinde, varietate temporum amissos, rursus, Eduardo Balliolo Scotiam tenente, recuperauerat. Eo, sine virili stirpe liberum, defuncto, de praedijs, aduersus eius filias, Alexander, earum patruus, litem intentauerat. Puellarum causam tutabantur Anglicae factionis homines, Henricus Bellomontius, qui vnam earum in matrimonio habebat: Richardus item Talbotus, & David Cuminius, Atholiae Comes. Balliolus Alexandro fauebat, ac, lite secundū eum diiudicata aduersarios adeo offendit, ut palam, de iniquitate decreti, quererentur: &, vbi nihil se querelis proficere viderunt ab aula quisque ad sua secederent. Talbotus, dum in Angliam proficiscitur, captus, Britannodunū ducitur Bellomontius Dundargum, Buchaniae arcem validam, praesidio firmat: ac non solū eum, de

quo lis erat, sed vicinū omnem agrum suae ditionis facit. Cuminius in Atholiā abijt, & locis commodis permunitis, aduersus vim (si quis intenter) se comparat. Hanc tam potentium virorum conspirationem Balliolus metuens, mutat sententiam, ac Bello-montij agro, de quo lis erat, concessit, Cuminium, plurimis & fructuosis praedijs Roberti Stuarti, mox regnaturi, donatis, reconciliat. Alexander, hac iniuria ictus, se cum Andrea Morauio, Prorēge Scotorum (qui se nuper ab Anglis, magna pecunia, redemerat) coniungit. Hac, diuersis temporibus gesta, coniunximus, ne saepius narrationis cursus rumpereetur. Interea Balliolus in regione diuersa omnes munitiones circa Renfroam, partim capit, partim euertit. Ibi rebus suo arbitrio compositis, in Botam insulam nauigat. Rotefaium arcem communit. Eam Alano Lilio, quem praefectum iuridicundo ante fecerat, tradit custodiendam. Robertū Stuartum, Roberti Brussij ex filia nepotem, diligenter ad necem conquirat: sed ille, opera Gulielmi Herioti, & Ioannis Gilberti, nauicula in continentem aduersam vectus, atq; equos, aduenientem expectantes, nactus, Britannodunum, ad Milcolumbum Flaminium, arcis praefectum, delatus est. Balliolus, cum Botae res ordinasset, in continente propinqua Dunum nouum, siue Nouiodunum, arcem in Coualia sitam, cepit: quo metu vicina Nobilitas percussa, prope tota se ei dedit. Inde reuersus, Vere proximo, ad lacus Leuini arcem obsidendam, omnem curam intendit. Sed cum res opinione lentior videretur, e sua factione, Ioannem Sterlinū, Equitem praepotentem, adiunctis ei Michaelē Arnoto, Dauide Vemio, & Richardo Malauillano, cum parte exercitus, ad arcem oppugnandam, reliquit. Illi, aedificato ex aduerso praesidio, qua breuissimus est traiectus, cum, ut vi arcem caperent, omnia frustra fuissent experti, impigre propugnantes Alano a veteri ponte, & Iacobo Lambino ciuibus Andreanis, eam, exitu amnis clauso, aquis submergere tentant: exit enim amnis Leuinus e lacu angustis faucibus, patefacta rupe. Hunc locum, congesto e saxis & cespitibus aggere, obstruere conantur. Sed ea res tardius procedebat, quod, ut aestas molientibus erat commoda, ita torrentibus, qui in lacum influebant, pene tum fectis, aqua, longe lateque porrecta, modicis incrementis augebatur. Hoc modo obsidione ducta in mensem Iulium, in quem incidit dies D. Margaritae, quondam Reginae Scotorum, festus, quo die, frequens mercatorum conuentus Fermelinodunū, vbi eius Diuū corpus est sepultū, fieri solet, Ioannes Sterlinus cum maiore parte suorum, alij ad mercatum, alij, religionis ergo, eo proficiscuntur, castris, cum non magno praesidio, ad aggerem relictis, nempe de hoste securi, cum neminem aduersae factionis, praeter paucos in arce inclusos, esse in propinquis regionibus scirent. Obsessi vero, de absentia Sterlini, & solitudine castrorum certiores, apparatu, ad aggerem perforandum, antea excogitato, primo vespere in Nauiculas imposito, sopitis vigilibus, pluribus simul locis eum perforant. Aqua vero, tenues aliquot nacta exitus, breui latiores sibi ipsa patefecit meatus, ac tanta vi tandem erupit, ut, quicquid erat obuium, deuoluens, plana omnia circum inundaret, ac tentoria casasque & plerosque homines semisomnes, ac iumenta, magno cum fragore, secum in mare deferret. Qui in nauiculis erant, egressi, & cum ingenti clamore in attonitos irruentes, huic tumultui tam inopinato aiium adiecerunt: tantusque pavor cepit vniuersos, ut nullius, nisi salutis memores, rebus suis hosti relictis, quaquisque poterat, in fugam se coniecerint. Alanus, per ociū, non spolia modo, sed commeatus, ad longam obsidionem paratos, e castris in arcem comportauit. Altera etiam eruptione, cum praesidiarijs, qui Kinrossiae erant, aequae feliciter certatū praesidium captū ac dirutum, obsidio soluta. Eodem fere tempore, quo haec in Fisa gerebantur. Angli magnis terrestribus naualibusq; copijs Scotiam intrarunt. Naues cum Fortham subirent, praetoria tempestate ad scopulos afflicta, reliquis vehementer vexatis, maiore cum dāno, quam praeda, domū redierunt. Terrestres copiae Glascuam vsq; penetrarunt. Ibi Anglus, habito conuentu procerū suae factionis, cum intelligeret, nullum neq; ducem, neq; exercitum aduersarū partium superesse, nec suam praesentiam amplius fore necessariam, ipse, Balliolo, cuius ingenio non multum fidebat, secum ducto: Dauide Cuminio Atholiae Comite, qui rei Scotiae praesesset, relicto, in Angliam abiit. Is primum omnium Stuartorum praedia longe amplissima, ut quae Botam, Araniam, & Renfroanos agros, bonamque Coilae

Coila & Cunigamia partem continebant, occupat Botæ præfectum iuri dicundo (quem alij Serifum, alij Vicecomitem vocant) Alanum Liliū confirmat: vicinis etiam regionibus, ei parere, iussis. Ipse, in diuersam regni partem profectus, Buchaniam & Morauiam suæ ditionis facit: & quanquam, supra priuati hominis modum, suas opes auxisset, tamen diplomata omnia, & quæcunque publice mandabat, nomine vtriusque Regis, Eduardi Angli, & Ballioli conficiebat. Ea tempestate, quanquam nemo in Scotia, præter pueros ludentes, Brussium Regem profiteri audebat, tamen Robertus Stuartus, qui tum Britannoduni latebat, aliquid per absentiam Cuminij audendū, ratus, Cambellos, familiam in Argathelia potentem, sui consilij certiores facit. Eorum princeps Calenus, circiter quadringentis coactis, ad Nouiodunum, arcem Coualia, ei occurrit: eam statim occupant. Ad eum rumorem, Botani, exiguo mari dirempri, populariter consurgunt, atque ad veteres dominos properant. Eorum iter vt impediret, Alanus Lilius, cum quibus potuit armaris, occurrit. Vulgus magna ex parte inermis, & quod, impetu magis, quam consilio, coierat, re subita perterritum, in proximū collem confugit. Ibi magna lapidū missilium copia reperta, armatos, ex contemptu temere subeuntes, velut grandine obruunt: maiorem partem, antequam ad manus ventū esset, affigunt, ac retrocedentes impellunt ita, vt cæso Lilio, cum fortissimo quoque, Ioannem Gilbertū Botanæ arcis præfectum, viuū ceperint, & suorum plurimos armarent cæsorū spolijs. Hanc victoriam, non incruentam, secuta est arcis Botanæ deditio. Ad hunc rumorem diuulgatum, Thomas Brussius, Carictæ Comes, cum popularibus & vicinis e Coila & Cunigamia, item Gulielmus Carruderus Annandianus, qui semper Anglorum imperiū recusauerat, cum amicis & propinquis, e latibulis suis prodiens, ad Stuartum venit. Item Ioannes Randolfus, Morauia Comes, e Gallijs reuersus, spem externorum auxiliorum attulit. Igitur animis, ad maiora suscipienda erectis, exercitū confecto, ac iuuante conatus eorum Gotofrido Rossio, præfecto iuridico Aetensi, breui totam Carictam, Coilam, & Cunigamiam in suas partes traxerunt. Renfroani quoque ad Stuartos, veteres dominos libenter accesserunt. Eorum exemplum secuti Andræ Morauij clientes, reliquos Glotrianos, partim volentes, partim in viros, ad causam coniunxerunt. Ab his tam laetis inijs, aucta fiducia, vt status publici esset aliqua imago, collectis suarum partium principibus, Proreges creant Robertum Stuartum, etsi adolescentem, tamen qui expeditiones has leuiore animi sui obsides erga patriā dedisset: & Ioannem Randolfum, patre ac fratre, viris clarissimis, dignum. Is, cum satis valida manu ad regiones in septentriones versas missus, concurrentibus ad eum, quos immoderati Anglorum imperij pertæsum erat, Dauidem Cuminium, subita animorū inclinatione illa perterritū, in Abriam vsque persequitur. Ibi, in angustiis locorum deprehensum, & omnium rerum pœnuria circūuentum, ad deditiōem compulit: & in verba Brussij coactum iurare, dimisit: adeoque pollicitationibus eius fidem habuit, vt, discedens, vicarim eum pro se reliquerit. Nec ille segniter Brussianarum partium studium simulabat. Interea Randolfus, in Lothianam reuersus, cum vetere amico Gulielmo Duglassio, qui nuper ex Anglia reuersus, squalorem diuturnum carceris magnis hostium cladibus vliscebatur, se coniunxit. Andreas Morauius, qui ad Rosburgum captus fuerat, eundem redijt. Igitur eum ducum abunde esset, Proreges conuentum indixerunt Perthum in Calendas Aprilis. Eo cum frequens Nobilitas conuenisset, nihil tamen confici potuit, propter similitatem nobilem quæ erat inter Gulielmum Duglassium, & Dauidem Cuminium. Causa prætendebatur, quod Cuminij opera Duglassius factum argueret, quod tardius ab Anglis esset dimissus. Cuminio fauebat Stuartus: Duglassio ceteri fere omnes: Cuminus vero, quod comitator ad conuentum venisset, eas inimicitias causabatur: adduxerat enim tantum amicorum & clientium numerum, vt ceteris omnibus formidolosus esset: augebat suspiciones ingenium eius, varium & mutabile, animus vastus, & certi rumores, de aduentu Anglorum, cum quibus, nemo fere dubitabat, quin se Atholius coniungeret. Nec multo post, Anglus, Balliolum secum ducens, magnis copijs terra marique Scotiam inuasit: classis centum & sexaginta nauium Fortham subiit. Ipse, terrestri iunget Perthum vsque progressus, vicinos agros late populando, ibi Cuminium expectat.

R E R V M S C O T I C A R V M

Interea, cum Randolfus Ioannem, qui AEbudas sibi vendicauerat, conuenisset, nec eum ad suas partes adiungere, posset, inducijs in aliquot menses in rebus tam perturbatis contentus, Robertum alterum Proregem, inde rediens, graui morbo implicitum deprehendit. Igitur alienissimo tempore, onere in se vnum inclinato, cum Anglo non ausus congredi, vires diuifit, per partes eum vt carperet. Audito autem, Geldrorum validum exercitum per Angliam aduentare, vt se cum Anglo iungeret, ad limitem Angliæ properat. Venienti occurrerunt Patricius, Marcia Comes, Gulielmus Duglassius Lidalianus, & Alexander Ramisæus, tum, in re militari, nemini secundus existimatus. Hi Geldros, in campis Edimburgo proximis, opperiantur. Vbi primum in conspectu fuere, sine mora concurrunt. Post acerrimum conflictum, Geldri victi, in propinquum collem, vbi semiruta arx erat, refugerunt. Postridie, cum omnium rerum poenuria laborarent, vitam modo pacti, se dediderunt. Randolfus, in gratiam Philippi Valesij, quem sibi amicissimū prædicabant, non contentus, incolumes & comiteu auctos dimittere, ipse deducendos suscepit: eo in itinere, ab Anglica factionis insidijs exceptus, ad Regem deducitur: qui, tum, Perthū valido exercitu obsidebat. Eodem tempore, David Cuminus, cuius omnia consilia ex inclinatione fortunæ pendebant, latus inimici calamitate, ad Anglum venit: ei pollicetur, se breui e regno Brussianos exacturum: nec segnus fecit, quam erat pollicitus. Nam, Pertho dedito, & muris nudato, Rex, in Angliam redire, parabat: quod comiteus maligne suppeditabantur, Scotis omnibus sub eius aduentum admonitis, vt pecora in montes agerent: alia omnia in loca munita, aut longinqua conueherent, quæ asportare non possent, corrumpere. Neque classis, in qua ei spes rei frumentariæ erat, eum magnopere iuuat. Primum Fortham subiens, coenobio Monachorum in AEmona insula vastato, cum in aperto mari ad anchoras staret, foeda tempestate vexata, magnam fecit iacturam. Pars nauium Ketham insulam propinquam, sed desertam, ægre tenuit: aliæ, longius ventorum vi ablata, vbi se primum receperunt, causam tempestatis in iram D. Columbæ conferentes, ob spoliatum auare & crudeliter eius Coenobium: igitur quidquid e præda comparebat, eo diligenter reportandum cum piaculis, curant: neque quicquam, eo anno, memoria dignum, a classe gestum est. Hæ causæ quanquam vehementer Anglum mouebant, magis tamen ei redditum festinauit cogitatio de bello Gallico, quod tum maxime meditabatur. Itaque, velut plane confecto bello Scotico, exercitum reduxit, ac Eduardum Balliolum secum abduxit. Cuminus, ad reliqua perficienda, Proregem reliquit. Ille, vt operam & studium partium Regibus probaret, & hostes vlcisceretur, nihil ad summam crudelitatem reliqui sibi fecit, quæ acerbitas eo visa est indignior, quod illi, ante paucos menses ad extremam inopiam redacto, tam facilis ad veniam portus fuerat. Tres fere, ex omni procerum Scotorum numero, supererant, qui nullis neque pollicitationibus, neque periculis cogi poterant, vt in Anglorum ditionem venirent, Patricius, Marcia Comes, Andreas Morauus, & Gulielmus Duglassius. Hi, Kildrumiam oppugnante Cumino, coniunctis viribus, eo pergunt, & ad Kilblaniam siluam, acre cum eo prælium conferunt. Sed cum Cuminus numero præstaret, & pauci a pluribus prope circumuenirentur, aduentus trecentorum militum recentium, cum Ioanne Crago, arcis præfecto, prælium diremit, ac victoriam certam Brussianis dedit. Fortissimus quisque Cuminianorum, aut in prælio, aut fuga, casus. Multis fuit salutis Cameronæ, arx Roberti Mennesij, propinqua. Sed cum tantæ multitudini, in arcto stipatæ, comiteus deessent, postridie fuit dedita, ac iurantibus in verba omnibus venia data. Cecidere, præter ducem, ex intimis eius amicis, Robertus Bradus, & Valterus Cuminus: Thomas, eius frater, captus, postridie capite multatus. Hæc victoria fecit, vt, Randolfo capto, ægrotante Stuarro, confirmaretur, militari suffragio, Andree Morauio Proregis nomen & imperium. Nam cum literæ a Rege Francorum, de inducijs, venissent, proceres Brussiani, ad eas accipiendas, coacti, vnanimi consensu, honorem pristinum, quem calamitas ademerat, Morauio restituerunt. Is, paucorum mensium inducijs finitis, Lochindorcam arcem obsedit. Eam tenebat Davidis Cumini uxor. Ea, quod euenit, futurum prospiciens, ab Anglo petiuerat auxilium. Mox Angli, copijs in Morauia expositis, obsessos liberant.

liberant. Elginum vsque (quod est opidum, ad Loxiam amnem situm) penetrant, ob-
uia ferro & flamma vastantes. Dum Perthum tendunt, Abredoniam cremant: arces
per Merniam, Dunotrium, Kinesum, & Lorestonium prædijs occupant: sex Mona-
sterijs proximis imperant, vt muros Perthi, dirutos, instaurent: ac, rebus Scoticis ite-
rum Eduardo Balliolo reuerso commendatis, in Angliam abeunt. Discedentibus An-
glis, & Scotorum viribus fractis, Henricus Bellomontius, tempus adesse ratus, expeten-
dæ vindictæ de cæde generi sui, Comitris Atholiæ, quoscunque deprehendit, qui in
prælio Kilblanensi fuissent, sine discrimine, omnes crudeliter occidit. Eum Andreas,
Morauius in Dundargo obsessum, ad deditionem compulit, & iureiurando accepto,
10 nunquam hostiliter in Scotiam rediturum, incolumem dimisit: atque vno continuo
victoriæ cursu omnes trans Fortham munitiones, præter Cupri arcem, & Perthū opi-
dum, eiectionis prædijs, captas, demolitus est. Deinde Angliā cum exercitu ingressus, ma-
gnas prædas egit: & militem, domi inopia confectū, non nihil recreauit. Tota enim inde
Scotia, eo anno, agris belli iniuria incultis, aut incursionibus assiduis vtriusque partis
vastatis, ita fame laboratum est, vt Angli arcem Cupri munitissimam, vacuam, ob com-
meatus inopiam, reliquerint. Præfidiarios nauta Scotus, ab eis male multatus, dum in
Lothianam noctu transportat, in cumulum arenæ, maris æstu recedente, nudatum ex-
posuit. Illi cum in continenti se esse putarent, paulum progressi, atque, iterum mari
reperito, frustra nautam inclamantes, ad vnum periere. Proximo anno, qui fuit M.
20 CCC. XXXVII. Angli arcem Dumbari obsederunt: eam tenebat Agnes, Comitris Mar-
tiani vxor, cui vulgus Nigræ cognomen dedit, mulier animi virilis: obsidebant autem x
Comites, Sarisburiensis & Arundellius. Ea obsidio cum spe omnium diutius protrahe-
retur, duo diuersa agmina, in subsidium Balliolo missa, Scotiam intrarunt: alterum du-
cebat Monfortius alterum Richardus Talbothus. Cum Monfortio congressus Lauren-
tius Prestonius, exercitum, duce cæso, grauiter concidit, ipse, paulo post, e vulnere de-
cessit: amissi ducis iram miles, inhumana captiuorum cæde, satiauit: Talbotus a Guliel-
mo Ketho, deleti exercitu, captus: nihilominus durauit obsidio Dumbari: mari ab
Anglis intercluso, commeatuum pœnuria pene obsessos afflixit: ac procul dubio dedita
fuisset arx, ni Alexander Ramisæus, audaci incepto, in tempore, subuenisset. Is, nocte
30 intempesta, ad arcem deceptis, qui in triremibus Genuensium maritimum latus obser-
uabant, nauem ad arcem applicuit: & quadraginta selectos viros, commeatusque ma-
gnam vim exposuit. Deinde, prædij parte ad suos adiuncta, silentio noctis, cum in-
genti tumultu in vigiles Anglorum irruit: ac magna cæde hominū, nihil minus, quam
eruptionem a prope victis timentium, facta, proxima noctæ, æque occultus, atque ve-
nerat, discessit. Sexto demum mense, Anglos fatigatos, ac frustra omnia expertos; reuo-
cante ad bellum Gallicū Rege, Dumbari obsidio soluta est. Andreas Morauius, patria
prope peregrino milite liberata, primum Sterlinum, deinde Edimburgum oppugnare,
est aggressus, sed, vtrunque re infecta, discessit: pacata tamen Lothiana, & in fidem Re-
gis recepta. Interea, animo paulum a laboribus relaxato, dum sua transmontana prædia
40 interuisit, morbo graui correptus decessit: atque ad Rosmarchiam sepultus, summum
apud omnes bonos desiderium sui reliquit: tantas enim res biennio ac semestri, quibus
in magistratu fuit, gessit, vt suffecturæ cuiuslibet magni ducis ætati viderentur. Post
eum Stuartus Protex fuit, vsque a Dauidis e Gallia reditum. Adolescens adhuc multis
prælijs leuibus, eo anno, eius aspiciis per Gulielmum Duglafsium gestis, victor euasit,
nec sine maximo Duglafsii discrimine, & crebris vulneribus, nam Anglos e Teuotia
expulit: & in Lidalia Heremitagium cepit, magnisque commeatibus de hoste ad Mul-
rossiam captis, communiuit. Cum Berclaio adeo acre ac pertinax certamen iniit, vt vix
ipse cum tribus comitibus, idq; beneficio noctis, euaserit, Ioannis Sterlini copias quan-
quam graui prælio deuicisset, tamen ab eodem, breui post, prope circumuentus fuit.
50 Verum, ex inopiato tumultu se colligens, post acerrimam pugnam, Sterlinum victum
fugauit: triginta comitum eius interemit: quadraginta viuos cepit. Gulielmo Aberne-
thio, a quo quinquies vno die fugatus fuerat, ita institit, vt, ante noctem, cæsis omni-
bus eius comitibus, ipsum secum captiuū abduxerit. Nec minore felicitate, Laurentium

RERVM SCOTICARVM

c15.ccc. Vassum, hominem strenuum deuicit. Tandem ad Dauidem Regem in Galliam abiit,
xxxix. vt cum de statu rerum edoceret. Proximo anno, qui fuit, m.ccc.xxxix. Stuartus, fortuna-
ratus instandum, coacto exercitu, Perthum oppugnare aggreditur, quadrifariam diuisis
viribus. Sed, Anglis acriter opidum defendentibus, non sine vulneribus reiectus fuit.
Tertio demum obsidionis mense, prope desperantibus de successu, Duglassius superue-
nit, quinque piraticis nauibus conductis, quæ machinas atque aliquid militum addu-
xerunt. Exposita igitur parte militum, reliqui, in nauibus Tai amnis ostium asseruare,
iussi. Duglassius ipse, ad arcem Cuprensem recuperandam, mittitur: eam, ab Anglis de-
sertam, Scoti occupauerant, quibus erat præfectus Gulielmus Bullocus sacerdos Anglus,
idemque Quæstor. Cum eo Duglassius transegit, vt, acceptis in Scotia prædijs, in suas
partes transiret. Id eo facilius ei persuasum, quod nec ab Anglis subsidium sperabar,
nec Scotis, qui secum in præsidio erant, admodum fidebat: eius opera forti & fideli, sæpe
postea, Scoti sunt vsi. Obsidio Perthi iam in quartum mensem protracta, diutius vide-
batur duratura, nisi Rossia Comes per cuniculos aquam e fossa deriuasset: atque ad mu-
rum usque cum suis penetrasset: tum demum deiectis propugnatoribus, telorum vi po-
tissimum e machinis emissorum, deditio facta est, ea lege, vt Angli incolumes, quo vel-
lent, sua omnia exportarent. Intra paucos dies, Sterlinum quoque oppugnatum, & ea-
dem lege deditum. Mauritius Morauius, Andreae filius, arci est præfectus. Hac tam sub-
ita mutatione rerum Balliolus territus, e Gallouidia, vbi se plurimum continebat, in
Angliam abiit. Breui post, arx Edimburgi, non vi expugnata, sed arte capta est. Valte-
rus Currius mercator, qui tum forte nauem, comineatibus onustam, in æstuario Tai ad
Taodunum habebat, accersitus a Gulielmo Duglassio, in Fortham venit. Ibi commu-
nicato cum Bulloco consilio, Currius Anglum se simulat, ac duos vini optimi vtres,
aliaque nonnulla munuscula ad præfectum arcis attulit: orauitque, vt ibi reliquos
comineatus distrahere, sine periculo, per eum liceret: si qua rei præsidione opus esset:
commoneret, se libenter eis, quoad posset, gratificaturum. Præfectus ei, vt aliquot do-
lia vini, certumque numerum panis nautici afferret, imperat: aditum ei, cum veller,
pollicetur. Ille, quod bene vertat, metu Scotorum, qui sæpe incursiones in loca vicina
facerent, summo mane se aduenturum, ostendit. Ea nocte, Duglassius duodecimque
comites, homines lectissimi, nautico vestitu super arma iniecto, comineatum ad arcem
portant. Suos, quam proxime possunt, in insidijs collocatos, expectare signum, iubent.
Progressi paulum, Duglassius & Simon Fraferius, ceteros modico intervallo sequi,
iubent. Intromissi a ianitore intra munitionem, e trabibus ante portam arcis structam,
cum animaduertissent, clauis ostiorum e brachio ianitoris suspensas, ipsum iugulant:
& sine strepitu, portam arcis aperiunt: deinde suis (vti conuenerat) cornu inflato, signum
dant: eodem sono & qui erant in insidijs, & custodes arcis admonentur, alteri, ab amicis,
alteri ab inimicis arcem teneri: Vtrisque properantibus, Scoti onera in ipso portæ aditu
deiciunt, ne ante suorum, qui per difficilem clium lentius vadebant, aduentum valuar
obijci, ac ipsi occludi possent. Acri conflictu edito, ac eade vtrinque patrata, tandem
præsidarii cesserunt, ceteris, præter præfectum ac sex comites, occisis. Alii in hunc an-
num, alii in superiorem coniiciunt expeditionem Alexandri Ramisæi (qui omnes, il-
lius ætatis, Scotos rei militaris gloria anteiebat) in Angliam: Erat enim ea tum de vir-
tute eius opinio, vt, qui non prodiisset ex illius velut schola, militiæ non satis peri-
tus haberetur: Itaque iuuenis ad eum, velut vnicum bellandi magistrum, frequens
ventitabat. Is, cum non paucas ante expeditiones in hosticum, cum parua manu, pro-
pero euentu, fecisset, rebus eorum, tum in Scotia afflictis, aliquid maius audendum
ratus collecta magna clientium & amicorum manu, Northumbriam late populatus
est: cum reuertentem Angli ex omnibus agris & castellis, longe maioribus copijs, con-
sequuntur. Eorum congressum cum Alexander vitare non posset, & suorum animos,
ob multitudinem hostium, non nihil debilitatos sentiret, præmissa præda, pedites in
insidijs locat: Equites late effusos simulare fugam, iubet: deinde, vbi locum insidia-
rum præterissent, ad signum buccinæ, rursus in vnum coire. Eam equitum fugam
Angli veram rati, æque effusi & ipsi sequuntur, ad quos Scoti, signo reuocati, cum se
momento

momento temporis obuertissent, peditesque vndique ex insidijs profiliissent, versus est in Anglos, ex re inopinata, terror, ac, non paulo concitatore cursu, quam antea secuti erant, fugerunt: multi occisi: complures capti: præda incolumis domum abducta. Inter captiuos fuit præfectus Rosburgi: cum eum præsidium fere omne secutum fuisset, Alexander opidum pene vacuum aggressus, primo impetu cepit. Inferiorem quoque arcis partem cum suæ potestatis fecisset, qui restabant, in turrim validam confugerunt: sed, cum pertinacissime oppugnarentur, nec subsidium a suis vllum sperarent, se dediderunt. Sunt, qui, Sarisburij Comitem ibi captum, tradant, & cum Ioanne Randolpho permutatum. Sed magis inclinatur animus, vt plures scriptores sequar, qui, Sarisburium a Gallis atque in Gallia captum, prodant. Randolphus, in Annandiam profectus, arcem suam ad lacum Mabanum de Anglis cepit: ac tres limitum præfecti, Alexander Ramisæus Orientalis, Gulielmus Duglassius Medii, Randolphus Occidentalis, vltra veteres fines, qui, Alexandro tertio regnante, fuerant, Anglos expulerunt: neque quicquam in solo Scotico, præter Beruicum, tenebant. Sunt, qui, Rosburgum a Ramisæo, sopitis vigilibus, de nocte scalis admotis, captum, tradant, Anno M. CCC. XLII. die Martij xxx. cum quibus CIS. CCD. facit liber Pasletensis. Eodem anno, iv. Non. Iulij, Dauid Brussius cum vxore ad Enner- XLII. bernium applicuit, anno, quam discesserat, nono: cuius aduentus eo fuit omnibus gratior, quo minore in spe tum res Scotorum erant. Nam Eduardus, factis cum Philippo, Rege Gallorum, ad Tornacum, trium annorum inducijs, atque ita bello Gallico vacuus, decreuerat, totis viribus Scotiam aggredi. Habebat tum in exercitu quadraginta pedum, sex equum millia: ac, aduersus annonæ angustiam magnam classem ornauerat, quæ commeatus terrestribus copijs suppeditaret. Ea cum, Nouembri mense, soluisset, tempestate saua iactata, atque in Belgicum & Germanicum litus, post longam vexationem, eiecta, inutilis prorsus ad præsentis belli vsu fuit. Interea Eduardus, cum terrestribus copijs, circa Nouum castrum ad Tinam, in maxima commeatum poenuria, se continebat. Ad eum legati e Scotia missi, quatuor mensium inducias, ea conditione, fecerunt, ni Dauid Rex, ante calendas Iunias, domum rediret, vt Scoti omnes in Eduardi ditionem concederent. Verum Dauid, audito Angli apparatu, ante legatorum ad se aduentum, soluerat. Ad Regem ita (vti dixi) reuersum, inter gratulantes, qui ab omnibus regni partibus frequentes aderant, venit Alexander Ramisæus, cum omni vita superiore splendide acta, tum recenti militari gloria clarus. Is singulari fauore acceptus, & præter custodiam Rosburgi, etiam totius Teuiotæ præfectura iudiciaria donatus. Hoc in honore sibi eum prælatum, Gulielmus Duglassius agerrime tulit: nam cum Teuiotia pene tota Anglos expulisset, conuentibus agendis, quanquam iniussu Regis, aliquot annos præfederat: meritis enim in patriam, & nobilitate generis, & familiæ opibus fretus, neminem in eo magistratu, sperabat sibi competitorem futurum. Itaque, totus in vltionem intentus, iram in præsentia suppressit: tandem vero, post tres menses inimicum, conuentum habentem in templo, Hauici nactus, cum nihil minus expectantem, cæsis tribus comitibus, auxilium ferre conantibus, faucium iumento imposuit: atque in Here-
mitagio mori fame coegit. Eodem fere tempore, eodem genere mortis, per Dauidem Barclaium extinctus est Gulielmus Bullocus, homo singulari erga Regem fide. Hæc duo crudelitatis inhumanæ facinora totam pene Scotiam, in factiones distractam, seditionibus replevere. Hæc res Regem adolescentem & nondum militariibus ingenijs assuetum, vehementer exercuerunt: & quanquam summam diligentiam, in perquirendo ad supplicium Duglassio, adhiberet, is tamen per amicos (plurimos enim, ob res placare gestas, pro libertate, sibi conciliauerat) ac in primis, per Robertum Stuartum, Regis e sorore natum, veniam obtinuit. Maxime valuit, magnifica quidem, sed vera, commemoratio rerum ab eo gestarum, & ratio temporis, quo, pace foris incerta, nec rebus domi quietis, militares homines retinendi, atque etiam omni fauore amplectendi essent. Igitur non solum venia Duglassius, sed præfectura Rosburgi & Teuiotæ donatus est, clementia, fortasse in præsentia non inutili, sed exemplo, in posterum, pessimo. Dauid, rebus vtunque domi compositis, expeditionem in Anglos denunciat, magna Nobilitatis parte ob commeatum, qua laborabatur, poenuriam, dissuadente. Collecto satis

RERVM SCOTICARVM

magno exercitu, Ioannem Randolfum ei praeficit: ipse occultus, dissimulato nomine
 Regio, cum eo proficiscitur: Hæc manus, per duos prope menses depopulata Nor-
 thumbriam, cum ingenti præda domum rediit. Iterum, intra paucos dies, Rex, se ducentem
 exercitus professus, hosticum intrauit. Angli, viribus inferiores certaminis alex rem
 committere, absente in Gallia Rege suo, recusabant: sed, magno equitatu ab omni
 parte assultantes, a libera populatione Scotos arcebant: quinque primæ Nobilitatis
 Equites, nuper a Dauide in eum Ordinem ascitos, temere longius a suis progressos,
 caesis aut fugatis eorum comitibus, hostes capiunt. Rex, ne tempus illic frustra terneret,
 reduxit exercitum. Tertia expeditione, coactis, quam potuit occulte, copijs, vt hostes
 nec opinantes magna clade afficeret, cum Angliam, præcipiti Autumno, fuisset ingres- 10
 sus, largis imbribus exiguos torrentes ita augmentibus, vt agrum omnem non modo
 imperiuium redderent, sed comituum aduestionem prohiberent, paucis arcibus,
 ne nihil tanto conatu videretur egisse, deiectis, domum rediit. Non adeo diu post, le-
 gatis vtro citroque missis, actum de inducijs in biennium, in quas Scorus, ea lege, con-
 sensit, modo eas ratas Philippus Gallorum Rex haberet: nam in foedere inter Scotos
 & Gallos, ita cautum erat, vt neutra gens sine altera pacem, aut inducias cum Anglo fa-
 ceret, hæc quietam interea Scotiam tenere. Quarto fere, post reditum Dauidis, anno,
 Gallis magno prælio victis, obfesso ab Anglis Calisio, Morinorum opido, Philippo
 per legatos instante, vt Scoti, Angliam ingressi, partem virium Anglicarum in se deri-
 uarent, exercitus, Perthum conuenire, iussus est: eo cum frequentes coissent. David, 20
 Comes Rossia, Reginaldum, AEBudarum Regulum veterem inimicum, septemque
 comitum eius nobilissimos, noctu ex insidijs aggressus, interemit. Ea cades valde exer-
 citum imminuit: cum non solum vtriusque partis amici & clientes, sed multi etiam
 vicinorum, ciuile bellum inter familias potentissimas, metuentes, domo discederent.
 Igitur Gulielmus Duglassius Lidalianus Regi maximopere suadebat, vt, omissa in præ-
 sentia expeditione, res domi componeret. Hoc consilio contempto, Rex, amicitia su-
 perante caritatem patriæ, in Angliam ducit: ac ferro & flamma omnia, qua ibat, pro-
 sternens, sextodecimo demum die in agrum Dunelmensem venit: Angli, partim a Per-
 cio collecti, partim ab exercitu, qui Calisium obsidebat, remissi, cum frequentes con-
 uenissent, se Scotis, multo celerius eorum opinione, acie instructa, ostenderunt. David, 30
 qui nihil minus, quam hostis aduentum, metuebat, & Gulielmum Duglassium, ad
 agrum vicinum depopulandum, emiserat, suis signum pugnae proponit. Duglassius, cum
 in hostem necopinatus incidisset, trepida fuga, quingentis viris fortissimis amissis, in ca-
 stra rediit. Nec infelix rei incipiendæ auspiciū felicior conflictus est secutus. Pugna
 acriter inita, in prima acie cæsus est, profligatis prius suis, Ioannes Randolfus. Mediam,
 in qua rex erat, duæ Anglorum acies, altera victrix, altera integra aggressa obstinatam
 mori, cum eo Nobilitatem Scoticam pene ad internecionem ceciderunt. Rex ipse a Io-
 anne Coplando, cui, telis ereptis, duos pugno dentes excusserat, caprus, sed iam duabus
 sagittis grauiter saucius. Tertia, cui Robertus Stuartus & Patricius Dumbarus præerant,
 acies, visa suorum clade, prope incolumis se subduxit. Post hanc pugnam, ita profligata 40
 Nobilitate statim Rosburgum, Heremitagium, aliæque complures arces Anglis dedit.
 Scoti coacti, præter quos in Anglia tenebant agros, etiam Marcia: Teuiotia, Lidalia, &
 Lauderia cedere: limites Anglorum ad saltum, quem Cocburni vocant, & Soltram
 prolati. Balliolus, non contentus, ditionem maiorum suorum in Gallouidia recupe-
 rasse, Annandiam & Nitiam, & quicquid Agrorum ad Glottam adiacet, eade & incen-
 dio peruagatus est: Lothianam quoque adiuncto sibi Percio Anglo simili clade affecit:
 nec per aliquot annos, in Scotia iustus exercitus confici potuit. Accessit ad hæc mala
 pestis grauissima, quæ partem fere tertiam populi absumpsit: nec, in rebus tam afflictis,
 a domesticis malis cessatum est. David Barclaius, Eques nobilis, qui Bullocum ante
 occiderat, hoc quoque tempore, in cade Ioannis Duglassij Dalkethij affuerat. Eum 50
 Gulielmus Duglassius Lidalianus, qui, in prælio ad Dunelmum captus ab Anglis, non-
 dum redierat, per suos clientes cutauit interficiendum: nec ipse, in Scotiam reuersus, diu
 ei superstes fuit. Nam a Gulielmo Duglassio, Archibaldi filio, nuper e Gallia reuerso
 inter

inter venandum in silua Attica, in vltionem caedis Alexandri Ramisai, est interfectus. Nec priscorum Scotorum tribus homines, quietis impatientes, a mutuis iniurijs temperarunt. Inter hæc mala vndique prementia, Gulielmus Duglassius, collecta propinquorum & clientium manu, primum Duglassiam, maiorum suorum patrimonium, eiecit Anglis, recuperavit: deinde, e paruo successu, crescente citum erga eum favore, magnam Teutotia partem recepit. Interea Ioannes, Francorum Rex, qui patri Philippo & regni & belli fuit hæres, veritus, ne Scoti, tot malis fracti, tam potenti hosti succumberent, misit ad eos Eugenium Garenterium, quadraginta viris fortibus comitatum, petitum ab eis, ne vllam eum Anglo pacem, se inconsulto, facerent. Is quadraginta Scotorum millia, ad militem conducendum attulit: præterea, magnificis promissis, Nobilitatem in suam sententiam traduxit. Illi, acceptam pecuniam inter se partiti, nullo milite conducto, bellum per excursions frequentes, more suo, administrarunt. Id ubi ad Angliam est perlatum, Lothianam, iam antea male habitam, prope ad vastitatem redegit. Hæc ut vlciscerentur, Patricius Dumbarius, & Gulielmus Duglassius, collecta, quam potuerunt occultissime, magna manu, Gulielmum Ramisaium Dallasium, virum fortem, & notæ in bello industria, ad Noramam pagum in ripa Tuedæ frequentem incendendum, cum parte exercitus mittunt, ipsi in insidijs consistunt: Cum, quod quaesitum erat, Ramisai foret assecutus, perducti ad insidias hostes, ac circumventi caduntur. Tandem, multitudini impares, deditionem faciunt: pars maior capitur. Hoc successu, crevere Scotis animi: itaque iisdem ducebus coniunctis, Thomas Stuartus, Angustæ Comes, Beruicum tentare, statuit. Id occulte ut conficeretur, conductis, vndecunque poterat, nauibus scalsque, & reliquo oppugnandarum urbium apparatu imposito, Patricium de suo aduentu facit certiores. Cum ad horam constitutam, quam minimo poterant tumultu, ad muros accederent, vigiles tamen non fefellerunt: quibus, post acrem pugnam, repulsis, Scoti tandem vrbe, non sine damno suorum, potuerunt. Arcem ab Anglis retentem magna vi, sed frustra adoriuntur. Anglus, audito rerum Scoticarum statu, coacto exercitu copioso, magnis itineribus eo contendit. Scoti, accepto eius aduentu, nulla re ad longam obsidionem satis prouisa, vrbe spoliata, & incensa, ad sua redierunt. Eduardus, omni genere artificum adhibito, corrupta flammis instaurat: interea ipse Rosburgi manet. Eo Balliolus venit, Scotia regno ei cedit: oratque vehementer, ne sibi a Scotis illatas iniurias negligat. Anglus, velut ei obsecundans, Lothianam terra marique inuadit: & quicquid supererat, superiori vastationi, corrumpit. Decreuerat illa expeditione Anglus, totam Scotiam sic affligere, ut nullas in posterum vires, ad rebellandum, recolligere posset: verum id consilium discussit fœda tempestas, quæ classem, in qua subuehebatur commeatus, ita dissipauit, lacerauit, & afflixit, ut pauca naues iterum in vnum portum coire potuerint. Itæ Eduardus redire, ob commeatus inopiam, coactus, iram suam in Edinburgum, Hadinam reliquaque Lothianæ opida effudit: eo cum exercitu in Angliam reuerso, Gulielmus Duglassius Gallonidiam, Rogerius a Cella Patricij, Nithiam, Ioannes Stuartus, Proregis filius, Annandiam Scotis, hoste expulso, restituerunt. Eodem ferè tempore, Ioannes, Rex Francorum, in Pictonibus, magno prælio ab Anglis victus, capitur. Eduardus cum, duobus Regibus captiuis, hiemem ageret in summa, inter amicorū gratulationes, læticia, Scoti, animum eius gloria satiatum, rati, tum ad æquitatem facilius flecti posse, cum eo per legatos, de Rege suo liberando, egerunt. Brussius, ut facilius sui eum conuenire possent, Beruicum est missus: cum de conditionibus non conueniret, iterum Londinum est reuersus. Nec adeo diu post, per Legatos Pontificios, qui, de pace inter Anglos & Francos, summo studio agebant, cum Scotis etiam est transactum, promissis Anglo, ut nostri scribunt, centum, ut Frossardus, quingentis millibus marcarum Anglicæ monetæ: cuius pecuniæ pars repræsentaretur, reliquum per Pensiones solueretur. Ea summa quo facilius conficeretur, Pontifex Romanus sacerdotiorum decimas, in tres annos, donauit: induciæ interea factæ, obsides dati nobilissimi adolescentes, qui penè omnes in Anglia peste interierunt. Dauid igitur vndecimo, quam captus fuerat, anno domum reuersus, primum omnium, qui fugæ principes e Duncelmensi prælio fuerant, multauit: Patricio

RERVM SCOTICARVM

Dumbario partem agri abstulit: Robertum Stuartum, sororis maioris filium, a spe succedendi in regnum remouit: atque in eius locum, substituit Alexandrum, Sutherlandie Comitis filium, & secunda sorore genitum: & in eius nomen proceres sacramento adiecit. Huius adolescentis pater, ut procerum voluntates filio conciliaret artius, laeos & fructuosos agros viris potentibus donauit. Sed, Alexandro breui post mortuo, Dauid Stuarto placatus est, & in Ordinum frequenti conuentu, suus ei locus est, omnium decreto, restitutus. Sed id, aliquot annis posterius, est factum. Proximos fere quinque annos, in pacandis discordijs civilibus, Rex consumpsit: quo in tempore, duæ clades inciderunt: altera, ad paucos pertinens, ex inundatione aquarum. Tantum enim aquæ pluuiæ de celo deiectum est, ut torrentibus & fluuijs per Lothianam in agros effusis, non pontes modo & molas aquarias, sed pleraque rusticas domos, cum pecore & dominis, vis aquarum in mare detulerit, arbores radicitus euulserit, opida quoque prope fluminum ripas pene deleuit. Hanc calamitatem secuta pestis, multos omnium ordinum atque ætatum consumpsit. Pacatioribus iam rebus, Anno millesimo trecentesimo sexagesimo tertio, in conuentu Ordinum Rex ad Apolectos retulit, de Anglo aut eius filio (si quid sibi humanitus euenisset) ad regnum capiendum, in Scotiam accersendo. Id, siue radio bellorum, vtriusque gentis commodis prospiciens, siue (quod alij putant) ab Anglo iurare coactus, fecerit, oratio eius fuit adeo omnibus ingrata & molesta, ut non expectato, dum ordine sententiæ rogarentur, omnes clamore confuso, vocem abominarentur: ac nihil propius fuit, quam ut, qui liberi me vociferati fuerant, iram eius metuentes, defectionem circumspicerent. Quorum ubi timorem rescuit, remissa ira, eos in gratiam recepit: Cæteris ubique pacatis, montani in armis perstabant: nec solum inter se, foeda atque inhumana, crudelitate, faniebant, sed vicina etiam late populabantur. Hos Rex cum ad concordiam nulla ratione posset adducere, per homines callidos discordias augendas curauit, donec, ferocioribus munia cæde consumptis, cæteri tractabiles & mansueti redderentur. His domi forisque editis, in arce Edimburgensi decessit, anno vitæ quadragesimo septimo, regni prope tricesimo nono, Salutis humanæ, millesimo trecentesimo septuagesimo, septimo die mensis Maij: vir sane in omni virtutum genere, ac in primis iusticia & clementia, memorabilis: & cui, in bonis malisque rebus exercito, semper magis fortuna, quam industria defuisse videatur.

C. REX.

Dauidæ vita functo, cum proceres frequentes ad Limnuchum præsto fuissent, ut Roberto, ab auunculo iam pridem Regi designato, ineunti Regnum gratularentur, ambitio Gulielmi, Comitis Duglassij, prope in seditionem rem adduxit. Perebat enim, iure hæreditario, Regnum sibi decerni, ut qui a Balliolo & Cuminijs esset oriundus. Sed cum deprehendisset, suam petitionem omnibus esse ingratam, ac in primis amicorum suorum intimis, Georgio & Ioanni Dumbarijs, fratribus, quorum alter Comes esset Marcie, alter Morauie: Roberto Areskino, trium arcium firmissimarum, Britannoduni, Sterlini, & Edimburgi præfecto, petere destitit: & se Regi Roberto professus est obtemperaturum: & Rex, ut eum arctiore vinculo amicitie complecteretur, filiam suam Gulielmi Comitis filio despondit. Hoc anno, induciæ in quatuordecim annos factæ, sunt per Anglos violatæ. Cum ad frequentem Mercatum, quo, ad tertium Idus Augusti, ex locis etiam longinquis vtriusque Regni magna multitudo solebat conuenire, plerique Marciani adessent, & familiaribus Georgij Dumbarij quidam est interemptus. Huius cædis auctores cum Georgius, ex iure, quod inter limitaneos obseruatur, per foeciales peteret, ut vel sibi dederent, vel ipsi in eos animaduernerent, tandem, cum, æquitatem vinci gratia, cerneret, iniuriam dissimulat, ac proximuni in diem, nundinis solennem, occulte manum parat, opidumque ex improviso adortus, omnes puberes occidit: tecta incendit, & cum ingenti præda domum redijt. Angli, ut eam cladem vlciscerentur, pari crudelitate Ioannis Gordonij, Equitis illustris agros peruagati sunt. Nec multo post, Gordonius, Angliam ingressus, cum, ingenti hominum pecudumque præda coacta rediret, Ioannes Lilbur-

CID. CCD.
LXXII.

CID. CCD.
LXX.

Liburnus longe maiore manu collecta, redeunti fit obuiam. Ibi, infestissimis utrinque animis, pugna conferta, cum aliquandiu vario Marte certatum esset, victoria penes Scotos fuit. Ductor Anglorum cum multis propinquis & clientibus captus. Henricus Percius, Comes Northumbriae, vir magni animi, qui tum limitis Orientalis erat praefectus, indignissime ferens has suorum clades, coactis amplius septem millibus hominum, ad vicum Dunsum, Ioanne Scoto, qui Subtilis cognominatur, magis, quam vlla alia re, insignem, castra posuit. Ibi rustici & pastores, nullis alijs armis freti, quam crepitaculis, quibus ceruos & pecora, quae illic passim sine custodibus vagantur, absterrent, nocte colles Lamyrriorum montium, vico proximos, insederunt. Eius crepitaculi haec forma est: In summo hastili satis longo, infixis costis ligneis, in semicirculum curuatis, super eas pellem circumtendunt, ad eam maxime formam, qua sunt laternae, quas vulgus Luteciae Fallotas appellat. Huic lapillos paucos, sed durissimos induunt, quibus, agitatibus cum ingenti sonitu, feras a segetibus absterrent. Hoc genere crepitaculorum ingenti strepitu in imminentibus Dunso collibus edito, equi Anglorum perterriti, vincula rumpunt, ac, passim per agros palantes, in predam agricolis cedunt. In exercitu toto tumultuatum, & Ad arma, clamatum est: & cum hostes adesse crederent, illam noctem infomnem duxerunt. Mane, intellecto ludibrio, multis iumentis vna cum equis amissis, sex millia passuum (tantum enim is vicus ab Anglia abest) relictis impedimentis, pedibus, prope fugientium modo, transierunt. Eodem die, quo Percius a Dunso recessit, Thomas Musgrauus, Beruici praefectus, cum aliquot cohortibus, ut se Percio coniungeret, egressus, in insidias, a Ioanne Gordonio (de itinere eius praemonito) collocatus, incidit. Ibi circumuentus cum suis, maiorem hostium manum ratus, in fugam se coniecit, sed retractus est vna cum suis. Nec ad Occidentalem limitem Ioannes Ionstonius expers & praedae & gloriae fuit. Paruis enim, sed crebris, incursionibus ita finitimos exercuit, ut non minus damni, quam magni exercitus soleant, eis dederit. Rebus ita, primo biennio, feliciter succedentibus, tertio ab inito regno anno, Eufemia Regina, Hugonis Comitis Rossiae filia, moritur. Ex ea Rex ternos liberos genuerat, Valterum, posterius Iernia; & Dauidem, Atholiae Comites, & Eufemiam, quam Iacobo Duglassio nupsisse, a nobis ante commemoratum est. Robertus non tam impatientia coelibatus, quam amore filiorum, ex Elizabetha Mora prius genitorum, ipsam uxorem duxit. Hanc enim eleganti forma, Adami Mori, illustri Equitis, filiam, adhuc, adolescens, vehementer amarat: ex eaque tres filios, ac duas filias susceperat: eamque Gifardo, viro nobili in Lothiana, curauerat collocandam. Verum, sub idem fere tempus, Eufemia Regina, & Gifardo, Elizabethae marito, defunctis, Rex, siue consuetudine vetere Morae inductus, siue (quod a multis traditur) ut filios, quos ex ea genuerat, legitimos faceret, matrem eorum sibi matrimonio iunxit: filios statim diuitijs & honoribus auxit. Ioannes natus maximus, Caricta, Robertus Taichia, Alexander Buchaniae Comites sunt facti, adiecta etiam Badenacha. Nec hac munificentia contentus, Comitibus ad Sconam indictis, obtinuit, ut, praeteritis Eufemiae liberis, in Rege creando, gradus aetatis obseruarentur: quae res postea tam numerosam familiam prope extinxit. Biennio fere proximo, cum nec certa pax, nec bellum esset, leuibus incursionibus, ac prope latrocinijs, utrinque certatum est. Interea decessit Eduardus tertius. Ei successit Richardus Secundus, nepos ex Eduardo filio, Burdegala natus: Regnum iniit, vndecimo aetatis anno: quo tempore, legati Caroli Quinti, Francorum Regis, in Scotiam venerunt. Causa aduentus eorum fuit, ut vetus foedus cum Roberto renouarent, eumque hortarentur, ut, Angliam aggressus, Franciam (aliqua ex parte) bello leuaret. Interim dum conuentus eis exhibetur, Alexander Ramisaeus, ut Angli ex Frosardo narrant, quadraginta selectis iuuenibus comitatus, nocte intempesta, sopitis vigilibus, Beruici arcem cepit, omnibus, qui eam tenebant, aut caelis, aut captis. Opidani, inopinato malo icti, accito Percio, cum x. millibus armatorum arcem, vndique obsidione clausam, acriter oppugnant. Harum rerum nuncio ad conuentum Scotorum perlato, Archibaldus Duglassius, de periculo propinqui sui sollicitus, quingentis tantum equitibus comitatus, eo aduolat: sed, intercluso ad obsessos omni aditu, nulla re gesta, discessit. Arx, postquam per dies aliquot valide fuisset defensa, tandem vi capitur:

R E R V M S C O T I C A R V M

in omnes, præter vnum Alexandrum, scuitum est. Hæc illi. Nostri, opera sex hominum plebeiorem e Marcia arcem captam, ac deinde, cum eam tenere non possent, relictam, tradunt. Non adeo diu post conuentum, Iacobus Primus, Duglassiæ Comes, coactis viginti millibus hominum, Angliam ingressus, Pennerum opidum, frequentibus Nundinis, ex improviso cepit, diripuit, incendit: exercitumq; spolijs oneratum, incolumem reduxit: & cum præda, pestilentiam domum retulit: quæ, quanta nunquam alias, vi biennio per totum Regnum scuijt. Angli, vt parem cladem Scotis rependerent, Soluzo transmissio, Scotiam ingressi. Talbotus, dux acerrimus, quindecim millia militum ducebat: hoc numero fretus, longe lateque populando, vastitatem faciebat. Cum exercitum præda grauem, reduceret, non longe a finibus Angliæ, in valle angusta, castra posuerat. In eas angustias Scoti plus minus quingenti noctu ingressi, in securos & imparatos, & magna ex parte, inermes, irruerunt: ac primo impetu, obuijs trucidatis, tumultu vero & pauore latius fuso, totum exercitum in fugam vertunt. Multi ibi occisi: ad ducentos & quadraginta capti: plurimi, vt in subita trepidatione, temere flumen ingressi, perierunt: reliqui, præda exuti, qua cuique proximum fuit, domos redire. Cum interea bellum, terra marique, maximis viribus cum Gallis ab Anglo gereretur, ac præterea pars virium Anglicarum in Lusitaniam mitteretur, ex conuentus publici decreto, missus est in Scotiam Ioannes, Lancastriæ Dux, Regis Angli patruus, qui de pace ageret, vt tot bellis vndique circumstrepentibus, ab eo latere, quod maxime patebat, saltem quies esset. Missi a Scotis, iam de eius aduentu per fœcialem certioribus, qui cum eo transigerent, Iacobus Duglassiæ, & Ioannes Dumbarius Morauia Comites. Induciæ in triennium factæ. Sed, dum ibi de pace agitur, ciuile bellum in Anglia longe grauissimum exarsit. Primus auctor fuisse dicitur, Ioannes, cognomento Ballus, sacrificulus. Is cum, plebis animos, ob quatuor nummos Anglicos, in capita singulorum imperatos, vehementer offendi, videret, primum, in Confessionibus & secretis conuenticulis oblique, mox, vbi sermonem suum non ingratum auribus sensit, aperte coepit, vulgus aduersus proceres inflammare. Accedebat, ad recentem causam, alia vetustior, quod magna Rusticæ plebis pars propemodum seruilis conditionis erat. Ad hos cum se adiunxisset magna opificum manus, & aliorum, qui, nec in re nec in fama, quod perderent, haberent, tantum iniecere tumultum, vt in magnum summæ rei periculum fuerit deuentum. Hæc cum in Concilio Legatorum nunciata essent, tamen vtrique rem tam diu dissimularunt, donec de pace transsegissent. Tum Duglassius Lancastrio inquit, se, quo in statu res Anglorum sint, iam ab initio vsque scisse, Tamen tantum abesse, vt momenta temporum, vel ad bellum gerendum, vel ad pacem commodius conficiendam, captarent, vt etiam nunc, si opus esset, quoad tumultus cessaret, tutum ei sit hospitium: vel, vt tutius rediret, quingentos equites, qui eum deducerent, dare, sint parati. Lancastrius, etsi, neutra conditione vt vteretur, sibi in præsentia opus fore, speraret, tamen prolixè gratias egit. Verum cum, domum rediens, Beruico (ab urbis præfecto) excluderetur, accepta fide publica, in Scotiam ingressus, ibi, dum seditio popularis conquiesceret, se continuit. Inducijs triennialibus finitis, Anno millesimo trecentesimo octuagesimo quarto, mense Ianuario, Arcibaldus Duglassius, Gallouidianus, adiuncto sibi Iacobo Duglassiæ, & Georgio Marcia Comitibus, obsedit Mabanum, arcem ad lacum eiusdem nominis sitam, vnde prope quotidiana excursiones in agros propinquos fiebant. Præfectus arcis, repentino malo ictus, cum hoste pepigit, ni intra octauum diem auxilia sibi aduenirent, se eam dediturum. Deinde, cum ad nonum vsque diem, cum summa molestia, propter Hibernas procellas & continuos imbres, Scoti ibi perstitissent, quarto die Februarij, ex pacto arx dedita est. Qui proxime Rosburgum accolebant, metuentes, ne & illa arx similiter opprimeretur, curant, Graftocum, hominem nobilem & copiosum, & qui in re militari apud suos magnum nomen habebat, ei arci præficiendum. Is cum non modo commeatibus amplis, sed omnem domesticam supellectilem illo mitteret, ratus, nec alibi eam commodius, ad suos vsus, neque tutius, ab hoste, seruari posse. Dumbarius, cum & iter & diem, per exploratores, rescisset, insidijs commode locatis, longum agmen, & confusum

confusum ex militibus, plaustrarijs, & vulgo promiscuo, inuadit; ac, siue pugna magna præda cum ipso domino potitus, statim se recepit. Anglus, vt damna accepta vlcisceretur, & incursiones reprimeret memorabili aliqua calamitate, Lancastrium cum ingenti terrestri naualique apparatu, in Scotiam mittit. Lancastrius ipse, per Marciam & Lothianam, Edimburgum vsque venit. Classis, ad Fisæ maritima peruastanda, missa. Militibus Edimburgum volentibus incendere, Dux memor, ante paucos annos illic se (a suis exclusum) benigne & hospitaliter fuisse tractatum, ignem tectis arcuit. Non fuit eadem humanitas in copijs naualibus: nam, AEmonam insulam ingressi, cœnobium Monachorum direptum incenderunt: similique crudelitate vsi sunt, in
10 omnibus locis, in quæ exscenderunt: donec a Nicolao & Thoma Arelkinis, Alexandro Lindefio, & Gulielmo Cunigamio, multis cæsis, quibusdam captis, adeo trepida fuga in naues fuerant compulsi, vt, præter alia damna in ea festinatione accepta, quadraginta suorum fune nautico, in quo pendebant, cæso, submergi ante oculos suos, permiserint. Vix Lancastrius domum se receperat, cum Gulielmus Duglassius, prope vestigijs eius insistens, arcibus, quas Angli in Scotia, post Dunelmense prælium, tenuerant, partim captis, partim dirutis, Teuiotiam omnem, præter Rosburgum, Scotis restituit: ac latrocinia, per licentiam bellorum grassantia, compescuit: nec ipse diu his rebus superfuit, febre, in arce Duglassiæ, extinctus. Successit ei Gulielmus Duglassius, filius, omnivirtutis genere tanto patre dignus. Interea, cum annuæ induciæ prope Bononiam Belgicam fuisset facta inter Francos, Anglos, & Scotos, Francique, quibus erat mandatum, vt, ea de
20 re, Scotos facerent certiores, negligentius se gessissent: proceres Anglorum, Scotis finitimi, locum sibi datum, rati, vt magna aliqua clade hostem ex improviso afficerent, nec, ante induciarum denunciationem, spatium vlciscendi ei relinquerent, cogunt ad decem equitum, sex sagittariorum millia: ac Scotiam ingressi, ducentibus Northumbriæ & Notinghamiæ Comitibus, late fusa populatione, omnia vastant: sed præcipue Duglassiorum & Lindesiorum agros. Scoti, qui, rumoribus acceptis de inducijs, omnem belli cogitationem abiecerant, vehementer & suæ negligentia, & hostium perfidia irati, quam primum possent, vltum ire, statuunt. Rumor interim incursione Anglorum Francos, qui renunciare iussi erant inducias, suæ tarditatis admonuit. Hi cum, sera festinatione superiorem cessationem corrigere, contenderent, ac, in ipso incursione ardore, Londinum venissent, ibi benigne & hospitaliter excepti, ac blandis & amicis inuitationibus retenti, donec rescitum est, Anglos ex hostico reuersos esse: tum demum dimissi, cum in Scotiam venissent, ac mandata exposuissent, pleraque omnis Nobilitas, ac maxime, qui recentissimæ cladis damna senserant, fremere, eamque ludificationem Anglorum non ferendam, clamare. Eos cum Rex frustra placare conaretur, ac inducijs omnino staturus, videretur, illi rem, disceptando, prolatant, donec clam per amicos quindecim fere millibus equitum collectis, stato die, Duglassius & Lindesius, ac Dumbarius clam ex aula secedunt, &, cum suis coniuncti, Angliam infesto exercitu ingrediuntur: & vastato Northumbriæ, ad Nouum castrum vsque, agro, per Comitibus
40 Notinghamiæ & Maubraiorum ditionem reuersi, quicquid ferro flammaque foedari potuit, corrumpunt, ac diruunt. Tum demum, cum ingenti hominum, pecorumque præda, se domum conferunt, ac statim inducias publicandas curant. Sub earum finem, Anno millesimo trecentesimo octuagesimo quinto, venit, a Rege Gallorum missus, cix. ccd. Ioannes Viennensis, classis Gallicæ præfectus, cum auxiliariorum circiter duobus millibus: xxcv. e quibus, centum erant equites cataphracti: ducenti qui scorpiis (quos posterior ætas maluit arcubalistas appellare) tela mitterent: ceteri pedites promiscui generis erant. Attulerant & pecuniam, in sex mensium stipendia: præterea munera, &, in ijs quadringentas panoplias, quæ viris fortibus diuiderentur. Is, conuento Rege, Northumbriam vna cum Iacobo Duglassio ingressus, tribus arcibus dirutis, cum vltius progredi vellent, largioribus per Autunum fufis imbris, redire coguntur. Accelerauit etiam eorum reditum certus, de Richardo Anglo, rumor. Maiore enim, quam vnquam alias, ira in Scotos incensus, quod non modo ipsi Regnum eius omni belli clade infestarent, sed peregrinos etiam accersissent: & eo tempore potissimum, quo Gallus, in

RERVM SCOTICARVM

Angliam cum infinita multitudine hominum transmittere, parabat. Anglus igitur, maximo exercitu coacto, in quo scriptores eorum, sexaginta millia peditum, octo equitum fuisse, tradunt, statuerat, ita Scotorum vires frangere, ut, in multos post annos, exercitum conficere, non possent. Magnam praeterea classem cum comitatibus Fortham subire, iubet: quod sciret, eam Scotiae partem, quam ingressurus erat, bellis continuis, per multos annos, exhaustam: & si quid reliqui esset, incolas id in regiones proximae comportaturos. Securus praeterea de Gallo erat, quem sciebat hibernis tempestatibus se non commissurum. Cum illis copiis Scotiam ingressus, nulli loco, neque sacro, neque profano, nulli homini, qui modo militari esset aetate, parcebat. Interea Ioannes Viennensis, qui magis, quid Rex suus discedenti mandasset, quam quid Scotorum res poscerent, meminisset, cum Duglassio assidue agebat, ut praelio decerneret. Ille, cum saepe respondisset, Scotos non ob animi aliquam erga Gallos alienationem, sed ob infirmitatis suae conscientiam, praelium detractare, cum tandem in locum arduum, unde tuto speculari posset hostium agmen, subduxit. Ibi cum longo ordine transeuntes Anglorum copias oculis perlustrasset, facile in Duglassij sententiam descendit. Proximum eis visum est, ut, qua sola ratione hosti nocere possent, ipsi pro tempore confectis copiis, Angliam adorirentur. Ingressi diuersissimo a Regis exercitu itinere, Cumbriam regionesque ei propinquas longe lateque populantur. Angli, Lothiana omnibus malis afflicta (nam, ne comitatibus deficerentur, non audebant, longius a sua classe discedere) cum, iam instante hieme, de reditu consultarent, erant, qui, Scotorum vestigiis insistendum, & in reditu ad certamen (velint, nolint) pertrahendos, existimarent. Viarum periti, ex aduerso, ostendunt iterum, per palustria & montosa, difficultatem, & plerumque angustias, omniumque rerum tantam inopiam, ut vix transitus esset paucis, & expeditis, qui secum comitatus, in aliquot modo dies, comportarent: deinde, superatis viarum difficultatibus, proximam, quae eos exciperet, regionem, non admodum natura fertilem, & ab hostibus vastatam: & ubi his malis perfuncti fuerint, cum hoste leui & procuratore rem futuram, quem difficilius esset inuenire, quam, si praelio se committat, vincere: quique inuentus, nisi suis locis, cogi ad pugnandum, non posset. Eius rei periculum ab Eduardo Tertio, eius auo, factum, cum Anglorum maximo, nullo Scotorum incommodo. His auditis, & omnium animo obuersantibus alijs, quae fert hiems in solo frigido malis, & subeunte, quae cuique domi sunt cara, pignorum memoria, facile de sententia discesserunt: & qua venerant, recta domos pergunt. Ita utrique, libere in hostico praedati, nusquam hoste conspecto, ad sua sunt reuersi. Scoti, cum pro certo haberent, Anglos, usque ad proximam aetatem, in expeditionem non prodituros, Rosburgum aggredi decreuerunt, opidum propinquum, & longe proximis regionibus infestissimum. Eo cum frequentes conuenissent, de opido nondum expugnato, dissidium inter Scotos & Francos est ortum. Galli enim, cum in oppugnationibus urbium Scotis essent, ex multo usu bellorum domesticorum, peritiores, magnosque sumptus in id bellum impendissent, opidum, si caperetur, aequum censebant, sui iuris & Gallicae ditionis esse, Scoti contra, iniquum esse, contendebant, ut praemium vniuersi belli penes auxilios esset: quos autem sumptus fecerint, eos non Scotis, sed sibi Gallis impendisse, ut hostium vires distraheret, & partem belli auerteret a Gallia: quod si ad calculos placeret reuocare amicorum officia, iustius Scotos a Gallis totius belli impensas posse repetere, quam eos auxilij lati praemia postulare, ac eiusmodi praemia, quae, nulla memoria, vel data, vel petita ab amicis, vel audierimus, vel legerimus. Postulationis autem iniquitatem, vel inde, facile apparere, quod Scotis integrum fuisset, per Anglos, in pace conquirere, ac Regum potentissimorum, inter se bellantium, sese spectatores praebere. Gallis non idem licitum fuisse, nisi, bona Galliae parte cedere, voluissent: nec se videre, cui vsui eius opidi possessio Gallis esse posset, nisi, ut (velut freno iniecto) pacis bellique arbitrium penes se esse vellent. Quod si id eorum consilium esset, non solum vtilius, sed etiam honestius Scotorum Regibus esse, eo carere, quam, tam leui de causa, in seruitutem se voluntariam dedere. Sin tam iniqua petitione Galli reditum ad suos, quem iam pridem moliuntur, excusare conentur, nihil hac excusatione opus

opus fuisset nam, ut ultro aduenerunt, ita suo eis arbitrio semper licuisset discedere. Neque quatenus morari, quo minus abeant, quando eorum, si in uitiis manserint, operam inutilem fore, prospiciant. Ita reditum est a Rosburgo, re infecta: & cum antea saepe graues querimoniae utrinque fuissent, tum (si diuinus res in eo statu permanissent) aperte inde inimicitiae videbantur oriturae. Origo autem dissensionum, ex diuersa utriusque in bello viuendi consuetudine, processit. Scoti enim & Angli, non minus uerecunde & contententer, in bello, quam in pace, apud riuos suos agunt, & bona fide ab hospitibus accepta soluunt. Franci uero, quasi publice permissio latrocinio, quacunque transeunt, praedas agunt: & qui a pueritia huic uiuendi rationi assueuerunt, quod semper factum uiderunt, iure fieri, putant. Itaque, ante id tempus, cum nec Franci a solita rapacitate se continere, nec Scoti, insolitam seruitutem suscipere, possent, saepe rixae, atque interdum pugnae, alijs aliena rapientibus, alijs sua uentibus, conserebantur. Tum, post hanc ad Rosburgum alienationem, cum Gallorum pabularum praes, tanquam breui discessuri, maiore, quam antea, licentia raperent, & rustici indignati se paucis & peregrinis praedae esse, iumenta saepe abstrahabant: ministros pabularum missos, & milites vagos uulnerabant, atque interdum occidebant. Querimonijs ad consilium relatis, uno omnium agricolarum consensu, respondetur, se grauius a Gallis, qui se dicunt amicos, quam ab Anglis, ex professo inimicis, exilari. Itaque, non prius peregrinos discessuros, quam data damna compensarent: nec ab hac pertinacia a Duglassijs, hominibus maxime popularibus, deduci potuerunt. Remisso igitur exercitu, Dux in Scotia retentus, donec omnibus esset persolutum. Galli cum ad Calendas Nouembres uela fecissent, Scoti, siue laboribus bellicis superioris anni fatigati, siue praeda (tot secundis expeditionibus) satiati, ea quidem hieme quieuerunt. Proximo Vere, Guilielmus Duglassius, Arcibaldi Reguli Gallouidiensi filius, in Hiberniam nauigauit, & crebras Hibernorum excursions, in Gallouidiam factas, & in praesentia uoliscensatur, & in posterum prohiberet. Erat is Guilielmus Scoticus iuuentutis, omnibus corporis & animi uirtutibus, longe primus: ingens corpus, & perinde vires, formaque (quod in tam uasta magnitudine, raro solet euenire) cum virili dignitate grata. Accesserant ad hac belli decora, saepe cum paucis longe plures hostium aggressus, victor euaserat: nec in ulla fuit expeditione, in qua uirtus eius non enituerit. Atque hac bona quae in peris et solent esse inuidiosa, comitas & modestia omnibus ut grata essent, effloebat. His eius uirtutibus Rex, orbi nothum cum esse, non ignoraret, tamen impulsus, Aegidiam filiam, raro in illa aetate pulchritudinis exemplum, & a multis nobilissimis iuuenibus expetitam, ei collocauit. Nithiamque, Gallouidiae proximam regionem, dotis nomine, dedit. Igitur cum ad Kerlinfordam, opidum, ut in ea gente opulentum, suos exposuisset, res improuisa magnum opidanis terrorem attulit: adeo, ut statim ad eum miserint, qui de condicionibus, agerent. Nec Duglassius abiit: interea, de hoste securus, Robertum Stuartum Durisderanum cum ducentis militibus misit, ad comitatus in naues importandum. Opidani tempus, ad consulandum, nacti, auxilia a Dundaleo accersunt. Missi quingenti equites: eo subsidio opidani aucti, & ipsi bipartito in hostem ducunt: ut, omnibus uidelicet caesis (quod, multitudine freti, per facile factum putabant) etiam nauibus potirentur. Sed utrobique uicti, opidum captum, direptum, & incensum. Quindecim nauigijs, quae in portu stabant, spolijs urbis oneratis, atque obiter Manna insula spoliata, ad lacum Rianum, qui partem Gallouidiae a Caricta dirimit, appellant. Ibi statim Duglassius cum rescisset, patrem suum in expeditionem aduersus Anglos profectum, eo & ipse, quantum potest, festinat. Fuerat autem ea expeditio, hac maxime de causa, suscepta. Richardus Angelus, cum Scotiam superiore anno fuisset ingressus, nec quicquam sacri, aut profani inuiolatum omisisset, domum reuersus, in maximam seditionem incurrit, quae omnem totius Regni statum immutauit. Huic malo ut mederetur, cum magistratus, praefecturas prouinciarum, & minorum rerum curationes (ut in hoc genere fieri solet) ab alijs in alios transfuissent, ea ratione, odiorum incendia non tam fuerunt extinguita, quam tecta, & in tempore mox eruptura. Scotia contra tranquillitate summa fruebatur,

RERVM SCOTICARVM

sed incerta: nam & iuuenum robore florebat: nec alia aetas imperatorum feracior erat. Nobilitas igitur, belli audax, in omnibus coetibus fremebat, tantam, vlciscendi veteres Anglorum iniurias, opportunitatem negligi, quam illi nequaquam, rebus nostris perturbatis, praeiuri essent. Robertus autem Rex, homo natura quiescentior, & ob ingrauescentem aetatem, ad bella suscipienda, tardior, publicis iniurijs non satis per- moueri, videbatur. Ioannes eius filius, natu maximus, ingenio segnis, & equo per- cussu, elatus, ad labores castrenses perferendos, parum credebatur idoneus: ad Robe- rum, Fife Comitem, natu proximum, sit procerum concursus. Ibi, prope deplorato statu publico, facile inter omnes conuenit, vlciscendam esse cladem puer acceptam in id cum quisque alacriter operam suam offerret, delectas indicitur, in proximas Nohas Aug. sed occultus, utrumque Regem, & Scotum & Anglum, iuxta latere. Sed An- glos res minime fecellit: qui cum per exploratores rem, diem, locumque conuenien- di compertissent, & ipsi contra, simili dolo capere hostes, conantur. Proceres enim ce- teros admonent, ut suos quisque paratos habeant, non in certum quidem diem, sed quancumque opus esset, ut ad signa conuenerent. His ita compositis, cum iam audi- rent, non procul a limite in Teuotis Scotorum ad triginta, aut, ut vult Froissardus, qua- draginta millia conuenisse, decreuerunt (quoniam, cum tanta multitudo congregi, non auderent) nihil, ante hostis aduentum, esse conandum: & ut interim commodius celarent consilium, domi quisque suae se continerent, dum animaduertent, in quam tandem in regionem tanta se effunderet procella: ac tum demum, ad horum motus, con- filia sua accommodarent. & (quod Autumnus superiote ab hoste factum, observa- rant) diuersam rum Scotiae regionem ingressi, clade cladem rependerent. Interea mittunt exploratorem, qui de hoste propinquo certiora omnia renuntiaret: quod re- fertur putarent plurimum, non modo infinita, sed facta, distaque postrema cognosci. Qui missus erat, cum sermone, cultu, armata nihil a ceteris differret, facile pro Scoto fecellit. Omnibus vero, quae scire intereat, satis comperitis, ad equum, quem arbori alligarat, rediens, cum furto sibi ablatum esse deprehendit. Igitur ocreatus, penu- llatus, calcaria indutus, totoque habitu equostri, cum se pedes ad iter dedisset, cepit res esse suspecta: eoque, cum longius ale abisset, omissis equitibus, velut o fuga retra- ctus, & interrogatus, quis & vnde esset, quidue ita abiret, cum non satis constanter responderet, ad duces exercitus productus, metu grauioris poenae iniecto, Anglorum consilia eis aperuit. Scoti ergo, his comperitis, & ipsi ubi agenda ordinem mutant: exercitum diuidunt ita, ut maior pars Carleolum versus iter intenderet, eique pra- essent duo Regis filij, Fife & Iernia Comites: praeterea Archibaldus Douglassius, Gal- loudianus, Comitesque Marriae & Sutherlandiae: alteram, quae Northumbriam in- grederetur, ducerent Iacobus, Douglassius, & duo fratres Dumbarij, Georgius & Ioan- nes, hic Morauiae, ille Marciae Comites. Iis attributi trecenti equites, & duo mil- lia peditum, praeter equitum ministros. Singulos enim equites sequuntur mini- mum singuli robusti ministri, qui, leuiter armati equorum prope cursum adaequant, & cum res poscit, manum cum hoste conferunt. Dispersitis ita copijs, qui in Cum- briam & Carleolum versus iter intenderant, cum exercitu valido cuncta ferrent, agerentque, hostem obuium non habuerunt. Douglassio, in diuersa parte omnia vastanti, non eadem fortuna fuit: expeditionis enim suae rationem ita instituerat, ut, quam magnis, & occultis posset itineribus, transmissa Tina, Dunelmum praeter- iret, ac, tum demum, populationi se daret. Id ab eis tanta cum celeritate & silentio factum est, ut primum, ubi essent hostes ex incendiorum fumo intelligerent Angli. Percius senior, in Northumbria & vicinis regionibus, auctoritate & opibus longe princeps erat. Re ad eum delata, duos filios, iuuenes impigerrimos, Henricum & Ro- dolfum, ad Nouum castrum praemittit, ceteris eo conuenire iussis, eo maxime consilio, ut Scotos reditu ad suos intercluderet. Illi vero, agro Dunelmensi, longe fertilissimo, omni belli clade affecto, praeda ingenti potiti, Tinam iterum transeunt, ad tria fere millia passuum supra Nouum castrum. Ibi homines, domi nobiles, & gloriae cupidi, & hoc qua- licumque successu, elati, turpe sibi ducebant, si rusticis tantum, ac non etiam vrbibus, terrorem

terrorem inferrent, ad Nouum castrum adequuntur: & oppugnationem comminati,
 contumelijs hostem elicere, tentant. Cum biduū ibi resistissent, ac leuia, plerumque va-
 rio euentu, certamina conseruissent, vnum tamen, ac postremum, posteriore die, sub
 vesperum, omnium ora oculosque in se conuertit. Ipsi enim duces genere opibus, ara-
 re, atque animis pene pares, decorum existimabant, se ab utroque exercitu spectari pu-
 gnantes. Igitur cum, ex prouocatione, processissent in medium Jacobus Duglassius, &
 Henricus Percius, atque infestis hastis concurrissent, Percius equo deicitur, Anglis, ad
 auxilium, concurrentibus, cum Duglassius, hostem attingere, non posset, hasta eius po-
 titur: atque, eam quatens, exclamat, vt facile exaudiri posset, se spolia eius in Sco-
 10 tiam laturum. Ita dirempta pugna, Scoti (vt prope urbem, ciuibz frequentem, & ho-
 stium plenam) intentius egere vigilas. Postridie Scotiam versus iter capessunt, sed len-
 te: graues enim spolijs erant. Præda dum paulū procedit, arcem hostium propinquam
 expugnant, & diruunt: atque, inde iterum iter ingressi, ad Orterburnum perueniunt:
 qui locus a Nouo castro octo ferme millia abest. Ibi, de reliquo itinere, consilium in-
 eunt. Pluribus videtur, Carleolum versus ad alterum exercitum eundum: neque (quod
 ab initio conuenerat) certamen cum quoquam contrahendum, priusquam omnes co-
 pia se coniungerent. Contra, Duglassius auctor erat, biduo aut triduo ibi manendum,
 vt rebus confutarent Percij magniloquentiam, qui affirmabat, eos non laturos in Sco-
 20 tiam suam lanceam: interea, ne ociosi essent, arcem propinquam oppugnari posset.
 Hæc sententia, licet pluribus minus utilis videretur, tamen in Duglassij gratiam, ab
 omnibus est recepta. Communis igitur, pro tempore, castris, quæ, ab vna parte, palu-
 dibus erant satis tuta, ad arcis oppugnationem animum intendunt. At Percius, vi erat
 ingenio ferox, vt acceptam deleret ignominiam, statim abeuntes sequi cum præsentibus
 copijs, cupiebat: sed a senioribus, metu insidiarum, est retentus. Neque enim verisimi-
 le credebant, Scotos, tam paucos urbem validam aggredi, ausuros, nisi maiores vires,
 alicubi in propinquo latentes, haberent. Eo die, & proximo, rebus magis exploratis,
 comperiunt, a maiore exercitu nihil timendum, vt qui longissime a Duglassianis ab-
 esset. Igitur Percius cum decem millibus fortissimorum virorum se in viam dedit, non
 expectato Dunelmense Archiepiscopo, qui, ea nocte aduenturus, dicebatur, satis vi-
 30 rium se ratus habere, ad debellandos hostes, qui, plus minus dimidio, pauciores erant.
 Cum iam primi Anglorum conspicerentur, alijs Scotorum coenantibus, alijs ab op-
 pugnatione arcis propinqua defatigatis, & ad quietem compositis, subito, Ad arma
 clamatur. Dum reliqui armantur, peditum pars maior, & complures ex equitum mi-
 nistris, freti qualicunque illa munitione castrorum, impetus, Anglorum, sustinent.
 Equites multum iuuat res prius animaduersa: nam cum inter se disputarent, de exer-
 citu hostium excipiendo (venturos enim expectabant) collem vicinum magno vsui li-
 bi fore, vident: cum igitur circumuecti, dum Angli aditum castrorum oppugnant, in
 latus obliquum eorum interuecti, late stragem, latius etiam tumultum faciunt.
 Sed Anglus, abundante numero, subsidiarijs in aciem inductis, facile ordines restituit.
 40 Hic tamen tumultus hoc Scotis profuit, quod, segniore interim pro castris pugna, spa-
 tium eis fuit egrediendi, & suam aciem explicandi. Interim nox virosque oppressit: sed
 admodum brevis, vt niense Iulio, & locis ad Septentriones exporrectis: &, forte caelo
 sereno, Luna prope pernox lucis diurnæ vsu præbebat. Pugnatur igitur acerrime, vt
 inter homines vtrinque nobiles, & de gloria magis, quam de vita, sollicitos, Percius,
 ignominiam delere, Duglassius, partum decus nouo facinore illustrare, contendebat.
 Ita vtrinque, impari quidem numero, sed pari animorum contentione, in multam
 noctem pugnatum est. Ibi obducta Lunæ nubes cum discrimen, hostis, an amicus
 esset, sustulisset, paulum intermissa pugna: Luna vero nubibus liberata, inferentibus
 se vehementius Anglis, Scoti, pedem referentes, nonnihil loco cessere: ac Duglassij
 50 vexillum pene amisere: cum, ab altero cornu, duo Patricij Hepburnij, pater & filius, ab
 altero, Duglassius, per suorum ordines penetrantes, in primam aciem, vbi plurimum
 erat discriminis peruolant, tamque atrox prælium cient, vt multis vulneribus illatis &
 acceptis, suos in locum, vnde pulsi erant, restituerent. Nec Duglassius eo contentus,

R E R V M S C O T I C A R V M

cum duobus comitibus, Roberto Harro, & Simone Glendunino, propinquo suo, in medios hostes irrumpens, vires animi robore corporis æquans, quacunque se obijciebat, circa stragem ingentem edebat. Amici, quanquam acriter contenderent, antequam ad eum penetrare possent, tribus lethalibus plagis faucium, atque humi delectum contempniunt. Iuxta eum iacebat, multis plagis perfossus, Harro: Sacerdos autem, qui per omnia discrimina ei semper adhaererat, corpus Duglassij, viribus defectum, securi ab iniuria tuebatur. In hoc statu, propinqui eius, Ioannes Lindesius, Ioannes & Valtens, Sinclari, de eo cum rogassent, æquid valeret, Ego, inquit, recte valeo: morior enim, non in lecto significato: sed quemadmodum omnes prope mei maiores: illa vero a vobis postrema peto: primum, ut mortem meam & nostros & hostes cæleris: deinde ne vexillum meum deiectum sinatis: demum, ut meam cædem vlciscamini. Hæc si sperem, ita fore, cætera æquo animo feram. Illi, ante omnia, corpus amiculo, ne cognosceretur, tegunt: deinde erecto vexillo, Duglassij nomen (ut mos est) quantum possunt, inclamant: Ad eam vocem, tantus est factus concursus, tanta alacritate in hostem incursus, ut eum continuo vltra locum pugnae longe propulerint. Nam, ad nomen Duglassium, non solum vulgus, sed Ioannes Moravia Comes, accurrerat ab ea parte rem laborare, credens: iam enim aduersam sibi aciem, capto minore Percio, multis vulneribus saucio, & in castra, ut curaretur, misso, vehementer perculerat. Itaque, languidiore in alijs partibus pugna, Duglassiani, qui ad vexillum conuenerant, Anglos, & via diurno labore, & nocturna pugna fessos, dissipant: & eodem impetu, Henricum Percium, ducem hostium, capiunt. Eo amisso, cæteri, sine ordine, se in fugam coniiciunt. Cæsi fuerunt in illo prælio, ex Anglis M. DCCC. XL. vulnerari circiter mille, capti ad mille quadraginta. E Scotis, cæsi centum, capti in fuga, dum pauci plures Anglos sequuntur, ducenti. Iacobus Lindesius Matthæum Redmannum, Bernici præfectum, inter effuse fugientes, ex armorum pulchritudine, vnum e potentioribus ratus, in eum cursum intendit: ille, cum tria millia passuum fugisset, eoque iam lassio, se cursu non speraret euasurum, statim se in pedes coniecit. Lindesius, sine mora, idem facit. Tandem post conflictum satis longum, Angelus, genere armorum inferior, Scoto se dedit: ab eo domum dimittitur, iuratus, intra vicesimum diem se rediturum. Hæc tum erat, inter finitimas nationes, aduersum captiuos humanitas, quæ & hodie, inter limitum accolæ, optima fide perdurat. Si quis ad diem dictum non redeat, hæc potest est. In congressibus, quæ ob res repetundas, fieri solent, qui deceptum se queritur, manus effigiem aut chirotecæ, in hasta oblonga, omnibus conspicuam circumferit. Ea summa apud ipsos infamia habetur: adeo, ut, qui fidem violauere, amicis propinquisque fiant detestabiles: nec paulo honestior eos conuicta, sermone, aut domo sua dignetur. Lindesius, captiuo hac lege dimisso, magnam armatorum multitudinem conspiciens, ad eos recta proficiscitur, nec prius hostes esse cognouit, quam tam prope adequasset, ut, se recipere, non posset. Erant autem Episcopi Dunelmensis copii, qui, cum ad Nouum castrum tardius venisset, quam ut Persum assequi posset, nec, ante proximum diem cum eum hoste congressurum, putaret, suos per ocium cœnare, iussit: ac, paulo post cœnam, iter ingreditur. Sed, priusquam procul ab opido abesset, cum ex fugientibus de aduerso prælio rescisset, in opidum reuersus, cum amicis, de Scotis persequendis, consultat. Decretum, ut, sub Solis ortum, omnes in armis præsto essent: mane ad decem millia equitum peditumque promiscui generis, ex propinquis locis aderant. Hi animum Episcopo fecerunt, ut confestim ad hostes, quam proxime poterat, duceret, & euentum pugnae tentaret: eos enim, & superioris pugnae & diei, qui eam præcesserat, labore, & plerosque vulneribus fessos, & ob secundum prælium, negligentiores deprehensurum, ratus, non difficilem sibi promittebat victoriam. Eius aduentum per exploratores comperto, Comes Moravia, quem omnes, mortuo Duglassio, vnum intuebantur, conuocatis illustrioribus, de captiuis consulat, quos, semel in fidem receptos, trucidare, crudele videbatur, & seruare turbam hostium prope suis æqualem, periculosum. Consensum est, ut iurari, dum confliceretur, nihil moturos, & etiam si a suis vindicati forent, captiuos tamen permanfuros, in castris, cum lem

custo-

custodia, relinquerentur, quæ præsentem poenam, si quid quis attentaret, de omnibus expeteret. His ita dispositis, e superiore victoria pleni animorum, in aciem prodeunt, muniti, retro paludibus, dextra læuaque, concadibus: illud etiam imperatum, vt, simul ac hostis appropinquaret, singuli buccina, quam, e cornu bubulo, suspensam, a collo gerebant, quam possunt maximum, clangorem ederent: qui sonus, cum per se terribilis esset, etiam repercussu collium multiplicatus, longe maioris multitudinis speciem reddebat. Angli, qui magno gradu venerant inter stragem suorum pugnaturi, & horribili illo sono, & alacritate hostium, in acie ex aduerso stantium, attoniti, cum neque dux militi subitatio, neque miles duci imperito satis fideret, statim retro, vnde
10 venerant, signa conuertunt. Interea cum Lindesius, vt dictum est, captus, & in Nouo castro relictus, a Redmanno conspectus, & agnitus esset, cum summa humanitate habitus, domum liber dimittitur. Hoc tam repentino tumultu Scoti leuiter defuncti, domum redire, statuunt. Radolfum Percium, quod, grauiter vulneratus, iactationem itineris ferre non posset, rogantem, vt ad Nouum castrum, ad curandas plagas, ire liceret, ac pollicentem, cum primum in equo laborem viæ ferre posset, quocunque a Comite Morauia vocaretur, se venturum, fide (vt mos est) de reditu accepta, dimittunt. Eius exemplum sexcenti captiui secuti, venia impetrata, ad suos redierunt: multi præterea e tenuioribus, vt ex quibus plus oneris, quam emolumenti sperabatur, sine precio dimissi: e nobilioribus, Henricus, & cum eo prope quadringenti retenti & in Scotiam
20 abducti: verum breui fere omnes, quod ipsi sibi statuerunt premium, eo liberati. Ita illa ætate, vt ait Ennius, non cauponantes bellum, sed belligerantes, de libertate & gloria, homines decertabant. Duglassij, ac virorum illustriorum corpora, tertio die, ad Mulrossiam delata, pompa militari sepulta sunt. Hæc, vt gesta sunt, ad alterum, qui Cumbriam populabatur, exercitum nunciata, gratulationem de victoria turbauit: ac prope omnem, e secunda fortuna, læticiam in acerbissimum luctum commutarunt, ita enim desiderium Duglassij militares homines affecit, vt, non modo qui ipsum erant secuti, sed alter exercitus taciturnus ac moestus, non secus, ac si victus fuisset, domum se receperit. Accedebat etiam ad publicam commiserationem, quod in ætatis flore, quod sine liberis decesserat, ac prope solus a se partæ victoriae fructu caruerit. Patrimonium
30 defuncti ad Arcibaldum, Gallouidiæ Regulum, cognomento Austerum, deuenit, & ipsum quoque gloria belli florentem. Hæc est illa ad Otterburnum pugna memorabilis, non solum militum ducumque, in pugnando, magnanimitate, perseuerantia, laborum tolerantia, &, in victoria, modestia, sed vario maxime euentu, quod victor, in summa gloriæ expectatione, morte præuentus, sui laboris fructu potiri, non potuit. Victus, etsi tum profligato exercitu captiuus, multos tamen annos ei pugnae cum laude superfuit. Pugnatum est, ad XII. Cal. Aug. anno Salutis nostræ M. C. C. D. XXCIIX. CIO. CCD.
Hac victoria, paulo tranquilliore domi forisque statu publico, cum Rex, per ætatem, re-
XXCIIX.
bus gerendis non sufficeret, atque eam de se opinionem, ex proxima expeditione, quam, eo inconsulto, susceperant, intelligeret, Ioannesque eius filius, natu maximus,
40 ingenio esset segni, & magis ad ocium compositus, quam, ad res arduas obeundas, habito conuentu publico, Robertum, Fife Comitem, vicarium Regni fecit: & Gubernatorem appellauit: nam, qui, ante eum, magistratum gesserant, fere Custodes vocabantur. Henrico Percio, genere & factis claro, apud Scotos captiuo, in locum eius est substitutus Comes Marialis, quem vulgo Marescallum vocant, homo verbis, quam armis ferocior. Is, cum Scotorum in pugna Otterburnensi virtutem eleuaret, & Anglorum ignauiam grauiter increparet, vtriusque gentis odium aduersum se conciuuit. Certe Robertus, Scotorum Prorex, adeo illa eius iactantia fuit offensus, vt iustam causam duxerit, cur expeditionem aduersus eum susciperet: ingressus in hosticum, vna cum Arcibaldo Duglassio, tum Duglassiæ Comite, recta ad hostem, qui, magno cum exercitu
50 prætolari, dicebatur, duxit: atque, vbi eo peruenit, statim pugnandi copiam fecit: ad morantem Caduceatorem misit, qui eum ad æquam certaminis aleam prouocaret. Sed cum Marialis locis tutis, & accessu difficilibus se teneret, nec responsum caduceatori daret, Robertus, postquam aliquot horas aciem suorum ostentasset, exercitum in agros

R E R V M S C O T I C . L I B . N O N .

c13.
ccd. xc.

circumiacentes prædatum mittit : atque ea maxime loca , in quibus Martialis diuersari solebat , populatus , suos præda graues , sine certamine , reduxit. Hæc expeditio etsi nimis leui de causa fuisset suscepta , tamen non minus Angli , quam Scoti , gaudebant , hominis vanitatem ita fuisse refutaram : ille autem , quoties ea de re mentio fiebat , charitate ciuium , quos in discrimen (sine causa) nollet exponere , id a se factum excusabat. Hoc ipso tempore , cum ex inducijs in spem pacis , inter Francos & Anglos , per Pontificem & vicinos Principes , ventum esset , ea lege , vt vtrorumque amici ascriberentur , Anglorum videlicet Lusitani , Francorum Scoti , & Hispani Castellanenſes : Robertus Rex , omnibus suis repugnantibus , vnus frustra assentiebat : neque enim ipse , pacem vel inducias facere , poterat , nisi , ex sententia publici conuentus , neque firmas polliceri , sine publico decreto : nec Nobilitas , dolorem suum tacitum aduersus Gallum continere , poterat , ex quo illum modo vsu caperent , vt , cum esset bellandum cum hoste , arma de manibus detraheret , & fructum superioris victoriæ , spemque futuræ auferret . Tandem , post longam altercationem , Legatus , qui a Gallo venerat , vix impetrauit , vt , ea de re , Scoti in Galliam legatos mitterent , cum ijs actum , ne , sua pertinacia , spem pacis propinquæ impedirent . Nec Robertus Rex diu superfuit : nam in arce sua , quam Dunum Donaldi vocant , decessit , Anno M. CCC. XC. ad XI IV. Cal. Maij. Vixit annos LXXIV. Regnum tenuit XIX. ac dies viginti quatuor . Hic Rex per legatos bella , fere semper optimo successu , gessit : paucis ipse præliis interfuit : quod factum alij attati , alij ignauitæ tribuunt : Id vero omnes , vno ore , consentiunt , virum fuisse optimum , pacisque artibus , cuilibet bonorum Regum facile comparandum . Ius enim diligenter , atque æquabiliter dicebat : latrocinia seuerè coercere : in factis , summa constantia , in verbis , fides inerat . Regnum , quod , temporibus turbulentis , acceperat , domi , iusticia & æquitate sedatis discordijs , pacauit : & ab hostibus ita recuperauit , vt tres tantum arces reliquas haberent . Eo defuncto , initium rerum turbandarum , vnde minime expectabatur , est exortum . Alexander , Buchaniæ Comes , liberorum Regis , ex Elizabetha Mora , natu minimus , ob leuem causam , Episcopo Morauienti erat infensus : cum ipsum , ad eadem , nancisci non posset , iram in sacram Elginiadem , omnium , quæ tum in Scotia erant , pulcherrimam , conuertit , eamque incendio deleuit . Eodem anno , Gulielmus Duglassius , Nithiæ Regulus (quem diximus , virtutis ergo , generum a Rege ascitum) Dantisci , ad Vistulam , occisus fuit , percussoribus a Cliffordo Anglo in eum submissis : Duglassius enim , rebus domi tranquillis , ne in ocio languesceret , in Borussia , ad Bellum sacrum profectus , tale specimen virtutis dedit , vt vniuersæ classi , quæ maxima & ornatissima erat , præficeretur . Orta vero altercatione cum Anglo , ex antiqua emulatione , cum honorem moleste ferente , ad certamen singulare , ab eo fuit prouocatus . Prouocator , secum cogitans , in quam ancipitem Martis aleam se demissurus esset , hominem per sicarios tollendum curat .

S S

R E R V M



R E R V M
S C O T I C A R V M
H I S T O R I A,

Auctore Georgio Buchanano Scoto.

LIBER DECIMVS.

CI. REX.

ROBERTO Secundo successit Ioannes filius, natus maximus, Id. Aug. anno Salutis humanæ, M. CCC. XC. Hic, cum ad eum usque diem Ioannes vocatus fuisset, de Ordinum sententia, mutato nomine, Robertus est appellatus. Idne factum sit, propter duorum Regum, alterius Franci, alterius Angli, quibus id nomen fuerat, calamitatem, an, ob duorum Robertorum, qui nuper in Scotia Regnum tenuerant, in pace & bello virtutem, & felicitatem, quando ea de re nihil certi traditur, ego quoque pro incerto relinquo. Igitur Robertus Tertius cum vitijs magis careret, quam virtutibus esset illustris, penes eum Regium nomen, penes Robertum, eius fratrem, rerum gubernaculum permansit. Initio regni, foris quies fuit, inducijs triennialibus cum Anglo factis: ac paulo post, in quatuor annos præterea prorogatis. Domi, motus principium factum a Duncano, seu Dunacho, Stuarto. Is, ex fratre Regis Alexandro, Buchaniæ Comite, natus, patre feroci ferocior filius, avo mortuo, ratus, locum rapinis aliisque iniuriis fore, manu valida prædonum cinctus, in Angusiam descendit, & velut ex hostico, prædas agere coepit. Huic Valterus Ogiluius, cum Valtero Lichtonio fratre, dum obsistere conantur, cum sexaginta suorum cæsi fuerunt. Hoc successu latrones elati, cum longe vehementius plebem affligerent, audito aduentu Comitis Crafordiæ, quem Rex, ad comprimendam eorum insolentiam, miserat, expeditiores fuga celeri in latebras suas se receperunt: e tardioribus multi cæsi, multi comprehensi, & ad supplicium ducti. Verum hominum inquietorum nequitia, quo minus in plana & regiones campestris erumperet, cohibita, domi inter ipsos vehementius exarsit. Duæ autem potissimum familiæ insignes inimicitias, insigni crudelitate, exercebant. Hi cum, neque Iure de controuersiis desceptare, nec amicorum arbitrio eas committere, vellent, missi a Rege, ad eos pacandos, duo comites, Thomas Dumbarius Morauia, & Iacobus Lindesius, patre defuncto, Crafordiæ, cum animaduertissent, gentem ferocem, neque voluptatis modo, sed etiam mortis contemptricem, non posse domari, sine magna bonorum virorum ex aduerso cæde, rem astu tractare, instituunt. Igitur seorsum Principes eorum allocuti, ante oculos ponunt, quantum vniuersis periculum, ex mutua inter ipsos cæde, impenderet: nec, si altera familia alteram penitus extinxerit, id, sine grauissimo vincientium damno, posse euenire: nec, si posset, ibi certaminum finem fore: quippe, cum victori, multis congressibus debilitato, bellandum aduersus Regem foret: qui quam infestus esset utrisque, vel ex eo intelligi posse, quod, ad utrosque, adhuc incolumes, delendos, ipsi cum copijs missi sint. Verum, se salutis quam sanguinis eorum cupidiores, si audire vellent, rationem

R E R V M S C O T I C A R V M

inituros, ut, nec inhoneste, nec inulti, nec inuito Rege, pacificari possint. Id cum audire cuperent, conditio proponitur, ut ex utrisque triceni, ensibus modo armati, coram Rege decertent: victis, impunitatem praeceptorum fore: victoribus, decus, auctoritatem, Regis etiam & procerum gratiam. Cum ea conditio satis utrisque placuisset, dies certamini dictus est, quo die, cum principes familiarum cum suis in aulam conuenissent, campi ad Septentrionale urbis Perthi latus pars, fossis praetis a reliquo seculsa, eis ad congressum assignatur, structis circa spectaculis. Cum multitudo ingens hominum ibi consedisset, mora pugnae paululum facta est, quod, ex alteris tricenis, unus meru latuisset, nec pauciores, aduersus plures decertare, vellent: nec reperiretur, qui, in absentis locum, succederet: nec ex aduersa factione quisquam, eximi se numero pugnantium, pateretur, ne velut a propinquis contemptus, ac reiectus videretur. Tandem sellularius opifex prodijt, ac, se in absentis locum successurum, est professus, si aurei scutati Gallici dimidium representaretur sibi victori, ac in posterum, donec viveret, de victu caueretur. Ita, rursus aequato numero, certamen initur: ac tanta corporum animorumque contentione pugnatur, quantum efficere poterat odium vetus, nouis detrimentis inflammatum, in hominum ferocissimorum crudelitati assuetis ingenijs: & victori, res decusque, victo, mors & ignominia proposita. Nec minor spectantes horror, quam pugnae furor tenebat, deformes corporum laniatus, detruncatosque artus, & in hominis effigie, rabiem ferarum detestantes. Illud autem in primis ab omnibus est animaduersum, quod nemo se omnium fortius gereret, quam superpositus ille & mercenarius bellator, cuius opera maxime victoriam partem existimant. Superfuerunt enim certamini, ex ea, cui se ille addixerat, parte, praeter ipsum decem: sed omnes, magnis vulneribus grauitate saucij. Ex altera factione, restabat unus, qui, cum corpus adhuc ferro haberet intactum, iniquamque certaminis fortunam sibi videret obiectam, in Taum flumen propinquum se contexit, ac aduersarijs, quo minus eum sequerentur, ob vulnera tardatis, in aduersam ripam euasit. Hac ratione, ferocissimo quoque caeso, multitudo sine ducibus relicta, in multos post id annos, a tumultuando, repressa, ad agriculturam, redijt. Haec pugna incidit in annum Salutis M. ccc.

CIX. CCD. xcvi. Biennio fere post, in conuentu Ordinum Perthi, Rex Dauidem filium, octodecim annos natum, Rothesaia, Robertum fratrem, Taichia ac Fife iamdudum Comitem, Albinia duces vocat. Hic vani honoris titulus tum primum inter Scotos, magno ambitionis, nullo virtutis incremento, est celebratus: nec cuiquam postea feliciter cessit. Comitem etiam Duglassia Rex voluit eodem titulo afficere: sed ille, ut erat seuerus, constanter speciem superuacui honoris recusauit: & si quis hoc ei nomen ominaretur, grauissime increpabat. Sunt, qui, Gubernatoris titulum a patre datum Roberto, Regis fratri, hoc anno a Rege confirmatum, & Lindesiorum familiam titulo Comitum Crafordia auctam, tradant. Sed nec illud constat inter eos, Thomasne, an Dauid vocaretur, qui primus, ex ea gente, Comes fuit appellatus. Proximo anno, Richardus Secundus, Anglorum Rex, coactus, se regno abdicare. In eius locum, successus est Henricus Quartus. Initio regni eius, nondum finitis inducijs, noua belli semina cum Scotis iacta sint. Georgius Dumbarius, Marcia Comes, Elizabetham filiam Dauidi, filio Regis, desponderat, ac bonam dotis partem iam dependerat. Archibaldus, Duglassia Comes, agre ferens, hominem potentem & aemulum sibi praetatum, causatus Ordinum consensum (quod in nullis, ante, Regum nuptijs quisquam factum meminerat) neglectum, filiam suam Mariam, cum ampliore dote, obtulit: perque fratrem Regis Robertum, qui tum omnia poterat, effecit, ut a Rege acciperetur conditio, & nuptiae, ex Ordinum decreto, conficerent. Hac iniuria simul, & ignominia ictus, Georgius, grauiter cum Rege expostulat: & cum facta infecta fieri nequeant, saltem dotem filiae repetit. Ea tam iusta postulatione repulsa, cum, nihil aequi se impetraturum, cerneret, praecipue cunctorum ab aemulo animis & auribus, ab aula, non solum iratus, sed etiam minabundus, discessit: & arce Dumbari sororis filio, Roberto Metellano, tradita, in Angliam abiit: Robertus arcem sceciali a Rege misso, statim tradidit: in eam Duglassius cum praesidio receptus, Georgium domum reuersum exclusit.

R

R E R V M S C O T I C A R V M

aliquae permulti, genere & opibus clari. Nec, a multis retro annis, alia pugna aequae vires Scotorum attriuit. Pugnatum est ad Homeldonum, Northumbriae vicum. C12.CD.I no M. cccc. i. ad Nonas Maij. Percius, hac victoria tam insigni potitus, statuit imperio Anglorum subijcere, quicquid terrarum inter Northumbriam & Fortham est interiectum: nec in eo magnum sibi laborem proponebat: quod omnem earum regionum Nobilitatem aut in praelio interemerat, aut captivam detineret. Igitur a Colclao, arce Teuipia, exorsus, cum praefecto arcis pactus est, nisi intra quinquagesimum diem Scoti obsidionem soluerent, ipse arcem dederet. His conditionibus ad Regem, deinde Gubernatorem relatis, non defuerunt, qui, dedendam Anglis arcem, censerent: tanti enim eam non esse, ut vires Regni, proflremo praelio tam attenuatae in discrimen iterum conijcerentur. Hanc animorum deiectionem non tam ab hoste metus, quam imminenti regno Gubernatoris perfidia attulerat. Ille contra, ut omnem a se amoliretur suspicionem, verbis magnifice & confidenter differebat, hanc imbecillitatis & timoris publici confessionem plus, quam aduersum praelium, audaciam hostium aucturam. Quod si quispiam existimet, vnius arcis concessione contentos fore Anglos, cum vehementer falli: velut enim ignis leui asperione aquae magis accenditur, ita cupiditas, prima quaque tradendo, non restinguitur, sed inflammatur: & quicquid concesseris initio, ad vltius penetrandum fit gradus. Quod si vniuersi, ad arcem liberandam, recusetis progredi, ego vel solus proficiscar: neque viuis & videns, tantum nomini Scotico dedecus inuri sinam. Haec locuto Gubernatore, caeteri, vel restituta, vel dissimulata suspitione, se conclamarunt secuturos. Verum fortuna id periculum discussit, Percio ad bellum civile reuocato, atque arce, sine vi, liberata. Haec dum foris cum hoste geruntur, nihilo felicius res domi est administrata. Nam breui post mortem Archibaldi Duglassij, anno superiore, prope continuatis funeribus, decesserunt Annabella Regina, & Valterus Tralius, Fani Andreae Archiepiscopus, omnium prope animis magnam rerum mutationem praefagentibus. Nam, ut, per Duglassium, rei militaris splendor, per Tralium, Ecclesiastica auctoritas & veteris disciplinae qualiscunque imago stetit, ita, ab Regina incolumi aulae dignitas est sustentata: quod ex eius morte & rebus, quae eam sunt secutae palam est intellectum. Regis enim filius David, adolescens erat natura ferocior, & ingenio ad libidinem procliu. Ea viria cum augeret indulgentia patris, in quo non satis erat auctoritatis, ad reuerentiam sui retinendam, tamen & admonitionibus eorum, qui infirmitati aetatis regendae erant appositi, & multo magis materna diligentia & consilio, impetus eius retundebantur, ea vero defuncta, libido, franis libera, ad veros mores rediit: ac, metu & pudore seposito, alienas vxores, & honesto loco natas virgines, quibus flagitium persuadere non poterat, per vim rapiebat, ad stuprum: si quis, eius inhibere libidinem, vellet, male multatus discedebat. De hac eius impotentia, cum multae querelae ad patrem fuissent delatae, is ad fratrem suum Gubernatorem scripsit, ut adolescentem apud se retineret, donec, deferuescente lasciuia, ad meliorem frugem rediret. Gubernator, quam iam diu expetebat, occasionem stirpis frater-nae delendae, nactus, Dauidem, obuium sibi ad tria ferme milliaria a Fano Andreae secum ad arcem Andreanam, quam, Archiepiscopo nuper mortuo, per speciem custodiae tenebat, ducit: inde, paulo post, in arcem suam Falcolandiam traducit: ibi, morituum fame, in arctum carcerem inclusit. Sed, quem patris crudelitas ad mortem, in primis miserabilem, destinabat, ei duarum muliercularum misericordia vitam, in paucos dies, prorogauit: altera quidem virgo erat, cuius pater & arci & custodiae praerat. Ea panem auenaceum ita tenuiter (ut in Scotia vulgo fieri solet) extentum, ut complicari posset, sub lineo velo, quod capiti aduersus Solem, negligenter iniiciebat, quoties adeundi hortos, carceri propinquos, erat copia, per tenuem rimulam, verius quam fenestram, immittebat. Altera nutrix rustica lac, e mammillis expressum, per canalem, in os eius immulgebat. Hoc miserabili victu, quo magis famem accenderet, quam leuaret, cum aliquot dies vitam simul & poenam ei produrxissent, custodibus diligentius obseruantibus, deprehensa, ad supplicium protrahuntur, patre perfidiam filiae vehementer execrante, dum, erga infidum Gubernatorem suam

suam fidem ostentare, conatur. Adolefcens, omni humano destitutus auxilio, postquam, victus inopia, etiam sua membra lacerasset, non simplice morte defungitur. Mors eius diu patrem latuit, nemine, tam tristem nuncium rei, quam cuncti sciebant, ad eum perferre, auso. Sed, ad res Anglicas, quatenus nostris immixtae sunt, reuertamur, cum Percius, magna coniuratione Nobilitatis facta, bellum aduersus Regem suum meditaretur, cum Duglassio (quem, in praelio Homeldonensi captum, adhuc secum habebat) paciscitur, si operam suam, aduersus Regem, aequae fortiter & fideliter sibi impendat, ac, aduersum se foret usus, eum se liberum domum dimissurum. Duglassius, qui nullam operam nauandae, aduersus Anglum, conditionem esset recusaturus, libenter promissit: & paucis ex clientibus, & amicis conuocatis, ad futuram se dimicationem parat: nec segnius in praelio se gessit, quam Percio promiserat: nam, contempta multitudine, in vnum Regem animum oculosque intentos tenebat, & cum plures paludamento Regio essent amicti, siue, vt hostes eius capiti imminentes, deciperentur, siue, vt omnibus in locis milites, praesentem suae virtutis & ignaviae eum se testem habere, crederent: Duglassius, in vnum eorum, armis conspicuum, totis viribus inuectus, eum ex equo deiecit: qui cum a circum astantibus exemptus fuisset periculo, iterum Duglassius alterum, ac deinde tertium (vt, praeter nostros, etiam affirmat, Eduardus Hallus, Anglus) armorum splendore & paludamento deceptus, deiecit. Neque tam suo periculo commotus, quam, vnde tot Reges venissent, miratus. Tandem, post cruentissimum conflictum, versa fortuna, ac victore Rege, Duglassius, multis vulneribus saucius, inter captiuos recognitus, multis in eius exitium imminentibus, a Rege est seruatus, non solum fide eius erga amicum laudata, sed fortitudine munerebus honestata, ac vulneribus curatis, cum aliquot menses apud Anglum fuisset, magna pecunia persoluta, vix tandem dimissus. Interea de Dauide, Scoti primogenito, scelere patris occiso, rumor ad miserum parentem permanat: auctorque oculis rumoribus (nam palam nemo audebat, hominem tam potentem accusare) designabatur. Rex, fratre ad se accito, grauiter cum eo expostulat. Ille de morte adolescentis, iam ante paratam, fabulam exorsus crimen in alios transfert, se suosque quando, & vbi Rex velit, ad causam dicendam, affuturos, promittit. E cadis autem patratioribus, quosdam se penes in vinculis esse: reliquos diligenter perquisiturum. Quaestione constituta, ipse sceleris auctor cogit consilium, accusatores instruit, & Rege praesente, tanquam noxius accusatus, pro innoxio dimittitur. Rex, vindictam coelitus, & grauissimas diras eis eorumque posteris imprecatus, qui tam nefarium facinus patrauerant, curis infirmitateque corporis ager, in Botam, vnde venerat, est reuersus, aucta suspitione, de patricidio a fratre commisso: sed potentior erat, quam vt ab eo poena exigi posset. Ille vero, vt rem strenue dissimularet, supposititios sceleris auctores e carcere producit, & facinorosos quidem illos, sed, cuius insimulabantur, criminis expertes, graui supplicio afficit. Rex interea, de Iacobo minore filio sollicitus, quem apud Valterum Vardilaum, Fidei Andree Archiepiscopum, hominem probum & sibi fidum, deposuerat custodiendum, cum amicis consultat. Illi, nusquam eum in Scotia tutum fore, rati, auctores fuerunt, vt ad Carolum Sextum, Galliarum Regem, veterem socium, & Scotici nominis vnice amicum, eum transmittat: nusquam, neque tutius, neque honestius, eum educari posse. Harebat enim in animis recens exemplum Dauidis Brussij, qui, dubijs domi temporibus, aliquot annos ibi honorifice transegerat. Igitur parata naue, ad Bassam, scopulum verius quam insulam, adhibito rectore Henrico Sinclaro, Comite Orcadum, conscendit: ac, dum litus legit, ad Flamburgum promontorium, siue tempestatis vi coactus, siue, vt e nausea marina se paululum recrearet, descendit: ab Anglisque retentus, & a Rege, consulto, quid eo fieri velit, in aulam accersitus. Ibi nec ius induciarum, quae, paulo ante, in octo annos fuerant factae, neque literae patris supplices ei profuerunt, quo minus iure captiuus decerneretur. Pater enim discedenti literas, ad Anglum (si forte illuc appulisset) dederat: in quibus, multa de sua, multa de communi hominum fortuna erant lamentabiliter scripta. Verum apud Regem, et si inconstantiae rerum humanarum

RERVM SCOTICARVM

non expertem, tamen plus valuerunt veteres gentis offensa, quam vel ætatis innocentie respectus, vel miseri patris lacrymæ, vel Regij nominis dignitas, vel induciarum fides. Nam cum Anglus ad concilium retulisset, quomodo Scoti Regis filio, in diuinam suam appulso, videretur: quibus æquitatis erat studium, & diuturni belli ædium ad minorem sententiam inclinabant: ac censebant, Regij generis adolescente, crudelitatem suorum fugiente, & supplice, hospitaliter & amice esse utendum: & gentem ferocem, tot sæculis bello indomitam, beneficijs conciliandam. Hanc victoriam firmam & solidam debere existimari, in qua, non per iniuriam libertas adimitur, sed animus amicitiae vinculo insolubuli coniungitur. Alij contra differebant, iure captum videri, vel, quod e primoribus gentis auxilia, in motu Perciano, contra Regem in acie sterissent, vel, quod pater eius Percium seniore, Perduellionis in Anglia damnatum apud se haberet, & exilium eius suis opibus sustentaret. Hæc sententia (ut plerumque deteriora solent) in concilio vicit: quanquam qui aderant, non ignorarent, qui in prælio aduersus Anglum dimicassent, non publice a Rege missos, sed Duglassij priuata gratia, cum & ipse tum in Percij potestate esset, adductos, ac meminisse possent, quid ante paucos annos, Henricus ipse, Scotis Georgium Dumbarium reposcentibus, respondisset. In hanc sententiam itum est, ut fere, in aulis principum, emolumenti falsa species honestis consilijs præponderat. In captum tamen a Rege Anglo hoc vnum liberaliter & Regie est consultum, quod, literis & honesta disciplina eum instituendum, curauit. Calamitate filij ad patrem coenantem perlata, tanta doloris vi fuit oppressus, ut pene, inter manus astantium, exspirarit. Delatus in cubiculum, ab eo tempore cibo abstinuit: ac, tertio post die, inedia & moerore extinctus est. Rorefaia, quod opidum in Bora insula est, anno, ab inito regno, sextodecimo, Cal. Apr. anno Christi M. CCC. VI. sepultus Pasileti. Fuit Robertus, & proceritate, & totius corporis forma, & compositione, nulli fere suorum æqualium secundus: summa vitæ innocentia, & in quo nullam hominis priuati virtutem desiderares: ut vere de illo dici posset, meliorem virum, quam Regem eum fuisse. Rege mortuo, Regni administratio Roberto eius fratri, per omnes Ordines confirmata est, qui ut cupiditate imperandi cæcus, pessimis rationibus eo properabar, ita, si vnum illud demas, multa in eo tanto magistratu digna inerant: nam & bello fortis, & consilio prudens erat, & æquitate summa lites diiudicabat: & liberalitate proceres conciliabat, nec tribus plebem exhauriebat. Eodem anno, Percius senior iterum in Regem suum coniurauit: ut fratris & duorum filiorum cæsorum vltionem ab eo expeteret: sed, detecta coniuratione, & plurimis consciorum captis, & supplicio affectis, in Scotiam, sibi merueus, fugit, ut inde in Flandriam & Franciam nauigaret, & auxilia, ad bellum renouandum, conquireret. Interea Angli filius, Henricus, magnas in Scotorum agros excursiones, terra marique fecit. Is cum, præda ingenti parta, domum redisset, arx ledburgi, quam hostes a prælio Dunelmensi ad eundem diem tenuerant, per plebem Teuotia capta, & spoliata, ac deinde per Gubernatorem solo æquata est, & Georgius, Mercia Comes, cum ab Anglis, quorum in gratiam multa damna suis dederat, neque ad sua recuperanda auxilium, neque vitæ honeste degendæ subsidium impetraret, per amicos placato Gubernatore, domum rediit: parte tamen patrimonij, nempe arce ad Mabanum lacum, & Annandia multatus, quæ Duglassio, nomine damni dati, attributæ sunt: ac, veteribus offensis vtrinque remissis, in summa cum vicinis concordia, ac fide erga Regem reliquam ætatem transegit. Proximo anno, Percius, frustra peruagatus Franciam ac Flandriam, in Scotiam, ad Comitem Marcianum, veterem amicum, est reuersus: & ab eo humanissime habitus, & pro copijs cultus. Ibi cum, de reditu in patriam, per occultos nuncios frequentes ageret, ad quendam verustum amicum, &, ut putabat, fidum, Rodolfum Rokesbium scripsit, sibi e Scotis atque Anglis non de fore copias, quibus fretus, patrimonium se recuperaturum, non desperabat, si opera ipsius adiuuaretur. Erat autem, tum, Rodolfus in agro Eboracensi Vicecomes, ut vocant hoc est, conuentibus iudicialibus agendis, præfectus. Is, cum falsa spe auxilij Perciū illuc attraxisset, coniuratione Regi indicata, miserum amicum in insidias illexit: caputque occisi Londinū ad Regem misit. Erat

Erat autem, eodem tempore, in Scotia quidam Anglus, qui se Richardum Secundum diceret: sed falso, ut reor. Nam cum senior Percius saepe ac vehementer colloquium eius expeteret, nunquam tamen inducere in animum cuiusquam oratione poterat, ut cum eo sermonem conferret: credo, metuens, ne impostura deprehenderetur ab homine, qui optime suum Regem nouerat. Is tamen, tanquam Regij sanguinis vnus, aliquot annos cultus, & quo securius ageret, ab omni Regni cupiditate se alienissimum simulans, tandem mortuus, in aede Fratrum Dominicanorum, Sterlini, fuit sepultus, ascripto titulo Regis Angliæ. Nec multo post, Fascafellum, arx Marciz longe munitissima (vti nomen indicat) de Anglis captum, per Patricium Dumbarium, Georgij filium: 10 captus quoque Thomas Huldenuus, arcis praefectus, qui Lothianæ loca propinqua latrocinijis assidue infestabat: & in Teuotia quoque, a Gulielmo Duglassio, & Galuino Dumbario, minore Comitum Marciani filio, pons Rosburgi fractus, opidum incensum fuit: arcem non sunt aggressi, quod ab omnibus rebus, ad oppugnationem necessarijs, imparati venerant. Altero vero post anno, qui fuit a Christo M. cccc. xi. Donaldus Insulanus, Aebudarum dominus, cum Rossiam, iuris calumnia per Gubernatorem sibi ablatam, velut proximus hæres (vti erat) repeteret, ac nihil æqui impetraret, collectis insularum decem millibus, in continentem descendit: ac Rossiam facile occupauit, cunctis libenter ad iusti domini imperium redeuntibus. Sed ea Rossianorum parendi facilitas animum prædæ audum, ad maiora audenda, impulit. In Morauiam transgressus, eam, præsidio destitutam, statim in suam potestatem redigit: deinde Bogiam prædabundus transiit: & iam Abredonia imminerebat. Aduersus hunc subitum & inexpectatum hostem, Gubernator copias parabat: sed, cum magnitudo & propinquitias periculi, auxilia longinqua expectare, non sineret, Alexander, Mariz Comes, ex Alexandro Gubernatoris fratre genitus, cum tota ferme Nobilitate, trans Tatum ad Harlaum vicum, ei se obiecit. Fit prælium, inter pauca, cruentum & memorabile: nobilium hominum virtute, de omnibus fortunis, deque gloria, aduersus immanem feritatem decertante. Nox eos diremit, magis pugnando lassos, quam in alteram partem reinclinata, adeoque incertus fuit eius pugnae exitus, ut vtrique, cum recensuissent, quos viros amisissent, sese pro victis gesserint. Hoc enim prælio, tot homines, genere factisque clari, desiderati sunt, quot vix vllus aduersus externos conflictus, per multos annos absumpsisse, memoratur: itaque vicus, ante obscurus, ex eo ad posteritatem nobilitatus est. Hoc quoque anno, publicæ scholæ ad Fanum Andreae aperiri ceperunt, magis hominum doctorum consensu, ad professionem literarum, se offerentium, quam vlllo publico aut priuato accedente auxilio. Proximis decem annis, nihil fere memoria dignum inter Scotos & Anglos, est gestum: siue induciæ in causâ fuerint, quod tamen a nemine proditum inuenio: siue, Henrico Quarto, ad xii. Cal. Apr. mortuo, & filio Henrico Quinto statim substituto, per omnem reliquam vitam, in res Gallicas intento, Angli ab iniuria Scotis inferenda abstinerint: siue Gubernator Scotorum, nihil mouere, sit ausus, metu, ne Rex Angliæ verum Scotici Regni hæredem remitteret: 40 cui non dubitabat, ex commiseratione fortunæ, gratiam apud suos non defuturam. Igitur, si quæ fuerunt, ea tempestate excursions factæ, latrocinio, quam bello propiores erant. Nam & Pennerum, in Anglia, per Arcibaldum Duglassium, & Drumfrisiū, in Scotia, per Anglos est crematum: & permutatio captiuorum est facta, reddito Scotis Mordaco, Gubernatoris filio, qui ad Hamildonum captus fuerat, & Anglis Percio, qui, ab ayo victis partibus, ex Anglia adductus in Scotiam, apud Gubernatorem relictus fuerat: ac tum a nouo Rege maiorem dignitati restitutus. Is quauquam iure belli captiuus non esset, tamen iniusta detentio Iacobi, filij Regis Scotorum, fecit, ne Angli, de iniuria queri, possent. Ipse certe Percius adeo non est offensus, ut, dum vixit, Scotorum erga se humanitatem sit, omni officiorum genere, testatus. Eodem quoque anno, altera 50 Legatio venit a Consilio Constantiensi, cuius princeps erat Abbas Pontiniaci: altera, a Petro Luna, qui Papatum, semel arreptum, perinaciter retinebat. Is, per Henricum Hardinum, Anglum Franciscanū, in suam sententiam traxerat Gubernatorem: sed frustra: cum vniuersus Sacerdotum ordo contra niteretur: qui, Constantiensi Consilio

RERVM SCOTICARVM

CID.
C D. XIX.

assensu, electioni Martini Quinti subscripserunt. Interea Rex Francorum cum ex morbo parum sui compos esset, ac per Monachos, curam eius professos, ad malum auctum fuisset, Gallia in duas factiones abiit: alterius princeps erat Dux Burgundiae, qui, caeso Regis patre, ipsum in partes Anglorum trahebat: alterius caput erat, Regis filius: qui, a patre deliro exheredatus, per ludibrium, ab inimicis Rex Biturigum appellabatur: quod Auarici Biturigum se continebat. Is, a maiore parte suorum, & omnibus externis amicis destitutus, Anno M. cccc. xix. Comitem Vindocinensem legatum ad Scotos misit, qui, ex foedere auxilium peteret. Ei, in conuentu Ordinum, septem virorum millia decreta: neque tum, iuuente per longam ab Anglis pacem multiplicata, difficile fuit eam voluntariam manum conficere. Omnibus copijs praefectus est Ioannes, Buchania Comes, gubernatoris filius: cum multi, genere clari, sunt secuti: sed, longe supra ceteros, eminebat Archibaldus, Victoria Comes, Archibaldi Secundi, Duglassiorum Comitis, filius. Hi cum in Galliam venissent, a Delfino (quo nomine, Reges Gallorum filios primogenitos appellant) in agrum Tufonensem missi, regionem omnium rerum copia in primis abundantem, & hosti vicinam: Angli enim frater Dux Clarentiae, qui in Gallia tum pro Rege erat, Andegauensium, qui in Regis Gallorum fide permanferant, agros populabatur: ac, ad Baugium vicum venturus, credebatur. Hac, biduum ante Pascha, gerebantur. Igitur Scoti, vel Ducem rati (ut moris erat) illis paucis diebus ab omni violentia belli cessaturum, & ceremoniis tantum Ecclesiasticis vacaturum, vel (ut alij tradunt) inducijs octo dierum factis, negligentius agebant. Id siue Clarentius per Andream Fregosum Italum, an per Scotos pabulatores, ab equitibus suis interceptos, rescierit, occasione rei (uti putabat) bene gerendae latus, a prandio statim surgens, equitibus modo arma capere iussis, recta ad hostem ducit: ipse, praeter arma reliquumque ornatum, insignis diademate aureo, multis gemmis distincto. Proximi hostibus pauci Galli in vico, cui Baugius minor est nomen, eius aduentu repentino territi, in turrim templi vicini fugerunt. Hi dum oppugnantur, clamore ad reliquum exercitum perlato, subito ad arma, cum trepidatione magna, discucritur. Comes Buchania, dum ceteri se expediunt, triginta sagittarios misit, ad pontem, per quem vnam torrens propinquus transiri poterat, occupandum. Ibi conferta pugna, Hugo Kennedus, e templo propinquo, vbi diuersabatur, cum centum comitibus accurrit, suis, ut in re tam subita, seminermibus. Hi cum sagittis equos transitu arcerent, Clarentius, cum suorum primis ex equo descendens, pedestrem pugnam ciet: ac, valida impressione facta, Scotos partim inermes, partim leuiter armatos e ponte reiecit, ac iter suis aperit. Interea dum Clarentius equum conscendit, ac reliqui pontem angustum rari transeunt, Comes Buchania cum ducentis equitibus adest, & statim, ut inter cupidos periculum sui facere, pugnatur acerrime, paribus animis atque odijs: nam & Scoti gaudebant, locum se nactos, vbi, primum specimen suae virtutis ostendere, possent: & Gallorum conuicia refutare: qui eos, ut vini & cibi auidiores, traducebant: quo probro, Galli Britannos, Hispani Gallos, Afri Hispanos incessere solent. Et Angli indignabantur, se, non solum domi, sed trans mare, ab hoste implacabili peti: neque quisquam acrius, quam Clarentius ipse pugnabat. In eum, insignem armis, Ioannes Suintonius inuectus, lancea in facie graniter eum vulnerauit: & Buchania Comes claua percussus de equo delecto proprostrato, passim Angli fugere, & cadi capere, usque ad noctem. Pugnatum, pridie Paschatis, diebus, ut in regione frigida, paulo post aequinoctium Vernum, breuioribus. Cecidere in eo conflictu, ex Anglis, circiter bis mille, inter quos, viri insignes viginti sex capti complures homines, domi clari, ac maxime propinqui Ducis: e Scotis & Gallis, pauci, fere omnes ignobiles. Hac, quam modo posui, vulgarior est, de morte Clarentij, fama. Verum liber Pluscartensis interemptum tradit ab Alexandro Macelselano, Equite Leuiniano, qui diadema, cuius memini, ei detractum, Ioanni Stuarto Dernilao mille Angelatis vendidit: quod ille rursus Roberto Hustonio, cui quinque millia Angelatorum debebat, pignori opposuit: & hanc tum vulgatiorem fuisse famam, inquit. Cum huius victoriae laus praecipua, etiam inuidis non repugnantibus, penes Scotos esset, Carolus Delfinus Comitem Buchaniae Magistrum Equitum, seu Stabuli Comitem creat: qui summus post Regem, Gallis est Magistratus. Ceteri duces, pro cuiusq; loco & virtute, ornatu

Hac

Hæc dum anno millesimo quadringentesimo vigesimo, in Gallia, geruntur, Robertus, c. 15. c. D. Gubernator Scotiæ, eodem anno moritur, ad tertium Non. Septembres, decimo quin- x x. to, post Roberti tertij Regis mortem, anno. Sufficitur in locum eius Mordacus filius, ingenio segnis, ac non modo ad rem publicam, sed ne ad domesticam quidem regen- dam, satis idoneus. Iraque siue socordia, seu nimia erga suos indulgentia, liberos (tres autem habebat filios) ita corrumpit, vt & se & illos, breui post, in maximam calamitatem, ac demum exitium præcipitauerit. Hæc domesticarum rerum mutatio reuocauit, e Gal- lia, Buchaniæ Victoriæque Comites, & comphures eorum propinquos: sed, breui com- positis domi rebus, reuocante Delfino, Comes Buchaniæ, & focer eius Arcibaldus, cum
10 Iacobo filio, & magna iuuentutis nobilissimæ manu, in Galliam nauigant, relicto alte- ro filio, Victoriæ Comite, qui, graui morbo implicitus, sequi non potuit. Hi cum, expo- sitis ad Rupellam militum quinque millibus, Pictanium ad Delfinum aduenissent, cum maxima gratulatione accepti, ac Duglassius Dux Turonensis appellatus. Henricus An- glus, audita Clarentij morte, Ioannem, alterum fratrem, Bedfordiæ Ducem, in eius lo- cum substituit: eumque, ipse mox venturus, in Galliam præmisit, cum quatuor equi- tum, decem peditum millibus. Mox ipse secutus, Iacobum, Scotorum Regem, secum in expeditionem duxit, vt per eum Scotos, in Gallia militantes, vel sibi conciliaret, vel a Gallo, vt suspectos, auerteret: sed neutrum ei, ex sententia, successit: ac ne illud quidem tenuit, vt, rogatu sui Regis, domum redirent, ac se belli spectatores præberent: nam
20 cum præsidia, quæ a Scotis tenebantur, adisset, ferme ab omnibus vnum responsum retulit, se, qui in aliena potestate esset, eum, pro Rege, non agnoscere. Hæc eorum con- stantia Henricus offensus, cum vi Meldensium opidum cepisset, viginti Scotos, ibi re- pertos, laqueo strangulandos dedit, causatus, quod aduersus Regem suum militarent: mox ipse, & Carolus Sextus, Gallorum Rex, prope continuatis funeribus, decesserunt. Biennium fere post, Anglis ad Vernolium victoribus, cæsi fuerunt e primoribus, Co- mites Buchaniæ & Duglassiæ, hic, Dux Turonensis, ille, Magister equitum Gallorum: item Iacobus, Duglassij filius, Alexander Lindesius, Robertus Stuartus, Thomas Suintonius, ac, e vulgo, militum supra duo millia. Post hanc fere triennio, altera ela- des insignis Scotorum auxilia grauius afflixit: cum, commeatum Aureliam portantes,
30 Anglos in itinere aggressi, in Belsia infelicitè pugnarunt: quæ in pugna, cæsi sunt e Sco- tis, viri clari, Gulielmus Stuartus cum fratre, ac Duglassiæ gentis duo Equites insignes, quorum posterij, alterius, in Nithia Drumlanricum, alterius, in Eisa arcem lacus Leni- nij, opulentosque circa agros adhuc tenent. Hæc fere a Scotis in Gallia, paucis annis, gesta, leuiter percurramus, vt externa: & quorum fusior explicatio ex Annalibus Gal- lorum peti potest: quæ, etsi ab historia Scotorum non sunt aliena penitus, tamen ad ea non diuertissem, nisi quorundam scriptorum Anglicorum obretractatio eo me coe- gisset. Maledicendi enim studio, vellicare conantur, quæ, gesta fuisse, negare non au- deant: quæ, si etiam historia taceret, tamen & Regum munificentia, & ciuitatum de- creta, & honorifica Aureliæ & Turonis monumenta satis ea prædicarent. Quid ergo
40 hic vicio vertunt? Scotos, aiunt, pauperiores esse, quam, vt tantas copias in externo solo alere possent. Paupertatem si vitium putant, agri est, non gentis vitium: nec ego id pro conuicio acceperim, nisi scripta eorum, conuiciandi animo dictum fuisse, ostenderent, quibus hoc tantum respondebo, pauperes istos, & (vt isti volunt) om- nium rerum inopes Scotos, de opulentis Anglis, multas & præclaras retulisse victo- rias. Id si mihi non credunt, historijs a se scriptis credant: quibus si ipsi fidem de- trahant, ne postulent, vt nos eas pro veris accipiamus. Sed ad res Scotorum redea- mus. Suffecto, vti diximus, in locum patris Mordaco, soluta domi disciplina, cum liberi eius (erant autem, Valterus, Alexander, & Iacobus) inferiores contem- nerent, ac proinde multis iniurijs opprimerent, adolescentiamque eisdem, quibus
50 ipsi dediti erant, flagitijs contaminarent, nec pater eorum comprimeret licen- tiam, tandem ad ipsum prauæ institutionis poena proserpsit. Habebat senex in de- litijs auem, ex eo genere aquilarum, quod vulgus Falcones appellat: eam cum a pa- tre sæpenumero Valterus petisset, nec assequi tamen posset, e senis manu abreptam,

RERVM SCOTICARVM

oborto collo, extinxit. Cui pater, Quoniam tu, inquit, animo tuo imperare non potes, ut mihi pareas, ego alium accersam, cui obtemperare ambo cogemur. Atque ex eo, ad Iacobum patruelem restituendum, omnem animi cogitationem conuertit, Caleno Cambello, viro claro, atque inter Argatheliōs primario, & quem Valterus antea contumelijs affecerat, id consilium & probante, & iuante. Conuocatis igitur omnium ordinum selectis Perthum, cum, de reuocando Rege, consulti essent, vel fauore, erga legitimum regni heredem, vel præsentium rerum tædio, cuncti libenter decreuere Legationem, ad eum repetendum. Missi e primoribus legati, proniores, quam sperauerant, Anglos inuenere. Dux enim Gloucestræ, qui tum, Rege puero, rem Anglicam administrabat, aduocato Consilio, facile persuasit, ut Iacobus, Regis Scotorum filius, suis petentibus, domum remitteretur, quando nec ea esset apud suos auctoritate, ut vel auxilia Scotorum e Gallia reuocaret, vel aliquam Regni partem ad Anglorum amicitiam attraheret. Alia igitur ratione, fructum ex eo capiendum esse, ut non modo firmus amicus, sed etiam perpetuo in Anglorum potestate esset: nam Ioannam, Comitris Somerseti filiam, omnium æqualium longe formosissimam (quam iam tum ille vehementer deperibat) si uxorem acciperet, per eam foedus Gallicum facile labefactari posse, sibi persuadebat: & ipsum liberatum, vel eo beneficio conciliatum iri, vel, dum propinquorum aduersum se iniurias vlcisceretur, patriam graui & intestino bello illigaturum: hac ratione futurum, ut vel, amico parato, firmiores, vel, inimicis inter se dissidentibus, expeditiores ad externa bella Angli fierent. Hæc quidem, minime stulte excogitata, videbantur, nisi animi pusilli angustia ipsi suum beneficium corrupissent. Nam cum, ob eum redimendum, maiorem pecuniæ summam poposcissent, quam Scoti, ut tum res erant, vel promittere auderent, vel soluere possent, ab eis inita ratio est, ut, pro dimidio, dos vxoris retineretur, pro altero, filij nobiliorum obsides darentur. Iacobus igitur ita liberatus, domum redijt, decimo octauo, quam cap-

CICD. ptus fuit, anno: a Christi aduentu, M. CCCC. X XII. Cum, ad Regem suum visendum, XXIIIV. Maximus concursus omnium ordinum factus fuisset, gratulationes vniuersorum excepte statim querelæ eorum, qui, post Regis proximi mortem, partim negligentia, partim culpa Gubernatorum, omni genere iniuriarum se affectos, vociferabantur. Valterus, Mordaci filius, Milcolumbus Flaminius, & Thomas Bodius grauissime accusabantur: hi, ut vulgus in præsentia placaretur, alij in alias custodias inclusi, vsque ad conuentum proximum, qui, in sextum Calendas Iunias, erat indictus. Sed Flaminius & Bodius, damnis aut persolutis, aut compensatis, & multa pecunia, multa nomine, in fiscum collata, dimissi.

CII. REX.

Rex interea, ad vndecimum Calendas Maij, vna cum Regina coronatus: ipse in sede Regia a Mordaco patruale (quod is ius Comitum Fisanorum esset) collocatus. Proximis diebus, multæ leges, in publicum vtilis, latæ: sed potissimum, ad latrocinia compescenda, quæ, superiorum aliquot annorum licentia, tantum increuerant, ut, contemptis legibus & magistratibus, lus in armis esset. Agitarum deinde, de pensione Anglo, ob redimendum Regem, soluenda, ut aliqua ratio iniretur. Nam cum Patrimonium publicum tot bellis, & bella secutis seditionibus domesticis, a Gubernatoribus partim condonatum esset scelerum administris, partim de Regno bene meritis, interim, accepta pecunia, pignori oppositum, Rex, cum de suo soluere non posset, ciuium implorauit auxilium. Proceres, qui liberos dederant obsides, facile perfecerunt, ut decretum fieret: verum in pecunia præstanda, non eadem facilitate obtemperatum: nam cum, æstimatione rerum mobilium cuiuscunque generis facta, vicesima imperaretur, in magna pecuniæ penuria, rerumque aliarum summa copia, ac proinde vtilitate, hominibus tributorum insolentibus, & exemplum in posterum magis, quam præsens detrimentum, metuentibus, res visa est intolerabilis: nec potentiores calumnia in vulgus cauere, velut inclinato ab ipsis in pauperiores onere. Maxime autem plebem grauabat brevis solutioni dies statutus: nam, intra decimum quintum diem dependere tributum, iuebantur: &, si quis non soluisset, pecus eius ad dominum fundi, vel iudicium cuiusque

cuiusque conventus prefectum trahebatur: nec quis alieni, aut census, quem pro pensione, quisque domus fundi soluebat, exceptio quicquam, ad imminuendum tributum, valebat: nec minimum malum in acerbitate coactorum erat, qui non solum plebem vexabant, sed aut falsis rationibus, aut nomine impensarum, magnam eius pecuniam, que in publicum usum colligebatur, partem auerrebant. Etenim grauius erat persens tributum, quod laxiore imperio, sub Gubernatoribus, habitabant, qui omnibus in rebus animam populi sibi consiliare, studebant, ne iusti Regis desiderio aliquando caperentur. Ob eamque causam, cum Conuentus, tributum Roberto Regis patre exigere, permisissent, ille, ut beneuolentiam popularem colligeret, quo minus decerneretur, obstinuit: seque affirmavit, potius de suo eam pecuniam soluturum, quam ut quisquam, eo nomine, grauaretur. Rex autem primam pensionem, eamque maligne contributam, cum exegisset, idque cum pessima plebis gratia, prater belli laborem, querentis, hac noua onera sibi imposita, reliquam exactionem remisit. Capti in hoc conuentu, & in custodias diuisi, Mordacus, Dux Albiniz, filij eius Valterus, & Alexander, & socer Duntachus, Comes Leuiniz, & Robertus Gramus, is, qui, post aliquot annos, Regem trucidauit: item viginti quatuor prima Nobilitatis viri: sed reliqui, non adeo diu post, dimissi, Mordaco cum filio, & socero retentis. Eodem quoque die, quo captus fuerat Mordacus, Rex, eius arces in suam potestatem redigendas, curauit, in Eisa, Falcolandiam, in Taichia, Dunum: ex hac vxor eiuseducta, ad Tentallonem, Lorthianz arcem, missa. Iacobus, filiorum minimus, audita clade familiar, collecta manu, Britannodunum opidum cremauit, & Ioannem Stuartum Rufum, Regis patruum, & cum eo triginta duos, trucidauit. Ipse in Hiberniam profugit: ibique paulo post decessit. Ibidem quoque mortuus est, qui cum eo fugerat, Finelaus, Lismorensis Episcopus, vir ordinis Dominicani, qui Iacobo erat auctor omnium consiliorum. Fugerat etiam in Hiberniam Valteri vxor, cum duobus filiis, Andrea, Alexandro, & Arcturo nothos: qui Iacobo Tertio Rege, domum reuersi, magnis honoribus sunt perfuncti. Eodem anno, conuocatis Sterlinum proceribus, producti e custodijs, ad causam dicendam, Mordacus, cum duobus filiis, & socero. Iudicium patrio more constitutum. Mos autem hic est. Eligitur, qui prae sit, vir singulari prudentia, & auctoritate: ei dantur minimum duo-
 30 decim assessores, qui crimina obiecta audiant, & iurati de reo pronuncient: hi fere eiusdem cum reo sunt ordinis, aut proximi, quoad fieri potest: reo indicato reiectio datur: ubi iustus numerus, id est, duodenarius est confectus, aut, ut sit plurimum, eo maior, expensis criminibus, quod plures indicarint, ei sententia statuit. Hoc more tum selectis iudicibus, quorum non est opere precium nomina referre (erant certe omnes homines clari, & cum reis plerique propinqua cognatione, iuncti) rei sunt perduellionis damnati. Eo ipso die, duo iuuenes, postmodum, pater eorum, & anus matremus capitali supplicio affecti, in colle, qui assurgit contra arcem Sterlini. Fama quidem constans est, epi & nemine scriptam reperiam, Regem ad Isabellam, patruelis vxorem, misisse patris, mariti, & filiorum capita, tentandi gratia, an mulier ferax, ex doloris impatientia (ut sit plerum-
 40 que) animi secreta reuelaret: illam vero, cum inopinato aspectu turbaretur, nihil tamen immoderatus locutam: tantum respondisse, Siquidem vera fuerint obiecta crimina, Regem recte & iure fecisse. Finito conuentu, missi a Rege Ioannes Mongometius & Vmfridus Cunigamius, ad oppugnandam arcem, quae in Marini insula, in Iacu Lomino, nomine Iacobi Stuarti profugi, tenebatur, eam ad deditionem compulerunt. Nec adeo multo post, Ioannes Stuartus Demelius (qui ceteris fere Scotorum ducibus in Gallia, varijs casibus, absumptis, Equitum inter eos praefectus erat) una cum Archiepiscopo Remensi in Scotiam venit, ad vetustum cum Gallis foedus renouandum, ac matrimonium contrahendum, inter Ludouicum, Caroli septimi filium, & Margaritam, Iacobi filiam, virosque adhuc impuberes. Quibus rebus perfectis, anno proximo, qui fuit millesimus
 50 quadringentesimus vigesimus sextus, pacata omni Scotia, intra montem Granipium, Rex animum adiecit, ad vltiora perdomanda. Ac primum omnium, Enhermessar-
 cem, opportuno loco in vltimis Morauiz finibus sitam, refici iubet. Eo cum, biennio post venisset, ad ius dicendum latrociniaque comprimenda, omnium familiarum principes

C15. C D.
 XXVI.

ad se accersit, praefertim eos, qui cum magnis caterbis soliti erant, & locis vicinis praedare agere, pacatis tributis imperare, ac vulgus, ad vicium ociosis suppeditandum cogere. Horum alij mille, alij duo millia, nonnulli etiam plures latrones, sub dicto audientibus habebant, ac bonos, periculi metu, tenebant obnoxios, malos, quibus apud eos per fugium certum erat, ad scelera patranda, reddebant gildationes. Moriturum Rex alio minis, alios blanditijs illexisset, circiter quadraginta, ex eorum duobus, in custodia stantibus, quoniam causa cognita, duo maxime facinorosi, Alexander Macrorius, Iosue Macarthurus, laqueo strangulati: Iacobus Cambellus, ob eadem Iosue Insulanus, videlicet inter suos, capite luit: reliqui per custodias diuisi, alij postea supplicio affecti, alij liberi domos dimissi. Ita principibus factionum vel caesis, vel caecis, vel coercitis, plerumque, ducibus orbatam, nihil ausuram raras, benigne & clementer admonuit, ceteros, ut equitatem colerent, neque certiores spem salutis vlla in re, quam in vita innocentia, collocarent. Id si facere, in animum inducerent, apud se honorem & premia semper parata fore: sin minus ex aliorum exitu exempla sumerent: & quid ipsis fore expectandum, discerent. Ceteris rebus ita compositis, adhuc habebat apud se Alexandrum Insulanum, vnum, post Regem, longe potentissimum: imperabat enim omnibus Aebudis, ac Rossiae praeterea fertilissima regione per matrem, Valtam Ieslij, Rossensis nuper Comitis filiam, auctus erat. Is, cum multa flagitiose, multo crudeliter perpetrasset, atque in maximo metu versaretur: tamen, per amicos, Regem exabilem esse expertus: benigne igitur appellatus, & praeterea gratia facta, & in posterum, spe amplius proposita, si legibus & humanitati assuesceret, domum remittitur. Ille vero tantum absuit, ut ob veniam, ac deinde libertatem, a Rege acceptam, gratiam habuerit, ut maximam sibi factam iniuriam, existimauerit, quod in custodia dies aliquot fuerit habitus. Igitur, ubi primum ad suos rediit, collecta manu hominum, rapto vivere assuetorum, Ennernessam ingressus agmine pacato, hospitaliterque acceptus, opidum in praedam suis permisit: deinde, expilatis aedibus, ignem iniecit: arcem frustra obsessam, cum in se rescisset parari expeditionem, relinquens, in Abriam propere discessit. Ibi cum eo, quem habebat, exercitu (habebat autem ad decem millia virorum, in armis induratorum) opportunitate locorum fretus, fortunam praelij experiri, decreuerat. Verum, audito apparatu Regis, ex ijs qui alacriter, ad praedandum, secuti fuerant, duobus cum defecerunt, Catanei nempe, & Cameronij, quos illi suo more Clanchatan, & Clanchameron vocant. Hac parte virium destitutus, nec de ceterorum erga se animo certus, iterum circumspicere latebras coepit: ac dimisso exercitu, cum paucis in Aebudas profugit: atque ibi cum suis, de fuga in Hiberniam consultat. Sed cum, nec illi a Regis in se fore tutum, speraret, ultimum per fugium experiendum esse, ratus, ad Regis ante per spectam clementiam: in eo quoque consilio, cum, inter spem metumque dubius, reputaret, quid scelerum, prima defectione, patrasset, quam liberalem & indulgentem Regis animum expertus esset, quanta perfidia & crudelitate iterum grassatus, spem secundae veniae sibi praecidisset, Regis erga se iram (tam iustam) fortunas omnes & salutem committere, formidabat. Medium igitur, inter fugam & deditiorem, consilium exequi, decrevit: ac deprecatores in aulam misit, per quos animum Regis, ad lenitatem, inflecteret. Ad id munus, quamquam delegerat homines quietos, & a contagione sui sceleris alienos, ideoque principi non ingratos, tamen illi, responsum aliud exprimere, non poterunt, quam Regem, eum non alioqui auditurum, nisi fidei suae commissam: cum absente nihil transacturum. Alexander, omnibus periculis circumspectis, cum nihil adversus iram Regis tutum sibi, prospiceret, tempore & loco ad id electo, se ei permittere, statuit: ita enim supplicem violandi, verecundiam se ei iniecit. Itaque oculis Edinburgum, ubi tum Rex agebat, venit: ac lineo tantum amiculo tectus magis, quam vestitus, eo die, quo memoria Resurrectionis Dominicae magna ceremonia celebrabatur, ad genua Regis supplicem se deiecit: ac oratione ad misericordiam composita, se salutemque suam ei credidit. Mouit circumstantes habitus, locusque, & tempus, ac tanta & tam subita fortunae mutatio. Regina proceresque qui aderant, pro eo Regem deprecari, haecenus mouerunt, ut iuberentur, Sacrorum finem expectare. Interea Rex omnia secum perpendens,

perpendens, cum nec tutum existimaret, hominem potentem, factiosum, & perfidum impune dimittere incolumem, aliquidque tribuere Regina precibus veller, optimum factu ratus, vt viuum in custodia firma retineret: ita fore, vt & sibi opinionem clementiae pareret, & illi potestatem noui sceleris patrandi auferret, & plebis prospiceret securitati, & exemplo licentiam aliorum reprimeret. Illum in Tentallonem mittit, matrem, mulierem ferocem, in A Emonam insulam relegat, vt quae, filium subinde ad noua scelera impulisse, credebatur. Ita inhibita Alexandri licentia, nondum tamen in regionibus, ad Septentriones porrectis, res omnino tranquilla fuerunt. Nam & Catanei & Cameronij, qui, superioribus annis, Alexandrum deseruerant, orto inter ipsos dissidio, tanta contentione animorum & virium pugnarunt, vt, multis Cataneorum trucidatis, Cameronij pene omnes extincti fuerint. In A Ebudis quoque, quae, relegatione Alexandri, quietura videbatur, nouum excitauit motum Donaldus Balocus, Alexandri frater patruelis, velut iniuriam, propinquo illatam, ulturus. Ad hunc tumultum comprimendum, Alexander & Alanus, Stuarti, hic Cathanesia, ille Marria Comes, coacta popularium manu, obuiam Donaldus in Abriam (vbi exscensurum facta erat) profecti, aduentum eius praestolabantur. Ille, cum eos incompósitos, sine castris, sine excubijs agere, comperisset, de quarta vigilia suis sine tumultu expositis, nec opinantes & semisomnes aggressus, magnam stragem edidit. Perijt ibi Alanus, cum suis fere omnibus: Alexander, trepida fuga, cum paucis euasit. Hoc successu Donaldus ferocior, totam Abriam, nullo resistere auso, ferro flammâque late peruastrauit: sed, audito, Regem maiore in se apparatu venire, praeda amplissima in naues congesta, in A Ebudas redijt. Rex, ad Stephanodunum progressus, populationis foedissimae vestigia conspicatus, ingentemque irarum molem in animo versans, cum iam traiecturus in insulas foret, familiarum principes ad eum supplices venerunt, negantes, quicquam consilio publico actum, culpam in Alexandrum hominesque egentes & facinorosos conferebant: Rex, ita demum se hanc purgationem admissurum, respondit, si sceleratos comprehensos sibi, ad supplicium, traderent. Ad id, cum suam operam pollicerentur, partem eorum ad latrones conquirendos, dimisit: reliquos, obsidum loco, apud se retinuit. Qui remissi domos erant, multos e latronibus occiderunt: trecentos ad Regem vinctos adduxerunt (nam Donaldus ipse, metu poenae, profugerat) omnibus laqueo gula fracta. Hoc latronum supplicium etiam in A Ebudis proximisque regionibus omnia paulo fecit pacatiora, ad tempus, tamen inquieta sceleratorum ingenia non sunt passa, eam tranquillitatem esse diuturnam. Emiserat Rex e custodijs, nobilium precibus exoratus, duos Angusios, Dufum & Morauium, latronum duces. Hi, furore in se verso, pari fere numero congressi (alebant enim, e plebis rapinis, latrones quisque ad mille ducentos) adeo pertinaciter conflixerunt, vt vix ex utrisque superessent cladis nuncij: alij enim, duodecim, alij, nouem ei praelio superstites fuisse, prodiderunt: Regi certe, utrisque pariter infenso, vix reliquerunt, vnde poenas expeteret. Nec tamen horum calamitas Macdonaldum retardauit, a solita immanitate. Erat is insignis latro, in Rossia natus: qui impunitate superiorum temporum prauum ingenium incitante, diu in vicinos grassatus fuerat. Vnum, praeter alia, insigniter crudele facinus eius narratur. Cum vidua mulier, ab eo spoliata, vehementer quiritaretur, atque identidem clamaret, se ad Regem querimoniam delaturam, & tu, inquit, quo minore molestia illuc peruenias, ego quoque te iuuabo: aduocatoque fabro, soleas equinas plantis eius clavis ferreis affigi, curat: nec hac iniuria contentus, etiam verborum contumelias adiecit, eam, aduersus asperitates viarum, sic munitiorem fore: ac, per ludibrium, praetereuntibus ita confixam ostentabat. Mulier ferox, contumelijs magis accensa, quam deterrita, vbi primum iter tolerare poterat, ad Regem profecta, rem ordine denarrat. Rex, qui & ex alijs idem audierat, & auctorem facinoris in vinculis habebat, mulierem consolatus, breui eius sceleris poenam in inuentorem redundaturam, promissit: prolatoque e carcere Macdonaldo, cum duodecim socijs, clavis ferreis confixos tri-duo per urbem circumduci, iubet, noui supplicij causa per praconem populo indicata: deinde ducis corpus capite truncum, duodecimque socios, laqueo strangulatos, in cruces propter vias attolli, iussit. Haec noua eorum scelera, quos impetrata semel venia non

RERVM SCOTICARVM

repreſſerat, Regem acriorem, in Donaldo Inſulano perquirendo, fecit. Igitur eum cum reſciſſet, apud Regulum quendam in Hibernia latere, per legatos, ad ſupplicium, re- poſcit. Regulus veritus, ne, ſi tanto terræ mariſque ſpatio vitium tranſmitteret, elabe- retur, idque maleuoli, ſua fraude factum, calumniarentur, occiſi caput Legato defe- rendum dedit. Latrocinijſ apertis hac diligentia cohibitis, Rex occultiora crimina, & prauas conſuetudines tollere aggreſſus, viros claros, prudentia & ſanctitate commen- dados, ad id munus elegit: eiſque poteſtatem dedit, vt, luſtrato Regno, querimonias omnium audirent, & crimina, ſi qua ad eos deferrentur, de quibus ordinarij iudices, vel per metum non auderent, vel per odium fauorent, non deberent, aut nollent, de ijs ipſi cognoſcerent. Addidit & ponderum, & menſurarum correctorem, rem maxime neceſſariam: cum, non ſolum in ſingulis vrribus, ſed etiam prope domibus, diuerſæ menſuræ eſſent: & in conuentu leges ea de re ſaluberrimas fecit: & menſuras ferreas certis in locis cuſtodiri, iuſſit: & qui ad eam publicam formam cæteras conformaret, per omnia fora & conciliabula miſit, graui pœna indicta, ſi quis alia menſura, quam pu- blice ſignata, vteretur. Hæc dum molitur, ad vſum publicum, Anno milleſimo quadrin- geſimo triceſimo, quartodecimo die Octobris, nati ſunt ei gemini. Ob id, cum publi- cum gaudium celebraretur, Rex quoque, vt aliquid & ipſe ad popularem lætitiã adij- ceret, nobilibus viris nonnullas offeſas condonauit: quorum principes erant, Ardi- baldus Duglaſſius, & Ioannes Kennedus: qui, quod de ſtatu publico, & regni admini- ſtratione temere ac liberius, quam oportebat, locuti fuiſſent, Duglaſſius in arcem lacus Leulni, Kennedus Sterlinum relegati fuerant. Addidit etiam animi reconciliati, erga Duglaſſium, ſigna, quod ipſum, liberis baptizandis, teſtem adhibuit: quæ res inter ſigni- ficationes, & honoris, & neceſſitudinum cauſas haberi ſolet; filium quoque eius inter Equites, qui, ad publicæ lætitiæ teſtificationem, creati ſunt, eſſe voluit. Cæteris regni partibus perpurgatis, ad Eccleſiaſticum ordinem inſtaurandum, ſe retulit. At Sacerdo- tes, per magiſtrum corrigi, non poterant: iam enim diu, per totam Europam Regibus bello impeditis, paulatim Sacrificulorum Ordo iuriſdictioni eorum ſe ſubtraxerant, vniſque Pontifici Romano parebant: is autem vicijſ eorum indulgebat, quod rem qua- ſi ſibi videret eſſe: & licentiam ſouebat, vt, per Ordinis eius potentiam, Reges ſibi ma- gis obnoxios haberet. Igitur Rex, qua vna ratione poterat, obuiam ire eorum tyrannidi, ſtatuit: nam cum præterita emendare, & homines honoribus indignos ex eo, quem ſe- mel occupauerant, loco exturbare, perſpiciebat, in ſua poteſtate non eſſe, in futurum ſibi prouidendum ratus, ad ſcholas literarum ordinandas, animum intendit, eaſque libera- litate & fauore proſequendas: quod hoc omnium Ordinum eſſet ſeminarium: & inde, quicquid vlla in Reipub. parte magnum & excellens foret, velut e fonte promanaret. Neque ſolum doctores literatos præmiis illexit: ſed ipſe plerumque diſputationibus eo- rum aderat: & quodocunque ocium ei a rebus ciuilibus erat, literatos ſermones liben- ter audiebat: falſamque opinionem ex animis hominum nobilium vehementer con- tende- bat eximere, quod literæ, a rebus gerendis, homines ad ocium & ignauiam tradu- cant, animosque militares molliant, & omnes generoſos eorum impetus aut frangant, aut debilitent: literarumque ſtudia ad Monachos, homines alioqui inutiles, velut in ergaſtulum relegabant. Verum illi, vt a maiorum ſimplicitate & parſimonia degenera- uerant, ita ab animi cultu ad corporis curam ſe totos contulerant: nec in reliquis Sacri- dotibus minor erat eruditionis contemptus, ex ea maxime cauſa, quod ſacerdotia vel ignauiffimis nobilium familiarum hominibus, & ad alias vitæ partes prorfus ineptis, mandabantur: vel, fraude Romanenſium, intercipiebantur: eratque omnino Sacerdo- tium nihil aliud, quam operæ, nec ſemper in rebus honeſtis nauatæ, premium: acceſſerat & aliud malum, ad corrupendam diſciplinam Eccleſiæ, vel maximum, Ordines Fra- trum mendicantium. Hi cum initio, ſimulatione vitæ ſeuerioris, facile populo impo- ſuiſſent, vt eos libentius, quam ſuos Curiones, & animis & corporibus iuxta craſſos, audirent: & Curiones, vt quiſque ditior erat, ita ſuum munus maxime ſaſtidiret, cum Fratribus (ita illis, vocare ſe, placuit) tranſigebant, vt, penſione annua, eos conducerent, ad paucas conciones ad plebem, ſingulis annis habendas: ipſi in vrbes, ad ocioſas can- tiunculas,

tiunculas, velut magico ritu, ignari, quid dicerent, se congregarunt: neque Curiam
 quisque suam, nisi cum Decimæ colligendæ erant, vnquam respiciebant: paulatimque
 etiam sese a psallendi certis horis in templis, leui quidem illo, sed quotidiano tamen,
 labore exemerunt, conductis pauperibus Sacrificulis, qui vicem ipsorum fungerentur;
 in Canendo & Missificando: certoque psalmorum penso, quod in singulos dies impe-
 rabatur, emurmurando, colluderent, & nunc alternis versibus contendentes, nunc Cho-
 ros inter Actus adhibentes, tragoediæ speciem exhibebant, quæ Christi morie imagina-
 ri claudabatur. Fratres quoque, eorum mercenarij, nec audebant, conductores suos
 offendere, a quibus omnino pendebant: nec insolentiam cum auaritia coniunctam, ferre
 poterant. Itaque, velut media quadam via inita, vt facilius, ad persoluendam pensionem,
 eos cogerent, in luxum & libidinem eorum, populo secundo, sæpe acerbè declamabant:
 & cum, ad illos metu continendos, & vulgus conciliandum, satis debacchari essent,
 sibi quoque, cum in gente Sacerdotum essent, in tempore prospiciebant: docendo,
 vtcunque alia essent, Ordinem tamen sacrosanctum esse, nec profano Magistratui vllam
 in eos esse animaduersionem: Deo soli, & Pontifici Romano (cui par quodam modo
 cum Deo esset potestas) eos permittendos: & quia, simul cum luxu crescente auaritia,
 non satis magnum ab illis quæstum sperare poterant, nouam sibi Fratres tyrannidem
 pepererunt, concione conuersa, ad Operum merita. Inde natum Purgatorium, & anima-
 rum, quas ibi visum erat Pontifici derinere, lustrationes, per Missæ sacrificium, per Aquæ
 benedictæ aspersiones, per Eleemosynas, stipes oblatas, Indulgentias, Peregrinationes,
 Reliquiarum venerationes: hæc nundinationes, cum per Fratres exercerentur, breui sibi
 imperium, in viuos & mortuos, vendicarunt. Hoc in statu Iacobus primus cum in Scotia
 rem Ecclesiasticam reperisset, hanc disciplinæ veteris instaurandæ compendiarium viam
 existimauit, si viri boni & docti Sacerdotijs honorarentur. Vt autem æmulationem
 literas discentium accenderet, præfectos gymnasiarum admonuit, vt, quoniam ipse, curis
 publicis impeditus, singulos cognoscere non posset, iuuenes virtute & eruditione
 præstantes, sibi commendarent, quos ad honores Ecclesiasticos promoueret: qui, non
 solum doctrina & exemplo, plebi vtilis esse possent, sed tenuiores etiam suis opibus
 iuuare, & paupertatem eorum hæcenus subleuare possent, ne bona ingenia, per inopiam,
 cogerentur, literis relictis, ad sordidas artes se conferre. Vt autem boni alacrius animum
 ad bonas artes intenderent, & ignaui, vnam ad honores viam per virtutem esse, intelli-
 gerent, studiorum gradus distinxit, vt sciretur, qui quibus Sacerdotijs potirentur: quam
 rationem, si, qui secuti sunt, Reges tenuissent, certe ad hæc tempora peruentum non
 fuisset, quibus, nec populus Sacerdotum vitia, nec Sacerdotes, viriorum remedia pari,
 possent. Nec Rex ignorabat, Ecclesiam in grauissima, quibus tum laborabat, vitia,
 ob immodicam opulentiam fuisse prolapsam: nec profusionem pecuniæ, in Monasterijs
 dirandis, & ærario exhauriendo, in superioribus Regibus probauit: Dauidemque,
 alioqui Regem optimum, sæpe illa sua pietate, multum a multis landata, Regno dam-
 nosum fuisse, prædicabat: ipse tamen, velut ætu quodam consuetudinis abreptus, non
 se potuit abstinere, quo minus ordini Carthusiano cœnobium prope Perthum ædifi-
 caret, & magnis prouentibus locupletaret. Illud in eo, nescio, an maxime fuit admi-
 randum, quod, inter rerum maximarum curas, ne infima quidem sua diligentia mino-
 ra putaret, e quibus aliqua in publicum redundaret vtilitas, Nam, cum per assidua bel-
 la, quæ, post Alexandri Tertij mortem, prope centum quinquaginta annos, Scotiam
 exercuerunt, toties spoliatis atque incensis vrbibus, iuuentute ad studia armorum
 conuersa, cæteræ artes negligenterentur, opifices omnis generis e Flandria, præmijs &
 immunitatibus propositis, exciuit, vrbesque prope vacuas (quod Nobilitas, veteri insti-
 tuto, in agris se contineret) hoc genere hominum repleuit: neque speciem tantum, &
 frequentiam antiquam opidis ita restituit: sed magnam ociosorum turbam, ab inertia,
 ad laborem traduxit: effecitque, ne, quod paruo sumptu domi confici posset, magno
 precio foris pararetur. Cum omnes Regni partes labefactatas ita commodis remedijs
 confirmaret, incurrit tamen in grauem suorum indignationem, ob duas maxime causas.
 Altera quidem, in speciem, erat leuior, sed vnde omnibus fere populis omnium fere

RERVM SCOTICARVM

calamitatum oritur initium: nam, pace vndique parata, ocium, luxus, & libido primum se, deinde cetera perdendi, est consecuta: hinc sumptuosa conuiuia, & nocturni aduinaeque comotationes, & personatae saltationes, & peregrinarum vestium deliciae, & laxitas adlum, non ad usum necessarium, sed, ad oculorum voluptatem, comparata, & corruptela suorum, elegantiae nomine, commendata, &, omnibus in rebus, ritus patrij contemptus: nec quicquam satis honestum & decorum, nisi nouum & insolitum. Harum omnium rerum culpam in Anglos, qui, Regem secuti, in aula versabantur, vulgus libenter a se transferebat: neque tamen verbis flagitia vehementius damnabat, quam voluptates studiose amplectebatur. Sed huic pesti Rex, quantum poterat, & legibus latis, & exemplo domestico, resistebat: ipse enim non modo cultu corporis, & frugalitate, intra priuati copiosioris modum, se continebat: sed, si quid immoderatum vlla in vitae parte apud quenquam conspicabatur, vuln, & plerumque verbis, id sibi ingratum esse, ostendebat. Ita cohibitus est late grassantis luxuriae cursus, magis quam noua intemperantia extincta, & vetus parsimonia reducta. Alterum crimen, primum inimicorum sermonibus est celebratum: deinde in perniciem publicam erupit. Regis patruus, Robertus, & patruelis Mordacus, penes quos regimen ciuium, multos annos, fuerat, cum ipsi Regnum appetere, nec, Iacobum e medio tollere, possent, quod proximum erat, hominum animos ita sibi conciliare, studebant, vt Regis desiderium non adeo magnum potentioribus relinquerent: tantaque moderatione, fere omnibus in rebus, vsi erant, vt eorum imperium admodum tolerabile multis, ac prope optandum videretur, si Valterus, Mordaci filius, populariter & moderate se gessisset. Potentiores enim ita, munificentiae specie amplectebantur, vt, agros Regios ab alijs occupari, permiserint, alijs ipsi donauerint: &, in gratiam quorundam, res iudicatas resciderint, & exules restituerint. Inter eos autem, vnum insignem & praepotentem, Georgium Dumbarium, Marcianum Regulum, qui, exul, patriae damna plurima & grauissima intulerat: quibus rationibus conciliatos proceres sperabant, nunquam, de Rege accersendo, acturos: Iacobo autem sine liberis defuncto, Regnum ad se, sine aemulo, peruenturum, aut, si forte ille ab exilio redisset, suam factionem tam potentem fore, vt a vi, etiam sub principe parum aequo, securi essent. Verum, Rege reuerso, & vetere patruj gratia nouis Valteri iniurijs & flagitijs prope restincta, satis apparuit, nihil esse popularis iusticia. Igitur, populo non modo patiente, sed etiam fauente, Mordaco patre cum duobus filijs extinctis, tertio exulante, non eorum modo bonis Rex auctus, sed Ioannis, Comitris Buchaniae, qui sine liberis in Gallia decessit, & Alexandri, Comitris Marriae, qui, & orbus & nothus, domi mortem obiit, de quo, pauca obiter dicenda videntur. Alexander igitur ex Alexandro, Roberti Regis filio, natus, in adolescentia malis perditorum hominum consilijs vsus, ductorem se latronibus praebuerat: verum, cum ad virilem peruenisset aetatem, mores adeo mutauerat, vt alius plane videretur. Igitur, vitijs paulatim decrecentibus, & accedente consilio, ita se, domi forisque, gesserat, vt praecalam sui memoriam ad posteros transmiserit: Nam & domi, ad Harlaum Insulanorum impetum magna cum caede repressit: & bellum periculosissimum, in ipso ortu, extinxit: & cum, multis opibus bene partis, praedijque fructuosis coemptis, vicinos anteiret, non tamen ocio & voluptati se dedit: sed in Flandriam, cum firma popularium cohorte, profectus, Carolum Burgundum, aduersus Leodienses, secutus, ex eo bello rem & laudem retulit: opulentis etiam nuptijs, in Hollandia Batavorum insula, auctus est. Sed, cum peregrini hominis imperium Batavi non ferrent, inde reuersus, classem comparauit, ingenti quidem sumptu, nec magno tamen emolumento, vt aduersus homines, terrestribus & naualibus copijs instructissimos. Tandem numerosam eorum classem, Dahtisco redeuntem, adortus, ea capta & spoliata, nautis caesis, ac nauibus succensis, damnum acceptum hosti multiplex reddidit: atque ita ferociam eorum fregit, vt centum annorum inducias postularint, & acceperint. Idem quoque gregem nobilium equarum, e Pannonia vsque, adducendum in Scotiam parauit: cuius soboles in multos post annos durauit. His igitur Comitibus, longe ditissimis, sine prole defunctis, Buchania & Marria, eorum patrimonia, ad Regem iure peruenierunt: ita trium, qui Roberto

Secundo

Secundo Regi, ex vxore posteriore, nati erant, fratrum solus ipse bonis potius est: sed non sine hominum nobilium, largitionibus assuetorum, indignatione, quod Rex, e tam opulenta praeda, nihil ipsis decideret. Accessit ad hanc, & altera causa recentior, quod quasdam a Roberto & Mordaco, postremis Gubernatoribus, largitiones factas, tanquam iniustas, reuocauerat. In his, duæ erant insignes: Georgius Dumbarius hostis publicus denunciatus, deinde parte bonorum restituta, reuocatus a Roberto fuerat: ei successerat filius Georgius, multis gaudentibus, antiquam & nobilem, & sæpe de patria bene meritam familiam, in pristinam dignitatem rediisse. Sed Regi, dum in ius fisci diligentius (ne dicam acerbius) inquit, visum est potestatem ignominiae demendae, exu-
10 les reuocandi, & bona, ob crimen perduellionis, in fiscum illata, restituendi, maiorem esse, quam ut eam alieni Vicarius imperij, & qui tutoris loco eligatur, usurpare debeat: quando etiam largitiones, in Regum ætate immatura factæ, possint, ex veteri Scotorum instituto, reuocari, nisi a Regibus, ætate maturis, confirmentur. Igitur Iacobus, ut Marcianos, homines bellicosos, Angliæ vicinos, in suam potestatem sine tumultu reuocaret, Georgium apud se retinet: literas ad arcis Dumbari præfectum scribit: imperat, ut eis perfectis, arcem Gulielmo Duglassio, Angusiæ Regulo, & Adamo Hepburno Halensi, ad eam recipiendam, missis, statim traderet. Georgius, cum quereretur, se, nullo iure, patrimonio spoliari, ob crimen alienum, cuius etiam ab eo, qui summæ rerum præerat, venia fuisset impetrata: Rex, ut eius animum placaret, & clementiam apud vulgus
20 ostentaret, eum Buchania donauit. Hoc Regis factum cum, pro cuiusque ingenio & studio, varie celebraretur, incidit alterum quoque, quod vehementer mortem ei accelerauit, altius mihi ab initio repetendum. Dictum est a nobis, Roberto Secundo Regi tres, ex concubina, filios natos: quos ille quanquam ex Eufemia vxore Valterum, & Daudem, alterum Atholiam, alterum Ierniam Comitem haberet, tamen, eorum matre mortua, concubinam vxorem duxit, ut eius filios, per matrimonium illud legitimos factos, Regni hæredes relinqueret: ac moriens etiam penes natu maximum Regnum reliquit: penes secundum, præter opes maximas, etiam Regni procuratio fuit: tertium aliquot regionum constituit Regulum. In hac parte, etsi alterius vxoris liberi, se affectos iniuria putabant, tamen, quia & ætate, & opibus erant inferiores, iram in præsentia
30 tacitam continebant. Eorum quoque potentiam imminuit Comitis Ierniæ mors, qui, vnica relicta filia, decesserat: ea Patricio Gramo, adolescenti nobili, e familia, illa ætate potentissima, vxor data, Melissum Gramum ex ea genuit. Nec parentes diu superstites fuere: & puer, paucis post annis, adhuc adolescens, in Angliam erat missus obsec, dum pecunia, Regi redimendo promissa, solueretur. Atholius autem, etsi, rebus omnibus, aduersa factioni inferior, nunquam tamen studium tollendi propinquos omisit: neque spem recuperandi Regni abiicit: & quia ad vim apertam erat impar, callide discordias eorum fouebat: & periculis insidiabatur: donec, eius maxime consilio, amplissima familia ad paucos fuit redacta: multi enim crediderunt, eo auctore, Daudem, Roberti Regis filium, fuisse sublatum: nec Iacobus eius insidias fugisset, nisi, procul domo, in
40 Anglia bonam vitæ partem transegiisset. Auctor enim erat Eifæ Comiti, ut, fratre ignauo e medio sublato, Regnum occuparet. Cum Rex, liberorum orbis, & fraternæ libidini obnoxius, ex mœrore subito discessisset, vnus erat Regni Gubernator cum liberis, qui spem eius impediret: quippe, homo impiger, diuitijs, potentia, auctoritate, in vulgus item gratia & liberis florens. Ea res, cum eius consilium non nihil remoraretur, Roberto quidem morte naturali, ac Ioanne, filio eius, in prælio ad Vernolium sublato, ad pristinas cogitationes animum multo acrius intendit: atque omnes ingenij nervos in id vnum contulit, ut Iacobum liberaret, & eum cum Mordaco liberisque eius committeret. Hi cum pariter incolumes stare non possent, vtercunque cecidisset, se vno gradu propius admotum ad spem Regni, prospiciebat. Iacobo demum reuerso in patriam, ipse omnes
50 machinas admouebat, ut Mordaco exitum maturaret: per homines idoneos, crimina aduersus eum subministrabat: ipse iudex in eum filiosque eius federat. Iis quoque extinctis, supererat vnus Iacobus, cum vnico filiolo, puero, nondum sextum annum ingresso. Eo quoque, conspiratione procerum, interempto, non dubitabat, quin ipse, qui solus

RERVM SCOTICARVM

e stirpe Regia reliquus erat, ad rerum gubernacula admoueretur. Atholius igitur, dies noctesque his cogitationibus sollicitus, tamen suas cupiditates occultas continebat, ac, per simulationem fauoris erga Regem, in propinquis tollendis operam ostentabat: idque vnum agebat maxime, vt alieno scelere suas opes augetet, aduersariorum immi-
nueret. Interea Melissus Gramus (quem diximus obsidem Anglis datum) a Rege, dum in publicum patrimonium diligentius inquirir, Iernia est spoliatus, quod eam compe-
risset, auo eius materno ea lege datam, vt, deficiente stirpe mascula, ad Regem rediret: feudumque esset Masculinum, vt interpretes Iuris nunc loquuntur. Ea adolescentis innoxij, & absentis & obsidis, calamitas multos ad commiserationem, Robertum vero, eius tutorem, pene ad insaniam redegit: is enim, cæteris impatientius, propinqui sui
casum ferens, Regem non cessabat palam iniusticiæ accusare: cum autem, in ius, ad causam dicendam, vocatus, non affuisset, ei Aqua & Igni interdictum est. Ob hæc, fero-
ciore animo, velut noua iniuria laceffit, ad vindictam pronus, cum eis consilia secreta coquebat, qui vel multati bonis fuerant, vel amicorum supplicia, quantumuis iusta, tamen iniquo animo ferebant, vel Regem auaritiæ insimulabant, quod, ad rem attentior, ipsos parum, pro expectatione, fuerat remuneratus. Ad hæc, non solum ad interitum redactas nobiles familias deplorabat, sed & tutelas adolescentium nobilium, quæ præ-
mia virorum fortium solebant esse, penes Regem esse. Ad vnum, omnes Regni opes congeri: cæteros, sub ingrato laborum æstimatore, in miserijs & inopia contabescere. Hoc autem quod de tutelis exprobrabat, huiusmodi est. In Scotia & Anglia, & non
nullis Galliarum regionibus, mos est, vt, mortuis parentibus, pueri nobiles, ad vicesimum primum vsque annum, in eorum tutela mancant, quorum sunt beneficiarij: fructus-
que omnes agrorum (præter sumptus, ad pupillum alendum, necessarios) & præterea dotes, ab vxoribus pupillis datæ, ad huiusmodi tutores redeant. Hæ autem tutela, vel (vt vulgo appellantur) custodia, cum, aut modica pecunia propinquis vendi, aut bene meritis plerunque donari, solerent, qui inde, ex emptione, lucrum, vel, ex donatione, præmium sperabant, angebantur, eas ad Regem vnum peruenire: neque tacitum suum dolorem ferebant. Huius generis querelæ cum ad Regem perlatae essent, id factum, velut necessarium, excusauit: Patrimonium enim publicum ita, per supe-
riores Reges & Gubernatores, extenuatum, vt, nec familia principe digna, nec comi-
tatus honestus haberi, nec magnificentia erga Legatos exteros exerceri, posset: nec hanc diligentiam Regis, in pecunia honestis rationibus paranda, esse inutilem Nobili-
tati, cui nihil magis aduersum sit, quam inopia publica, dum Reges, quo carere non possunt, id per vim a ditioribus extorquere, conantur, aut plebem coguntur, exigendis tributis, vexare: multoque minus in publicum obesse Regum parsimoniam, quæ modum donationibus immodicis imponit, quam profusionem, quæ, suis consumptis, sine modo in aliorum bona debacchatur. Hoc responso, Rex æquioribus satisfecit: iniquiores vero, qui magis conquerendi causam, quam criminum iustam expurgatio-
nem quærebant, vehementius, ad maledicendum, excitauit. Hoc statu rerum in Scotia, legatio e Gallia aduenit, quæ petebat, vt Margarita, Iacobi filia, Ludouico, Caroli Septi-
mi filio, iam dudum desponsa, ad sponsum mitteretur. Ea aliam Anglorum legatio-
nem exciuit. Angli enim, ab alienato ab eorum amicitia Burgundo, & defectionem mo-
fiiente, Lufecia, cæterisque prouincijs transmarinis tumultuantibus, ne, cunctis Regni viribus in bellum Francicum infelicitatis, Scoti ab aduersa parte eos adorirentur, & fo-
deris cum Gallis renouationem, & nuptias impedire nitebantur: atque, ad foedus perpetuum cum ipsis, qui, in eadem Insula nati, eiusdem linguæ participes essent, fe-
riendum, adhortarentur. Id si facerent, seseque iurarent, eosdem, quos Angli, amicos inimicosque habituros, pollicebantur, suum Regem Bernico, Rosburgo, cæterisque omnibus locis & agris, qui iuris controuersi habebantur, cessurum. Scotus eam peti-
tionem cum ad omnes omnium Ordinum, qui Perthi erant congregati, retulisset, post longam ea de re disceptationem, Ordine Ecclesiastico in duas factiones diuiso, iu-
clamatum est a Nobilitate, se fraudem Anglorum agnoscere, qui, nouo isto foedere, veterem cum Gallis amicitiam soluere, conentur, vt Scotos, antiquis amicis spoliatos,
sibi

sibi facilius obnoxios redderent, dum, aliis curis liberi, in id bellum totis viribus incumbere possent: eo spectare tam benignam Anglorum pollicitationem: se vero antiquo foederi staturos, nec a fide, semel promissa, discessuros. Hac parte repulsi Angli, a precibus ad minas transeunt: & amicitiam renuentibus bellum denunciant: filiamque si Rex inimico Anglorum desponsam in Galliam transmitteret, se iter, quoad possent, impedituros, illamque, & comites eius in suam potestatem redacturos: classem enim iam se ad id paratam habere. Hac Legatorum comminatio adeo Regem non deterruit, ut, ornata classe, magnoque comitatu nobilium virorum ac foeminarum imposito, celerius, quam constituerat, filiam soluere cogeret, ut Angli consilia praeueniret. Verum, 10 quo minus in manum hostium deuenirent, magis numine propitio, quam humana prouidentia factum, videri potest: nam, cum non longe ab eo loco abessent, ubi, in insidijs collocati, Angli Scotorum aduentum praestolabantur, ecce repente, classis Belgica apparuit, quae vinum e Rupella in Flandriam portabat. In eam (quod Burgundus, non adeo pridem Gallo reconciliatus, hostes eius totis viribus oppugnabat) magno impetu Angli feruntur: ac breui naues expeditae onerarias assequuntur: & prope nullo negotio, armati inermes capiunt, verum, antequam in portum captas pertraherent, Hispani, incompositos adorti, praedam auferunt: & incolumes Flandros dimittunt. In hac tam varia trium nationum fortuna, Scoti, hoste non conspecto, Rupellam applicant. Eo missis obuiam multis ex aula Gallica viris claris, Turonas deducuntur. Ibi, magno cum 20 gaudio, & vtriusque gentis mutua gratulatione, nuptiae sunt celebratae. Hoc loco, scriptores Angli, & in primis Eduardus Hallus, & eius suppilator Grafronus, in Iacobum plenis velis inuehuntur, tanquam ingratum & perfidum, citoque beneficiorum acceptorum immemorem, quod tam humaniter tot annos ab Anglis habitus, quod Regijs nuptijs honoratus, quod ampla dote auctus, quod, e diuturna seruitute, in libertatem restitutus, tot tantaque beneficia oblitus, Gallicam amicitiam Anglicae praeulerit. Sed eorum maledicentiam res ipsa facile refellit. Nam, quod in suum litus, appulsum, praefer foedera, praefer ius Gentium, detinuerunt, primum iniuria est, non beneficium: quod non occiderunt, ac pecuniam potius accipere, quam inuidioso non hostis, sed hospitis sanguine se pollueri, voluerint, non eorum amoris erga se, & misericordiae, sed magis 30 avaritiae vitam debet: & si quod in eo beneficium est, quod aliud id existimari potest, quam latronum, qui vitam, quibus non eripuerunt, dedisse, videri volunt? & si quid, ob id, Anglis debebat, quod suo lucro consuluerunt, certe priuatim, non publice, id debebat. Quod autem adolescentem, aetate innoxium, fortuna, supplicem, nascendi condicione, Regem, per summum nefas retentum, honeste instituendum curarunt, habet res humanitatis quandam speciem, quam si neglexissent, extra reprehensionem non erant futuri: & quae, beneficij nomine, commendari poterat, nisi gratia eius, antecedente iniuria, & avaritia consecuta, fuisset corrupta: nisi forte, si quem ultro vulneres, a curato gratiam reposcas: & magni damni leuem compensationem, beneficij loco ponendam, existimes: aut, quia tui partem aliquam feceris officij, solidum collati 40 in alterum beneficij expetas praemium: & quod tibi praestitisti, alteri expensum ferri, velis. Nam qui seruum hominem curat erudiendum, vel suae oblectationis causa, vel, ut pluris eum reuendat, etsi ad eum qui eruditur, aliqua redit utilitas, tamen dominus non serui, sed suum emolumentum, in erudiendo, spectat. At uxorem ei coniunxerunt sui Regis propinquam, & iuuenem Regium Regijs nuptijs honorarunt. Quid si ea affinitas non minus honorifica fuit socero, quam genero? quam enim priuato alicui collocaturus erat, Reginam fecit: & in eam familiam nuptum dedit, in quam Regum Anglicorum clarissimi, saepe ante, suos liberos collocauerant: & vnde tot superiores Reges oriundi fuerant. At dotem adiecerunt peramplam. Cui vero dos ista data est? nempe ipsis Anglis, qui eam, antequam numeraretur, eripuerunt: & marito tantum 50 verbis ostentatam, in suum vsum retinuerunt. Itaque dicta, non data dos est: & ita dicta, ut a iuvene, plurimis & maximis alioqui iniurijs affecto, multum sibi deberi, velint, quod indotatam uxorem domum reduxerit. At liberum eum domum remiserrunt: certe, ut qui a piratis liberantur, precio persoluto. Sed quo pacto liberum? Si

RERVM SCOTICARVM

ipsorum scriptoribus credamus, iurare coactum, ut Anglo, tanquam domino, semper obtemperaret: & Regnum, cuius nondum compos erat, in seruitutem perpetuam adiceret: & quod, etiam si haberet, alienare non posset: antequam acciperet, alteri manciparet. Non igitur eum liberum, sed laxiore in speciem cathena vinctum, remiserunt, non quidem Regem, sed alieni Regni Procuratorem, aut potius Vicarium. Omitto dicere, quod hominem captiuum, & adhuc alieni iuris, cogunt promittere: & id quidem promittere, quod præstare non poterat, nec, ad præstandum, eos, quorum in potestate id erat, cogere. Hæc est illa præclara liberalitas, cuius eum immemorem arguunt. Verum, ut permittamus hominibus imperitis, & omnis, in scribendo, modi & modestiæ oblitis, ut emolumenta accepta in beneficijs datis annumerent, quantam illam existimamus vel mentiendi licentiam, vel maledicendi libidinem, qua, in eiusdem Regis filiam, vruntur: quam, ob oris graueolentiam (nihil enim in mores, homines alioqui tam impudentes, audebant confingere) marito scribunt fuisse ingratham? At Monstreletus illorum temporum scriptor æqualis, & probam fuisse, & formosam, memoriæ prodidit: & qui librum Pluscartensem scripsit, eique Regina, & nauiganti & morienti, fuit comes, scriptum reliquit, eam, dum vixit, egregie caram socero, socru, & marito fuisse, epitaphiumque carmen, omni laude plenum, Gallicis versibus, Catalauni ad Matronam (quo in opido decessit) fuisse publicatum, quod in Scoticum sermonem versum, plerique nostrorum adhuc habent. Sed omisissis hominibus alienæ famæ calumniatoribus, & suæ tam negligentibus, ut nihil pensi habeant, quid vel ipsi de alijs dicant, vel alij de ipsis sentiant, ad rem veniamus. Cum Rex, ob sumptum, in classe ornanda, factum, tributum a populo exigere, tentasset, maiorque pars aperte recusasset, quicquam pendere, pauci & parum & maligne dedissent, Rex coactores iussit, a reliquo exigendo desistere: & quod exactum erat, restituere. Nec tamen ita populi sermones effugit: maleuolis & ob incommoda priuata, iratis nouarum rerum cupidos aduersus eum assidue incitantibus. Eodem tempore, Angli, terra marique e Scotia prædas agere, coeperunt, duce Percio, Northumbriæ Regulo. Aduersus eos missus Gulielmus Duglassius, Angusiæ Comes, cum pari fere numero: erant enim circiter quaterna vtrique milia. Cecidit a Scotis Alexander Ionstons Lothianus, vir nobilis, & spectatæ virtutis. Ex vtraque acie, alij, ducentos, alij, quadraginta tantum caesos affirmant: ex Anglis capti ad mille quingentos. Rex, iam bis ab Anglo prouocatus, primum insidijs, ad filiam intercipiendam, collocatis, deinde, recentibus agrorum populationibus, aperto bello eum aggredi statuit. Confecto igitur, quam maximo potuit, exercitu, Rosburgum acriter adoritur, cumque breui deditiorem expectaret, Regina, quantis potuit itineribus, ad eum vesca, trepidum in castra nuncium affert, sauiissimam in caput eius coniurationem parari: ac, nisi diligenter prospiciat, maturum exitium imminere. Rex, tam inexpectato malo ictus, dimisso exercitu, domum reuertitur, pessimo in vulgus rumore: in ipso enim articulo rei perficiundæ, ad nutum foemina, maximis sumptibus, & vexatione totius Regni, nihil aliud, quam dedecus quæsitum videri. Reuersus Rex, in Cœnobium Dominicanorum, quod iuxta moenia Perthi erat, diuertit: ut ibi, quam maxime posset, occulte de coniuratione quæreret. Sed res non latuit homines, in omnem patrandi sceleris occasionem intentos: vnus enim e domesticis ministris, qui in coniurationis erat (Ioannem scriptores appellant, cognomen non edunt) perlato ad socios, quod in Regia agi senserat, fecit, ut res maturaretur, prius quam occulta consilia proferrentur, ac remedia adhiberi possent. Valterus quidem Atholius, Regis patruus, etsi princeps auctor facinoris obeundi erat, tamen, quantum fieri poterat, suspiciones omnes a se segregabat. Is propinquum suum, Robertum Gramum (cuius ante meminimus) hominem manu promptum, consilio præcipitem, & Regi antea infensum, cum ob incarcerationem, & exilium ante indictum, tum ob fratris filium, cui ipse tutor erat. Iernia spoliatum, eum Atholius ad se vocat: ei adiungit suum ex filio nepotem, Robertum, iuuenem impigrum: docet, quid fieri velit: facinore peracto, se in summa potestate futurum: ibi, saluti quoque illorum prospecturum. Illi operam libenter promittunt, ac, facinus aggredi, festinant, ante, quam tota coniurationis ratio patefacta Regi esset.

Igitur

Igitur manu occulte collecta, ut Regem, quem, cum paucis in Coenobio Dominicano. rum diuertere, sciebant, incautum minimo cum tumultu opprimerent: Ioannem ministrum Regium, iam ante ab eis in partes tractum, adhortantur, ut promissam operam præstet. Is coniuratos, in Regiam introductos nocte concubia, prope Regium cubiculum occultos collocat: ostendit, ostium, pessulo abs se ablato, facile confringi posse. Alij, a Roberto, Comitis Atholij nepote, putant in Regiam acceptos. Interim, dum intenti illic expectant, quod in mora futurum videbatur, nempe, ut cubiculi fores perfringerent, absque eorum opera, fortuna expediuit. Valterus enim Stratonius, qui vinum paulo ante intulerat, egrediens, cum cerneret armatos, intro se proripere conatus, 10 quanta potuit contentione vocis, proditores adesse, clamat. Hunc dum sicarij conficiunt, adolescentula nobilis, e gente Duglassia, ut plures tradunt (alij Louelliam edunt) cum, obiecta valua, pessulum, fraude ministri ablatum, non inueniret, brachium in foramen, loco pessuli, inferuit: sed, eo celeriter confractione, intromissi sicarij in Regem irruunt. Eum Regina, suo corpore obiecto, cum protegere conaretur, ac prostrato se superfudisset, duobus vulneribus acceptis, vix abstrahi potuit. Tum ipsum, ab omnibus relictum, viginti octo plagis confossum, aliquot recta in eum directis, trucidant. Hunc finem vitæ habuit Rex longe optimus, a sceleratissimis latronibus morte crudelissima, & omnibus bonis maxime luctuosa, affectus. Diuulgato, ex comploratione & tumultu, eius interitu, magnus undique in Regiam fit concursus: reliquumque 20 noctis (quoniam parricidæ per tenebras enaserant) querimonijs & lamentationibus est transactum. Ibi varie, pro cuiusque ingenio, vel acerbe, ad parricidarum inuidiam, vel miserabiliter, ad amicorum dolorem augendum, quæcunque ei vel secunda, vel aduersa euenerant, commemorabantur. Pueritia, patris insidijs exposita, quas dum vitat, ipse in hostium potestatem præcipitatus: patris deinde mors consecuta, & reliqua adolescentia, in exilio inter hostes acta: deinde, vertente fortuna, reditus insperatus, &, post reditum, paucis annis, res turbulentissimæ in summam tranquillitatem commutata. Ac rursus, subita rerum commutatione, cui hostes foris pepercerant, propinquo- 30 rum fraude circumuentus, in ætatis vigore, & regni legibus, & moribus constituendi medio cursu. Corporis præterea & animi virtutes, extincta erga mortuum inuidia, veris laudibus ornabantur. Nam licet statura fuerit infra iustam, corpore tamen erat adeo robusto & firmo, ut æquales omnes, in omni genere exercitationis, ubi vires & agilitas spectari solet, facile superaret: tanta ingenij celeritas & vigor, in eo fuisse, dicitur, ut nullam, homine ingenuo dignam, artem ignorauerit: carmina Latina, ut illud erat sæculum, rudia ex tempore fundebat: Anglico quidem sermone poemata ab eo conscripta nonnulla adhuc extant: in quibus ingenij præstantia elucet, expolitior doctrina fortasse requiratur: in musicis curiosius erat instructus, quam Regem vel deceat, vel expediat, nullum enim organum erat, ad psallendi usum, comparatum, quo non ille tam scite modulabatur, ut cum summis illius ætatis magistris contenderet. Sed hæc fortasse studio- 40 rum flores verius, quam fructus quispiam existimabit: quæque vitam magis ornent, quam instruant, & ad res gerendas, cōfirment. Philosophiæ cum alias partes, tum eam, quæ de Moribus & Republica regenda, est, diligenter didicerat. Virtutes certe ciuiles quantæ, & quam in eo maturæ fuerint, testatur ordo rerum ab eo gestarum, & leges latæ, quibus, non suo tantum sæculo, sed posteritati etiam vehementer profuit. Mors vero eius declarauit, nihil iusticia esse popularius: nam qui, viuo detractare, soliti erant, mortuum flagrantissimo desiderio sunt persecuti. Proceres enim, nuncio cædis accepto, ex omnibus regionibus sponte conuenerunt: ac, nondum quæstione decreta in omnes partes ultro emisertunt, qui percussores comprehenderent, & in ius ducerent. Compluribus captis, principes nouo & exquisito genere supplicij affecti: reliqui laqueo strangulati sunt. Principes, in facinore consciscendo, numerabantur, Valterus, Atholix Comes, & 50 nepos ex filio Robertus, & eorum propinquus, Robertus Gramus. Valteri supplicium (quia totius facinoris perpetrandi auctor erat) in triduum diuisum fuit. Primo die, vehiculo, in quo Ciconia erecta erat, impositus, funibus per trochleas transmissis in altum attol- lebatur, ac subito, iisdem funibus remissis, demittebatur, donec pene terram attingeret,

RERVM SCOTIC. LIB. DECIM.

cum grauiſſimo per omnes corporis compages dolore: deinde, in Columellam elato, vt omnibus eſſet conſpicuus, ferrea corona candens impoſita eſt, cum hoc elogio, vt proditorum omnium Rex appellaretur. Huius ſupplicij cauſam fuiſſe, ferunt, quod, Valterus aliquando ex maleficis mulieribus (quo genere, ſemper Atholia erat infamis) acceperat, ſe in maxima celebritate Regem coronatum iri: idque vaticinium ira vel impletum, vel eluſum eſt: ac certe tales prædictiones frequenter huiusmodi ſortiuntur euentus. Poſtridie, ſuper cratem alligatus, & ad caudam equi per vicum maximum Edimburgi tractus eſt. Tertio die, ſuper tabulam extento, in loco conſpicio, viuenti inſtina detracta, & in ignem iniecta, ipſo ſpectante, cremata ſunt: demum cor euulſum in eoſdem ignes iniicitur: caput præſectum, in ſpectatiſſimo vrbiſ loco conto confixum, ad ſpectaculum proponitur: corpus, in quatuor partes diuiſum, ad vrbes Regni nobiliſſimas, in locis celebrioribus ſuspendendum, mittitur. Secundum enim, nepos luit: ſed, vt leuiore pœna deſungeretur, valuit in eo reſpectus ætatis, & quod, non auctor, ſed alieni ſcleris comes, auo paruerat. Igitur in cruce ſuffocatus, & membratim diſſectus fuit. Robertus vero Gramus, qui manu facinus peregerat, in curru per urbem traductus, dextera ad patibulum, in ipſo curru erectum, affixa: adhibiti carnifices, qui candentibus ſtimulis ferreis femora humeroſque, & corporis partes, quæ longius a vitalibus abſunt, aſſidue confoderent: eodem deinde, quo priores, modo diſſectus eſt. Hoc maxime pacto, mors Iacobi, crudelis quidem illa, ſed certe vltra humanitatis modum, crudeliter vindicata eſt: huius enim generis ſupplicia vulgiani- mos non tam a ſauitia metu auocant, quam, ad quiduis agendum & patiendum, effe- rant: nec, æcerbitate, tam prauos deterrent, quam, aſſuetudine ſpectandi, terrorem po- narum imminuunt: præſertim, ſi facinoroſum animi, aduerſus vim doloris, indurue- rint: apud vulgus enim imperitum, confidentia pertinax conſtantis fiduciæ plerumque laudem accipit. Obiit Iacobus, initio Anni milleſimi quadringentefimi trigefimi ſeptimi, ad vicesimum diem Februarij, cum regnaſſet annos tredecim. Vixit annos quadraginta quatuor. In eius morte vleiſcenda, tanta adhi- bita eſt diligentia, vt omnes coniurati, intra quadageſimum diem, penas luerint. Reliquit filium vnum, poſterio- rem e geminis, cui faciei dimidium, velut ſanguine ſuffuſum, rubebat.

CIS. CD.
XXXVII.

R E R V M



R E R V M
 10 S C O T I C A R V M
 H I S T O R I A,

Auctore Georgio Buchanano Scoto.

LIBER VNDECIMVS.

CIII. REX.

20 **S** E C V N D V M parricidarum supplicium, Iacobus, vnicus Regis extincti filius, vixdum septimum ingressus annum, ad sextum Calendas Aprilis, in Coenobio Sanctæ Crucis ad Edimburgum, Regnum iniit. Rege nondum rebus administrandis idoneo, magna certatum est ambitione, inter proceres, de Prorege eligendo. Omnes, ea ætate, Scotos diuitijs & potentia longe anteibat Arcibaldus, Duglassiæ Comes: auctoritate vero, & opinione prudentiæ multis officijs, sub Rege superiore, collecta, præstabant Alexander Leuistonius, & Gulielmus Crichtonius, Equestri vterque familia: ad hos autem magis procerum consensus inclinauit, quod Duglassij suspectam haberent (etiam Regibus grauem) potentiam. Igitur Alexander
 30 Leuistonius rerû Administrationi præficitur. Gulielmus Cancellarius est creatus, quem, sub Rege superiore, magistratum gesserat. Ab eo conuentu Nobilitate vix digressa, factionibus est laboratum: cum enim Cancellarius cum Rege in arce Edimburgensi, Prorex cum Regina se Sterlini contineret, Duglassius, præteritum se proximis comitijs, indignatus, & incertus, vtram factionem magis odisset, omnia misceri, non moleste ferebat. Itaque, eo magis non impediante, quam consentiente, Annandiani homines, latrocinijs & furtis assueti, palam, velut ex hostico, agere, rapere, omnes regiones vicinas infestas habere, cœperunt. Iis de rebus, cum ad eos, qui summæ Rei præerant, querelæ fuissent delatæ, ipsique per literas Duglassium (cuius in potestate erant Annandiani) sui officij admonuissent, deinde acrius cum eo expostulassent, ille, tantum absuit, vt
 40 præterita puniret, vt, impunitate, gliscens malum aleret: atque ediceret, ne quis suorum Regijs ministris, in ius vocantibus, aut quiduis pro Magistratu agentibus obtemperaret: se enim id priuilegium (ius Regale vulgo appellant) a Regibus habere superioribus. Id qui imminuere tentasset, capite poenas daturum. Hunc rerum statum cum Prorex, & Cancellarius magis deplorare, quam mutare possent, ea pæssis ad proxima quæque proserpens, quicquid Scotiæ intra Fortham est, velut tabes, breui peruasit. Reliquæ duæ factiones, etiam inter se discordes, per præcones in omnibus opidis ac prope vicis edicunt, Alexander, ne quis Cancellario, Cancellarius, ne quis Alexandro obtemperet: Si quis, ad suas calamitates deplorandas, ad alterum venisset, a diuersæ factionis hominibus, in reditu, male accipiebatur: interdum, villis incendio corruptis, omnibus
 50 exuebatur fortunis. Ita mutuis cladibus diuersarum partium homines, odio plusquam hostili, sese conficiebant. Viri autem boni, qui ad nullam se factionem adiunxerant, rerum suarum incerti, publica salute deplorata, moesti atque taciti, se domi continebant. Ita, interea dum ad se quisque vires contrahit, publica utilitas, ab omnibus in

RERVM SCOTICARVM

medio relicta, destituitur. Regina, quæ cum Prorege se Sterlini continebat, ne nullam
 suis partibus accessionem facere, videretur, virilis animi facinus aggreditur: Edimbur-
 gum enim, velut ad visendum filium, profecta, in arcem a Cancellario recipitur. Ibi
 benigne habita, cum, post primos congressus, conuertisset sermonem, ad præsentem
 Regni statum deplorandum, copioseque differuisset, quor, & quanta publice mala ex
 hac discordia, velut fonte, redundarent, suum semper animum eo spectasse, vt dissidijs
 ex vtilitate publica compositis, si non tranquillum, tamen aliquem Regni statum habe-
 rent. Nunc, quando nec auctoritate, neque consilio in publicum prodesset, priuatim,
 quoad posset, profuturam: omnemque operam in eo collocaturam, vt filius, in spem
 Regni, ita honeste ac pie educaretur, vti malis, quotidie gliscentibus, remedium ali-
 quando posset afferre: eam curationem, sibi a natura datam, minime inuidiosam cui-
 quam videri debere: cæteras Administrationis publicæ partes vsurparent, qui tanto se
 oneri existimarent non impares: sed ita vsurparent, vt, aliquando Regi adulto ratio-
 nem se reddituros, cogitent. Ad hæc, cum ita vultum composuisset, vt facile Cancellario
 sinceri animi fidem faceret, neque in comitatu eius quicquam esset, vnde vis aut
 fraus timeri deberet, potestatem ei fecit, vt filium, quoties vellet, sine arbitris conueni-
 ret, & in arce interdum cum eo pernoctaret. Interea mulier callida, serendo plerunque
 sermones, de tollenda inter partes discordia, quosdam etiam diuersarum partium in col-
 loquium euocando, ea familiaritatis hominem illexit, vt, de rebus prope omnibus,
 consilia cum ea conferret. Cancellario ita delenito, puero facile persuadet, vt ex hoc
 carcere sese libertatis auctorem sequeretur: hominique nefario, qui sceleribus suis Re-
 gium nomen prætenderet, omniaque regni munia in se vnum traheret, & neglecta sa-
 lute publica, rem priuatam auget, se eriperet. Id vt faceret, animo tantum, non abhor-
 rente a rectis amicorum consilijs, ei opus esse: cætera curæ ipsius relinqueret. Huius ge-
 neris orationibus facile mater filium, & callida mulier puerum incautum, proposita li-
 berius viuendi spe, ita in suam traxit sententiam, vt in eius potestate Rex futurum se di-
 ceret. Omnibus igitur ad fugam satis paratis, Cancellarium adit: se obligatam voto,
 pro salute filij suscepto, in arce ait pernoctaturam: summo mane ad Album fanum (ad
 loco nomen est) profecturam: interea dum rediret, filij salutem ei se commendare.
 Ille, nullam subesse verbis fraudem ratus, felicem precatus & profectionem & reditum,
 eam dimittit. Igitur (vti ante conuenerat) in arcula, in qua solita erat mundum mulie-
 brem recondere, ex arce, per ministros fidos, Rex postmodum exportatus, Letham ad ma-
 re deferitur. Regina cum paucis, quo res minus esset suspecta, subsequitur. Omnes in
 paratam ad portum nauiculam ingressi, secundo æstu Sterlinum petunt: ac, dum Re-
 gij ministri expectant, in multum diem, donec Rex expurgiscatur, antequam frangi
 detecta esset, iam nauis extra periculum euaserat, ventoque adeo secundo vsa est, vt,
 sub vespærum, Sterlinum appelleret. Ibi Reges a Prorege, omnique promiscua mul-
 titudine, populariter effusa, summo cum gaudio, faustisque acclamationibus exci-
 piuntur: Regine æstus omnium sermone celebratur: Cancellarij inueterata pruden-
 tiæ opinio infimis etiam ludibrio habetur. Hæc res biduum (vt solet) vulgi immoderata,
 læticia iactata est: atque in omnium ore versata. Terrio die, qui Alexandri fa-
 ctioni se dediderant, plerique etiam spes novas, nonnulli, Regij nominis aucto-
 ritatem secuti, conuenere: quibus rei, vti gesta erat, ordine exposito, Regine ani-
 mus, in re suscipienda, in gerenda consilium, in euentu felicitas, immodicis laudi-
 bus in cælum fertur: Cancellarij auaritia & crudelitas in omnes, in Reginam &
 Proregem ingratitude grauiter inculatur: eum omnium discordiarum, & proinde
 omnium, quæ ex discordia ciuili oriuntur, malorum vnum auctorem esse:
 eum vectigalia publica in priuatam domum auertisse: priuatorum bona, quæ po-
 terat, diripuisse, quæ non potuerit diripere, corrupisse: apud vnum opes, honores,
 diuitias esse: apud cæteros ignominiam, solitudinem, egestatem: hæc quanquam
 acerba sint, grauiora omnibus expectanda fuisse, nisi, diuino plane consilio, non
 minus fortiter, quam feliciter Regem e carcere, cæteros a Cancellarij tyrannide Regi-
 na liberauisset: ab eo, qui Regem in custodia tenuisset, quid priuatis foret timendum,
 nemini

nemini esse obscurum: quæ spes reconciliandi aduersarijs cum eo relicta foret, qui
 amicos tam perfide circumueniret: quod subsidium ab eo tenuioribus esset sperandum,
 cuius inexplibili auaritiæ omnium bona non sufficerent? Itaque, cum opæ diuina
 primum, deinde Regina solertia, ab eius impotentia sint in libertatem vindicati,
 prospiciendum omni ratione, vt hæc latitiae eis sit perpetua: vnam ad id, viam restare,
 si ab illa tyrannidis arce hominem extrahant: & aut opprimant, aut ita exarment,
 vt ne quid ab eo, in posterum, sit metuendum: quanquam, id ipsum parum tutum esse:
 imburam enim cadibus & rapinis, belluam, nunquam conquieturam, dum spiritus
 & vires ei suppetere. Hæc in concilio cum Alexander, magno cum audientium
 assensu, differuisset, sit decretum, vt, domum reuersi, quantum quisque militum
 possint, adducant: arcem enim Edimburgensem obsidendam, nec, ante rem confe-
 ctam, inde discedendum. Id quo facilius fieret, Regina, magnum frumenti numerum
 e suis horreis, quæ in Fisa erant, eo se aduecturam, pollicetur: celeritate opus esse, dum
 consilia adhuc occulta sunt, necdum ab hoste prouisa forent, quæ obsidioni toleranda
 essent commoda: nec ab Duglassio interim quicquam timendum: quem, in Cancellaria
 odio implacabili esse, scirent: penes se virium & pecuniæ satis, penes se Regij
 nominis auctoritatem esse, qua semel hosti adempta, nullam spem amplius, nisi in
 ipsorum clementia, superesse. Ita conuentu soluto, breui rebus omnibus ad expedi-
 tionem comparatis, arx obsidione arctissima clauditur. Interea Cancellarius, qui
 hostium conatus exploratos habebat, summam spem, salutis & dignitatis tuendæ, in
 eo ponebat, si Duglassium secum coniungeret. Missi igitur, qui suppliciter & demisse
 cum eo agerent, Cancellariumque in fidem eius traderent, si in præsentia auxilium
 ferret: falli enim Duglassium, si, Cancellario extincto, per quem ad ipsius exitium
 gradum faciant, ibi existimaret, libidinem eorum & crudelitatem staturam. Ad ea,
 Duglassius magis libere, quam vtiliter respondit, Alexandrum & Gulielmum pari
 esse perfidia & auaritia: non de virtute & bono publico, sed, de priuatis aut com-
 modis, aut simultatibus, certamen inter eos esse: quo in certamine, vter alterum
 vinceret, nihil interesse: si vterque occidisset, magno id totius regni emolumento
 futurum: nec vllum viro bono latius posse dari spectaculum, quam si tale per gla-
 diatorum commissum cerneret. Id responsum, cum, iam obsessa arce, apud vtrosque
 diuulgatum esset, effecit, vt, omnium spe celerius, de pace conueniret. Inducijs in-
 biduum datis, Alexander & Gulielmus, inter se colloqui, intellexerunt, quanta non
 solum publica, sed priuata vtriusque perniciæ dimicaturi essent, si in odio pertinaciter
 perstarent: Duglassium enim, velut in specula, intentum in eius certaminis euentum
 stare, vt integer victorem adoriretur: & omnes regni vires, aut altero sublato, aut
 vtroque fracto & debilitato, in se vnum traheret: nullam alterutri spem salutis, nisi in
 communi concordia, fore. Itaque homines, alioqui prudentes, præsens periculum facile
 conciliauit. Gulielmus, clauibus, vt conuenerat, Regi oblatis, se, arcemque in eius
 potestate esse, profiteretur: neque alium vnquam suum animum fuisse, quam, vt Regiæ
 voluntati obsequeretur: magnoque omnium, qui aderant, assensu, in gratiam receptus
 est. Rex, ea nocte, in arce sibi dedita cœnauit: postridie, arcis Præfectura Gulielmo,
 Regni Administratio Alexandro permessa est. Ita, post odium exitiabile inter eos, in
 posterum, vt sperabatur, mutui emolumenti spes, & ab hoste communi timor arctissi-
 mam amicitiam confirmarat. Per hos ciuiles motus factionum, præter latrocinia, &
 ignobilium hominum cædes, quæ passim fiebant impune, residua quadam, inter illustres
 familias, odia recruduerunt. Altero, post Regis mortem, anno, 11. Cal. Octob. Thomas
 Bodius a Cella Marnoci Alanum Stuartum Dernelium, obuium sibi inter Limnuchum
 & Varium sacellum, per inducias interemit. Proximo post anno, ad vii. Id. Iul. Alexan-
 der, Alani frater, multis vtrinque castris, iusto prope prælio, Thomam victum occidit. Op-
 portune in hæc tempora incidere, visa est mors Arcibaldi Duglassij, cuius viui potentia
 omnibus formidolosa fuerat. Decessit febre, altero, ab Iacobi Primi morte, anno. Ei
 successit Gulielmus filius, sextus in hac familia Comes: quartumdecimum is agebat
 annum, adolescens maximæ quidem spei, si, tanta indole digna, accessisset educatio.

Sed ætatem adhuc teneram, præmatura libertate insolescentem, perpetua magnarum domuum pestis, adulario corruptit: homines enim ocio assueti, & quibus opulentiorum stultitia quæstui est, paternam laudando magnificentiam, diuitias, opesque supra Regias, eo impulerunt simplex & incautum, aduersus hæc mala ingenium, ut ingentem aleret familiam; magno semper comitatu, etiam supra privati sortem, prodire in publicum: veteres clientelas officijs retineret: novas largitionibus ascisceret: Equites crearet, & Senatores: Ordinesque distingueret, per quos, Regni publicos conuentus imitaretur: nihilque prorsus omitteret, quo principis maiestatem æquare posset. Hæc cum essent per se inuidiosa, illud quoque bonorum indignationem non mediocriter angebat, quod, cum plerumque duobus millibus equitum superaretur, in ijs homines facinorosos, latrocinijs infames, & plerosque capitalia ansos, in Aulam & Regis conspectum adduceret: ut, non solum potentiam ostentare, sed omnibus bonis per hæc timorem incutere velle, videretur. Hæc eius insolentia etiam ex eo aucta est, quod missis in Galliam legatis, hominibus claris, Milcolumbo Flaminio, & Ioanne Lauderio, commemoratis, in Reges Galliarum, maiorum meritis, facile obtinuit, ut Turonum Dux appellaretur: quem honorem auus eius a Carolo Septimo, ob res in bello præclare gestas, acceperat: paterque ad eum diem, tenuerat. Hæc viri accessione elatus Proregem & Cancellariū, paternos, ut ipse dictitabat, inimicos, contemnebat: neque Regem magnopere metuebat. Duglassiorū igitur opes cum, ob hæc, iam pridem nimie viderentur, accessit & noua suspicionis causa. In Lorna Gulielmus Stuartus amplū habebat patrimonium: eius frater Iacobus cum, defuncto Rege, auctus esset nuptijs Regina, ac liberos iam ex ea suscepisset, indignabatur, se ad nullam munerum publicorum partem admitti: is, quo facilius, quod concupierat, adipisci, & conceptum dolorem vlcersci, posset, visus est a Duglassij factione non alienus, nec Regina eius consilij ignara credebatur, indignata maxime, quod sua merita non perinde, ac ipsa sperabat, Prorex expenderet. Has ob suspensiones, Regina cum marito, & mariti fratre, ad quartū Non. Aug. anno, in custodiam sunt traditi: ipsa quidem in cubiculo, alioqui angusto, arte & diligenter asservata: reliqui, compedibus vincti, in carcerem coniecti, nec prius dimissi, quam in conuentu procerum, prid. Cal. Sept. Regina se, a nouorum consiliorum conscientia purgasset: Iacobus cum fratre prædibus cauissent, se neque aduersus Proregem quicquam attentaturos: neque ullam publici muneris partem, eo inuito, aggressuros. In hac rerum inconstantia, A Ebudani, exscensione in continentem facta, longe, late, ferro flammaque vastantes, absque sexus & ætatis discrimine, nullum crudelitatis aut avaritiæ exemplum sibi reliquum fecerunt: neque contenti, in maritima grassari, in Leuinia etiam, e Marini insula, quæ est in lacu Lominio, Ioannem Colchonium, hominem nobilem, fide data, ad colloquium euocatum, interemerunt, XXI. die Sept. Huius generis cum fœda passim ederentur facinora, partim agrorum incultu, partim cæli intemperie, secuta est ingens annonæ caritas: pestilentia etiam laboratum, prope per biennium, tanta morbi sauitia, ut correpti, intra vnus diei spatium, exanimarentur. Causas horum malorum, vulgus in Alexandrum Proregem, conferebat: is enim, rebus ex sententia procedentibus, Cancellario, illiusque factionis optimatibus contemptis, omnem rerum Administrationem in se vnum trahebat, eum enim querebantur, homines, Nobilitate insignes, & opibus, ob leuissimas nouarum rerum suspensiones, vinclis coercere, grauissimoque afficere supplicio, reos, ex sua vnus sententia, impunitate donare, cum Duglassio clam communicare consilia. Hæc Cancellarius cum neque tacitus ferre, neque vi prohibere posset, statuit, suppressa ad tempus ira, ab Aula secedere. Igitur, ubi primum visa est occasio, Rege ac Prorege Sterlini relictis, cum ingenti clientium manu, Edinburgum venit: ibique in arce munitissima, in omnia mutandarum rerum momenta intentus, confedit. Ea res audita & Proregi, ob potentiam, creauit inuidiam, & Cancellario, ex solitudine, fauorem. Neque huic animorum motui Gulielmus defuit. Audaci enim facinore, & aduersarij insolentiam compescere, & sui contemptum demere, decreuit. Igitur, cum per exploratores comperisset, Regem, dum quotidie ventum proficiscitur, negligentius custodiri, obseruata Alexandri absentia, regionumque commo-

commoditate, & temporibus stipatorumque numero satis explorato, locum non longe a Sterlino designauit, in quem fidissimi amicorum, cum quantis possent copijs, conuenirent, ipsumque praestolarentur: ipse, ante lucem, cum equitatu modico in siluis, arci propinquis, Regis aduentum opperitur: nec fortuna tam audax inceptum fefellit. Rex enim, summo mane, cum exiguo, eoque inermi comitatu siluam ingressus, in Cancellarij turriam incidit armatam. Hi cum de more salutassent Regem, ac, bono animo esse iubentes, confirmassent. Cancellarius pro tempore cum paucis hortatur, ut sibi, ac Regno suo prospiciat, seseque ex Alexandri carcere eripiat, ac Regio more, in posterum, & libere viuat: nec, aliorum libidini & auaritia patere, assuescat, sed alijs ipse, quae iusta & aequa sunt, imperet, ciuesque vniuersos praesentibus malis leuet, quae rectorum ambitione & cupiditate, adeo inualuerunt, ut nullis omnino, nisi princeps ipse capeffat imperium, fisci remedijs possint. Id ut citra periculum, ac laborem etiam conficiatur, se prouidisse. Magnam enim in propinquo manum esse equitum, qui eum, quocunque aut vellet, aut opus esset, comitarentur. Hac cum vultu Rex, siue quod ita sentiret, siue ut timorem dissimularet, approbare videretur, frano arrepto Cancellarius eum ducere pergit ad suos: qui cum Rege erant, & pauci & inermes aduersus plures & armatos, ad vim impares, retro moesti abeunt. Rex, quatuor stipatus armatorum milibus, ingenti laticia valgi, Edimburgi excipitur. Prorex, haec uti acta erant, ubi comperit, animo ira & pudore confuso, Sterlinum reuersus, quid optimum factu sit, expendit. Angebat ingentis animi virum, se, sua negligentia, ita pueriliter fuisse delusum: interim suorum fraude factum credere: diu incertus, cui fideret, quem timeret, pudore, suspicione, & ira inter se certantibus. Tandem, animo paulum sedato, cogitare secum occcepit, quod praesentibus malis inueniret remedium: suas enim vires, aduersus Cancellarium, hominem iuxta consilio bonum, ac manu strenuum, populi praeterea fauore, & Regia auctoritate subnixum, parum firmas existimabat: Reginam, in custodia duriter habitam, ita offenderat, ut eius placandae vix vlla spes, in placata praesidij parum esset: Duglassio virium satis, consilij parum, aetatem teneram, infirmum animum, assentationibus etiam corruptum alieno circumagi arbitrio: & ut, in huiusmodi fortuna, esse solet, pessimum quaeque plurimum apud eum posse, in ea etiam hominum collusionione, non esse suae dignitatis, versari: Cancellariū, etsi alieno esset erga se animo, hominem tamen esse prudentem: cuius & aetati, & ingenio tutius esse credi: neque tantas cum eo causas offensionum esse, ut non veteribus officijs superentur: maximam autem, ad reconciliationem, habere vim periculorum similitudinem, & animorum, in publica salute tuenda, consensionem: eius praeterea inimicitiam sibi potissimum esse formidandam, a quo, si ad alias factiones se adiungat, ipse in ordinem cogi, vel in exilium protrudi, posset. Hac, per aliquot dies, cum intimis amicorum, & viris bonis, & publicae salutis amantibus, cum agitata essent, Alexander de consilio eorum, cum familiari comitatu Edimburgum proficiscitur. Forte tum aderant Abredoniae & Moraviae Episcopi, homines, ut illa ferebant tempora, doctrina & virtute praediti. Ijs interpretibus Prorex & Cancellarius vsi, in Aedem Aegidio sacram, cum paucis amicorum, conuenere. Prior Prorex verba facit. Nihil, inquit, in praesentia necesse arbitror, ut, aut longiore oratione, quae omnibus plus satis nota sunt, deplem, aut mala commemorem, quae ex intestina discordia, bonaue, quae ex concordia redundent: vti nam ea, potius externis exemplis, quam domesticis experimentis, nobis cognita essent. Adea veniam, quae ad salutem omnium ciuium pertinent, sed nos tamen proxime omnium attingunt. Haec animorum, inter nos, dissensio quanquam neque ab auaritia, nec dominandi libidine sit profecta, sed quod, in summa rerum administranda, quas uterque nostrum saluas esse vult, aliter ego atque tu sentiam: magnopere tamen prouidendum, ne illa nostra discordia publice regno, priuatim nobis afferat perniciem: omnium enim in nos oculi coniecti sunt: scelerati omnium rerum licentiam, ambitiosi honores, opes, & crescendi copiam, in nostrum duorum interitum, sibi proponunt: invidentium tanta multitudo est, quantam homines novos, in summo gradu collocatos, habere, necesse est. Hi omnes, uti successibus nostris dolent,

RERVM SCOTICARVM

& res prosperas calumniantur, ita aduersas libenter accipiunt, & exitium nostrum sperant, & optant: quo magis operæ precium est, ut & nostræ incolumitati, quæ cum publica coniuncta est, consulamus, & inimicos, cum summa nostra gloria, vlciscamur. Vna, ad id, ratio est, si priuatas obliuiscamur iniurias: omnia nostra consilia & cogitationes conferamus, ad publicam vtilitatem: meminerimus, Regis incolumitatem nostræ fidei commissam, Regni salutem ita nobis creditam, ut rationibus obnoxij simus. Igitur, veluti antea prauo studio certauimus, vter nostrum honoribus & auctoritate auctor esset, ita, in posterum contendamus, vter, moderatione & iustitia, alterum antecedit: ita demum efficiemus, ut plebs, quæ nunc aduersa est, & nobis calamitates imputat suas, nos amet & reueretur: Nobilitas, quæ, nostris discordijs freta, in effrenem prorupit licentiam, ad modestiam reuocetur: potentiores, qui dissidentium contumunt infirmitatem, metu consentientium, ad sanitatem reuertantur. Quod ad hæc attinet, Regis tenellam ætatem, quam pater viuens tibi regendam tradidit, libenter permitto: eam enim functionem quoties mecum diligentius expendo, non me honore spoliatum, sed onere leuatum existimo: priuatim si quam abs te accepi iniuriam, eam, publicæ salutis causa, libenter condono: si quam feci, bonorum virorum arbitratu, satisfaciam: neque committam posthac, ut mea vel damna, vel emolumenta publicam vtilitatem remorentur: idem si tibi videbitur, securus in præsentia vterque agemus, & memoriam nostri iucundiores posteritati relinquemus: si aliter sentis, omnes homines, & præsentēs & futuros, testes facio, per me non stetisse, quo minus, quibus nunc laboramus, mala vel sanentur, vel, aliqua saltem ex parte, leuentur. Ad hæc respondit Cancellarius. Ego, ut inuitus ad hoc certamen descendi, ita honestæ concordie mentionem non inuitus audio: & quemadmodum arma non, nisi iniuria laceffit, indui, ita, modestia prouocatus, non committam, ut mea pertinacia, commodis publicis obstare, videatur. Video enim, hac nostra discordia, optimum quenque prauorum iniurijs expositum, seditiosorum animos in spem nouarum rerum erectos, patriam in medio prædæ relictam, Regiam dignitatem imminui, salutem prodi, auctoritatem infimo cuique esse ludibrio: neque, dum communem prodimus, priuatæ nostræ res meliore in loco sunt. Interim enim & nos hominibus, turbandarum rerum cupidis, quæstui sumus, & inimicis iucundissimū præbemus spectaculum (vtrunque enim oderunt ex æquo) & quantumcunque alterutri decedat, tantam ad suas opes accessionem fieri, arbitrantur. Itaque non repetam altius simultatum causas, ne, retractando, antiqua recrudescant vulnera: illud breuiter profitebor, mea me omnia priuata incommoda & iniurias patriæ remittere: ciuium incolumitate, nihil vnquam aut fuit, aut erit mihi antiquius. Hæc, qui aderant, laudantibus, ac, de vtriusque consensu, delectis, ad componendas controuersias, arbitris, magna cum omnium læticia, veterum discordiarum accisis radicibus, & nouis amicitie iactis fundamentis, rursus, communi consilio, Regni procuracionem suscipiunt. Secundum hanc concordiam, conuentus omnium ordinum indictus est, Edinburgum. Eo non pauci (ut alias fieri solet) sed totæ prope, suis sedibus exeat, regiones, conquestum de iniurijs, confluebant: eius turbæ tam miserabilis erat facies, ut non, sine ingenti motu animorum, conspiceretur, cum pro se quisque, patres liberis, liberi parentibus, viduæ maritis, omnes, omnibus fortunis a latronibus se spoliatos, quererentur. Deinde, ut fit, ex commiseratione, inuidia aduersus latronum duces orta, quorum essent tam nefaria scelera, ut tolerari nequirent, tam late fusa factio, ut nemo prorsus vitam fortunæque, tueri posset, qui non eorum factioni se addiceret, tantæ opes, ut in Magistratum auctoritate paruum præsidij infirmioribus, aduersus vim, esset. Prudentioribus, cum, vi insuperabilem esse eorum potentiam, appareret, visum est, arte paulatim carpendam: Comitem Duglassiæ, etsi caput esse mali omnes intelligebant, nominare tamen palam nemo eum audebat. Igitur Prorex, odio in tempus dissimulato persuadet vniuerso conuentui, Duglassium eum esse virum, quem placare, quam suspicionibus irritari, magis e re esset: quippe cui tantæ opes essent, ut is vnus, si in sententia perstaret, decreta Ordinum impedire: sin optimatibus se coniungat, malis præsentibus mederi, queat. Fit decretum, ut, communi nomine, literæ ad eum honorifice mittantur,

tur, quæ admoneant, ut, memor loci, quem teneret, memor maiorum, quorum plurima; & maxime illustria in rem Scoticam extarent beneficia, ad conuentum publicum, qui, commode absque eo amicisque eius haberi, non posset, veniret. Si qua de re queri vellet, sese ei, quo adliceret, satisfacturos: si quid secus ab eo amicisque eius commissum sit, nobilissimæ, optimæque de patria semper merita gentis memores, multa temporibus, multa ætati, multa ipsi, summæque de eo conceptæ spei remissuros. Veniret itaque, &, quam vellet, publicæ Administrationis partem capefferet: remque Scoticam, sæpe antea, e summis periculis Duglassiorum armis ereptam, nunc intestinis malis laborantem, sua præsentia erigeret, & confirmaret. His cum adolescens, & natura & ætate, gloriæ cupidus, commoueretur, accesserunt amicorum adhortationes, quos sua quenque spes occaecauerat, ut, auersis a memoria periculorum animis, de priuatis modo utilitatibus cogitarent. Cancellarius, ubi eum rescivit aduentare, obuiam, ad multa millia passuum, ei est profectus: & in arcem suam, viæ propinquam (Crichtonium vocant) amice inuitat, & magnifice excipit. Ibi per biduum comiter habito, cum plurima ostendisset amici animi indicia, ut adolescentem improvidum facilius circumveniret, omnemque alienatæ mentis aboleret suspicionem, cœpit, familiariter suadere, ut memor dignitatis Regiæ, ac sui pariter officij, quem nascendi fors, & patriæ leges, Ordinumque consensus ad rerum gubernacula admouissent, eum ipse, pro domino, haberet & agnosceret: Patrimonium longe amplissimum, virtute & sanguine maiorum partum, ad posteros ita, uti acceperat, transmitteret: Duglassiæque gentis nomen, non minus fide, quam factis illustre, non modo a foeda proditoris macula, sed ab omni suspicionis nota liberaret: ab iniurijs, aduersus imbellem plebem, se suosque contineret: segregaret a se latrones: in posterum, ita iusticiæ tuendæ se daret, ut si quid ante offenderit, non vitio naturæ, sed improborum consilio tribui posset: in illa etiam ætatis infirmitate, poenitentiam pro innocentia posse accipi. His, & similibus sermonibus, cum beneuoli animi fidem fecisset, adolescentem Edimburgum pellexit, vna cum Dauide fratre, omnium dictorum factorumque conscio. Comitibus eius, in itinere, nonnullam suspicionis fraudem iniecerant crebræ ab Alexandro Prorege missitationes, &, ad singula prope momenta, intercurstantes nuncij, blandiorque, quam pro more & loco, quem tenebat, Cancellarij oratio. Hæc cum, secreto murmure, totum prope agmen streperet, nonnullique Comitem liberius admonuissent, ut, si ipse in proposito perstaret, saltem Dauidem fratrem remitteret: neue totam familiam (quod & pater moriens admonuerat) sub vnum fortunæ ictum daret: incauta ætas amicis irata, per vocales homines, velut præconio per totum agmen edito, clandestinos susurros compescuit: amicisque respondit, se satis scire, magnarum familiarum communem hanc esse pestem, ut semper habeant homines, oçij impatientes, quibus lucro sint patronorum pericula & miseria: eos, quia in pace legum vinculis constringantur, seditionum esse auctores, quo, turbatis rebus, liberius grassentur: se magis fidere Cancellarij & Proregis spectatæ prudentiæ, quam seditiosorum temeritati & vecordia credere. Hæc cum dixisset, ut sermonibus huiusmodi occasionem præcideret, properantius, quam pro itinere, cum fratre & paucis amicorum principibus, recta in arcem pergit: & velut fato trahente, in insidias inimicorum sese præcipitat. In ipso temporis articulo, Prorex, uti conuenerat, affuit: ut communi consensu res ageretur, neue in vnum tantæ moles inuidiæ incumberet. Duglassius liberaliter, & amice acceptus, & mensæ Regiæ adhibitus fuit. Verum, procedente conuiuio, armati inermem circumstant: & taurinum caput (ea illis temporibus tersera cædis erat) ei apponunt. Eo viso, turbatus adolescens cum exurgere conaretur, ab armatis comprehensus, & in arcem, arci propinquam, eductus, graues intemperantis adolescentiæ poenas capite luit, vna cum Dauide fratre, & Milcolumbo Flaminio, cui maxima, secundum fratrem, apud eum erat fides. Eorum cædi Regem, iam adolescentiam ingressum, illacrymase ferunt, Cancellario grauiter increpante eius intempestiuum, in morte hostili, fletum, quo hoste viuo, nulla tranquillitatis publicæ spes fuisset. Gulielmo, sine liberis defuncto, successit in ius Comitatus (seudum enim, ut iuris periti loquuntur, masculinum erat)

Iacobus Crassus, ex re cognominatus. In reliquum patrimonium, quod erat immensum, soror vnica Beatrix, forma interæquales eximia. Fuit hic Iacobus Crassus, etsi vir minime malus, nihilo minus, quam superiores, inuisus vulgo, & Regi suspectus, quod homines latrocinij assuetos, sub Duglassiæ superioribus Comitibus, etsi non aleret, non tamen satis acriter reprimeret: sed mors, intra biennium, subtraxit eum inuidiæ. Huic e septem filiis Gulielmus, natu maximus, successit. Is auita potentia æmulus, vt familiam in pristinum restitueret splendorem, patris filiam, multarum regionum heredem, ducere instituit. Id matrimonium plarique ex propinquis, partim vt insolitum, ac proinde non legitimum: partim, ob nimias opes, vulgo inuidiosum, Regibus formidolosum, non comprobabant. Rumor etiam erat, nec is temere sparsus, Regem nihil omitturum, quod, ad rem impediendam, faceret. Ea fuit Gulielmo causa maturandi connubij, interdicto nuptijs tempore, vt Regios videlicet conatos præueniret. Secuta nimias opes insolentia, insolentiam inuidia, grassantibus passim latronum gregibus, quorum duces, a Duglassij consilijs non alieni, credebantur. In iis, erat Ioannes Gormacus Atholus, qui, cum omnia latrocinij infesta circa se reddidisset, Gulielmum Ruuenium, Perthi Vicecomitem, quod latronem Atholium ad supplicium duceret, aggressus, prope iusto cum eo prælio confligit. Tandem, Gormaco duce cum triginta socijs cæso, reliqui fuga se receperunt in montes. Incidit hæc pugna in annum, a Christo nato, M. CCCC. XLIIV. Non adeo multis post diebus, Britannodunum arx, viribus inexpugnabilis, intra paucos dies bis capta fuit. Præerat arci inferiori Robertus Semphius, superiori Patricius Galbrethus, ita partiti imperium, vt peculiarem quisque aditum in suam partem habentes: nec hi quidem a factionibus liberi: Patricius enim, occulte Duglassianis fauere, credebatur. Hunc Semphius, cum, superiorem arcis partem negligentius ab eo custodiri, animaduertisset, ex ea expulsum, res suas exportare iussit. Postridie, Patricius, cum quatuor comitibus incrementibus, ad suppellectilem exportandam, ingressus, primum ianitorem, eum solum nactus, deinde, arreptis armis, cæteros ex arce superiore deiecit: mox, accitis ex opido propinquo auxilijs, etiam ex inferiore exclusit, totamque arcem in suam potestatem redegit. Pleraque, per id tempus, ignobilium hominum cædes factæ, quæ partim a Duglassianis patrabantur, partim ab inimicis ad eos referebantur. Rege igitur iam adulto, & rebus gerendis adhibito, Duglassius inuidiæ Nobilitatis, & plebis de se querelis impar, statuit, mutatis moribus, populo satisfacere, & quibuscunque posset rationibus, Regem sibi auersum conciliare, magno itaque comitatu Sterlinum venit. Regem cum per aulicos, largiendo sibi venales, placatum rescisset, tum demum ipse adiit: ac se, suasque fortunas ei permisit: superioris vitæ crimina partim purgat, partim (quoniam id placabilius videbatur) ingenue fatetur: quamcunque post hac habiturus esset fortunam, eam se Regis clementiæ, non suæ innocentia debiturum. Quod si Rex officijs, & obsequio sibi satisfieri patiatur, se curaturum, vt fide, obseruantia, & studio, erga eum, a nemine vincatur: in coercendis & puniendis latronibus, quorum scelera inimici in ipsum conferrent, nullum neque acriorem, neque diligentiores futurum: se ea familia ortum, quæ, non iniurijs in imbecilliores, sed armis protegenda plebe Scotica, creuisset. Hac oratione Comitibus, aulicorumque secreta commendatione, Rex adeo mutatus est, vt, omnium superioris vitæ criminum gratia facta, in familiarium numero eum haberet, secretaque cum eo consilia communicaret. Comes autem obsequio Regem, liberalitate ministros, comitate & modestia cunctos breui ita sibi deuinxit, vt vulgo mansueti animi spem, prudentioribus metum faceret, quo tam repentina morum euaderet mutatio. In primis, Alexander Leuistonius, & Gulielmus Crichtonius, omnia eius consilia in suam spectare perniciem, rari, procuratione publicorum munerum deposita, diuersi abeunt, Alexander in sua prædia, Gulielmus in arcem Edimburgensem, velut Duglassianæ simulationis euentum spectaturi. Nec fefellit homines perspicaces præcepta opinio: nam Duglassius Regem, & ob ætatis infirmitatem, adhuc incautum, & seniorum consilio destitutum, nactus, tempus adesse ratus, vlscendi mortem patruelium, facile Regi persuadet, vt Gulielmum

Crichtonium, & Alexandrum Leuistonium cum duobus eius filiis, Alexandro & Iacobo, in ius ad se vocet, vt rationem suæ administrationis redderent. Eo spectabant eius consilia, vt, si accederent ad aulam, suæ factionis opibus eos opprimeret: sin venire abnuerent, hostes publicos declaratos, Regij nominis auctoritate suis opibus prærenta, eos facile omnibus bonis euerteret. Citati per literas, responderunt, se nihil vnquam, Regis Regnique salute, habuisse antiquius: magistratus ita gessisse, vt nihil oprabilius ipsis esse posset, quam vt rationes redderent apud æquos iudices: verum in præsentia cum omnium, qui iudicaturi forent, animi sint inimicorum gratia & largitionibus præoccupati, omnes aditus armatis obsepti, veniam sibi dandam, non quod iudicium defugerent, sed hostium capitalium violentiæ se subtraherent, ac melioribus temporibus vitam suam reseruarent, dum, pulsus a latere Principis latronum ducibus, quod sæpe dubijs temporibus antea fecissent, suam innocentiam Regi, omnibusque bonis approbarent. Hoc responso accepto, Duglassius, conuentu, qui ad Sterlinum in quartum diem Nouembris indictus erat, habito, curat, vt illi hostes publici denunciarentur, bonaque publicentur. Ioannem Frostarium Cristorfinianum, suum clientem, ad eorum agros depopulandos, banaque in fiscum redigenda, cum copiis mittit: Is arces, per deditionem receptas, partim demolitur, partim nouis præsijs occupat: populatione late fusa, cum nemo resisteret, ingentem prædam aufert. Vix Duglassiani se receperant, cum Crichtonius, ex amicis & clientibus, omnium spe celerius, confecto exercitu, Frostarij Duglassianorumque agros percurrit, ad Cristorfinum, Strabrocumque, & Abercornum, Blacnessumque ædificia incendit, frumenta corrumpit, & quam maximam potuit, omnis generis prædam (in ea, nobilium equarum gregem) abegit: ac multo maiora, quam acceperat, hosti damna rependit. Duglassius, gnarus, Crichtonium alienis magis, quam proprijs viribus fretum, in amicos eius iram verit, a quibus clam (nam palam pauci audebant) missa senserat auxilia. Præcipui erant, Iacobus Kennedus, Fani Andrea Archiepiscopus, Georgius Angulæ Comes, & Ioannes Mortonij, vterque Duglassiæ gentis: sed alter, ex amita Regis eademque Iacobi Kennedi matre, natus, alter sororem Regis habebat in matrimonio. Hi potiore charitate familiæ salutem publicam, & officium semper habuerunt. Sed Kennedus & ætate, & consilio, ac proinde auctoritate, cæteros anteibat: in eum potissimum ira est versa. Crafordiæ Comes, & Alexander Ogiluius, conflato satis magno exercitu, agros eius in Fisa late populari, dum prædam magis, quam causam sequuntur, omni genere cladis in vicina etiam prædia grassati, nemine congredi auso, pleni prædarum, in Anguliam reuertuntur. Kennedus, ad sua arma conuersus, Comitem Crafordiæ, disceptationem iuris fugientem, diris Ecclesiasticis est prosequutus: quas cum, pro solita contumacia, ille spreuisset, Iuris diuini & humani neglecti breui pœnas dedit: eodem enim, quo hæc gesta sunt, anno, Collegium Benedictinorum Aberbrothij (quoniam Monachis, de ciuium causis statuere, religio est) iuridicundo præfecerat Alexandrum Lindesum, Comitis Crafordiæ filium natu maximum: ipsi cum magistratum Balium vocant. Is cum, numerosa comitum turba, Cœnobio grauis esset, ac pro præfecto iuridico dominum se gereret, a Cœnobiarchis magistratu eiectus est, surrogato, in eius locum, Alexandro Ogiluius. Lindesus cum hanc (vt ipse rebatur) iniuriam iniquo ferret animo, vterque, velut indicto bello, copias, vndecunque potest, cogit. Cum vtrique iam in procinctu starent acies, Comes Crafordiæ, certior factus, quanta potuit celeritate, aduectus equo, inter duas acies, sola maiestate noninis tutum se arbitrat, processit, & dum, inhibito filij impetu, Ogiluium ad colloquium vocat, a militibus, quis esset, aut quid peteret, ignaro, hasta in os iniecta, moribundus concidit. Hac cade, velut classico, vtraque acies mota est, & post acrem conflictum, multis vtrique vulneribus acceptis, victoria penes Lindesios fuit. Causam eius hanc maxime fuisse, ferunt, quod cum vtrique, rectis hastis, speciem siluarum præsentibus, starent, quidam exclamasse dicitur, Quid stimulos istos, tanquam aduersus boues res esset, assertis? quin, ijs abiectis, comminus gladijs, & vera virtute, vt viros decet, nobiscum

RERVM SCOTICARVM

contendite. Ad hanc vocem, utrinque hastas abiecerunt ceteri, præter centum Gloriantios, qui a Duglassio Lindesij auxilio missi erant. Hi, cuspides manibus tenentes, hastas a tergo trahebant: quas, cum ad manus ventum esset, præ se denso vallo prætulerunt: & inopinata specie territis, qui ex aduerso stabant, aciem hostium pertruperunt. Desiderati, ex victoribus, centum: ex aduersa acie, supra quingentos: &, in his, multi viri clari. Alexander Ogiluius, ab hostibus captus, paucis post diebus, vulnere dolore & animi moerore confectus, interiit. Gordonius, Huntilex Comes in equum ab amicis sublatus, euasit: multoque maior cædes fuisset, nisi nox fugientes texisset: concursus enim, ad Nonas Calendas Februarias, paucis horis ante noctem. Victoriam Lindesiani, domibus direptis, & euerfis, agrisque depopulatis, crudeliter exercuerunt. Nec segnius, in regione diuersa, bellum inter factiones gerebatur. Duglassius Gulielmum Crichtonium, in arce Edimburgensi iam aliquot menses clausum, tenebat: Ea ut arctius obsideretur, conuentus, qui in Idus Iulias indictus erat, ac coeptus haberi Perthi, Edimburgum est translatus. Tandem, post nonum mensem, obsessis & obsidentibus pariter fessis, deditio facta est, in has condiciones, ut Gulielmus, venia omnium, quæ in Regem commisisse dicebatur, accepta, incolumis cum suis abiret. In omni enim certamine, qui potentior est, etiam innocentior studet videri. Nec adeo diu post, Crichtonius, in gratiam receptus a Rege, iterum fit Cancellarius, magno omnium consensu: verum ille non modo aula, sed publicis etiam negotijs, quatenus per magistrarum licebat, abstinuit. Duglassius, Crichtonio magis perculso, quam euerso, reliquam iram in Leuistonios conuertit. Sed antequam ad eam partem veniam, cædes nobilium virorum (nam omnium infinitum esset) per ea tempora, attingam. Iacobus Stuartus, nobilis eques, ab Alexandro Lilio, & Roberto Bodio, ad Fanum Patricij, quod duo Millia a Britannoduno abest, fuit cæsus: nec eorum crudelitas eius morte contenta, uxorem eius gravidam, ac prope iam parturientem, in suam potestatem redigere, contendunt. Id ut perficerent, Sacrificulum ad eam mittunt, qui tumultuose nunciaret, equites peditesque omnes vias obsidere, nec eam aliter, tam præsens periculum euadere, posse, quam si nauicula Britannodunum ad Robertum Bodium deuehatur: qui sancte promittebat, se eam domum saluam remissurum. Mulier credula, & quæ ignorabat, Robertum in cæde perpetranda affuisse, e Cardrosia in arcem vecta, se fraude inimicorum undique circumuentam cernens, doloris, metus & indignitatis magnitudine victa, foetum abortiuum edidit, qui vna cum ipsa, intra paucas horas interiit. Eisdem fere diebus, Patricius Hepburnus, Halensis Regulus, Dumbarii arcem tenebat: ac Ioannam, Iacobi primi uxorem, quæ fugiens tumultus, illuc se receperat, ibi secum habebat. Areibaldus Dumbarius, hanc iræ iustam causam ratus, Halim, Hepburni arcem, noctu aggressus, primo impetu, præsidio interempto cepit: paucisque post diebus, timore perculsus, Comiti Duglassi eam restituit, pactus, ut incolumis inde cum suis dimitteretur. Nec diu post, Ioanna Regina decessit, relictis, e posteriore viro, liberis Ioanne, Comite Atholiz, Iacobo, Buchania, & Andrea, posterius Morauiensium Episcopo. Ea defuncta, Hepburnus arcem Dumbarii vacuam Regi tradidit. In Angusia Alexander, Crafordiz Comes, Ioannem Leontem ad magnas opes & honores, ac Regiam etiam affinitatem a patre suo prouentum, velut ingratum, & beneficiorum immemorem, Taoduni in foro, capitali supplicio affecit. Annandiani agros propinquos omni calamitatis genere, inter has discordias, fœdabant. Omnium autem causæ malorum in Comitem Duglassi referebantur: qui tamen sedulo, hæc a suæ factionis popularibus fieri, dissimulabat: etsi palam vnum id studebat, ut diuersarum partiū homines affligeret: eo enim euaserat impotentia, ut acta eius reprehendere, capitale esset Iacobum Stuartum, Regis vitricum, de Regni statu liberius locutum, solū vertere coegit: qui, a Flandris capta naue, non superuixit. Iam natum ratus Leuistonios aggredi, Edimburgum, ad conuentum, euocandos curat. Alexandrum quoque familiæ principem, eiusque filium Iacobum, Item Robertum, Regium Quæstorem, & Dauidem. Ex amicis vero, Robertum Brussium, Iacobum & Robertum, Dundasios: Ex his, Alexander & duo Dundasij, bonis publicatis, in custodiam, Britannodunum sunt

sunt relegati: ceteri capitibus luerunt. Quo crimine, tam graue meruerint supplicium, a scriptoribus illorum temporum non proditur: nec ego in re, tam a memoria nostra remota, meas interponam coniecturas: tantum, quod fama accepi, referam. Iacobum Leuistonium, cum ad locum supplicij venisset, grauiter & diserte (aiunt) de fortunæ inconstantia conquestum, patrem suum, imperio Regibus proximo nuper auctum, cessisse libenter inuidioso Proregis titulo: in sua prædia, procul ab aula, & ab inimicorum oculis, abiisse: quorum cum nullis eius miserijs exatiaretur crudelitas, arma, sed, coactum, salutis tuendæ causa, sumpsisse, Regisque iussu deposuisse: ea in re, si qua fuerit culpa, iam pridem veniam impetrasse: post id tempus, etiam ab omni suspicione se vitam procul egisse: eius rei satis perspicuum esse argumentum, conscientiam Nobilitatis, quæ tam sollicitè supplicia eorum deprecaretur: plus tamen inimicorum potuisse scuitiam, quam superiora officia suæ familiæ, quam a Rege impetratam veniam, quam Nobilitatis preces. Itaque se omnes, qui adessent, rogare, vt, præclaros imperij magistratusque titulos, nihil aliud esse existiment quam scuituræ asperius fortunæ blandimenta, & funerum decora, potius quam vitæ præsidia: præsertim cum semper plus possint improbi, ad bonorum perniciem, quam consensus bonorum, ad salutem tuendam. Hæc cum dixisset, cum ingenti omnium mœrore, ceruices carnifici subiecit. Inter hos motus, missus est in Galliam Crichtonius, vt præter antiqui foederis renouationem, etiam Iacobo Regi peteret Regij generis vxorem. Nec Duglassius moleste ferebat absentiam, etsi honorificam, hominis iuxta prudentis ac strenui, & ex reliquijs veterum discordiarum, sibi non satis æqui. In tam perturbato regni statu, idem, qui in ceteros vulgatus erat morbus. Ecclesiasticum Ordinem suo contagio affecit. Ioannes Cameronus, Glascoe Episcopus, in suæ ditionis (quæ in primis ampla est) agricolas, multa crudelitatis & auaritiæ exempla ipse ediderat: multa per eos, quorum in manu summa rerum erat, prodenda curauerat: vt, dominis iniquo iudicio circumuentis, bona ad eum redirent, omniumque, quæ populariter fiebant, malorum aut auctor, aut fautor credebatur. Eius viri dignum vita nefarie acta fuisse tradunt exitium. Pridie natalem Christi, cum in villa quadam sua, ad septem millia passuum a Glascoe distante, quiesceret, vocem ingentem audire visus, se ad tribunal Christi, vt causam diceret, vocantis.

Ex ea repentina perturbatione, somno excussus, famulos excitat, illaroque lun ine assidere iubet. Ipse, libro in manum sumpto, cum legere occœpisset, eadem iterum audita vox omnium animos stupore defixit: Deinde cum longe vehementius, atque horribilius insonuisset, Episcopus, ingenti gemitu edito, lingua exerta, mortuus in lectulo est inuentus. Hoc tam perspicuum diuinæ vltionis exemplum, vt neque temere affirmare, nec refellere est animus: ita, cum ab alijs sit proditum, & constanti rumore peruulgatum, omittere visum non est. Eodem tempore, Iacobus Kennedus, vita & moribus longe diuersis, vt qui omnia sua consilia ad salutem publicam referret, cum neq; auctoritate, aut consilio nouis quotidie malis ingruentibus resistere posset, Regiasque vires, aduersus improborum conspiracyonem, viderat infirmas, fortunis omnibus in prædam relictis, ipse suam salutem tuebatur, nec, in his malis domesticis, res foris quietiores erant. Finitis cum Anglo inducijs, Scoti in Angliam, Angli in Scotiam incursiones fecere, quacunque ibant, omnia ferro flammaque vastantes, in Angliâ, Anneuicus ab Iacobo Comitibus Duglassiæ fratre, in Scotia Drumfrisiû a Comite Sarisburie, Dumbarum a Comite Northumbriæ direptum, & incensum est, magnæ vtrinque prædæ hominum atque pecudum abactæ sunt. Inter duces conuentum, vt captiuorum fieret permutatio. Erant enim fere numero & genere pares. His incursionibus, cum agri pene ad solitudinem redigerentur, nihil autem ad summam belli proficeretur, rursus in septem annos, pacti sunt inducias. In hoc statu rerum, Iacobus Dumbarius, Morauia Comes, moritur, is cum duas filias reliquisset hæredes, maior natu a patre, ante mortem, Iacobo Crichtonio collocata fuerat, minor, patre defuncto, Arcibaldo, Comitibus Duglassiæ fratri, nupsit. Is contra leges, institutaque maiorum Comes Morauia nuncupatur. Tanta tum erat in aula Duglassij potentia. Nec hoc incremento contentus, quo latius familiæ nomen propagaretur.

Georgium fratrem, curat Ormundiæ Comitem creari: Ioannem, multis fructuosisque prædijs donatam, Baluanæ Baronem vocat, multis amicorum nimiam iam antea, & formidolosam Regibus, familiæ potentiam suspectam habentibus: Immoderata enim hæc fortunæ incrementa, non diuturna fore, augurabantur: inimici vero, quam inuidiosissime poterant, insectabantur illam inexplebilem cupiditatem: quam enim post hæc vitam fore, sub hominis impotentis tyrannide, cuius auaritiæ nihil esset satis: aduersus cuius potentiam nihil esset tutum: qui per fas nefasque, procerum inuaderet patrimonium, tenuiores clientibus suis in prædam relinqueret: aduersantes libidini, per latrones & sicarios, aut bonis euerteret, aut e vita tolleret: novos homines ad summos honores eueheret, quos in veterum familiarum ruinis collocaret: In vnam domum omnes opes 10 regni congestas: præter tot Equites & Barones, quinque opulentissimos vnius gentis Comites: Regem ipsum iam precario regnare: Sub Duglassijs, extrema omnia, in misera seruitute, patienda: qui vocem, libertatis memorem, emisisset, animam simul emitendam. Hæc, atque huius generis, pleraque vera, pleraque, ad inuidiam creandam, supra verum aucta, cum passim spargerentur, qui extra factiones erant, omnia publici emolumentum cura, suis negotijs animum intendebant: prudentiores inimicorum læti accipiebant, hominem tantis opibus, ut aduersus eas nullæ vires satis firmæ viderentur, sua sponte præcipitem ruere: nec ea diuinatio falsos habuit: animus enim, per se insolens tantis successibus, eo creuit impotentia, ut amicorum liberis admonitionibus aures haberet clausas: Ac ne silentio quidem dissimulare, quæ probare non poterant, 20 plerisque satis tutum fuit, adulatoribus omnium non verba modo, sed vultus quoque observantibus. Veteres inimici in ius rapiebantur, ad eundem aduersarium & indicem: multi bonis, quidam vita spoliati, plures, iniquum fugientes iudicium, solum verrebant. Duglassia factionis homines, nullo iudiciorum metu (nemo enim, iure experiti cum quoquam eorum, audebat) in omnem licentiam effusi, sacra, profana agere, rapere, obnoxios cadere, neque sceleribus modum facere: interdum, nullis peccandi suppetentibus causis, gratuita edebant facinora, ne, per desuetudinem scelerum, honestæ cogitationes animum subeuntes mollirent, ac a feritate illa mansuefacerent, quanto quisque contumeliosior in plebem esset, tanto se nobiliorem existimabat. Tot 30 malis in omnes Regni partes diffusis, Scotia oneri succubisset, nisi, eisdem temporibus, non minor ciuiliū tempestatum vis in Angliam incubuisset: qua tandem aliqua ex parte sopita, induciarum fide violata, Angli incursionem in Scotorum agrum fecere, ac, latefusa populatione, cum ingenti villarum strage grassati, vi magna pecorum abacta, domum rediere. Nec Scotus hanc iniuriam diu tulit inultam: satis enim ampla manu, Angliam ingressus, maiorem, quam acceperat, hosti cladem reddidit. Ita vtrinque animis populatione irritatis, magnæ vastitates in ytriusque gentis agris factæ: sed calamitatis maior pars in Cumbriam, vnde initium iniuriæ ortum erat, incubuit: ea enim, omni clade belli vexata, prope ad solitudinem erat redacta. Hæc Londinum perlata fecere, ut exercitus longe maximus decerneretur in Scotos: quibus copijs regionem inopem, domi intestinis malis laborantem, facile in suam potestatem se redacturos, arbitrabantur. Igitur delectu militum optimi generis habito, ducem præficiunt Northumbriæ Comitem, ob regionum noticiam, & quod magnum eius erat nomen, magna auctoritas; in illis gentibus: ei addunt Magnum quendam, Equestri quidem familia, sed qui, multos annos in Gallia, cum industria & fortitudinis laude, meruisset. Is, cum præcipuo aduersus Scotos odio, flagra- 40 ret, transgressus cum Rege, fertur, ut, quantum agri, pulsus aut cæsis habitatoribus, de Scotis caperet, ipse posterique eius post se, tenerent. Contra Scoti, audito apparatu hostium, & ipse suas ex aduerso copias comparant: omnibus præficitur Georgius, Ormundiæ Comes: qui statim in Annandiam, quo venturum hostem intelligebat, ducit. Occupant priores Angli, in hosticum ingredi. Superato Soluzo & Annando am- 50 nibus, ad Sarcam flumen castra locant: atque, in omnes partes dimissis cohortibus, longe lateque populantur: demum, aduentu Scotorum cognito, suos per tubicines revocant, omnesque in vnu vires contrahunt. Vbi primum vtrinque instructi apparere, nullam

nullam dimicandi moram faciunt. In dextro cornu Anglorum, Magnus praeesse iussus. In sinistra, Ioannes Ponentonijs, Eques. Ei attributi Valli, e veterum Brittonum stirpe reliquiae: mediam aciem Comes regebat. Georgius Duglassius aduersus Magnum Vallam, Cragia Comarchum, aduersus Ponentonium Maxuallium, & Ionsotium, cum suis quoenque tribulibus, locat. Ipse in media acie curat, ac suos breuiter est hortatus, vt bonam de victoria spem haberent, vt qui, hostium iniurijs lacessiti, arma induissent: iustiori causa prosperum euentum non defuturum: hostium superbiam si semel insigni clade retuderint, breuis laboris diuturnum fructum habituros. Angli, qui sagittariorum numero abundabant, cum Scotos eminus missilibus sauciarent, Valla, qui
 10 sinistro cornu praerat, exclamat, vt a suis omnibus audiri posset, quid ita eludentes, velitarentur? se secuti, cum hoste manum conferrent, vbi vera virtus spectari posset id demum virorum certamen esse. Haec locutus, totum secum cornu commouit. Ac statim praelongis hastis, quas Scoti, pediti atque equites iuxta habiles, ferunt, hostem impellunt, impulsam fundunt, fugantque. Magnus, inclinatam suam aciem cernens, vita superioris honeste acta magis, quam periculi memor, in Vallam magno impetu fertur, vt vel audacia praelium restitueret, vel extremum saltem spiritum, praecleari facinoris gloria, illustraret: sed, dum incitatus ruit, a suis exclusus cum paucis eum securis occiditur. Huius caedis fama per vtranque exercitum vulgata, Scotique ideo se alacrius inferentibus, reliquis Anglorum exercitus non diu stetit. Cum, effusa fuga, domum
 20 properarent, maior abeuntium, quam praestantium caedes facta est: maxima vero in Sotnari ripa, cum aestus maris, tum forte in amnem refusus, fugientes retineret. Periere Anglorum, in eo praelio, circiter tria millia, Scotorum sexcenti: captiuorum magnus fuit numerus: e quibus clarissimi, Ioannes Ponentonijs, & Robertus Harentonijs. Comititis Northumbriae filius, cum euadere posset, dum parrem in equum imponit, ipse in manus hostium venit: capta praeda, quantam, nullo ante praelio, meminere. Angli enim, & numero militum, & genere, & Scotorum discordia freti, adeo securi eo venerant, vt, non ad bellum, sed ad pompam proficisci, viderentur. Tanta sui fiducia, hostisque contemptus inerat. Valla saucius, domum lectica delatus, post tertium mensem decessit. Ormundiae Comes victor captiuos recensuit. Primores in arcem, ad lacum
 30 Mabanum, custodiendos dedit: ipse, in aulam profectus, effusis omnibus obuiam, omni genere honoris excipitur. Res belli gestas Rex magnis laudibus profectus cum vna cum fratre monuit, vt, quemadmodum saepe foris specimen fortitudinis ostendissent, remque Scoticam suo labore & virtute, periculosis temporibus, defendissent, ita domi modestiae assuescerent, ab infirmiorum iniuria ipsi se abstinere, suosque continerent: potentiam, quam, multis maiorum in Regem ciuesque suos meritis, collectam haberent, in latronibus coercendis potius, quam fouendis ostenderent: id vnum eis ad absolutam laudem deesse: quod si pergerent facere, intellecturos, nihil se commodis Duglassiae gentis prius habiturum. Ad ea benigne cum respondissent, a Rege dimissi, lati domum rediere. Post hoc ad Sarcam praelium, vt limes Scotiae ab exterorum iniurijs fuit pacatior, ita res Londinum nunciata Anglorum animos magis irritauit, quam
 40 deiecit. Consilio de bello in Scotos, habito, nouus delectus, ad ignominiam delendam, decernitur. Omnibus in id vnum intentis, ciuiles repente motus exorti, validaque, aduersus Regem, plebis conspiratio belli externi consilia discussit. Legati in Scotiam, de pace, missi: quorum aduentus eo gravior fuit, quod ne ipsis quidem satis certae res domi erant. Cum de pace non conuenirent, legati, in triennium inducias pacti, retro domum redierunt. Haec gesta sunt, anno Christi millesimo quadringentesimo, c10. CD.
 50 quadagesimo octauo. Auxit hanc publicam laeticiam, breui post, nuncius e Flandria a XLIIIX.
 Cancellario missus, qui ad Carolum Septimum ierat, de matrimonio contrahendo. Eius opera, desponsa est Iacobo Maria, Arnoldi Ducis Geldriae filia, per matrem, Burgundi sororem, Regium genus contingens. Ea, anno proximo, magno virorum nobilium comitatu, in Scotiam venit: ac, mense Iulio, in Fano Sanctae Crucis ad Edimburgum coronata est. Hanc tam multiplicem laeticiam, de victoria, de pace, de nuptijs, non nihil turbauit Richardi Coluillij, Equitis non obscuri, mors, non tam ipsa fortassis

immērita, quam pessimo in publicum exemplo perpetrata. Richardus enim Ioan-
 nem Achleccum, Duglassij necessarium, de quo saepe, post multas magnasque ac-
 ceptas iniurias, conquestus erat, cum in iure & equitate nullum praesidium videret, aut
 speraret, pugna adortus ipsum, cum aliquot comitibus interemit. Hanc eadem adeo
 moleste tulit Duglassius, vt grauissimo sacramento se astringeret, non prius quietu-
 rum, quam Coluillij eade eam expiaret. Nec vana fuere minae: expugnata enim Ri-
 chardi arce, ac spoliata, quicunque puberes in ea reperti sunt, caesi. Hoc facinus, etsi
 nullo neque iure, neque more factum, non deerant tamen, qui excusarent, & prope-
 modum laudarent, tanquam ab ira, generoso homine digna, profectum: &, vt fieri
 solet, rebus in praecipis euntibus, opulentia perpetua comes, assentatio, extrema flagi-
 tia nominibus honestis inducat. Duglassium, elatum fortuna, in exitum eius im-
 minentis, blandicijs, praua cepit ambitio, etiam exteris nationibus ostentanda suae
 potentiae: tanquam nimis angusto vnus insulae theatro splendor tanta familia coar-
 ctaretur. Occasio, Romam petendi, erat ambitio, praetendebatur religio. Veteris Iuda-
 eorum ritus Ecclesia Romana sibi ascuerat exemplum, vt, quemadmodum illi, quin-
 quagesimo quoque anno, suis ciuibz debita cuiuscunque generis remittebant, op-
 pignerata gratis reddebant, seruos Hebraei generis libertate donabant, ita Romanus
 Pontifex omnium secus factorum condonationem, velut Dei in terris Vicarius, arro-
 gabat: quam, alijs remponibus, minutatim cauponabatur, quinquagesimo quoque
 anno, apertis misericordiae suae horreis, nullius mensurae parcitate cohibitam, omnibus
 publicis, nec tamen omnino gratis, effundebat. Duglassius igitur, magna Nobilitatis
 frequentia, partim nouitatis auidae, partim spe praemiorum illecta, stipatus, in Flan-
 driam traiecit. Inde Luteciam, terrestri itinere, profectus, assumpsit fratrem, Cale-
 doniae destinatum Episcopum: deinde, cum liberis Comes careret, Regis permissu, in
 spem Duglassiae substitutum. In Gallia, cum, ob foedus publicum cum Scotorum gen-
 te, tum, ob auitorum in rem Gallicam beneficiorum memoriam, liberaliter & ami-
 ce habitus Romam sui aduentus expectatione impleuit. Post alterum fere, ab eius pro-
 fectione, mensem, qui metu praesentis continebantur, inimici & aemuli paulatim
 emergere coeperunt, &, de iniurijs pridem illatis, queri. Cum, faciles ad Regem adi-
 tus, nec difficiles, ad audiendas querimoniae, aures esse, fama diuulgatum foret, quo-
 tidie, fortunam lamentantium suam, turba crescebat: omnesque complebat adi-
 tus ad Regiam ferentes. Rex, qui, neque reiicere miserorum querelas, neque Comi-
 tem absentem, indicta causa, damnare poterat, medio responso, importunos turbae
 clamores ad tempus sedauit: se enim, procuratorem Comitis adesse, iussurum, vt, eo
 praesente, de criminibus obiectis cognosceretur. Is cum vocatus non paruisset, missi e
 ministerio Regio, qui renuentem vi cogerent. Eo in aulam perducto, non defuere,
 qui vociferarentur, extemplo sprete imperij poenas ab eo expetendas: nimia patien-
 tia, Regiam auctoritatem vilescere, ac infimo cuique ludibrio esse: specie illa lenitatis,
 improborum audaciam crescere, &, peccantium impunitate, sceleribus nouis aditum
 patefieri. Nihil his commotus, Rex in sententia sua perstitit, vt magnis, incommo-
 dorum compensatione, accusatoribus satisfieri, quam animos vindictae auidos sanguine
 expleri, vellet. Itaque procuratorem Comitis, custodia eductum, in ius venire, iubet:
 si quid, ad obiecta crimina, respondere posset, licere, praefatus, vt id libere ac cirra ti-
 morem faceret, hortatur. Multa iudicia parum prospere experto, cum Rex iudicatum
 modo soluere iussisset, procurator, in Comitis aduentum, quem intra paucos me-
 ses expectabat, se rem integram seruaturum, respondit: idque fecisse credebatur,
 auctoribus Ormundo & Morauio, Comitis fratribus. Re, vt erat, ad Regem delata, mi-
 titur Gulielmus Sinclairus, Orcadam Comes, per id tempus Cancellarius, primum
 in Gallouidiam, deinde in Duglassiam. Is coactores creauit, qui redditus praediorum
 Duglassij colligerent, remque iudicatum cum fide exoluerent. Sed cum, ad negotium
 conficiendum, non satis virium Sinclairo esset, alijs eludentibus, alijs, non sine con-
 tumelia, eum excipientibus, re infecta, domum redijt. Rex, hoc suae auctoritatis contem-
 ptu irritatus, iubet, vniuersos Duglassiae factionis fautores in ius venire: detrectantes
 impe-

imperium, publicos hostes denunciat. Conscripto aduersus eos exercitu, in Gallouidiam ducit. Primo aduentu, ducibus in arces compulsi, pars exigua Regiarum copiarum, dum reliquos per aspera loca vitabundos persequitur, non sine ignominia, retro ad Regem venit. Rex indignatus, tantum vagos prædones ausos, ut contemptum sui demeret, receptacula eorum aggressus, Mabanum arcem non magno labore capit: Duglassiam vero, magna cum fatigatione militum, in potestatem redactam, solo æquauit: agrorum cultores, qui se suasque fortunas sibi commiserant, suis quæstoribus agrorum fructus pendere, iussit, donec e Duglassij bonis iudicatum solueretur. His fere gestis, exercitum soluit, magnam lenitatis & modestiæ famam, etiam apud hostes, consecutus. Hæc, uti gesta sunt, Romam relata, vehementer Comitum animum commouerunt: iamque etiam vilior suis, a magna Comitum parte desertus, cum paucis iter ingreditur. Cum, per Angliam, in loca Scotiæ vicina venisset, Iacobum fratrem præmisit, qui Regis erga se animum exploraret: quem ubi placabilem comperit, domum regressus, humaniter receptus, tantum admonetur, ut latrones segregatos a se compesceret, præsertim Annandianos, qui, per eius absentiam, multa crudeliter & auare perpetrassent. Id cum iureiurando Duglassius ita futurum recepisset, non modo in pristinum gratiæ locum est restitutus: sed Prorex etiam, omnibus eius imperio parere iussis, per totam Scotiam declaratus. Sed vastus animus, sublimia semper & immoderata cupiens, hoc honore, qui maximus ei sub Rege poterat contingere, non contentus, suspicionum nouas causas, temeritate sua, principi subiecit: clam enim in Angliam profectus, eius gentis Regem conuenit: ipse, res repetitas, ac non redditas, causam itineris videri, volebat: Ea, quo leuior & minus verisimilis erat, eo, acriores in animo Regis, iam pridem infenso, suspicionum aculeos infixit: cumque iram non dissimularet, ut qui, alius aliquid sub eo colloquio latere, interpretaretur, Duglassius iterum supplex ad expertam sæpe Regis clementiam confugit. Ibi, Regina, multisque primorum deprecantibus, cum sancte iurasset, se nihil in posterum commissurum, quod merito Regem offenderet, noxa liberatus est, magistratu tantum adempto. Admoti iterum, ad rerum gubernaculum, Orcadum Comes, & Gulielmus Crichtonius, qui perpetuo in fide permanerant, Ob hanc tantam (ut ipse videri volebat) contumeliam, Duglassius omnibus aulicis erat iratus: sed præcipue, Gulielmo Crichtonio, cuius potissimum prudentia, suos conatus omnes impediri, putabat: hunc igitur, si posset, insidijs: sin id minus procederet, quouis modo e medio tollere, statuit. Id quo minore hominum indignatione faceret, subornatur quidam, e Duglassij amicis, qui diceret, se Crichtoniū audisse asseuerantem, nunquam rem Scoticam fore quietam, incolumi Duglassiorum familia: in eo Regis Regni que salutem & Ordinum concordiam, & pacem publicam esse positam, si homo, natura turbulentus, multis validisque propinquitatibus subnixus, quando, nullis beneficijs placari, nullis honoribus satiari, posset, tolleretur: eiusque morte, tranquillitas publica stabiliretur. Hæc fabula, passim diuulgata, & quia verisimilia dicebantur, plerisque credita, magnam Crichtonio conflauit inuidiam. Duglassius, comperto per exploratores, cum Edimburgo discessurum, insidias in via de multa nocte, quam potest occultissime, locat: ad eas cum ventum esset, qui occulte subsederant, magno cum clamore exorti sunt: qui deprehensi erant, improviso primum attonitis malo, dexteræ mentesque obtorpuerant. Gulielmus, vir magni animi & consilij, ubi se a trepidatione collegit, vno ex ijs, qui primi se obtulerant, cæso, altero vulnerato, per medios hostes cum suo globo, vulneribus aliquot acceptis, erupit. In arce Crichtono, quo perfugerat, cum dies aliquot, curandis plagis, dedisset, magna clientium & amicorum manu, quanto potuit cum silentio, collecta, Edimburgum proficiscitur: adeoque celeritate famam sui aduentus præuenit, ut inimicum nec opinantem pene oppresserit. Duglassius, insperato ereptus periculo, incertum ira, an pudore magis anxius, cum aduersæ factionis opes, non inuito populo, crescere videret, ut suas etiam ipse partes accessione virium firmaret, Crafordiæ & Rosliæ Comites, secundum nomen Duglassium, maxime tum fama & opibus florentes, foedere sibi coniungit, iureiurando inter ipsos dato: quod eorum quilibet cæterorum foederatorum

RERVM SCOTICARVM

clientibus & amicis, aduersus omnes, auxilio foret: qua conspiratione confisi, non
 modo diuersarum partium vires, sed Regias etiam, præ suis, contemnebant: Hæc cum
 per se Rex indignanter ferret, accesserunt & recentes iræ causæ, quæ imminens exitium
 Duglassio maturaret. Ioannes Heresius, Eques nobilis Gallouidianus, quod a Duglas-
 siorum sceleribus abhorreret, seque domi fere contineret, immixtis Annandianis, præ-
 donum iniurijs vexatus, cum apud Duglassium sæpe frustra questus fuisset, nullumque
 aliud suppeteret remedium, vim vi vlcisci, decreuit. Igitur collecta manu amicorum,
 Annandiam ingressus, a latronibus cum suis omnibus captus, ad Duglassium de-
 ducitur: ac Rege multum per literas deprecante, suspendio, tanquam latro, extingui-
 tur. *Haec res cum atrox, ut erat, omnibus videretur, passim ferebantur sermones, ut*
 Duglassium non obscure, pessimis artibus, Regnum affectare: nihil enim iam aliud
 superesse, quo tam vasta cupiditas expleri posset: quam opinionem, intra paucos dies,
 alterum æque foedum facinus auxit. Erat in Gallouidia Maclelana familia genere &
 opibus facile primaria. Eius familiae princeps tutor, cum e Duglassianis quendam, assi-
 duis iniurijs sibi faciendis molestum, occidisset, vna cum fratre captus, a Duglassio
 in carcerem erat coniectus. Rex, per captiui amicos certior factus, ac vehementer ro-
 gatus, ne hominem nobilem, & alioqui virum bonum, sineret, non ad iudicium,
 sed ad certum exitium, ad eundem iudicem, & capitalem inimicum, in ius trahi,
 cui non tam præsens crimen foret nociturum, quam quod meliorum partium semper
 fuisset. Illuc igitur Rex Patricium Graium, Maclelani auunculum, Equitem nobilem, ut
 ac Duglassij etiam propinquum, mittit, qui iuberet, ut, captiuo in aulam misso, ibi
 iure cum eo experiretur. Comes Graium humaniter accipit: captiuum cum curasset
 interea, supplico afficiendum, tanquam a facinoris, quod, se inuito, a suis perpetratum
 erat, consilio alienus, Graium rogat, ut se Regi excuset. Ille vero, se aperte ludibrio ha-
 bitum, cernens, adeo exarsit, ut Comiti propinquitatem, amicitiam, & si quo præter-
 ea necessitudinis vinculo teneretur, ex eo die renunciaret: professusque sit, se quibus-
 cunque rebus posset, inimicum perpetuo futurum. Nuncio in aulam perlato, adeo in-
 dignum omnibus facinus est visum, ut iam palam fremerent. Duglassium, privati mo-
 dum supergressum, quod diu meditabatur, se palam pro Rege gerere: eo hand dubie
 pertinere tot Comitum Crafordiæ, Rossia, Morauia, Ormundia cum eo conspiratio-
 nem: illuc spectare occulta cum Anglo colloquia, cades bonorum, diripiendæ plebis
 permissam licentiam: iam innocentiam pro ignauia contemni, fidem aduersus Re-
 gem, pro perfidia puniri: nimia Regis indulgentia, publicos hostes insolescere: enim-
 vero capesseret ipse aliquando imperium, ac pro magistratu agat: ita demum appari-
 turum, qui hostes, qui amici essent: aut, si id minus aperte, propter quorundam poten-
 tiam, auderet, perfidiam suis opprimeret artibus: sin ne id quidem auderet, quid aliud
 superesse, nisi, ut, qui ad eum diem in fide perstitissent, aliquando tandem sibi consu-
 lerent. His sermonibus quanquam & vita Duglassianorum, & (prona in suspicionem)
 Regum credulitas fidem facerent, Rex, siue ingenua quidam lenitate, siue iam facinore
 destinato, Duglassium ad se accersit. Is, tot facinorum sibi conscius, memor toties ve-
 niam impetratam, etiam non ignarus, quam nouum cum Crafordio foedus esset inui-
 diosum, etsi in Regis clementia magnam spem haberet, tamen procliuior in timorem,
 renuit in aulam venire, in qua tot, tamque potentes haberet inimicos: quosdam etiam
 nuper suo capiti insidiatos. Hunc timorem ut discuterent multi homines nobiles, qui
 cum Rege aderant, mittunt ad eum diploma, omnium chirographis & sigillis apposi-
 tis, sacramento interposito polliciti, se etiam si Rex, quicquam aduersus Comitum salu-
 tem moliri, velit, incolumem tamen emissuros. Duglassius, toties expertus Regis
 clementiam, præter fidem publicam tot nobilium virorum pollicitationibus confir-
 matus, Sterlinum venit, magna cum clientium turba. Liberaliter a Rege inuitatus,
 in arcem ascendit. Cœna hilariter peracta, Rex in cubiculum secretius cum paucis
 cum introducit: ne his quidem adhibitis, cum quibus omnia consilia communicare
 consueuerat. Ibi sermonem altius exorsus, de maiorum eius fide & fortitudine sua-
 que in omnem familiam, indulgentia, priuatim etiam in ipsum, facinoribus enim ab eo
 per-

perpetratis, vel ætatis infirmitate, vel improborum consilio, veniam se facile dedisse: semper sperasse, vel sua in eum humanitate, & clementia, vel ætatis maturitate, in melius profecturum: ac ne nunc quidem aliter sperare: neque quandiu eum impie patratum poeniteret, aditum ad humanitatem fore interclusum. Hoc quidem postremum, inquit, cum Crafordio, & Rossiensi foedus, neque tibi honestum, & mihi ignominiosum, etsi permoleste fero, tamen, eius dirimendi, tibi adhuc facio potestatem: id, quanquam meo iure possum imperare, tamen suadere malo: ut, quando omnium oculi in te sunt intenti, criminum suspensiones abs te, eo diligentius, semoueas. Duglassius ad cætera satis demisse respondit: cum ad foederis mentionem est ventum, paulo perplexius agebat: neque liquide expediebat, quid esset acturus, se enim cum socijs collocuturum: nec satis videre, cur, in præsentia, Rex id tantopere urgeat, cum in eo foedere nihil contineatur, quod eius animum debeat offendere. Rex, siue deliberato iam facinore, siue responsi (ut videri volebant aulici) contumacia offensus, Si tu, inquit, non vis, ego dirimam. Et, cum dicto, pugionem ei in pectus defixit. Ad strepitum, qui ad ostium stabant, ingressi, multis eum vulneribus conficiunt. Sunt, qui, proxime post Regem, a Patricio Graio, cuius ante meminimus, securi in caput adacta, eum exanimatum, ferant: deinde reliquos, qui aderant, ut studiū in Regem ostenderent, suam quenque plagam infixisse. Hæc cædes incidit, in mensem Februarium, Anni M.CCCC.LII. iuxta supputationem Romanam. Erant tum Sterlini quatuor fratres eius, magnusque eos sectantis Nobilitatis numerus. Hi, re com-
20 perta (ut, in repentino motu, fieri solet) magna cum trepidatione ad arma concurrentes, omnia clamoribus miscuerunt: deinde, sedato per Primores tumultu, iussi, in hospitia se quisque sua recepere. Postridie, conuocato concilio, primū omnium, Iacobum, fratris defuncti loco, Comitē appellant: is, in Regis aulicorumque perfidiam inuectus, hortatur, ut, qui aderant, arcem obsidione cingant, copiasque vndeque conuocent: extrahant ab illis latibulis homines, ad solam perfidiam fortes, dum adhuc, scelerū conscientia perturbati, trepidant. Qui aderant, Iacobi pietatem, & animi magnitudinem laudare: verum ab obsidionis consilio abhorre, ut quibus nihil, ad rem tantam suscipiendam, parati esset: domos interea discedunt, ac re cum præcipuis amicorū communicata, ad VI. Cal. April. reuersi, assula ad caudam equi alligata, diploma Regiū ac procerum, de
30 fide publica ad eum affigunt, ac nulla verborum contumelia, aduersus Regem eiusque concilium, abstinentes, per vicos trahunt. Vbi in forum ventum est, quingentis simul buccinis personantes, Regem, quique cum eo erant, præconis voce, foedifragos, periuros, omniumque bonorū hostes denunciant: opidum, immerenti etiam loco irati, diripiunt, eoque egressi, per Iacobum Hamiltonium retro missum, incendunt. Deinde, eodem furore proximis diebus perciti, ad agros omnium, qui in fide Regis permanserant, diripiendos, discurrunt: Dalkethi arcem obsident, iureiurando se obstringentes, nisi ea capta, non discessuros: Ioanni enim, eius loci domino, maxime erant infensi, quod ille, cum Comite Angusiæ, a reliqua Duglassiorū gente consilia separassent. Tenuit, expectatione diutius, obsidio, Patricio Cocburno, præsidij præfecto, ad omnes hostium conatus, strenue
40 occurrente: ira que, multis vulneribus acceptis, labore & vigilijs confecti, obsidionem soluerunt. Rex interea, collecto exercitu, ut suis laborantibus ferret opem, cum se Duglassianorum copijs videret imparem, decreuit, opperiri Alexandrū Gordonium, qui cum magnis auxilijs, a Septentrionibus ultimis vsque collectis, aduentare dicebatur: verum per Angusiam ducenti, Comes Crafordiæ, ad Brechinū cum valida manu, se obiecit. Commisso acri prælio, cum Regionum acies media iam loco moueri cœpta, vix Angusianorum sustineret impressionem, Ioannes Colestius, qui sinistræ præerat alæ, Crafordio, cui erat infensus, deserto, mediam aciem nudauit: quo terrore percussi, qui pene victores erant, terga verterunt. Gordonius, præter spem, victoria, multo tamen cum suorum sanguine, potius est, duobus fratribus, cum magno gentiliū & clientium
50 numero, cæsis. Cecidere, ex Angusianis, non pauci viri illustres: in ijs, Ioannes Lindesius, Comitris frater ipse, ira ab hostibus in desertores versa, arces eorum diruit, agros ferro flammaque vastauit. Hæc ut liberius faceret, Gordonij repentino ad suos reditu effectum est, audito, Morauiz Comitē in suos agros Bogianos omni crudelitatis

CIC.
CD.LII.

RERVM SCOTICARVM

genere sœuiffse: itaque, cum victore exercitu reuersus, non modo cladem acceptam hosti reddidit, sed eum Morauia finibus expulit. Hæc præcipiti vere acta. Interea Rex, ex Iacobi Kennedi maxime consilio, conuentu Edimburgum indicto, Duglassia Comitem, quique eius sectam sequebantur, proceres, per sœcialem adesse iussit. Is tantum abfuit, ut paruerit, ut proxima nocte libellum templi valuis affigendum, curaret, se salutem suam nec Regi commissurum, nec ei omnino in posterum pariturum, qui patruels suos Edimburgum, fratrem Sterlinum ad se, fide publica, illectos, tam perfide, indicta causa, trucidarit. Comitis proxime occisi quatuor fratres, Iacobus, Arcibaldus, Georgius, & Ioannes, ac Beatrix, nuper Comitis vxor, item Alexander, Comes Crafordia, in hoc conuentu hostes publici denunciati. multi etiam in supremum Ordinem illati: plerisque, ex rebellium bonis, præmia decreta: exercitus, ad hostes persequendos, contractus: agri vastati: pecora abacta: frumenta in horreis igne corrupta: hieme deinde, cum sub dio haberi miles non posset, dimissus: expeditio in Ver indicta. Iacobus Duglassius interea, ne familiae opes, quæ, ex locuplete matrimonio in immensum excreuerant, ad alienos transirent, Beatricem, antea fratri nuptam, vxorem accepit: cum Pontifice Romano agit, ut id matrimonium confirmaret. Id inceptum, Rege per literas impediende, frustra ei fuit. Hoc anno, duobusque sequentibus, agrorum direptionibus, arciumque euerfionibus inter factiones certatum est: nunquam ad summæ rei aleam est ventum: magna eius cladis pars in Annandiam, Forestiamque, & vicinos Duglassianorum agros incubuit: vastitatem agrorum fames, famem pestis consecuta est. Interea prudentiores amicorum cum sæpenumero cum Duglassio egissent, ut se, suaque omnia Regiæ clementiæ, quam antea frequenter maiores eius experti fuerant, permitteret: cum præsertim Regem haberet, natura facilem, & per amicos exorabilem: nec, sua pertinacia, familiam clarissimam extingueret: totque virorum illustrium, qui sectam eius sequebantur, salutem proderet, aut eo necessitatis eos adduceret, ut, calamitatibus fracti, sibi consulere cogerentur, facilem ei fore pacificationem, rebus florentibus: deserto ab amicis, nullam spem veniæ superesse: Iuuenis, ætate & ingenio ferox, respondit, nunquam eorum potestati se permissurum, qui nec pudoris, nec diuini aut humani iuris vinculis ullis continerentur: qui suos patruels fratremque blande pollicendo, ad se adductos, tam perfidiose & crudeliter trucidarint: omnia potius extrema passurum, quam ut eorum se fidei crederet. Hæc pro ingenio quisque probabat, aut reprehendebat: ferociore, aut quibus mala publica quæstui erant, animi magnitudinem laudare: prudentiores suadere, ne ad extremum, deserentibus amicis, occasionem pacificandi sero quereretur omissam: qui fere exitus stultis consilijs esse solet. At Crafordia Comes, longinqui belli pertæsus, & causæ, quam sustinebat, iniquitatem, communisque rerum commutationes secum reputans, gnarusque, veniam præoccupanti principis gratiam fore facilem, perseveranti in armis, difficilem, simul ab amicorum parte desertus, reliquorum fide suspecta, Regem, per Angusiam iter facientem, habitu maxime ad misericordiam composito, capite pedibusque nudatis, supplex adiit: ingenueque temporum superiorum offensas confessus, se, suaque in fidem Regis tradidit, commemorata prius in Reges maiorum suorum obseruantia, & officijs: scire sua culpa, se omnia extrema meritum. quicquid vitæ fortunarumque sit, in posterum, habiturus, id se Regiæ debitum clementiæ. Hæc, pleraque huius generis, non sine lachrimis, locutus, commouerat vehementer omnes, qui aderant: in primis quosdam, e Nobilitate Angusiana: qui, etsi superioribus temporibus, Regem secuti fuerant, tamen, familiam tam vetustam & claram, cupiebant ab interitu vindicatam. Fûctus est ibi Iacobus Kennedus & boni Episcopi, & ciuis officio: qui, plurimis & grauissimis Comitis offensis remissis, salutem eius Regi accurate commendauit: id enim, quod erat, rebatur, Regis viribus tanta accessione auctis, hostem in posterum indies debiliorem futurum, multis tam clari hominis exemplum secuturis. Rex etiam, eum arbitratus, fracta pristina ferocia, ex animo præteritorum poenituissse, non difficilem se præbuit: veniaque data, & bonis honoreque pristino restituto, monuit, ut in officio permaneret. Crafordius quoque, lenitate Regis, & facilitate prouocatus, omni genere officiorum cum

eum postea demereri, studuit: & in vltimas Regni oras proficiscentem, cum suis copiis
 est comitatus: rebusque ibi, pro tempore, compositis, reuersum domi suae liberaliter ac-
 cepit: eunti, ad reliquias belli ciuilis conficiendas, quantas conficere posset, copias polli-
 cetur: adeoque omnem vitae rationem commutauit, vt, pristina ferocia deposita, man-
 suete & comiter cum Nobilitate vicina vixerit: eoque, interitus eius, breui consecutus,
 maiorem Regi populoque vniuerso dolorem attulerit. Carpentem paulatim Rege vires
 Duglassianorum, reliqua spes erat in Anglo, si quid inde auxilij impetrari posset. Mis-
 sus Hamiltonius Londinum, responsum ab Anglo retulit, se, nulla alia conditione, bel-
 lum aduersus Scotos suscepturum, nisi Duglassius se, suaeque omnia ei dederet, ciuem-
 10 que se Anglum profiteretur. Hac spe incisa, cum ab altera parte Rex edictis, proscriptioni-
 bus, & armis vrgeret, atque omnibus, quae bellum fert, malis rebelles vexaret, Hamil-
 tonius Comitem hortatur, ne Regem sinat, singula carpendo, vniuersa labefactare, ac
 demum euertere: quin potius, in aciem prodeat: rem fortunae committat: aut honeste
 vincendum, aut ibi fortiter cadendum: id demum nomine Duglassiano dignum: in eo-
 que vnicum ærumnarum finem esse positum. His vocibus excitatus, cum per amicos &
 clientes, quantum potuit, exercitū coegisset, ad soluendam Abrecorni obsidionem, du-
 cit: Rex enim, multis arcibus Duglassianorū deiectis, Abrecornū, longe munitissimum
 praesidium, medio fere, inter Sterlinum & Edimburgū, itinere situm, obsessum tenebat.
 Duglassius cum eo venisset, vt & hostes conspiceret, & ab eis conspici posset, amique
 20 hortarentur, vt vel egregia victoria perpetuam laudem pararet, vel, honesta morte, se a
 contumelijs & miserijs vindicaret, cæteris omnibus, ad decernendū, paratis, sua cuncta-
 tione omnium animos fregit: exercitu enim in castra reducto, bellū ducere decreuit. Id
 eius factum cum homines militares damnaissent. Hamiltonius, pertæsus eius ignauiam,
 desperatoque partium successū, ea nocte ad Regem transiit. Rex veniam quidem dedit:
 sed homini, alioqui astuto, non satis fidens, eum Rosselinū, quæ arx Comitū Orcadum
 erat, relegauit: ac postea, deprecantibus amicis, custodia liberatū, in amicorum nume-
 rum recepit, incruenta ei potissimum imputata victoria. cæteri fere Duglassiani, exem-
 plum Hamiltonij secuti, qua cuique commodum fuit, dilapsi: arx, multis vulneribus
 vtrinque acceptis, tandem capitur, caesoque praesidio, semidiruta, in victoriae monumen-
 30 tum, relicta est. Duglassius, pene ab omnibus desertus, cum paucis familiarium in
 Angliam profugit: inde, non multo post, Annandiam, quæ Regijs praesidijs tenebatur,
 cum parua manu ingressus, praelio commisso inferior, fuga cum Ioanne fratre elapsus,
 Arcibaldus, Moravia Comes caesus: Georgius, grauiter vulneratus, in manus hostium
 venit: curatisque vulneribus, ad Regem adductus, capite luit. Conuentu Ordinū Edim-
 burgū indicto, in Nonas Iunij, Anni millesimi quadringentesimi quinquagesimi quinti,
 iterum Iacobo, Ioanni & Beatrix, Duglassijs, aqua & igni interdictum. Beatricem hanc
 Acta publica matrem horum faciunt: quod mihi tamen non sit verisimile, nisi forte, per
 adoptionem, facti sint eius filij. Iacobus Comes, fratribus amissis, ab amicis desertus,
 Anglis diffidens, vt nihil inexpertum relinqueret, Donaldum, A Ebdarum tyrannum,
 40 eundemque Rossiae Comitem, ad Stephanodunum conuenit, hominem, suo pte inge-
 nio sceleratum, facile ad bellum impellit. In proximos Regis agros primum sauitur,
 nullo sexus ætatisque discrimine: nihil ab iniuria fuit immune, quod, ferro flamma-
 que violari, poterat: pari crudelitate in Argatheliam & Araniam vsus, domum, præda
 onustus, redijt: inde, Abria Morauiaque vastatis, Ennernessum diuertit: arce capta,
 opidum direptum incendit. Nec Anglus interea quieuit: sed, temporibus insidiatus,
 incursiones in Marciam fecit: caesisque hominibus aliquot illustribus, qui, furorem
 late grassantem compescere, annixi erant, plenus prædarum, vt e regione opulenta,
 domum sine damno redijt. Proximo post hunc anno, Beatrix, superioris Comitiss Du-
 glassiae vxor, & fratri eius, Iacobo, aliquot annos habita vxoris loco, ad Regem profu-
 50 git: superioris temporis crimina in Iacobum reiecit: se, & foeminam, & auxilio destitu-
 tam, ad sceleratas nuptias vi coactam, ad primam occasionem, Iacobo absente, ab ea ser-
 uitate profugisse: Regiae fidei se, suaeque omnia permittere, quicquid, de ipsa eiusque
 patrimonio, statuerit, eius decreto libenter parituram. Eam Rex, in fidem receptam,

CIO.
 CD. LV.

RERVM SCOTICARVM

Baluanieque agris donatam, fratri suo, ex eadem matre Atholia Comiti, collocavit. Eius exemplum secuta est Donaldi Insulani vxor: ea erat Iacobi Leuistonij filia, ab auo Prorege, suadente etiam Rege, Donaldo colloata: vt ferum hominis barbari molliret ingenium, eumque in partibus factionis Regiæ retineret. Sed tum, propinquis suis in pristinum locum gratiæ restitutis, ac marito ad Duglassianas partes adiuncto, cum vi-
 lior & contemptior apud eum quotidie fieret, aduersus barbaram eius crudelitatem, Regis opem implorabat. Ei nulla se purgandi aderat necessitas apud Regem, qui au-
 ctor ipse eius matrimonij fuisset. Igitur liberaliter, & humane recepta, prædijs amplis donatur, quo subsidio, reliquum ætatis honorifice degeret. Eodem fere tempore, Pa-
 tricius Thorintonius, occulte quidem Duglassianæ factionis, sed Regiam aulam diu
 secutus, Ioannem Sandelandium Caldareum, adolescentem circiter viginti annorum,
 & Alanum Stuartum, homines Nobiles, & conspicua in Regem fide, ad Britannodu-
 num nactus sibi opportunos, occidit. ipse deinde, ab aduersa factione breui post com-
 prehensus, pœnas luit. Fuit insignis hic annus, multorum illustrium virorum mor-
 te: sed maxime, Gulielmi Crichtonij. Is, quanquam Equestri loco natus esset: tamen,
 ob summam prudentiam & fortitudinem, fidemque singularem erga Regem, ad vlti-
 mum vsque vitæ diem constanter cultum, maximum bonis omnibus desiderium sui
 reliquit. Proximo anno, Angli, superiorum iniuriarum impunitate illecti, ducibus
 Henrico Percio, Northumbriæ Comite, & Iacobo Duglassio exule, Marciam late vassa-
 runt. Hanc populationem vt prohiberet Georgius Duglassius, Angusiæ Comes, collecta
 manu popularium, in prædatores impetum fecit: ac, magno cum tumultu, partem eo-
 rum, in quam delatus erat, ad suas stationes compulit: quæ indignitate Angli commoti,
 cæteris nondum ad signa reuocatis, aciem promouent: nec Scoti moram prælio faciunt.
 Cum æquo Marte vtrinque, maioribus animis, quam viribus, pugnaretur, qui sparsi per
 agros erant, Angli, e clamore dissono ac tumultu, hostem adesse, sentientes, ne prædam
 quam amplissimam coegerant, amitterent, recta domum contenderunt. Eorū discessus
 faciliorem, nec tamen incruentam, Scotis victoriam dedit, pari fere numero vtrinque
 cæso, multis Anglorum in fuga captis. Huius victoriæ nuncius ad Regem allatus, ægrum,
 inter ciuium hostiumque arma, animum non nihil erexit: dein Donaldum Insulanum,
 vbiq; partium suarum aduersam fortunam cernentem, compulit, vt, de pace, oratores
 mitteret. Hi, submissa oratione, multa de Regis clementia erga Crafordium cæterosque
 qui in eadem causa fuissent, cōmemorantes: suam culpam in fatalem temporū rabiem
 conferentes, multa de Donaldi in posterum obseruantia polliciti, mouisse Regem visi
 sunt. Is, medio responso, nec Donaldο ignouit, nec spem veniæ præcidit: multa quidem
 extare eius maleficia: nullū adhuc dedisse animi mutati indicium. itaque vt vera creda-
 tur, quæ verbis ostentatur, pœnitentia, & ex animo profecta, reparanda superioris tem-
 poris damna, quos fortunis euertisset, res eis restituendo: aliquo denique honesto faci-
 nore eluendam tot scelerum memoriam. Se quidem scire, nullam esse virtutem, quæ,
 magis clementia, Regem deceat. verum prouidendum, ne, nimia lenitate soluto impe-
 rio, mali magis insolecant, quam boni ad officiū excitentur: Donaldο quidem, & reli-
 quis eius consilij socijs se spatium daturū, quo, mutata voluntatis indicia edere, possent:
 talem se quenque habiturum, qualem res, non verba ostenderent. Interea, securos esse,
 iuber: in cuiusque potestate futurū felicem, an miseram post hac ætatem agat. Hac ratio-
 ne, vel compositis, vel sopitis intestinis malis, Rex omnem curam in Angliam intendit.
 Dum, de bello gerendo, totiesque violatis inducijs, habet consiliū, superueniunt legati, a
 Nobilitate Anglica missi, auxiliū, aduersus Henricū Regem suum, petentes: Henricus
 enim, spreta Nobilitate, novos homines extulerat, quorum de consilio, vxor eius, virilis
 animi fœmina, cuncta administrabat: auxerat etiam Regis apud suos contemptū, & fa-
 miliarium eius inuidiam, res in Aquitania & Normania male gesta: tot prouincijs amissis,
 antiquis Insulæ terminis inclusi fremebant, neq; Regis ignauiam, neq; Regiæ superbi-
 am diutius ferendam. Capita coniurationis erant tres, Richardi, nempe Dux Eboraci, &
 Comites Sarisburia, & Waruici. Legati Angli, cum, de iusta belli causa, coniurationis opi-
 bus & sui Regis ignauia, multa differuissent: aduersus cōmunem hostem, in bello timi-
 dum,

dum, in pace sordidum, qui discordias domesticas inter Scotos aluisset, omnes horum
 iuisset, auxilium petunt. Victoria parva, arces & agros, superioribus bellis captos, se reddi-
 turos pollicentur. Rex, de Consilij sententia, respondit, iam pridem se, de statu rerum
 Anglicarum, audisse: neque partis vtriusque ius sibi ignotum: neque nisi ex vtriusque
 partis sententia, se alieni Regni arbitrum futurum. Quod autem ad bellum attinet, sibi
 iamdiu in animo fuisse, temporum superiorum vlcisci iniurias: regni que furtiva, per
 occasionem discordiarum intercepta, quam iure non posset, armis recuperare. Ea si
 Eboraci Dux, quique eius sectam sequerentur, restituere pollicentur, se, aduersus Hen-
 ricum, eis auxilio futurum. In hac cum fuisset conuentum, Legati domum reuertuntur.
 10 Rex, copiis paratis, cum in Angliam ingressurus esset, fit ei obuiam Anglus impostor,
 ab Henrico missus: is, ut qui diu Romae fuisset, Italorumque mores & sermonem didi-
 cisset, cultu omni comitatuque peregrino, literisque Pontificis confectis, se facile homi-
 nibus, minime callidis, pro Legato Romano probat: & quominus suspecta fraus esset,
 Monachus in partem fabulae assumitur, cuius simulata sanctitate, fides facilius accede-
 ret imposturis. Hi, ad Regem perducti, Pontificis Romani nomine, vetant, ne ulterius
 progrediretur: Diras comminati, ni pareretur. Pontifex enim, quo commodius commu-
 ne bellum in communem Christianorum hostem geratur, per totam Europam com-
 positis dissidijs, in id vnum intendere animum: se quidem praemissos, qui hanc prae-
 monerent: ampliorem Legationem prope diem venturam, qua discordias Anglorum ci-
 uiles finiret, & Scotis, de acceptis iniurijs, satisfieri curaret: eam se credere Legationem
 20 in Gallia iam esse. Rex, ut qui fraudem nullam subesse suspicaretur orationi: quique,
 rebus adhuc domi non omnino tranquillis, honestam pacem etiam cuperet, Legato
 paruit, atque exercitum dimisit. Vix eo dimisso, ab Anglis quibusdam, de Legati sup-
 posititij fraude, admonitus, iterum copias contrahit: & quia, cum Eboracensi se con-
 iungere, non poterat, ut Regias vires, aliqua ex parte, distineret, & suas etiam vlcif-
 ceretur iniurias, Rosburgum recta ducit. opidum primo aduentu capit, ac diruit: ar-
 cem longe munitissimam dum oppugnat, Legati ab Eboracensi socijsque veniunt, qui,
 Regem suum victum, bellumque confectum in Anglia, nunciant: gratias agunt Ia-
 cobo, pro eius beneuolentia & studio, in ipsorum dignitate & salute tuenda: eius be-
 neficij se memores in tempore fore, promittunt: verum in praesentia orare, ut ab
 30 obsidione arcis recedat, omnique alio maleficio in Anglos absteat, neu ipsos rerum
 earum grauet inuidia apud populum, qui vix contineri potuit, quin confestim exer-
 citum in Scotos decerneret. Ad ea, Iacobus victoriam gratulatus, rogat legatos, ec-
 quid Eboracensis & socij, de promissis exoluendis, mandassent? Cum, nihil sibi man-
 datum, respondissent, Ego, inquit, prius quam prior ad me Legatio venisset, arcem
 istam in agro meo aedificatam euerrere, decreueram: neque, post id tempus, vllum
 isti factioni beneficio obstrictus, cur, intermittere rem affectam & pene confectam,
 debeam: de minis istis siue ipsorum, siue populi ipsi viderint: Vos nunciate, me, non
 verbis, sed armis, hinc submotum iri. Ita legatis, re infecta, dimissis, dum Rex obses-
 40 sos omnibus, quae bellum fert malis, vrgeret, Donaldus Insulanus, cum magna popu-
 larium manu, in castra venit. Is, ut facinorum, superiore vita admissorum, faciliorem
 obtineret veniam, Regemque sibi penitus placaret, ei est pollicitus, si quo progredi vel-
 let, quandiu in hostico foret, reliquum exercitum mille passus antecessurum: & asperiora
 quaque pericula principem excepturum. Iuxta Regem tendere iussus, cohortes aliquot,
 ad populandos agros, emisit. Eisdem forte diebus, Alexander Gordonius, Huntilex
 Comes, nouas copias adduxit. Fecit ea virium accessio, ut, quanquam arx strenue defen-
 deretur, Rex in oppugnando pertinacior esset: & cum antea magis obsidio, quam op-
 pugnatio esset, abundante multitudine, alijs atque alijs in stationes deinceps succe-
 dentibus, praesidiarij (quorum iam multi ceciderant, plures vulneribus sauci) inutiles,
 50 reliqui laboribus assiduis, & vigilijs fatigati erant) paulatim ad pericula segnius ac-
 currerent: quibus ut maior terror admoueretur, pars muri Bombardis ferreis, quo-
 rum tum magnus & vsus & metus erat, quati iussa. Ibi dum Rex propius, ut arbiter
 & exactor laboris, instat, vna e machinis, violentia ignis, interne furentis, excusso

RERVM SCOTIC. LIB. VNDECIM.

cunctis illis, ceteris illis, Regem in terram deiectum statim exanimat. Ex aulicis, qui proxime astiterant, et inopinato casu percussi erant: tamen, ne, Regis morte palam facta, vulgus dilaberetur, corpus velant. Regina, quæ eo ipso die in castra venerat, haudquaquam muliebri animo deiecta in luctus, proceres conuocat: hortatur, ut animo bono sint: ne, vnius hominis casu, tot viri fortes deterriti, rem, pene ad exitum deductam, turpiter deserant: se, in locum defuncti, Regem alium breui adducturam: interea omni apparatu belli hostem urgendum, ne, morte imperatoris intellecta, ferocior efficiatur, & in vnius hominis morte, tot virorum fortium simul virtutem extinctam existimet. Pudebat viros, animi magnitudine a foemina superari. Arcem igitur adorti sunt tanta vi oppugnare, ut neutra pars, Regem abesse, senserit. Interea Regis filius Iacobus, septem annorum puer, in castra adductus, Rex salutatur: nec multi intercessere dies, cum Angli, qui in praesidio erant, laboribus & vigilijs confecti, arcem nouo Regi dediderunt, pacti, ut incolumes sua secum exportarent. Arx, ne iterum causa belli foret, solo æquatur. Hunc finem vitæ habuit Iacobus Secundus, anno, a Christo nato, M. cccc.

C13. LX. non multis, ante æquinoctium Autumni, diebus: ætatis anno xxix. postquam regnare cœperat, xxi. iv. Semper, a pueritia, bella domestica & externa cum exercuerunt: ea moderatione animi res aduersas & prosperas tulerat: ea fuerat in hostes fortitudine, in deditos clementia, ut maximum sui desiderium apud omnes Ordines reliquerit: eoque est visa mors acerbior, quod, in iuuentute flore, tot malis defunctus, cum summa, de virtutibus eius, esset expectatio, repente decessit. Auxit eius desiderium filij rebus gerendis ætas immatura, reputantibus, quantum superioribus viginti annis, malorum pertulissent, quorum incendijs nondum plane restinctis, ex præteriti temporis recordatione, sequentis diuinare posse statum, sibi videbantur.

RERVM



RERVM
SCOTICARVM
HISTORIA

Auctore Georgio Buchanano Scoto.

LIBER DVODECIMVS.

CHIL. REX.

IACOBO Secundo, uti retulimus, in castris extincto, ne qua de Regni iure (ut alias acciderat) oriretur controuersia, eius filius Iacobus, e geminis minor fratri superstes, puer septem annorum, in opido Calsonae Regnum iniit. Deinde cum procures, de more, in verba eius iurassent, octauo, ab inito Regno, die, exercitu relicto, domum rediit, in arce Edimburgensi sub tutela matris futurus, interea, dum conuentus Ordinum haberi posset, in quo, de summa rerum, statuere-
retur. Is paulo tardius est indictus: quod, rebus in Anglia turbatis, domi satis quietis, primores, nihil bello praeuertendum, censerent: ut & veteres vlcerentur iniurias, & hostem, semper insidiantem alienis malis, damno insigni compescerent. In hosti-
co, nullis obuijs, in agros Anglorum est sauitum: multae arces, unde hostes repenti-
nas facere excursiones soliti erant, deiecit: in his, praecipua Verca, in ripa Tuedae am-
nis sita, ob propinquitatem, Marcianorum agris maxime infesta. Exercitus, quoad per
anni tempus licuit, hostilem agrum peruagatus, praematura hieme domum reduci-
tur. Hoc anno, Henricus Anglus, ab Eboracensi Regulo captus, & Londinum abdu-
ctus fuit. Ibi formula pacis, Henrico nihil abnuere auso, scribitur, ut ipse, dum viue-
ret, nomen Regium & insignia teneret, Administratio rerum penes Eboracensem
esset, sub nomine Protectoris: Henrico mortuo, etiam Regium nomen ad Eduardum
eiusque posteros transfret. Dum haec Londini geruntur, Regina nunciatur aduentare,
cum magnis copijs, ut Regem e custodia liberaret. Aduersus eam Eboracensis, cum
Henrico Rege, Richardo Varuicenses relicto, circiter quinque millia secum ducens,
obuiam, in agrum vsque Eboracensem, processit: & ne, qui toties in Gallia nunquam
se moenibus, sed semper armis, aduersus magnos exercitus, defendisset, certamen aduer-
sus mulierem defugere, videretur, cum longe maioribus copijs congressus, ipse, cum
minore filio, ac magno procerum numero, cecus fuit: Principum capita, super portam
Eboraci affixa, spectaculo proponuntur. Regina victrix, cum, ad Regem liberandum,
iter intenderet, Dux Varuici obuiam ei progreditur, Regem secum ducens, velut eius
auspicijs, pacta, paulo ante de Regno inita, defensurus. Ad Fanum Albani, quod,
Verolanium fuisse, creditur, hostibus occurrit, Regina iterum victrix, ducibus ho-
stium caesis, marito recuperato, recta Londinum tendebat: verum, comperto, Pem-
broci Comitem ab ipsa, Eboracensis filium a patre, ad auxilia contrahenda, missos,
ex itinere conflixisse, ac Eduardum, inimici sui filium, victorem, ipsa gnara odij Lon-
dinenfium erga se, Northumbriam versus (quod ea pars Angliae velut seminarium sibi
virium esset) contendit. Ibi quoque cruentissima pugna (ut in qua, ex vtraque parte,

RERVM SCOTICARVM

cecidisse tradantur, supra triginta sex millia virorum fortium) superata, cum hostis in-
 stans spatium, recolligendis viribus, nullum daret, cum marito & filio in Scotiam pro-
 fugit. Victor, se Regem Angliæ Eduardum Quartum edit. Henricus cum opem, rebus
 suis afflictis, postularet. Iacobo Kennedo, Fani Andrea Archiepiscopo, qui tum, au-
 thoritate & opinione prudentiæ, ceteros Scotos anteibat, maxime annitente, acceptus
 est humanissime, & omni genere officiorum ita cultus, ut in spem prioris fortunæ recu-
 perandæ erigeretur: quam spem, ut mutuis, quibus poterat, officiis tueretur, Beruicum
 opidum (quod, ab Eduardi primi usque tempore, Angli tenuerant) Scotis restituit: qui,
 eo munere deuincti, omnibus rebus Henrici factionem subleuabant, non modo reli-
 quias naufragij eius colligendo, sed auxilium etiam, ad cetera in tempore recuperan-
 da, pollicendo. Et ut amicitia, iam incoacta, firmitus coalesceret, duæ Regina, vtrique
 genere Gallica, tractare coeperunt, de affinitate confirmanda, Iacobi sorore Henrici
 filio, quem Valliæ Principem nominabant, desponsa: quamquam neuter eorum adhuc
 septimum annum expleuisset. Has nuptias Philippus Burgundus, Regina Scotorum
 auunculus, sed Anglorum Regina capitalis inimicus, maximopere impedire est cona-
 tus, misso Gruthusio, homine nobili ad id Legato: ita enim acerbe Philippus cum Re-
 nato, puellæ auo materno, exercebat iniurias, ut omnem vndecunque occasionem
 crescendi stirpi eius inuideret: itaque tum, in eius gratiam, res magis dilata, quam omissa
 est. Sed exitum, quem metuebat Burgundus, Henrici fortuna discussit: beneuolentia
 enim erga se Scotorum, & litteris ex Angliæ amicorum non nihil confirmatus, vxorem
 in Gallias, ad Renatum patrem, misit, ut ab amicis transmarinis, quanta posset, auxilia
 accerteret. Illa apud Gallos haudenus profecit, ut suæ factionis hominibus tutum ibi re-
 ceptum pararet, & aduersarios excluderet: præterea duo millia militum, duce Varenno,
 ut Monstreletus prodidit, ut nostri, & Angli, quibus facillius accedo, quingentos, duce
 Petro Brisco, aut Bræco Brittonie, ut alijs placet, itineris comites, verius, quam aduer-
 sus hostem auxilium impetrat: cum hæc manu in Scotiam reuersa, atque, aliquid mo-
 uendum, rara, nihil dubitans, ad famam externi militis, populares suæ factionis con-
 uenturos, ad ostium Tine exsensionem fecit: sed ea manus exigua, ad famam aduen-
 tantis hostis terribis, nulla re memorabili gesta, ad nauies redijt: ibi quoque, velut
 vbiq; conatibus eorum aduersante fortuna, fœda tempestate iactati: maior pars, se-
 cuta Regiani in Scotiam, Beruicum appulit: pauci in Lindisfarnen insulam electi, &
 ab hostibus circumuenti periere. Sed virilis animi mulier nihil hoc infortunio deter-
 rita, ad suos valida Scotorum adiuncta manu, rursus fortunam experiri decreuit. Igi-
 tur, filio Beruici relicto, ipsa cum viro Northumbriam ingressa, proximos agros ferro
 flammaque late deuastat. Ad hanc famam noui exercitus, ex primoribus, Dux Somer-
 seti, & Radolfus Percius, multi præterea ex Henrici veteribus amicis, qui Eduardo
 Regi, metu temporum, sese dediderant, sed longe plures ex propinquis Angliæ regio-
 nibus, latrocinio semper affucti, spe prædæ, accurrerunt. Ad hunc tumultum sedan-
 dum, Eduardus magnum belli apparatus terra marique instruit: Montacuri Regu-
 lum, cum bona Nobilitatis parte ad hostem ducere, iubet: mox ipse cum reliquo ex-
 ercitu sequitur. Cum in campis, non procul ab Examo, vtrique castra posuissent,
 turba, quæ prædandi studio conuenerat, dilabente, Henricus, quod, in rebus despe-
 ratis, honestissimum videbatur, configere statuit: commisso prælio, victus, principi-
 bus amicorum ab hoste aut captis aut casis, ipse magnis itineribus Beruicum peruenit:
 captiuorum alij statim, alij paucis post diebus, securi percussi. Eduardus, ita per duces
 suarum copiarum victoria parata, ipse Dunelmum venit: & ut Scotorum incursiones,
 terrore propinqui exercitus, coerceret, & si quis domi tumultus oriretur, præsentia
 sua motus compesceret: ac dum ibi cum parte copiarum sedet, loca ab inimicis occu-
 pata per duces aggreditur: Anneuici arcem, multo ceteris maiorem & munitiorem,
 quam, reliquis aut vi captis, aut per conditiones receptis, præsidium Gallorum tene-
 bat, acriter oppugnat: nec minus fortiter præsidarij, spe auxilij propinqui e Sco-
 tia, eam tuebantur. Sed cum, nuper in Angliæ re male gesta, tam breui, quam præ-
 sens flagitabat periculum, exercitus cogi non posset, qui obsidionem solueret alijs
 cunctantibus,

cunctantibus, nec suam sententiam explicantibus, Georgius, Comes Angulæ, rem audaciæ & periculi plenam suscepit. Collectis ex amicis & clientibus, ac proximo limite, cuius præfectus erat, circiter decem millibus equitum, ad arcem accessit: & Gallis, qui in præsidio erant, in eos impositis, quos sine sessoribus equos adduxerat, incolumes ad vnum omnes in Scotiam reduxit: Anglis, siue audaciæ miraculo, stupentibus, siue subsidia Duglassio in propinquo delitescere, raris, siue potius arbitrantibus, arcem sine certamine recipere, quam cum paucis illis, attramen delectis, rem vniuersam fortunæ ancipiti committere. Eduardus, dispositis ad omnia loca opportuna custodibus, ne qua manus rebellium vltro citroque commearet, velut vniuerso regno pacato, Londinum abiit. Henricus interea exul, vel spe ab amicis iniecta, vel exilij radio compulsus, statuit, in Angliam ad suos occultus redire. Sed, eadem fortunæ ad extremum durante violentia, agnitus, captus, & Londinum ductus, in arcem conditur. Margarita vxor, rebus diffisa præsentibus, cum filio & paucis comitibus e Scotia soluens, ad Renatum, patrem in Galliam, nauigauit. Iam (vt ad res Scotticas reuertar) conuentus, qui fuerat indictus Edimburgum, dies aduenerat. Ad eum cum frequentes sese contulissent, multitudo in duas factiones secessit: pars enim procerum Reginam sequebatur: & longe plures Iacobum Kennedum, & Georgium Duglassium, Angulæ Comitem, alterius factionis principes. Regina diuersabatur in arce, Episcopus & Comes, in Coenobio Sanctæ Crucis, in suburbio extremo, ad Orientem verso.

20 Causa diffensionis erat, quod Regina, tutelam Regis se penes esse, æquum existimabat: contra, pars altera, ex vniuersis, ad eam curam, eligendum maxime idoneum: alteris maternum nomen & propinquitatem: alteris vetustam legem, perpetua consuetudine confirmatam, iactantibus. Post tertium conuentus diem, Regina cum suis ex arce descendit: atque, a factione se Tutricem Regis, & Regni Procuratricem decerni, curat: atque in arcem redit. Id cum rescisset Kennedus, cum sua factione in forum aduolat, & multitudini, quæ frequens accurrerat, declarat longa oratione, se, suosque nihil aliud, quam publicum emolumentum, & veterem institutorum obseruationem spectare: contra, aduersarios priuatis cuiusque commodis duci. Id se perspicue ostensurum, si quando liber disceptandi locus sibi detur. Hæc ubi locutus est,

30 in diuerforium cum suis se recipere, cœpit, ac non longe a foro aberat, cum alteram factionem audit armatam descendere. Id vero intolerandum ratus, Duglassius, vt, minis paucorum, fortiores cederent, ac, fugæ instar, esset receptus, vix a Kennedo retineri poterat, quin portam vrbs proximam inuaderet, atque inermis cum armatis congregederetur: ac nisi tres Episcopi, Glascuensis, Gallouidianus, & Dumblanensis, tumultu exciti, interuenissent, vix indignatio sisti poterat, quin ad manus ventum foret. Episcopis interpretibus, res ita tum composita est, vt in mensem essent induciæ. Ducibus vtique sedatis, multitudo tamen, nullo imperio cohiberi, poterat, quo minus iram, & indignationem verborum asperitate expromeret: Reginz postulationem Regno esse turpem, nec ipsi satis decoram: eone recidisse veterum Scottorum virtutem, vt, in tot

40 virorum millibus, nemo inueniatur dignior, quam foemina qui rem Scotticam administraret? qui ei genti imperet? qui maiorem vitæ partem in armis transigat? quam spem tandem fore, qui, Regibus parum strenuis, non vsquequaque tractabiles essent, eos foemina peregrina obtemperaturos? in huncne finem tot labores exantlatos, tantum sanguinis, per tot annos, terra marique fusum, vt homines, in armis nati & educari, se in muliebrem seruitutem sponte dedant? quid futurum, si Angli, quod sæpe alias fecerunt, vltum accepta detrimenta cum magnis exercitibus, veniant? quem signum pugnae propositurum? quem in aciem ducturum? quem leges belli pacisque daturum, & accepturum? Hæc, inter se, in omnibus stationibus, passim vulgus hominum libere iactabat. Verum, mense exacto, paulum pacatioribus animis, cum, finitis inducijs, iterum esset conuentum, Regina, pro sua causâ, hæc fere afferebat: Cum superioris anni Administrationem non ipsa vi usurpasset, aut in eum locum, repugnante Nobilitate, irrupisset, sed, omnium concordia assensu, iure suo fuerit vsa, se moleste ferre, nullo prætextu crimine, de gradu deiici: cæterum si, quod solet, in tutelis propinquitatis

RERVM SCOTICARVM

spectetur, neminem matre propinquiorem: si Regis incolumitas, neminem fidello-
 rem: e Regis enim morte alijs aliam spem esse: nihil ad se præter luctum & orbitatem,
 redundaturum: sin vtilitatis publicæ ratio ducatur, se peregrinam esse, nullis amicitijs
 inimicitijsue illigatam: quod in ijs qui rempublicam capefferent, in primis esset spe-
 ctandum: quod non modo procul a vitijs eorum vita debeat esse, sed etiam quam pau-
 cissimas earum libidinum causas habere, quæ, animum in iudicando transuersum age-
 re, soleant: alijs parentum, propinquorum, affinium esse opes: quorum præsidio
 freti, vel delicti excusationem, vel faciliorem veniam sperare, possint: Interdum etiam
 cogi, vt, ad eorum libidinem, suas actiones accommodarent. Sibi vero, in sola inno-
 centia, spem defensionis fore: vnum enim esse filium, quem spectaret: cuius omnia 10
 emolumenta cum suis vtilitatibus essent coniuncta. Hæc nisi respiceret, se priuatam,
 cum omnium gratia, libentius & felicius etiam victuram, quam in corrigendis deli-
 ctis, omnium malorum subituram inimicitias, & in bonorum offensiones interdum
 incursum. Neque nouum videri debere, si foemina alieni Regni procurationem
 petat: cum, non modo in Britannia, sed in maximis etiam, & potentissimis conti-
 nentis regionibus, foemina regnarint: & ita regnant, vt administrationis earum ciues
 non poenituerit. Hæc cum dixisset, multorum secutus est assensus, partim eorum, qui
 futuræ gratiæ locum apud eam præmuniebant, partim, qui, alienæ inuidiæ fructum ad
 se peruenturum, sperabant. Neque deerant, qui, praua libidine, si electio ex omni-
 bus fieret, ne, velut parum idonei, præterirentur, malebant, Reginam omnibus, quam 20
 alios eiusdem secum, aut superioris Ordinis, præferri. Nobilitatis vero pars incorru-
 ptior cum, & vultu & verbis, orationem Reginae aspernarentur, omnem coetum vehem-
 enter mouit Iacobi Kennedi, Archiepiscopi Fani Andreae auctoritas, & oratio, quem,
 in hunc modum locutum, accepimus. **M A X I M E** velle, procures clarissimi, vt, qui,
 de omnium salute verba facere, instituunt, sine singulorum offensione, libere ex animi
 sententia loqui & possent, & vellent. Nunc vero, cum, quæ ad publicam vniuersorum
 dicuntur vtilitatem, ad priuatam rapiantur contumeliam, difficile est, ita modum inter
 diuersa studia, & pugnantes sententias tenere, vt non in alterius partis offensionem
 incurras. Quod ad me attinet, ita moderabor orationi meæ, vt nemo de me queri possit,
 nisi suum prius flagitium fateatur: libertate vero a maioribus accepta, ita modeste vtar, 30
 vt, nec cupide quenquam lædere voluisse, nec per timorem, aut ambitionem, quæ ad
 præsentem faciunt consultationem, præterijisse, videar. Duas omnino sententias esse,
 video, quæ concordiam nostram remorentur. Altera censet, in re, quæ ad omnium vili-
 tatem pertinet, ex omnibus electionem fieri debere: & quemadmodum omnes, ad fe-
 renda suffragia, de re, quæ totius regni salutem complectitur, coimus, ita neminem a
 spe honoris æquum esse excludi, qui, virtute & honestis artibus, eo contendat. Altera,
 Reginae clarissimæ principi, & lectissimæ foeminae iniuriam fieri, putat, nisi, in filij salute
 tuenda, & Regno administrando, cæteris omnibus præferatur. Harum sententiarum cur
 priorem magis probem, dicam posterius. Aliorum tamen consiliū hætenus probo, quod
 parum e dignitate Reginae putant, vt quisquam alius cum ea in contentionem, de honore 40
 veniat, ne auctoritas eius, quæ vt est, ita omnibus eximia haberi debet, cum inferioribus
 collata, imminui videatur. Quod si de honore vnus, & non de omnium salute hic esset
 disceptatio, ego quoque facile, ac lubens ad eorum sententiam accederem: verum cum
 de eo statuendum sit hodie, quod omnium priuatorum vitam & fortunas, quod totius
 Regni incolumitatem complectitur, huic vni cogitationi omnes singulorum rationes
 concedere, oportet. Quare eos etiam atque etiam moneo, vt ita Reginae studeant digni-
 tati, ne legum, ne veterum institutorum, ne salutis omnium interea obliuiscantur:
 nam si ostendere poterunt, & legibus licere, & publice expedire, vt Regis tutela, &
 rerum administratio penes Reginam sit, me quoque suæ sententiæ astipulatorem habe-
 bunt: sin vero eorum oratio sit publice perniciofa, & ad legum omnium interitum, & 50
 Reginae contumeliam spectet, hanc mihi veniam, primum a Regina, deinde ab omnibus
 bonis, datum iri spero, vt salua & sacrosancta (quoad per leges, & instituta maiorum
 licet) Reginae auctoritate, non cælem, quid sentiam: aut potius vt id libere dicam, quod,
 sine

sine summo scelere, tacere non possum. Atque, ut a legibus incipiam: Lex est a Kenne-
 tho Rege, non minus prudentia & consilio, quam belli gloria claro, ante quingentos
 amplius annos lata, & ab omnibus Regni Ordinibus accepta, & usu tot annorum, ad
 hunc usque diem, probata, ut, Rege pupillo, coeant Ordines, virumque, prudentia &
 opibus primarium, eligant, qui Regis tutelam gerat, eoque nondum Regni potente res
 administret. Hæc lex etsi ad Kennerthum, velut auctorem, referatur, mihi tamen non
 tam primus eam tulisse videtur, quam vetustam Scotorum consuetudinem, noua san-
 ctione, confirmasse: maiores enim nostri adeo erant a cura publica mulieribus man-
 danda alieni, ut, si omnia rerum vocabula excutias, ne muliebris quidem imperij nomen
 10 apud eos inuenias: quorsum enim ei rei nomen imposuissent, cuius ipsi nullum penitus
 usum habuissent, nec in posterum vllum fore, sperabant? Quas enim Reginas alij, suo
 quisque sermone, nos Regum vxores appellamus: nec altioris fastigij nomen vllum in
 eis agnoscimus: voluerunt enim, opinor, viri prudentes, ut illæ, quoties mentionem
 sui fieri audirent, ex adiuncto viri nomine, se viris obnoxias esse, meminissent. Itaque,
 ad hunc usque diem, nullum muliebre imperium, nulla publica procuratio fuit. In mi-
 noribus quoque magistratibus & mandandis, & exercendis, eundem plane morem con-
 stantissime obseruarunt. Nam multi honores, atque, in his, iurisdictiones, propter in-
 gentia erga patriam merita, etsi ad plerasque iure hæreditario peruenerint, ac sæpe fœ-
 minis dotales cesserint, nunquam tamen, ad memoriam usque nostram, proditum est,
 20 fœminam aut in publico consilio præsedisse, aut ius dixisse, aut eorum, quæ propria viro-
 rum creduntur, vllum munus vsurpasse. Quod institutum cum maiores nostri, nullis
 obstricti legibus, tam constanter obseruarint, naturæ tantum instinctu impulsæ, si nos
 eorum posteræ, aduersus legem omnium suffragijs acceptam, & tam longo usu proba-
 tam, in manifestum periculum statum publicum præcipitemus, quis, non a temeritatis
 dico, sed insanix nos infamia vindicabit? præsertim cum exemplis propinquis admo-
 neamur: Saxones enim, ob vnius Erhelburgæ scelus, lege cauerunt, ne vlla deinceps
 Regis vxor Regina vocaretur: aut in sede honoris, in publico, Regi assideret. Quæso
 igitur, diligenter expendite, quantum ab eorum prudentia degenerent, qui, aduersus
 legem tam vetustam, tam fœminis vilem, quam viris honorificam, clauum Reipublicæ
 30 eis committant, quibus maiores nostri nunquam nomen Regium indulerunt: vicini
 etiam honoris illius vocabulum ademerunt. Aliæ nationes aliter censuerunt: quo suc-
 cessu, dicam postea, modo prius eis respondeam, qui hanc legem non audent publice
 calumniari, in mulierum autem conuentibus, tanquam iniquam, arguunt. Verum
 quisquis est, qui eam reprehendit, non ille sanctionem aliquam, hominum modo
 suffragijs comprobata, sed naturam ipsam, hoc est, legem illam primariam, a Deo
 in animos nostros incisam, velle reprehendere videtur: Naturam inquam, quam noster
 legislator, in hac roganda, ducem & consiliorum suorum reatricem habuit. Natura e-
 nim, ab initio, non modo viros a fœminis, animi corporisque viribus, discreuit, sed
 sua cuique sexui munia, suas virtutes, genere quidem easdem, gradu vero longe diuer-
 40 sas, attribuit: nam, qui minus indecorum est fœminis, ius dicere, delectum habere,
 exercitum ducere, signum pugnx proponere, quam viro lanam, colum, telam, cæte-
 raque muliebris infirmitatis tractare ministeria: quæ in viris liberalitas, fortitudo, seue-
 ritas, in muliere profusio, vefania, crudelitas habetur: contra, quod in fœmina ele-
 gans, come, venustum, in viris fractum, elumbe, putidum iudicatur. Hæc, naturæ sponte
 distincta, qui, permiscere & confundere, conantur, nonne vobis videntur omnem
 Regni statum, legibus & institutis optime formatum, non perturbare, sed omnino
 euertere: cum, muliebre imperium nobis probare, contendunt, cuius ne nomen qui-
 dem vllum nostri maiores habebant? Huius enim (ut dixi) legislator, non tam, in ea
 condenda nouum ius attulisse, videtur, quam perpetuam maiorum consuetudinem
 50 literis, ad posteritatis memoriam, consignasse: & quod, in Rege creando, natura duce,
 semper fuerat vsurpatum, id, in Regio quoque tutore creando, publica auctoritate
 obseruandum, consecrasset. Hanc qui labefactare conantur, quid aliud moliuntur, quam
 ut omnes leges, ritus, consuetudines maiorum, vna lege violanda, semel euertant?

RERVM SCOTICARVM

Neque ego (ne quis id calumniatur) leges omnes, velut in æternum latas, arbitror immutabiles: alia aliarum est ratio, alia vis, alia conditio: quæ enim, ad temporum vicissitudines, accommodantur, ex fortunæ inconstantia sunt obnoxia: tam diu durare solent, quandiu manet, quæ eas imposuit, necessitas: & quæ per vim tyrannorum obtruduntur, cum suis auctoribus fere vna tolluntur. At naturæ vim illam, quæ viua, quodam modo, lex est, & a Deo condita, in animosque hominum incisa, & penitus impressa, nullius multitudinis consensus, nulla hominum decreta abolere possunt. Non enim (vt, egregium poetam dixisse, ferunt) heri, aut hodie nata est, sed cum ipsa rerum natura vna viget, consenescit, & interit. Quo e genere cum hæc nostra imprimis lex sit, non oppugnat Regiæ dignitatem, qui cupit, vt ipsa vltro sibi præscribat metas, quas natura statuit, sexus postulat, consuetudo affirmat, & omnium pene gentium consensu latæ, leges approbant: sed qui, sui eam obliuisci, iubent, & omnia iuris vincula percurrere, ordinemque rerum, a Deo institutum, vsu receptum, & in omnibus bene moratis ciuitatibus probatum, perturbare, suadent: eum ordinem quicumque negliget, graues non hominibus, sed Deo, suarum legum vindici, exoluet poenas. Nam si mortem Lex diuina minatur viro, muliebrem, aut mulieri virilem vestem induenti, quod supplicium satis, pro magnitudine sceleris, graue eis irrogabitur, qui, adulatione præpostera, totam naturæ vim, & perpetuam Dei constitutionem euertant? Vultis intelligere, quam isti assentatores non ex animi sententia loquantur? in conuentu publico dicere sententiam, iuri dicundo præesse, leges rogare, aut abrogare? Hæc singula etsi per se ampla sunt, quantula tamen portio sunt administrationis publicæ? Cur ergo eorum vxores hic nobiscum non consultant? iudicijs præsidant? leges suadent, aut dissuadent? cur non, domi suæ, ipsi rem familiarem procurant? & vxores in castra mittunt? Quod si, quibus rem familiarem committere vix audent, nedum minimæ negotij publici parti pares esse, existiment, eas nostris imponere volunt ceruicibus, videte, quam sibi constent: sin ipsi, infirmitatis suæ sibi conscij, idem sentiunt, quod loquuntur, sed pudore, magis quam iudicio cohibentur, desinant, male sperare de alijs, qui sua, hoc est virorum officia implere & volunt, & possunt. Sin (quod magis reor) hoc assentationis genere, se Regiæ gratificaturos putent, eos admonco & hortor, vt falsam istam, de principe summæ prudentiæ, deponant opinionem: nec eam adeo rerum ignaram credant, vt, quod alijs foeminis esset turpissimum, in eo suæ dignitatis aut incrementum vllum, aut ornamentum inesse, arbitretur. Inuitus in hanc orationem ingredior. Itaque cum Princeps Illustrissima de vniuerso Regno ita sit promerita, vt nihil audire debeat, quod, animum eius, aut aures offendere, possit, omitam, quæ, in sexus contumeliam ab improbis iactari, audio, & virtutum, quæ Regiæ sunt propriæ, potius vsurpabo memoriam. Hæ enim cum plurimæ sint, & in primis illustres, nulla tamen maiorem ei apud omnes commendationem & laudem conciliauit, quam modestia: ea enim istius sexus ita propria existimatur, vt in priuata plerunque vita, alia aliarum vitia vel omnino texerit, vel certe obscurarit. In principe vero nostra, cuius, ob fortunæ generisque claritatem, nullum dictum factumue, in obscuro esse, potest, ita hæc præluet, vt, eius commendatione, cæteræ virtutes, gratiores fieri, videantur. Cum ea igitur mihi longa oratione non est opus: sed tantum, vt admoneam & hortor, vt, quam semel ad decus & gloriam ingressa est viam, eam constanter teneat: neu cuiusquam assentationi ita se præbeat, vt sui obliuiscatur: malitque certum, & multis experimentis probatum iter, ad laudem & immortalitatem, insistere, quam, per ancipitia & intuta progrediendo, antea vitæ decus & splendorem in discrimen mittere. Vobiscum mihi omnis disceptatio, qui, vel inuidia erga meliores, quos, ne vobis anteponantur, timetis, vel, praua ambitione, apud bonam Principem futuræ gratiæ fundamenta iacitis. Dicam igitur, Regina clarissima, fretus tua prudentia, quod sentio, & libere dicam. Isti non te, sed tuam fortunam alloquuntur: & dum Reginam cogitant, eandem quoque foeminam esse, obliuisci videntur. Cum foeminam dico (ne quis, contumeliose id dictum, interpretetur) hominem dico, cui natura cum plurima dederit blandimenta, & indulgentiæ suæ munera, nonnulla etiam admiscuit,

admisit (ut plucherrimis quoque, & preciosissimis rebus solita est) infirmitatis incommoda: ideoque, non sui protegendi satis potentem, in aliena voluit esse custodia: adeoque in alios imperium non dedit, ut leges, naturam imitata, in perpetua parentum, fratrum, maritorum tutela foeminas esse, iusserint. Neque hoc ad earum est excogitatum ignominiam, sed infirmitati inuentum remedium: nam cum eas negotijs, quibus sunt impares, arcet, beneficium est consulenti pudori, non honori detrectantis contumelia. Non commemorabo, quam agre cohibeat eas maritorum diligentia, & parentum auctoritas: non recensebo, quo, soluta vinculis, quarundam licentia proruperit. Eatantum dicam, non quæ causa præsens offert, sed quæ exigit: & quæ, sine fraude publica, tacere non possum: si qua in eo sexu sunt priuatum noxia, ea maritis, & propinquis curæ sint: quæ, publice obesse, possunt, ea leuiter attingam. Nunquam ab hoc sexu animi magnitudo postulata est (habent certe foeminae suas virtutes) sed hæc, de qua loquor, inter viriles, non muliebres, semper connumerata est: deinde, quo magis, ob naturæ imbecillitatem, animorum motibus sunt obnoxia, eo, quoties legum frenos licentia perruperit, longius progrediuntur, difficilius reuocantur, ad modestiam vix vnquam redeunt: quippe, morborum & remediorum iuxta impatientes. quod si quæ, inter eas, fortiores videntur, eo sunt magis periculosa, quod vehementiores habeant impetus: & quæ, radio sexus, foeminam semel exuerunt, etiam, ultra curas viriles licentiam extendere, volunt.

20 Nam ubi modum finemque, a natura positum, semel transieris, quicquid ultra est, infinitum est, nullo cupiendi, aut audendi tibi relicto termino. Ad hanc etiam naturæ infirmitatem accedit, quod, quanto quisque sui minorem habet fiduciam, tanto facilius aliorum dicta & facta ad suam contumeliam accipit: vehementius irascitur: agrius pacatur: immoderatus vindictam exercet, & velut contemptum sui vlciscitur. Hæc omnia quam sint magistratum gerentibus aduersa, nemo vestrum, opinor, ignorat. Ista si quis, a me confingi, putat, apud animum suum reputer, quanta cum rerum perturbatione, Ioanna Neapolitana non ita pridem imperauerit. Reuoluite prius eorum temporum historias. Non commemorabo Assyriam Semiramidem, non Cappadocem Laodicem, monstra sunt ista, non foeminae. Palmyrena illa Zenobia, omni uero ore celebrata, Parthorum victrix, Imperij Romani propugnatrix, tandem victa, capta, triumphata, se, regnumque suum, ab Odenato marito autum & illustratum, vno momento euerit. Sed nec, illud quidem præterire tacitus, possum, cuius in alienæ rei procuratio-
ne, in primis ratio ducenda est, ne videlicet summum imperium ei hominum generi committamus, a quo male obiri negotij ratio exigi non potest. Nihil ego neque Reginae ingenio, neque fidei, neque industria detraho: sed si quid (quod plerumque accidere solet) aliena etiam fraude, gestum fuerit, secus ac publica utilitas, aut, quem tenebit, loci dignitas postulet, quam multam a Regis matre exigemus? aut quam expetamus poenam? apud quos rerum gestarum ratio reposcetur? apud muliebre concilium in gynæceo, de summa rerum, consultabitur? vos ibi decretis aut singuli subscribetis, aut vniuersi auctores eritis, & quam vix, inermem, legibus & moribus vobis obnoxiam, cohibere nunc potestis, auctoritate vestra semel armatam muliebrem impotentiam sustinebitis? Neque hoc eo a me dictum, existimate, quod quicquam tale, a foemina lectissima & omnium longe modestissima, metuum: sed quod nobis, quibus omnia adhuc in manu sunt, turpe ducam, spem nostræ incolumitatis, quam nobis ipsis debere possumus, in aliena potestate collocare: præsertim cum pro nobis faciant diuinæ & humanæ leges, & non modo maiorum nostrorum consuetudo, sed omnium, qui vbiq; terrarum sunt, gentium consensus. Tulerunt quidem, in summo honoris gradu, nationes quædam foeminas, non illas quidem iudicio & suffragijs electas, sed, sorte nascendi, oblatas, nullus tamen vnquam populus, cum libera essent suffragia, cum virorum quantulacunque
30 esset copia, sibi foeminas præfexit. Quamobrem, viri clarissimi, suadeo, vosque vehementer adhortor, ut, iuxta leges patrias, & maiorum instituta, vnum, aut plures etiam, si ita videbitur, ex optimatibus scilicet optimos elegatis, qui interim Regnum administrant, dum Rex eo robore sit & animi & corporis, ut ipse, ad rerum gubernacula admoueri, possit.

RERVM SCOTICARVM

CID. CD.
LXIII.

Quod faxitis Deum opt. max. fortunare & volo, & opto. Hæc cum Kennedus, cum
haud dubia maioris partis assensione, dixisset, cœteri, ne frustra contra niti viderentur,
in eorum sententiam concesserunt. Res autem hoc maxime modo est composita, vt
neutra partium, alteri cessisse, videretur: Bini e singulis factionibus adhibiti, ad Regis cu-
stodiam, qui publica negotia cum fide tractarent, vectigalia Regia colligerent, ac dis-
pensarent, familiarumque Regiæ curam gererent: e factione Regiæ, Gulielmus Gramus, &
Robertus Bodius, tum Cancellarius: alterius factionis, Robertus, Orcadum Comes, &
Ioannes Kennedus, omnes familiarum suarum principes: adiuncti his duo Episcopi,
Glasguensis, & Caledonius: Regiæ permissum, vt educationi Regis adesset, modo, ne
quam partem curæ publicæ attingeret: reliquorum vero liberorum (erant autem quater- 10
ni, Alexander Dux Albinus, Ioannes, Comes Marriæ, ac duæ puellæ) ipsa educationi
præfesset. Rebus domesticis ita constitutis, legati Anglorum auditi: petentibus induciæ,
in annos quindecim, datæ. Proximo anno, qui fuit M. cccc. LXIII. Regis mater decef-
sit, parum secunda pudicitie fama: eodem anno, Alexander Regis frater, dum ab auo
materno e Gallijs redit, ab Anglis capitur, breuique liberatur, Scotis, ni redderetur, ob
violatas inducias bellum comminantibus. Pace foris parta, domi, ab intestinis moti-
bus, non diu cessatum: nam controuersie procerum, de Statu publico ordinando, ru-
moribus in maius auctæ, atque Regis immatura rebus gerendis, & superiorum tem-
porum licentiæ recens memoria, hominibus natura inquietis, franos facile soluit. Ala-
nus Lornensis, homo seditiosus, Ioannem fratrem, natu maiorem, hæreditatis eius 20
potiundi cupidus, in vinclis captiuum tenebat: viuum seruaturus, quoad, odio nefarii
sceleris senescente, res ex sententia transigeret. Id facinus Calenus Cambellus, Arga-
theliæ Comes, cum rescisset, magna clientium manu collecta, Alanum, liberato fratre,
in carcerem coniecit, hominem, alioqui multis latrocinijs infamem, in aulam ad sup-
plicium ducturus: Verum ille (incertum fortuita, an voluntaria) morte supplicium præ-
uenit. In diuersa regione, Donaldus Insulanus vt auctor potentior, ita res turbare ma-
iore mole est aggressus: is enim, Rege mortuo, metu solutus, in eo turbulento re-
rum statu, locum iniuriæ aduersus infirmiores, & augendæ potentiæ occasionem sibi
datam, ratus, Ennernessum, cum non adeo magno comitatu, venit: & a præfecto ar-
cis, vt qui nihil hostile metueret, comiter inuitatus, arcem, custodibus expulsis, in 30
suam potestatem redegit, Insulanorumque copijs vndique coactis, se Regem Insula-
rum pronunciat: per propinquas regiones edicit, vt vectigal vni sibi ciues pendant: ne-
que alium Regem, aut dominum agnoscant: graui poena, qui secus fecisset, indicta.
Ad hanc famam, facinorosis ad eum vndique coeuntibus, satis magno exercitu con-
fecto, Atholiam ingreditur, tanta celeritate, vt Comitem, qui Regis erat patruus,
cum vxore, nihil tale suspicatos, ceperit: is enim, ad repentini tumultus rumorem,
Blaro arci diffusus, in vicinam Brigidæ ædem, se religionis loci defensurus, secessit: mul-
ti item popularium, oppressi subito malo, preciosissima quæque rerum suarum eo con-
gessere. Ea ædes quanquam, in illis locis, magna ceremonia veneraretur, & ad eum 40
diem, inuiolata mansisset, ob sanctitatis eximie famam, plus tamen valuit, apud ani-
mum immanem & avarum, præda, quam religio. Comite cum vxore, magnoque
captiuorum numero illinc abducto, AEdi, rebus omnibus spoliata, ignem iniecit:
Sacerdotes, verbis a sacrilegio detertere, conatos, alios interfecit, alios male multa-
tos dimisit. Circumiectis deinde locis ferro & flamma longe lateque vastatis, dum cum
ingenti præda domum redit, suborta repente tempestate, magna parte nauium amissa
reliquis grauiter afflictis, ipse, cum paucis, in Ilam insulam eiectus est verius, quam ex-
positus: id vero, qui, e tanta calamitate euaserant, rati, manifesta numinis ira euenisse,
nudis pedibus, ac lineis modo vestimentis tecti, supplices, cum muneribus ad Fanum
Brigidæ, cui ante paucos dies tam contumeliose illuserant, accesserunt: Dux vero Do-
naldus, siue dolore amissi cum præda exercitus, siue animum (quamlibet immanem) 50
subeunte scelerum conscientia, & spreta religionis memoria, ex eo die parum compos
fuisse mentis, dicitur. Hic Ducis casus propinquos eius mouit, vt Atholiæ Comitem cum
suis liberos dimitterent, ac Brigidam propitiatum, cum piaculis amplisque muneribus,
veni-

venirent. Rerum ita gestarum fama, in Aulam perlata, omnem expeditionis, aduersus Insulanos, apparatus soluit. Primis tumultibus ita sedatis, tanta cum æquitate & tranquillitate res Scotorum administrata sunt, vt nunquam altiore securitatem, sincerioreque pacem seniores affirmarent, se meminisse: ea erat in Iacobo Kennedo (cuius aula tum maxime nitebatur auctoritate) prudentia & grauitas ea in reliqua Nobilitate, qui, prudentioribus parere, non recusabant, modestia. Tantam enim Kennedus existimationem, multis erga rem Scoticam meritis, erga superiorem Regem officijs, collegerat, tantam, ob morum elegantiam, & propinquam cum Regibus cognationem, comparauerat in rebus omnibus fidem, vt cæteri pueritiæ Regiæ curatores, qui, per ordinem, bini in orbem sibi succedebant, cum, quoties in aulam excurreret, velut diligentia exactorem & probatorem, facile ferrent. Itaque, hac eorum concordia, in summa tranquillitate ita Rex educabatur, vt, accedente ad rectorum diligentiam optima pueri indole, magnam omnium concitaret expectationem. Hæc fere, ad sextum vsque Regni annum, acta fuere. Erat tum in aula Robertus Bodius, familiae suæ princeps: qui, præter magnas opes, familias tum plurimas & clarissimas, propinquitatibus & affinitatibus, erat complexus: florebat etiam tum egregia stirpe domus: habebat enim, præter Thomam & Robertum, filios, Alexandrum fratrem, omnium primarum artium principem: qui reliquis pueritiæ Regiæ rectoribus non inuitus, etiam cupiente Ioanne Kennedo, propinquo (qui, per ingrauescentem ætatem, adolescentiæ laboribus impar erat) ad Regem est admotus, vt militarium exercitationum rudimentis eum imbueret, quibus tum, inter æquales, facile primus habebatur. His opibus freti, nec loco, quamuis honorifico, quem in aula tenebant, contenti, nec auctoritate, quæ erat eis præcipua, omne robur publicum in suam transferre familiam, decreuerant. Id vt conficerent, Alexandro negotium datur, vt Regis quoque animum adiungeret. Is, Regem iam puberem in ætatis flexu nactus, ita comitate & blanditijs animum infirmum cepit, vt summa sibi fides omnium rerum esset. In hanc tam familiarem consuetudinem admissus, sermones frequenter apud adolescentem serebat, eum iam Regni potentem esse: iam tempus adesse, vt, e senum prope seruitio emancipatus, ætatem circa se habeat militarem, eaque studia mature capeßat, in quibus, velit nolit, ei agenda sit ætas. Huius generis orationes ab adolescente, rerum imperito, & in ætatis lubrico, ad licentiam prono, facile accipiebantur: ac, paulatim rectoribus contumacior, multa, illis inconsultis, nonnulla, aduersantibus, tentare, atque occasionem quærere, vt a seniorum seueritate, velut e vinculis, euaderet. Igitur cum e Limnucho Rex, ignorante Kennedo, cuius tum vices erant, in agros venatum, prodiret, senex, certior factus, non procul ab oppido eum assequitur: & cum, apprehensis habenis, remoraretur, ac reducere conaretur, quod nec tempus commodum, nec idoneum comitatum cauferetur, Alexander accurrens, seni, optime de se merito, arcu, quem manu tenebat, vulnus in caput infixit: Ita abacto Kennedo, velut arbitro molesto, quo cœperant ire, pergunt. Kennedus faucibus in oppidum redit: nec Robertus, in aulam reuersus, fratris factum improbavit: inde odiorum semina cum grauissimo regni damno, alterius autem factionis exitio, sunt orta. Initium fuit promendæ discordiæ, cum Bodij, Edimburgum, Kennedi, Sterlinum Regem inde transferre, vellent. Bodij, qui plus in aula tum poterant, sine consensu publico, eum Edimburgum ducunt, vt ibi Regnum iniret: comites fuere itineris, præter Bodios, Adamus Heburnus, Ioannes Someruallius, & Andreas Carus, familiarum suarum principes. Hæc acta sunt, circiter decimum Iulij diem, Anni M. cccc. LXVI. Kennedi, in ea contentione inferiores, diuersi domos abeunt, Ioannes in Carictam, Iacobus in Fifam, tumentibus ira animis, nec ultionibus, sicuti possent, defuturi. Bodij superiores, iniuria non contenti, ad Ioannem Simiam miserunt, quicum domi colluderet, ac se oblectaret, delirationem seni exprobrantes. Nec multo post, Iacobus Kennedus decessit, mature quidem ille, si ratio ætatis habeatur: verum eius mors omnibus bonis adeo fuit luctuosa, vt parente publico viderentur orbat. Erant enim in eo viro, præter virtutes ante commemoratas, summa domi frugalitas, & continentia: foris splendor, & magnificentia. Omnes superiores, & qui eum, vsq; ad hunc

RERV M SCOTICARVM

diem, secuti sunt, Episcopos liberalitate in publicum superauit: cum interea non magnos Ecclesiasticos prouentus teneret: neque enim adhuc ad Scotos peruenerat consuetudo, Sacerdota sacerdotijs cumulandi, & male per auaritiam quaesita peius per luxuriam profundendi. Vnum reliquit suae liberalitatis monumentum egregium, scholas publicas, ad Fanum Andrae maximis sumptibus aedificatas, & magnis prouentibus, ex Ecclesiasticis tamen fructibus, locupletatas: in eis sepulchrum sibi magnifice extruendum, curauit, quod tamen ei, priuatim de pluribus, publice de omnibus optime merito malignitas hominum inuidit: quod dicerent, nimiae vanitatis esse, in re, ad nullum usum comparata, tantos sumptus facere. Mors virtutes eius fecit illustriores, & desiderium auxit: eo enim, velut perpetuo censore morum, de medio sublato, disciplina publica paulatim labefacta: deinde penitus corrupta, secum omnia pene in exitum traxit. Bodij, ad domesticae potentiae incrementum, & inimicorum vires imminuendas, sub legum praetextu, animum adiungunt: e quibus maxime opportunus est visus Patri-
cius Gramus, Iacobi Kennedi ex eadem matre frater, Roberti quoque Bodij consobrinus. Is, uti tum mos erat, per Canonicos electus Episcopus, in locum Iacobi fratris, nuper defuncti, sed, per factionem aulicam, impeditus, quo minus cum Regis bona venia Romam adiret, sine comitatu ad Pontificem profectus, facile cum eo transigit, ut, in demortui locum, sufficeretur: nam, praeter generis nobilitatem, & maximarum virtutum commendationem, erat, ut illis temporibus, liberaliter eruditus. Itaque, dum Romae aduersae factionis opes metuens, desidet, vetus controuersia, de libertate Eccle-
siae Scotorum, agitari coepta est: nam Eboracensis Episcopus ius (quo Scotorum Episcopos contendebat sibi subditos) per licentiam bellorum usurpatum, etiam in pace retinere, studebat. Verum, decreto Romae secundum Scotos dato, Gramus non modo Scotiae Primas iudicatur, sed etiam a Pontifice Legatione in triennium, ut Sacerdotum prolapsos mores, & disciplinam Ecclesiasticam, praecipitantem, in pristinum statum restitueret, est ordinatus: nec tamen vir tantus, tot animi fortunaeque bonis illustratus, ac, Summi Pontificis tali praerogatiua subnixus, domum redire ausus est, usque ad inclinatam Bodiorum potentiam. Bodij, cum non tantus ad eos Nobilitatis concursus fieret, quantum sperauerant, ut inimicorum criminationes amolirentur, & securitati suae, in posterum, prospicerent, conuentum publicum indicendum curant, in tertium, decimum mensis Octobris. Ibi, coram Rege & Apolectis, Robertus Bodius senior, in genua procidens, conquestus est, suum erga Regem obsequium, quod in eo Edimburgum deducendo praestitisset, malignis inimicorum sermonibus traduci, & in peiorem partem rapi, ac minari, illius consilij auctores poenas aliquando datu-
ros: quamobrem Regem orare, ut, si quam, ob id factum, iram aut offensam animo concepisset, id palam declararet, & maleuolentium calumnias compesceret. Rex ubi paulum cum Apolectis collocutus fuisset, respondit, Robertum non auctorem eius itineris, sed comitem fuisse, neque obsequij poena, sed potius officij in se collati praemio dignum existimare: idque se, ut inuidorum sermonibus obuiam eatur, publico conuentus decreto declaraturum: atque eodem decreto cauturum, ne ea res, Bodio
comitibusque eius aliquando fraudi esse, possit. Hoc decretum cum Bodius petisset in Acta conuentus redigi: idemque diplomate Regio cui magnum sigillum appenderetur, confirmari: decretum quidem statim in Acta relatum: diploma paulo post, nempe vicesimo quinto eiusdem mensis die ei traditum. Eodem quoque die adiungitur & aliud diploma ex consilij sententia, quo Bodium Proregem creat: suamque salutem, fratres, sorores, arces & opida, omnemque iurisdictionem in ciues ei Rex committit, donec ipse vicesimum vnum annum expleret: egitque cum proceribus, qui tum aderant, ut sese sancte promitterent omnium actionum publicarum Bodij adiutores fore, poenisque ni id summa ope & fide fecissent, obnoxios futuros. Huic promisso Rex ipse quoque subscripsit. His rationibus Rege sibi coniuncto, & parte Nobilitatis priuato foedere connexa, ac totius Regni administratione in se traducta, securitati in longum tempus prouisum esse, existimarunt, fundamenta potentiae etiam in posterum iacentes, perfecerunt, ut Regis soror natu maxima Thomae Bodio, Roberti filio, nuberet.
Id ma-

Id matrimonium, vt opulentum, & velut potentia stabilimentum, videbatur, ita ini-
 micorum odia intendit, & vulgo variam sermonum materiam praeuit: Eri enim, hac
 via omnes aditus ad Regem obsepro, credebant, solique dictorum & factorum arbitri
 erant, non tamen aulica gratia magis florebat, quam flagrabant odio publico, quod
 quadriennio prope tectum, in exitium totius familiae tandem erupit: nec aduersa fa-
 ctionis prudentissimus quisque tam subitum eorum incrementum inuitus audiebat:
 vt cum arrogantiam (vt fieri solet) comitem sperarent, quae superiores ferre nequeat, æ-
 quales contemnat, & inferiores deprimat: Vbi autem priuati excessit modum, Reges,
 emulationis intolerantes, in sui exitium accendat. Fama vero discordiae, inter factiones
 10 tam potentes, populari quoque licentiae fræna soluit: nam nationes, latrocinij assuetæ,
 veterem rapacitatem ex intervallo audius repetebant: & odiorum semina, ad tempus
 suppressa, vehementius glisciebant: & seditiosi turbandarum rerum occasiones liben-
 ter amplectebantur: omnes denique omnia, spe impunitatis iniecta, liberius audebant.
 Nec deerant occasionei Kennedi, qui, partim spargendis rumoribus, plebis iram inflam-
 marent, & omnium malorum causas in Bodios, vt seditionum auctores, conferrent: par-
 tim etiam (vt nonnulli rebantur) a tumultuosorum nominum consilijs non abhorre-
 bant, & nequitiae faces occulte subdebant: Illud certe ex eorum vulpibus elucebat, hunc
 turbidum rerum statum non admodum eis ingratum esse. Vnum restare videbatur, ad
 20 florentem inimicorum potentiam subuertendam, vt Regis animum ad sua consilia tra-
 ducerent: satis enim superque sibi virium esse: & vulgus, nouarum rerum studiosum, &
 omnia alia magis, quam praesentia, semper cupiens, facile ad partes accessurum. Itaque,
 per homines callidos, qui studium Bodianarum partium praeseferrent, Regis animum
 pertentare, instituunt. Interea legati in Daniam decreti, vt Margaritam, Dani Regis fi-
 liam, Iacobo peterent uxorem: vtque prospicerent, quoad fieri posset, vt vetus contro-
 uersia, de Orcadibus & Schetlandicis insulis, magnis vtriusque gentis cladibus exercita,
 tolleretur. Princeps eius legationis fuit Andreas Stuartus, Valteri filius, idemque Scotiae
 Cancellarius. De nuptijs facile cum Dano transactum, omni iure, quod in omnes circa
 Scotiam insulas maiores eius sibi arrogarant, dotis nomine, remisso: tantum vt priuatis
 agrorum possessoribus caueretur, vt agros, quos ibi haberent, vt ante possederant, ita
 30 tenerent. Sunt, qui, pignori oppositos, donec dos solueretur, scribant: sed postea Iaco-
 bo nepoti, ex filia recens nato, Danum omne ius suum in perpetuum celsisse. Cum
 a Cancellario Rex certior esset factus, omnia, ex sententia, esse confecta, proxima in-
 cidit deliberatio, de honesto Nobilium globo, ad nouam Reginam deducendam,
 mittendo. Ibi, fraude inimicorum, & amicis parum prospicientibus, Thomas Bo-
 dius, Roberti filius, Arania Comes, laudata supra modum etiam ab inuidis, & mi-
 nus aquis eius virtute, & splendore opibusque, ad quamvis magnificentiam suppe-
 tentibus, legatus deligitur. Ille, domi omnia, patre Prorege, tuta ratus, libens pro-
 fectionem suscepit, ac, iam ineunte Autumno, cum familiarium & amicorum co-
 mitatu conscendit naues. Kennedi interea, labefactato Regis animo, & vincula, qui-
 40 bus Bodij eius voluntatem se retenturos, credebant, nempe voluptates, & a curis
 publicis ocium, trahendo in crimen, eorumque opes, quae iam erant maxima, ve-
 lut Regi formidolosae in maius extollendo, ac, nomine peculatoris, praedam ex eo-
 rum ruina ostendendo, animum infirmum, & suspicionibus atque inuidiis oppor-
 tunum, varie versabant. Bodij vero etsi obsequio, & malorum publicorum dissimu-
 latione, a molestis cogitationibus Regem auertere, conarentur, tamen & vulgi
 quarimonia, & aula solitudo, utraque ab inimicis aucta de industria, regi non
 poterant: nec deerant, qui Regem solitarium nacti, de publicis calamitatibus, &
 eorum remedijs, liberius admonerent: & Rex ipse, velut ad curas viriles assue-
 gens, quae vulgo fierent, nonnunquam, ingratis sibi esse, monstrabat. Nec Bo-
 50 dij, quanquam, cum sibi paulatim minus obtemperantem, & pariter inuidiam po-
 pularem inesse, sentiebant, quicquam tamen e superiore licentia omite-
 bant, consilijs & pristina eius facilitate, & venia praeteritorum accepta. Igitur ad-
 uersa factio, iam Rege clam in suas partes abducto, & Thoma, Comite Arania

in Daniam ablegato, vnde, propter Oceani Septentrionalis fœuitiam, magna anni parte nauigationibus imperuij, reditus, ante Veradultum non pateret: Senes & ætate & morbis inualidos, & raro propterea in aulam ventitantes, & præsidio multorum amicorum, qui in legationem erant profecti, destitutos, maturum aggredi, arbitrati, primum, conuentum publicum, iam diu a multis flagitatum, in vicesimum, secundum diem mensis Nouembris, Anni millesimi quadringentesimi, sexagesimi noni, Edimburgum, per Regem indicendum, curant. Eo Bodijs fratribus adesse iussis, varie res, pro cuiusque odio aut fauore erga eos, est celebrata. Ipsi certe tam opinato casu perculsi, nullo auxilio, aduersus imminens malum, ante parato, fractis animis, non tam factionis aduersæ potentia, quam subita Regis alienatione perturbati, Robertus, omni spe inco-
luminatis abiecta, in Angliam profugit: Alexander, quem aduersa valetudo a fuga cohibuit, in ius venit: crimini fratribus communiter datum, quod, in Regem iniecta manu, priuato consilio eum Edimburgum duxissent. Cum Alexander affirmaret, eius culpæ veniam in conuentu publico impetratam, supplexque peteret, vt eius veniæ, ex Actis publicis, Rex, exemplum describi, pateretur, id ei negatum. Quid, aduersus id decretum, ab accusatoribus obiectum sit, ab illius temporis scriptoribus non proditur: ego quoque, quanquam coniectura difficilis non sit, malo, cogitationibus legentium rem totam relinquere, quam incertam pro certo affirmare. In eo iudicio, Alexander damnatus capite luit: Robertus, paucis post annis, Anneuici in Anglia, exilij tædio ad prægrauem ætatem adiuncto, decessit: filius eius absens, inauditus, & 20 negotium publicum gerens, hostis publicus iudicatus: omnium bona publicata. Hæc quidem ita gesta sunt. Quæ autem ex viris bonis, & illorum temporum non ignaris accepi, non existimaui dissimulanda. Aiunt enim, decretum, quo Bodij ante actorum venia fuit data, in Actis extare, in hanc fere sententiam, Vt Rex omnem offensionem, & (vt tum loquebantur) animi rancorem remitteret. Quod quidem qui Regi gratificari volebant, iuxta remissionis de culpa & pœna distinctionem, quæ tum inter Theologos celebrabatur, interpretarentur: his videlicet verbis intelligi, noxam quidem, & ex animi nequitia conceptam, labem aboleri: cæterum, legum pœnis reos non eximi. Proximo Vere, Danica classis Reginam aduexit. Thomas Bodius, audita calamitate totius familiæ, quanquam non decessent, qui, in publica om-
nium læticia, spem veniæ ei ostentarent, non est ausus tamen descendere: verum ab vxore, quæ, ad rumorem Danicæ classis, aduolauerat, edoctus, nullum reditum ad Regis gratiam patere, omni aditu ab inimicis præcluso, statim in Daniam, vnde venerat, reuectus est: & peragrata Germania, in Galliam venit. Ibi multa frustra conatus, vt Ludouico Vndecimo (qui Regnum legitimum Francorum in tyrannidem conuerterat) deprecatore vteretur, ad Carolum Burgundum profectus, fortem & fidelem ei, in bello, nauauit operam: ac multis ab eo inuicem donis & honoribus affectus fuit. Ibi dum priuatam, sed honorificam vitam ducit, vxor ei Iacobum filium, & Græcinam filiam peperit, de quibus suo loco dicemus. Nuptiæ Iacobi Tertij, & Margaritæ Reginæ, magno Nobilitatis concursu, celebratæ, decimo die mensis Iulij, anni M. cccc. 40
C15. CD. LXX. Ex eo matrimonio, tertio post anno, natus est Iacobus, qui patri in Regnum successit, mense Martio, die sacro Diuo Patricio. Rex interea, nondum satiatus Bodiorum calamitatibus, scribit in Flandriam, ac sororem domum reuocat. Sed cum, ob insignem erga maritum amorem, non facile ei de reditu persuaderi posse, existimaret, curat, ex aliorum literis spem ei iniici, Regis ita spatio temporis lenita, non desperandum, quin soror apud fratrem plurimum perficere posset, ad mariti calamitatem subleuandam: multum interesse, præsens ne tuam causam agas, an alijs, agendam, mandes. Illa ea spe illecta, cum redisset, statim, de diuortio, cum ea Rex agit: & affixis libellis publice, ac multis ascitis testibus, Kilmernoci (quod, ante res afflictas, Bodiorum princeps erat domicilium) iubetur Thomas, intra sexagesimum diem adesse, quem sciebant omnes, vix fide publica data, reuerti ausurum. Cum diem non obisset, priores nuptiæ decernuntur illegitimæ: ac diuortio cum absente & inaudito transacto, Maria, Regis soror, inuita Iacobo Hamiltonio, homini prope, nouo, ac multum dignitate

gnitate & opibus, quam prior maritus, inferiori, nubere cogitur: peperit autem ei Iacobum, & Margaritam filiam. Reuocati quoque ex altero viro a Rege liberi: nec ille diu superstes fuit. Cum Antuerpiæ diem obisset, nec propinquum ibi haberet, qui hereditatem adiret, Carolus magnificum ei sepulcrum pecunia satis ampla, qua ipse munifice eum donauerat, in æde ~~construendum~~, cum inscriptione honorifica, curauit: Ita Bodiorum, quæ tum erat in Scotia florentissima, familia intra paucos annos & creuit, & corruit, magno posteris documento, quam sint lubricæ Regum adolescentium amicitia: Nec ea modo ruina obstupefecit amicos, sed inimicos etiam terruit: nullo postea ad eum, vnde illi deiecti erant, gradum contendere auso, partim dum rerum humanarum casus instabiles expendunt, partim dum Regis tam subito in beneficijs poenitentiam, & in odio tantam pertinaciam in mentem reuocant. Multum certe eos, qui, ex ea mutatione status publici, in maximam spem erant erecti, sua fefellit opinio: nam Rex, qui, superioribus annis, affluebat ocio domestico, ac raro prodibat in publicum, iam nouus etiam maritus, domesticis voluptatibus magnam temporis partem impertiebat: atque, exclusa Nobilitate, in paucorum ministrorum potestate totus erat: cum esset enim ingenio acri & præseruido, non facile ferebat, sententiam suam a consultoribus reprehendi: ita cum procerum, in censendo, refugeret libertatem, tales circa se habebat, qui non corrigerent, sed approbarent sua decreta, & repugnandi offensione vitata, obsequendo, gratiam pararent.

Inter hos aulae mores, Ordo Ecclesiasticus nihilo sanctius agebat: quanuis enim luxu & auaritia iam multos annos, Ecclesiæ ministri laborassent, remanserant tamen adhuc species quædam antiquæ grauitatis, quæ & stimulos literas discantibus adderet, & qui in discendo profecissent, spem emolumenti eis iniiceret: eligebantur enim Episcopi a collegijs Canonicoꝝ, & Cœnobiarchæ a suis Sodalibus: tum autem aulicos, qui Regis animum & aures obsederant, lucri ostentata magnitudo, & eorum, quibus cum certamen esset, infirmitas eo facile perduxit, vt Regi suaderent, ne rem tanti emolumenti penes homines ignauissimos, & ad nullam Rei publicæ partem capeßendam, idoneos esse sinneret: sed potestatem designandi, quos vellet, ad se reuocaret. Inde enim non defuturum, vnde & contumaces reprimeret, & dubios retineret, & bene meritis gratiam referret:

nunc autem, penes vulgi fecem, honores & opes esse, non minus in publicis necessitatibus parcos, quam in domesticis voluptatibus profusos: vnum Regem esse oportere, in quem omnium oculi sint intenti: penes quem sit & puniendi, & ignoscendi, & remunerandi facultas. Cum, his & similibus blandimentis, Regis animum, ætate infirmum, nec satis, aduersus pecuniam, firmum, & praua consuetudine, labefactatum, & a natura pronum ad licentiam, in suam sententiam pertraxissent, continuo noua rerum facies per totum regnum oritur, rebus omnibus tam sacris, quam profanis, in aulam velut ad publicam nundinationem, propositis. Patricius autem Gramus, qui præcipitantem Ecclesiam vnus velut sufflaminabat, cum, inimicis omnia domi tenentibus, Romæ aliquot annos subsedisset, certior per amicos factus, quo in statu res essent, frater propinquitate Regis, e cuius amita magna natus erat, ad suos redire, statuit: & vt, animos hominum pertentaret, diploma, de Legatione impetrata, præmisit, & promulgandum curauit, mense Septembri, Anni M. cccc. lxxii. quæ res & magnam ei inuidiam statim conflauit: nam qui redemerant in aula honores Ecclesiasticos, ne prædam & precium simul amitterent, meruebant: & qui spem crescendi, ex aulica nundinatione, conceperant, adiuturum sibi obstrui, dolebant. Nec minus fremebat ea factio, quæ Sacerdotia, mercenario quæstu, a Rege impetrauerant, vel impetrata alijs diuendebant, ne genus illud lucri e manibus eriperetur. Hi omnes, coniuratione facta, maledictis Patricium absentem onerant, & in Regiam collecti, queruntur, vetusta maiorum iura, & recentia Regum edicta violari ac multa, vniuerso Regno damnosa, per Romanenses agitari: quorum libidini nisi mature obuiam eatur, Regem breui in ordinem redactum iri, & penes illos omnium rerum potestatem fore. Id periculum vt præuenirent, ex decreto Consilij, ad Patricium, vix nauis egressum, missi, qui vetarent, ne vllam sui muneris partem attingeret, donec, Rex, de querimonijs aduersus eum ad se delatis, cognosceret. Dies dicta, vt Edimburgi adesset,

ad Cal. Nouembres. Interea, cum amici & propinqui confirmarent, Regem, in tam iusta causa, non iniquum fore, idque ex rumoribus aduersa factio rescisset, Regis & aulicorum animos, magnæ pecuniæ promissione, ita sibi deuinxit, vt nunquam deinde Patricius, æquo iure cum aduersarijs contendere, poterit. In Conuentum accitus cum diplomata protulisset, e quibus ostenderet, se a Romano Pontifice Archiepiscopum Fani Andrea, Primatem Scoria, & Legatum, ad Ecclesiasticum statum ordinandum in triennium creatum, a minoribus quidem Sacerdotibus satis æquo animo est auditus: gaudebant enim, munus, tam necessarium, viro bono & erudito commissum: sed hi, metu potentia aliorum, qui sibi Regem & aulicos conciliauerant, mutito palam, non audebant. Aduersarij, vt fauor populi erga Patricium elanguesceret, 10 mora interposita, Pontificem Romanum, qui vnus, in ea causa iudex esse, posset, appellat. Ipse, ad suam Ecclesiam a Rege remissus, vetitus est, dum lis diiudicaretur, Archiepiscopi insignia vsurpare: aut quicquam, præter consuetam superioribus Episcopis munia, attentare. Inter hæc, exortus est Patricio, leui de causa, nouus inimicus, sed omnium longe acerrimus, Gulielmus Scuessius. Is, iuuenis acri ingenio, cum aliquot annos, Louanij, apud Ioannem Sperincum, medicum, & Astrologia studijs nobilem, egisset, reuersus ad suos, cum cætera ingenij dexteritate, tum scientia rerum cœlestium iactatione, breui in aulicorum gratiam se insinuauit: ea res magnum ei fauorem conciliauit, quod Aula omnibus diuinandi generibus tum, vsque ad insaniam, dedita erat. Scuessius igitur, ingenij acrimonia & aulica gratia florens, breui Archidiaconus Fani 20 Andrea designatur. Cum ab Episcopo ad id munus non reciperetur, communicato consilio cum Ioanne Locco, tum scholarum publicarum rectore, & Patricij inimico, machinas omnes, ad eum subuertendum, admovent. Rector, frater Romani Pontificis privilegio, quo a iurisdictione Patricij erat exemptus, ei, Sacris interdicat. Hanc ille hominis, ex inferiore Ordine, comminationem ita contempsit, vt, etsi, veniens in aulam, eisdem Diris semel atque iterum esset petitus, nihil tamen de superioris vitæ consuetudine remitteret. Tum inimici (vt mos est, cum Diræ Ecclesiasticæ contemnantur) Regis auxilium implorant, ac, Patricium omnibus sacris Aedibus, excludi, procurant: in bona eius procuratorem fisci immittunt; comites graui indicto iussu discedere: dati custodes, qui obseruarent, ne quicquam, quod edicto repugnaret, attentaret. 30 Episcopi reliqui, ne erga Regem tam beneuolum ingrati viderentur, summam pecuniæ grandem, quam tenuioribus Sacerdotibus grauate extorserant, ad eum attulerunt. Rex, hac præda potitus, velut patricij miseris, coepit cum eo mitius agere, ac, missis ad eum Abbate Sanctæ Crucis, & Scuessio, Episcopus Regi, & Episcopo Scuessius reconciliatori sed pecunia ante ab amicis collata, & ad Regem perlata. Igitur Patricius, velut omnibus molestijs liberatus, cum ad villam suam, Monimallum, diuertisset, atque, ad ea, quæ sui muneris erant, priuatim & publice obcunda, se compararet, Mensarij Romanenses ab inimicis in eum immisi, ob nondum solutam, pro diplomate Pontificio (Bullas ipsi vocant) pecuniam, ei, Sacris interdicerent. Erat autem 40 ille ad extremam inopiam iam adductus: nam, & ante, & post reditum, census eius maiore ex parte a Procuratore Regio erant in fiscum relati: & quod ab amicis potuit confici, Regi, & aulicis datum: ministris autem Regijs iterum in possessionem missis, ipse in arce sua, adhibitis a Rege custodibus, ac domesticis ministris ablegatis, seruari iussus, etiam ad inopiam consilij est redactus. Gulielmus Scuessius capitalis inimicus, velut mentis parum compos, a Rege primum Adiutor (vt vocant) est datus, deinde a Romano Pontifice approbatus: mox idem Scuessius, per factionis aduersæ potentiam, Quæstor electus, qui, de vita & moribus eius, anquireret: multa ei leuia multa ridicula, & quædam etiam incredibilia obiecta: inter quæ, quod interim 50 die termisaret, idque ex arate, quæ, vix reperiabatur Episcopus, qui, ternis mensibus, semel id annus obiret. Ibi, iustitico iudice, conductis testibus, Episcopatum ele-rare coactus est: Scuessius, qui decretum ad Pontificem pertulerat, in eius locum substitutus. Nec inimici hac hominis clade contenti, cum omnes eum contumelias magno animo ferre, conspicerent, curarunt, vt in Cœnobium aliquod denique, quatuor adhibitis

hibitis custodibus, includeretur. Electa est AEmona, scopulus verius, quam insula: inde, exorto bello, metu Anglicæ classis, post triennium, est translatus Fermelinodurum: illinc rursus in arcem, quæ est in lacu Leuino: atque ibi tandem, ætate & miserijs confectus, decessit: vir nullius sceleris compertus, doctrina & virtute, nemini sui temporis inferior. Reliqui viri boni, calamitate eius deterriti, spe abiecta instaurandæ Ecclesiasticæ disciplinæ, sese ad sua priuata quisque negotia contulerunt. In aula, sacerdotia aut vendebantur, aut adulatoribus & turpium voluptatum ministris, in præmium, cedebant. Hæc ne rerum series sapius interrumpere, quamquam diuersis temporibus gesta, in vnum locum contulimus, vt, memorabili exemplo, miseriam illius temporis ante oculos exponeremus. Facilis enim hinc coniectura est, quibus in malis in feriorum ordinum homines versarentur, cum omni virtutis genere vir clarus, & idem Regia magnarumque familiarum propinquitate subnixus, a paucis infimæ sortis nebulonibus, fuerit inimicorum ludibrio & crudelitati expositus. Nunc ad alia, quæ, per ea tempora, euenerunt, redeamus. Anno millesimo, quadringentesimo, CIO. CD. septuagesimo sexto, cum, ex decreto publico, aduersus Ioannem, Insularum Regulum, LXXVI. qui aliquot iam prouincias occupauerat, & maritimas continentis regiones late populabatur, Rex ipse, terrestri itinere proficisci, statuisset, & Crafordiæ Comitem, tum maris Præfectum, cum classe esset missurus, Regulus, tantis apparatibus impar, suadente Atholio, Regis patruo, venit in aulam supplex, ac se Regi permisit. Ademptæ ei, quas per vim ceperat, prouinciæ, Rossia, Kintera, & Cnapdalia: insularum imperium relictum. Eodem anno, controuersia cum Anglis, iamiam in bellum eruptura, finem habuit. Nauem Scoticam, ab Iacobo Kennedo ædificatam, qua maiorem, ad eum diem, in Oceano visam non meminerant, vis tempestatis in litus Anglicum impegerat: bona ab Anglis direpta, ac sæpe frustra reperiata. Hæc, per aliquot annos, cum lis animos distinuisset, Legatione tandem honorifica in Scotiam missa, cuius principes erant, Episcopus Dunelmensis, & Scrupus, homo nobilis. Ab ijs, cum Eduardus, fortunæ inconstantia iactatus, pecunijs tam diuturno bello exhaustus, requiem ab armis libenter amplecteretur, facile renouatæ sunt induciæ, eis legibus, vt naues direptæ, & bonorum, quæ inerant, precium per viros bonos æstimaretur, ac bona fide redderetur. Eodem anno, legati ad Carolum Burgundum, ad sedandas mercatorum querelas, missi, cum in Flandriam appulissent, ibi comiter accepti. Ab eis aliquando forte fortuna inuitatus, vt vna cœnaret, Andreas quidam, Medicinæ professor, & qui magnam Astrologicarum prædictionum habere putabatur peritiam. Is, audita eorum aduentus causa, seductos occulte admonuit, non esse, cur magnopere festinarent: intra paucos enim dies, certum de Duce nuncium affuturum. Nec prædictioni defuit euentus: nam, intra triduum, est renunciatum, Ducem, exercitu profligato ad Nancæum, Lotharingæ opidum, ab Heluetijs esse interfectum. Ita illi, rebus, ob quas profecti erant, infectis, reuersi, cum apud Regem Andream, de rebus futuris, præscientiam mire laudassent, animum eius, in eas artes procliuem, impulerunt, vt magnis pollicitationibus hominem ad se accerferet, ac, non ita diu postea aduenientem, beneuole exciperet, & opulento Sacerdotio alijsque muneribus donaret. Ab hoc autem cum Rex accepisset (vti fama est) sibi a suis exitium imminere, eaque dictio cum maleficarum mulierum (quibus immodice deditus erat) responsis consentiret, quæ prædixerant, fore, vt leo a catulis suis extingueretur, e principe ab initio indolis optimæ, & summæ spei, ac ne tum quidem penitus deprauato, in immanem tyrannum degenerauit: suspicionibus enim animo semel occupato, sanguine proximos, & fere optimum quenque e Nobilitate pro inimico habebat. Proceres autem cum, ob hanc ipsam cum hoc malefico genere hominum consuetudinem, Regi erant infensi, tum longe magis, ob aulicos quosdam, infimæ sortis homines, quibus, Nobilitate contempta, solis consultoribus utebatur. Eorum hi principes erant, Thomas Præstonus, honesto loco natus, sed qui, Regi omnibus in rebus obsequi, in animum induxerat: Robertus Cocheranus, homo magnis corporis viribus, ac pari audacia: qui cum, e certamine quodam singulari, cognitus Regi fuisset,

statim ex architecto aulicus factus, & ad spem vitæ liberalioris erectus, breui, diligenter obeundis leuioribus negocijs, & Regis moribus obsequendo, perfecit, vt ad intima, de rebus magnis, consilia adhiberetur: ac gener a Præstono eligeretur. Tertius erat Guilielmus Rogerus, Anglus cantor, qui, cum Regis Angli legatis in Scotiam ingressus, postquam semel & iterum Regi auditus placuit, ab eo retentus, & diuitijs auctus, breui in Equestrem Ordinem est ascriptus: cæteri, e contemptissimo genere hominum, viliissimarum artium opifices, & sola improbitate, & audacia, commendari. De Aula ab hoc hominum genere purganda, cum Nobilitatis conuocatio fieret, principibus duobus Regis fratribus, eiusque paulatim prodirent indicia, Ioannes, minimus natu fratrum, cæteris incautus, cum temere, de statu Regni, liberius locutus fuisset, ab aulicis arreptus, & in carcerem coniectus, a domestico Regis consilio condemnatus, ac, vena rescissa, mori est coactus: causa mortis in vulgus edita est, quod cum foeminis veneficis clam consilia conferret, in Regis caput: id crimen verum vt videretur, decreta aduersus veneficas quæstione, ad duodecim carum, quarum vilissima erant capita cremata. Mors Ioannis coniurationem, iamiam (vt videbatur) erupturam, magis repressit, quam discussit. Alexander, vt genere, ita periculo proximus, quamuis omnes a se, quoad potuit, suspitiones amoueret, tamen per ministros Regios, qui nunquam, eo viuo, sibi satis consultum credebant, subito in arcem Edimburgensem raptus est. Ibi cum diligenter asseruaretur ab eis, qui eius potentiam sibi exitiabilem rebantur, nec per necessarios, animum Regis placare, posset, consilium clam, quando aliter non poterat, euadendi coepit, conscio cubiculari tantum ministro, quem vnum e suis sibi relictum habebat: per eum, nauiculam conduxit, quam, in statione proxima paratam esse, iussit: deinde, crebris ex aula nuncijs comitantibus, qui coram custodibus (nam, secreto colloqui, non licebat) fingerent, Regem placabiliorem fieri, ac breui spem libertatis ostentarent. Cum destinatus, ad euadendum, dies appeteret, vultu, quantum in illa fortuna potuit, ad hilaritatem composito, simulat, se plane nuncijs credere, Regem sibi conciliatum esse, nec diu se sperare in ea custodia futurum: lautam custodibus coenam dedit: & ad multam noctem, vna cum eis bibit: illis discedentibus, & vino copiosiore, in somnum solutis, solitudinem nactus, e lintheis lectuli sui stragulis funem concinnauit, pro altitudine, vt rebatur, muri satis longum: ac primum, vt periculum faceret, ministrum demisit, e cuius casu, breuiorem iusto eum esse, intellexit: aucto igitur, pro præsentia copia, fune, ipse secutus ministrum, quo in descensu cras fregerat, in humeros sublatum, circiter mille passus ad mare tulit, ac, ventum secundum nactus, Dumbarum nauigauit: arceque, aduersus vim, satis communita, cum paucis in Franciam abiit. Eo absente, Andreas Stuartus, Cancellarius, cum exercitu, ad arcem capiendam, missus: eam cum aliquot menses, fortiter a præsidio defensam, oppugnasset, tandem, qui intus erant, omnibus necessitatibus circumuenti, nauiculas nacti, noctu clam in Angliam discesserunt: postridie, arx vacua recepta est: Cæsi ex obsidentibus aliquot Equites clari. Circa hæc tempora, Regibus Scotorum & Anglorum malis domesticis fatigatis, pacis cupido incessit. Missa, ad eam conficiendam, Legatio ab Anglis beneuolenter excipitur: nec de modo contentum, sed, ad eam confirmandam, adiecta affinitas, vt Cæcilia, Eduardi filia, Iacobi Scoti filio, cum primum nubendo maturuissent, nuberet: pars etiam dotis representata, ea lege, vt, si, vtrisque puberibus, nuptiæ non sequerentur, dos Anglo redderetur: dati prædes, aliquot opidorum ciues. Sed ea pax non diuturna fuit: nam, ex odio vetusto, & residua e superioribus bellis ira, incursionibus vtrunque factis, abactisque prædis, & villarum incendijs, ita vtrunque animi sunt inflammati, vt, ex mutuis iniurijs, res in apertum bellum erumperet. Erant &, præter has, suæ vtrisque causæ. Anglum incitabant Duglassius quidam vetus, Alexander autem, Regis frater, nouus exul: Nam Alexander in Galliam, vti diximus, profectus, vxorem accepit, filiam Comitis Bononiæ maritimæ: sed cum a Ludiuico Vndecimo, qui tum imperitabat, impetrare non posset, ad sua recuperanda, copias, in Angliam transfugetus, ibi se sperans aliquid moturum:

Jacobum autem, Scotorum Regem, ad bellum incitabat Ludouicus Gallus, Robertus Irlando Scoto, Doctore Sorbonico, cum duobus Equitibus Gallis, ad id missis. Igitur, violata pace, quanquam res Scotica, vastatis aliquot regionibus, peiore in loco erat, decreto etiam in Anglia magno exercitu, qui, ductu Glocestrij, Scotiam inuaderet: Rex tamen, & qui circa eum erant, inuiti exercitum indicunt: homines enim nuper egeni, & qui ex aliorum calamitatibus creuerant, Regique impotentium consiliorum auctores fuerant, nihil magis meruebant, quam Nobilitatis infensæ frequentem conuentum. Cum Lauderam ventum esset, opidum & Martianis & Teuoticis finibus vicinum, quæ regiones aut ab hoste vastatæ, aut per vim parere coactæ fuerant, Rex nihil de superiorum temporum ratione omittebat: Nobilitati enim diffusus, omnia per domesticum consilium transigebat. Proceres, eam indignitatem non tolerandam diutius, rati, in Templum opido de tercia vigilia coierunt. Concilio iam satis frequenti, Arcibaldus Duglassius, Angusiæ Comes, conueniendi causam ita explicasse, dicitur. Non arbitror necesse, viri clarissimi, vt statum rerum Scoticarum pluribus declarem: partim enim ipsi meministis, partim ante oculos videtis. Principes Nobilitatis, in exilium pulsi, aut pati intoleranda, aut nefaria facere, coguntur: vos autem, in quibus omne Regni est robur, sine capite relictæ, velut naus sine gubernatore, omnibus fortunæ procellis & tempestatibus estis obiecti. Ager noster vritur, fortunæ diripiuntur: agricolæ aut cædibus exhausti, aut, quia nullum in tot malis aliud prospiciunt alleuamentum, hostibus dediti. Rex vero, si compos esset, homo & animi generosi, & raræ prudentiæ, malis venenis expugnatus, non ad procerum cœtum, sed ad infimæ sortis homines, de pace, de bello, de salute publica, refert. Illi ariolos consulunt, & maleficorum responsa ad animum ægrum, & prauis superstitionibus captum adhibent: & de nostrum omnium incolumitate, decreta, istis auctoribus, fiunt, qui, quod, omnibus iure se iniustos, intelligunt, omnes oderunt: nec vestram auctoritatem imminuere, sed, vniuersos omnibus artibus extinguere, contendunt. Partim iam vestrum morte, partim exilio sustulerunt: neque, vt homines noui solent, gradatim ad summa nituntur: sed, in Regio sanguine, tyrocinium crudelitatis & auaritiæ exercent: alterum, & Regis fratribus, trucidarunt immaniissime, alterum patriæ metu mortis, abstulerunt: & hostibus nostris ducem dederunt. Illis iam e medio sublatæ reliquæ Nobilitati imminet, & suæ humilitatis conscijs, nihil eminens aut excelsum superesse, volunt. Quicumque habent aut diuitias, ad eorum auaritiæ explendam, aut potentiam, ad audaciæ resistendum, hunc pro hoste sibi numerant: & nos interea castra aduersus Anglos habemus, vt hosti publico resistamus: tanquam vllus sit hostis capitalior eo, qui, nec bonis vestris cupiditatem, nec sanguine crudelitatem explere, potest. Vt autem intelligatis, quam hæc pestis intestina sæuior, quam illa externa sit, fingite, Anglum (quod Deus avertat) victorem, veterum offensarum memorem, & felicitate præsentis elatum. Quem tandem odiorum suorum finem, aut quod præmium victoriæ statuet? Regisne inimici mortem, an vestram. Ego certe neutrum existimo: Non enim de vita, sed gloria & imperio, nobis est certamen: & generosus animus, vt aduersus resistentes vehemens est & concitatus, ita precibus, obsequio, ipsa denique instabilitatis humanæ recordatione, mitigatur, & ad lenitatem inflectitur. Sed demus, hostem iratum sanguinem Regium & cædem quærere. Vter tandem, mitius consulere, videtur? Isne, qui vna cum vita, omnium malorum sensum adimeret? an qui, quem, secundum Deum, amare & obseruare debent, ad quotidianam carnificinam reseruant? qui animum, beneficijs obsessum, in exitium propinquorum armant? qui Regem inimicorum armis prope circumuentum, velut captiuium, detinent, neque permittunt, vt suorum vultus aliquando aspiciat, benevolentiam intelligat, operam & studium expectetur? Non tam hostes existimandi sunt, qui castris ex aduerso positis, odium suum palam profrentur, quam qui domi, ex insidijs, vestræ salutis imminet. Regem alienatum ab amicis inimicis produnt, vos, duce destitutos, hostilibus armis obijciunt: a quibus, si victi mortem effugeritis, tamen in seruitutem & ignominiam incidetis,

» sin vinceritis, non quietem vobis, opes patriæ, Regi gloriam comparabitis: sed inimi-
 » cis vestris grassandi licentiam, in præsentia, in futurum, securitatem, vobis ipsis pe-
 » stem ac perniciem, Regi arctiorem seruitutem conciliabitis: nec, vincendo, mala
 » fugiemus externa, sed domestica augebimus. Mea igitur sententia, vt paucis com-
 » prehendam, hæc est, vt prius domesticum seruitutis iugum exuamus, quam cum ex-
 » teris manum conferamus. Alioqui enim paucorum libidini omnes seruiemus, ho-
 » stium opes augebimus, & publicam salutem prodemus. Vos quod faxitis, Deum ve-
 » lim fortunare. Secundum Duglassij orationem, non iam consultatio erat, sed mur-
 » mur confusum totius fuit concionis, arma in hostem publicum poscentem: ita enim
 » inflammati erant omnium, qui affuerant, animi, vt, ni ducerentur, extemplo e-
 » rupturi in Regiam viderentur. Verum qui ætate, honoribus, & auctoritate principes
 » erant, sedato tumultu, quod metuebant, ne, in temerario forte plebis impetu, Rex
 » violaretur, censent, vt primores, assumpto quisque familiarium, quantus esset sa-
 » tis, numero sine maiore motu exercitus, in Prætorium proficiscerentur: noxios, pe-
 » nes quos summa rerum erat, comprehenderent: eos in iudicium ad exercitum pro-
 » ducerent: ac pœnas, secundum leges, expeterent. Interea dum hæc geruntur,
 » rumor in Aulam promanar, procures, ante lucem coactos in templo, consultare,
 » incertum, qua de re: sed magnam sane videri, quæ, Rege eiusque consiliarijs igno-
 » rantibus, tales viros coegerit. Rex, trepide e somno experrectus, & ipse, quid opti-
 » mum factu videatur, e suis quærit: interim Cocheranum præmittit, qui, quid
 » agatur, obseruet: & omnia certiora referat. Is, dum paucis comitatus ad templum
 » proficiscitur, occurrit primoribus Nobilitatis, in aulam venientibus: ei statim Du-
 » glassius manum iniicit, ac torque aureo magni ponderis, quod gestabat, apprehen-
 » so, gula paulum constricta, dat custodiendum: ipse recta ad Regis cubiculum per-
 » git. Qui ibi aderant, vel, repentino eius accessu, attoniti, vel maiestatem hominis
 » reueriti, sese continuerunt. Ibi cæteris, qui, Regem prauis consilijs corrumpere,
 » credebantur, arreptis, vnum adolescentem se amplexum, vt sibi condonarent, Rex
 » orauit: is erat Ioannes Ramisæus, honesto loco natus, quem, excusatione ætatis
 » facile accepta, dimiserunt. Cæteri cum in ius ducerentur, exortus est, cum clamore
 » totius exercitus, tumultus, omnibus vociferantibus, malos male perdendos. Sta-
 » tim igitur ad supplicium rapti, vitam suspendio finierunt: idque tanto vniuersorum
 » studio, in eorum exitium, vt cum funes, in re subita, deessent, singuli lora iumen-
 » torum & frænorum habenas, eum in vsum, offerrent: ac vehementer contende-
 » rent, quis potissimum hoc honore potiretur. Plurimis aduersus priuatos iniu-
 » rijs hæc Aulica factio premebatur: in publicum his maxime, quod nouæ Monetæ æ-
 » neæ fuissent auctores cudendæ, quam, inuidioso nomine, vulgus Nigram appella-
 » bat: hinc primum orta erat omnium rerum caritas: deinde etiam fames, dum ven-
 » ditores, potius frumenta domi corrumpi, sinerent, quam, venditionis prætextu,
 » emptoribus condonarent. Sed, ne omnino commercia inter ciues cessarent, vnum
 » contrahentibus inuentum est remedium, vt in contractibus adijcerent, quo genere
 » monetæ solutio fieret. Cuderant & id genus numismatis aliquot superiorum Re-
 » gum, sed magis, ad vsum necessarium pauperiorum, quam ad suum quæstum: ac
 » legibus etiam cauerant, vltra quam summam, venditores non cogerentur, accipere:
 » ita rerum tenuium hinc erat emptoribus commoditas, & ne ditioribus permutatio
 » fraudem afferret, satis prouisum videbatur. Dabatur etiam crimini, Regis animus
 » a Nobilitate auersus: & ad Magicam insaniam conuersus, atque in propinquorum
 » cædem impulsus. Sed Cocherano maxime inuidiosus fuit titulus, Comitatus Mar-
 » riæ: quam regionem Rex, extincto minore fratre, vel ei donauerat, vel regendam
 » commiserat. Præuis consultoribus e medio sublati, cum nec Rex militi, nec miles Regi
 » confideret, soluto exercitu, domum est reditum, Rex, etsi in præsentia iram supprime-
 » ret, æg multa & præclara Nobilitati polliceretur, nihil aliud tamen in animo, quam via-
 » dictam, cædem & sanguinem coquebat. Itaque, vbi primum sui potens sibi visus est, se
 » in arcem

In arcem Edimburgensem cum paucis abdidit: Nobilitas, in euentum suspensa, sua seorsum consilia habebat. Anglus, suadente maxime Alexandro, qui, simul ac Scotiam attigisset, magna equitum peditumque auxilia conuentura, & Nobilitatem cum Rege discordem suam fore, pollicebatur, fratrem suum Ricardum, Glocestriæ Ducem, copijs, per hiemem, coactis, præficit, atque, in Scotiam ducere, iubet: is adulta iam Aestate, iter ingressus, intellecto, quo in statu res Scotorum essent, Beruicum diuertit. Admissus statim in urbem, quatuor millibus, ad obsidendum arcem relictis, cum cæteris copijs Edimburgum recta ducit: foede vastatis, per quæ ierat, locis. At, ducente Alexandro, sine maleficio urbem ingressus, Iacobum (quoniam alloquendi spes nulla soerat) edicto palam in foro proposito, admonuit, primum, vt, quæ cum Eduardo pepigisset, seruaret: deinde, vt, ante Calendas Sept. proximas, de damno dato, & iniurijs aduersus Anglos perpetratis, satisfaceret: id ni fiat, Ricardum, Glocestriæ Ducem, cum Regnumque eius ferro flammaque persecuturum. Ad hæc Iacobus, cum videret, se neque in præsentia, quæ postularentur, posse perficere, neque vires habere, quibus hostium vim propelleret, nihil prorsus, neque scripto, neque per nuncios respondit: Scotorum autem primores, a suo Rege destituti, ne tamen omnino salutis publicæ deessent, coactis iterum copijs, ad Hadinam castra posuerunt: atque, vt imminentem calamitatem saltem leuarent, & victoriæ cursum sisterent, Legatos ad Glocestrium Ducem, miserunt, qui peterent, Vt nuptiæ, iam pridem promissæ, conficerentur: ostenderent, per Scotos non staturum, quo minus, in quæ conuentum fuerat, optima fide præstarentur. Anglus, qui satis sciebat, Scotos alex. pugna rem non commissuros, cum & pars virium ipsorum cum Alexandro, homine vulgo gratioso, apud se esset, & reliquos factionibus distrahi, non ignoraret, respondit, Non sibi satis compertum esse, quid Rex Anglus, eo de matrimonio, decreuisset: interim pecuniam, quæ Iacobo, dotis nomine, erat repræsentata, æquum, sibi statim reddi, censebat: pacem vero si vellent, promitterent, se arcem Beruici reddituros: aut, si id minus possent, sancte iurarent, se nec obsessis vllam opem, nec obsidentibus molestiam allaturos, donec aut vi capta, aut conditionibus dedita arx foret. Ad ea Scoti, per Legatos, responderunt, Matrimonium nondum confectum esse nulla sua culpa, sed, ob immaturam sponſi sponſæque ætatem: pecuniam, cuius soluendæ dies nondum aduenisset, nondum deberi: de soluenda, si non satis cautum videretur, amplius cauturos: Beruici arcem, in solo Scotico a Scotis ædificatam, suæ ditionis esse, ac, per multa secula, fuisse: eam si aliquando Angli interceperint, aut per vim tenuerint, nihil, ea iniuria, ius verus imminutum fuisse. Glocestrius, qui superior viribus erat, in sententia perstabat: neque, iuris disceptationem vllam audiebat. Eodem die, Calenus Cambellus, Argatheliæ Comes, & Andreas Stuartus, Cancellarius, duo item Episcopi, Fani Andreæ & Dumblani, miserunt ad Alexandrum, qui in castris Anglorum ad Lethintonum erat, suis diploma sigillis & chirographis confirmatum, Si Regi dicto audiens esset, se curaturos, vt, in proximo conuentu publico, bonis restitutis, omnium anteaكتورum impunitate donaretur: hæc omnia ita futura, fide interposita. Alexander, re cum Glocestrio communicata, ab eo beneuole dimissus, ad suos redijt. Coacto concilio, summa imperij ad eum, omnium consensu, deferretur: statim ad eisdem relatum, de obsidione Beruici soluenda. Prudentioribus visum est, tam periculoso tempore, cum omnia seditionibus domesticis essent adeo perturbata, vt vix, quietis hostibus, fortunæ fauientis impetus sisti posset, pacem quauis conditione faciendam: videbant enim perspicue, si hostem tam potentem vincerent, se magis eum irritaturos, quam absterituros: sin ipsi vincerentur, incertum esse, quemadmodum hostis, natura ferrox, & rebus secundis insolentior factus, victoria esset vsurus. Hæc, etsi nonnulli ferociore, quam pro tempore, occlamarent, sententia in Concilio vicit. Post alias atque alias condiciones frustra iactatas, tandem, ad septimum Calendas Septemb. Anni millesimi, quadringentesimi, octuagesimi secundi, conuentum, vt arx Beruici dederetur, ac induciæ in paucos menses darentur, donec, de pace, per ocium tractari posset. Ita Beruicum, vicesimo vno anno, postquam ad Scotos redierat, redditum fuit Anglis. Glocestrius, re foris bene gesta, cum summa

RERVM SCOTICARVM

gratulatione ad suos est reuersus. Eduardus, de Consilij sententia, censuit, quæ de nuptijs pactus erat, irrita fieri, magis ere Anglica esse: quod, in tantis intestinis dissidijs, metueret, ne Iacobi posteritas Regno pelleretur: atque in Alexandrum, quem, si Regem fecisset, tanto beneficio sibi obnoxium perpetuo in amicitia permanfurum, sperabat, pronior erat. Fœcialis Edimburgum est missus, qui affinitatem renunciarer, & dotem reposceret. Is, ad octauum Calendas Nonembris, cum sui aduentus causam publice declarasset, ciues, impetrato ad solutionem die, bona fide pecuniam reddiderunt: datis fœciali, qui Bervicum vsque eum prosequerentur. Alexander, vt, si qua essent residua fratris erga se odia, ea mitigaret, & nouo beneficio nouam iniret gratiam, eum, ex arce deductum, in liberam Regni possessionem restituit. Sed plus apud animum impotentem valuit veterum offensarum, quam recentis beneficij memoria. Accedebant ad priores suspiciones calumniæ inimicorum Alexandri, qui nimiam eius popularitatem assidue criminabantur: idque, non dubium affectati Regni argumentum esse, asseuerabant. Ille admonitus per amicos, consilia aduersus suum caput in Aula agitari, clam in Angliam secessit, arcemque Dumbarum Eduardo tradidit. Alexander absens damnatus est. Crimini ei datum, quod in Angliam primum frequentes nuncios misisset: deinde, non impetrato a Rege comiteatu, illuc ipse transisset: cum Anglo, aduersus patriam Regisque caput, consilia coisset. Cæteris omnibus earum rerum conscijs venia data, & in ijs, Gulielmo Crichtonio, quem, non modo consiliorum omnium aduersus patriam socium, sed etiam auctorem, & impulsorem fuisse, arguebant. Verum, post veniam præteritorum semel impetratam, iterum accusatus, quod, literis assiduis, Alexandrum iam damnatum confirmaret, consilioque instrueret: idque, per Thomam Dicsonum sacrificulum: quod arcem Crichtonium curasset, aduersus Regem muniendam, eamque non dedendi præsidarijs auctor fuisset: in ius adesse iussus, ad xv. Calendas

CLV. CD. XXXIV. Martias, Anni millesimi, quadringentesimi, octuagesimi quarti: quo die, cum non affuisset, ipsi aqua & igni interdictum: bona in fiscum redacta. Hæ quidem in acta publica causæ sunt redactæ. Verum odium Regis, ob causam priuatam conceptum, plus ei nocuisse, creditur. Erat Gulielmo vxor, e nobili Dumbarorum familia nata, atque insigni pulchritudine: eam cum a Rege maritus corruptam comperisset, consilium temerarium quidem, sed ab animo, amore ægro & iniuria irritato, non alienum, suscepit: minorem enim e Regis sororibus, & ipsam quoque formæ egregia, & consuetudine fratris infamem, compressit: & ex ea Margaritam Crichtoniam, quæ non adeo pridem decessit, genuit. Interim domi vxor Crichtonij moritur: soror vero, quam, a Rege compressam, diximus, adeo impotenti Gulielmi desiderio flagrabat, vt interim velut mente alienata, delirare videretur. Rex, partim ab amicis Gulielmi exoratus, partim & iniuriæ ei factæ memor, & cupidus, matrimonij prætextu, sororis infamiam leuare, Gulielmo reditum permisit, ea lege, vt eam duceret. Gulielmus, ab amicis persuasus, & melioris consilij inopia coactus, præsertim Ricardo Anglo extincto, Ennernessum venit, ac Regem ibi, non adeo diu ante vtriusque mortem, est allocutus, atque in spem reditus erectus. Ibi sepulcrum eius adhuc ostenditur. Hæc, diuersis temporibus gesta, ne cursus historiæ nobis esset abruptendus, in vnum locum sunt congesta. Nunc omissa repetamus. Eduardus Anglus, proximo, post Dumbarum receptum, mense Aprili, decessit, millesimo, quadringentesimo, octuagesimo

CLV. CD. XXXIII. tertio, relicto filijs tutore, Ricardo fratre. Is, primum Gubernatoris nomine contentus, duos menses Anglis præfuit: deinde, magna Nobilitatis ac plebis parte varijs artibus conciliata, duobus fratris filiis in custodiam coniectis, Regina cum toridem filiabus in asylum sanctissimum, prope Londinum, inelusa, mense Iunio proximo, Regium nomen & insignia vsurpauit. Alexander Albinus, & Iacobus Douglassius, cupidi experiri, qui esset ciuium erga se animus, comitati quingentis equitibus selectis, ad lacum Mabanum veniunt, quod ibi frequens Mercatus, die Diuæ Magdalene sacro, fieri soleret. Ibi, subito irritatis animis, pugna confertur, vario saepe successu, prout auxilia his aut illis, e vicinis regionibus, sese aggregabant. Pugnatum est, incerto eventu, fere

fere a Meridie vsque ad Noctem : tandem victoria , cruenta quidem illa , multis suorum
 amissis , ad Scotos inclinauit . Captus ibi fuit Duglassius , & a Rege relegatus in Cœno-
 bium Lindorim : Alexander , in equum impositus , fugit , nec diu post in Anglia man-
 sit . Multæ interea incursiones factæ , sed maiore Anglorum damno , quam Scotorum
 commodo . Ricardus , domi rerum exitu adhuc incerto , & metu externo impendente ,
 a Comite Richemondia , cui , tum apud Gallos exulanti , multi Anglorum fauebant , &
 ad Regnum capeffendum , vocabant , magna animi sollicitudine afficiebatur . Nec mi-
 nus scelerum suorum velut stimulis vexatus , statuit , quoniam , seditiones domesticas
 non adeo cito sedatum iri , sperabat , quibuscunque posset , conditionibus , exteros com-
 10 plecti , & eorum auctoritate & opibus , se domi tutiorem & inimicis magis formidabi-
 lem reddere . Igitur , missis in Scotiam legatis , qui vel pacem , vel saltem aliquot anno-
 rum inducias impetrarent , omnia , opinione sua multo faciliora , inuenit . Iacobus e-
 nim , qui , ob multa non dissimilia scelera , maximo apud suos odio laborabat , legatos
 libenter audiuit : pace enim cum Anglis facta , sperabat , se per ocium ciuiles iniurias ,
 clauso inimicis perfugio , vlisci posse . His maxime de causis , missis ad regnorum fi-
 nes ex intimis vtriusque Regis familiaribus , post multas & diuturnas , de rebus repe-
 tundis , discepciones , cum , ob repetentium res multitudinem , & probationum infir-
 mitatem , pax confici non posset , de inducijs in triennium conuenit , & quia , ob diffi-
 cultates , quas dixi , & temporis angustiam , tum res reddi non poterant , dati vtriusque
 20 legati , qui , vna cum limitum præfectis , id ex æquo & bono curarent . Vna conditio
 in eis inducijs perplexe scripta erat , de Dumbaro Scotis restituendo , per quam , An-
 glus , eam tenere , Scotus , oppugnare posse , saluis inducijs interpretabatur . Scotus
 cum , post sex menses præscriptos , arcem per legatos repeteret , Richardus de sua
 voluntate per literas satis prolixè pollicebatur : sed alia atque alia causando , eam , vsque
 ad vitæ suæ finem (qui breui secutus est) retinuit . Eo autem a suis interempto , ac
 Henrici septimi Regno nondum stabilito , Iacobus arcem , asperissima hieme , obsedit .
 Qui in præsidio erant , nullum , ob res domi turbatas , auxilium expectantes , eam de-
 diderunt . Henricus autem , multis agitatus procellis , vt externorum bellorum cau-
 sas præcideret , & veterum odiorum incendia restingeret , ad Noxum castrum ad
 30 Tinam venit : inde Legatos in Scotiam misit , qui , vel foedus perpetuum , vel certe
 inducias diuturnas facerent . Homo enim singulari prudentia , & multis rerum
 vicissitudines expertus , in primis , ad Regnum suum stabiliendum , vtile existimabat ,
 cum vicinis omnibus , ac maxime cum Scotis , pacem habere , quod fere hæc duo
 Regna semper alterum alterius rebus insidiarentur aduersis : & rebelles tum inte-
 gros fouendo , tum extorres recipiendo , spe vel auxilij , vel refugij , seditiones ale-
 rent . Et Iacobus nihil magis cupiebat , quam vt , metu ab exteris liber , de suis pro
 arbitrio poenas expetere , posset . Itaque Legatos humaniter acceptos monuit , se qui-
 dem nihil magis , quam pacem cupere : verum existimare , a suis impetrari non posse ,
 vt vel perpetuam pacem , vel diuturniores facerent inducias : partim , quod id prisca
 40 lege vetitum esset , ne , metu amoto , animi per ocium relanguerent , & nervos
 industriæ remitterent : partim , quod ferociam , ex longo armorum vsu collectam ,
 non tam cito possent omnino deponere . Quod si eo adduci possent , vt sex aut se-
 ptem annorum inducijs faciendis , consentirent , non esse respuendum . Quod autem
 ad se attinet , dum viueret , pacem sibi sanctam & inuiolatam cum Henrico fore :
 curaturum etiam , vt induciæ , antequam dies earum exiret , renouarentur : verum ,
 se maximopere rogare Legatos , ne quicquam eorum , quæ secreto cum ipsis egisset ,
 in vulgus efferrent , ne proceres ad pacificandum tardiores essent , si studium eius in
 eam partem persentiscerent . Hæc Anglo relata , cum sciret , quam turbido in statu
 res Scotorum essent , quamque Regi pacem esse expediret , eum sincere & ex animo
 50 loqui , ratus , inducijs in septem annos factis , retro Eboracum se recepit . Interea mo-
 ritur Scotorum Regina , mulier singulari formæ gratia & probitate , quæque viri ef-
 frenatos imperus plerunque moderari , credebatur : moritur item , in Gallia , Alexan-
 der , Regis frater , duobus filiis relictis , Alexandro ex vxore priore , Comitum Orcadum

RERVM SCOTICARVM

filia, & e secunda, Ioanne, qui postea Prorox in Scotia aliquot annos fuit. Iacobus
 autem, confirmata foris pace, & domi consiliorum suorum duobus molestis inter-
 pellatoribus liberatus, ad ingenium redijt: & exclusa fere omni Nobilitate, homi-
 nes novos circa se habebat, quos & aulicis honoribus & ministerijs præficiebat, &
 reiecta in eos cura publica, & pecuniæ vndique conquirendæ rationibus, ipse to-
 tum se voluptatibus immerfit. Princeps aulicæ factionis erat Ioannes Ramisæus,
 qui, ad Lauderam seruatus a Rege, supplicium euaserat. Is in tantam elatus est su-
 perbiam, vt cum Domus magister (is honor apud Scotos præclarus habetur) a Re-
 ge esset electus, multisque prædijs opulentiis donatus, non tamen ea fortuna con-
 tentus, impetrauit edictum, ne quis, præter se suosque comites, in eis locis, in qui-
 bus Rex diuersaretur, arma ferret: vt scilicet, hac ratione, se suamque factionem,
 aduersus Nobilitatem, communiret: quæ & frequentes seorsum coitiones faciebat,
 & armorum terrore stipata, obambulabat. Sed id edictum longe Ramisæo plus
 odij, quam terroris conciliauit: & iam manifestæ seruitutis imago omnium oculis
 obuersabatur. Rex interea nihil aliud moliebatur, quam vt animum expleret eo-
 rum sanguine, qui rebellandi auctores credebantur. Id cum, vi aperta obtinere,
 non posset, eos arte capere, contendit, cum alijs atque alijs se reconciliatum simu-
 lans, comiter, ac paulo etiam blandius, quam principem deceret, accipiebat. Alios,
 quorum potentia eminebat, præmijs, & honoribus prosequabatur. Dauidem Lin-
 desium, Crafordiæ Comitem, Ducem Montis Rosarum appellat, hominem magnis
 opibus præpotentem sibi adiungere, studens: Georgium, Angusiæ Comitem, apud
 se frequentem habebat, & cum eo, velut penitus in gratiam recepto, secreta consilia
 communicabat. Nec tamen præmijs, nec blanditijs cuiquam sinceri animi fidem fa-
 ciebat: nam, qui ingenium eius nouerant, non dubitabant, eo spectare illam bene-
 uolentiæ simulationem, vel vt seorsum alios, ac deinde alios comprehenderet, vel
 procures inter se committeret: quod utique, Nobilitatis principes Edimburgi nactus,
 magis perspicuum fecit: Duglassio enim in arcem ad se vocato, demonstrauit egregiam
 sibi in præsentia oblatam sumendæ ultionis occasionem: comprehensis enim factionis
 ducibus, ac supplicio affectis, cæteros conquerituros. Hanc opportunitatem ultro se
 offerentem, si omittat, similem postea se nunquam sperare. Duglassius, qui animum
 Regis nihilo sibi, quam reliquis placatiorem sciebat, consilium tam crudele & præ-
 ceptis callide discussit, ratiocinatus, quam turpe & flagitiosum id facinus omnes iudi-
 caturi essent, si, indicta causa, tot homines claros, quibus, promissa præteritorum ve-
 nia, conciliatus esset, non ira pridem, nunc, fide publica accepta, securos, repente ad
 supplicium raperet: non enim feroces hostium animos, interitu paucorum, fractum
 iri, sed, violata semel fide, spem omnem concordie sublaturum: desperataque semel
 venia, iram in rabiem versum iri: inde maiorem obstinationem, & Regiæ auctori-
 tatis, & vitæ propriæ contemptum secuturum. Mihi vero si credis, inquit, rationem
 inibo, qua, salua Regia dignitate, etiam vindictæ prospiciatur: ego enim, conuoca-
 tis amicis & clientibus, de die & palam iniecta manu, quo voles, in ius traham, & le-
 gum poenas expetam. Id non honestius modo, sed & tutius erit, quam si clam, de
 nocte, velut a latronibus oppressi, trucidentur. Rex, Comitem ex animo loqui, cre-
 dens (non enim ignorabat, quæ polliceretur, posse præstare) gratijs ei actis, multis
 promissis oneratum dimittit. Ille, admonitis proceribus, vt imminenti periculo se
 subtraherent, ipse quoque se statim subduxit. Ab eo die, Rex, post occulta consilia
 patefacta, nemini deinde fidens, cum ad tempus in arce Edimburgensi se continuis-
 set, naue in regiones Transforthanas, quæ adhuc ei parebant, vectus, breui firmas
 copias confecit: & procures, qui antea emendatum, non extinctum Regem vole-
 bant, desperata concordia, consilia sua omnia in exitium eius conferebant. Illa diffi-
 cultas eos habebat sollicitos, quem sibi ducem nominarent, qui, Rege in ordinem
 coacto, Vicarius Regni esset, populo non ingratus, & obtentu nominis illustis, fa-
 ctionem minime grauaret inuidia, multa circumspicientibus, in Regis filium est ab
 omnibus consensum. Is a Custodibus suis, & ætatis infirmioris Rectoribus corruptus,
hoc


hoc maxime metu, ne, si ille recufaret, ad Anglos, hostes familiae suae perpetuos, imperium deferretur. Iam Rex Fortham transierat, & ad Blacnessum arcem habebat castra, & filij exercitus, dimicationi paratus, non longe aberat: verum, interuentu Comitris Atholiae, patruj Regis, res composita fuit. Ipse Atholius pacis pignus Adamo Hepburno, Bothueliae Comiti, datus, apud eum, usque ad Regis mortem, permansit. Verum concordia, vt inter suspectos inuicem, non diuturna fuit. Legatis interea commeantibus, a Nobilitate responsum est, Cum Rex nihil sincere agat, certum bellum infida pace sibi potius videri: vnam spem esse concordiae, si Rex, filio sibi suffecto, Regno se abdicaret: alioqui nihil esse, quod colloquijs sese inuicem frustrarentur. Hoc responsum Rex legatis, quos ad Anglos & Francos mittebat, ostendit: eosque summopere rogauit, vt auctoritate sua, aut, si opus esset, auxilio, paucorum rebellium furorem infringerent: eosque ad sanitatem reducerent: communemque eam fortunam existimarent, & quae, suo contagio, facile ad propinquas gentes serperet. Missi etiam ad Eugenium Octauum, Pontificem Romanum, qui orarent, vt, pro sua paterna in Scoticum nomen caritate, Legatum in Scotiam mitteret, qui rebelles, pro iure Sacrosanctae Potestatis, cogeret, vt, armis positis, Regi suo parerent. Pontifex, cum tum maxime haberet in Anglia Adrianum Castellensem, hominem singulari eruditione & prudentia, ad eum scripsit, vt, rebus Scoticis componendis, operam daret. Sed haec sera fuerunt auxilia. Proceres enim, qui, haec agi, non ignorabant, & Regem erga se implacabilem sciebant, ante quam maiores copiae ad eum conuenirent, decernere armis, decreuerant: & quoniam Regis filium apud se haberent, simul, ad auctoritatem ad vulgus comparandam, simul, vt ostenderent, se non patriae, sed pernicioso Regi infensos esse, tamen, ne Legatorum externorum aduentu plebis animi debilitarentur, dies noctesque solliciti erant, quomodo rem vltimo discrimini committerent. Obstabat eorum festinationi Regis timor: qui, quoniam satis firmas acciuerat copias e Regni partibus, ad Septentriones spectantibus, in arce Edimburgensi se continebat, dum ea auxilia conuenirent. Ab hoc consilio, quod ei visum fuerat tutissimum, fraude, aut certe inscitia suorum, est deductus: propter enim frequentia aestuaria, quae, moram & periculum conuenientis afferre, poterant, suaserunt, vt Sterlinum peteret, locum vnum totius Regni commodissimum, ad auxilia, ex omnibus Regni partibus, excipienda. Ibi quoque non minus tuto, quam in arce Edimburgi, eum fore posse, cum hostes ab omnibus rebus, ad expugnandas arces necessarijs, imparati essent: simul classem, quam ad omnes casus instruxerat, in propinquo stare posse. Hoc quidem consilium & fidele videbatur, & satis erat tutum, nisi Praefectus arcis, Iacobus Siaus, ab aduersa factione corruptus, venientem exclusisset. Itaque, cum hostes prope vestigijs eius institissent, neque, quo se reciperet, haberet, coactus est cum eis, quas habebat, copijs, aleam certaminis experiri. Initio cum satis acriter pugnaretur, procerumque prima acies loco cederet, Annandiani & eorum vicini, qui ad Occidentalem Scotiae limitem accolunt, acriter gradum promouerunt: hi, cum longioribus vterentur hastis, quam qui ex aduerso stabant, statim Regis mediam aciem fuderunt: ipse, equi casu debilitatus, in molas aquarias, non longe a loco vbi pugnatum erat, se recepit, eo (vt videbatur) consilio, vt naues, quae non longe aberant, conscenderet. Ibi, cum paucis deprehensus, occiditur. Tres eum fugientem proxime secuti, Patricius Graius, familiae suae princeps, Sterlinus Kerius, & Sacrificulus, cognomento Borthicus: incertum, a quo eorum percussus. Eius cadis fama, licet incerta, per vtrunque exercitum diuulgata, fecit, vt, victoribus minus acriter instantibus, fugientium multo pauciores caderentur: cum Rege enim, non cum ciuibus, proceres, bellum susceptum videri, volebant. Causus est e Regijs Alexander Cunigamius, Glencarniae Comes, cum paucis clientibus & propinquis: ex vtraque parte, complures vulnerati. Hunc finem vitae habuit Iacobus Tertius, vir non tam ingenio prauo natus, quam praua consuetudine corruptus. Nam cum, initio, magnae & praelarae indolis, animique vere Regij specimen dedisset, per Bodios primum, sed paulatim, in licentiam est effusus. Iis e medio sublatis, ab

RERVVM SCOTIC. LIB. DVODECIM.

hominibus infimæ fortis in omnia simul vicia est præceptus datus : tempora etiam corrupta, & vicinorum Regum exempla non parum ad eum euertendum, inuerunt. Nam & Eduardus Quartus, in Anglia, Carolus, in Burgundia, Ludouicus Vndecimus, in Gallia, Ioannes Secundus, in Lusitania, tyrannidis fundamenta iecerunt : Ricardus Tertius in Anglia immanissime eam exercuit. Morti etiam Iacobi illa iniusta est ignominia, vt, in proximo conuentu, omnium Ordinum decreto, iure cæsus iudicaretur : cautumque sit diligenter omnibus, qui aduersus eum arma tulerant, ne ea res ipsis, eorumue posteris fraudi esset.

Obijt, anno, a Christo nato, millesimo, quadringentesimo, octuagesimo octauo, Regni, vicessimo octauo, ætatis, tricesimo quinto.

CIO. CD.
XXCIIIX.



RERVVM



R E R V M
S C O T I C A R V M
H I S T O R I A,

Auctore Georgio Buchanano Scoto.

L I B E R D E C I M V S T E R T I V S.

IACOBO Tertio, ad Iunij, prope Sterlinum caeso, qui se-
ctam aduersam sequebantur, de exitu Regis adhuc incerti, retro Lim-
nuchum castra mouerunt. Ibi ad eos delatum, scaphas a classe ad ter-
ram commearé, ac saucios in naues comportare: inde suspicio est or-
ta, Regem a classe receptum fuisse: itaque, motis Letham castris, mis-
si a Principe (ita enim Scoti filium Regis, natu maximum, appellant)
Praefectum classis euocant. Is erat Andreas Vodijs, siue quis malit in-
terpretari, Siluius, Eques, & beneficiorum sui Regis memor, & summa erga defun-
ctum beneuolentiae constantia: qui cum negaret, se in terram egressurum, nisi acceptis
obsidibus, dati, e supremo Ordine, Setonius & Flaminius. Rogatus a Consilio Re-
gio, Ecquid sciret, ubi Rex esset, & quinam essent, qui, post praelium, scaphis ad naues
30 vecti fuissent: De Rege, se quicquam scire, negauit: scaphis autem se cum fratribus
descendisse, ut, una cum alijs bonis ciuibus, salutem sui Regis ruerent: sed cum fru-
stra, vitae eius opitulari, essent conati, in classem rediisse: eique, si uiueret, vni se pa-
rituros: sin extinctus esset, ad mortis ultionem paratos. Cum multa praeterea, aduer-
sus rebelles, iaceret conuicia, meru tamen, ne obsides violarentur, incolumis ad
naues est remissus. Receptis obsidibus, ciues Lethenses ad concilium vocari, ac ma-
gnis pollicitationibus sollicitati, ut, consensu nauibus, Andream, Siluium oppugna-
rent: Responsum est ab vniuersis, vno consensu, eum duas habere naues, iam omni-
bus rebus, ad bellum idoneis, ornatas, focijsque naualibus ita instructas, eamque in
ipso Praefecto rei naualis esse scientiam, ut ne decem quidem naues in Scotia essent,
40 quae cum duabus illis auderent congregari. Ea igitur consultatione dilata, Edimburgum
eunt. Ibi certiores de morte Regis facti, funus ei amplissimum faciendum, curant,
ad Cammiskenethum, Coenobium Sterlino vicinum, ad vicesimum quintum diem
mensis Iunij.

C V. R E X.

Interea comitia, nouo Regi creando, in certum diem indicunt. Pauci ad id munus,
& fere coniurationis, aduersus superiorem Regem, populares, conuenere. Regno sus-
cepto, statim nouus Rex ad praefectum arcis Edimburgensis foecialem misit, qui ad de-
ditionem eum sollicitaret: ea recepta, Sterlinum est profectus: arceque a praesidio de-
dita, est potitus. Rumore in Angliam, de rebus in Scotia turbatis, perlato, quinque
50 naues Anglicae, e classe Regia delectae, Forthae aestuarium ingressae, passim praedando,
mercatoribus iter clauserunt, & multis excensionibus in vtrunque litus factis, loca ma-
ritima vehementer infestabant: maior etiam rerum motus, a terrestribus ciuium co-
pijs, expectabatur. Nam cum inimicorum vires magis dissipatae, quam fractae, supe-
Y 4

RERVM SCOTICARVM

rlore pralio fuissent, quippe, quæ nec vniuersæ affuerant, nec ex ijs, quæ aderant, adeo
 multi cecidissent, ab animis, adhuc odio & inuidia inflammatis, & fiducia sui clatis,
 maior tempestas imminere videbatur. Augebat indignationem, quod non in Regiam,
 sed paucorum potestatem tot viri, genere & opibus clari, tam facile recidissent: titulum
 enim & nomen Regium penes adolescentem quindecim annorum, qui non regeret,
 sed a patris interfectores regeretur: vim autem imperij penes Douglassium, Heburni,
 & Humium esse: quibus fiduciam agebant, quod omnia litora duabus classibus, An-
 glica & Scotica, essent infesta. His difficultatibus ut mederetur, nouus Rex primum
 omnium statuit, copias maritimas reconciliare: ne aut illæ aliquid turbarent, ipso in
 longinquas regni oras, ad statum earum regionum ordinandum, profecto, aut in in-
 teriora Regni aditum darent Anglis, ad mediterranea loca expilanda. Igitur Andream
 Siluium, Regis morte iam passim diuulgata, minus in causa fore obstinatum, ratus,
 eum fide publica in litus euocat: & periculo publico, & infamia gentis vniuersæ, quam
 pauca naues Anglicæ ita superbe contemnerent, ante oculos exposita, non solum in suas
 partes Andream traducit, sed etiam aduersus Anglos armat, multisque suadentibus,
 ut in plures & maiores saltem æquum numerum natiuum duceret, se suis duabus con-
 tentum, respondens, cum primum tempestas commoda incidit, recta aduersus Anglos,
 qui ante Dumbarum opidum stabant, vela fecit: &, asperrimo pralio conferto, La-
 tham omnes captas perduxit: ac Praefectos earum Regi obtulit. Andreas a Rege muni-
 fice donatus, eiusque, in re militari, peritia, & militum virtus singulari laude honora-
 ta. Nec deerant ex eo genere hominum, qui Regum qualescunque res gestas admiran-
 tur, ac magnas etiam in maius extollant, qui, eam victoriam longe maioris mox se-
 cuturæ manifestum esse omen, praesagirent. Interea procerum pars aduersa, legationi-
 bus in omnes Regni partes missis, mutuo se cohortantur, ne praesentem rerum statum
 ferant: neu tot viri fortes parricidas publicos, qui alterum Regem occidissent, alterum
 in seruitute tenerent, sibi tam superbe paterentur illudere: ac Regiæ salutis Defenso-
 res perduellionis areeffere, ipsos, omnis diuini & humani iuris violatores, pro Vindi-
 cibus decoris publici, se venditare, ac Liberatorum patriæ nomen usurpare, apud quos
 ne Rex quidem ipse liber esset: quippe, qui coactus sit, in patrem, eundemque Regem
 arma sumere, & eo nefarie caso, paternos amicos, & capitis defensores impio bello
 persequi. Multa huius generis cum vulgo iactarentur, ad maiorem odij flammam ex-
 citandam, Alexander Forbosius, clarissimæ familiæ princeps, Regiam interulam, san-
 guine foedatam, & vulnerum vestigijs laceram, ex hastili longo pendentem, per Abre-
 doniam & illustriora vicinarum gentium opida circumtulit, & velut edicto publico,
 per praconem omnes ad foedissimi facinoris vltionem conciebat. Nec minus impigre
 in regionibus Cisforthanis, Matthæus Stuartus, Leuinæ Comes, homo genere & opi-
 bus clarus, & popularitate quadam honesta summis infimisque iuxta carus, vicinos si-
 bi Regulos accendebat: ac, iam satis valida manu comparata, cum per pontem Sterli-
 ni, Regijs opidum tenentibus, penetrare non posset, per vadum, non procul a flumi-
 nis ortu, ad Grampii montis radices contendit, ut sociis se coniungeret. Id consilium
 cum Ioanni Dromundo, per Alexandrum Macalpinum, ipsius clientem, qui hosti-
 bus se coniunxerat, esset indicatum, ac palam factum, in castris rebellium omnia adeo
 secreta ac neglecta esse, ut, quo quisque loco esset, sparsi tenderent, nec vigiles suis lo-
 cis dispositos haberent, nec vllum rei militaris munus usurparent: Dromundus cum
 aulicis, ac paucis voluntariis, qui, operæ nauandæ studio, se ad eos aggregarant, sopi-
 tos inuadit. Multis cum somno mors fuit continuata: ceteri inermes retro, unde ve-
 nerant, præcipiti fuga ruunt: plures capti: sed a notis amicis pars dimissa: in eos tan-
 tum sauitum, qui contumeliosius scripserant, aut locuti fuerant. Auxit huius victo-
 riæ laticiam nuncius allatus, eisdem diebus, de prospera pugna nauali Andream Siluij,
 aduersus Stephanum bellum. Anglus enim, audito, quinque suorum naues a duabus
 Scoticis, longe etiam minoribus, superatas & captas fuisse, cum & ignominiam dela-
 tam cuperet, nec iustam belli causam obtendere posse, videretur: conuocatis ducibus,
 rei maritimæ peritis, oblatisque nauibus selectis, & nauali apparatu, quantum vellent,
 horra-

horatus est, ut hanc nominis Anglici maculam tollerent: magnis ostentatis præmijs,
 si ipsum Silvium, aut vivum, aut mortuum, ad se adducerent. Sed cæteris, qui virtu-
 tem hostis cum felicitate coniunctam nouerant, cunctantibus, Stephanus Bullus,
 Eques notæ fortitudinis, expeditionem suscepit: & rei bene gerendæ occasio videbatur
 oblata, quod, Silvium e Flandria propediem reuersurum, sciebat, eumque in reditu,
 incautum, non magno negotio posse opprimi, sperabat. Igitur tribus e Regia classe na-
 uibus electis, ac breui instructis, litus Angliæ legens, ad Maium insulam, in æstuario
 Forthæ desertam, constitit, loci maxime naturam secutus, quod, ab omni parte, insu-
 la stationes habeat tutas, aduersus omnes ventorum procellas: & mare ibi se in angu-
 10 stum cogat, ut nulla nauicula præteriens latere posset. Interim e Scaphis piscatorijs,
 qui rei maritimæ peritiores haberentur, retentis, eorum aliquot continenter in spe-
 culis habet, ut naues hostium, agnitas, sibi commonstrent. Cum ibi, non multos dies,
 ad anchoras restitissent, Silvij naues, plenis velis aduenientes, simul visæ & agnitæ sunt:
 & Bullus, sublati anchoris, præcepta iam animo victoria, ad pugnam se comparat, Sil-
 uius tantum moratus, dum sui arma expediunt, suas naues in hostes concitat. Con-
 grediuntur duo fortissimi duces, magnorum exercituum animos gerentes, ac tam ob-
 stinati pugnarunt, ut, incerta victoria, nox prælium dirimeret. Postridie mane, relictis
 viribus, duces, exhortati vtrinque suos, certamen renouant: ac manibus ferreis (har-
 pagonas vocant) in hostium naues iniectis, velut pedestri ac stabili acie, comminus de-
 20 certant, tanta pertinaciâ, ut æstum relabentem neutri sentirent, donec ad cumulos
 arenæ in ostio Tai amnis delati essent. Ibi, minus alto mari, naues Anglorum, cum,
 ob magnitudinem, regi minus facile possent, se dedere fuerunt coactæ: inde aduerso
 Tao Taodunum tractæ, ibi manserunt, donec, sepultis mortuis, vulnerati medicis, ad
 curandum, distribuerentur. Hoc prælium incidit, in decimum diem mensis Augusti,
 anno, redempti generis humani, millesimo, quadringentesimo, nonagesimo. Paucis
 post diebus, Silvius, ad Regem profectus, Stephanum Bullum, nauiumque præfectos,
 & cæteris honoratissimum quemque Regi obtulit: ac inuicem ab eo laudatus, & mu-
 neribus est donatus. Rex captiuos cum suis nauibus vna Regi Anglo, collaudata mili-
 tum fortitudine, munifice reddidit: ut qui, non de præda, sed de gloria, certamen inis-
 30 sent, virtutemque, etiam in hoste, apud se honoratam esse ostendit. Henricus, etsi suo-
 rum infelicem pugnam ægre ferret, tamen Regi Scottorum gratias egit: & munificen-
 tiam eius, & animi magnitudinem se libenter amplecti, est professus. Circa hæc tem-
 pora, monstrum noui generis in Scotia natum est, inferiore quidem corporis parte
 specie maris, nec quicquam a communi hominum forma discrepans: umbilicum vero
 supra, trunco corporis, ac reliquis omnibus membris geminis, & ad usum & speciem
 discretis. Id Rex diligenter & educandum, & erudiendum curauit: ac maxime in mu-
 sicis, qua in re mirabiliter profecit: quin & varias linguas edidicit, & varijs voluntati-
 bus duo corpora secum discordia discutebant, ac interim litigabant, cum aliud alij pla-
 ceret: interim, velut in commune, consultabant. Illud etiam in eo memorabile fuit,
 40 quod, cum inferne crura lumbiue offenderentur, vtrunque corpus communiter dolo-
 rem sentiret: cum vero superne pungeretur, aut alioqui læderetur, ad alterum corpus
 tantum doloris sensus perueniret: quod discrimen etiam in morte fuit magis perspi-
 cuum: nam cum alterum corpus, complures ante alterum dies, extinctum fuisset, quod
 superstes fuit, dimidio sui computrescente, paulatim contabuit. Vixit id monstrum, an-
 nos viginti octo: ac decessit, administrante rem Scotticam Ioanne Prorege. Hac de re
 scribimus eo confidentius, quod adhuc supersunt homines honesti complures, qui hæc
 viderint. Victoriæ navalis fama ad Septentrionales perlata, & ipsi, omissis belli consilijs,
 domos suas abierunt. Hoc tumultu ita leui momento compresso, Rex, ad seditiones
 non modo in præsentia sedandas, sed in posterum omnino tollendas, animum adiecit.
 50 Primum conuentum, qui indictus erat, in sextum Nouembris diem, Edimburgi ha-
 buit. In eo multa salubriter, ad concordiam publicam stabilendam, sunt decreta: in
 primis, ut animi facilius ad pacem coalescerent, culpa in paucos collata, poenæ magna
 ex parte leuaretur, aut omnino remissa. Cum de iure belli disceptaretur, Ioannes Leon

CIO.
CD. XC.

RERVM SCOTICARVM

Regulus Glammius capita quædam, a proceribus ad Regem de pacificando missa, protulit, quibus Iacobus Tertius sæpe assenserat, ac subscripserat etiam: ac plane legibus illis concordiam cum proceribus confirmasset, nisi a prauis consultoribus animus eius fuisset alienatus, atque eo perductus, ut, hostem veterem, aduersus ciues suos pugnaturum, in Regnum introducere, persuasus esset. Hanc ob consiliorum inconstantiam, Comites Huntillæus, Arellius, & Martialis, cum ipso Glammio, & plerisque alijs viris nobilibus, cum tum deseruerunt, atque eius filium, Iacobum Quarum, ob animum eius publicæ utilitatis & tranquillitatis amantem, sunt secuti. Post satis longam disceptationem, tandem ab vniuersis est decretum, qui in prælio Sterlinensi cecidissent, eos, sine culpa casos, videri: iureque eam eadem fuisse factam: eos vero, qui, aduersus publicæ salutis hostes, fraudi occultæ honesta nomina prætexcentes, arma ceperunt, nec culpæ, nec crimini esse obnoxios. Huic decreto, quibus in conuentu publico sententiæ dictio est, subscripserunt, ut exterarum nationum Legatis, quos aduentare rumor erat, sui facti rationem redderent. Multa alia ibi decreta sunt facta, quæ & pauperioribus ablata redderent, & potentiores leuiter multarent, & vtrique parti cauerent, ne arma, tum sumpta, ipsis posterisque eorum fraudi essent. Hanc, in adolescente quindecim annorum, & victore, & in summa potestate collocato, moderationem adornabat magnopere benignitas, & promissorum fides, & (quod in primis vulgus admiratur) corporis dignitas, ac viuidum & alacre ingenium. Itaque, cum nec auare, nec crudeliter victoria exerceretur, & delicta bona fide condonarentur, breui summa concordia inter factiones, & æquale partis vtriusque studium, & amor erga Regem coaluit: pauci qui pertinaciores fuerant, modica pecunia, aut exigua parte agrorum multati, nemo fortunis omnibus exutus: & multæ, non in fiscum, sed in precium operæ nauatæ cedebant. Huic Regiæ clementiæ gratiam adijciebat, quod homines adhuc recenti memoria tenebant, quam leuibus de causis, sub Rege superiore, viri clarissimi omnibus bonis excidissent, quamque dispares in eorum successissent locum. Principes quoque factionis aduersæ, quo fidelioribus eis videretur, affinitate sibi coniunxit: duas enim amittæ, ex diuersis maritis, filias, Græcinam Bodiam Alexandro Forbosio, Margaritam Hamiltoniam Mathæo Stuarto dedit uxores. Ita breui, conciliatis omnium animis, tam iucunda pax, tanta tranquillitas, &, velut ancillante fortuna Regijs virtutibus, tantus omnium frugum & fructuum prouentus est secutus, ut, e seculo plusquam Ferreo, Ver aureum renatum fuisse, videretur. Rex autem latrocinia armis, cetera vitia indiciorum seueritate cum compressisset, ne, in alios acer vindex, in seipsum indulgentior crederetur, ut omnibus palam esset, patrem, se inuito, fuisse interemptum, cathena ferrea, quoad vixit, se cingebat, cui, singulis annis, annulum vnum adijciebat: id quanquam, cædis auctoribus formidolosum esse, posset, tamen, vel miti Regis ingenio, vel factionis opibus confisi, omni motu publico abstinerunt. In hac eorum vniuersorum, ac priuata singulorum læticia, septimo fere, ab inito regno, anno, Petrus Varbecus in Scotiam appulit. Sed, ante quam causam eius aduentus explicem, pauca mihi supra sunt repetenda. Margarita, Henrici Quarti, Regis Anglorum, soror, cum Carolo Burgundo nupsisset, ea Henricum Septimum, factionis aduersæ ducem, quibuscunque posset rationibus, si non euertere, saltem exercere, statuit. Id autem ut facilius efficeret, Petrum quendam Varbecum Regni æmulum ei excitauit. Erat autem is adolescens Tornaci (quod est Neruiorum opidum) humili loco natus, sed ea forma, ingenio, statura corporis, atque oris dignitate, ut facile Regij generis fidem faceret. Verum, cum ita diu, propter inopiam, peregre vixisset, ut vix a suorum paucis agnosciposset, multarum nationum linguas addidicerat, atque ad summam impudentiam & os & animum offirmauerat. Hunc Margarita (quæ, ad omnes occasiones turbandi rem Anglicam intenta, aduigilabat) cum esset nacta, aliquandiu apud se occulte habuit, donec cum edoceret, quibus factionibus Anglia laboraret: quos amicos, inimicosque illic haberet: perficeretque, ut omnem Regij generis seriem, quæ item singulis prospera, vel aduersa euenissent, teneret. His ita comparatis, cum iam maturum videretur, fortu-

fortunam experiri, hominem occulte curat, cum honesto comitatu, primum in Lusitaniā, deinde in Hiberniam mittendum: ibi magno concursu, & vulgi applausu, velut Eduardi Regis filius, receptus, siue suo pte ingenio, ad simulandum composito, atque arte etiam adiuto, siue barbarorum hominum credulitate fretus, magnum breui motum excitaturus, videbatur: cum bello repente, inter Gallos & Anglos, exorto, a Carolo Octauo, magnis pollicitationibus, ex Hibernia vocatus, Luteciam venit, illic honorifice, ac Regio cultu, adiectis etiam satellitibus habitus, & ab Anglis exulibus, qui tum ibi frequentes agitabant, in spem certam Regni adductus est. Sed, eo tumultu conditionibus sopito, clam ex aula Gallica, metu, ne dederetur, in Flandriam se contulit: atque a Margarita, ceu tum primum ab ea visus, magno studio cultus, & aulicis ostentatus, & sæpe, multis presentibus, omnem fortunæ suæ fabulam iterare, iussus: Margarita, velut eam tum primum audisset, ad singulos tum prosperos, tum aduersos euentus, ita simulatis affectibus, orationi eius subseruiebat, vt omnibus faceret fidem, se pro veris, quæ audisset, accipere. Post vnum & alterum diem, Petrus, Regio cultu procedere, iussus, adhibitis triginta stipatoribus, ac nomine Albæ rosæ (quod insigne factionis Eboracensis apud Anglos est) commendatus, verus & indubiratus Anglici regni hæres prædicatur. Hæc vbi fuerunt, primum per Flandriam, deinde per Angliam, diuulgata, ita populi animos crexerant, vt magna ad eum concurreret frequentia, non eorum modo, qui, legum formidine, in asylis alijsque locis latitabant, sed hominū etiam nobilium, quibus aut suæ res non satis placebant, aut nouarum rerum erat cupiditas. Sed cum longior mora, quam Petrus, vires nouas adiectionum, sperabat, presentes, emergente in lucem mendacio, paulatim imminueret, statuit, belli fortunæ rem committere: itaque, comparata modica manu, paucis suorum in litus expositis, Cantianorum erga se voluntatem frustra tentauit. Omnibus, qui in terram descenderant, circumuentis, in Hiberniam cursum flexit: nec ibi quoque pro spe acceptus, in Scotiam nauigat, gnarus, raram, nec vnquam fere diuturnam, inter Scotos Anglosque, esse concordiam. Hic cum, ad Regem admissus, Eboracensis familiæ ruinam, suasque calamitates, quam maxime potuit, miserabiliter deplorasset, eumque vehementer obtestatus esset, vt Regium sanguinem ab hac contumelia vindicaret, Rex, eum bene sperare, iubet, polliceturque se effecturum, ne, frustra eius auxilium rebus suis afflictis, postulasse, existimeretur. Paucis post diebus, conuocato concilio, Petrus introductus lamentabiliter de sua fortuna disseruit: Se, cum e Rege, florentissimo suæ ætatis, ad summam spem natus esset, præmatura morte patris destitutum, in Richardi patruī tyrannidem pene prius incidisse, quam calamitatis eius sensus ad se peruenire posset: Fratrem maiore crudeliter extincto, se a paternis amicis subtractum, in eo regno, cuius hæres iure esset, ne in summa quidem inopia, precariam vitam ducere ausum: Apud exteras gentes ita vixisse, vt fratris extincti (qui ex illis miserijs fuisset ereptus, repentina morte) conditionem, præ ijs, quæ ipse ferret, felicem duceret: Se enim, ad fortunæ ludibrium, seruatum, ne hoc quidem reliquum habuisse, vt, calamitatem suam apud exteros, quo eos ad misericordiam adduceret, deplorare, auderet: postquam autem, quis esset, profiteri cepisset, omnibus aduersæ fortunæ telis petitus esse: ad priores enim miseras quotidianum insidiarum accessisse periculum, callidissimo inimico nunc vitam suam ab hospitibus mercante, nunc ciues clanculum sollicitante, qui, simulata amicitia, secreta rimarentur, veros amicos corrumpere, latentes detegerent, & falsis criminibus genus infamarent apud vulgus: Margaritam amitam, nobilesque Anglos, qui ipsum agnoscerent, conuicijs proscinderent: eam tamen, conscientia sua aduersus maledicentiam inimicorum fratrem, & misericordia erga suum sanguinem permotam, eius inopiam suis fortunis sustentasse. Tandem, cum in muliere & vidua id ætatis non suis præsidij videret, se vicinos Reges & Nationes circumnisse, rogantem, vt communes casus respicerent, ne Regium sanguinem, violentia tyrannidis oppressum, in luctu, miserijs, & formidine finirent contabescere: se vero, etsi in grauissimis malis versetur, non ita animo esse deiectum, vt non speret, aliquando fore, vt amicorum (quos plurimos adhuc habeat, in Anglia & Hibernia) auxilio restitutus, pro merito cuique gratiam referre, posset, præsertim

adiunctis ad suam sectam Scotorum viribus : per quos si in Regnum redeat, brevis sum-
rum, ut intelligant, firmissimum amicum sibi paratum : & eo tempore paratum, quo
veriamici conciliari soleant : tanti autem beneficii se suosque posteros ita perpetuo
memores fore, ut, omnem melioris fortunæ accessionem debere se eis, libenter fateren-
tur. Addidit præterea multa, de Regis laudibus, partim vera, partim qualia præsens for-
tuna exprimebat. Post hæc dicta, cum Petrus reticuiisset, Rex cum reuocatum, bono ani-
mo esse, iussit : se de postulatis eius ad concilium relaturum : eorum sententiam, etsi
sibi sit necesse in rebus grauioribus sequi, tamen, utcumque illi decernerent, se esse-
cturum, spondet, ne eum aliquando ad se confugisse poeniteat. Petro egresso, cum
sententiæ rogarentur, prudentiores, & quibus maior erat rerum usus, rem integram
reiciendam, censebant : siue, quod vana, quæ prætenderentur, existimarent : siue, quod
plus e bello prospicerent periculi, quam e victoria, etiam si certa esset, emolumentum ex-
pectarent. At maior pars, vel, ob imperitiam rerum, & animorum inconstantiam, vel,
ut Regi gratificarentur, nunc de causa Petri differendo, ut quæ esset iustissima, fortunam
hominis commiserabantur : nunc, rebus in Anglia turbatis, animisque ex ciuili discor-
dia adhuc fluctuantibus, occasionem arripiendam, &, quod Angli semper facere con-
sueuerunt, id se aliquando experiri debere, ut inimicorum aduersa tempora ad suum
usum traherent : victoriamque iam sibi ante classicum augurabantur, præsertim, ad-
iunctis magnis Anglorum copiis : quæ si spe hominum infrequentiores conuenirent,
tamen e duobus alterum sponte secuturum, ut vel victores tanto beneficio Regem sibi
obnoxium in Regiam sedem collocarent : ab eoque, quæ vellent, omnia impetrarent :
vel si, absque certamine rem transigere, possent, Henricum, sedatis motibus domesti-
cis, nondum Regno confirmato, in quas vellent, condiciones pertracturos : quod si
facere cunctatur, bello semel moto, per multa, quæ nunc laterent, sponte se oblatura.
Hæc cum maior pars censuisset, Rex, nouarum rerum cupidus, in eam sententiam incli-
nauit, ac cæteros secum traxit : nec post id cessauit, Petrum, honorificentius tractando,
Ducemque Eboracensem appellando, populo ostentare : nec hac beneficentia conten-
tus, Catharinam Gordoniam, Comitissæ Huntileæ filiam, ac, præter splendorem ge-
neris, forma commendatam, ei uxorem dedit, hac affinitate in spem fortunæ me-
lioris eum confirmaturus. Interea, ex Consilij decreto, Rex, comparato exercitu, in
Angliam ducit, primum circumspicere, & agmine ad prælium, si qua repentina vis
ingrueret, parato. Deinde, ut, per equites missos exploratum, cognouit, nullum
exercitum, nullam hostium manum usquam coisse, dimissis, ad prædandum, co-
horribus, breui pene totam Northumbriam, late in omnes partes fusa populatio-
ne, vastauit. Hæc per aliquot dies dum geruntur, neque Anglorum quisquam ad Pe-
trum deficeret, & nunciatum Regi esset, per vicinas regiones exercitum conscribi,
periculosum ratus, suos, præda graues, expeditis & recentibus Anglorum copiis
obiici, statuit, in Scotiam redire, ac, deposita præda, cum primum per anni tem-
pus liceret, nouam expeditionem parare. Neque metuebat, ne Angli abeuntem se-
querentur, ut qui non ignoraret, neque subitarium militem diu in castris posse con-
fineri, neque per inopem, & nuper vastatam regionem posse, nullis ante preparatis
commeatibus, sequi. Et Petrus, contra quam sperauerat, nullis Anglorum auxilijs ad
se coeuntibus, veritus, ne, si diutius in hostico morarentur, commenta sua palam fie-
rent, velut & ipse sententiam Regis probaret, eum adit : &, compositis vultu & oratio-
ne ad misericordiæ habitum, rogat suppliciter, ne in regnum sibi debitum, & ciuium
suorum cruorem tam hostiliter sauietur : tanti sibi nullum esse dominatum, ut suum
sanguinem ita profundi, & solum patrium ferro flammaque sic miserabiliter vastari
cerneret. Et Rex, prope iam intellecto, quo intempestiua hominis illa clementia spe-
ctaret, respondit, se vereri, ne regnum illud, in quo nemo eum non modo Regem, sed
nec ciuem agnosceret, non sibi, sed hosti suo capitali seruet. Ita, de communi sententia,
domum reditur, & exercitus dimittitur. Rex Anglus, de motu & reditu Scotorum cer-
tior factus, expeditione aduersus eos in proximum annum decreta, validum exercitum
conscribi, iubet : ipse interea, ne hiems iners esset, Ordinum conuentum habet : ibi
conci-

concilio eius, de bello Scotico, comprobato, in subsidium leue tributum populo inditum: sed quod grauius domi bellum excitauit, quam, cui restinguendo foris erat destinatum. Querebatur enim vulgus, tot bellis, intra paucos annos gestis, iuuentutem, delectibus esse absumptam: rem familiarem valde attenuatam, proceres, & consiliores Regios non modo ijs calamitatibus non commoueri, sed in pace noua bella querere: noua rerum omnium egentibus tributa imponere, vt, quos ferrum non absumpserit, hi inopia & miserijs conficiantur. Hæ querimoniz cum publicæ fere essent, Cornauij longe præ ceteris indignabantur, quippe cum agrum magna ex parte sterilem colerent, bellum, eis magis quæstuosum, quam sumptuosum esse, consueuerat. Igitur homines
 10 bellicosi, qui, rem familiarem magis peculio castrensi augere, quam tributis imminuere, solebant, primum coactores & ministros Regios occidunt: deinde tam audacis facinoris, vnde receptus ad misericordiam non erat, sibi conscij, multitudine ad arma indies affluentius properante, Londinum versus iter capessunt. Sed de his motibus, quos longius prosequi animus non est, satis ad meum institutum arbitror dicere, quod, totum eum annum, Cornauij Regem Anglum ita exercuerint, vt, arma copiasq; ad bellum Scoticum paratas, in rebelles vertere, sit coactus. Interea Scotus, qui animo præceperat, hostem superiora damna non passurum inulta, & per exploratores cognouerat, ingentes in se copias parari, & ipse ex aduerso cogit exercitum, eo consilio, vt, si Angli priores eum inuaderent, ipse sua tueretur: sin minus, expeditione in hosticum facta, vicina suis finibus loca ita deuastaret, vt non modo militem, sed ne, ad cultores agrorum alendos, solum (alioqui tenue) necessaria suppeditaret. Verum, nuncio de Cornauiorum tumultu allato, statim Angliam cum magnis copijs ingressus, bifariam suos diuisit: partim, ad Dunelmenses agros populandos, missis, cum reliquis ipse Noramam arcem validam, ad Tuedam in colle præalto sitam, oppugnare aggreditur. Sed nec hac, nec illac magnum operæ precium factum. Nam Ricardus Foxius, Dunelmensis Episcopus, vir summa prudentia, e statu rei Anglicæ turbato suspicatus, Scotum tantam rei bene gerendæ occasionem non omitturum, arces aliquot validis præsidijs communiuit: Pecora, quæque alia ferri agiue poterant, in loca aut natura tuta, aut amnibus & paludibus impedita, transferenda curauit: Comitemque Surrium, qui magnas in agro Eboracensis copias habebat, accersit. Igitur incendijs in agros modo scuitum est, & Norama valide a præsidio est defensa: ita, nulla re memorabili gesta, Scoti domum redierunt: Angli, eos breui secuti, Atonam arcem modicam, prope in ipso limite sitam, euerterunt: deinde & ipsi quoque, nullo operæ precio facto, ex hostico excefferunt. Inter hos motus, externos & ciuiles, venit in Angliam Petrus Hialas, vir prudentiæ singularis, & vt illa ferebant tempora, non indoctus, a Ferdinando & Isabella, Regibus Hispaniarum, missus. Eius Legationis summa erat, Vt Catharina, eorum filia, Arcturo, Henrici filio, collocata, noua affinitas, & ex ea necessitudo contraheretur. Eum cum, de affinitate, Anglus libenter audisset, cuperetque etiam, eo interprete, cum Scoto (a quo ipse, parum e dignitate sua parabat, vt pacem peteret) bellum finire, Petrus libens negotium suscepit: ac
 40 profectus in Scotiam, cum, varie versando Iacobi animum, tandem ad quietiora consilia flexisset, scripsit ad Anglum, se sperare, pacem non difficulter coire posse, si ipse aliquem e suis, hominem prudentem, ad statuendam de conditionibus, mitteret. Anglus, vt homo fortunæ inconstantiam sæpe expertus, suorum animis e domestico tumultu adhuc ferocibus, nec tam elado fractis, quam iritatis, iubet, Ricardum Foxium, qui in arce sua Norama se continebat, consilia cum Hiala communicare. Hi cum Iodburgi cum Scotorum legatis, per aliquot dies, disceperassent, multis vltro citroq; iactatis conditionibus, nihil certi statuere potuerunt. Pax quo minus coiret, maxime impediēbat Henrici postulatio, qui æquum censebat, Petrum Varbecum, hominem fraudulentum, & multarum turbarum auctorem, sibi dedi. Id cum Iacobus obstinate negaret, neque
 50 enim honestum sibi esse, hominem Regij generis, primū supplicem, mox affinem, violata fide, hostium ludibrio tradere, infecta re, e colloquio discessum est. Spē tamen non penitus abiectā, inducit in aliquot menses facta, dum Iacobus Varbecū, salua fide, ab se dimitteret. Cum itam, ex colloquio quæ Anglis, magnisq; alijs indicijs, falsa illa, de genere
 oibuli

& fortuna Perri, fabula dilucere cœpisset, Rex, eo ad se vocato, beneficia in ipsum collata, singularemque suam benevolentiam, cuius ipse optimus esset testis, commemoravit. In primis, quod, eius causa, bellum cum opulentissimo Rege suscepisset, ac iam alterum annum gessisset, magno cum hostium incommodo, & civium vexatione: se pacem honorificam, ultro, si eum dederet, oblatam, recusasse: ea in re, cum civium, & hostium animos iuxta offenderet, se nec velle, nec posse, consensui eorum amplius resistere. Petit ab eo, ut circumspiciat, siue bellum, seu pax placeat, commodiorem exilio locum: sibi decretum, pacem cum Anglo facere, factamque sancte colere, & quicquid eam perturbare posset, a se procul segregare: nec Petrum queri posse, se prius a Scotis, quam ab Anglis, quorum fiducia bellum Scoti moverunt, destitutum. Vt cum-
que autem hac se haberent, se cum viatico, rebusque, ad nauigandum necessarijs, profecuturum. Varbecus, etsi præter spem discessu angebatur, nihil tamen remittens de simulata animi magnitudine, paucis post diebus, cum vxore & familia in Hiberniam nauigauit: atque inde breui in Angliam, & cum reliquijs Cornuianæ coniurationis sese coniunxit. Ibi cum multa attentasset, neque quicquam succederet, tandem captus, & vitæ superioris ludibria passus, laqueo vitæ finiuit. Seminatio belli, inter Scotos & Anglos, prope extincto, rebusque ad pacem spectantibus, e leui occasione subito animis iritatis, sanguinum bellum prope exarsit. Iuuenes aliquot Scoti cum (ut in pace fieri solet) in opidum Noramam, arci propinquum, sæpiuscule conuenissent, ac, per ludum & lasciuiam, tam familiariter cum vicinis, ac fluuio tantum, nec eo quidem lato, diremptis, cœmelsarentur, quam si domi fuissent, custodes arcis, ex residuo superioris belli odio animis infensis, & per iurgia iritatis, cum, velut speculatores, Scotos arguerent, a rixa ad manus ventum est: multis vulneribus utrinque acceptis, Scoti, numero inferiores, aliquot suorum amissis, domum redeunt. Re sæpius in conuentibus, inter Limitum præfectos, agitata, Iacobus, vehementer iratus, foecialem ad Henricum mittit, questum, de violatis inducijs, & Anglorum inconstantia, in pactis seruandis: ac, nisi satisfiat ex legibus, quæ, ex vtriusque populi consensu, de rebus repetundis, sanctæ essent, bellum denunciare, iussit. Anglus, fortunæ violentia a primis vsque incunabilis exercitus, & ad pacem pronior, respondit. Quidquid huius patratum esset, se quidem inuito, atque etiam ignaro factum: si quid temeritate prædijarii militis secus commissum esset, se, si
saluis foederibus, curaturum, ut ea de re quæstio habeatur, ac de noxijs poena expectatur. Verum, cum ea res lentius ageretur, id responsum eo visum est tendere, ut, dilata poena, spatio temporis inuidia euanesceret, ideoque animum Iacobi magis accendit, quam leniit. Ricardus Foxius, Dunelmi Episcopus, qui arci erat dominus, cum ferret moleste, causam soluendi foederis a suis ortam, id ne fieret, literis officij & humanitatis plenis subinde missis, homo, summa prudentia & dicendi peritia, Iacobi animum ita flexit, ut rescriberet, libenter se cum eo collocuturum, non modo de recenti iniuria, sed de alijs negotijs, quæ ex usu gentis vtriusque forent. Is, consulto ac assentiente primum suo Rege, ad Milrossium, vbi tum Iacobus erat, venit. Ibi, post vehementem querelam, de iniuria ad Noramam accepta, prudente & graui Foxij oratione delentus, offensam quidem, concordia causa, cuius se cupidissimum esse ostendebat, remisit: cætera sine arbitris acta: quorum hæc, ut postea cognitum est, summa fuit: se semper non modo pacem, sed quo arctius ea coalesceret, etiam affinitatem cum Henrico copulisset: ac nunc etiam cupere. Quod si Henricus induceret in animum, Margaritam filiam despondere, sese sperare, eam rem in vtriusque Regni emolumentum celsuram. Foxius vero, cuius auctoritatem iure maximam esse domi, sciret, si, ad eam affinitatem conciliandam, suum studium adiungere vellet, se non dubitare, facile omnia coniectura. Ille suam operam libenter est pollicitus: atque, in aulam Anglicam profectus, et cum Rege communicata, spem Scotorum legatis fecit, concordiam Reges inter facile coitutam. Ita demum, tertio post anno, qui fuit Millesimus, quingentesimus, ejusdem
fere diebus Margarita, Henrici natu maior filia, Iacobo quarto, & Catherina, Ferdinandi Hispani filia, Arcturo, Henrici primogenito, desponsa fuit: nuptiæ, altero post anno magno apparatu celebratæ fuerunt. Secundum nuptias, rebus tranquillis, Aulaque, a studio

studio armorum, ad lusus & lasciuia[m] conuersa, nihil aliud, quam spectacula, pompa,
 & conuiuia, & saltationes conspiciebantur: ac veluti perpetui quidam ludi, & ludo-
 rum causa, dies feriati agitabantur: edebantur & certamina equestria frequenter, maxi-
 me ad morem Gallicum: intercurrabant etiam (velut tragici actus) prouocationes ho-
 minum, latrocinio viuere affueto[rum], Rege, ad ea spectacula, se facilem praebente, vt
 qui, cedere eorum in lucro ponendam, existimaret. Horum ludorum fama cum ad ex-
 teras gentes permanasset; multi perigrini, ac potissimum ex Gallia, virtutis ostentan-
 dae cupidi, quotidie aduentabant: & a Rege beniuole & liberaliter excipiebantur, &
 dimittebantur. Nec in has modo ludicras exercitationes, sed etiam adificationes, Ster-
 10 lini, Falcolandia, aliisque diuersis in locis, atque in Monasteriorum substructiones
 magnos sumptus fecit: ad nauium autem fabricationes longe maximos: nos enim
 eximia magnitudine naues adificauit, multasque medioeres: sed omnium admiratio-
 nem & sumptus, & apparatus vna longe superauit, qua nullam hominum memoria
 in Oceano maiorem viderat: cuius vt praeterea[m] descriptiones, a nostris hominibus
 proditas, & mensuram aliquot locis seruata[m], illud satis perspicue magnitudinem eius
 indicat, quod Franciscus, Rex Galliarum, & Henricus Octauus, Rex Anglorum, amu-
 latione stimulati, cum vterque, paulo capacio[re]m nauem extruere, conati essent, &
 iam vtraque perfecta, & omnibus rebus ad navigationem omnia, ne in mare deducta,
 magnitudine sua, immobiles & ad omnem usum incommodae essent. In hac igitur o-
 20 pera, quae diximus, cum magnos sumptus fecisset, & exhausto iam aerario nouas, confi-
 cienda pecuniae rationes comminisci, fuisset coactus, inter alias, auctore, vt creditur, Gu-
 lielmo Elinstonio, Episcopo Abredoniensi, rem est aggressus, vniuersae Nobilitati val-
 de molesta[m]. Inter agrorum apud Scotos iura, vnum genus, quo dominus vel empti,
 vel donata praedia ea lege obtinet, vt, si possessor moriens pupillum relinquit heredem,
 tutela eius ad Regem, vel alium quemcunque dominum superiorem pertineat: omni-
 que fructus, vsque ad aetatis annum vicesimum primum expleum. Est & alia sententia
 huic generi agrorum adiuncta, vt, si possessor, sine assensu superioris domini, supra di-
 midium agri vendat, totus ager ad supremum dominum redeat. Haec lex, vt partum aqua,
 & ab adulatoribus aulicis, qui, fisci commoda promouere, contendunt, introducta, cum
 30 diu iacuisset, Rex admonitus, aliquid pecuniae ab eius violatoribus corrad[i] posse, re-
 gem exercere iussit: Eam quaestionem Recognitionem vocant. Haec pecunia confi-
 cienda ratio, quanquam nemo bonis omnibus elueretur, prope vulgo molestior
 erat, quam patris auaritia: iniuria enim ad plurimos atque honestissimum queni-
 que pertinebat: quod, sub duobus proximis Regibus, per bella non solum externa, sed
 etiam ciuilia, memoria eius legis prope erat abolita: ideoque, coquebatur, suos agros a pro-
 curatoribus fisci redimere, aut eorum parte aliqua cedere. Tantis tamen amor ciuium,
 ad quos id pertinebat incommodum, ob alias virtutes, tantaque, erga Principem reueren-
 tia erat, vt ea hominum indignatio cirra motum constiterit. Sed, cum nec Rex modum
 faceret sumptibus, nec deessent (perpetuum aulae malum) adulescentes, qui id vitium, sub ho-
 40 nestis nominibus splendoris & magnificientiae, alerent, in animum induxit, in Syriam pro-
 fectus, vt immanem illum luxum, quem nec sustinere, sine perniciē, nec omittēre posse,
 saluo pudore, videbatur, per absentiam imminuere assuesceret: praetendebatur profectio-
 ni honestu[m] velu[m], vt expiaret illam culpam, quod aduersus patrem suu[m] in acie steterat au-
 matas. Huius autem siue verae, siue ostentatae poenitentiae, quam in omni sermone prae-
 rebat, dederat, vt ante commemorauimus, ab initio statim Regni, significationem. In hanc
 profectionem classem iam ornauerat, & comitum principes descripserat: ac Reges vicinos
 per Legationes fecerat certiores: multi quoque velut eodem voto se obstrinxissent, bar-
 bam & capillos promittebant: breuique solutus credebatur, nisi, in id maxime in-
 50 tento, obiecta fuissent impedimenta: iam enim futuri belli suspicio, inter Gallum &
 Anglum, gliscebatur: nam & Anglus non satis aequo animo successus Gallorum in
 Italia ferebat: & a Iulio Secundo Pontifice, & Ferdinando Hispano, socero, in societatem
 sollicitabatur, & Veneris, & Heluetijs ad hos adiunctis, & Maximiliano (et si plerumque sua
 consilia, ex forti eventu, moderaretur) accessuro, coniunctio iurgentium tam firmam

etis apparebat, ut Gallia, tot copijs vndique erumpentibus, opprimi posse videretur. Rex
 Angliæ, & ætate, & Regni florentis opibus tumidus, & rerū gerendarum cupibus, con-
 iungere se eis, auebat: sed honestam, quam bello prætexeret, causam quærebat. Cum
 autem vterque alterius consilia, per exploratores, cognosceret, neque Franco persuade-
 ri posset, ne aduersus Pontificem Romanum Henrici amicum, arma ferret, tandem for-
 cialis in Galliam missus, qui Normaniam, Aquitaniam, Andegauos, (veterem Anglorū
 in Gallia diuisionem) reposceret. Sed cum, nec his minis, bellum in Italia intermitteretur,
 Anglus, bello Gallis indicto, exercitū in Cantabros, ut se Ferdinando socero coniunge-
 ret, mittit: & ipse expeditionem in Gallum adornat. Iacobus autem Scotus, quanquam,
 neutri adesse, decreuisset, tamen in Gallum pronior, classem, cuius antea meminimus, 10
 mittere statuit, dono Annæ Reginae Francorum, ut magis amicitia pignus, quam, ad
 rem gerendam, subsidium videri posset: Ecclesiasticus quoque Ordo, largitionibus
 Gallieis assuetus, suum studium Ludouico volebat ostentare: sed cum id aperte non
 auderent, ab Anglo sui Regis alienandi, causas circumspiciebant. Missus est, ex eorum
 factione, qui Gallo studebat, in Angliam, Andreas Formanus, tum Episcopus Mora-
 uienſis, ut ab Henrico peteret magnum pondus auri argentique facti, cuius maior pars
 in mundo muliebri erat. Hæc pecunia legata dicebatur ab Arcturo maiore, Henrici fra-
 tre, Margaritæ sorori, quam, Scoto nupsisse, ante ostendimus. Henricus autem (ut cre-
 dibile est) causam belli quæri, ratus, benigne respondit: non modo, si quid deberetur,
 sed si quo alio Iacobus egeret, nulla in re se ei defuturum. Hoc responso accepto, Iaco- 20
 bus constituerat, Gallum, si qua in re alioqui posset, iuuare, sed prorsus, ab Anglia in-
 uadenda, abstinere: eundemque Formanum in Galliam misit, qui hæc Ludouico an-
 nunciaret. Interea, quoniam audierat, magnos belli maritimi apparatus vtrinque fieri,
 classem, de qua diximus, statim ad Annam mittere, decreuit, ut ante belli initium, si
 fieri posset, illuc appelleret: ei præfecit Iacobum Hamiltonium, Arania Comitem, &
 cum primum commodum fuit, vela facere, coegit. Sed Hamiltonius, vir minime ma-
 lus, verum pacis, quam belli artibus instructior, siue periculi metu, siue naturali inertia,
 omisso in Galliam itinere, ad Rupem Fergusij opidum Hiberniæ, aduersus Galloui-
 dian situm, appulit: urbem spoliata incendit, atque inde, tanquam re bene gesta, in
 Scotiam, ad Aeram portum Coilæ, vela fecit. Rex, de eius reditu certior factus, ac, supra 30
 quam dici posset, iratus, nec minis nec conuiuijs aduersus eum sibi temperare, potuit:
 iram etiam eius incendebant, e Gallia, literæ Annæ Reginae, blandicijs ad bellum An-
 glicum illicientes, & alteræ, Andree Formani promissionem de classe mittenda, velut
 vanam, omnium sermonibus exprobrari, significantes. Rex, ut huic malo mederetur,
 quoad posset, ex consilij sententia, Hamiltonium, qui cursu, quem tenere iussus erat,
 omisso, urbem nunquam Scotis inimicam & tum Regum foedere coniunctam, crude-
 liter vastasset, bellumque non indictum amicis intulisset, abrogata classis Præfectura, ad
 se venire iussit: successoremque ei destinauerat, Arcibaldum Duglassium, Anguliæ Co-
 mitem, misso cum eo Andrea Siluio, qui classem reciperet. Sed Hamiltonius, ante ad- 40
 uentum eorum, per amicos de Regis erga se voluntate certior factus, statim vela in al-
 tum fecit, ac, fortunæ incertæ potius, quam irato Regi se committere, elegit. Dum au-
 tem Galliam petir diu, aduersis ventis, ac fœdis tempestatibus iactatus, dissipata, ac mul-
 tum vexata classe sero, ac maritimarum rerum cura apud Gallos deposita, in Britanni-
 am minorem appulit: ibi nauis illa, tanto sumptu ac labore ædificata, sublati arma-
 mentis, in portu Bristonico computruit. Interea domi, aliz discordiarum causæ subor-
 tæ sunt, quæ Scotum ab Anglo penitus alienarunt. Regnante adhuc Henrico Septimo,
 Robertus Canus, Eques nobilis, ob egregias virtutes, Iacobo ita acceptus erat, ut qua-
 dem & Pincernam sibi principem, & machinarum bellicarum, & medijs limitis præfe-
 ctum crearet. Is, cum acer latrociniorum vindex esset, non maiorem Regis gratiam,
 quam limitaneorum odium sibi conciliauit. Igitur cum & Angli, & Scoti quorum li- 50
 centiam iudiciorum seueritate, compingebat, si qua daretur occasio, iuxta eius exitio
 imminerent, tandem in consensu solenni, qui inter Anglos & Scotos, rerum repetun-
 darum causa, solet agitari, orta altercatione, res Angli, homines audacissimi, Ioannes
 Heron,

Heron, Lilburnus & Starhedus aggressi, vnus lancea auersum transfixit, reliqui iam sauci-
 cium confecerunt. Cum res ad bellum spectare videretur, Henricus Rex, vir alioqui iu-
 stus, nec minus facinori turpissimo, quam Iacobus, insensus, perfecit, vt Ioannes He-
 ron, Ioannis frater, Furdi Comarchus, & Angli limitis praefectus, cum Lilburno (nam
 duo reliqui fuga vitae consuluerunt) Scotis dederentur: quibus acceptis, & in Falscastel-
 lum arcem inclusis, Lilburnus ibi discessit. Illud quoque, in manifesti criminis expia-
 tionem, statutum est, vt, in conuentibus, Angli priores fidem publicam, solum Scoti-
 cum ingressi, peterent, ibique conuentus haberent: & legati Anglorum, multa verborum
 & decretorum honorificentia, crimen a conscientia publica remouerent. Duo reliqui
 10 percussores in Anglia interiore latuerunt, vique ad Henrici Octauī regnum, nec tamen
 poenas effugerunt: nam cum Regem adolescentem, opibus ferocem, suasque vires
 ostentandi cupidum, cernerent, e latibulis prodierunt: & Heron quidem, propinquo-
 rum potentia fretus, palam domi versabatur, & occulte latrones in Scotiam submitte-
 bat, ad pacem turbendam: bello semel moto, veterum iniuriarum obliuionem, & no-
 uarum impunitatem sperans: Starhedus vero, prope nonaginta millia passuum, a Li-
 mite, domicilio constituto, se longinquitate tutum putabat: Andreas autem Carus, Ro-
 berti filius, qui, odiorum semina, mox in bellum eruptura, iam tum iaci videbat, veri-
 tus, ne armis semel publice susceptis, vindicta caedis paternae sibi perirer, duobus suis cli-
 entibus, e familia Tatiorum, persuadet, vt, dissimulato habitu, Starhedo perniciem mo-
 20 liantur. Illi, facinore suscepto, domum eius, quod tam procul a Limite habitaret, se-
 curi noctu ingressi, dominum trucidant, & caput abscissum ad Andream apportant.
 Ille, in vindictae expetitae testimonium, Edimburgum id mittit, & in loco maxime ce-
 lebris affigendum, curat. De Herone suo loco dicemus. Exceptit hanc veterem iniuriam
 nouum facinus, quod sopitam Scoti Regis iram verius, quam extinctam resuscitauit,
 Erat, ea tempestate, mercator Scotus, Andreas, cognomento Britannus: eius pater cum,
 spoliata naue, caesus crudeliter a Lusitanis fuisset, causa ab Andrea filio in Flandria (quod
 caedes ibi facta fuisset) acta: damnati Lusitani cum iudicatum non soluerent, nec Rex
 eorum, per foecialem, a Rege Scotorum admonitus, ciues suos cogeret, de caede & la-
 trocinio satisfacere, Andreas a Rege suo, ad omnes principes & ciuitates, Oceanum ac-
 30 colentes, diploma impetrauit, ne, si Lusitanos, iuris publici violatores, vi & aperto bel-
 lo persequeretur, pro pirata aut latrone haberetur: intra paucos menses, magnis eos
 damnis affecit. Eorum autem legati, iam bello Gallico, aduersus Iulium Secundum, fla-
 grante, & cum Anglis, in Iulij partes ascitis, mox futuro, Henricum ad eunt: Andream
 hominem impigrum & audacem, & a quo ipsi Anglorum veteres amici maximo dam-
 no essent affecti, certum ei, aduersus Gallos rem gerenti, hostem futurum: nunc facile
 securum opprimi posse: ac facti, si qua esset inuidia, nominis piratici obtentu posse regi.
 Id si faciat, & suorum ciuium commodis prospecturum, & Regi affini & amico gratifi-
 caturum. Hac oratione, Lusitanus Anglo facile persuadet, vt, Andream insidias collocari,
 iubeat. Missus, ad id, a Rege Thomas Hauartus, maritimarum rerum Praefectus, duas, e
 40 classe Regia, naues firmissimas ornat, & ad Dunos (ita cumulos arenarum, recedente
 aestu, eminentes vocant) eum, e Flandria domum redeuntem, expectant: ac mox in naue
 modica, minore etiam comitatu, cernunt, & inuadunt. Andream Hauartus ipse aggre-
 ditur, & acri pugna conferta, licet rebus omnibus esset superior, vix tandem domino
 cum suorum plurimis interempto, nauem capit. In ipso certe Andream tantum animi, in
 rebus deploratis, superstit, vt, aliquot plagis faucibus, crure etiam altero globo ferreo
 confecto, arripientis tympanu, donec spiritus cum vita eum defecisset, bellicu sonuerit,
 & suos, ad fortiter dimicandu, sit hortatus. Minor naus, quae se, imparem hosti cernens,
 in fugam dederat, minore cum certamine dedita: qui, ex vtraque, caedi superfuerunt, in
 carcerem Londiniconditi: inde ad Regem producti, cum, vt edocti ab Anglis fuerant,
 50 suppliciter vitam precarentur, ille, superba misericordiae ostentatione, inopes & inno-
 xios incolumes dimisit. Missis in Angliam a Scoto legatis, qui de nauibus in pace ca-
 ptis, & vectoribus caesis, conquererentur: responsum, Foedera piratarum caede non
 violari, nec eam satis honestam belli causam fore. Hoc responsum contemptum

purgantis manifestæ cædis crimen, cum velut belli quærentis esse videretur, Angli, qui
 limites accolunt, ex rebus, quæ gerebantur, animum sui Regis interpretati, homines
 sæpe, in pace maxime tranquilla, belli semina spargere soliti, & ipsi rebus nouis inten-
 ti, prædas e proximis Scotorum agris agebant. Erat, ea tempestate, Alexander Humius
 omnibus Scotiæ Limitibus, qui, in tres Prouincias diuidi, solebant, vnus præfectus, Ia-
 cobo quidem Regi vehementer carus, sed ferociore, quam publica vtilitati tum expe-
 diebat, ingenio. Is Regi, ad belli curas conuerso, & de accepta per incurfiones ignomi-
 nia delenda, sollicito, pollicetur, se, cum propinquis & clientibus, breui effecturum, vt
 Angli, si quod, ex re bene gesta, gaudium accepissent, magno damno & dedecore id lu-
 ant. Hæc vt præstaret, tribus fere millibus equitum collectis, Angliam ingressus, septem
 proximos pagos, antequam succurri posset, spoliavit: sed dum reuertitur, cum ingenti
 omnis generis præda, homines latrocinij assueti, moræ impatientes, in hostico eam di-
 uidunt: & , qua cuique proximum erat, domos contendunt. Alexander cum paucis
 agmen cogebat, ac prospiciebat, ne qua in abeuntes incurfio fieret: sed cum, neminem
 sequi, videret, dum incautius agit, incidit in trecentos Anglos, in insidijs collocatos: qui,
 captato tempore, cum adorti, iniecta ingenti trepidatione, in quos inciderint, eos fun-
 dunt, fugantque. In eo tumultu, e Scotis complures occisi, ducenti capti: in iis, Geor-
 gius Humius, Alexandri frater, quem Angli, accepto Comarcho Herone Furdio, qui
 ob eadem Roberti Cari, complures annos in Scotia retentus fuerat, dimiserunt: præda
 omnis, quia, qui eam agebant, iter præceperant, in Scotiam incolumis venit. Hæc ani-
 mo Regis, ob ea, quæ retulimus, agro, obiecta offensio cum eum, quo cupiditas age-
 bat, præcipitem impelleret, conuentum Ordinum, ad consulendum de bello, habuit.
 Ibi multis prudentiorum contra nitentibus, Legato vero Gallo, Lamota, precibus pro-
 missisque instante, & literis crebris Andreæ Formani eodem vrgentibus, Rege quoque
 non dissimulante, quid vellet, multisque ei gratificari studentibus, ceteris qui paucio-
 res erant, ne frustra pugnando, Principis indignationem in se accenderent, assentien-
 tibus, bellum terra marique aduersus Anglos (incertum, peiore consilio, an euentu) de-
 cernitur: dies exercitui, ad conueniendum, indictus. Fœcialis in Galliam, ad Henricum,
 tum obsidentem Tornacum, est missus, qui bellum ei denunciaret. Causæ armorum
 capiendorum recenscebantur, res repetita, & non reddita: Roberti Cari interemptorem
 Ioannem Heronem palam se ostentare, Andreas Britannus, præter fœderis leges, spo-
 liatus, & interemptus, Regis ipsius iussu. Has etiam iniurias vt dissimularet, se non posse
 æquo animo ferre, Ludouici, Regis Francorum, veteris amici & Caroli, Geldricæ Du-
 cis, propinqui sui, ditionem hostiliter, omnibus belli calamitatibus, euasari: quibus
 rebus nisi desistatur, se bellum ei denunciare. Henrico & ætatis vigor, & florentissimi
 Regni opes, & prope totius Europæ consentiens, aduersus vnum Gallum, conspiratio,
 in animo, gloriæ militaris auido, belli cupiditatem accendebat: igitur etiam, quam
 pro ætate, ferocius fœciali respondit: se nihil ex eo aliud audire, quam quod iam du-
 dum a Rege, diuini & humani iuris violatore, expectabat: proinde ageret, vt sibi vi-
 deretur, se bellum tam prospere cœptum, ob eius minas, non omitturum: nec se mo-
 rari eius amicitiam, cuius iam sit expertus leuitatem. Hac belli denunciatione in Sco-
 tiam perlata, dum, ad exercitum proficiscens, Rex Limnuchi Vespertinas in Aede
 sacra cantiones (vt tum moris erat) audit, senex quidam ingressus, capillo in rufo fla-
 uescente, ac in humeros promisso, fronte in caluiciem glabro, capite nudo, veste lon-
 giuscula cyanei coloris amictus, ac linteo cinctus, cætero aspectu venerabilis: is, Re-
 gem quærens, per turbam obstantium penetrat. Vbi ad eum accessit: rustica quadam
 simplicitate, super solium, in quo Rex sedebat, innixus, Rex, inquit, Ego ad te sum
 missus, vt te admoneam, ne, quo institui, progrediaris: quam admonitionem si ne-
 glexeris, non erit e re tua, nec eorum, qui te comitabuntur. Præterea præmonere sum
 iussus, ne mulierum familiaritate, consuetudine, aut consilio utaris: secus vero si fa-
 cies, & damno & ignominia tibi res erit. Hæc locutus, turbæ sese immiscuit: nec
 cum, precibus finitis, Rex eum requireret, vsquam comparuit: quod eo magis mi-
 rum est visum, quod eorum, qui propius astiterant, atque eum obseruabant, audi
 multa

multa ex eo sciscitandi, nemo eius discessum senferat. In ijs, fuit Dauid Lindesius Montanus, homo spectatae fidei & probitatis, nec a literarum studijs alienus, & cuius totus vita tenor longissime a mentiendo aberat: a quo nisi ego hæc, yti tradidi, pro certis accepissem, vt vulgatam vanis rumoribus fabulam, omisurus eram. Rex, quo intendebat, profectus, prope Edimburgum recensuit exercitum: inde, paucis post diebus, Angliam ingressus, Noramam, Vercam, Etellam, Furdumque, & alias quasdam, Limiti Scotorum propinquas, arces vi coepit, ac diruit, & finitimam Northumbriam late popularus est. Interca Regem, amore nobilis captiua (ea erat Haronis Furdij vxor) irritum, cum rem militarem negligeret, & ocioso exercitui, in agro non valde copioso, conimeatus deficeret: nec e longinquo facilis esset comportatio, maior exercitus pars, dilapsa, signa infrequentia reliquit: proceres soli, cum propinquis & clientium paucis, ijsque etiam subiratis, in castris erant: maior enim pars suadebat, ne in regione bello vastata, & alioqui inopi, se suosque diutius conficeret: sed Bernicum, a tergo relictum, aggredierentur: in quo vno maius esset operæ precium, quam in omnibus circum circa pagis & arcibus: nec eius expugnationem difficilem fore, quod certum esset, & urbem & arcem omnibus, ad resistendum, rebus imparatam esse. Rex, suis armis nihil arduum ratus, præsertim occupatis bello Gallico Anglis, aulicis adulatoribus eius vanitatem fouentibus, in reditu se ea potiturum facile, arbitrabatur. Dum ad Furdum ita desiderur, foeciales Anglorum eum adierunt, petentes, vt diem locumque constitueret, vbi prælio decerneretur. Concilio, super ea re, coacto, maior pars in ea fuit sententia, vt domum rediret, neu, cum tam paucis, vniuersi Regni statum in discrimen committeret, præsertim, cum & famæ, & gloriæ, & amicitia abunde sit satisfactum: nec vllam videri iustam causam, cur suos tam paucos, & tot arces oppugnantes fatigatos, tantæ Anglorum multitudini, recenti & nouis subsidijs auctæ, obijceret (nam, illis ipsis diebus, dicebatur Thomas Hauartus, in castra venisse, cum sex millibus fortissimorum militum, e Gallia remissis) Accedere præterea, vt, si discedat ipse, necesse sit, Anglorum exercitum solutum iri: nec iterum, eo anno, quod militem e longinquo collectum habeat, cogi posse. Quod si maxime acie decernere velit, in solo patrio dimicanti, & loca, & tempora, & commeatum magis in sua potestate fore. Sed cum orator Gallus, & quidam, Gallicis donis culti, contra tenderent, facile Regi, pugnandi auido, fuit persuasum, vt ibi hostem opperiretur. Interca, cum Angli, ad diem foeciali dictum, non affuissent, Scotorum proceres, eam occasionem arripientes, iterum Regem adeunt: ostendunt, fraude hostium fieri, vt de die in diem res potraheretur, dum ipsorum vires crescant, Scotorum imminuantur: itaque, pari arte aduersus eos vtendum: nam cum illi tempus a se designatum non obeant, nulla verecundia obstrictos eis esse Scotos, quominus discedere domum sine prælio, aut suis locis depugnare possint. Horum prius consilium, multis de causis, tutius esse: id si minus placeat, alterius capiendi summam occasionem dari: nam cum Tillus amnis ripis præaltis, ac nunquam fere vadofus, nullum intra aliquot millia passuum, nisi per vnum pontem, exercitui transitum daturus esset, paucos ibi tantæ multitudini posse obsistere: posse etiam, parte Anglorum transmissa, machinis commode locatis, pontem intersecindi, primosque transgressos deleri, antequam ab aduersa ripa subueniri posset. Rex, neutro consilio probato, responderet, etiam si centum essent Anglorum millia ex aduerso, secum eis dimicaturum. Vniuersa Nobilitas cum responso tam temerario offenderetur, Arcibaldus Duglassius, Angustia Comes, qui ceteros ætate & auctoritate longe antecibat, leni oratione Regis animum inflectere, conatus, vtriusque consilij superioris rationem explicare, aggreditur. Ostendit enim, Regem satisfecisse Gallorum amicitia, qui maiorem hostilis exercitus partem, a Gallis, in se auertisset: atque effocisset, ne magis illæ copiae aut Galliam (quod sperant) obtinerent, aut Scotis damno esse possent, vt quæ non diu contineri castris valeant, in locis præfrigidis, & solo, cunctis belli calamitatibus vexato, nec alioqui frugum fertili: hiemem etiam imminere, quæ, in regionibus illis, ad Septentriones porrectis, præmatura esse soleat. Quod autem Regis Gallorum Legatus tantopere, ad dimicandum, nos impellat, neque nouum, neque mirum, reor,

videri oportere, si homo peregrinus, qui non communem factionis, sed priuatam suæ nationis utilitatem respiciat, tam sit alieni sanguinis prodigus. Est præterea postulatio eius admodum impudens: a Scotis enim petit, quod, ne pro suo quidem Regno, & dignitate, Rex Gallorum homo summa prudentia præditus, sibi faciendum iudicat. Nec huius exercitus amissio leuius eo damnum videri debeat, quod pauci numero sumus; quicquid enim aut virtute, aut auctoritate, aut consilio in regno Scotiæ excellit hic est: his amissis, reliquum vulgus præda victoris erit. Quid? quod bellum ducere, & in præsentia tutius est, & ad totius periculi summam utilius? Nam, si Ludouicus existimat, Anglos aut sumptibus exhauriendos, aut mora fatigandos esse, quid accommodatius, ad præsentem rerum statum, fieri potest, quam ut, hostem copias diuidere cogamus, ut alteram sui exercitus partem aduersus nos, velut semper incursum, intentam & sollicitam teneamus: & metu huic iniecto, belli molem Gallis labore nostro leuemus. Gloriæ etiam, & splendori, quæ homines (verecor, ne magis verbis, quam factis feroces) suæ remeritati prætendunt, satis factum arbitror: quid enim Regi splendidius accidere potest, quam tot arcibus deiectis, agros ferro flammaque vastatis, ex tam effusa populatione tantum prædæ abactum, ut, ne multorum quidem annorum pace, Regio tot cladibus deformata, in pristinam faciem redire queat? Quod autem e bello maius expectaremus emolumentum, quam ut, in tanto armorum tumultu, cum summa nostra laude & decore, hostium ignominia & dedecore, nostro militi reficiendo, quietem cum re & gloria coniunctam habeamus? Id autem genus victoriæ, quod magis consilio, quam armis paratur, maxime hominis, maxime etiam ducis est proprium: ut cuius nullam omnino partem sibi miles vindicare possit. His quanquam omnes, qui aderant, vultu assentirentur, tamen Rex, qui, se cum Anglis dimicaturum, sancte iurauerat, totam orationem aduersis auribus accepit: & domum (siquidem formidine caperetur) Duglassium abire, iussit. Ille, qui, rebus præcipitantibus, Regiæ temeritatis exitum iam animo prospiciebat, statim in lachrimas prorupit: ut primum autem loqui potuit, pauca est locutus: Si mea, inquit, vita superior non me vindicat, a timiditatis opinione, nescio, quibus aliis rationibus me purgem: certe, dum corpus hoc sufficebat laboribus ferendis, nunquam ei, in salute patriæ, & Regum gloria tuenda peperci. Nunc vero, cum meis consilijs quibus vnus utilis esse possum, aures occlusas video, duos filios, qui mihi, secundum patriam, sunt carissimi, ceterosque propinquos & amicos hic relinquo, certissimum erga te salutemque communem pignus mei animi, Deum autem precor, ut hunc meum timorem falsum esse, velit: atque potius ego falsus dicar vates, quam, quæ timeo, ac videre videor, eueniant. Hæc locutus, accepto commeatu, discessit. Reliqui procures, quoniam, Regem in suam sententiam traducere, non poterant, quod proximum erat, tenuerunt, ut quando numero erant inferiores (nam, in exercitu Anglorum, viginti sex millia arma ferentium per exploratores esse, compertum erat) locorum opportunitate se communirent, castrisque collem propinquum occuparent. Erat is locus, vbi Zeuiota mons sensim in planiciem se dimittit, modicus quidem, & aditu angusto leuiter decliuus. Eum æneis machinis velut præuallant. A tergo erant montes a quorum radice oriens continens palus sinistrum latus claudebat: ad dexterum, fluebat Tillus amnis, ripis præaltis, aditum per pontem, non procul a castris, præbens. Anglicum per exploratores didicissent, castra Scotorum, sine certa pernicie, adiri non posse, a fluuio iter auerterunt: ad speciem dederunt, tanquam, hoste omisso, Beruicum, atque inde recta in proximam Scotiæ regionem longe fertilissimam tenderent, maiorem, quam acceperant, cladem relaturi. Auxit eam suspicionem rumor, superioribus diebus siue temere sparsus, siue de industria ab Anglis confictus, ut hostes e locis superioribus in planum protraherent. Id vero Scotus non ferendum ratus, & ipse, incendio in stramenta casulasque coniecto, castra mouet: quæ res fumo latè fluuium operiente, prospectum eis Anglorum ademit. Ita Scotis per aperta loca proxime fluuium, Anglis per asperiora longiuscule ab eo ductentibus, ad Fluidonem collem præaltum, alteri prope de alteris incerti perueniunt. Ibi cum, solo æquiore iam se in planiciem explicante, fluuius per pontem, ad Tuifilum,

& vadum ad Milfordiam, transmeabilis esset, Angli primum agmen iubent, machinas
 zneas per pontem traducere, ceteros vado transmittere, & acie instructa pro loci com-
 moditate, velut reditum hostibus praelusuri se obijciunt: ac superante multitudine, ve-
 lut duos exercitus inter se discretos ita struxerunt, ut utraque pars prope Scotorum uni-
 versas copias æquarent. In primo exercitu mediam aciem ducebat Thomas Hauartus, rei
 maritimæ præfectus, qui, paucis ante diebus, cum classarijs ad patrem aduenerat: dex-
 terem cornu Edmundus Hauartus, sinistrum Marmaducus Constabilis agebat. Ceteri
 post eos, velut in subsidijs locati, & ipsi tripartito instructi steterunt. Dextro cornui Da-
 crius, sinistro Eduardus Stanlaus, mediæ aciei Surria Comes, omnium copiarum dux,
 præerat. Scoti cum, in eandem partes suos diuidere, ob militum paucitatem, non pos-
 sent, nisi frontem extenuarent, quatuor acies aduersas, modico intervallo distantes,
 struxerunt, e quibus tres cum Anglis ex aduerso stantibus concurrerent, quarta in sub-
 sidijs esset. Mediam aciem Rex ducebat: in dextero cornu imperabat Alexander Gor-
 donius, cui Alexander Humius, & Martiani sunt attributi: in tertia præerant Matthæus
 Stuartus, Leuiniæ Comes, & Gilespicus Cambellus, Argatheliæ, Adamus Heburnus
 cum propinquis & cetera Lothiana Nobilitate in subsidijs erat. Gordonij acies, acri
 pugna inita, breui profligauit sinistrum Anglorum cornu: sed, a persequendis fugien-
 tibus reuersa, reliquas suorum acies pene profligatas reperit: nam alterum cornu, in
 quo Leuinius & Argathelius erat, suorum successu alacriores facti, solotis ordinibus,
 temere in hostem ferebantur, signis a tergo relictis multum Lamora, legato Gallo re-
 clamante, ac præcipientes in suam perniciem remorari conato. Hi non modo ab ex ad-
 uerso structis excepti, sed ab alia quoque Anglorum manu a tergo circumuenti, pe-
 ne omnes occisione occisi fuere. Acies Regia, atque Heburnus cum Lothianis perti-
 nacissime pugnauerunt. Virinque cades ingens edita, donec, fessis utrisque certamen in
 noctem protractum est. Cecidere, ex acie Regia, viri illustres complures. Qui numerum
 caforum, nominibus singulorum per dioeceses exceptis, inierunt, tradunt, in ea pugna
 Scotorum supra quinque millia cecidisse: sed fere nobilissimum quenque, ac manu prom-
 ptissimum, qui maluerunt, in vestigio minori, quam suorum caedi superesse. Ex Anglis
 non minorem numerum desideratum, ferunt: sed eum gregatiorum fuisse. Hæc est illa
 nobilis ad Fluidonem pugna, inter paucas Scotorum clades memorabilis, non tam ca-
 forum numero (nam, pluribus alijs prælijs, duplo plures perierunt) quam Rege, & pro-
 cerum principibus amissis, & paucis superstitibus, qui multitudinem, natura ferocem,
 &, spe impunitatis, infranem, regere possent. Duo genera hominum accessionem, e
 ceterorum calamitate, senserunt: nam & Sacerdotum opulentiorum coereuit insolentia,
 ut, non contenti sua functione, omnia Regni munia ad se trahere, niterentur: et
 fratres Mendicantes (id Monachorum tum genus erat maxime superstitiosum) cum
 depositam eorum, qui in bello ceciderant, pecuniam, sine testibus ad custodiendum ac-
 ceptam, retinuisent, ex ea præda opulentiores facti, veteris disciplinæ seueritatem sol-
 uerunt. Nec deerant inter eos, qui id genus quæstus, velut sanctam quandam ac piam
 fraudem, probarent: nec eam pecuniam melius collocari posse, contenderent, quam
 cum sanctis hominibus data sit, qui suis precibus, animas defunctorum supplicijs hor-
 rendis liberarent. Cum tanta fuisset in pugna animorum obstinatio, ut sub noctem
 utraque pars fessa, ac prope suæ conditionis incerta, secessisset, Alexandri Humii mi-
 lites, qui integri remanserant, magnam spoliolum partem per ocium legerunt. Po-
 stridie mane, Dacrius, cum equitatu, specularum missus, cum ad locum pugne venis-
 set, & znea Scotorum tormenta incustodita reperisset, maioremque mortuorum par-
 tem in spoliatam, tum demum Hauartum accersit, & spolijs per ocium lectis, magna
 læticia victoriam celebrant. De Rege Scotorum duplex fama est. Angli, in pugna ex-
 sum, contendunt. Scoti, contra, affirmant, complures, eo die, paludamento cæteroque
 habitu Regio vfos, partim, ne hostes vnum aliquem sibi præcipuum hostem destina-
 rent, a cuius morte, victoria ac summa belli penderet, partim, ne, caso Rege ciues ani-
 mum desponderent, nec eum amissum crederent, quamdiu, aliquem Regio armatu,
 & cetero apparatu in acie versari, conspicerent, eumque etiam semper præsentem,

bene ac secus factorum testem conspicerent. Ex his, unum fuisse Alexandrum Elfinstonium qui, & vultu & statura, Regi per similes esset: cum coinduto paludamento Regio, florem Nobilitatis, Regem sequisse, ratos idcirco mori obstinatos, cecidisse ipsum vero Regem Tuedam fluuium transisse, & prope Calsonem opidum, a clientibus Humij interfectum, incertum, an eo iubente, an cædis ministris cupiditati patroni sui seruientibus, quod homines, nouitum rerum cupidi, eo sublato, rerum omnium impunitatem sperabant: viuo autem, cessationis in pugna poenas meruebant. Addunt & alias coniecturas: Eadem nocte, quæ pugnam illam infelicem secuta est, Coenobium Calsonem a Caro, Humij familiari, fuisse, Coenobiarcha cæcto, occupatum: quod, verisimile non erat, cum ausurum, nisi, Regem occisum, scisset, David quoque Galbrethus, & ipse ex Humij familia, aliquot post annos, cum Ioannes Prorex Humijs esset molestus, dicitur, ignauiam æqualium grauitèr incussisse, qui peregrinum illum, sine modo furentem, perferrent, cum ipse sextus, & priuatis, Regis insolentiam apud Calsonem compescuisset. Sed hæc ita incerta sunt habita, vt à notho Regis Iacobo, Morauia Comite, in iudicio captis Humio obiecta, non multum nocuerint: Verum, vt cunctæ res habet, reticendum non existimaui, quod ipse & Laurentio Taliferreo viro & probò & docto, non semel audiui: is enim sese (nam vnus tum & pueris Regijs pugna spectator erat) aiebat, re inclinata, Regem in equum impositum vidisse, Tuedam transeuntem. Idem complures cum confirmassent, fama multos annos tenuit, Regem viuere, atque in tempore affuturum, persoluto scilicet voto, quo se obstrinxerat, Hierosolyma, Religionis ergo, se petiturum. Sed is rumor æque vanus est deprehensus, atque ille, qui olim sparsus erat a Brittonibus, de Arcturo, & ante paucos annos, a Burgundionibus, de Carolo. Illud constat, Anglos, siue Regis Iacobi, siue Alexandri Elfinstonij corpus requisitum, & in magna cadauerum strage repertum, in Angliam interiorem comportasse, & in expiabili odio aduersus mortuum adhuc manente, in capsa plumbea (incertum, barbara magis, an stulta crudelitate) insepultum seruasse, quod scilicet arma sacrilega, aduersus Iulium, Secundum, cui tum se Angli venditabant, tulisset: aut, vt alij affirmant, quod homo periurus, contra foederis leges, bellum Henrico Octauo intulisset: quorum neutrum ei exprobrari debuerat, nec ab hoc Rege, qui, dum vixit, nullam vnquam stabilem, de doctrina Christiana, persuasionem habuisset, nec ab hoc populo, qui toties aduersus Episcopos Romanos bella gesserant. Omitto interim tot Reges Anglorum periuros, testibus eorum scriptoribus: Gulielmum Rufum, teste Polydoro, & Graftono. Henricum I. Thoma Volsingamio, Hypodigmate Normania. Stephanum, Neobrigiensi Graftono, Polydoro. Henricum XII. Neobrigiensi, Graftono, Polydoro. Ricardum I. Hypodigmate Normania. Henricum III. Hypodigmate Normania, Graftono, Thoma Volsingamio. Eduardum I. Thoma Volsingamio. Hos paucos, exempli gratia, selegimus, non e primis illis, Saxonici generis, Regibus, quorum magna suppedibat copia, sed e Normanorum familia, & quorum posterij adhuc regnum tenent: & quorum dominatus in ea incidit tempora, quibus Anglia longe fuit florentissima, vt eos admoneam, qui tanta indulgentia, suorum periuria patiuntur, ne in exteros ita sint acerbis: præsertim, cum criminis, quod obijciunt, penes ipsos culpa fuerit, qui priores, violarunt inducias. Sed, vt ad rem redeam, magnam ex illa pugna contra Scotos Thomas Hauartus, Surria Comes, gloriam reportauerat: si moderate suam fortunam tulisset. Sed homo secundarum rerum successu quasi ebrius, & instabilitatis humanae parum memor, suis domesticis ministris (vt mos est Anglis) notam, qua agnoscerentur, in sinistris brachijs ferendam, dedit, leonem album (quo ipse insigni utebatur) qui rubrum, superincumbens, vnguibus discerperet. Hanc eius insolentem insultationem, velut numine plectente, nemo fere, posterorum eius alterutrius sexus, sine insigni ignominia, vel clade, decessit. Rex autem Iacobus, vt viuus omnibus fuit carissimus, ita eius amissi tantum remansit apud superstites desiderium

riam, tam iucunda in omnium animis haſit recordatio, quantum, nullius fuiſſe Regis, aut meminimus, aut legimus. Quod eueniſſe credibile eſt, ſimul comparatione malorum, quæ vel eius regnum præceſſerunt, vel, ſtatim ſecutura, videbantur: ſimul virtutum expreſſarum, ac vitiorum etiam popularium, quæ virtutum affinitate quadam, vulgi animos facile decipiunt. Erat enim corpore firmo, ſtatura iuſta, oris dignitate ſumma, ingenio quidem acri, ſed, vitio temporis, ab literis inculto. Vnum, e vetuſta gentis conſuetudine, hauſit auide, vt vulnera ſcientiſſime tractaret: cuius rei perſitia toti Scotorum nobilitati, vt hominibus in armis aſſidue viuentibus, fuerat priſcis temporibus communis. Erat ei, in adendo, facilitas, in reſponſis, lenitas, in iure dictando, æquitas, in ſupplicijs expetendis, moderatio, vt, ea inuitam cogi, omnes facile animaduertent. Aduerſus malenolorum ſermones, & amicorum admonitiones, tanta animi altitudo ex optimæ conſcientiæ tranquillitate, & ſuæ innocentie fiducia enata, vt non tantum non excaſceret, ſed nec aſperiore verbo vnquam vteretur. Inter has virtutes, quadam obreperunt, nimio popularitatis ſtudio vira. Nam dum famam auaritiæ paternæ conaretur effugere, & vulgi gratiam ſubſtructionibus ſumptuoſis, conuiuiorum & ſpectaculorum apparatu, & immodicis donationibus, captare conatur, in eam incidit inopiam, quæ, ſi diutius vixiſſet, videbatur, ſuperiorum temporum gratiam, odio nouorum tributorum, extinctura, vt mors, ei magis commode, quam immature accidiffe, poſſit exiſtimari.

C VI. R E X.

Extincto Iacobe quarto, Margarita vxor cum duobus filiis relictæ eſt, quorum maior biennium non expleuerat. Eum conuentus procerum, Sterlini habitus, ſexto Calen. Mar. more patrio, Regem declarat: deinde, ad ſtatum publicum ordinandum, conuerſi, tum demum intelligere cœperunt ſuæ calamitatis magnitudinem. Caſis enim primoribus, in quibus aliquid auctoritatis & conſilij inierat, qui ſupererant, pars maior, per aratem & animi infirmitatem, ad res magnas, tempore tam turbulento, tractandas, parum erant idonei: qui autem e potentioribus reſtabant, in quibus aliquid eſſet ingenij, ob ambitionem & auaritiā, a quietis abhorrebant conſilij. Alexander Humilis, omnium Limitum præfectus, magnum nomen, magnasque opes, Rege viuo, & in regionibus ad Angliam pertinentibus, eo mortuo, pene Regiam obtinebat auctoritatem. Is, praua ambitione, cum latrocinia non inhiſceret, vt homines audaces & facinorofos magis haberet obnoxios, viam ad maiores opes, pernicioſo conſilio, & infelici exitu, muniebat: ei imperium datum in regiones citra Fortham, vltiora Alexandro Gordonio commiſſa, vt nationes illic ſeditioſas in officio contineret: nomen ſummi imperij penes Reginam erat. Nam ex teſtamento Regis, quod proſecturus ad bellum, fecerat, decretum erat, vt ea, quamdiu cœlebs maneret, ſummæ rerum præſſet. Id etſi, præter morem patrium, & primum imperij muliebris exemplum apud Scotos fuit, tamen inopia viſorum fecit, vt tolerabile plerisque, ac maxime pacis cupidis, videretur. Is magiſtratus ei diuturnus non fuit (nam ante Veris exitum, Arcibaldo Duglaſſio, Comiti Anguſiæ, adoleſcenti genere, forma, omnibus denique bonis artibus Scotice iuuentutis primario, nupſit) diſcordiarum enim ſemina, ante finem illius anni, ſunt iacta: earum initium ab Ordine Eccleſiaſtico eſt ortum. Extinctis enim proceribus, cum, in omnibus publicis conuentibus, maior pars ex eo genere hominum eſſet, in calamitatibus publicis multi, ſuum agentes negotium, tantas opes compararunt, vt nulla res eos magis præcipitauerit, quam intoleranda, qua poſtea arroganter & immodice ſunt uſi, potentia. Caſo ad Fluidonem Alexandro Stuarto, Fani Andreæ Archiepiſcopo, tres ad id Sacerdotium, diuerſis artibus, contendebant: Galuinus Duglaſſius, familiaris ſplendore, & ſua virtute, & doctrina frenus, a Regina etiam nominatus, arcem Andream occupat: Ioannes Hepburnus, Cœnobiarcha Andream, Archiepiſcopo nondum ſuffecto, velut ſequeſter, prouentus colligebat: homoque potens, factioſus, & callidus, a ſuis Monachis (penes quos, ius eligendi, antiquo more, eſſe contendebat) in locum demortui ſuffectus: Galuini miniſtris pulſis, arcem valido præſidio communi. Andreas Formanus, cum Romæ & in aula Gallica, e ſuperiorum temporum

officijs, magnam gratiam collegisset, præter Morauiensem, quem in Scotia iam ab initio tenuerat, Episcopatum, ab Ludouico Duodecimo, Gallorum Rege, acceperat Archiepiscopatum Bituricensem. Iulius vero, pontifex Romanus, etiam honoribus & sacerdotijs cumulatum a se dimisit: nam & Archiepiscopatu Fani Andrea Fermelinoduno, & Aberbrothia, Coenobijs longe opulentissimis, eum donauit: & præterea Legationem (vt vocant) a latere adiecit. Sed tantæ tum Hepburni opes erant, Humijs adhuc cum ea familia concordibus, vt nemo prorsus inueniretur, qui diploma Pontificis Romani, de Formani Electione, promulgare auderet: donec Alexander Humius, magnis sollicitationibus, & præter alia munera, Coenobio Coldingamia Dauidi minimo eius fratri donato, ad causam, in speciem honestam, adductus (quod Formanorum familia in clientela Humiorum esset, resque non iniqua peti videretur) diploma Edimburgi curaret promulgandum. Ea res magnorum, quæ postea acciderunt, malorum fuit initium: Hepburnus enim elati animi vir, ab eo tempore, dies noctesque, exitium Humijs semper est machinatus. Regina in summo magistratu id vnum memoria dignum gessit, quod ad fratrem scripsit, vt, sui & liberorum suorum ætatis memor, bello abstineret: neu propinqui sui Regnum, in tot factiones sponte diuisum, externis præterea armis infestaret: sed potius, ætatis & cognationis memor, aduersus aliorum iniurias tueretur. Henricus, animo magna & vere Regio, respondit, sibi cum Scotis pacatis pacem, cum bellantibus bellum fore. Cum Regina, per nuptias, a Magistratu excidisset, Nobilitas aperte in duas factiones secessit: Duglassiana, penes Reginam summam potestatem esse, cupiebat, atque ita demum pacem cum Anglis (quæ non vtilis modo, sed etiam necessaria erat) fore, spondebat. Altera pars, cuius princeps fuit Humius, publicæ utilitatis quandam umbram, & veterem Regni, in Proregibus eligendis, consuetudinem prætendebat. Quod ad Reginam attinet, se eius honori, quantum per leges & publicum commodum possent, fauere: eius rei argumentum esse, quod, contra maiorum consuetudinem, eius imperium, non legibus coacti, sed beneuolentia adducti, hætenus tulerint: ac nunc quidem, si quid æqui & honesti prætexeretur, laturos. Verum, cum ipsa, nubendo, se sua sponte exuerit imperio, nihil esse, quod indigne-
 tur, si alius in locum, ab ea desertum, substituatur: quem veteres ei leges etiam adimebat: quæ, ne rebus quidem tranquillis, foeminis permittant imperium, nedum his temporibus tam inquietis, vt agre, viri maxime prudentis consilio & auctoritate, tot vndique malis ingruentibus obfisti posset. Dum de Prorege eligendo, magna vtriusque factionis pertinacia, certatur, ac, vel praua ambitione, vel occulta inuidia præteritis, qui aderant, in Ioannem, Ducem Albinum, tum in Gallia fama secunda degentem, suffragia multorum inclinarent, dicitur Gulielmus Elfinstonius, Abredonensis Episcopus, publicam fortunam multis cum lachrymis deplorasse: ac maxime animos commouisse, cum recenseret, qui viri, proximo prælio, erepti fuissent: quam dispares illis relictis forent, quorum nemo dignus esset, vt ad rerum gubernacula posset admoueri: quam tunc publicum patrimonium quam a proximo Rege imminutum: quanta eius portio Regina esset decidenda: quantum in educationem Regis, necesse esset impendere: quam exigua pars restaret, ad auctoritatem publicam sustinendam: et quanquam nemo esset in præsentia, qui commodius eum locum sustinere posset, quam Regina, se, quando aliter concordia fisci nequeat, in eorum sententiam concedere, qui Ioannem, Ducem Albinum, e Gallijs euocandum censerent: etsi damna publica hoc remedio magis differri, quam sanari, existimaret. In hanc partem Alexander Humius adeo propensus erat, vt in conuentu sit ausus profiteri, etiam si reliqui omnes recusarent, se priuatim Ioannem, ad imperium accipiendum, in Scotiam adducturum. Id autem fecisse, creditur, nullo negi patriæ, neque priuati alicuius commodi, alioue respectu quam quod homo ambitiosus cum opibus magis, quam charitate se apud ciues posse, cognosceret, eum ipse honorem desperabat: metuebatque, ne, si penes Reginam vis imperij esset, Duglassiorum opes vicinæ nimium inualescerent, ac suæ minuerentur iam Lidalianis & Annandianis se subtrahentibus, & ad veterem Duglassiorum clientelam, se paulatim recipientibus. Accedebat eo, quod Regina, per Anglorum auxilia, omnes eius conatus posset reprimere.

Cum

Cum in Ioannem plurima suffragia convenirent, decernuntur Legati (cuius legationis princeps fuit, ea etate clarus Eques, Andreas Siluius Largous) qui cum ad rerum Scotticarum regimen accerferent, non solum ob virtutem, sed propinquam cum Rege sanguinis consanguinitatem: genitus enim erat ex Alexandro, Iacobi Tertij fratre. Hunc a Scottis enotatum, ad statum publicum ordinandum, Rex Gallorum Franciscus, eius honorem commodum suis rationibus ratus, proficiscentem pecunia & comitibus ornauit. Ante eius aduentum, cum nemo vnus auctoritate principia polleteret, passim exedes & rapinae fiebant: &, dum potentiores priuatas opes & factiones contrahunt, vulgus inopum, desertum, omni genere miserationum affligebatur. Inter praedones illius temporis, fuit Macrobertus Struanus, qui per Atholiam & vicina loca, octingentis plerumque latronibus, ac interim pluribus comitatus, omnia pro arbitrio populabatur: tandem, cum esset apud auunculum, Ioannem Crichtonium, per insidias captus, interijt. Maior vero moles imminere videbatur, ex Andrea Formani, & Ioannis Hepburni discordijs: verum vtriusque natura & mores, magis quam animi, discordes, quod imminere videbatur, malum in tempus distulit: erat enim in Ioanne profunda non minus auaritia, quam in Andrea pecuniae contemptus, & profusa largitio. Alterius aperta, & omnibus exposita erant consilia: neque erat, quod ea magnopere calaret: vt cuius vulgo vitia pro virtutibus haberentur: & naturae simplicitas, non minus fauoris assequebatur, quam Hepburni occulta calliditas, & malitiosa dissimulatio, atque offensa implacabilis memoria, & vlciscendi cupiditas. Igitor Formanus, cum nihil certi adhuc, de aduentu Ducis Albini, haberet, nec per Humium posset, in possessionem mitti, cum Hepburnus in regione longinqua, & procul ab eis locis, in quibus Humiorum potentia posset esse formidolosa, arcem, & Coenobium firmis praesidijs insedisset, statuit, per amicos experiri, quomodo auaritiam hominis, si non pecunia explere, saltem frangere, aliqua ex parte valeret. Tandem his legibus conuenit, vt Forma-

nus Hepburno proximorum annorum prouentus, quos ille tanquam sequester, collegerat, condonaret: Episcopatu Morauiensis cederet, tria millia Scutorum Francicorum annua, ex prouentibus Ecclesiasticis, in amicos diuidenda, praeberet. Ita paululum represso implacabilis hominis odio, res in ea parte compositae.



RERVM SCOTICARVM HISTORIA

Auctore Georgio Buchanano Scoto.

LIBER DECIMVS QVARTVS.

CIC.
IO. XV.



Hic erat in Scotia rerum status, cum Ioannes, Dux Albinus, decimo tertio Calendas Iunii, Anno millesimo, quingentesimo, decimo quinto, Britannodunum appulit, summa cum omnium bonorum gratulatione: quippe qui, in eius magistratu, res tranquillores, & iuris æquabilitatem sperabant: ac frequenti Nobilitate de eius imperio latum, ex Ordinum decreto, patrimonium ei redditum. Dux Albinus, & Marcia Comes declaratur, & Prorex, vsque ad maturam Regis ætatem, creatur. Iacobus item, proximi Regis notus, Morauiz Comes vocatur, iuuenis, qui summam de se spem conceptam sua virtute longe superauit. Spem de Prorege præceptam vehementer confirmauit, in ipsis prope comitijs Petri Maufacti supplicium. Eratis latro insignis, qui, post multa crudeliter & nefarie perpetrata per licentiam superioris biennij, eo prouectus erat audacia, vt in aula quoque Regia palam versaretur. Eius poena inexpectata adeo rerum statum subito mutauit, vt facinorosi fugam & latebras spectarent: boni autem animos erigerent: ac repente rerum facies, velut e turbida tempestate, coepit, in summam tranquillitatem conuerti. Ioannes Heburnus, interea, in aures atque animum Proregis, per amicos eius, quos muneribus occulte coluerat, obrepfit: & delationibus, & simulatione quadam intelligentia moris patrij, apud hominem rerum Scotticarum ignarum ita se insinuauit, vt prope soli, de rebus maioribus, haberetur fides: is autem a Prorege per Scotiam vniuersam, vt de delictis eorum, qui vulgus oppressum prope seruorum tenebant loco, inquireret, hac sibi maxime ratione parauit fidem. Primum, quæ essent in singulis regionibus aut nouæ discordiæ, aut veteres inimicitia, ostendebat: quæ factiones item, & qui principes earum essent: & hæc quidem satis vere (vt quæ omnibus nota forent) narrabantur. In Humium vero, pro vt occasio se dabat, qui de eius impotentia quererentur, excitabat: & partim veris, partim confictis criminibus, aures, aduersus omnem purgationem, occludebat. Cæterum, toto fere Regno perlustrato, cum explicasset diserte singularum inter se familiarum cognationes, affinitates, & foedera, persuasissetque, neminem, honestiore loco natum, quantum vis sceleratum, sine multorum offensione, posse opprimi: neque id tam, ob inimicitias & propinquorum conspirationes, quam, quod delictorum poena ad paucos, exemplum ad innumeros pertineret, quos, ex inimicis, culpæ similitudo & par metus poenæ plerumque redderet amicos: in tantas autem, & tam late sparsas factiones, viribus domesticis non posse animaduerti: rogandum esse Regem Gallorum, vt maiores copias, ad hanc frangendam contumaciam, mitteret: eam quoque rem non magis ex usu terræ Scotticæ, quam rei Gallicæ esse: interim vero factionum capita aut deprimenda, aut (si fieri posset) esse tollenda: idque ea prudentia, ne

ne plures, sese peti, opinentur. Capita vero, in praesentia, tria praecipua esse. Form, Ar-
 cibaldū Duglassium in flagrantissima apud vulgus gratia esse: ob multa enim maiorum
 merita, erga rem Scoticam, nomen eius gentis maxime esse popolare: praeterea, & iu-
 uenit flore, & Anglica affinitate subnixum, maiores priuato spiritus gerere. Humium
 vero sua potentia grauem, ac, longinquitate temporis confirmatum, magis esse formi-
 dabilem. Ibi non contentus, quae, aduersus Proregis patrem, & patruum, facta ab Hu-
 mijs essent, inuidiose commemorare, quorum omnium cum Heburni essent partici-
 pes, tamen inuidiam in solos Humios conferebat: & cessatio, in praelio proximo ad-
 uersus Anglos, & rumores inuidiosi, de morte Regis, magna cum assueuratione, &
 10 Noram instauratio, eo dissimulante, saepe repetuntur. Formanus neque propinquis,
 aut generis claritate erat per se metuendus, in quancūque tamen partem se inclinasset,
 magnam accessionem facturum, videbatur, cunctis Regni opibus in vnam domum con-
 gestis: eum enim posse, vel praesentem partium inopiam pecunia subleuare, vel polli-
 citatione (quia omnia in eius potestate tum essent) multos, ad consiliorum commu-
 nionem, allicere. De Formano, leuiorem Heburni auctoritatem reddebant nobiles
 inter eos inimicitiae, nec eius opes inuidiosae erant, quas, magis gaudebat, largiendo
 profundere, quam apud se seruare: nec genus vllum hominum aequae munerebus co-
 lebat, ac Proregis comites Gallos: nec tam vlli se factioni adiungere studebat, quam
 vniuersos beneuolentia complecti. Caterum altius in animum Proregis penetrant, de
 20 praefecto Limitū, suspitio, quam eius ab Humio auersa voluntas, & in congressibus, vul-
 tus minus, quam antea, familiaris quodam modo prodebat. Itaque, post paucos menses
 Alexander Humius, non pro sua spe a Prorege acceptus, coepit, cum Regina eiusque
 marito secretas coitiones facere: in quibus Humius fortunam publicam grauius deplo-
 rabat, quod Rex, in ea aetate, quae, sua mala intelligere, non poterat, incidisset in ma-
 nus hominis, exulis, in exilio nati, & educati: cuius pater, praua ambitione, Regnum
 fratri maiori praeripere tentasset: hic cum proximus haeres Regni sit, quis non videat, id
 tantum eum spectare, vt, ordinatis pro arbitrio rebus alijs, puerum innoxium e medio
 tollat, ac Regnum in se transferat: & quod pater eius impie meditatus fuerat, ipse per
 summum scelus perficiat? Vnam esse periculi vitandi rationem, si Regina cum filio in
 30 Angliam discedat, sese, suaque omnia fratris fidei committat. Haec ad Proregem delata,
 cum facile credita essent, homo natura acerrimus, & qui in rebus conficiendis, celeri-
 tare summa vteretur, praesentibus tantum copijs fretus, eorum constans praeuenit: ar-
 cem Sterlini, & cum ea Reginam, in potestatem suam redegit. Regi sacramentum
 palam dixit: submota Regina & Duglassijs, ex procerum consilio, praeterea Ioannem
 Areskinum, arcis praefectum, tres supremi Ordinis viros, summa fide & integritate,
 qui Regis educationi praesent, adhibuit, vt sibi per vices succederent, addita etiam,
 aduersus vim & fraudes, custodia. Sub hac, Humius cum fratre Gulielmo in Angliam
 secessit. Duglassius cum vxore tantum morati, dum Henrici voluntatem scirent, eos
 consequuntur, atque apud Harborillam in Northumbria subsistere, iubentur, donec pro-
 40 lixius eis, de sua voluntate, significaret. Ioannes interea, grauitate eorum discessu com-
 motus, statim legatos in Angliam misit, qui se Henrico purgarent, nihil commisso, cur
 aut Regina sibi ab eo merneret, aut alienore erga eum esset animo: neque ceteris, eius
 fugae comitibus, quicquam a se factū, quo minus, & patri libertate, suisque bonis frui,
 possent. Haec publice ad Regem. Nec interea Humijs & Duglassio, per ipsorum amicos, re-
 ditū suadere, fidem interponere, omnia liberalissime polliceri, desijt, donec eos in suam
 sententiam pertraxisset. Ceteris igitur domū reuocatis, Regina tum maxime grauida, &
 instante partu, ibi necessario relicta, filiam Margaritam peperit, de qua suo loco nobis
 erit dicendū, cū autem, itineris laborem pari posse, visa est, suppellectile Regia & comita-
 tu, ab Aula, ad eam misso, Londinū est profecta: ibique ab Henrico fratre, & Maria sorore,
 50 re (quae, defuncto marito, Ludouico Franco, non ita pridem ad suos redierat) honorifice
 & amanter est recepta. Nec suspitiones tamen, in Scotia iam dudū orae, aut Regiae dis-
 cessu, aut comitum, eius reditu, magnopere fuerant leuatae: nam Galuinus Duglassius,
 Comitis Angusiae patruus, & Patrius Panitarius, qui superiori Regi fuerat ab epistolis,

RERVM SCOTICARVM

& Ioannes Dromundus, siue Drumenius, suæ familiæ princeps, alius alio fuerunt relegati. Alexander autem Humius, in ius, ad conuentum publicum, duodecimo die mensis
 CTD. D. Iulij, Anni M. D. XVI. vocatus, cum non paruisset, damnatus, bonaque eius fisco adiudi-
 XVI. cata. Ille ea (vt rebarur) contumelia ferocior factus, vt metu metum discuteret, vel im-
 missis latronibus, vel excurrere permissis, vicinos magnis calamitatibus affecit. Aduer-
 sus hos conatus, decem equitum puditumque millia Proregi decreta, vt cum aut caperet,
 aut Regno pelleret. Sed antequam ad manus veniretur, Humius, amicorum suasu, in
 Proregis fidem se dedit: ac Edimburgum ductus, Comiti Araniæ, Iacobo Hamiltonio,
 suæ sororis marito, datus est custodiendus, poena perduellionis denunciata, si eum di-
 mitteret: sed ea res, præter omnium expectationem, cessit. Nam Humius Hamiltonio 10
 persuasit, vt secum vna discederet, & facta coniuratione, rerum administrationem ipse
 susciperet, vt qui proximus, post superioris Regis liberos, esset hæres, nempe, e Iacobi
 Tertij sorore genitus: æquiusque esse, vt ille proximū, a Rege, locū teneret, quam Ioan-
 nes, e fratre quidem, sed exule natus, & cætera plane peregrinus: cum quo ne linguae
 quidem commercium esset. Hæc Prorex cum resciscet, ad Hamiltoni arcem diruendam,
 profectus, ad motis machinis, intra biduum, eam deditione recepit. Humius interea, factis
 e Marcia excursionibus, vicinisque regionibus spoliatis, Dūbari opidi magnam partem
 ferro flammaque vastauit. Hæc fere, eo anno, gesta sunt. Veris initio, accessit ad factio-
 nem rebellantium Ioannes Stuartus, Leuinix Comes, ex Hamiltonij sorore genitus, in-
 gensque manus amicorum & clientium eius. Hi, capta arce Glasguensi, vna cum Hamil- 20
 tonio, Proregis aduentum ibi præstolantur. Prorex, consilio procerum suarum partium
 Edimburgi habito, subitarium confecit exercitum, ac, hostibus non expectare ausis, Glas-
 cuam ingreditur: arcemque recipit: in vnum Bombardarium Gallum, tanquam deser-
 torem, est animaduersum: cæteris, deprecante Formano, tum pacis interprete, venia est
 data. Comes Leuinix, post paucos dies, in gratiam est receptus: ac, ex eo die, summa fide
 & obseruantia semper, erga proregem, est usus: nec adeo diu post, primū Hamiltonius,
 ac, non multo posterius, Humius in aulam redierunt: eis quoque præteritorum gratia
 facta: sed Humio, quia sæpius rebellauerat, ægrius venia impetrata: lege etiam adiecta,
 si quid, post id tempus, offenderet, veterum quoque facinorum memoriam renouatum
 iri. Ita, pacē vndique stabilita, Prorex ad Falcolandiam secessit. Illic cum se menses ali- 30
 quot continuisset, magnis suspicionibus aduersus Humium coortis, inde Edimburgum
 redijt. Conuentu Procerum, ad octauum Cal. Octob. habito, Humium magnis pollici-
 tationibus in aulam protrahere, per amicos est conatus: verum, dissuadentibus pluribus
 aut, si ipsi decretum esset, eo proficisci, vt Gulielmum fratrem (cui, ob fortitudinem &
 munificentiam, prope maior, quam ipsi, erat auctoritas) domi relinqueret, consulenti-
 bus (Proregem enim, fratre in eolumi, nihil durius in ipsum consulturum) ille tamen,
 velut fatali necessitate præceptus raptus, speris amicorum admonitionibus, cum fratre
 Gulielmo, & Andrea Caro Farnihestio in aulam venit: ac statim diuersi in custodias
 dati, ex Concilij sententia, paucos post dies, ad causam patrio more discendam, produ-
 cti. Nec vllum tamen nouum facinus obiectum. Accusauit princeps Iacobus, Mora- 40
 uix Comes, de cæde patris, quem compertum erat multorum testimonijs, prælio
 viuum excessisse. Sed cum hoc crimen, acriter obiectum, parum perspicuis argumen-
 tis confirmaretur, tandem ad priuata facinora recursum, & renouata superiorum mo-
 tum ciuiliū memoria, quorum omnium aut auctor, aut particeps Alexander fuis-
 set: operæ etiam ad Fluidonem parum fideliter nauata, crimini datur. De iudicium
 sententia, Humij damnati, Alexander, quinto Idib. Octobres, frater postridie capite
 luerunt. Duorum fratrum capita publice in loco maxime conspicuo, ad terrorem,
 fixa, bona publicata. Hic finis fuit Alexandri Humij, omnium sui temporis Scottorum
 potentissimi: qui quanquam, in vita, multorum odia & æmulationem, aduersum se, in-
 flammauerat, tamen eius mors, inuidia senescente, multorum sermonibus varie celebrata 50
 fuit: eoque potissimum, quod, nullo nouo crimine, sed Ioannis Heburni Cœnobiarchæ
 calumnijs concidisse, credebatur: homo enim factiosus, & vindictæ quidus, implacabili
 odio aduersus Humium arserat, quod, eius vnus opera, Archiepiscopatu Fani Andree
 exclu-

exclusus fuisset. Ideoque odium vetus in tempus recondens, Proregi, iam dudum, ob suspicionem, Humijs infenso, durioris consilij auctor fuisse existimatus, ostenso, quantum Regi & vniuersæ rei Scoticæ periculum immineret, si, discedens ipse in Galliam, tam acriem inimicorum incohærentem relinqueret. Quid enim eo absente ausurus non esset, qui præsentis auctoritatem toties contempsisset? eius hominis contumaciam, quæ nec præmijs, nec honoribus, nec venia toties oblata, leniri posset, ferro frangendam, si, rem Scoticam saluam esse, vellet. Hæc, atque huiuscemodi cum, per speciem consulendi salutis communi, in animum sua sponte agrum paulatim irreperent, plus putant, ad mortem Humiorum, quam crimina, valuisse. Exinctis fratribus Humijs, Andreas Carus, impetrata vnius noctis mora, ut de animæ salutē cogitaret, per amicos, ac maxime per Gallū, apud quem asseruabatur, non sine pecuniæ repretentatæ suspitione, supplicium effugit. Alexandro tres fratres erant superstites, qui omnes varijs casibus, per ea tempora, conflictati fuerunt. Georgius, ob eandem, exul, in Angliā apud hospites latebat. Ioannes. Iedburgi Abbas, ultra Taum relegatus erat. Dauid, natus minimus, qui erat Coldingamiæ Prior, biennio fere post eandem fratrum, ab Iacobo Heburno, sororis marito, per speciem colloquij, euocatus, & in paratas insidias præcipitatus, interiit, magna hominum commiseratione, quod adolescens innoxius, ac summa indole, tam turpiter, a quo minime debuit, proditus esset. Cum, hoc pacto, poena totam Humij domum peruagata fuisset, vertit inuidia in eorum inimicos, ac potissimum in Ioannem Heburnum, tam acerbum ultionis iniustæ exactorem: ex vnius autem familiæ tam potentis calamitate, ceteris metus iniectus, res, ad tempus, tranquilliores fecit. Decembri proximo, Prorex Regem Sterlino Edimburgum traduxit: & a proceribus Scotis veniam redeundi in Galliam petijt. Eius postulationi prope cunctis refragantibus, aliquot menses remansit, ac, præcipiti iam Vere, sese, si maior aliquis motus, qui præsentiam ipsius reposceret, oriretur, reditum pollicitus, naues conscendit, relictis, qui summæ rei præessent, Angusiæ, Araniæ, Argatheliæ, Huntileæ Comitibus, Archiepiscopis Fani Andrea, & Glasce: quibus adiunctus est Antonius Darsius, Gallus, qui Dumbaro præerat: cui mandauerat etiam, ut, de rebus omnibus, certiores se faceret. Ne qua vero, ex ambitione, discordia inter homines claros, in pari potestate constitutos, oriretur, suas singulis regiones attribuit: Gallo, ceteris non grauante concedentibus, princeps inter eos locus est datus, ac Marcia, & Lothiana, cui præesset: ceteræ, pro cuiusque commoditate, provinciæ distributæ. Interea Regina, post annū fere, quam in Angliam venerat, extremo mense Maio, in Scotiam redijt, ac Bernico per maritum est deducta. Verum nequaquam pari, atque antea, concordia vixerunt. Prorex quanquam discedens, ne motuū semina, se absente, suppullularent, nobilissimarum familiarū aut principes ipsos, aut eorum filios, propinquosque, per speciem honoris, obsides secum duxisset, multosque in diuersa loca relegatos, in libera custodia reliquisset, arcibus Dumbaro, Britannoduno, & Garuiæ custodes Gallos imposuisset, tamen e re parua, & vnde minime metus erat, tumultus origo suborta est. Antonius Darsius, in suo magistratu, magnū æquitatis & prudentiæ specimen, ac maxime in compescendis latrocinijs, exhibuerat. Primum in eius provincia motum fecit, qui ad bellū spectaret, Gulielmus Cocburnus, Comarchi Lanctonij patruus: qui, Curatoribus pupilli exclusis, arcem Lanctoniam tenebat, fretus maxime potentia Dauidis Humij Vederburnij, cuius sororem Cocburnus in Matrimonio habebat. Eo cum Gallus satis firmo comitatu venisset, arcemque, qui intus erant, dedere recusarent, cum raris equitibus expeditis adequitans Dauid Humius, Alexandri sui propinqui eandem nefariam exprobrabat. Gallus, partim suis diffusus, partim equo perniciosissimo, cui insidebat, confusus, se Dumbarū versus in fugam coniecit: ibi, lapsu equi impeditū, inimici affecuti eum trucidarunt: caputque abscissum supra Humiū arcem, loco conspicuo, affixerunt. Incidit ea cædes in xlii. Cal. Octob. anni M. D. xvi. Ceteri gubernatores congressi, cum, ex hoc initio, maiorem motū formidarent, Comitem Araniæ principem Rectorem delegerunt: Georgium Duglassium, Angusiani Comitum fratrem, cædis nuper factæ suspectum, in Garuiam custodiendum dederunt: atque in Galliam ad Proregem miserunt, qui cum in Scotiam quamprimum reuocarent. Sub idem fere tempus, semina

C10. D.
XX.

discordiarum iacta sunt inter Comitem Angusie, & Andream Garum Farnihellum, ob iurisdictionem agri quidem Comitis, sed in quo ius conuentuum habendorum Andreas sibi esse affirmaret: reliqua Carorum familia Comiti, Andrea vero Hamiltonij fauebant, magis, ob Duglassij odium, quam quod, certum ius esse Caro, arbitrantur. Igitur, cum sub diem conuentus in maioris, quam pro re, de qua contendebatur, aleam certaminis sese utrique pararent, Ioannes Somerhallius, Duglassianae factionis, iuuenis nobilis, & magni animi, Iacobum, Araniae Comitis filium nothum, in itinere aggressus, quinque comitum eius occidit: reliquos fugauit: supra triginta equos cepit. Cum Edimburgum conuentus esset indictus, in tertium Calendas Maias, Anni millesimi, quingentesimi, vigesimi: Hamiltonijque dicerent, se, Archibaldo Duglassio praefecto, non satis in ea urbe tutos futuros, ille, ne in mora publicis negotijs esset, sub finem mensis Martij, se magistratu sponte abdicauit: successus ei in idem ciuis Robertus Loganus, Scottorum Occidentalium procures, qui frequentes conuenerant, in oedes Iacobi Betonij Cancellarij conuocati, consiliu ineunt, de Comite Angusie comprehendendo: eius enim opes nimias, & publice formidolosae causabantur, neque, illo libero, quicquam libere decerni posse. Occasio quoque videbatur, eorum cupiditati subseruire, quod, propinquis, non dum coactis, ipse, cum paucis clientium, facile posset opprimi antequam amicorum auxilia coirent. Id ille cum agitari sensisset, patrum suum, Galuinum, Caledoniorum Episcopum, ad eos misit, qui animos eorum, nulla prouocatos iniuria, leniret: peteretque, ut sine armis & vi disceptaretur: si quid, de se queri iure, vellent, se paratum, ex aequo & bono satisfacere. Sed oratio habebatur apud homines, numero feroces, & viribus feros, & ultionis cupidos. Itaque Caluinus cum nihil aequi impetraret, declarata Angusie inimicorum superbia, familiam suam Comitem sequi iussit: ipse, ut, Sacerdos, & inuallidus aetate, in hospitium secessit. Alij, id ab eo factum, interpretabantur, ut Cancellario intempestiuam ostentationem exprobraret: qui, cum maxime pacis auctor esse debuisset, velut seditionis fax, volitaret armatus. Duglassius, spe concordiae abscissa, suos adhortatus, ut cum laude potius morerentur, quam, per ignauiam, se abderent in hospitia, unde, paulo post, ad supplicium protraherentur: nam, inimicorum opera iam portas omnesque aditus praclusos. Omnibus, qui aderant, assentientibus, armatus cum suis latissimum oppidi vicum occupat: erant autem ei comites circiter octoginta, sed omnes viri fortes, & virtutis experti: hi, pro loci ratione, diuisi, hostes per angustiarum angustias pluribus simul locis prodeuntes exceperunt, &, primis interemptis, reliquos, ruinae modo, per prona retro compulerunt. Comes Araniae, dux multitudinis, cum Iacobo filio vadum natus, per lacum Septentrionalem euasit: reliqui fere, per diuersam urbis partem, ad Dominicanos profugerunt. Hac dum, ingenti cum tumultu, per totam urbem geruntur, Gulielmus, Angusie frater, cum magna clientium manu ingreditur: ea multitudine Duglassius, fretus, licet multiplex hostium numerus in urbe esset, per tubicinem tamen edicit, ne quis in publico, praeter suos amicos & clientes, armatus appareret. Caeteris petentibus, ut sine iniuria discedere liceret, facile permissum: abierunt autem, vno agmine, praeter eos, qui fugam praeeperant, equites plus minus octingenti, maiore cum ignominia, quam damno: ceciderant enim non amplius septuaginta duobus: sed in his, viri illustres, Comitis Araniae frater, & Eglentonij filius. Hac gesta fuerunt, pridie Cal. Maij, Anno, millesimo, quingentesimo, vicesimo. Hanc contumeliam ut vlciscerentur, Hamiltonij Cellam Marnoci (ea Cunigamiae arx est) obsederunt. Eam, tenebat Robertus Bodius, Duglassianorum cliens: sed illinc breui, re infecta, recessum. Proximo anno, Duglassius, ad xlii. Cal. Aug. assumptis Humijs exulibus, venit Edimburgum, atque Alexandri & Gulielmi, Humiorum, capita e publico, ubi affixa erant, detraxit. Hoc totum fere quinquennium, a Proregis discessu, usque ad eius reditum, tumultuose actum: nec caedibus, & rapinis vsquam temperatum: redijt autem, ad tertium calendas Nouemb. Anni millesimi quingentesimi, vicesimi primi. Ut motus, per absentiam suam coortos, facilius sedaret statuit, Duglassiorum imminuere potentiam. Angusie Comitem, familiae clarissimae principem, in Galliam relegauit: eius

C10. D.
XXI.

cuius patrum, Episcopum Caledoniorum, Romam per Pontificem euocandum, ad causam dicendam, curauit. Is, proximo anno, dum Romam proficiscitur, Londini peste c15.15. correptus, obiit, magno suae virtutis apud bonos desiderio relicto: praeter enim natalium xx11. splendorem, & corporis dignitatem, erant in eo multae, ut illis temporibus, literae, summa temperantia, & singularis animi moderatio, atque, in rebus turbulentis, inter aduersas factiones, perpetua fides & auctoritas. Reliquit & ingenij & doctrinae non vulgaria monumenta, sermone patrio conscripta. Proximo, post reditum Proregis, anno, conuentu Ordinum habito, exercitus, ad Edimburgum, statim die, adesse iussus, satis frequens conuenit: qui cum in campis, Roselino proximis, castra posuisset, omnibus iocertis, quo ducerentur, per praefatos denunciatum est, ut Annandiam versus pergerent, graui poena in abnuentes proposita. Ad Soluam Scotiae limitem, satis quidem obedienter a ceteris est ventum: vnus Alexander Gordonius, & qui eum sequebantur, ad tria ferme millia, longius ab Anglia, substiterunt. Id cum Proregi esset nunciatum, postridie retro ad eum venit, & ad sua castra perduxit. Ibi, conuocatis proceribus, cum plurimis & grauissimis rationibus ostendisset, cur, eam potissimum partem Angliae aggredi, itauisset, magna pars Nobilitatis, maxime auctore Gordonio, qui ceteros, opibus & aetate, anteibat, ingredi omnino Angliam renuerunt, siue praua erga Proregem inuidia, siue (quod maxime praese ferebant) quia, tum rei Scotiae id expedire, putabant. Causa iactabantur, in speciem, vulgo non ingrata: nam si ea opera Gallis nauaretur, ne Anglus in 20 eos totis viribus incumberet, satis ad id videri, bellum ostentare: sin rerum domesticarum ratio habeatur, statu publico domi turbato, ac Rege adhuc puero, suas existimare partes, fines veteres tueri, & Regnum incolume seruare. Sin, porro ne pergerent, fortuitarum etiam offensionum ipsis culpam esse subeundam: ac rei male gestae rationem, intra paucos annos, esse reddendam. Postremo si maxime vellent, & commune periculum aduersus hostem negligere, & suarum domi rationum obliuisci, se tamen vereri, ne, in hostico, Scoti imperio satis audientes forent: ac maximopere cauendum, ne, vel emulatione, vel inuidia, vel recentibus adhuc odijs, ignominia acciperetur. Prorex, qui, aduersando se nihil acturum, videbat, consensit. Ne tamen nihil tanto conatu, ducto ad Soluam exercitu, actum videretur, per hominem idoneum, qui, in Anglia negotiari, 30 consueuerat, Dacrium, Anglici Limitis praefectum, admonendum curat, posse aliquid transigi, si ad colloquium veniretur. Ille, ut cui omnia imparata erant (neque enim Scotos aut omnino, aut saltem per eum limitem irrupturos, expectauerat) libenter id audiuit, & misso caduceatore, obrinuit, ut fide publica, venire in castra, posset. Postridie, viginti equitibus, in quibus maxime insignes, Thomas Dacrius, & Thomas Musgrauus erant, comitatus, ad tentorium ducis venit, ac, ceteris submotis, soli cum singulis interpretibus sunt congressi. Igitur cum & Dacrius, rebus imparatis deprehensus, a quietis consilij non abhorreret, & Prorex, inuito exercitu, rem gerere non posset, pactis inducijs, & spe pacis iniecta, discessum. Scotorum, qui rebus gerendis maxime fuerant impedimento, ut culpam a se auerterent, sparserunt rumores, ob pacem obtinendam, Proregi ab Dacrio 40 pecuniam partim repraesentatam, partim promissam, ac nunquam solutam. Atque, in vulgus his profeminatis rumoribus, colloquium infamare sunt conati. Prorex, cum, 11. Cal. Nouem. discederet in Galliam, pollicitus est, se ante Cal. Aug. rediturum. Eum diem cum obire non posset, quod magnam Anglorum classem, ad se excipiendum, ornata sciret, proximo mense Iunio, quingentos pedites Gallos praemisit: qui spe reditus propinqui interea Scotos confirmarent. Hi, nusquam toto itinere hoste viso, prope Maiam insulam, in aestuario Forthae sitam, in Anglicas naues, freti angustias obsidentes, inciderunt: ac, magno edito praelio, Galli in hostium naues ingressi, suum quidem Nauarchum amiserunt. Eo casu, cum neque socij nauales peditum ducibus parerent, nec milites quippe rei nauticae ignari, nauis imperare scirent, ingenti Anglorum caede facta, vix in suas 50 naues cogi potuerunt. Per Scoti Proregis absentiam, Thomas Hauarius, Surriae Comes, ab Anglo immisus, ac Scotos inter se discordes, sine summo Magistratu, sine certo imperio nactus, cum decem millibus mercenariorum, ac amplis auxilijs, Marciam & Teuotiam peruagatus, vtriusque prouinciae arces, cum maximo potentiorum, nec leuiore plebis

RERVM SCOTICARVM

(quæ, aduersus subitas incursiones hæc habebant propugnacula, in quibus, se suaque ser-
uare soliti erant) damno. Et Scotia tum ita intestinis laborabat seditionibus, vt vicino-
rum calamitates nemo ad se pertinere existimaret. Angli, per aliquot menses, qua libuit,
sine prælio grassati, cum soluissent exercitum, Scoti finitimi, vt, aliqua ex parte, acce-
pta damna vlciscerentur, cum assiduis incursionibus e Northumbria prædas agerent,
missus iterum aduersus eos Hauartus, Iedburgum opidum, etsi (vt mos fert Scotorum)
immunum, magno cum labore, nec sine suorum vulneribus cepit. Dum hæc in Teuio-
tia geruntur, tantus, incertum qua de causa, equos Anglorum terror de nocte inuasit,
vt prope quingenti abruptis vinculis, in castra illati, obuios deiecerint, quosdam ob-
triuenerint, ac inde, velut furentes, egressi, & per agros dispersi, passim prædæ Scotis fue-
runt. Trepidatio ingens in castris, atque Ad arma clamatum: neque, ante lucem, potuit
tumultus sedari. Eo, quod consecutum est, triduo, nulla re præterea gesta, Anglorum
exercitus est dimissus. Dux Albinus cum omnes portus Gallici litoris obsessos ab An-
glis, qui, reditum eius in Scotiam obseruare, iussi erant, sciret, quibus impar viribus
erat, arte statuit eludere. Classem suam nullum in vnum locum contraxit, sed per varios
portus ita sparsam tenebat, vt nullam bellici apparatus speciem præferret, milites in locis
mediterraneis ita collocarat, vt nihil minus, quam de nauigando, cogitare videretur,
Anglicæ classis præfectus, qui, ad eum excipiendum, vsque ad Idus Augusti, frustrato
mari volitauerat, per exploratores certior factus, neque classem, neque exercitum toto
litore Gallico parari, ratus, cum nihil, ante Ver proximum, moturum, naues sub-
duxit. Dux Albinus, hostium discessu cognito, repente quinquaginta nauium classe
contracta, ac tribus millibus peditum, centumque cataphractis impositis, post æqui-
noctium Autumni, e Gallia soluit: ac octauo Calendas Octob. Araniam insulam te-
nuit: eodem forte die, quo Iedburgum ab Anglis est crematum. Ostendimus, quam
miserabilis, Aestate superiore, fuerit rerum Scotticarum status, proceribus inter se dis-
sidentibus, Anglo proxima sibi omni belli clade deuastante, ac mari obfesso, spe omni
externi auxilij sublata. Hostis autem consilium eo spectabat, vt feroces Scotorum ani-
mos, malis fractos, ad paciscendum secum, cogeret. Nec segnius etiam Scoti factionis
Gallis aduersa laborabant, vt perpetuum cum Anglo foedus iniretur, Regina princeps:
nam cum Humius morte sublatus, Duglassius relegatus esset, cæteri que magis idonei
comites, quam, ad res suscipiendas, duces haberentur, quicumque alieno aduersus Gallos
erant animo, se ad Reginam applicarant. Illa pariter, vt fratri gratificaretur, & imperij
vim ad se traheret, dissimulata cupiditate priuata, hortabatur, vt filium, iam prope pu-
berem, e peregrinorum manibus, & se ab externo iugo liberarent: prospiciebat etiam
Regina, aduersus maritum, quem iamdudum cœperat odisse, præsidia: Anglus etiam,
frequentibus ad proceres Scotorum literis & pollicitationibus, consilium sororis pro-
mouebat: per se enim non stetisse, quo minus æterna inter vicina Regna esset amicitia:
idque se, cum alias, tum nunc maxime cupere, nullo rerum suarum respectu, sed, vt
omnes intelligerent, se sororis filium amplecti, tueri, & quibus posset, commodis am-
plificare velle. Quod si Scoti in animum inducerent, soluo cum Gallis foedere, sese An-
glis coniungere, breui cognituros, quam nec ambitioni, nec potentia, sed vni concordia
studeret. Maria filia vnica Iacobo collocata: quo matrimonio, non Scoti Anglorum
sed Angli Scotorum imperio accederent. Odiæ non minora inter alias gentes interces-
sisse, quæ, & affinitatibus, & rerum necessariarum commercijs, & mutuis beneficijs,
extincta & prorsus abolita fuerint. Commemorantur ab alijs commoda & incommoda,
quæ ex vtraque amicitia redundare possent: Alteram esse gentem in eadem terra natam,
sub eodem cæli tractu educatam, lingua, moribus, legibus, institutis, vultu, colore, linea-
mentis corporis adeo similem, vt magis vna, quam diuersæ nationes videantur: Alteram
non magis cælo & solo, quam omni viræ cultu differentem: præterea quæ nec magnum,
si hostis esset, detrimentum Scotis posset afferre, nec, si esset amica, emolumentum.
Anglum in propinquo, Gallica auxilia longinqua esse. Iter vnum per mare, quod, & ab
hostibus ocludi, & tempestatibus impediri, posset. Considerarent itaque, quam ad
momenta rerum gerendarum esset incommodum, & ad salutem tuendam, intutum,
specem

spem omnem salutis a Vento suspensam habere: & in Elementi inconstantissimi arbitrio sui status incolumitatem collocare. Quantum auxilij in amicis absentibus, aduersus presentia pericula, esset, si vnquam alias, certe hac ipsa Aestate, non modo intelligi, sed oculis spectari potuisse, cum Anglus hinc nos, ab amicis desertos, ferret, ageret: totisque viribus in perniciem nostram incumberet, illinc auxilia, sæpe promissa ac diu sperata, teneret classibus suis obsecra. Hæc cum, pro foedere Anglico, disputarentur, ac non pauci in eam sententiam ituri essent, multi contra differebant: erant enim, in eo conuentu, plerique Gallicis largitionibus præoccupati, nonnulli etiam, qui, quod e publicis detrimentis sua comparabant emolumenta, omnino a pace abhorrebant: nec deerant, quibus Angli, in pollicendo, facilitas esset suspecta, præsertim cum res Anglica tum potissimum penderet, ex arbitrio Thomæ Volsæi Cardinalis viri prauis & ambitiosis, & qui consilia omnia, ad suam priuatim auctoritatem & dignitatem ampliandam, referret: ideoque ea ad omnem fortunæ statum accommodaret. Hi tum omnes, diuersis rationibus adducti, sed pari studio tamen, Gallicum foedus iuebantur: negabantque repentinam illam hostis liberalitatem esse gratuitam: nec nunc primum Anglos illis artibus, ad incautos homines decipiendos, vti: Eduardum primum iuratum, & omnibus legum vinculis constrictum ad litem dirimendam, arbitrum electum, sese, per summam iniuriam, Regem Scotorum creasse: nuper etiam, Eduardum Quartum Cæciliam, filiam Iacobi Terrij, filio despondisse: cum autem puella nubendo maturuisset, nuptias prope paratas, occasione belli ex nostris domesticis dissidijs arrepta, dissoluisse: neque nunc aliud Anglum querere, quam vt, iniecta spe vana dominatus, nos in veram seruitutem rapiat, ac destitutos externis auxilijs, toto virium suarum molimine, incautos opprimat. Nec illud quidem, in quo exultat eorum oratio, verum, tutiorem esse propinquam, quam longinquam amicitiam: dissensionum enim causas inter vicinos nunquam defuturas: quas sæpenumero casus gignat, & potentiores non raro, leui occasione oblata, ferant. Concordiæ leges, qui superior in armorum erit certamine, pro suo arbitrio præscribet: neque vnquam inter finitima Regna tam sanctum fuisse amicitiae vinculum, quod non, vel oblatis occasionibus, vel quaesitis causis, sæpissime violaretur: neque sperandum Anglos nunc magis, a nobis violandis, temperaturos, quam a tot sui sanguinis Regibus abstinuerint. Foederum enim sanctitas, & iurisiurandi religio, & pactorum & conuentorum fides, inter bonos firmissima sunt vincula, inter malos oblata commoditate ad fallendum, retia: hæc autem commoditas in finium propinquitate & linguæ commercio, & viræ cultu non dissimili vel maxime sita est. Quod si hæc omnia longe secus haberent, duo tamen nobis prouidenda sunt, alterum, ne veteres amicos, sæpe de nobis bene meritos, inauditos reiiciamus: alterum, ne, frustra altercando, tempus hic teramus, ea præsertim de re, de qua nihil, nisi in omnium Ordinum conuentu, constitui potest. Hoc maxime pacto Gallicæ factionis homines tenuerunt, ne quicquam, ante certos de Gallorum auxilijs nuncios, decerneretur. Aduentus Proregis diuulgatus amicos magna lætitia affectit, dubios confirmauit, & multos, ad secdus Anglicum procliuēs, retinuit.

Ille, apparatu belli aduerso flumine Glotta Glascuam misso, recensuit ibi exercitum, ac præmissis edicto, vt Nobilitas Edimburgi præsto esset, luculenta oratione apud eos habita, laudat eorum constantiam, in antiquo foedere conseruando, & aduersus Anglorum perfidiosas pollicitationes, prouidentiam: multa magnifice commemorat de Francisci Regis erga Scotorum gentem animo, studio, & liberalitate: hortatur, vt, simultatibus depositis, dum externa adsunt auxilia, acceptas vliscantur iniurias, & insigni damno insolentiam hostis reprimant. Per hos dies, refecto milite, & Scotorum copijs adiunctis, ad Linitem peruenit, ad vndecimum Calendas Nouemb. Sed cum, iam Angliam ingressurus, ponte ligneo, qui est ad Mulrossiam, copiarum partem maiorem traduxisset, Scotis eadem causantibus, quæ superiore expeditione ad Soluzum, prætenderant, ac Angliam ingredi renuentibus, transgressos amnem eadem via reduxit: atque paulo infra, ad sinistram Tuedæ ripam, positis castris, Vercam arcem, ad dextram ex aduerso sitam, oppugnare est aggressus. Equites interea, trans amnem missi, aditus omnes obsidebant, ne qua inclusis auxilia intromitterentur, vicinum agrum ferro flammaque vastabant.

Arcis hæc forma est. Turris munitissima, in intima area in magnam assurgit altitudinem: eam duplex murus ambit, exterior latum amplexus spatium, in quod, belli tempore, rustici solebant confugere, ac pecora fructusque agrorum conferre: interior multo angustior, sed, fossis circumductis, & turtibus excitatis, munitior. Exteriorem ambitum cum Galli cepissent per vim, Angli, immisso in horrea atque stramenta, quæ in eis erant, igne, flamma fumoque eos exegerunt. Biduo deinde proximo, interiore muro tormentis conuerberato, postquam satis facilis aditus patefactus videbatur, iterum Galli rem aggressi, per ruinas quidem strenue transcenderunt: sed cum ex arce intima, adhuc integra, omni genere telorum ipsi ad omnes ictus expositi peterentur, paucis suorum amissis, eieci ad exercitum, trans flumen redierunt. Prorex, cum & Scotorum animos a rebus gerendis videret auersos, & pro certo comperisset, copias Anglorum numerosissimas, nempe in quibus ipsi scribant, quadraginta millia armatorum fuisse, ac præterea millia sex ad Beruici opidi propinqui custodiam relictæ, tertio Id. Nouem. castra mouit, ad Coertobium Monacharum (Ecclesiam vocant) ad sex ab eo, ubi confederat, loco passuum millia. Inde, de tertia vigilia, Lauderam profectus, itinere nocturno, propter subitum niuis casum, hominibus & iumentis vehementer afflictis. Eadem vis tempestatis effecit, ut Angli, nulla re gesta, soluto exercitu, domos discederent. Hiemis reliquum, prope quietum fuit. Adulto iam Vere Prorex in conuentu Nobilitatis causas explicauit, cur sibi in Galliam redeundum esset: verum, ante Calendas Septembris se rediturum, pollicebatur. Ab eis vicissim petijt, ut interea Rex se Sterlini contineret: nec pacem, aut inducias, ante suum reditum, cum Anglis faceret: neque quicquam, in administratione Regni, in nouaret. Id cum sancte ei promissum fuisset, ad x. Cal. Iun. cum suis e Scotia soluit. Absente Prorege, cum omnes omnia non modo impune dicerent, sed facerent, agerent, ferrent, raperent, Rex adhuc impubes, marre Comitibus Arania, Leuinia, Crafordia compluribusque alijs supremi Ordinis nobilibus auctoribus, Sterlino Edimburgum venit ad iv. Cal. Aug. primoribus in Regiam ad Sanctæ Crucis coactis, de consilio eorum Regni administrationem suscepit: ac, postmodum omnes nouo sacramento in suum nomen adegit. Qui publicam functionem aut procurationem habebant, vniuersos, iuris usurpandæ causa, exauctorauit: ac, paucis post diebus, omnes in pristinum, unde deieci erant, locum restituit. Magni procerum numero ad xx. Aug. diem, conuocato, vi imperium, quod ipse iam usurpauerat, Proregi abrogaret, cum splendida (ut moris est) pompa, in publicum vrbis Prætorium processit. Fani Andreas & Abredonia Episcopi, qui soli dissentiebant, & Calendas Septembres expectandas, censabant, in custodiam dati. Illi, ut suis se armis vliscerentur, omnibus per suas iurisdictiones Sacrorum vsu interdixunt: verum, post alterum fere mensem, Rege placato, in pristinum fere gratæ locum restituti fuerunt. Circa idem fere tempus, Artibaldus Duglassius (quem, in Galliam relegatum, diximus) præmissis Simone Pennango, homine acri, & cui plurimum fidebat, egit cum Rege Anglorum, ut, per eius ditionem tuto redire domum, liceret. Anglus, qui, Ducis Albini, hominis impigri, auctoritatem imminui, non moleste ferebat, ac rerum Scotticarum mutationem libens audiebat, Comitem aduenientem benenole accepit, & liberaliter dimisit. Eius autem reditus Scotorum animos varie affecit. Nam cum, ad Regina & Comitis Arania arbitrium, negotia publica gererentur, magna Nobiliorum pars, cuius principes erant Ioannes Stuartus Leuinia, & Calenus Cambellus, Argathelia Comites, se ad nullam curæ publicæ partem recipi, iniquo animo ferentes, cum ingenti gratulatione Duglassium receperunt: ut eius auxilio vel potentiam factionis aduersæ ad se traducerent, vel certe factum reprimerent. Contra, Regina, quæ (viti dictum est) animum a marito auerterat, eius aduentum commota, omnibus machinis eum oppugnare, instituit. Hamiltonius quoque ex residuo odio ei non modo infensus, sed etiam metuens, ne a Duglassio, quem, secundo loco non fore contentum, sciebat, in ordinem redigeretur, aduersus eum, velut pro dominatione retinenda, totis viribus contendebat. Hi cum in arce Edimburgensi se continerent, nec ignorarent, multos procerum rerum nouarum esse cupidos, tam en & loco munitissimo, & Regis quamlibet inermi auctoritate consili

consilijs, & vi sibi tuti videbantur. Pars aduersa, coactio maiore Nobilitatis numero, tres e
 suis eligunt, Regis & Regni custodes, Archibaldum Duglassium, Angustiam, Ioannem Stuar-
 tum, Leuiniam, & Calenum Cambellum, Argatheliam Comites. Hi, celeritate summa
 vi, primum transmissio Fortha, Iacobum Betonem, summa prudentia virum, perspectis
 factionis opibus, recusare non ausum, sibi adiungunt. Inde Sterlinum profecti, ministe-
 rij & procurationibus publicis ad suae factionis homines translatis, Edimburgum, nullis
 praesidijs munitum, sine vi ingrediuntur: arcem, leui aggere circumiecto, obsident. Qui
 intus erant, nulla re, ad obsidionem tolerandam, satis prouisa, & illam & sese dedunt.
 Ceteris, praeter Regem, dimissis, omne curae publicae pondus in tres, quos diximus, Co-
 10 mites transferunt, ea lege, vt singuli per ordinem, quaternos menses, apud Regem
 essent. Sed ea societas nec fida, nec diuturna fuit. Duglassius, primis mensibus, ad aulam
 regendam, adhibitus, Regem in aedes Archiepiscopi Fani Andreae induxit: & suppellectili
 eius, & re familiari pro sua (nam ab eis iam defecerat) usus est: &, quo magis animum
 Regis sibi deuineret, omnibus voluptatum illecebris cum imbui, permittit: nec ramentum
 propositum tenuit: ministris domesticis Regis ab aduersa factione, cuius principes erant
 Regina & Hamiltonius, corruptis. Prima animorum, in Aula, alienatio fuit, ob Sacer-
 dotiorum diuisionem, Duglassijs omnia ad se trahentibus. Georgio Crichtonio ad
 Episcopatum Caledoniae translato, Coenobium Sanctae Crucis suburbanum, ab eo reli-
 ctum, Duglassius Gulielmo fratri donauit, qui Coldingamiam, ad sex a Beruico millia
 20 passuum, iam quintum annum, a caede Roberti Blacateri, postremi Abbatis, per vim re-
 tinerat: nam a Pontifice Romano id Coenobium, consentiente Ioanne Prorege, acce-
 perat Patricius Blacaterus, Roberti frater patruelis. Is etiam litem intenderat Ioanni
 Humio, familiari Comitissae Angustiae, & sororis filiae marito, de veteri Blacaterorum pa-
 trimonio vniuerso. Igitur Patricius, opibus Duglassianorum impar, sua aduersarijs esse
 praeda, patiebatur: sese vero procul ab regionibus, eorum factioni obnoxijis, apud ma-
 terni generis propinquos, melioribus temporibus reseruabat. Duglassiani, etsi Patri-
 cium facile contemnebant, tamen cum rerum gubernaculum tenerent, vt maculam
 illam, aliena violenter obtinendi, eluerent, cum per amicos aliqua ratione placare, con-
 tendunt: cumque ille non alienum a concordia se ostenderet, ac multum de suo iure
 30 paratus esset remittere, accepta fide publica, per diploma missu a Duglassio, cum Edim-
 burgum cum paucis & inermibus veniret, non procul ab urbis porta, a Ioanne Humio,
 ex insidijs erumpente, est interemptus. Eius facinoris fama cum urbem peruasisset,
 multi, consensu equis, vt percussores deprehenderent, aliquot millia passuum secuti,
 animaduerso, Georgium Duglassium, Comitissae fratrem, in suo coetu esse, ac multos
 praeterea Duglassianos & Humij propinquos, incerti, quo animo illi exissent, virum, vt
 caperent, an vt tuerentur, caedis auctores sequi ulterius, desierunt. Aduersi passim de Du-
 glassio rumores ferebantur. Iam Calenus Cambellus se ab illo velut triumphatu sub-
 traxerat: & Leuinianus, etsi Regem sequebatur, Duglassijs tamen munera publica &
 emolumenta ad se trahentibus, animi ab eis alienati multa indicia dabat: verum illi,
 40 opibus suis freti, rumores & indignationes aliorum parui faciebant. Rex inter haec, etsi
 indulgentius, quam decebat, haberetur, vt ea licentia infirmus adhuc animus teneretur,
 tamen paulatim & eorum imperij pertasus, & ministris domesticis partim vere, partim
 falso Duglassiorum acta vellicantibus, & dubia in peius interpretantibus, alienatus, in-
 ter familiares, quibus audebat consilia secretiora credere, de se vendicando in liberta-
 tem, occulte differebat. Vnus e proceribus, Ioannes Leuiniae Comes erat, cui aperire
 intimas cogitationes non timeret: erat enim, praeter alias animi & corporis virtutes, ore
 probus, & naturali quadam suauitate morum, ad homines conciliandos, egregie com posi-
 tus. Eo igitur in conscientiam assumpto, dum de tempore, loco, & ratione rei perficien-
 dae consultatur, Duglassius, multis expeditionibus, ad latrocinia coercenda, sed non ma-
 50 gno successu factis, tandem, circa finem Iulij, Regem in Teuotiam ducere statuit, eius
 praesentiam, ad terrorem iniiciendum, aliquid profuturam, ratus. Iedburgi conuentu
 habito, principes familiarum, ex omni circa regione ad se vocatos, Rex iubet, suae quen-
 que gentis facinorosos, quorum nomina eis edidit, exhibere: quibus gnauiter parentibus,

multi latronum duces supplicio affecti: multis, in spem vitæ in melius mutanda, venia data. Ibi in lætitiâ solutis omnium animis, qui, Regem Duglassijs eripere, conabantur, eis opportunum visum est, ut conatu perficerent: quod Valterus Scorus, qui non longe a Iedburga habitabat, magnas in regionibus propinquis clientelas habebat. Rei gerenda ratio, sic inita erat, ut Valterus Regem domum suam inuitaret, ibique non inuitum detineret, dum maiores, ad rei famam, copiam convenirent. Id consilium siue forte fortuna, siue alicunde emanante indicio, discussum videbatur, Rege retro ad Mulrossiam ducto. Veram Valterus, nihil ea re segniôr, recta ad Regem ire pergit. Cum iam non longe abesset, trepidus ad Duglassios nuncius affertur, Valterum, cum ingenti armatorum manu, ipsum armatum aduenire: nec dubium esse, quin homo, factiosus ac manu promptus, aliquid mali machinaretur. Ibi statim magno cum tumultu ad arma concursum. Duglassius, etsi numero esset inferior, tamen, cum e suis delectos circa se haberet, reliquos vero ex Humiorum & Carorum familia, cum principibus suis Georgio Humio & Andrea Caro, viros fortes, pugna fortunam experiri, statuit. In ipso temporis articulo, pene in mora fuit Georgius Humius, qui, Duglassio iubente, ut ex equo descenderet, & partem pugnae capesseret, se, si Rex iuberet, descensurum, respondit. Concursum est magnis utrinque animis, ut quibus Rex (premium certaminis) spectator esset. Ioannes Stuartus, prope Regem ociosus, pugnae arbiter stetit. Post acrem conflictum, vulnerato Valtero, eius clientes loco cesserunt: quo minus, ex ea victoria, solida lætitia Duglassiani fruerentur, fecit mors Andreae Cari, propter virtutes, utrique partium vehementer desiderati. Ex eius cæde, diuturnum odium, inter Carorum & Scotorum familias, est ortum, nec, sine sanguine, restitutum. Ex eo, Ioannes Stuartus, qui se in conflictu ambiguum gesserat, Duglassijs ante suspectus, iam vero manifestus hostis habitus, ex aula discessit. Hæc gesta sunt, ad 11 x. Calendas Augusti, Anno millesimo, quingentesimo, viciesimosexto. Duglassiani, multorum se obnoxios invidia cernentes, ut factionem suam nona virium accessione confirmarent, Hamiltoniorum gentem, & opibus & multitudine gentilium longe florentissimam, sed ab aula iam diu remotam, compositis ex vetere odio dissidijs, in partem curæ publicæ asciscunt: ex aduerso Ioannes Stuartus, multorum impenso erga se favore fretus, ac Regijs etiam literis occulte impetratis, ad principes Nobilitatis, quos, rem silentio tecturos, sperabat, suas partes magnis accessionibus auget. Igitur cum Sterlini suæ factionis hominum conuentum haberet, præsentem Jacobo Betonio, cum nonnullis Episcopis, ac multis nobiliorum familiarum principibus, iam palam ad consilium refert, de Rege in libertatem vindicando. Id cum, magno consensu, decretum esset, quanquam dies a Levinio dictus, ad conveniendum, nondum aduenerat, tamen, quia Limnuchi Hamiltonios, ad iter impediendum, congregatos audierat, consulissimum visum est, eos, antequam Duglassijs iungerentur, aggredi, eum ea, quam habebat, manu, recta illuc iter intendit. Cæterum Hamiltonij, cum rescissent, Ioannem summo mane, eodæ die, Sterlino moturum, Duglassios Edimburgo euocauerant: illos vero, præter alia impedimenta, Rex etiam non nihil retinebat, qui, simulata valetudine aduersa, & tardius lecto surrexerat, & lentius progrediebatur, & per viam, velut aluo soluta, ut ad necessaria naturæ diuerteret, quascunque poterat, moras necessebat. Georgius Duglassius, cum blandiendo, ad iter accelerandum, nihil proficeret, Potius, inquit, quam te hostes nobis eripient, altera discerpti corporis pars penes nos manebit. Id verbum altius, quam pro ætate, in Regis animum descendit. Itaque Duglassius exulibus, post multos annos, cum erga cæteros non admodum esset iniquus, de reconciliatione cum Georgio, neminem unquam audire voluit. Hamiltonij, inter metum hostium imminentium, & spem aduentantis auxilij, ad Hauenni fluminis pontem (qui, circiter mille passus, ab Limnucho abest) sese instruxerant: & pontem quidem leui præsidio obtinebant: reliquos in supercilio collium, qua hostem venturum sciebant, obiecerunt. Levinius, præcluso per pontem transitu, paulo supra ad Monacharum familiam (Manuelem vocant) modicis aquis fluentem amnem, suos transire iubet, & Hamiltonios e collibus deicere, priusquam Duglassij aduenirent. Leviniani cum per aqua & iniqua ad hostem contendissent, ac, lapidibus e superiore loco deiectis, male accepti

CIO. D.
XXVI.

accepti, iam ad manus venissent, clamor exortus est, de Duglassiorum aduentu, atque una ipsi de itinere in aciem accurrentes, praelij fortunam non dubiam fecerunt: Leuiniani, cum multis vulneribus, in fugam compulsi: Hamiltonij, ac, praeter ceteros, Iacobus nothus, crudeliter victoriam exercuerunt. Gulielmus Cuntigamius, Comes Glencarniae filius, multis plagis saucius, a Duglassijs propinquis suis est seruatus. Ioannem Stuartum occisum Comes Arania, eius auunculus, multis lachrymis, & Duglassius luctu & moestitia, sed, longe supra alios, Rex est profecutus: qui, conflictu ex clamore & tumultu cognito, praemiseraat Andream Siluium Largoum, familiarem suum, sed seruum, re peracta, auxilium, vt vitae Leuinij Comititis, si qua ratione posset, prospiceret. Post hanc victoriam, factio Duglassianorum, vt, metu injecto, amulos perpetuo sibi obnoxios haberet: quaestionem decreuit in eos, qui, aduersus Regem, arma sumpsissent. Eius quaestionis metu, alij pecunia cum eis deciderunt: nonnulli in clientelam partim Duglassiorum, partim Hamiltoniorum se tradiderunt: pertinaciores in ius vocabantur. Ex eo numero, Gilbertus, Cassilissae Comes, cum ab Iacobo Hamiltonio notho, premeretur, vt se in clientelam Hamiltoniorum dederet, vir magni animi respondit: vetus amicitiae foedus ab vtriusque auis factum, quo in foedere, suus auus, velut honoratior, semper prior nominatur: neque se nunc adeo decoris familiae oblitum, aut a maioribus degenerem videri velle, vt in eorum clientelam (hoc est, proximum seruituti gradum) sponte concedat, quorum princeps, in aequo societatis foedere faciendo, secundo fuerit loco contentus. Igitur cum, die dicta, Gilbertus, ad causam dicendam, adesse iuberetur, Hugo Kenuedus, eius propinquus, respondit, eum non contra Regem, sed a Rege missum, eo in praelio affuisse: ac multum frementibus aduersus eius audaciam Hamiltonijs, Regias, si sit opus, se literas prolaturum, affirmavit. Rex enim cum ad alios complures, tum ad Gilbertum, domum abeuntem, scripserat, vt Ioanni Stuarto se coniungeret. Ille, cum iam certamen videret instare, nec spacium sibi relinqui, ad amicos & clientes conuocandos, ex itinere, cum familia, quae tum aderat, Sterlinū diuertit. Igitur impotentia Hamiltoniorum in eo iudicio paulum repressa, Iacobus Nothus, grauissimo in Kennedum odio incitatus, eum intra paucos dies, per Hugonem Cambellū, Aerenensis dioecesis praefectum, in reditu tollendum curauit. Hugo, vt sceleris, quod clientibus commiserat, conscientiam dissimularer, quo die caedes facta fuerat, apud Ioannem Arelkinum, cuius vxor soror erat vxoris Gilberti Kennedi, fuit. Ea, statim facinore audito, multis verbis acerbe ei scelus exprobrauit. Ita nobilissima Kennedorum familia prope ad interitum redacta est. Comititis occisi filius, adhuc impubes, ad propinquum suum Arcibaldum Duglassium, tum Quaestorem Regium confugit: suamque & familiae salutem ei commendauit: benigneque ab eo receptus, ob altam indolem, gener est destinatus. Hugo Cambellus, in ius vocatus, cum sceleris manifesti teneretur, solum vertit. Nec minus acriter Duglassij suam in Iacobum Betonium exercuerunt iram: copijs enim ad Fanum Andrae ductis, arcem Episcopi, quem, omnium consiliorum auctorem Comiti Leuinio fuisse, arguebant, expugnarunt, ac diripuerunt: ipse, quoniam nemo palam eum tueri audebat, mutando saepe latebras, periculum effugit. Pari quoque dissimulatione, Regina, ne in mariti, quem oderat, manum veniret, solitudine sese tegebat. Proximo Vere ineunte, Duglassius expeditionem in Lidaliam fecit: multos latrones in castris, inopinantes, oppressit: ac, antequam se colligere possent, occidit: captorum duodecim suspendio peremit: totidem, obsidum loco, retinuit: in quos, paucis post mensibus, cum eorum propinqui latrocinijs non abstinerent, animaduertit. Accidit, in eius expeditionis initio, res in primis memorabilis, quam, ob facinoris nouitatem, non censui, praetereundam. Fuerat, in stabulo Ioannis Stuarti, homo humili loco natus, ac ministerio perinde humili, ad curandos equos, adhibitus: is cum, occiso ab Hamiltonijs patrono, aliquandiu, vagus & incertus consilii, oberrasset, tandem, animo confirmato, maius, quam pro fortuna & loco, vnde erat, facinus patrare decreuit. Nam Edimburgum, ad destinatum patroni mortui ultionem, profectus, forte occurrit eiusdem fortunae & familiae homini: rogat, vidissetne Iacobum Hamiltonium nothum in vrbe. Cum ille falsus esset, Vidisti, inquit, hominum ingratissime, & non peremisti sceleratum illum,

qui optimum nostrum patronum trucidavit? Abi, quo dignus es, in maximam malam crucem: ac tantum locutus, se, quo iter intenderat, proripiens, recta in Aulam perrexit. Erant ibi in area ampla, quæ ante Palatium suburbanum est, ad duo millia hominum armata, ex Duglassiorum & Hamiltoniorum clientibus; ad eam, de qua diximus, expeditionem parata. Hic ille patroni vindex, cæteris neglectis, in vnum Hamiltonium oculis animoque intentis, tum sine armis penulatum ex area egredientem, conspiciatus in fornice oblongo, & paulo obscuriore, qui portæ est impositus, in eum inuolat, ac sex vulnera (quorum quædam prope ad vitalia penetrabant, alia Iacobus, flexu corporis, & obiecta penula, pene effugerat) infligit, statimque sese in turbam retro conijcit. Repente orto tumultu, cum Hamiltoniorum quidam suspicarentur, a Duglassianis, veteris odij nondum oblitis, tam atrox facinus patratum, nihil propius factum est, quam ut hæ factiones inter se confligerent: tandem, compressa paulum trepidatione, iussi omnes, qui aderant, ad parietes areæ circumiectos ordine simplice secedere. Percussor ibi, cruentum ferrum adhuc tenens, est deprehensus: Interrogatus, unde esset, & cur illuc venisset, cum non satis constanter responderet, ad carcerem tractus, representatis tormentis, statim fassus est, in ultionem cædis patroni, facinus a se susceptum: hoc autem vnum se dolere, quod frustra tam præclarus conatus cecidisset. Diu tormentis excarnificatus, nullum conscium edidit: tandem damnatus, ac per urbem circumductus, cum nudi corporis totius singulæ partes ferro ignito tentarentur, nullum, nec sermone, nec oris habitu, doloris indicium dedit. Dextera manus cum detruncaretur, leuius, quam pro merito, eam plecti dixit, quæ animo tam forti non fuisset obsecuta. Eo quoque anno, Patricius Hamiltonius, e Ioannis Ducis Albini sorore, & fratre Comitis Araniæ natus, iuuenis ingenio summo, & eruditione singulari, coniuratione Sacerdotum oppressus, ad Fanum Andreæ viuus est crematus. Non adeo diu, post eius supplicium, animos hominum conterruit Alexandri Cambelli mors. Is erat e sodalitia Dominicanorum, & ipse magno ingenio iuuenis, & eorum, qui Thomæ Aquinatis sectam imitantur, inter eruditiores habitus. Cum eo Patricius, de Scripturæ sacræ interpretatione, sermones sæpe contulerat: ac, differendo, eo perduxit, ut omnia prope capita, quæ tum habebantur paradoxa, vera fateretur. Nihilominus Alexander, vitæ, quam veri cupidior, a suis persuasus, cum publice accusauit. Patricius, ut erat natura vehementior, hanc hominis ambitiosi prauam gloriæ captationem ferre non potuit: sed palam exclamauit, Ego te, hominum nequissime, qui quæ nunc damnas, ea vera esse scis, & paucis ante diebus, apud me es confessus, ad tribunal Dei viui in ius voco: qua voce Alexander perturbatus, nonquam, ex eo die, compos mentis fuit: ac, non multo post, infania conflictatus, mortem obiit. Hoc toto spatio, ac magnam anni proximi partem, Duglassiorum alijs in aliam partem intentis, de Regis ab se secessione securi erant: quod, & blandimentis & immodica licentia satis conciliatum eius animum, crederent: nec, si secus erga eos animatus esset, vlla erat factio aduersus ipsorum opes satis firma, nec locus vllus munitus, quo se reciperet, præter vnam Sterlini arcem, quæ sedes Reginæ, ad habitandum, attributa fuerat: sed tum a Reginæ ministris, cum ipsa se, metu Duglassiorum, occultaret, ad tempus deserta: ac, tum multo paulatim residente, in speciem magis, quam aduersus vim instructa. Rex, quantum locumque laxamento accepto, quod, id vnum sibi perfugium relictum, cerneret, cum matre clam transegit, arcemque & circumiectos agros, cum alijs prædijs, non minus illi commodis, commutauit: deinde, rebus alijs, quatenus occulte poterat, comparatis, & Duglassijs in custodiendo minus intentis, noctu cum paucis e Falcolandia Sterlinum se contulit: ac breui multis procerum ad se accersitis, alijs, ad rei famam, sponte accurrentibus, iam satis, aduersus vim, tutus erat. Ex horum sententia, Rex edixit, ut Duglassij ab omni administratione publica abstinerent: item, Ne quis propinquorum affinium, aut clientium eorum, propius duodecim millia passuum, ad Aulam accederet: Si quis secus fecisset, ei capitale fore. Id Edictum cum Duglassijs, Sterlinum venientibus, oblatum fuisset, multis censentibus, progrediendum, Comes cum fratre Georgio auctores fuerunt, Edicto parendi. Ita retro Limnuchum concesserunt, ibi mansuri, dum cetior nuncius ab Aula afferretur. Interea Rex, summa diligentia, missis etiam

etiam ad longinquas Regni partes viatoribus, proceres, quibus in Comitibus publicis sententia dicenda est ius, imperat, ut Edimburgi, 111. Non. Septemb. adsint: ipse Sterlini, Duglassij Edimburgi copias contrahunt: vterque magis, sui tuendi causa, quam ut alterum inuaderet. Tandem, postridie Calendas Iul. Duglassij vrbe discesserunt, ac Rex sub signis ingressus est. Ibi, amicis apud Regem deprecantibus, conditiones Duglassijs oblatae, ut Angusia Comes trans Spæam relegaretur, Georgius eius frater, & Arcibaldus patruus in arce Edimburgensi custodirentur: huic decreto si parerent, Regia clementia spes facta. Hac conditione reiecta, per foecialem iussi, ad Comitibus Edimburgi, 111. Nonas Septemb. adesse. Interea publicis functionibus eis ademptis, pro Comite Can-
 10 cellarius est factus Galuinus Dumbarus, nuper Regis præceptor, vir bonus & doctus: sed in quo nonnulli Civilem prudentiam desiderabant: pro Arcibaldo, Quæstor Robertus Carnicrucius, a pecunia, quam virtute notior. Duglassij prope ad ultimam spem redacti, Edimburgum, discessu Regis vacuum, missis cum Arcibaldo illuc aliquot equitum tur-
 20 mis, occupare conantur, eo consilio, ut, excluso illinc Rege, conuentum soluerent. Ve- rum VII. Calendas Septemb. Robertus Macsuallius, cum clientibus & amicis, magno- que promiscuo vulgi numero, iussu Regis, præuenientes eos excluderunt: ac stationibus & excubijs diligenter dispositis, ad Comitiorum usque tempus, summam ibi tranquillitatem seruauerunt. Duglassius, hac spe deiectus, ad Tentallonem arcem suam, ad xlv, millia passuum ab vrbe secessit. Rex quo die Sterlino mouit, tanta vis imbrum de celo
 30 deiecta est, ut, torrentibus auctis, comites eius in multas partes distracti, ac diu vexati, multa nocte Edimburgum sint ingressi, ita vehementer violentia tempestatis afflicti, ut a paucis equitibus maximo damno facile affici possent. In comitijs aqua & igni interd- ctum fuit Comiti Angusiano, Georgio fratri, Arcibaldo patruo, præterea Alexandro Drumanio Carnocensi, eorum intimo amico: bona eorum fisco adiudicata: adiectum eorum condemnationi edictum, quo, qui eos testis recepisset, aqua, igni, aliaue ope iu- uisset, eidem poenæ obnoxij iudicantur. Maxime ad eos damnandos, homines commoti putantur, quod Rex iureiurando affirmavit, se, quandiu apud Duglassios fuit, semper vitæ suæ timuisse: eumque timorem, post Georgij minas, vehementius auctum asseue-
 40 ruit. Vnus in hoc Concilio, Ioannes Bannatinus, est inuentus Duglassiorum cliens, qui publice protestari auderet, nihil eorum, quæ tum agerentur, Comiti fraudi esse de- bere: cum iusti ei metus causa esset, cur ad dictum diem non adueniret. Paucis post die- bus, alter Comitibus frater, Gulielmus, Abbas Cœnobij Sanctæ Crucis, morbo simul, & animi anxietate, & rerum præsentium tædio est extinctus: Sacerdotium eius Robertus Carnicrucius, homo humili loco natus, sed pecuniosus, a Rege, tum a pecunijs inopi, redemit, nouo genere fraudis elusa lege ambitus, quæ, Sacerdotia venire, vetat: sponsio- ne scilicet victus, qua, magna pecunia deposita, contenderat, Regem non eum proximo Sacerdotio vacuo donaturum. Duglassij tum demum, omni veniæ impetrandæ spe ab-
 50 iecta, ad vim apertam, & vindictæ solatium, ex inimicorum calamitate, conuersi, præ- dia eorum omni genere molestiæ vexabant: Coslandiam, & Cranstonum vicos crema- runt: & quotidie portis Edimburgi ita obequitabant, ut vrbs prope obsessa videretur: atque delicta potentiorum vulgus innoxium lueret. Inter hæc ad vndecimum Calen- das Decemb. Martina, nauigium ea ætate nobile, preciosis mercibus onusta, ad Enner- uicum vi tempestatis in litus impegit: mercium pars a Duglassianis equitibus, in ea re- gione vagis, est direpta: reliquum etsi rustici sustulissent, tanta ignoratione precij, ut cinamomum, tanquam vilis cortex, ad ignis usum distractum esset: tota tamen inuidia in Duglassianos versa est. Hac rerum commutatione facta, latrones, qui iam diu me- tu a maleficijs continebantur, e latebris suis prodeuntes, omnes regiones vicinas in- cursionibus infestas habebant: & quanuis a multis varia facinora passim ederentur, omnia omnium furta & cædes ab aulicis, qui, se Regi hac re gratificaturos, existimabant,
 60 in Duglassios referebantur, ut nomen, alioqui populare, ad vulgus inuidiosum esset. Ineunte iam Hieme, Rex, ne quis esset exulibus receptus, ad Tentallonem arcem Du-
 glassiorum maritimam, obsidendam, proficiscitur. Id quo minore labore & impen-
 dio faceret, machinas æneas & puluerem e Dumbaro accepit. Ea arx, a Tentallone

sex millia passuum distans, adhuc praesidio Ioannis, nuper Proregis, quod ipsius patrimonij pars esset tenebatur. Ibi, per aliquot dies, obsidione frustra tentata, cum ex obsessis tiemo, ex obsidentibus aliquot caesi, vulnerati, ac ignito pulvere afflari essent, re infecta discessum est. Inter redeundum, Dauid Falconarius, qui cum pedite mercenario, ad machinas reportandas, erat relictus, ab equitibus Duglassianis, ad carpendum extremum agmen, & moratores excipiendos, missis interficitur: quae res adolescentem Regem, ultro infensum, adeo commouit, ut per iram sancte iuraret, se viuo, nullum Duglassijs postliminum fore: ac statim, ut Edimburgum venit, ut eos arctius premeret, statuit, de Consilij sententia, ad Coldingamiam manum assiduam magis, quam magnam continere: quae agricolas a populationibus tueretur. Id munus Bothaelius, auctoritate & opibus Lothianae facile princeps, ad se ab Rege delatum, recusauit: siue Duglassianorum potentiam, cui tota reliqua Scotia nuper videbatur impar, metuens, siue clarissimae familiae interitu, adolescentem acrem, & suoapte ingenio paulo violentiorem, imbui ad crudelitatem, noller. Cum Rex Hamiltonijs, ut hostium amicis, non satis fideret, & ob eadem Ioannis Stuarti Leuiniani, eis infensus esset, nec in alio quoquam, Nobilitatis vicinae, satis auctoritatis aut virium esset, tandem eo decursum est, ut Calenum Cambellum, in ultimis quidem Regni oris habitantem, sed prudentia clarum, & perspectae in bello virtutis, & ob iustitiam, vulgo carum, Rex cum imperio aduersus rebelles mitteret. Duglassiani, Hamiltonijs & ceteris amicis deficientibus ad summas angustias redacti, a Caleno & Georgio, gentis Humiae principe, coguntur, in Angliam, exulatum abire. Missi, mense Octobri, ab Anglo duo equites clari, qui, quanquam utroque Rege pacem vehementer cupiente, vix eius ineundae rationem comminisci potuerunt: Henricus enim, cum aduersus Carolum Caesarem bellum pararet, omnia a tergo pacata relinquere volebat: atque, eadem opera, Duglassijs reditum ad suos parare. Iacobus Tentallonem arcem maximopere cupiebat recipere: sed, a Duglassijs restituendis, abhorrebat animus. Igitur cum, ob hanc causam, dies aliquot esset disceptatum, neque pax tamen coiret, tandem eo deuentum est, ut induciae in quinquennium fierent: ab Duglassijs Tentallone arce tradita, Rex suo syngrapho seorsum, de ceteris eorum postulatis, cauere. Arce deducta, cetera tamen non sincere seruata sunt, nisi quod Alexandro Drumanio, Roberti Britannii gratia, redeundi data est venia: nam, superioribus mensibus, cum Iacobus Coluillius, & Robertus Carnicrucius, fauoris erga Duglassios suspecti, ab aula fuissent remoti, eorum munia ad Robertum Britannum, aulica gaetia tum florentem, alijsque multis ministerijs praefectum, fuerant delata. Post haec, rebus non plane foris pacatis (nam Angli, nondum reuersis domum legatis, Armen, Teuitoriae vicum, cremarant) ab armis reliquus annus fuit quietior: sed latronum audacia nondum plane erat compressa. Itaque Rex, ut metum ceteris inijceret, Gulielmum Cocburnum Henderlandium, & Adamum Scotum, latrones insignes, Edimburgi deprehensos, capitali supplicio affecit. Proximo anno, mense Martio, Rex Iacobum, Moraviae Comitem, Vicarium Regni fecit: & ad Limitem misit, ut Comitem Northumbriae conueniret, & cum eo, de pace & rebus repetendis, reddundisque ageret. Sed id colloquium orta inter eos contentio diremit, altero nitente, ut in Scotia, iuxta leges, de expianda caede Roberti Cari factas, altero, ut in Anglia conueniendi locus esset. Interea missi, qui utrunque Regem, ea de re, consulerent. Ad xvi. Calendas Maij habito procerum conuentu, post longam disceputationem, ad vesperum usque productam, Rex Comitem Bothueliae, Robertum Maxuallium, Valterum Scotum, & Marcum Carum in arcem Edimburgensem custodiendos dedit: Marciae, & Teuitoriae fere principes alium alio relegauit, ratus, eos belli semina clam aduersus Anglos spargere. Ipse, mense Iulio, circiter octo millibus hominum coactis, expeditionem, ad reprimenda latrocinia, suscepit: & magna celeritate eo profectus, castra ad Euum flumen posuit. Non procul inde, habitabat Ioannes Armistrangius, princeps vnius factionis latronum: is tantum sui metum vicinis incusserat, ut etiam Angli ad multa passuum millia penderent ei vestigal: ac Maxuallius etiam eius potentiam reformidaret, omnibusque rationibus ei exitum intentaret. Ioannes, a Regijs ministris illectus, neglecto fidei publicae diplomate

CIO. D.
XXIX.

diplomate, cum, circiter quinquaginta equitibus comitatus, inermis ad Regem veniret, incidit in exploratores, qui eum, velut a se captum, ad eum perduxerunt: ibi cum maiore comitum parte, fracta gula periit. Qui eadē auctores fuerant, vulgo ferebant, se pollicitum fuisse, facturum, ut agri Scotici propinqui aliquot millia passuum Anglis parent, si ea res sibi honori emolumentoque foret: cum Angli contra fuerint eius morte vehementer lātati, ut qui graui hoste liberati essent. Sex, qui superfuerunt, comitum eius, obsidum loco, retentis, cum nihil apud eos Rex hoc metu proficeret, post paucos menses, poenas luerunt: ab eis, qui domi superfuerant, nouos obsides exegit. Lidaliani, relictis domibus, in Angliam populariter commigrarunt: & prope quotidianis incursionibus vicinas regiones infestabant. Paucis post diebus, Rex procures relegatos libertati restituit, acceptis ab eis obsidibus. Ex his, Valterus Scotus, Roberto Ioustone, notae crudelitatis latrone, ut Regi gratificaretur, interfecto, capitales cum ea familia suscepit inimicitias, ac magnis vtriusque gentis damnis exercuit. Proximo anno, qui fuit M. D. CXXI. res accidit, nouitate quidem admirabilis, & cuius admirationi nihil aut auctoris obscuritas, aut temporis, omnia diligenter explorantis, curiositas detraxit. Ioannes Scotus, homo nec literis expolitus, nec usu magno rerum peritus, nec ingenij subtilitate ad fraudem appositus, cum in lite quadam succubuisset, nec iudicatum solueret, in Asylo Coenobij Sanctae Crucis, aliquam multos dies, sine cibo & potu se continuit. Res diuulgata, & ad Regem tandem perlata est. Eius iussu, veste mutata, & diligenter examinatus, in arcem Edimburgensem seorsum ab omnium commercio sepositus, pane & aqua quotidie appositis, triginta duos dies omni cibo humano sponte abstinuit. Inde, tanquam re satis explorata, eductus, nudus in publicum prodijt: & ad plebis concursum frequentem satis diu ineptissima oratione habita, nihil in ea memoria dignum est locutus, nisi quod se dixit, Mariae virginis auxilio fretum, perferre, quandiu luberet, ieiunium. Hac cum stultitiam magis, quam fraudem praferrent, dimissus, Romam profectus, & a Pontifice Clemente in custodiam datus, donec, ieiunando, miraculi fidem fecisset. Illinc veste, qua induti Sacrificuli missantur, donatus, testimonioque confirmato sigillo plumbeo, quod apud Romanenses maximam fidem habet, Venetias venit: ac, ieiunandi fide apud eos confirmata, cum se voti reum diceret, ad viaticum itineris Hierosolymitani, quinquaginta nummos aureos (quos Ducatos vocant) accepit. Inde reuersus, folia aliquot palmarum, ac sacculum lapidibus plenum attulit, quos videri volebat, e lapidibus columnae, cui Christus alligatus vapulauit. Cum domum reuerteretur, Londino transiens, cathedram, quae est in coemiterio ad D. Pauli, ascendit: ac, magna populi frequentia, de diuortio Regis Angli cum Regina, de defectione a secta Romani Pontificis concionatus, verbis quidem asperrimis, & per iugulum redituris, si paulum prudentiae in eo repertum fuisset: conditus ibi in carcerem, cum prope quinquaginta dies continuos victu abstinuisset, inde incolumis fuit dimissus. In Scotiam reuersus, cum Thoma Duchtio se coniungere voluit, qui, circa ea tempora, ex Italia aduenerat, ædemque Mariae Virginis, e stipe vulgo collata, ædificarat: magnumque e fictis miraculis quæstum faciebat. Sed Thomae prope omnibus vita flagitiosissima erat nota, & falsitas miraculorum deprehensa. Nemo tamen palam redarguere, ob metum Episcoporum, audebat, qui hoc nouo Atlante suum, iam caducum Purgatorium fulcire conabantur: & ille, ut vicissim gratiam eis referret, quoties ex opulentioribus Sacrificiis eo quispiam Missatum veniebat, mendicum aliquem, debilitate mentis aut corporis simulata, in promptu habebat, qui, illo missante, sanaretur. Ab hoc Thoma, qui in societatem lucri neminem admittebat, Ioannes Scotus reiectus, coenaculum subobscurum in suburbio Edimburgensi condixit: & altari pro opibus erecto & ornato, filiam impuberem, sed singulari oris elegantia, cereis circa accensis, in eo, pro virgine Maria adorandam, stauit. Sed cum is quæstus opinionum non responderet, ad pristinam vitae rationem est reuersus, postquam in simulatione sanctitatis prapostera hoc tantum profecerat, ut omnes intelligerent non voluntatem ei, sed ingenium, ad impietatem comminiscendam, defuisse. Initio sequentis anni, qui fuit M. D. CXXII. Bothueliae Comes, quod, clam in Angliam profectus, sermone occultos cum Northumbriae Comite habuisse diceretur, in arce Edimburgensi,

RERVM SCOTICARVM

ad xv i. Calendas Feb. custodiri iussus est. Iacobus Sandelandius Eques, ob summam prudentiam & fidem, & maiorem, quam pro ordine & loco, apud omnes bonos auctoritatem, missus est ad Heremitagium (ea arx est Lidalia) ad latronum incursiones inhibendas. Cum ab antiquissimis usque temporibus nulli essent in Scotia statim dies, aut certus locus, ad iudicandum de pecuniariis inter ciues litibus, Ioannes, Dux Albinus, a Pontifice Romano impetrauit, ut summa pecuniae annua, quanta satis esset, ad paucorum iudicum salarium soluendum, imperaretur Ecclesiastico Ordini vniuerso, a singulisque, pro modo census, exigeretur. Galuinus Dumbarius, Abredonensis Episcopus, suo & aliorum Sacerdotum nomine, Pontificem appellauit. Ea controuersia tenuit, a v. Id. Mart. usque ad i i x. Calendas Maias, quo die, collegium iudicum Edimburgi constitutum est. Ab iis, cum ab initio multa utiliter essent excogitata, ut ius æquabile diceretur, tamen, qui sperabatur, euentus non est consecutus. Nam cum in Scotia nullae pene sint leges, praeter conuentuum decreta, eaque pleraque non in perpetuum, sed in tempus facta, iudicesque, quod in se est, lationem legum impediunt, omnium ciuium bona Quindecim hominum arbitrio sunt commissa, quibus & perpetua est potestas, & imperium plane tyrannicum: quippe, quorum arbitria sola sunt pro legibus. In gratiam Romani Pontificis, quaestio seuerè in Lutheranos exercita. Pontifex contra, ut Regi, tam bene de se merito, gratificaretur, sacerdotiorum decimas ei in proximum triennium dedit. Hoc anno, cum Angli, statum rei Scotiae tranquilliores indies fieri, cernerent, sed externis auxiliis existimarent nudatos, quod ipsi se cum Gallo, aduersus 20 Carolum Imperatorem, coniunxissent, vndique causas belli quaerebant: mense enim Aprili, e Beruico expeditione facta, Coldingamiam & Dunglassum, multosque pagos vicinos, abacta praeda, ferro flammaque foedarunt, nullis apparentibus causis irritati, nec inimicitia denunciata. Quam enim cupide id bellum suscepit Anglus, ipsius editum non multo post vulgatum demonstrat: ait enim, praesidiarios Beruici licentia verborum, apud Scotos iactorum, irritatos fuisse. Verum ipsa verba in edito inserta nullam contumeliam habent. Haec causa cum ne ipsis quidem satis iusta videretur, Canaben, viculum ignobilem, cum paupere Coenobio ad Limitem situm, de quo nulla vnquam controuersia fuerat, tanquam sui iuris, repetunt, & Duglassios exules restitui, petunt. Anglus enim, cum suam tum operam Gallo adeo necessariam videret, ut ea nullo pacto 30 carere posset, eumque foedere, in quo Scotis non caueretur, obstrictum haberet, non existimabat, fore difficile, ad quaslibet conditiones eos protrahere. Accedebat, quod alienato, per pacem Gallicam, & diuortium cum amita sua, Caesare, ac Romano Pontifice bellum apud omnes Reges Christianos ciente, magnam domi rebus nouandis relinquere occasionem: & Scotus ne aduersus hostis minas esset imparatus, fratrem suum, Morauiae Comitem, edito per vniuersum Regnum misso, Vicarium suum pronunciat: & quia Limitum accolae, per se, Anglis, magno mercenariorum praesidio fretis, pares esse non poterant, Regno in quatuor partes diuiso, singulas per vices iussit potentiores cum suis familijs mittere, & quadragenos illic dies morari. His copijs sibi in orbem succedentibus, magna strages villarum & arcium, agro late peruastato, facta est. Anglus, sua ex-40 pectatione frustratus, cum, praeter opinionem, bellum duci videret, & alia sibi praeuertenda, existimaret, pacem libenter cupiebat, sed, eam a se peti, volebat: cum e dignitate sua non crederet, illam aut offerre, aut petere. Commodissimum visum est, ut per Gallum, communem amicum, res conficeretur. Is Stephanum Aqueum legatum in Scotiam misit, qui dispiceret, vtrius culpa bellum id inter vicinos Reges ortum esset. Rex, de belli causa diligenter se purgat: conqueritur de suis legatis, diu sine responso in Gallia retentis: legato discedenti dat literas, quibus petit a Gallo, ut maneat in foedere antiquo, & a Ioanne Prorege Rothomagi renouato. Simul in Galliam Dauidem Betonium mittit, qui Anglorum calumnijs responderet: item, qui, de foedere antiquo seruando, & noua affinitate iungenda, ageret. Dat eidem literas, ad Senatum Parisien-50 sium, acerbis, & querelarum plenas, de iis, quae Rothomagi pacta & transacta erant, inter Franciscum Regem Gallorum, & Ioannem Scotorum Proregem: vetera officia, conuenta, pacta, foedera negligi, in gratiam hostium quondam communium, Has

Has literas iussus erat legatus, si, quæ ei mandata erant, in Gallia minus succederent, Concilio iudicum dare, ac se statim in Flandriam proripere, eo (vt verisimile est) animo, vt & amicitiam, & foedus, & affinitatem instrueret cum Cæsare. In Britannia interea & bellum gerebatur, & ad Nouum castrum de iure belli certabatur. Cum inter vtriusque gentis, ad pacificandum missos, legatos non conueniret, missus est a Gallo Vido Floreus, ad res componendas. Ei Scotus respondit, se, quacūque posset in re, Gallo gratificaturum, simul de re coniugali (de qua qui transigerent, legatos in Gallia habebat) quod visum est pro tempore, cū eo egit. Floreo pacis interprete, præsidij a limite vtrinque deductis, induciæ factæ, quas mox consecuta pax est. Pace parta, Rex, quanquam
10 proximis aliquot annis cum Gallo, & Carolo Cæsare, per legatos, egisset, nunc tamen, ocio ab alijs curis impetrato, de eo vehementius, quam alias cogitandum sibi, existimauit. Ac, præter communes causas, affinitate potente se muniendi, & familiæ, quæ ab vno pendebat, per sobolem firmandæ, etiam de proximorū hæredū improba spe, curæ animum eius, alioqui suspicacem, anxium habebant: multa enim eorum animos ad regni expectationem erigebant: opes domesticæ, solitudo Regis, & incauta ætas, animusque periculorū contemptor, quæ non modo fortiter adibat, sed etiam sedulo prouocabat, vt qui sæpe cum paucis aduersus ferocissimos latrones proficiscens, frequenter eos, numero superiores, vel celeritate præuentos capiebat: vel, Regij nominis reuerentia attonitos, in ditionem accipiebat: diemque & noctem in equo sedens continuabat, victu-
20 que temere oblato, ac semper parco, vteretur. Hæc cū Hamiltonios in spem prope certam erigerent, longum tamen videbatur, fortuitos, aut naturæ sponte casus imminentes expectare, nisi insidijs mortem ei maturarent. Ei rei dabant occasionem eius nocturnæ ad amicas iriones, ad quas, plerunque vnum aut alterum comitem assumebat. Sed cum hæc omnia, præter eorum expectationem, acciderent, statuerunt, spem legitimæ prolis (nuptias, quoad fieri poterat, impediendo) tollere: quanquam Ioannes, Dux Albinus, cum Prorex esset, huic incommodo satis prospexisse, videbatur: qui, cum Rothomagi verus inter Gallos, & Scotos foedus renouaret, etiam cauerat, vt Franci filia natu maxima Scoto locaretur. Sed hoc foedus duo impedimenta obiecta prope diremerunt. Nam Gallus, studio maxime & diligentia Angli in libertatem ex Hispanorum manibus resti-
30 turus, foedus adeo amplum cum eis fecit, vt multum Scotico foederi derogaretur: & filia Francisci, natu maxima, iam dudum decesserat: petebat igitur Scotus natu proximam Magdalenam. Cum, ad eam deposcendam, legatos misisset, pater puellæ valetudinem excusabat: eamque adeo infirmam, vt nulla non modo spes liberum, sed ne diuturnæ quidem vitæ esse posset. Sub idem tempus, de affinitate cum Carolo Cæsare iungenda, per legatos agitarum, tandem xxiv. April. Anno millesimo, quingentesimo, tricesimo
quarto, Cæsar Godscalcum Erycum, quo res esset occultior, Tolero per Hiberniam ad Scotum misit. Is cum exposuisset mandata sibi a Cæsare, de iniurijs, Catharinæ amitæ, filiaque eius ab Anglo factis: de vniuersali Concilio conuocando: de hæresi Lutherana expugnanda: de affinitate contrahenda. Ibi Cæsar per literas optionem Regi dabat,
40 de tribus Marijs propinquis suis: hæc autem erant, Maria, Caroli soror vidua, exso a Turcis eius marito, Ludouico Vngaro; Maria Lusitana, ex Leonora sorore, Maria Angla, ex Catharina amita nata. Et quia prouorem in has nuptias Carolus Regem fore sciebat, in eam magis partem incumberebat, vt Scotum a Gallicæ amicitia respectu abduceret, & cum Anglo, eadem opera, committeret. Rex ad ea respondit, Matrimonium cum Angla multis quidem modis, si confieri posset, vile fore, verum rem esse spei incertæ, maioris periculi & laboris, ac diuturnioris moræ, quam solitudo ipsius, qui vnicus in sua familia esset, ferre posset: Ex omnibus Cæsaris propinquis, maxime commodam suis rationibus Christierni Danorum Regis filiam, ex Isabella Caroli sorore genitam. Ad id, paulo post, cum Carolus Madrico respondisset,
50 eam alteri iam promissam, quanquam Cæsar, conditionibus oblati, magis ducere promissis Regem, quam quicquam velle transigere, videretur, tamen hæc actio non fuit omnino deposita. Tranquillis domi rebus, Rex, Scotiam nauibus circumire, statuit: & feroces Insularum spiritus, ad imperata facienda, cogere. Primum ad Orcadas

CIC. 13.
XXXIV.

appulit: ibi turbas exortas composuit, paucis e Nobilitate captis, & in custodiam datis: duas arces, alteram Regis, alteram Episcopi praesidijs communijs: deinde, ceteras insulas obeundo, principes earum ad se accersijt: renuentes, vi cepit: impositis vestigalibus, acceptisque obsidibus, ac turbandarum rerum auctoribus secum abductis, praesidijsque e suo comitatu in arces impositis, alios e ducibus Edimburgum, alios Dumbarum misit. Nam Dumbari arcem, circa haec tempora, Regi Ioannes, Dux Albinus, reddidit, quam, ad eum diem, praesidio Francorum detinuerat. Proximo mense Augusto, acriter in Lutheranos inquisitum: quidam coacti, publice recantare, nonnulli, quod citati non adessent, exules pronunciati: duo cremati: quorum alter, David Strato, eius criminis omnino purus erat: sed cum, in Decimis publicano soluen-
dis, paulo pertinacius ageret, Lutheranismi accusatus, poenas commentitij criminis luit. In conuentu, quem Rex, ad latrocinij purganda vicina, Iedburgi habendum curauerat, Valterus Scotus, perduellionis damnatus, in arcem Edimburgensem est inclusus, ibique, quandiu Rex vixit, permansit. Eodem Augusto mense cum Gallus excusara (vtr dictum est) filiae valetudine, Scoto quanuis aliam Regij sanguinis puellam obrulisset, missi in Galliam legati, Iacobus, Moravia Comes, Regni Vicarius, & Guilielmus Stuartus, Abredoniae Episcopus mari, Ioannes autem Areskinus terra: quoniam mandata quaedam ad Anglum ferebat, additus est eis quartus, Robertus Reidus, vir bonus, ac non vulgari prudentia. Ibi Regij sanguinis puella, Maria Borbonia, Caroli, Ducis Vindocinensis, filia, eis oblata est, quae Regi collocaretur. Ac cetera quidem
facile conuenerant: tamen legati veriti, ne ex animo Regi haec nuptiae forent, sponsalia, eo inconsulto, facere non audebant. Interea Anglus, ut rem tantum non transactam turbaret, misit in Scotiam S. Davidis, siue Meneuensem Episcopum, mense Novembri, qui libellos Anglico sermone scriptos religionis Christianae dogmata continentes, offerret, Regemque rogaret, ut eos perlegeret, ac diligenter, quod in eis scriptum esset, expenderet: is aulicis quibusdam, Sacerdotum ordini addictissimis, eos dedit inspiciendos: at illi vix inspectos haereleos damnarunt, & Regi sunt gratulati, quod oculos, in tam pestiferis scriptis intuendis, non conscelerasset. Haec legationis causa vulgo est se-
minata. Sunt, qui, secretiora mandata fuisse ad Regem allata, credant. Deinde idem E-
piscopus cum Gulielmo Hauarto, Ducis Norfolciae fratre, Sterlinum adeo inexpectatus
venit, ut Regem prope, ante rumorem sui aduentus, oppresserit. Petebar Anglus, ut diem Scotus diceret, quo die, de rebus magnis, & magnopere ad vtriusque gentis salute pertinentibus secum colloqueretur: magna spe, si cetera conuenissent, fore, ut ei filiam collocaret: ac totinsecum Britanniae Regem post se, relinqueret: & quo firmitus promissis crederet, eum in praesentia, Ducem Eboracensem, ac regni Anglici Vicarium pronunciaret. Cum Iacobus tam magnis promissis libenter fuisset assensus, ac de die conuenisset, duae factiones profectionem Regis in Angliam impediendam susceperunt: Hamiltonij occulte, quod proximi essent haeredes, id laborabant, ne Rex uxorem duceret, liberosque relinqueret, qui eos a successione Regni excluderent: Sacerdotes ipsi frequentes contendebant. Causae, in speciem honestae, praetendebantur, primum pericula, si in potestatem veteris inimici Rex cum paucis sese daret, ubi ei, velit nolit, alienae voluntari obtemperandum foret. Recitabantur maiorum exempla, qui, vel credulitate sua, vel hostis perfidia, in extremam necessitatem deducti, ex amicis pollicitationibus, damnum & ignominiam domum retulerunt. Iactabatur Iacobi Primi infelix error, qui per inducias in terram (ut rebatur) amicam delatus, per annos octodecim captiuus detentus, tandem expressis ab eo conditionibus, quas nec debuit, nec potuit accipere, auare suis est venditus. Proferebatur Milcolumbus primum, deinde frater eius Gulielmus, Scotorum Reges, illecti Londinum per Henricum Secundum, atque inde in Galliam protracti, ut speciem belli gerendi aduersus Gallum, vetusto foedere sibi coniunctum, praerent. At nihil horum Henricus Octauus faciet. Primum, quid istud sciemus? deinde, cuius imprudentiae est fortunas omnes, vitam, decusque, quae in tua manu sunt, alienae potestati permittere? Demum Sacerdotes, qui pro aris ac focis sibi certandum videbant, Iacobum Betonium, Fani Andreae Archiepiscopum, & Georgium

gium Crichtonium, Caledoniae Episcopum, senes inuálidos ad aulam pertraxerant, fremere, Religionem hoc congressu prodi, quæ tot seculis a maioribus seruata, custodes suos seruauerit: cuius ruinam mox Regni interitus esset secutus: Eam, leuissimis de causis, deserere, hoc præsertim tempore, cum vniuersus Orbis pro eius incolumitate vora faciat, & arma induat, non dico, quanto cum periculo in præsentia, & in posterum infamia; sed quanto cum scelere & impietate sit coniunctum. His velut machinis admotis, cum Regis animum, superstitionibus obnoxium, labefactassent, tum corruptis, qui plurimum poterant, aulicis magnam per eos Regi pecuniæ vim polliceri, penitus cum a colloquio auerterunt. Anglus, pro eo ac debuit, rem indigne tulit: ita discordiarum semina iterum iacta. Interea Rex, diuturnum coelibatum ægerrime ferens, non magis legationibus externis, quam domesticis aulicorum dissensionibus, in diuersa distrahebatur, omnibus vtilitatem publicam præferentibus, multis tamen e publico negotio priuatum emolumentum spectantibus: & quanquam plerique, rebus Caroli florantibus, affinitatem cum eo vtilem existimarent, Rex ipse tamen prior in Gallicam amicitiam erat. Itaque, cum per legatos, res non conficeretur, ipse in Galliam nauigare, statuit, & classe pro temporis breuitate ornata, VII. Calend. Aug. portu Leithæ soluit, omnibus quo pergeret, ignaris: nam plurimi rebantur, Angliam perire, & auunculum conueniret pœnitentia videlicet ductum, quod, superiore anno, cum eo congressus non esset. Sed cum, orra tempestate, ventis contrariis iactaretur, sciscitanti naui gubernatori, quem cursum teneri vellent, in quamlibet inquit, si necesse est, terram appelle, præter vnam Angliam: tum demum eius consilium est intellectum. Igitur, quanquam domum reuehi posset, maluit tamen Scotiam circumuectus, iter per Oceanum Occidentalem experiri: ibi quoque vento parum secundo usus, ex consilio paucorum, dormiens retro vestus est. Eam rem, experrectus, adeo ægre tulit, vt Iacobum Hamiltonium, iam inde, a cæso Comite Leuinix, inuisum, ex eo, implacabili prosequeretur odio neque cæteris eius consilij auctoribus vnquam satis æquus fuerit. Neque deerant, qui, vt iræ Regiæ obsecundarent, Hamiltonium, simulatione officij, reuera, vt conatus eius impediret, fuisse secutum, insimularent. Iterum navigationem tentaturus, multis e procerum numero prosequentibus. Calendis Septemb. soluit, ac decimo post die, Diepam Normanniæ portum appulit: inde, vt famam sui aduentus præveniret, occultans, quis esset, ad Vindocinensis oppidum, vbi tum diuersabatur, magna celeritate se contulit: cuius filia cum ei visa non placuisset, ad aulam recta contendit. Et cum ad Regem Franciscum, præter eius aliorumque expectationem, venisset, ab eo amantissime est acceptus: qui suam ei filiam Magdalenam, prope inuitus, VI. Calend. Decemb. despondit. Pater enim, vt ante dictum est, qui filiam natu maiorem, ob valetudinis infirmitatem, ad liberos procreandos, inhabilem rebatur, filiam minorem, aut aliam quamlibet, e Nobilitate Gallica, vxorem offerebat. Sed Iacobus & Magdalena, iam ante per nuncios amore inter se coalito, & ex mutuo aspectu, congressu, & colloquio confirmato, de sententia deduci non poterant. Nuptiæ Calend. Ianuar. factæ, Anni millesimi, quingentesimi, tricesimi septimi cum summa omnium lætitia, in Scotiam, classe Gallica comitati, appulerunt, ad V. Calendas Iulij. Nec diu illa superstes fuit, febre Hætica consumpta. Decessit, Nonas Iulij, cum ingenti omnium, præterquam Sacerdotum mœrore, quod, ea viuæ (quam scirent, sub amixæ, Regiæ Nauarræ, disciplina educatam) formidabant, luxui suo ac libidini modum impositum iri. Cæteris eius mors tantum dolorem attulit, vt tum primum (vt opinor) apud Scotos vestis lugubris usus occæperit: quæ, ne nunc quidem, quadagesimo post anno, quam mores publici in pœius fere proficiunt, admodum est frequens. Legati in Galliam statim, David Betonius cardinalis, & Robertus Mascuallius, missi, qui Mariam Cusitanam, Longovillani Ducis viduam, accerferent: nam Rex, id quod euenit, de exiru vxoris veritus, in illam oculos coniecerat. Hoc anno, Bothuelius, quod in Angliam clam commearet, & cum Anglis etiam in Scotia clam consilia conferret secreta, extra Scotiam, Angliam, & Galliam fuit relegatus. Circa idem tempus, complures perduellionis fuerant insimulati, Ioannes Forbosi, iuuenis acer, & magnæ familiæ, & fa-

Ationis princeps ab Huntילו amulo creditur oppressus. Erat enim quidam Strachanus, homo ad quoduis flagitium promptus, multos annos Forbosio valde familiaris, & omnium ei nequiter patratorum aut conscius, aut particeps, aut auctor: is parum (ut rebatur) ab eo, pro merito, cultus, ad inimicum eius Huntilaum se confert: & crimen capitale vel ad eum derulit, vel (ut plurimi putant) vna cum eo confinxit: quod Forbosius videlicet, ante annos complures, de Rege occidendo, consilium inisset. Id crimen quam nec satis firmis argumentis, nec idoneis testibus fuisset probatum, & studia inimicorum in iudicio neminem laterent, XII. die Iulij, a iudicibus, magna ex parte ab Huntילו conductis, damnatus, capite luit. Sed eius supplicium vulgo minus triste fuit, quod, etsi criminis, ob quod poenas dederat, expertem homines crederent, tamen, ob superioris vitæ facinora, morte non indignum existimarent. Strachanus index, quod tantum crimen tam diu cælasset, extra Scotiam relegatus, complures annos Lutecia vixit, adeo foede & nequiter, ut nullum in eo crimen incredibile esset. Rex, non adeo multo post, velut poenitentia ductus, Forbosij alterum fratrem in familiam suam recepit, alteri, claris nuptijs aucto, bona in fiscum redacta restituit. Post paucos dies, aliud secutum est iudicium & reorum genere, & sceleris nouitate, & atrocitate supplicij maxime miserabile. Ioanna Duglassia, Comitissæ Angusie soror, Ioannis Leontis, Reguli Glammissij, vxor, item filius eius, & posterior maritus, Gilespicus Cambellus, Ioannes Leon prioris mariti propinquus, & senex Sacrificulus insimulati, quod, Regem veneno tollere voluisse, dicerentur. Hi omnes quamquam ruri assidue, procul ab aula, vitam agerent, nec quicquam, quod eos læderet, a propinquis & ministris foret expressum, tormentis tamen damnati, & in arcem Edimburgensem conditi: Duglassia, quinto, post Forbosij supplicium, die, igni cremata, cum maxima spectantium commiseratione. mouebat enim homines & ipsius, & mariti nobilitas, & in iuuentutis vigore, formæ, inter paucas egregiæ, commendatio, & inter ipsum supplicium, virilis in foemina animi fortitudo: sed omnium maxime, quod, fratris exulis odium, plusquam crimen suum, ei obesse, crederetur. Maritus eius, cum ex arce Edimburgensi euadere conaretur, per demissum funem, sed forte breuiorem, quam ut radices rupis attingeret, fractis, eo casu, prope totius corporis ossibus, fuit extinctus: filius adolescens simplicior, quam ut suspicio tanti facinoris in eum caderet, in arcem inclusus, & Rege demum mortuo, dimissus, adempta bona recuperavit. Accusator fuit Gulielmus Leon, propinquus. Is, postquam familiæ nobilissimæ interitum, e sua calumnia, imminere vidit, sera poenitentia ductus, suum scelus Regi est confessus: nec tamen aut poenam reorum leuauit, aut efficere potuit, quo minus bona fisco addicerentur. Proximo, qui hunc secutus est, anno, postridie Idus Iun. Maria Gusia ad Balcomium, villam Iacobi Lermontij, appulit: inde, terrestri itinere, ad Fanum Andree vecta, magna frequentia Nobilitatis illuc collecta, Regi nupsit. Initio anni proximi, qui fuit M. D. XXXIX.

- CIX. 12. Lutheranismi suspecti complures capti sunt: sub finem Februarij, quinque cremati: XXXIX. nouem recantarunt: complures exilio damnati. In his, fuit Georgius Buchananus, qui, sopitis custodibus, per cubiculi fenestram euaserat. Hoc anno, Regina filium peperit ad Fanum Andree: item, proximo anno, alterum ibidem. Hoc anno, atque item superiore, magis quietæ, quam compositæ res erant: nec tam seditionum causæ, quam auctor deerat: multis cupientibus, sed nemine auso, se tumultus ducem profiteri. Nam Rex, prouisis iam hæredibus, de sua salute securior, Nobilitatem, velut ignauiam & imbellem, coepit contemnere, tanquam, aduersus domum sobole confirmatam, nihil ausuros. Ac iam ad substructiones ociosas animum adiecerat. Ad hæc, pecunia opus habebat Rex, iuxta egens ac cupiens: vnde par formido inuasit & Nobiles, & Sacerdotes, dum eam quisque tempestatem a se in alterum inclinare contendit. Interim, quoties apud familiares, de inopia publica, querebatur, altera alterius factionis opes ostentabat, velut prædam paratam, & ille, modo his, modo illis assentiens, utroque, inter spem formidinemque, suspensos tenebat. Igitur cum, ea tempestate, legati Anglorum in aulam venissent, ab eoque petijissent, ut Eboracum ad auunculum accederet, magnumque, si id faceret, operæ precium pollicerenter, ac prolixè, de sui Regis amore

amore & beneuolentia, erga eum, sponderent, factio Sacerdotibus iniquior, toto cona-
 tur, atque animi viribus, eo incubuerunt, ut Rex tempus, locumque colloquij petitum
 obiret. Id cum Sacerdotes rescissent, actum de Ordine suo, rati, nisi & congressum
 Regum impedirent, & eorum concordiam turbarent, odiorumque semina, Regem in-
 ter & proceres, iacerent. Omnes autem rationes circumspicientibus, vnum illud tum
 presenti malo remedium presentissimum est visum, si animum Regis, aduersus pe-
 cuniam infirmum, largitionibus immensis aggredierentur. Proposita ante oculos pe-
 riculi magnitudine, & fluxa & incerta promissorum hostilium fide, pecuniam domi
 & maiorem, & facile parabilem, ostentant: primum, de suo, in annos singulos, se
 10 triginta aureorum millia contributuros, ceterasque omnes fortunas, ad incerta dis-
 criminum, si res postulet, paratas fore, pollicentur: ex bonis vero eorum, qui aduer-
 sus Pontificis Romani auctoritatem, Regiamque Maiestatem rebellarent, & nouis ac
 sceleratis terroribus statum Ecclesiarum turbarent, pietatem euerterent, Magistratum
 iura tollerent, ac tot saeculorum instituta conuellerent: ex horum, inquam, bonis, in fin-
 cum relatis, posse supra centum aureorum millia annua confici, si Rex tantum (quo-
 nam ipsi, de capite ciuium ius dicere, non possent) qualem velint, iudicem ferret. Cete-
 rum, in quaestione exercenda, nullum fore periculum, aut in iudicando moram: cum
 tot hominum millia nihil dubitent, Veteris & Noui Testamenti libros contrectare, de
 Pontificis potestate, sermones serere, veteresque ritus Ecclesiae contemnendo, religionis
 20 hominibus, ac Deo sacratis, omne obsequium ac reuerentiam detrahere. Hac cum illi
 vehementer vrgerent, datus est eis iudex, ex animi sententia, Iacobus Hamiltonius, no-
 thus Comitis Araniae frater, multis largitionibus ante eis obnoxius, & qui, facinore qua-
 rumvis crudeli, Regis animum, iamdudum offensum, sibi conciliare cuperet. Venerat
 in Scotiam, circa idem tempus, Iacobus Hamiltonius, Limnuchi conuentuum iuridico-
 rum praefectus, idemque superioris Iacobi frater patruelis. Is, post diuturnum exilium,
 cum aduersus Iacobum nothum iudicium esset professus, impetrato in patriam ad tem-
 pus reditu, ac intellecto, in quanto discrimine ipse, vna cum ceteris purioris doctrinae
 studiosis, versaretur, filium ad Regem, in Fifam transmissurum, misit, qui, cum nactus,
 30 antequam nauiculam conscenderet, trepido nuncio hominem, alioqui natura suspi-
 ciosum, impleuit, rem esse capitalem, & toti Regno periculosam, nisi Rex aduersus insi-
 diatorem facinus occuparet. Rex, qui tum in Fifam properabat, iuuenem remisit Edim-
 burgum, ad conuentum, quem Scacarium vocant: ibi conuenire iussit, Iacobum Ler-
 monthium, Iacobum Kircadium, ac Thomam Areskinum: quorum primus erat fami-
 liae praefectus, alter Quaestor primarius: neuter a Religione puriore alienus: tertius Pa-
 pisticae factioni deditissimus, & Regi ab epistolis. Eis mandabat, ut nuncio aequae certam
 haberent fidem, ac si ipse praesens eadem narraret, ac annulum notum, de digito detra-
 ctum, pro tessera, ad eos misit. Hi, consilio inter se communicato, Iacobum iam pran-
 sum, ac se ad iter expedientem, domi suae comprehendunt: & in arcem dant custodien-
 dum: ipsi cum per exploratores comperissent, Rege exorato, dimissum iri, praeter publi-
 40 cum periculum, etiam sibi metuentes, si homo factiosus & potens, ac tanta ignominia
 laceratus, incolumis euaderet, non ignari, quam acerbè & crudeliter vindictam exer-
 ceret, summa celeritate in aulam prouecti, discriminis praesentiam, ingenium prauum,
 animum acrem, opesque, omnia quam suspiciosissime possunt, in maius augentes, Re-
 gi persuaferunt, ne hominem, iuxta callidum & audacem, adhuc ignominia irritatum,
 indicta causa, liberaret. Igitur Rex Edimburgum, ac inde ad Setonium profectus, Iaco-
 bum, ad causam dicendam, promi iussit, ac iudicio, more patrio constituto, damnatum,
 capite multauit: & corpore, post mortem, lacerato, partes eius in publicis vrbis locis
 suspensae. Crimina aduersus Regem obiecta, quod, certo die, effracto cubiculo, Re-
 gem trucidare, constituisset: quod cum Duglassijs, hostibus publicis, secreta confi-
 50 lia communicasset. Eius mors, ob scelerate actam superiorem vitam, paucis attulit
 dolorem, praeterquam propinquis, & Sacerdotum Ordini, qui, in eius incolumitate,
 omnem prope suarum fortunarum spem collocarant. Ab eo tempore, suspitione ad-
 uersus Nobilitatem aucta, curisque subinde animum anxium vellicantibus, insomnijs

etiam nocturnis mens ægra sollicitabatur : quorum vnum insigne circumfertur. Vide-
 re visus est Iacobum Hamiltonium, ense stricto, in se ruentem, primum dextrum, de-
 inde sinistrum detruncasse brachium : cumque comminatus fuisset, se breui, vt vitam
 quoque adimeret, affuturum, statim disparuisse. Ille trepide expectatus, cum, de som-
 nij euentu, multa secum volueret, paulo post allatum est, vtrunque filium, alterum ad
 Fanum Andree, alterum Sterlini, eodem prope temporis momento, decessisse. Interea
 cum Anglo, iamdudum infenso, neque certa pax, nec bellum erat. nulla enim armo-
 rum denunciatione, e vicina Scotia prædæ agebantur, nec Angli, de rebus reperundis
 appellati, quicquam æqui respondebant : nemini erat incertum, Henricum, ob frustra-
 tionem ad Eboracum colloqui, grauiter indignari. Scotus autem, etsi pro certo habe-
 ret, bellum instare, censumque habuisset, & fratrem, Morauia Comitem, vniuersis co-
 pijs ducem designasset, & in belli apparatu distineretur, legatum tamen ad hostem mi-
 sit, qui sine vi, si fieri posset, rem componeret : Georgio interim Gordonio, cum me-
 dioctri manu, vt incursionum licentiam inhiberet, ad Limitem misso. Angli, Gordo-
 nianorum paucitate contempta, cum, ad Ieduardum cremandum, properarent, Geo-
 rgius Humius cum quadringentis equitibus eis se obiecit : prælioque acri conferto, cum
 Gordoniani procul visi essent, metu iniecto, effusa fuga, se hosti subduxerunt : cæsi non
 adeo multi : plurimi capti. Iacobus Lermonthius, qui ad Nouum Castrum de pace age-
 bar, vix tandem responso accepto, quo belli apparatus occultior foret, vna cum Anglo-
 rum exercitu redire iussus est. Eidem exercitui occurrit Eboraci Ioannes Areskinus, & 20
 legati nuper e Scotia missi. Hi quoque ab Hauarto, qui copijs præerat, te-
 tenti : nec ante dimissi, quam Bervicum est ventum. Scotus, ante legatorum reditum,
 certior de aduentu Anglorum per exploratores factus, ad quatuordecim millia passuum
 a Limite, ad Falaum Fanum castra posuit, præmisso Georgio Gordonio, cum decem
 millibus, qui vagas Anglorum populationes prohiberet : verum is nihil, memoratu di-
 gnum, gessit : ac ne leuia quidem certamina cum hoste conferuit. Rex mirum in mo-
 dum cupiebat, prælio decernere, aduersa Nobilitate : a quibus id impetrare non poterat.
 Plenus irarum, multa in eos fudit conuicia, imbelles & maioribus indignos eos com-
 pellans, ac subinde dictitans, quando ab eis proditus esset, se cum sua familia, quod illi
 renuissent, facturum. Nec placari poterat, quanuis frequentes dicerent, satis ei ad glo-
 riam perpetratum, quod tantum Anglorum exercitum, tanto tempore collectum, ac
 Scotos ex improviso aggressum, ac magna comminantem, non modo libera popula-
 tione prohibuisset, sed, per octo dies, quos in Scotia manserat, ira continuisset, vt vix
 vnquam, vltra mille passus a Limite, sit ausus discedere : nam Bervico Anglus egres-
 sus, aduerso flumine Calsonem vsque tenuit iter : ibi certior, de Scotici exercitus ad-
 uentum, vado copias Anglus traduxit, adeo pugnae fugientes euentum, vt, cum temere &
 sine ordine in fluuium proruerent, vt quisque transierat, signis relictis, qua proxime
 possent, domum properarent. Nec Gordonius interim, qui hæc e propinquo prospicie-
 bat, quicquam mouebat : hanc ob causam, Rex aduersus eum odium implacabile con-
 ceperat. Maxuallius, vt Regis iram ex parte leniret, promittebat, si sibi decem tantum 40
 millia permitterentur, se per Soluam in Angliam penetraturum, ac opera præcium
 facturum : quod adeo præstare poterat, nisi Rex, proceribus insensus, Oliuero Sincla-
 ro, Rosselini Comarchi fratri, literas dedisset occultas, quas in tempore promeret : in
 eis scriptum erat, vt exercitus vniuersus Oliuerium, pro duce, agnosceret. Id consilium
 eo spectabat, ne, si quid felicius gestum foret, rei prosperæ gloria penes proceres esset.
 Cum iam in hosticum esset peruentum, ac circiter quingenti equites Angli in propin-
 quis collibus cernerentur, Oliuerius a sua factione in altum elatus, ac duabus hastis in-
 nixus, Regias profiteri literas iussit, quarum lectio adeo totum exercitum offendit, &
 in primis Maxuallium, vt, ordinibus solutis, omnes confundi ac misceri statim coepe-
 rint. Hostes, homines militares, sed nequaquam ad tantæ rei expectationem coacti, 50
 cum eam omnium rerum perturbationem e loco superiore intuerentur, magno (vt eis
 mos est) cum clamore trepidos, inter pugnae & fuga consilium, aggressi, pedites, equi-
 tes, & calones confusos in paludes proximas adigunt : ibi multi ab Anglis, plures a
 Scotis

Scotis latronibus capti, & Anglis diuenditi. Calamitate exercitus, ad Regem, qui non
 procul aberat, delata, supra quam credi potest, commotus, indignatione, ira, moestitia
 animum in diuersa trahentibus, nunc in vindictam de suorum (vt ipse dicebat) per-
 fidia promptus, nunc in nouum belli apparatus, & rationem rerum gerendarum inten-
 tus erat. Id autem, inter res prope perditas, optimum est visum, vt, inducijs cum An-
 glo factis, Archibaldum Duglassum, Angulæ Comitem, quibuscunque posset conditio-
 nibus, reuocaret. Interim, vigilijs & inedia vires corporis labefactantibus, animo euri
 obruto, intra paucos dies moritur, XII. die Decembris, relicta filia hærede, ante quin-
 tum diem nata, Sepultus fuit, postridie Id. Ian. in Cœnobio Sanctæ Crucis, prope Mag-
 dalenam priorem coniugem. Erat ei, dum viueret, facies & compositio membrorum
 decora, statura mediocris, supra corporis modum, vires: ingenium acre, sed quod, vitio
 temporum, parum fuit excultum. Victu utebatur parco, vino parcissime: laboris, algo-
 ris, æstus, inedia patientissimus. Sæpe in equo sedens hiemæ asperissima diem, noctem-
 que continuabat, vt latrones inopinantes domi deprehenderet: illaque celeritate, ran-
 tum sui metum incusserat, vt, velut eo semper præsentē, amaleficijs se continerent.
 Tanta moris patrij erat scientia, vt, de rebus grauib, etiam per iter, summa cum æqui-
 tate expeditissime responderet: additus etiam pauperioribus ad eum erat facillimus.
 Ingentes autem virtutes vicia prope adæquabant, sed quæ temporis magis, quam na-
 turæ videri poterant: omnium enim rerum licentia disciplinam publicam soluerat,
 20 quæ, nisi magna seueritate animaduersionis, fisci non poterat. Pecuniæ autem id fece-
 rat auidiorem, quod, cum alienæ potestatis esset, in summa parsimonia educatus fuisset:
 & cum primum sui iuris esset factus, in vacuas ædes ingressus, direpta suppellectil, omnis
 ei simul Aulæ partes denuo erant exornandæ: proprium autem Regum patrimonium
 in eos, quos minime voluisset, vsus, curatores eius absumpserant. Ad mulieres autem
 priorem eum reddiderant adolescentiæ educatores, qui, hac ratione diuulsi-
 me cum sibi obnoxium fore, arbitrabantur. Nobilitatis magna pars eius
 mortem non adeo moleste tulit, vt quorum alios exilio multauit
 rat, multos custodijs coercuerat: alij, metu seueritatis eius,
 nunc ad pristinum contemptum ira recenti adiecta,
 maluerunt, Anglo se hosti dedere, quam sui
 Regis iræ se committere.



R E R V M
S C O T I C A R V M
H I S T O R I A

Auctore Georgio Buchanano Scoto.

L I B E R D E C I M V S Q V I N T V S .



RE, in ætatis flore, non tam morbo, quam moeroris vi, extincto, motibusque superiorum temporum, inopinato euentu, sopitis
verius, quam compositis, tanta prudentioribus imminere videbatur tempestas, quantam vix vlla proximorum seculorum memoria aut ex maioribus audierat, aut ipsa meminisset. Neque Rex domi suprema ordinauerat, & puellam, octauo, ante eius mortem, die natam, heredem reliquerat: & Nobilitatis duces, in quibus aliquid auctoritatis fuerat, vel suo fato functi erant, vel apud hostem exules, aut captiui retinebantur: Nec fuissent, si domi, vel ob odia priuata, vel, ob dissensionem de Religione, viuo Rege, metu compressam, & mox, animis metu solutis, erupturam, inter se discordes, quicquam erant pro sanis acturi. Accedebat ad hæc bellum externum, aduersus Regem potentissimum: qui quomodo esset vsurus victoria, multi, pro sua cuiusque spe, aut metu, varie differebant. Qui secundus erat hæres, vt nec, ad priuatam vitam degendam, virtutibus multum vulgo præstabat: ita neque consilio, ad Regnum gerendum, neque fortitudine erat insignis. Cardinalis, in publicis malis locum crescendi sibi esse, ratus, vt & Ordini, & Gallicæ factioni se ostentaret, facinus, & audax & impudens, est aggressus: conducto enim Henrico Balfurio, sacrificulo mercenario, falsum testamentum Regi subiecit: in quo ipse se, tribus Assessoribus e potentissimis procerum adiectis, in summo Magistratu collocabat. Spem ei, id consilium successurum, faciebat Comitæ Araniæ minime turbidum, & a periculis ad quietem pronum ingenium, & generis propinquitas: erat enim ex amita Cardinalis natus: & ipse vnus ex possessoribus, velut in partem dominationis assumptus. Occasio item supremæ potestatis inuadendæ, & celeritatis egere visa est, vt captiuorum & exulum ex Anglia reditum præueniret, ne quid, in approbatione sui honoris, eis integrum relinqueret, quorum & potentiam & gratiam formidabat, & mentem a se alienam, ob diuersum pietatis cultum, non dubitabat. Ea causâ fuit ei, vt statim, post Regis interitum, edictum, de quatuor Gubernatoribus eligendis, promulgaret. Adiecit etiam factioni suæ quosdam procerum, donis & pollicitationibus illectos: ac maxime Reginam, aduersis partibus non satis æquam. Hamiltonius autem, aduersæ factionis princeps, homo minime ambitiosus, quietem oblatam videbatur amplexurus, si per propinquos licuisset: qui suæ magis libidini studebant, quam, de eius honore, erant solliciti: hi, die noctuque, iuuenis animum spe implebant, & hortabantur, ne fortunam, vltro se offerentem, e manibus labi sineret: omniaque commisceri malebant, quam in vitæ certa, & priuata conditione conuiuiscere. Præterea multos eis conciliabat amicos Cardinalis odium, indignitasque, sub Sacrificuli imperio, seruitutis. Suberat & spes, incerta quidem illa, sed tamen

tamen, ad hominum studia excitanda, non inefficax, quod, cum Hamiltonius secun-
 dus esset hæres, multi secum reputabant, PVELLA paucorum dierum, quæ sola cum
 anteiret, quod ante nubilem ætatem vel casibus fortuitis esset obiecta, vel, tutorum
 fraude, periculis obnoxia. His, in longum fundamenta potentie struentibus, consultis-
 simum est visum, qui ex præsentie rerum statu se offerebat, fructum non negligere: &
 futurum Hamiltoniorum incrementum spe amplecti: quæsi sefellisset, non difficilem
 apud nouam principem, gratiam hominum in Regni initio colligentem, & si quid se-
 cus euenisset, veniam. Dum in Scotia hic rerum est status, Anglus interea in lætiti-
 am, ob victoriam insperatam, effusus, principes captiuorum Londinum accersit. Biduo in
 10 arce conclusi, die sacro Thomæ Apostolo, qui est Decembris xx. per urbem, qua lon-
 gissima est, ac velut ad publicum spectaculum, per ora vulgi traducti, cum tandem ad
 aulam Regiam peruenissent, ibi a Cancellario Anglo grauius increpiti, tanquam fœ-
 deris violatores, ac verbis amplissimis bonitate & clementia Regis laudata, qui multum
 de suo, aduersus eos, iure remisisset, per familias, laxiore custodia, distribuuntur. Erant
 autem ei ex Ordine supremo septem: præterea, honesto loco nati, viginti quatuor.
 Verum, ante triduum, renunciato, Regem Scotorum, vnica filia hærede superstitie, de-
 cessisse: hic occasio peropportuna Anglo visa est, per concordiam Scotos Anglis coniun-
 gendi, eorum Regina filio suo dispensa. Itaque, reuocatis in Aulam captiuis, & per ho-
 mines idoneos eorum animis prætentatis, blandius eos appellatos, operamque suam
 20 pollicitos, quatenus aut sine publico detrimento, aut priuata infamia possent, Calend.
 Ian. incurre Anno millesimo, quingentesimo, quadragesimo tercio, Scotiam versus
 dimisit. Cum ad Nouum castrum venissent, ac Thomæ Hauarto, Duci Norfolciæ, obsi-
 des dedissent, cætera liberi ad suos redierunt. Redierant vna cum eis Duglassij fratres,
 post decimum quintum exilij annum, patriæ restituti: omnes autem cum partis maio-
 ris gratulatione recepti fuerunt. Cardinalis, qui, hanc tempestatem in se intentam, vide-
 bat, non dubius, quin & captiuos & exules, in comitijs, aduersarios esset habiturus, cu-
 rarat, vt, ante aduentum eorum, ipse Prorex eligeretur: verum is honor haud diuturnus
 ei fuit: nam, paucis post diebus, fraude eius in falso testamento Regi subiiciendo depre-
 hensa, honore deiectus, & Iacobus Hamiltonius, Araniæ Comes, Prorex dictus: alijs,
 30 quod Regni proximus esset hæres, iam tum gratiam occupantibus: alijs Cardinalis cru-
 delitatem in quæstionibus de Religione, tanto ante prospicientibus. Eum timorem au-
 xerunt codicilli, post Regis interitum, reperi, in quibus supra trecentorum, & prima
 Nobilitate, nomina continebantur: &, inter hos, in primis, qui Prorex postea factus
 est, in crimen vocabatur. Eius igitur electio, quia, multorum pericula subleuatura, vi-
 debatur, & superbiam Sacerdotum compressura, maiori parti hominum admodum
 grata fuit: ipse quoque libellos, qui controuersias, de Religione, continebant, li-
 benter lectitabat, & vitæ superioris quies, procul ab aulica ambitione remota, spem
 animi modesti & temperantis multis faciebat, Magistratu nondum torporem & so-
 cordiam ingenij detegente. In conuentu, qui, mense Martio, habitus est affuit Radol-
 40 fus Sadlerius, Eques, ab Anglo legatus, qui nuptias & pacem publicam procuraret, &
 alios promissi admoneret, alios (vt fama circumferebat) pecunia tentaret. Huic paci
 cum Regina Cardinalisque, cum tota Sacerdotum factione, non solum repugnaret,
 sed obturbando, & alios interpellando, nihil decerni pateretur, communi prope
 omnium consensu, Cardinalis in cubiculum seorsum seclusus est, dum sententia
 perrogantur. Eo semoto, de matrimonio Regina, deque alijs conditionibus fa-
 cile consensum: obsides etiam, hæc firma fore, Anglo promissi. Cardinalis, depre-
 cante Regina vidua, liberiore custodia apud Seronium habitus: eo pecunia persua-
 so, breui post est dimissus. Cum iam, post grauissimam imminentis belli formidi-
 nem, pax cum summo vtriusque Regni emolumento confecta in perpetuum videre-
 50 tur, qui iam aliquot annos a negotiando cohibiti erant, mercatores certatim in
 mare prouolant: quam possunt pro tempore plurimas, preciosissimis mercibus na-
 ues onerantes. Edimburgum duodecim, ceteræ illius oræ vrbes (quæ pars est Scotia
 opulentissima) pro viribus quæque ornant. Hæc classis, fiducia pacis Angliæ, litus

CIS. 12.
XLIII.

RERVM SCOTICARVM

propius, quam alioqui necesse erat, legens, cessante vento, alibi stabat ad anchoram, alii tutos portus erant ingressi, opportuna Anglis ad omnem iniuriam, si quis belli motus oboriretur. Eodem fere tempore, redierant e Gallia Ioannes Hamiltonius, Abbas Pasletensis, & Dauid Panitarius: hi, multorum annorum abiecta persona, ad veros mores reuersi, & velut in schola non pietatis, sed nequitiae se exercuissent, Aulæ omnium flagitiosorum antesignani erant. Cardinalis, insperata libertate potius, homo superbo ingenio natus, & repulsa accepta, ac fraude detecta, ignominia etiam accensus, omnes circumspicit turbandæ concordiae rationes. Primum, re communicata cum Regina vidua, communiter ambo indignabantur, Duglassianos, ob multa magna beneficia, certissimos Angli clientes, statim ab exilio, in concilia de summa rerum accitos: & receptæ Religionis mutationem omnes pariter formidabant, quæ, secum Gallici foederis solutionem allatura, videretur. Ibi, de Reginae consensu, Cardinalis, coactio, Sacerdotum conuentu, & magna ab eis extorta pecunia, quæ imminentem vniuersæ Papanæ Ecclesiæ ruinam auerteret, primum parte eius compluribus aduersæ factionis hominibus clavis representata, & adiectis multis magnisque pollicitationibus, persuadet, ne obsides promissos Anglo traderent: & qui nuper e captiuitate redierant, ab eis pariter impetrat, vt liberos & propinquos, nuper hosti datos, posteriores legibus & salute publica habeant, & religione pristina: cuius incolumitas in hoc vno momento verteretur: neu se in perpetuam seruitutem vltro præcipitent. Præterea curat per Sacerdotes, vt Regis Angliæ Legatus superbe contemneretur: per operas vero & scurras, contumeliosis verbis comites eius acciperentur: eorumque dicta & facta in peiorem partem raperentur. Verum Legatus, obstinato aduersus omnium contumelias animo, nequam ipse dissidij occasionem dedisse videretur, statuit, diem tradendis obsidibus dictum opperiri. Is cum venisset, Proregem adiit: de quæ probris, non tam sibi, quam Regi suo illatis, iurisque gentium contemptu grauitur questus petit ab eo, vt iuxta foedus, non ita pridem factum, obsides tradat, amicitiamque, nuper initam, sanctam & inuiolatam, ex vtriusque gentis commodo, seruandam curet. Ille, de contumelijs Legato factis, se excusat, ac nolle factum dicere, breuique, quæstione habita, operam daturum, vt eorum petulantia poena sit erga gentem Anglorum sui studij & voluntatis testimonium. Quod ad obsides attinet, Ego, inquit, nec a volentibus impetrare, nec inuitos cogere possum: id genus enim est imperium, quod gero, vt non minus iuris accipiam, quam dem. Itaque, tanta seditione, quantam ipse vides, a Cardinali excitata, omnes meæ rationes conturbatae sunt, vt, vi publici furoris abreptus, nihil de me certi confirmare possum. Iam negatis nouis obsidibus, incidit & altera, non minor consultatio, de Nobilibus ante paucos menses bello captis, qui obsides dederant, ac sancte promiserant, se, pace, quam Anglus petebat, conditionibus minime iniquis non confecta, redituros. Eos enim factio Cardinalis reliquusque Sacerdotum Ordo partim rationibus & exemplis contendebat, rem, propinquos, liberos, & si qua alia hominibus debeant esse iucunda, patriæ charitati posthabenda: parum minas a Gallicis auxilijs, & coniurationem totius Europæ, in maiorum ritibus & ceremonijs propugnandis, crimenque proditæ patriæ, & veterum familiarum imminentis interitus intentabant: orabantque, ne, tam periculoso tempore, patriam desererent, qua salua, liberos & propinquos alios sperare possent: perdita, spes reliqui temporis vna periret. Multa quoque, de inexpiabili harum gentium odio, deque Regis, in cuius potestatem venturi erant, crudelitate, vera falsis mixta commemorabantur: iactabatur etiam decretum concilij Constantiensis, quod, pacta, contracta, promissa, iurata hæreticis, irrita esse, iubet. Cum maior parseorum, quos ea res attingebat, facile qualemcunque suæ culpæ excusationem acciperent, inuentus est vnus, Gilbertus Kennedus, Cassilissæ Comes, qui, nec pecunia abduci, nec minus depelli de constantia fidei seruandæ, posset. Is, cum binos fratres obsides in Anglia haberet, palam professus est, se in custodiam rediturum: neque, vllq̃ metu obiecto, commissurum, vt suam duorum fratrum sanguine vitam redimeret, ac recta Londinum, multis reclamantibus, est profectus.

Rex

Rex & iuuenis constantiam laudauit, & vt locum virtuti apud se omnes scirent, mun-
 ribus donatum, vna cum fratribus, donum remisit. Sed nec placatione erat erga Kennes-
 dum Henrici animus, quam erga ceteros Scotos ira implacabilis: itaque nauibus Scoti-
 torum, quatum (vt diximus) satis magnus numerus in portibus & stationibus Anglorum
 stabant, retentis, statim bellum indixit. Nec obscure non modo foederum, sed etiam
 iuris gentium violatoribus minabatur, cum in tam precipiti statu regnum Scotorum
 staret, tantum abest, vt vel cognationis memoria, vel communis patrie charitas, vel
 salutis publicae respectus animos permoueret, vt multo acius seditionis faeces accende-
 rentur. Factio enim Cardinalis, & Regina vidua, quae omnia trahebat ad Gallos, mis-
 10 sis ad eos legatis, ostendebant, nisi quid in eorum subsidijs opis esset, nunc in ipso ar-
 iculo rem esse, vt Scoti & Angli in vnam ditionem coirent: id quae ex usu terrae Gal-
 lia foret, aliquot seculorum experientia esse compertum. Illud autem in primis a
 Gallis petebant, vt Matthaeus Stuartus, Leuina Comes, domum ad suos remittere-
 tur: vt qui non solum Hamiltoniae familiae esset aemulus, sed etiam, patre ad Limnu-
 chum ab eis caeso, capitalis inimicus. Huic iuueni, praeter, in ipso iuuentute flore, for-
 mam egregiam, & corporis dignitatem, conciliabat omnium animos patris, hominis
 maxime popularis, memoria, & solitudo, & pericula familiae clarissima, iam ad pau-
 cos redacta: multae domi clientela: magna familiae propinquitatibus coniuncta. Ad
 id, proximi Regis iudicium, qui, si absque mascula stirpe liberum decederet, hunc
 20 sibi heredem & successorem destinabat: eamque voluntatem, si diutius vixisset, con-
 uentus publici (penes quem est omnium rerum summa potestas) decreto confirma-
 turus credebatur. Neque deerant adulescentes, qui animum, generosum quidem, &
 magnarum rerum expectatione iam erectum, sed aduersus fraudes incautum, ad spes
 ampliores excitarent: praeter enim summum, in annos prope viginti proximos, im-
 perium, & in veteres inimicos dominationem, etiam Reginae viduae nuptias sponde-
 bant: & si quid humanitus interea puellae, penes quam tum Regium nomen erat, ac-
 cideret, cum haud dubie Regem futurum: nec Regem modo, sed & Iacobi Hamil-
 tonij, proxime defuncti, legitimum heredem: quando Prorex northus esset, ac non
 modo Regni, sed ne suae quidem familiae hereditatem iure posset sperare. Accede-
 30 bant Francisci, Regis Francorum, adhortationes, & spes ostentata, & auxilia in tem-
 pore promissa. His rebus, cum simplex & credulus iuuenis animus facile impelleretur,
 profectionem in Scotiam adornat. Horum tum nihil cum Hamiltonius ignoraret,
 vt & ipse suae parti vires adijceret, de consilio, quibus maxime fidebat, amico-
 rum, statuit, Reginam, quae adhuc in matris potestate erat, e Limnuchum tollere:
 ea enim ad se traducta, non modo Regij nominis umbram, quae plurimum apud mul-
 titudinem valet, se penes fore: sed puellae collocandae, atque etiam Regni, quod vel-
 let, transferendi, se arbitrum futurum. id si consecutus fuerit, tum Anglum polli-
 citationibus duci: vel, si necesse sit, partibus adiungi posse. Hoc consilium cum
 summo opere placuisset, vt, in civilibus dissensionibus, exploratoribus, omnia utrin-
 40 que obseruantibus, nihil occultum esse potest, ad Cardinalem statim est delatum: is,
 coactis, quos sibi e Nobilitate pecunia conciliauerat, Limnuchum venit, ac ma-
 gno cum ciuium damno, dies aliquot, Reginae praesidio fuit. Interea Leuinius e Gal-
 lia appulit, & amice Prorege salutato, dissimulatis utrinque odijs, Limnuchum con-
 tendit. Ibi conuento Cardinale, domum suam profectus, in concilio amicorum lon-
 go sermone explicauit, a quibus accersitus, cuius iussu, quae spe frater, quibus conditio-
 nibus venisset: nec summum magistratum modo, sed nuptias Reginae viduae ab ipsa
 factionisque principibus ablatas: Ab Rege Gallorum, ad haec perficiunda, fauorem
 opesque, & sicubi opus esset, auxilia sperare iussum. Cunctis assentientibus, atque
 adhortantibus, ne fortunae sese offerenti, deesset, plus minus quatuor millibus ho-
 50 minum comitatus, ad Reginam venit. Hamiltonius, qui, delectu habito, congre-
 gatusque Edimburgum amicis, ad Reginam perumpere, decreuerat, iam se viribus
 inferiorem cernens, ex amicorum consilio, & suo ingenio ad concordiam propen-
 sior, de pacis conditionibus tractare, coepit. Missis ab utroque summae prudentiae viris,

ad Liffonem vicum, medio fere inter Edimburgum & Linmochum spatio, in hac conditione conuentum est, vt Regina Sterlinum traduceretur Educationi eius, qui praesent, quatuor primi Ordinis procures eligerentur, qui neutri se factioni implicuissent. Nominati, Gulielmus Gramus, Ioannes Areskinus, Ioannes Lindefrus, & Gulielmus Leuistonius, viri clari, & illustrium familiarum principes. Hi, ex comitum partium decreto, Regina accepta, viam, qua Sterlinum fert, ingressi sunt, stante sub armis cum suis Leuisto, donec extra periculum a factione aduersa esset peruentum: nec multo post, peractis consuetis ceremonijs, acceptisque imperij insignibus, ad xij. Cal. Septembr. Sterlini Regnum inijt. Prorex autem, cum nec fauore vulgi, ob inconstantiam a se alienati, nec viribus se parem aduersae factioni videret, & ipse per occultis colloquia tractare coepit, & Cardinalis, qui per matrem Proregi genere propinquus erat, eum terrore inlecto, potius ad se traducere, quam vi armorum opprimere volebat. Igitur cum eum, parte procerum largitionibus ante detracta, domi infirmiore, & Angliis vilio rem reddidisset, & ad consentiendum iniquo foederi, coegisset, per familiares, apud quos pecunia, quam honesti studium erat potentior, Sterlinum perduxit: atque, vt infamia flagitij minueretur, ad vulgus, non propalam, sed in aede Franciscanorum, praesente Regina vidua, & aulicorum primoribus, sententiam suam, de Religionis capitibus controuersis, Prorex mutauit, ac, metu litris de fortunis omnibus intentata, se ita Cardinali reddidit obsequentem, vt, de imperio, solam auctoritatis umbram retineret. Hoc modo Cardinalis, quod supposito falso testamento perierat, Proregis ignauia, & propinquorum eius auaritia est consecutus, vt omnibus Regni commodis frueretur, & inuidia careret. Id vnum, ad stabiliendam potentiam, restare videbatur, vt Leuinium, molestum consiliorum suorum interturbatorem, abigeret: tandem cum Cardinale Regina vidua hunc ordinem rei gerendae constituit, vt interim, dum responsum a Rege Gallorum expectatur, ipsa iuuenis animum suspensum, spe nuptiarum iniecta, teneat. Scripserant autem de Leuinio ad Gallum honorifice: neque enim negare poterant, eius maxime, secundum Deum, opera, se in libertatem vindicatos: Nunc, Regis liberalitate & subsidio, rebus in Scotia tranquillis, eum orant, vt suum beneficium tueretur, ac pacem a se praestitam, reuocato Leuinio, confirmet: Neque enim aliter res diu fore pacatas, sine factionis alterius pernicio. Hac occulte aduersus Leuinium tentabatur. Ipse interim varijs ducebatur artibus, ab Regina vidua & Cardinale, Aula, in luxum & lasciuia soluta, ludis & conuiujs indulgebat: dies equestrium certaminum simulacris, nox personatis saltationibus strepebat. In hac cum Leuinius & natura procliuus, & aulae Gallicae consuetudine exercitatus esset, accessit amulus, Iacobus Hepburnus, Comes Bothuellae, qui animum, quamuis languentem, exstimularet: is enim ab Iacobo Quinto relegatus, ac statim, eo mortuo, domum reuersus, eisdem artibus Reginae viduae nuptias ambiebat: & eminebant in vtroque natura & fortunae dotes, magis similes, quam aequales. Itaque, cum Bothuclius caetera pene par, in omni autem certamine & armorum ludicra meditatione esset inferior, aula relicta, domum concessit. Leuinius, amulo remoto, cum caetera facilia & prona existimaret, ac, promissa Reginae & Cardinalis representari, vehementius postularer, intellexit demum, se, fraude circumuentum, ludibrio haberi: inimicum suum, Hamiltonium, per eos ad opes, auctoritatem, & in omnium vitam, & fortunas potestatem promoueri. Iuuenis, malarum artium insolens, & qui aliorum ingenia de suo aestimaret, ita ira exarsit, vt nec verborum acerbitate abstinere: ac sancte iuraret, se inopiam, exilium, mortem, denique potius quiduis perpeffurum, quam vt tantam contumeliam inultam relinqueret. Itaque cum, totus in vindictae cogitatione, sed consilij adhuc dubius, Britannodunum se remouisset, ibi ad eum deferuntur triginta Scutorum millia, a Rege Gallorum (nondum enim certo compererat, quo in statu Scotorum res esset) missa, vt, hac pecunia, vires factionis auget. Ea res agrum animum aliqua ex parte erexit, quod, a Rege Gallo se nondum desertum, crederet. Cum autem, in pecunia distribuenda, iuberetur, vti Regina viduae & Cardinalis consilio, partim ipse suis amicis diuisit, partim ad Regnam misit. Cardinalis, qui totam eam praedam spe deuorauerat, & hoc lucro se fraudatum, & igno-

& ignominia affectum, grauitè ferens, Proregi auctor fuit, vt, exercitu statim comparato, Glasuam proficisceretur: non dubius, & Leuinium, & pecuniam ibi pariter opprimi posse. Eorum consilio ad Leuinium perlato, ille ex amicis & clientibus breui supra decem millia hominum coegit: hanc autem vt multitudinem facilius conficeret, multum iussit procerum quorundam indignatio, qui, ab initio, & Religionis studio, & Cardinalis odio, Proregem ad summum honorem euexerant, ac tum priorem beneuolentiam in odium commutauerant, quod ille, amicis optime meritis non modo inconsultis, sed, quod in ipso erat, proditis, hosti immanissimo se & illos, in seruitutem, dedisset. Itaque hic animorum habitus nouam, & vix credibilem, rerum Scotticarum fecit mutationem, vt, prope integris partium viribus, duces modo alij accederent. Hamiltonio, cum propinquis, ad Cardinalem & Reginam viduam adiunctis, eius autem prioribus amicis se Leuinio aggregantibus. Cum eis ergo copijs repente coactis, Leuinus Letham venit: misitque Edimburgum ad Cardinalem, qui denunciarent, nihil opus esse, vt se Glasuam oppugnatum venirent: se enim, primo quoque die, sui copiam in campis, qui Letham Edimburgumque interiacerent, facturum. Cardinalis, qui, Prorege in suas partes tracto, aduersa factionis opes & animos fractos rebatur, neque, quenquam fore, sperabat, qui secum acie congredi auderet, cum se, præter opinionem, viribus inferiorem cerneret, conflictum quidem verbo non recusabat, sed rem, de die in diem, varijs moræ causis interpositis, differebat: gnarus interim, Leuinium non posse, diu voluntariorum exercitum, sine stipendijs, aut comœatu in longum tempus prouiso, continere: assidue precibus & pollicitationibus eorum, quos idoneos putabat, animos tentabat, si quos ad se traducere posset. Leuinus, cum, hostem ducere bellum, videret, nec vlla ratione præliorem commissurum, seque ad obsidionem omnibus rebus necessarijs imparatum, præterea colloquijs nocturnis quosdam suorum cum hoste iam transegisse, vt se ex ijs angustijs quamprimum explicaret, amicis, qui iam sibi occulte prospexerant, urgentibus, pacisci cum Prorege, fuit coactus. Itaque Edimburgum ad eum profectus est, atque aliquot dies ibi, tanquam odiorum veterum obliti, vna transegerunt. Tandem vbi Limnuchum est ventum, hic Leuinus, per amicos admonitus, sibi occultas parari insidias, Glasuam de nocte clam se contulit, arceque Episcopali comœatibus & præsidio quantum satis videbatur, communita, Britannodunum concessit. Illic magis dilucide cognoscit, Duglassios cum Hamiltoniis conuenisse. Et quia ex pristinis similitudinibus suspiciones inter factiones adhuc reliquæ erant, Georgium Duglassium, & Alexandrum Cunninghamium, alterum pro patre, alterum pro fratre obsides datos: id quidem quanquam in speciem, & firmioris concordie simulationem factum fuisset, promissumque foret, eos intra paucos dies liberatum iri, tamen, vsque ad Anglici exercitus aduentum, detenti fuerunt, Hamiltoniis nunquam securis, donec proceribus, in quibus aliquid animi aut virium esset, sublati, eorum supplicij terrore, ceteros a tumultuando compescerent. Præter hæc, circa idem tempus, fit certior Leuinus, Franciscum Regem, inimicorum calumniis, esse alienatum. Interea, Glasuam venerunt Arcibaldus Duglassius, Angulæ Comes, & Robertus Maxuallius, clarissimæ familiæ princeps, ad controuersias (si fieri posset) inter Proregem & Leuinium, sedandas: sed, qui Proregi erant a consilijs, persuaserunt, vt ipsi pacis interpretes retinerentur: itaque per posticum ædium, ne quis tumultus in opido fieret, educti, in custodiam, ad arcem Hamiltonium, mittuntur. Hoc statum rerum in Scotia, nec Anglijs, quam Scottorum præstantissimis, Proregi in seniores, Henrico Regi visa est occasio, non modo foederis, sed insurgentijs violati pœnas expetendi: ac prius, quam vi & armis quicquam attentaret, literas minarum & iustæ querelæ plenas ad Edimburgenses misit, iure intrepans, quod amicitiam suam, qua facile carere non possent, oblatam, adeo arroganter reieccissent: nec reieccissent modo, sed, beneficijs prouocari, belli semina spargerent: & ipsum inuitum ad arma cogerent. His literis, cum nihil profecissent, magnas nauales copias, quas tum in armis habebat, in Morinos primo quoque tempore traiecturas, in Scotiam vela facere, iussit: ac Edimburgum & Letham (quæ opida præcipue Legato eius insultauerant) & regiones circum circa omnibus belli malis affligere. Naues eo delatæ, paulo supra Letham, peditum decem

millia, quartodie Maii, exposuerunt, ac, nullo repugnante (ciues enim, negotiandi causa,
 plerique omnes aberant) opido potiuntur, Prorex & Cardinalis, qui tum Edimburgi
 erant, cum, ab omnibus rebus imparati, omnia circumspicerent, tantus eos repente
 terror inuasit, ut quatuor illos viros, genere & factis nobilissimos (quorum ante me-
 minimus) captiuos e custodijs eduxerint, nullo certe incolumitatis publicae respectu
 sed simul veriti, ne propinqui & clientes eorum aut militiam recusarent, aut se cum ho-
 stibus coniungerent, simul, ut populi, multis de causis a se alienati, beneuolentiam redi-
 merent: ipsi autem, & ciuium & hostium pari odio se committere non ausi, Limnachum
 perfrugerunt. Angli, Lethae triduum morati, dum impedimenta machinasque expo-
 nunt, sese, ad congregandam, parant: aliarum autem rerum cura expediti, Edimbur- 10
 gum ducunt: &, vrbe spoliata, ac deinde incensa, ad vicinas circa regiones depopulan-
 das, dispersi, multos pagos, arcesque nonnullas, & villas hominum Nobilium ferro,
 flammaque euastarunt. Edimburgo dein Letham reuersi, ac secundam tempestatem na-
 ti, ignibus in adificia immisis, naues soluerunt. Per id tempus, Leuinius certior est fa-
 ctus, calumniis inimicorum, Regem Franciscum esse penitus alienatum: frequentibus e-
 nim literis & nuncijs, aduersa factio Gallo persuaserat, vnum esse Leuinium, qui ob
 veteres cum paternis hostibus inimicitias, publicam Scotorum concordiam remoraretur:
 eum esse caput factionis, Proregi aduersantis, & Anglis amicae: & qui privatis magis in-
 dialgeret odiis, quam causa communi faueret: cum si Rex in Galliam reuocaret, inter
 ceteros facile pacem colituram. Haec cum Leuinius, de se ab inimicis ad Regem delata, ex 20
 amicis rescisset, scripsit & ipse ad eundem, quo in statu rem Scoticam comperisset: quan-
 to suo & amicorum labore, utranque Reginam vindicasset in libertatem, easque rerum
 potentes fecisset, fracta partium aduersarum potentia, atque, e turbulentissima tempestate,
 rem in summam tranquillitatem restituisset: nec sibi quicquam fore gratius, quam in Gal-
 liam, in qua prope diutius, quam in Scotia vixisset, redire, hominumque charissimorum
 suauissima consuetudine frui. Verum, se, non sua sponte, sed Regis missu, in patriam re-
 uersum, nec quicquam ibi gessisse, cuius aut ipsum, aut Regem poenitere debeat: quod si
 fauore pristino non destituatur, se breui facturum, ut non modo spem de se conceptam
 aequet, sed etiam superet: sin, in medio rerum cursu, nunc reuocetur, non solum res pra-
 clare inchoatas se relicturum imperfectas, sed amicos, propinquos, & clientes, quos, ad 30
 causam publicam suscipiendam, impulerit, & sumptu & laboribus pene affligerit, in ser-
 titutem & cruciatum, crudeli & impio tyranno traditurum: qui, quantum in se erat, Re-
 ginam & Regnum hostibus venum dedit: pacta, & promissa cum hominibus nihilo
 sanctius obseruet, quam pietatis aduersus Deum cultum: quem, intra paucos annos, iam
 tertium mutauit: nec id in eo mirandum, qui promissa & iurata, non fidei firmandae
 vincula, sed perfidiae occultandae latibula, existimaret. Illud autem se magnopere optare,
 ut Regia maiestas, & qui a consiliis sunt, cogitent, vtri potius fides, in re tanta sit habenda:
 eius, cuius omnes maiores se, suam vitam, opes, honores ad eius amplitudinis emolu-
 menta contulerint, & multis beneficiis, non tam laborum praemiis, quam bene prome-
 ritorum testimoniis, aucti, cumulari, & honorati fuerunt, quam homini, ad omnem 40
 leuissimi rumoris auram, inimicos amicosque mutanti, & a solius fortunae arbitrio, pen-
 denti. Haec quamquam plurimi vera non ignorarent, tamen Gallus a Gufianis, Reginae
 viduae patre & patruo, omnibus in rebus eius opes & auctoritatem agentibus, oblectus,
 aduersus Leuinij deprecationem aures animumque ita affirmarat, ut, Ioannem Cam-
 bellum, hominem & spectatae fidei ab eo missum, nec audire, nec omnino in suum con-
 spectum venire pateretur, ac prope in custodia habuerit, obseruarique iusserit, ne consilia,
 quae in aula Gallica agitantur, ad suos perscriberet. Nec defuerunt tamen, qui omnia
 efferrent. Haec cum ad Leuinium perlata fuissent, pudor simul & ira in diuersas cogitati-
 ones agrum animum rapiebant: pudebat, irritum incepto discedere: multo etiam magis,
 quod, amicis & propinquis, quorum omnes fortunas in discrimen secum traxerat, nisi 50
 sola morte satisfacere se posse, non arbitraretur. Ceteris irascebatur, ac in primis Reginae
 viduae, & Cardinali, quorum perfidioso ludibrio, in has angustias erat coniectus: sed ma-
 xime omnium, de Rege Galliarum querebatur, qui in arenam deductum, in ipso rerum
 secundarum

secundarū cursu, destruxit, & se inimicis coniunxit. Cum in hac inopia consilij fluctuaret, ad eum affertur, omnes circa Grampium montem habitantes, qui arma ferre possent, edicto iussos, ad certum diem Sterlinum adesse, ac, decem dierum commearu parato, quo Prorex duceret, sequi. Nec minus impigre rumore res consecuta est. Prorex enim, exercitu ad diem dictum confecto, Glascuam ducit. Ibi cum arcem, decem dies obsessam, aeneis tormentis conuerberasset, frustra tandem, induciis in vnum diem factis, & custodibus per colloquia tentatis, incolumitate praesidarijs promissa, arx dedita est: in omnes tamen, praeter vnum & alium, est sauium. Leuius interea desertus a Gallo, omnisque alterius auxilij spe praecisa, per amicos Angli erga se animum explorat. In Anglia, omnibus ex sententia succedentibus, cum eo proficisci statuisset, cuperetque, Hamiltonios, ante suum discessum, insigni aliqua clade afficere, ea de re, consilio cum Gulielmo Glencarniae Comite, habito, dies dicitur, quo die, Glascuam cum amicis & clientibus conueniret, atque inde in regionem Glottianam, quam soli Hamiltonij tenebant, impetum facerent. Re ad Proregem delata, optimum visum est, Glascuam occupare, & locum conueniendi hostibus praeripere. Sed iam cum magna suorum parte Cunigamius in opidum receptus, Leuius aduentum expectabat. Verum, audito Hamiltoniorum accessu & consilio, in campum propinquum progressus, pro copia praesente aciem instruxit: ac circiter octingentis, partim e suis partim opidanis ciuibus, in causam pronis, comitatus, maiore animo, quam viribus, manum acriter cum hoste conseruit: primamque eorum
 10 aciem, capris tormentis aeneis, quae secum aduexerant, in secundam impexit. Ibi cum circa Proregem pugnaretur, resque esset in magno discrimine, subito Robertus Bodius, vir clarus ac strenuus, ex itinere cum parua equitum manu in confertissimam pugnam inuectus, maiorem quidem, quam pro multitudine, tumultum & trepidationem fecit: utraque enim acies, magna subsidia Hamiltonijs venisse, credebat. Is error fortunam pugnae statim commutauit, dum alteri, suas, alteri, hostium copias auctas, existimant. Occisi ex utraque acie circiter trecenti: maior pars Cunigamiorum fuit: & in ijs duo Comitiss filii, viri fortissimi. Nec incruenta fuit Hamiltonijs victoria: nam & apud eos aliquot viri insignes desiderati sunt. In Glascuenses grauissime clades incubuit: hostes enim, non contenti ciuium caesorum sanguine, & superstitum miseriis, & suppellectilis direptione,
 30 & valuas ostiorum & fenestrarum, clatraeque ferreas abstulerunt, neque vllum genus calamitatis omiserunt, nisi quod tectis, spoliando laceris & deformatis, ignem non subiecerunt. Huius pugnae fortuna magnam animorum commutationem fecit: adeo, ut amici & propinqui Leuius, iterum rem alex certaminis committere, recusarent, non tam, quod, hostium opes auctas, & suas imminutas, viderent, nec quod, amissis viris fortissimis, e locis longinquis copias novas non tam celeriter cogere, possent, quam quod, Hamiltonium, sub cuius imperium se mox venturos prospiciebant, grauius nimia pertinacia offendere, & nouam sauiendi causam praebere, nollent. Leuius, a Gallis & maiore Scotorum parte destitutus, arci Britannoduno custodem Georgium Sterlinum dedit: ipse cum paucis in Angliam nauigauit, frustra consulentibus amicorum praecipuis, ut in
 40 arce inexpugnabili, aliquot mensibus, se contineret: ac nouam rerū (quam breui futuram non dubitabant) mutationem opperiretur. Ille, certus propositi, quod intenderat, in Angliam profectus, a Rege fuit susceptus honorifice: qui, praeter aliam munificentiam, Margaritam Duglassiam ei dedit uxorem. Ea erat Iacobi, Scotorum Regis proximi, soror, ex Comite Angusij, & Henrici Regis Anglorum sorore nata: puella, in aetatis flore, summa forma & elegancia praedita. Interea Scoticam factionem, quae, discessu Leuius, sine duce relicta erat, & obstinate recusabat, ne in Hamiltonij (cuius leuitatem ante cognouerat, & sauitiam timebat) potestatem veniret, Regina vidua in suam fidem recepit: metuens videlicet, ne quid ex rebus adhuc turbidis ferax, per desperationem moliretur. Hamiltonij, tam potentis inimici discessu laeti, nondum autem poena satia, i, nimium intemperanter rebus secundis vsi sunt: ipsum enim & amicos, in proximo conueniu Limnuchi, damnarunt, & bonis in fisco redactis, exilio vertere solum, coegerunt. Ex eorum multa, se suasque res a fisco redimentium, magna conflata fuit pecunia, sed non sine maxima inuidia, & omnium bonorum offensione grauissima. Inter has seditiones domesticas,

RERVM SCOTICARVM

Angli, Scotiam ingressi, Iedburgū, Kelsonem, & Regiones circumiectas, ferro flammaque vastantes, late solitudines fecerunt: inde ad Coldingamiā progressi, templū templique turrim, pro tempore operibus munierunt, ac, præsidio ibi relicto, discesserunt. Prædiali, partim prædæ auditate, partim, ne comæatum obsessuris hostibus suppeditaret ager vicinus, effusas populationes fecerunt. Qui rei Scoticæ præerant, Regina vidua, Cardinalis, & Prorex, aduocato consilio, edixerunt, ut Nobiles, & cetera multitudo prudentiores armati adessent, quo Prorex duceret, sequuturi: secumque octo dierum comæatum afferrent. Breui, supra octo millia conuenere, & asperrima hieme, cum turrim ædis sacræ machinis verberassent, totum diem noctemque illam, cum maxima hominum, & equorum fatigatione, in armis steterunt. Postridie, Prorex, siue suam, in labore militari ferendo, molliciem accusans, siue vero hostilem incursionem formidans (erat enim, de aduentu Anglorum, e Berulco vrbe propinqua, tertior factus) ceteris proceribus ignavis, ac paucis suorum comitantibus, quantum equi contendere cursu poterant, Dumbarum se recepit. Qui, huius fugæ turpitudinem excusare, conabantur, aiebant, cum timuisse, ne a suo exercitu, propter odia ex multis offensionibus collecta, Anglis proderetur. Eius discessus magnam in exercitu fecit perturbationem: eoque etiam grauiorem, quod, quanto causa fugæ erat obscurior, eo maiores timendi causas multi in animo sibi proponebant. Iraque, pluribus in ea sententia obstinatis, ut, qua cuique proximum erat, machinis relictis, domum prorumperent: alijs, qui magis prouidi, & minus formidolosi videri vellent, consulentibus, ut eas, ne vsui esse possent hostibus, puluere grauius oneratas dirumperent, Arcibaldus, Angusiæ Comes, vnus obstitit, ne turpi fugæ turpissimum adijcerent flagitium: & cum, nec auctoritate, nec precibus, quenquam retinere posset, clara voce, ut a multis audiretur, inquit, Quod ad me attinet, quamlibet mortem honestam malo, quam vitam, tali admissio dedecore, quamuis opulentam & securam: Vos, amici & commilitones, videritis, quid vobis faciendum statuatis. Ego aut has machinas reducam, aut viuus ipse domum non redibo: idemque vitæ & gloriæ mihi terminus erit. Hæc locutus, paucos admodum, quibus decus vita carius erat, commouit: ceteri, ob probrosam Proregis fugam, animum despondentes, vagi, solutis ordinibus, qua cuique visum est, abierunt. Douglassius præmissa tormenta cum suis, instructo agmine, est secutus: & equitibus hostium, quos tumultus exciuit, a tergo frustra instantibus, Dumbarum reduxit. Hæc expeditio, temere suscepta, & turpiter obita, multorum apud Scotos animos fregit, & Anglos in arrogantiam intolerabilem extulit, Scotici Proregis ignauiam ad suam laudem trahentes. Igitur Radolfus Iuerius, & Brienus Latonius, Angli Equites splendidi, nemine obuio, Marciam, Teuiotiam, & Lauderiam percurstantes prope omnes earum regionum incolas aut se dedere coegerant, aut, si quis pertinacius resisterat, in agris vastatis solitudines ei reddebant: eoque inoffensus prosperarum rerum cursus insolentiæ Anglos peruexerat, ut, finem victoriæ suæ, æstuarium Forthæ statuerent: atque, hanc spem secum ferentes, Londinū profecti, ab Henrico, ob operam fortiter & fideliter nauatam, præmium postularent. Ea de re, cum in consilio ageretur, Thomas Hauartus, Nortfolciæ Dux, qui multas expeditiones fecerat, aduersus Scotos, magnæque damnis eos affecerat, cum, ex rebus tum in Scotia turbulentis, intelligeret, non fuisse difficile, regiones, nullis præditijs firmatas, prædando percurrere, vulgusque, cui nullum esset aliud præsentis mali perfugium, ad sacramentum cõgere: idemque non ignoraret Scotorum & in suis tuendis, constantiam, & in amissis repetendis, pertinaciam: Regi auctor fuisse dicitur, ut agrum bello captum eis operæ precium statueret, & ad eum tuendum, donec Anglorum assuesceret imperio, modicas copias daret. Id donum cum libenter acciperent, & Rex non ægre tribueret, vanæ iactationis æque vana compensatione donati, læti ad limitem rediere: addita, præter limitum accolæ, qui, sine stipendijs militare, solent, tria mercenariorum millia. Cum reditus eorum vehementer proximorum animos perturbaret, ut qui nullam a Prorege spem haberent auxilij: quippe, qui Sacrifactorum, & potissimum Cardinalis, videretur consilio, Archibaldus, Angusiæ Comes, & publico dedecore, & priuaris etiam damnis (habebat enim multas & fructuosas, in Marcia & Teuiotia, possessiones) grauius commotus, & periculi magnitudinem

Proregi

Proregi luculenter exposuit, & ut obuiam iret, est hortatus. Ibi cum Prorex suam deploraret solitudinem, & se a Nobilitate derelictum, quereretur, Duglassius ostendit, id ipsius culpa fieri, non Nobilium, qui & fortunas omnes, & vitam, ad publicam salutem tuendam, conferrent: quorum consilio contempto, ad Sacrificulorum nutum circumageretur, qui, foris imbelles, domi seditiosi, omniumque periculorum expertes, alieni laboris fructu, ad suas voluptates, abuterentur: Ex hoc fonte, intet te & proceres, facta est suspicio, quæ (quod neutri alteris fidatis) rebus gerendis maxime est impedimento: Quod si, consilia de rebus magnis cum illis communicare, in animum inducas, qui, in illis exequendis, vitam non recusent impendere, non despero, nihilo minus illustres res posse geri, quam a maioribus nostris, temporibus aut æque, aut non multo minus turbulentis, gesta sunt: sin per desidiam, singula hostem carpere, sinam? aut nos breui ad deditionem coget, aut in exilium eijciet, quorum vtrum sit miserius, aut flagitiosius, vix dici potest. Quod autem ad nos attinet, scio, me ab inimicis prodicionis, te vero timiditatis insimulari. Quod si tibi, quod effugere non poteris, quamprimum faciendum videtur, vtrunque crimen non verbis expolita oratio, sed campus & acies redarguet. Cū Prorex se in illius & cæterorum potestate futurum, ostenderet, consilio, super expeditione suscipienda, habito, Edictum in omnes regiones propinquas est missum, quo imperabatur Nobilitati, ut, quanta cum celeritate possent, ad Proregem, ubicunque esset, venirent: ipsi postridie, cum præsentibus copijs (erant autem non plures trecentis equitibus) Angliam versus iter intenderunt. Aggregantibus se ad eos non adeo multis Lothianis, ac Marcianis, cum Mulrossiam ad Tuedam deuenissent, ibique suos expectare decreuissent, Angli, qui Iedburgum iam peruenissent, certiores facti per exploratores, de hostium paucitate, ad quinque fere millia hominum Iedburgo educunt, & recta Mulrossiam iter intendunt, nihil dubitantes, quin eos, & paucos & de via fessos, vna cum Prorege oppressuri ne copinatos essent. At Scoti, per suos exploratores, de aduentu Anglorum edocti, se in proximos colles subdixerunt, specularuri tuto, quid consilij hostes captarent. Angli, spe sua deiectioni, in opido & coenobio Monachorum, non adeo multo ante spoliatis, vagi, &, si quid prædæ inuenirent, intenti, ad ortum vsque diei, subsisterunt. Prima luce, cum Iedburgum reuerterentur, & Scoti, receptis prope trecentis, e Fifana iuuentute, ducente Normanno Lellio, Comitæ Rothusæ filio (qui Scoticæ iuuentutis, in omni virtutum genere, tum facile princeps erat) alacriores facti, lentiore gradu ad colles, qui supra Ancramum vicum surgunt, se recipiebant. Ibi ad eos, paucis admodum comitatus, Valterus Scotus (cuius ante non semel meminimus) homo manu & consilio promptus, venit: Is, excusata temporis angustia, suos mox affuturos, affirmans, Scotis auctor fuit, ut in collem proximum amandarent equos, & omnium æquato periculo, in pedes descenderent, atque in loco humiliore hostem expectarent: nec enim dubitabat, quin ministri, cum equis in editiorem locum subeuntes, fugæ speciem Anglis darent: & ad gradum intendendum, eos incitarent. Igitur, ne, nocte imminente, sine prælio Scoti euaderent, ac rursus cum magno labore vertigandi forent, Angli, triplice acie instructa, ad eos pergunt. Vno (ut sperabant) leui prælio bellum parrare cupientes, & quo propior spes erat, quanuis nocturno diurnoque itinere sub grauibus armis continuato, alius alium vehementius hortatur, ut gradum addant, & breui labore longam quietem, rem item & gloriam redimant: ita, cum, quantum adhortatio adderet animorum, tantum viæ labor adimeret virium prima eorum acies in Scotos, ad prælium instructos, velut in insidias, præcipitavit: numero tamen confisi, arma expediunt, ac fortiter prælium ineunt. Sed duæ res, prouisæ prudenter, Scotis auxilio fuerunt: nam & Sol, in Occasum præceps, rectis radijs in hostium oculos incurbat, & ventus, satis violens, fumum sulfurei pulueris ita in postetiores acies reiecit, ut omnem oculis prospectum adimeret, & odore terro, de via adhuc anhelos, grauiter afficeret. Prima Anglorum acies in secundam, & secunda in tertiam, & sua perturbatione impedita, & Scotorum impetu impulsæ, confusis ordinibus, retro impacta, ita omnia fugæ & terroris impleuit, ut nec signa, nec ducem quisquam nosceret: & dum suæ quisque priuatim salutis prospicit, nemo dedecoris & periculi publici reminisceretur. Cum Scoti conferti sequerentur, non iam inde pugna, sed cædes fuit. Sub noctem, Scoti ad signa

renocati, cum inirent castrorum numerum, e suis, duos modo desiderabant: ex Anglis, præter duces, circiter ducentos milites compererunt interemptos: & in ijs, plerisque nobilitate insignes capti fuere fere mille: ex quibus, genere clari, octoginta. Hæc victoria, quanto magis, præter omnium opinionem, accidit, tanto latior fuit, cuius quidem fructus ad Proregem, gloria fere tota ad Duglassios redundauit. Circa hæc tempora, fraude, ut creditur, Georgij Gordonij, Comitis Huntillai, certamen commissum est, in quo tota fere Fraseriorum familia est extincta. Erat, inter eos & Reginaldinos, vetus odium, sæpe multis vtriusque partis cladibus nobilitatum: & Huntillanus occulta indignatione aestuabat, quod, inter vicinas gentes, soli ab eius clientela abhorrebant: nam cum vicini Insulari, aduersus Comitem Argathelæ, quicquid virium poterant, cogerent, nemo fere, in illo teterrarum tractu, fuit, qui non in alterius castris futurus esset. Sed, re sine certamine composita, inter redeundum, cum diuerso itinere, ab eo separati, reuertèrentur, Reginaldini admoniti, cunctis popularibus collectis, atrocissimoprello eos adoriantur: Fraserij pauciores a pluribus victi, atque ad vnum caeli. Ita gens numerosissima, & sæpe de re Scotica bene merita, tota interièrat, nisi, diuino (ut credi par est) consilio, ex familie principibus, octoginta domi reliquissent grauidas vxores, quæ, suo quæque tempore, mares pepererant singulos: qui omnes incolumes ad virilem perueniunt ætatem. Eisdem prope diebus, fit certior Anglus, suum exercitum in Scotia fustum & fugatum esse, & legatus a Prorege in Galliam est missus, qui victoriam nunciaret, & auxilium, aduersus postulata & minas Regis Anglorum, postularer, ac Leuinium calumniaretur, eiusque discessum e Scotia infamaret. De auxilio, vix impetratum, quod pro certo compertum esset, Anglum magnis cum copijs in Galliam traiecturum: dati tamen quingenti equites, & peditum tria millia, non tam, ut Scotos ab incursionibus Anglorum protegerent, quam, ut eos distinerent, ne totis viribus in Galliam irruerent. Anglus, ea ætate, non existimabat necesse, copias maiores ad limitem Scotorum mittere, quod sufficere putabat arcium præsidia, ad excursions hostium inhibendas: nam, ex turbido rerum apud Scotos statu, intellexerat, iustum exercitum, eo anno, ad expugnanda loca munita, cogi non posse. A legato Scotorum in Gallia leuia, nec digna responso, crimina in Leuinium absentem iactabantur, quod pecuniam ad se missam suppressisset, quod, ob eius cum Cardinale dissensiones, prodita fuisset causa publica: discessus autem eius in Angliam quam inuidiosissime exagrabatur. Rex Gallus, qui recenti, ex rumoribus fictis, inuidia ita exarserat, ut nullam, aduersus calumnias, purgationem admitteret, quique Leuinij fratrem, satellitum suorum præfectum, in custodiam inauditum incluserat, paulatim elucente veritate, ut excusatio esset culpa, temeritati velandæ colorem quæsiuit: ac, in crimina Leuinio obiecta inquiri, iussit. Id negotium Iacobo Mongomerio Lorgiano, auxiliorum Gallicorum præfecto, viro quidem impigro & probò, sed Leuinij acerrimo inimico, datur, procurantibus maxime Gufianis, quod, sororis suæ causam separare a perfidia Cardinalis, non possent. Mongomerius, cum Gallicis, quæ diximus, auxiliis, appulit in Scotiam, ad v. Non. Iul. M. D. XLV. ac, literis & voluntate Regis Gallie in consilio expositis, effecit, ut indiceretur exercitus, potentioribus modo, & qui sumptus belli ferre possent, ad breuiem diem conuenire, iussis. Ad eum diem, Hadinam conuenerunt ad quindecim millia Scotorum, atque, ad Limitem profecti, e Regione Verce, arcis Anglicæ, castra posuerunt: inde, alternis fere diebus, Angliam sub signis ingressi, magnas prædas abigebant: & hostibus frustra conantibus, agros a populationibus tueri, Scoti, leuibz aliquot prælijs, satis prospero successu, factis, ad sex circiter millia, in omnem partem flamma ferroque vastarunt. Cum, his incursionibus, decem ferme dies consumpsissent, nec ulterius in hosticum penetrarent, quam, ut nocte se recipere in castra possent, interea Mongomerius, & Georgius Humius sedulo, sed frustra, cum Prorege egerunt, ut castra trans Tuedam amnem transferrentur, ut e propinquo agros liberius incurfarent, terroremq; spargerent latius. Sed repugnantibus Prorege, & qui in Concilio erant, quod omni oppugnandam arcium apparatu destituerentur, soluto exercitu, domum est reditum: ceteri, quo cuique est visum commodissimum, in hiberna concesserunt. Mongomerius Sterlinum, in Aulam. Is, cognitis inimicorum aduersus Leuinium calumnijs, etsi ei erat infensissimus, tamen

tamen Cardinalem grauitissimis verbis arguit, quod, nulla iniuria insigni ab inimico af-
 fectus hominem pobilem & innoxium falsa inuidia grauasset, atque coegerit, inuitum
 hosti se constringere. His fere diebus, ad omnes Regnorum limites incursiones vtrin-
 que, vario cœuentu, factæ: Robertus Maxuallius, Roberti filius, singulari virtute iuuenis,
 ab Anglis fuit captus: nihil præterea, memoria dignum, gestum. Proxima hiemis
 initio, Mongomerius in Galliam est reuersus: Cardinalis Hamiltonium Proregem, spe-
 cie sanandarum partium, quæ seditionibus erant conuulsa, & per proximas regiones cir-
 cumduxit. Primum Perthum est ventum: ibi quatuor hominibus, quod carnem die-
 verito commedissent, supplicio affectis: mulier cum parturiret, quod, virginem Mari-
 10 am in auxilium, opemque eius implorare, noluisset, vna cum partu extincta est. Ad rei
 vniuersæ cogitationem animum intendunt. Taodunum inde profecti, ipsi se prædica-
 bant, ad pœnas, de Noui Testamenti lectoribus, ire sumendas: nam, illa tempestate, id
 inter grauiissima crimina numerabatur: tantaque erat cœcitas, vt Sacerdotum plerique,
 nouitatis nomine offensi, contenderent, eum librum nuper a Martino Luthero fuisse
 scriptum, ac Verus Testamentum reposcerent. Ibi cum Patricius Graius, clara familie
 in illis regionibus princeps, aduentare bene comitatus diceretur, vnaque Comes Ro-
 thusius, tumultu sedato, per amicos Prorex, vtrumque postmodum adesse, iussit. Sed Car-
 dinalis, parū tutum ratus, duos homines, nobiles & factiosos, & bene comitatos, in opi-
 dum recipere, vnum instauratæ Religionis addictissimum egit cum Prorege, vt Perthum
 20 rediret. Procures mane, cum ad iter parati essent, accepto, Proregem Perthū tendere, cum
 consecuti, enim in conspectu essent, datum Cardinalis timori, vt Prorex eos iuberet,
 urbem seorsum ingredi: postmodum, ambo in custodiam dati: sed, Rothusio statim dimis-
 so, Graius, quem vehementius oderant, & timebant, serius liberatur. Antequam illinc
 discederetur, visum est Cardinali, vt potentiam Ruueni, præfeti urbani, intrinueret.
 Prorex præturam, ei ablata, dat Kinfanio, Comarcho vicino, & Graii propinquo. Erat
 Ruuenus Cardinali inimicus, Religionis instauratæ fauebat: Graius nec prorsus alienus
 a Religionis causa, nec amico in Cardinalem animo. Hoc pacto, si velut in arenam pro-
 trahi posset, non dubitabatur, quin, ob familiarum claritatem, multi, ex propinquis re-
 gionibus, ad utrosque se essent adiuncturi: e quibus quantum caderet, tantum hostium
 30 sibi detractum, Cardinalis existimaret. Igitur prætura Perthi, quæ, multos iam annos,
 velut hæreditaria, in familia Ruuena hæserat, in Kinfaniū translata, cum multa ciuium
 indignatione, qui, veterem suffragiorum in Comitibus libertatem sibi sublatam, moleste
 ferebant: missus nouus prætor, qui ciues, nisi sponte parerent, vi subigeret. Urbis op-
 pugnatione bifariam diuisa, Graius, qui totum rei pondus in se suscepit a ponte Tai
 oppugnationem aggreditur: altera manus, machinis per aduersum flumē ad motus latus
 apertū erat inuasura: Sed quia maris æstus eorū consilijs non respondebat, in tempore
 non affuerant. Graius per pontem aggressus (quem Ruuenus, recepto in ædes proximas
 præsidio, incustoditum videri voluit) cum neminem ex aduerso armatum conspiceretur,
 solutus omni metu, interius in opidum penetrauit: cum a Ruueno, ex adibus proximis
 40 repente prorumpente, inuaditur ita acriter, vt fugam cum suis omnibus circumspecta-
 ret: sed turba, confusa in angusto, sese impediēbat, & fugam primorum ultimi, intro-
 rumpere conantes, morabantur. In hac confusa multitudine, perire conculcati com-
 plures: sexaginta ferro occideri. Cardinalis, esse penes Ruuenum esse victoriam, iocundus
 audiuit, tamen eadem aduersariorum ab eo factam non moleste tulit: quos enim ami-
 cos sibi fore desperabat, eorum vires, & mutuis cladibus in luctu sibi deputabat. Cardi-
 nalis, peragrata, quoad tūm satis putabat, Anguliam, Proregem, post hibernum Solsti-
 tium, ad Fanum Andream duxit, vt animum eius, si fieri posset, sibi arctius densificaret:
 quanquam enim filium eius, Comitem Araniæ, obsideri haberet, tamen, quoties de
 Scoticæ Nobilitatis ferocia, & factionis aduersæ viribus, & Proregis inconstantia cogi-
 50 tabat, verebatur, ne pari, ac ad se venerat, deuitare ab aduersariis persuasus, ad eos desi-
 ceret. Ibi sedit, ocium cum paucis nactus, viginti Saturnaliorum diebus per ludum
 & lasciuiam transactis, multa in præsentia largitus, multa posterius pollicitus, multa
 item de statu Regni cum eo loquutus, paulo animi securior Edinburgum est profectus.

Erat interim ibi conuentus Ecclesiastici ordinis, ad id Ianuarii in eo. cœtu, curia data
 plurima fuissent, de veteri Ecclesiæ libertate retinenda, de manifestis quibusdam Sacer-
 dotum flagitijs expurgandis, nec ullus inueniretur exitus, tandem delatū est ad eos, Ge-
 orgium Septhocardiū, concionatorem Euangelij longē populū acceptissimū, ad septem
 ab vrbe millia passuum, apud hominem nobilem, Ioannem Cocburnum, dinerari: ad-
 cum statim equites missi, qui hominem secleratum deposcēdū: Sed cum Cocburnus
 alla, atq; alia cūfaretur, ac moras innecteret, si edim occulte posset dimittere, circumspi-
 ciens, Cardinalis per suos, id fieri, admonitus, intempesta nocte, cum Prorege illuc de-
 latus, omnes aditus obsedit: nec tamen aut blanditijs, aut pollicitationibus, aut minis
 quicquam efficere potuit, donec Comes Bothwell, e propinqua villa sua euocatus, eo
 venit: cum omnium Lothianorum facile potentissimus esset, tandem impetravit, vt
 Georgius ipsi dederetur, interposita fide, se ab omni damno & iniuria, cum defensu-
 rum. Sacerdotes hanc vehut opimam prædam nacti, Edimburgo cum ad Fanum Andrea
 transferunt: Ibi, post alterum fere mensem, coacta frequenti omnis generis, Sacerdo-
 rum multitudine, quæ de doctrina eius decerneret, & magis, vt speciem iudicum præ-
 berent, quam quod cuiquam dubium esset, quid deceretur forent, de consensu omni-
 um, Cardinalis (quoniam ipse, per leges Pontificias, de capite cuiusquam nec exer-
 cere quæstionem, nec statuere posset) perit a Prorege, per literas, vt designet rei capitalis
 iudicem, qui, in reum animaduertere, iuberet, qui iam a conuentu Sacerdotum hære-
 seos damnatus esset. In ea re, nulla videbatur mora per Proregem futura: ac ne fuisset
 quidem, nisi propinquus eius, David Hamiltonius Præstorianus, multis verbis eum
 admonendo, rogando, deterrendo, ac interim prope obiurgando, continuisset. In
 hac fere sententiam locutum, ferunt: Se vehementer mirari, quo consilio, Prorex,
 aduersus Dei seruos, quibus nullum crimen obijciatur, præter Euangelij Iesu Christi
 prædicationem, tantam licentiam permetteret, & hominibus, flagitiorum turpitudine,
 & morum immanitate plusquam ferina prope, in cruciatum dederet innoxios, quo-
 rum vitæ integritatem inimici fœdantur iniuri, doctrinam non ignoraret: vt cui ipse,
 non ita pridem, vehementer fuisset deditus: cuius commendatione, in hunc supremum
 gradum peruenerit: quam se amplexum, sit testatus, publicè edictis: quam, tuendam,
 palam susceperit: ad quam legendam, cognoscendam, vitæque & moribus exprimen-
 dam, singulos & vniuersos sit hortatus. Cogita igitur, inquit, qui sermones, quæ cogita-
 tiones hominum, de te, sunt futura: cogita beneficia in te collata diuinitus: sublatum e
 medio Regem, hominem acrem, & tibi insensum, cum istud idem iter insisteret, quo tu
 nunc vestigia sequeris. Qui suis consilijs illum præcipitarunt, te nunc in exitum rape-
 re, conantur, te, ab initio, impugnarunt, omni mole suæ potentiz: nunc, prauis consilijs,
 te in fraudem illiciunt. Reuoca in mentem victoriam, tibi de ciuibz, sine cæde & san-
 guine, de hostibus, longē maioribus copijs fretis, cum ingenti tua gloria, maxima illorū
 ignominia, concessam. Reminiscere, quorum in gratiam Deum deseras, & amicos op-
 pugnes: expurgare aliquando, & tenebras, tibi a nefarijs hominibus circumfusas, dif-
 fute. Propone tibi, ante oculos, Saulē illum, Israelitici generis Regem, ex infimo lo-
 co in supremum translatum: Quanta illum indulgentia, Legi suæ obedientem, Deus est
 profectus: quantis miserijs eundem, præcepta sua negligentem, inuoluerit: confer tua-
 rum rerum, ad hunc usque diem, successum, cum rebus illius prosperis: ac nisi consilium
 moueris, nihilo feliciorem, imo deteriorem exitum expecta: quid enim ille designa-
 uit, quale tu nunc facis: idque in gratiam hominum sceleratissimorum, qui, neque flagi-
 tia sua tegere, possunt, nec, dissimulare saltem, conantur. Hac admonitione hominis
 amiei Prorex motus, rescripsit ad Cardinalem, ne id iudicium præcipitaret: sed rem to-
 rant scriptæ integræ, usque in suum aduentum: neque enim se consensurum, in illius
 hominis perniciem, antequam de causa diligentius cognoscatur. Quod si Cardinalis se-
 cus fecit, in caput eius poena vertatur se vero immunem cædis & sanguinis fore, hisce lite-
 ris ante factis. Cardinalis, hoc responso, præter opinionem, itus, cum non dubitaret, in-
 terposita mora, repandit, vulgo gratiosum, proptum iri: nec, rem disceptationi committi,
 velle partem, quod nullam in æquitate spem poneret partem, quod de sententijs, iam
 ante,

ante, Conciliorum auctoritate, prædamnatis, iterum iudicium fieri nolebat: Itaque prope furenter iratus, in consilio, ante suscepto, perseverauit: ac respondit, se non ad Proregem ideo scripsisse, quod ab eius auctoritate, vlla in re, penderet, sed quod, ad speciem consensus publici, eius nomen ad condemnationem ascribi, vellet. Igitur, Georgio e carcere producto, Ioannes Viniramus, vir doctus, & qui ex animo sinceræ Religionis causa, sed occulte, faueret, e superiore loco concionem habere, iussus, e Matthæi capite decimotertio, declamauit, Bonum semen esse Verbum Dei, Malum vero hæreses. Hæresim enim, esse opinionem falsam, & cum sacra Scriptura plane pugnantem, & quæ cum pertinacia defenderetur: eam vero & gigni, & ali, ignorantia pastorum Ecclesiæ: qui, Spirituali gladio, id est, verbo Dei, nec Hæreticos conuincere, nec Errantes reducere in viam norunt. Deinde, explicato Episcopi, ex epistola ad Timotheum, officio, vnam esse hæresim deprehendendi rationem, ostendit, si ad verbum Dei, velut ad lapidem Lydium, conferatur. Tandem cum perorasset, etsi, quæ dicebantur, contra Sacerdotes facerent, qui, non ad refellendas hæreses, conuenissent, sed, ad eos plectendos, qui licentiæ & arrogantiae eorum obuiam irent, tamen, velut omnia succederent eis ad votum, vt consuetam iudicandi sibi formam obseruarent, ad suggestum, in templo extructum, Georgium pertrahunt: alterum, ex aduerso, suggestum conscendit Ioannes Lauderus, Romanensis sacrificulus: cæteri, velut ad iudicandum, circumstant. Sed nulla iudicii, aut liberæ disceptationis ibi forma fuit: accusator enim, cum multis abominandis conuicijs, 20 odiosissima quæque, quæ vulgo, aduersus purioris doctrinæ magistros, confingi solent, cum summa verborum acerbitate detonabat, atque, ita tum actis aliquot horis, Georgius, in arcem reductus, in præfecti cubiculo pernoctauit, magna parte temporis in orando consumpta. Postridie mane, Episcopi duos Franciscanos ad eum miserunt, qui ei denuntiarent, moriendum quamprimum esse: ac rogarent, num ipsis, de more, peccata confiteri vellet. Ille, nihil sibi rei cum Fratribus esse, respondit: nec cum eis libenter collocuturum: verum, si in animum inducerent, in hoc genere sibi gratificari, se cupere, sermonem conferre cum homine illo docto, qui pridie concionatus fuerat. Is cum, Episcoporum permisso, in arcem venisset, cum Georgio satis diu Viniramus collocutus, tandem, sedato fletu, a quo se cohibere non potuerat, placide rogat eum, num vellet, Cœ- 30 næ Sacramentum accipere: & perlibenter, inquit, si ex Christi instituto, sub vtraque specie, nempe panis & vini, exhibeatur. Viniramus, ad Episcopos reuersus, cum retulisset, eum sancte affirmare, se immunem a sceleribus, quorum arguebatur: nec id eo pertinere, vt mortem instantem deprecatur: sed vt suam innocentiam, Deo satis notam hominibus etiam testatam relinqueret: Ad ea Cardinalis, ira inflammatus: Et te, inquit, qui sis, iam pridem non ignoramus. Item rogatus, num Sacri corporis, & sanguinis communionem ei permetteret, cum alijs Episcopis paulum collocutus, ex eorum sententia respondit, non videri æquum, vt pertinax hæreticus, ab Ecclesiaque damnatus, vllis Ecclesiæ beneficijs frueretur. His renunciatis, cum familiares præfecti arcis, & ministri, hora circiter nona, ad ientaculum conuenissent, rogatus ab eis Georgius, 40 num & ipse vna vellet sumere cibum: respondit, & perlibenter, ac multo etiam libentius, quam a me est factum, superioribus diebus: quod nunc demum intelligam, viros vos esse bonos, & in eodem Christi corpore mecum esse sociatos: quodque, hunc mihi in terris nouissimum conuictum esse, sciam. Te autem, inquit præfecto, hortor per Dei nomen, perque eum amorem, quo afficeris erga Dominum & Seruatorem nostrum, Iesum Christum, vt huic mensæ paulum assideas, audientiamque facias, donec ego, breui adhortatione, vos compellem, ac super pane, quem, vt fratres in Christo, sumus esuri, orem, ac deinde vobis valedicam. Interea mensa, vt mos, linteo operta, impositoque pane, Georgius disserere breuiter, ac dilucide coepit, de Christi Cœna, tormentisque, & morte, circiter horæ dimidium loqui. Hortatus est autem præcipue, vt, abie- 50 cta ira, inuidia, ac malitia, in animos imprimerent mutuū amorem, ac perfecta fierent membra Christi, qui assidue pro nobis interpellat Patrem, vt nostrū sacrificiū apud eum proficiat, in vitam æternam. Hæc locutus, cum Deo gratias egisset, panem fregit: ac singulis particulā eius porrexit: & vinū pariter vbi ipse gustasset, omnesq; præcatus esset,

ut memoriam mortis Christi nunc postremum, in hoc sacramento, secum usurparent
 sibi autem amariorem portionem temperari, ob nullam aliam causam, nisi Evangelij
 prædicationem. Post hæc gratiarum actione peracta, se in cubiculum suum recepit, ac
 orationi finem reddidit. Nec multo post, duo e carnificum numero ad eum a Cardinali
 missi: quorum alter tunica, e linteo panno, nigra eum induit: alter multos pulveris sul-
 furei sacculos ad omnes corporis partes adnexuit: atque hoc ornatu amictum, in cubi-
 culum exterius Præfecti eductum, ibi commorari iubent. Interea, eodem pene momen-
 to, in area ante arcem suggestum ligneum erigitur: pyra extruitur: ex aduerso, fenestra
 & propugnacula arcis tapetibus, stragulis sericis, & puluinis ornabantur, vnde Cardina-
 lis, cum suo grege, lætæ spectaculum, e tormentis hominis innoxij, caperent: & venit
 tam præclari facinoris auctores, gratiam populi captarent. magna præterea frequentia
 armatorum, aduersus vim externam, aut verius, ad ostentationem potentia, adhibita:
 machinæ aeneæ, per totam arcem, locis idoneis dispositæ. Inter hæc, tubis clangentibus,
 Georgius productus suggestum conscendit, & ad palum funibus alligatur: ac, vix impe-
 trata pro Ecclesia orandi venia, carnifices ignem subiecerunt, qui pulverem vndiq; alli-
 garum confectum in flammam ac fumum soluit. Præfectus arcis, qui tam prope astabat,
 ut flammæ afflatu ambureretur, breuiter eum est hortatus, ut bono animo esset, ac de-
 lictorum veniam a Deo peteret. Cui ille, Hæc quidem flamma corpori, inquit, attulit
 molestiam, animum vero non fregit: At, qui nos ex editiore loco tam superbe despicit,
 intra paucos dies non minus ignominiose iacebit, quam nunc arroganter cubat. Hæc
 locuto funis, circa fauces arctius astrictus, vocem inclusit. Post aliquot horas, corpore in
 cineres, ignis violentia, soluto, Episcopi, adhuc ira odioque furentes, grauissimis poenis
 propositis, vetuerunt, ne quis pro defuncto oraret. Ex eo, Cardinalis a suo grege magnus
 haberi, ac diuini in coelum laudibus ferri, ut qui, torpentibus cæteris, vnus, auctoritate
 Proregis contempta, tantum facinus perfecisset: qui, populari superbia compressa, totius
 ordinis Ecclesiastici patrocinium tam fortiter suscepit, ac feliciter gesserit. Tales pro-
 fecto suæ dignitatis vindices, superioribus annis, Ecclesia si habuisset, ipsa nunc aliorum
 imperijs non esset obnoxia, sed, suæ maiestatis vi ac pondere, cætera sub se omnia conti-
 neret. Hæc Sacerdotum supra modum luxuriante victoria non promiscuum modo vul-
 gus, sed plerique, genere & opibus illustres, magis irritati, quam fracti, rem eo suæ segni-
 tie redisse, indignabuntur, ut præceps aliquid cum periculo esset audendum, aut omnia
 cum ignominia foret patiendū. Iam etiam plures, & apertius erumpentibus, vi doloris,
 querelis de Cardinale tollendo, coire, & ad libertatem recuperandam, aut vitam proij-
 ciendam, hortari. Quam enim spem dignitatis reliquam fore, sub arrogantissimo Sacri-
 ficulo eodemq; tyranno sauiissimo, qui bello, aduersus Deum hominesq;, suscepto, non
 inimicis modo, id est, qui aut rem haberent, aut pietatem colerent, sed quicunq; esset le-
 uiter offensus, eum, velut pecus ex hara, suæ libidini mactaret? Quin publice bellum &
 ciuile & externum alat, priuatim meretricum amores nuptijs copulet, nuptias legitimas
 pro arbitrio dirimat: domi cum scortis volutetur: foris in cæde innoxiorum & sanguine
 debaccharetur. Cardinalis autem, etsi suis opibus non diffideret, tamen non ignoraret,
 qui habitus esset animorum, qui de se sermones vulgo spargerentur, sibi cogitandum
 existimauit, de potentia nouis incrementis augenda. In Angustiam igitur profectus, fili-
 am natu maximam filio Comitæ Crafordiæ despondit, nuptiasque magno apparatu, &
 prope Regia magnificentia, fecit. Inter hæc, cum per exploratores certior fieret, Anglū,
 ad infestanda Scotiæ litora, magnos apparatus nauales cogere, ac potissimum Fife-
 bus minari, ipse, ad Fanum Andree reuersus, Nobilitati, ac potissimum ijs, qui mari-
 mos agros tenerent, diem ad conueniendū, statuit, ut in commune consulerent, quod
 huic malo remedium esset obijciendum: quoque id facilius prospiceret, decreuerat, vna
 cum agrorum dominis, totum litus, hoc est, pene Fifam vniuersam circumire, & loca,
 pro cuiusque commoditate, communire, aut præsidij obtinere. Inter alios iuuenes no-
 biles, venit ad Cardinalem Normanus Lessius, Comitæ Rothusæ filius, cuius antea a
 nobis mentio non semel facta est. Is cum, sæpe ante, Cardinali fortem & fidelem nauas-
 set operam, incidit inter eos contentio, de re priuata, quæ ad tempus animos nonnihil
 alienauit:

alienauit: sed ea lite, magnis pollicitationibus inductus, Normanus cesserat. Verum cum, post aliquot menses, ad repetenda promissa, redisset, e sermone in altercationem, ac deinde, neutri satis decora, inciderunt conuitia: discesseruntque, vtrique animis infensissimis: Cardinalis, non quam volebat, reuerenter tractatus indignabundus: & alter, velut fraude circumuentus, minabundus, & in vindictam pronus, ad suos redijt, & intolerandam Cardinalis superbiam eis exposuit: Facile omnes in eadem eius coniurarunt: & quo res minus foret suspecta, Normanus, cum quinque tantum comitibus, Fanum Andree ingressus, in consuetum diuersorium se recepit, vt, ea paucitate, cædis consilium dissimularetur: erant in opido præterea decem, ex coniurationis conscijs, 10 qui, alij alio in loco, rei aggrediendæ signum expectabant: Cum hac manu tantum facinus, obire est ausus, in opido pleno propinquorum & clientium Cardinalis. Erant tum, vt in illis regionibus, Vere præcipiti, dies longissimi, nempe circiter Maij Nonas: & Cardinalis arcem suam, in vsum belli, communiebat, tanta festinatione, vt prope diel noctem in opere continuaret. Igitur, cum diluculo, ad operas intromittendas, aperiretur porta, Normanus e suis in domûcula propinqua duos præmissos in insidijs collocarat, vt, ianitore ab eis comprehenso, portæ compotes, signum, quod conuenerat, cæteris darent: hoc pacto, sine tumultu omnes ingressi, quatuor e suis miserunt, qui Cardinalis ostium obseruarent, ne quis ad eum nuncius perferri posset: alij circa aliorum cubicula missi, qui hominum & locorum noticia freti, ministros nominatim excirent. Eos cum 20 semisomnes sigillatim euocassent, mortem præsentem, si quisquam mutiret, comminari: extra arcem inuiolatos, sine tumultu, eduxerunt. Ita cæteris eiectis, cum soli arce potirentur, qui obsidebant Cardinalis ostium, tum demû pulsant, rogati, quinam essent, cum sua nomina edidissent, intromissi (promissa, vt quidam sunt auctores, incolumitate) multis eum vulneribus conficiunt. Interea rumor, de arce capta, per totam urbem spargitur. Cardinalis amici, somno & crapula languidi, sese lente moliantur e lectis, & tumultuose Ad arma vocantes, ad arcem accurrunt, cum magnis minis, & verborum contumelijs: scalas poscunt: & alia, quæ erant ad oppugnationem necessaria comportant. Qui ex arce hæc spectabant, vt repentinum illum animorum impetum paululum retunderent, & ad respectum sui, furentes reuocarent, conclamant, frustra eos tumultuari, & mortuo seram opem ferre: & cum dicto, cadauer exanimatum oculis omnium exponunt, in illo ipso loco, vnde ipse, non multo ante, Georgij Sophocardiij supplicium tam lætus spectauerat. Nec subibat modo animos rerum humanarum inconstantia, & inexpectatus euentus, sed multis occurrebat Georgij illa, de illius morte, prædictio: multa; alia, quæ sanctissimus vir ille, non sine diuino (vt credibile est) Spiritus afflatu, ventura præmonuerat, vt, breui secutus, exitus comprobauit. Cardinalis amici & propinqui, ad hoc insperatum spectaculum attoniti, celeriter sunt dilapsi. Re per omnes Regni partes diuulgata, diuersus animorum, pro cuiusque erga eum amore vel odio, fuit motus: alijs pulcherrimû, alijs nefarium facinus existimantibus: Multi enim, ob diuersum Religionis cultû, vitæ suæ ab eo metuentes, non pauci, ob arrogantiam intolerabilem, 40 offensi, non solum factum probarunt, sed & gratularum, ad libertatis publicæ auctores, venerunt: quidam etiam vitam fortunamque, cum illis coniunxerunt. Aula vehementer percussa, & velut consilij sui parte orbara, de sententia eorum, qui aderant, cædis auctoribus denunciant, vt intra sextum diem adsint, & vadibus datis, caueant, se intra diem, qui eis nominaretur, ad causam dicendam, in ius venturos. Illi cum arcem munitam tenerent, & in ea supellectilem, pecuniamque Cardinalis, & Proregis filium primogenitum, obsidem (vt ante narrauimus) Cardinali datû, nec pollicitationibus hostiû, quorum, sæpe ante, leuitatem & perfidiam perspexerant, fidem haberent, nullas condiciones aut mentionem pacis admittiebant. Ita, eis aqua & igni interdictû est. Hoc pacto res partim minis, & inanibus alterius partis promissis, partim alterius diffidentia, a mense Maio, ad Nonas 50 usque Nouembrii, est extracta. Tum vero Prorex, & Regina viduæ importunis flagitationibus, & Sacerdotum maledictis, & conuitijs impulsus, arma sumpsit: & arce, totis tribus mensibus, circûfesta, machinisque pulsata, quarto demû mense, præcipite iam hiems, re infecta, copias dimisit, & ad conuentû ante iudiciû, in mensem Feb. Edimburgû venit.

Qui arcem tenebant, interea metu ab hoste liberi, non solum frequentes, loca excur-
rendo vicina populationibus assiduis, & ferro flammaque vastabant: sed, tanquam ar-
mis patta licentia, in stupra & adulteria, aliaq; hominum ocio abundantium vitia pro-
fusi, ius, & æquum sua libidine metiebantur: Nec Ioanne Knoxio, qui tum ad eos ad-
uenerat, crebro admonente, Deum non irrideri, sed graues mox poenas per eos, a qui-
bus minime sibi timebant, de suæ Legis profanatoribus expetiturum: a flagitijs tamen
contineri non poterant. Præter hoc domesticum, & in ipsis visceribus grassans, ma-
lum, accessit & bellum externum: Angli enim, collectis copijs, Soluzum transgressi,
longe lateque sui terrorem fuderant: nec prædis & incendijs contenti, arces quasdam
munitas vi ceperant, & præsidijs occupant: nec in reliquis limitibus res quietæ erant, 10
Robertus Maxuallius, in quem maxima belli tempestas incubuerat, Edimburgum, ad
auxilium rebus pene perditis poscendum, venerat. Iam enim in agris solitudines vastas
esse: præsidia ab inimicis teneri: cultores agrorum, sedibus patrijs eiectiones, omniumque
rerum inopia confectos, amicorum misericordia viuere: quod fidem erga Regem mu-
rare nollent, hæc pati: Quod nisi eorum egestati prospiciatur, breui futurum, ut & ipsi
suis miserijs coacti, & vicini, similibus metu, in fidem Anglorum se dedant. Ei, ut sua re-
cuperaret, auxilia promissa. Prorex, cum exercitum eo duceret, ad Megaram amnem ca-
stra posuit. Ibi amicis & propinquis Cardinalis a Prorege importune petentibus, ut Ge-
orgium Lessium, Normani patrem, qui ibi aderat, in ius vocaret: neu hominem poten-
tem, sed fidei dubiæ, aut verius, aperte hostem, ut belli socium, duceret: Comes, etsi & 20
tempus & locus contra suaderent, tamen, nullam se iudicio moram facturum, ostendit.
Igitur iudicium nominibus, de more (quem alibi retulimus) lectis, ac nemine ab ad-
uersarijs nominatorum reiecto, sententijs omnibus est absolutus. Inde, ad Langopum
arcem progressi, expulsis illinc Anglis, cum alia præsidia aggredi vellent, nuncio repen-
tino sunt reuocati: allatum enim erat, Gallicam classem non procul ab Ebbæ promon-
torio visam, in qua essent vna & viginti triremes. Prorex, id quod res erat, suspicatus,
ad arcem Andreanam (vbi conuenerat) expugnandam, eas aduenire, lætus domum pro-
perat. Ibi cum Leonte Strozio, Gallicarum triremium præfecto, collocutus, coniunctis
copijs, arcem obsidione cingunt, tanta celeritate, ut multi ex præsidarijs excluderentur:
& plerique, qui extra eam coniurationem erant, negotij causa arcem ingressi, include- 30
rentur. Mox, sublati machinis æneis in turres duorum templorum, quæ in proximo
vtrique stabant, totam arcis aream adeo propugnatoribus infestam reddiderunt, ut
nemo, sine manifesto vitæ periculo, extra ades apparere auderet. Nec multo post, quod,
inter duas turres, muri erat (cum substructiones posteriores cum prioribus non satis co-
agmentatæ essent) admotis maioribus machinis, cum magno fragore corruit. Iam vero,
qui antea munitionibus confisi, se, ad omnia discrimina subeunda, promptos ostende-
rant, trepidare coeperunt: & conuocato, de summa rerum, Consilio, Protegis crudelitatem
(quæ in animis imbecillioribus acrius exardescere, solet) in propinqui morte vlciscen-
da, metuentes, Leonti Strozio, incolumitatem modo pacti, se dediderunt. Ille, suis, ad
arcem spoliandam, immissis, in qua, præter omnis generis commingatus vim maximam, 40
& Cardinalis pecuniam, & supellectilem, etiam, præsidiariorum omnes facultates, & mul-
torum præterea ciuium, ut in locum tutissimum, opes erant congestæ, vna cum Proregis
filio, qui obses a patre Cardinali datus, eoque casu, in arce deprehensus fuerat. Arx, de
Concilij sententia, diruta. Leon, post paucos dies, cum deditis in altum vela dedit. Hæc in
mensẽ Augustũ Ann. M. D. XLVII. inciderunt. Eodem fere tempore, allatum est, An-
glos magnas copias, terra mariq; parare, ut in Scotiam irrumpant, & pacti foederis fidem
reperant: quod foedus, circiter quatuor annos antea, factũ fuerat cum Prorege, de Regina
Scotia Angli filio colloquenda. Repentinus hic rumor animum Proregis, alioqui imbecil-
lum, velementer perculit, ut qui nec tum auxilia haberet externa, nec domesticis copijs
admodum confideret: nam & Papanorum factio eius leuitate offendebar, & Leninij 50
exulis amici, crudeliter ab eo & auare habiti, odiorum semina adhuc retinebant. Tamen
Edimburgum, ad Edictum, frequentes conuenerunt: inde profecti ad Eborac fluminis (quod
per Lothianam fluit) ostium, aduentum Anglorum præstolantur. Interea Scoti equites, ad-
uentan-

CIS. 15.

XLVII.

uentantem hostem omni ex parte adequitantes, & conuijs eos ad certamen laceffunt, & iter infestū reddunt. Imperator autem Anglus, qui Scotos, in tumultuario genere pugnae, sciret suos longe praecellere, vetuit, ne, quisquam, ex agmine aduerso, in eos excurreret. Tandem, importunis Graij, equitum praefecti, precibus exoratus, promissit, ut pariter quamplures equitum grauius armatorū & cataphractorū turmae in imparatos ex inopinato se effunderent, qua repentina procella Scoti, qui desierant hostem timere, cum solutis ordinibus, fugerent, eorum aut caesi, aut capti sunt, circiter octingenti: ex Anglis etiam, dum audius fugientibus instant, capti fuerūt complures: & in ijs, nobiles aliquot turmarum ductores. Ex eo die, Scotorū equitatus nihil, memoria dignū, gessit. Anglo-
 10 rum castra ad Præstonum vicum erant, paulo plus mille passus distantia. Inde, e superiore loco, Scotorum copias contemplati, cum, opinione maiorem, multitudinem viderent, conuenisse: interim, dum de summa rerum consultant, literas ad Scotos mitterunt, ut, si quid æqui impetrare possent, bellum condicionibus potius, quam armis finirent. Earum litterarum hæc summa erat: Se magnopere Scotos orare: primum, ut memin-
 20 erint, vtranque aciem Christianorum esse hominum, quibus (nisi suæ professionis prorsus obliuiscantur) nihil, pace & tranquillitate, debeat esse optatius, nihil, armis & vi iniusta, detestabilius: deinde, belli praesentis causam non ab auaritia, odio, & inuidia natam esse, sed a perpetuæ pacis studio, quæ, nulla ratione firmitus, quam matrimonio, coire posset, eoque publico procerum omnium consensu promisso, publicoque fœdere
 30 palam approbato: eisque conditionibus, quæ Scotis, quam Anglis essent æquiores: ut quæ, non in seruitutem, sed in vitæ societatem, omniumque fortunarum communio-
 nem, eos vocent: tanto autem vtiliores eas nuptias fore Scotis, quam Anglis, quanto in-
 40 firmioribus a potentiore & emolumentorum spes, & iniuriarum merus esset maior. Illud autem imprimis, in rationibus ponendis, in hoc genere spectandum quod Regi-
 nam viro collocare, Scotis esset necesse: quod necessitatis vis esset inenitabilis, & mode-
 ratio difficilis: viri eligendi potestatem vnā publico Concilio relictam esse. Quod si
 50 maritum, ex dignitate & vtilitate publica, eligant, quem potius assumant, quam Regem
 vicinum, in eadem Insula natum, genere propinquū, in eisdem legibus institutum, moribus, & lingua educatum, nec opibus tantum, sed omnibus fere externarum rerum vel
 60 ornamentis vel emolumentis superiorem: & adhuc, qui perpetuam secum concordiam, & veterum odiorum obliuionem afferret. Quod si peregrinum aliquem, lingua, moribus, & institutis dissentientem, accersant, ad regnum capiendum, secum ut cogitent,
 70 quantis illud consilium malis implicarum esset: & quot secum afferret incommoda. Id
 ipsos, aliarum nationum exemplo, posse animis prospicere idque saluus esse, quam ex-
 periundo discere. Quod autem ad se attinet, si Scotorum animos a concordia non alie-
 80 nos intelligant, aliquid de iure summo remissuros: contentosque fore, ut puella Regia
 in potestate suorum educaretur, vsque ad ætatem nubilem, donec ipsa, de consilio pro-
 cerum, sibi maritum eligere posset: ad id vsque tempus, ut vtriusque a vi & armis absti-
 90 neretur: ne, interea, Regina in peregrinum solum transueharer: neue cum Gallo, aut
 100 alio quoquam extero, de matrimonio pactio fiat. Id si Scoti sancte promittant, se sine
 mora pacato agmine, discessuros: & si quid damni Scotiam ingressi, dederint, id se, bo-
 norum virorum arbitrio, compensaturos. Has literas ad se allatas Prorex, cum Ioanne
 fratre, Fani Andrea Archiepiscopo, quem, in locū & auctoritatem Cardinalis, assumpse-
 rat, paucis alijs ostenderat. Illi, in spem victoriae erecti, auctores fuerunt, ut supprimeren-
 110 tur: verebantur enim, ne, si palam factæ essent, æquitare conditionum intellecta, moliti
 ad pacatiora consilia inclinarent: ipsi autem, per totum exercitum, rumorem spargendū
 curant, Anglos eo consilio venisse, ut, ablata per vim Regina, Regnum, vi & armis in
 suam ditionem redigerent. Prorex autem, homo natura socors, quāmor, nihilo seipso
 in re militari consultiores, allegerat, ad quorum nutū omnia circūmagerentur. Hi erant
 120 tres eius propinqui, Ioannes frater, Fani Andrea Archiepiscopus, Abbas Fernholpoda-
 ni, Georgius Durus, & Archibaldus Beronius, quartus erat Hugo Riggins, cauidicus,
 corporis mole, & stolidis viribus magis, quam militarium rerū cognitione, insignis: Hi
 Proregem, sua sponte inconstantem, sed ad omnem rumoris auram consilia mutan-

item, ita vana spe victoriæ implerunt, ut aliorum admonitionibus clausas aures haberet. Interea, cum per Scotorum exercitum Proregis amici fictum a se rumorem disseminandum curassent, itarim, magno cum tumultu, ad arma discursum est. Primam aciem Archibaldus Duglassius, Angulæ, postremam Georgius Gordonius, Huntillæ Comites, ducere, iussit: denique utrique virorum fortium millia data: Prorex in media prope parem numerum habebat. De fuga Anglorum, rumor subito exortus, nec omnino vanus erat: nam, cum deficerentur commeatu, nec e longinquo frumentari, nec rapere ex agris, in tanta paucitate, auderent, vnam salutis expediendæ rationem credebant, si, parte impedimentorum relicta, ipsi longis itineribus retro contenderent: verum, tot armatorum millibus ad prælium instructis, cum, nec in planum descendere, auderent, nec, obeundo, fallere possent, in loco superiore aduentum hostium præstolantur. Ex aduerso, Prorex, inpatientis moræ, cum per vnum e suis Duglassium admonuisset, ut aciem promoveret, ille, ut qui, ob inopiam commeatuum, sciret, Anglos non posse diutius in eo loco consistere, ac expectabat, ut agmen abeuntium innaderet, lente progrediebatur, donec per alterum a Prorege nuncium iuberetur, addere gradum: tum demum flumen transiit, media arque ultima acie, satis longo interuallo, sequentibus Angli, qui de discessu cogitabant, cum Duglassium ad se venientem magno gradu prospicerent, Graium, equitum præfectum, cum toto equitatu obuiam miserunt, qui agmen hostium moraretur, dum pedites collem propinquum occuparent: aut, si daretur occasio, Scotorum ordines turbaret: nam maior pars eorum cum Gallico armatu essent, Scotos impetum suum sustinere non posse, existimabant. verum Scotorum phalanx, densis ordinibus constipata, ac longarum hastarum vallo prætento, venientes exceperunt. Ibi cum primi Anglorum se hastis induissent, proximi, velut in insidias illati, retro in aciem suorum se receperunt, ac pro certo affirmarunt, Scotorum ordines nihilo magis perumpi posse, quam, si in murum saxum incurrerent. Cum iam, peditatu relicto, equites Angli fugam meditarentur, partim mutua adhortatione, partim a ducibus retenti, & æquiore loco confisi, ordines restituerunt. Scotos, a progrediendo in aduersum collem, retinuit illud maxime, quod lamboam Hispanum, cum cohortibus sclopetariorum equitum gentilium, velut in latus incursum, per obliquum clium descendere, viderent: itaque, ne phalangem per subita belli diuidere cogerentur, neue a lateribus circumvenirentur, a recto collis assensu pedetentim deflexerunt. Media acies cum, loco relicto, primos fugere crederet, ipsa, solutis ordinibus fugæ se dedit: id Angli e superiore loco conspicati, misso equitatu, multos fugientium obtriuere. Toto hoc itinere, ab Esca ad castra Anglorum, classis Anglica, in obliquum Scotorum latus iaculata, magno damno eos affecit. Cum vix omnes armis constratæ essent, ob cedes passim factas, quosdam in reditu amnis absumpsit. Inter Sacerdotes & Monachos (nam &, qui, per ætatem & vires, arma ferre poterant, in castra venerant) Angli grauissime saeuierunt. Nec pauci erant, qui illius diei calamitatem illis imputarent, qui arroganter pacem honestam reiecissent: &, in victoria, si eis obligasset, in suos magis, quam Angli, sauituri sperabantur. Ceciderunt, ex Anglis equitibus, in primo congressu supra ducentos: e Scotis vero, tota fere illustriorum familiarum iuuentus, cum amicis & clientibus, qui, sine flagitio, se eos non posse deserere, existimabant, in fuga multi capti. Scoti prisci, in vnum globum congregati, integris ordinibus, in ephumes domum redierunt: per loca enim impedita, & equiti incommoda, primum sunt progressi, nec, si quando, in plana descendere, cogeantur, equitibus Anglis, qui sparsi fugientes peremerunt, conausis aggredi. Hoc prælium, inter pauca, Scotis calamitosum, factum est, decimo die mensis Septemb. Anno M. D. XLVII. Angli, parva victoria, eaque latiore, quod præter spem acciderat, quinque millia cum omnibus copijs progressi, ibi circiter quadridies substituerunt, & quotidie excurrendo, ad sex ferme millia, regionem circumiectam særo flammæ, vastarunt. Neque rem, vlla memoria dignam, præterea attentauerunt, nisi, quod in æstuario Forthæ desertas insulas, Ketham & A Emonam, munerunt in æstuario Tai, Brochreanæ arcem cepērunt: & inter redeundum, terrestri itinere, Fascastrum & Hamum atres, iniecto terrore, ad deditionem compulerunt: præsidiaque alterum ad Lauderam, alterumque in ruinis Rosburgi, excitarunt. Repentinus eorum discessus Scotorum

C15. 13.

XLVII.

rum animos non nihil, recreauit: & facultatem coeundi, vt de summa rerū consulerent, dedit. Igitur ad Reginas, quæ tum Sterlini erant cum parte procerū, statim post prælium, Prorex, cum reliqua parte, accessit. Prorex quidem & frater, moesti & deiecti vt quorum culpa eo calamitatis deuentum esset: Regina autem vidua multa signa luctus, & vultu & oratione, pte se ferebat: sed qui sensus eius introrsus speculabantur, eis non ægre ferre videbantur. Hamiltoniorum arrogantiam repressam, cum autem affectū, qui, in dolore publico, superante læritia, eminebat, quibus, Regū vicia nominibus honestis occultare, mos est, ad animi magnitudinem referebant. Præterea Regina vidua, iam inde a morte Cardinalis, in omnes occasiones fuerat intenta, vt Proregem loco deiceret, & summam rerum in se transfert potestatem: nec, vnquam id effectū iri, sperabat, illis in summo culmine collocatis & loca munita tenentibus. In omni fere sermone, aucto in maius ex Anglis metu, domesticarū copiarum infirmitatem ostendebat, & pericula proponebat, quæ ciuilibus dissensionibus impendebant: suumque consiliū cum ijs, quos, Hamiltonijs minus æquos esse, sciebat, communicabat. Proceribus de vniuersa re Scotica consultantibus, decretum fit, vt Regina Britannodunū seponeretur, dum in conuentu procerum, de toto Regni statu, ageretur: Datus est custos, ex Regina viduæ haud dubie factione, Ioannes Areskinus: additur ei Gulielmus Leuistonius, Hamiltoniorum fautor: missi in Galliam legati, qui a Rege Francorum Henrico auxilia ex foedere peterent, aduersus hostem communem: spes etiam facta, Reginam in Galliam venturam, ac Delfino nupturam. Sed Galli, domesticis curis intenti, dum lentius, quam periculum instans postulabat, auxilia comparant, Angli ab utroque Limite interim Scotiam ingressi: Leuinius Comes, velut accitus ab amicis, ad Solstitium hibernum, Drumfrisiū venit: socer enim eius Angustus, & verus amicus Glencarnius duo millia equitum, ac vicinarum gentium peditū auxilia ei promiserant: si relictis Anglis, ad se veniret. Verū, cum ad locū, & diem ventum est, vix trecenti conuenerant: hique ex ijs fere, qui latrocinio victitabant. Hæc, atque alia huius generis, suspicionum plena, ac maxime variū ingenium Ioannis Maxuallij, qui iam obsides Anglis dederat, Leuinio fidem faciebant, se dolo peti. Igitur vt pari arte luderet hostes, retento apud se Glencarnio, item Ioanne Maxuallio, alijsq; Scottorum primoribus, qui, de ipsius ad suos transitione, transtabant, de media nocte, sexcentos equites, partim Anglos, partim e Scottis deditis, Drumlanricum versus pergere, iussit. Hi cum ad locum destinatū venissent, fere quingenti emissi, qui quam tumultuosissime ferro & igne grassarentur, vt arcis dominum, Iacobum Duglassiū, in insidias elicerent. Ille, id ipsum agi, ratus, cum suis lucem expectauit: deinde, insidiarum metu liberatus, in prædatores effusus inuectus, amnem Nirhum transgressus, ipse cum suis a tergo vrgens, abeuntibus inhæsit. Illi, spatium & locū se colligendi, adepti, retro in eum, verso impetu, feruntur, & in angustijs vadi, trepidatione iniecta, turbant, turbatisque instantes paucos occidunt: multos viros præstantes capiunt. Hac leui expeditione, tantus maiorem Gallouidiæ partem terror inuasit, vt certatim se Anglis dederent: partim, Leuinio gratificari, studentes, partim, ne a vicinis relictī, ad omnem iniuriam paterent, metuentes.

Prorex Scottorum, veritus, ne, si ipse, tanto circūstrepente vndique tumultu, nihil moliretur, animos suorum labefactatos penitus deiceret, Brochteam arcem obsedit, ac, post tertium fere mensem, nulla memorabili re gesta, suos abduxit, relicto cum centū equitibus Iacobo Haliburtono, iuvene impigro, qui vicina loca infesta redderet, & commatus terrestres in Brochteam & præsidium, quod, in colle vicino, Angli communierant, inferre prohiberent. Hæc fere, sub finem illius anni, gesta. Proximi anni, qui fuit M. D. XLIX. initio, Angli Hadinam oppidū, ad Tinam aninem in Lothiana, communierunt, & villarum incendijs & direptionibus, agrum totius ferme Scotiæ fertilissimum vastarunt: aliudque præsidium ad Lauderam vrgebant. Et Leuinius, sub finem Februarij, limite Occidentali transmissio, insidias, sibi a parte deditorum paratas, ægre euasit, &, Carleolum reuersus, de aliquot obsidibus, ac maxime Ioannis Maxuallij, quem præcipuum defectionis auctorem rebatur, ex literis Regis Anglorū, pœnas sumpsit. Inter hæc, Henricus Gallus, qui patri Francisco successerat, miserat ad mare copias, quæ in Scotiam traiciendæ erant, ad sex fere millia hominum: in ijs, erant tria Germanorum peditum millia,

RERVM SCOTICARVM

duce Ringrauius: duo fere Gallorum millia, ac circiter mille diuersi generis equites: omnes iussi: parere Delfio Gallo, qui iam aliquot annos copias in Gallia, non sine laude, duxerat. Hi Lethæ expositi, ac iussi, Edimburgi commodari, dum se, a nausea & iactatione, marina, reficerent. Prorex, & quod secum habebat copiarum Hadinam profecti, omni aditu obfesso, urbem clauferunt: edictoque in omnes partes misso, paucis diebus, ad octo millia Scotorum conuenere. Ibi, Nobilitate omni congregata, renouata est illa consultatio, de Regina in Galliam transportanda, & Delfino despondenda: conuocatur Concilium in coenobium Monachorum, quod extra Hadinam est: hoc est in ipsa castra. Erant, in eo conuentu, diuersi, animorum motus: alij enim disputabant, bellum ab Anglis perpetuum & a Francis seruitutem, ex hac Reginae ablegatione, imminere: 10 erant, qui, ob Religionis consensum, & presentium temporum conditionem, Anglorum oblatam amicitiam censerent amplectendam: praesertim, cum pacem decennalem offerrent, nec, vllò vinculo & pactis grauioribus, Scotos illigarent: Totum enim id fodus esse, vt, vel Rege Anglorum, vel Regina Scotorum, ante decennium, e vita decedente, omnia vtrique sint integra. Vt nullus autem fortuitus euentus intercurrat, tamen regno malis presentibus, quibus, fractis viribus, prope succumbat, liberato, posse, iuuentute, quam proxima clades pene totam absumpserat, longa pace aucta, sopitis intestinis dissensionibus, maturius, quam inter cornua tubasque, de summa rerum agi: qua in consultatione, saepe mora fuit salutaris, & praecipitem festinationem celer est secuta poenitentia. Gallicæ causæ fauebant primum omnes Papani: deinde, Gallicis beneficijs pra- 20 occupati, aut in magnam spem emolumentorum erecti: in hoc genere fuit & Prorex: ei promissi erant redditus annui duodecim millium librarum Francicarum, & praefectura centum equitum cataphractorum. Ita in eorum sententiam frequenter itum est, qui, Reginam in Galliam amittendam, censebant. Igitur classis, quæ, ad eam deuehendam, venerat, & interim Lethæ stabat, simulato discessu, totam Scotiam circumuecta, Britan- nodunum appulit, Regina, quæ, quamplures menses, eius aduentum expectauerat, comitantibus Iacobo fratre, Ioanne Areskino, & Gulielmo Leuistonio, conscendit: ac multum, tempestatibus aduersis, iactata, tandem in Britanniam, peninsulam Gallicam, fuit exposita, atque inde ad Aulam, modicis itineribus, perducta. In Scotia, cum bellum ad Hadinam substitisset, vulgus Scotorum, diuersis in locis, rei gerendæ occasionibus non 30 defuit: Nam, cum ex Humo & Fascastello arcibus hostes excurrentes magnis incommodis vicinas regiones afficerent, tandem Scoti, obseruato, negligentius in Humo vigilas obiri, nocte per rupem, vbi sciebant, fiducia loci, minimam diligentiam adhiberi, in summum penetrarunt, ac caesis custodibus, arcem in suam potestatem redegerunt. Nec ita multo post, cum praefectus Fascastelli imperasset vicinis agricolis, vt magnam comae- tum vim, ad certum diem, adueherent: hanc vicina iuuentus occasionem nata, fre- quens ad diem dictum affuit: ac, deposita e iumentis, onera cum in humeros extulissent, per pontem, qui duas rupes committit, recepti, repente, quod ferebant, deiecto, custodum, qui aderant, signo dato, conficiunt: ac prius, quam reliqui Angli conuenire possent, ar- mis & locis opportunioribus occupatis, suisque per patentem portam acceptis, arce sunt 40 potiti. Nec maritimus interea Anglorum exercitus quieuit: tota enim terrestris belli mole Hadinam versa, proximas regiones praesidio nudatas, rati hostium duces in Fisanum agrum descendere, decreuerunt. Igitur, cum aliqua opida maritima, habitatoribus fre- quentia, praeteruecti, ad Fanum Miniani, vicum satis frequentem, appulerunt, vt inde, terrestri itinere, ad immunita quidem, sed maiora, & in quibus diripiendis maius ope- raprecium esset, pergerent: Iacobus Stuartus, Reginae frater, accepto tumultu, ipse cum plebe Fani Andreae, & paucis, qui domi relictæ erant, ciuibus, eo accurrit, aggregantibus se ad famam passim vicinis. Angli, iam in terram egressi, circiter ad mille & ducenti, ad pugnam instructi, stabant: ac metu machinarum, quas e nauibus exposuerant, agrestium turbam facile dissipabant: Iacobus autem, terrore fugientium paulum compresso, tanto 50 impetu in hostem irruit, vt quamuis turbam temere collectam magna ex parte secum haberet, statim hostem funderet: aut fugaret: atq; inde ad mare, magna cum caede, com- pelleret: multi in fuga trucidati: non pauci, dum ad naues properant, aquis absumpti: naucula

nautica cum vectoribus, dum tumultuosius ad suos festinant, depressa est. Ferunt, eodiei
 casos circiter sexcentos, centum captos. Illino classis ad Mesbiam, regionem minus
 frequentem, est directa: eo consilio, ut Montem Rosanum, opidum non procul a
 Dea fluminis ostio situm, opprimerent. Exscensionem noctu facere, statuunt: quam
 opperientes, donec lucis aliquid supererit, ad anchoras, extra terrae conspectum, stete-
 rant. Cum per tenebras paulatim ad litus allaberentur, ipsi sua imperitia, rationem
 occulti consilij, accensis in omnibus nauticulis incernis, hosti prodiderunt. Ioannes
 Arelkinus Darius, opidi praefectus, omnibus, absque strepitu arma capere, commo-
 nit, tripliciter suos diluist: alios retro aggerem torionum, in litore, ad exscensiones
 10 impediendas, instructum, collocauit: ipsi iaculatores aliosque, leuiter armatos, in hostem
 duxit: tertiam manum ministrorum & vulgi promiscui, adiunctis paucis hominibus
 militatibus, qui turbam regerent, retro colle propinquum expectare, iussit. His ita
 comparatis, ipse, cum iaculatoribus, in hostes descendentes inuectus, sacre certamen
 conseruit: ac, tumultuario genere pugna, eos usque ad aggeres pertraxit: Ibi coniunctus
 cum statione suorum, acie instructa, omnes vna in hostem inmisit. Nec illi cessissent,
 nisi, e colle propinquo, acies alia sub signis se ostendissent: tum demum ad mare & na-
 ues adeo trepide acti sunt, ut e circiter octingentis, qui exscenderant, vix tercia pars
 incolumis euaserit. Interea, ad Hadinam, acriter excursionibus plughabatur, nec sine
 virtusque partis damno: plures tamen ab Anglis cadebant. Itaque cum multarum re-
 20 rum aut iam esset, aut mox instaret poenuria: arque auxilium, quod parabatur, serius
 venturum, crederetur, quam vires obsessorum, affectae, ferre possent, Beruico interea
 duo Equites illustres, Robertus Bouius, & Thomas Palmerius, eo mille pedites, & tre-
 centos equites, quanta possent celeritate, ducere iussi sunt. Hi omnes, infidijs excepti,
 pene ad vnum interierunt. Cum Angli statim alia subsidia mittere conarentur, eorum
 consilio intellecto, Galli ad angustias viarum, qua venturi erant, se obiecerant: verum
 Dessio per exploratorem hostium, quem ceperat, deluso (quippe assuegerat, Anglos
 adhuc procul abesse, & alia via instituisse ad suos penetrare) relidis, quas obsidebat, fau-
 cibus, alio se auertit: et Angli interea, qua pertenderant, nemine obui, penetrarunt.
 Trecentos adducebant recentes milites: attulerunt & globos ferreos missiles, & sulfurei
 30 pulueris non nihil: com meatu item eius generis, cuius apud obsessos summam esse poe-
 nuriam, sciebant. Dum haec ad Hadinam, varia fortuna, geruntur, neque quicquam ad
 summam belli proficitur, certus astitit rumor, iustum in Angliam conscribi exercitum,
 ad obsidionem soluendam. Dessius, copijs aduentantibus, cum se imparem sciret, reco-
 stra paulo longius ab opido remouit, & machinas arceas, praeter sex minusculas, ex eo
 genere, quae campestris vocantur, Edimburgum tenuit. Tandem Angli exercitus ad-
 uentus obsidionem soluit: quod, in vniuersam aleam certaminis, remoticam ducere com-
 mittendam non censebant. Scoti, qua eui proximum erat, domos redierunt: Galli, cum
 Anglis vehementer prementibus, sine noxa se receperunt. In reditu, Edimburgi prefe-
 ctum, prohibentem, cum omnibus copijs opidum ingredi (quod sciret, eos a praedandi
 40 licentia non posse contineri) vna cum filio, & ciuibus aliquot, qui se ad eos aggregabant
 Galli milites interemerunt. Dessius interea, ne seditio glisceret, simul ex rebus benefu-
 cedentibus, ratus, hostem negligentiore factum, statuit tentare, num, cui opinatio Hadin-
 nam intercipere, posset. Ea tota fera nocte, profectus, prima luce, vigiliis decisis, ad
 muros venit, ac munimento, quod ante portam erat, oppresso, capisque excubantibus,
 alij portam effringere conantur: horum Anglorum proxima inuadant. Ibi inobedi-
 um fragor, & Gallorum alacritas, victoriam ingeminantium, vix tandem sopitis An-
 glicis somnium excussit. In hac maxima omnium trepidatione, miles quidam in aduna-
 tione maxima, quae in portam forte aduersa stabat, ignem subiecit, ut in praesentia glo-
 50 riam anceps remedium tentaret. Globus perfracta porta, per densos Gallorum ordines
 transuolans, tantam fragorem dedit, ut, inter vociferationem militum, victoriam glori-
 antium, & fractarum valuarum fragorem, clamor dissonus ad extremos perueniret. Illi,
 trepidationis causam ignorantes, in fugam conuersi, reliquos secum traxerunt. Inde Galli
 cum damno repulsi, in Teniotiam, quam Angli maximis afficiebant calamitatibus, duxerunt.

ibi praesidentē Dessio, ledburgo hostes repressi & multae incursiones in agrum Anglorum, non sine re & laude, factae. Tandem, omnibus agris vastatis, omnium rerum inopia ad labores quibidianos adiuncta est, minore vulgi commiseratione, ob Edimburgensem seditionem, quamquam, velut ad tyrannidem conatum, accipiebant. Nec, ab eo die, quicquam a Gallis, memoria dignum, est patratum. Rex Galliarum, ex Proregis & Reginae viduae literis, certior factus, Dessium, leuibut expeditionibus, & ferme inutilibus, magnos sumptus facere, grauioremque eum amicis, quam inimicis esse, ac praecipue, post Edimburgi factam seditionem, adeo Franci militis auctam insolentiam, ut res non procul abesset a pernicie, ex intestinis discordijs. Eo renocato, auxilijs Paulum Terminus, virum militarem, & summa prudentia praeditum, Gallus cum supplemento misit in Scotiam. Is dum aduenit, Dessius, cum ad suam existimationem facere arbitraretur, Ketham insulam, ante paucos dies captam, & muniri coeptam, recuperare, classe Lethaeo-acta, cum lecta manu Scotorum & Francorum conscendit, Regina vidua spectante, & nunc singulos, nunc vniuersos adhortante: ac, litore potius, Anglos in altissimū insulae angulum compulso, caelis fere omnibus eorum ducibus, ad deditionem, nec tamen sine sanguine, coegit: hoc postremo in Britannia opere fortiter patrato, exercitum Terminus tradidit. Is, eductas ex hibernis copias in regiones, ad Septentriones spectantes duci, iussit: eos ipse, Dessio dimisso, statim securus est, ac exercitu ad Brochteam arcem ad-moto, breui eam, ac mox castellum propinquum de Anglis cepit, vtrinque fere omni praesidio deleta. Cum in Lothianam redisset, ac totis viribus in id incumberet, ne com-meatus Hadinam subueherentur, ac pene ex improviso, magnus Anglorum & Germa-norum exercitus ei se, ad praeliū paratum, ostendisset, suos instructos magno gradu re-troduxit, donec ad loca tutiora perueniret: interea Scotorum eques, qui ab omni parte hostium agmini insulabat, conspicatus, Germanorum impedimenta incustodita, ea mo-mento temporis diripuit: com-meatus interim, nullo impediēte, Hadinam illati. Inter haec, ad Coldingamiam, Iulianus Romerus, cum Hispanorum cohorte incautius, ut in rebus tranquillis, oppressus, ipse capitur: pene tota cohors est deleta. Terminus, domū, re-uerfis Anglorum copijs, ad Hadinam oppugnandam, redire decreuerat. Tenebant opidum viri acres: sed, regionibus circa vastatis, cum difficilis & periculosa esset com-meatum e longinquo subuectio: parumque, & raro, nec vnquam sine damno, apportaretur: ipsique praeterea Angli grauiissima seditione domi laborarent, & foris Gallico bello premeren-tur, praesidiū Hadinense, omni spe auxilij destitutū, ad Cal. Octob. M. D. XLIX. opido in-censo, in Angliam discessit. Praesidium quoque ad Lauderam iam in eo erat, ut, omnium rerum necessarium inopia circumuentum, dederetur, cum subito allatum est, de pace, inter Anglos & Francos, inira, qua, ad Cal. Apr. Anni M. D. L. fuit in Scotia promulgata, ac, proximo mense Maio, Galli milites sunt classe domum reuecti. Ea pax circiter trien-niū, quod ad externū hostem attinet, durauit: sed, grauiissimo bello, nihilo minus fuit & molesta & perniciosa: nam qui praerant rei summae, Prorex, & frater eius, Fani Andrex Archiepiscopus, uterque summa crudelitate & auaritia. Archiepiscopus etiam, in om-nem libidinem solutus, quasi iure permessa in omnes omnium rerū licentia, suis cupidi-tatibus obsequabatur. Primum velut futurae tyrannidis fuit praesagiū inulta cedes Guliel-mi Crichtonij, hominis primarij. Is in ipsis Proregis adibus, ac tantū non in ipsius con-spectu, a Roberto Semplio fuit exclusus: poena tamen exemptus fuit cedis auctor, exorante concubina Archiepiscopi, quae Semplij erat filia. Archiepiscopus, qui Rege viuo inter eos, quibus plurimum fidebat, sincerioris Religionis studiū pra se ferebat, & eo defuncto in omnia vitia praecipue iterat, e multis concubinis, hanc Sempliam, nec forma decoram, nec fama alioqui integram, nec alia re, quā procacitate, insignem, a marito, propinquo suo & gentili, abductam, prope in vxoris iustae loco habebat. Proxime, secuta est mors Ioan-nis Maluillij, Nobilis Fiani, qui proximo Regi inter familiarissimos habebatur: eius de-prehenso fuerunt literae, ad Anglū quendam, cui amicū captiuū commendabat: in eis etiā nulla suspicio criminis inerat, tamen ad suppliciū auctor earū raptus capite luit. Poenam foediorē fecit patrimonij eius, Dauidi, filiorū Proregis minimo, datū. Horū quidem facinorū damna ad paucos, inuidia ad multos, exemplum prope ad omnes pertinebat. Ob hanc

Ob hanc imperitiam Regni gerendi, totiusque vitæ segnitiam, cum animos etiam vbi
Prorex offensus, tum ob alia, in dies fiebat vilior. præcipue, post sublatum Georgium
Sophocordum, maxima parte hominum secutas calamitates in Religionem veritatis
seculis maxime, qui non modo puritatem doctrinæ, & vitæ totius moderationem in
Georgio imitabantur: sed qui multis & eius veracissimis prædicationibus persuasi, cum
fidei perspicuam dignitatem et inditum credebant. Vilescere, ob hæc, interim Proregis
auctoritate, mox & secutum malum, multo latius fufum, quod omnium querelas, nec
eas quidem obscuras, expressit: Conuentibus enim iuridicis, per vniuersum Regnum,
indictis, verbo quidem, vt latrocinia comprimere: verum res ipsa ostendit, nihil
aliud, quam publicam direptionem, sub honestis nominibus, quæri: Ab vniuersis enim
extorquebatur pecunia: & a bonis viris, & latronibus æqualis multa exigebatur: &
vtrique, non pro magnitudine scelerum, sed opum, plectebantur. Nec a sinceræ
Religionis cultoribus abstinebat crudelitatem & avaritiam, etsi ipse ali-
quando eam sectam professus fuisset: nec tum haberent Cardi-
nalem, sub cuius nominis prætextu sua vicia tegerent.
Nec, Proregis nomine, pecunia turpius qua-
rebatur, quam flagitiosius, libidine
fratris, profundebarur.



RESCOTICARVM HISTORIA

Auctore Georgio Buchanano Scoto.

LIBER DECIMVS SEXTVS.

REX domi compositis, Regina vidua, partim vt filiam, patriam, ac propinquos inuiceret, partim, vt spem dominandi, admotam & sese offerentem amplecteretur, in Galliam proficisci, statuit, comitibus adiunctis, quos a suis consilijs non putabat fore alienos: mulier enim ambitiosa, nec incallida, sperabat, Proregem, suis vitijs pessum euntem, facile de gradu depelli, ac se, in eius locum, posse substitui. Itaque, cum, apud Gallum supra annum commorata, rerum Scotticarum ei statum indicasset, benigne audita est, & quae voluit, per fratres facile persuasit. Rex Gallus, vt, quae cupiebat in Scotia, sine motu adipisceretur, Scotticae Nobilitatis, quae Reginam viduam profecuta fuerat, primores, pro cuiusque ordine & loco, varijs honoribus accepit: qui Proregi aliqua necessitudine erant coniuncti, honoribus cumulantur: filius enim eius, Iacobus, Scottis omnibus, mercede militantis in Gallia, praeficitur: duo-
decim praeterea Francicarum librarum millia annua ei promissa. Huntlaeus (cuius filius ei erat gener) fit Comes Moraviae: filijs Rothusij, ex diuersis matribus, de patrimonio litigantibus, natu minimus, qui Hamiltonijs erat affinis, Comes vocatur. Gallus, a Regina vidua admonitus, Robertum Carnagium, Proregis familiarem, nuper in Galliam missum, vt gratias agat, de auxilijs toties aduersus Anglos missis: item Dauidem Panitarium, Scottorum nomine, per aliquot annos in Gallia Legatum, & Galuinum, Kiluinini Abbatem, omnes haud dubie factionis Hamiltoniae, ad se vocat. Iis aperit, quae cum Gufianis, superioribus diebus, tractauerit: quorum summa eo fere tendebat, vt Proregi ostendant, cum Regi rem facturum gratissimam, si breue tempus, quod supererat ei magistratus, Reginae viduae cederet. Id cum & aequum & bonum, & cum legibus esset consentaneum, tum se curaturum, vt a rationibus eius non alienum foret: operamque daturum, vt, cum Rege munifico ac amico fideli sibi rem esse, sentiat: ostendere iubet, quae beneficentia in eum & amicos, in praesentia, vltro sit usus: quid, in posterum sperare, debeat. Ita, magnificis promissis oneratum, Carnagium domum remittit: ac breui post, Legatum Scottum Panitarium, Rossensem Episcopum, sequi iubet. Is, vt maiore erat eloquentia & auctoritate, cum Prorege atque eius amicis egit, vt summae rei administrationem in Reginam viduam transferri sineret, ac vix tandem impetrauit: ipse, ob fidem ac industriam, in eo negotio transigendo, a Rege Galliarum coenobio in Pictonibus est donatus. Regina, tanquam certa de rerum in Scotia successu, cum satis prouisum videretur, quo pacto Scotti, amissa vetere libertate, ad seruitutem Gallorum adducerentur, accepto Legato, ad rem gerendam, Osellio, homine acri, cuius consilio in rebus omnibus vteretur, terrestri per Angliam itinere, domum est reuersa. Proximo, post reditum, anno, Proregem, prope per omnes Regni partes conuentus iuridicos agentem, secuta, Nobilitatem

litate paulatim suam faciebat. Hoc toto itinere, pauci facinororum supplicio affecti:
 ceteri pecunia luerunt. Hac Regina nec probare poterat, nec tamen penitus iniqua iudic-
 bat: quicquid enim fauoris publici Proregi decederet, id vniuersum sibi accrescere inter-
 pretabatur. Interim igitur, Nobilitate in suas paries tracta, cum ipso Prorege per amicos
 egit, vt, sponte, magistratu se abdicaret. Propinqui, circumspēctis eius viribus, omnia pe-
 cunia & amicis, eum in opem cernerent, & quanta, ex tutela rationibus reddendis, inno-
 les incumberet (Rex enim, Iacobus Quintus, magnam vim p̄buit & armorū, magnū
 nauium & equorū, machinarumq; teneatū numerū, magnam & pretiosam suppellectilem
 decedens reliquerat, quae ille inter suos, intra paucos annos, profunderat) nec rationes posse
 diu differri, Regina iam prope adulta, videbant. His molestis, si Imperij abdicatione se
 explicare posset, non magnam in eo iacturam fore, cernebant. & magistratū eundem totum
 Gallis redderet, cuius, iam diu, vis omnis ab illis penderet: & inuidioso Proregis cūctō,
 quem diu retinere non poterat, incolumitatem & securitatem suam, & suorum edideret.
 Hac conditio cum non displiceret, in has fere leges conuentum est, vt, quacūq; Ha-
 miltonius e proximi Regis bonis vsurpauerat, ea Gallus ei condonanda cāueret, ab ini-
 mūnem, a rationibus tutelae nomine reddendis, eum faceret: accepto tantū iurciutādo,
 se, quae comparerent, redditurum. Nec tamen in eo promissum praestitit. Nam, duodeci-
 mō fere post anno, arce Hamiltonia, post praelium ad Langosidū, capta, multa illic sunt
 deprehensa, quae periuriū eius coarguerent. Data sunt ei amplius munera, & titulus Ducis
 20 Castellerotij (quod est Pictōni opidum, ad Viennam flumen situm) cum annuo duo-
 decim millium Francicarum librarum reditu: cuius summae dimidium, aliquot annos,
 fuit persolutum. Adiectum, vt, omnium Ordinum suffragiis, si Regina sine liberis dece-
 deret, Hamiltonius proximus haeres ei decerneretur. Hae quidem ibi conuentae, & pacta
 atque in Gallias missa: vt per Reginam ibi, & Curatores eius confirmarentur. Curatores
 autem Regina, de sententia matris, creat Henricum Secundū, Regem Francorum, Fran-
 ciscū, Ducem Gusiæ, & Carolū Cardinalem, eius fratrem. Et Prorex quidem, quanquam
 ab administratione publica, suadente Panitatio, iam decedere erat pollicitus, tamen, ap-
 propinquante finiendi imperij termino, pro sua solita inconstancia, rursus omnia in du-
 bitum reuocare, & quam grauis, e summo magistratu in vitam recidere priuatū, casus
 30 foret, cogitare, obnoxium se fore iis, quorū multos offenderat: iam palam obniti, excusa-
 tionibus nectendis, tergiuersari, cum Regina nondum duodecimum expleisset annum.
 Aduersus hanc, cum non deesset, quod diceretur, tamen Regina vidua maluit, Sterlinum
 secedere, ac tempus finiendae tutelae expectare legitimū, quam, de re parua, leuiter
 rixari. In hoc secessu, cum Nobilitatis pars maxima ad eam ventitaret, fortuna illic in-
 clinante, nūquam interea cessauit, omnibus rationibus aut proceres in suam factionem
 pertrahere, aut tractos confirmare, bonam omnibus spem de se faciendo, &, cum rerum
 administrationi admoeretur (quod breui omnes futurum intelligebant) multis singulis
 & vniuersis pollicendo. Tantū illis artibus profecit, vt duo solum primi Ordinis Proregi
 adessent, reliqui ad Reginae partes transfirent: apud eum enim soli remanserunt Iohannes,
 40 frater eius Spurius, & Leuistonius, propinqua cognatione iunctus. Hac solitudo circa
 Proregem, & velut publica significatio alienatae voluntatis omnium Ordinum, & apud
 Reginam procerum frequentia, coegit eum, ad condiciones, quas, poenitentia ductus,
 reiecerat, denuo reuerti, hac lege, vt Regina vidua eas, in proximo conuentu, per tres
 Ordines, & per Curatores, in Gallia, curaret confirmandas. Eodem fere tempore, res in
 50 Anglia turbatae fuerunt, ob Regis, Eduardi Sexti, mortem, adolescentis maxime expecta-
 tionis, propter raram ad omne genus virtutis indolentiam, & naturā inditam, & doctrinā
 exultantem. Principio Veris proximi, Nobilitas Sacerdotum coacta est. Ibi frequenti Concilio,
 prolata est approbatio eorū, quae cū Prorege transactae fuerant, quibus omnibus Reginae
 cum Curatoribus subscriperant. Hae quoque adiecta est conditio, vt Britannodunū cu-
 60 stodia penes Proregem esset. Ad ea perficienda, conuentus est indictus Edimburgam, in
 decimum diem proximi mensis Aprilis, ibi praestata sunt pacta, & conuenta, vt dictum
 est, a Curatoribus approbata: iis lectis, Prorex assurgens, sese palam abdicauit magistratū,
 atque insignia imperij Oscellio tradidit. Is ea, Reginae absentis nomine, recepit, atque,
 70

C15. 13.

LV.

ex eiusdem mandato, Regina vidua tradidit, eaque, magno conventus assensu, illa suscepit atque, in locum Proregis suffecta, pompa præeunte per urbem in palatium suburbani est vecta: Prorex autem, qui, magna frequentia procerum stipatus, ense, corona, & sceptro puglatis, de more, ingressus in comitium erat, in ordinem redactus, turba se impulit, anno M. D. XV. Nouum fuit id prosum, & ante eum diem, in audium, Scotis spectaculum: primum enim tunc, de Concilij sententia, ad Regni gubernacula admodum est scemina, Hactenus ad Gallos inclinatione, Scoti nunquam adduci poterunt, ut arcem Edinburgensem exteris custodiendam committerent, veriti, ne, si Regina sine liberis decederet, eam sibi Galli tyrannidis sedem constituerent: ea igitur munda Ioanni Areskino velut sequestro, custodia: quam necmini, nisi ex Ordinum decreto, redderet. Post hæc, 10
statu publico (ut videbatur) composito, Regens (ita tum, eam vocare, placuit) Georgium Gordonij, Huiusmodi Comitem, ad comprehendendum Ioannem Muderacum, Reginaldina gens principem, insignem latronem, multis ac scelestissimis facinoribus coopertum, 20
missus. Hanc expeditionem parum sanguis fide creditur obisse Gordonius. Itaque cum, re infecta, redisset, in custodia, usque ad diem causæ dicendæ, retentus est: propinquis interim, ad leniendam reipsum molestiam, culpam in Catanam tribum, falsos rumores in vulgus, spargendo, referentibus: rem enim ab eis corruptam, ementiebantur, ob insignem cotumeliam Gordonij odium: id autem ex hoc fere initio exarsit. Dum Regina adornat navigationem in Galliam, Gordonius apud se in vinculis Gulielmum Catanz familie principem, adolescentem cura Iacobi, Comitis Morauiz, liberaliter educatum, in vincula 20
coniecerat, nullius quidem maleficii compertum, sed quod, se in clientelam eius dedere, recusabat: oberat etiam Morauij, cuius e forore natus erat, propinquitas. Hunc Gordonius, contumelia aduersum, non satis tutum arbitrabatur, post se liberum relinquere, neque dignam causam experendi supplicij reperiebat. Igitur, per amicos, homini adulescenti, & malarum artium ignaro, persuadet, ut sibi vni suam causam permitteret: hac enim vna ratione, posse alterius famam, alterius incolumitati consuli. Igitur Gordonius, vite necisque inimici dominus factus, odio dissimulato, cum vxore agit sua, ut, se absente, de homine innoxio supplicium sumatur: ratus, facinoris inuidiam in eam transferri posse: quod longe contra euenit. Nam, cum omnes Gordonij vasrum ingenium agnoscerent, & vxorem eius, foeminam lectissimam, in omni reliqua vita, intra matronalis decoris 30
prescriptum se continuisse, scirent, omnibus facile persuasum est, eum omnium consiliorum vxori auctorem fuisse. Igitur, Gordonio in custodia retento, de poena, in consilio Regentis sententijs est variatum: alijs in Gallias eum, ad aliquot annos, relegantibus, alijs, capite multandum, censentibus. Vtraque sententia est reiecta, per principem inimicorum eius, Gilbertum, Comitem Cassiliffæ: is enim cum, ex præsentis rerum statu, prospiceret, non diuturnam fore, inter Scotos & Gallos, concordiam ne in Galliam relegaretur, obstitit: Hominem enim, ingenio vasro, & obrectatoribus & æmulis nocendi cupido, bello, quod breui futurum, ob Gallorum insolentiam, non dubitabat, velut facem, atque adeo dudum hostibus præbendum non esse: Supplicio afficiendum, etiam multo minus existimabat: nullum enim malum domesticum tantum esse, aut eius vindictam tanti 40
putandam, ut Gallos procerum Scotorum sanguini fundendo, assuefacerent. Eo tandem decursu est, ut pecunia cum eo diceretur, ac retineretur, donec iure, quod in Morauiam sibi vendicabat, cederet: Orcadam, Hethlandicarum insularum, & Maritz vectigalibus, 50
omni denique patrimonio Regio, quod in illa plaga situm est, item præfecturis iuridicis aliquot provinciarum, unde illi magnæ commoditates erant, abstineret, omnesque fructus, vtendos fruendosque publicanis & coactoribus, quibus Regenti visum esset, libere permitteret. His conditionibus, dimissus, cum Regentem aliosque nonnullos, qui apud eam plurimum poterant, conciliasset, non multo post, ad intima consilia fuit adhibitus. Interea, Aulica omnia officia, ex quibus questus esset, ut æmuli videri volebant, auctore Gordonio, peregrinis dabantur, eo consilio, ut Regentem cum Scotorum proceribus 60
committeret: & ex vtriusque partis cladibus, volupratem, si non honestam, saltem non iniucundam, caperet. Comes autem Cassiliffæ, qui, hanc tempestatem futuram, viderat, iam prope vates haberi coeperat. Ex eo, res tranquilla factunt, usque ad mensem Iulij, 70
anni

anni M. D. LV. Regens, hoc velut ocium a bellis naſta, ad publicū Regni ſtatum corrigendū,
 animum intendit. Ennereſſum proſecta, publicos conuentus in omnibus locis fere, in
 quibus haberi ſolebant, coegit: & cū multa ſeueritate, de pluribus, quietis publicæ per-
 turbatoribus, ſupplicia ſumpſit. Ioannem Stuartum, Atholiz Comitem, aduerſus Ioan-
 nem Muderacum miſit, vt offeſam Gordonij, in ſuperiore expeditione, corrigeret. Ille
 non ſolū fortitudine & cōſtantia, proprijs ſibi virtutibus, ſed ſolertia & felicitate ſumma
 uſus, eum, cum liberis & omni familia deditū, recepit, & ad Regentem perduxit. Verum
 ille, ſiue ocij, cuius erat impatiens, ſeu ſclerum conſcientia ægrum animum ſtimulante,
 cuſtodijs deceptis, elapſus, omnia cæde & ſanguine rurfus impleuit. Quo tumultu audito,
 10 Regens citius, quam conſtituerat, coacta eſt, ad iudicia exercenda, aduerſus illum atque
 alios maleficos proſiciſci: inde reuerſa, in conuentu publico, quosdam e Cardinalis Beto-
 nij interfectoſibus, homines populares, a Prorege in exilium pulſos, reſtituit: nec tamen,
 hoc factō, plus gratiæ collegit, quam, ex nouorum tributorum excogitatione, offeſſio-
 nis. Hanc pecuniæ conſiciendæ rationem, vulgo creditum eſt, Oſellium, Rubeumque,
 & pauculos illos Gallos, qui circa Regentem erant, commentos, vt videlicet, cenſu factō,
 tabulæ conſicerentur, in quibus omnium bona perſcriberentur: ac ſinguli, pro rara,
 quotannis, portiunculam ad ſumprum belli, in theſaurum publicum, hunc in uſum
 deſtinatum, reponerent: ex ea pecunia, in hoc peculiari ærario ſeruata, mercenarium
 militem poſſe conduci, qui limitibus eſſet præſidio, quieta interim domi Nobilitate, niſi,
 20 ſi quando maior vis hoſtium ingrueret, quam vt ordinarijs præſidijs poſſet ſuſtineri. Hanc
 nouam pecuniæ conſectionem cum tenuiores ægerrime ferrent, & amarulentis diſtis pa-
 lam proſequerentur, e proceribus maior pars tacite muſſabat, dum quiſque reſpicit, ne,
 qui primus obuiam iret Regentis cupiditati, præcipuam reſuſationis inuidiam in ſe v-
 num auerteret. Proximus ordo, primoribus, qui, ſua taciturnitate, libertatem publicam
 proderent, non minus quam Regenti inſenſus, cum circiter trecenti Edimburgi conue-
 niſſent, e ſuo corpore duos, Iacobum Sandelandium Calderanum, & Ioannem Vernium
 ad Regentem miſerunt, qui, in tributo ſoluendo, ignominiam, & in cenſu conſiciendo,
 paupertatis publicæ & priuatæ conſeſſionem deprecarentur: maiores enim ſuos non
 modo ſe, ſuaque, aduerſus Anglos, longe, quam nunc ſunt, potentiores, defendiſſe, ac ſæpe
 30 etiam in illorum agros incurriſſe: neque ſe nunc degeneraſſe adeo, vt non & rem, & vitam,
 ſicubi uſus poſtulet, patriæ impendant. Quod ad mercenariorū conductionem pertineat,
 rem eſſe periculi plenam, ſummam rei Scoticæ hominibus, ſine re, ſine ſpe, quiduis, ob
 pecuniam, auſuris, committere, quorū profundam auaritiā incendat, ad noua molienda,
 occaſio, & fortuna ſecum fidem circumagat: & vt cætera recte ſe habeant, illique patriæ
 charitatis magis, quam ſuæ condicionis meminerint, cuiquam ne credibile fore, merce-
 narios fortius pro alienis, quam dominos, pro ſe ſuiſque, præliaturos, maioresq; ſtimulos
 excitaturam in vulgi ignobilis animis exiguam mercedulam, mox in pace caſuram,
 quam Nobilitati, fortunas, liberos, coniuges, aſasque, & focos? Huc præterea illud accedit,
 quod hæc conſultatio ad imperij Scotorum ſummam ſpectet, reſque multo ſit maior,
 40 quam quæ, hoc tempore, & in hac Principis noſtræ ætatula, ſit tractanda: &, vt conſici
 abſque vllō motu poſſit, ipſam illam nouam belli adminiſtrandi rationem inutilem fore,
 maior pars hominum ſuſpicatur, & metuit: præſertim cum, ex tributo Scotorū, hominum
 non copioſiſſimorū, tantum pecuniæ ægre conſici poſſit, vt, ad tuendum, per mercenariū
 militem limites, ſufficiat: verendumque, ne huius conſilij ſit exitus, qui limitem noſtrū
 hoſtibus potius aperiat, quam claudat. Nam ſi Angli, ex opulentiore Regno opulentiſſi,
 in eum uſum, ærariū inſtituant, quis dubitet, eos, cum ſuæ plebis minore moleſtia duplo
 noſtris maiores alere poſſe copias: & eas, non quæ Limiti obtendantur, ſed in ipſa Regni
 viſcera penitus irumpant? Reliquam orationis partem, neſcio, an præſtet ſilentio ſuppri-
 mere, an in vulgus efferre. Audio pleroſque obmurmurantes, Hanc pecuniolam quis
 50 colliget? Quantum ex ea erit neceſſe in quaſtorum, aut coactorum mercedem decidere?
 Quis eam ſpondebit, non in luxuriæ inſtrumentū, ſed in uſum publicum conuerſum iri?
 Magnam, nihil tale futurum, ſpem nobis aſſert, magnam ſuppeditat fiduciam Principis
 clariffimæ (penes quam nunc ſumma eſt poteſtas) probitas, & temperantia: ſed, cum

R E R V M S C O T I C A R V M

aliorū vel externa, vel nostra facta recordamur, non possumus nobis imperare, ne, quod
 sæpe factum vidimus, aliquando futurum, timeamus. Sed, his omissis, quæ fortasse frustra
 timemus, ad ea veniamus, in quibus maiores nostri, in sua libertate munienda, aduersus
 arma potentiorum, maximum collocarunt præsidium. Roberto, eius nominis primo,
 Scotorū Regum nemo creditur fuisse prudentior: certe, fortiorem nullū fuisse, omnes
 confitentur. Is, vt, quemadmodū sæpe viuis fecerat, etiam vita functus, aliquando ciuibz
 suis prodesset, moriens, hoc consiliū dedit, ne Scoti non modo pacem perpetuam, sed
 nec longiores inducias cum Anglo facerent: videbat enim homo, & natura solertissimus,
 & longo rerum vsu, in vtraque fortuna exercitatus, in ocio & desidia, animos deliciis, &
 voluptatū amoenitate frangi, corpora languescere: & extincta disciplina seueriore & par- 10
 simonia, velut in solo inculto, luxuriam & auaritiam succrescere, & laborū impatientiam,
 & ocio assuetorum ignauiam, & militandi odium, quibus malis, corporis & animi vires
 labefactarū virtuti, malorū tolerantia exercitata, facile concedunt, & insolitam istam, ex
 ocio breui, voluptatem insigni aliqua calamitate scenerantur. Hæc vbi dicta sunt, Regens,
 tumultū (si perseueraret) verita, censum remisit, & errore suo agnito, sæpe dictitasse fertur,
 non se, sed Scotorū non obscurissimos eius consiliū fuisse architectos. His verbis, plerique,
 Huntilem designari, existimabant, hominem suo pte ingenio acrem, e custodia nuper
 emissū: magisq; iniuriæ (vt videri volebat) in se detinendo, quam ostentatæ in liberando
 beneuolentiæ memorem. Igitur, cum videret, Regentem in id vnū intentam, vt Scotos
 tributis assuefaceret, veritus, ne, nimīū aucta eius potentia, Nobilitatis vires infringeret, 20
 & auctoritatem imminueret, omniumq; rerum arbitriū mulier peregrina ad suos ciues
 reuocaret, consiliū dedisse, creditur, non abhorrens ab eius animo, & pecuniæ confe-
 ctione, quam illa tum maxime tractabat, sed alioqui plane hostile: gnarus videlicet, neq;
 Scotos tributa soluturos, nec in posterum tam facile, quam antea fecerant, parituros.
 Sunt, qui hanc pecuniæ cogendæ rationem a Dauide Panitario, Rossienſi Episcopo ex-
 cogitatam credant. Erat enim is homo summo ingenio, & doctrina præditus. Hamilto-
 niorum quidem beneficiis affectus, nec ab eorum genere, & consiliis alienus. Proximo
 anno, qui fuit M. D. LVII. dum Legati Scotorum, de pace, Carleoli agunt, Gallus a Re-
 gente Scotorum per literas petit, vt Anglis, ex foedere, bellum indiceret: Causa præten-
 debatur, quod Angla Philippum Hispanum suum maritū, tum acerrime aduersus Gallos 30
 bellantem, auxiliis in Belgium missis, iuuabat. Reuersis ex Anglia Legatis, neque certo
 bello, neque pace confirmata, Regens, ad Neobotellum cœnobium proceribus conuo-
 catis, cum varias incursiones Anglorum in Scotorum agrum factas, prædas abactas, res
 repetitas, & non redditas, recensuisset, postulat a Scotis, vt bellum Anglis indicant: &
 simul hanc genti suæ ignominiam demant, & Regi Gallorū eadem opera, opem ferant.
 Nec proceribus tamen persuadere poterat, vt bellum priores inciperent: igitur, alia via,
 rem aggressa est, maxime Osellij (vt creditur) vsa consilio. Ad ostium Aij amnis præsi-
 diū ædificare, iubet, aduersus Anglorum subitas incursiones: in quo etiam tormenta
 ænea, resque alias, ad vsum belli necessarias, seponere tuto & commode cum opus esset,
 expromere posset, ne conuocandi, e longinquis Regni partibus, labor multum tempo- 40
 ris consumeret, & præter vecturæ molestiam, rebus gerendis esset impedimento. Et hæc
 quidem vtilitates omnes aderant: sed alia erat destinati operis causa: Non enim dubi-
 tabatur, Anglos opus impedituros, & omnia conaturos, ne molitio, tam propinqua
 Bernico, cresceret. Hinc semina belli (quod illa cupiebat) iaci: culpamque sumptorum
 armorum in hostes reici posse. Nec defuit euentus consilio. Nam Scoti, hostium iniu-
 riis, lacessiti, dum, sua defendere, coguntur, facile Regenti, de indicendo bello, consen-
 tiunt: ac receptis Legatis, qui, ad pacem faciendam, fuerant in Angliam missi, proposito
 edicto, ac die, ad conueniendum, statuto, frequentes Edimburgum coeunt. Cum ad Ma-
 xuallij rupem castra essent posita, nec, de ratione belli gerendi, quicquam adhuc in Con-
 cilio decretum foret, qui, Regenti gratificari, studebant, & suam Gallis operam osten- 50
 tare, iam circa Verēam arcem, in Anglorum limitibus sitam, prædabundi discurrebant.
 Osellius aliquot Gallorum vexilla illuc adduxerat, & tormentorum, quantum ad eius
 arcis expugnationem satis videbatur: is, non expectato Concilij decreto, ea trans Tuedam
 amnem

amnem miserat. Id factum Scotorum procerum animos, supra quam credi potest, of-
 fendit: Osellius enim, eo spectare videbatur, ut, quicquid in ea expeditione gereretur,
 eius gloriam, apud Gallum, in se vnum transferret: atque paulatim Scotos imperijs fe-
 rendis assuetos, sibi obnoxios faceret. Scoti vero, ab homine priuato, eodemque peregrino
 se ita contemni, ut ne sententijs quidem, iuxta maiorum consuetudinem, corrogatis,
 circumagerentur, ab eo praesertim, qui, proceribus inconsultis, plus vni sibi arrogaret, quam
 ullus vnquam Regum attentasset. Re igitur in Concilio deliberata, in id omnes consense-
 runt, se non obiecturos Regni vires hostibus, ad cuiusvis priuati hominis arbitrium, praes-
 sertim cum nec Regibus vnquam legitimis, in eo genere, parere consueissent, nisi rebus,
 10 antequam geri coepissent, in Concilio explicatis, & multum diuque expensis: Hanc vero
 imperandi licentiam quid aliud esse, nisi tentationem, quam patienter tyrannidem fer-
 re possent. Itaque, Osellium iubent, machinas reducere: ni pareat, poena, quae a prodito-
 ribus exigi soleret, indicta. Hac molestissime tulerunt Regens, & Osellius: quod altera
 suam, alter Regis, cuius erat Legatus, maiestatem minui existimarent: sed cum viribus
 essent impares, pro tempore ferenda erant: neque remedium aliud occurrebat, nisi, ut Re-
 gina Scotorum, quae iam nubilis erat, cum primum commode posset, Delfino nuberet: ita
 enim Concilij publici vim, cum in viri manu vxor esset, imminutum iri. Per eam hiemem,
 varia, & euentu vario, fuerunt excursions: vna ad Zeuiorae montis radices, memorabilis,
 qua, inter Norfolciae ducem, & Andream Carum, acriter & diu, ancipite victoria, certatum
 20 est: tandem, ad Anglos inclinante victoria, Carus captus fuit: multi vtrinque viri fortes
 vulnerati. Conuentus Edimburgum, in mensem Decembrem, est indictus, ad literas Re-
 gis Francorum audiendas. In ijs, post satis longam foederum antiquorum commemora-
 tionem, & mutuam officiorum vicissitudinem, petit a Senatu Scotorum, qui ex trium Ordini-
 num delectis conficitur, Ut, quoniam Delfinus filius suus, circa finem Decembris, aeta-
 tem, iuxta leges nuptijs maturam, esset ingressurus, legatos homines idoneos, cum libe-
 ris mandatis mitterent, qui nuptias prope inchoatas (quippe, hac spe, Regina Scotorum in
 Franciam fuerat transmissa) absoluant, & gentes hactenus foederatas, in vnum velut cor-
 pus vniant, & veterem vtriusque populi benevolentiam hoc insolubili vinculo conne-
 ctant. Id si faciant, prolixè de se, suisque omnia pollicetur: & quicumque benevolentiae
 30 fructus ad amicos peruenire possent, a se sperare, iubet. Hac festinatio Galli, cum omnes
 intelligerent, quo pertineret, Scotique, cum eo mox de libertate certamen imminere,
 prospicerent, tamen ad conuentum indictum obedienter omnes venerunt. Ibi, sine tumultu,
 electi octo in Galliam, matrimonio conficiendo, legati, supremi Ordinis tres, Gilbertus
 Kennedus Cassilisae, & Georgius Lessius Rothusiae Comites: his additus est Comer-
 landiae Regulus, Iacobus Elaminus, familiae suae princeps: tres item ordinis Ecclesiastici,
 Iacobus Betonius Glasguensis Archiepiscopus, Robertus Reedus Orcadam Episcopus,
 & Iacobus Stuartus, Coenobij Fani Andreae Prior, & idem Reginae frater: infimi ordinis
 duo, Gergius Setonius, quod Edimburgi, & Ioannes Areskinus Dunensis, Montis
 Rosarum praefectus esset, Equestri quidem loco, sed dignatione primoribus facile par.
 40 Eos, cum vela fecissent, litus Scotiae legentes, primum ventus vehementissimus excep-
 pit: deinde longius prouectos adeo saeva tempestas afflixit, ut duae naues, non procul
 a Bononia, Morinorum opido, fluctibus obrutae, perierint: Comes Rothusius, &
 Orcadensium Episcopus, piscatoria nauicula in terram delati, soli ex vectoribus eua-
 sere incolumes: caetera classis, diu fluctibus iactata, ad alios litoris Gallici inferiores
 portus appulit. Legati, cum rursus in vnum locum conuenissent, statim in Aulam
 contenderunt: Ibi de nuptijs agi coeptum: &, cunctis fere assentientibus, Gufianorum
 tamen, in eis accelerandis, in signe studium erat: simul quod, ea affinitate, multum au-
 ditoritatis accessurum ad suam familiam, existimabant: simul occasio eorum cupiditati
 suffragabatur, quod, qui eas maxime improbaturus videretur. Annas Momorancius,
 50 omnium tum Gallorum procerum habitus prudentissimus, detineretur ab hoste capti-
 uus. Is cum, ob multas alias causas, ut plerisque videbatur, non iniustas, rem praecipitari,
 nolebat, tum, ne Gufianorum potentia (quae prudentioribus suspecta, omnibus iam in-
 tolerabilis esse coeperat) supra, quam tutum Regibus esset, cresceret: E quinque enim

R E R V M S C O T I C A R V M

fratribus Gufianis, qui natu maximus erat, omnibus, quæ in Gallia merebant, copijs præerat: proximus in Ligures, vt Carolo Cossæo succederet: tertius ad eum, qui in Scotia erat, exercitum, cum imperio & supplemento, mittebatur: in quarri potestate, triremes ad Massiliam erant: in Cardinalis Caroli manu, res nummaria tenebatur, ita vt nec miles, nec nummus, in omni ditione Regis Gallorū, citra eorum voluntatem, moueri posset. Hanc Regis optimi fortunam quidam commiserati, memoria repetebant illorum temporum condicionem, cum, per Aulae factiones, Gallorum Reges in monasteria, velut mitius quoddam exilium, relegabantur. Aula, per aliquot dies nuptialibus illis orgijs operata, vbi ad se redijt, legatis Scotorum in Concilium vocatis, Cancellarius Franciæ cum eis egit, Vt coronam cæteraque Regni insignia repræsentarent, Vt Regina¹⁰ maritus, de more, Scotorum Rex crearetur. Ad ea breuiter legati, nihil sibi de ijs rebus mandatum, responderunt. Tum rursus Cancellarius: Nihil aliud a vobis in præsentia postulamus, quam quod in vestro positum est arbitrio, vt, cum hac de re in conuentu Scotorum disceprabitur, honorem, quem iustenunc petimus, vestris suffragijs comprobetis: idque vos ita facturos, syngrapha confirmetis. Id postulatum cum impudentiæ plenum videretur, paulo constantius atque acrius reiiciendum, existimarunt: Itaque responderunt, Suam legationem intra præscriptas metas coerceri, quas nec possent, nec vellent transgredi. Quod si etiam cum liberis mandatis missi essent, tamen amicorum fidelium non esse, postulare, quod, sine certa perniciæ & proditiōis infamia, etiam si periculū capitis abesset, concedi nequiret: Se quidem Gallis, tot necessitudinibus coniunctis, quæ²⁰ ab amicis honeste tribui possent, gratificaturos: Orare, vt illi, in petendo, intra eisdem modestiæ se fines continerent. Ita legatis ex Aula dimissis, etsi redire ad suos festinabant, tamen, antequam conscenderent, quatuor e principibus eorum, Gilbertus Kennedus, Georgius Leslius, Robertus Reedus, & Iacobus Flaminius, omnes summa virtute & charitate in patriam: item complures ex eorum comitibus, non sine magnâ suspitione veneni, decesserunt. Creditus est Iacobus, Regiæ frater, eadem portione petitus: nam etsi, constitutione corporis firmiore, & iuuentæ robore fretus, mortem euaserat, assidua tamen & periculosa ventriculi infirmitate, quoad vixit, laborauit. Ea æstate, fuit is rerum in Britannia status, vt magis, pax non esse, quam bellū esse, videretur. Certatū est vtrunque, prædis abigendis, & villarum incendijs: incursiones interim, non incruentæ, factæ:³⁰ duo Nobiles captiui ab Anglis abducti, Gulielmus Kethus, Comitis Martialis filius, & Patricius, Graiorum familiæ, inter Scotos, princeps: cætera bellorum damna per vilia capita sunt euagata. Eodem fere tempore, Angli, duce Ioanne Claro, Equite, classē, ad infestanda Scotiæ litora, miserunt: ea ad Orcades accessit, vt, exscensione facta, Cracouiacam, sedem Episcopalem, solumque in ea gente opidum, cremarent. Cum suorum non paucos in litus exposuissent, sæuissima procella, subito exorta, naues ab ora maris in altū reiecit: ibi, cum vndis & ventis diu conflictatæ, vela retro in Angliam dederunt. Qui descenderant, ab Insulanis ad vnum sunt occisi. Hoc anno, & superiore etiam, causa Religionis quodam modo iacuisse videbatur, quod, morte Georgij Sophocardiij, non-nihil compressa, abunde sibi satisfactum putarent alteri, si, in coetibus priuatis tranquil-⁴⁰ le Deum patrio sermone colere, & de rebus diuinis sobrie disputare, liceret: alteri casu Cardinali, magis duce partium, quam vindictæ cupiditate se carere, ostenderent: nam qui in locum eius successerat, magis pecuniam, quam sanguinem aduersariorum sitiebat: neque fere sauebat, nisi, vt prædandi & voluptatum fruendarum licentiam tueretur. Mense Aprili, Valterus Millus sacrificulus, nec admodum literis expolitus, Episcopis tamen suspectus, quod missare desisset, ad conuentum eorum rapitur. Is, quamquam & natura & ætate inualidus, & extrema paupertate oppressus, tamen e squalore carceris productus, & acerbissimis conuicijs petitus, adeo non modo constanter, sed etiam acute respondit, vt tanta animi magnitudo & fiducia, in tam tenui corpusculo, etiam inimicissimis, diuini numinis vi nixa videretur. Ciues Fani Andree adeo agresso iniuriam ei factam tulerunt, vt nemo inueniretur, qui index in eum sederet: nec, tabernis omnibus clausis, quicquam, quod ad supplicium faceret, venale haberetur: quæ res vnum vitæ diem ei produxit. Postridie tandem repertus est e familiaribus Archi-

CID. ID.
LIIX.

Archiepiscopi, Alexander Someruellius, homo flagitiosus, qui iudicis personam, in eum
 diem susceperet. Populus certe eius mortem adeo moleste tulit, ut, ne memoria mortis
 simul cum vita interiret, in eum locum, ubi corpus eius crematum fuerat, magnum la-
 pidum cumulum eogesserit: quem eum, per aliquot dies, dissipandum Sacerdotes cur-
 rant, semper postidie congestus apparebat, donec tandem, opera Papanorum, ad ea,
 quae per opidum extruebantur, adificia fuit asportatus. Ad xiiii. Cal. Aug. dies ab Episco-
 pis dicta erat Paulo Mefanio, nobilissimi verbi diuini concionatori. Eo die, cum frequens
 aduocatio processum adfuisset, aures ad tumultum spectaret, iudicium in aliud tempus
 dilatum est, complures, sed absentes tantum damnati: qui, ne acerbitate poenae terroren-
 tur, iussi ad Cal. Sept. adesse: ac recitantibus errorum venia promissa. Cum in eadem
 Cal. incidere dies D. Aegidio festus, quem, velut Deum tutelarent, Edimburgenses ve-
 nerantur, & magnis ei poculis libabant, ac vicinos & hospites magno epularum luxu
 accipere solebant: Regens, verita, ne, in tam confusa multitudinis turba, tumultus ali-
 quis oriretur, & ipsi adesse voluit. Papani, eius aduentu laeti, facile exorant, ut in pompa
 solenni, in qua Aegidius per urbem ferri consueuerat, adesset: sed Aegidius, ex ade sua
 facto sublatus, nusquam comparebat. Verum ne pompa Aegidio, aut opidum pompa,
 tam celebri die, careret, substitutus est ei alius Aegidiolus. Hunc cum Regens esset, co-
 mitata, per maximam opidi partem, sine vlla suspitione motus, ac se festam in diuerso-
 rium contulisset, statim iuuentus urbana Aegidiolum, eferentem humeris detractum, in
 20 conuentum prouoluit, apparatusque pompae disiecit: Sacrificuli & Fratres, quae quisque po-
 terat, trepida fuga dilapsi, speciem tumultus maioris praeuerunt. Verum, ubi intellectum
 est, plus, in eo motu, timoris, quam periculi fuisse, remque totam, citra eadem ac sangui-
 nem, transactam, rursus e latibulis suis prorepserunt, & congregari, de summa rerum con-
 sultant. Ibi, etsi pristinae dignitatis recuperanda spe prope penitus deieci, tamen, si quid,
 fiducia simulatione, rebus deploratis mederi queant, non secus, ac si prioris fortunae vi-
 res manerent, vltro metum hostibus intendant: conuentum Edimburgi ad vi. Id. No-
 uemb. indicunt. Eius dies habendi cum venisset, Sacerdotes in adem Dominicanorum
 collecti, Paulum Mefanium, quem iam pridem in superiori conuentu adesse iusserant,
 nominatim citant: ei absenti exilium indicunt, cum grauissima poenae denunciatione,
 30 si quis eum tecto recipiat, aut vlla re, ad vitam necessaria, iuuet. Ea comminatio minime
 Taodunanos ab officio deterruit, quo minus necessaria suppeditarent, & alij ad alios de-
 ducerent, & per homines in Aula gratiosos, agerent cum Rege, ut exilium ei remitte-
 retur: sed, cum Sacerdotes non solum reniterentur, sed pecuniae vim, satis magnam, of-
 ferrent, nihil confici potuit. Inter haec, quidam viri nobiles, & Fisa maxime, & Angusia,
 ac aliquot opidorum ciues illustriores, per omnes Scotiae praefecturas dispersi, hortaban-
 tur vniuersos, Sinceram diuinam Legis praedicationem amarent, ne se suosque amicos, &
 eorumdem factorum participes, a paucis & infirmis opprimi, sinerent: Si, iure agere, ini-
 mici velint, se superiores: sui vi contenderent, non impares fore. Quibus haec placerent,
 tabulas, ea de re confectas, quibus subscriberent, offerunt. Hi primi congregationis no-
 40 men assumpserunt, quod postea celebrius, qui consecuti sunt, fecerunt. Purioris religionis
 vindices, cum, iam proculdubio rem in vltimum discrimen breui venturam, prospicerent
 communiter ad Reginam postulata quaedam mittere, decreuerunt, quae nisi obtinerent,
 neque facies Ecclesiae vlla futura erat, neque multitudo a seditione poterat contineri. Eis
 ad Regentem ferendis, hominem aetate venerabilem, totoque vita cursu elegantem actum,
 Iacobum Sandelandium Calderanum splendidum Equitem, selegerunt, qui, legationis
 mittendae necessitate multis verbis explicata, nomine omnium, qui, Ecclesiam Christi
 instauratam, cupiebant, in summa haec postulauit, ut, in Precibus publicis, in Sacramen-
 torum administratione, Ministri Ecclesiae populari lingua, quae ab omnibus intelligi pos-
 set, vterentur, ut Ministrorum electio, iuxta antiquam Ecclesiae consuetudinem, penes po-
 50 pulum esset: ut, qui praesentem electioni, in eorum vitam doctrinamque diligenter inqui-
 rent: & si, per superiorum temporum negligentiam, indocti flagitiosque ad honores ob-
 repuissent, ut, eis a ministerijs Ecclesiae remotis, alij sufficerentur. Sacerdotes, ad haec in-
 dignabundi, fremebant, esse quencquam, qui palam, tam impudentis facinoris auctorem

se profiteri, auderet. Deinde, paulum sedato motu respondent, se rem procul dubio disputationi commissuros: Quod enim illinc fore periculum, ubi ipsi in sua causa futuri essent iudices? Contra contendentes religionis vindicibus, non ex hominum arbitrio, sed perspicua scripturae sacrae sententia rem decidi debere: proposuerunt Sacrificiū & alias concordie conditiones, sed tam ridiculas, ut responsione fuit indigna. Ut videlicet si iudices Religionis Missam in pristino retinerent honore: si, Purgatorium post hanc vitam esse, fateantur: si, & Divis supplicandum, & pro mortuis orandum esse, consentiant: illi nobis vicissim permitterent, ut sermone patrio, in precibus Deo offerendis, in Baptismo & Coena Domini, uterentur. Instauratores Ecclesiae institerunt (vix ante) a Rege petere, ut in causa tam iusta, responso se, ab aequitate & ratione non alieno, solaretur, Regens quidem Sacerdotum causa faucebat: eisque clam, ubi primū sedaret occasio, suam operam operumque spondebat: Aduersam factionem iubebat, patrio sermone orare Deū, Sacramenta populo exhibere, ceterosque ritus obire, sine tumultu: Tantum, ne doctores eorū publice, Edinburgi & Lethae, conciones ad populum haberent. Hæc et si illi sedulo præstarent, tamen alienata ab eis voluntatis multa se prodebant indicia, & Papani Edinburgi ad eadem fere postulata, quæ per Nobilitatem ad eam sunt delata, pene paribus vsi sunt responsis: hoc etiam amplius, ad eam partem, quæ erat, de Ministrorum electione, in hoc genere questionum, aut iuris Canonici, aut Concilij Tridentini decretis standum. Sed nec ipsi, de rebus suis, quicquam in illo coetu statuerunt, nisi, quod Episcopis mandarunt, ut in singulas suæ ditionis parochias occultos Delatores mitterent, qui legū Papisticarū violatores ad ipsos deferrent: & quanquam, iam palam suas minas pro nihilo pendi, viderent, tamen & auctoritate publica (quæ penes ipsos erat) & Gallorum armis confisi, non minus imperiose, quam antea, infirmioribus insultabant. Ad horū animos, aliqua ex parte, mitigandos, & acerbitate sententiarum, aduersus Evangelij concionatores, deprecandū, missus est Ioānes Areskinus, Dunensis Comarchus, homo doctus, & perinde pius & humanus. Is, pro ea, quæ cuncti erga Deū pietate, erga homines charitate affici debemus, eos orauit, ut saltem non grauarentur, tolerare, ut, cum populus, ad orandū, conueniret, Deum patrio sermone, iuxta leges diuinitus iussas, cole-ret. Hanc eius postulationem tantū abest, ut comprobarent, ut acrioribus & arrogantioribus, quam vnquam antea, verbis incescerent, adiectis etiam, solito grauioribus, minis & conuicijs: ac, ne, nihil in eo conuentu actum, putaretur, quasdam proritas Papanorū leges typis curant extendendas, omniumque templorū valuis affigendas, quas, quia quadrante veniebant in publicū, vulgus quadrantarias, & interim triobolarem fidem vocabant. Inter hæc, in conuentū Ordinū ingressi, qui, superiori anno, Legationem in Gallia obierant, facile tenuerant, ut acta sua probentur: introductus deinde Gallorū legatus, cū satis longa oratione explicasset Regum Gallorū veterem ac diuturnam, in omne Scotorū nomen, beneuolentiam, ab omnibus & singulis vehementer contendit, ut Corona, quam ille, nouo ac monstroso nomine, matrimonialem vocabat, maritū suæ Reginae ornent: quo e nomine, nullū emolumentū, nulla potentia, præter nudam vocis illius usurpationē, esset accessura. Multæ aliæ verborū blādiæ, quas hic enarrare supernacū esset, a legato adiectæ fuerūt: quæ, quo in re futili erant accuratiores, tātō, ne fraus occulta subesset, suspectiores fuerūt. Legatus tamen, partim immodicis promissis, partim importunis precibus, fauore etiam quorūdam mox futuræ adulantriū potentia, tenuit, ut corona Delphino decerneretur: Delecti, qui eam ferrent, Gilespicius Cābellus, Argathelæ Comes, & Iacobus Reginae frater. Hi, cū in manifestū exitiū ablegari viderentur, iam imminente, omnium capitis Gallicæ ambitionis procella, lentius profectionē adornare, ac rem in diem proferre, decreuerunt, donec, omnia circūspiciendo, velut futuri tēporis certius omen capta-erit: præsertim, cū propior & luculentior honoris titulus sese offerret: Mortua enim Maria, Anglorū Regina, statim Scota se pro hærede gerit: ac titulos & insignia Regū Anglorū in omni suppellectili, & instrumento domestico apponendo curat, & cū Gallia misere, per id tempus, in Mediolani, Neapolis, & Flandriæ dominatu vendicādo, vexaretur, ad cumulū malorum adiectū est tituli Anglicani ludibrium. Neque prudentiores Gallorum non hoc videbant: sed Gysiorū (qui tum omnia poterant) erroribus etiam

ciem assentiendum erat: illi enim, plurimum hoc vanitatis genere splendoris Gallico
 nemini se adiecisse, videri volebant. Regens quoque, accepto decreto de Corona ma-
 trimoniali, nouum quodam modo induisse videbatur ingenium, nam pristinam illam,
 omnibus gratam, comitatem in imperiosam paulatim conuertebat arrogantiam: &
 praesentibus responsis, quibus utrique factioni se excusabat, non voluntate sua fieri, sed
 ratione temporum, quo minus iam prolixo, quam cupiebat, nondum accepto illa de-
 creto, promittere auderet, nunc, omnium rerum, ut rebatur, compos, alijs moribus, alia
 oratione utebatur. Indictus erat Sterlinum conuentus in vi. Id. Maij, cum saepe ex ea
 audiretur, nunc se, alijs curis vacuam, non passuram, maiestatem summi imperij, de
 gradu deiectam, nobili aliquo exemplo eam esse restituendam. His futura tempestatis
 indicij, multi admoniti deprecatum veniebant, & in ijs quo dignitate nominum res
 fieri impetrabilior, publice missi Alexander Cunigamius, Glencarnia Comes, & Hu-
 go Cambellus praefectus iudicis Acrensis, Eques illustrissimus. Ibi non se potuit con-
 tinere, quin vocem impietatis testem profunderet. Inuitis, inquit, vobis, vestrisque
 Ministris isti, etsi Paulo sincerius concionabuntur, tamen exulabunt. Cum illi subijce-
 rent supplices, vt, quae saepe numero promississet, in memoriam reuocaret: respondit,
 Fidem promissorum a principibus exigendam, quatenus eam prestare commodum eis
 videretur. Ad haec, illi subiecerunt, Se ergo omne obsequium, & parendi necessitatem
 ei renuociare, atque premonuerunt, quapum incommodum esset ab hoc fonte
 emanaturum. Hoc responso, praeter opinionem, ista, se cogitaturam, dixit. Hic cum
 resedisse nonnihil impetus irae videretur, noua fax multo acrius eam incendit, audito,
 Perthanos Euangelium publice recepisse. Illa Patricium Rukenium, opidi praefectum,
 qui forte aderat, egressa, iubet, omnes illos nauanda Religionis motus comprimere.
 Cum ille in corpora facularumque eorum se imperium respondisset habere, haec vt in
 potestate ei sint, sedulo curaturum, ius in animos non habere: adeo statim incanduit,
 vt diceret, non mirandum fore, si breui eum tam perfractae poeniteret audaciae. Iacobum
 Haliburtonum, Taoduni praefectum, iussit, Paulum Mefanium comprehensum ad se
 mittere: verum is, ab eodem praefecto admonitus, vt tempori paulum cederet, opido
 excessit. Ad ceteros quoque vicinos conuentus rescripsit, vt, Romano more, Pascha
 proximum celebrarent: qua in re cum nemo ei paruisset, iam furenter irata, omnes
 Ecclesiarum totius Regni Ministros Sterlinum in ius vocauit, ad decimum diem proxi-
 mi mensis Maij. Ea re diuulgata, purioris Religionis cultores sese mutuo exhortati, vt
 vna cum Ministris ad confirmandam suam quoque fidem, adessent: tanta fuit eo prope-
 rantium multitudo, vt, etsi inermes aduentarent, Regentem metus incesceret, ne con-
 filia sua parum sibi procederent. Igitur Ioannem Areskinum Dunensem, qui forte ad-
 erat, ad se accersit: cum eo agit, vt turbam non necessariam domum remitteret: quod
 ei non difficile propter auctoritatem, quae ei apud suos erat: sed interea nihil, aduersus
 quenquam illius sectae, molituram. Multi, de hoc Regentis promissio certiores facti,
 omisso veniendi consilio, domos rediere: illa, nihilo secius, cum decreta conuentui dies
 aduenisset, omnibus, qui citati ad nomen non respondissent, velut contumacibus, aqua
 & igni interdixit. Dunensis, quam parum promissis fidendum esset, experius, iam sibi
 a vi metuens, se subtraxerat, ac Iernia, Angusia, & Mernia proceres, etsi de Reginae fide
 dubios, tamen adhuc collectos reperit. Illi, ex eius sermone cum (quod ante suspi-
 cabantur) odium Reginae inextinguibile intelligerent, neque amplius per simulationem rem
 transigi posse, aduersus apertam vim se parant. In hoc tam lubrico statu, Knoxius Per-
 thi multitudinem coactam nactus, concionem ad eos luculentam habuit, animosque
 accensos penitus inflammavit. A concione maior populi pars praesens discessit: in
 sede pauci & plebeij, sed & hi ira & indignatione astuantes, remanserant. Inter haec sa-
 crificulus plebeius animos hominum experiri volens, se, ad missandum, apparat, in-
 gentem tabulam, ac verius Idolothecam explicat, in qua erat historia multisummi Diuo-
 rum, maximo sumptu exsculptorum. Adolescens quidam astans, cum adclamasset,
 facinus intolerandum fieri, Sacerdos ei colaphum incussit: ille lapide sublato, vt in Sa-
 cerdotem mitteret, istu in tabulam delato, vnam statuam ex ea confregit: reliqua mul-

studio, furens, partim in Sacrificulum & tabulam, partim in ceteris aras inuolant, et
 momento temporis, omnia profani cultus monumenta committunt. Hac ex infima
 plebecula operæ, prandentibus tum maxime potentioribus, peregerunt. Eodem furo-
 ris impetu, ad monasteria Fratrum diuersi discurrent, reliquos se vulgo conuenienter ad
 eos aggregante: & quanquam fratres haberent, velut ad hos casus comparari præsum-
 ptum, nulla tamen vis temeratio multitudinis furori potuit obistere. Præmissis in Idola de Sa-
 crorum apparatus factus est impetus: proxime tenuiores ad prædam discurrentes. In-
 uenta est apud Franciscanos, suppellex quidem, non solum copiosa, sed etiam admo-
 dum laeta, & quæ decuplo tot, quot ipsi erant, abunde satis fuisset. Dominicans hu-
 quaquam eadem erat opulentia, sed certe tanta, ut mendicantis professionem fidei
 falsam redargueret, adeo, ut non inesse quidam non Fratres mendicantes, sed munda-
 cantes eos appellaret. Atque hæc omnia pauperibus in prædam cesserunt: nam quibus
 res erat, adeo se continuerunt ab omni auaritiæ suspitione, ut Monachorum non mo-
 los, ac præcipue fratrum Carthusiensium præfectum, auro atque argento facto discedere
 onustum, permiserint. Nec magis fuit incredibilis militarium hominum a præda ab-
 stinentia, quam, in demoliendis tot ædificiis celeritas. Carthusiensium enim ad illa
 laxissima tam properanter non modo diruta, sed etiam exportata fuerunt, ut intra bi-
 duum vix fundamentorum vestigia superessent. Hæc ad Reginam, ut erant gesta, aut
 paulo etiam atrocius relata, animum eius elatum ira inflammaverunt, ut sancte iurauerit,
 se ciuium sanguine & opidi incendio tam execrandum scelus expiaturum. Cupressus
 Fifani, audito rerum Perthi gestarum ordine, & ipsi, maximo consensu, simulachris
 aut contractis, aut eiectionis, suam A Edem repurgant. Eam rem A Edis Curio adeo acerbè
 tulit, ut nocte, quæ infecuta est, ipse sibi mortem consciuerit. Harum rerum nuncio
 Regens perculsa, Hamiltonium, Argathelia, atque Arholia Comites cum propinquis
 atque clientibus, ad se accersuit: & quanquam summa celeritate hostium conatus præ-
 uenire cuperet, tamen machinarum ænearum subuectio in causa fuit, ut vix dum
 decimo octauo die Maij, ad loca vrbi vicina accederent. Vbi, de Regentis apparatu &
 copiis ad proceres, qui Perthi erant, est perlatum, & illi, nunciis celeriter in omnes
 partes dimissis, amicos, & eorundem sacrorum Socios implorant, ne, in vltima de vita
 & omnibus fortunis dimicatione, se deserant. Accessere, ex proximis conuentibus ma-
 gno studio, & summa celeritate, prope omnes populariter: nonnulli etiam Lothiani
 properarunt eodem, ne, communi periculo defuisse, viderentur. Sed omnium conatus
 & festinationem vicit Alexander Cunigamius, Glencarnia Comes. Is, audito, quo in
 statu res esset, bis mille & quingentos, partim equites, partim pedites collegit, ac, diei
 noctem continuans in itinere, ducto exercitu per loca aspera & inculta, viratis Regentis
 castris, Perthum peruenit. Erant in exercitu Regentis adhuc Iacobus Stuartus, proximi
 Regis notus, & Gilespicus Cambellus, Argathelia Comes. Hi, etsi præcipui auctores
 instaurandæ Religionis erant, tamen, quia spes concordia nondum erat penitus abie-
 cta, manserant apud hostes, eo consilio, ut, si bonis rationibus pax coire posset, operam
 amicis præstarent: sin autem animi Papanorum a quiete prorsus abhorrent, eandem
 cum ceteris, qui Perthi erant, aleam fortunæ subirent. Regens per exploratores certior
 facta, in castris hostium supra septem virorum fortium millia esse, omnesque, summa
 alacritate, se ad prælium expedire, quanuis ipsa, præter Gallorum auxilia, prope parum
 Scotorum numerum in armis haberet, tamen, in vltimum discrimen rem committere,
 verita, pereosdem, quos ante nominauimus, Iacobum Stuartum, & Gilespicum Cam-
 bellum ad hostem misit. Ex altera parte, Alexander Cunigamius, & Ioannes Areski-
 nus Dunensis electi, qui cum eis, de concordia, agerent. Hi quatuor, Regina iam pla-
 cabiliore, quod sciret, Glencarnium iam copias coniunxisse cum reliquis idololatriæ
 oppugnantibus, ita conuenerunt, ut, Scotis militantibus utrinque dimissis, Regenti
 opidum pateret, donec lassitudinem, ex itinere contractam, paucorum dierum quiete,
 ipsa comitesque leuarent: interea, opidanorum neminem damno aut molestia affice-
 rent: Gallorum ne quis opidum ingrederetur: neue propius tria millia passuum acce-
 deret, ceteræ omnes controversiæ in proxima comitia dilata. Ita, præsentis tumultu
 composito,

composito, sine caede & sanguine, Religionis vindices, ut qui, non inferre arma, sed illata propulsare, cupiebant, lati discesserunt, Deum laudantes, qui belli incruentum exitum hunc dedisset. Comes Argathelius, & Iacobus Stuartus ad Fanum Andreæ, relicta ad Perthum Regente, concesserunt, ut tadia superioris temporis per ocium discuterent. At illa, soluto Voluntariorum utrinque exercitu, opidum cum paucis ingressa, honorifice, pro ciuium copiis, est recepta. Galli mercenarij cum Patricij Morauj, ciuis honesti, ades præterirent, sex eorum cum omnes iactus aduersus podium ligneum, unde familia spectabat, direxissent, vnus Patricij filius, adolescens tredecim annorum, fuit peremptus. Regens, corpore ad se allato, cum genus didicisset, casum quidem miseratione dignum esse, inquit: eoque magis, quod in filium, ac non in patrem potius, ea calamitas incidisset: se vero fortuita præstare non posse. Ex hac eius oratione, cum facile omnes intelligerent, fidem conuentorum non amplius duraturam, quam, donec suæ vires Regenti placerent, illa orationi facta conuenientia adiecit. Nam, intra triquum, omnia miscere coepit: ciuium enim alios spoliauit, alios exilio multauit: magistratus omnes, nulla iuris formula obseruata, commutauit, ac, Sterlinum discedens, Scotos mercenarios, qui præsidio essent, in opido reliquit: quo facto, a conuentis volebat videri non discedere, quod promississet, vrbe libera, neminem Gallum se in ea relicturam. Cum obiiceretur, in conuentis omnes Gallos censer, qui fidem Regi Gallo haberent obligatam, ad illud Papanorum commune recurrit, Hæretico non seruanda promissa. Quod si, æque honesta facinoris excusatione uti, posset, nulla sceleris conscientia se impediri, quo minus, isti hominum generi & bona & vitam adimeret: Promissorum autem fidem a principibus non esse adeo anxie exigendam. Cum hæc satis indicarent, pacem non diuturnam fore, tum ea, quæ secuta sunt, multo vehementius opinionem, de ea sinistram, confirmarunt. Iacobum Stuartum, & Gilespicum Cambellum minacibus literis, & mandatis prosecuta, extremas legum poenas eis, ni redirent, interminata: de aduersæ factionis exercitu secuta, quippe quem, e Voluntariis & qui sine stipendiis militarent, conflatum esse, sciebat: nec, ubi dimissi essent, facile aut cito conuenturos, existimabat. Missa restituta, cæterisque rebus quoad poterat, compositis, opido, quo diximus, præsidio communito, Sterlinum versus iter ingressa est: multis enim de causis, eum locum a suis teneri, volebat: nam id opidum, prope totius Regni in medio situm, & solum muris cinctum, ciues habet bellicosos, & vicina Nobilitas vniuersa a Papanis aliena erat: ad quos reprimendos, hanc arcem obiici, volebat. Commoditates habet præterea multas, & in primis, ad terrestrium & maritimarum copiarum subuectiones: nam per Taum amnem, qui muros alluit, æstus maris infunditur, exterarumque nationum commerciis aditum præbet: idque vnum fere est opidum, quod, ab vltimis vsque Regni finibus, vndique terrestri itinere adiri potest: ad cætera enim, longis æstuariis a mari immissis, viæ multifariam intercissæ sunt, & per ea itinera lenta: quod nusquam ea sit nauicularum copia, ut, vno comœatu, magnam multitudinem transmittere, queant: sæpe etiam, aut ventis contrariis, aut tempestatum violentia, dies complures viatores retinentur. Ob has causas, Perthum, & conuentibus habendis, & militibus vndequaue contrahendis, commodissimum habetur. Verum, illa tempestate, Regens non tantum accepit ex loci commodo situ emolumentum, quam, ex violata induciarum fide, comparauit inuidiæ: is enim vltimus ei rerum secundarum, & publici contemptus primus dies fuit: res enim diuulgata magnorum ei in omnibus Regni partibus motuum causas dedit. Nam Comes Argathelius, & Iacobus Stuartus, in violandis se auctoribus factis induciis, suam fidem ladi credentes, conuocata ad Fanum Andreæ vicina Nobilitate, se ad purioris Religiois cultores adiungunt: atque ad eius sectæ socios scribunt, Regentem Falco landiæ cum Gallicis copiis esse: Cupri & Fani Andreæ exitio imminere: cui nisi præsentis auxilio obuiam eatur, omnes Ecclesias Fisanas in summo discrimine versari. Ad eos, & locis propinquis, magna repente accurrit multitudo, infensissimis aduersus Regentem & eius copias animis: quippe cum gente insociabili & fera bellum esse, apud quam æquitas, ius, fas, promissa, fides, & iurisiurandi religio tam leui momento penderent, ut, ad omnem spei auram, & incertissimos blandientis fortunæ status, dicta indicta,

RERVM SCOTICARVM

facta infecta esset : nullas, in posterum, condiciones concordiae audiendas, nullam pacis, nisi altera parte extincta, aut certe peregrinis regno exactis, spem superesse : proinde se, ad vincendum, vel moriendum, compararent. His, atque huiusmodi sermonibus ita vniuersorum animi fuerunt incitati, ut primum Caraliae (quod opidum in extremo Fife angulo situm est) impetu facto, aras euerterent, simulachra confringerent, & omnem missificandi apparatus disperderent: quod autem vix credibile est, ira plus apud vulgi animos poterat, quam auaricia. Inde ad Fanum Andreae progressi, spoliatis reliquis Diuorum aedibus, Fratrum Francisci & Dominici Canobia solo aequarunt. Haec cum prope in oculis Archiepiscopi gererentur, quanquam satis validam equitum manum secum haberet, quibus copijs, se opidum posse tueri, paulo ante sperauerat : tamen, cum populi studium, ac tantum Voluntariorum concursum cerneret, sese cum suis a furore multitudinis subduxit, ac Falcolandiam, ad gentiles & propinquos, venit. His auditis, Regens adeo exarsit, ut, sine vltiore deliberatione, denunciaret in proximum diem profectionem, ac statim praemitteret, qui Cupri hospiria Gallis designarent, ac missis in omnes partes edictis, imperauit, ut omnes, qui arma ferre possent, se Cuprum sequerentur : praesentesque Gallorum & Hamiltoniorum copias praemonuit, ut, ad sonum tubae, omnes praesto in armis essent. Hoc eorum consilium, cum rectae Religionis vindices per exploratores rescissent, ijs, qui aderant, familiaribus & amicis repente conuocatis, ut Regentis consilium praeuenirent, statim Cuprum contenderunt. Eodem prope momento, Taodunani & Nobiles e proximis agris, ad mille virorum, velut eodem signo excitati, se cum eis coniungunt : eam noctem ibi commorati, postridie mane, copias ex opido educunt, & in campis proximis in procinctu steterunt, Papanorum exercitum expectantes, suaeque auxilia, quae paulatim aduentabant, recolligentes. In castris Regentis duo Gallorum millia erant, quibus praerat Osellius: mille Scotos ducebat Iacobus Hamiltonius, Dux Castellerotius: ita tum eum vocabant. Hi omnes, praemissis de vigilia secunda machinis, summo mane iter ingressi, eo venerant, ut hostium primos conspicerent, & ipsi ab eis conspicerentur. Modicus in medio amnis fluebat : ad eum, idoneis locis, machinae erant collocatae : quingenti equites emissi, quibus leuibus praelijs hostium animos pertentarent, simul, si flumen transire pararent, ut impeditos aggredierentur. Horum alacritas Gallis cunctationem afferebat: eam etiam auxilii aduentus Patricij Lermontij, praefecti vrbanj Fani Andreae, cum quingentis ciuibus armatis: qui, agmine (ut mos itineris habet) in longum expositi, maioris, quam pro numero, multitudinis speciem praebat: haec res eis erat impedimento, ne (quod maxime cupiebant) numerum & ordinem hostium conspicerent: ac duces e propinquo noscerent, ac (ut iussi erant) ad suos referrent. Itaque, quidam e Gallis, ut totam hostium aciem, saltem e longinquo, subiectam oculis haberent, in collem satis editum conscenderunt: inde, cum plures equitum peditumque acies, modicis intervallis relictis, stare viderent, ac, retro illos, magnum calorum & equisonum numerum, ad vallis cuiusdam labrum, velut spectaculum in longum extentum, conspicerent, rati vniuersam illam multitudinem ibi in subsidijs collocatam, omnia vero maiora ad suos derulerunt. Duces, de Concilij sententia, ad Regentem, quae Falcolandiae subisterat, miserunt, qui, quo in statu res essent, edocerent: Scotos sibi videri multo plures, quam sperarant, &, ad pugnandum, alacriores: contra, qui secum militare, mussare: & quosdam aperte indignari, se, in paucorum peregrinorum gratiam, aduersus ciues, amicos, & propinquos duci. Tandem, assentiente Rege, tres ab Hamiltonio legati, ex primioribus, mittuntur, atque hi maxime, qui, in exercitu hostium, propinquos aut liberos haberent. Hac legatione, pax confieri non potuit, quod pietatis vindices, toties vanis promissis elusi, nullam pacationibus fidem haberent: nec Regens tum habebat, aut si habuisset, e dignitate sua existimasset, aliud fidei firmamentum dare. Accedebat & illa difficultas, ut (quod maxime petebatur) peregrini Regno excederent, quod praestare, inconsulto Rege Galliae, non poterat: & morae induciarum interpositae, non, ad animos ad pacem inflectendos: sed, ut saepe antea experti erant, ad accersenda auxilia externa petebantur: hoc tantum conuenit, ut Galli milites in Lothianam transportarentur

rentur, induciæque, in octo dies, fierent, dum Regens pacificatores, e suis, ad Fanum
 Andree mitteret, qui pacis æquas leges vtrisque ferrent. Sed vindices libertatis cū plane
 perspicerent, Regentem, quod condicionibus, sibi honestis, rem componere non pos-
 set, tantū rerum prolationem quærere, dum proximum æstuarium cum suis transmit-
 teret: Comes Argathelia, & Iacobus Stuartus, per literas, egerunt cum ea, vt Perthum,
 deducto præsidio, liberum suis legibus relinqueret, vti, in opido recipiendo, pacta erat:
 huius foederis violati inuidiam in se conferri, qui faciendi authores fuerant. Cum nihil a
 Rege responderetur, Perthum versus, vnde preces & lamentabiles querelæ quotidie
 afferebantur, signa conuertunt: Kinfanius enim, vicinus Comarchus, quem Regens,
 cum discederet, opido præfecit, vt obsequendi studium, vexatione ciuiū, ostentaret, suo
 dolori priuato indulgebat: & veteres inimicitias, quas cum plerisque ciuium habebat,
 parū ciuilitate exercebat, alijs domo fugatis, alijs, obtentu Religionis, spoliatis, Nec dis-
 similem militibus licentiam permittebat. Has iniurias, amicis & eorundem sacrorum
 socijs illatas, cum, qui Cupri erant, intellexissent, iter eo, primo mane, pronunciatū est.
 Opidum obsessum, post paucos dies, est deditum: ac, pulso Kinfanio, præfectura vrbana
 Patricio Ruuenio, præfecto iuridico, reddita est: deinde Sconam, vetus & infrequens
 opidum, ob vnum suorū, contra fidem datam, occisum, incenderunt. Per exploratores
 est rescriptum, Regentem præsidium Francorum Sterlinū missuram, vt, qui vltra Fortham
 erant, a reliquis excluderentur. Id consilium vt præuenirent, Gilespicus Cambellus, &
 Iacobus Stuartus, iam multa nocte, cum summo silentio, Pertho mouerūt, ac, Sterlino
 potiti, monasteria Fratrum statim diruerunt: cætera item circa urbem, Sacraria, ab Ido-
 lorum cultu nefario, emundarunt: ac, post tertium diem, viam, quæ Edimburgum fert,
 ingressi, Limnuchū, in medio itinere situm, superstitioso cultu liberant: & quanquam
 admodum pauci numero essent, vulgo militum, tanquam bello confecto, ad domesti-
 ca negotia dilapso, per tot opida tamen compresso Papanorum fastu, Scotorum & Gal-
 lorum cohortes mercenarias tantus terror inuasit, vt, cum omnibus, quæ trahere pote-
 rant, impedimentis, Dumbarum perfugerent. Scotorum procures, in restaurandæ Reli-
 gionis principes, complures, in re ordinanda, dies morati, præter ædium sacrarum, ab
 omni missificandi apparatu, repurgationem, verbo Dei sincere enunciando, condona-
 tores constituerunt. Interea e Gallia nunciatur, Henricum Secundū Regem decessisse.
 Ea res vt Scotis auxit læticiam, ita minuit industriam: plerisque, tanquam omnibus de-
 functi essent periculis, quo visum est, dilabentibus: Regens contra, formidans, ne ipsa
 cum Gallis tota Scotia exigeretur, summa cum vigilantia in omnes occasiones erat in-
 tenta. Primum, exploratores Edimburgum præmisit, qui hostiū consilia cognoscerent,
 per eos admonita, vulgus militum dilapsum, paucos restitisse, adeo securos, vt nullum
 omnino militiæ munus obirent, non cunctandum rara, cum eis, quas habebat, copijs,
 recta Edimburgum ducit. Occurrerunt ei officiose Iacobus Hamiltonius Dux, & Iaco-
 bus Duglassius, Mortonij Comes. Hi, cum condicionibus frustra rem componere ten-
 tassent, illud saltem tenuerūt, ne, eo die, confligeretur. Tandem, condicionibus hinc in-
 de iactatis, xxiv. die Iulij, M. D. LIX. induciæ factæ, in decimam vsque Ianuarij, quarum
 summa hæc erat, vt nemo cogatur, ceremonijs, quas nollit, vti: ne præsidium militare
 Edimburgi collocaretur: ne Sacerdotibus fieret impedimentū, quo minus, prædiorum
 suorum fructibus, decimis, pensionibus, alijsue quibuscunque redditibus libere vti frui,
 possent: Ne quis, Ecclesiæ instaurata templum, monasteria, aliaue loca, in Sacerdotum vsus
 fabricata, demoliri, aut in alios vsus transformare, tentet: Item, vt postridie illius diei,
 typos exendendæ pecuniæ, ac palatium Regium Regenti cum omni, quam in ea accepe-
 rant, suppellectili redderent. Has inducias ne, per se, aut suos violasse, videretur, Regens
 eo impensius dabat operam, quod in superiorum temporum promissis seruandis, eius
 leuitas vulgo erat infamis: verum tamen curabat, vt per suæ factionis homines Sco-
 ti, ad iram natura paulo propensiores, irritarentur: occasionesque sauiendi in miserum
 vulgus darent. Cum nullus autem color occurreret, qui, iuris aliqua specie crudelita-
 tem celare possit, falsos rumores disseminandos curat, Religionem rebellionis præten-
 di: veram sumendorum armorum causam esse, vt, stirpe legitima extincta, Iacobus,

RERVM SCOTICARVM

superioris Regis nothus, Regnum in se transferret. His, atque alijs huius generis mendacijs, cum, animos vulgi non nihil labefactari, videret, literas vnas atque alteras, quas a Regibus Gallorum, Francisco & Maria, videri volebant missas, ad eundem Iacobum curant perferendas: hæc partim falsam beneficiorum exprobrationem, partim grauissimas minas continebant, ni, defectionis consilio abiecto, ad officium rediret. Ad hæc cum Iacobus respondisset, se nullius dicti aut facti sibi conscium esse, aduersus vel Reges, vel leges: quod vero causam eorum, qui, Religionem prolapsam in suum gradum restituere, vellent, Nobilitas susceperit, vel potius ad eam causam se adiunxerit, eorum, quæ cum illis gesserit, inuidiam, si qua est, facile sustinere: nihil enim ibi quæsitum, nisi diuinæ gloriæ illustrationem: cuius consilij poenitere non esse æquum, cuius habeat auctorem, fautorem, & propugnatorem Christum: quem nisi sponte abnegare vellet, ab incepto desistere non posse. Extra hanc vnā causam, & se, & reliquos, quibus inuidiosum rebellionis nomen impingitur, in alijs rebus omnibus fore obsequentissimos. Hoc responsum, vt in Galliam mitteretur, Regenti datum, contumax ei & superbum est visum: contra plerisque non modestum modo, sed etiam intra modum, præsertim, in iactatione beneficiorum, quæ nulla prorsus acceperat, nisi, quæ cum omnibus peregrinis erant ei communia. Inter hæc, & mille mercenarij Galli Letham appulerunt, & Comes Aranius, Iacobi Hamiltonij, nuper Gubernatoris, filius, ad conuentum procerum, qui tum Sterlini habebatur, venit. Regens, Gallorum aduentu velut spei suæ certa, iam palam, ad Scotiam domandam, animum adiecit. Araniæ Comitissæ reditus hæc fuit causa. Cum vehementius, quam, per illa tempora, tutum erat, instaurantium rem Ecclesiasticam causam tueretur, a Gufianis, qui omnia apud Franciscum minorem poterant, ad terrorem inferiorum Ordinum, morti destinabatur. Nec dubitauit Cardinalis Lothareus, cum, in Senatu Parisiensi, vehementius in causam instauratæ Religionis inueheretur, pronunciare, eos prope diem supplicium spectaturos hominis, qui Principum dignationi esset æqualis. Id ille cum rescisset, atque in memoriam reuocasset, se, non ita pridem, cum Duce Gufio liberius verba commutasse, clandestina fuga, de concilio amicorum, salutem consuluit: ac derepente, præter omnium expectationem, domesticis tumultibus interuenit: ac ipse ad partes vindicum pietatis accessit: cum patre etiam egit, vt se eis adiungeret, ac multos e veteribus offensis et inimicos, reconciliauit. Principes factionis, qui ibi aderant, cum pro certo audissent, auxiliares copias partim iam appulisse, partim, vt quam primum mitterentur, conscribi, Lethamque summa vi communiri, vt horreum commeatum & apparatus bellici esset: ibique Galli in rebus aduersis, receptum, in secundis, portum suscipiendis amicis haberent: Scoti, per hæc tempora, accitis vndeque copijs, Letham obsidione, sed frustra, claudere tentant: nam fere, quicquid ænearum machinarum erat in Scotia, penes Regentem erat, aut arcis Edimburgensis præfectum, qui nondum cum libertatis publicæ vindicibus se coniunxerat: neque penes eorum factionem hæc vires erant, vt opidum, ab vna parte mari cinctum, & fluuiio diuisum, claudere iusta obsidione possent. Gallus interea, de rerum Scotticarum statu certior factus, Labrossium, Equitem Conchiliati ordinis, cum duobus millibus peditum eo misit, qui Regenti, Papanæ superstitionis cultum promouenti, pro viribus adessent: missus fuit vna Episcopus Ambianensis, tresque doctores Sorbonici, qui de controuersijs, si opus esset, disceptarent. Eorum aduentus Regentis animum, deiectum, ita erexit, vt sancte promitteret, se prope diem poenas, de Diuorum & Regum hostibus, expetituram. E principibus Nobilitatis, duodecim tum Edimburgi erant collecti, a quibus Labrossio & Episcopo, qui, se Legatos missos, dicebant, & diem, ad explicanda mandata, peterent. Responsum est, Eos non pacem (quod simulabant) quærere, sed bellum minari: alioqui, quid attinebat armatas cohortes, ad disceptandū, adducere? se vero non adeo rerum esse ignaros, vt in eam disceptationem se committerent, vbi cogi possent, ad condiciones, inimicorū arbitrio, accipiendas: Quod si pacificatio inter arma placeret, se quoque curaturos, ne, magis vi compulsi, quam rationibus adducti, viderentur: Illi autem, quod præ se ferunt, si vere & ex animo petant, peregrinum militem remittant, inermesque (vt sæpe alias) conueniant, velut

velut ad rem ex æquo componendam, non ferro, & viribus discernendam. Hæc quidem de legatis. De munitione Lethæ, in hanc fere sententiam rescripserunt, Se vehementer mirari, quod Regens, nullis prouocata iniurijs, tam cito a conuentis recesserit: ac, veteribus Lethæ incolis expulsis, peregrinorūque colonia ibi collocata, arcem, ad interitum legum & libertatis, omnium capitibus imponat: se magnopere orare, vt ab hoc tam pernicioso consilio, aduersus fidem promissorum, publicam vtilitatem, leges & libertatem, temere suscepto, desistat: neue eam necessitatem eis imponat, vt, vniuersi populi fidem implorare, cogantur. In eandem fere sententiam, post mensem, Edimburgi collecti rescripserunt: ac superioribus hanc petitionem adiecerunt, vt, molitionibus nouis euer-
10 sis, peregrinos, aliosque mercenarios quoslibet opido emigrare, iubeat, vt liberum ibi omnibus ex æquo esset, negociari & mutua exercere commercia. Id si recusaret, se pro certo indicio accepturos, eam Regnum hoc in seruitutem velle redigere: cui malo se, quacunque ratione possent, remedium quasiruros. Ad hæc qui responderet, Regens, triduo proximo, misit Robertum Formanum, principem forcialem (vulgus Regem armorum vocat) cum his mandatis, Primum omnium ostendes, nihil nobis, magis præter opinionem, accidere potuisse, quam alium esse quempiam, qui potestatem hic habeat, quam gener, & filia mea, vnde omnis nostra pender auctoritas: Superiora procerum acta, & hæc præsens postulatio, seu potius imperium, satis declarant, eos nul-
20 lam superiorem agnoscere auctoritatem: Nec eorum petitio, aut potius minæ, vt cūque verborum coloribus operta, nobis iam nouæ videri possunt. Postulabis a Duce Castellerotij, vt in memoriam reuocet, quæ nobis verbis, & Regi, per literas, sit pollicitus, non se modo Regi dicto audientem fore: sed facturum, ne filius eius, Arania Comes, patriæ tumultibus se omnino implicaret. Item, ecquid, quæ nunc geruntur, illis respondeant promissis. Ad literas autem respondebis, Nos, publice tranquillitatis causa, ostendisse facturos, ac nunc etiam polliceri, quicquid cum pietate in Deum, ac obseruantia erga Reges non pugnet: neque, de libertatis & legum euerfione, vni-
quam cogitasse: de Regno vero per vim acquirendo, multo minus. Cui enim illud quærerem, quod iam filia, hæreditario iure, sine controuersia teneat? Quod ad munitionem Lethæ attinet, illud rogabis: Nosne vnquam aliquid in eo genere attentauimus, priusquam illi, multis conuentionibus, ac demum conuentione inter se facta, palam ostenderent, imperium legitimum se reiicere, ac nobis, quæ supremi magistratus auctoritatem & locum tenemus, inconsultis, statum publicum, pro suo arbitrio, perturbassent: suasque partes, capitis vrbibus, confirmassent & cum veteribus inimicis, de foedere sanciendo, tractassent? ac nunc maxime complures eorum Anglos domi suæ habeant? &, vt alia omitam, quam tandem causam proferre poterant, cur illis liceat, exercitum tenere Edimburgi, ad rerum præsidia innadendos? nobis autem non liceat, Lethæ, ad salutis nostræ præsidium, aliquid copiarum circa nos habere? Illud nimirum cupiunt, vt, quotidiana mutatione locorum, furorem eorum (quod adhuc hanc diem, fecimus) vitare conemur. Eequæ in eorum literis, de parendo iustis magistratibus, est mentio? Eequam, ad concordiam instaurandam, viam pandunt? Eequæ indicio mon-
40 strant, se hos motus velle sedatos, & in pristinum statum omnia velle reduci? Operantur ista, quibus velint, emolumenti publici coloribus: palam tamen est, nulla de re minus eos cogitare: nam si id vnum concordiam moraretur, sapienter, quæ doceret eo, viam ostendimus. Nec ipsi ignorant, Gallos istos, mandatu sui Regis, iam dudum, nisi suis ipsi factis in mora fuissent, extra Scotiam fururos. Itaque, si quas nunc quoque offerant condiciones honestas, quæ spem faciant, imperij maiestate satui, se obedienter & modeste superioribus parituros, nullam instauranda concordia rationem recusabimus: neque quæquam omittemus, quod ad vtilitatem publicam spectare, poterit. Nec hos modo erga eos hoc animo sumus, sed etiam Reges eorum, qui Conchiliati ordi-
50 nis Equitem illustrem, & Ecclesiastici ordinis hominem primarium, cum literis ac mandatis, eodem spectantibus, ad eos miserunt: quos illi tamen se contempserunt, vt non modo responso, sed ne audientia quidem, sint dignati. Quamobrem postulabis, & imperabis quoque Duci, & cæteris proceribus, aliisque cuiuscunque ordinis ciuibz, vt ab

eis statim discedant: Sin minus, perduellionis eos reheri, denunciabis. Ad hæc postri-
 die, qui fuit XXI. Octobris, procures in hanc sententiam responderunt, Ex literis tuis,
 ac mandatis per fœcialem missis, facile intelleximus, quam perseueranter male anima-
 ta sis, aduersus pietatem in Deum, & nostræ gentis publicum emolumentum, & com-
 munitatem omnium libertatem. Hæc ut, perinde ac debemus, tueamur, nos, Regum no-
 strorum nomine, præfecturam, aut quocunque alio imperij titulo publicam administra-
 tionem sub Regibus vsurpas, suspendimus, ac inhibemus: ut qui pro certo habeamus,
 quæ nunc a te geruntur, ea cum eorum perpetua voluntate, erga publicam huius Regni
 incolumitatem, pugnare: & quemadmodum tu nos, legitimos huius Regni & Regum
 ciues, pro Senatu & Concilio publico non habes: neque nos te, Regentem aut magi-
 stratu supremo fungentem, agnoscimus: cum præsertim imperium (si quod habes a Re-
 gibus commissum) grauissimis iustissimisque de causis, sit a nobis inhibendum: idque, eo-
 rundem Regum nomine, quorum nos consultores nati sumus, præsertim in rebus, quæ
 ad omnium salutem spectant. Quanquam autem nobis est decretum, nullum subterfu-
 gere vitæ discrimen, in eo opido liberando, in quo tu, contra nos, mercenarios peregrin-
 dos collocasti: tamen pro ea, quam tibi, ut Regina nostræ matri, debemus, reuerentia,
 & opera fidei, magnopere, ut secedas, oramus, dum nos utilitatis publicæ ratio cogit, opi-
 dum istud nunc armis repetere, quod sæpe antea precibus liberare sumus conati. Illos
 præterea rogamus, ut vna tecum educas, intra XXIV. horas, si qui sunt, qui aut Legatorum,
 ad controuersias disceptandas, aut ad res gerendas, nomen sibi vendicant, quicquid item
 mercenariorum militum in eodem est opido, quorum nos sanguini libenter parcimus,
 & incolumitati fauimus, propter veterem, quæ tot sæculis, inter Scotos & Francos, fuit,
 amicitiam: quam, ob nostræ Regina cum illorum Rege matrimonium, potius augeri,
 quam, imminui, est æquum. Eodem quoque die, idem Fœcialis retulit, pridie illius diei,
 procerum aliorumque ciuium frequentissimo Concilio persuasum esse, omnia Regen-
 tis dicta, facta, consiliaque meram spectare tyrannidem. Igitur decretum factum, de ab-
 rogando ei magistratu, cui vniuersi, ut iustissimo, subscripserunt: legationemque, ei a
 genero & filia datam, inhibuerunt, eamque pro imperio quicquam agere, vetuerunt, vs-
 que ad generalem Ordinum conuentum, ab ipsis, ubi commodum foret, indicendum.
 XXV. autem die, procures fœcialem miserunt Letham, qui omnibus Scotis denunciaret,
 ut intra spatium XXIV. horarum ex opido discederent, seque ab euersoribus libertatis
 publice segregarent. Post has comminationes, excurrentibus vtrique equitibus, bel-
 lum, citra tamen magnam cadem, commissum est. In hoc rerum gerendarum initio,
 tantus in castra vindicum libertatis repente terror incidit, ut & præsentem statum ve-
 hementer perturbaret, & spem omnem successus in posterum extingueret: multos enim
 Regens, qui nomina Ecclesiæ dederant, partim minis, partim promissis, a procerum
 factione abstraxerat, & castra speculatorum erant plena, qui non modo dicta & facta, sed
 etiam, quæ maxime occulta & credebant, & volebant, ad eam deferrent: &, com-
 prehenso Jacobi Balfurij ministro, qui literas Letham ferebat, suspicio in multos, ti-
 mor in omnes se diffuderat: mercenarii quoque, ob non soluta ad diem stipendia, tu-
 multuabantur: ac, si quis, eos a nefario consilio reuocare, conabatur, grauiter ei commi-
 nabantur. Sed in hominibus, a pietate & honesto alienis, non tam miranda erat sedi-
 tio, quam omnes male habebat Ducis Castellorij imbecillitas, & prope diffidentia,
 quem propinqui terroris ita impleverunt, ut eius timor multorum animos labefactaret.
 Qui firmiores erant, cum remedia his malis adhiberent, prima, de mercenariis pla-
 cendis, consultatio fuit. Cum inter se procures, qui remanserant, de pecunia in sti-
 pendium conferenda, agerent, alijs per auaritiam detractantibus, alijs inopiam excu-
 santibus, summa confectio non potuit, quæ mercenariorum furorem mitigaret. Proxi-
 mum visum est, ut vasa singulorum argentea conflarentur: cumque monetarii operam
 suam liberaliter promitterent, typi, incertum quorum fraude, sublati fuerunt. Re-
 stabat vnica spes, ab Anglis, sed lenta nimis videbatur. Tandem, priuatum suorum ami-
 corum fidem experiri, decreuerunt: atque ad Equites duos, notæ virtutis (qui tum Ber-
 nici publicis munijs præfecti erant), Radulphum Sadlerium, & Iacobum Croftum
 mittunt

multum Ioannem Cocburnum Ormistonium, qui vel modicam, ad remedium presentis necessitatis, impetrarent pecuniam. Id consilium quanquam maxime occultarent, tamen ad Regentem est delatum: ea, Comitem Bothuelium reditum eius obseruare, iussit. Is, quanquam ante paucos dies sancte iurauerat, se causa procerum nulla in re obfuturum, spemque fecisset, se factioni eorum subscripturum, tamen Ormistonium, ex insidiis, nec opinum aggreditur: vulneratum capit, pecuniam eripit. Huius facinoris fama Edimburgo Arania Comitem, & Iacobum Stuartum, cum toto pene equitatu, exciuit, non tam vindictae cupiditate, quam ut Ormistonium (si forte viueret) eriperent, aut saltem impedirent, quo minus ad Regentem transportaretur: sed Bothuelius per speculatorem praemonitus, aduentum eorum fuga praeuertit. Eodem die praefectus Taodunanus, cum suis ciuibus ac paucis Voluntariis, Letham versus progressus, suas in colle propinquo machinas collocarunt. Galli, qui per exploratores cognouerant, omnem prope hostium equitatum abesse, ad pedites, quorum paucitatem videbant, opprimendos, aliquot cohortes eduxerunt. Taodunani aliquandiu, spe subsidij, resisterunt: sed cum, in primo statim congressu, mercenarij (qui pauci eos erant secuti) terga vertissent, ipsi quoque, relictis machinis, sensim pedem retulerunt: donec a tergo clamor ortus est, Gallos, breuiore via praegressos, ad portam vrbs a tergo tendere, ut eos excluderent. Ad hanc vocem, tanta omnium rerum perturbatio est orta, ut quisque, qua proxime poterat, in tutum se reciperet, & dum alij aliis obstant, infirmiores a valentioribus conculcarentur: ac, dum quisque sibi prospicit, nihil in commune consulitur. Papani, e latebris prodeuntes, palam conuiciabantur: qui antea studium doctrinae purioris praese ferebant, partim, clam se subducere, conabantur, partim, de tota causa abiicienda consultant. Quinta die Nouembris, cum nunciatum esset, Gallos exisse, ut commeatus, Edimburgum venientes, interciperent, praeterquam quod vindices Religionis inter se non satis essent concordēs, mercenarij vix ex opido extrudi poterant. Comes Arania, ac Iacobus Stuartus, primi cum familiaribus egressi, aduersus eos exierunt: hos multi viri honesti ac strenui comitari sunt: ac in Gallos se acius, quam prudentius intulerunt: nec quicquam propius fuit, quam ut, ab Edimburgo interclusi, suae temeritatis poenas dedissent: nam, cum hinc paludes, illinc paradisi proximus murus iter & angustum, & Gallorum sclopetariis obnoxium, eis reliquissent, partim a suis, partim ab equitibus pedites obtereabantur. In hac trepidatione, certa clades omnibus imminabat, nisi duces, aequato cum ceteris periculo, ex equis discendissent. Cum illis, pudor multos retinuit: in his, fuit Alexander Haliburtonus, Centurio, iuuenis strenuus, & in causa Religionis instaurandae acerbissimus, graui vulnere accepto, in manus hostium venisset, multis ab eis plagis lethaliter sauciatus, breui post moritur. Post hunc conflictum, in quo circiter viginti quinque perierunt: multis se subtrahentibus, ceteris animum despondentibus, Arania Comes, & Iacobus Stuartus suam operam obtulerunt, si vel modica manus una maneret. Cunctis pene teculantibus, proxima fuit consultatio, de vrbe relinquenda: ac, uti decretum fuit a proceribus, de secunda vigilia iter ingressi, post die Sterlinum peruenierunt. Ibi Ioannes Knoxius luculentam ad eos concionem habuit: ac multorum animos in spem certam, breui ex his malis emergendi, crexit. In hoc conuentu, id modo decretum est, ut, quoniam Galli quotidie nouis subsidiis augerentur, & ipsi etiam externis opibus se confirmarent, missus est in Angliam Guilielmus Metellanus, iuuenis summo ingenio & eruditione, qui Regiam edoceret, quantum immineret Angliae periculum, si Galli, in Scotia, operibus & praesidiis loca communirent: ut qui non Religionis modo, sed legum & libertatis interitum quaererent: Scotis autem vel vi, vel fraude oppressis, vel iniquo foedere in seruitutem redactis, faciliorem eis gradum fieri, ad Anglorum vires infringendas. Angli, re diu inter se disceptata, tandem spem auxiliorum fecerunt. Proceres, libertatis vindices, in duas se partes diuiserant: alteri Glasgae constiterunt, ut proximis provincijs praesiderent, & socios sacrorum ab iniuria tuerentur: alteri in Fifam missi. Franci, qui nullam ab hostibus abinebant iniuriam, de Anglorum auxiliis solliciti, ante eorum aduentum,

RERV M SCOTICARVM

reliquias aduersæ factionis delere, conantur: ac primum aduersus eam partem, quæ Fifam infederat, ducunt. Primum in itinere, Limnuchum ac Hamiltoniorum prædia spoliant: inde Sterlinum profecti, atque ibi tantum commorati, dum opidanos diriperent, pontem transeunt: & secundum flumen ducto exercitu, litus illud, vicis & opidulis frequentibus habitatum, legunt: ac, toto itinere, quæ occurrebant, direptis, tandem Kingornum veniunt. Scoti, ut eorum cursum remorarentur, Desertum opidulum (id loco nomen est) cum paucis infederunt. Hic per viginti dies, cum quotidie leuia prælia consererentur, Galli, quam non poterant in dominos, iram in parietes effuderunt: villamque Gulielmi Kircadij, Grangiam nomine, a fundamentis diruerunt. Ille, qui non ignoraret, Gallos eo, ad rusticos diripiendos, frequenter excurrere, paulo ante lucem, se in insidiis collocavit: ac, animaduerso Labastio Allobroge cum sua centuria egresso, tam diu in insidiis occultus substitit, dum, supra mille passus a præsidio, Galli abessent: tum demum, immisso equire, a suis eos exclusit. Illi, quod, in tali discrimine vnum restare, videbatur, in rusticam villam propinquam ingressi, se maceria sepibusque tueri, conabantur. Scoti, ex superiore Gallorum crudelitate irritati, suæ salutis immemores, & dum hostem læderent (etsi nulla, præter lanceas equestres, haberent arma) prostratis, quæcunque obstabant, intro irrumpunt: ducem, recusantem se dedere, & cum eo quinquaginta milites, interimunt, cæteros Taodunum mittunt. Qui ad Desertum, veluti in statione assidua, erant, Cuprum conuenere: ex eis & aliis, qui Glasceæ erant, electi, qui, ad scribendum fœdus cum Anglis, Beruicum mitterentur, cuius hæ præcipuæ leges fuerunt, Vti aduersus peregrinos, si qui in Britanniam, belli faciendi causa, descenderent, vtrique alteris auxilia mitterent, Scotis in Anglia, Anglis in Scotia militantibus Angla stipendium solueret: Præda de hoste capta Anglis, opida & arces statim antiquis dominis redderentur: Scoti obsides darent, qui, durante matrimonio Regis Galli cum Regina Scota, atque eo dirempto, vnum annum in Anglia manerent. Hæ

CIC. 15. Beruicia acta, xxvii. die Februarij. M. D. LX. Illud Angli magnopere Scotos monuerunt, LX. ne, antequam amicorum auxilia venirent, prælia cum hoste decernerent, ac in summa rei discrimen venirent: magnopere enim procures Anglorum metuebant, ne Scotorum præseruida ingenia in errorem inemendabilem vniuersam rem præcipitarent. Galli interea, Desertum ac Vemium depopulati, inter se disceptare coeperunt, rectane ad hostem, an secundum litus ad Fanum Andreæ, atque inde Cuprum ducerent. Posterior sententia placuit, quod, propter ingentes niues, viarum confusis vestigiis, equites, sine magno incommodo, per mediterranea duci non possent. Igitur, cum paulum secundum mare essent progressi, atque ad promontorium, quod Kincragium, hoc est, rupis caput, aut finem appellant, esset peruentum, quidam conscendentes, vnde in mare longissime prospectus erat, renunciarunt cum magna lætitia, octo maioris formæ naues conspici. In illis, Galli vniuersi pro certo, quod iam diu expectauerant, habentes, auxilia ad se aduehi, eas ingenti, ut mos est, sonitu tormentorum æneorum consalutarunt, ac, sese mutuo inuitantes, alique aliis congratulantes, cum diem ibi transigere cum summo gaudio, statunt. Nec ita multo post, nauicula vna & altera, ex aduerso Lothianæ litore appulit: ab eis (ut qui, inter transmittendum, cum vectotibus nauium externarum collocuti fuissent) rescitum est, Anglicam eam classem esse: præterea rumoribus ferri, copias eorum terrestres non procul a Scotorum finibus abesse. Fit subita animorum mutatio: & immatura lætitia in metum & trepidationem est versa: statim, sublati signis, pars Kingornum, alij Fermelinodunum, plurimis præ festinatione impransis, retro properant: metuebant enim, ne, præsidio, quod Leithæ reliquerant, extincto, ipsi ab hostibus, vndique circumfusi, opprimerentur, antequam, vires omnes in vnum contrahere, possent. Hoc toto itinere, & Papanis, qui se frequentes eis coniungebant, plures, quam ex hostibus, exuebant bonis: nam hostium fere opulentiores fortunarum suarum bonam partem in loca longinqua periculo subduxerunt: si qui vero sua non asportarent, præfecti Gallorum, non modo præsentis successu elati, sed auxiliis etiam, quæ, de die in diem, & Gallia expectabantur (confisi, se perpernos illarum regionum dominos fore) villas opulentiores, omni comitatu genere abundantes, in suam peculiarem prædam,

dam, in spoliatis reservabant: Papani vero, aut crebris honorationum invitationibus, amicitiae specie exhaurebantur, aut clam a milite suppilabantur, aut in reditu, cum magna commearum esset penuria, etiam, non sine ludibrio, palam spoliabantur, Gallicis acerbe exprobrantibus eorum, in praeliis, ignavam operam, & in amicorum inopia subleuanda, auaritiam: quae res, quantum a perfidia abessent, ipsos iudicare, iubebant. Hæc superbia contumeliosa, cum rapacitate coniuncta, multorum animos a studio Gallicæ factionis auertit: nec multo post, Fifani, partim hostium metu, partim sociorum iniuriis coacti, Ecclesiæ instauratæ nomina dederunt: ac demum longinquæ regiones ab exteris populariter defecerunt: nec minus acres se ostenderunt, in Gallorum tyrannide reprimenda, quam reliqui Scoti, in sua Religione asserenda. Iam Ver appetebat, & utraque pars festinabat, sua in vnum locum auxilia contrahere. Comes Martigius, strenuus & nobilis adolescens, ad mille pedites, & paucos equites, duabus nauibus, e Gallia aduexit: ipse cum milite statim descendit: naues, de nocte, a Scotis fuerunt captæ. Eisdem fere diebus, Marchio Elbenij, Regentis frater, qui, octo nauibus, pecuniam & auxilia portabat, partim metu impulsus, mari nauibus Anglis pleno, partim tempestatis aduersæ excusatione usus, vnde soluerat, reuectus est. Et noua classis Anglica ad priorem est missa, ac, toto freto volitantes, Ketham insulam obsessam tenebant, & Lerham omnibus maritimis commoditatibus prohibebant. Interim libertatis vindicum, qui Fife præsidebant, Principes Perthum profecti, & cum Huntillæo triduum ibi collocuti, facile totam eam Scotiæ plagam, quæ ad Septentriones versa est, sibi adiunxerunt: edicta paulo post proposita sunt, vt ad finem Martij frequentes adessent. Ad id tempus, vniuersi fere Ecclesiæ instauratæ principes Limnuchum conuenerunt: inde Hadinam profecti, ad Calendas Apriles, Anglis occurrerunt. Erant, in Anglorum exercitu, supra sex pedirum, duo equitum millia: proxima nocte, ad Præstonum castra posuerunt. Eodem die, Regens, iam propius admoto periculo, vt ab incertis belli casibus abesset, se, cum paucis domesticis, in arcem Edimburgensem recepit. Præerat arci Ioannes Areskinus, vir & innocentiae, & diligentiae spectatæ: eius autem custodiam, ex publici Concilij decreto (vt iam antea demonstratum est) acceperat, ea lege, vt eam nemini, nisi eiusdem Concilij iussu, redderet: Hanc cum Galli suis rationibus opportunam viderent, multa sæpe moliti sunt, vt ea dolo potirentur. Ille, etsi nec animum eorum erga se ignoraret, arcemque ita communisset, vt, a vi doloque, esset securus, ac omnia sedulo caueret, Regentem tamen excludere tali tempore, nolebat: id autem, in ea recipienda diligenter prouidit, vt ipsam & arcem in sua potestate semper haberet: nec proceres, qui libertatæ patriæ erant duces, etsi sæpe antea Regentis animum, aduersus causam quam susceperant, obstinatum sensissent, tamen, præsentem occasionem prætermittendam, censuerunt: si forte aut belli propius admoti metus, aut ex longinquis auxiliis spes incerta eam, ad quietiora consilia, inflecterent. Igitur collecti ad Dalkerhum factionis principes ita scripserunt: Sæpenumero ante, per literas nunciosque, a te contendimus, vt milites Gallos, qui, iam alterum annum, infirmam plebeculam intolerabilibus malis premunt, ac populum vniuersum in miserrimæ seruitutis formidine coniecerunt, tandem aliquando hinc amandares, nosque hoc metu liberares: verum cum iustis precibus apud te nil promoueremus, coacti sumus, apud Reginam Anglorum & Regni finibus maxime propinquam, condicionem nostram deplorare, & auxilium implorare, ad peregrinos, seruitutem nobis intentantes, armis (si aliter nequeamus) expellendos: illa vero quanquam nostris calamitatibus permota causam nostram suscepit, tamen, vt erga Reginæ nostræ matrem nostro funderemur officio, & a Christiano sanguine fundendo, quoad fieri posset, abstinere, & vim armatam cum denique experiremur, cum, aliter ius nostrum obtinere, nequiremus. Adhuc, nostræ modestiæ esse, putauimus, te iterum rogare, vt Gallicas copias, cum præfectis & ducibus, quamprimum hinc emigrare, iubeas: id autem vt commodius confici possit, Regina Anglorum, non modotantum vt sit iter per suum Regnum, præstabit, sed &, classe sua in Galliam transportandos, curabit. Quæ condicio si relictiatur, nos Deum & homines testamur, nulla nostra malitia aut odio, ad arma itum, sed inuitos, & mera necessitate coactos extrema experiri

remedia, ne statum publicum, nos ipsos, fortunaſque noſtras, & poſteritatem omnem
 in vltimas calamitates præcipitaremus. Neque tamen, quanquam grauiffima patiamur,
 & grauiora inſtent, vllum periculum nos coget, ab officio, erga Reginam noſtram,
 diſcedere, aut Regi, marito eius, vlla in re, quæ non ad vetuſtæ libertatis interitum, aut
 ad noſtrum poſteriorumque noſtrorum exitium pertinebit, reſiſtere. Te autem, Prin-
 ceptiſſima, iterum atque iterum rogamus, vt, expenſa noſtræ poſtulationis
 æquitate, & quæ ex bello ſequi poſſint, malis, & quam huic tuæ filie Regno grauiffi-
 me affecta, neceſſaria ſit quies, iuſtis precibus te non grauatiſſime accommodes. Id ſi feceris,
 & iucundam tuæ moderationis memoriam apud omnes nationes relinques: & maxime
 partis Chriſtianorum conſules tranquillitati. Vale, Dalkethi iv. die Aprilis, M. D. LX. 10
 Sexto Aprilis die, cum Angli ſecundum mare appropinquarent, Galli, circiter mille &
 trecenti, Letha egreſſi, collem, vbi planicies deſinit, modice aſſurgentem occuparunt,
 quod, ibi Anglos caſtra metaturos, exiſtimarent. De loco aut capiendo, aut retinendo,
 ſupra quinque horas acerrime dimicatum eſt, non paucis vtrinque cadentibus: tandem,
 Scotis equitibus magno impetu in denſiſſimam Gallorum aciem irruentibus, trepida
 fuga in opidum fuerunt compulſi: id modo, quo minus omnes a ſuis excluſi perirent,
 obſtiſſe viſum eſt: quod Angli equites paulo tardius, quam conuenerat, erant emiſſi.
 Tentata, poſt hæc, fruſtra ſunt colloquia, Angliſ inducias aſpernantibus, & per excuſio-
 nes, leuia, nec tamen incruenta, certamina miſcentibus, quæ, commemorare non eſt
 operæ precium. Ad vndecimum Calendas Maiaſ, Ioannes Monlucius, Vallentiæ Allo- 20
 brogum Epicoſopus, primum in caſtra Anglorum, inde in arcem Edimburgenſem, ad
 Regentem, eſt deductus: cum ea biduum collocutus, rediit ad Scotorum proceres: nec
 tum ratio concordia: cum eis iniri potuit: quod Scoti in eo conſtanter perſtarent, vt pe-
 regrinus miles domum remearet. Poſt hæc, Angli, cum, ob interuallum, quod caſtra di-
 rimebat ab opido, globorum impetus euaneſceret, ac iectus prope inualidi conciderent,
 caſtra trans Letham fluuium propius opidum locant, vnde certior e propinquo nocen-
 di eſſet facultas, & cum hoſte frequentius comminus congredierentur. Pridie Calendas
 Maiaſ, circiter duas horas ante Solis occaſum, ignis fortuitus partem opidi corripuit, ac,
 violentia ventorum adiutus, ad proximam vſque lucem, in teſta ſæuiit, lateque ſtragem
 dedit: ac, partem horreorum publicorum amplexus, non nihil commeatus abſumpſit. 30
 Nec, in hoc tumultu, Angli ſibi defuerunt: nam & maioribus machinis in eam partem
 obuertiſ, vulgus, ab incendio reſtinguendo, prohibebant, &, foſſas ingreſſi, altitudinem
 murorum aliquot in locis ſunt dimenſi: &, niſi Galli, initio tumultus, inſidias veriti,
 frequentes in muros conſcendiſſent: ac, ne quid, in tali trepidatione, acciperetur cladis,
 prouidiſſent, ea dies bello finem allatura videbatur. Ad iv. Nonas Maij, Angli in molas
 aquarias, quæ iuxta opidum erant, ignem iniecerunt: alteram ante lucem, poſtridie al-
 teram abſumpſerunt, incendio fruſtra Gallis opem ferre conantibus. Nonis Maij, cum
 obſidentes, ſcalis vndique admotis, aditum tentaffent, ob ſcalarum breuitatem, cum
 multis vulneribus repulſi fuerunt, centum ſexaginta ſuorum amiſſiſ. Proximum tri-
 duum, cum ſummo labore & periculo, Galli, muris reſciendis, dederunt, Angliſ 40
 in eos aſſidue, ſicubi frequentes vidiffent, iaculantibus. Hoc ſucceſſu, Papani immo-
 dice elati, iam ſibi, diſcedentibus Angliſ, & obſidione ſoluta, finem belli promittebant.
 Verum Angli & Scoti, nihil, ob hanc offenſionem, animo demiffiores, alteri alteros
 ad conſtantiam ſunt hortati: & Angli, ſe expectaturos, pollicebantur, donec ex Aula,
 de voluntate ſuæ Regina, certiores fierent. Sed interim Ducis Norfolciæ literæ vchemen-
 ter omnium animos confirmarunt: ſcripſit enim ad Graium, qui in caſtris ſummum
 habebat imperium: ac iuſſit, obſidionem continuare: militem autem ei non deſuturum,
 quandiu in ſua prouincia eſſet, qui arma ferre poſſet. (ea autem, latiffimis finibus, inter
 Tuedam & Trentam patebat) ac ſi res poſſeret, ſe in caſtra venturum promittebat: idque
 vt certius confirmaret, ſuum tentorium eo miſſum in caſtris tendi, iuſſit, ac intra pau- 50
 cos dies, duo millia militum ſubſidio miſit: atque ita, omni memoria damni accepti
 ex animis expulſa, cum ſumma alacritate bellum velut renouatur: & quanquam cre-
 berrimis excuſionibus conſligeretur, nulla ſere, ex eo tempore, Gallis fuit ſecunda.
 Interea

Interea, Regina Anglorum Gulielmum Cecilium, hominem doctum & prudentem, & cuius consilio tum maxime res Anglica innitebatur, & Nicolaum Vottonum, Decanum Eboracensem, qui, de pace, agerent, in Scotiam misit. Hi iussi, cum Rando et Monluco Gallis, de pacis legibus, consilia conferre: Reges enim Gallorum non credebant, e sua esse dignitate, in aequam disceptationem, cum civibus suis venire. Huius colloquij fama in causa fuit, ut, controuersis veluti iam transactis consentis in mentem lulium indiceretur. Regina vidua interea, in arce Edimburgensi, quarto Idus Julias, decessit, morbo simul & moerore confecta. Mors eius varie mentes hominum affecit: nam & apud quosdam eorum, quibus cum armis contendit, non mediocriter desiderium reliquit: erat enim singulari ingenio praedita, & animo ad aequitatem admodum propenso: gentesque ferocissimas, & extremos Insularum populos, virtute & consilio pacauerat. Sunt, qui, nullum ei futurum cum Scotis bellum, crederent, si suo ei ingenio uti licuisset: ita enim se moribus eorum accommodabat, ut omnia sine vi facile confectura, videretur: et si enim nomen imperij penes eam esset, neque virtutes, loco tam sublimi dignae, abessent, tamen, precario tantum dominari, videbatur: ut cui de summis rebus responsa, velut oracula, erant e Gallis expectanda: Gufiani enim, quorum tum immodica in aula Gallica erat potentia Scotos peculiare suae familiae Regnum destinabant: auctoresque sorori erant, ut, in causa Papanae religionis asserenda, asperior esset, quam, aut ipsius natura, aut illa tempora ferre poterant: quod ipsa frequenter non coelabat: affirmabat enim, si sui arbitrij res esset, non se desperare, condicionibus non iniquissimis, dissidia componi posse. Erant, qui, haec eam populariter magis iactare, quam ex animi sententia existimarent dicere: neque solum, illa eo pertinere, crederent, ut culpam, vel inuidiam rerum secus gestarum a se auerteret: sed ut, praetextu consilij petendi, moras interponeret, dum peregrina accerferet auxilia: & Scotorum impetus vehementes, cedendo, contunderet, & tractu temporis eorum iram languescere, sineret: simul, quod putaret, eorum coetus voluntarios, semel atque iterum solutos, non facile rursus in vna castra posse cogi: quippe, qui hominum essent, sine stipendio, sine certo imperio militantium. Huius autem simulationis, in Regina, certissimum fuisse indicium, in promissis inconstantiam, ut quae non, ex praescriptis condicionibus, induciarum finem expectaret, sed, qualicunque emolumentum specie oblata, bellum, ex sua vnus libidine, resumeret. Nec desunt, qui, omnium, quae auare aut crudeliter facta sunt, quae fraude, aut calumnia attentata sunt, culpam in eos referant, quorum consilio in rebus gerendis, utebatur: erant enim ab initio, cum eum, quem tenuerat, magistratum suscepit, Galli consultores adiuncti: Regis Gallorum Legatus Osellius, homo celeris & vehementis irae, caetera vir bonus, & pacis bellicae artibus iuxta eruditus: quique ad iuris aequitatem potius, quam ad Gufianorum libidinem, sua consilia dirigeret: additus ei fuerat Rubius quidam, causidicus Parisiensis, ad iuris controuersias, sicubi opus esset, disceptandas. Is cum, in administratione publica, omnia ad mores & leges Gallicas (tanquam ea demum recta esset Reipublicae regendae ratio) quam poterat proxime, conformare vellet, suspicionem rerum nouandarum in se transtulit: &, communis fortasse cum aliis, criminis inuidia prope solus flagrabat. Atque hi nihil immedicabile peccabant. Sub finem belli, tres, distincti suis limitibus, duces militarem rem tractabant, e familia Lucemburgica, Comes Martigius, qui & Dux postea Stamparum fuit: & Labrossius, equestri loco natus, sed qui magnum in re militari usum habebat: tertius iis additus erat Ambianensis Episcopus, aliquot Sorbonicis Doctoribus comitatus, quasi verbis, non armis, de dominatione cernendum esset. Horum trium omnia consilia ad apertam tyrannidem spectabant. Martigius auctor erat, ut in omnia loca, Lethae vicina, ferro & igne sauietur: ut soli vastitas, & rerum necessariorum poenuria Scotos ab obsidione prohiberet. Sed, ex eo consilio, pacatis hominibus, & alioqui pauperibus, & maiore ex parte Papanis, exitium parabatur: & nullum ad obsessos redundabat emolumentum: commearus enim, aperto mari, abunde ex omnibus Angliae Scotiaeque locis maritimis, in castra obsidentium subuehi poterant: clades autem ex vastatione agrorum, non minus ad Papanos, quam ad Religionis verae cultores pertinebat. Labrossius censebat, omnem, sine discrimine,

RERVM SCOTIC LIB. DECIMVSEXTO.

Scotorum Nobilitatem esse extinguendam : in eorum autem prædijs mille Cataphra-
ctos equites, Gallos, collocari posse : reliquam multitudinem, feruorum loco, ha-
bendam. Id consilium, literis eius ad Gallum intercepis, diuulgatum, mirum, quan-
tum Gallorum odium, iam alijs de causis natum auxit. Ambianus autem Episcopus
non rhodo Romanæ causæ minus æquos, sed etiam Gallorum partibus minus, quam
ipse censebat æquum, addictos, indicta causa agere, rapere, trucidare, inbebat : Gal-
losque milites grauitè increpabat, quod, sui Regis inimicos palam omnium

oculis impune se ostentare, paterentur: vnum etiam nominatim designa-
bat, Gulielmum Metellanum, iuuenem nobilem & eruditum,

quem, quia Sorbonici rationibus refellere non poterant, ferro Episcopus tollere destinabat : eiusque Gallis

millibus vitam exprobrabat, & mortem com-
mendabat. Id ille cum reuocasset, ca-

pitato tempore, se a Gallia

subduxit, & in Sco-

torum castra

venit.

RERVM



R E R V M
S C O T I C A R V M
H I S T O R I A,

Auctore Georgio Buchanano Scoto.

LIBER DECIMVS SEPTIMVS.

P A V C I S, post mortem Regentis, diebus, induciis in breue tempus factis, ad audiendos Legatos, qui vt de concordia agerent, e Gallia & Anglia aduenerant, ex vtraque gente, primores congressi sunt. Hi quo minus quicquam conficere potuerint, obstitit maxime concordia, quod Galli, qui, superiore hieme, magnam e locis vicinis pradam comportauerant, discedere, nisi saluis impedimentis, recusarent. Id cum obtineri non posset, eruptiones rursus multo, quam antea, ferocius factae sunt: sed Francis minus secundae: tandem, cum omnes belli taderet, nec amplius pacis cupiditas dissimulari posset, iterum, ad colloquia, Legati vtrique conuenerunt. Quae animos maxime ad studium pacis inflecterent, haec erant. Galli, omni spe auxilij praecisa, commeatibus indies arctioribus, ac non diu suffecturis, prope in extremam desperationem erant coniecti: & Angli, diuturna obsidione fessi, nihilominus, quam Galli, inopes omnium rerum, finem belli cupiebant: Scoti etiam, vt qui sine stipendiis militabant, ideoque difficilius in castris contineri poterant, libenter concordiae mentionem audiebant. Ita, maximo tandem omnium consensu, octauo die Iulij, anno, ab humani generis Redemptione, M.D.LX. pax est promulgata, his fere legibus, Vt Galli, intra vicesimum diem, saluis impedimentis, enauigarent: &, cum in praesentia nauium illis copia, ad tantam multitudinem transportandam, non suppeteret, vt naues ab Anglia mutuo acciperent, relictis interim obsidibus, vsque ad classis reditum: Vt, Letha Scotis reddita, eius muri diruerentur: Vt munitiones, nuper a Gallis ad Dumbarum aedificatae, complanarentur: Vt, his (vti conuentum erat) peractis, Angli statim copias reducerent: Vt Maria, Scotorum Regina, consentiente Francisco marito, lege lata, sanciret obliuionem omnium, quae per Scotorum proceres gesta, aut attentata fuerant, a decimo die Martij, M.D.LX. vsque ad Calendas Augusti, M.D.LX. eaque sanctio in proximo publico Scotorum conuentu (qui, in mensem Augustum dilatus erat) approbaretur: eique conuentui habendo, Francisci & Mariae Regum consensus accederet: Ketham insulam & Dumbarum arcem sexaginta Galli custodirent, ne Regina, totius Regni possessione deiecta, videretur. Post hunc externi militis discessum, vsque ad Reginae reditum, summa fuit ab armis tranquillitas: Conuentus Ordinum Edimburgi coepit haberi: in quo, de Religione sincera promouenda, porissimum est actum: ea decreta in Galliam sunt missa, vt Regina eis subscriberet: magis, vt eius animus nudarent, quam quod, quicquam impetrare, sperarent: missi in Angliam Legati, qui, ob auxilium tempore tam necessario latum, gratias agerent. Nec multo post, in aulam Gallicam venit Iacobus Sandelandius, Rhodiensis collegij eques, & a factionum discordiis adhuc liber, qui, ante acta purgando, motus animorum, ex bello

RERVM SCOTICARVM

residuos, leniret: & omnes stabiliendæ concordia rationes tentaret. Sed in tempora longe turbulentissima eius aduentus incidit: nam Gufianorum in manu tum res Gallica erat: qui, postquam se animaduertunt blanditiis & minis parum proficere, vi & armis aduersam factionem opprimere, conabantur: &, in quos sectæ diuersæ crimen competere non poterat, eos proditi Regni fecerunt reos. Iam Rex Nauarræ perpetuæ custodiæ erat damnatus: & frater eius, Princeps Condæus, morti addictus: Annas Momorantius, duoque sororis eius filij, Gaspar & Franciscus, Collinij, &, propinquus eorum, Carnutum Vicedominus, cædi destinabantur: præter eos, supra decem millia reorum in tabulas erant relata. Ad hæc, omne terroris genus oculis & animis offundebatur: vrbs Aurelia plena peditum: in agris equitum præsidia passim collocata: omnes viæ publicæ stationibus eorum infestæ: iudicia exercebantur, per paucos in Aula, de hominum honestissimorum vita, fortunis, & fama: omnes Sacrarum ædium, omnes, per murorum ambitum, turres, oclusis luminibus, ostiisque, aduersus vim, firmatis, in vsum carcerum erant præparatæ: rerum capitalium iudices e toto Regno conuocari. Ratio suppliciorum sumendorum ita erat constituta, vt, simul ac Ligeris, glacie soluta, nauigabilis esset, Rex Chinonem, ad ostium Viennæ fluminis in agro Pictorum, secederet: Gufij cum paucis, ex præscripto Concilij aulici (cuius ipsi principes essent) poenas exigent. Inter hæc, Sandelandius in Aulam venit, non tam præteritorum veniam precabundus humiliter, quam, ad ciues suos, tumultuum causis in Gallos reiectis, purgandos. Gufiani, in eum asperrime coorti, increpabant, quod homo, sacra militiæ addictus, mandata rebellium, pro hæresi illa execrabili, quam tum maximus omnium gentium consensus, in Concilio Tridentino, damnarat, perferenda suscepisset: Plerique etiam non iam stultitiam, sed insaniam Scotorum mirari, qui pauci, & inter se discordes, atque bellico apparatu, sed maxime pecunia, destituti, Regem tam potentem, & ab hoste externo quietum, vltro lacefferent. Inter hos indignantium fremitum & minas. Rex in morbum repente incidit: Legatus sine responso dimissus est: nuncius autem eum, de morte Regis, Luteciæ, ad Nonas Decembres, deprehendit: inde, meliore in reliquum spe, domum properat. Fama, de morte Regis diuulgata, tam Scotorum animos, periculorum imminentium cura suspensos, erexit, quam

CIX. 10. vniversam Galliam factionibus & seditionum domesticarum veneno impleuit. Iacobus

LXI. bus, Reginae frater, Scotia iam, per mortem Francisci, omnino a Gallorum dominatione libera, quanta potuit celeritate, ad Reginam contendit: quæ, marito vidua, in Lotharingiam cum auunculis concesserat: siue secretum suo dolori quarens, siue muliebri æmulatione, vt a focu procul abesset: quæ, socordia Antonij Borbonij, Regis Nauarræ, freta, totam Regni administrationem paulatim in se deriuabat. Ibi Iacobus, eius frater, rebus in Scotia pro tempore pacatis, eam conuenit, ac multis sermonibus vltro citroque habitis, Regina ostendit, sibi in animo esse, in Scotiam proficisci: diemque præfiniuit, ad quem se expectari vellet, auunculis etiam in eam partem prioribus: magna enim, ante Iacobi aduentum, ea de re, deliberatio fuerat: plerisque causantibus itineris difficultatem, præsertim, Regina Anglorum non satis æqua: deinde, ad homines barbaros, & natura seditiosos, eam proficisci, qui nec virorum imperiis satis obedienter pareant. Exempla ante oculos eam habere recentia patris, matrisque: quos cum, palam opprimere, vel non auderent, vel non possent, variis artibus ad desperationem adegerint: apud quos assidue, vel de honore, vel de vita, periculum esset subeundum. Contra, differebatur a peritis rerum Scotticarum, sæpius Regum, quam ciuium culpa, seditiones illic ortas, dum Regnum, quod, ab extremis vsque temporibus, semper fuerat legitimum, ad infinitam & libram legum potestatem, reducere conarentur: eamque, quam gens, bellicosa magis, quam opulenta, tolerare non posset: Reges autem omnes, qui, ius populi imminuere, non tentassent, non solum, ab inimicis & populi tumultibus, fuisse tutos, sed in summa ciuium charitate ab hostibus fuisse inuictos, &, apud exteros illustres, regnasse: Potentissimam, ac fere solam, in præsentia, pacandarum rerum esse rationem, ne quid in statu Religionis receptæ mutaretur. Hæc palam vtrunque iactabantur: sed apud propinquos

pinquos alla potentiores erant causa. Auunculi qui, rebus in Gallia turbatis, magis ma-
 gnas, quam honestas spes aiebant, Reginam absentem arbitrabantur magis in sua po-
 testate futuram, quam, si in Gallia maneret: eiusque matrimonij spe vicinis Regibus
 ostentata, se multorum amicitias complexuros, & opera vsuros: interea, e suæ faction-
 is hominibus, aliquem rebus administrandis in Scotia præfuturum. Accedebat, ad
 hæc, Reginæ voluntas, cui omnino decretum erat, redire ad suos: marito enim rebus
 humanis defuncto, socru (quæ res moderabatur) alieniore, viliorẽ se videbat in regia
 futuram: & quanquam non adeo diu Regno assueuerat, moleste ferebat mulier adoles-
 cens, ætate florens, & animo elato, se in ordinem redigi: quamlibet enim in imperio
 malebat fortunam, quam alioqui opulentissimam: nec certe admodum honorificam
 sperare poterat, Galianorum potentia ab aduersis partibus, primo impetu, labefactata.
 Nec minimum, ad hæc, momentum addiderunt Iacobi fratris adhortationes, & polli-
 citationes, omnia eam domi pacata reperturam: præsertim, cum is esset, cuius fidei se
 maxime tuto posset committere, natura frater, & qui, ab adolescentia, magnis rebus,
 summa fortitudine & felicitate gestis, apud omnes gloriam & auctoritatem comparasset.
 Regina his rebus intenta, Noalius, Senator Burdegalensis, qui, e Gallia missus, paulo
 post finem publici conuentus, in Scotiam venerat, reiectus est in proximum Conci-
 lium, quod, de publico statu ordinando, ad xii. Calendas Iunias, indictum fuerat. Sed
 cum, ne tum quidem, procures (qui ad diem frequentes conuenerant) sederent, quod
 adhuc, de Reginæ voluntate, erant incerti: interim Iacobus Stuartus, e Gallia reuersus,
 a Regina diploma attulit, quo conuentus habendi, ac statuendi, de rebus in publicum
 vtihibus, ius eis faciebat: tum demum, legatus Gallus est auditus. Legationis capita hæc
 erant, Vt vetus cum Gallis foedus renouaretur: Nouum, cum Anglis, solueretur: Sacer-
 dotes, vnde erant deiectioni, vt, bonis redditis, restituerentur. Ad hæc responsum. Quod
 ad foedus Gallicum attinet, se nulla in re eius violati sibi conscios esse: contra, multipli-
 citer a Gallis fuisse neglectum: maxime vero nuper, in oppugnanda publica libertate,
 cum populum, antea amicum, nullius sceleris compertum, in miserrimam seruitutem
 redigere attentarent. Foedus vero, cum Anglis, soluere se non posse, nisi omnium in-
 gratissimi velint haberi: & beneficium maximum grauissimo maleficio compensare, &
 aduersus liberatorum suorum salutem, coniurare. Demum, quod Sacerdotum restitu-
 tionem petat, quos ille Sacerdotes appellat, eorum se neque munus vllum, nec vsum, in
 Ecclesia, agnoscere. In eodem illo Concilio, factum est decretum, de omnibus Mona-
 chorum cœnobijs demolendis: ac statim in omnes partes sunt dimissi, qui imperata
 perficerent. Rebus (vti dictum est) in Gallia, ad profectiõem, comparatis, Reginæ amicis
 intimis, penes quos summa consiliorum erat, visum est, vt de Religione, in præsentia,
 res in totum dissimularetur: quanquam non deerant, qui, impotentibus consiliis, ad
 eadem eam armarent. In primis, Darius, Abbas Fermelinoduni, & Ioannes Sinclairus,
 nuper Brechinen sis designatus Episcopus. Ad ea autem consilia ipsa, & natura, & propin-
 quorum impulsu, adeo erat prona, vt ab inuita aliquando erumperent minæ, quæ, ex-
 ce-
 pte in Aula, ad populum perferebantur: palam etiam inter familiares iactitabat, se pro-
 pinquæ suæ, Mariæ, Reginæ Anglorum, exemplum imitaturam. Igitur summa consilio-
 rum eo tendebat, vt suæ factionis homines, in præsentia, spe aleret: aduersarum partium
 sectatores paulatim deprimeret: deinde, confirmatis iam viribus, in tempore animum
 expromeret. Id autem non adeo difficile videbatur, Concilio Tridentino non ita pri-
 dem inchoato, specie quidem, ad restituendos collapsos Ecclesiæ mores: re vera, ad
 Euangelij professores eliminandos, quod postea, ex Concilij secretioris decreto, est de-
 claratum. Ad hæc, auunculi Reginam vehementer animabant, vires Papanæ factionis
 demonstrando, cui dux, ex Concilij decreto, futurus esset Franciscus, fratrum Galiano-
 rum natu maximus: interea Carolus Cardinalis, inter tot publicas curas, sui non obli-
 vis, consulebat Reginæ, vt supellestilem mundumque muliebrem, magni precij, velut
 in alium orbem transitura, apud se deponeret, donec, de sui itineris euentu, certius co-
 gnosceret. Illa, facile intellecta fraude, vt quæ hominis ingenium probe nosset respon-
 dit, cum se periculo committeret, non videre, cur mundo magis, quam sibi, taueret.

His ita decretis, mittitur in Angliam, ad Regine voluntatem explorandam. Osellius, Is, honorifice ab Angla receptus, ac statim in Galliam remissus, refert Regine Scotorum. Si per Angliam transire vellet, nullum eam officium, quod vel a propinquis, vel ab amicis expectari deberet, desideraturam; seque, maximi beneficii loco, id habituram. Sin declinaret suum congressum, contumelia loco accepturam. Præterea, classem satis amplam ornauerat Angla, specie piratas persequendi: id alij interpretabantur factum, ad Reginam Scotorum excipiendam, si, se inuita, transire conaretur. Vna autem illi nauem, in qua nauigabat Comes Eglintonij, Londinum pertraxerunt, ac breui liberam dimiserunt. Sed quaecumque fuerit, in classe paranda, consilium, fortuna, si quid intentabatur periculi, discussit: nam, triremibus Gallicis in altum euectis, caligo per aliquot dies, est secuta, donec in Scotiam, ad duodecimum Calendas Septembres, applicuerunt. Fama, de Regine aduentu, passim diuulgata, quicquid erat Nobilitatis, ex omnibus Regni partibus, passim accurrit: partim, velut ad spectaculum publicum, partim, ut reditum gratularentur: conuenerant & nonnulli, ut officia sua, erga absentem, commemorarent; gratiamque eius statim occuparent, aut inimicorum calumnias prauenerent: non pauci, ut, ex initio noui Regni, auspiciis de rebus futuris captarent. In his tam variis animorum moribus, omnes ex æquo, suam Reginam videre, cupiebant, post tam varios fortunæ vtriusque euentus, velut ex insperato, sibi oblata: ut quæ, inter grauissimas bellorum tempestates, patre, intra sextum quam nata erat diem, orba, matris quidem, lectissima femina, summa diligentia educata: sed inter domesticas seditiones, & externa bella eorum, qui plus possent, prædæ relicta, & antequam sensum habere malorum posset, omnibus fortunæ sauiantis exposita periculis: & patria relicta, velut in exilium relegata, inter hostium arma & fluctuum violentiam, ægre seruata. Ibi quidem, fortuna paululum blandiente, matrimonio quidem illustri aucta: sed velut ostentato magis, quam exhibito gaudio, extinctis matre viroque, in luctum & orbitatem reiecta, nouo, quod acceperat, Regno amisso, vetere prope incerto. Commendabatur etiam, præter discriminum varietatem, excellentis formæ bonitate, & maturescens æui vigore, & ingenij elegantia: quam vel auxerat, vel certe, falsis virtutum coloribus, gratiorem fecerat aulica educatio, minime quidem illa sincera, sed, ad honesti quandam similitudinem, adumbrata: & quæ naturæ bonitatem, studio & placendi cura, deteriore faceret: & virtutum semina delinimentis voluptatum retunderet, quo minus ad maturos fructus peruenirent. Hæc ut in vulgus grata erant, ita perspicaciores minime fallebant: sed mollis adhuc & flexibilis ætas, rerum usu, putabatur facile corrigi posse. Incidit, inter has gratulationes, levis quidem offensio, sed quæ altius in vtriusque factionis animos penetravit. Nam cum Regine ita cum Nobilitate conuenisset, ut, in statu receptæ Religionis, nihil immutaretur: ipsi tantum, suæque familiæ vna permitteretur Missa, eaque priuata: ad eam adornandam, dum apparatus per Aulam in Sacellum ferretur, quidam e turba, cereos arreptos confregit, ac, nisi, interuentu modestiorum, conatus ille fuisset discussus, reliquus omnis apparatus fuisset disiectus. Ea res varie in vulgus accepta, quibusdam id facinus, ut nimis audax, culpantibus, aliis, patientiam hominum tentari, quid ferre posset, interpretantibus: quibusdam censentibus, atque etiam clamantibus, ut poena, quæ in sacris literis, aduersus idololatrias, est sancita, Sacerdos plecteretur. Sed hic statim, in ipso ortu, motus per Iacobum, Regine fratrem, est compositus, Georgio Gordonio vehementer, sed clam, indignante: is enim, in omnes turbandarum rerum occasiones intentus, hic locum gratiæ patere arbitratus, Regine auunculis (qui aderant) conuentis, pollicitus est, quicquid ultra Caledonios est regionum, ad veteres ceremonias reduciturum. Id illi cum suspectum haberent, ut qui de hominis ingenio multa aliunde audissent, veriti, ne sine vlllo effectu tempestatem nouam excitarent, ad Iacobum, Regine fratrem, rem detulerunt. Quod reliquum fuit eius anni, dimissis honorifice Gallis, qui Reginam, officij gratia, comitati fuerant, ludis & conuiuiis transactum: vnus ex auunculis, Elbeuij Marchio, est retentus. Inter hæc, Gulielmus Matellanus iunior, Legatus in Angliam missus, Reginam eius gentis (vni mos est) officiose salutauit, suæque animum erga eam, studiumque pacis & concordie seruandæ demon-

demonstrauit: rursus literas procerum Scotorum ei porrexit. In ijs, inerat superiorum officiorum benigna commemoratio, benivolentiaque plena. Ab Anglia autem magnopere petebant. Ut, erga suam Reginam, amice & humaniter, & publice & privatim, se gereret: Ut, officiis promouata, non modo in amicitia iura libenter persecueretur, sed atque gloribus, si fieri posset, vinctis eam in dies conuinceret: Se, pro sua voluntate & studio, inter vicina regna perpetuanda concordia nullam occasionem pratermissuros. Vnam, & certissimam esse rationem, quae omnium dissidiorum veterum obliuionem auferret, & fontem discordiarum in posterum exhauriret, si Regina Anglorum, decreto publico vniuersi populi, statueret, ac ipsa sua auctoritate confirmaret, secundum seipsumque (si quos gigneret) liberos, heredem Anglici regni iure esse Reginam Scotorum. Id decretum curae equum esset, & ex usu vniuersae Britanniae, cum Legatus, pluribus argumentis, dissuaderet, adiecit, neminem, in eo perficiendo, diligentia & studio ipsam, ut quae genere maxime esset propinqua, praecedere debere: eamque benevolentiae & officij declarationem ab ea Scotorum sperare. Ad haec, Anglia: Aliam expectabam, inquit, a Regina vestra legationem. Miror enim, ei e memoria excidisse, quid, ante suum ex Francia discessum, post longam agitationem, tandem promiserit: ut videlicet foedus, Lethae transactum, ratum haberet, & confirmaret: quae de re, certum mihi responsum erat pollicita, ubi primum ad suos redisset. Iam satis, mihi verba dari, sum passa: Iam certe tempestuum erat: (siquidem suae dignitatis rationem habuisset) ut orationi tam beneuolae facta responderent. Ad haec, ille, Se a Regina, paucissimis, post aduentum, diebus, in hanc legationem missum, antequam ullam adhuc publicorum negotiorum partem attigisset: In eo tantum fuisse occupatam, ut proceres plerisque omnes, de facie adhuc ignotos, ac tum primum salutatum aduenientes, reciperet: Maxime autem omnium, ut ad aliquam certam formam statum Religionis reduceret: quae in re, quantum esset difficultatis & molestiae, ipsa non ignoraret. Ex ijs, facile tua Maiestas potest intelligere, potuisse nullum, ante meum discessum, Reginae Scotorum tempus vacuum fuisse: nec homines affuisse idoneos, quos in Concilium, de rebus tam arduis, aduocaret: praesertim cum, qui extremas Regni oras, in Septentriones obuersas, habitent, nondum, ante meum ab Aula discessum, affuissent: praeter quorum sententiam, res, tanti in publicum momenti, confici nec debeant, nec possint. Tum illa commotior. Et quid, inquit, Reginae hic erat opis consultatione, id ut effectum redderet, ad quod efficiendum, & chirographo & sigillo, se abstrinxerat. Ego, inquit ille, quid respondeam ad haec, in praesentia, non habeo: ut, de quibus, nec mandata vlla acceperim, nec Regina nostra expectabat, ut a me nunc ratio posceretur. Illud autem ipsa facile apud te potes expendere, quam iustas ipsa nunc morae causas habeat. Post non nihil verborum, super his rebus, vtro citroque iactatum, Regina ad grauissimum totius negotij caput reuersa, hoc, inquit, in primis notavi, quod & in oratione, nomine Reginae vestrae, declarasti, & in mandatis procerum explicandis, posuisti: Commemorasti enim, ex Anglorum Regum sanguine, eam oriundam, meque naturali illo vinculo, ut proximam genere, ad eam diligendam, constringi: quam rem ego perficere nec volo, nec possum. Orbi etiam vniuerso perspicue ostendi, me, in omnibus meis actionibus, aduersus eius salutem, aut Regni tranquillitatem, nihil attentasse: Et, qui intimos meos sensus & cogitationes norunt, multi sunt consilij, me, ne tum quidem, cum iustissimas offensionum causas illa mihi praebuisset, meis insignibus usurpandis, titulumque Regni mei vendicando, nunquam tamen in animum inducere potuisse, quin haec odiorum semina ab alijs potius, quam ab ea, exorta crederem. Vtunque tamen haec habent, meum, opinor, mihi viuenti sceptrum non eripiet: neque liberis (si qui ex me nascentur) erit impedimento, quo minus, in meum locum succedent. Si quid autem interea humanitus acciderit, nunquam tamen illud comperiet, quicquam a me factum fuisse, quod ius, quod illa, sibi in Regnum Angliae esse, asseueret, aliqua ex parte, ledat & immineat. Illud autem ius quale esset, nunquam diligentius mihi expendendum existimaui: nec, ea de re vnquam disquirere altius, est animus, eamque, quorum interest, quaestionem iudicis disceptandam relinquo. Vestrae autem Reginae causa, siquidem iusta est, illud a me pro certo expectare potest, me nulla in re ei nocituram: ac Deum praesentem

noſtri ſermonis arbitrum teſtor, me neminem, ſecundum meipſam, noſſe, quem illi præferam, aut, ſi res in controuerſiam veniat, eam poſſit excludere. Tu, qui competant, noſti, inquit. Quibus tandem opibus, aut qua virium fiducia, miſella illæ tantam rem attemptabunt? Deinde, non longo ſermone de illis interieſto, tandem iſ finis fuit, vt, rem grauem & magni ponderis eſſe, diceret: ac nunc primum ſerium de ea ſermonem ſe habuiſſe: itaque longiore, ad eam expediendam, ſpatio eſſe opus. Poſt paucos deinde dies acceſſit ruruſus Legato, Se mirari vehementer, ait, quid procerum, in ipſo ſtatim Regina aduentu, ſibi velit poſtulatione: præſertim, cum ſciſent, ſuperioris offenſæ cauſas nondum eſſe ſublatas. Quid autem poſtulant? vt ego videlicet, tam graui affecta iniuria, abſque vlla ſatisfactione, ei, in re tanta, gratificer? Hæc autem oratio quantulum a miſis abeſt? Iſta ſi pergant, illud velim cogitent, nec mihi domi vires, nec foris amicos defuturos magis, quam illis, qui meum ius tueantur. Ad hæc, ille reſpondit, Se, ab initio, diſtucide oſtendiſſe, proceres, vt hunc, ad concordiam publicam, aditam pateſacerent, partim inductos officio, quod Regina ſuæ, & ſecuritati tuendæ, & dignitati amplificandæ proſpicere debeant: partim ſtudio pacis publicæ firmandæ, & conciliandæ amicitia. Tecum autem vt hæc apertius, quam cum vlllo alio Principe, agerent, effecit, non ſolum egregia tua erga illos voluntas, experiundo perſpecta: ſed etiam ipſorum incolumitatis ratio: quippe, qui, ſibi vitæ & fortunarum omnium diſcrimen ſubendum, intelligant, ſi quis Regina ius oppugnet, aut ſi quis motus armorum, inter hæc Regna, ea de cauſa, oriatur. Quamobrem, non iniuſto ſtudio ſibi teneri videntur, qui cupiunt, vt, ſublatis diſcordiarum ſeminibus, ſolida & certa cum pace, diſſidia componantur. Si quidem, inquit illa, ego quicquam attentafſem, quod Regina ius imminueret, tum demum iuſta fuiſſet poſtulandi cauſa, vt ſecus facta corrigerentur. Hæc autem poſtulatione, vt, viua, mihi linteum ſepulchrale ante oculos proponam exemplo caret: neque ſimile quicquam ab vlllo Principum vnquam eſt petutum. Animum tamen Nobilitatis veſtræ, in petendo, boni conſulo: eoque magis, quod hinc intelligam, Regina ſuæ colendæ, cuiusque dignitatem promouendi illis eſſe ſtudium. Nec minus prudentiam amplector, quod & ſuæ ſecuritati proſpiciunt, & a fundendo Chriſtiano ſanguine, abhorrent: cui (vt fateor) parci non poſſet, ſi qua factio ſe obliiceret, quæ Regnum ſibi vendicaret. Sed quæ tandem illa erit? aut quibus viribus freta? Sed, his omiſſis, ſinge, me vltro in eam partem propendere, vt iſti poſtulationi aſſentiar. Exiſtimaſne, me procerum voluntati potius, quam ipſi Regina id gratificaturam? Verum & alia ſunt plurima, quæ me ab hac tranſactione auocant. Primum, quod non ignorem, quam ſit periculofum, hanc mouere Camarinam: ac iure mihi ſemper abſtinuiſſe videor, ne ius Regni in diſceparationem vocarem. Toties enim iam, ſermonibus multorum, iactata eſt controuerſia, de matrimonio iuſto, deque nothiſ & legitimis liberis, dum, pro ingenio, quiſque aut huic, aut illi parti ſtudet, vt & ego ipſa, ob has diſputationes, hæcenus ad nubendum fuerim cunctantior. Semel, cum publice coronam accepi, matrimonium cum hoc Regno ini: cuius pignus hunc annulum perpetuo fero: vtcunque autem hæc ſe habent, quoad vixero, Regina Anglorum ero. Ego vbi defuncta fuero, in meum locum, qui iure potior erit, ſuccedito. Ea ſi Regina veſtra eſt, nulla interim in re ei obero: ſin alteri ius eſt potius, iniquum erit poſtulare, vt a me aperte afficiatur iniuria. Si qua lex veſtræ Regina obest, mihi quidem ignota eſt, quod non libenter, hac de re, exactius diſquiro. Sed ſi qua eſt, ego, cum Regnum iniui, ciuibz meis iuraui, me leges eorum non mutaturam. Quod autem ſecundo loco ſumebas, ex hac ſucceſſionis declaratione, arctius inter nos amicitiam coituram, vereor, ne hinc ſit potius odiorum ſeminarium. Crediſne tu, me libenter funeris mei apparatus ſemper ante oculos habituram? Regibus hoc fere peculiare eſt, vt erga liberos naſcendi iure ſibi ſucceſſuros, alieno ſint animo. Carolus Septimus, Galliarum Rex, qualis erga Ludouicum Vndecimum fuit? aut iſ ruruſus, erga Carolum Octauum? aut Franciſcus, nuper aduerſus Henricum? Quo igitur animo, me veriſimile eſt fore, aduerſus propinquam meam, ſemel hæredem iudicatam? eo ipſo videlicet, quo Carolus Septimus fuit, erga Ludouicum Vndecimum. Accedit illud, in quo ego longe grauiffimum pondus

pondus ineffe, statuo. Noui ego populi huius inconstantiam: noui quam presentem rerum statum fastidiant: noui, quam intentos habeant oculos, in proxime successuros: scio, natura comparatum esse, ut plures (quod dicitur) Solem orientem, quam occidentem adorent. Id autem, ut aliorum exempla omitram, ex meis ipsius temporibus didici. Cum, soror mea, Maria Regnum teneret, quibus votis plerique petebant, ut, eius in solio me collocatam, viderent: quo studio, in me prouehenda, ferebantur? Nec ignoro, quibus periculis subeundis, homines euentum consiliorum suorum attentassent, si mea voluntas, ad eorum cupiditatem, adiuncta fuisset. Nunc autem idem illi, fortasse, non sunt eodem erga me animo: non secus, ac pueri, qui, inter quiescendum, poma sibi per somnum oblata, exultant, mox, mane expectati, ac sua spe decepti, gaudium in lachrymas commutant: ita, qui me, cum Elizabeth modo vocarer, summa beneuolentia complectabantur. Et si quos forte alacriore vultu eram intuita, secum cogitabant, statim, atque ego Regnum adepta essem, se, pro suae cupiditatis potius, quam officij mihi praestiti modo, remuneratum iri: nunc vero, cum enenitus expectationi non respondeat, quidam eorum non grauare nouam rerum mutationem, in spem fortunae melioris, ferrent: nulla enim Principum facultates, quantumuis magnae, insatiabiles hominum cupiditates explere poterunt. Quod si animi ciuium nostrorum erga nos languescant, aut volutates immutentur, ob temperamentum nimij largitionibus adhibitum, aut aliam leuiculam causam, quid suspicabimur futurum, si certum Regni successorem maleuoli ciues haberent, ad quem animi sui aggritudines deferrent, aut se ipsi, irati conferrent? Quanto me iudicas in periculo versaturam, tam potente & propinqua Principe successura, cui quantum ego virium, in successione confirmanda, adijcerem, tantum meae securitati detraherem. Hoc periculum nec ullis cautionibus, aut alijs legum vinculis auerti potest: nec facile Principes, quibus Regni spes oblata est, sese intra iuris & aequi terminos, continebunt. Ego vero, si de meo successore Orbi constaret, nunquam, res meas in tuto collocatas, existimarem. Haec in summa, in illo congressu, acta sunt. Nec adeo multis post diebus, Legatus Reginam rogauit, ecquid literis procerum Scotorum responderet: Ego, inquit, in praesentia, non habeo, quod respondeam, nisi eorum beneuolentiam & sedulitatem, erga Reginam suam, me probare: res autem tanta est, ut nequeam repente, plane & diserte respondere: verum, cum vestra Regina, ad quod se astrinxit, in foedere confirmando praestiterit officium, tum erit tempestiuum, ut meum erga se studium experiatur. Interea, sine meae dignitatis imminutione, nihil ei gratificari me posse, arbitror. Hac de re, cum se illi quicquam mandatum habere negaret, nec vnquam, cum sua Regina, in hoc genus sermonum incidisse: neque se tum Reginae, sed suum, de iure Successionis, iudicium, & ad id confirmandum, rationes afferre: comprobationem autem foederis, per maritum, a Regina Scotorum, absque eorum consensu, quorum, ad ratum aut irritum fieri, interesset, expressam, non tanti esse, ut ipsam omnesque posteros a Regni hereditate excluderet. Nec inquiri nunc, inquit, per quos, quando, quomodo, qua auctoritate, qua de causa, foedus illud factum fuerit: quando nihil horum, in praesentia, attingere sim iussus. Illud autem audeo affirmare, etiam si ab ea, mariti voluntatem secuta, confirmatum esset, cum tamen, ex eo, tanta emolumenta penderent, Reginam nostram in tempore omnes rationes conquisituram, cur solui & posset, & deberet. Nec ego tamen hoc, Reginae nomine, loquor: sed eo tantum mea spectat oratio, ut ostendā, proceres nostros, non sine causa, laborare, ut omnibus controuersijs radicinis ablatis, stabile foedus & perpetuum, inter nos, coeat. Tandem, multis vltro citroque verbis, de foedere, habitis, Regina eo perducta est, ut Legati virinque congregarentur, qui foedus retractarent: atque, ad hanc prope formam, corrigerent, Vt Regina Scotorum abstineret Regijs Anglorum insignibus: abstineret item titulis regnorum Angliae, & Hiberniae, Regina Anglorum, aut liberis ex ea superstitiis. Contra vero, ut Angla caueret, neque se, neque posteros ex se genitos, quicquam acturos, quod ius successionis Scotiae haberet, aut imminueret. Haec fere sunt, quae in ea Legatione sunt agitata: quae dum foris, de pace stabilienda, tractantur, domi res, ad seditionem paulatim spectare, coepit. Nam, ut antea dixi, permissa erat Reginae, eiusque familiae vnica Missa: qua de re,

cum edictum publicaretur, qui contradiceret, e tota Nobilitate, vnus est inuentus, Comes Arania, multum, licet dissimulanter, indignante Regina. Proxima fuit offensio, aduersus Edinburgenses. Hi fere, ad 111. Cal. Octob. suos magistratus eligere solebant: tū Archibaldus Duglassius, praefectus, de morte edixit, Ne quis adulter, fornicator, ebriosus, Missarius, aut obstinatus Papanus, post proximas Cal. in opido deprehenderetur, grauius legum poenis, in contumaces, denunciatis. Id ubi ad Reginam delatum est, statim, incognita causa, magistratus in arcem custodiendos misit: cuiusque imperauit, vt nouos magistratus eligerent: atque edixit, Vt vrbs omnibus fidelibus ciuibz pateret: non sine risu & indignatione, quod homines flagitiosissimi, pro fidelissimis ministris, agnoscerentur. Cum Regina maiorem, quam expectauerat, ciuium suorum patientiam hic compelleret, paulatim, vltiora tentare, coepit. Cal. Nouembribus, ad Missam adhuc tenuem, & quotidiano cultu contentam, omnem Papanam fastum adiecit. Id cum Euangelij ministri tulissent agerrime, & in publicis coetibus, magnis querimonijs rem prosecuti fuissent, ac Nobilitatem sui officij commonuissent, controuersia in domo priuata, inter paucos, est agitata: Possentne idololatriam, iam iam in omniu perniciem grassaturam, compescere, & summum magistratum, quando ipse nullum sibi modum statuat, intra legum praescripta, per vim reducere. Ecclesiae ministri in sententia, superioribus temporibus approbata, constanter permanserunt, posse videlicet magistratum sub leges vi cogi. Proceres, vel gratia, vel spe honoru & pecuniae, minus firmi fuerunt, & tamen secundum eos, & numero, & splendore superiores, iudicatum est. Aulam, inter haec, indormientem suis vicijs, & in omnem luxum solutam, vix excitatum latrones, limitum Anglicorum accola, qui vicinas regiones, velut permissa populatione, libere diripiebant, ac cade interrim & sanguine omnia foedabant. Ad hos reprimendos, cum Vicaria potestate, missus est Iacobus, Reginae frater, non tam, vt multi existimabant, vt augeretur honore, quam, vt obijceretur periculis: grauis enim erat eius potentia Reginae: grauior etiam inuolentia, quae ei sua vicia exprobrabat, & imperum ad tyrannidem retardabat. Sed Deus, vltra spem hominu, eius iustos conatus promouit: viginti octo enim, e ferocissimis latronu, laqueo sustulit: alios, acceptis obsidibus, alios, solo terrore nominis, comprellit. Regina, ex eius absentia, non nihil licentiae nacta videbatur. nam praesentem rem statum non satis aequo animo ferebat, cum, ob Religionis controuersias, tum, quod res administrabantur, maiore cum seueritate, quam adolescens mulier, educata in aula omnium corruptissima, tolerare posset (vt quae legitimi Regni moderationem Regibus indecoram, & alioru seruitutem suam libertatem interpretaretur) adeo, vt frequenter impotentis animi voces exciperentur: & paulatim tyrannidis fundamenta iaci viderentur. Nam, cum superiores Reges omnes fidei Nobilitatis suam salutem credidissent, illa quidem, custodiam satellitum adhibere, decreuerat, sed rei exitum non inueniebat: neque enim, vllam suae cupiditati causam praetendere, poterat, praeter inanem aulicae magnificentiae speciem, & exterorum Regum consuetudinem. Fratri vero mores quanto sanctiores erant, tanto maiorem ei curam afferebant, quod neque, suspicionibus aut criminibus fingendis, locum dabant, neque, viuendi licentiam laturo, viderentur: populum praeterea ita animatum videbat, vt custodiam corporis, pro tyrannidis non obscuro indicio, accepturus esset. Igitur iniquus animus, quod semel designauerat, cum, quouis modo efficere, statuisset, tale commentum excogitat. Erat Reginae frater, Ioannes nomine, cupidus potentiae, sed ingenio minus, quam Iacobus, seuerus: & qui facile induceret in animum, omnia Reginae obsequi, ideoque ei carior, & cupienti omnia miscere, magis idoneus: cum hoc, absente Iacobo, consiliu, de stipatoribus assumendis, communicat. Eius haec fuit ratio. Nocte, tumultum annunciandum curant, ac si Iacobus Hamiltonius, Arania Comes, Reginam, per comitum infrequentiam, clam aggredi, atque in suam arcem, quae ad quatuordecim millia passuum aberat, asportare conareretur: haec videbatur fabula illis, verisimilis futura, vel, ob Reginae animum, ab eo alieniorem, vel eius immodicum, erga eam, amorem, quorum neuter vulgo erat obscurus. Hoc, vti compositum erat, tum multo nunciato, cum, bonam noctis partem, per agros propinquos equites discurrissent, postridie custodes, ad fores Regias appositi, apparent, alijs indignantibus, alijs riden-

iudeis. Huius commentum auctores etsi ipsi scirent, vulgo fidem sibi non habent, tam
 eo ipsi secum gestiebant, securi de opinione hominum, cum, neminem eorum, qui
 aderant, sibi palam repugnaturum, ceteri essent. Ab hoc initio, Aula in luxum & lasciviam
 precipere, ius tamen adhuc aequabiliter dicebatur, & scelera plestebantur: summa
 enim rerum penes Iacobum, Regis fratrem, erat, qui, ob fortitudinem & aequitatem,
 cunctis erat charus. Concilio in primis utebatur Gulielmi Martellani, adolescentis sum-
 mo ingenio, qui quae magna iam dederat praecleara indolis experimenta: magnamque,
 in posterum, expectationem concitavit. Horum virtute & consilio, factum est, ut, domi
 & foris, esset summa tranquillitas, & is rerum status, quem boni cuperent: factiosi ma-
 ior indignari, quam queri, poterant. Inter haec, in Regia oria est consultatio, quae, totos
 ites menses, universam Aulam exercuit. Qui proxime, superioribus annis, aut Reges fue-
 rant, aut locum Regum tenuerant, publicum patrimonium (quod nunquam in Scotia
 fuit amplum) prope ad nihilum redegerant, & immoderate Reginae luxui nihil erat fa-
 ctis: Procerum ac plebis facultates, proximorum temporum tumultibus, vehementer erant
 extenuatae: nihil restabat, unde in aulicorum sumptuum subsidij, aliquid deradi pote-
 rat, praeter Sacerdotia. Accersit in Aulam Sacerdotum principes: adiuncti, e primoribus
 Nobilitatis, qui, vel ingenio persuadere, vel auctoritate cogere, possent. Tandem, post
 longam disputationem, cum, Sacerdotibus, magis infirmitatis conscientia non recu-
 santibus, quam rationum vi permotis, transactum est, &, e fructibus Ecclesiasticis, tertia
 pars decisa est, unde Regina ministros orthodoxos aleret, reliquum, in suos usus, refer-
 uaret. Ea transactio nemini omnium fuit grata: Sacerdotes opulentiores indignaban-
 tur, quicquam ex veteri fortuna sibi detrahi: Ministri Evangelij nihil aequi a Regina ex-
 pectabant: ad ipsam autem ex illa ostentata spe non adeo multum rei perveniebat: mul-
 tis enim, ex veteribus possessoribus, suorum fructuum pars tertia condonabatur: multis
 etiam, non viris non modo, sed etiam foeminis, domestici ministerij merces, & opera,
 per multos annos impensa, hinc praemia & senectutis viaticum assignabantur. Ea hieme,
 Regina Iacobum fratrem, magno cum bonorum omnium assensu, Marriae Comitem
 creavit: nam, quod virtuti honos esset habitus, omnes laudabant: quod propinquitati
 aliquid esset concessum, non improbant: &, utilitati publicae consultum, non pau-
 ci existimabant, quod vir, genere illustris, meritis erga patriam illustrissimus, hoc ho-
 nore auctus, maiore cum auctoritate, in publicis functionibus procurandis, versari pos-
 set. Nec deerant, qui, Reginae beneficentiam eo spectare, crederent, ut animum Iacobi,
 quem ijs rebus, quae, per absentiam eius, in Aula gerebantur, offensum non dubita-
 bant, eam reconciliare voluisse, arbitrarentur. Tum quoque, vxor ei data est, Agnes
 Ketha, Comitris Marialis filia: quibus in nuptijs, epularum magnificentia, aut verius
 immoderata luxuria, omnium amicorum animos grauius offendit, & invidis maledi-
 cendi materiam suppeditavit: eoque vehementius, quo ille, in omni superiore vita,
 se temperantius gesserat. Non adeo multo post, ei, pro Marria (quae, veteri iure, Ioannis
 Areskini fuisse, deprehensa est) Moravia donata est. Gordonius, ablata primum sibi
 Marria, deinde Moravia, cui regioni diu praefuisset, se velut patrimonio spoliatum arbi-
 tratus, omnia sua consilia eo conferre, coepit, ut amulum euerteret: multa cum prae-
 ter ea ad id facinus incitabant. Nam cum esset, ob multa maiorum in Reges merita, omnium
 Scotorum longe opulentissimus, & maiorum ipse potentiam malis artibus quotidie
 auget, primum Ioannem Forbosium (viti ante dictum est) falsis rebus circumuene-
 rat: deinde Iacobo Stuarto, Iacobi quinti fratre, sine liberis defuncto, procuratoriam
 Moraviae ab eis, qui in summo magistratu erant, adeptus, se, quasi heredem, gesebat,
 quibus opibus eo magnitudinis crevit, ut, a mulatione deposita, omnes, qui propinquas
 ei regiones incolebant, in eius auctoritate conquiescerent, & prope in diuionem conce-
 derent. Inter hunc aliorum vel merum periculi, vel seruitutis patientiam, vnius homi-
 nis libertas, &, ut ipse videri volebat, superbia eum pessime habebat: is erat Macginto-
 rius, magnae, inter priscos Scotos, familiae princeps: natus quidem & educatus inter ho-
 mines feroces, & praeda assuetos, tamen, siue arcana naturae impulsu, siue rectis moni-
 ribus usus, comitate & modestia, omnique humanitatis genere cum ijs certabat, qui,

magna parentum & magistrorum cura, ad virtutem capiendam, erudiuntur. Huius adolescentis cum Gordonius potentiam suspectam haberet, nec ingenio recto, ad scelerum ministeria, abuti posse, videretur, manum ei necopinanti iniecit, atque in custodia detinuit: sed, cum nullum in eo capitale crimen inueniret, submissis amicis (vri dictum) ei persuasit, vt se, suamque causam ipsi permitteret: eam vnam esse rationem, & custodia cum bona gratia abeundi, & amicitia cum longe potentiore ineunda. Homine simplice, & minime malo, ad suum exitum hac fraude impulsus, tamen adhuc mortis eius inuidiam Gordonius vitans, cum sua egit vxore, vt ea se culpa supponeret: nec virilis animi mulier rem cunctanter suscepit, ac miserum, & innoxium, & supplicem, & deditum, absente marito, securi percussit. Hoc supplicio, vicinis vel metu stupentibus, vel largitione conciliatis, quicquid terrarum ultra Caledonios est, vni parebat: iraue homo, & gloriæ, & potentia audissimis, molestissime ferebat, Iacobum, Morauia Comitem, sibi amulum appositum, statusque presentis impatiens, in omnes rerum turbandarum occasiones, erat intentus: actaque eius omnia assidue & palam calumniabatur: librumque, sua manu scriptum, Regina porrexerat, in quo eum grauissime, sed leuissimis argumentis, affectatè tyrannidis accusabat. In diuersa Regione, eodem tempore, Iacobum Heburnum, Bothuelia Comitem, æris alieni magnitudo, & indomita libidines, ad insidias eidem Morauio instruendas, impellebant: is enim, luxuriosa adolescentia, inter scorta & popinas, acta, co redactus erat, vt aut ciuile bellum ei foret excitandum, aut, audaci aliquo facinore, extrema inopia metus propellendus. Omnia circumspicienti, maxime commodum ei videbatur, perturbandi status publici initium, si Morauium cum Hamiltonijs committeret: certa, vt videbatur, spes, in vtriusque partis exitum incertum. Primum, Morauium adit. Ei persuadere, conatur, vt Hamiltoniorum familiam, Regina, Regno, atque ipsi priuam imminuentem, e medio tollat: in id, suam operam pollicetur. Nec id facinus ingratum Regina fore, contendebat: quæ, præter commune omnium Regum odium, quo sanguine proximos, velut in exitum suum intentos, prosequuntur, etiam peculiares offensionum causas, nec eas iniustas, habere videbatur: vel, ob Euangelicæ doctrinæ studiū, cuius Aranius vnicus erat assertor: ob quam etiam cum Gudio, in Gallia, contraxerat inimicitiam, vel, ob contentione verborum, nuper in Scotia, cum altero Reginae auunculo, Elbeuij Marchione, habitam. Sed cum Morauius, homo probus & innocens, abhorreret a foeditate tam scelerati facinoris, Heburnus ad Hamiltonios se contulit, & ministrum ad eundem Morauium, cuius potentiam moleste ferebant, se offert: illum esse vnum, qui spes eorum remoueretur, & commoditatibus obsteret: eo sublato, Regiam, velit nolit, in ipsorum potestate futuram. Ratio autem, expedita & facilis videbatur. Regina tum in Falcolandia erat: ea arx est, cum eiusdem nominis pago: modica in propinquo silua est, in qua platycerores, ceruini generis (quas vulgo Damas falso appellant) aluntur: Regina cum aut eo irer, aut in loca vicina, prope quotidie, cum familiari comitatu, perfacile videbatur, Morauium, inermem & incautum, tollere, & ipsam in suam potestatem redigere. Cateris non agre persuasum, ac tempus facinori perpetrando constitutum. Vnus Araniae Comes scelus est execratus: claque, literis ad Morauium missis, omnem rei ordinem exposuit. Morauius per eundem nunciū rescribit: sed Aranio forte absente, literæ patri eius redditæ fuerunt: ibi, consilio inito, Aranius a patre in arctam custodiam est inclusus, e qua noctu elapsus, ad Falcolandiam contendit. Vt eius fuga palam est facta, equites in omnes partes dimissi, qui comprehensum retraherent, quos, in siluam ingressus, ea nocte frustratus est: mane ad Falcolandiam deductus, omnem insidiarum ordinem aperit: nec multo post, Bothuelius, & Galuinus Hamiltonius, qui, manu facinoris patranda, partes susceperant, consecuti, in arce Falcolandiae, iussu Reginae, custodibus appositis, retinentur. Cum facinus totum ante oculos esset, & ad locum tempusque ab Aranio dictum, duces conuenissent, exploratoresque retulissent, equites multis in locis apparuisse, Aranius rei ordinem interrogatus, paulum animo turbatus est: nam, cum Regiam deperiret, Morauioque arctissima iunctus esset amicitia, & illis gratificari cupiebat: & patrem, hominem minime malum, sed, ad res difficiles suscipiendas, nimis facilem, e coniuratione eximere volebat. Pietate & amore animū in diuersa, ea nocte per solitudinem, rapientibus, ita mente est emorus

emotus, vt non obscure, ex vultu & sermone, animi perturbatio appareret: praecesserant & alia, quae iuuenis animum commouerent, causa. Nam cum, ad eum diem, liberaliter & pro amplitudine familiae, fuisset educatus, pater, homo ad rem attentior, consiliarios nactus, qui id vitium alerent, filium, magno comitatu assuetum, ad vnum ministrum redegit. Qui, facinus patrandum, susceperant, diuersi in custodias missi, Bothuclius, in arcem Edimburgensem, Galuinus, in Sterlinensem, donec de causa cognoscere-
 10 tur: Aranius, ad Fanum Andreae, quo Regina erat profectura missus: atque in arce Archiepiscopi assertari, iussus. Ibi, quoties ad se redibat, ad Reginam, de se deque alijs, tam prudenter & accurate scribebat, vt in suspicionem incideret simulatae infaniae, quo patrem e coniuratione cordis eximeret: ceteros ita constanter & acriter accusabat, vt aliquoties ad consilium productus, se, quando, facinus tam occultum alijs testibus coarguere non posset, armis cum Bothuclio dimicaturum, promitteret. Circa ea tempora, Iacobus Hamiltonius, Aranii pater, primum ad Reginam scripsit, deinde, ipse ad Fanum Andreae venit, ac multis precibus ab ea postulauit, vt filium suum, Bothuclium, & Galuinum Hamiltonium, acceptis vadibus, sibi dimitteret: nec impetrare quicquam potuit. Eisdem etiam diebus, Regina Britannodunum, arcem longe omnium, quae sunt in Scotia, munitissimam: sed quam Hamiltonius tenuerat, ab eo tempore, quo Prorex fuerat, repetitam accepit. Geordius Gorgonius (vti ante diximus) Morauio inimicus, Hamiltonio, filij sui socero, in manifesto scelere implicito, ac prope perculso, longe infensior factus, occasi-
 20 onem adesse, ratus, cum impune, inimicum e medio tollere, posset, duabus familijs illustribus ad causam adiunctis, primum per suos tumultum in opido, tum admodum infrequenti, curat excitandum, sperans, Morauium, ad rem auctoritate sua sedandam, ex Aula egressurum: ibi facile hominem, inermem & incautum, in turba opprimi posse. Id ubi parum ex sententia processit, e suis, aliquot armatos, ad perpetrandum facinus, in Regiam venire sub vesperam, iubet, qui Morauium, in suum hospitium redeuntem a Regina, quae, ad multam noctem eum detinere, solita erat, obtruncarent: id enim tempus maxime videbatur idoneum, & rei patrandae, &, patratae, euadendi. Eius rei cum ad Morauium permanisset indicium, nec is, nisi oculis foret subiecta, crediturus esset, paucis ex amicorum fidissimis (ne, quid suspicatus fuisse, videretur) comi-
 30 mitatus, vnum & alterum, e Gordonianis, manu in exitu atrij pertentans, armatos deprehendit. Re ad Reginam delata, Gordonius accitus, suorum aliquot commentus domum discessuros, arma induisse: deinde nescio qua de causa, retentos: ita tum, ea excusatione magis accepta, quam probata, disceditur. Ea aetate, Legatis vtrique missis, agebatur, vt Reginae, Scotorum & Anglorum, Eboraci egrederentur, ibique de multis controuersijs transigerent: sed cum prope ad iter se compararent, res in aliud tempus reiecta est. Causa differendi colloquij vulgo ferebatur, quod Aumalius, e Gufianis fratribus vnus, literas legati Anglica, qui in aula Gallica tum agebat, resignasset: quodque, illius opera maxime, nauis Anglici, quae alterum vehebat Legatum, fuisset direpta. Itaque, rebus, vti credibile erat, ob has & alias iniurias, ad bellum Gallicum inclinatis,
 40 Regina, e Fano Andreae Edimburgum profecta, Aranium eodem misit, & in arcem ibi condidit. Interea Iacobus, eius frater, Hauicum ad frequentem in illis locis mercatum profectus, quinquaginta, e latronum, qui illuc conuenerant, primarijs, inopinato aduentu, oppressit: ceteris circa prouincijs metum ingentem iniecit, & totum illum tractum, ad tempus, quietiorem reddidit. Verum id factum, vt amorem & reuerentiam bonorum ei conciliabat, ita inuidorum animos magis ac magis in eius exitum indies inflammabat: nam, ad tres familias potentissimas, in eius perniciem pronas, accessit Gufianorum conspiratio: hi enim, cum, veteres Ecclesiae Romanae ritus restitui, vel-
 50 lent, nec, id, viuo Morauio, perfici posse, arbitrarentur, ad eum quouis modo tollendum, omnem ingenij vim intenderunt. Spem perpetrandi sceleris multa eis faciebant: in primis autem, quod Galli, qui Reginam deduxerant, domum reuersi, quantae essent Gordonij opes, quam inquietus animus, quam item operam, in Missa asserenda, pollicitus esset, omnia, paulum supra verum, augentes, exposuissent, re in aula Gallica multum, inter Papanos, agitata, hae eius perficiundae ratio tandem est inita. Scribunt ad

Reginam, vt Gordonij vācordiam promissis alat: Ioanni, eius filio, spem suarū nuptiarum magis ostendet, quam promittat: vt, hac spe occaecatus, quo vellent, impelleretur: simul nomina eorum edunt, quos vna interim vellent. Ad hanc, literā Pontificis Romani & Cardinalis eodem incitabant. Nam cum, ad immodicum, cui Regina assuerat, luxum, opes publicæ non sufficerent, a Pontifice Romano pecuniam, tanquam ad bellū, aduersus eos, qui ab Ecclesia Romāna defecerant, poposcit: is rescripsit obscurius, sed Cardinalis aperte, pecuniam, ad id bellum, non defuturam: sed ijs demum interfectis, quorum nomina essent edita: has Regina Morauio ceterisque, ad eādem destinatis, literas ostendit, siue, quod, indicium ad eos aliunde permanasse, crederet, siue, vt animi sinceri, & occulta consilia ab ijs non separantis, faceret fidem. Igitur, ceteris, ad facinus 10 exequendum, comparatis, Regina, magno desiderio teneri, simulat, eam Scotiæ partem, quæ ad Septentriones vergit, inuisendi: & hanc eius cupiditatem Gordonius, liberaliter inuitando, alebat. Tandem, cum Abredoniam, ad Idus Augusti, ventum esset, Gordonij vxor, virilis animi & consilij mulier, omnibus modis Reginæ animum versabat, nunc, vt, secretas cogitationes penitus haberet exploratas, nunc, vt in partem, quam volebat, eam inflecteret: gnara enim erat, quam leui momento sint mobilia Regū consilia: nec ignorabat, quo animo Regina, non multo ante, in vtrunque, Morauium nempe & Gordonium, fuisset affecta: nam, cum vtrunque odisset, secum interdum agitare, solebat, vtrum priorem sublatum veller. Morauij innocentiam licentiæ suæ aduersam grauitè ferebat, & Gordonij perfidiam, primum erga patrem, deinde matrem, multis 20 experimentis perspectam, oderat, & potentiam metuebat: sed auunculorum & Pontificis Romani literæ, ad Morauij eādem, vrgebant. Hanc eius cunctationem (cuius non ignarus erat Gordonius) cum eximere veller, rursus per vxorem promissa, de instaurandis ritibus Romanis, repetit: ea cum libenter Regina acciperet, vnum tamen, nec id adeo magnum erat impedimentum, quo minus, ei assentiretur, quod non putaret (vti affirmabat) e dignitate sua, Ioanni, filio eius (qui, ante paucos dies, ob tumultum Edimburgi excitatum, in custodiam traditus, effugerat) reconciliari, nisi ad custodiam liberam, saltem ad paucos dies, Sterlinum rediret: id Regina, non tam ob eam, quæ simulabatur, causam, volebat, quam, vt omnia integra, extincto Morauio, haberet, neu ad nuptias, absente sponso, cogi posset. Gordonius quidem satisfacere Reginæ 30 cupiebat: sed filium, velut obsidem, in manum hominis, maxime suis conatibus aduersi (is erat Ioannes, Marriæ Comes, Morauij auunculus, qui arci Sterlinensi præerat) dare cunctabatur, præsertim incertus, quam in partem Regina eādem patratam acceptura foret. Cum inter ingenia, se inuicem fraude captantia, ita mutuis suspicionibus laboraretur, ac se Regina in mora esse negaret, quo minus, ex sententia res conficeretur, neque quicquam expediret tamen: Ioannes Gordonius, & ipse suam operam ostentans, in omnes euentus intentus, circiter mille, e propinquis & clientibus suis, homines ad quoduis facinus paratos, armauerat, atque in propinqua opido loca adduxerat. Morauius vero, etsi non optime comitatus esset, & hæc omnia (vti per amicos, ex aula Gallica & Anglica, erat præmonitus) in suum exitium videret parari: nec 40 interim Reginæ admodum confideret, de die, solita obibat in Aula munia: nocte, intra cubiculum, vnum & alterum suorum vigilare, iubebat: ac sæpe, de inimicorum insidijs, certior factus, amicorum præsidio fratus, omnes eorum conatus absque tumultu elusit. Eisdem forte diebus, Borthelius, per funem e fenestra demissus, ex arce Edimburgensi euasit. Rebus Abredonij mutua simulatione adhuc suspensis, cum Regina progredi statuisset, a Ioanne Lessio, homine nobili, Gordonij cliente, inuitata, domum eius, ad duodecim ferme millia passuum ab opido distantem, diuertit: is locus, vt infrequens, Gordonianis ad eādem commodus est visus: Lessius vero, qui secretorum consiliorum non erat ignarus, deprecatur, ne hanc sibi ac suæ familiæ inurant infamiam, vt ipse, potissimum Reginæ fratrem, hominem alioqui non malum, 50 nec sibi inimicum, ad eādem prodidisse, videatur. Proxima nox ad Rothimatum, Abrenethiorum villam, satis tranquille transacta est: quod, postridie in Strabogio Gordoniorum arce diuersari, statuisset: in id tempus, consilium cædis est dilatum, quo in loco

in loco omnia in ipsorum potestate erant futura. Itaque, inter eundem, cum Gordonius longum cum Regina sermonem instituisset, ac tandem eo ventum esset, ut ille accuratius Ioanni filio veniam erroris peteret: quod videlicet homo adolescens, legum ignarus, fugisset e custodia, in quam, nullum ob scelus, sed ob tumultum, nec illius tamen culpa excitatum, datus esset: Regina contra, contendebat, suam inimicitiam visum in auctoritatem, nisi filius eius in aliam custodiam, quamlibet laxam, ad aliquot dies, rediret: ut, velut expiata priore culpa, dimitti honestius posset. Gordonius, qui, destinati facinoris occasionem prætermitti, noller, etsi leuia imperabantur, tamen obstinate tenebar: vel quod, si Regina cadem factam non probasset, culpam eius in filium conferri volebat: vel quod, si, absente filio, ac Regina non inuita, res confici posset, tamen adolescentem obsidem videbar futurum. Ea Gordonij perturbatione, Regina adeo fuit offensa, ut cum iam prope in adium eius conspectu esset, alio diuerteret: ita tota facinoris sapientissime, ut ipsis videbatur, constituta ratio tum quidem dilata esset, donec Ennernessum ventum esset: nam, præterquam, quod iuri dicundo ibi ipse Gordonius præfectus erat, quod arcem Regiam (quæ in colle edito imminet opido) teneret, tota circa regio clientelis eius plena erat. Regina cum in arce diuersari statuisset, & a custodibus esset exclusa, tum demum timere coepit, ut quæ in opido immunito pernoctatura esset, cum interea Huntillæi filius plus mille selectis equitibus, præter propinquæ regionis promiscuam multitudinem, in armis haberet. Regina, consilio pro re præsentis capto, aditus omnes opidi vigilijs obsidet: naues, quæ comitum aduexerant, in statione fluminis paratas esse, iubet, ut, si maior vis, ingrueret, id perfugium haberet. Nocte intempesta, exploratores ab Huntillæo missi, cum primi vigiles, de industria, eorum aduentum dissimulassent, progressi in angustias, ac vndique circumuenti, capiuntur: & e Montanis, Cattana tribus, cum primum, se aduersus Regiam duci intellexit, Huntillæum deseruit, & postridie ad eam in opidum venit. Audito Principis periculo, magna priscorum Scotorum multitudo, partim excita, partim sua sponte, affuit: in primis, Fraserij & Monroi, hominum fortissimorum in illis gentibus familiarum. Cum iam satis a vi tuta videretur, arcem Regina oppugnare coepit: ea, cum nec propugnatoribus, neque cæteris rebus, ad oppugnationem sustinendam, satis esset munita, deditur: propugnatorum præcipui supplicio affecti, cæteri incolumes dimissi. Tum concurrente vndique Nobilitate, aliorum aduentu, vltioribus domum redire permissis, cum satis firmo præsidio, quarto die, Abredoniam redijt. Ibi demum, metu liberata, vehementer in Gordonij odium inflammatur: & in vindictam prona, fratrem rursus, omni fauoris ostentatione, amplexa est, simulando, se totam ex eo pendere, ac, suam salutem in eius incolumitate positam, cunctis persuadere nititur. His Gordonius totam seentæ aulicæ faciem cum videret inuersam, Morauiz Comitem, nuper morti destinatum, in summa gratia esse, sese, e summa spe honoris & dignitatis, in flagrantissimum odium incidisse: cum, vltius iam se progressum, existimaret, quam ut receptus vllus ad veniam restaret, ad præcipitia se consilia conuertit: nec vllum aliud periculis instantibus remedium ratus, quam, ut Regiam quouis modo in suam redigeret potestatem: eam etsi, in præsentia, se grauiter offensurum videbat: tamen, officijs, blandicijs, & filij nuptijs, quarum etiam auunculi credebantur auctores, muliebrem animum cum tempore flecti posse, non desperabat: itaque, communicato cum amicis consilio, Morauium, quouis modo posset, tollere decreuit. eo enim sublato, neminem esse, cui vel Regina imperium mandaret, vel qui susceptum sustinere posset. Rei perpetrandæ spem afferebant speculatores: ac, præter alios, Georgius Gordonius, Sutherlandiz Comes, qui assiduus in aula, simulatione erga Regiam beneuolentiæ, omnia eius consilia rimabatur, ac per idoneos homines indicabat: nec modo temporum & locorum opportunitates obseruabat: sed operam suam, in re perficiunda, offerebat. Accedebat, ad hæc, opidum vndique apertum, & insidiantibus commodum: ciues, vel beneficijs conciliati, vel necessitudine iuncti, vel metu, nihil ausuri: auxilia Montanorum dimissa domum: cum Comite Morauiz paucos esse, & e longinquis regionibus adductos, quorum offensa ei

non esset magnopere pertimescenda: & cum per vicinas regiones omnes in ipsius essent potestate, rem sine sanguine perfici posse: vno homine extincto, & Regina in potestatem ipsorum redacta, cetera vulnera per facile posse sanari. His cogitationibus, ad rem aggrediendam, impulsus, cum iam ratio perpetrandi facinoris constituta esset, ex literis Comitum Sutherlandia, & Ioannis Leslie, deprehensis, omnia eorum consilia sunt patefacta: Sutherlandius, cognito iudicio, discessit: Leslie, agnita culpa, veniam impetravit: ac deinceps, quoad vixit, fortem & fidelem operam Reginae, deinde Regi praestitit. Huntillus, qui exitum suorum consiliorum in loco, ob circumiectas paludes, prope inaccessum cum magna suorum manu expectabat, intellecto, quid in Aula gereretur, ex consilio amicorum, statuit, in montes secedere: sed cum ex vicina Nobilitate, quae ad Reginam conuenerat, multos haberet sui studiosos, eorum promissis sacis confusus, iterum mutato consilio, statuit, euentum pugnae, in loco natura munito, expectare, Morauius cum suorum, quibus confideret, vix centum equites haberet, sequentibus, qui aderant, proceribus, in primis, Iacobo Duglassio, Mortonij Comite, & Patricio Lindesio, ad hostem ducere coepit: ceteri ex vicinis agris collecti, circiter octingenti, magna ex parte ab Huntillao praecorrupti, magis Morauij cohortem ad exitum tracturi, quam in periculis opem laturi, magna cum verborum iactatione vna progrediebantur: pollicebantur enim, sese hostem, sine aliorum ope, debellaturos: adessent modo, ac spectatores sese praerberent. Praemissi equites, qui, circa paludem, aditus omnes seruant, ne Huntillus euaderet, ceteri lentiore gradu aduentabant: & quanquam, superiore nocte, e Gordonianis, non pauci diffugissent, restabant adhuc supra trecentos, suis se locis tenentes. Eo cum ventum esset, Morauius in cliuo propinquo, vnde prospectus in paludes erat, cum suis, simplice ordine acie instructa, stetit: reliqui statim, interducendum aduersus hostem, aperte prodicionis signum dederunt: qui ramos ericae (cuius magna in illis locis copia erat) vt ab hostibus agnoscerentur, tegumentis capitum affixerunt. Vbi propius ventum est, Huntillani, securi de exitu, gradum ad eos accelerant, & cum, aduersam aciem a proditoribus turbatam, vident, & iam in fugam conuersam, vt expeditius sequerentur, sarissas abiiciunt: & strictis ensibus, ad terrorem integrorum, prodicionem ingeminantes, in hostem magno gradu feruntur. Proditores eodem illo impetu etiam stantem vna se rati in fugam auersuros, ad eam accelerabant: sed Morauius, qui nullam in fuga spem videret, neque quicquam, praeter honestae mortis decus, restare crederet, exclamauit, vt sarissas sui praese tenderent, nec in aciem suam, fugientes reciperent: illi, praeter opinionem exclusi, cornua vtrinque, confusis ordinibus, praeterierunt: Huntillani vero, qui iam profligatam rem putarant, cum aciem quidem paruum, sed, praetentis hastilibus, horrentem cernerent, ipsi, vt qui sparsi ac sine ordine sese inferebant, nec, propter hastarum longitudinem, ex aduerso ad manus venire poterant, repentino terrore perculsi, non paulo celerius fugiunt, quam antea sequebantur. Eam fortunae mutationem proditores conspicati, iam fugientibus instant, ac, vt se a priore culpa purgarent, quicquid fuit cordis, eo die, ipsi ediderunt: cæsi ex Huntillanis, circiter CXX. capti C. ex altera acie, nemo. Inter captiuos, fuit ipse Huntillus, ac duo filij, Ioannes & Adamus: pater, ætate ingrauescente, & vt in homine corpulento, & angusto spirituum meatu, inter capientium manus, est exanimatus: ceteri, multa iam nocte, Abredoniam ducti, Morauius, ministro Ecclesiae, suum aduentum expectare, iussu, primum omnium gratias Deo immortalis egit, quod e tanto ac tam praesenti periculo, nullis suis viribus & consilio, sed eius vnus benignitate, praeter omnium expectationem, cum suis emerisset: deinde ad Reginam illinc profectus est: ibi, inter mutuas multorum gratulationes, Regina nec vultum hilariorem, nec vocem laetitiae indicem edidit. Proximis diebus, Ioannes Gordonius supplicio est affectus, non sine vario motu animorum: erat enim adolescens viriliter elegante forma, in ipso florentis ætatis aditu, Regalibus nuptiis non tam destinatus, quam earum simulatione deceptus, & quod non minorem indignationem, quam misericordiam mouebat, ab imperito carnifice laceratus. Regina mortem eius, cum multis lachrymis, spectauit: verum, vt erat, ad coelandos animi sensus, composita, ita tum eius moesticiam varie interpretabantur: eoque

eoque magis, quo non minore odio ei fratrem, quam Huntilem esse plerique intelli-
gebant: Adami ignovit adolescentia: Georgius, natu maximus, desperatis domibus,
ad socerū, Iacobum Hamiltonium, se recepit: ut vel apud eum fuga latibulum, vel, eius
precibus, veniam culpae impetraret. Multi, e Gordoniorum clientibus, pro ut quisque
deliquisse visus est, alij pecunia, alij exilio multati: nonnulli in longinquas Regni par-
tes, ne res domi turbarent, relegari: quibus potentiores contigerant deprecatores so-
lere soluti, ac in pristinum gratiae locum restituti. Ita, vel compositis, vel sopitis ad Sep-
tentriones rebus, reliqua hiems per quietem transacta est. Ad v. Cal. Decembris, Bo-
thucius, per focialem in custodiam, unde erat elapsus, redire iussus, cum non paruisset,
hostis publicus est denunciatus. Ad Reginam, Abredonia Perthum reuersam, venit Ia-
cobus Hamiltonius, pro Georgio Gordonio genero deprecatum: ac, satis clementi re-
sponso accepto, tamen generum tradere est coactus. Is ad Dumbarum in custodiam est
remissus: ac deinde, anno proximo, qui fuit M. D. LXIII. ad vii. Cal. Februarij, inde ac-
cessit Edimburgum, perduellionis damnatur, ac Dumbarum remittitur. Hoc maxi-
me tempore, edito multa pecuniaria irrogata fuit, siquis, Quadragesimalis ieiunii tem-
pore, carnibus vesceretur: in quo edicendo, non Religionis, sed publicae utilitatis causa
valuit. Archiepiscopus Fani Andreæ, quod post edictum, in aduentu Reginae factum,
nec Missis audiendis, nec dicendis abstinuisset, in arcem inclusus fuit Edimburgi: ceteri,
eiusdem criminis rei, leuiter multati, grauiore poena denunciata, si postea eius culpae af-
fines deprehenderentur. Iam comitiorum, quae in xx. mensis Maij, indicta erant, dies
aduenerat: Regina coronata, atque amplissima veste amicta, cum ingenti pompa in Se-
narum venit: nouum prorsus spectaculum, nisi, sub eius matre & auia, oculi hominū,
ad tolerandum imperium muliebri, fuissent assuefacti. In eo conuentu, quaedam de cre-
ta fuerunt, in eorum fauorem, qui puriorem Euangelicae legis doctrinam profiteban-
tur: ac in Monetarios paucos animaduersum: reliquum aetatis Regina venationi in
Atholia indulgit. Sub finem Autumni, permittente Regina, redijt in Scotiam Mathaeus
Siuartus, Leuliniae Comes, xxiii. anno, quam, turpiter a Rege Gallorū destitutus, abierat,
vriante a nobis est scriptum: ac proximo anno, qui fuit M. D. LXIV. mense Ianuario, in
conuentu publico, ad id prope vnum indicto, remisso exilio, & bonis receptis, restitutus
eamque restitutionem Regina prosequuta est, multa verborū honorificentia, comme-
moratis in se Comitibus multis magnisque officijs, in prima sua adhuc infantia: quippe,
eius ope fuerit e manibus inimicorum liberata, & Regni insignibus decorata. Ex An-
glia deinde, commeatu in tres menses impetrato, ad Id. Feb. venit in Scotiam Henricus
eius filius. Hunc adolescentem, genere & forma praestantem, amita sua filium, Regina
Scotorum comiter accepit: cumque, quotidiana consuetudine illecta, amare cepisset,
frequens sermo, de eo in virum asciscendo, vulgo se rebatur, nec inuita quidem Nobili-
tate, quod permagna commoditate, ex ijs nuptijs in totam Britanniam redundatura,
viderentur, si, volente Regina Anglorum fieri possent. Illa, ut quae utrisque eodem gra-
du consanguinitatis erat proxima, non tam repugnabat, quam, se auctorem credi, vole-
bat: suamque, in conficiendo, aliquam esse gratiam, simulque ex usu suo putabat, pro-
pinquae suae potentiae hac mediocritate condicionis eperceri, ne supra quam vicinis ef-
fet tutū, augesceret. Sed, quae res omnia, iam transacta, paulum retardarit, cunctaque gan-
dem diuina & humana misceat, paulo altius initio repetito, quo magis omnia in aper-
to sint, paucis explicabo. Erat, inter Aulica ministeria, David quidam Rizus, Augustus
Taurinorū natus, e parte homine quidem probus, sed pauperculo: ut qui, clementia Mu-
sices docendo, agere se & familiam sustentabat: hic, cum nullū, quod suis patrimonijs ce-
linqueret, haberet, liberos utriusque sexus pascere docuit. Ex ijs, cū David in adolescen-
tia vigore constitutus, & non in amena voce praeditus, & a patre in musicis institutus, ef-
fugit in spem fortunae liberalioris cretus, Niceam, in aulā Ducis Sabaudiae, nuper in suam
pensionem restituti, profectus est: sed ibi non pro spe acceptus, cum otiosi rerū egrotantes
omnia circumspiceret, tandem in Moretium incidit, iam tum, Ducis missu, itatim Scoti-
am adornantem. Hunc cum securus eo venisset, nec Moretius, homo non admodum
copiosus, operam eius, aut necessariam aut utilem sibi, existimaret, ibi subistere paulū
aliqua

CIS. IS.

LXIII.

CIS. IS.

LXIV.

& fortunam dentio experiri, decreuit: eo maxime adductus, quod Regina diceretur, cantionibus valde oblectari, nec ipsa Musices omnino imperita esset. Igitur, ut primum sibi aditum ad eam patefaceret, egit cum cantoribus, quorum plerique Galli erant, ut inter eos appareret: semel, atque iterum auditus placuit: statimque in eorum collegium ascriptus est. Ibi breui, cum Regine sensum atque mores intellexisset, partim adulando, partim alios ministros calumniando, perfecit, ut non minore esset apud Reginam gratia, quam apud ceteros odio: neque tamen hoc fortunæ blandientis favore contentus, cum æquales omnes partim viliores fecisset, partim varijs criminationibus expulisset, paulatim assurgere, & maiora negotia tractare cepit: donec ab epistolis assumptus esset: & hoc prætextu, secretius & seorsum a vulgo, agere cum Regina posset. Iam sermonibus 10 materiam dabat repentinus hominis, tantum non mendici, ad opes non mediocres progressus, & supra virtutem, fortuna, supra fortunam, arrogantia & æqualium contemptus, & cum superioribus, æmulatio: alebat hanc vanissimi hominis insaniam magnæ partis nobiliorum adulatio, qui amicitiam eius captabant, salutando, orationi eius subseruendo, foribus obambulando, exitus reditusque eius obseruando: vnus autem Morauius, in cuius animo nihil simulatum inerat, non modo non assentabatur, sed vultu plerumque cum aspernabatur: quæ res non minus Reginam, quam Dauidem ipsum, offendebar. Ille contra, ut subsidium sibi, aduersus odia procerum, compararet, adolescentem, Regijs nuptijs destinatum, omni assentationis genere ambiebat: in eumque familiaritatis gradum peruenierat, ut lectum, cubiculum, secretosque sermones communicaret: persuade- 20 retque adolescenti incauto, & in id, quod cupiebat, proclui credulitate, sua maxime opera fieri, ut Regina oculos in illum conijceret. Semina etiam discordiarum, inter eum & Morauium, assidue ferebat: eo enim pulso, reliquum vitæ cursum sibi inoffensum fore, promittebat. Cum iam non obscuri rumores vulgarentur, non solum de nuptijs Henrici, sed etiam, de secretis eius cum Regina congressibus: nec belli sermones, de Dauidis cum ea familiaritate, spargerentur, Morauius, qui, bene monendo, nihil aliud quam sororis odium assequebatur, statuit, ab Aula secedere, ne rerum, quæ gerebantur, auctor crederetur. Nec Regina moleste ferebat, tam seuerum arbitrium abesse, eo maxime tempore, quo factionem ei aduersam confirmabat: Exules enim, Bothuelium & Gallijs, Georgium Gordonium, Sutherlandia Comitem, & Flandria reuocauit: & alterum 30 Georgium Gordonium, Huntly Comitis filium, & custodia eductum, priori dignitati & loco restituit. Bothuelium, & Gallijs reuersum, Morauius, de recentibus contra se insidijs, accusat: derulerunt nomen iuuenes, honesto loco nati, qui, in Gallia, ex intimis eius familiaribus erant. Res aperta, atrox, inuidiosa. Cum dies causæ dicendæ appropinquaret, primum Regina cum fratre diligenter egit, ut ab accusando desisteret: cum ille exorari non posset, quod, multum ad famam sua interesse, putaret, quam in partem euentus acciperetur, Regina, quod, proximum erat, multos procerum per literas deteruit, ne diem iudicii obirent: Alexandrum, Glencarnia Comitem, Morauio amicissimum, cum non longe a Sterlino iter ei esset, de via ad se accersiuir. Tanta tamen omnium bonorum erat consensus, ut Bothuelius, non modo sua conscientia prædamnatus, sed 40 publica sui sceleris detestatione permotus, diem causæ dicendæ obire, non sit ausus. Hoc vulgi studium adeo Regine animum aduersus fratrem accendit, ut, iam pridem ei destinatum, exitum maturaret: quinsita ratio composita erat. Morauio Perthum euocato, ubi Regina cum paucis erat, ibi Darius cum eo sermonem conferre debebat: cum nemo dubitaret, Morauium libere & simpliciter locuturum, re in altercationem adducta, David Rixius primus eum feriret: ceteri mox vulneribus conficerent. Hac de conituratione Morauius per amicos, qui in Aula erant, edoctus, tamen certus eundi porgebat: tandem per Patricium Rubenium iterum admonitus, ex itinere ad matrem, in propinquas eius ad lacum Leuinum ades, diuertit: ac, aluo forte soluta, ea morbi excusatione usus, ibi substitit. Interea, cum amicorum quidam eum inuiserent, rumor 50 statim diffusus est, ibi eum hæsisse, ut Reginam & Darium, redeuntes Edinburgum, interirent: equites, passim dimissi, cum neminem armatum conspexissent, tamen Regine præcæcitate, ut tam trepide iter illud confecti, velut certo imminente periculo nuptijs

Nuptijs iam instantibus, vt aliqua consensus publici species, ad Reginae voluntatem, accederet, convocatur Sterlinum magna pars procerum: sed hi precipue, quos, aut libenter consensuros, aut repugnare non ausuros, credebant: ex ijs, in consilium adhibitis, multi assenserunt, modo, ne quid in Religionis doctrina, publice recepta, innovaretur: plurimi citra vllam exceptionem, quod, Reginae gratum fore existimabant, ad id sententias accommodabant. Vnus, Andreas Stuartus Ochiltrijs, palam professus est, se nusquam assensurum, vt Papanae factionis Rex assumeretur. Moratius quidem alienus a nuptijs non erat (vt qui in primis auctor erat, iuuenis ex Anglia euocandi) sed videbat, quantis moribus ea res initium datura esset, si, non assentientibus Angla, conficerent: pollicebatur etiam, se curaturum, vt, volente atque auctore Angla, omnia transigerentur, si modo Religioni caueretur: sed cum videret, in illo conuentu, nullum libere censendi locum futurum, maluit abesse, quam sententiam dicere, sibi fortasse exitiabilem, & in publicum inutilem. Iactabatur etiam vulgo illa quaestio, possetne Regina, defuncto marito, quem vellet, alium, ex animi sententia, virum sumere: alijs consentibus, Reginae, ex morte viri, eam libertatem non negandam, quae plebeijs quoque conceditur: alijs, contra, affirmantibus, in Regnorum hereditibus diuersum ius esse, vt quae, vna opera, & virum sibi sumerent, & populo Regem darent: multoque aequius esse, vt populus vni puellae maritum, quam puella Regem vniuersis eligeret. Mense Iulio, venit ex Anglia legatus, qui ostenderet, Regnam Angliae, quae, in eodem consanguinitatis gradu, vtrunque contingeret, mirari, quod rem tantam precipitarent, neque secum communicarent: quique magnopere peteret, vt interposita mora, diligentius rem expenderent, fortasse, non sine vtriusque Regni emolumento. Hac legatione, cum nihil actum esset, statim secuta est alia. Nicolaus Throgmortonus, Eques, nomine Reginae Anglorum, Leuinianum & filium eius monuit, in certum diem comitatum habere: eumque diem iam praeterisse: domum iraque illos redire, iubet, nisi, se multari exilio, bonaque in fiscum redigi, mallent. Illi, nihil ea comminatione retardari, in sententia perstiterunt. Interea Regina cum connubium illud nimium dispar videretur, si nuper maximi Regis vxor, ipsa Regni illustris haeres, adolescenti priuato, nullis insignioribus honorum titulis claro, nuberet, edictum publico praetorio promulgauit, in quo Darlaus Dux Rothesaius, ac Rossiae Comes appellatur. Praeterea, ad rem accelerandam, vrgebant maleficarum ex vtroque Regno praedictiones, quae, si nuptiae citra finem Iulij mensis conficerentur, multa Regibus commoda in posterum promitterent: re secus gesta, damna & ignominiam comminarentur. Accedebant rumores, passim, de morte Reginae Anglorum, diuulgati: diesque praescriptus, intra quem moreretur: quae praedictio, non tam diuinationem, quam ciuium coniurationem denunciare, videbatur: erat & illa festinandi Reginae causa non leuissima, quod, suos auunculos a nuptijs illis auersos, non dubitabat: igitur, si mora longior interponeretur, metuebat, ne quod ab illis, quod rem prope confectam turbaret, impedimentum obijceretur. Nam cum secretum illud de cretum, de Bello sacro per rotam Christianorum ditionem suscitando, & pura Christi doctrina penitus extirpanda, est factum, eique Dux Gufus imperator destinatus spes improbas, & immodicas aleret, is statuit, per sororis filiam, ita domesticis tumultibus perturbare Britanniam, vt nullo auxilio transmarinos amicos iuuare possent. Sed Dauide, qui tum apud Reginam plurimum poterat, contendente, ex usu rei Christianae nuptias eas futuras: quod Henricus Darlaus, & pater eius sectae Papanae acerrimi essent assertores, & in vtroque Regno gratiosi, clarisque familijs innexi, multisque clientelis subnixi: res, diu agitata, tandem impulsae est. Is cum, si nuptiae coirent, consentientibus Regina Angliae, & Nobilitate Scotica, duo suis rationibus aduersa videbat: Primum, in eis conficiendis, nullam suam fore gratiam; deinde Religionis incolumitatem cautum iri. Sin vero Regina se ad Concilium Tridentinum adiungeret, ipse sibi honores, sacerdotia, sine modo pecuniam, sine amulo potentiam promittebat. Igitur, omnia moliendo, tandem perfecit, vt nuptiae praecipuerentur, Scotis non satis aequis, Anglis vehementer infensis.

Quarto Calendas Augusti, Henricus Stuartus Mariam Stuartam uxorem ducit: fa-
ctoque silentio, acclamatum est, precante multitudine, ut prospere omnia succede-
rent Henrico & Mariae, Scotorum Regibus: ac postridie, Edimburgi, iidem Reges præ-
conio pronunciantur. Id factum non modo Nobilitatem, sed vulgus quoque, gravissi-
me, offenderat: nec deerant, qui indignarentur, rem pessimi exempli factam. Quid
enim attineret Concilium, de Rege creando, cogere, cuius nunquam sententiam ro-
ges: nulla in re auctoritate utaris? in Senatus loco præconem supponi, qui, pro Se-
natus consulto, præconium recitet. Enimvero non consultationem iam esse, sed quo-
modo Scoti tyrannidem ferre possent, tentationem. Eam suspicionem auxit procerum
absentium desiderium. Aberant enim Nobilitatis fere principes, Iacobus, Dux Ca-
stellerotij, Gilespicus Argatheliæ, Iacobus Moravia, Alexander Glencarnia, Andreas
Rothusæ Comites, compluresque alij, splendore generis & opibus, clari. Ad eos so-
ciales missi: cum non paruisent, exilio multati, in Argatheliam maior pars secessere:
inimici eorum in Aulam reuocati. Ita rebus omnibus, quantum satis videbatur aduer-
sus rebelles comparatis, Reges, quatuor millibus comitati, Glascuam venerunt: Re-
belles Passeti se continebant. Ibi, pro partium ingenijs, variæ consultationes fuerunt,
Reges, missio Fœciali, arcem Hamiltoniam dedi, petunt: ac re infecta, reuerso, ad præ-
lium se expediunt. Altera factio, secum ipsa discors, varijs sententijs distrahebatur: Ha-
miltonij, qui in illis locis summas habebant opes, nullam pacis firmam condicionem
esse, asserabant, nisi Regibus sublati: Illis enim incolumibus, nihil aliud sperandum,
quam noua bella, nouas insidias, & pacem simulatam, aperto bello magis periculosam:
priuatorum iniurias sæpe, laborum radio, deponi: sæpe magnis emolumentis compen-
sari: Regū inimicitias sola morte extinguui. Morauius, & Glencarnius, qui intelligebant,
eos non publicum emolumentum, sed priuatas opes spectare (ut qui, Regina extincta,
proximi hæredes essent) & a cæde, & ab Hamiltonij imperio (quod crudele & auarum,
non ita pridem, senserant) iuxta adhorrebant, mitiora consilia probabant: dissensio-
nem enim esse ciuilem, & adhuc incruentam, in qua hætenus, non armis, sed senten-
tijs esset certatum: eam, si fieri posset, honestis condicionibus esse finiendam. Ad hæc
consilia, non defuturos in Regijs castris, qui & pacem cupientes libenter audirent: &
incolumitatem tueri armis necessarijs conantibus non essent defuturi. Reges autem,
per adolescentiam, fortasse minus prospicere: nondum autem ea peccasse, quæ ad la-
befactionem status publici pertinerent: si qua vicia adsint, quæ ad priuati dedecoris
labem faciant, ea, non morte aboleri, sed leuioribus remedijs curari, oportere. Se
enim meminisse obseruatum, & posteris ad imitationem relictum, ut in vita Regum
& moribus occultiora vicia dissimularent, dubia mollius interpretarentur, manifesta
eatenus ferrent, modo ne perniciem publicam secum traherent. Hæc sententia cum
pluribus placuisset, cæteri Hamiltonii, præter Iacobum, gentis principem, sibi quiescen-
dum, statuerunt: ille enim, sedecim equitibus comitatus, cum proceribus remansit.
Hi cum, ita extenuatis viribus, infirmiores essent, quam, ut vel congregari possent, vel ad
suas quisque vires penetrare, temporibus obsecrati, ea nocte Hamiltonium venerunt: po-
stridie Edimburgum profecti, ut ibi belli gerendi consilium inirent, cum & arx vbi
imminens assidue in eos iacularetur, nec amici, e regionibus longinquis, tam celeri-
ter, quam res poscebat, conuenire possent, & Reges, prope vestigijs eorum inhaeren-
tes, aduentare dicerentur, multum rogante ac pollicente Ioanne Maxuallio Hæresia-
no, Drumfrisiū versus iter ingrediuntur. Reges, retro Glascuam reuersi, Leuinæ Co-
mitem vicarium in Regionibus, ad Occidentem hibernum spectantibus constituunt:
ipsi Sterlinum, ac inde in mediam Fifam progressi: Nobiliorū maiorem partem iurare,
cogunt, si quis ab Anglia motus armorū ingrueret, fidelem operā se nauaturos: reliquos
pecunia, aut relegatione multant: bona rebellium, qui in Angliam finitimam secesserant,
sibi comparent, diripiunt: conuentus iuridicos indictiuos per omnes regiones de-
nunciant, ad anquirendum, de reliquijs coniurationis: ad ix. Octob. exercitus, Edim-
burgo eductus, Drumfrisiū versus iter capeffit. Maxuallius, qui ad eundem diem, stu-
dium

dium factionis, Regibus aduersantis, præ se tulerat, tempus, ad suas res agendas, adesse
 ratus, velut supplex pro partibus, obuiam est progressus: cum eis, de parte patrimonij
 socii sui, quam vehementer cupiebat, loquitur: ea homo impiger, & consilio manu-
 que promptus, facile impetrata, ad rebelles redit: ostendit, nihil in se opus esse, pro in-
 sibi consulant: Angliam esse propinquam: si eo secedant, se, rebus compositis, mox
 sequitur, suasque omnes fortunas cum eis coniuncturum. A Moravio interim mille
 libras, expensæ in stipendia militum nomine, extorsit: hanc pecuniam in equites ex-
 pensam ferebat: iussus enim, paucas equitum turmas conducere, suos ministros do-
 mesticos, pro mercenarijs, ostentabat. Reges, aduentu suo, & accessione Heresiani
 ad suas partes, tectis inimicis, ac omnibus circum circa pro arbitrio constitutis, duci-
 busque partium expulsis, & cæteris in eorum periculi euentum intentis, circa finem
 Octobris, Edimburgum rediere: in Scotia vsque ad initium Veris, res tranquilla fuit.
 Conuentus Ordinum totius Regni promulgatus erat, in mensem Martium, ut bona
 Exulum publicarentur, & nomina ex albo Nobilium eraderentur, ac insignia lacer-
 rentur, quorum nihil, absque conuentus publici decreto, Regibus licet. Interea David,
 aulam principibus procerum vacuam nactus, quo suam immoderatam potentie spem
 confirmaret, Reginam impotentibus consilijs armabat, assidue hortando, ut factionum
 principes ferro coerceret: paucis e medio sublati, cæteros nihil ausuros: sed, stipatores
 Reginae, quod Scoti genere essent, in eadem Nobilitatis nefariam non facile consensu-
 ros, putabat: eis igitur loco deiectis, eo totis viribus incubuit, ut exteri (quod fore
 omnis tyrannidis esse solet initium) ad custodiam eligerentur. Primum iniecta mentio,
 de Germanis arcessendis: quod ea natio summa fide erga dominos fuerit: verum David,
 re secum diligentius expensa, commodius suis rationibus est ratus, ut Itali ad id munus
 adhiberentur: primum, quod, homines eiusdem gentis magis in sua potestate futu-
 ros, crederet: deinde quod, nulla religione imbuti, ad res turbandas, aptiores videren-
 tur: ut quos, citra omne discrimen æqui atque iniqui, ad quoduis facinus facile impelli
 posse, arbitraretur: præterea, homines egeni & facinorosi sub tyrannis nati & educari,
 bellis nefariis affueri, & qui procul domo in Britannia nihil earum haberent, ad res
 novas magis videbantur idonei: igitur, paulatim e Flandria, aliisque continentis regio-
 nibus, milites vagi accersiri coepti, sed prope singuli, & per intervalla, ne ea res agi vi-
 deretur: horum aliquem offendere, quam Reginam ipsam erat periculosius. Cæterum,
 ut apud Reginam crescebat indies Davidis auctoritas & potentia, ita Rex quotidie apud
 eam vilior fiebat: nam ut, in faciendis nuptiis, Regina præceps fuerat temeritas, ita
 repente secuta est poenitentia, & mutata voluntatis non obscura indicia: cum enim,
 a nuptiis statim, sine publico consensu, publice præconis voce Regem pronunciaffet,
 & postea in diplomatis observatum, ad id tempus, fuisset, ut Regis & Reginae nomen
 exprimeretur, non multo post, utroque nomine seruat, mutatus tantum ordo est, ut
 Reginae nomen prius, Regis posterius scriberetur. Tandem Regina, ut omni gratifican-
 di potestate spoliaret maritum, causata est, per eius absentiam, dum venationibus &
 aucupijs esset occupatus, multa aut non suo tempore fieri, aut omnino prætermittit
 commodius fore, ut ipsa, pro ambobus subscriberet: hac ratione prospici posse, ut &
 ille suis voluptatibus frueretur, & publicas necessitates eius absentia non moraretur.
 Id cum ille, ut qui, nulla in re eam offendere, volebat, in bonam partem accepisset,
 primum, leuibus de causis, ablegatur: ut procul, a Concilio & negotiorum publicorum
 conscientia, abesset, & omnium beneficiorum gratia ad solam Reginam redundaret.
 Ita enim secum rationem inibat, Regem, cuius nec amicitia cuiquam esset fructuosa,
 nec ira formidabilis, paulatim in contemptum omnium venturum: David etiam, quo
 res indignior esset, ei substituitur, qui, ferreo typo, diplomata quædam pro Rege signa-
 ret. Ille, hac fraude, omni cura publica exutus, etiam ne molestus rerum secretarum ar-
 biter esset, hieme asperissima, Peblum detrusus est, exiguo admodum, atque intra priva-
 torum complurium dignitatem, comitatu, in prædam verius, quam aucupium. Eisdem
 diebus, tanta vis niuis e cælo decidit, ut in locis non admodum copiosis, & præterea la-
 trocinio infestis, homo semper in aula educatus, & victui liberaliori assuetus, ob rerum

necessariorum penuriam, periculum adisset, nisi casus eo Orcadensem detulisset Epi-
 scopum: is, locorum gnarus, vini nonnihil, atque aliorum comestuum, in suum ve-
 sum, attulerat. Nec, hac ratione tantum, Regina, Davidem e suae obscuritatis latebris
 producere, & ostentare populo, contenta, aliam viam cum ornandi honore domestico
 est commenta. Cum iam antea Regina, per aliquot menses, solito plures, ad mensam
 suam adhiberet, ut, in multitudine saltem, locus Davidi minus invidiosus esset: hac po-
 pularitatis specie rata est fore, ut insolentia spectaculi, conuictorum multitudine, & quo-
 tidiana consuetudine, paululum leuaretur, & stomachi hominum sensim assuescerent,
 ut quidvis pati possent. Tandem eo peruentum est, ut ille cum uno, atque altero quoti-
 dianus conuictor esset: ut autem loci angustia facti, quadam ex parte, minueret inuidi- 10
 am, nonnunquam in cellula exigua, interdum apud ipsum Davidem, epulae apparaban-
 tur: sed hac inuidiae minuenda remedia infamiam augebant, suspiciones alebant, & sini-
 stris sermonibus materiam suppeditabant. Accessit, ad hominum, iam in peius procli-
 nes, cogitationes inflammandas, quod suppellectili, cultu corporis, equorum & genere,
 & numero, longe Regem superabat: quae res eo videbatur indignior, quod non faciem
 honestabat, sed facies cultum destruebat. Igitur Regina, cum naturae vicia non posset
 emendare, diuitiis & honoribus cumulandis, in supremum Ordinem eum nititur pro-
 trahere, ut nascendi humilitatem, & corporis vicia, fortuitae claritatis obtentu, tegat: cum
 ob alia, tum maxime, ut ius suffragij in conventu publico nactus, id Concilium, ad Re-
 ginae nutum, circumagere posset. Sed, cum per gradus esset promouendus, ne inops & 20
 mercenarius Senator videretur, primus in agrum, Edimburgo vicinū, impetus est factus:
 Matuillium Scoti vocant. Dominus agri, & domini socer, alique, qui plurimum apud
 eum poterant, amici conuocantur: cum domino agri agit Regina, ut praedio cederet:
 cum socero & amicis, ut id domino persuaderent: sed, cum parum, ex sententia, res pro-
 cederet, Regina eam repulsam, in suam contumeliam, interpretabatur: &, quod magis
 erat exitiale, David id moleste tulit. Vulgus (neque enim obscure haec agitabantur)
 praesentia deplorare, peiora indies ominari, si, ad egeni nebulonis libidinem, homines,
 antiqua nobilitate & fama illustres, maiorum sedibus extruderentur: multi etiam e se-
 nioribus memoria repetebant, & sermonibus celebrabant id tempus cum Cocheranus,
 Regis fratre per summum scelus occiso, e latomo Comes Marriae factus, belli civilis ca 30
 excitauit incendia, quae, morte Regis, & pene Regni interitu, sunt restincta. Haec cum
 palam fierent, multoq; plura clandestinus rumor (ut, in rebus minus honestis, fieri solet)
 mussaret: Rex tamen certus, nisi re explorata, nemini credere, accepto, Davidem cubi-
 culum Reginae ingressum, ipse ad ostiolum, cuius clauem se penes semper habebat, ac-
 cessit, ac, praeter morem, interius oppellatum inuenit. Cum pulsanti nemo responde-
 ret, ingentem irarū molem animo coquens, noctem eam prope insomnem egit: ex illo,
 paucis e domesticis adhibitis (paucis enim fidebat, ut qui, ceteros a Regina corruptos, &
 factorum omnium dictorumque exploratores sibi appositos, sciret) de Dauide tollendo,
 consultat. Illi consilium quidem probabant, sed rei gerendae rationem non satis expe-
 diebant: ea consultatio aliquot dies tenuit: alij ministri, qui extra id consilium erant, id, 40
 quod erat, suspicati, multis prodeuntibus indiciis, factum ad Reginam deferunt, atque
 eam in rem praesentem se pollicentur ducturos: nec in eo fefellerunt. Obseruato enim
 tempore, cum, exclusis aliis, Rex solos, quibus fidebat, ministros secum haberet, Regina,
 velut per cubiculum eius ad suum transitura, Regem cum consciis arcanorum oppressit:
 & in eum acerbe inuecta, domesticis eius grauiter interminata, frustra eos consultare, se
 omnes machinationes eorum scire, & remedium, in tempore, adhibituram. Cum in eo
 statu res esset, Rex dolorem suum cum patre communicat: malorum praesentium vnus
 eis videtur exitus, si ea pars Nobilitatis, quae aderat, reconciliari, & quae aberat, reuocari
 posset: sed, ad id, festinatione opus erat, quod iam dies esset propinquus, quo die, Regina
 proceres absentes damnare decreuerat: ea enim de causa, conuentum illum indixerat, 50
 Francorum & Anglorum legatis multum deprecantibus: ut qui scirent, nihil, tam seuera
 animaduersione dignum, a reis commissum: animisque etiam secuturum praeceperant
 periculum. Eisdem diebus, literae longissimae ab Angliae Regina venerant: in quibus
 multa

multa, benedole & prudenter, de presenti rerum in Scotia stato, differebat: leniterque,
 atque etiam amanter propinqua animum ab ira ad moderationem reuocabat. Has, quia
 proceres venisse sciebant, neque dubitabat quisquam, qua de re erant scriptae, civilioris
 animi affectum Regina erga eos simulans, comploribus adhibitis, legere coepit: cum,
 in medio cursu, David eam palam admonuit, satis lectum esse: atque subsistere iussit. Id
 eius factum magis superbum, quam nouum, omnibus est visum: quippe, qui non igno-
 rant, quam imperiose plerumque, erga eam, sese gereret: atque interdum acius repre-
 henderet, quam maritus auderet. Per eos dies, in conuentu publico, de causa Exulum
 acriter disputabatur: aliis, ut Reginae gratificarentur, poenam perduellionis decernenti-
 10 bus, aliis contendentibus, nihil adhuc fuisse perpetratum, quod tam seuerè pleaderetur.
 David interea singulos circumibat, animosque perrenabat, quid de absentibus decretu-
 rus quisque esset, si a reliquo conuentu *πρόβουλος* legeretur: nec dubitabat ostendere a-
 perte, Regiam velle, eos condemnari: qui secus fecerit, frustra niti: superque malam
 gratiam apud Principem initurum. Hæc agebat, parim, ut infirmiores spe & metu tur-
 20 barer: partim, ut firmiores e numero iudicū selectorum excluderentur: saltem, ut maior
 pars ex eo numero esset, qui omnia Reginae assentarentur. Hanc, in summa improbita-
 re, hominis obscuri potentiam cum plerique timerent, omnes odissent, Rex, ex patris
 sententia, Iacobum Duglassium, & Patricium Lindesium, alterum patris, alterum ma-
 tris propinquum, accersit. Hi rem conferunt cum Patricio Riueno, viro, & manu & con-
 30 silio, prompto: sed qui, diuturno morbo, ita debilitatus fuerat, ut, per aliquot menses, de
 lecto non confurgeret: ei, inter paucos, de re tanta, fides habita fuit, cum, ob summam
 prudentiam, tum, quod liberi eius essent Regis consobrini. Ab his Rex admonitus,
 quantum, temporibus proximis, errasset, qui propinquorum & amicorum præcipuos,
 in gratiam nequissimi nebulonis, non modo passus esset, expelli, sed ipse, propen-
 sua manu, extruserit, illumque terræ filiū ita extulisset, ut ipse iam ab eo contemneretur:
 multa præterea cum eo, de statu publico, collocuti, effecerunt, ut facile culpam agnos-
 ceret, & se affirmaret in posterum nihil, nisi de Nobilitatis consensu, gesturum. Ac ho-
 mines, multo rerum usu eruditi, non satis tutum rati, adolescentis uxori arari credere,
 ne quando, blanditiis illectus, cum certa pernicie ipsorum, pacta inficiaretur: capita, in
 40 quæ consensum erat, scripta ei exhibuerunt, quibus, libenter atque etiam cupide, omni-
 bus subscripsit. Ea autem erant: De Religione stabilienda, ut cautum erat in Reginae re-
 ditu in Scotiam: De reducendis ciuibz, nuper pulsīs, quibus patria non facile carere pos-
 set: De eade Davidis, quo saluo, neque Rex dignitatem, neq; Nobilitas incolumitatem
 tueri posset. His omnium chirographo confirmatis, Regeque eadē auctorem se profe-
 rente, tum, ut condemnationem procerum absentium prauenerent, tum, ne mora con-
 silium palam fieret, statim facinus aggredi, visum est. Igitur cum Regina in cellula angu-
 sta coenaret, adhibitis, de more, ad mensam Dauide, & Comitissæ Argathelie uxore, pau-
 ci que astarent ministri (locus enim non multos capiebat) Iacobus Duglassius, Morionis
 Comes, cum magno familiarium numero, in extremo cubiculo ambulabat: in aed sub-
 50 diali & clientibus & amicorum fidiſſimis, obseruare iussu erant, & tumultus si qui oriren-
 tur, compescere. Rex, e suo cubiculo, quod infra Regiam erat, per scalas angustas, quæ
 ei soli patebant, ascendit: sequebatur Patricius Riuenus, armatus, cum quatuor aut
 quinque, ad summum, comitibus. His in cellam, ubi coenabatur ingressis, cum insolens
 rerum facies Regiam non nihil commouisset, Riuenū squalidum & e diuturno mor-
 bo, macilentum, & tamen armatum aspiciens, ecquid rei nouæ esset, percontatur: nam,
 qui aderant, e febre delirare, ac sui parum composum esse, credebant. Ille, Davidem sur-
 gere, & prodire, iubet: eum enim, in quo sedebat, locum ei non esse decorum: Regina
 statim affurgit, & corporis obiectu, aduersus venientes eum protegit. Rex, eam comple-
 xus, bono animo esse, iubet: nihil enim esse, quod ipsa timeret: eadem vnus nebulonis
 60 decretam esse. David, primum in proximum, deinde in extremum cubiculū, pertractus:
 ibi abijs, qui cum Duglassio præstolabantur, multis vulneribus confoditur, idque, præter
 omnium, qui in eadem eius conspirauerant, volūntatem, qui eum publice strangulandū,
 populoque, cui gratissimū fore sciebant, ad spectaculum præbere destinabant. Constans

fama est, eum a Ioanne Damioeta, Gallo sacrificulo, qui Magice artis non imperitus vulgo habebatur, non semel admonitum, ut, re confecta, se alio transferret: & potentiorum odio, cui par non esset, se subtraheret: respondit, Scotos magis minaces, quam pugnaces, esse. Iterum stidem, paucis ante eadem diebus, admonitus, ut a notho sibi caueret: nothum illum, se viuo, in Scoria eam potentiam non habiturum, ut sibi timendus esset, respondit: a Morauio enim periculum sibi denunciari putabat. Verum, dictione illa, siue expleta, siue elusa, primum ei vulnus a Georgio Duglassio, Comitis Angulie notho, fuit illatum: post id, ut quisque proxime steterat, princeps feriebat, vel dolori suo indulgens, vel, in publicæ vindictæ societatem ascribi, cupiens. Ad hæc, tumultu in totis ædibus orto, Comites Huntillæ, Atholiz, & Borthuelij, qui in diuersa Palatii parte 10 cœnabant, cum prorumpere vellent, ab ijs, qui in area adseruabant, intra cœnacula sua, sine noxa, sunt cohibiti. Ruuenus, e cella egressus in cubiculum Regina, cum, viribus, ad standum, non sufficientibus, resedisset, ac bibere petisset, Regina verbis, quæ recens dolor & ira amat, in eum, ut perfidum & proditorem, inuecta, inter alia exprobrauit, quod se stantem sedens alloqueretur: ille excusat, nulla id superbia, sed virium infirmitate factum: ipsam vero hortatur, ut, in Regno gerendo, Nobilitatem, cuius interesset, omnia salua esse, consulat potius, quam nebulones vagos, qui nullum suæ fidei pignus dare possent: quippe, qui nec in re, nec in fama quicquam haberent, quod perderent: neque, quod in præsentia perpetratum est, rem esse noui exempli, Regum Scotorum legitimum esse imperium: nec vnquam, ad vnus libidinem, sed ad legum præscriptum, 20 & Nobilitatis consensum, regi solitum: si qui Regum contra attemptassent, graues suæ reuerentis poenas luisse: neque nunc ita Scotos, a maiorum suorum institutis, degenerasse, ut exteri hominis, quem vix honeste seruum essent habituri, non modo imperium, sed seruitutem æquo animo perferrent. Hoc sermone, cum Regina magis inflammaretur, illi discedunt, ne maior aliquis tumultus oriretur, locis idoneis custodibus dispositis. Interea rumor tota vrbe manat: alius alibi, & pro ficto aut vero, pro cuiusque ingenio, creditus: ad arma concurritur, ac recta omnes ad Regiam pergunt. Ibi Rex, per fenestram multitudinem allocutus, se ac Reginam incolumes esse, affirmat: nullam tumultuandi causam esse: quicquid actum est suo iussu actum: id quale sit, suo tempore scituros: in præsentia, domum suam quisque abeat. Illi iussi discedunt, præter paucos, qui, ad vigilas 30 agendas retenti fuerant. Postridie mane, proceres, ab Anglia reuersi, primum omnium, in Prætorio vrbs iudicio se sistunt, ad dicendam causam, parati: nam is dies, ad id, præstiturus erat. Vbi nemo ex aduerso apparuit, publice testati, quod non per ipsos steteret, quo minus legitimo iudicio se committerent, in hospitia quisque sua discesserunt. Regina, fratre accersito, & cum eo satis diu collocuta, spem fecit, se, post id, in procerum potestate futuram, ac laxiore custodia habitam, multis, malo publico illam clementiam cessuram, ominantibus, veteres satellites recollegit: & noctu, per posticum egressa, cum Georgio Seronio, qui ducentos adduxerat equites, primum in eius arcem, inde Dumbarum profecta est: Regemque metu mortis iniecto, ni obsequeretur, secum duxit. Ibi, collectis viribus, cum reuersis nuper ab exilio se conciliatam simulans, imperum in Davidis per- 40 cussores conuertit: illis vero tempore cedentibus, velut rebus iam pacatis, ad pristinum ingenium rediit. Primum omnium, cadaver Davidis, quod ante fores templi propin- qui sepultum erat, curauit de nocte transferendum, ac in sepulchro proximi Regis, & liberorum eius collocandum: & hoc factum, ut inter pauca improbum, sinistris sermonibus locum præbuit: quam enim vltiorem adulterij confessionem expectarent, quam ut illum terra filium, nullis honestis studiis, nulla in publicum opera impensa insignem, patri ac fratribus, quoad potuit, honore supremo æquaret, & quod pene inuidiosus erat, hominem spurcum prope in Magdalenz Valesæ, paulo ante Regina, amplexus daret: Marito, inter hæc, comminari, obliquis dictis alludere, operamque dare, ut omnem ei auctoritatem apud omnes detraheret, & quam poterat, contemptissimum redderet. His 60 fere diebus, quæstio, de cade Davidis, acerbissime exercita fuit: multi, ex ijs, qui consilij dicebantur, alij alio relegari: plures pecunia multati: nonnulli (sed fere insones, atque adeo securi) supplicio affecti: nam principes factionis alij in Anglia, alij in montanis Scotorum



SCOTICARVM
HISTORIA,

Auctore Georgio Buchanano Scoto.

LIBER DECIMVS OCTAVVS.



REGINA partu leuata, etsi alios omnes satis comiter, vt in publica gratulatione, acciperet, tamen quoties, Regem visendi causa adesse, nunciabatur, & ipsa, & comites vultum sermonemque ita componebant, vt, nihil magis timere, viderentur, quam, ne Rex non intelligeret, se fastidio, aduentum, conspectumque suum omnibus ingratum esse: contra vero Bothuclius omnia vnus poterat: vnus negotiis omnibus præerat: adeoque Regina, sui, erga eum, animi propensionem intelligi, volebat, vt, si quid ab ea petendum foret, nemo quicquam, nisi per illum, impetraret: ac, velut vereretur, ne fauor is obscurus esset, quodam die cum vno, & altero comite summo mane ad portum, quem Nouum vocant, descendit, cunctisque insciis, quo properaret, nauiculam ibi præparatam conscendit: ornauerant autem eam Gulielmus & Edmondus, Blacateri, Eduardus Robertsonus, & Thomas Dicsonus, omnes Bothuelij clientes, & notæ rapacitatis piratæ. Hoc igitur comitatu latronum, cum summa omnium bonorum admiratione, se mari commisit, nemine, ne ex honestioribus ministris, assumpto: in Alloa vero, Comitissæ Marriæ arce, qua naus appulit, per aliquot dies, ita se gessit, vt, non modo Regiæ maiestatis, sed matronalis etiam modestiæ oblita, videretur. Rex, audito Reginæ necopinato discessu, terra, quantum potuit, est consecutus, ea spe & consilio, vt vna esset, & mutua coniugalium officiorum communicatione frueretur: sed is, tanquam molestus voluptatum interpellator, vix paucis horis, dum ministri cibo & quiete reficerentur, datis, redire, vnde venerat, iubetur. Regina, post paucos dies, vbi Edimburgum rediit, turbam, vt videbatur, vitans, non in suum Palatium, sed in propinquam priuati hominis domum, in ea vicinia, diuertit: illinc, in aliam transijt, vbi conuentus annuus, quem Scacarium vocant, tum habebatur, non tam (vt creditur) ædium laxitate, & hortorum, qui iuxta erant, amœnitate inuitata, quam, quod in propinquo diuersabatur David Camerius, Bothuelij cliens, cuius posticum erat hortis Reginæ vicinum: qua Bothuclius, quoties lubitum esset, com-mearet. Interea Rex, cum nullum gratiæ locum apud vxorem obtineret, iniuriis & iurgiis ablegatur: ac sæpius tentato Reginæ animo, cum nulla obseruantia, nullis officiis assequi posset, vt ad pristinam consuetudinem admitteretur, Sterlinum, velut in solitudinem, secessit. Regina, paucos post dies, statuit, ledburgum proficisci, ad conuentos habendos. Circiter initium Octobris, Bothuclius expeditionem in Lidaliā adornat: in ea cum, neque pro loco, quem tenebat, neque familiæ suæ dignitate, neque hominū expectatione, se gereret, a latrunculo ignobili, quem, captum & nihil metuentem, sphaerula plumbea pene confecerat, vulneratus, in Eremitagiū arcem, incerta vitæ spe, delatus est. Id vbi Reginæ ad Borthuicum est nunciatū, aspera iam tum Hieme, primum Mulrossam, deinde

deinde Iedburgum peruolat: Eo etsi certi, de Bothuelij vita, rumores perferrentur, impatiens tamen moræ, animus sibi temperare non potuit, quin, alieno anni tempore, spretis viarum difficultatibus, & latronū insidijs, se in iter conijceret, cum eo comitatu, cui nemo, paulo honestior, vel mediocris conditionis homo, suam vitam & fortunas committere, auderet. inde, Iedburgum iterū reuersa, summo studio & diligentia, omnia, ad Bothuelium eo transferendum, comparat: quo cum venisset, eorū conuictus & consuetudo parū, ex vtriusq; dignitate, fuit. Ibi, siue, ob diurnos nocturnosq; labores, siue, occulta quadam numinis providentia, in morbū, adeo sæuum & exitiabilem, incidit, vt prope nulla spes, de vita eius, cuiquam superesset. Rex, vbi id rescivit, maximis itineribus Iedburgum contendit: simul, vt Reginam inuideret, & quibus posset officijs, suum animum & studiū gratificandi testaretur: simul, vt (quod, in periculis grauissimis, fieri solet) præteritorum poenitentia mentem subeunte, ad sanctioris vitæ propositum inflecteret: illa contra, non modo nullum placati animi iudiciū præ se tulit: sed curauit, ne quis venienti assurgeret, salutaret, hospitio ei cederet: vel ad se venientem, in vnam saltem noctem, susciperet. Verum, cum ei suspectum esset Morauij ingeniū, come & humanum, egit cum vxore eius, vt propere domū iret, morbumq; simularet, ac statim decumberet, vt saltem hoc prætextu, per excusationem aduersæ valetudinis, Rex illinc excluderetur: ac in eo erat, vt hospitij penuria, discedere cogeretur, nisi quidam, ex Humiorū familia, pudore impulsus, repentinam discedendi causam finxisset, ac suum hospitium Regi vacuum reliquisset. Postridie mane, iussus inde Sterlinum redijt, qui reditus eo visus est omnibus indignior, quod, eodem prope tempore, Bothuelius ex ædibus, vbi ante diuersabatur, per ora vulgi, in diuersoriū Regina delatus est: & cum neuter adhuc satis firmus, illa e morbo, ille e vulnere foret, primū Calsonem, inde Coldingamiam, mox ad Cragmillarium (ea arx ad duo millia ab Edimburgo abest) transeunt, rumorū, qui toto illo itinere spargebantur, securi: cum interea Regina, in omni sermone, palam profiteretur, sibi nullam in posterum vitam fore, nisi a Rege solueretur: ac, si alia ratione non posset, se sibi manū illaturam: inter hæc, sæpe mentionem, de diuortio, iniiciebat: neque difficile affirmabat id futurum, sublato e medio diplomate Pontificis Romani, quo venia eis matrimonij, aduersus leges Papanas contracti, facta fuerat: sed, cum hanc rem non perinde, atque expectauerat, processuram videret (multis enim e Nobilitate præsentibus, hac agebantur) cæteris omissis, ad eadem Regis animum conuertit. Paulo ante Brumam, cum legari, e Gallia & Anglia, aduenissent, vt, in Principe baptizando, testes adessent, Regina, non modo pecunia, sed opera etiam & industria, contendit, vt Bothuelius, inter ciues & hospites, singulari cultus magnificentia cōspiceretur: cum interea legitimus eius maritus, in filij sacro lustrico, non modo subsidio ad sumptus necessarios destitueretur, sed, in cospectum Legatorum prodire, vetaretur: ministris, qui, ad vsus quodidianos, ei attributi erant, detractis: Nobilitate autem obseruare prohibita. Sed Nobilitas, & hoc, & superioribus temporibus, quanto Regina animum implacabiliorem, erga maritum, videbant, tanto magis ad misericordiam flectebantur, cum hominem, adolescentem & innoxium, tot contumelijs petiitum, omnia ferre non modo patienter, sed etiam omnia iniustæ iræ piacula experiri, viderent, vt, pene seruilem in modum, humiliter aliquem gratiæ locum apud eam teneret. De cultu vero corporis, color impudens, & plane falsus est quæsitus, reiecta in aurifices, phrygiones, cæterosque id genus opifices culpa, quam, pence ipsam omnes esse, sciebant: cum contra, Bothuelio exornando, pleraq; sua manu elaboraret: Legati etiam exteri moniti, ne cum eo colloquerentur, cum interea maiorem diæ partem omnes in eadem arce transigerent. Homo adolescens, ita inhumaniter habitus, cum se vniuersorum contemptui expositum, æmulū, sibi ante oculos adductū, ab omnibus coli videret, ad patrem, qui Glasguz erat (vt quidam putant accersitus) secedere decreuit. Discedentem Regina solito prosequitur odio: vasa argentea, quibus, a nuptijs ad eum diem, vsus erat, vniuersa simul aufert: ac stannea supponit: veneno etiam, ante discessum, dato, tanquam scelere magis occulto, si, absens ab Aula, moreretur. Sed malum opinione eorum, qui dederant, fuit præsentius: nam, antequam mille passus a Sterlino abesset, adeo vehemens dolor simul omnes corporis partes inuasit, vt cum facile

CIC. 13.
LXV.

appareret, non casu, sed fraude humana, morbum, aduenisse: ut vero Glasquam venit, manifestius vis mali se prodidit: liuentes etiam pustulae, tanto cum dolore & totius corporis vexatione, eruperunt, ut exigua spe vitae, spiritum duceret. Iacobus Abrenethius, homo summa fide & industria, & magno usu medendi praeditus, de genere morbi rogatus, statim, venenum datum ei, respondit: accersitus fuerat & Reginae medicus domesticus, sed cum ipsa ire uenit, simul verita, ne eius opera, agrotus mortem euaderet: simul, ne a pluribus veneni indicia deprehenderentur. Ceremonijs baptismi peractis, & paulatim turba dilabente, Regina, solitudinem quarens, cum Bothuelio, prope vno, apud Drumehium & Tilibardinum, nobilium domos, aliquot diebus transactis, circa Ianuarij initium, Sterlinum redijt: & cum quotidie, se Glasquam ituram, ostenderet, ac nuncium, de morte Regis, expectaret, in eius rei incertum euentum, filium in sua potestate habere, decreuit. Id consilium quo minus suspectum haberetur, causari coepit, ades in quibus puer educabatur, incommodas, quod, in locis humidis & praefrigidis, periculum ei a pituita esset: sed facile apparebat, alia de causa, alioque animo haec fieri, cum & vitia, quae vitabantur mutatione loci, longe maiora in illis, quo ducebatur, adibus essent, ut in solo humido & palustri, sitis: & a Sole, montis obiectu, auersis. Puer igitur, vix septimum aetatis ingressus mensem, asperissima Hieme, Edimburgum ducitur: ibi cum rescitum esset, Regem conualescere, ac vim veneni, aetatis vigore, & corporis firmitate naturali, superatam, novum, de eo tollendo, consilium initur: aliquot etiam, e Nobilitate, in conscientiam sceleris asciti. Cum interea ad Reginam delatum esset, Regem de fuga, in Galliam aut Hispaniam, cogitare, eaque de re, cum Anglis, qui nauem, in aestuario Glottae stantem habebant, collocutum: alij, occasionem commodae oblatam, censent, ut Regina eum accerseret, ac, si venire abnuat, palam, ferro trucidaretur: nec deerant, qui operam suam pollicerentur: alij, occulte facinus exequi, consulunt: omnes, festinandum, antequam plane conualesceret. Regina, secunda de filio, ut maritum quoque haberet in potestate, quanquam incerto adhuc, de genere caedis, consilio, ipsa, Glasquam proficisci, decreuit: superiorum mensium suspicionibus, per frequentes & amicissime scriptas literas (ut ipsa rebatur) satis perpurgatis: sed facta literis fidem detrahebant: nam eius itineris prope solos comites Hamiltonios, aliosque, Regis paternos inimicos, habebat. Quae in rem interea essent, Bothuelio curanda, Edimburgi committitis enim locus, & adpatrandum, & occultandum scelus, maxime visus est idoneus: quippe ubi, in magno conuentu Nobilitatis, in alium transferri, aut in multos spargi suspicio caedis posset. Cum Regina omnia, quae odio dissimulando essent, tentasset, obiurgationibus, quarimonijs, lamentationibus multis, ultro citroque, peractis, aegre tamen animi placati fidem fecit. Rex, nondum e morbo satis validus, lectica Edimburgum ad locum, per Bothuelium (qui, absente Regina, id munus susceperat) sceleri destinatum, deducitur (erat autem is locus, ades, per aliquot annos, desertae, murisque, urbis coniunctae, in vasta solitudine, inter duorum templorum ruinas, unde neque clamor, aut strepitus exaudiri posset) eo, cum paucis ministris, intrusus est: maior pars, quos Regina, non ministros, sed omnium dictorum, ac factorum observatores addiderat, discesserant, gnari videlicet periculi imminantis: neque, qui remanserant, ab hospitij paratoribus clauis ostiorum extorquere poterant. Regina autem unum id maxime omnium agebat, ut omnes a se suspensiones segregaret, adeoque ea simulatio ei processit, ut Rex, de animo eius erga se iam plane beneuolus securus, literas ad patrem, qui Glascae aeger subliterat, bonae spei ac fiduciae plenas, scriberet, commemoratis Reginae erga se officijs, ac simplicis & sinceri amoris indicijs: ac sane asseueranter rerum in melius mutationem sibi spondebat. Haec scribenti, derepente Regina interuenit, ac, literis perlectis, crebro eum amplexa ac deosculata, sibi supra modum gratum esse, ostendit, quod iam perspicue intelligeret, nullam in eius animo nubeculam suspicionis subsedisse. Hic cum omnia tranquilla viderentur, subiit illa altera cura, ut totum, si qua posset, crimen in alios deriuaretur: Itaque fratrem suum, Morauium, accersit, qui, accepta nuper venia, ad Fanum Andreae profecturus erat, ut uxorem inuideret, quae, in summo vitae discrimine versari, nunciabatur: nam & parturiebat, & exanthemata (quae vocant) per totum corpus cum vehementi febre eruperant. Causam fratris retinendi videri, volebat, ut, legatum Ducis Sabaudiae, qui, ad baptismum principis, iusto

iusto serius venerat, se honorifice velle dimittere, simularet: quæ cum parum iusta vide-
 retur, cur ab officio pio & necessario auocaretur, tamen paruit. Regina interea quotidie
 Regem inuisebat: cum cum Bothuelio, quem extra suspicionem esse, volebat, reconcili-
 at liberaliter, in posterum de sua in eum voluntate promittit: quæ officiorum simula-
 tio cum omnibus vehementer esset suspecta, nemo tamen Regem, de suo periculo ad-
 monere, audebat: quippe qui omnia, quæ aliunde accipiebat, quo magis in gratiam Re-
 ginæ se insinueret, ei reuelare solet. Vnus inuentus est Robertus, Reginæ frater, qui,
 sine facinoris atrocitate, siue adolescentis misericordia mortis, vxoris infidias ad eum
 deferre, est ausus: sed, ea lege, vt rem apud se tacitam contineret, ac suæ incolumitati,
 10 quam posset commodissime, consuleret. Id Rex cum, pro sua consuetudine, Reginæ
 indicasset, Robertusque aduocatus rem constanter negaret, alterq; alterū mendacij ar-
 gueretur, & vterque ad arma manū adinouisset, Regina, hoc spectaculo læta, quod, sine suo
 labore & molestia, suorum consiliorū exitum in propinquo videret, alterū fratrem Iaco-
 bum aduocat, velut, ad litem dirimendam: re verā, vt ipse quoque per occasionem, tolli
 posset: nemo enim earū rerum aderat arbiter, præter vnum Bothueliū, qui inferiorem
 potius in eo certamine conficeret, quam dissidentes destineret, quod adeo verbis te-
 status est, cum diceret, nihil esse, cur Iacobus tantopere prepararet, vt homines, non ita
 pugnandi cupidos, diri meret. Hoc motu vtrinque sedato, Regina & Bothuelius, tori in
 cedis consiliū intenti, dant operam, vt res quam occultissime transigatur. Regina, vt ma-
 20 riti amorem, & veterum offensionum obliuionem simularet, lectū suum in cubiculum
 quod infra Regem erat, e Palatio portari iubet: ibi ipsa aliquot noctes, extracto in longū
 colloquio, conquieuit. Interea, non cessat, omnia comminisci, vt facinore peracto, infā-
 mia in Iacobum fratrem suum, & Mortonij Comitem deriuaretur: his enim, quos, ob
 virtutem & auctoritatem, plurimum timebat & oderat, de medio sublati, cetera om-
 nia prona fore, pollicebatur. Eodem etiam incitabant literæ Pontificis Romani & Ca-
 roli Cardinalis Lotharingi: nam, superiore ætate, cum a Pontifice, per auunculum, pe-
 cuniam petisset, ad statum Religionis in Britannia turbandum: & Pontifex quidem oc-
 cultius, Cardinalis aperte ad eadem hortabatur eorum, per quos maxime stabat, ne Pa-
 30 pismus reuocaretur, eosque nominatim edebat, & præcipue, quos dixi, Comites: quibus
 extinctis, magnam pecuniæ vim, ad bellum gerendum, promittebat. Harum rerum ru-
 mulculos Regina ad proceres permanasse credebatur: itaque ipsa literas eis ostendit, ita, se
 apud eos purgaram, ab omni alieni animi suspitione, rata. Sed hæc consilia, tam subtili-
 ter, vt videbantur, inita, non nihil perturbabant nūcij frequentes, a Morauij vxore, eam
 afferentes abortum fecisse, ac, in exigua spe vitæ, animam agere: Hæc cum ei, diē Domi-
 nico, ad sacram concionem eunti, nunciata fuissent, isque ad Reginam reuersus, ab ea
 veniam abeundi petisset, illa magnopere contendebat, vnū certe diem, certiorē nun-
 cium expectaret, cum neque, si properaret, eius aduentus quicquam profuturus esset: sin
 remitteret morbus, etiam postmodum satis in tempore sit venturus: ille tamen, obstinato
 animo, iter cepit. Regina, quæ in eam noctem eadem destinasset, adeo soluto animo
 40 videri voluit, vt nuptias Sebastiani cuiusdam, e cantoribus suis, eo diē, in Palatio celebra-
 ret: eoque, velut per ludum & laticiam, transacto vespere, cum satis magno comitatu, ad
 maritum visendum, ierit. Ibi cum, hilarius solito, per aliquot horas, collocuta esset, sape
 eum deosculata, annulū etiam tradidit. Post discessum Reginæ, cum Rex, inter paucos,
 qui aderant, ministros, illius diē dicta factaque retractaret, inter alios sermones, ad bene-
 sperandum, eius animum erigentes, paucorum verborum recordatio laticiam non nihil
 turbauit: siue enim, spe admota sceleris perpetrandi, impotens animus gaudii continere
 non potuit, siue vox temere excidit, iniecta est ab ea mentio, Dauidem Riziū, superiore
 anno, circa id ipsum tempus, interfectum fuisse: hæc importuna cedis recordatio cum
 nulli satis placeret, tamen, quia multum noctis processerat, & proximum mane ludis &
 50 laticia destinarent, celeriter cubitum concesserunt. Interea, in cubiculo inferiore puluis
 sulfureus, ad euertendas ades, collocatur: cetera quidem, circūspecte & callide prouisa
 videbantur: in re tamen leui non leuia vestigia, ad scelus deprehendendum, relinque-
 bantur: lecto enim, in quo Regina noctes aliquot cubitauerat, inde ablato, villorem,

in eius locum, substituerunt, in tanta famæ prodigalitate, exigua pecuniâ parci. Inter hæc
 Paris Gallus, vnus e sceleris administris, Regis ingressus cubiculum, ita constitit tacitus,
 vt ipse a Regina conspici posset: idem signû conuenerat, omnia iam parata esse. Illa, tan-
 quam, viso Paride, nuptiarum Sebastiani recordatio animum subisset, se negligentia co-
 arguit, quod ea nocte (vt conuenerat) personata non saltasset, ac nuptam, de more, in le-
 cto non collocasset: cum dicto, confurgit, ac domum abit: Reuersa in Palatium, satis diu
 cum Bothuelio colloquitur: is, tandem dimissus, cum in cubiculum venisset, mutauit ve-
 stem, & militari clamide amictus, per custodias, paucis comitatus, in opidum redijt. Dux
 aliarum consistorum turmæ diuersis itineribus cum ad locum destinatum venissent, pauci cu-
 biculum Regium, cuius claues penes ipsos erant (vt ante dictum est) ingrediuntur: ipsum, 10
 alto somno solutum, inuadunt, ac faucibus compressis, famulum item vnum, qui iuxta
 lectulû accubabat, strangulant: Strangulatos per portulam, quam, in hunc vsum, in muris
 vrbis ædificauerant, efferunt in hortulum propinquum: deinde, ignem sulfureum admo-
 uentes, domû a fundamentis conuellunt, tanto cum fragore, vt ædes aliquot vicinæ qua-
 terentur, & in longinquiore vrbis partibus, qui somno grauissimo erant oppressi, velut
 attoniti, expergiscerentur: quo facinore peracto, Bothuelius alia, quam venerat, per
 muri vrbis ruinas dimissus, in Palatium per custodias redijt. Hic, per aliquot dies, rumor
 satis constans, de cæde Regis, fuit. Regina, quæ vigilans ad id noctis, euentum rei præsto-
 labatur, conuocatis, qui ex Nobilitate in palatio erant, & in ijs Bothuelio, ex eorum sen-
 tentia, velut ignara omnium, quæ acta essent, misit, qui causam tumultus cognoscerent: 20
 eunt qui facinus inspicerent: Rex linteo tantû indusio amictus superiorem corporis par-
 tem, cætera nudus iacebat: iuxta eum, reliqua vestis, atq; etiam soleæ. Ad eum, cum vulgi
 factus esset concursus, aliudq; alius conijceret, nemo tamen omnium (quod Bothuelius
 maxime cupiebat) in animû inducere potuit, eum violentia pulueris, tecto effracto, fuisse
 eiectum: præsertim, cum e toto corpore nihil (quod, in tanta ruina, erat necesse) fractum,
 contusum, aut liuidû appareret, vestisq; iuxta, non modo flammis non afflata, aut pulue-
 re conspersa, iaceret, vt, non vi aut casu, illuc allata, sed manu composita, videretur: Bo-
 thuelius, domû reuersus, cum, velut admirabundus, eum nunciû ad Reginam attulisset,
 ea cubitum confessit, atq; in multum vsque diem, altissimo somno in summa securitate
 conqueuit. Rumores interea sparguntur a parricidis, Regem, consilio Comitû Morauiz 30
 & Mortonij, esse interfectum, ac, in proxima Angliæ, ante lucem, perferuntur: tacitis ta-
 men omnium cogitationibus, Regina facinoris auctor designatur. Nec Episcopus Fani
 Andree a rumoribus fuit intractus: multæ ad eam cogitationem coniecturæ impellebāt:
 nobiles & crudeliter exercitæ, inimicitia inter familias: nec Episcopus, vnquam Re-
 ginæ satis reconciliatus, antequam id scelus animo concepisset: & nuper eam Glas-
 cuam comitatus, omnium vltimorû consiliorum particeps fuerat. Auxit hominû suspi-
 cionem, quod tum in ædes fratris Comitæ Arani diuertisset, ei domui propinquas, in
 qua Rex occisus erat, cum, semper antea, in celebri vrbis loco habitaret, vbi commode,
 & salutationibus celebrari, & epulis popularem gratiâ colligere, posset, item, quod, e su-
 perioribus vrbis locis, lumen & peruigiliæ in eius ædibus, tota nocte, conspiciebantur, ac 40
 tum demû, vbi ruinæ propinquæ fragor insonuit, lumina sunt extincta: & clientes, qui
 frequentes armati vigilauerant, vetiti egredi: vera autem rei gestæ historia, quæ post com-
 plures menses erupit, effecit, vt horû pleraque, quæ tum pluribus suspiciosa videbantur,
 postea, re patefacta, pro certissimis haberentur indicijs. Scelere perpetrato, nuncijs statim
 in Angliam dimissi, qui diuulgarent, Regem Scotorû a suis crudeliter fuisse trucidatum,
 opera maxime, & consilio Comitum Morauiz, & Mortonij. Is rumor statim in Aulam
 delatus, adeo animos omnium in odium totius gentis inflammavit, vt, per aliquot dies,
 nemo Scotici generis, sine summo vitæ periculo, in publicum prodire auderet: ac vix
 multorû literis, vltro citroq; missis, demum mitigari potuerit, clandestinis consilijs iam
 in lucem prodeuntibus. Regis cadaver cum diu spectaculo fuisset, continuusque vulgi 50
 concursus eo fieret, Regina curat, vt super scamnû inuersum extensû per baiulos in Pa-
 latium deferretur: ibi & ipsa corpus, omnium illius ætatis formosissimû, auide spectauit,
 nullo in alterutram partem indicio animi secreta prodente. Proceres quidem, qui ade-
 rant

rant, funus ei, amplum & honorificū, decernunt: Sed illa, per baulos de nocte, sine vilo
 funeris honore, sepeliendum curat, & (quod indignitatem vehementius auxit) prope Da-
 uidis Rizij sepulcrum, ac si hominis foeditissimi Manibus, mariti morte, parentaret. Duo,
 quæ tum acciderunt, ostenta operæ precium duxi hic exponere: quorum alterum eadem
 paulo antecessit, Iacobus Londinus, homo Fisanus, honesto loco natus, cum febri diu
 laborasset, pridie, quam Rex occideretur, circa Meridiem, in lecto se paulū erexit, ac, velut
 attonitus, magna voce obtestatus est præsentem, ut Regi opem ferrent: iam enim parrici-
 das eum inuadere: deinde, paulo post, cum flebili questu exclamauit, frustra opem fere-
 ris: iam trucidatus est, nec ipse vir, post eam vocem, superuixit. Alterum eum eade ipsa
 10 coniunctū fuit. Tres, e familiaribus Comitum Atholiz, Regis propinqui, homines, & vir-
 tute & genere, minime obscuri, non procul a Regis hospitio diuertebant: ijs circiter me-
 diam noctem dormientibus, ad Dugallū Stuartū, qui proxime parietem accubabat, qui-
 dam visus est accedere, ac manu leuiter, per barbā malamque, ducta, eum excitare, di-
 cens, Surgite, vim vobis asserunt. Is expectatus repente, cum visum secum reuolueret,
 alius confestim, ex alio lecto, exclamat. Quis me calcat? & cum Dugallus respondisset, se-
 lem esse fortasse, qui (ut sit) noctu oberraret: tum terrius, qui nondum expectatus fuerat,
 statim e lecto se coniecit in pedes, rogans, quis colaphū sibi incaussisset: & cum dicto, per
 ostium visus est quispiam egredi, nec sine strepitu. Interea, dum illi visa & audita inter se
 conferūt, domus Regiæ cadentis fragor auditus omnes consternauit. Facinore perpetrato,
 20 varie, prout quisq; Regem oderat, aut amabat, afficiebantur: omnes boni, vno consensu,
 scelus nefariū abominabantur: Verū longe molestissime rem ferebat, cum ob alia, tum,
 quia princeps nuptiarum conciliator fuerat, Ioannes Stuartus, Atholiz Comes. Proxima,
 quæ eadem secuta est, nocte, armati, ut in re trepida, cum circa Palatiū excubias agerent,
 ad exteriorem parietem cubiculi, in quo Atholius agebat, sonitus, veluti leuiter funda-
 menta demolientium, est auditus: excitata strepitu familia, eam noctem infomnem egit:
 postridie, Comes in opidū emigravit, ac paulo post, vitæ metuens, domū discessit: Comes
 Morauiz, cum e Fano Andrea in aulam redisset, nec ipse extra periculum fuit: nam & ar-
 mati noctu, circa ædes eius, obuersabantur: sed eum, ob aduersam eius valetudinem, totas
 noctes domestici eius vigilarent, sicarii nihil attentare clam poterant, nec palam aude-
 30 bant. Tandem Bothuelius (qui, illa se molestia liberatum, vellet) ipse, sua manu facinus
 foedū peragere, decreuit. Igitur, nocte concubia, suos, de valetudine Morauij, interrogat:
 cum responsum esset, eum vehementer articulari dolore cruciari: quid si eum inuisamus,
 inquit: et cum dicto surgens, ad eius ædes properabat. Inter eūdum, admonitus est a suis,
 eum ad Robertum fratrem, ut, extra strepitum palatii &, liberius & commodius ageret,
 migrasse: stetit paulū tacitus, ac dolens, tantam occasionem amissam, domum rediit. Re-
 gina, inter hæc, domi vultum componebat, &, simulatione luctus, populum sibi placatio-
 nem reddere, meditabatur: sed ea res ei, æque, ac reliqua conspiratio, improspere cessit:
 nam, cum in more esset, a priscis vsq; temporibus, ut Regiæ, post maritorum obitum,
 complures dies, non modo coetu hominum, sed lucis etiam abstinerent aspectu, simula-
 40 tum quidem luctum aggressa esset, sed, animi superante lætitia, foribus occlusis, fenestras
 aperit, &, abiecta lugubri veste, intra quadriduum, coelum Solemq; aspicere, sustinuit: &
 ante diem duodecimum, confirmato aduersus vulgi rumores animo, in agrum Setoni-
 um, ad septem ab opido millia passuum, excurrit: cum interim Bothuelius a latere eius
 nusquam discederet: ibique ira egit, ut paululum in corporis vestitu, nihil in animi ha-
 bitu mutasse, videretur. Celebrabatur autem locus magna Nobilitatis frequentia: & ipsa
 quotidie in campū propinquū, ad Iusus consuetos, nec eos plane muliebres, prodibat:
 sed Croci Galli (qui, sæpe antea, Legationem in Scotia obierat) aduentus rationes eorum
 nonnihil turbauit. Is cum ostendisset, in quanta res esset apud exteros infamia, Edim-
 burgū est rediit: sed Setoniū tot habebat commoditates, ut, cum famæ dispendio eo re-
 50 uertendum esset. Ibi consultationis omnis summa fuit, quo pacto Bothuelius Regi ex-
 dis absolueretur. Tentata quidem erat antea & accusatio, & purgatio: nam statim, a
 de Regis, Bothuelius, cum aliquot conscijs, ad Argatheliz Comitem, quod is rerum ca-
 pitallium perpetuus esset Quæstor, conuenerunt: Primum, tanquam omnium, quæ gesta

essent, ignari, rem nouam, inauditam, incredibilem mirantur: deinde quæstioni paululum yacant: pauperulas aliquot, e vicinia, mulierculas citant: illæ inter spem metumque, hærent, loquine, an tacere magis expediat, incertæ: verum, etsi sermonem temperarent, tamen, cum plus effutiuisent, quam expectabatur, tanquam temere locutæ, dimittuntur. Sed earum testimonia facile erat contemnere. Accersuntur domestici Regis ministri, quos calamitas nondum absumpserat: interrogati, de sicariorum ingressu, negant, clauēs in sua potestate fuisse: quis igitur eas habebat? aiunt, Reginam. Dissertur, in speciem, quæstio, re vera, supprimitur: meruebant enim, ne, si longius progredirentur, Aulæ secreta in vulgus exirent. Ne tamen res penitus abiecta videretur, proponitur edictum: pecunia indicibus decernitur. Sed quis auderet, Bothuelium attingere, cum idem, reus, iudex, quæstor, pœnæ exactor, esset futurus? Hic tamen metus, qui singulorum ora comprimebat, multitudinem continere non potuit: nam, & libellis propositis, & pictura, & nocturnis per tenebras clamoribus, effectum est, vt parricidæ facile intelligerent, arcana sua nocturna in vulgus prodijisse, vt iam nemo dubitaret, qui scelus designassent, qui operas contulissent: quantoque magis supprimebatur, tanto magis vulgi dolor inhibitus erumpebat. Hæc, etsi sceleris conscijs videri volebant, contemnere, tamen interim id vnum eos stimulabat, vt suum dissimulare nequirent dolorem. Ita omissa, de Regis morte, quæstione, subit altera, multo acrior, aduersus libellorum auctores, & (vt ipsi loquebantur) Bothuelij calumniatores: adeo seuerè exercebatur, vt neque sumptui, neque labori vlli parceretur: pictores omnes, & qui scripturam 20 faciabant, conuocantur, si forte, ex picturis & libellis, auctores indicare possent: additur, quæstioni conueniens, edictum, quo non proponere modo, sed propositum legisse capitale erat. Sed qui, capitalis pœnæ comminatione, populi sermones compescere studebant, nondum morte satiati, odium adhuc, erga mortuum Regem, retinebant: Bona defuncti, arma, equos, vestem, reliquamque suppellectilem, ac si fuissent redacta in fiscū, Regina aut interfectores, aut paternis inimicis diuisit. Hæc vt palam gerebantur, ita multorum dictis palam incessebantur: adeo, vt quidam opificum, qui vestem Regiam Bothuelio, ad corporis modū, adaptabat, ausus sit dicere, Hic se ius, & morem patrium libenter agnoscere, cum spolia defuncti cedant carnifici. Inter hæc, subit altera cura, quomodo arcem Edimburgensem Regina in suam potestatem redigeret. Eam tenebat Ioannes, Marriæ Comes, ea lege, vt nemini, nisi conuentu publico reposcenti, redderet: etsi, 30 proximo mense, id Consilium erat futurū, tamen Regiæ cupiditati omnis mora longa videbatur futura. Igitur cum amicis Comitis (nam ipse, graui morbo tum implicitus, Sterlini decumbebat) & propinquis agit, vt arcem sibi redderent, causata maxime, vulgus Edimburgense (quod tum tumultuabatur) in officio contineri, non posse, nisi ipsa in sua potestate arcem haberet: se autem, maximū sui, in Ioannem amoris pignus, filiū vnicū, Regni hæredem, ei seruandum & alendum, daturam: quo officio, in multis alijs principibus, ac, recenti memoria, in matre sua, ac auo, maiores eius vsi, cum summa laude, fuissent. Ille, etsi satis intelligeret, quo illa promissa & blanditiæ tenderent, tamen non agere consensit. Regina, cum eum faciliorem, quam sperauerat, inuenisset, tentat 40 efficere, vt, retento apud se filio, arcem, cum primum esset opportunum, reciperet: id cum obtinere non posset, alia fraude eum aggreditur: agit cum eo, vt puerum Limnuchi (quod mediū est, inter Edimburgum, & Sterlinum) certo die reciperet, & arcem traderet: sed cum hic suspicio fraudis grauissima subesset, tandem conuentū est, vt puer Areskino Sterlini traderetur: ipse interim, e propinquis & amicis, principes obsides daret, de arce reddenda. Et hæc quidem tum parricidas habebant sollicitos. Sed multo magis eos vrebant Comitis Leuiniani assidue quærimoniæ. Is, cum, propter Bothuelij potentiam, cum summa licentia coniunctam, in Aulam venire non auderet, per literas, Reginam continenter compellabat: ab ea enim petebat, vt Bothueliū procul dubio cordis auctorem, tantisper in custodia teneret, dum causæ dicendæ dies adesset: illa, etsi, multa comminiscendo, postulationem eluderet, tamen, cū rei tam atrocis quæstio cuitari non posset, hanc eius habendæ rationem iniuit. Instabat conuentus Ordinū ad Idus Apriles: ante 50 cum diem, iudiciū peragi, Regina volebat, vt reus, iudicū sententijs absolutus, etiam ro-
tius

tuis conuentus suffragijs purgatus, discederet: ea festinatio in causa fuit, vt, nihil ordine,
 nihil more maiorū, in eo iudicio, fieret. Accusatores, de more, citari debebant proximi,
 vxor, pater, mater, filius, vt vel adessent, vel procuratores mitterent, qui, intra quadrage-
 simū diem (nam hoc tempus legiūmū erat) se listerent. Pater adesse iussus, ad Idus Apri-
 les, idque sine amicorū aduocatione, cum sua tantum familia quæ, in summa eius ino-
 pia, ad paucos erat redacta. Cum interea Bothuelius, cum magnis agminibus, tota vrbe
 volitaret, Comes Leninius, in vrbe hostium plena, cum, sine amicorum & clientū præ-
 sidio, neque se tutum fore, neque, si vitæ periculum nullū esset, quicquam libere se agere
 posse, videret, abesse satius duxit. Ad diem dictum, Bothuelius, idem reus & accusator,
 in Prætorium ascendit: citantur, e Nobilitate, iudices, magna pars ipsius amici, nemine
 ex aduerso, qui quenquam reiiceret. Paruam iudicio moram fecit Robertus Cunigami-
 us, vnus e Leninij familia: is, venia dicendi petita, palam testificatus est, neque more, ne-
 que legibus, id iudiciū exerceri, vbi reus potentior esset, quam vt, poenas legibus dare,
 posset: accusator, mortis metu, abesset. Ita, quicquid ibi statueretur, cum nihil iure, nihil
 ordine gereretur, pro non iudicato, fore. Illi, nihilo minus, in incepto persistūt. Gilber-
 tus quoq; Castilissz Comes, magis vsurpandi iuris causa, quā quod, quicquam se pro-
 fecturū, speraret, cum iudex legeretur, se excusauit: multamq; etiam, quæ a recusantibus
 exigi solet, obtulit. Statim nuncius a Regina, annulū ferens, cum iudicare, iubet: ni pa-
 reat, custodiā minatur. Cū, ne custodiæ quidem metu, absterritus esset, rursus a Regina
 nuncius perduellionis poenam recusanti intentat. Hoc metu, sedere coacti, pronunciat,
 Se non videre, cur Bothueliū condemnent: si quas tamen, iure & ordine, postea accuset,
 cauent, ne hoc iudicium ipsis fraudi sit. Nec immerito ita pronūciasse, quibusdam sunt
 vili quod quæstio eis verbis decreta erat, vt, ne a seuerissimis quidem iudicibus, Bothue-
 lius condemnari posset: iuebantur enim, quærere de cæde, quæ facta fuerat, nono Feb.
 cum Rex decimo die fuerit occisus. Ita Bothuelius absolutus quidem, sed non infamia li-
 beratus est: suspicione enim aucta, poena, tantū dilata, videbatur: at Regina, ad nuptias
 properanti, quiuis color, quauis impudens, satis erat. Ad cumulū huius absolutionis,
 propositus est libellus, celeberrimo fori loco. Bothuelius etsi, legitimo iudicio, a cædis
 reatu liberatus esset, tamen, quo sua innocentia cunctis foret perspectior, se ferro para-
 tum decernere, si quis, integra fama, & honesto loco natus, eum Regiæ cædis in simula-
 ret. Nec defuit qui, postridie, æque ferociter, per libellum publice propositum, condi-
 tionem acciperet, modo locus certaminis designetur, in quo, circa periculū, nomen suū
 profiteri possit. His utcunq; succedentibus, tamen Regina in conuentu visa est ferocior:
 & quæ antea ciuilis animi speciem prætulerat, palam tyrannidis cupiditatem ibi renu-
 dauit: nam, quod Sterlini, in causa Religionis, promiserat, palam ibi promissum nega-
 uit: id autem erat, vt, primo quoque conuentu, quæ, per tyrannidem Pontificis Roma-
 ni laræ erant leges, abrogarentur: nouisq; legibus, Ecclesiæ instauratæ auctoritas stabili-
 retur. Præter autem id promissum, cum bina edicta chirographo eius signata proferren-
 tur, hic deprehensa, elusit: iussit enim, qui ab Ecclesia missi erant, alio die redire: neque,
 post id tempus, vnquam sui conueniendi copiam fecit. Actaq; conuentus, quæ, ante suū
 in Scotiam reditū, consentiente Francisco marito, edita erant, sub amnistia legem cade-
 re, pronūciauit. Ea vox omnibus, manifesta tyrannidis professio, videri. Itaq; cum Scoti
 nullas habeant leges, præter conuentuum decreta, subibat illa racita cogitatio, quæ vita
 futura foret, sub Principe, cuius arbitriū pro legibus habendū esset, promissis vero fides
 abesset. Hæc, sub finem conuentus, acta. Eodem tempore, Regina, ad nuptias festinanti,
 libido incessit, consensus publici quauis arte exprimendi, vt nihil, nisi procerum volun-
 tate, gessisse videretur. Bothuelius igitur, vt, publice auctoritatis specie, nuptias honesta-
 ret, hanc rationem commentus est: Nobiles omnes supremi Ordinis, qui aderant (ade-
 rant autem permulti) ad coenam inuitat: Ibi, solutis ad hilaritatem animis omniū, roga-
 uit, vt studium suum, quod, superioribus temporibus, declarassent, in posterū quoque,
 præstarent: In præsentia autem, petebat, vt, cum Regina ambiret nuptias, libello, quem
 ea de re confecerat, illi subscriberent: id sibi, & ad principis voluntatem conciliandam,
 vile, & apud ceteros homines honorificum futurū. Re tam subita & inopinata, omnes

attoniti, cum neque moestitiam dissimulare possent, nec abnuere, quod pet itum esset
auderent, paucis, qui Reginae animum exploratū habebant, praecunibus, reliqui igna-
ri, quantus assentatorum foret numerus, alij alijs suspecti, omnes subscribunt. Postri-
die, cum inter se, quid egissent, retractarent, quidam ingenue professi sunt, nisi Reginae
existimassent rem gratam fore, se nunquam assensuros: nam, praeterquam quod res pa-
rum honesta, & publice damnosa esset, periculum quoque fore, ut si (quod in superio-
re marito meminerant) orta discordia, Bothuelius reijceretur, ne ipsi aliquando dare-
tur crimini, quod Regnam prodidissent, atque, ad nuptias parum honorificas, ipsam
compulissent: igitur dum res integra esset, eius voluntatem explorandam, scriptumque,
manu ipsius signatum, impetrandum: quo scripto, sibi, quod de nuptijs actum ab illis es-
set, gratum esse, ostenderet: id facile impetratū, Comiti Argatheliae custodiendum, con-
sensu omnium, traditur. Postridie, quod in vrbe fuit Episcoporum, conuocatur in Au-
lam, ut & ipsi quidem subscriberent. Hac expeditis cura, incessit alia, ut filiū Reginae in sua
potestate haberet: nam neq; Bothuelius tutum sibi existimabat, alere puerum, paternū
aliquando cedis ultorem futurū: neque, alium esse, volebat, qui suos, in Regno gerendo,
liberos praecideret: igitur Regina, ut quae nihil ei denegare sustineret, ipsa partes in se sus-
cepit, pueri Edimburgum deportandi. Suberat & alia Sterlinū petendi causa, de qua po-
sterius dicam. Cum eo ventū est, Marria Comes, quid ageretur, suspicatus, puerum qui-
dem Reginae ostendit, sed ita, ut omnia in sua potestate haberet: & Regina, fraude detecta,
cū ad vim par non esset, dissimulato, cur venisset, ad iter se accinxit: quo in itinere, siue, 20
ob continuos labores, siue, ob indignationem, quod consilia (ut auctoribus videbantur)
callida parum prospere succederent, repentino dolore cruciata, in domūculam pauper-
culam concessit, ad quatuor ferme milia passuū a Sterlino: remittente se deinde dolore,
ad iter reuersa, Limnuchum ea nocte venit: inde ad Bothueliū scripsit, per Paridem, quid
de raptu fieri vellet: nam, antequam Edimburgo discessisset, cum eo transegerat, ut ipse
reuerterentem ad Almonis pontem eam raperet, ac secū, quo vellet, velut per vim, abdu-
ceret. Id ita vulgus interpretabatur: quod consuetudinem cum Bothuelio nec omnino
coelare, nec carere, nec, sine famae dispendio, tam palam, quā volebat, frui poterat: & lon-
gum erat, diuortiū cum vxore priore expectare: & honesto, cuius adhuc curā simulabat,
& libidini, cuius erat impatiens, pariter consuli volebat: itaq; belle ratio videbatur exco- 30
gitata, ut Bothuelius, grauissimo quidem suo crimine, sed cuius poenam non metuebat,
Reginae redimeret infamiam. Sed altius (ut est intellectū, postea) suberat huic commento
consiliū. Nam cum populus Regiae cedis auctores frequens nominaret, & execraretur,
illi, ut suae securitati prospicerent, suadente (ut creditur) Ioanne Lessio, Rossiensi Episco-
po, Reginae raptū excogitarū: nam cum in Scotia mos esset, ut diplomata, quibus scelerū
gratia fit, qui veniam petit, grauissimū facinus nominatim, exprimat, ac cetera generali-
bus verbis adijciat, decreuerunt parricidij publici conscij, nominatim, de manus iniectione
in Principem, veniam petere, deinde, velut in cumulum, subijcere, CAETERIS NE-
FARIIS FACTIS: qua clausula, eadem Regiam posse contineri, sibi persuaserant, quam
nec tutū videbatur, in diplomate, auctoribus nominari, aut condonanti honestū: nec le- 40
uiori crimini, instar appendicis, adijci poterat. Aliud crimen, minus inuidiosum, sed pari
poena plectendū, erat excogitandū, sub cuius umbra, cades Regia & tegeretur, & condo-
naretur: nihil autem occurrebat, nisi simulat⁹ ille raptus, quo & Reginae voluptati, & Bo-
thuelij securitati prospici posset: igitur ille, sexcentis comitatus equitibus, ad Almonis (ut
conuenerat) pontem, Regnam opperitur, ac eam, non inuitam, secum Dumbarū ducit.
Ibi, dum libere animo indulgent, diuortiū, priore vxore in ius vocata, fit, idq; duplici in
foro: nēpe, apud iudices publice constitutos, qui, de hoc genere quaestionū cognoscerēt:
& apud Officiales, quos vocant, iudices Episcopales, etsi decreto publico veritos, quicquā
pro Magistratu agere, aut vllā negotij publici partē attingere, Gordoniam, Bothuelij vxor,
cogitur, in duplici foro, litem de diuortio intendere: apud iudices Regios, accusat vxor, 50
maritū adulteri, quae vna iusta apud eos erat diuortij causa: apud iudices Papanos, lege
veritos tamen ab Archiepiscopo Fani Andree, ad hanc litem cognoscendam, datos ac-
cusatur idem, ante matrimonium, cum propinqua vxoris stupri consuetudinē habuisse.

Nulla

Nulla in diuortio faciendo nec in testibus, nec in iudicibus fit mora: intra enim decimum diem, lis suscepta, disceptata & diiudicata est. Suerlini collecta sincerior pars Nobilitatis ad Reginā mittunt, qui rogarent, Sponte ne, an inuita teneretur: nam, si inuita illic esset, se, coacto exercitu, eam liberaturos. Illa, nūcio non sine risu accepto, respondit, se inuitam eo adductam, sed ita humaniter tractari, ut de priore iniuria non habeat, quod multum queratur: ita irriso nuncio, properantibus, raptus iniuriam per legitimas nuptias leuare, duo adhuc restare videbantur impedimenta: alterum, si captiua nuberet, pro viciosis haberi possint nuptiae, atque ideo facile solui: alterum, ut consuetæ seruarentur ceremoniae, ut videlicet, publice, in conuentu ciuium, tribus diebus Dominicis, nuptiae futuræ, inter Iacobum Heburnum, & Mariam Stuartam, denunciarentur, ut, si quis quid vicii aut impedimenti sciret, quo minus legitime coirent, rem ad Ecclesiam deferrent. Hæc ut conficerent, Bothaelius, conuocatis amicis & clientibus, Reginam Edimburgum reducere, statuit: ut ibi, obtentu vano libertatis, ipse libere de nuptiis, arbitratus suo, statueret. Comites eius cum plerique armati essent, inter reducendum, timor animos multorum incessit, ne aliquando fraudi sibi foret, quod reginam captiuam adhuc tenerent: nam, ut cætera absint, hoc vnum satis argumento esse, quod armati circa eam, temporibus & rebus alioqui pacatis, conspicerentur hoc scrupulo iniecto, abijciunt omnes hastas, & pacatiore, saltem in speciem, agmine, in arcem Edimburgensem, quæ tum in potestate Bothuelij erat, eam ducunt: postridie, in urbem atque in confessum iudicum, eam comitantur: apud quos & ipsa se liberam & sui iuris affirmat. Cum, de nuptiis in Ecclesia denunciandis, ageretur, & Lector, cuius id munus erat, constanter recusaret, collecti Diaconi & Seniores, cum reluctari non auderent, iubent, Ecclesiasten nuptias futuras, de more, edicere: & is quidem hætenus paruit, ut, se vicium quidem scire, profiteretur, ac paratum, seu Reginæ, seu Bothuelio, cum vellent, indicare. Is cum in arcem accersitus venisset, Regina eum ad Bothuelium remisit: qui quamquam, nec blanditijs, nec minis, Ecclesiasten de proposito deduceret, nec, rem disceptationi committere, auderet, tamen nuptias apparat. Vnus Orcadum Episcopus est inuentus, qui gratiam Aulicam veritati præferret, cæteris reclamantibus, causasque proferentibus, cur legitimæ non essent nuptiæ cum eo, qui duas uxores, adhuc viuas, haberet, tertiam, ipse nuper suum falsus adulterium, dimisisset, ita, indignantibus omnibus bonis, vulgo etiam execrante, propinquis per literas improbantibus, inchoatas, & publicis ceremonijs simulatis, etiam factas detestantibus, tamen matrimonium celebratur. Qui aderant, e Nobilitate (nam omnes fere domos discesserant, præter paucos, Bothuelij amicos & propinquos) ad coenam inuitati, & vna cum ijs, Crocus Gallus legatus. Is quanquam Gusiænæ factionis esset, & in propinquo diuersaretur, constanter tamen venire recusauit: neque enim existimabat, e dignitate legationis, quaungebatur, esse, ut eas præsentia sua nuptias probaret, quas audiebat, diris execrationibus vulgo deuouerit: propinqui quoque Reginæ & inchoatas, & factas improbarunt: & Reges Galliarum & Angliæ, per legatos, rei fœditatem auersabantur. Hæc etsi molesta erant, vulgi tamen molestia tacita tanto magis angebat ferox Reginæ ingenium, quanto visa, quam audita, altius in animo penetrant: euntes enim per urbem nemo, solitis acclamationibus, Reges prosequebatur: semel, vna tantum muliercula cum bene Reginæ precata esset, altera astans semel, atque iterum proclamauit, ut a circumstantibus facile exaudiri posset. Ita cuique sit, uti promeretur. Ea quidem res non leuiter iam Edimburgensibus ante insensum eius animum inflammavit. Hunc animorum cum, domi forisque, videret motum, cum paucis consultabat, quomodo suam potentiam stabiliret, & in posterum sibi a tumultibus prospiceret. Primum omnium, decernitur in Gallias legatio, ut animos Regum, & Gusiænorum, præcipitatis nuptijs offensos, reconciliaret. Legatus delectus Gulielmus, Episcopus Dunblanensis: mandata ei data hæc, fere ad verbum: Primum, nos excusabis Regibus, auncisq; nostris, quod matrimonij nostri paracti rumor prius ad eos permanauit, quam, per viros nostros nuncios, consilium, ea de re, nostrum aperuissemus. Hæc excusatio vel fundamentum, innitetur veræ expositioni totius vitæ, ac præcipue officiorum Ducis Orcadū, aduersum nos, ad eum usque diem, quo nobis est visum, eum coniugem asciscere:

„ Elus autem historiae, uti res habet, explanationem aggredieris, initio sumpto, ab ultimis
 „ usque spatiis adolescentiae: Cum primam suarum rerum fuit compos, statim, a morte pa-
 „ tris, hominis inter Regni primates primarij, quibus posset, officijs, se Regibus colendis
 „ totum dedit, & erat alioqui familia in primis illustri, cum, ob veterem nobilitatem, tum,
 „ ob maxima Regni munia, quae, iure hereditario, possidebat: Eo autem potissimum tem-
 „ pore, matris nostrae, quae tum imperij summam moderabatur, se penitus dedit, in eaq; co-
 „ lenda ita perseveravit, ut, quanquam breui maior pars Nobilitatis, ac pene uniuersa opida
 „ praetextu Religionis, ab ea descinissent, nunquam tamen ille ab eius auctoritate declina-
 „ rit, aut ullis promissis, beneficijs, seu adduci posset, aut minis, rerumq; domesticarum dam-
 „ no perterreretur, ut in villa, erga eam, officijs parte cessaret: potiusque sit passus, domum, quae 10
 „ patrimonij caput erat, cum suppellectili preciosa & ampla, diripi: bonaque reliqua inimi-
 „ cis praedae esse: Denique nostro, atque adeo civium omnium auxilio destitutus, Anglorum
 „ exercitu in ipsa Regni viscera ab hostibus domesticis inducto, qui nullum alium in sco-
 „ tum tela sua dirigerent, quam, ut noster maritus (tum Bothwell Comes) vi coactus, pa-
 „ tria patrimonioque relicto, se in Franciam recepit: ibique usque ad meum in Scotiam re-
 „ ditum, quibus potuit officijs, me coluit & observavit. Nec omittenda erunt res, ab eo bel-
 „ lo gestae adversus Anglos, paulo ante meum reditum, ubi tale specimen & militaris for-
 „ titudinis, & senilis prudentiae dedit, ut dignissimus sit existimatus, qui, admodum iuuenis,
 „ natu maioribus imperaret: & supremus totius patrii exercitus dux, nosterq; Vicarius eli-
 „ gereur: Quo in Magistratu, adeo spem hominum non fefellit, ut, rebus fortiter gestis, 20
 „ praeclarum suae virtutis memoriam apud ciues, & hostes reliquerit. Post reditum vero
 „ nostrum, omne suum studium contulit, ad auctoritatis nostrae amplificationem: nec suis
 „ unquam pepercit periculis, in perdomandis rebellibus, qui proxime limites Anglorum
 „ accolunt, ac breui rebus ibi ad summam tranquillitatem redactis, idem in ceteris Regni
 „ partibus praestare, destinavit: Verum, ut invidia semper virtutis est comes, Scoti, rerum
 „ novarum avidi, nonnulli nostrum, erga eum, studium & fauorem imminuere cupien-
 „ tes, benefacta eius male interpretando, tandem perfecerunt, ut eum custodiae commit-
 „ teremus: partim, ut quorundam aemulorum placemus animos, qui, futurae magnitudinis
 „ incrementa ferre, non poterant: partim, ut iam iam erupturas, in Regni totius perniciem,
 „ seditiones compesceremus. E custodia elapsus, ut aemulorum impotentiae cederet, in Gal- 30
 „ liam se recepit: ibique mansit ferme, usque ad biennium proximum, quo tempore, priorum
 „ seditionum omnium auctores, obliti & nostrae erga se lenitatis, & sui erga nos officij, bello
 „ suscepto, ad arma adversus nos ierunt. Ibi ille, nostro iussu revocatus, ac bonis cum pri-
 „ stinis honoribus ei restitutis, iterum omnibus copijs Legatus est praefectus: eius autem
 „ ductu, ita statim nostra restituit auctoritas, ut uniuersi rebelles, subito patria relicta, co-
 „ acti sint, in Angliam se recipere: donec pars eorum supplices, post humillimas preces, fue-
 „ runt a nobis in gratiam recepti. Ob reliquos vero reductos, quam perfidiose fuerim tra-
 „ ctata, per eos, quos maioribus, quam promerebantur, beneficijs affectimus, non ignorat
 „ noster avunculus, ideoq; paucioribus ea attingo. Nec tamen silentio praetereundum est,
 „ quanta cum solertia e manibus eorum, qui me tum captivum detinebant, liberavit: quam- 40
 „ que celeriter, eius singulari providentia, & ego e custodia euaserim, & tota factione con-
 „ iurata dissipa, pristinam auctoritatem recuperaverim. Hic equidem fateri cogor, of-
 „ ficia eius, num mihi praestita, adeo grata fuisse, ut nunquam nobis e memoria potuerint
 „ excidere. Haec autem cum sint per se maxima, tanta sedulitate & diligentia, ea haecenus
 „ cumulant, ut nec maiorem observantiam, nec fidem in quoquam optare possimus, quam
 „ in eo deprehenderimus, usque ad haec postrema tempora, quae Regis, mariti nostri, decessu
 „ sum sunt consecuta: Ab eo enim tempore, ut cogitationes eius, ad sublimiora niti, vide-
 „ bantur, ita & actiones insolentiores quodam modo sunt visa: Et quanquam eo res pro-
 „ cessit, ut omnia nobis, in meliorem partem, sint accipienda, gravissime tamen tum nos
 „ offenderant haec, primum arrogancia, quod nullam referendae gratiae reliquam nobis pu- 50
 „ raret superesse facultatem, nisi in ipsam ei, velut officiorum praemium, traderem: occultae
 „ rationes & consilia, ac tandem apertus mei contemptus, & vis adhibita, iu me (ne cona-
 „ tu frustraretur, in suam potestatem redigenda. Interea tota viri ratio, ei in hac parte in-

firmita, exemplo potest, quam callide sua consilia tegant, qui magnū facinus susceperūt, donec voti compotes fiant: Ego enim hanc perpetuam eius obseruantiam & sedulitatem, imperijs meis cum summa celeritate parendi, non ex alio fonte manare, quam ex vehementi studio declarandæ erga me voluntatis, existimaui: neque altius vllum aut votum, aut consilium illic occultari putabam: Nec, vnquam fore, speraui, vt paulo familiarior vultus, quo vti solemus, erga homines illustres, vt voluntates eorum, ad lubentius nobis parendum, deuinciamus, animum eius erigeret, vt insolentioris beneuolentia spem sibi de nobis promitteret. Ille tamen fortuita etiam in suam rem trahens, consiliaque sua clam me fouens, tum quidem, solita obseruantia, & pristinum nutrebat fauorem, & prenando Nobilitatem, nouum occulte ambiebat: tantumque assidua diligentia perfecit, vt me rerum illarum inscia, etiam Ordinum conuentus hic esset, ab vniuersa Nobilitate scriptum impetrauerit, omnium chirographis, ad fidem faciendam, apposis: quo scripto, non modo nuptijs, inter me & illum, assentiebantur, ac, bona vitamque, in consilijs exequendis, se omnibus periculis obiecturos, promittebant, seque omnibus, qui rem impedire conarentur, futuros hostes: Nobilitati autem, vt facilius obtineret suffragia singulorum, persuaferat, me non inuita, hæc a se geri. Hoc demum scripto ab illis impetrato, coepit pedetentim, accuratissimis precibus nostrum quoque consensum eblandiri: Sed cum responsa nostra eius libidini non consentirent, coepit, ante oculos reuocare ea fere, quæ, in huiusmodi consilijs suscipiendis, occurrere consueuerunt: exteriora nostræ voluntatis indicia: rationes, quibus aut nostri amici, aut ipsius inimici eius consilium impedire possent: & ne, qui iam subscriperant, animos mutarent: multa item alia, quæ, aut obiecta, aut sponte occurrentia, eius expectationem frustrari possent. Tandem secum statuit, fortunæ fauenti instare, atque in vnius momenti aleam, rem, vitam spemque conijcere. Itaque, cum apud se decreuisset, gnauius consilij sui euentum tentare, quarta fere post die, cum, ab inuisendo carissimo filio, redirem, & locum & tempus opportunum in via nactus, valida manu me aggressus, cum summa celeritate, Dumbarrum duxit: Id facinus quam in partem acciperemus, ab eo præsertim, a quo ex omnibus nostris cinibus tale quicquam minime expectabamus, facile secum quiuis existimabit: Ibi ei exprobraui, quanto semper cum fauore fuerim profecuta, quamque ei apud alios fuerit honorifica mea, de eius moribus, opinio: eiusque, contra, aduersus me, ingratitude: quæque alia facere possent, ad me ex eius manibus liberandam. Tractatio quidem asperior, sed sermo atque responsa molliora erant: Se enim omni honore & obseruantia, aduersum nos, vsurum, operamque daturum, ne, vlla in re, animum nostrum offenderet. Quod autem me inuitam in vnam ex arcibus nostris deduxisset, tam audacis facinoris veniam supplex petijt: sed ad quod, vi amoris (reuerentiæ & obsequij), quod, vt ciuis, mihi debebat, oblitus) impulsus fuisset. Accessit eodem, quod, salutis tuendæ causa, eo cogeatur. Ibi totum vitæ cursum mihi recensere, coepit, suamque fortunam lamentabatur, quod, quos nunquam læsisset, sibi inimicos grauissimos offenderat: quorum malitia nullas iniuste nocendi occasiones prætermitteret: Quanta Regiæ cordis inuidia eum onerarent: quam impar occultis inimicorum conspirationibus esset, quos nec nosse posset, quod omnes, vultu & oratione, beneuolentiam simularent, nec eorum, quos non nosset, præcauere posset insidias: Tantam autem eorum esse malitiam, vt, nullo in loco, nullo in tempore, securus vitam queat degere, nisi de nostro immutabili, erga se fauore certus: Hanc autem certitudinem vna ratione parari posse, si ego in animum inducerem, vt meo dignarer cum matrimonio: Sanctissime autem deierabar, se nullam inde præcellentiam, aut supremi gradus fastigium spectare, sed illud vnum, vt mihi perinde, atque adhuc fecerat, pareret, atque inserviret, quoad viueret: Adhæc, quantam ea causa poscebat, venustatem orationis adijciebat: Verum, cum, nec precibus, nec promissis videret nos inflecti: tandem nobis indicauit, quid cum Nobilitate vniuersa, atque Ordinum principibus egerit: quid illi rursus, apposis chirographis, promiserint. Hæc, subito præter opinionem obiecta, iustam necne stuporis nobis causam dederint, Regiæ, Regiæ, auunculo, ceterisque amicis iudicandum, relinquimus. Itaque, cum me per-

„ spicerem in aliena potestate positam, seorsum ab omnibus, quorū vti consilio solebam:
 „ imo cum eos viderem, in quorum ante fide & prudentia conquiescebam, quorum vires
 „ nostram auctoritatem rueri debeant, sine quibus nostra vires perexigua, ac potius nul-
 „ la sunt, hos cum viderem, ad subseruiendum cupiditati eius, sese deuouisse, meque so-
 „ lam ei in prædam relictam, multa quidem cum animo sola versabam, sed exitum plane
 „ nullum reperiēbam: Verum ille nobis non admodum longū, ad consilium capiendum,
 „ tempus dabat: sed continenter & importune, propositum vrgebat. Postremo, cum ne-
 „ que spem euadendi vllam viderem, neq; quenquam, in toto Regno, cui nostra libertas
 „ curæ esset (facile enim perspexeram, e chiographis datis, & summo illius temporis si-
 „ lentio, cūctos in eius partes fuisse tractos) coacta demū fui, ira paululū & indignatione 10
 „ mitigata, animū, ad eius petitiones excutiendas, referre: atq; ante oculos proponere su-
 „ periorum temporū officia, & spem, in eadem eum nostri obseruantia constanter in po-
 „ sterum perseveraturum. Item, quā grauate, nostri ciues Regem peregrinum, legibus
 „ & institutis eorum in assuetum, essent recepturi: quod non diu, me cœlibem esse, pate-
 „ rentur: quod populus, natura factiosus in officio contineri non posset, nisi nostra au-
 „ thoritas & fulciatur, & exerceatur, per virum, qui labori ferundo par sit, in administran-
 „ da Repub. ac rebellantium insolentia coercenda: quarū rerum pondus vires nostræ, ab
 „ eo tempore, quo in Scotiam rediimus, debilitatæ, ac propemodū fractæ, assiduis tumult-
 „ uibus ac rebellionibus, amplius sustinere nequeunt. Item, quod, ob has seditiones, qua-
 „ tuor, aut etiam plures Legatos, in diuersis Regni partibus, creare sumus coactæ, quorum 20
 „ pars maior, eo colore imperij, a nobis permitti, freta, nostros ciues, arma sumere aduer-
 „ sus nos, coegit: Ob has ego causas cum futurum viderem, vt, si Regij nominis dignita-
 „ tem saluam vellem, animū ad nuptias inflectere cogerer: nec ciues nostri Regem exter-
 „ num passuri forent: nec, inter ciues, quisquam esset, qui, vel splendore familiæ, vel pru-
 „ dentia & fortitudine, alijsque corporis & animi virtutibus, præferri, aut conferri etiam
 „ posset, cum eo, quem nos maritum accepimus: Mihimet ipsi imperaui, vt vniuersali om-
 „ nium Ordinū consensui, de quo vt a me dictum est, me adiungerem. Postquam, his mul-
 „ tisque alijs rationibus, animi mei labefactata est constantia, partim a me vi expressit,
 „ partim obtinuit obsequijs, vt, ei me nupturam, promitterem. Nec tamen adhuc ab eo, vt
 „ qui semper volūtatis mutationem pertimescebat, obtinere vllis argumentis potuimus, 30
 „ vt matrimonij perficiendi tempus prorogaremus, vt videlicet tantum moræ interpone-
 „ retur, donec rem communicaremus, cum Rege, Reginaque Galliarū, cæterisque nostris
 „ amicis: Verum, vt ab audaci facinore exorsus ad primū suæ cupidinis gradū peruenerat,
 „ nunquam cessauit, ad argumenta preces importunas adiungere, donec tandem, nec sine
 „ vi, nos impulit, vt operi inchoato finem imponeremus, idque, eo tempore & modo, quæ
 „ illi, ad id consilium exequendum, visa sunt commodissima: Qua in parte, dissimulare
 „ non possum, me ab eo aliter tractatam, quam aut voluissem, aut promerita fuerim: ma-
 „ gis enim sollicitus fuit, vt satisfaceret illis, per quorū consensum, initio expressum, voti
 „ compotem se putat (quanquam & illos, & me pariter decepit) quam vt mihi gratificare-
 „ tur, aut expenderet, quod mihi decorum foret, quæ, in Religionis nostræ institutis & ri- 40
 „ tibus, fuerim educata: a qua me nec ille, nec quisquam alius vnius viuam abducat. In hac
 „ certe re, etsi errorem nostrū agnoscimus, tamen libenter cuperemus, ne Rex, & Regina
 „ mater eius, & noster auunculus, aut alius amicorum ea de re expostulet, aut eam vicio ei
 „ vertat: nunc enim, rebus ita transactis, vt infectæ fieri non possint, in meliorem partem
 „ omnia accepimus: & vt est re vera, ita maritus noster est existimandus, quem, dehinc, &
 „ amare & colere decreui: Quicunque autem se profitentur nostros amicos similes erga
 „ eum, se profiteri necesse est, qui insolubili vinculo nobiscum coniunctus est. Quan-
 „ quam, nonnullis in rebus, paulo negligentius, ac pene temerarie se gesserit, quod im-
 „ moderatæ, erga nos, affectioni libenter impuramus, cupimus tamen, vt Rex, Regina,
 „ noster auunculus, ac cæteri amici eum non minore prosequantur beneuolentia, quam si 50
 „ omnia, ad hunc vsque diem, ex eorum præscripto, transacta fuissent: eumque contra pro-
 „ mittimus, in omnibus quæ ab eo postulabuntur, semper gratificari paratum. Hac qui-
 „ dem foris, aduersus famam, late fusam, quaesita remedia. Aduersus domesticos morus,
 „ prouisum,

protulsum, ut, cum donis, in presentia, & in posterum, pollicitationibus eos confirmassent, qui vel auctores, vel conficii Regine cadis erant; coniurationem maioris partis procerum facerent: quibus fratri, reliquos facile contemneret, aut si pertinaciores forent, tollerent. Igitur, convocatis compluribus, scriptum eis proponunt, in quo capite inerat foederis, in quod iurarent, cuius fere summa erat, ut Reginam & Bothuclium, & eorum omnia tuerentur: Illique, Annicem, Foederatorem salutis & commodis, quoad possent, fauerent, & consulerent. Qui presentes erant, magna pars iam optea persuasi, subscribunt: reliqui, cum flagitiosum viderent coniurare, periculosum abnuere, & ipsi subscribere. Accersitur Moravius, ut eius auctoritas (quae obgratissima summa erat) accederet. Is, in itinere, monitus ab amicis, ut sibi confideret, ne quid sessioni adibus, in quibus Regina & coniuratorum principes erant, percontaretur. Sed ad propinquam alicuius amici villam diuerteret: respondit, id in sua potestate non fore: verum, vicinque rescaderet, se nulli unquam flagitio assensurum: cetera Droperum. De foedere rogatus ab aulicis, quibus id Regina dederat negotium, respondit, se nec iuste, nec honeste, cum Regina (cui, in rebus omnibus, obtemperare debeat) foedus posse facere: cum Bothuelio se, Regina auctore, conciliatum: quicquid tum promississet, ad unguem servaturum: nec, cum eo, nec cum alio quoquam, foedus aut coniurationem facere se, aequum, aut Republica existimare. Cum per aliquot dies, Regina, solito blandius, cum alloqueretur, ac se polliceretur, de omnibus rebus, suam sententiam explicaturam, nec pudor tamen eloqui sineret, per familiares, animum eius oppugnare tentavit. Hi quoque eius in recto constantiam reueriti, quid peterent, palam fateri: cum nihil, rectius agendo, proficerent, tandem Bothuelius cum aggressus, vario sermone eo est progressus, ut diceret, se facinus illud, nec sponte, nec sibi soli, fecisse. Eam vocem cum vultu altera spernaretur, Bothuelius sermone graui, & interdum conuiciis propior, omnia versando, cum discordiarum causas interfereret, remque ad altercationem protrahere, conaretur, ille contra, moderate respondendo, nullam illis occasionem dare, ac se rectum tenere, nec a proposito tamen discedere. Cum, in his angustiis, aliquot dies versatus fuisset Moravius, tandem a Regina veniam petiit: ut, quando sui non magnum videret usum in Aula, ad Fanum Andree, vel in Moratiam usque secederet: a suspitione enim motuum, quos orituros praeuidebat, procul abesse cupiebat. Id cum non impetraret, nec in Aula, sine summo & certo periculo, esse, posset, tandem liberam Legationem expugnauit: sed ea lege, ne in Anglia subsisteret, sed per Flandriam in Germaniam, aut si quo alio vellet ascenderet. Verum, cum, Flandriam petere, nihil aliud esset, quam in apertum discrimen se precipitare, tandem egre tenuit, ut per Angliam in Gallias, deinde illinc, quo commodum videretur, se conferret. Homine libero & populari liberata Regina, cetera tyrannidis impedimenta conatur amoliri: hi autem erant, qui aut non libenter sceleris eius subscripsissent, aut, non facile consiliis eius acquieturi, viderentur. In primis autem eos oderat, qui, cupi animum eius nihilo mitiorem erga filium, quam fuisset erga maritum, viderent, Sterlini coniurauerant, in nullum quidem scelus, sed tantum, de pueri incolompitate tuenda: cum enim cupiebat mater in vitrici potestatem tradere. Is autem, nemo dubitabat, quin puerum, primo quoque tempore, per occasionem, de medio tolleretur: ne vel cadis Regiae ultor superesset, vel ne esset, qui liberos suos, in hereditate Regiae adeunda, praeiret. Principes eius coniurationis hi erant, Comites Argathelius, Mortontius, Marrus, Atholius, Glencarnius: item eiusdem ordinis, sed proximi gradus, Patricius Lindesius, & Robertus Bodius: item amici & clientes, qui se eis adiunxerant: sed Argathelius, eadem, qua consenserat, leuitate, consilia ceterorum, perendie illius diei, Reginae prodidit: & Bodius, magnis pollicitationibus, in partes aduersas traductus est. Proxime post hos, erant suspecti, qui ad Angliae litem habitabant, hominiorum, Carorum, & Scottorum familiae: quorum potentiam omni ratione imminuendam existimabant: ad id autem, occasio visa est peropportuna. Nam, cum Bothuelius expeditionem pararet in Lidaliam, ut & ignominiam, ibi, superiore Autumnus acceptam, aboleret, & militiae laudem parta, inuidiam Regiae cadis imminueret, omnes

familiarum Teuotia principes iussi a Regina sunt, in arcem Edimburgensem ingredi,
 ut ibi, ad breue tempus, in libera custodia essent, præteritū quidem, ne in expeditionem,
 quæ eis iniuncta, non videbatur, magno cum successu posse confieri, ducerentur, remque
 per inuidiam turbarent; & eis absentibus, cliētes eorum affuiscerent alienis Imperijs,
 & paulatim patronorum caritatem exuerent. Sed illi, aliud aliquid sub hoc imperio la-
 tere, ratij nocte domos discesserunt, præter Andream Carum, qui parricidij non ignarus
 vulgo credebatur, & Valterum Carum Sessfordium, hominem, ob summam vitæ inte-
 gritatem, nihil suspicantem. Humius, aliquoties a Bothuelio vocatus in Aulam, certus
 de eius erga se voluntate, abnuit venire. Consilium nihilominus, de expeditione, pro-
 cedia Regina ad Borthuicum arcem, citra octo ab Edimburgo millia, substitit interea,
 quid de Regis incolumitate tuenda, conspirauerant, cum animus Bothuelij, erga se, non
 ignoraret, aliquid tentandum, rari, simul suæ securitatis causa, simul, ut, de auctore ca-
 dis Regis expectata pecunia publicani Scotici nominis, apud exterarum gentes, leuarent in-
 famiam, itaque, vulgi fauorem suos morus secuturum, arbitrati, ad duo millia equitum
 ita occulte contraxerunt, ut Regina, id agitari, omnino non senserit, donec Humius,
 pariter exercitus Borthuicum admo-³⁰ tam, cum Bothuelio obsideret: sed cum reliqua
 coniuratorum pars, ad dictum tempus, non conuenisset, nec ipse tantam haberet mul-
 titudinem, ut omnes extrus clauderet, & se-³⁰ gnius, quam par erat, omnia gererentur,
 quod, rem a reliquis omissam, credidit, primus Bothuelius, deinde Regina, veste vi-
 rili sumpta, euasit: ac recta Dumbarton abiit. Coniurati autem quominus in tem-³⁰
 pore conuenirent, per Atholium ititit: is enim, vel susceptæ rei magnitudine percussus,
 vel ingenti cunctatione retentus, reliquos Stirlingi derinuit: donec occasio rei gerendæ
 foret in manibus elapsa: verum, ne nihil tanto conatu patratum videretur, maior pars,
 ad Edimburgum capiendum, est missa. Arcem eius opidi tenebat Iacobus Balfurius, a
 Bothuelio sibi creditam, ut qui parricidij particeps, & omnium consiliorum vel conscius
 vel auctor ei fuerat: sed cum nec operæ nauaræ premium accepisset, & minore, quam
 sperauerat, gratia se apud tyrannos esse, cerneret (quippe qui, arcis præfecturam adimere
 ei, tentassent) expulsis diuersæ factionis hominibus, locum suæ potestatis fecit: actum
 promiserat publici parricidij vindicibus, eam innoxiam fore: tractabatque cum illis,
 de condicionibus ejus liberandæ. Erant in opido tum, e factione Regi-³⁰
 cipis, Ioannes Hamiltonius, Fani Andree Archiepiscopus, Georgius Gordonius, Hun-
 tilar Comes, & Ioannes Leslius, Rossiensis Episcopus: hi, cum sensissent, hostes suos
 in urbem acceptos, in forum prouolantes, duces multitudini sese offerunt: sed cum
 rari admodum ad eos sese aggregarent, retro cedendo, ad arcem usque compulsi fu-
 runt: ibi a Balfurio intromissi, per aduersam partem post paucos dies emissi incol-³⁰
 nes: Balfurius enim, re nondum cum alteris transacta, nolebat, omnem spem veniæ
 apud alteros sibi præcidere. Opidum facile coniurationi Nobilitatis accessit: utpote,
 paulo ante, nouisa Regina tributis sæpe exspoliaturum, & quod tum in egestate publica
 nihil moderatum expectabat, offensa, velut communi consensu, tyrannide: quodque,
 quoties voluntatis declarandæ locus dabatur, scelus eorum diris execrationibus prose-⁴⁰
 quebantur. Cum, hoc pacto, segnitè ad Borthuicum procerum factio rem gessisset,
 Regina & Bothuelius, qui per neglectas vigilas, de nocte euaserant, cum paucis ad
 Dumbarton profecti, se in arcem ibi munitissimam condiderunt: unde tanta rerum
 commutatio consecuta est, ut, qui modo in summa desperatione versabantur, con-
 fluentibus undique, qui vel eorum sceleri connexi erant, vel Regij nominis umbram
 sectabantur, & satis firmi, ad debellandos aduersarios, sibi videbantur. Contra, liberta-
 tis vindices in magnis versabantur angustiis: paucis enim, contra, quam sperauerant,
 ad famam tam præclari facinoris accurrentibus, vulgi ardore, ut sit, cito restincto, &
 magna parte Nobilitatis aut aduersa, aut in alieni periculi euentum suspensa: deinde,
 etiam si multitudo vindices essent superiores, omni tamen oppugnandarum arcium
 apparatu destituebantur. Itaque, cum consiliorum nullum, in præsentia, exitum inue-
 nissent, ac, prope necessitate coacti, de reditu, re infecta, cogitarent: Regina hanc eis
 dubitationem sustulit: ea enim, cum vires iam auxilium facerent, statuit, cum ea multi-
 tudine,

tudine, quam secum habebat, Leitham proficisci, ut ex propinquo fortunam tentaret:
 simul ad suum adventum rata maiorem concursum futurum: simul audaciam terrorem
 hostibus allaturam: praevenit enim temporis successus ita animos ei auxerat, ut nemi-
 nem existimaret, ne primum quidem suum conspectum toleraturum: & aluerant eius
 confidentiam adulares, & in primis, Edmondus Hains, confidicus: Is affirmabat,
 omnia virtuti eius prona esse: hostesque, & rerum, & consiliorum inopes, ad famam
 eius adventus, abituros: cum restamen longe secus haberet, nihilque, in rebus praesen-
 tibus, ei mora fuisset utilius: nam si illa, triduum modo, in arce Dumbari se continuisset,
 vindices iuris publici, omni belli apparatu destituti, libertate frustra attempta, domos
 10 quisque suas discedere coacti fuissent: Illa nihilominus a Dumbaro, incertum peiore
 consilio, an spe vaniore impulsus, movet, sed itinere lento, dum agricolis, e rure vi-
 cino collectis, arma dividuntur. Tandem ad Setonium vicum, sub noctem, veniunt:
 & quia locus tantam multitudinem non capiebat, in propinquos pagos (vtrique Prae-
 stono nomen est) sparguntur. Trepidus inde nuncius, paulo ante mediam noctem,
 venit Edimburgum, ac statim, signo dato, conclamatur ad arma: ex perrecti e somno
 tumultuose, quam quisque potest festinanter, in campos proximos sese eiciunt, ac
 ibi, circa Solis ortum, multitudine satis frequenti collecta, aciem instruunt: inde ad
 Musselburgum profecti, ut flumen Escam transirent, antequam pons & vada ab hosti-
 bus occuparentur (is vicus duo tantum millia a Praestono abest) verum, cum heminem
 20 inde obviam haberent, neque, quicquam moveri, perspicerent, ibi dispositis vigiliis,
 cibum capiunt. Interea, qui missi fuerant, ut explorarentur, paucos equites conspicati,
 eos intra pagum compulerunt, ipsi, metu insidiarum, non ausi ulterius progredi, nil
 certi ad suos retulerunt, nisi, hostes castra movere: igitur vindices, Musselburgo
 egressi, vident hostes in supercilio cliui aduersi, acie instructa, stare, ac suis se locis te-
 nere. Cum cliuius ita rectus esset, ut, non sine pernicie, ad eos perveniri posset, paulum
 in dexterum deflectunt, simul, ut Solem haberent a tergo, simul, ut molliore cliuo
 ascenderent, & locis minus iniquis configerent: Id eorum consilium Reginam pri-
 mum fefellit, quae, eos fugere, & Dalkethum, Comitum Mortonij propinquum opu-
 dum eos petere, credebat: persuaserat enim sibi, Regij nominis eam fore reueren-
 30 tiam, ut nemo, ex aduerso apparere, auderet: Sed ibi facile apparuit, auctoritatem, ut
 bonis artibus comparatur, ita malis amitti: maiestatemque, virtute destitutam, leui
 momento evanescere. In itinere, populariter Dalkethenses effusi omne genus coti-
 meatus abunde attulerunt: unde relictis viribus, ac siti, qua maxime laborabant, seda-
 ta, ubi primum aequum locum occuparunt, duas in hostem dirigunt acies: primam pra-
 erant Mortonius, adiuncto Alexandro Humio, cum suis clientibus: secundam ducebant
 Comites Glencarnius, Marrius, & Atholius. Ibi cum in procinctu starent, venit ad eos
 Crocus, orator Gallus. Is per interpretem praefatus, quantum semper commodis &
 tranquillitati publicae Scotorum studuerit, nunc quoque eodem esse animo, & vehem-
 40 enter cupere, ut si fieri posset, sine vi, sine caede, res, ex vtriusque partis utilitate, com-
 ponatur: ad id, se suam operam offerre: Reginam quoque non abhorreere a pacatis
 consiliis. Id quo facilius intelligant, eam, in praesentia veniam, & omnium praeterito-
 rum oblivionem polliceri, ac sancte spondere, nemini fraudi fore, quod, aduersus su-
 premum Magistratum, arma sumpsissent. Haec cum interpretes retulisset, Mortonius re-
 spondit, Non se aduersus Reginam, sed Regis interfectorem arma induisse: quem si
 Regina vel ad supplicium traderet, vel segregaret a se, tum intellecturam, nihil sibi reli-
 quisque civibus fore optatius, quam ut in officio, erga eam, perstarent: Aliter, nullam
 concordiam coire posse: Nec se eo venisse armatos, ut veniam vilius admissi peterent,
 adiecit Glencarnius, sed ut potius darent. Hanc eorum constantiam Crocus conspica-
 tus, cum, & vera dici, & iusta peti, intelligeret, accepta abeundi venia, Edimburgum
 50 discessit. Interea, Regina exercitus veteribus Anglorum castris se continebat: locus
 erat, & natura castris editior, & aggere, & fossa cinctus: ibi Bothwellius, equo insigni
 ante aciem protractus, per praconem postulat, quo cum ipse, singulari certamine, decer-
 neri. Cum, ex acie aduersa, se obtulisset Iacobus Moravius, adolescens nobilis, qui ante,

per libellum, sed nomine suppresso, se obtulerat ut dictum est, cum eo Bothuelius
congruere recusat, causatus, hominem nec opibus, nec dignitate secum comparandum.
Tum, ex aduerso, prodit Gulielmus Moravius, Jacobi frater natus maximus, qui afflic-
tibat, se Bothuelio (si, in hoc negotio, pecuniaratio subducenda esset) non minus
esse locupletem: familiarum autem antiquitate, & famæ integritate, superiorem. Hic quo-
que rectatur, ut qui modo eques, ac secundi Ordinis esset. Cum multi homines, primi
Ordinis, & in primis, Patricius Lindesius se offerret, atque pro omnibus, quos, in Sco-
tici nominis incolumitate & gloria tuenda, sustinisset, laboribus, id modo præmium
deposcebat, ut se permitterent cum Bothuelio decernere: ibi quoque cum Bothuelius
tergiuersaretur, nec, se honeste expedire, posset, Regina suam interposuit auctoritatem, 10
atque, eo depugnare vetito, contentionem diremit: deinde, aciem quoque circumiecta,
singulorum animos explorabat. Bothuelij propinqui & clientes configere cupiebant:
ceteri aditi cum dicerent, in acie aduersa, esse homines bellicosos, & plerosque, lon-
go militiæ usu, duratos: aleam prælij periculosam esse Regine: se quidem paratos esse,
depugnare: sed plebis, quorum magnum habebant numerum, animos a causa abhor-
rere: multo æquius videri, ut Bothuelius suam ipse armis causam tueatur, quam ut
tot homines nobiles, in primis autem Reginam ipsam, in ultimum discrimen demit-
terent: sin ita vehementer ad pugnam animata esset, posse rem in proximum diem
differri. Dicit, Hamiltonios cum quingentis equitibus aduentare, nec procul abesse
ijs adiunctis, de summa rerum, ex tuto consuli posse: nam, tum maxime, Comes 20
Huntlaus, & Ioannes Hamiltonius, Fami. Andrea Archiepiscopus, propinquos &
clientes ad Hamiltonium conuocauerant, ac, postidie, ad Reginam erant venturi.
Ad hæc, illa fremens, ac plena lacrymarum, multa in primores iacit conuitia, & per
nuncium, ab acie aduersa petit, ut Gulielmum Kircadium Grangianum ad se mittant:
cum eo se, de condicionibus, colloqui velle: interea, exercitus subsisteret. Et acies
quidem vindicum libertatis subsisterunt: sed in loco quidem humiliore, ac propiore,
quam ut maiores machinæ eis nocere possent. Dum Regina cum Kircadio sermones
confert, Bothuelius (quod, colloquij simulatione, peritum erat) sibi consulere ius-
sus, Dumbarum versus ita trepide abiit, ut duos, qui sequebantur, equites redire ius-
serit: adeo male conscius sibi anitibus, ne amicis quidem satis fidebat. Illa, cum, cum 30
iam extra periculum esse, putaret, pacta cum Kircadio, ut reliquus exercitus, sine noxa,
abiret, ad proceres cum eo venit, tunica tantum vestita, eaque vili & detrita, ac
paulum infra genua demissa: & a prima quidem acie, non sine pristina reuerentiæ
indiciis, recepta, cum peteret, ut se dimitterent, dum Hamiltonios, qui aduentare
dicebantur, conueniret, ac, se reuersuram, promitteret, Mortoniumque pro se spon-
dere iuberet (sperabat enim, se blandis pollicitationibus, quæ vellet, effecturam) ubi
non impetrauit, ad orationis acerbicatem conuersa, ducibus sua in eos merita expo-
brauit: ibi tamen cum silentio est audita. Cum ad secundam aciem peruenisset, con-
cors ab omnibus clamor sublatus est, ut meretrices, ut parricidas cremarent. Erat,
in militari quodam vexillo, depictus Henricus Rex, mortuus, & iuxta, filius infans, 40
vindictam parricidij a Deo exposcens: id signum duo milites inter duas hastas disten-
tum, quoquo se verteret, ob oculos ei obiciebant: ad hunc conspectum, animo lin-
quente, ægre, ne ex equo caderet sustentata fuit: sed refecta nihil, de pristina animi
ferocia, remisit: minas, maledicta, lacrymas, & cetera, quæ muliebris amat dolus,
profundebar. Cum, toto itinere, quas poterat, moras innecteret, expectans, si quid
alicunde auxilij appareret, e turba quidam exclamauit, nil esse, quod Hamiltonios
expectaret: neminem enim armatum intra multa miliaria esse: tandem sub no-
ctem, populo vniuerso ad spectaculum effuso, Edinburgum intrat, facie ita pul-
uere & lacrymis oppleta, ut luto conspersa videretur: cum summo silentio, ma-
gnam urbis partem transiit, tam angusta per multitudinem via relicta, ut vix singuli 50
progredierentur. Cum in diuersorium ascenderet, mulier vna, e turba, ei bene præ-
cata est: illa, ad populum conuersa, subiecit, præter alias minas, se urbem incensuram,
ac sanguine perfidorum ciuium incendium restitutam: cum vero, lacrymabunda
per

per fenestram in publicum prospiceret, & concursus populi eo fieret, nec deessent, qui hanc subitam fortunæ mutationem commiserarentur, vexillo, quod diximus, ob oculos exposito, statim occlusa fenestra, se intro proripuit: ibi cum biduum fuisset, ex procerum decreto, in arcem, quæ est in lacu Leuino, in custodiam mittitur: nam Edimburgensem adhuc tenebat Balfurius, qui, etsi vindicibus libertatis fauebat, tamen, de arce tradenda, nondum transegerat. Inter hæc, Episcopus Dumblanensis, qui in Galliam Legatus, ad matrimonium Reginae excusandum, erat missus, omnium, quæ, post suum e Scotia discessum, ibi acta erant, ignarus, per eos ipsos dies, quibus hæc postrema contigerunt, in Aulam appulit, ac diem, ad exponenda mandata, impetrauit. Eodem forte die, mane, binæ allatæ erant ad Regem & matrem eius literæ: alteræ, a Croco Legato eius, Gallo: alteræ, a Niniano Cocburno, Scoto, qui, Præfectus equitum, aliquot annos in Gallia mernerat: Vtræque rerum in Scotia nuper gestarum expositionem continebant. Igitur Legatus Scotus, intromissus ad Reges, longam & accuratam orationem erat exorsus, quæ partim Reginae factum, in contrahendo inconsultis amicis matrimonio, excusabat, partim Bothuelium immodicis laudibus, supra veri fidem, onerabat. Regina Gallæ, vanitate hominis interpellata, cum literas e Scotia allatas protulisset, ac, ex eis, Reginam Scotorum captam, Bothuelium fugarum, ostendisset, ille, inexpectato subito ictus malo, conticuit: qui aderant, partim inopinato euentu ringi, partim ridere: nec quisquam omnium, ea immerenti accidisse, credere. Eisdem forte diebus, Bothuelius ex intimis ministris vnum in arcem Edimburgensem misit, qui arculam argenteam, literis vndique inscriptam, quæ indicarent, eam aliquando Francisci, Regis Francorum, fuisse, ad se deferret: in ea inerant literæ, Reginae ipsius manu pene omnes scriptæ, in quibus & cædes Regis, & cætera fere omnia, quæ consecuta sunt, dilucide continebantur: ac pene in singulis scriptum erat, vt, lectæ, statim cremarentur: verum Bothuelius, qui Reginae inconstantiam nosset, vt cuius, intra paucos annos, plurima viderat exempla, literas conseruarat, vt, si quid dissidij cum ea incidisset, illo testimonio vteretur, nec se Regiæ cædis auctorem, sed comitem fuisse, ostenderet. Hanc arculam Bothuelij ministro Balfurius ferendam dedit: sed prius principibus aduersæ partis admonitis, quid, per quem, & quo mitteretur: ea deprehensa, multas magnasque res, etsi magnis suspicionibus iactatas, tamen nondum satis detectas, in lucem protulit, vniuersumque crimen pene oculis subiecit. Bothuelius, rebus ubique male cedentibus, omni auxilio, ac spe recuperandi Regni destitutus, primum ad Orcadas, deinde ad Hethlandicas insulas profugit: ibique, rerum omnium inopia circumuentus, piraticam facere coepit: Regina vero, multis orantibus, vt causam suam a Bothuelio separaret (supplicio enim de eo sumpto, fore, vt, omnium ciuium summa voluntate, ipsa facile restitueretur) mulier ferox, & pristinae fortunæ spiritus gerens, & malis præsentibus offerata, respondit, se libentius cum illo, in extremis fortunæ aduersantis angustiis, quam, sine eo, in Regiis deliciis vitam acturam. Inter proceres autem varij animorum motus fuerunt: nam patricij ultores sperabant, ad tam præclari facinoris rumorem, si non omnium, certe melioris partis assensum securarum: longe autem secus euenit: popularis enim inuidia partim, spatio temporis, erat lenita, partim, reputatione inconstantia rerum humanarum, in misericordiam verterat: neque deerant e Nobilitate, qui non minus Reginae calamitatem tum deplorabant, quam superioribus diebus, eius crudelitatem execrabantur. Vtrumque magis apini inconstantia, quam villo in alterutram partem affectu, va satis appareret, eos non tranquillitatem publicam, sed in rebus perturbatis spem, privati emolamenti sequi: plures, oej cupidi, partium vires expendebant, & ad potentiorum opes inclinaturi, videbantur. Validissima credebatur eorum factio, qui vel in eadem consenserant, vel, re perpetrata, in Regina gratiam, aliorum secleris liberoscripserant. Eorum principes, cum ad Hamiltonium conuenissent, freti coniurationis opibus, neque literas, neque nuncios, de communi concordia stabilienda, ab aduersa factione recipere volebant: nec ullis verborum consueclis, aduersus eos, abstinabant: eoque erant ferociore, quod magna pars procerum, quæ fortunæ mo-

menta magis, quam æquitatem causæ, spectabant, ad liberatores se non aggregabant: quicunque enim se non ad illos adiungebant, pro suis ducebant. Arrogantiæ etiam illud tribuebant, quod parricidij ultores in urbem, Regni principem, priores accesserant: quod se, qui & plures, & potentiores erant, illuc accerferent. Id autem diuersa factio, quanquam non imperiose iussissent, sed demisse rogassent: tamen ne quid usquam esset, quod vllam arrogantiam speciem præferret, impetrant a ministris Ecclesiarum, vt communiter ad omnes, singuli etiam ad singulos scriberent, ne, in tempore tam periculoso, concordia communi deessent, & priuatis simultatibus posthabitis, prospicerent, quid, ad omnium salutem, potissimum expediret. Neque hæc magis, quam procerum antea, literæ apud aduersam factionem profecerunt, omnibus eadem excusantibus, vt res, ex composito acta inter eos, videretur. Variis deinde locis, cum Regina factio coisset, neque vllum consiliorum suorum exitum inuenirent, alij alio dilabuntur. Inter hæc, vindices parricidij publici cum Regina (quam a cædis auctoribus separare non poterant) agere, vt Regnum eiceret, &, vel infirmæ valetudinis excusatione, vel alio quouis honesto prætextu, curam & filij, & rerum administrandarum, cui veller ipsa procerum committeret. Illa grauate tandem rectores puero nominat, Iacobum, Morauia Comitem, siquidem is, domum reuersus, onus non recusaret, Iacobum Castellerotij ducem, Matthæum Leninia, Gilespicum Argathelia, Ioannem Atholia, Iacobum Mortonij, Alexandrum Glencarnia, Ioannem Marria Comites: missi item Procuratores, qui curarent, vt Sterlini, aut alibi, siquidem eis commodius videretur, Rex, in sella Regia collocatus, Regnum iniret. Hæc, ad octauum Calendas

CID. ID. Augusti, anno, a Christo nato, M.D.LXVII. acta. Paulo ante eum diem, Iacobus, Morauia Comes, dum, cognito rerum domesticarum statu, per Galliam reuertitur, in

LXVII. Aula satis liberaliter accipitur: sed ita tamen, vt ab Hamiltonio (cuius factionem Galli & firmiorem, & sibi coniunctiorem persuaferant) gratia longe vinceretur: idque, maxime Gasianorum opera, qui omnibus Morauij conatibus aduersabantur: eo itaque dimisso, Archiepiscopus Glasguensis, qui Legatum se Regina Scotorum vocabat, Aula persuaferat, Iacobum, etiam absentem, tamen aduersæ factionis esse principem, &, superioribus temporibus, omnia ex eius sententia, fuisse gesta, & nunc, velut ducem, a sociis accersiri. Ad hæc persuasis, mittuntur, qui eum retraherent: sed ille, ab amicis præmonitus, soluerat, antequam Diepam (nam in eo portu erat) Regum literæ perlatae essent: ac, in Anglia per omnium Ordinum homines honorifice habitus, domum dimittitur. Ibi, magno populi, sed maximo vindicum gaudio, receptus, omnibus vehementer instantibus, vt Rege, sororis filio, adhuc infante, rerum gubernacula susceperet: eum enim vnum esse, qui, vel ob propinquitatem, vel ob, multis in periculis, virtutem cognitam, vel gratiam, multis meritis collectam, Regina etiam poscente, minima cum inuidia, eum honorem gerere posset: Ille, etsi, quæ dicerentur, vera esse, intelligeret, paucos tamen, ad consultandum, dies impetrauit: interea, ad alterius factionis principes diligenter scribit, & præcipue, ad Argathelium, genere propinquum, & quem, ob pristinam consuetudinem, minime vellet offendere: & ostendit, quo in loco res esset, quid pupilli factio ab se contendat: orat, per sanguinis communionem, per amicitiam, & communis patriæ salutem, vt sibi conueniendi eius fiat copia, vt, ex his angustiis, eius ope, & ipse, & communis patriæ expediatur: ad ceteros etiam, pro cuiusque loco & necessitudine: ab omnibus autem communiter petit, vt quoniam rebus ita turbatis, vt diu stare, sine summo Magistratu, nequeant, quamprimum in locum, qui commodissimus eis videretur, conuenirent: ac rerum summæ, ex vniuersorum sententia, prospiciant. Tandem, cum nec ab vna factione colloquium, nec ab altera diuturniorem comitiorum moram impetraret, summa omnium, qui aderant, voluntate, Prorex eligitur.

CVIII. REX.

Quarto Calendas August. post luculentam concionem, habitam a Ioanne Knoxo, Regnum iniit Iacobus, eius nominis Sextus: Iuravit, pro eo, in leges, Iacobus Mortonij Comes, & Alexander Humius, eam doctrinam & ritus Religionis, qui tum publice docebantur,

docebantur, quoad posset, seruaturum, & contrarios oppugnaturum, polliciti. Paucis post diebus, qui ad Hamiltonium conuenerant, fremere, paucos, nec eos potentissimos, sine suo (quod nunquam expectauerant) assensu, omnium rerum arbitrium ad se reuocare. Cum circuisset Nobilitatem reliquam, raros, prater eos, qui primi conuenerant, in suam sententiam pertraxerunt: plerique enim spectatores potius, quam actores rerum, quæ gerebantur, haberi volebant: tandem ad Regios scribunt, Argathelium, in colloquium cum Comite Morauia venire, paratum. Hæ literæ, quia ad Morauium Comitem, sine vlla maioris honoris præfatione, scriptæ erant, de Concilij sententia, sunt reiectæ: nuncius prope sine responso est dimissus.

Verum Argathelius, gnarus, quid in literis offendissent, ac Pro-regis fidei satis confusus, cum aliquot suæ factionis principibus, Edimburgum venit: ac tum, satisfactione accepta, nullo eorum, qui aberant, contempto, sed, necessitate ita poscente, festinatum, in summo Magistratu creando, paucos post dies, ad publicum Ordinum conuentum venit.

Kk



RE R V M S C O T I C A R V M H I S T O R I A

Auctore Georgio Buchanano Scoto.

LIBER DECIMVS NONVS.

RE creato, ac Proregis potestate prope constabilita, a vi quidem & armis, quies erat: sed pax infida, & animis adhuc tumescentibus, non occulta indignatio, malum aliquod inopinatum parturire, videbatur. In hoc tam incerto rerum statu, omnes oculos pariter & animos, in conuentum publicum, intendebant: eius habendi dies erat, vicesimus quintus Augusti mensis: is, tanta frequentia, est celebratus, quanta nullum, ad eum diem, homines meminerant. Ibi Proregis auctoritas, decreto publico, est confirmata: de Regina, sententijs est variatum: nam cum multis indicijs ac testibus, potissimum vero ipsius ad Bothuelium literis, tota crudelissimi facinoris ratio manifeste teneretur, quidam, atrocitate rei permoti, alij, in conscientiam sceleris, a Regina assumpti, vt communis criminis testem tollerent, poenas secundum leges expetendas, censebant: maior pars, in custodia habendam, decreuit. Secundum conuentum transacta hiems, iudicij constitutendis, & fontium poenis exigendis: Legati Gallorum, & Anglorum auditi: neutris permissum, vt Reginam, custodiae publicae commissam, conuenirent. Vnus tum in armis erat Bothuelius: missa classis, quae cum, apud Orcadas, & vltiores insulas piraticam exercentem, comprehenderet: in tanta egestate publica, vt, ad eam ornandam, pecunia deesset, accepta mutuo est, ab Iacobo Duglassio Mortonio, qui tum, impendio priuato, publicae necessitatis onus sustinuit. Bothuelius, & sauitia maris, tum maxime tempestatibus hibernis excitata, & ararij publici (quod ipse exhauserat) inopia fretus, prope securus agebat: verum, repentino aduentu Gulielmi Kircadij Grangiani, qui classi praefectus erat, prope circumuentus fuit: pars sociorum capta: ipse, per auersam Insulae partem, quae maiusculae naues sequi non poterant, inter breuia & vadosa, cum paucis euasit, ac, breui post, ad Cimbros delatus est: ibi, cum non satis expediret, aut vnde veniret, aut quam regionem peteret, in custodiam, ac paulo post, a mercatoribus agnitus, in arctissima vincula est coniectus: ac, fere post decennium, ad sordes aliasque miseras, accendente amentia, vita turpiter acta dignum habuit exitum. Primo statim Vere, vt res, superiorum annorum tumultibus conuassatas, reficeret & stabiliret, Prorex statuit, conuentibus iuridicis habendis, vniuersum Regnum obire. Ea res, pro cuiusque ingenio & condicione, varie animos affecit: nam aduersae factionis homines vulgo passim Proregis seueritatem, vel (vt ipsi dicebant) crudelitatem, non eis modo, qui, propter scelerum magnitudinem, leges & aequum ius ferre, non possent, post tantam proximae superioris temporis licentiam, formidolosam praedicabant: Regina autem liberata, alijs praemiorum, alijs impunitatis spes ante oculos erat: quibus rebus adducti plerique, ex eis etiam, qui precipue eius capiendi auctores fuerant, in diuersam factionem sunt

sum, protracti Matellanus, quantum Regina rebus fauebat, tantum Bothuelium, hominem sceleratum & perfidiosum, & in eadem suam imminentem, oderat: & quia, Regina incolam, illum subuerti posse, desperabat, in comitijs publicis facile passurus videbatur, ut, secundum leges & instituta maiorum, poenae de ea expererentur: In eadem causa erat Iacobus Balsarius, Bothuelium sibi implacabilem ratus, & uterque non alienus a consilio Regis trucidandi, putabatur. Sed Bothuelio capto, & apud Cimbros in vincula coniecto, ad Reginam liberandam, animum adiecerunt, non modo, quod facilius apud eam criminis communis impunitatem sperabant, sed quod, quæ maritum sustulisset, non mitiorem in filium, cuius adhuc ipsa infantia, & Regij nominis umbra eam Regno exuisset, fore putabant: & ad suam etiam securitatem facere, arbitrabantur, ne filius, vindex paternæ cædis, ad Regnum perueniret. Coniectura etiam non obscura accedebant, quæ, animum Reginae a tali facinore non abhorre, indicabant: sæpe ex ea auditum est, eum puerum non esse vitalem: se enim accepisse Lutecia ex perito Mathematico, affirmabat, primum suum foetum non ultra annum victurum: & ipsa, in eadem (ut creditur) spem, venerat aliquando Sterlinum, ut infantem Edimburgum secum deduceret: quibus suspicionibus factum est, ut Ioannes Areskinus, arcis præfectus, puerum sibi eripi, non sit passus: & Nobilitatis bona pars, Sterlini coacta, coniuraret, de pueri salute tuenda. Hamiltonij quoque ad Reginam liberandam, totis viribus incumbabant, quod puero per eam sublato, vno gradu propius ad Regni spem ipsi admoueretur: nec magni deinde laboris, ac periculi fore, eam quoque tollere: quippe cunctis tot criminibus inuisam, & post interpellatam tyrannidem, crudelitati naturæ magis obsecuturam. Argathelius, & Huntlaus, quod alter matrem, alter uxorem e gente Hamiltonia haberet, eorum spem fovebant, & successibus fauebant: sed & illos suæ, & propiores causa impellebant, quod neuter scelerum Reginae inscius putabatur. Gulielmus Moravius Tilibardinus, ob diuersam, in Religionis controuersijs, sententiam, alienus, & priuata etiam de causa, Proregi iratus, etsi antea, in Regina capienda, egregiam operam nauasset, tum non ipse modo a Regis partibus discessit, sed magnam amicorum manum, spe non exigua emolumentorum obiecta, secum traxit. Hi quidem fuerunt principes Reginae liberandæ. Sed & alij permulti, quos vel domesticæ necessitates, vel inimicitia priuata, vel doloris vlciscendi, vel honorationis loci spes eodem impulerant, vel propinquitatibus, alijsque necessitudinibus ijs, quos nominaui, illigati, in eadem causa fuerunt. In hoc rerum tam turbido statu, Prorex, aduersus amicorum preces & inimicorum minas, iuxta firmus, cum etiam, libellis propositis, nec odiorum causas, nec vindictæ cupiditatem dissimularent, & qui diuinandi scientiam sibi arrogarent, ut qui non ignari coniurationum aduersus eum initarum essent, diem præfinirent, intra quem moriturus esset: tamen in proposito perstabat: ac sæpe dicebat, se satis scire, vitam sibi aliquando finiendam: honestius autem se non posse eam deponere, quam, in tranquillitate publica procuranda. Igitur conuentu primum Glascuam indicto, eo venire iussis Leuinianis, Renfroanis, & Glottianis, dum ibi iuri dicundo, & flagitijs puniendis vacat, consilia, de Regina liberanda, iam diu agitata tandem ad exitum peruenere. Eius facinoris ratio hæc fuit. Erat in arce, quæ est in lacu Leuino, ubi Regina custodiebatur, Proregis mater, tresque, ex alio patre, fratres, aliaque mulierum turba: neque quisquam, ad eam visendam, admittebatur, præter notos, aut a Prorege missos: ex hac turba domestica, Reginae visus est maxime idoneus Proregis frater, natu minimus, Georgius Duglassius, adolescens non inano ingenio, & qui, per ætatem, blandicijs muliebribus facile capi posset: is sapenumigro, per speciem lusum, quibus otium se Aulicum oblectare solet, cum familiariter cum ea assuesceret, & vulgato arcis ministerio, alios muneribus, alios polliciendo deuinciendos suscepit: neque illa, cui se semel permiserat, & a quo libertatem sperabat, ei quicquam negare, in animum induxerat. Georgius igitur, incoluntatem suorum patris, & spe diuitiarum & potentia, in posterum, captus, nec matre, (ut creditur) inscia, nihil omittit, quod, ad cœpta peragenda, facere videretur: id, etsi nonnulli senserant geri, & ad Proregem derulerant, ille adeo suorum fidei credebatur, ut nihil e pristina custodia mutaret, nisi quod, Georgium ex insula emigrare, iusserit. Is cum in pagum

proximum, ad oram Lacus, se contulisset, per ministros ardis, pecuniis corruptos, prope liberius, quam antea, consilia cum Regina, de rebus omnibus, communicabat: haque non solum Scoti, quibus praesens rerum status non satis placebat, in conscientiam asciti, sed Galli quoque, per Iacobum Hamiltonium, qui, ante annos non adeo multos, Prorex fuerat, & Iacobum Betonium, Glascae Archiepiscopum, sollicitari fuerunt, Scotis
 CID. 15. operam, Gallis pecuniam pollicentibus. Circa finem Aprilis, Legatus Gallia venit, ac
 LXIIX. nomine sui Regis, postulavit, ut sibi, Reginam convenire, liceret: ac, si id negaretur, praese ferebat, se confestim discessurum. Prorex, id suae potestatis, negare: neque Reginam a se in custodiam traditam, neque quicquam, inconsultis, qui primi eam custodiendam commisissent, & qui posterius factum illorum suo decreto confirmassent, se statueret posse: Quod autem posset, se & sorori, & amico Regi gratificaturum, & vicesimo die proximi mentis conventum ei Nobilitatis daturum. Cum Legatus eo responso videretur placatior, & Prorex iuri dicundo intentus esset, Regina, corrupto nomenclatore, reliquisque comitibus, conficta causa, ablegatis, e lacu educitur: id cum praudentibus in arce renunciatum esset, frustra tumultuatum est: scaphis enim omnibus in sicum extractis, ita foramina, in quae scalmi immittuntur, omnibus fuerunt obturata, ut sequendi repente facultas tolleretur. Regina ab equitibus, ad ripam expectantibus, excipitur, & per domos consociorum deducta, magno comitatu postridie, qui erat, ad v. Non. Maij, ad Hamiltonium venit, qui pagus octo millia passuum distat a Glasca. Re passim divulgata, multi, qui vel partibus Regijs, iam antea non admodum firmis, diffidebant, vel quibus apud 20 Reginam novae gratiae spes erat, vel quibus in veterum officiorum memoria fiducia erat collocata: in hoc tumultu, partim animos palam renudarunt, partim, antea actorum venia clam impetrata, aleam fortunae expectantes, apud Proregem haeserunt: & cum aliorum defectio minus admirationis habuisset, Roberti Bodij discessus, qui, ad eundem diem, summam constantiae opinionem comparasset, magnam tum sermonibus varijs occasionem praebuit. Is, in clarae familiae (de qua dictum est a nobis, in vita Iacobi Tertij) ruinis, sub patre, viro forti, & antiquae parsimoniae aemulo, parce & tenuiter educatus, eundem, quem ceteri propinqui, vitae cursum est secutus, ut videlicet, ad firmiores opes se applicans, sibi viam sterneret, ad antiquas familiae, nuper florentissimae, vires instaurandas. Igitur & pater, & ipse ad Hamiltonios, rerum potentes, se primum 30 applicuerunt: summo autem ab illis Magistratu ad Reginam viduam translato, cum, de Religionis controuersijs, tumultus esset exortus, se cum doctrinae purioris assertoribus, a qua pater eius fuerat alienissimus, coniunxit: quae tum factio putabatur validissima, atque in ea permansit, usque ad Reginae reditum e Gallia: opinionemque magnam, de sua constantia, fortitudine, & prudentia excitavit: qua impulsus Gilespicus, Argathelae Comes, ab eius prope unius consilio pendebat. Verum cum forte Sterlini aliquot e principibus procerum coniurassent, in nullum quidem facinus, sed, de incolumitate Regis tuenda, ipse quidem foederi subscripsit: sed, eadem leuitate, & ille, & qui eius consilijs tum regebatur, Argathelius, quid in eo conuentu actum fuisset, ad Reginam rescripserunt: atque, ab eo tempore, Reginae Bodius, aduersus veteres 40 amicos, omnium consiliorum eius fuit particeps: nec maiorem illic constantiae, quam apud ceteros leuitatis & inconstantiae, opinionem peperit. Regina autem in custodiam inclusa ad Morauium, Proregem electum, se Bodius contulit: eique ingenium & industriam ita probavit, ut ad intima consilia adhiberetur: alijs autem aliter de eo sentientibus, tamen, in quaestione rerum capitalium Glascae, apud Proregem in feruentissima erat gratia: verum cum, rem ad certamen spectare, videret, clam ad Reginam est profectus: inde autem eum literis filium ad Comitem Morronium misit, excusans discessum, atque affirmans, se fortasse non minus partibus Regijs profuturum, quam si apud eos mansisset. Eius igitur defectio, propter multorum conceptam de moribus eius opinionem: tum praecipue sermonibus hominum dabat materiam. Interea, in Concilio apud 50 Proregem acriter disputatum, illic non manerent, an, ubi Rex erat, Sterlinum transirent: multi vehementer, illinc discedere, suadebant: commemorabatur Hamiltonium, pagis frequens in propinquo, & totius amplissimae familiae clientelae, vndique circumfusae, & adue-

addiderant cum Regina circiter quingenti equites, & remotioribus etiam locis multum adgentare dicebantur: cum Prorex (ob propere familiares, ceteris partim ad Reginarum transfugas, partim ad sua cuiusque negotia, ut in rebus maxime tranquillis, sensu dilapsis: & quanquam Glasguenses satis fidi videbantur, ut ab Hamiltonia, tempore potentibus, multis & magnis incommodis affecti, tamen opidum ipsum hactenus nec pro magnitudine frequens, & nondumque peritum erat. Contra, alij differebant, omnia sese & prius in inijs pendere & discessum fore infamem, & fugam proximam: suspitionem omnem metus tum maxime vitandam, ne & hostij animos augerent, & suorum iumentorum: esse in propinquo potentes familias Cuniganiorum, & Semphiorum, & ab altera parte, Leniniam, Regis petuliare patrimonium, inde proximam in paucas horas, reliquos post die, aut certe tertio die affuturos: interea, dum longinquiora auxilia committerent, in his satis praesidi, adiunctis praesertim opidanis, fore. Hactenus in hoc Consilio vixit. Legatus Gallus, ultro citroque committatur, magis speculatur, quam, id quod simulabat, pacificus: nam tunc in initio copias Glasgae exiguas, circa Hamiltoniam multitudinis magnae speciem vidisset, Reginarum strebue, ad fortunam certaminis subeundam, animabat: iam Prorex, collectis & locis propioribus amicis, longinquiores, Matia & Lorthiana, expectabat. Hi cum aduenissent circiter sexcenti lectissimorum virorum, vno eis ad quietem die dato, statuerat, ad Hamiltoniam proficisci, ac praelio, si posset, statim decernere: moram enim suis noxiam, hostibus utilem arbitrabatur, ut quibus remotissimae regni partes fauebant. Interea, perendie illius dici, de tertia vigilia, sit certior, hostes, e pluribus, ubi diuersabantur, locis, cogi numero enim confisi, quod supra seximilia & quingentos in armis habebant: sciebantque, apud Proregem vix plena quatuor millia esse: decreuerunt autem, praeter Glasguam ducere: ac, Regina in arce Brianhoduni relicta, bellum suo arbitratu vel gerere, vel ducere, aut, si Prorex (quod non sperabant) se in itinere obiecisset, statim conflare: neque de certaminis eventu dubitabant. Ille vero, ut qui, ultro hostes provocare ad certamen, statuerat, cum primum suos educere potuit, ante opidum in campis patentibus, qua hostes venturos existimabat, facie instructa, aliquot horas stetit. Sed cum, agmen eorum vltiore fluminis ripa agi videret, eorum consilio statim intellecto, & ipse suos pedites per pontem, equites per vada, aditu maris tunc libera transmissos, Lansidum petere iussit. Vitus is est, ad Cartham flumen, qua iter hostibus erat, situs in radicibus collis, ad Occidentem hibernum spectantibus, ab Oriente & Septentrionibus, decliu aditu, ceteris partibus leuiter in planiciem decrecentibus. Eo, tanta festinatione, properatum est, ut Regiae copiae prope collem occuparent, priusquam ab hostibus, qui eundem locum petebant, eorum consilium intelligi posset, quanquam breuiore via eo properarent. Sed duae res illis aduersae, Regiae percommode acciderunt: altera, quod Gilespicus Cambellus, Argathelia Comes, penes quem summa imperij erat, repentino dolore correptus, conciderat, ac, suo casu, non nihil agmen remoratus est: altera, quod eorum agmen, in modicas valles subinde demissum, nunquam rotas Regias copias vno aspectu viderant: quarum credita paucitas (ut etiam erat) fecit, ut iuxta eas, atque locorum iniquitatem cotererent. Tandem Regiae copiae cum propius accessissent, & locum, quem petebant, ab hoste teneri viderent, ipsi, altero colle, ex aduerso se leuiter attollente, occupato, suos in duas acies diuidunt: in prima, quicquid erat roboris, locant: ea si aduersam hostium aciem impulissent, ceteros, eorum fuga consternatos, sine certamine habituros, putabant. Regij quoque duces suos in duas acies diuiserant: in dextera erant, Iacobus Duglassius Mortonius, Robertus Semplius, Alexander Humius, Patricius Lindefius, cum suis quisque clientibus: in sinistra, Iohannes Marria, Alexander Glenearnia, Gulielmus Taichia Comites, accitues Glasguenses: solopetarij vicum subiectum & horulos, iuxta viam publicam, tenebant. Cum utraque acies in procinctu staret, tormentarij Reginae, a Regijs loco pulsati, cesserunt: contra equitatus Regius, dimidio inferior, loco cessit. Illi, suo praelio defuncti, ut pedum quoque ordines turbarent, cum in collem aciem erigere tentarent, a sagittarijs Regijs, & parte equitum, qui se ad suorum fuga collegerant, reiecti, retro abierunt: interea, sinistram hostium cornu per viam publicam, qua clius erat, in vallem

densissimos progredientis, quanquam & ipsi a scopetariis vexarentur, tamen, ex angustijs
egressi, & cunctis explerunt. Ibi dum phalanges, signis armis densis utroque vallo, pte se
oblecto, ad hostem in ista dimidia spatium, neutra inclinante, obmiserunt, tanta pertinacia cer-
tando, ut quibus hostes prestante fracta erant, pugnae casus, lapides, lancearum fragmenta,
tagdenique quicquid erat ad manum in ora hostium adversa iacebant. Sed cuncta, ex audis-
sima extremis Regis parti, quidam (incertum motu, an parum fido, erga suos
animos) fugerent, eorum fuga procul dubio pugnae perturbationem, nisi densitas ordi-
: namentorum, quod apud postremos gerebatur, ad primos pervenire non per-
miserat. & quibus bene daretur, anie, animaduertente periculo, compemne equitasse
venire viderent, aliquot cohortes, integris ordinibus, paulatim indegrem deflecentes, 30
se cum prima coniungunt: cunctis imperium, quibus adverso erat, cum non ferrent,
retro, & cum ruina impleret, fugam capessere: nec, multorum animis, & odio, priva-
limpeditis, victis, & insigni clade discessissent, nisi Prorex, missis in omnes partes equi-
tibus, eandem fugientem veteris. Secundo Regionum acies, cum consueverat, donec
hostes profligatos passim sine ordine fugerent, videret, tum de manu & ipsa, ad persequen-
dum abeuntes, cognosca, ordines soluit, & Regina, quae ad millo ferme passus spectant
pugnae cum equitibus, sua parils, qui integri ex acie redierant, Angliam versus iter in-
tendit: caeteri, quicunque ad suos reditus commodissimus erat. Ceciderunt in acie, pau-
ci, plures per agros, lassitudine & vulneribus confecti, passim iacentes inveni: nume-
rus omnium ex forum, circiter trecenti, captiuorum maior: e Regijs copiis, non adeo 20
michi vulnerati cunctis, primi Ordinis, Alexander Humius, & Andreas Suartus: unus
modo caesus, reliquis exortus, praeter equitum paucos, qui fugientes longius insecuti
erant, latius in opida se receperunt: ac, ubi gratias Deo egissent, qui, secundum fas & equum,
(adversus tantorumque fortium virorum copias, victoriam pene, incruentam dedisset,
alii alijs gratulantes, ad priandendum discesserunt. Pugnam est, decimo tertio die Maij,
vnde omnino, quam custodia Reginae erat lapsa. Legatus Gallus qui eventum pugnae ex-
pectauerat, atque animo certam Reginae spondebat victoriam, ea spe fraudatus, perso-
nam exiit: ac, non conuenio Prorege, ad quem se missum simulauerat, acceptis equis
ad ducibus, qua poterat proxime, ad Angliam contendit: in itinere spoliato a latroni-
bus, Iacobus Douglasius, Drumlancti comarchus, & si cum inimicis stare sciret, ta- 30
men nomini Legationis hunc habuit honorem, ut, sua ei reddenda, curaret. Prorex reli-
quum diei, quo pugnam est, in recensendis captivis, consumpsit: alios liberos, alios,
datis vadibus dimisit: principes retenti, & praecipue, qui familia erant Hamiltonia, &
in custodias distributi. Postridie, gnarus, quanto ea gens apud vicinos odio laboraret,
reliqua turba sequi vellet, quingentis tantum equitibus comitatus, in vallem Glottia-
nam profectus, omnia plena fugae vestigijs & vastitatis invenit, magis reputantibus in-
colis, quid meruissent, quam in Proregis clementia, et si satis ipsis perspecta, spem col-
locantibus Hamiltoniis, & Drefanum arces receptas, omniu rerum vacuas, nisi, quod
in Hamiltonio, e Regia Iacobi Quinti suppellectili, nonnihil inuentum. Idem terror
Reginam, siue quod nullum locum in illa Scotia regione satis tutum sibi, putaret, siue, 40
quod Ioannis Maxuallij Heresiani fidei, parum crederet, transire in Angliam, coegit.
Caeteris a Prorege domibus, pro tempore, rebus compositis, in mensem
conuentus omnium Ordinum Edimburgum est indictus: ad eum impediendum, mul-
ta ab adversa factione sunt excogitata: rumores passim sparsi, de auxiliorum Gallico-
rum aduentu: nec tamen in totum vani: nam cohortes aliquot ad mare descenderant,
duce Matigio, homine impigro, e familia Lucemburgica, quamprimum in Scotiam
trajectura, & nisi bellum in Gallia civile repente fuisset exortum, transissent. Sed caeteri
non tam Proregi erat futura formidolosa, quam inimici rebantur: quippe, quae ab illis
alienatura esset, & ipsi coniunctura arduissime vires Anglorum esset. Argathelius quoque
cum sexcentis fere propinquis & clientibus, Glasquam venit: ibi cum Hamiltonijs, & 50
alijs quibusdam factionis principibus colloquutus, de comitijs impediendis, cum nulla ra-
tione certius consilij inigi posset, diversis domum quisque suam abierunt: & Huntzham,
moatiscirciter mille peditibus, ut diem comitiorum observaret. Per hunc usque processit:
illic

illic vadis Tai fluminis a Gulielmo Ruueno, & Nobilitate vicina, quæ in fide permanse-
 rat, obseſſis nulla re ex ſententia confecta, retro ceſſit. Et, eodem tempore, literæ Regina
 Anglorum ad Proregem, ab hoſtibus publicis impetratæ, de conuentu differendo: pete-
 bat enim, Ne iudicium de rebellibus præcipitaretur, donec ipſa certior, de tota cauſa,
 fieret: Se enim non poſſe honeſte, periculum Regina, & vicina, & ſanguine ſibi con-
 iunctiſſimæ, negligere, quæ grauiffimam ſibi quereretur iniuriam a ciuibus factam. Id,
 quanquam leue videbatur, tamen ſi rebelles impetrarent, omnia ſibi integra fore, ſpe-
 rabant: vel, quod ea mora, & ludificatio aliquid virium, & animorum ſuis additurum,
 hoſtibus detracturum videretur: præſertim, cum dilatio Regionum aſcribi timori poſ-
 ſet: præter hæc, quod ipſi ſua interim comitia, Regina nomine, decreuerant indicere.
 Sed Prorex, cum videret, quantum intereſſet, publice conuentum peragi, etiam ſi omnes
 hoſtium vires in vnum coirent, ad diem dictum conuenire, ſtatuit. In eo conuentu magna
 contentione certatum eſt, an, ſine discrimine, omnes, qui arma aduerſus Regem tulif-
 ſent, neque poſtea facti veniam petiſſent, damnari deberent perduellionis, ac bona eo-
 rum fiſco addici. Obtinuit tamen Gulielmus Matellanus, qui rebellibus adhuc (occulte
 tantum) fauebat, vt pauci, ad cæterorum terrorem, in præſentia, damnarentur: ſpes
 clementiæ tamen cæteris, ſi reſiſcerent, oſtendatur. Ea res mirum in modum coniu-
 rationem rebellium auxit, & pertinaciam fouit: cum, & poenam ſui ſcleris dilatam,
 viderent, &, pro certo, ſibi perſuaſiſſent, neque Regiam vicinam, & ſanguine iunctam,
 neque Guſianos, quorum tum in aula Gallica tantæ vires erant, paſſuros, vt Rex Gallus
 hanc imperij imminutionem patienter ferret: nec, ſi ab ijs etiam deſererentur, ſe tam
 eſſe infirmos, vt, ſine externis auxilijs, ſuam cauſam tueri non poſſent, cum, & numero
 & opibus, præſtarent, neq; quicquam ad victoriam deeſſet, præter inanem nominis Re-
 gij, per vim occupati, vmbra. Prorex interea nihil aliud, quam tranquillitatem publi-
 cam, ſpectans, e vicinioribus leuiter multatos in gratiam recepit: Rothuſæ Comitem,
 deprecantibus amicis, ad triennium relegauit: alios, ad reſiſcendum, per familiares af-
 ſidue ſollicitabat. Sed, cum, plurimorum animos, obſtinatos, & ad vindictam pronos,
 videret, collecto exercitu, in Annandiam, & Nithiam, & inferiorem Gallouidiam eſt
 proſectus: ibi alias arces cepit, & præſidijs occupauit: alias, quarum domini pertinaciores
 erant, diruit: breuique regionem omnem domiturus videbatur, ni literæ Regina An-
 glorum curſum victoriæ interrupſſent. Ea enim, ab exulibus perſuaſa, magnam quidem
 iniuriam Regina Scotorum fieri, quam ciues mali falſa inuidia onerabant: ſed maxime
 nomen Regium contumelia affici, ac vileſcere ſacroſanctæ Maiestatis auctoritatem, ſi
 hominum ſeditioſorum libidini exponerentur: ad vnam quidem atrociffimi facinoris
 iniuriam, ſed ad omnes pertinere exemplum: itaque, mature obuiam eundum, ne latius
 contagio Reges pellendi proſerperet. Cum huius generis multa, aduerſus Regiæ cædis
 vindices, dicerentur, Angla, per literas, a Prorege poſtulauit, Vt idoneos homines ad ſe
 mitteret, qui totius rei, vt geſta erat, ordinem exponerent: & ad ea, quæ in ipſum abſen-
 tem iacerentur, ſiue crimina, ſeu conuicia, reſponderent. Id cum per ſe graue, & moleſtum
 apparebat, res iudicatas in dubium, ac prope nouam iudicij aleam reuocari iterum, apud
 externos Reges, ac ſæpe hoſtes & æmulos, & quorum animi ab inimicis iam præoccupati
 eſſent, quodam modo cauſam dicere capitalem, plenum dedecoris & periculi videbatur:
 multa tamen erant, quæ illam condicionem, quamuis iniquam, accipere cogeant. Fo-
 ris enim, Cardinale Lotharano, Regina auunculo, aulam Gallicam ad nutum verſante,
 &, domi, multo maxima Nobilitatis factione in Regina partes coniurata, ſi etiam Angla
 offenderetur, nullas ſibi vires eſſe, quibus tot difficultatibus reſiſterent. Igitur, cum de-
 cretum eſſet, Legatos mittere: nec ſatis conueniret, qui mitterentur, primoribus id onus
 recusantibus, tandem ipſe Prorex, ſe iturum profeſſus, comites elegit: vnum quidem re-
 nitentem, ac prope inuitum, Gulielmum Matellanum: hominem enim factioſum, &
 quem, iam in Regina partes inclinatum, videbat, parum tutum arbitrabatur, in tam du-
 bio Regni ſtatu, domi relinquere: itaque, magnis & pollicitationibus & premijs, vt vna
 ſecum proficiſceretur, pellexit: nec dubitabat, quin animum auarum donis aut vinceret, aut
 inſecteretur: reliquos autem volentes duxit, Iacobum Duglaſſium, & Patricium Lindesum

RERVM SCOTICARVM

supremi, Episcopum Orcadū, & Abbatem Fermelinoduni, Ecclesiastici ordinis: Iureconsultos, & collegio iudicum, Iacobum Macgillū, & Henricum Balnauium: his nonum adiecit Georgium Buchananum. His difficultatibus animū eius circumuentum duæ res subleuabant, æquitas causæ, & postremæ Reginæ Anglorum literæ, quibus affirmabat, si veræ essent ea crimina, quæ Reginæ Scotorū obijcerentur, se eam existimaturam, quæ Regnū gereret, indignam. His literis, Prorex paulum in meliorem spem erectus, supra centum equitum comitatu iter ingressus est: et si certis indicijs comperisset, Vestmarie Comitē, iussu Ducis Nortfolciæ, in insidijs fore, ut eum exciperet, prius quam Eboracū veniret. Quarto Nonas Octobres, urbem Eboracum, conuentui destinatū, introiit: eodem die, ac prope eadem hora, Thomas Hauartus, Nortfolciæ Dux, eo venit. Causa insidiandi Proregi erat, quod Dux per secretos nuncios, de matrimonio cum Regina, tū agebatur, quo facilius Regiæ cædis suspicio tolli posset, & ipsa ad suos redire, statuerat, occiso Prorege, literas ad Bothueliū a se scriptas, in quibus sceleris manifesta continebantur indicia, captas suppressere: sed quia, Duce tam propinquo, res ita confici non poterat, ut ille cædis tam insignis infamia non aspergeretur, insidiæ in aliud tempus reiectæ sunt. Adiuuantes erant, vna cum Nortfolciæ, ad Scotorum controuersias audiendas, Suffexiæ Comes, & Rodolfus Sadlerius, Eques: hic, ab omnis dissidij veneno purus, ille (ut vulgo creditū est) in patres Hauarti procliuius. Post paucos dies, affuerunt a Regina Scotorum missi, & qui de ciuibus ingratis quærentur, auxiliumque ad redeundum, ab Anglia, sine vlla disceptationis mora, postularent. Hi, seorsum a Prorege & Comitibus auditi, primum protestati sunt, se non, ad eos tanquam iudices, qui ius vllū statuendi haberent, venire: multis verbis iniurias, Regiæ a ciuibus factas, exposuere: postularuntque a Regina Anglorū, ut vel ciuibus ingratis persuaderet, ut suam Principem reciperent, vel, si id recusarent, ipsæ daret exercitū qui, inuitis hostibus, se reducerent. Prorex post aliquot horas, auditus, contra, rem ad disceptationem iuris apud æquos arbitros vocabat: nihil a Regijs, nisi iure & legibus, & e verustis gentis institutis, idque in conuentu publico actū, contendebat: neque quicquam, quod publice in conuentu frequentissimo ab omnibus Ordinibus esset decretū (nonnullis eorū, qui nunc hic accusarent, subscribentibus) se priuatum cum paucis posse abrogare. Sed cum Angli cognitores dati, sibi illis Scotorū decretis domi factis, & nunc prolatis satisfactum, negassent, nisi causæ proferrentur, quæ proceres, ad tam seuerè aduersus Reginam suam pronunciandū, impulissent: Prorex, qui id maxime defugeret, ne & Reginam, & sororem accusaret, & foedissima eius flagitia apud exteros, non grauate audituros, euulgaret, negabat, se aliter id facturū, nisi Regina Anglorum repromitteret, se, si satis dilucide, Regem Scotorū ab vxore cæsum fuisse, probaretur, causam noui Regis defensuram, atque eum, velut in fidem, suscepturam. Cum autem legati Angli, eam se modo potestatem habere, dicerent, ut vtriusque partis postulata audirent & ad Reginam suam deferrent rem integram, Prorex iterū rogat, ut a Regina sua promissum aliquod, super ea re, exprimeret, aut ipsi cognitores, libere de causa pronūciandi, potestatem impetrarent: Id si facerent, ipse contra spondebat, se, nisi perspicue ostenderet, Regem, vxoris cōsilio, interemptū, nullam, quæ grauissimis sceleribus irrogari solet, penam deprecaturū. Ijs de rebus, cognitores ad Reginam scripserunt, Illa rescripsit, ut Scoti Regiæ partis vnum, aut plures e suis in Aulam mitterent, a quibus, de causa eorū, dilucide posset edoceri: id ubi factū esset, se, quod suū munus esset, visuram. A Prorege missi, Gulielmus Matellanus, de quo multæ sinistrae suspiciones indies suboriebantur, & Iacobus Macgillius, non tam adiutor in transigendo negotio publico, quam obseruator earū rerū, quæ ab eo gererentur. Suspiciones in Matellanū cum alijs multis de causis ortæ erant, his potissimū. Ante suū in Angliam aduentū, cum sedulo, consiliū suū calare, conareretur, tamen, ex dictis factisque, multoque vſu cum hominibus aduersarū partium, tum vero multo clarius, ex literis eius deprehensis, apparuere: quibus Regiæ persuadere nitabatur, suam operam posse adhuc ei vtilem fore, exemplo leonis, qui (ut est in apologo), aliquando retribus implicitus, opera soricū, animalīū infirmīssimorū, vinculis fuit liberatus: postea autem quam Eboracū est ventū, nullam prope noctem intermittebat, quin principes Legatorū aduersæ partis cōueniret, cōsiliaq; cū eis cōmunicaret, & quid Prorex pararet,

pararet, eos praemoneret. Nec Prorex tamen eos congressus prohibere voluit, gnarus se nihil amplius profecturum, quam ut inibi secretius aliquando coirent. Hac cum prodita causa publice satis manifesta essent indicia, fortuna tamen certius, ex inopinatio, atque tur argumentum. Cum forte, venandi specie, Matellanus cum Norfolcio in agros propinquos exisset, ibi, multis vitis et quoque, de tota re, disputatis, conuenit inter eos, rem lente tractandam, & velut ex intervallo (si fieri posset) saepe repetendam, ita ut nihil in summam conficeretur: nec causa omnino deserta relinquere cura (Proregem) aut infecto, cur venerat, negotio, abiura, aut, rebus interea domi turbatis, discedere eorum in simul etiam, eam tempore, alia remedia emergerent: nam lagrum civile bellum Norfolcius meditabatur, quo Regnam alteram tolleretur, alteram uxorem duceretur. Hac Matellanus cum retulisset Ioanni Lessio, Rosicensi Episcopo, secretorum omnium Reginae consilio, ille ad eam scripsit, qualiter Duci placuisset, eam ad Aulam rescribere, quod, in posterum, cursum tenere, nec, ob exitu tardiorum, spem, de causae successu, deponere. Haec litterae, a Regina lectae, ac deinde multorum manibus, tanquam chartae neglectae, in charta, ad Proregem tandem delatae sunt, atque hoc profecerunt, quod summam consilii inimicorum, ex eis, cognouit: nam iam ante, Matellani perfidiam, multis experimentis, compererat. Legati, quos dixi, cum Londini Regnam conuenissent, ei, & Concilio eius commodissimum est visum, ut Prorex ipse adesset, & praesens, de rebus omnibus controuersis, disceptaret: igitur, parte comitatus domus ardimissa, cum reliquis ipse Londinum est profectus. Sed ibi eadem, quae Eboraci, difficultas ei est obiecta, dum accusationem, aduersus Regnam suam, & eandem sororem, recusat ordini, nisi, scelere detecto, Regina Angla Regis Scotorum factionem in suam fidem reciperet: id vero si spondeat, nullam se moram accusationi facturos: eadem lege, quam apud cognitores Eboraci sibi dixerant. Dum hac Londini geruntur, Regina Scotorum, auctore Iacobo Balsatio, res domi turbare conabatur: id quo facilius adsequeretur, non modo ad Exules, & Bothuelij, propinquos scribit, ut, quibuscunque possent rationibus, aduersae factionis homines hostiliter infestent, sed, & per totum Regnum, Vicarios creat, quibus Regiam potestatem attribuit: rumores passim spargi curat, Proregem, & comitum eius primos in arcem Londinensem ineludos: sed id mendacium cum non adeo diuturnam fidem habiturum videretur, fingit, Proregem, ut Scotorum regnum Anglorum ditioni subijceret, arcem munitiones, & Regem ipsum obsidem promississe. Id propterea fictum ab ea, creditur, ut, quia per Procuratores Anglis eadem promississet, eaque pollicitatio, ut vana, ab eis contemneretur: quando nihil earum rerum in sua potestate habebat, vulgari animis mendacio semel occupatis, Proregi inuidiam creari, volebat: vel, si ignominiam a se auertere non posset, eam saltem, cum aduersa factione, cupiebat communicari. Cum, his angustiis, Prorex undique se videret obsessum, quam primum domum, rebus utique expeditis, redire statuit. Itaque, Anglis saepe ac vehementer flagitantibus, ut reum in Scotia gestarum (quibus ignotis, ipsi nihil statuere possent) causas explicaret, dum & magnopere cuperet, Regina Anglorum tum satis facere, quam, sine maximo causa, quam sustinebat, damno, non posset offendere, & domum redire, ut bellum civile imminens, in ortu ipso, extingueret, nec alterutrum facere posset, nisi ad causam adiuncta, aut certe non aduersante Regina Anglorum, apud eius Consilium protestatus, se, non sua sponte, sed importunitate inimicorum coactum, ut suam Regnam, & eandem sororem apud exteros immanissimi sceleris accusaret. Id autem, non eam criminandi libidine, sed, sui expurgandi necessitate, impulsus, ut faceret: inuitumque, facturum, ut ea detegeret, quae semperna obliuione, si fieri posset, sepulta cuperet. Eius facti si qua esset inuidia, merito in eos verri debere, per quos non facit integrum, antiquum obtinere ingenium, ut bonis Principibus libenter pareret, & malis inuitus malediceret. Vnum orabat, ut, qui ipsum in id certamen inuitum traxissent, adessent, obiecta crimina audirent, & si quid falsi afferretur, coram Concilio diluerent: se etiam, in rebus multo grauissimis, ipsorum testimoniis usurum. Eam conditionem Reginae procuratores, qui parum suae fidebant causae, cum recusarent, ac, vnum id petere, persequerent, ut Regina, vi & armis expulsa, restitueretur, dies praefinitus Proregi, quo die causas ostenderet, cur cedis Reginae ultores (nam ipse tum

aberat in Gallia) arma sumplissent, & Regnam suam Regni administratione deiecissent,
 ac cetera, quæ ad id tempus constituta sunt, gesserint. Ibi cum & rerum, vti gesta fuerant,
 explicatus fuisset ordo, & prolata eorum, qui sceleris in Regem commissi, erant conscij,
 testimonia ante mortem expressa, Ordinum item decreta, quibus multi, ex Proregis ac-
 cusatoribus, subscripserant, arcula demum argentea in medium est allata, quam a Fran-
 cisco, priore marito, acceptam Regina Bothuelio dederat: in ea inerant literæ, Regina
 manu, Gallico sermone conscriptæ, ad Bothuelium, carmen item Gallicum, ab eadem
 non ineleganter factum: in quibus omnibus amoris eius erga Bothuelium impotentia,
 consilium: ratio cordis Regiæ, & post eadem, raptus item cum eodem matrimonij con-
 tractus tres, primus, ante patricidium, ipsius Regina manu scriptus, quo, velut syngra- 10
 pha, spondet, ei, vbi primū sui iuris foret, se nupturam: alter, ante diuorcium cum priore
 uxore, Huntlay manu conscriptus: tertius, sub ipsas nuptias, palam factus. Hæc omnia,
 oculis exposita, & in Concilio perlecta, totum facinus ita subiecerunt oculis, vt nulla du-
 bitatio, de auctore, amplius esse posset. His iudicijs etsi Angla satis credebat, tamen ani-
 mo adhuc fluctuabat: erat, ab altera parte, amulatio, & odium Reginarum mutuum: erat
 ea criminum magnitudo, & probationum perspicuitas, vt, Scotam nullo dignam auxilio,
 Angla existimaret: animum tamen ad æquitatis respectum proniorem labefactabat, in-
 terdum fortunæ prioris, non sine commiseratione, recordatio, & Regij nominis ampli-
 tudo, & formido, ne pellendorū Regum exemplū in proxima Regna transfret: instabat
 etiam metus a Gallia, nunquam satis inter eas gentes fida amicitia: ac tum maxime lega- 20
 tus Gallorum assidue causam exulis Regina agebat (nam Regis Hispaniarū Orator, etsi
 rogatus fuerat, vt preces, sui Regis nomine, interponeret, foeditate criminum absterritus,
 omnino se ab ea causa abstinuit). Igitur Regina Angla, vt regressum haberet ad poeniten-
 tiam, si res in Gallia secus procederent, nec omnē eis gratificandi materiam sibi ipsa eri-
 peret, medio responso, sententiam temperauit, testata, se nihil, in præsentia, videre, quo
 minus omnia, quæ in Scotia gesta erant, recte atque ordine facta, viderentur: atq; ita, ve-
 lut dilata pronūciatione in aliud tempus, petebat, vt, quoniam res domi turbata Prore-
 gem reuocarent, aliquem e suis relinqueret, qui ad crimina, si qua, eo absente, iaceren-
 tur, responderet. Prorex autem, qui videbat, ita rem prorogari, vt Angla, ex sua com-
 moditate, & rerum externarū euentu, libere pronunciare posset, quo minus causæ non- 30
 dum dijudicatae speciem relinqueret, omnia satagebat: si quid enim inimici aduersus ip-
 sum haberent, æquius esse, homines, & iam diu, ad accusandū, præmeditados, tum profer-
 re, neque tempus, absentem calūniandi, captare, cum disceptationem cum præsentē de-
 fugissent: se non ignorare, quos rumores inimici non modo vulgo spargendos cura-
 rent, sed quid quibusdam e Concilio, quid legato Gallo aperte affirmarent: igitur a Con-
 cilio vehementer petit, vt iubeant eos, ista, quæ clam demurmurent, palam edere: neq; se
 domū redeundi tam cupidū esse, vt non, cum magno suo priuato & publico damno, se
 coram libens purgaret. Tandem accersiti Regina exulis Procuratores, ac rogati, si quid
 haberent, quod aduersus Proregem aut eius comites, cur cordis Regiæ conscij videri pos-
 sent, tū proferrent: Illi, nihil in præsentia se habere, respondent: sed tum accusaturos, cū 40
 a Regina sua iuberentur. Ad ea Prorex, sed paratū semper fore, rationem rerū a se gestarū
 reddere: neq; vllū aut tempus, aut locū defugiturū: sed interea, dū Regina ordiretur istā
 accusationem, se ab accusatoribus suis, iam præsentibus, petere, vt, si quis eorū quicquā
 haberet, quod ei obijcere posset, id nunc proferret: hoc multo æquius esse, ac honestius,
 in illustri coetu palam promere, quam absentis famam, in conciliabulis, conuellere. Id
 quoq; cum diu recusassent, tandem, totius Concilij succlamatione, ac pene conuicijs, ex-
 cepti, confessi sunt singuli, se nihil priuatim scire, cur Morauius, aut quisquam eius co-
 mitum cordis conscius videri posset. Ita, post longam inter partes altercationem, Conci-
 liū est dimissū: neq; ex eo, vlla, de Prorege, aut eius comitibus accusandis, mentio est fa-
 cta. Inter has, ob Causam publicam, in Anglia moras, quædam a Regina factione, domi 50
 & foris, magno conatu, sed sine vllō effectu, sunt tentata. Iacobus Hamiltonius, ante ali-
 quot annos, Prorex, radio rerum domesticarū, parum ex animo succedentium, in Gal-
 liam concesserat: ibi cū paucissimis comitibus, ab omni negotiorū publicorū tumultu se-
 motus

motus, cum vno & altero ministro latebat. Sed Regina Scotorum e custodia emissâ, deinde prælio superata, ac tandem, intra paucos dies, in Angliam compulsa, Galli, qui Moravia Comitem, reuocatum a suis, ac per Galliam redeuntem, in suas partes traducere non poterant, commodissimum suis rationibus iudicarunt, cui ipsi, rebus domi turbatis, nec militem, nec pecuniam in Scotiam mittere possent, Hamiltonium ei æmulum excitari, ac eo maxime tempore, dum Prorex cum parte Nobilitatis abesset. Ille igitur suis latebris extractus, ac paniculis aliquot scutatis aureis donatus, multisque promissis oneratus, dum per Angliam domum properat, ab amicis & propinquis impulsus, ut, fauente cum sua factione Regina Scota, nec Angla aliena, cum ea ageret, ut Moravium sua auctoritate induceret, ut sibi rei Scoticæ gubernaculum cederet, qui locus, omnium prope gentium moribus & legibus, ac potissimum instituto patrio, sibi, & genere proximo, & hæredi, debebatur: neque necesse esse, in eo, ab ultimis usque temporibus, memoriam Annalium repetere cum omnibus, adhuc Regno immaturis, & genere proximis Rectores sunt dati: ita, mortuo Iacobo Tertio, rebus, per absentiam Iacobi Primi, præfuit eius patruus Robertus: & Roberto filius Murdacus successerat: et, recenti memoria, Ioannes, Albinus Dux, Iacobi quinti adolescentiam rexit, & ipse Hamiltonius, Maria, quæ nunc est Regina, nondum aut Regni, aut viri potente, rei summæ, ante paucos annos, præfuerat. Nunc vero, se, non legitimis suffragiis, sed a rebellibus, per vim ac summam iniuriam, exclusum: & (quod indignius est) per legitimi sanguinis contemptum, Nothum in supremum locum assumptum, qui honor, si sibi restitueretur, breui omnes motus domesticos conquieturos, & Regiam, sine vi, sine armorum tumultu, in pristinam dignationem restitutum iri. Ad ea respondent legati Regis, Hamiltonium rem, non modo legibus & veterum institutis ex aduerso pugnantem, sed etiam, si, ommissa legum auctoritate, per se spectetur, longe iniquissimam, postulare: maiores enim nostri, ob consanguineas in Regia familia cedes, post annos prope mille trecentos, comitiorum, in Rege creando, rationem totam, immutarunt: cum enim antea, qui e familia Fergusij, primi Regis, non, Rege defuncto, genere proximus, sed regno gerendo maxime idoneus, suffragiis Rex crearetur: Kennethus vero Tertius, ut Regum aduersus propinquorum insidias, & consanguineorum inter se cruentas æmulationes ex aula tolleretur, cum, qui nunc est, in Regno incundo, sanxit ordinem, ut, qui genere proximus esset, Regi de mortuo sufficeretur. Sed cum homines, usu rerum edocti, perspicerent, vix fieri, posse, ut, in tanta fortunæ inconstantia, non aliquando in pueros, aut alioqui Regno gerendo impares hæredes, ius summi Magistratus incideret, instituerunt, ut, rebus interea administrandis, eligeretur, qui, & opibus & consilio, ceteros anteiret. Atque hanc rationem, sexcentis prope annis, maiores nostri secuti, Regnum incolume posteris tradiderunt: sic, Roberto Brussio vita functo, Proreges deinceps suffragiis electi successerunt, Thomas Randolfus Moravia, Donaldus Marria Comites, Andreas Moravius, Ioannes Randolfus, Robertus Stuartus: interim singuli, interdum a conuentu publico plures, in eum locum, sunt assumpti: Sic, Iacobo Secundo puero datus est Gubernator, Alexander Leuistonius, nulla cum Rege propinquitate sanguinis iunctus, ac ne supremi quidem Ordinis, sed adhuc Eques, ac prudentia, quam genere, illustrior. Nec illa superest excusatio, ut, pœnuria Regiæ stirpis hominum, id quisquam factum causetur: erat, eo tempore, & consilio, & vitæ integritate florentissimus, Ioannes Kennedus, familiæ suæ princeps, ex Iacobi Primi sorore nepos: erant eius patrui, Iacobus Kennedus, Fani Andreas Archiepiscopus, totius Regni, in omni virtutis genere, facile primus: eius item frater, e Regis amita natus: Duglassius Comes Angusiæ: erat, a sanguine Regio non alienus, Archibaldus, Duglassiæ Comes, potentia prope Regi par, ceteris omnibus longe superior, nemo tamen idcirco, de comitiorum iniquitate, est questus. Nec multo post, Iacobo quoque Tertio dati sunt Tutores quatuor, & hi quidem omnes, non, ob cognationem, assumpti, sed suffragiis electi. Nuper Ioannes, Albinus Dux, ad rem Scoticam moderandam, Iacobo Quinto puero, per Legatos est e Gallia accitus a Nobilitate: ab eadem, publico decreto, in conuentu confirmatus: Neque proximitati generis id tributum: Alexandrum enim fratrem, natu maiorem, habebat, ut ipso for-

tasse inferiorem, ita, omni virtutis genere, Iacobo Hamiltonio, qui eum locum aliquoties affectauerat, facile superiorem. At, Iacobo primo absente, Robertus, eius patruus, Regno præfuit: quo tandem iure? num, ob cognationis propinquitatem, assumptus? minime: num a populo electus? ne id quidem: quomodo ergo creatus? Cum Rex Robertus Tertius nec animo, nec corpore, ad Regij muneris functionem satis esset validus, Robertum fratrem sibi Vicarium suffecit, ac liberos ei commendauit: ille Dauidem natum maximum, inedia sustulit: Iacobi, qui minor erat, exitio imminerebat, nisi fuga vitam seruasset, is autem in tyrannidis possessione iam collocatus, fratre mœrore extincto, sine comitijs & populari assensione, eam retinuit, ac, per manus, Mordacho filio reliquit. Quæ autem fuerit Roberti Regis, proxime defuncti, erga fratrem voluntas, dubitari non potest, nam, quem, velut filiorum carnificem, decedens diris est persecutus, nunquam, viuis & valens, liberorum rectorem designasset. Commemorat nobis etiam id tempus, quo, post Iacobi Quinti mortem, rebus ipse præfuit (tanquam quicquam legitime sit, ab illo toto illo tempore, factum) Cum Cardinalis Betonius, magistratū summū per fraudem inuadere, conaretur, is magis odio bonorum erga Betonium, quam studio erga se populi confusus, in locū vacuū irrepit: cum multa crudelitate & auaritia regnauit: post annos, non adeo multos, magistratū vi partum, & Reginam, cuius tutelam gerebat, vendidit. Ibi studiū populi erga eum apparuit, cum foemina peregrina imperiū seruituti, quæ sub eo fuit acerbissima, prætulit. Vides, opinor, Hamiltonij petitionem, & patrijs legibus, & maiorum institutis aduersam, & ita aduersam, ut ipse, destitutus argumentis, solis eam mendacijs confirmauerit. Quod si qua fuisset huius generis consuetudo, neminem reor præterit, quam iniusta foret: quid enim, minus esse iustum, poterat, quam ætatem innoxiam atque infirmam eius fidei committere, qui pupilli sibi crediti mortem semper aut expectet, aut optet? cuius gens vniuersa diuturnas & atroces inimicitias cum Regis, qui nunc est, familia gerit, ac gesserit? quod erit hic, in sanguinis propinquitate, præsidium, aduersus vetus odiū, immanem auaritiam, & iam degustatæ tyrannidis præcipitem impetum? Laodice Cappadocū Regina, liberos suos, ut quisque ad pubertatem venerat, occidisse, creditur, & exiguam imperij retinendi moram filiorū sanguine redemisse: cum liberos mater, in breuē temporis vsuram, impenderit, quid ausuros aut potius quid non ausuros putabimus veteres inimicos, auaritiæ facibus ad crudelitatem inflammatos, aduersus puerum, perperui Regni spem remorantem? Hoc exemplū si cui vetus & obscurum videatur, aut e longinquo petita, propiora, & eadem illustria subiiciam. Quis enim rerum, non adeo pridem gestarū, tam ignarus, ut nesciat, Galeacium Sfortiam, iam adultum, iam maritū, iam Regis potentissimi generum, a Ludouico patruo interemptū? aut cui calamitates ignotæ sunt, quæ tam crudele parricidium sunt consecutæ? pulcherrima Italiae regio prope ad vastitatem redacta: Sfortiana, fortissimorum virorum genitrix, familia deleta: barbari in amœnissimos circa Padum agros introducti, quorum nihil auaritiæ esset clausum, nihil a crudelitate tutum: Quis, in solo Britanno genitus, non audijt Richardi Tertij, Regis Anglorum, aduersus fratris filios sæuitiam? aut quanto cum sanguine sit parricidium illud expiatum? Hæc cum illi in coniunctissimos, sola regnandi cupiditate impulsī, perpetrare non reformidarent, homines alioqui solertissimi: quid ab eo expectabimus cuius animi inconstantiam omnes ciues norunt, imperandi imperitiam magnis cladibus experti sumus? cuius familia, huius Regis proauī cæde non contenta, auum maternum, quoad vixit, insidijs petijt, paternū vero, cum occidere non posset, inopem Regno extrusit, patrem, velut victimam, produxit, mactandū matrem, Regnumque eius, cum ipsi potiri non possent, peregrinis vendiderit: e qua seruitute, numinis providentia, elapsam, in has, in quibus nunc est, angustias coniecerunt: de qua re, publicum ciuium iudicium vel hinc intelligi facile potest, quod homines sibi visi sunt, ex ergastulo miserrimæ seruitutis erepti, iucundissimum libertatis lumen inueniri, cum ipsi quod tractare non sciebant, imperiū foeminae peregrinae vendiderunt. His auditis, Regina, per Concilium, Hamiltonio denunciat, eum rem iniustam petere, neque ullum a se sperandum auxilium: Se autem a Regis legatis rogatam, ne ipsum Hamiltonium, qui nihil aliud, quam seditionem, meditabatur, prius dimitteret, quam illi veniam

veniam abeundi acceperissent, quod rem æquam postularent, promississe: Itaque se pro-
 hibere, ne, ante, id tempus, discedere festinaret. Regina quoque exul spe propinqui re-
 ditus suorum animos implebat: deprehensa sunt eius literæ, quibus suos hortabatur, ut
 quamplurimas arces & loca munita occuparent, & quam latissime bellum spargerent:
 neque nomen induciarum vereantur: nam si condicionibus res transigeretur, omnia su-
 periorum temporum delicta, sub vmbra pacis, rectum iri: sin in apertum bellum dissen-
 sio erumperet, quanto plura tenerent præsidia, tanto, ad hosti nocendū, paratiores fore.
 Cum iam Prorex, rebus in Anglia utcunq; expeditis, redeundi veniam impetrasset, al-
 laræ sunt e Scoria literæ Regina exulis, nuper interceptæ, quibus querebatur apud suos,
 20 se ab Anglia secus, atque, vsque ab initio, ipsa expectauerat, atque illa promiserat, tracta-
 tam: id autem factum, quorundam aulicorū opera, per quos stetit, quo minus, cum
 exercitu remitteretur, uti, Anglam sibi pollicitam, assuerabat: Se tamen, propediem,
 aliunde rei exitum sperare (nam iam crebris internuncijs, de matrimonio cum Hauario,
 tractabatur) itaq; ne remitterent animos, sed factionis vires augerent: omnia turbarent,
 ac reditum Proregis in Scotiam, quibuscunque possent artibus, impedirent. Hæ literæ
 vulgare aliter alios afficiebant: Regina Angliæ moleste ferebat, se iolatræ fidei argui: in-
 duciarum quoque, se auctore factarum, pacta non seruari: ac, iræ stimulis incitata, a fauo-
 re pristino, erga Reginam exulem, magis ac magis ad æquitatem inclinabat: Angli, qui
 Proregi bene volebant, timere, ne quid fraudis inimici eius in itinere molirentur: erant
 30 in regionibus, per quas iter ei erat, aut Papani magna ex parte, aut latrones, qui vtriusque
 Regni fines accolebant, & prope omnes in spem nouarum rerum excitari: & sollicitatos,
 ut Proregem interciperent, palam erat: igitur aulici Angli certatim ei suas opes, ad itine-
 ris præsidium, offerebant: ille, suis comitibus contentus, circa Id. Ian. se in viam dedit.
 Regina autem Angliæ, e sua fide & dignitate existimans, ut saluus domum rediret, vltro
 ad præfectos Limitum scripserat, ut cum ad loca suspecta, & latrocinijs infesta ventum
 esset, prospicerent, ne ex insidijs circumueneretur. Id sedulo ab eis curatū: magno enini
 præsidio equitum peditumque, circa vias, disposito, Beraicum venit: & proxima luce,
 qui dies erat, postridie Cal. Feb. cum magno amicorum gaudio, qui frequentes eo con-
 uenerant, Edimburgum, velut celebri pompa, deducitur. Eius aduentum inimici, pro-
 40 pter falsos rumores temere sparsos, eum Londini in arce detineri, primo vix credere: ve-
 rum, ubi certis auctoribus, iam Edimburgi esse, est intellectum, qui vias, eo absente, obse-
 derant, ut viatores exciperent, captiujs relictis, trepide dilapsi sunt: ac statim, velut e tur-
 bulentissima tempestate, subita serenitas illuxit. Paucos post dies, Regiarū partium pro-
 ceteres frequentes Sterlinum conueniunt: ibi, quæ cum Anglis acta erant, recitata, & in-
 genti omnium, qui aderant, assensu comprobata. Eisdem diebus, ex Anglia Iacobus
 Hamiltonius, familiæ suæ princeps, aduenit: a Regina Scotorum noua, & ante inau-
 dita arrogatione, in patrem est adoptatus, & regni Vicarius factus. Is, propositis edictis,
 cum venisset, ne ciues alijs, quam ab ipso substitutis, parerent, Regij, certatim pecunia
 in equitum stipendia collata, ut se ad vltimam (si opus esset) dimicationem com-
 40 pararent, ad diem dictum, Glasuam conuenerunt: sed cum ad Hamiltonium, non
 pro spe, populares adessent, ab amicis, vltro citroque commeantibus, concordie ratio
 tentata est: Hamiltonius, ea lege, Glasuam venire iussus est, ut Regem pro summo
 magistratu agnosceret: id si faceret, cætera facile conuentura: sin id renueret, frustra
 venturum. Ille, ex consilio, qui aderant, amicorum, cum a factionis popularibus de-
 stitutus esset, & exercitus inimici terror in propinquo foret admotus, decreuit, necessi-
 tati succumbere, & in præsentia omnia polliceri: dimissis autem a Regia factione copijs,
 se, perocium, rebus suis consulturum. Vbi Glasuam ventum est, prædicta dies, qua
 ipsi amicique eorum, se Regi subditos professi, bona & honores pristinos recuperarent:
 interea, ut ipsi in custodia remanerent, aut e propinquis obsides darent: adscriptum
 50 condicionibus, si qui earundem partium vellent, eisdem legibus reciperentur. Argathe-
 lius, & Huntleus, ei foederi ascribi, recusarunt: siue Hamiltonio succensentes, quod ipsis
 inconsultis, se in hostium potestatem dedissent: siue, se, metu suæ potentiz, laxiores leges
 pacis, expressuros rati: siue, quo sponte inclinabant animi, eo facilius sunt impulsī, crebris

ex Anglia literis: nam, dum hæc in Scotia geruntur, ab Regina exule literæ afferuntur, cum magnis pollicitationibus, quibus literis hortabatur suos, ne, seuano terrore circum-
agi, sinerent: se, prope diem, cum magnis copijs affuturam. Et id quidem, pronis, ad cre-
dendum; animis, eo facilius est acceptum, quod Regina laxiore, quam antea, tenebatur
custodia: & increbrescebant quotidie rumores, de nuptijs Hauarti cum ea. Hamiltonius
cum Edimburgum, ad diem dictam, venisset, paulatim promissa, varijs postulationibus,
eludebat, & alias arque alias moras necessebat, dum reliqua factionis capita aduenirent,
atque, vno foedere, omnium consensu, transigeretur: item dum Reginae absentis ani-
mum explorarent: petere, ob hæc, vt res, in decimum mensis Maij diem, proferretur.
Ad hanc manifestam ludificationem responsum, Argathelium & Huntlaum frustra ex- 10
pectari: quippe, qui affirmarant, seorsum suis rebus se velle consulere: quod autem ad
Reginam attineret, si ipsa quoque transactionem non approbaret, rogati, quid tum actu-
ri essent, Hamiltonius ingenue, sed parum vtiliter pro tempore, respondit, se, vi ac ter-
rore præsentis exercitus, in eas condiciones consensisse, neque, si liberum sibi foret,
quicquam eorum probaturum. Ita, detecta palam ludificatione, Prorex Hamiltonium,
& Maxuallium in arcem Edimburgensem custodiendos dedit: Reliqua erat consultatio,
de Argathelio & Huntlæo: nam Argathelius, dum Prorex in Anglia erat, ad consultan-
dum de rebus communibus, Glasuam venerat, mille circiter & quingentis comitatus:
e vicinis quoque regionibus, qui eandem sectam sequebantur, eodem accesserant: ibi
sententijs variatum, nec vlla alia de re consensum, nisi vt pacem turbarent. Ab Argathelio 20
Hamiltonij petebant, vt Leuinianos, sibi vicinos, qui, in causa Regia, erant fir-
missimi, prædis agendis vexaret, & inuitos in suas partes traheret, aut certe eo inopiz re-
digeret, vt suæ factioni haud multum prodesse possent. Id ille cum ad amicorum consi-
lium retulisset, neminem suæ sententiæ fautorem inuenit: meminerant enim, a multis
iam retro annis, Leuinianos Argathelio fuisse addictissimos, & multis necessitudinibus
coniunctos. Deinde qui magis Argathelij, quam Hamiltonij Leuinianis vtrisque inter-
iectis essent vicini? aut cur in ipsum rem inuidiæ plenam reiicerent? Ipsos iuebant,
quorum res maxime ageretur, principes esse: id si facerent, Argatheliū eis non defuturū:
sed ita non defore, vt comes, non dux in prædando esse vellet. Paucos cum dies tenuis-
set conuentus ille, nullo operæ precio confecto, solutus est. Argathelius, qua proximum 30
erat, per Leuiniam, sine noxa, domum eit reuersus. Ea modestia vulgo, & principibus
etiam aduersæ factionis multo cum chariorem, & veniam ei impetrabiliorem fecit. At
Huntlæus conatus irrumpendi per Merniam, Angusiam, & Ierniam, frustra, Prorege
absente, expertus, cum multa hominum vexatione, prædaque omnis generis, vicina
sibi loca peruagatus, cum vicarios sibi, citra Deam, Crafordium, & Ogiluium consti-
tuisset, omniaque Regum munia tentasset vsurpare, difficiliorem sibi concordie ratio-
nem effecerat. Hi ergo cum seorsum quisque suum negotium ageret, conciliū apud Fa-
num Andree vtrique est datum. Prior Argathelius venit: cum eo minime difficilis erat
ratio: nam, & eo anno, vt superiore, a prædando abstinerat, & Proregi cognatione pro-
pinquus, & cum eo, a primis vsque pueritiæ spatijs, familiari consuetudine & arcta iun- 40
ctus erat amicitia: Ei iusiurandum tantum propositū, se in posterum Regi, absque frau-
de, pariturum: Si fallat, præter vulgatas legum poenas, se non deprecari, quominus, apud
omnes homines, ignominiosus & intestabilis habeatur: ad eandem sacramenti formu-
lam ceteri, etsi longe diuersis legibus, in gratiam sunt recepti. At Huntlæi causa, ante ad-
uentum eius, diu in consilio fuit agitata: cum enim in Anglia nuptiæ Hauarti cum Re-
gina exule, & eorum aduentus in Scotiam occulte pararentur, eorum factio in Scotia
paulatim sese erigebat, & rebelles, ad non parendum, animabat: rebus enim perturba-
tis, faciliorem nouo Regi aditum, ad Regnum occupandum, sperabant. Igitur cum Pro-
regi satis scirent persuaderi non posse, vt Regem, cui Tutor & auunculus erat, proderet,
eius potentiam arte conantur imminuere: Nam, præter eos, qui aperte arma, aduersus 50
Regem, gesserant, magna pars Conciliariorū non clam, vt sæpe antea, sed palam, Hunt-
læo studebant: Ii, summa vi, contendebant, vt ei præteritorum esset impunitas: id enim
& tutius, & ad concordiam pronius, & ad famam honestius esse, vt, sine vi, ciuilia vul-

nera sanentur: neque, vsque ad bonorum direptionem, caedem, & sanguinem, saniantur: ita enim, & domi tranquillitatem, & foris laudem parari posse: Sin ad arma spectet res, certamen fore, aduersus hominem, vetere potentia, & multis propinquitatibus, & clientelis praevalentem: qui etiam si vincatur (quod adhuc incertum est) tamen ad mores & solitudines posse confugere, aut ad Reges externos se conferre, ac deinde, in tempore, ex hac odiorum parua scintilla, magnū belli incendium suscitare. Contra disputabatur, Bellum istud non tam formidabile, quam quidam credi volunt, fore: Patrem eius inueteratę prudentię opinione, integris adhuc opibus, minimo conatu fuisse subuersum, nedum hic iuuenis, auctoritate nondum confirmata, & recenti calamitate familię ambulo-
10 stus aduersus Regni opes, & Regij nominis amplitudinem, par esse possit: qui si, aut praelio victus, aut, virium infirmitatis conscientia, sibi metuens, ad montana fugiat, posse, quos ille nuper conciliauit, paribus, aut certe maioribus donis adduci, vt eum vel occidant, vel Proregi prodant: fidem enim mercenariam cum fortuna mutari, florentem sequi, afflictam deserere: apud externos vero Reges, quantas quisque opes habeat, tanti fieri: neque alienam calamitatem, sed suum quenque sequi emolumentum. Quod si in Regibus ea humanitatis & clementię vis esset, vt sordibus & exulum egestate mouerentur, tamen ea nunc esse tempora, quę merum ab exteris nobis demant: Angliam enim, quę
causę nostri Regis non sit inimica, solam, in Europa, bonis pacis florere: cetera Regna vicina ita domesticis malis distineri, vt, ad res externas respicere, non sit ocium. Quod si
20 etiam ocium abunde suppetat: tamen sperandum esse, æquitatem pluris apud eos fore, quam erga exules (Regibus suis rebelles, alienis infidos) misericordiam. Ex impunitate vero, non, quam illi prædicant, clementię famam, sed socordię potius secuturam: quod aut timide iusti certaminis aleam defugerint, aut, sub vmbra pacis, bellum imprudenter aluerint: pacis iniqua vmbra, quę labefactatos iam dudū animos rebellium recreet, & fidelium Regis amicorum alacritatem infringat. Quid enim animi vtrique parti fore sperabimus? cū alteri, impune sibi licuisse omnia, videant, & in posterū licitū iri, sperent? Alteri penes perfidos hostes scelerū præmia spectent, sese spoliatos suis bonis, omnibus belli calamitatibus vexari? & cum præmia suę fidei & constantię sperassent, amoris, erga Regem & patriam, se luere poenas, sentiant. Quis igitur dubitet, quin, si res ad arma posthac
30 spectet (quod fore necesse est, nisi nunc, in ortu, flamma sopiatur) quis, inquam, dubitet, quin ea pars firmior sit futura, in tanto præsertim malorū prouentu, cui omnia impune liceant, quam cui omnia, per vim & iniuriam, sint patienda. Quod si hæc incommoda inanem istam clementię speciem non sequerentur, tamen, neque Proregem, neque Regem ipsum posse, vllō iure, spoliatorum bona latronibus condonare: id enim si faciant, suam ipsis personam deponendam, latronum esse assumendam: multo enim crudelius, si hæc recipiatur condicio, populū a Regibus, impunitatis auctoribus, quam ab hostiū populato-
ribus spoliari. Hoc genus multa cū, pro vtraque parte, dicta fuissent, victique fuissent, paucis sententijs, impunitatis auctores, Prorex pronūciauit, Se, concordię causā, damna, sibi priuatim ac Regi illata, cōdonaturū: Rem alienam condonare nec posse, nec velle: Quod
40 si Huntlaus, aut eius amici, qui sectam eius secuti fuissent, transigere cum spoliatis possent, id se lubente, facturū, curaturūque, vt arbitri, ex volūate partiū, darentur, qui damni æstimationem temperarent. In has condiciones concordia, vt videbatur, stabilita, secuta est alia, parua in speciem, contentio, sed quę maiore, quam prior, certamine discēptata sit: controuersia in eo erat, omnibusne promiscue, qui Huntlaū secuti erant, venia danda esset, an seorsum causę meritaque singulorum expenderentur. Alij, quia, cum Huntlaū durius actum, videri volebant, quod, damna læsis soluere, cogeretur, hic aliud ei indulgeri, æquū censebant, neque omnem apud suos gratiam tolli. Contra disputabatur, nihil magis, in hoc genere bellorū, spectandū, quam vt factiones soluantur: neque,
alia ratione, id facilius obtineri, quam, si gratię & poenę iudiciū penes vnum sit principi:
50 pem: æquam omnibus statui multam, quorū imparia sint delicta, id quam iniquum sit, omnes intelligere: poenę autem æstimationem Huntlaū minime omnium debere relinqui: qui (vt credibile est) maximorum delictorum sit leuissimas poenas exacturus, & in minime noxios totum onus inclinaturus: quippe, qui non cuiusque merita, sed

operam sibi nauatam sit, in poenis irrogandis, expensurus: ut enim quisque maxime crudeliter & imple fuerit in bello versatus, ita, primum gratiae & amicitiae locum obtinebit: contra, leuissimi sceleris grauissimam poenam dependent, qui ad flagitia segniores fuerant: & suae modestiae & fauoris, erga Regem, multam soluent. Hae rationes ita Conciliū in hanc partem inclinauerunt, ut decerneretur, ut seorsum de singulis iudicaretur: ne tamen, nihil ei datum, videretur, concessum, ut domesticos iudicio exemptos ipse, suo arbitrio, multaret: illud vero, quod magnopere laborabat, ne Prorex, cum copijs, ad septentrionalem regni plagam proficisceretur, obstinate negatum. Cum, hoc maxime pacto, ad fanum Andree cum Huntzō transactum esset, cum duabus mercenariorum cohortibus, & satis magna amicorum manu, Prorex primum Abredoniam, deinde Elginam, deinde Ennernessum delatus. Accolae, ad ea opido conuenire, iussi, omnes paruerunt: a quibusdam pecunia, quae multa nomine, imperata erat, representata, & ab alijs praedes dati: ab Huntzō, & tributum ac magnarum clientelarum principibus, obseques abduci. Ita nationibus, quae ad Septentriones vergunt, pacatis, cum summa bonorum omnium per totum iter gratulatione, Perthum est reditum. Eo conuentus Nobilitatis erat indictus, ob literas, quas Robertus Bodius Elginam, ex Anglia, ad Proregem attulerat: erant autem literae perlatæ, alterae priuatæ, alterae publicæ: priuatæ quidem, ab amicis quibusdam Anglis, de Hauart coniuuratione, eam tanta potentia subnixam, tanta prudentia dispositam, atque instructam, ut nullius viribus, nullius ingenio, ei resisti posset, ne si reliquæ totius Britanniae vires aduersus eam coeant. Hortabantur autem amici, ne fortunam suam, florentem, cum rebus aliorum, perditis, misceret: sibi quoque pariter, ac rebus suis, adhuc integris, consuleret. Status rerum Anglicarum, hic nos paulum diuertere, cogit, quod, eo tempore, adeo vtriusque Regni prospera & aduersa coniuncta erant, ut altera sine alteris explicari nequirent: Scoti, ante aliquot annos, Anglorum auxilijs eferuntur Gallica liberati, Religionis cultui & ritibus, cum Anglis communibus, subscripserunt: ea subita rerum mutatio spondere videbatur, Britanniam vniuersam ob omnem domestico tumultu conquireram. E continenti vero, Pontifex Romanus Gallorū, & Hispanorū Reges bellum minabantur, & consilia nouarum rerum, inter se, clam tractabant: et Pontifex quidem, hortando & pollicendo, strenue facies animis, ira tumentibus, admovebat: Regibus autem, inter se non satis domi concordibus, ita opes erant exhaustae, ut, magis cupere, quam suscipere bella, viderentur: suberat & illa æmulatio, quod neuter videretur, a quo animo laturus, tantum alteri virium accrescere, quantum Anglia, denicta, adiectura videretur. Inter eos interea, & suos ciues, hae contentiones inciderunt, quae animos, a rerū externarū cogitationibus, auerterent: quanquam & nouitas Regni, quod adolescens foemina, absque viro, summæ rerum apud Anglos praeslet (quam, qui ei iniquiores erant, ex illegitimis nuptijs, Henrico Octauo genitam asseuerabant) & superioribus, tam de Regno, quam de Religione, dissidijs magis repressis, quam extinctis, odiorum tamen scintillae adhuc in animis viuebant, quae, mox in magnum incendium erupturae, crederentur. Multis interim conatibus a Papanis Anglis temere sumptis, & cito pacatis, cum semper fere res infelicitate succederet, exteris assidue spem, quantumuis variam, ostendantibus, nec auxilia vlla ferentibus, peruicaciter tamen in consilio suscepto persistebant: magisque, dux multitudini, quam opes & animi deesse videbantur. Circumspiciebat vulgus ora procerum, nec satis occurrebat quisquam idoneus, cuius fidei se, suasque omnes fortunas committerent: turbulentiorum enim arma ciuilia multos absumpserant, multi in diuersam sectam transierant: nonnullos aut viuendi maturitas, a gradioribus negotijs obeundis, subduxerat, aut summa, cum corporis viribus fractis, ita animos molliuerat, ut pacem, modo non iniquissimam, pari possent. Vnus eminebat, inter ceteros, Thomas Hauartus, cui & animus, & opes essent, ut, tantam procellam sustinere, posset: & causa suberat, quae animum, alioqui quietum, ad rerum nouandarum spem impellerent: anus enim eius, & proliis, rebus praeclare, bello & pace, gestis, tamen, inter instabilis Aulæ procellas, ita iactati fuerint, ut summam gloriam prope semper summa compensaret ignominia: pater, Maiestatis postulatus, publice poenam luerat: duz etiam, propinqua eius, Regina supplicio fuerant affecta. Ipse, in tanta rerum angustia, libera-

liberaliter educatus, familiam ab interitu vindicauit: & in ipso iuuentutis introitu, singularis prudentiæ spem præbuerat: paucis autem annis, mortibus vxorum, & nouis matrimonijs ditatus, Anglorum longe potentissimus, post Reges, euasit: ac opibus, & prudentia reliqua quidem nobilitas ei cedebat: sed, in re militari, nullū adhuc sui specimen dederat: in Religionis verò controuersijs, ita se ambiguum gerebat, vt quamuis ex animo Papismo faueret, diuersarum tamen partium hominibus interim ita se dabat, vt eorum plerique, pro suo, eum numerarent. Inter hæc, Regina Scotorum, prælio victa, in Angliam se contulit, & literas, de causa sui aduentus, ad Reginam Anglorum dedit. Ab ea iussa est, apud Scrupum, hominem nobilem, & Limitis propinqui præfectū, interea diuertere, dum, de postulatis eius, agi in Concilio posset: porro Scrupi vxor Hauarti erat soror. Per eam, primū secreto tractatum est, de matrimonio ea cum Hauarto copulanda: & velut diuinitus oblata ad id occasione, Hauartus, tertia vxore vita functus, tum coelebs erat. Ea consilia, etsi paucorum conscientia commissa, suppressæ tamen vulgi rumulculis paulatim emanabant: spei enim magnitudo, angustis pectorum claustris contineri, non poterat: ac, immodica læticia producente, statim per ora populi se diffudit. Iamq; eo progressa res erat, vt omnia, belli civilis incendijs mox conflagratura, viderentur: nec deerant, qui, expensis partium viribus, Hauartum, quæ vellent, non magno molimine, sine vi confecturū, affirmarent. In hoc statu rerum, procures Scotorum frequentes Perthū conuenerant, vt duarū Reginarum postulata audirent: scripserat enim vtraque, ad publicum gentis Conciliū. Regina Anglorū literæ trium condicionum vnā proponebant: prima simplex erat, vt Regina Scotiæ in pristinum locum & auctoritatem restitueretur: sin id impetrari non posset, Vt, communiter cum filio, regnaret, & Regij nominis honore, in literis & actis publicis, frueretur: Interea, summa rerum penes Protegem esset, donec Rex annum decimum septimum expleret: tertia erat condicio, si neutrum horum posset obtineri, Vt (si quidem Regina, id sibi persuaderi, permitteret) priuata domo viueret, eis contenta honoribus, qui, salua Regis auctoritate, ei concedi possent. Huic ultimo capiti facile est assensum, si quidem Regina, ad eam accipiendam, perduceretur: cætera obstinate negata: melior enim & incorruptior Nobilitatis pars in eo perstabat, se nec debere, nec posse quicquam statuere, quod, Regis auctoritatem imminuere, videretur, præsertim, cum legitime Rex creatus esset: priora vero capita non modo honorem, & auctoritatem, sed etiam vitam innocenti pupillo auferre, nisi forte matrem, in maritum expertæ crudelitatis, filio inimicam, exilio exasperatam, nunc existiment mitiorem fore. Deinde, recitata sunt literæ Regiæ exulis, quibus petebat, vt iudices darentur, qui, de suis cum Bothuelio nuptijs, cognoscerent: ac, si comperirentur, contra leges facta, peterent, vt, a viro potestate, libera decerneretur. Hæ literæ factionem Regis vehementer offendeabant, quod & se Reginam scribebat, & velut subditis, imperaret: nec deerant, qui eas, quod Regem in ordinem cogerent, ac penes Reginam exulem omnium rerū potestatem statuerent, sine responso, prætereundas esse, decernerent. Ea pars Concilij, quam, ex Regina arbitrio pendere, diximus, multū se mirari, simulabant, cur, qui ab ea tantopere, superiore anno, contendissent, vt suam causam a Bothuelio separaret, nunc, cum id offerretur ultro, maiore id studio impediūt, quā antea postulauerant: quod si verbū vñ & alterū, in literis, eos offenderet, id viciū facile corrigi posse: nec deerant, qui sponderent (sinerent modo, interea diuortij causam agi) se curaturos, vt Regina procurationem, quibus vellent verbis conceptam, mitteret. Contra, ab aduersa parte, contendebatur, nullam se de repente orram videre tantæ festinationis causam: lx. dies esse legitimos, ad Bothueliū, vt qui extra Regnū esset, in ius vocandū: intra id tempus, nouam posse mitti procurationem, nec debere eam moram longam videri, ei præsertim, quæ biennio, rem tantam silentio transisset, ac nūc demū eas mitteret literas, quæ, gratificari in hac causa volentib⁹, impedimento esse possent, quo minus obsequerentur: si vere diuortij expeteret, nihil factū facilius: scriberet ad Regem Danorū, atque oraret, vt in Bothueliū, prioris mariti interfectorē, iure animaduerneret. eo extincto, inuitis omnib⁹, quocū vellent, ei potestatem nubendi fore: id si abnueret, eam, non ex animo, sed simulate, de diuortio agere, vt eū proximo etiam viro, si cui nuberet, in incerto matrimonio esset. Eius rei vel hinc magnam esse suspicio-

nem, quod de diuortio ab eis iudicibus vellet pronunciari, qui nullum statuendi ius haberent: quod enim Proregi ius in exules esse, quibuscum nihil, diuini aut humani, commune haberet? qui, nisi ex ipsorum voluntate pronunciaretur, statuti iudicato non essent: aut quomodo, qui sui iuris non essent, alieno iuri se subijcerent? atque cum fraus aliqua occulta subesse videatur, non properandum, ea de re, iudicium: sed Reginam Angliæ, quæ rem vel promouere, vel impedire posset, præmonendam. Missus est in Angliam iuuenis nobilis, ex Proregis familiaribus, qui acta conuentus ad Reginam perferret. Mirum fortasse cuiquam videri potest, quod, rebus maximis minore disceptatione transactis, de diuortio tanta contentione sit actum. Eius rei causa hæc erat. Hauartus cum Regina Scotorum, de matrimonio, clam per amicos transegerat: deinde huic coniurationi, domi forisque, tantæ vires accesserant, vt vulgi sermonibus libere iactaretur, consilia, de Regibus legitimis trucidandis, & duobus Regnis occupandis, inita esse: loca, tempora, ac totum rei gerendæ ordinem ita dispositum, vt, aduersus vim omnia prouisa esse, viderentur. Id autem coniurationis consocij vnum agebant, ac vehementer vrgebant, quod, matrimonio moram allaturum, videbatur: quod si obtinissent, de cæteris, vt sponte secuturis, erant securi. Contra vero, qui a Rege stabant, vñ id studebant maxime, vt moram nuptijs afferrent: interea, multa consilia occulta, spatio interposito, eruptura, & coniurationem, consensu Regū amborum, opprimi posse. In hoc rerum statu, decreto Concilij Scotici ad Angliam perlato, ea, quod, nec satis, factum sibi eo responso, diceret, & qui missus erat, non satis idoneum videri, cum quo de tantis rebus, tam periculoso tempore, consilia conferret, amplius, de ijs rebus edoceri, postulat. Itaque, iterum conuentu procerum Sterlini habito, responsum, De vltimo superiorum petitionū capite, posse conditionibus transigi: secundum vero tale esse, vt, sine summo scelere, de eo consultari, nequeat: quippe, quod non imminueret modo, sed omnino tolleretur Regis auctoritatem: nam, præterquam quod omnis Regni societas est periculosa, quam tandem æquam imperandi conditionem fore puero, vixdū infanti-
egressa, cum muliere florentis ætatis, natura callida, & varietatem fortunæ experta: quæ, vbi semel in partem Administrationis publicæ irrepsit, vel factionis eius viribus, quæ, decreto publico, a rerum gubernaculo remotam, non precibus, sed minis eam studet restituere, vel corruptis Regis inimicis, vel peregrino milite, quem nunc sedulo accersit, totam imperij vim in se facile trahere possit? aut, quomodo patietur, infantem sibi æquari, quæ maritum non tulerit? Adhæc, si homini alicui potenti (quod nunc maxime tractaretur) nuberet, duplicatis Regina viribus, & marito eius (quod necesse foret) in partem imperij accepto, & eo marito, qui non libenter pateretur, liberos suos a priuigno, in possessione Regni, anteiri, quam pueri conditionem fore? Quid si eius amici (vt est hominum inconstantia) præsentem largitionem futuræ spei anteferentes, ad potentiorum cultum se conferant? ibi, quid puero, in secundum, ac mox in tertium locum detruso, præter præcipitium, superest? cætera se tacitis cogitationibus relinquere, quam ominari, malle, quid mulier irata, viribus imperij freta, impotentibus auunculorū consilijs instructa, crudelitatem in viro experta, & exilio exacerbata, in puero, omnibus naturæ & fortunæ præsidij nudato, & velut ad iræ piaculū exposito, foret ausura: quæ vita pueri amicos maneret, a quibus grauissime se læsam existimaret: quis, cum iram, superioribus temporibus metu occultam, expromeret, Religionis status esset futurus: præsertim eius crudelitatem innatam incitante notæ superbix marito: quam facile vel puero extincto amici, vel puer amicorum interitu ad solitudinem reductus subuerti posset: His de causis, Reginam in partem imperij, sine certa Regis perniciæ, assumi non posse: hæc cum ita se habeant, nihil opus esse, de primo capite pluribus agi. Hæc qui deferret in Angliam, est missus Robertus Petcarnius, homo non minoris consilij, quam fidei: is, in ipso adeo tempore, in aulam aduenit, coniuratione, de vtroque Regno, cæsis Regibus, occupando, palam explorata, & diuulgata. Eius coniurationis tantæ opes erant, vt Angla, de suo statu sollicita, Hauarto in arcem Londinensem incluso, in Reginam exulem non ausa animaduertere, deliberaret, de ea mari, ad Proregem Scotiæ, mittenda: sed id consilium, tempestate paulum sedata, fuit discussum. Interea, Prorex, crescentibus
supra

supra modum factionis aduersæ viribus, Gulielmum Matellanum, omnis coniurationis fomitem, Pertho Sterlinum accersit: is, multa sibi male conscius, cūsi Proregis perpetuam, erga omnes amicos, in grauissimis etiam delictis, perspectam haberet lenitatem, cunctabunde tamen venit: ac, prius explorato, si quid aduersus se, noui consilij captum esset, egit cum Comite Atholio, vt vna veniret: vt eo, si quid opus esset, deprecarore vteretur. Sterlini cum, in Concilio sedentem, Thomas Crafordius, Comitiss Leuinæ cliens, reum cædis Regiæ postulauit: is in cubiculo seorsum in arce seruari iussus est. missi, qui Iacobum Balfurium, absentem, comprehenderent. In vtrunque legibus animaduertendum, censentibus circumspectioribus, vt qui omnium, per aliquot annos, barbarum auctores fuissent: & velut, in proximo Rege tollendo, sceleris conscij, ita factionis, aduersus filium eius, principes essent. Sed vicit utilitatis publicæ rationem Proregis lenitas, calamitosa patriæ, ipsi vero fatalis: nam Balfurio nouæ coniurationis, nuper initæ, gratiam, per amicos exoratus, fecit: Matellanum, Edimburgum ductum, in hospitium, non procul ab arce, dimisit. Adhibiti erant ei custodiendo equites aliquot, præfecto eis Alexandro Humio, adolescente impigro & nobili: sed Gulielmus Kircadius, arcis præfectus, circa horam decimam nocturnam, literas confictas, Comitiss Morauij chirographum imitantes, ad Alexandrum attulit, quæ, Matellanum Kircadio tradi, iuberent. Ille, vt qui non ignoraret, quem in amicitia gradum apud Morauium Kircadius obtineret, nihil cunctatus, literis paruit: ita Matellanus ab arcis præfecto, qui occultius, ad eum diem, cum inimicis publicis senserat, in arcem abducitur, multum fremente Nobilitate, ac prope incerta, Kircadione tantum facinus imputarent, an Proregi tanquam audaciæ eius non ignaro: ac res, ad seditionem spectare, videbatur, nisi totius vitæ eius sanctitas omnem calumniam superaret. Fuerat quidem & Kircadius, ad eum usque diem, & manu fortis, & in amicitia colenda, constans habitus, & cum aliis multis Proregis beneficiis ornatus, tum, in arce custodienda, omnibus amicis & propinquis prælatus, verum prudentioribus etiam tum suspectus: sed ea erat Proregis in amicos indulgentia, vt, quos aliquando amasset, in eos, in scelere deprehensos, durior esse non posset. Kircadius, ad Proregem accersitus postridie, venire renuit: atque alienissimo tempore, cū iam Hauartus & Regina indies expectarentur, animos aduersæ factionis erexit: pessimis vulgo sparsis rumoribus, Proregem ab intimis amicorū, in rebus dubiis, desertum, & inimicorū libidini, arce alienata, relictū cæteris tam illustre exemplū secuturis: ac fore breui, vt, Præsidente sublato, Rex innoxius, eiusq; fautores in omnia, quæ sauiissimis tyrannis luberent, supplicia traderentur. Nihil tamen Prorex his sermonib; commotus, sequenti luce, in arcem ascendit: custodem allocutus, velut placatus, vultu nihil immutato, rediit, & ad expeditionem, quam in latrones susceperat, per Marciam profectus, ad Alexandrū Humiū, gentis principem, familiariter, vt solebat, diuertit: illic quoque (nam Humius, ad rem audior, magnis pollicitationibus, in diuersam factionem seductus erat) nullū animi amici indicium reperit: nam ab Humij vxore foemina arrogante, propemodū conuiciis exagitatus, in Teuiotiam abiit. Eo cum venisset, cum exiguo, & prope quotidianiano comitatu, latrones, in illa amicorū solitudine, virtutem & constantiam eius suscipientes, fide publica accepta, adeo frequentes ad eum conuenerūt, vt plerunque multitudo eorū eius familiares & comites æquaret, interim autem anteiter. Nec ille tamen quicquam de pristina animi altitudine remisit, quo minus eis, e dignitate & sua, & publica, responderet: eosq; procul dubio, sine vi pacasset, nisi e Nobilitate vicina, quidam in Hauartū proni, & iam arma spectantes, obstitissent. Amicis ad diem præstitutū, confluentibus, in fines latronum duxit: quanquam vicinorum quibusdam obiecta difficultate & periculis, eum detertere conatis: Lidaliā, Euia, Esciam cū exercitu peruagatus, non modo ab illis, sed ab vltioribus etiam, vltro missos, obsides accepit: paucis, qui, ob malefactorū magnitudinem, veniā desperabant, aqua & igni interdixit. Hæc eius expeditio non modo gratiam vulgi, ob securitatem publice partam, confirmauit, sed sumam etiā admirationem expressit, quod homo, ab intimis amicorum desertus, in extrema prope omnium rerum penuria, paucis diebus perfecisset, quod Reges potentissimi, in pace tranquilla, magnis copiis, ac longo tempore, efficere ægre potuerūt. Inter has res certior factus

est coniurationem Anglicam detectam, Hauartum in carcerem, Regnam Scotorum in arctiorem custodiam datam. Et Robertus Petcarnius, confectis, ex animi sententia, rebus, e Legatione redijt: ostenditque res a Prorege gestas Regina Anglorum esse gratissimas, quod Limites pacasset, quod vnum e coniuratis, Northumbriae Comitem in Scotiam fugatū, comprehendisset, & in custodia haberet, quod reliquos, velut hostes, persequeretur, quod praefecto Beruici ultro, in omnes casus, auxilia obtulisset: horum officiorum se in memorem fore pollicebatur, nec eius periculis defuturam: omnibus regni Anglorum copijs eum, pro suis, vti posse. Toto huius expeditionis tempore, cum assidue per fidos homines, de maxima coniuratione dominita, multa ad Proregem deferrentur, omniumque pene literis arcis praefectus perstringeretur, Prorex, veterū officiorum adhuc recente memoria, & consuetudine pristina non penitus ex animo abolita, simpliciter ad eum omnium delationum exemplar misit: ille ad ea crimina adeo frigide respondit, vt multo, quam antea, se suspectiorem redderet: negauit enim, quenquam esse, qui suam subscriptionem ad vllā factionem, quā ad illam coniurationem pertineret, ostendere posset. Interea, appropinquabat dies rei capitalis, Matellano dictus: Nam, vt est in arcem receptus, velut periculū audacia discussurus, maximopere petijt, vt secum iudicio experirentur: persuasum enim habebat, tantas esse confurationis, in Anglia factae, & Scotia (cuius ipse inter principes erat) vires, vt nihil ordine & iudicio statui posset: ad iudicia enim rei capitalis, magnae aduocationes amicorum & clientium conuenire solent, pro reorum vel factione, vel gratia, vel nobilitate, vt tum quoque euenit. 20 Omnia enim in eum diem comparauerant subsidia principis factionis Regi aduersae, cuius Hamiltonij Gordonij, & Argatheliae Comes capita numerabatur, ea spe, vt si armis (quod facillimum erat) iudicium turbaretur, se, qui, & numero hominū, & loci opportunitate, & omni belli apparatu, superiores erant, rem vno conflictu finire posse, sperarent. Prorex, qui iuris, non viriū contentionem expectauerat, ac, propterea, nihil ex aduerso praeparati habebat, simul, quod, tempore non necessario, se supremae fortunae alea committere, nollet, simul, ne supremi honoris maiestas, in contentionem cum inferioribus demissa, vilesceret, diem diffidit: ipse postridie, ad Cal. Ianuarias, misso in custodiam, ad lacum Leuinum, Comite Northumbriae, Sterlinum est profectus. Aduersa factio cum denuo, praeter spem, auctoritatem Proregis, & potentiam crescere, &, ad popularem bonorum gratiam, Anglorū fauorem accedere, videret, ad id, quod diu contenderant, partim æmulatione, partim magnificis Reginae Scotorū pollicitationibus, quae, Gallorum & Hispanorum auxilia iamiam affore, per literas affirmabant, incitati, vt Proregem tollerent: quo viuo, nullum suis consilijs exitum reperiiebant: missis per omnes regiones nuncijs, ad suae factionis principes, foedus in eam rem ineunt: huic foederi subscripserunt Hamiltonij, quique ipsi, eorumue liberi in arce Edimburgensi custodiebantur: nec arcis praefectus, huius consilij ignarus fuisse, creditur: quam suspicionem, quae mox secuta sunt, magnopere auxerunt. Operam suam, ad id, facinus, promissit Iacobus Hamiltonius, ex Archiepiscopi Fani Andreae sorore natus: ac locum, tempusque, insidijs idoneum, aucupabatur. Forte, eodem tempore, spes facta erat Proregi, Britannodunum posse per condiciones recipi: eo cum profectus, re infecta, rediret, Hamiltonius, in omnem occasionem intentus, primum Glasguz, deinde Sterlini cum insidijs parum procederent, Limnuchum statuit, locum, ad consilium exequendum esse commodissimū: quod opidum esset in clientela Hamiltoniorū, & Archiepiscopus, eius auunculus, non procul ab ea domo, in qua Prorex diuersari soleret, ædes haberet: in ædes, sceleri destinatas, intentius se abdidit. Prorex, cum saepe antea, tum eo ipso die, ante lucem, de insidijs certior factus (cum index, ad maiorem fidem, adderet, percussorem intra tertias aut quartas ædes, a diuersorio, occultari, seque, si pauci comites sibi darentur, eum e suis latebris extracturum, ac totum occultae coniurationis consilium & ordinem explicaturum) nihil tamen de priore consilio mutauit, nisi quod per eandem, qua ingressus erat, portam regredi, & commutato itinere, progredi decreuerat. Nec hoc quidem propositum tenuit: siue, quod talium periculorum erat contemptor, ac, suam vitam in manu Dei esse, praedicabat, cui reposcenti libens eum redditurus esset, siue, quod equitum

equitum multitudo, eum operiens, viam oppleuerat. Cum iam in equum conscendis-
 set, & celeriter loca suspecta praetereundo, periculum se putaret euitaturum, ei consi-
 lio cum turba referta iter morando restitisset, percussor e podio ligneo, quod linteis, ve-
 lut in alium usum, operuerat, ex insidijs, globulo plumbeo paulo infra umbilicum ad-
 acto, ac prope rhenes transmissio, equum quoque Georgij Duglassij, qui ultra eum erat,
 eodem ictu exanimauit: ipse per posticum horti, quod in eum usum diruerat, celeri
 equo, quem e Ioanne Hamiltonio, Abbate Aberbrothij, ad salutem, peracto scelere,
 tuendam, acceperat, magna suorum gratulatione, qui coepti audacis euentum opperie-
 bantur, ad Hamiltonium deductus est: ac iam, velut Regno in suam familiam translato,
 10 propinqui, omni honore verborum prosecuti, praemijs cumularunt. Linnuchi inter
 haec, ceteris ad sonum repentinum erectis, Prorex, se percussum affirmans, ex equo, ve-
 lut sine sensu vulneris, desiliit, & pedibus in hospitium rediit. Initio, cum, qui curandae
 plagae adhibiti erant, signa omnia ad salutem esse, dicerent, paulatim dolore oborto,
 nihil omnino animo turbatus, de morte cogitare coepit: qui aderant autem, cum fre-
 quentes dicerent, sua cum nimia lenitate sibi exitium peperisse, vt qui tot malefi-
 centissimis hominibus, & in ijs, percussori suo, perduellionis damnato, pepercisset: ad
 ea leniter, vt solebat, respondit, Nunquam vestra importunitate, efficietis, vt meae cle-
 mentiae me poeniteat: deinde cum, de re familiari, statuisset, Rege proceribus, qui ade-
 rant, commendato, nullum in quenquam verbum asperius locutus ante mediam no-
 20 ctem, decessit, ad x. Cal. Februarias, anno salutis partae M.D. LXXI. Mors eius omnibus
 bonis, sed praecipue plebi fuit luctuosa, quae, velut parentem publicum, & viuum ama-
 bat, & mortuum deflebat: quippe, praeter plurima ab eo praeclare gesta, meminerant, res
 vbiue turbatas, nondum expleto anno, ita per omnes Regni partes fuisse compositas,
 vt nemo domi suae, quam per itinera & diuersoria, tutior esset: & iam decedente inui-
 dia, qui viuo iniquiores erant, mortuum veris laudibus prosequiebantur. Admiraban-
 tur fortitudinem in bello, cum summo studio pacis coniunctam: celeritatem, in rebus
 gerendis, sed semper tam felicem, vt diuina quadam prouidentia, in omni negotio af-
 fuisse, videatur: tantam lenitatem, in supplicijs sumendis, tantum aequitatis, in rebus iu-
 dicandis, studium, vt, quoties a bello vacaret, totum diem, iudicum collegio afficeret:
 30 ea praesentis verecundia fiebat, vt neque tenuiores per calumniam opprimerentur, ne-
 que, in potentiorum gratiam, litibus in longum dilatis, exhaurirentur. Domus eius, ve-
 lut sanctissimum sacrarium, non solum a flagitijs, sed verbis etiam petulantioribus, pu-
 ra erat: legebatur, a prandio & coena, semper caput aliquod, e sacris Biblijs: & quan-
 quam, ad eum usum, eruditum hominem secum semper habebat, tamen, si qui aderant,
 doctrinae nomine illustres (aderant autem fere semper, ac summo in honore apud eum
 erant) eorum sententias exquirebat: neque id ambitione vana faciebat, sed studio, vi-
 tam ad eam normam componendi. Liberalitatis prope nimius erat: dabat enim &
 multis, & frequenter, & munus etiam, in dando, animi alacritate commen-
 dabat, & plarisque, ne accipientium verecundiam oneraret, ipse clam,
 40 sua manu, donabat. Cum amicis & domesticis, simpliciter &
 aperte vivebat: si quis autem eorum deliquisset, acius mul-
 to, quam externos, increpabat. His moribus & vitae in-
 nocentia, non modo ciuibus, sed exteris etiam
 nationibus, & carus erat, & venerabilis,
 sed praecipue Anglis, quibus, in
 omni fortuna, virtutes
 eius erant magis
 cognitae.



R E R V M
S C O T I C A R V M
H I S T O R I A,

Auctore Georgio Buchanano Scoto.

L I B E R V I G E S I M V S

I O R V M id tempus, quod Proregis postremi mortem proxime est secutum, etsi a cædibus est temperatum, tamen, varijs factionum conatibus, 20 plerumque fuit sollicitum. Hamiltonij frequentes Edimburgum, ante eadem, conuenerant, prætextu exorandi Proregem, ut Iacobum Hamiltonium, gentis principem, qui in arce adhuc custodiebatur, liberarent: cæde vero perpetrata, ad reliquos Hamiltonios miserunt e suis, qui cæteris gentibus persuaderent (ita enim credi, volebant) ne parricidis publicis se coniungerent, aut eos in suam fidem reciperent: ut plurimi suspicabantur, ut eos iuberent, ad omnes occasiones esse paratos & intentos: nam proxima, post eadem, nocte, Valterus Scotus, & Thomas Carus Farnihellius, Angliam ingressi, ferro flammaque omnia foderunt, idque aliquanto crudelius, quam, superioribus temporibus, fieri consuevit erat. Nec eos tam prædæ cupiditas, aut vindictæ ad hanc insolitam sauitiam impulerat, quam 30 quod, iam diu ante, ab Episcopo Fani Andrea, reliquisque factionis principibus decretum erat, ut Anglos cum Scotis committerent: & si alia ratione eos, ad arma sumenda, nequeant adducere, iniurijs inferendis, ad bellum inuitos pertraherent. Præfectus arcis, etsi multis tenebatur indicijs, omniumque oculis & sermonibus designaretur, tamen adhuc in pristina officij simulatione, erga Regem, perseuerabat: ei datum est, ut Gulielmus Matellanus e custodia educeretur. Is cum, in Concilio, suam pluribus verbis commemorasset innocentiam, Nobilitate, quæ aderat, restante, sibi nullis certis indicijs constare scelerum, quorum arguebatur, affinem esse (arguebatur enim cædis Regis ac Proregis conscius, & belli civilis, in Anglia nuper excitati, prope auctor fuisse) ita dimissus est, ut res, in aliud tempus dilata, videretur: ipse quoque, 40 iureiurando suam innocentiam testatus, quodcumque Regis propinqui diem ei dicerent, se venturum in ius, promittebat. Deinde, cum, de statu Regni consultantibus, propemodum conuenisset, ut ex iis, quos mater, ante quam se Regno abdicarat, filio Tutores nominauerat, qui id munus suscipere vellent, modo in aduersam factionem postea non abiisset, administrationi rerum admoueretur: Matellanus, iam tum rerum perturbationem meditatus, auctor erat, ut iterum procures absentes admonerentur, ut, si vellent, adessent ad comitia Proregis, in certum diem indicta, ne quando causari possent, se absentibus, tantam rem præcipitaram. Atholius cum paucis assensus, nec ceteri abnuerunt; magis, ut aduersarijs omnem calumniandi occasionem tollerent, quam quod, quicquam, ea dilatione comitiorum, profici in publicum, sperarent. Post 50 hæc, Thomas Randolfus, legatus Anglus, est auditus: Regina enim, viuo adhuc Prorege, legatos miserat, qui exules Anglos deposcerent, qui, detecta & punita Hauarti coniuratione, supplicij metu, profugerant: hos legatos, Sterlini auditos, Prorex Edimburgum

burgum reiecerat. eo mortuo, rebus turbatis, sine responso discesserant. Cum vero, de Prorege deligendo, conuentus haberetur, Randolfus, qui, ante aliquot annos, in Scotia fuerat, quod, res hominesque eius nationis optime nosse, videbatur, & quod, ex vtriusque gentis commodo, superiores legationes obijisset, omnibus bonis, vt erat, carus esse existimabatur. Is, in Concilium introductus, cum declarasset, Reginae suae animus qualis erga Scotos semper fuisset, eam, vt antea, rebus eorum turbatis non defuerit, ita nunc non defuturam: deinde commemorat incursiones in Angliam, caedes, rapinas, incendia, superioribus diebus facta: eam satis scire, nihil horum, Concilio publico, gestum: itaque eandem, in praesentia, voluntatem, idem suum in eos studium manere: atque adeo, 10 quamquam grauiter, ac nullo suo merito, lacerata est, se, quod iure suo posset, nec publice res repetere, nec, ob delicta paucorum, ab omnibus poenas poscere: Se quidem non esse ignaram, quanta nuper oborta sit omnium rerum perturbatio: neque tamen, de bonorum erga se voluntate, dubitare: in eorum gratiam, non modo culpam a conscientia publica separaturam: sed si ipsi, propter motus domesticos, pacis perturbatores, ad res reddendas, cogere non possent, se suas cum illis coniuncturam copias, vt, communi consilio, poenas violatorum foederum expeterent: sin ne id quidem possent, se suo milite suas iniurias persecuturam: sine maleficio, exercitum per pacatum agrum iter facturum: neque quenquam, qui a culpa remotus esset, vltioni affinem fore. Reliqua legationis capita continebant admonitiones, semper quidem in omni legitimo conuentu vtilis, 20 sed ad praesentem rerum statum necessarias: Primum omnium, Religionem tuendam, summa cura & vigilantia, quae vna, & erga Deum, & homines, officiorum rationem nos docet: Quia nulla Respublica, secum ipsa discors, diu constare potest, in id praecipuo incumbendum studio, & omnibus adnitendum viribus, vt domi ciuibus inter se pax & concordia sancte colatur: Cum Deus, vniuersi opifex, Regium huic populo indulserit imperium, Regibus parere, honore eos & omni obsequio obseruare & prosequi, est aequum: Pax, concordia, & amicitia cum omnibus, quoad fieri potest, hominibus Deo est gratissima, fundendique sanguinis humani sitim (quod viciu Deus vnice execratur) extinguit, aut certe inhihet: eadem singulorum opes auget, ciuesque suis inimicis formidabiliores facit: Iusticia omnis publicae incolumitatis custos, amplectenda cuius 30 praecipua pars est, in fontes animaduersio: Cum proditio sit omni legitimae dominationi maxime detestabilis, hoc hominum genus, quocunque terrarum se receperint, nulla clementia, fauore, & indulgentia est prosequendum. Haec Randolfus, qui, & sancte, & salubriter admonere, & aqua postulare, est visus: sed quia, nemine in summum magistratum adhuc electo, certum responsum dari non poterat, in Cal. Maias est reiectus. Postremo Proregis proxime caesi fratres ex eadem matre Gulielmus, & Robertus Duglassij sunt auditi: hi petebant, vt sui fratris indigna mors, nullas ob inimicitias priuatas, sed ob Remp. illata vindicaretur. Ibi sententijs est variatum, omnibus quidem consentientibus, poenas de parricidis expetendas, sed alijs consentientibus, de ea caede suspectis diem dicendum (nomina autem multorum deferebantur) alijs placebat, dies iuridicos non expectandos, ad- 40 uersus eos, qui arma iam susceperant, vt facinus, quod scelerate patrarant, vi defenderent: nec in eos modo statim arma sumenda, sed etiam aduersus omnes, qui, superioru Ordinum comitijs, capite minuti erant. In eam sententiam, qui aderant ex Equestri ordine, proni erant, nec tamen, propositum tenere, potuerunt, maxime, dissuadentibus Athollio, quod diceret, frequentiore procerum conuentum expectandum: Mortonio, quod existimaret, fore, vt, si plura coniungerent crimina, vindicta Proregis periret, & res ad civile bellum prorumperet, omnibus, qui pacem timerent, se ad caedis reos aggregantibus. Igitur separanda crimina, ac iure (si fieri possit) agendum: nihilque, ante Cal. Maij (qui dies, ad conueniendum, dictus erat) innouandum. Ita conuentus ille solutus est, maxima populi parte cunctationem Nobilitatis damnante, quod, ad nutum inimicoru Regis, omnia 50 acta dicerent, qui has moras innecterent, vt, spatio interposito, caedis inuidia relanguesceret, & factio aduersa interim vires assumeret. Hanc vulgi opinionem, & quaedam, quae iam praecesserant, & plurima, quae secuta sunt, confirmarunt: nam statim, caede Proregis vixdum divulgata, Iacobus Hamiltonius, oppositis pignori agris Ioanni Someruallio

R E R V M S C O T I C A R V M

Camnethamio, pecuniam accepit, quam cum alia summa, ab amicis corrogata, ad militem mercenarium conducendū, misit ad amicos, iam ante pramonitos, ut, propter subitam mutationem, quæ, inimico ipsorum capitali sublato, acciderat, in omnia parati essent: nec, post id, a coitionibus in multis ac distantibus locis, a Regina factione est cessatum. Ad decimum quintum Cal. Mart. capita fere factionis rebellis conuenerunt Glasgæ: inde Argathelius, & Bodius ad Mortonium scripserunt, se, quia Proregis percussores, & cædis conscios, quinam essent, adhuc ignorarent, libenter, ea de re & eruenda, & punienda, cum reliqua Nobilitate consilia communicaturos, verum, se Edimburgum non venturos: sin Regia factio sibi persuaderi sineret, ut Limnuchum, ad Varium sacellum, vel Sterlinum venirent, nullam se moram facturos. Res a Mortonio cum Metellano communicata (ita enim in literis erat scriptum) nullum exitum habuit. Eodem tempore, scripsit Limnuchus Thomas Carus ad socerum suum, arcis præfectum, si a Regina Anglorum impetrari posset, ut incursiones, nuper factas, dissimularet, se, in posterum, operam daturum, ut Limites pacarentur, & in officio essent: sin hanc illa condicionem recusaret, se in incepto perseveraturum: neque enim se dubitare, quin boni ciues, qui in officio, erga suam Reginam, perstarent, se coniungerent, & auxilia Gallica mox affutura. Quinto Non. Mart. Hamiltonij, Argathelius, Bodius Limnuchi conuenerant: sed cædes vnius mercenarii militis omnes eorum rationes, subito tumultu exorto, conturbauit: quam ob causam, postridie, Hamiltonios Fani Andrea Archiepiscopus domum reduxit: reliqua rebellium factio, in primis Huntlaus, Atholius, Crafordius, Ogiluius, item, ex Cisforthanis, Humi-
us, Setonius, Metellanus conuenerunt Edimburgum: Mortonius quidem in vrbe erat, cum paucis admodum comitibus, donec Glencarnia & Marria Comites, cum suis clientibus, aduenissent. Ad quartum Non. Martij, capita factionum coierunt, ad consultandum, de summa rerum: sed ea consultatio lente procedebat, propter absentiam Argathelij, cuius tum magna erat potentia, & auctoritas: huic Huntlaus se persuasurum recipit, ut cum reliqua factione se coniungeret: verum is, re infecta, redijt, fraude (ut maxima pars hominum credidit) Metellani, qui omnia in longum duci, volebat, ut rebus nouandis, in statu Regni turbulento, locus esset opportunior. Erat & Argathelio, in omnibus actionibus, aliud impedimentum obiectum, quo minus, eius vires temporum superiorum famæ responderent, quod, quamuis ipse impensissime causæ Reginae faueret, tamen amici clientesque, ac ne frater quidem eum, aduersus Regem, sequi volebant. Ea nocte, quæ secuta est, repentinus, nullis apparentibus causis, terror totam factionem ita perculit, ut armati, ad lucem usque, peruigilarent, ac mane Edimburgo trepide discederent. Toto huius conuentus tempore, id prope vnum est disceptatum, quo iure tum Scoti creare Proregem possent: Alij, ex diplomate Reginae in quo, ante triennium, octo e principibus procerum designauerat, e quibus vnum, aut plures (si videretur) filio Tutores nominauerat, vnum aliquem nunc rerum summæ præficerent: Alij, huic diplomati, Prorege iam ex eo creato, nullum amplius locum esse, nullamque omnino rationem eius esse habendam, contendebant, ut quod, non in perpetuum, sed in id modo tempus, confectum esset: Erant, qui, ad conuentum procerum vniuersalem, rem integram differendam, censerent: sed ij, fere ex Metellani factione, qui tantam rerum perturbationem expectabant, quæ multitudine sine rectore, & facile exoriri, & ægerime sedari posset: Tertia sententia vtranque harum damnabat: priorem, quod diplomatis Reginae, cuius, ab initio (si iuris disceptatio fuisset) nullum erat momentum, nunc minus ratio ducenda esset: alteram, quod prorogatio plurimum secum afferret periculi, longioremque moram, quam præsentium rerum status ferre posset. Igitur coire iubebat, qui Regi, a primordio, regni ineundi fuerant auctores, eique constanter, ab eo tempore, obtemperarunt, quibuscunque possent rationibus, prospicere, ne quod publice detrimentum caperetur, ac mature talem Proregem edant, qui, & Regis salutem, & omnium incolumitati consulere, & possit, & velit. Nec hæc recepta est sententia: itaque re infecta solutus est conuentus. Tot coitionibus frustra tentatis, ut populum in suam factionem petraherent, rebelles, rursus ad belli Anglici seminaria reuersi, eosdem, quos antea, duces latronum immittunt, qui nihil sibi reliquum, ad extremam crudelitatem, fecerunt: ipsa interea
factionis

factionis capita Reginam Angliæ conuicijs proscindunt: proceres Scotorum calumni-
 antur, tanquam Anglorum clientes: vulgo minantur, si Anglica accersant auxilia, se Gal-
 lorum & Hispanorum præsidijs vsuros. Eisdem forte diebus, applicuit Britannodunum,
 e Gallia, Veracus quidam, e cubicularibus Regis Francorum ministris vnus, qui, magni-
 ficis promissis eorum animos nonnihil erexit: secundum hæc, Hamiltonij suorum po-
 pularium conuentum, in quintum Idus Apriles, Limnuchum indicendū curarunt. Ad
 eum diem, cum Regiæ factio frequens venisset, ibi, quod, iam diu ante, secretis coitio-
 nibus erant meditati, palam tractari coeptum, vt, suscitato aduersus Anglos bello, in pu-
 blica rerū perturbatione, priuatæ iniuriæ actionesque, de cæde Regis, & Proregis, aut om-
 10 nino antiquarentur, aut saltem refrigescerent. Rebus Limnuchi inter populares coniu-
 rationis modo agitatis, nec adhuc plane explicatis, quo maiorem res haberet auctorita-
 tem, statuunt, Edimburgum transire, ad tertium Id. Aprilis, ac, præter alias commodi-
 rates, quas locus habebat, opidanos, in quibus magnum in omnes partes momentum
 ponebant, adiungere: id per facile factū videbatur, cum Gulielmum Kircadium, eun-
 dem & arcis, & verbis præfectum, in suas partes iam pertraxissent: sed, quia, excubias ibi
 fieri, intellexerant, ac vulgus in alteram partem procliuius, ad opidanos prius mittunt,
 vt sibi, eorum voluntate, ibi conuenire liceat. Opidani responderunt, se neminem, tran-
 quillitatis publicæ studiosum, qui Regis imperio pareat, exclusuros: Anglos vero exules,
 & Hamiltonios in urbem non accepturos: ne, vel Reginam Anglorum, in cuius Re-
 20 gno negotiarentur, assidue offenderent, vel, cum cædis nefariæ reis consilia communi-
 casse viderentur: nec etiam passuros, vt noua Edicta, quæ, ad Regii imperii imminutio-
 nem, spectarent, proponerentur, aut iuuentus (vti in more est) ad arma capienda, tym-
 pano conuocaretur. His legibus, etsi duræ viderentur, tamen eo venerunt, rati, se pau-
 latim posse, simplici multitudini obrepere, &, oratione commoda demulcendo, vni-
 uersos suæ potestatis facere: nec tamen persuadere ciuibz potuerunt, Kircadio, urbis &
 arcis præfecto, adnitente, vt clauces portarum ciues eis traderent, vel de solita custodia
 cederent. Toto eo tempore, ad Matellanum, qui aut podagra laborabat, aut egregie si-
 mulabat, quotidie adeo frequentes conueniebant, vt domus eius ludus, & ipse ludima-
 gister vulgo nominaretur: nec cessabat interea, vltro citroque commeare, Atholius, vt
 30 diuersæ factionis homines ad eum cœtum, qui erat Edimburgi, attraheret. Illi concordēs
 recusabant, ante diem Cal. Maij (qui communiter ab omnibus consentientibus erat
 dictus) conuenire, nisi scirent, quæ necessitas, tempus constitutum anteuertere, coge-
 ret: si qua res magni momenti incidisset, quæ nullam pateretur dilationem, cum Co-
 mite Mortonij, qui domi suæ ad quatuor millia passuum aberat, communicarent: is re-
 liquos faceret certiores. Tandem, per Atholium dicta est dies, qua die, vtriusque factio-
 nis pauci ad villam Mortonij, quæ est Dalkerhi, conuenirent: locus factioni Regiæ
 non placebat: non quod quicquam insidiarum timerent, sed, ne sua vilesceret aucto-
 40 ritas, si ipsi ad Mortonium potius, quam ille ad eos accederet: igitur, multis conati-
 bus sumptis, neque vlla re, satis ex sententia, procedente, subita interuenit soluendi
 conuentus necessitas: nam cum, aduersarios excludere vrbe, cuperent, neque, ciues in
 suas partes trahere, valerent, statuunt, e vicinis locis maiorem accersere multitudinem,
 vt, inuitis etiam incolis, omnia in sua potestate haberent: iuuabat hoc consiliū magno-
 pere arcis præfectus, qui, quos in custodia habebat (erant autem factionis Regiæ pro-
 pe principes) liberos dimisit. Sed rumor subitus, de aduentu Anglici exercitus Berui-
 cum, omnes eorum rationes turbauit. Alexander Humius & Ioannes Maxuallius, nu-
 per e custodia, sine auctoritate publica, emissi, domos, ad sua ruenda, profecti sunt: Hu-
 mio etiam pecuniæ, quam, ad militem conducendum, contribuerant, ad arcem suam
 Humum muniendam, portio est data: Thomas Carus, Valterus Scotus, qui, auctore
 maxime Archiepiscopo Fani Andree, excursions in Angliam fecerant, arrirati, ex hoc
 50 initio, bellum inter duo Regna exarsurum, derelicti a vicinis, ac trepidi rerum suarum,
 mittunt ad suæ factionis principes, rogatum auxilium, aut, si id grauarentur, Lauderam
 saltem (propinquum opidum) venirent, ac inde bellum ostentarent. Cum ne id quidem
 impetrarent, ac ne pecuniæ saltem publicæ particulam aliquam, ad publicum vsum, ex-

primerent, irati, quod, a quibus erant in bellum coniecti, deserti ac proditi essent, ad sua
 quisque tuenda, pessima cum spe in posterum, abierunt: ita tot rebus, vno tempore præ-
 ter expectationem, cadentibus, omnia eorum consilia turbata fuere. Sed maxime, præ-
 ter opinionem, accidit repentinus, Anglici exercitus aduentus, ad quem remorandum,
 duplicem miserant in Angliam legationem, alteram, ad Thomam, Suffexiæ Comitem,
 quæ precareretur inducias, donec, per literas, rerum suarum statum Regina Anglorum in-
 dicarent: alter enim Legatus literas ad Reginam ferebat, quæ multa, pro ipsorum causa,
 multa, aduersus Reginam factionem, continebant: in primis, suas vires supra verum au-
 gendo, contra, hostiles eleuando, prope bellum Anglis minabantur: Matellanus enim
 cæteris persuaserat, Reginam, foeminam natura timidam, omnia prius facturam, quam
 ad arma veniretur: quippe Gallis & Hispanis, multis de causis, ei infensis, rebusque domi-
 nondum quietis. Petebant enim rebelles, Vt, Regina Angla velut arbitra, superioris bi-
 ennij scita (etsi multi ipsorum eis subscripserant) retractarentur: ac, velut nouo initio
 sumpto, nouum decretum, communi omnium consilio fieret: & vt suæ factionis firmi-
 tatem magis ostentarent, procerum suæ partis nomina literis, ad eam missis, indiderunt:
 in iis, vt multitudinis speciem augerent, multos aduersæ, plures neutrius factionis ad-
 scripserant: rati (propter itinerum longitudinem, & eorum, quæ procul geruntur, igno-
 rationem, & quod literæ, ad Reginam scriptæ, ad paucorum conscientiam erant per-
 uenturæ) eam fraudem difficilius detegi posse. Accidit, eodem tempore, res, vt ipsi ex-
 istimabant, peropportuna, quæ & Anglos faceret segniores, & Scotorum vulgo formi-
 dinem iniiceret: nempe aduentus hominis Galli, humilis quidem sortis, vt qui, Lan-
 faci minister domesticus, patroni gratia, in aulam irrepsit: is multas, eodem exemplo,
 epistolas a Rege Gallorū attulerat, non ad principes modo factionis Regina, sed ad mul-
 tos quoq; qui neutri factioni se addixerant: Gratia ingentes singulis aguntur, quod hac-
 tenus a Regina steterant: Orabat Rex, vt in eadem constantia perseverarent: Se auxilia,
 etiam maiora, quam rogabatur, cum primum commode posset, missurū: addebat etiam
 de suo tabellarius, omnia in Gallis iam esse pacata: Gasparem Collinium, aliosque
 rebelles eo coactos, vt, se Gallia discessuros, pollicerentur, ne quietem publicam eo-
 rum præsentia interpellaret: nec se dubitare, quin, ante suum reditum, miles, qui sub-
 sidio mitteretur, conscriptus foret. Prudentiores, etsi, hæc magna ex parte vana esse, scie-
 bant, tamen, iis rumoribus facile plebem falli, patiebantur. Igitur, cum animi multo-
 rum per hæc essent erecti, eam læticiam minuit legatorum ex Anglia, rebus infectis, re-
 ditus: neque enim Suffexio e re Anglica videbatur, exercitum, per inducias ociosum a-
 lere, nec integrum bellum omittre, nullis condicionibus ab hoste oblatis: & literis ad
 Reginam scriptis (nam id ipsa iusserat, ne expectatio responsum in mora rebus geren-
 dis esset) resignatis, fraus facile detecta est: quippe cum & literæ essent vanissimæ iacta-
 tionis plenæ, & nihil earum rerum, quæ in Scotia agerentur, Angli ignorarent, Legati
 prope conuictis abacti: exempla literarum in Scotiam ad Regiam factionem remissa.
 Ea igitur spe deiecti, & aduentu subito exercitus Anglorum ad finitima loca deterriti, &
 auxilijs suorum, qui domum, ad sua tuenda, abierant, destituti, & opidanorum animis
 parum confisi, cum, ad Cal. Maias, hostes Edimburgum venturos, scirent, Limnuchum
 discedunt, eum locum rati commodum, ad suos e longinquis Regni partibus accersen-
 dos, & iter aliorum, ad conuentum euntium, impediendū, & reliqua, quæ superioribus
 diebus, in Concilio iactata erant, perficienda. Ibi, Hamiltoniorū amicis & clientibus col-
 lectis, totum iter, quod Edimburgum ferebat, infestum reddebant: cum Ioannem Ares-
 kinum, Marriæ Comitem, illa ducturum scirent, se in collibus propinquis, ad transitum
 impediendum, obiecerunt: ille, cum loci iniquitatem cognosceret, paulo supra, ad duo
 millia passuum, flumen superauit, atque Edimburgum sub vesperum intrauit, ad tertium
 Cal. Maij. Post eū diem, cum Regis factio Edimburgi, Regina Limnuchi se continerent,
 atque alteri alteris seditionum causas & initia imputarent, qui Edimburgi conuenerant,
 ad alias quasuis condiciones se faciles fore, affirmabant, ac, si quis de se quereretur, bono-
 rum virorū arbitrio, satis facturos, spondebant, modo, incolumi huius Regis auctoritate,
 superioris Regis ac Proregis cædem vna secum vlisci, vellent. Cum ad hæc nihil æqui
 respon-

responderetur, qui Linnuchi erant, edixerunt, Vt cunctis vniuersi Regine legatis parerent: Comites tres, Arundel, Argathelia, & Huntlaui comitia, in tertium Nomus Augusti, Linnuchi habenda, indixerunt: altera factio legatum ad Reginam Angliæ, Robertum Percarnium, miserat, qui ageret cum ea, de communi hoste reprimendo: quoque facilius Scotorum in se animos intelligeret, ex eius arbitrio, Proregem electuros: Interea, dum utraq; pars diuersi diuersa agitant, Angli, Teuotiam ingressi, villas & vicos Carorum & Scotorum (qui in Angliam, violata pace, fecerant excursionem, & Anglos profugos ad se receptauerant) dirunt, agros populationibus vastant, & incendiis deformant: Humam arcem, in quam dominus multos comitatus intulerat, ac tota vicinia precio-

10 sissima quæque rerum suarum, vt in munimentum firmissimum, seposuerat, Suffexius circumfedit: ea cum a presidio valido fortiter defenderetur, Anglique postmodum, re infecta, discessuri essent, literæ, quas Alexander, arcis dominus, ad suos, non multo ante, scripserat, omnes eorum rationes irritas reddiderunt: iusserat enim per literas, presidarios Gulielmi Drurij, Equitis Angli, consilio vii, & quicquid is imperasset, sine exceptione, parere: id cum Drurius Suffexio indicasset, ille arcem deducam diripuit, & custodibus Anglis impositis, cum magna præda, Beruicum rediit: Ira Humius, qui nihil ab Anglis metuebat, imo quos amicissimos existimabat, vt qui sciret, Drurium & Suffexium occulte Hauarti rebus studere, grauissimam illam sua credulitate iniuriam accersuit: tandem, ab omnibus amicis & propinquis, qui prope omnes Regis in partibus

20 erant, relictus, cum vno & altero comite, Edimburgum venit, ac se in arcem abdixit: Neominus, ab alio Limite, Scrupus Anglus, Annandiam ingressus, agros Ionstoni (qui etiam in Angliam fecerat incursionem) omni belli iniuria foedat: ipse Ionstonus, locorum noticia fretus, equitum sequentium impetum, paucis fuga comitibus, elusit: Ioannes Maxuallius, cum tria millia hominum & propinquis agris haberet coacta, ei optulari non ausus, suis se locis tenuit. Paucis post diebus, Angli, qui Beruici erant, acceptis obsidibus, bona fide secum agi, persuasi, equites trecentos, pedes mille, dūce Drurio, aduersus hostes communes mittunt: ad eorum aduentum famam, Hamiltonij, Glasuam profecti, arcem Archiepiscopi diruere, decreuerunt, ne Comiti Leuinio, cum ex Anglia reuerso, receptaculum ac belli sedes esset. Eam cum a paucis adolescentibus, absente

30 præfecto, teneri, nec a rebus necessariis satis paratam esse, scirent, rati, subito suo aduentu posse opprimi, tam repente opidum ingressi sunt, vt bonam presidij partem excluserint: hac spe deiecti, oppugnationem acriter, sed æque frustra, sunt aggressi: nam, per aliquot dies, presidarij (erant autem viginti quatuor) tam acriter eos exceperunt, vt plures ex oppugnantibus, quam ipsi erant, occiderint: reliquos cum multis vulneribus repulerint. Ex suis vnum amiserunt, nemine præterea vel faucio. Sed Hamiltonij, audito, Anglos Edimburgi iam esse, & Ioannem Arckinum Sterlinum venisse, ac mox subsidio venturum, quanquam & e longinquis regionibus auxilia accepissent, sub vespere, obsidione soluta, trepide discesserunt: Hamiltonius & Argathelius in Argatheliam, Huntlaui, per montes prope Inulos, domum, ceteri, quæcunque commodum

40 erat, se contulerunt. At, qui Edimburgi erant, Angli, post biduum, Glasuam profecti, toto tractu Glortiano, agros Hamiltoniorum, & si quilibet in eadem Proregis consenserant, aut exules Anglos receptauerant, magna omnis generis præda abacta, furtis, & incendiis foedarunt. Dum machinæ, ad conuerberandam arcem, non procul a pago, cui Hamiltonio nomen est, positæ, Sterlino apporantur, Drurius, qui rebellibus Anglis clam fauebat, hanc expeditionem prope secretam, Anglos enim, non solum ad diem stipendio, tumultuantes, ac, statim se discessuros, comminantes, adeo non compescuit, vt ipse plerisque, auctor eius motus fuisse, crederetur: sed, pecunia multa representata, miles est retentus, &, machinis admotis, arx, intra paucas horas, deditionem fecit. In præda, quidam agnouerunt vestem, aliamque Iacobi Quinti Regis super-

50 lectilem, quam dominus arcis, cum eleuaret Regnum, sancte iurauerat, penes se non esse: arx semidruta relicta est: vicum &, in ea, villam Hamiltoniorum, magis sciam, valguis furens, multis duobus, incendio. Exercitus reducto, Angli Beruicum, Scoti ad sup quique se receperunt: datum Drurij precibus, vt arcis presidium incolumè dimitte-

retur: illi dimisso, Robertum Semplium, gentis principem, dunt, velut expeditione
 peracta, domum securus redit, e generi sui domo captivum abstrahunt: quæ res suspi-
 cionem de Dravio acius inflammavit. His rebus vixdum peractis, Petcarnius, e lega-
 tione Anglica reuersus, hæc fere retulit: Reginam mirari, quod, quarto demum mensē,
 a Prorege interitu, de statu rerum suarum, eam certiores facerent: se enim, ob hanc
 cunctationem, incertam fuisse, quid de eis speraret: interea sollicitatam, crebris Galli &
 Hispani legati precibus, nomine Regum suorum, & Reginae Scotæ prope quotidianis
 querelis fatigatam, promississe audientiam: sed, ijs legibus, vt Scota scriberet, ad suæ
 factionis homines, vt, interea, dum Colloquium illud finiretur, vi & armis abstinere:
 quæ, publicis Edictis, de rebus nouandis, attentarunt, ea, contrariis Edictis reuocarent: 16
 at, res in eodem statu esse, sinerent, quo, viuo Prorege, fuerant: exules Anglos bona
 fide redderent: & si, finito Colloquio, de cæteris rebus inter eos conueniret, vt obsidi-
 bus, & alijs fidei pignoribus caueretur, vt pacta, inter eos, firma & rata manerent: His
 legibus, colloquium promissum. Hac autem pactione illigata, negabat, se posse con-
 silijs eorum, in creando Prorege, participem fieri, ne, causa Reginae Scotorum nondum
 audita, præiudicasse videretur: cæterum, curæ sibi rem Scoticam fore: Rogabat, vt inte-
 rim ab armis, & a Prorege creando, abstinere: sese daturam operam, ne hoc tantil-
 lum mora sit eis damno. Hac renunciata Scotos varie affecerunt, cum & ratio tempo-
 ris cogeret, ad Anglorum voluntatem, consilia sua accommodare, nec tamen ignora-
 rent quantum publice interesset, vnum esse in summo Magistratu, ad quem omnia 20
 deferrentur: in hoc superioribus mensibus creando, cunctationem spatium inimicis
 dedisse, vt se colligerent, & novos ludicum confessus facerent, noua Edicta quotidie
 proponerent, omnia Regum munera vsurparent: contra Regionum animos languet-
 cere, multitudinem, imperio solutam, non diu dicto audientem fore, cui certum non
 esset, cui pareret. Post reditum Legati, certiores facti sunt, nouo tumultu in Anglia ex-
 citato, Londini, templorum foribus diplomata Romani Pontificis fuisse affixa, partim,
 quæ Anglos hortarentur, vt, ab iniusto Reginae imperio, se liberarent, partim, propositis
 premijs, vt ad cultum Romani Pontificis redirent: nec ab ijs consilijs Regina Scotorum
 aliena crederetur: hæc quanquam sopita, & ex literis Suffexij Comitis rescissent, & idem
 Thomas Randolphus præsens affirmaret, agre contineri poterant, quo minus Proregem 30
 crearent. Tandem, medio consilio, vt aliquam summi magistratus speciem haberent. In-
 terregem nominare, decreuerunt, cui imperiū, vsque ad 1111. Id. Iulias esset, quo spatio
 interposito, certiores ex Aula Anglica, de Reginae voluntate, fieri possent: eius enim
 animum a se non esse alienum, vel hinc maxime augurabantur, quod, inter condiciones
 induciarū, posuisset, Vt exules Anglos rebelles redderent: id enim si fieret, intelligebant
 rebelles, omnium Paparum animos, per totam Angliam, a Regina Scota alienatum
 ita, si negaretur, Colloquium esse sublatum, & suspensiones, quæ vulgus auerterent, in-
 didis incrementum accepturas: videbant etiam, cætera non facile conuentura, cum, ex li-
 beratione captiue, maius Anglis, quam Scotis, immineret periculū: nec, si cætera conue-
 nirent, Angliam commissuram, vt, nisi obsidibus acceptis, eam dimitteret: nec eam obsi- 40
 des dare posse, per quos satis cautum videri posset. Iis rebus paulo erectiores, Interregem
 creant, Matthæum Stuartum, Leuinia Comitem, Regis Scotorum auum. Dum nouus
 Iosephus, adhibito consilio, quæ superioribus tumultibus erant labefactata, confirmare
 vidit, ut domum, litera Reginae Anglorum, ad vi. Idus Iulij, afferuntur, in quibus, cum
 multa, de suo regi Regina regnum quo Scotorum animo, disputaret, & benigne suam
 opem polliceretur, nominationem Proregis, quæ sibi foret inuidiosa, nec ipsis exempli
 satis probandi, deprecatur: consilium tamen suum si exquirant, neminem sibi videri, auo-
 pferendum, in eo præsertim manere, quod maxime fidem, erga pupillum, nondum
 sui potentem, exposceret, & qui iam, ob easdem causas, prærogatiuam tulisset. His literis
 confirmati, Matthæum, ex Interrege, Proregem creant, concordibus omnium Ordinum 50
 suffragiis, Ia statim vt creatus est, sacramento, de more, dicto, de statu Religionis, de
 que partibus legibus & institutis obseruandis, primum omnium edixit, Vt omnes, qui
 per viam, arma ferre possent, quarto Nonas Augusti, Limnuchi præsto essent, ad
 impedienda

impedienda Seditiosorum comitia, Regina nomine indictat: deinde Ordinum conuentum, Regis nomine, indixit, in decimum Octobris diem: misit quoque ad arcis Edimburgensis praefectum, qui adhuc partium Regiarum studium strenue simulabat, quanquam omnes eius actiones animum ab oratione ostenderent alienum. Ab eo petebat machinas aliquot aeneas, apparatusque, ad eas tractandas, necessarium, magis, ut animum eius nudaret, quam spe, quod petebatur, impetrandi. Ille, cum, initio, satis liberaliter promississet, appetente comitiorum die, promissa flagitantibus, impudenter recusauit: suam enim operam, ad concordiam iungendam, non ad fundendum Scotorum sanguinem semper fore paratam. Nihilominus, Prorex ad diem Limnuchum venit, quinque millibus armatorum comitatus: sed, cum, nihil ab hostibus moueri, audiret, nisi, quod Brechini ab Huntlaeo centum sexaginta mercenarij collocati erant, ac Edictum propositum, ut Brechineses prouiderent, ut, ad quartum Idus Augusti, comearus illic aliquot millibus hominum esset paratus: praesidiarij, ab eo relictj, non modo ciues, sed omnes etiam praerecuntes, itineribus infestis, spoliabant: Prorex, de Concilij sententia, eo proficisci statuit, ut, ante Huntlaei aduentum, locum occuparet, ad multa commodum, & ibi, si necesse esset, antequam reliquae aduersarum partium copiae conuenirent: cum eo praelio decerneret, illamque sclopetariorum, quam vnam habebant, manum deleret, & factionis duces quosdam (nam audierat, ibi esse Crafordiae Comitem, & Iacobum Ogiluium, & Iacobum Balfurium) de improviso opprimeret.

10 Igitur Patricio Lindesio, & Gulielmo Ruueno supremi Ordinis, & Iacobo Haliburtono, praefecto Taoduni, praemissis, ut, quanta possent celeritate, assumpta iuuentute Taoduni & Perthi, rumores praeuenerent. Hi quanquam ad celeritatem nihil sibi reliqui fecissent, ac, proxima nocte, sublati in equos peditibus, festinaissent, cum iam in propinquo essent, ac lentiore gradu incederent, ne fatigati ex itinere ad hostem recentem peruenirent, trepidus Brechinum nuncius affertur, hostes adesse: Ogiluius & Balfurius, qui forte aderant, militem, breuiter ac pro tempore, allocuti, bono animo esse iubent, intra triduum, se cum Huntlaeo redituros, statimque, equis conscensis, per proximos montes, ad suos contendunt: milites relictj, quod cuique ad manum erat, diripiunt: eorum circiter viginti turrim templi, propinquam, occupant: ceteri in aedes Comitum Marriae, quae, arcis

30 instar, in proximo tumulo sita, opido imminet, confugiunt, Iacobus Duglassius, Mortonij Comes, cum octingentibus equitibus, longiore via ducens, postridie affuit: Prorex, dimissis domum Leuinianis & Renfroanis, ut suis agris praesidio essent, si quid ab Argathelia moueretur, ipse, tertio die, Brechinum praemissos assequitur. Cum, ad rumorem aduentus eius, Nobilitas e vicinis agris conflueret, ac iam ad septem millia armatorum in castris censerentur, qui in turri sacrae Aedis erant, statim deditionem fecerunt: reliqui, cum, ad paucos dies, se satis acriter defendissent, ac nonnullos, qui incautius subibant, partim occidissent, partim vulnerassent, tandem, audito, aeneas machinas admoueri, & se ab Huntlaeo destitutos esse, & ipsi Proregi se permiserunt: is triginta, qui plerique capti antea, ac dimissi fuerant, aut in causa pertinacius perseuerarant, laqueo extinctis,

40 reliquos pene exanimos dimisit. Huntlaeus interea, qui ad viginti millia passuum aberat, frustra, maiorem manum collige, conatus (quod maxima pars hominum, quoties libere voluntatem declarare audebant, a turpitudine causae abhorrebant) trepidus, ut sibi consuleret, in vltiores regiones, cum paucis, retro cessit: Prorex, reuersus Edimburgum, ut, ex Ordinum sententia, res, vbique turbatas, componeret, ad conuentum ibi indictum venit. Rebelles, nulla spe salutis sibi relicta in Ordinum concordia, praesertim ij, qui primum Regiae caedis, deinde qui caesi Proregis rei destinabantur, egerunt per Regiam Angliae, ut, quoniam ipsa promiserat legatis Francorum & Hispanorum, se, partibus auditis, res, si fieri possit, composituram, interea, nihil noui publice statueretur. Hac mora impetrata (nihil enim, in eo conuentu, est actum, nisi, quod Proregis electio est confirmata)

50 nunquam cessarunt rebelles, Gallos & Hispanos sollicitare, ut auxilia in Britanniam, ad Reginam restituendam, mitterent: & quoniam, ex eius restitutione, veterum ceremoniarum restitutionem pendere, affirmabant, tentatus est Pontifex Romanus, ut, quia longius aberat, saltem pecunia partes iuaret. Is, misso in Scotiam, qui rerum statum

RERVM SCOTICARVM

praesens cognosceret, cum, Romanensium factionem infirmiore, ibi comperisset, nec omnes rebelles, in Papismo restituendo, consentire, a causa abstinuit: motum tamen aliquem interim in Anglia (quoniam, ibi suam factionem adhuc praepotentem esse, intellexerat) Diris, noctu, templorum valuis affixis, ac Indulgentiis, & praeteritorum impunitate promissis, excitare, conatus est. Prorex, in 11x. Cal. Febr. indicto conuentu (quoniam, intra id tempus, Legatis exterarum nationum satis factum iri, sperabat) ad res, quoad fieri poterat, legibus & iudiciis componendas, Edimburgū rediit. Rebelles, renouatis subinde induciis, per Angliae Reginam, donec vtriusque partis Legati apud eam disceptarent, non tamen, aduersus pacem a se petitam, res nouas moliri desinebant, freti (vt credebatur) maxime Comitis Suffexij fauore, qui tum exercitui Anglorum in Northumbria praefuit: 10
 is enim, siue Ducis Nortfolciae causa nondū deplorata, siue Reginae exulis, de cuius reditu non omnino desperabat, pollicitationibus inductus, in rebellium factionem pronior erat: ea re animaduersa, Scoti sua consilia cum eo parcius comunicabant. Hieme, per inducias, subinde renouatas, transacta, conuentus, qui fuerat in 11x. Cal. Febr. indictus, in Maium est dilatus. Interea Hamiltonij, cum in eadem Proregis frustra multos subornassent, tandem Passletum turrim, custodibus eiectis, occupant: rati, inter maiorum rerum curas, impune id sibi fore. Prorex principes legationis in Angliam, ad disceptandum cum Legatis exterorum Regum, Mortonium, Robertum Peternium, & Iacobum Macgilium, ad Non. Febr. misit: ipse, Passletum profectus, conuocata tantum vicina Nobilitate, quae suae factionis erat, turrim oppugnare, est aggressus: obfessi autem, cum ab eo aqua arcerentur, 20
 coacti deditioem facere. Deinde, Gilberto Kennedo, in Caricta, Regiarum partium homines iniuriis & damnis assiduis infestante, Aeram petiit, Kennedus, propinquo metu paucarum cohortium ostentato, gentiles etiam suos, qui in fide permanerant, Regiaeq; partes constanter tuebantur, formidans, fratrem vnicum obsidem dedit, diemque constituit, quem ad diem ipse Sterlinum veniret, & pacta confirmaret. Hanc deditioem secuti, Hugo Mongomerius, Eglentonij Comes, & Robertus Bodius, ad Proregem venerunt, atque ab eo in fidem sunt recepti. Per omne hoc tempus, cum Prorex, in recipiendis rebellibus, & Mortonius, in legatione Anglica, abesset: qui arcem Edimburgensem tenebant, metu propinquo liberi, non cessant, militem conscribere, loca vrbis idonea praesidiis occupare, commeatus, a mercatoribus Letham inuectos, diripere, & quibuscunque rebus 30
 possunt, se, ad obsidionem tolerandam, comparare, donec, sperata ab exteris, auxilia aduentarent. Proregi, equi lapsu, grauiter afflicto, ac, propterea, Glasuam reuerso, per militem Gregarium, spes Britannoduni recuperandi est oblata: is cum, inter praesidiarios, in arce mereret, vxor, ad eum saepe illuc commeare solita, furti fuit accusata, ac, iubente Flaminio, virgis caesa: eam rem maritus, homo vxorius, & qui, iniuriam insignem coniugi factam, existimaret, adeo aegre tulit, vt sponte ex arce discesserit, & ex illo, nihil magis cogitaret, quam, quia ratione posset nocere Flaminio. Igitur ad Robertū Duglassium, Proregis propinquum, rem defert: ei pollicetur, si der, qui se ducem sequantur, facturum, vt arx breui in eorum potestatem perueniat. Roberto adiunctus est Ioannes Cunigamius, qui diligentius, de rei tantae conficiendae ratione, pereunctetur: sed homo rudis & militaris, 40
 cum promissis minus fidei esse videret, quod dilucide expedire non posset, quae erat pollicitus, Ego, inquit, quando verbis parum creditis, periculis me Principem offero: si me sequi voletis, vos in arce sistam: sin aliud sentitis, rem omittite. Oratione eius ad Proregem delata, cum & res, magnitudine sua, animos, in spem tantam pronos, accendisset, auctor autem (etsi fidū existimarent) tamen parum idoneus videretur, adhibito, in conscientiam suscepti facinoris, Thoma Crafordio, viro forti, & rei militaris perito, tandem conuenit, vt vel temere potius spem tantam secuti fortunam experirentur, quam, per ignauiam occasione defuisse, viderentur. Igitur paucis diebus, in scalis aliisque rebus necessariis parandis, ei negotio consumptis, Cal. Apr. rei conficiendae destinatae, vt rumores praue-
 rent, quod tum induciae, rebellibus per Angliae Reginam impetratae, exiturae erant. Sed 50
 antequam huius expeditionis euentum explicem, visum est, pauca de situ & natura arcis dicere. A confluente Glottae, & Leuini fluminū, planities, circiter mille passuum, ad proximorum montium radices extenditur: in ipso autem angulo, vbi amnes commiscuntur, rupes

rupes biceps attollitur: alterum eius cornu, quod altius se exerit, Occidentem respicit: in
 summo eius vertice, specula est, longissimo in omnes partes prospecta: alterum, paulo hu-
 milius, ad Orientem vergit: inter duo cornua, quod in Septentriones & agros versum est,
 latus gradus habet, per obliquam rupem, hominum industria & magno labore excisos, per
 quos vix singulis est aditus: est enim saxum illud prædurum, & vix ullis ferramentis supera-
 bile, e quo si quid vel vi effringitur, vel ruinis collabatur, sulfureum late odorem expirat.
 In superiore arcis parte, ingens est saxum, Magnesij quidem lapidis, sed ita cætetæ rupi
 coagmentatum & adhærens, ut commissura omnino non appareat: qua Glotta ad Meridiem
 præterfuit, rupes, reliquis partibus natura præceps, sese paululum inclinat, & ex porrectis
 vtrinque brachijs, non nihil soli amplectitur, quod, partim naturæ ingenio, partim opera
 humana, ita includitur, ut & frequentibus ædificijs, per transversa latera, locum præbeat,
 & stationem navium, in flumine machinis arcis deuerberando, suis tutam, hostibus infe-
 stam reddat, & minoribus lembis aditum prope ad ipsam arcis portam faciat: ac media, qua
 ascenditur, rupē ædificijs occupata, velat alteram arcem, a superiore seclusam, efficiat.
 Præter naturale rupis munimentum, duo flumina, Leuinus ad Occasum, ad Meridiem
 Glotta, fossarum vimem suppleant: ad latus Orientale, quoties assu intumuit, mare rupis
 radices alluere non recessit æstus, planicies non quidem illa (ut fere sunt litora) arenosa,
 sed canosa, pinguiore solo in lutum soluto, diffunditur: eaque etiam torrentibus, & pro-
 pinquo monte præcipitantibus, interscinditur: reliquum latus in campum herbidum, ac
 planum est conuersum: arx fontes perennes tres habet: multis præterea locis aquæ viua
 scaturigines. Veteres Britanni (auctore Beda) locum vocabant, Alclutham: Scoti, qui
 olim a Brittonibus, Leuino amne, dirempti erant, quod in finibus Brittonum id muni-
 mentum positum erat, Britannodunum dixerunt. Adiacet, eodem nomine, opidulum, in
 Leuini amnis ripa, plus minus quingentis a confluenta passibus. Hæc arx, ut quæ insu-
 perabilis videretur, in bellis externis & civilibus sæpe magnas tenentibus commoditates,
 hostibus molestias exhibuit. Tum ei Ioannes Flaminius, nomine Regina exulantis, præ-
 erat: & quia, per se, Regis factioni par viribus non erat, etsi in eadem prioris Regis non
 consenserat, tamen ad parricidarum partes se adiunxerat, ac, superiori toto quadriennio,
 Regis Gallorum (cui persuaserat, Scotos fere omnes in Regina Anglorum potestatem,
 clandestinis foederibus, abiisse) facultatibus præsidium arcis sustentauerat: ac, magnifica
 in specie, iactatione ei asseuerauerat, se Scotia velut compedes tenere, & quando-
 que Gallis ocium suppetere, ab alijs bellis, si modica sibi dentur subsidia, omnia facile se
 in eorum potestatem redacturum. Nec dissimili vanitate promissorum, Gallus eius insaniam
 alebat, misso etiam exiguo bellico apparatu, per Veracum quendam, quem, ibi subsistere, &
 Scoticas res speculari, iusserat. Augebat etiam præfetti insolentiam arx Edimburgensis,
 quæ nuper, custodum perfidia, defecerat a Rege: item, Proregis valetudo, qui nuper, lapsu
 equi, prope afflictus, in podagram quoque, inciderat: præterea induciæ quoque, per Angliam
 Reginam, ad finem usque Martij mensis, impetratæ. His omnibus rebus, securitas & negli-
 gentia adeo creuerat, inter præsidarios, ut frequentes, per luxum & lasciuiam, in opido vici-
 no, velut in sinu pacis, pernoctarent. In hoc statu rerum, paratis, quantum per festinationem
 fieri poterat, quæ præfens expeditio poscere videbatur, Ioannes Cunigamius, cum equitatu
 præmissus, ut obuios interciperet, ne qua, de militum aduentu, rumor ad hostem peruenire
 posset: Thomas Crafordius cum pedite consequitur iussu conuenire ad Dumbucum, circiter
 medium noctis: is collis ab arce abest prope mille passus. Crafordius (ut iussus erat) ibi mili-
 tibus demum exponit, quo ducerentur, quæque rei conficiendæ ratio esset, edocet: docem
 itioris ostendit, qui primum se pollicebatur ascensurum, sequere & alios, qui honore mi-
 litari eminent, secuturos affirmat: Ita, militibus facile persuasis, ut super duces sequerentur,
 scalas cæterumque rupis superandæ apparatus expediunt, ac paulo ante lucem pedites
 ad arcem ducunt: equites in eo, ubi constiterant, loco, in vtriusque fortunæ euentum,
 restiterunt. Interea, dum propius ad arcem accedunt, duo impedimenta eis obiecta sunt:
 nam & pons torrentis, qui campum interfecat, fractus, & ignis, in proximis repetite
 apparens, suspicionem iniecerunt, ne & pons, dedita opera, ad iter remorandum, esset
 solutus, & ignis, ad indicandum hostium aduentum, a præsidio esset accensus. Sed pons

celeriter, pro praesenti copia, est ita resectus, ut pediti peruius esset, & missi ad locum, ubi flamma visa fuerat, speculatores retulerunt, nullum ibi ignis vestigium repertum: unde intellectum est, ardorem illum ex eo genere esse flammam, quae, in aere genita, interim subsidunt in terras, & subito conspecta vanescunt. Ille propior timor, ne cum Caelum plurimum stellarum lumine fulgeret, & dies iam appeteret, conatus eorum, e superiore loco, a vigilibus deprehenderetur, cum subito caligo densa ita caelum texit, ut non infra mediam arcis rupem descenderet, superiorem vero partem ita tenebris inuoluit, ut arcis custodibus omnem rerum, quae infra gererentur, prospectum adimeret. Sed ut caligo cecidit oportune, ita alius, in commodissimo tempore, casus interuenit, qui pene reliquos conatus fecit irritos: nam, cum, pluribus scalis, altitudo rupis esset superanda, ac prima, propter longitudinem, essent, ad tractandum, inhabiles, haec pondere properantium conscendere grauata, cum nec in lubrico saxo facile stabiliri possent, una cum ascensoribus repente corruerunt: ea res, ut initio pauorem, ac trepidationem iniecit, ita breui, comperto, neminem eo casu afflictum esse, sic militum animos, prope contritos, confirmauit, ut, velut fauente consiliis eorum numine, alacriores, ad pericula repetenda, efficerentur: igitur scalis circumspiciunt ad motis, cum ad mediam rupem peruenissent, nati locum minus iniquum, ubi consistere possent, ibi reperiunt inter saxa forte enatam fraxinum, quae magnas eis comoditates attulit: funes enim, ad tam nexos, demiserunt, quibus socios, infra relictos, attollerent. Ita, eodem pene momento, alij, funibus nixu iuuantibus, in mediam rupem euadebant, alij, scalis alijs ad motis, in summam rupem nitebantur. Hic quoque nouum, & inopinatum euenit malum, quod vniuersas prope rationes conturbauit: nam, in medijs fere scalis, vnus ascendenti, subito stupore (quem medici *ἀπὸ πλῆξης* vocant) correptus, ita gradibus adhaesit, ut nec ipse vlla ratione diuelli posset, & sequentibus viam praec luderet. Hoc quoque periculum militum alacritas & industria discussit, eo ita ad gradus alligato, ut ne, remittente morbo, caderet, & scalis summo silentio inuersis, reliqui facile ascenderent. Cum iam summam rupem tenerent, tertijs scalis murus, manu factus, erat superandus: cum cum Alexander Ramisaeus, cum duobus manipularibus ascendisset, vigilēs, eos conspiciat, excitato statim tumultu, saxa coniciunt: Ramisaeus, impari genere pugnae deprehensus, cum nec saxa, quibus hostem peteret, nec scutum, quo se protegeret, haberet, e muro defiliit, & circumuentus a tribus vigilibus, tamen pugnam sustinuit, donec comites, magis illius, quam suo periculo solliciti, se praecipitarent, & tres vigilēs statim confecerunt. Interea, cum reliqui, quantum possent, subsequerentur, murus vetustate prope solutus, pondere & conatu scandentium procubuit: ac non tantum, ruina sua, aditum patefecit, sed per rupem etiam intra arcem praeraltam & inaequalem, faciliorem descensum fecit: cateruatim igitur ingressi, magno tumultu, cum Deum ac Regem, expeditionis duces, ac nomen Proregis idem proclamarent, custodes, velut attoniti, pugnae oblitī, quae quisque, poterat, suae salutis consulit: multi dum primus impetus defauiret, se intra domos concluserunt. Flaminius, cum per obliquam rupem, se subduceret periculis, comite, qui vnus eum sequebatur, icto ac statim ruente, attonitus, pene per inuia descendit, ac per portulam emissus, flumine, ob maris aestum, ad muros usque effusus, nauticam nactus, in Argatheliam profugit: Custodes infimae arcis, ac praeterea xxv. ex praesidiariis, qui, inter popinas & scorta, in opido pernoctauerant, tumultu excitati, ne tentata pugna, qua proxime poterant, fugerunt: capti fuerunt in arce, Ioannes Hamiltonius, Fani Andrea Archiepiscopus, Ioannes Flaminius Bogallius, iuuenis quidam Anglus, ex proxima Anglorum seditione, profugus, Veracus Gallus, qui, nomine sui Regis, multo ante cum bellico apparatu, & commeatibus eo missus, illic subsisterat, ut Regem Gallum, de statu rerum Scotticarum, faceret certiore, Alexander, Gulielmi Leuistonij filius, qui, cultu mutato, euadere tentarat, a fuga retractus. Prorex, de arce capta, certior factus, ante Meridiem, aduenit: milites primum collaudauit: deinde Flaminij uxorem consolatus, non modo mundum muliebrem, sed vasa argentea, atque omne domesticum instrumentum ei concessit, agrosque e bonis mariti, quae multo ante in Publicum redacta fuerant, unde ipsa liberi que alerentur, assignauit: reliqua praeda militi concessa: his in rationis rebus, per ocium, ad arcem visendam circumiens, cum ad rupem, quae milites ascenderant, ventum est, res tam ardua cunctis est visa, ut milites etiam faterentur, se, si

se, si periculū prauidissent, nullis conducī pramiis potuisse, vt, illac ire, tentarent. Veracis cum argueretur a mercatoribus, quos, fretum Glottæ ingressus hostiliter spoliaret: multis in Concilio consentibus, cum eo furti agendū, tamen apud Proregem valuit Legati nomen inane, quod ipse suis flagitiis violauerat. Igitur, vt spoliati ab eo sua recuperandi saltem spes iniiceretur, ad iudiciū seruari, iussus est, & ad Fanum Andree, apud hospitem, non alienum a causa rebellium, diuersari, vnde, velut vi creptus, paucos post dies (quod quærebatur) discessit. Anglus, quāuis multis suspicionibus premereur, ex literisque etiā commendaticijs Ioannis Leslij, Episcopi Rossien̄sis ad Flaminij, arce capta, inuentis argueretur, in Angliam ad suos est remissus: post eius discessū, intellectū est, cum a Nortfolcianis submissum fuisse, vt Regem Scotorū veneno tolleretur. Bogallius in custodia retentus. Restabat adhuc, inter captiuos, vnus, quem Prorex maxime extinctum volebat, Fani Andree Archiepiscopus: hic & superioribus temporibus, sub fratre suo Prorege, vt multa crudeliter & auare fierent, author erat, & totam fere, sub Regina, inuidiam rerum, flagitiose gestarū sustinebat: timebat etiā Prorex, ne, si longior mora interponeretur, aut, supplicibus Reginæ Anglorū literis, eximeretur, & Archiepiscopi amici ne hanc quidem spem negligebant: & ne temporis angustia hunc conatū impediret, Archiepiscopus vehementer postulabat, vt iudiciū, patrio more, perageretur: id aliquid spatij etiam, quantulumcunque erat, allaturum. At hæc frustratio ita discussa est, quod nullo nouo iudicio, ad hanc Archiepiscopi causam audiendam, opus esset, quippe quæ in publicis Regni comitijs iam esset diiudicata. Itaque, cum cædis Regiæ, & Proregis superioris manifesto teneretur, suspendio Sterlini vitam finiuit. Hæc fere tum magna ex parte noua sunt prolata: nam, ad eum fere diem, maior pars latuerat. Archiepiscopus Fani Andree, qui proxime diuersabatur, libenter trucidandi Regis partes, sibi oblatas, & ob veteres inimicitias, & spem propinquam Regni, in suam familiam transferendi, suscepit. Sex igitur, aut octo e facinorosissimis suorum electis, ac datis eis Regij hospitij clauibus, rem commendat: illi, cum summo ingressi silentio, eum sopitum opprimunt, corpusque suffocati in proximum erga muros hortum, per portulam (cuius ante meminī) efferunt: ac tum demū, dato signo, flamma ædibus supposita est. Indiciū autem eius sceleris, per Ioannem Hamiltonium, principem in facinore patrando, ita emanauit. Is enim non solum, facti nefarij dies noctesque obuersante conscientia, animi inquietudine vexabatur: sed corpus etiam, velut contagio animi infectū cruciabatur, ac lenta paulatim rabe liquecebat: circumspicientē igitur omnia remedia, venit in mentem, vt ludimagistro Passletensi, viro minime malo, & adhuc in partibus Papisticis hærenti, totum rei ordinem, sociosque sceleris nominatim indicaret. Sacerdos etsi sedulo eum solaretur, diuinæque misericordiæ admoneret, tamen quia vis mali altius penetrauerat, quam vt talibus piaculis agritudo, quæ altius radices egerat, extirpari posset, intra paucos dies, mororis mole obrutus, decessit. Sacerdos rem non ita occulte textit, vt ad Regis amicos fama non permaneret. Illi, multis mensibus demum post cædem, Matthæo, Comite Leuinia, rerum potente, capto Britannoduno, & Episcopo Sterlinum ducto, Sacerdotem eo pertrahendum curant. Is cum, quæ de cæde Regis antea dixerat, tum affirmaret, ab Hamiltonio rogatus, vnde hæc rescisset? num ex Confessione auriculari? id quoque cum ille affirmasset, tum Hamiltonius, Non ignoras, opinor, quæ pœne reuelantibus Confessionum arcana sit constituta: nec quicquam amplius ab eo ad id crimen est responsū. Post autem quindecim, aut amplius menses, cum idem Sacerdos, iam tertio inter Missificandum deprehensus, atque ad supplicij, ex legis præscripto, duceretur, eadem omnia, quæ ante dixerat, & apertius, & copiosius publicè recitauit: eaque adeo breui fuerunt diuulgata, vt Hamiltoniorum clientes, inter se iurgantes, cædem Regis alij aliis obiectarent. Interea, rebelles per fratrem præfecti arcis Edimburgensis aliquid pecuniarum a Gallo corraferant: & Morronius, e legatione Anglica reuersus, conuentu Nobiliorum Sterlini exhibito, summam legationis suæ retulit, in hanc maxime sententiam. Cum, ad decimam Calend. Mart. Londinum venissemus, a Regina ad septem e Concilio electos sumus remissi: ab eis, post variam disputationem, duo capita nobis proposita fuerunt: primum, Vt rerum a nobis gestarum proxime, superioribus temporibus, causas, a nobis

R. E R V M S C O T I C A R V M

allatas, tam euidentibus argumentis confirmaremus, vt, eas plane fuisse iustas ipsa persuasum habeat, & aliis, rationem reposcentibus, honeste respondere posset. Id si minus possemus, tamen Reginam nihil prorsus omissuram, quod, ad incolumitatem nostram, facere queat. His de rebus, commentarius a nobis, fere in hanc sententiam, est exhibitus. Crimina, quibus initio Regis nostri mater se falso grauari querebatur, adeo dilucide fuerunt a Comite Morauia, eiusdemque legationis sociis explicata, vt nec Reginam Anglia ceterosque ab ea, ad earum rerum cognitionem adhibitos, Regia cedis auctor (quo ex fonte cetera mala promanarunt) latere posset: Ea autem repetere, apud Reginam, cui non dubitamus, abunde, in hac parte, iam pridem esse satis factum, non est necesse: nec nos, qui inuiti in eam arenam fuimus protracti, nunc etiam libenter memoriam tantorum seclerum usurpabimus. At qui illa negare non possunt, crudeliter & flagitiose perpetrata, Regni eiterationem, & ius omne imperandi a matre in filium translatum, vt rem nouam acerbam, & vi expressam, calumniantur. Primum factum ipsum, nec, animaduertendi in Reges, vetus maiorum consuetudo, nouum videri sinit, nec moderatio poenae inuidiosum: nam, tot Reges, a nostris maioribus morte, vinculis, exilio punitos, enumerare, nihil est opus, externis autem exemplis, nostrorum factum confirmare, multo minus: cum tot, ex antiquis historiarum monumentis, vltro sese offerant. Gens enim Scotorum, cum ab initio libera esset, Reges, eo iure, sibi creauit, vt imperium populi suffragiis eis mandatū, si res posceret, eisdem suffragiis adimere possent: eius legis multa, ad nostram vsque aetatem, remanserunt vestigia: nam & in circumiectis Insulis, & in plerisque continentis locis, in quibus sermo priscus & instituta haeserunt, is mos in Phylarchis creandis adhuc seruatur. Huius quoque iuris expressam habent imaginem, quae in Regno incundo, usurpantur ceremoniae: ex quibus, facile apparet, Regnum nihil aliud esse, quam mutuum, inter populos & Reges, stipulationem: idem vero apertissime potest intelligi, ex inoffenso veteris iuris tenore, ex quo apud Scotos regnari coeptum est, ad nostram vsq; memoriam, seruato, cum nemo, interea, hoc ius non modo abrogare, sed nec conuellere, aut vlla in parte imminuere, tentarit. Cum tot Reges, quos enumerare longum esset, maiores nostri regno exuerint, exilio damnarint, carceribus coercuerint, supplicio denique affecerint, nec vnquam tamen, de legis acerbitate minuenda, mentio facta est: nec immerito fortasse, cum ea non sit, de illarum sanctionum genere, quae mutationibus temporum sunt obnoxia, sed, in primo generis humani exortu, in mentes hominum incisa, &, mutuo prope gentium omnium consensu, comprobata, &, vna cum rerum natura, infragiles & sempiternae perennent: ipsaeque nullius imperiis obnoxiae, omnibus dominentur & imperent. Hanc, quae, in omni actione, oculis & animis nostris sese offert, velimus nolimus, in pectoribus nostris habitat, maiores nostri secuti, semper, aduersus violentiam armati, impotentiam tyrannorum compresserunt. Sed nec Scotis haec solis lex est propria, sed omnibus nationibus & populis, bene institutis, est communis. Vt autem ciuitates clarissimas, Athenas, Lacedaemona, Romam, Venetos, silentio praeteream, quae non, nisi cum libertate pariter, hanc legem sibi eripi, sunt passae: etiam illis temporibus, quibus res Rom. saeuissima tyrannide fuit oppressa, si quando forte vir bonus imperij nomine fuit honestatus, in magna sibi gloria ducendum, ponebat, scubi, se populo inferiorem, & legum iussis obnoxium, fateretur: nam, & praefecto Urbisensem Traianus cum (de more) traderet, dixisse fertur, Pro me, vel In me, prout merebor, vitior. Et Theodosius pessimis temporibus, optimus Imperator, testatum inter legum sanctiones relinquere voluit, vocem regnantis maiestate dignam, imo maius imperio esse, Confiteri, se esse legibus inferiorem. Sed nec gentibus barbaris, & a cultu & humanitate longissime remotis, hoc ius ignotum fuit: plena est omnis vita, plenae omnium nationum historiae. Sed, ne obsoleta conquirere videar exempla, duo modo proferam, cum nostra memoria coniuncta. Nuper, Christiernus Danus, ob intolerabilem sauitiam, cum tota stirpe, Regno est exactus, grauiore certe poena, quam ab vlllo Regum nostrorum populus vnquam exegit: nunquam enim parentum peccata in liberos propagauit. Sed ille, vt omni scelerum genere inquinatissimus, singulare merito supplicium luerit: quid Caroli Quinti, Imperatoris, mater? quid illa, perpetua custodia dignum, commisit? Mulier, aetate adhuc integra, mortuo marito, iuvene

iuuene florentissimo, de secundis nuptijs cogitasse, dicitur: neque sceleris ullius, sed legitimæ cuiusdam (vt seueriores loquuntur) intemperantiæ, vt publici mores habent, honestissimæ necessitudinis, iure diuino & humano comprobata, in si mulata. Si conferranda iam sit Regina nostræ, cum Christierno Dano, calamitas (vt nihil amplius dicam) non leuius illa peccauit, sed in eam moderatus est animaduersum: si cum Ioanna Austria, Caroli matre, quid misella illa commisit, nisi quod voluptatem, legibus permissam, & remedium ætati necessarium, quoad licebat, experiri? & tamen eam poenam innocens tulit, de qua grauissimorum scelerum conuicta nunc conqueritur. Et legitimi coniugis cædes, & illegitimum, cum parricida publico, matrimonium eisdem nunc habet deprecatores, qui, in Rege trucidando, sceleris poenam innocentia irrogabant. Sed hic, neque, quid maiorum exemplis debeant, cogitant, neque legis illius æternæ sunt memores, quam clarissimi proceres, qui a primis vsque Regni incunabulis, securi, violentiam tyrannorum compescuerunt. Et nos, in præsentia, quid egimus aliud, quam quod, tot regnorum & liberarum nationum vestigijs insistentes, licentiam, supra omne legum imperium sese efferentem, compressimus, non ea quidem seueritate, qua maiores in hoc genere sunt vsi? neminem enim, qui in tali scelere fuisset deprehensus, poenas legum illi effugere voluerunt. Eos si nos imitati fuissetus, non solum a periculi metu abessemus, sed etiam calumniarum fugissemus molestias: idque, ex aduersariorum postulatione, potest intelligi. Quoties nos apud vicinos Reges criminati sunt? quas gentes, aduersus nos, non concitant? quid tandem, ista importunitate, flagitant? vt videlicet, æquitate iuris, omnis controuersia tollatur? Nos istam conditionem nunquam recusauimus: nunquam illi, toties oblatam, recipere voluerunt. Quid igitur postulant? vt tyranni nos grauissimi sceleris manifestos, spolijs ciuium pastos, Regum sanguine oblitos, in bonorum supplicia inhiantes, auctoritate publica armemus? & parricidij perpetrati compertos, cogitati, grauissimis suspicionibus, infames, indicta causa, nostris capitibus imponamus? Et tamen hic eorum petitioni improba largius indulgimus, quam aut mos patrius, aut legum seueritas, aut iuris æqui moderatio pateretur. Nulla pene res ab historiæ nostræ scriptoribus aut frequentius est celebrata, aut diligentius pertractata, quam in malos Reges animaduersio. Inter tot tamen, male gesti imperij reos, quis vnquam tantam fratrum ciuium, in poena, irroganda, sensit lenitatem, quanta, in Regis nostri matre, in atrocissimo facinore deprehensa, punienda, sumus vsi? cui vnquam, sceleris conuicto, potestas est data, filium aut propinquum suum in locum substituendi? cui aliquando libertas illa promissa est, vt, quos vellent, proxime regnatura curatores apponerent? In ipsa vero ciuratione Regni, quid est, quod quispiam, vel paulo durius factum, queratur? Mulier adolescens, oneri imposito impar, rerum perturbatarum procellis agitata, per literas petit, vt proceres, non minus molesta, quam honorifica, Regni administratione eam liberent. Impetratum est. Vt ab ea in filium ius transferant. Ita, vt voluit, est factum. Vt curatores nominaret, qui rerum summæ præessent, dum filius adoleret. Id quoque ei datum est: & quo plus auctoritatis res haberet, ad Ordines in conuentu publico de ea relatum est: a quibus, recta, & ordine cuncta fuisse acta, iudicatum est, & decreto publico id confirmatum est, quo nullum neque sanctius, nec firmitus nobis est vinculum. At quicquid in custodia est actum, non vt sponte gestum, sed timore mortis expressum, velut alia multa, ad quæ, metus causa, homines coguntur, pro infectis haberi solent, ac debent. Ista quidem timoris excusatio vt, non sine causa, interdum a iudicibus solet accipi, ita non semper iustam, ad res iudicatas rescindendas, causam affert. nam cum, sui emolumenti causa, iniecto timore, plus actor a reo extorquet, quam, per æquitatem legum, assequi posset: merito, aut vi coactis, aut formidine impulsis, hæc remedia, optimo iure, sunt prouisa. Contra vero, si animus, male sibi conscius, ex iustæ poenæ expectatione, metum confinxit, aut si, vitandi iusti supplicij causa, in condiciones aliquas consensit, nullam satis iustam causam, ad rescindendas res transactas, is timor affert: alioqui, quo quis esset sceleratior, eo facilius ei in aliquem legum portum foret receptus, & quæ remedia, subleuandis innoxij, sunt excogitata, ad impios poenis eximendos, transferrentur: illæque ipsæ,

vindices iniuriarum, leges bonis, improbitate malorum vexatis, non præbebunt asylum,
 sed malis, iustum supplicium timentibus, iniustum perfugium. Iste autem metus,
 qualiscunque fuerit, quæ tandem in re condicionem Reginae fecit deteriore? Regij
 (enim fastigij titulus, & Regni administrandi potestas iam pridem ei, vniuersi populi
 iudicio, erat adempta, & iam, in ordinem redacta, vita restabat precaria, eaque ipsa, non
 criminum innocentia, sed populi misericordia, fruebatur. Quid igitur, cum Regno cessit,
 per timorem amisit? imperio iam dudum exuta, inane nomen imperij abiecit: & quod,
 ab inuita iure extorqueri, poterat, sponte remisit: & reliqui temporis vitam, & infamiam
 turpitudinem, & ipsa morte miseriorem, perpetuum immiserentis fati timorem, vani
 nominis vmbra, redemit. Itaque miror, hic neminem, seu Reginae patronorum, seu
 Legatorum prauaricationem videre: nam, qui petunt, vt, quæ a Regina in custodia sunt
 gesta, rursus infecta fiant, hoc videlicet postulant, vt in locum, vnde se metu deiectam
 queritur, restituantur. Quis vero locus erat is, in quem tantopere flagitat restitui? (nam,
 antequam pridem, erat a Regno gubernando remota, &, omni publica administratione
 iam adempta, legum poenis relicta) Nempe boni isti patroni, eam restitui, volunt, vt, de
 crimine, non minus manifesto, quam scedo & detestabili, causam dicat, aut verius,
 causa iam cognita, iustas poenas luat. Et quæ nunc, in misericordia propinquorum, ali-
 quo laxamento fruitur, & in re atrocissima, non pessima condicione vtitur, in medias
 iudiciorum procellas iterum coniiciatur, nulla meliore spe incolumitatis, quam quæ, ex
 tot priorum Regum, qui se iudicum sententijs permiserunt, condemnatione, redundet.
 Quod autem, ad sollicitandos simpliciorum animos, seditiose iactatur ab aduersarijs, ty-
 rannis puniendis, bonorum Regum maiestatem imminui, & auctoritatem propemodum
 vilescere, id quale sit, videamus. Nam, contra reputando, nihil honorificentius societa-
 tibus & coetibus bonorum esse potest, quam si malorum contagio liberentur. Quis senatum
 Romanum, supplicio Lentuli, Cethegi, aut Catilinae pollutum, existimauit? Valerius Asiati-
 cus, tumultuantibus, ob eadem Caligulae militibus, & subinde flagitantibus, quis tam
 audacis facinoris esset auctor? e loco sublimiore, & conspicuo proclamauit, Vtinam istud
 vere assumere possem. Tanta fuit, in vnius hominis priuati libera voce, maiestas, vt tota
 vecors illa multitudo, statim dissipata, conquieuerit. L. Iunius Brutus, cum coniuratio-
 nem, de recipiendis in Urbem tyrannis, restinxit, non existimauit, familiam eade nefas-
 ria pollutam, sed, sanguine suorum liberorum, e Nobilitate Romana maculam elutam.
 Christierni Dani carcer ecquid detraxit, de laudibus Christiani, proximi Regis? ecquid
 obstitit, ne optimus omnium suæ memoriarum Regum haberetur? Præstans enim & virtuti
 suæ innixus animus, neque aliena gloria crescit, neque decrescit infamia. Sed his omissis,
 vt ad criminis defensionem reuertamur, Reginae petitioni abunde satis factum arbitra-
 mur, quæ a nobis poposcit, vt causam nostram, tam euidentibus argumentis, confirma-
 remus, vt ipsa, sibi persuadere, posset, eam esse iustissimam, & alijs, rationem repositenti-
 bus, honeste respondere. Quod enim ad eadem attinet, adeo dilucide eius auctor, & ra-
 tio, & causæ fuerunt a Comite Morauio, socijsque eiusdem legationis explicatæ, vt Re-
 ginam Angliæ, ceterosque ab ea, ad illarum rerum cognitionem adhibitos, nihil eorum
 exactissima iudicia latere potuerit: Quæ vero, post id facinus, in crimen vocantur, osten-
 dimus, cum lege diuina, cum lege naturæ, quæ & ipsa quodam modo diuina est, cum le-
 gibus patrijs & institutis consentire, neque ab aliarum gentium, apud quas ius, fasque, &
 Magistratuum imperia valere, moribus esse aliena: nostramque causam cum probent
 omnes, diuinarum humanarumque interpretes legum, tot saeculorum exempla, tot popu-
 lorum iudicia, & tyrannorum supplicia, non videmus, quid, in nostra causa, tam sit nouum
 (ne dicam iniquum) quod Reginam remoretur, quominus & ipsa nostræ causæ subscri-
 bar, & alijs persuadere possit, nihil hic esse, cur, nos, a bonorum aut ciuium, aut Christia-
 norum officio discessisse, debeant existimare. Hæc eorum, quæ, pro causa tum dicenda
 viderentur, summa, literis comprehensa, pridie Cal. Mart. perlecta, coram viris summa
 virtute & doctrina, quos Regina eis de rebus conferre sermonem iusserat: descriptam-
 que, ad eam deferendam, dedimus: ac postridie, qui fuit dies Cal. Martij, mane iterum
 in Aulam conuenimus, vt, si fieri posset, certiores fieremus, non modo, quid, de nostro
 responso

responsio, sed de summa totius causæ, sentiret. Sed, quia Regina, eo die, profectura erat ad villam suam, ad tria millia intra Londinum, cui villæ Vico viridi nomen est, non fuit nobis eius tum conueniendi potestas: igitur, quod proximum fuit, cum Concilij primoribus, qui nobis audiendis, ab initio, dati erant, collocti, ex eis intelleximus, eam (etsi illa ipsa ex vrbe migratio, aliaque curæ non multum vacui temporis ei concessissent) tamen nostrum legisse commentarium: verum, nundum sibi plane esse persuasum, nostram causam tam fuisse iustam, vt, sine vlllo animi scrupulo, eam probare posset. Quapropter hortabatur, vt ad secundum, ab initio nobis propositum rediremus, aliquamque rationem dispiceremus, qua hæc discordia, condicionibus honestis, consopiretur. Nos, ex aduerso, respondimus, Nos quidem domo non esse missos, cum liberis mandatis, sed, certis finibus circumscriptam, habere potestatem: Neque liberum nobis esse, consultare, de vlla omnino re, quæ, ad imminuendum Regis nostri imperium, pertineret: nec, si etiam oblata fuisset a nostris ea potestas, eam fuisse accepturos, aut permissa vsuros. Rebus in hoc statu tum relictis, cum Regina in sua villa, nos Londini diuersarem, misimus e nostris, qui ex ea scirent, numquid esset, præterea, de quo, nobiscum agendum, existimaret: aut, si nihil esset, vt curarent, veniam discedendi nobis impetrandam, vt domi Reip. pro virili, consulere, & priuatam non negligere, ac, si qua in re liceret, maiestati eius gratificari possimus: studium certe nostrum ei probare conemur, cuius declarandi maior erit domi nobis potestas, quam in alieno solo degentibus. Hac nostra flagitatione, id saltem perfecimus, vt iuberemur, quinto die mensis Martij, nos in Aula sistere. Ibi, cum ad Reginam essemus perducti, ea nostram intuenda opinione suscepta, obstinationem grauiter increpuit, quod disputationem, aut potius consultationem, de re ad nostram securitatem spectante, tam pertinaciter defugeremus: adiecit præterea prolixam suæ voluntatis declarationem, aduersus Regem, cæterosque, qui eius causam susceperant tuendam. Nos, cum æquitatem nostræ causæ satis luculenter a nobis explicatam, contenderemus, illa ex aduerso respondit, Suo nondum animo satisfactum, exemplis & argumentis, a nobis prolatis: Nec se disputationum earum plane rudem esse: vt quæ superioris temporis partem studio legum impertisset: Quod si est ira vobis prorsus decretum, inquit, nihil præterea comminisci, ad Regis ac vestram salutem conseruandam, velim tamen, adhuc sermonem conferatis, cum Concilij mei primoribus, qui vobiscum, superioribus diebus, iisdem de rebus, disseruerunt. Respondemus, Nos nequaquam nostris opinionibus esse ita pertinaciter addictos, vt non libenter, ex ipsa consiliarijsque eius quamlibet rei expediendæ rationem audiremus, modo id caueatur, ne præsens Regni status mutaretur, aut aliqua de Regis imperio fiat imminutio: ea de re, nullam nos consultationem aut velle, aut posse attingere. Postridie, ad villam Regiam (vbi cum Regina conuenerat) descendimus, initoque cum consiliarijs colloquio, cum multa ab eis in medium essent proposita, quæ, ad dirimendam controuersiam, quæ erat, de titulo Regni, inter matrem & filium, facerent, Nos, quia & non pauca erant, nec, de rebus parui momenti, rationes vtrinque iactabantur, rogauimus, vt eas scripto nobis exhiberent, vt spatium, de tantis rebus cogitandi, nobis daretur: Nec illi, consula prius Regina, moram fecerunt. Cunctis igitur per ordinem excussis, res visæ sunt tam arduæ, tamque, ad Regiam maiestatem imminuendam, pertinentes, extraque fines, legationi suæ præscriptos, posita, vt eas nec vellent, nec auderent, nec possent attingere. Postridie, Robertus Petcarnius in Aulam, cum responsio, remissus est. Id erat, rem ad vniuersorum ciuium cognitionem pertinere: nec tam paucorum hominum disceptationi committendam. Idem quoque ad eos nostrum responsum, scriptum petentibus, postridie illius diei, hoc est mensis Martij nono die, ad Aulam retulit: ac magno opere petijt a Regina, vt peractis, quorum causa venerant, Legatis, domum abeundi veniam daret. Post decimum demum diem, Regina conueniendæ nobis copia facta est: Delecti a Concilio, quibuscum, a nostro aduentu vsque, nobis institutus fuerat sermo, vehementer instabant, vt adhuc, vna secum, condiciones non incommodas rei componendæ comminisceremur: multisque verbis ostenderunt, si, ad domesticam

RERVM SCOTICARVM

seditionem, externum etiam accederet bellum, duplicatum laborem, duplicata pericula, rerumque omnium difficultatem fore: præsertim, cum, nostris viribus nos explicare, non possemus. Nobis vero in ratione instituta perseverantibus, nec ullam pacificandi formulam accepturis, qua Regis potestas arctaretur, ille finitus est dies. Proximo die, qui fuit vicesimus Martij, in Aulam fuimus reuocati. Ibi Regina ad se iussos accedere, in hanc fere sententiam, alloquitur, Se, cum suis, nostra responsa expendisse, satisque perspicue intelligere, neminem, præter summum Scotorum Concilium, qui ex conuentu Ordinum constat, posse ad ea, quæ postulabantur, certi quicquam respondere: itaque, se rationem inisse, qua rem integram, honesto colore præsentato relinqueret. Sibi renunciatum esse, comitia omnium Ordinum breui in Scotia futura: eo (quod bene veritat) proficisceremur: Ibi operam daremus, Vt, ex utraque factione, pari vtrinque numero, certi homines deligerentur, qui causas controuersiarum diligenter expenderent: Se quoque eo legatos missuram, qui, vna cum eis, paci reconciliandæ operam darent: Se autem petere, vt, interea, induciæ renouentur, dum res ad finem aliquem deduceretur: Hac etiam se velle, cum legatis Reginæ Scotorum, conferre: eosque, si posset, in suam sententiam adducere. Illi autem, re audita, se excusant: nihil enim se, Principe sua inconsulta, in vllam partem statuere posse: Se quidem, vt resciscant, quid ad eam rem, sententiæ habeat, ad eam scripturos. Nos vero redeundi ad nostros promissum comitatum flagitabamus. Verum, interea, iubemur, breuem admodum temporis moram æquo animo ferre, dum a Regis nostri matre, ad Episcopum Rossensem, ceterosque eiusdem Reginæ legatos responsum rediret. Post id, de reditu statim impetraturos. Interea nihil ad festinationem nostram profuit, quod identidem obijceremus, nihil nobis, cum Rossensi Episcopo, rei esse: neque is legationi nostræ propositus esset finis: Nos quidem, cur veneramus, perfecisse: mirari vero, cur Episcopus Rossensis nostrum reditum, peracta legatione, remorari debeat: præsertim, per nostram absentiam, tot nouarum rerum obortis tumultibus, idque non modico partium Regis incommodo. Sed nec hac, prope importuna, nostra flagitatione quicquam promouimus: res enim de die in diem prolata est, ad pridie Cal. April. quo die, Regina Londinum redijt. Sed quæ, in conuentu publico inchoata, tractabantur, per triduum fere proximum, ita Reginam tenuerunt, vt, ad externa disceptanda, nullum ei ocium relinqueretur. Quarto demum Aprilis die, nobis accersitis, moram iniectam excusat: Ostendit, matrem Regis nostri præsentem suorum audaciam grauitè, per literas, increpuisse, quod, suam ad causam hac ratione tractandam, descendissent: Itaque inquit Angla, cum, a via concordie a me proposita, tam vehementer abhorrerent, non ero diutius vobis in mora: Quod si forte poenitentia (quod spes est) posterius ducta, in hanc viam redire velit, vos, non dubito, in officio futuros. Ita tandem benigne, & humaniter dimissi, octauo die Aprilis, iter in patriam sumus ingressi. Hac cum Sterlini in conuentu procerum recitata fuissent, magnoque omnium consensu, diligentia fidesque Legatorum approbata, reliquas cogitationes, in Cal. Maias, intendunt: in quem diem, comitia erant indicta. Interim, vtrique se diligenter parant: alteri, ad ea habenda, alteri, ad impedienda. Hac fere palam prudentiores existimabant, Anglam nulla ratione velle Scotam dimittere: quippe, quæ videret, quantum ex ea re periculum vniuersæ rei Britannicæ immineret. Iniecta interim mentio erat, de Rege Scoto, pro matre, petendo obside, magis, spe concordie impediendæ, quam restituendæ: Scotos enim nequaquam consensuros, certo sciebat: verum aderant, in Concilio eius, plerique homines potentes, qui occulte Northfolciana factioni studebant: hi & Scotam restitui volebant, & factionem ei aduersam, temporis diuturnitate, frangi & debilitari, vt necessitate ab ea exprimeretur, quod a volentibus impetraturi non videbantur: nec dubitabant, eo rem venturam, cum rebelles pecunia, bellicoque apparatu a Gallo iuuarentur: Regij contra, in vnam Angliæ Reginam essent intenti, quæ benigne, ab initio, eis, intellecto Reginæ Scotæ scelere, pollicita erat, Regnum Regemque eorum sibi curæ fore. Sed nec Gallus, sua consilia satis expedire poterat: Reginam enim restitui, volebat, Regem Anglis dedi, nolebat: cum

autem

autem non ignoraret, quam valida esset Norfolciana factio, quæ res nouas mollebant, non desperabat, fore, ut Regina. Scora e custodia vel clam elaberetur, vel per vnum eharceretur. Hic fere tum rerum status in Britannia erat. Mortonius, cum, in conuentu Sterlini, suæ legationis acta proceribus probasset, domum reuersus, quæ quatuor millia ab Edimburgo aberat, cohortem peditum centenariam cum paucis equitibus habebat, ut & se, si quid opidani attentarent, ea manu tueretur, & eorû extinctiones prohiberet, dum maiores copiae cogerentur: interim Regina factio, quæ opidum tenebat, milites confectabit, loca idonea præsidii occupat, atque in id vnum omnia consilia confert, ut, excluso Prorege, comitia, quæ Edimburgum erant indicta, impediret. Adhuc Mortonius, ut a Prorege fuerat mandatû, viginti equites, & e centuria peditum, quam commearibus infrequentem, secum habebat, circiter septuaginta Letham misit, qui Edicto publice denuntiarent (nam Edimburgum iam præsidio tenebatur) Ne quis, terra mariue, rebelles commearibus, armis, alioue quouis bellico apparatu subleuaret: Qui contra fecissent, eisdem, quibus rebelles, poenis essent obnoxij. Hi, quia, vrbis se copiis impares, sciebant, pedites longiore via, quæ monte (quem Arcturi sedem vulgus appellat) ab vrbis conspectu regitur, equites prope muros, vrbis portas, nemine hostium se commonente, transierunt: peractis autem, cur Letham venerant, non eadem reuertentibus fortuna fuit: pedites enim cum recusarent, qua venerant, redire, & ut sui & hostium periculum facerent, prope vrbis portas, inuitis equitibus, vna tamen cum eis subiecti moenibus, transibant, cum repente, duabus portis, in eos facta est eruptio. Initio concursus est satis acriter: opidani tandem tumultuosi in urbem reiecti, leui quidem coniactura: sed tamen, ut facile appareret, inferiores virtute eos esse, etsi numero superarent. Contra Prorex, cum nihil haberet, ad opidum oppugnandum, parati, nec, instantibus comitiis, ob temporis angustiam, machinæ eo conduci possent, a vi abstinendum ratus, comitia tum extra portam habere, statuit: nam, opidum cum in longitudinem expositum esset, qui muris id primi circumdederunt, magnam eius partem, extra pomeria, excluderant, ita tamen ut eius partis habitatoribus ciuitatis ius integrum seruaretur. Illic igitur habita sunt comitia, Iuris peritis interpretantibus, Nihil referre, in qua vrbis parte haberentur. In hoc conuentu, cum perduelles essent denunciati, principes fere eorum, qui arcem tenebant, ac hi potissimum, qui, ob conscientiam cædis Regis ac Proregis, iudicia fugiebant: rebelles, Ordinum decreto (cuius iudicii summa est auctoritas) damnati, ne vulgus, quod fere a Nobilitatis nutu pendet, ab eis alienaretur, & ipsi, ex ea copia, quæ apud eos erat, comitia coegerunt. Pauci ab eis stabant, quibus ius suffragij erat, e quibus, alij in comitium non venerunt, alij affuerunt quidem, sed, ut spectatores, omnibusque officiis forensibus abstinuerunt: ita, cum nec iustus eis suffragatorum esset numerus, nec hi, tempore legitimo, aut more maiorum, conuocati, ut tamen speciem aliquam legitimæ multitudinis haberent, duo Episcopi, alique nonnulli absentes (quod nunquam antea fando auditum erat) suffragia sua, in ancipitem comitiorum euentum, scripta miserunt. Toto hoc tempore, cum arx assidue in procerum conuentum maioribus machinis iacularetur, ac sæpe globi ferrei in mediam turbam caderent, neminem tamen aut occiderunt, aut vulnerarunt: damnati in utroque conuentu pauci: & vtrique comitia, in mensem Augustum, indixerunt, alteri, Sterlinum, alteri, Edimburgum. Soluta conuentu, ac neutris alteros laceffentibus, velut in inducias consensum esset, maior pars mercenariorum, qui cum Mortonio erant, domos sunt dilapsi. Qui opidum tenebant, non ignari, quanta esset circa Mortonium infrequentia, simul ignominia superioris delendæ cupidi, ducentos viginti pedites sclopetarios, equites centum emisere: hi duas machinas æneas campestris secum auexerunt, eo consilio, ut vel opidulum Dalkethum, vbi tum Mortonius erat, incederent, vel, si id non succederet, metu hostem intra opidum continerent: atque, ea velut timoris confessione expressa, vulgo se ostentarent. Hi cum in colle aduerso sese instructos ostendissent, subito Dalkethi, Ad arma, conclamarum est: Mortoniani statim ducenti pedites, & circiter sexaginta equites, per aduersum collem subeûtes, in planitiem demû inuecti, contra, ad pugnam parati, steterunt: procurrentibus deinde vtrinque iaculatoribus,

leui certamine confecto, rebelles, qui, omnia apud hostem se imparata deprehensuros,
 erodiderant, spe sua decepti, retro, quantum integris ordinibus poterant, abeuntes, urbem
 repetebant: interea, aliis urgentibus, aliis, se recipere cupientibus, ad Cragmillarium ar-
 cedunt, in medio fere itinere suam, perueniunt. Ibi pauci pedites Mortoniani, qui ab aduersa
 parte eadem occulte transierant, ex insidiis consurgentes, in angustiis viae subiecta aciem
 hostium aggrediuntur, ordinibus solutis, eam in fugam auerterunt: qui praesidium, in arce Edim-
 burgenfi, agitant, de superiore loco cernentes, fugam se versus tendere, subsidio mise-
 runt, octodecim equites, & triginta pedites, quibus freti hostes, equites Regios (qui, di-
 midio, pauciores erant) rebellium impetum non sustinentes, non minus trepide, quam
 paulo ante, secuti erant, fuga retro impulerunt. Peditum utrinque operam prope inuti- 10
 lem inibi, repente caelo effusus, fecit in fuga, ex Mortonianis, caesi pauci, plures vulne-
 rati, capti circiter viginti sex: caesorum numerus e rebellibus maior, captorum minor fuit.
 Sed fortuita res utriusque partis detrimenta prope aequauit: nam qui, Edimburgo vene-
 rant, de solio sulfurei pulueris secum aduexerant: inde milites, festinantes, dum incon-
 sultius depromunt, igne remere iniecto, tanta vis flammæ repente erupit, ut equus, qui
 vasculum vehēbat, & peditum praefectus, Iacobus Maluillius, compluresque militum eius,
 afflatu fuerint ambusti, ac maior pars eorum, intra paucos dies, perierit. Dum hæc re in
 neutram partem inclinata, circa Edimburgum geruntur, cohors vna Scotorum, qui, su-
 perioribus annis, in Dania mercede militauerant, cuique praerant Michael Vemius,
 adolescens nobilis, summa virtute & doctrina, domum reuersa, operam suam Regi, opi- 20
 danis frustra contendentibus, ut eam ad se pertraherent, obtulit. Hi breui, ad suos inui-
 sendos, spatio impetrato, dum ad diem dictum conueniunt, certiores fiunt, a rebellibus na-
 ues, ad se intercipiendos, instrui: harum insidiarum gnarus Mortonius ipse, pro praesen-
 te copia, manu armata, nemine conscio, quo duceret, adeo festinanter Letham venit, ut
 eos conscendentes pene oppresserit: sed decem e moratoribus in ripa, dum scaphas tar-
 dius soluant, capti. In posterum diem, quoniam citius, per aestum Oceani, non poterant,
 naues paratae, quæ reliquas persequerentur, aut redeuntes interciperent. Prorex quoque,
 ea nocte, certior factus, & ipse, postridie summo mane, cum tumultuariis copiis, a sini-
 stro Forthæ litore festinauit, ut rebelles, egressos in terram, inuaderet. Sed militum Cim-
 bricorum properatio hos omnes conatus fecit irritos: maior enim pars, maiorem nacla 30
 nauem, incolumis transmisit: cæteri, qui minusculam conscenderant, procul a Letha
 deprehensi, circiter viginti sex, ad arcem sunt deducti. His ita confectis, Prorex Sterlinum
 reuertitur: Mortonius, labore & vigiliis, præterea coli dolore afflictus, Lethæ lecto affi-
 xus tenebatur: Drurius Anglus, qui, per tot dies, de induciis inter factiones, egerat, nihil
 transigere poterat, quod Prorex nulla alia ratione consensurus esset, nisi, quæ per prio-
 res inducias loca erant occupata, restituerentur. Cum discessurus esset Anglus, rebelles,
 velut per ostentationem officij, quicquid habebant virium, cum eo produxerunt, rati,
 decumbente Mortonio, vel timoris confessionem se ab hostibus, numero inferioribus,
 expressuros: vel, si cum copiis eius, sine duce, congredierentur, aliquid, in summam rei,
 profecturos. Mortonius, per stationem equitum certior factus, e lecto statim confur- 40
 git, & arma capit, suosque omnes in propinquum colliculum producit, atque instru-
 ctos tenet, quadringentos fere ab hoste passus. Drurius Anglus inter acies cursitabat,
 ac utrosque inuicem rogabat, ut domos redirent, neu spem rerum componendarum
 nimis calidis consiliis infringerent: cum, de receptu, consentirent, & id modo contro-
 uersum, inter eos, esset, viri prius signa conuerterent, hanc quoque litem Drurius tol-
 lere conatus, ab utrisque petiit, ut, cum ipse, stans in medio, inter duas acies, signum
 dedisset, utrique eodem momento, se reciperent. Mortonius non repugnabat, rebel-
 les contra minabantur, se, nisi sponte discederet, eum cum ignominia pulsuros: ac iam
 vix contineri poterant, quo minus aciem promouerent. Hoc responso recepto, Mor-
 tonius, se Drurio ac Anglis, quos, eo tempore, nolebat offendere, ac suæ modera- 50
 tionis testes libenter habere vellet, satis fecisse, ratus, repente in hostem duxit: equi-
 tes primi, impetu facto, statim cornua nudant: pedites, attentato tantum certamine,
 & ipsi terga dederunt. Ibi cum porta vici proximi effuse fugientes capere non posset,
 complures

complures in angustijs occisi, multi proculcati; multi etiam capti; nemine resistente,
 præter peditum partem, qui, in coemeterio proximo, confisi loco, se in ordines recepe-
 runt, ac iterum, ad primum hostium impetum, fugerunt. Fuga adeo effusa in urbem
 fuit, vt, relicta porta, omnes in arcem contenderent: ac nisi hostis, sequens, in prædam
 intrare fuisset, opidum neglectum capi potuisset. Ex rebellibus, supra quinquaginta
 occisi, circiter centum quinquaginta capti: in his, Alexander Humius, leuiter saucius,
 equo labente oppressus: Galuinus Hamiltonius cæsus: Iacobus Culenus, Huntzai pro-
 pinquus, peditum ductor, ex armario pauperulae mulieris, vbi latebram quaesierat,
 extractus, Letham perducitur: eo conspecto, tantus vulgi clamor exortus est, vt, nisi
 10 eius morte, homines sibi satis fieri non passuri viderentur: is enim, superioribus bel-
 lis ciuilibus, auare & crudeliter latrocinium exercuerat, in Gallijs infamem militiam
 egerat, Regibus Danorum & Suecorum armis contendentibus, cum ab utroque pecu-
 niam, ad militem conducendum, accepisset, utrique operam pollicitus, neutri præ-
 stitit: multa facinora foeda patrauerat: tandem (vt dixi) captus, maximo cum plausu,
 ad supplicium est ductus. Post paucorum dierum quietem, opidani, relictis viribus,
 sese in armis ostentant: quotidie fere, ex eo, leuia certamina conferebantur, varia
 plerumque fortuna: pro Regijs erat virtus militum, pro rebellibus, locus ad insidias
 commodus, & arx imminens, ad speculandum, vnde omnes exitus hostium conspi-
 ci poterant: nec fere se committebant certamini, extra quam ex arce tormentis globi
 20 ferrei adigi possent. Lethæ Prorex se continebat, in omnes eorum egressus intentus,
 & commeatus maritimos intercipiebat, terrestres omnino excludere, non poterat,
 propter urbis vastitatem, & vicinorum locorum asperitatem, quorum circuitione,
 plerumque momenta rerum gerendarum amittebantur. Dum hæc circa urbem gerun-
 tur, naus Gallica, quæ nitrum, globos ferreos, tormenta ænea minuscule, & non-
 nihil pecuniæ ad obsessos ferebat, capta est: pecunia in stipendium militum erogata
 est: globi, nitrum, ac pars tormentorum, dum, nullo prope comitatu, Sterlinum
 aduerso flumine comportantur, rebelles, re cognita, nauculis in eum vsum alio in
 portu comparatis, ad prædam conuolant: capta cum exportare in arcem nequirent, in
 flumen demergunt. Alia, eisdem fere diebus, capta est nauicula, aliarum quidem re-
 30 rum inanis, præter literas, & magnifica Regis Galliarum promissa, spemque propin-
 qui auxilij: toto enim superiore biennio, quo bellum per occasiones in Scotia gere-
 batur, Angliæ Regina Regiæ partis, Galliarum Rex & Angli Papani rebellium ani-
 mos exigua pecunia, sed magnis pollicitationibus, sustentabant, nec tam studere vi-
 debantur Reges, vt sui vincerent, quam ne vincerentur: in id enim necessitatis uter-
 que suos adigi, volebant. Angli, vt Scoti, radio rerum suarum, in Angliam Regem
 non inuiti mitterent, atque ita toti ab ipsa pendere viderentur. Gallus, vt rebelles Bri-
 tannodunum & Edimburgum ipsi dederent, ijsque prædijs, capiri semper ab utroque
 mari imminentibus, Scotos, vel inuitos, haberet obnoxios. Sed Reginae libertate
 desperata, & amisso Britannoduno, lentius in causam rebellium incumberebat: id tan-
 40 tum spectabat, ne, Regno seditionibus domesticis exhausto, nouum, & non necessar-
 ium, vnius arcis causa, bellum susciperet: sed, ad præsentem rerum statum, satis abun-
 de rebatur, si non caperetur. Et Scoti certi erant, Regem non dedere Anglis, cum, ob
 antiquas controuersias, tum, ob Papanorum Anglorum potentiam, qui, in eius motu,
 suarum rerum incolumitatem statuiebant: eo enim sublato, Regina Angliæ non mo-
 do videbatur infirmior, cum Regis vnus vita spei eorum motum faceret: sed Re-
 gina Scottorum totius Insulae indubitata hæres foret, & quæ, suo matrimonio, Regnum,
 qui vellet, gratificari posset, & ad statum Religionis per totam Europam componendum,
 maximum momentum afferret. In Aula autem Anglica, versabantur non obsecuti homi-
 nes, qui spem reuocatum, & ceteris beneficiis præferrent: sed, viuo Rege Scottor-
 50 um, Angliam tollerent, & eorum plerique a secretis Reginae Consilijs, versantur,
 ne Scotæ nota omnibus maleficia eius auctoritatem eleuant, & opes filij auferant,
 & metu tyrannidis, cum Angliæ charitatem facerent. Angli rebelles, utrunque, hoc
 est Regem Scottorum, & Reginam Anglorum, vna opera tollere, volebant: & cum res

parum, ex sententia, aperte procederet, veneno grassari, statuerunt. Cum in hoc statu res Scotorum essent, utraque eorum factio, ad propinquam comitiorum diem, se comparabant. Rebelles, cum tres modo, supremi Ordinis, suffragatores secum haberent, e quibus, duo procuratores comitijs, Regina nomine habendis, præerant: tertius, Alexander Humius, vnus esset, qui suffragij ius haberet: & Ecclesiastici ordinis duo Episcopi, alter illo, ante aliquot menses, relegatus per Proregem, deinde statu urbis permutato, cum, sine comiteatu discedere, non auderet, ibi inuitus permansit: alter decodtor, aciculis bonis, necessitate eo coactus. Ijs consentibus, supra ducentos damnati, horum nonnulli adhuc impuberes. Procacissimi enim militum, velut victoria iam parta, patrimonia sibi aliena destinantes, multos innoxios & quietos, ideoque, maximæ iniuriæ opportunos homines, in numerum proscriptorum referebant. Prorex, Sterlinum profectus, magno procerum concursu, & ipse comitia habuit: circiter triginta, ex pertinacioribus in causa Regina damnati: ceteri in spem veniæ dilati. Per procerum absentiam, rebelles, aliquid tentandum, rati, omnes ex vrbe copias eduxerunt, & ad speciem multitudinis augendam, omnes opidanos, cum maiore parte militum, in acie statuerunt, eo consilio, ut, velut, superioribus temporibus, consueuerant, leuiter laceffendo, Regias copias, Letha elicerent: interea, dum intentos in se hostes distinerent, reliquis longiore itinere occulte circummissis, opidum præsidio destitutum, per auersam ingressi portam incenderent. Patricius Lindesius Lethæ præerat, homo manu & consilio promptus: is, productis copijs, cum a deprehensis insidijs sibi satis cauisset, suos recta in hostem duxit: & cum, initio, satis acriter dimicatum fuisset, tandem impressione maiore facta, rebelles fusi, fugati, &, vsque ad opidi portas, non sine cæde, compulsi: magnus captiuorum numerus abductus, sed maior pars fuit opidanorum: Alexander Humius captus, suorum interuentu, est liberatus. Vespere, cum Regij, victoria læti, se reciperent, Iacobus Haliburtonus, vir bonus, ac rei militaris peritus, qui omnibus peditum copijs præerat, cum ab agmine suorum, quod cogebat, longiuscule abesset, a turma equitum, cum, dubia luce, cuius partis esset, dignosci non posset, in compito quodam exceptus, in urbem ductus est. Hoc incommodo accepto, rebelles animum adiecerunt, ad aliud facinus, ut maioris periculi & audaciæ, ita in spem, si successisset, belli vniuersi patrandi. Nam, cum exploratores comperissent, omnes fere proceres aduersæ factionis Sterlini adeo negligenter & solute agere, ut, tanquam in summa pace, in opido aperto, ne excubias quidem nocturnas haberent, assumptis trecentis peditibus, equitibusque ducentis, eo iter intenderunt: idque quo minus esset molestum peditibus, qui raptim ducebantur, pridie eius diei omnes rusticorum equos, qui ad mercatum venerant, retinuerunt, & si quos obiter inuenerant, dominis abstulerunt. Duces expeditionis eius erant, Georgius Gordonius, Claudius Hamiltonius, & Valterus Scotus. Eos magnopere confirmabat Georgius Bellus, cohortis peditum signifer, Sterlini natus: is cum omnes aditus & opportuna opidi loca nosset, ac procerum hospitia haberet descripta, certam spem faciebat, omnia in eorum potestate futura: illi quoque tanta confidentia proficiscebantur, ut iam designarent, quos serua-
rent, quos perderent. Igitur mane diluculo, cum ad opidum aduenissent: omnia adeo neglecta compererunt, ut ne canis quidem eos allatrauerit: ita summo silentio ingressi, nemine obuio, in forum penetrant: aditus omnes, qui eo ferebant, armatis obsident, deinde procerum hospitia aggrediuntur, ac ceteri quidem, paruo negotio sunt oppressi. Iacobi Duglassij Morrisonij Comitris diuersorium vnum eis moram præbuit: id cum vi expugnare non possent, ignem subijciunt: ille, vno aut altero, e ministris, qui strenue adius tuebantur, cæcis, cum iam omnia fumo & flamma opplerentur, agre ex incendio sese expediens, Valtero Scoto, affini suo, qui ibi occurrit, se dedit: Prorex quoque, eodem momento, familiaribus segniter eum tuentibus, cum se armis, se prope solus, defendere tentasset, captus abducebatur: Et iam Alexander Glencarnia, & Hugo A. Eglingtonia Comites, adhibitis custodibus, ad exitum seruabantur: Claudius enim Hamiltonius suos admonuerat, ut omnes, sine discrimine, proceres aduersæ partis, simul ac portas urbis forent egressi, conficerent. Omnibus rebus ita supra spem succedentibus, cum vulgus militum ad prædā discurreret, Ioannes Areskinus, arcis

arcis præfectus, qui, viis obsessis, in forum aliquoties frustra prorumpere tentauerat, tan-
 dem globum suorum, mainusculis sclopetis armatum, suas nouas ædes (quæ tum maxi-
 me ædificabantur) e quibus in totum forum prospectus erat, occupare iubet: hæ enim,
 vt vacuæ & nondum absolutæ, ab inimicis negligebantur, & Regiis tutum præsidium,
 vnde iaculis hostes peterent, præbebant. Rebelles, vbi imparibus armis, e loco superio-
 re iam occupato, se peti animaduertunt, statim sese in fugam coniecerant, adeo trepi-
 de, vt cum ad arctiorem, quæ ad portam ducit, viam est ventum, alij alios proculcarent:
 salutis eis fuit, quod rari sequebantur, iis, qui foro eos expulerant, singulis modo, per
 nouarum ædium portulam, quæ sola & semiclausâ in opidum patebat, exeuntibus, ac e
 10 reliquis domibus, paucis, qui intra ædes armati, ad omnes casus parati, stabant, egressis.
 Ita tota fere multitudo, quæ, pridie illius diei, tam audax facinus susceperat, & tum adeo
 feliciter prope confecerat, a sedecim hominibus, tanta cum trepidatione & tumultu, ex
 opido eiicitur, vt, captiuorum omiſsa cura, suæ quisque salutis consuleret. In hoc tumultu
 toto, vnus modo (quem nominato sit operæ precium) ex Regiis, Georgius Ruuenus,
 summæ spei iuuenis, dum ferocius, quam tempus poscebat, confertos hostes aggreditur,
 fuit peremptus: Alexander autem Stuartus Garlianus, cum captus abduceretur, incer-
 tum, a suis, an ab hostibus ictus cecidit. In hac tanta, & tam late fusa, trepidatione, cum
 qui antea intra sua limina metu continebantur, passim in publicum prorumperent: qui
 iacobum Duglassium, & Alexandrum Cunigamiū ceperant, cum euadere non possent,
 20 se suis captiuis dederunt: Proregem ducebat David Spenſius, equitum, inter rebelles,
 præfectus: cum sciret, insidias vitæ eius fieri, tam solícite eum tueri satagebat, vt ipse
 quoque a percussoribus, auide Proregem petentibus, ictus, eodem illo die, interierit,
 magno vtriusque factionis mœtore: erat enim, omnibus corporis & animi virtutibus,
 iuuentutis Scoticæ nulli inferior: nec, post eius decessum, equitatus hostium quicquam,
 memoria dignū, gessit: e percussoribus Protegis, duo, cum ad suos euadere non possent,
 supplicio, quod in deditum sauiſſent, affecti: ceteri adeo trepide fugerunt, vt captiui,
 quos tetinuerant, passim ab eis dilaberentur. Poterant quidem omnes hostes deleri, si
 equitatus affuisset, qui tum fugientes sequeretur: sed latrones Teuotici, in primo in-
 gressu opidi, equos omnes diripuerant. Id eis salutis fuit. Ex vtraque parte, fere par celo-
 30 rum numerus: e Regiis, nemo captiuus est abductus: ex altera factione, multi, quorum
 plerique, prædæ intenti, intra domos, quas diripiebant, deprehensi fuerunt: Prorex, eo
 die, ex vulnere decessit. Exequiis, vt in tempore tam turbulento, raptim factis, procerum
 qui aderant, ad successorem creandum, conuenerunt: illi, e suo numero, selegunt viros,
 qui, iureiurando prius adacti, se Nobilitatis suffragiis parituros, velut candidati, comi-
 tiorum euentui permitterentur: hi erant, Gilespicus Cambellus Argathelie, iacobus
 Duglassius Mortonij, Ioannes Areskinus Marriæ Comites. Omnium suffragia in Ares-
 kinum inclinarunt: is nihil prius, quam de oppugnando Edimburgo, egit, ad quam rem
 exercitus a superiore Prorege fuerat indictus, in Calendas Octobris: sed repentina re-
 rum perturbatio effecit, vt is dies prorogaretur in Idus eiusdem mensis. Ears res magnum
 40 attulit, rebus gerendis, impedimentum: quod opidanis, qui, dies noctesque, in opere
 erant, spatium, ad muniendum, est datum, & hiems præmatura, noctesque longiores, &
 coeli, vt in locis frigidis, intemperantia, & difficilior comitum apporatio, & appa-
 ratus bellici angustia, effecerunt, vt, re infecta, discederetur. Proximis aliquot mensibus,
 certatum est excursionibus, in neutram fere partem rem inclinantibus: prospectus enim
 ex arce, liber in omnes partes, efficiebat, ne rebelles, vel ad manus venirent, vel precipi-
 tarent in insidias: signo enim e superioribus locis edito, facile admonerantur, vt se re-
 ciperent in tempore. Semel tamen, cum omnes eques ac pedites ex opido seiecissent,
 vt paucos e Regiis interciperent, ac acriter simulantibus fugam ostenderent, ad vexilla co-
 hortum, e valle propinqua emergentium, ab arcis præsidio conspicia, statim, signum
 50 receptum est datum: itaque rebelles, antequam ad insidiarum locum essent peruenſi, se
 trepide recipere coeperunt, eoque fuga perturbatior fuit, quod, quanquam instantis pe-
 riculi erant admoniti, tamen, nec vnde, nec quantum id esset, suspicari poterant. Equites
 pauci, qui, ante, fugam simulauerant, eorum tergo adeo insisterunt, vt pedites, solutis

ordinibus, qua quisque proxime poterat, urbem peterent: multi vulnerati, & capti in
iis, ex praefectis cohortium, & signiferis aliquot. Dum post haec, res ad urbem lentius
geritur, in regionibus, ad Septentrionem versis, clades, hac maxime occasione, accepta
est. Duae erant in illoractu familiae, summa potentia & auctoritate, Gordoniorum &
Forbosiorum: sed cum Gordonij, summa inter se concordia, viverent, & vicinis aliquot
gentibus, Regio permissu, multos annos praefuissent, veteres opes & auctoritatem aux-
rant: contra, Forbosij, inter se discordes, suis se viribus assidue conficiebant: sed neutra
in aliam (ut qui cognationibus & affinitatibus coniuncti essent) quicquam, multis
annis, attentauerant: magisque, occulta emulatione, quam aperta invidia, laborabant.
Erant in familia Forbosiorum Arcturus, homo & ingenio, & manu promptus, & qui, a 10
primis usque discordiarum temporibus, Regem semper secutus erat: is, tum aliquid agi-
randu, rarus, quo & suum, & gentis nomen illustraret, & patris, quam sequebatur, opes
augeret, primum, familiam suam in concordiam redigere, conatus est: id si obtinisset,
nullas, in illis regionibus, opes metuebat. Cum, ad eam rem, dies dictus fuisset, Adamus
Gordonius, Comitis Huntai frater, omnibus rationibus ad impediendu paratus, pro-
pinquis & clientibus occulte admonitis, cum magno eorum numero, ad locum venit:
& cum Forbosiorum duo agmina in conspectu haberet, antequam coniungi possent,
alterum adortus, Arcturum in procinctu cecidit: eo labente, reliqui fusi & fugati sunt:
aliquot viri illustres caesi: plures capti: reliqui, proximis diebus, metu, ne gravius in ca-
ptiuos seuiretur, nihil ausi. Eum metum auxit domus Alexandri Forbosij, cum vxore 20
pregnante, liberis, & ministris cremata. Frater Arcturi Forbosij, maior natu, qui gentis
princeps erat, capta & spoliata sua domo, aggre elapsus, in Aulam venit: ibi, quanquam
res erat in summa angustia, tamen ei & Nobilibus, eius sectam secutis, ducenti pedites
dati, literis vicina Nobilitate admonita, ut se eis coniungeret. Ea cum ad reliquias For-
bosiorum, aliquotque familias propinquas sese coniunxisset, a viribus se satis putabat
firmam: sed decrat, quem sequeretur, dux, cum iuvenes fere essent familiarum princi-
pes, ac vix quisquam, inter alios, admodum emereret. Ita, in diuersa consilia distracti,
Ioannes Kerhus, cum quingentis equitibus, domum suam, non longe distantem, dis-
cessit: Alexander Forbosius, cum suis clientibus, & peditum centuriis duabus, Abredo-
niam contendit, ut Adamum Gordonium inde expelleret, & suos ex itinere resciret. 30
Adamus, terrior factus, inimicem cum non adeo multis aduentare, suos ex opido edu-
xit, coactis etiam sequi opidanis, ut speciem maioris multitudinis praeberet. Ibi statim
in agris opido proximis acre praelium committitur: pedites Regij pugnandi studio longius
Gordonianos secuti, deficiente pulvere sulfureo, nec suorum acie subsidiis firmata, tre-
pida fuga se recipiunt, prementibus maxime sagittariis: non adeo multi e victis caesi;
quod in noctem pugna erat protracta: capti nonnulli, in iis, Alexander Forbosius, cum
se in peremaciter, aduersus instantes, defendisset. Hic iterum ad Septentriones, successus
minum quam animos rebellium, ad maiora aggredienda, erexit. Igitur, in diuersa Regni
parte, ad ledburgum opprimendum, animum adiciunt, opidulum quidem, more patrio,
iniquum, cum, sed fortissimorum ciuium, & quod, superioribus annis, rebellium conati. 40
bus semper fortissimè restiterat. Huius opido vicini erant, Thomas Carus Farnhestius, &
Valterus Scotus: hi, praeior veteres clientelas, satis numerosas, sibi adiunxerant tres vici-
nas regiones, & Idaham, & Eham, & Eckiam, semper latrociniis infestas, ac tum, per bel-
lorum consilium, in longinqua etiam loca libere grassantes. Erant & in ipsa Te-
uipia, cum, harum regionum contagio, dum ob consuetudinem praedas agendi ex hosti-
co, aliquot magna familiae, fuitis & latrociniis infames: nec hi modo, sed quidam, ex pro-
ximis Anglis, siq. praeda illecta, se coniunxerunt: accersiti praeterea Edinburgi cxx. slo-
petarii, ex omnibus cohortibus selecti, ledburgenses quoque, non ignari, se peti, trepidis
nunciis, & regi periculum significant, & deus armaturae tantum auxilium petunt: nec
in ista sita desunt: nam, Valtero Caro, Sefordio accersito, & militum satis magno nu- 50
mero a vicinis agris collecto, pro tempore, opidum muniunt: & Gulielmus Ruuenus,
cum viginti slopetariis & equitibus, partim secum adductis, partim e Marcia vicina
collectis, ad Durburgum adesse, nunciatur utrique parti, eodem fere tempore. Sed rebelles,
satis

satis copiis suis confisi (erant enim ad tria millia hominum) iter, summo mane, ad opidum intenderant, vt auxiliorum aduentum præuenirent: & Ruuenus, id ipsum suspicatus facturos, magno gradu eos consequitur: & postremos leuibz excursionibus lacessit. Valterus quoque Carus, adiunctis ad suos opidanis, recta ad hostes pergit. Id illi conspicati, ne ancipiti prælio dimicarent, se confestim in loca tutiora recipiunt: Latrones, qui, spe prædæ, accurrerant, cum opidum a vi tutum, & Regios, ad dimicandum paratos, cernerent, qua cuique proximum erat, domos abeunt: Rebelles, nihil minus rati, quam hostes aliquid tentaturos, cum clientibus & peditum cohorte se Hauicum recipiunt: hanc spem augebat hiems, solito asperior, niuis recens casus, quæ omnia late obrinebat.

10 At Ruuenus, occasione ratus vtendum, de tertia vigilia, adeo celeriter agmen Hauicum ducit, vt, antequam hostes, de aduentu eius fierent certiores, intra mille passus esset. Hauici tanta erat trepidatio, vt nullus consilio relinqueretur locus, propere equites pedesque educti, flumen proximum secuti, in loca tuta se recipere, tentarunt, sed celeritate sequentium præueni, equites vt in regione nota, se periculo fuga subtrahere: pedites, prædæ relictæ, siluam exiguam in rupe, flumini propinqua, occupant: ibi ab equitibus vndique inclusi, nec peditum aduentum expectare ausi, ad vnum se dedunt. Hi cum alia præuertenda essent, nec tam vehementi hieme, circumduci possent, fide accepta, se ad diem redituros, sine armis incolumes dimissi, pauci, obsidum nomine, pro cæteris retenti. Reuerfos, Kircadius leuibz commentis promissa eludens, ad diem statutum adesse

20 vetuit: reliquum Hiemis, & proximum Ver totum leuibz præliis extractum, in quibus pauci cadebant, sed rebellium, quam Regionum plures: Rebelles enim, in collibus, vbi propinquis, cum rei bene gerendæ occasionem captarent, vix inito plerunque certamine, in urbem refugiebant. Frequentes interim, de concordia inter factiones facienda, legationes ex Anglia venerunt: sed frustra. Nam Angla, etsi Regiæ parti magis fauebat, tamen, pacem ira facere, cupiebat, vt vtranque factionem sibi obnoxiam redderet. Franci, in exulis Regiæ causam proni, pacem impediabant, & magnis pollicitationibus eos retinebant, ne bellum omitterent. Tantum autem pecuniæ mittebat, quantum satis videbatur, in præsentia, non ad rem gerendam, sed ad spem fouendam, semperque aliqua eius portio a portantibus prærodebatur. Inter hæc, aliquot menses, leuibz incursionibus, nec, ad summam rei, quicquam facientibus, transacti. Nec in aliis regni partibus a direptionibus, & incendiis cessabatur: Adamus Gordonius, coacta manu, in Angusiam ingressus, domum

30 Duglassij Glemberuij obsedit: at vbi, eum abesse, sensit, in ea, quæ relictæ erant, ferro & igne, crudeliter sauiit: tantamque formidinem Taodunanis incussit, vt illi, e vicinis Fife locis, præsidia aduocarent: eis enim Gordonius infensissimus erat, quod, egregia in Regias partes fide & constantia, perseuerassent: Blaknessum a custode Hamiltoniis proditum. Ea arx nauigationem inter Letham, & Sterlinum sustulit: Prorex molas omnes, circa Edimburgum, confregit, Nobilium ædes vicinas præsidiis occupauit, omnesque ad urbem aditus occlusit. Multi vtrinque intercepti. Archibaldus Duglassius, e familiaribus Mortonij vnus, ad suspicionem captus, quem, præter reliquam vitæ foeditatem, literæ

40 apud eum deprehensæ, &, postquam captus fuerat, vltro citroque ad rebelles missæ & remissæ, coarguebant, & re, & consilio, & pecuniæ, & armorum transmissione, eos iuuasse.

This copy is the property of the
 University of Toronto
 and is not to be
 loaned, sold, or
 otherwise disposed of
 without the authority of the
 University of Toronto
 Library Board.

DE IVRE REGNI

APVD SCOTOS

DIALOGVS,

Auctore

GEORGIO BVCHANANO SCOTO.

GEORGIUS BVCHANANVS

IACOBO VI. SCOTORVM REGI,

S. P. D.

SCRIPSERAM, ante annos complures, cum apud nos res turbulentiſſimæ eſſent, Dialogum de Regum Scotorum iure: in quo, ab incunabulis ipsis (vt ita dicam) quod ius, quæue poteſtas ſit regibus & ciuibus inter ſe explicare ſum conatus. Is liber cum pro tempore profuiſſe nonnihil ſit viſus, vt occluderet ora quibuſdam, qui clamoribus importunis magis, qui tum erat, rerum ſtatum inſectarentur, quam quid rectum eſſet, ad rationis normam exigerent; rebus tamen paulo tranquillioribus, ipſe quoque arma depoſita concordie publicæ libens conſecraui. Nuper autem cum in eam diſputationem inter ſchedas repertam inciſiſſem, ac viſus eſſem in ea multa videre, quæ ætati tuæ (in ea præſertim rerum humanarum parte collocatæ) eſſent neceſſariæ, eam publicandam cenſui, vt & mei in te ſtudy eſſet teſtis, & tui erga ciues officij te admoneret. Multa autem mihi faciunt fidem, hunc meum conatum non inanem fore: In primis, ætas, nondum prauis opinionibus corrupta, & ſupra ætatem indoles, ad præclariffima quæque capeſſenda, ſponte properans; & non modo præceptoribus ſed omnibus recte monentibus in obtemperando facilitas, & in rebus examinandis iudicium, & ſolertia: quo in genere nullius apud te magnopere pollet auctoritas, niſi probabili ratione confirmetur. Video etiam, te, naturæ quodam inſtinctu, ab adulatione, quæ & tyrannidis eſt nutriticula, & legitimi regni grauiffima peſtis, adeo abhorrere, vt ſolæciſmos & barbariſmos aulicos, non minus oderis, quam qui ſibi omnis elegantie cenſores videntur, eos ament & affectent, & velut ſermonis condimenta paſſim Maieſtates, Dominationes, Illuſtritates, & ſi qua alia magis ſunt putida, adſpergant. Ab hoc te errore quanquam & naturæ bonitas, & inſtitutio rectorum in præſentia vindicent: tamen nonnihil ſubuereri cogor, ne blanda vitiorum alitrix, praua conſuetudo, animum adhuc tenellum in peiorem partem detorqueat: præſertim, cum non ignorem, quam reliqui noſtri ſenſus facile ſeſe præbeant ſeducendos. Hunc igitur ad te non modo monitorem ſed etiam flagitatorem importunum, ac interim impudentem miſi: qui, in hoc flexu ætatis, trans adulationis ſcopulos te comitetur: nec moneat modo, ſed in via ſemel inita contineat, & ſi quid deflexeris, reprehendat & retrahat. cui ſi parueris, tibi, tuiſq; in præſentia tranquillitatem, & in futurum ſempiternam comparabis gloriam. Vale. Sterlini. Anno Salutis humanæ M. D. LXXIX. die decimo Ianuarij.

DE IVRE REGNI

APVD SCOTOS, DIALOGVS.

Personæ,

G. BVCHANANVS, THOMAS MAETELLANVS.



M nuper e Galliis Thomas Matellanus rediisset, eumque diligenter, de statu rerum Gallicarum, percontatus essem, cœpi, pro meo in illum amore, hortari, vt in curriculo ad gloriam instituto persereret, spemque optimam, de progressu studiorum suorum, conciperet. Nam si ego mediocri ingenio, re familiari prope nulla, saculo inerudito, ita tamen cum temporum iniquitate conflixerim, vt, aliquid præstitisse, videar: certe quibus, feliciore saculo natis, ætas, opes, ingenium, abunde suppetunt, hi neque labore ab honesto instituto deterreri deberent, neque, tot adminiculis adiuti desperare possunt. Pergerent igitur, pro virili, rem literariam illustrare, ac se suosque ciues memoriæ posteritatis commendare. Quod si paululum conniterentur, fore, vt eam opinionem ex animis hominum tollerent, in frigidis Orbis regionibus, a literis, humanitate, omnique ingenij cultu homines tantum abesse, quantum a Sole abessent. Nam vt Afris & Aegyptiis, aliisque plerisque nationibus, celeriores animi motus, acrimoniæque maiorem ingenij natura indulsit: nullam tamen gentem ita prorsus damnauit, vt, ad virtutem & gloriam, aditum ei præcluserit. Hic cum ille de se (qui est eius pudor) modice, de me vero magis amanter, quam vere locutus esset, eo tandem sermonis cursus nos pertraxit, vt, vbi ille me de perturbato patriæ statu rogasset, & ego ei, quantum commodum mihi pro tempore videbatur, respondi: cœperim inuicem, eum rogare, quænam vel Gallorum, vel aliarum quas in Galliis conuenisset, gentium, de rebus nostris esset opinio. Non enim dubitabam, quin ipsa rerum nouitas (vt solet) omnibus esset occasionem & materiam sermonum datura. Quorsum (inquit ille) id ex me peris? Nam cum & rei gestæ ordinem teneas, nec ignores, quid maxima pars hominum loquatur, omnes propemodum sentiant, facile conicere potes, ex animi tui conscientia, quæ sit, vel saltem debeat esse, omnium opinio. B. At enim, quanto longius exteræ nationes absunt, eoque minores causas iræ, odij, amoris, aliarumque perturbationum habent, quæ, animum a vero deflectere, possunt, tanto plerunque & sincerius iudicant, & liberius, quid sentiant, eloquuntur: eadem illa loquendi & conferendi cogitationes libertas multa eruit obscura, impedita explicat, dubia confirmat, & improbis os occludere, & infirmiores docere, potest. M. Visne, tecum ingenue loquar? B. Quid ni? M. Quanquam vehementer efferebar cupiditate videndi, ex longinquo interuallo, patriam, parentes, propinquos, & amicos; nihil tamen æque hoc desiderium inflammabat, atque voces imperitæ multitudinis. Etsi enim vel consuetudine me confirmatum vel præceptis doctissimorum hominum existimarem: tamen cum in rem præsentem ventum est, nescio, quo modo animi mei mollitiem calare non potui. Nam, cum foedum illud facinus, non adeo pridem hic editum, omnes vno ore detestarentur, auctorque incertus esset, vulgus, quod imperu magis fertur, quam consilio regitur, paucorum culpam in omnes conferebat, & priuati maleficii commune odium adeo in totam gentem redundabat, vt qui etiam a suspitione erant remotissimi, sceleris alieni infamia conflagrarent. Igitur dum hæc velut calumniæ procella conquiesceret, libenter in hunc portum confugi: in quo tamen vereor, ne in scopulum impegerim. B. Quamobrem vero? M. Quia recentis criminis atrocitas animos omnium, iam dudum accensos, adeo inflammata mihi videtur, vt nullus iam defensionis locus supersit. Qui enim non imperitorum modo, sed eorum, qui sibi plus sapere videntur, impetum sustinere potero? qui non innoxij adolescentis in cade crudelitate inaudita nos contentos fuisse clamitabunt, nisi in foeminas (cui sexui etiam, captis vrbibus, hostes parant) nouum imma-

DE IVRE REGNI

nitatis ederemus exemplum. A quo vero facinore dignitas vlla, aut maiestas eos deter-
rebit, qui in Reges ita sauiant? Aut quem misericordiae locum relinquent, quos neque
sexus imbecillitas, nec aetatis innocentia represserit? Ius, mos, leges, respectus imperij,
reuerentia legitimi magistratus, quem post hac vel retinebunt pudore, vel coercebunt
metu, vbi summi imperij vis infimorum patet ludibrio? vbi sublato aequi, iniqui, turpis,
honesti discrimine, publico prope consensu, in immanem degeneratur barbariem? Hæc
& his atrociora scio, me, cum in Gallias rediero, auditurum: oclusis interim omnium
auribus, nec defensionem, nec satisfactionem admitturis. B. At ego te facile hoc timo-
re, nostramque gentem falso crimine liberabo. Nam si prioris atrocitatem sceleris tan-
toptere execrantur, qui conuenit, seueritatem, in eo vindicando reprehendere? Aut si,
Reginam in ordinem redigi, moleste ferunt, prius est necesse, vt probent. Igitur, tu
elige, vtrum e duobus atrox videri velis. Nam vtrumque nec illi nec tu (modo vobis
constare velitis) aut laudare, aut vituperare potestis. M. Ego vero eadem Regis vtique
abominor, & detestor: gaudeoque eius inuidiam a publica conscientia remotam, & in
paucorum improbitatem esse collatam. Hoc vero posterius facinus neque omnino vi-
tuperare, nec laudare possum: nam quod scelus, ab omni hominum memoria, maxime
nefarium, consilio & industria, eruerint, sceleratos bello & armis persequantur, facinus
præclarum & memorabile mihi videtur. Quod autem summum magistratum in ordi-
nem redegerint, nomen Regium, quod magnum atque sanctum semper, apud omnes
gentes, fuit, contempserint: nescio quomodo acceptum sint omnes Europæ nationes:
illæque in primis, quæ sub imperio Regio viuunt. Me certe, quanquam non ignorem,
quid ex aduerso prætendatur, vel facinoris magnitudo, vel nouitas vehementer mouet,
eoque etiam magis, quod ex auctoribus eius, nonnulli mecum arcta consuetudine sunt
coniuncti. B. Iam propemodum videor, videre, quid non tam te fortasse commoueat,
quam istos, alienæ virtutis iniquos iudices, quibus satisfaciendum existimas. Eorum ego
tria potissimum genera statuo, qui manus istam iniectionem sint vehementer exagita-
turi. Vnum genus est perniciosissimum: in eo sunt tyrannicarum libidinum administri,
qui nihil non iustum & honestum sibi credunt, in quo Regibus gratificari queant: qui-
que non ex sua quamque rem vi, sed dominorum libidine metiuntur. Hi sese alienæ cu-
piditati adeo addixerunt, vt nullam sibi, neque dicendi, neque faciendi, libertatem reli-
querint. Ex hac secta prodierunt, qui adolescentem in noxium, nullis inimicitiarum cau-
sis, sed lucri, honoris, aulicæque potentiae spe, libidini alienæ crudelissime mactauerunt.
Isti autem cum, Reginae vicem se dolere, simulant, non illius ingemiscunt miseriis, sed
suae securitati prospectum volunt, præmiumque sceleratissimi facinoris, quantum spe
deuorarunt, ægre sibi de faucibus ereptum ferunt. Hoc igitur genus hominum non tam
oratione, quam legum seueritate, & vi armorum reor castigandum. Alij toti rerum sua-
rum sunt. Hi homines alioqui minime mali, non publica (quod videri volunt) iniuria, sed
damnis anguntur domesticis, ideoque mihi magis egere videntur consolatione, quam
vel rationum vel legum remediis. Reliqua est imperita multitudo, quæ omnia noua mi-
ratur, plurima reprehendit: neque quicquam rectum putat, nisi quod ipsa aut facit, aut
fieri videt. Quantum enim a consuetudine maiorum receditur, tantum a iusto & æquo
recedi putat. Hi quia non malitia & inuidia, neque respectu vlllo rerum suarum ducuntur,
fere doceri & de errore se deduci patiuntur: ac plerunque, vi rationum conuicti, sese
dedunt: quod, in causa Religionis, sæpenumero his temporibus experimur, & superio-
ribus sumus experti. nec fere quisquam adeo ferus est, qui non mitescere possit,

Si modo cultura patientem commodet aurem.

M. Istud certe verissimum esse, non semel sumus experti. B. Vt igitur cum hac multi-
tudine agas, si clamorissimum & importunissimum quemque roges, quid de supplicio
Caligulae, Neronis, aut Domitiani sentiat, neminem eorum tam addictum Regio nomini
fore puto, vt non, iure poenas eos luisse, fateatur. M. Fortasse verum dicis. Sed iidem con-
festim clamitabunt, eos non de Tyrannorum suppliciis queri, sed iustorum Regum indi-
gnas calamitates iniquo animo ferre. B. Videsne igitur, quam facile multitudo placari
possit? M. Nondum, nisi tu quid aliud dicas. B. At, paucis faxo, intelligas. Vulgus (vt ais)
Tyrannorum

APVD SCOTOS.

Tyrannorum eadem probat: erga Regum aduersam fortunam commouetur. Nonne igitur, si intelligat plane, quod sit inter Tyrannum & Regem discrimen, posse fieri existimas, ut, in plerisque, sententiam suam mutet? M. Istud si omnes faterentur, Tyrannos inire occidi, magnus ad reliqua aditus nobis esset patefactus. Sed video quosdam, nec spernenda quidem auctoritatis viros, qui, cum legitimos Reges legum poenis subiiciant, tamen sacrosanctos esse velint Tyrannos: praepostero certe, nisi fallor iudicio; sed tamen pro eorum imperio, quamlibet immoderato & intolerabili, tanquam pro aris & focis, depugnare sunt parati. B. Ego quoque in complures, nec semel quidem, incidi, qui istud ipsum petrinaciter defendant: sed recte an secus, commodius alio loco expendemus. Interea, si vis, hoc nobis sit positum, ea lege, ut, nisi posterius satis confirmatum tibi videatur, tuo arbitrio id ipsum retractare liceat. M. Ista quidem lege non repugno. B. Pugnantia igitur haec duo statuemus, Regem & Tyrannum esse. M. Statuamus. B. Qui originem ergo, causasque Regum creandorum, quaeque sint Regum in populos, populorum in Reges officia explicauerit, nonne ex aduerso quae ad naturam Tyranni pertinent, propemodum explicuisse tibi videbitur? M. Ita arbitror. B. Et imagine utriusque proposita, nonne vulgus etiam intellecturum putas, quodnam sit suum erga virumque officium? M. Verisimile est. B. Contra vero, in rebus dissimilimis, quae sub eodem genere continentur, similitudines quaedam inesse possunt, quae imprudentes facile queant in errorem inducere? M. Possunt, procul dubio: in eoque potissimum genere, ubi, qui deterior est, praestantioris personam facile assumit, nihilque magis studet, quam ut inperitis imponat. B. Habesne aliquam in animo descriptam Regis & Tyranni imaginem? Nam si habes, magno labore me leuabis. M. Ego profecto, utriusque quam habeam in animo imaginem, facile possem explicare: sed vereor, ea ne sit imposita & informis. Itaque, ne, dum tu me refutes, longior instituat oratio, malo audire, quid tu sentias, qui & arate & rerum usu prior es; nec aliorum modo sententias teneas, sed ipse etiam multorum & mores, & vrbes videris. B. Ego vero id faciam, ac libens, neque tam meam, quam veterum sententiam explicabo; quo maior sit auctoritas orationi, ut quae non temporis causa conficta sit, sed ex eorum opinionibus excepta, qui, cum extra partem sententiam controuerfiam fuerint, non minus diserte, quam breuiter summo iudicium protulerunt, sine odio, sine fauore, aut inuidia, quorum causa procul ab illis aberant, eorumque potissimum sententiis utar, non qui in umbris & ocio conseruerunt: sed qui domi forisque in ciuitatibus bene constitutis, virtute & consilio floruerunt. Sed priusquam nos proferam testes, pauca ex te exquirere volo, ut cum in rebus quibusdam, nec iis exiguis, consenserimus, non sit mihi necesse, de cursu instituto digredi, ut in perspicuis, & propere notis, vel explicandis, vel confirmandis immorari. M. Ita faciendum censo: ac si quid vis, roga. B. Putas ne, tempus quoddam fuisse, cum homines in tuguriis atque etiam antris habitarent, ac, sine legibus, sine certis sedibus, palantes vagarentur, congregarenturque prout vel animi libido ferebat, vel commoditas aliqua, viliusque communis eos conciliabat? M. Ego vero istud credo, cum sit & ordini naturae consentaneum, & omnibus prope omnium gentium historis testificatum: eius vitae, rudis & inculta Troia quam temporibus in Sicilia, describit imaginem Homerus.

DE IVRE REGNI

B. Quid? tu, utilitatem primam ac summam conciliatricem hominum fuisse, arbitraris?

M. Quid nique, hominum causa homines fuisse generatos, audierim ex hominibus do-

ctissimis. B. Magnam profecto videtur quibusdam utilitas, habere vim, ad societatem publicam humani generis & constituendam, & continendam. Sed est, nisi fallor, con-

gregandorum hominum causa longe antiquior, & communitatis eorum inter ipsos multo

prius & sanctius vinculum. Alioqui, si commodi sui priuatim quisque velit habere ratio-

nem, vide, ne illa ipsa utilitas solueret potius quam coniungeret humanam societatem.

M. Fortasse istud verum sit. Sed, quæ sit altera illa communionis hominum origo, au-

dire cupio. B. Ea est quædam naturæ vis, non hominibus modo, sed mansuetioribus

etiam aliorum animantium indita, ut si etiam absint utilitatis illa blandimenta, tamen

cum sui generis animantibus libenter congregentur. At de cæteris in præsentia nihil at-

tinet disputare: homini certe a natura hanc vim tam videmus alte impressam, ut si quis

omnibus eis rebus abundet, quæ vel ad incolumitatem tuendam, vel ad voluptatem &

animorum oblectationem comparatæ sunt, sine hominum commercio vitam sibi in-

fructum sit existimaturus. Quin & illi ipsi, qui cupiditate scientiæ, & studio veri investi-

gandi se a turba remouerant, & in secretos abdiderunt recessus, neque perpetuam animi

contentionem ferre diutius poterunt; nec, si quando eam remisissent, in solitudine

se continere poterant: sed illa ipsa secreta sua studia libenter proferebant: & velut in

communem utilitatem elaborassent, in medium conferebant sui laboris fructum. Quod

si quis est qui omnino solitudine capiatur, coetusque hominum fugiat, ac deuitet, id ma-

gis animi morbo, quam vi naturæ fieri existimo: qualem Timonem Atheniensem acce-

pitimus, & Corinthium Bellerophonem;

Qui miser Elatis errabat solus in oris,

Ipse suum cor edens, hominum vestigia vitans.

M. Non admodum hic abs te dissentio. Sed vnum est abs te hic positum naturæ no-

men, quod & ego sæpe magis consuetudine loquendi usurpo, quam intelligo: & ab aliis

ita varie, & in tam multas res accommodatur, ut plerunque dubitem ad quam potissi-

meam rem referam. B. Ego profecto nihil aliud in præsentia intelligi volo quam lu-

centiam animis nostris diuinitus infusam. Nam cum Deus

Sanctius hoc animal, mentisque capacius alia, &

quod dominari in cætera posset,

formaret, non modo corpori eius oculos dedit, quibus ducibus aduersa quæ essent suæ

condictioni fugeret, quæ commodæ sequeretur: sed animo etiam velut lumen quoddam

prætulit, quo turpia ab honestis secerneret. hanc vim alij naturam, alij naturæ legem vo-

cant. Ego profecto diuinam existimo, planeque illud habeo persuasum, quod nunquam

aliud natura, aliud sapientia dicat. Eius porro legis velut compendium, quod totam paucis

complecteretur, Deus nobis tradidit, ut ipsum, scilicet, ex animo diligeremus, ac proxi-

mos velut nos ipsos. Huius legis omnes sacrorum voluminum libri, qui ad mores for-

mandos pertinent, nihil aliud quam explicationem continent. M. Igitur humanæ

societatis non tu oratorem aliquem aut iureconsultum, qui homines dispersos colli-

geret, sed ipsum Deum auctorem putas. B. Ita profecto est: ac iuxta Ciceronis senten-

tiam, nihil quidem, quod in terris fiat, principi illi Deo qui hunc mundum regit, acce-

ptius puto, quam coetus hominum iure sociatos, quæ ciuitates appellantur. Harum

ciuitatum partes similiter inter se iunctas esse volunt, atque cuncta corporis nostri

membra inter se coherere, mutuisque constare officiis & in commune elaborare, pe-

ricula communiter propellere, utilitates prospicere, eisque communicandis omnium

inter se beneuolentiam deuincire. M. Igitur non utilitatem tu, sed legem illam diui-

nam ab initio rerum nobis insitam conueniendi in vnum coetum multo augustiorem

& diuiniorem causam statuis. B. Non quidem illam ut iusti & æqui morem, ut qui-

dam voluerunt, sed potius ancillam, & ciuitatis bene constitutæ custodibusynam.

M. Hic quoque facile tibi assentior. B. Illam velut in corporibus nostris, ut quæ

inter se pugnantibus constant principiis, morbi, hoc est perturbationes, & intestini

quidam existunt tumultus, similiter in his maioribus corporibus, id est ciuitatibus,

fieri

fieri necesse est: ut quæ ex diuersis, & quodam modo pugnantibus, hominum generibus, ordinibus, condicionibus, naturisque coeant; & eorum etiam hominum

Qui non iidem eadem possunt horam durare probantes,
breui certe eas dissolui, & interire necesse est, nisi adhibeatur, velut medicus perturbationum sedator, qui temperamento æquabili, & salubri infirmiores partes fomentis confirmet, redundantes humores compescat, & ita singulis membris consulat, ut neque partes imbecilliores, inopia alimentis, tabescant, neque validiores, plus æquo, luxurent. M. Ita plane est necesse. B. Qui in corpore ciuili hoc præstabit, quo nomine eum appellabimus? M. De nomine non sum admodum sollicitus. Quocunque enim censeatur, virum præstantissimum, ac plane Deo similitum eum iudico. quæ in re sapientia maiorum multum prospexisse mihi videtur, qui rem per se pulcherriam nomine etiam splendidissimo decorarunt. Regem enim opinor intelligis, cuius vocabuli ea vis est, ut rem quidem per se maximam & excellentissimam, pene oculis cernendam subiiciat. B. Recte sentis. ea enim voce Deum compellamus. Nul- lum enim aliud habemus augustius vocabulum, quo naturæ illius excellentis declare- mus præstantiam: neque conuenientius, quo paternam erga nos curam & studium si- gnificemus. Quid alia colligam, quæ ad munus regis significandum transferimus? qualia sunt Pater Aeneas, Agamemnon populorum Pastor; item Dux, Princeps, Gu- bernator. Quibus omnibus ea significatio subest, ut ostendant Reges non sibi, sed po- pulo, creatos esse. Iam quod de nomine satis inter nos conuenit: si videtur, de of- ficio differamus, iisdem quibus ingressi sumus insistentes vestigijs. M. Quibus tan- dem? B. Meministi quid nuper dictum sit? ciuitatem corpori nostro persimilem vi- deri, motus ciuiles morbis, medico Regem? Si igitur officium medici quale sit in- tellexerimus, non longe, opinor, aberimus ab officio Regis. M. Fieri potest. nam cetera quæ tu enumerasti, persimilia, ac pene germana, mihi sunt visa. B. Noli ex- spectare ut minima quæque hic excutiam. Neque enim temporis angustia id patitur, nec ipsa res exigit. Sed si in summa hæc inter se conueniant, cetera facile tibi subiicies. M. Tu vero perge, ut facis. Scopus etiam idem videtur utrique propositus. M. Quinam? B. Corporis (cui adhibentur curando) incolumitas. M. Intelligo. Al- ter enim humanum, alter ciuile corpus incolume in suo statu tueri, quatenus rei na- tura fert, & morbo affectum ad iustam valetudinem reducere debet. B. Recte in- telligis. Duplex enim est utriusque officium. alterum in tuenda valetudine bona, al- terum in restituenda, si morbo fuerit labefactata. M. Assentior. B. Vtrinque enim morbi sunt similes. M. Ita videtur. B. Nam & sua quædam nocet utrique redun- dantia rerum noxiarum, & necessariarum inopia. Et vtrunque corpus prope pari ra- tione curatur: nempe vel extenuatum nutriendo, & leniter fouendo, vel plenum & redundans superuacuum egestione leuando, & moderatis laboribus exercendo. M. Ita est. Sed hoc interesse videtur, quod in altero humores, in altero mores ad iustam quandam temperiem sunt reducendi. B. Rem tenes. Ciuilis enim cor- poris velut & naturalis suum quoddam est temperamentum: quam rectissime, opi- nor, iustitiam appellabimus. Ea enim est quæ singulis prospicit partibus, & curat ut in officio consentiant. Ea interim sanguinis missione, interim noxiarum exilio, ve- lut egestione, redundantia egerit: interim animos demissos, & meticulosos excitat, & diffidentes consolatur, & ad illam quam dixi temperiem totum corpus reducit: reductumque commodis laboribus exercet, & certo laboris & ocij præscripto tem- peramento restitutam valetudinem quoad eius fieri potest conseruat. M. Cetera tibi facile assentior, nisi quod ciuilis corporis temperamentum in iustitia collocas: cum vel ipso nomine & professione temperantia has partes sibi vindicare iure suo videatur. B. Nihil admodum referre puto utri hunc honorem deferas. Nam cum omnes virtutes, quarum vis in actione cernitur, in mediocritate quadam, & æquabilitate sint positæ, ita quodam modo inter se connexæ sunt, & coherentes, ut unum omnibus officium esse videatur: id est, cupiditatum moderatio. Ea quo- cunque in genere versatur, non admodum refert utro nomine vocetur: quanquam

DE IVRE REGNI

illa moderatio, quæ in rebus communibus & hominum inter se commercijs posita est, commodissime mihi nomine iustitiæ intelligi posse videatur. M. Hic tibi facillime assentior. B. In Rege autem creando hoc opinor veteres fuisse sequutos, ut si quis inter ciues esset singulari præstantia, reliquosque omnes æquitate & prudentia antecellere videretur, ut in apum aluearibus fieri traditur, regnum ad eum ultro deferrebant. M. Credibile est ita factum. B. Quid si nemo vnus qualem diximus, in ciuitate inueniretur? M. Iure illo naturæ, cuius ante meminimus, par imperium in pares vsurpare non potest, nec debet: natura enim iustum opinor, ut inter eos, qui cætera sunt pares, imperandi & parandi etiam vices sint pares. B. Quid si populus, annuæ ambitionis studio, vnum aliquem non plane omnibus virtutibus regijs præditum, sed vel nobilitate, vel diuitiis, vel rebus bello gestis insignem, Regem velit eligere? Nonne & hunc optimo iure existimabimus Regem? M. Optimo. Populo enim ius est, ut imperium cui velit deferat. B. Quid si hominem acutum, non tamen eximia artis peritia præditum, adhibeamus ad morborum curationem? Huncne statim medicum, vbi ab vniuersis fuerit electus, arbitrabitur? M. Minime: doctrina enim, & multarum artium experientia, non suffragijs, fit medicus. B. Quid in cæteris artibus artifices? M. Eandem rationem esse omnium, reor. B. Reguandine aliquam artem esse putas? M. Quidni? B. Potesne rationem reddere cur ita credas. M. Videor mihi posse. Nempe quæ in alijs artibus reddi solet. B. Quam dicis? M. Omnium enim artium ab experientia profecta sunt initia. Nam cum plerique temere, ac nulla ratione multa aggrederentur, alij autem, propter exercitationem & consuetudinem, eadem illa callidius facerent, animaduersis vtrinque euentis, & perpensis euentorum causis, homines acuti proceptorum quendam ordinem digesserunt, eamque descriptionem Artem appellarunt. B. Potest ergo, simili animaduersione, ars aliqua regia describi, ut medicinæ? M. Opinor posse. B. Quibus ex præceptis ea constabit? M. Non habeo, in promptu, dicere. B. Quid si ex aliarum artium collatione id inuestigemus? M. Quo pacto? B. Hoc pacto: Grammaticorum quædam sunt præcepta, & medicinæ & agriculturæ. M. Intelligo. B. Nonne præcepta illa grammaticorum & medicorum, artes ac leges etiam appellabimus: & ita in cæteris? M. Ita prorsus videntur. B. Quid ciuiles leges? regie ne artis præcepta quædam tibi videntur? M. Videntur. B. Has igitur tenere decet eum qui Rex censeretur. M. Ita videtur. B. Quid qui non tenet? etiam si populus eum regnare iusserit, Regem eum appellandum censes? M. Hic facis ut hæream. Nam si consentire cum superiore oratione velim, populi suffragia non magis Regem, quam alium quemuis artificem facere possunt. B. Quid hic agendum censes? Nam nisi Regem suffragijs electum habeamus, vereor ne legitimum vllum habituri simus. M. Ego quoque idem istud vereor. B. Visne igitur, quod in artium comparatione posuimus nobis positum est, diligentius excutiamus? M. Fiat, si quidem tibi ita videtur. B. Præcepta artificum nonne in singulis artibus leges vocauimus? M. Factum. B. At vereor ne satis circumspecte id a nobis sit factum. M. Quamobrem? B. Quia absurdum videretur, qui artem quamlibet teneret, eum tamen artificem non esse. M. Absurdum. B. Sed qui quod artis officium est præster, eum artificem existimabimus, siue id sponte naturæ, siue perpetua constantique ratione & facultate quadam faciat. M. Ita reor. B. Qui hanc igitur recte quiduis faciendi vel rationem vel prudentiam teneat, eum artificem appellabimus, modo exercitatione facultatem comparauerit. M. Rectius quam illum alterum, qui nuda præcepta absque vso & exercitatione habeat. B. Præcepta igitur illa non existimabimus artem esse? M. Minime: sed artis quandam similitudinem, aut verius umbram. B. Quæ est ergo facultas illa ciuitatum gubernatrix, quam ciuilem siue artem, siue scientiam vocabimus? M. Prudentiam mihi velle dicere videris: ex quo, velut fonte, leges omnes, si modo societati hominum conseruandæ sint viles, proficisci ac deriuari oportet. B. Rem attigisti. Hæc igitur si summa & perfecta in quopiam esset, tum natura, non suffragijs regem esse diceremus: liberamque rerum omnium potestatem ei traderemus: si quatenus non reperiamus, qui proxime ad illam excellentem naturæ præstantiam accesserit, similitudinem quandam in eo veri regis amplexi etiam

APVD SCOTOS.

etiam Regem appellabimus. M. Appellemus, si ita videtur. B. Et quoniam aduersus animi affectiones, quæ possunt, & plerunque solent auertere a vero, ne satis firmus sit, timemus, legem ei velut collegam, aut potius moderatricem libidinum, adiiciemus. M. Non censes igitur rerum omnium arbitrium penes Regem esse debere. B. Minime. Nam enim non solum Regem, sed etiam hominem esse memini, multa per ignorantiam errantem, multa sponte peccantem, multa prope inultum; quippe animal ad omnem fauoris & odij auram facile mutabile. Quod vitium naturæ magistratus augere etiam solet: adeo ut hic potissimum sententiam illam ex comœdia veram esse competiam, OMNES licentiâ deteriores fieri. Quamobrem legem ei adiungendam censuerunt homines prudentissimi, quæ vel ignorantiam viam ostendat, vel aberrantem in viam reducat. Ex his, opinor, intelligis, *ὡς ἐν τῷ πᾶσι*, quodnam ego veri Regis officium esse rear. M. De causâ creandorum Regum, de nomine, deque officio, plane mihi satisfecisti. neque tamen si quid adijcere velis repugnabo. Etsi vero animus ad ea quæ restare videntur properat, vnum tamen quod in tota oratione tua non nihil offendebar, non puto silentio prætereundum: quod videlicet subiniquis Regibus mihi videaris. Idque ipsum etiam antea de te frequenter eram suspicatus; cum te Resp. antiquas, Venetorumque ciuitatem adeo profuse laudantem sæpe audiuissem. B. Non tu recte hic de me sentiebas. neque enim ego apud Romanos, Massilienses, Venetos, & si qui alij fuerunt apud quos potentiora fuerint legum quam hominum imperia, tam suspicio diuersam ciuitatis administrandæ rationem, quam æquitatem: neque multum referre puto Rex, Dux, Imperator an Consul vocetur, qui præsit, modo illud teneatur, eum æquitatis tuendæ causâ in magistratu esse collocatum. Imperium enim modo sit legitimum, non est quod de nomine eius contendamus. Nam & quem nos Venetorum Ducem vocamus, is nihil aliud est, quam Rex legitimus: & Coss. primi non modo Regum insignia, sed imperium etiam retinuerunt. Id modo intererat, quod non vnus, sed duo præerant: (quod etiam in perpetuis Lacedæmoniorum Regibus fieri solitum non ignoras) qui non in perpetuum, sed in annū creabantur. Illud igitur quod initio diximus, tenere semper oportet, Reges primum tuendæ æquitati fuisse constitutos. Id illi si tenere potuissent, imperium quale acceperant, tenere perpetuo potuissent: hoc est liberum & legibus solutum. Sed (vt humana sunt omnia) statu rerum in peius prolabente, quod publicæ utilitatis causâ fuerat constitutum imperium, in superbam dominationem vertit. Nam cum libido Regum pro legibus esset, hominesque in potestate infinita & immoderata collocati sibi non temperarent, sed multa gratiæ, multa odijs, multa priuatis commoditatibus indulgerent, Regum insolentia, legum fecit desiderium. Leges igitur hac de causâ inuentæ sunt a populis, Regesque coacti, non sua in iudicijs licentia, sed quod populus in se dedisset, iure vti. Multis enim edocti erant experimentis, melius libertatem legibus quam Regibus credi: cum alteri multis de causis a vero deflecti possent, alteræ, aduersus preces & minas surdæ, vnum & perpetuum tenorem seruarent. Regibus igitur, cætera liberis, hic vnus imperio modus est præfinitus, vt suas actiones & orationem ad legū præscripta conformarent: & præmia poenasque, maxima societatis continendæ vincula, ex earū sanctionibus diuiderent. Denique quemadmodū ait summus administrandæ Reipub. Magister, vt Rex, esset lex loquens, lex, Rex mutus. M. Statim ab initio ita Reges laudaueras, vt eorū maiestatem prope augustam & sacrosanctam faceres. Nunc vero velut poenitentia reuocatus, nescio quibus angustijs eos concludis, & in legū prope dicam ergastula coniectis ne liberam quidem orationem permittis: me autem ex magna spe deiçisti. sperabam enim fore, vt rem (iuxta clarissimū historiæ auctorem) inter deos hominesque, pulcherrimam, vel tua sponte, vel a me admonitus, in orationis cursu, in suū splendorem restitueres: quā tu omnibus ornamentis spoliata in ordinem rede-gisti: & qui primus in orbe terrarū fuit magistratus, cum angustiis circumseptū cancellis prope contemptibilem, nulli certe sano reddidisti optandū. Quis enim sanæ mentis non in mediocri fortuna subsistere priuatus malit, quā in perpetuis molestiis, aliorū intentus negotiis, suæ rei negligens, totū vitæ cursum ad alienas rationes componere? Quod si ista regnandi ubique, proposita sit conditio, vereor ne maior penuria Regū sit futura, quā in

DE IVRE REGNI

prima nostræ Religionis infantia fuerit Episcoporum. Nec miror, si ad hanc formam spectentur Reges, olim e pascuis, & ab aratro petitos, qui præclarum istum honorem acciperent. B. Vide quæso quanto in errore verseris, qui non fruendæ iustitiæ, sed voluptatis causa Reges a populis & nationibus expetitos putas: neque honori locum esse existimes ubi diuitiæ & voluptates non affluant. Quæ in re quantum eorum amplitudini detrahas, cogita. Id quo facilius intelligas, confer mihi aliquem ex iis quos tu videris Regem velut puellarem puppam vestitum, & ad inanem pompam magno cum fastu, ingenti turba stipatum, produci, cuius tu similitudinem in eo quem describimus Rege desideras. confer, inquam, istorum aliquam cum eis qui olim clari fuerunt: quorum etiam nunc viuit, ægetque & ad posteros celebratur memoria. Illi profecto tales fuerunt, qualem ego modo designavi. Audistine vnquem fando Macedonem illum Philippum cum vetula, vt suam causam audiret, roganti respondisset, sibi non esse otium: illaque subiecisset, igitur ne sis Rex. Audisti ne, inquam, ab anu paupercula Regem tot bellorum victorem, tot gentium dominatorem, sui admonitum officij, paruisse: & quod Regum esset munus agnouisse? Confer igitur hunc Philippum cum Regibus non modo maximis qui nunc in Europa sunt, sed cum omni vetustatis memoria: nullum profecto comperies prudentia, fortitudine, laborum patientia parem: paucos magnitudine ditionis æquales. Agésilauum, Leonidam, ceterosque Lacedæmoniorum Reges si enumerem, (at quantos viros!) obsoleta videbor exempla proferre. Vnum tamen Lacanæ puellæ dictum silentio præterire non possum. ea est Gorgo Cleomedis filia. hæc cum videret seruum hospiti Asiatico soccos detrahentem, accurrens ad patrem, exclamauit, Pater, hospes manus non habet. Quo ex puellæ dicto de tota Laconica disciplina, Regumque domestica consuetudine facile iudicare potes. At qui ex hac rustica sed virili disciplina prodierunt, hæc qualiacunque sunt pepererunt: ex ista vero Asiatica, qui maxima regna, per manus a maioribus tradita, per luxuriam & ignauiam amiserunt. Et, vt veteres omittam, talis fuit non adeo pridem apud Galecos Pelagius, qui in Hispania Saracenorum opes primus labefactauit, apud hunc quamuis

Ignemque laremque,
Et pecus, & dominos communis clauderet umbra:

adeo tamen Hispanos reges eius non pudet, vt in maxima gloria ponant quod ab eo sint oriundi. Sed cum hic locus longiorem postulet disputationem, vnde sumus digressi redeamus. Nam quod tibi sum pollicitus, ostendere quam primum cupio, non a me confictam fuisse hanc regnandi formulam, sed clarissimis omnis memoriæ viris idem visum fuisse: breuiterque, vnde hæc hauserim, fontes commonstrabo. Libri sunt M. T. Ciceronis omnium consensu laudatissimi qui de officiis inscribuntur: horum e secundo libro hæc ad verbum sunt: Mihi quidem non apud Medos solum, vt ait Herodotus, sed etiam apud maiores nostros iustitiæ fruendæ causa videntur olim bene morati Reges constituti. Nam cum premeretur initio multitudo, ab iis qui maiores opes habebant, ad vnum aliquem fugiebant virtute præstantem, qui cum prohiberet iniuria tenuiores, æquitate constituenda summos cum infimis pari iure retinebat. Eademque constituendarum legum causa fuit, quæ Regum. Ius enim semper est quæ situm a quabile. neque enim aliter esset ius. Id si ab vno bono & iusto viro consequerentur, eo erant contenti: cum id minus contingebat, leges sunt inuentæ, quæ cum omnibus semper vna atque eadem voce loquerentur. Ergo hoc quidem perspicuum est, eos ad imperandum deligi solitos, quorum de iustitia magna esset opinio multitudinis. Adiuncto vero vt iidem prudentes haberentur, nihil erat, quod homines his autoribus non posse consequi se arbitrantur. Vides ex his verbis, opinor, quam & Regū & legum expetendam Cicero causam fuisse existimet. Possem hic testem & ad stipulatorem laudare Xenophontem, non minus rebus bello gestis quam Philosophiæ studio nobilem, nisi eum tam familiarem tibi esse scirem, vt eius omnes sententias notas habeas. Platonem vero & Aristotelem & si non ignoro quanti eos facias, in præsentia omitto. Malo enim e mediis rerum actionibus homines illustres, quam e gymnasiorum umbris accersere in subsidium. Stoicum vero Regem, qualis a Seneca in Thyeste describitur, multo minus

sum

APVD SCOTOS.

sum arbitratus tibi a me producendum. Non tam quod illa veri Regis imago perfecta non sit: quam quod illi principis boni exemplar magis animo informati, quàm aliquando sperari posset. Sed & ne in iis quos produxi calumniæ locus esset, non e solitudine Scytharum Reges proposui, qui vel suos distringerent equos, vel aliud operis, quod multo magis a nostris moribus adhorreret, facerent: sed e media Græciâ: & qui illis ipsis temporibus, quibus omnibus honestis artibus Græci fuerunt florentissimi, aut maximis nationibus, aut bene moratis præerant ciuitatibus: & ita præfuerunt, ut & viui apud suos in maximo fuerint honore, & mortui posteris præclaram sui memoriam reliquerint. M. Hic ego, si postules quid sentiam, vix audeo fateri tibi vel meam inconstantiam, vel timiditatem: vel si quo alio nomine tibi libear id vitium appellare. Nam quoties ista, quæ a te modo recitata sunt, apud historiæ præstâtissimos lego scriptores, vel a sapientissimis hominibus quorum autoritatem non ausim defugere, laudari audio, & ab omnibus bonis probari, non modo verâ, rectâ, sincera, sed etiam fortia, & splendida mihi videntur. Rursus quoties oculos ad nostri temporis munditias & elegantiam refero, antiquitas illa sancta & sobria, sed horrida tamen, & nondum satis expolita fuisse videtur. Sed hæc fortasse alias per ocium: nunc vero, si quidem videtur, quod instituiſti perge prosequi. B. Visne igitur ut breuiter quæ dicta sunt colligamus? ita maxime intelligemus quid sit præteritum: & si quid temere sit concessum, facillime retractabimus. M. Maxime. B. Primum igitur conuenit inter nos, homines a natura ad societatem & vitæ communionem esse factos. M. Conuenit. B. Eius quoque societatis custodem Regem electum, virum summa virtute præstantem. M. Ita est. B. Et velut hominum inter ipsos discordiæ, necessitatem Regis creandi attulerunt, ita Regum in subditos iniuriæ, in causa fuerunt ut leges desideraremus. M. Fateor. B. Leges igitur specimen artis Regiæ, ut præcepta medicinæ, artis medicæ censuimus. M. Sic est. B. Tutius autem esse, (quoniam in neutro singularem, & exactam suæ artis peritiâ posuimus) ut uterque ex artis illis præscriptis quam temere curret, videtur. M. Tutius certe. B. Artis autem medicæ præcepta non vnius generis visa sunt. M. Quo pacto? B. Quædam enim sunt tuendæ valetudinis: alia instaurandæ. M. Recte. B. Quid regiæ artis? M. Totidem, opinor, sunt genera. B. Proximū ergo videtur, ut consideremus illad. Putesne medicos omnes morbos, & eorum remedia ita exacte tenere posse, ut nihil præterea, ad eorum curationem, requiri posset? M. Minime. Nam & multa morborum genera noua, omnibus fere seculis, suppullulant: & noua item singulorum remedia, singulis prope annis, aut hominum industria reperiuntur, aut e regionibus longinquis apportantur. B. Quid ciuitatū leges? M. Eadem certe videtur earum ratio. B. Igitur nec omnes morbos medici, nec ciuitatum Reges ex artium suarū, quæ scripta quidem traduntur, præceptis, vel vitare vel sanare possunt. M. Non posse arbitror. B. Quid si igitur vestigemus quibus de rebus leges in ciuitatibus sanciri possint: quæ vero legibus cōprehendi non possint? M. Operæpretium faciemus. B. Permultæ & permagnæ mihi res videntur, quæ nullis legibus contineri queant. Primum omnia quæ in deliberationem futuri temporis cadunt. M. Omnia. B. Deinde multa præterita: qualia sunt ea in quibus veritas coniecturis quaritur, testibus confirmatur, aut tormentis exprimitur. M. Scilicet. B. In his igitur quæstionibus explicandis quæ erunt Regis partes? M. Non longo hic opus esse video sermone, cum Reges in iis quæ in prouisione futuri temporis posita sunt, adeo sibi non arrogant summā potestatem, ut ultro prudentiores in consiliū sibi aduocent. B. Quid in his quæ coniecturis colliguntur, testibus conuincuntur? qualia sunt cædis, adulterij, veneficij crimina? M. Ista causidicorū ingeniis excutiuntur, eruuntur solertia, eaque fere iudicū sententiis permitti video. B. Et recte fortasse: nam si Rex priuatas singulorū Ciuiū causas audire velit, quando ei vacabit de bello, de pace, de iis negotiis quæ Reip. incolumitatem continent & cōseruant, cogitare? Denique quando licebit nihil agere? M. Nec ego rerū omniū cognitionem ad vnū Regem velim deferri: neque, si deferatur, vnus omnibus omniū causis sufficere poterit. Itaque placet mihi magnopere consiliū illud non minus sapiens, quàm necessariū quod Mosi socer dedit, de onere iudicandi in multos partiendo. De quo non dicam pluribus, quando historia omnibus est nota. B. Sed & hi iudices,

DE IVRE REGNI

opinor, ex legum præscripto ius dicent. M. Dicent profecto. Sed, ut video, pauca sunt de quibus legibus caueri possit, præut illa sunt, de quibus non possit. B. Accedit alia res non minoris difficultatis: quod nec ea omnia de quibus leges rogantur, præscriptionibus certis contineri possunt. M. Quo pacto? B. Iuris prudentes qui plurimum suæ arti tribuunt, quique se iustitiæ sacerdotes haberi volunt, negotiorum tantam esse multitudinem confitentur, ut prope infinita videri possit: quotidieque in ciuitatibus noua flagitia velut vlcera genera, prouenire aiunt. Quid hic ager legum lator, qui leges ad præsentia & præterita accommodat? M. Non multum, nisi diuinus quispiam sit. B. Accedit & alia, nec ea parua, quædam difficultas, quod in tanta condicionis humanæ inconstantia nihil vlla fere ars in vniuersum stabile & firmum præcipere potest. M. Nihil verius. B. Tutius igitur videtur esse, & perito medico de salute agrotantis, & Regi de statu ciuitatis credi: nam & medicus, præter artis præscriptum, infirmum vel consentientem, vel interim inuitum sæpe sanabit. Et Rex nouam, & tamen utilem legem ciuibus aut persuasus, aut etiam inuitis imponere potest. M. Non video quid veret. B. Hæc autem vterque cum facit, num tibi videtur præter legem quisque suam facere? M. Mihi quidem ex arte vterque. Nam ante posuimus non illam, quæ præceptis constat artem esse, sed vim animo comprehensam, qua in materia pertractanda, quæ artibus est subiecta, artifex uti solet. Illud autem (si quidem ex animo loqueris) gaudeo, te veritatis ipsius velut interdicto coactum ut Regem vnde vi deiectus erat, eo restitueres. B. Maue: nondum omnia audisti. est enim in legum imperio aliud incommodum. Lex enim quasi pertinax & imperitus quispiam officij exactor, nihil rectum putat, nisi quod ipsa iubet. Apud Regem vero, infirmitatis & temeritatis est excusatio: & venia in errore deprehenso locus. Lex surda, inhumana, inexorabilis est. Adolescens lubricum ætatis causatur, mulier infirmitatem sexus, alius paupertatem, ebrietatem, amicitiam. Quid ad hæc lex? I, licitor, colliga manus, caput obnubito, verberato, arbori infelici suspendito. Non ignoras autem quam sit periculosum, in tanta hominum fragilitate, in sola innocentia spem salutis habere collocatam. M. Rem procul dubio periculi plenam narras. B. Hæc certe quoties in mentem veniunt, quosdam non nihil commoueri video. M. Non nihil, mihi narras. B. Itaque cum quæ supra nobis posita sunt, diligentius tecum expendo, vereor ne in hac parte medici & Regis collatio satis comode introducta videatur. M. Qua in parte? B. Cum vtrunque a præceptorum seruitute liberauimus, & prope liberam curandi potestatem dedimus. M. Quid hic te potissimum offendit? B. Vbi audieris, tum ipse iudicabis. Duæ a nobis positæ sunt causæ, cur non expediat populis ut Reges legibus soluerentur; amor videlicet, & odium, quæ animos hominum in iudicando transversos agunt. At in medico timendum non est, ne quid per amorem peccet, quippe qui ab agroto valetudine restituta etiam speret mercedem. Quod si medicum agrotus precibus, pollicitationibus & pecunia aduersus caput suum sollicitari intelligat, alium accersere medicum licebit; aut si alterius copia non erit, tutius esse reor a libris quantumvis surdis remedium, quam a medico corrupto petere. Quod autem de legum immanitate questus sumus, vide an satis nobis cõstemus. M. Quomodo? B. Regem optimum, qualem magis animo quam oculis videre possumus, nullis legibus adstringendum censuimus. M. Nullis. B. Quamobrem? M. Opinor quia, iuxta Paulum, ipse & sibi, & aliis esset lex: ut cuius vita exprimat, quod legibus iubetur. B. Recte iudicas, & quod tu magis fortasse mireris, aliquot ante Paulum seculis hoc ipsum viderat Aristoteles, naturam sequutus ducem. quod ideo dico, ut quod ante probatum fuerat, manifestius videas, eandem scilicet Dei & naturæ vocem esse. verum ut quod instituimus agamus, qui leges primi condiderunt, quid eos spectasse dicemus? M. A Equitatem, opinor, ut antea dictum est. B. Ego nunc non id quæro, quem finem spectarint, sed potius quod exemplar sibi proposuerint. M. Istud etsi fortasse intelligo, velim tamen explices, ut, si recte sentio, meum iudicium confirmes: sin secus, emendes errorem. B. Scis, opinor, quod sit animi in corpus imperium. M. Scire videor. B. Nec illud etiam ignoras, quæcunque non temere gerimus, eorum prius in animis nostris quandam inesse imaginem: eamque longe perfectiorem operibus, quæ ad illud exemplar summi etiam artifices effingunt & velut exprimunt. M. Equidem hoc tecum ipse & in dicendo & scribendo plerumque

plerunque experior : sentioque non minus animo verba, quam rebus animum deesse. Nam neque noster animus in hoc obscuro & turbido corporis carcere conclusus rerum omnium subtilitatem perspicere potest: neque in animo rerum utcumque prauis imagines ad alios oratione possumus ita perferre, ut non multo sint inferiores illis quas nos sibi conformauit intellectus. B. Leges ergo qui tulerunt, quid spectasse eos dicemus? M. Prope videor intelligere quid velis: nempe perfecti illius Regis imaginem eos in consilio habuisse: & ad eam quam proxime poterant simulachrum quoddam expressisse non corporis sed cogitationum: idque pro legibus esse voluisse quod ille bonum & æquum fuisset arbitraturus. B. Recte intelligis. Hoc enim ipsum dicere volui. Nunc vero velim consideres qualem illum ab initio Regem constituerimus. Nonne firmum aduersus odium, anorem, iram, inuidiam, ceterasque animorum perturbationes? M. Talem certe nos eum finximus: aut hominibus illis priscis etiam fuisse credidimus. B. Leges vero ecquid ad imaginem eius latæ videntur? M. Nihil similius. B. Durus igitur & inexorabilis nihilo minus bonus Rex quam bona lex. M. AEquè durus. Sed cum neutrum mutare queam, aut velle debeam, tamen utrumque, si queam, non nihil inflectere velim. B. Atqui Deus ne pauperis quidem vult ut in iudicio misereamur, sed id vnum quod rectum est & æquum, nos iubet intueri, & secundum id vnum pronunciare. M. Agnosco sententiam, & veris vincor. Quando igitur Regem soluere legibus non licet, quis tandem erit legis lator, quem ei tanquam pedagogum dabimus? B. Quem censes potissimum huic muneri præficiendum? M. Ego, si me interrogas, ipsum Regem. Nam in reliquis fere artibus ab artificibus præcepta earum tradi videmus: quibus & ipsi memoriam confirmandi causa, velut commentariis utantur, & alios sui comoneant officij. B. Ego contra nihil interesse video, Regemne liberum & solutum legibus relinquamus, an ei tribuamus legum iubendarum potestatem. Nemo enim se sponte vinculis induet. Ac nescio an præstet solutum relinquere quam circumdare vinculis nihil profuturis, quippe quæ ubi volet exuat. M. At tu quando legibus potius quam Regibus regni gubernacula credis, vide quæso ne huic, quem verbo tenus Regem facis, Tyrannum imponas, qui cum

Imperio premat, & vinclis & carcere frenet,

actantum non compedibus oneratum in agrum mittat, aut in pristinum dedat. B. Bona verba: neminem ego ei dominum impono. Sed populo, qui ei imperium in se dedit, licere volo, ut eius imperij modum ei præscribat: eoque iure, quod populus in se dederit, ut Rex utatur, postulo. Neque has leges per vim, ut tu interpretaris, imponi volo. sed communicato cum Rege consilio, communiter statuendum arbitror, quod ad omnium salutem communiter faciat. M. Populo igitur vis hanc prouinciam tribuere? B. Populo sane, nisi tu fortasse aliter sentis. M. Nihil minus æquum videtur. B. Quamobrem? M. Nosti illud, Bellua multorum capitum. Scis, opinor, quanta sit populi temeritas, quanta inconstantia. B. Ego nunquam existimaui vniuersi populi iudicio eam rem permitti deberi: sed ut prope ad consuetudinem nostram ex omnibus ordinibus selecti ad Regem in consilium coirent. Deinde ubi apud eos *προβουλευμα* factum esset, id ad populi iudicium deferretur. M. Tuum quidem consilium satis intelligo: sed nihil hac tam diligenti cautione mihi proficere videris. Regem non vis legibus esse liberum. Quamobrem? Quia, opinor, intra hominem duo fauissima monstra cupiditas & iracundia perpetui cum ratione bellum gerunt: expetita sunt leges quæ licentiam eorum comprimerent & nimium exultantia ad iusti imperij respectum reuocarent. Quid isti consultores e populo dati? Nonne & ipsi eodem illo intestino bello vexantur? Nonne eisdem, quibus Rex, malis conflantur? Quanto igitur plures adiunxeris Regi velut assessores, tanto maior stultorum erit numerus: a quo quid expectandum sit, vides. B. At ego longe aliud, ac tu opinaris, expecto. Id autem cur expectem dicam. Primum non omnino verum est, quod tu putas, nihil ad rem facere multitudinis aduocationem, quorum e numero nemo fortassis erit excellenti sapientia præditus. Non enim solum plus vident ac sapiunt multi, quam vnus eorum seorsum, sed etiam quam vnus, qui quemuis eorum ingenio & prudentia præcedat. Nam multitudo fere melius quam singuli de rebus omnibus iudicat. Singuli enim quasdam habent virtutum particulas, quæ simul collata vnâ excellentem virtutem conficiunt.

DE IVRE REGNI

Quod in medicorum pharmacis, ac in primis in antidoto eo, quod Mithridaticum vocant, perspicue cerni potest. In eo enim pleræque res per se noxiæ ubi confusæ fuerint, salutare aduersus venena remedium afferunt. Similiter in hominibus alijs tarditas & cunctatio, alijs præceptis temeritas obest: hæc in multitudine commixtæ temperamentum quoddam, & quam in omni genere virtutis quarimus, mediocritatem pariunt. M. Sir, quando ita vis, penes populum ut leges ferat, & perferat: sint Reges velut tabulariorum custodes. At cum leges inter se pugnare videbuntur, aut non satis diserte aut perspicue cauebunt, nullasne Regis partes esse voles: præsertim cum si omnia e scripto diiudicare velis, necesse sit multa sequi absurda? Et, ut vulgatissimo utar exemplo, legis illius in scholis decantatæ, Peregrinus si in murum ascendat, capite luito. Hic quid absurdius fieri potest, quam salutis publicæ autorem qui hostes subeuntes deiecit, ipsum tanquam hostilia ausum ad supplicium rapere? B. Nihil. M. Probas igitur vetus illud, summum ius, summa iniuria. B. Equidem probo. M. Si quid huius generis in iudicium veniat, miti interprete opus est, qui leges, ad utilitatem omnium latas, viris bonis & nullo in scelere deprehensis, calamitosas esse non patiat. B. Recte sentis. Neque, si satis animaduertisti, aliud a me in tota hac disputatione quæsitum est, quam ut illa Ciceroniana lex sancta & inuiolabilis esset: Populi salus suprema lex esto. Igitur si quid tale in iudicium venerit, ut non sit obscurum quid bonum & æquum sit: regis partes erunt prospicere, ut lex ad illam, quam dixi, regulam dirigatur. Sed tu mihi Regum nomine plus postulare videris, quam qui eorum imperiosissimi sunt, sibi sumant. Scis enim ad iudices reici solere hoc genus quæstionum, cum aliud lex dicere, aliud legis autor voluisse videtur: perinde atque illas quæ de ambiguo iure aut legum inter se discordia oriuntur. Itaque his de rebus grauissimæ sunt patronorum in foro contentiones, & rhetorum præcepta diligentissime tradita. M. Scio ista fieri quæ dicis. Sed mihi in hac parte non minor iniuria fieri videtur legibus quam Regibus. Satiis enim puto ex vnius viri boni sententia statim litem finire, quam ingeniosis hominibus, & interdum veteratoribus, obscurandi potius quam interpretandi leges potestatem dari. Nam dum non solum de causis litigantium, sed de gloria ingenij inter patronos contenditur, interim lites aluntur, ius, fas, æquum, iniquum in discrimen vocatur: & quod Regi negamus, hominibus inferiorum ordinum permittimus, plerumque non tam veri quam litigandi studiosis. B. Oblitus mihi videris quidnam inter nos nuper conuenit. M. Quidnam id est? B. Regi optimo qualem initio descripsimus, adeo libera omnia permittenda, ut ne legibus quidem ullis opus esset. At cum vni e multitudine is honor habetur, qui non multo sit aliis excellentior, aut etiam quibusdam inferior, periculosam esse liberam istam & solutam legibus licentiam. M. Hoc vero quid ad legum interpretationem? B. Plurimum. Nisi forte non animaduertis quod aliis verbis infinitam illam & immoderatam potestatem, quam antea Regi negaueramus, ei restituamus: nempe, ut pro animi libidine omnia sursum deorsum verfer. M. Istud ego si facio, certe imprudens facio. B. Dicam ergo apertius, ut intelligas. Cum Regi legum interpretationem concedis, hanc tribuis ei licentiam, ut lex non dicat quod lator sentit, aut quod in commune sit æquum & bonum, sed quod in rem sit interpretis: utque is ad omnes eam actiones, commodi sui causa, velut Lesbiam regulam, inflectat. Ap. Claudius in decemviratu legem tulerat æquissimam, ut in liberali causa vindictæ secundum libertatem darentur. Quid apertius dici poterat? At interpretando idem autor legem suam fecit inutilem. Vides, opinor, quantam vno versu des Principi licentiam: nempe ut, quod volet ille, dicat lex: quod nolit, non dicat. Id si semel recipiamus, nihil proderit bonas leges condere, quæ Principem boni sui officij admoneant, malum circumscribant. Imo, ut dicam apertius, nullas omnino leges habere præstaret, quam liberum latrocinium, atque etiam honoratum, sub legis prætextu, tolerari. M. Putasne Regum aliquem fore tam impudentem, ut famæ opinionisque omnium de se nullam sit prorsus rationem habiturus: aut tam sui suorumque oblitum, ut in eorum prauitatem degeneret, quos ipse ignominia, carceribus, bonorum publicatione, grauissimis denique suppliciis coercuerit? B. Non credamus ista fore, nisi iam pridem facta

facta sint, idque totius orbis maximo malo. M. Vbi tandem hæc facta narras? B. Vbi, rogas? tanquam non omnes per Europam nationes non modo viderint, sed etiam senserint, quantum rebus humanis inuenerit mali non dico immoderata potestas, sed effrena Romani Pontificis licentia. Ea quam ex modicis & in speciem honestis acceperit iniuriis, quam nihil minus potuerit ab incautis timeri, nemo ignorat. Primū leges erant nobis propositæ non modo e penitissimis naturæ arcanis eruta, sed ab ipso Deo lata, a spiritu eius per prophetas explicata, postremo a Dei Filio, eodemque Deo, confirmata, tot laudatissimorum hominū scriptis commendata, vita expressa, sanguine consignata. Neque alius in tota lege locus aut diligentius, commendatius, aut explicatius traditus, quam is qui est de officio Episcoporum. Illis autem legibus cū nulli sit fas quicquam adiacere, abrogare, derogare, immutare, vna restabat interpretatio. eam Rom. Episcopus cū sibi arrogasset, non modo reliquas oppressit Ecclesias, sed Tyrannidem sauiissimā omnium quæ vnquam fuerunt, sibi vendicauit: nec hominibus tantū, sed angelis etiam imperare ausus, Christum plane in ordinem redegit: nisi id non est in ordinem redigere, vt quod tu velis, in celo, in terris, apud inferos sit ratum: quod Christus iussit, ita denuum sit ratum, si tu velis. Nam si ipse rem tuam parum videatur lex facere, ita interpretando poteris deflectere, vt non modo per tuū os, sed ex animi tui sententia loqui cogatur Christus. Christo itaque per os Pontificis Romani loquente, Chilperico Pipinus, Ioanni Nauarro Ferdinandus Arragonius est substitutus: filius in patrem, ciues in Regem, arma impia sumferant. Christus veneno imbutus, deinde ipse veneficis coactus est, vt veneno tolleretur Henricum Luxemburgium. M. Hæc ego non nunc primū audio, sed de ista legum interpretatione apertius audire auco. B. Vnum tibi proponam exemplū, e quo totum hoc genus quantum valeat, facile intelligas. Lex est, Oportet Episcopū esse vnius vxoris virum. qua lege quid apertius, quid explicatius dici potest? Vnam vxorem, ille, Vnam Ecclesiam, interpretatur. quasi ea lex non libidini sed auaritiæ Episcoporum reprimenda sit posita. Hæc autem explicatio etsi nihil ad rem facit, tamen sententiam sane honestam & piā continet, nisi eam rursus idem alia interpretatione vitiaffet. Quid ergo hic Pontifex comminiscitur? Variat, inquit, personis, causis, locis, temporibus. Quidam ea nobilitate sunt, vt eorum fastui nullus Ecclesiarum numerus possit sufficere. Quidam rursus adeo pauperculae sunt Ecclesiae, vt ne monacho quidem nuper mendico, nunc mitrato, suppetat inde victus, si nomen Episcopi tueri velit. Inuenta est ratio ex illa callida iuris interpretatione, vt vnius Ecclesiae Episcopi dicantur, alia eis commendentur, omnes expolientur. Dies me deficiet, si fraudes colligere velim, quæ aduersus vnam legem quotidie excogitantur. sed hæc etsi indigna sint, & nomine pontificio & homine Christiano, tyrannis eorum ibi non constitit. Ea est enim omnium rerum natura, vt vbi semel in præceptis iræ cœperint, nusquam ante consistant, quam ad interitum labantur. Vis illustri exemplo tibi hoc commonstrem? Meministine cuiusquam inter Imp. Romani sanguinis, qui fuerit aut crudelior aut nequior quam C. Caligula. M. Nullus, quod sciam, fuit. B. Quod autem nequissimum eius facinorum putas? Non illa dico, quæ Pontifices in casibus reservatis numerant, sed in reliqua eius vita. M. Non succurrit. B. Quale tibi illud videtur, quod equum, nomine Incitatum, ad cenam inuitauit? quod hordeum aureum apposuit? quod Consulem designauit? M. Omnino nequiter factum. B. Quid illud, quod eundem sibi collegam in sacerdotio adsciuit? M. Serio hæc narras? B. Serio certe. Neque adeo miror tibi hæc videri conficta. Sed nosse ille Iupiter Romanus hæc vt vera posteris videantur perfecit: Iuliū dico tertium Pontificem: qui mihi videtur certamen de principatu nequitiae cum homine nequissimo C. Caligula sibi instituisse. M. Quid is fecit eius generis? B. Simia suæ custodem, hominem prope nequiorem bestia nequissima, collegam sibi in Sacerdotio cooptauit. M. Alia legendi fortasse causa fuit. B. Narrantur & alia: sed ego selegi honestissimam. Igitur cum tantus non modo Sacerdotij contemptus, sed etiam humanitatis obliuio ex ista leges interpretandi licentia sit nata, vide ne istam potestatem exigua putes. M. At mihi veteres non videntur tam magnum existimasse hoc interpretandi munus, quam tu id videri vis. Quod vel hoc vno argumento intelligi potest, quod Imperatores

DE IVRE REGNI

Romani iurisperiti id permiserint. Quae una ratio totam istam verbosam tuam disputationem evertit. Neque solum id quod de magnitudine istius potestatis dixisti refellit, sed illud quoque, quod tu maxime veritas, perspicue declarat, quam alijs potestatem de iure respondendi dederunt, eam ipsis non fuisse negatam, si id munus exercere voluissent, aut per occupationes potuissent. B. Quod ad Imp. Romanos attinet, quos, nullo neque iudicio neque utilitatis publicae respectu, milites sibi praeficiebant, hi sub hanc Regum, quam descripsimus, formulam non veniunt: ut qui a genere hominum scelestissimo, & fere scelestissimus quisque, eligebantur, aut ipsi per vim in eum locum irrumpebant. Quod autem iurisperiti potestatem respondendi de iure dederint, non reprehendo. Et si enim ea maxima est, ut ante dixi, tutius iis tamen creditur, quibus tyrannidis instrumentum esse non potest. Deinde pluribus credebatur, quos mutua reverentia continebat in officio: ut si a recto declinassent, alterius responso refellerentur. Qui si etiam in fraudem consensissent, supererat iudicis auxilium, cui non erat necesse pro lege habere quicquid responsum a iurisperito fuisset. Supererat & Imperator, qui legum violatarum poenas expetere poterat. Tot vinculis cum tenerentur astricti, poenamque gravatorem timerent, quam expectarent fraudis premium: vides, opinor, non adeo magnum ab isto genere hominum timendum fuisse periculum. M. Est ne praeterea quod de Rege dicas? B. Primum, si tibi videntur, paucis colligamus quae dicta sunt: ita facilius, si quid praetermissum sit, intelligemus. Ita censeo faciendum. B. De origine & causa creandorum Regum & legum, satis convenire videbamur: de auctore legis, non item. Sed visus est mihi tandem, etsi subinuitus, tamen ut ipsa veritatis coactus, consensisse. M. Certe non modo potestatem legum iubendarum, sed etiam eas interpretandi, & quidem me patrono strenue reclamante, Regi abstulisti. Qua in re vereor ne si res palam fiat, aliquando praevagationis coarguar: adeo facile bonam, ut ab initio videbatur, causam mihi de manibus extorqueri sum passus. B. Bono animo es: nam si quis in hac causa te praevagationis infimulet, ego tibi gratuum patrocinium polliceor. M. Istud fortasse brevi experiemur. B. Multa etiam negotiorum genera nobis visa sunt quae nullis legibus comprehendi possint. Quorum partem ad iudices ordinarios, partem ad consilium, Rege non invito reiecimus. M. Factum quidem memini. Atque id cum faciebas, scisne quid mihi in mentem veniebat? B. Qui possum, ni tu dixeris? M. Videbaris mihi Reges quodammodo similes effingere sigillis lapideis, quae plerumque in capitulis columnarum ita niti videntur, ac si totam structuram sustineant: cum tamen revera nihilo plus oneris ferant quam quivis alius lapis. B. Quid, bone Regum patronus? quereris me parum oneris eis imponere, cum illi dies noctes nihil aliud agunt, quam ut socios oneri ferendo quærant, aut in quos omnino se exonerent? Et tu interim indignari videris quod laborantibus subsidium feram. M. Ego quoque libenter istas auxiliares copias recipio, sed tales velim quae serviant, non quae imperent: quaeque viam praemonstrent, non quo velint ducant, aut verius pertrahant, vel tanquam machinam impellant: nec aliam potestatem Regi relinquunt, nisi ut eis assentiat. Itaque iam dudum expecto, ut, absoluto de Rege sermone, ad Tyrannos, aut quoquam alio divertas. Regem enim tam angustis finibus inclusisti, ut verear ne, si diutius immoremur, e maximis opibus ac summa dignitate velut in desertam aliquam insulam eum releges, ubi, omnibus exutus honoribus, in egestate & miseriis consenescat. B. Tu metuebas, ut praeter te fers, praevagationis crimen. At ego metuo ne Regi, quem defendere conaris, calumniando noceas. Primum ego eum non otiosum esse volo, nisi tu architectos otiosos esse statuas. Deinde bonis ministris & amicis, quos ego non velut custodes adieci, sed ab ipso in partem laboris acciri volui, eum spoliis, eisque ab actis cohortem nebulonum circumdas, qui metuendum eum suis reddant: neque formidabilem fore putas, nisi magnam nocendi potestatem ei relinquamus. Ego amari a suis eum volo: nec terrore civium, sed benevolentia, septum esse: quae sola arma Reges inexpugnabiles efficiunt. Id, nisi tu repugnes, brevi me effecturum spero. Nam ex iis quas tu vocas angustias, in lucem eum educam: vnaque lege tantum ei auctoritatis & amplitudinis adiciam, ut eo si amplius optet, impudens tibi videri possit.

M. Istud

APVD SCOTOS.

M. Istud quidem audire aueo. B. Igitur, vt quam primū cupiditati tuæ satisfaciā, rem ipsam aggrediar. Paulo ante confessi sumus nullam legem ita diserte vlla de re cauere posse, vt malitiosa calliditas locum fraudi non inueniat. Id fortasse exemplo proposito facilius intelligetur. Cautum est legibus, ne patres Sacerdotia sua spuriis suis traderent. Hic in re, vt videtur, aperta, fraus tamen inuenta est: vt pater alium substituat: isque spurio prioris domini idem Sacerdotium tradat. Deinde cum esset diserte adscriptum legi, ne quod pater aliquando sacerdotium tenuisset, filius vlla ratione teneret: neque hac cautione quidquam profectum est. Reperta est enim aduersus eam illa coitio inter Sacerdotes, vt vterque alterius filium sibi substitueret. Id quoque cum vetitum esset, etiam nouo genere fraudis lex elusa est. Aduersus patrem litigator supponitur, qui fingat sibi in id Sacerdotium ius esse. Dum pater cum supposito sycophanta vmbatili pugna velitatur, filius a Pontifice Romano Sacerdotium petit, si neutri litigantium in illud sit ius: vtrumque litigatorem volentem ac cedentem vltro vincit, & paterno sacerdotio, per paternam prauaricationem, potitur filius. Vides in vna lege quot fraudum genera sunt inuenta. M. Video. B. Nonne tibi legum latores hic prorsus idem facere videntur quod medici, qui cum eruptiones pituitæ aut alterius humoris noxij, adhibito emplastro compescere nituntur, humor vno inhibitus loco pluribus simul exitum querit: ac velut hydra quædam vno reciso capite multa renascentia profert? M. Nihil similius. B. Quod medico fuerat initio faciendum, vt totum semel corpus noxiis humoribus leuaret, nonne idem hoc loco ciuilis medicus facere debet, vt ciuitatem vniuersam leuet malis moribus? M. Istam etsi difficilem, tamen veram esse reor curandi rationem. B. Et hoc si obtineri queat, paucis arbitror opus esset legibus. M. Ita prorsum res habet. B. Hanc medicinam qui adhibere poterit, nonne tibi videtur solus plus in publicum collaturus, quam omnes omnium ordinum conuentus ad legum rogationem coacti? M. Longe plus procul dubio. Sed vt Comici verbis vtar, quis erit hic tam potens cum tanto munere? B. Quid si has partes Regi mandemus? M. Lepide profecto, quæ prona erant & facilia, ea populo vniuerso commisisti: si quid arduū est & asperum, id Regi etiam soli mandabis, tanquam non satis habeas eum vinculis constrictum tot claustris circumdare, ni onus grauissimū sub quo etiam subcūbat, imponas. B. Non est ita, sed rem ab eo facilem non contendimus, sed vt exorari se sinat, oramus. M. Quid id tandem est? B. Vt quales patres erga liberos esse debere censeat, talem se erga ciues (quos liberorum loco habere debet) in omni vita se præstet. M. Quid istud ad rem? B. Hæc profecto vna, certe summa, aduersus mores corruptos est medicina. Ac ne meum putes hoc commentum esse, audi Claudianum:

Tu ciuem, patremque geras. Tu consule cunctis;

Nec tibi; nec tua te moueant, sed publica voca.

In commune iubes si quid, censesq; tenendum,

Primus iussa sibi. Tunc obseruantior aequi

Fie populus, nec ferre negat, cum viderit ipsum

Auctorem parere sibi. Componitur orbis

Regis ad exemplum. Nec sic inflectere sensus

Humanos edicta valent, vt vita regentis.

Mobile mutatur semper cum principe vulgus.

Noli existimare poetam summo ingenio & doctrina præditū frustra credere tantam in hac re vim esse positam: est enim vulgus ad eorum imitationem adeo compositum, in quibus aliqua probitatis imago elucet, adeo mores eorū exprimere conatur, vt quorū admiratur virtutem, eorūdem etiam quædam vitia in sermone, vestitu, incessu reddere conetur. In Regū vero cultu, moribus, oratione assimulanda se exercent non solū imitandi studio, sed etiam vt per adulationem in potentiorū animos sese insinuent, & rem, honores, potentiam, his artibus aucupentur. quippe qui natura comparatum sciant, vt non modo nos, nostraque amemus, sed similitudinem nostri, licet viciosam, in aliis amplectamur. Hoc autem quod non improbe & superbe flagitamus, sed precario impetrare conamur, maiorem longe vim habet, quam legum minæ, quam suppliciorū ostentatio,

DE IVRE REGNI

quam militum copiae. Hoc populum sine vi reducit ad modestiam, Regi civium benevolentiam, conciliat, publice tranquillitatem, privarum singulorum spes auget & tuetur. Cogitet igitur assidue Rex se in orbis theatro positum, omnibusque ad spectaculum propositum, nullum dictum aut factum suum latere posse. *nec posse dari regalibus unquam Secretum vitis. Nam lux altissima satis* *Occulum nil esse finit: labraque per omnes* *Intrat, & abstrusus explorat fama recessus.* Quanta igitur principibus in utraque partem adhibenda est cautio? cum neque vitia, neque virtutes eorum latere queant? neque sine magna rerum mutatione vulgari? Quod si quis adhuc dubitat, quantum in vita principis momentum sit ad emendationem disciplinae publicae, is ponat ante oculos Romae nascentis primordia. Populus ille rudis bonarum artium, e pastoribus & conuenis, nequid dicam durius, collectus, ipse natura ferrox, Regem nactus ferocissimum, cum velut castra posuisset, ad vicinarum gentium pacem sollicitandam, & arma facienda, quantum putas vicinorum odium, quantum pavorem fuisse? Idem ille populus cum Regem piū & iustum sibi praefecisset, ita repente mutatus est, ut eum cultui decorum & iustitiae deditum, prope nefas violare vicinis sit visum: his, inquam, vicinis quorum agros antea vastauerat, vrbes incenderat, liberos & propinquos in servitutem abduxerat. Quod si in illa morū immanitate & temporū incultū tantum Numa Pompilius, e gente inimica paulo ante Rex accitus, potuit: quid expectabimus, aut potius quid non expectabimus, ab eis Principibus qui propinquatibus & clientelis & vetustis opibus subnixi, imperium accipiunt? qui in eam spem nati & educati sunt? Quantum autem eorum animos ad virtutem accendere debet, quod non vnius dici laudem, ut histriones fabula bene acta, sperent, sed aetatis suae benevolentiam & admirationem & perpetuam ad posterum celebritatem, & honores diuinis proximis sibi paratos esse intelligant? Eius honoris utinam quam animo concepi, verbis imaginem exprimere possem. Sed ut aliqua ex parte primis lineamentis informatam tibi eam proponam, cogita tecum serpētem illū aeneū in Arabia deserta a Mose erectum, solo aspectu vulnera ab aliis serpentibus facta sanantem. cogita e multitudinem numerosa alios serpentibus ictos, & ad remedium praesens concurrentes, alios rei nouae miraculo auctos, omnes immentem & incredibilem Dei beneficentiam omni laudis genere celebrantes cum videant letiferi vulneris dolores non medicamentis cum cruciatu agri, labore medici, & amicorum assidua sollicitudine tolli, non longinquitate temporis, sed vno momento ad sanitatem reduci. Iam confer mihi cum serpente illō Regem: sed ira confer, ut & Regem bonū in maximis Dei beneficiis numeres: qui solus sine tua impensa, sine suo labore omnes regni molestias leuet, perturbationes sedet, & vetusta etiam animorum vlcera ad cicatricem breui perducit: nec iis modo sit salutaris qui cum cominus intuentur: sed qui tam longe absint, ut nec eius videndi spem ullam habeant. cuius in imagine animis oblata tanta sit vis, ut id facile perficiat quod nec iuris peritorum prudentia, nec Philosophorum scientia, nec tot seculorum in artibus colligendis experientia praestare unquam potuerit. Qui vero honor, quae dignitas, quae amplitudo aut maiestas maior in homine vllō dici aut excogitari potest, quam ut sermone, congressu, aspectu, fama, tacita denique specie animis oblata, luxu diffuentes ad modestiam, violentos ad equitatem, furiosos ad sanitatem reducat? potesne, si velis, maius hoc a Deo rebus humanis propitio beneficium postulare? Haec est vera, nisi fallor, imago Regis, non illa circumsepta armis, semper metuentis, aut metum facientis, ex odio in populum suo, populi in se odium metientis. Hanc imaginem quam posuimus, expressit pulcherrimis coloribus Seneca in Thyeste. quod carmen, cum sit elegantissimum, tibi notum esse non ambigo. Ecquid tibi nunc humiliter & contemptim de Rege sentire videor? & cum (quod nuper dicebas) oneratum compedibus in legum ergastulū compingere? An non potius in lucem & hominum coetus, & publicum humani generis theatrum eum produco? Non superbo spiculatorum & μαχαροφόνων coetu, sericatisque nebulonibus stipatum, sed sua rutilum innocentia: nec armorum terrore, sed populi amore munitum?

nec modo liberum & erectum, sed honoratum, sed venerabilem, sacrosanctum, & augustum: cum bonis omnibus & faustis acclamationibus prodeuntem, & quocunque progrediatur, omnium ora, oculos, & animos in se conuertentem. Quæ ouatio, quis triumphus cum hac pompa quotidiana comparari potest? Aut si Deus humana specie delaberetur in terras, quis ab hominibus maior honos ei haberi posset, quam qui vero Regi, hoc est viro Dei simulachro exhiberetur? hoc enim maiorem honorem nec amor largiri, nec metus exprimere, nec adulatio posset comminisci. Hæc tibi Regis imago ecquid videtur? M. Splendida sane, & adeo magnifica, ut nihil dici aut excogitari magnificentius posse videatur. Sed in his temporum nostrorum corruptis moribus, difficile est ut hæc animi magnitudo existat, nisi ad honestam indolem & naturæ bonitatem diligentia educationis accedat. Animus enim ab adolescentia bonis institutis & artibus informatus, ubi & ætate & usu rerum confirmatus, ad veram gloriam virtute nititur, frustra voluptatum tentatur illecebris, & rerum aduersarum labefactatur impressionibus. Ita enim.

Doctrina vim promouet insitam,

Reliquæ cultus pectora roborant.

ut in ipsis voluptatum auocamentis virtutis exercendæ occasionem inueniat, & quæ infirmiores terrere solent, difficultatis in iis materiam laudis sibi oblatam virtus exillimet. Itaque cum ad omnes vitæ partes tantum sit in liberali educatione momentum, quantæ cura & sollicitudine prospiciendum est, ut tenelli Regum animi recte a primis iniuriis, usque imbuantur. Nam cum multa bonorum Regum in suos ciues sunt beneficia, multæ contra calamitates a malis Principibus proficiuntur, tum nihil in omnem partem maiorem nihil vim habere videtur, quam & Regum ipsorum, & aliorum, qui summum imperium vna administrant, studia & mores. Quod enim a singulis bene vel seculum sit, plerumque multitudinem latet: aut propter hominum obscuritatem exemplum ad paucos pertinet. At eorum qui Reipublicæ gubernacula tractant, dicta factæque omnia velut in votiuæ tabellæ, ut inquit Horatius, conscripta latere non possunt, sed omnibus ad imitationem sunt proposita. Neque enim studio placendi modo, sed utilitatis blandissimis inuitamentis animos omnium ad se conuertunt. Ac perinde ut Regum ingenia impelluntur, disciplinam publicam secum circumagunt. Sed illud metuo ne Reges nostri se exorari patiantur, ut hæc præstent, quæ modo abs te posita sunt. Adeo enim voluptatum illecebris fracti sunt, & falsa specie honoris decepti, ut idem propemodum eos facere existimem, quod Troianis qui cum Paride nauigarunt, quidam positarum euenisse narrant. Vera enim Helena in Aegypto apud Prothea hominem sanctum ac plane diuinum relicta, de simulachro eius per annos decem ita pertinaciter contenderunt, ut idem finis belli perniciosissimi & regni illorum temporum opulentissimi fuerit. Tyranni enim impotentes falsam istam regni speciem amplexi, cum per fas nefasque eam semel adepti fuerint, nec sine scelere eam tenere, nec sine perniciæ amittere possunt. Quod si quis eos admoneat, veram Helenam, de qua se dimicare putant, alicubi absconditam cælari, pro insano eum haberent. B. Gaudeo equidem te, si non illam vere Iouis filiam videris, saltem ex hoc qualicunque simulachro eius pulchritudinem aliqua ex parte intelligere. Quod si isti falsæ illius Helenæ magno cum suo malo amatores veræ huius perfectam imaginem a Protogene aliquo vel Apelle depictam suis coloribus viderent, non dubito quin eam & admirarentur & deperirent: ac nisi continuo illam alteram res suas habere iuberent, in illas grauissimas inciderent poenas, quas in Satyris Percius imprecatur Tyrannis:

Summe parens diuum, seuos punire Tyrannos

Haud alia ratione velis, cum dira libido

Mouerit ingenium feruenti tincta veneno,

Vircutem ut videant, intrabescantque relicta.

Atque adeo, quando in Tyrannorum mentionem incidimus, visne ut hinc recta ad eos progrediamur? M. Nisi quid præuertendum putas. B. Minime autem, arbitror, aberrabimus, si eisdem vestigiis quibus in Rege quaerendo institimus, ad Tyrannum reperendum ire pergamus. M. Ita censeo. Nam eo pacto quod sit inter eos discrimen facillime

DE IVRE REGNI

intelligemus, si ex aduerso compositi inspectentur. B. Ac primum, ut a Tyranni nomine incipiamus, id cuius linguae sit, incertum arbitror. Itaque superuacuum nobis puto Graecum aut Latinum *tyrannos* in eo quaerere. Quid vero veteres appellauerint tyrannidem non opinor obscurum cuiquam qui paulo diligentius in studiis humanioribus sit versatus. Tyranni enim & Graecis & Latinis vocabantur, penes quos erat libera omnium rerum potestas, nullis legum vinculis astricta, aut iudicum cognitionibus obnoxia. Itaque in utraque, ut scis, lingua non modo heroes & hominum praestantissimi, sed & decorum maximi, atque adeo Iupiter ipse, Tyrannus vocatur: idque ab eis qui de diis honorifice & sentiunt & loquuntur. M. Istud quidem non ignoro: eoque magis miror unde factum sit ut id nomen tot iam seculis odiosum atque etiam inter grauissima conuicia habeatur. B. Id certe in hoc vocabulo euenisse videtur, quod in plerisque aliis contigit. Verborum enim per se naturam si consideres, noxia caret. Et quamuis alia leuius, alia asperius ad audientium aures accidunt, tamen nihil omnino ex sese habent cur animos ad iram, odium, aut hilaritatem excitent, aut alioqui voluptatem aut molestiam creent. Si quid autem tale nobis accidat, id non a verbo, sed a consuetudine hominum, & imagine ab audientibus concepta, euenire solet. Igitur quod verbum apud alios honestum est, apud alios sine honoris praefatione audiri non potest. M. Memini quiddam simile in Neronibus & Iudis factum: quorum alterum apud Romanos, alterum apud Iudaeos nomen in summis viris amplissimum, atque honoratissimum existimabatur. Postea vero nulla ipsorum nominum, sed duorum hominum culpa factum est, ut ne sceleratissimi quidem haec nomina suis liberis dari velint: adeo inter infamia delituerunt. B. Idem quoque in Tyranno euenisse perspicuum est. Primos enim magistratus, qui ita appellabantur, viros bonos fuisse credibile est, vel hinc, quod nomen id aliquando tam fuerit honorificum, ut ad deos etiam transferretur. Posteriores suis sceleribus ita redderunt infame, ut omnes tanquam contagiosum & pestilens id fugerent, leuiusque putarent conuicium, carnificem quam Tyrannum appellari. M. Idem fortasse hic euenit, quod Regibus Romae post Tarquinius exactos: quod in Dictatoris nomine, post M. Antonium, & P. Dolabellam Coss. B. Rem tenes. Contra vero humilia & plebeia nomina, virtute hominum quibus ea contigerunt, facta sunt illustria. Ut apud Romanos Camillus, Metellus, Scrophus: apud Germanos, Henricus, Gensericus, Carolus. Id adeo magis intelliges, si animaduertas nomine Tyranni sublato rem tamen atque hoc imperij genus apud multas nationes illustres in honore pristino permanisse: ut apud Graecos Aesymnetas, apud Romanos Dictatores. Vtrique enim Tyranni legitimi erant: sed Tyranni quidem, qui legibus potentiores erant: legitimi autem, qui populi consensu electi. M. Quid ego audio? legitimos etiam esse Tyrannos? Ego longe aliud certe te expectabam. Nunc vero confundere videris omnium Regum & Tyrannorum discrimina. B. Reges profecto & Tyranni apud veteres idem plane fuisse videntur, sed diuersis opinor temporibus, Tyrannorum enim nomen, opinor, antiquius fuit: deinde ubi eius nominis est pertasum, successerunt in eorum locum Reges, nomine blandiore & mitiore imperio. His quoque degenerantibus, legum adhibita est moderatio quae fines imperij infinitis eorum cupiditatibus statueret. Hominibus vero pro ratione temporum & moribus hominum noua remedia expetentibus, & veterum imperiorum eos pertasum est & noua quaesita. Nobis vero de duobus generibus principatum in praesentia institutus est sermo, de eo in quo legum quam Regum fortiora sunt imperia; deque pessimo Tyrannidos genere, in quo omnia Regno sunt contraria: eaque inter se comparanda suscepimus. M. Ita est: ac vehementer expecto ut isthuc venias. B. Igitur initio inter nos conuenerat, Regem societati humanae tuendae fuisse creatum. Officium vero eius esse statuimus, ut, ex legum praescripto, ius suum unicuique redderet. M. Memini. B. Primum igitur quicum magistratum non populi voluntate accipit, sed vi inuadit, vel fraude intercipit, quo eum nomine appellabimus? M. Tyrannum, opinor. B. Sunt & alia multa discrimina, quae quia ex Aristotele facile quicuis colliget, ideo breuiter ea percurram, Regum enim imperium secundum naturam est: tyrannicum, contra. Rex volentibus, Tyrannus inuitis imperat. Regnum, liberi inter liberos est principatus; tyrannis, domini in seruos.

in seruos. Regi ciues excubant ad salutem eius tuendam, tyranno peregrini ad ciues opprimendos. alter enim ciuibus, alter sibi gerit imperiū. M. Quid eos qui per vim, & citra populi consensum, summū imperiū sunt adepti, ita tamen multos annos ciuitatibus suis præsuerunt, ut eorum administrationis populū non poenituerit? Quantulum enim est quod in Hierone Syracusano potuit, aut in Cosmo Medice Florentino potest ad iusti Regis functionem, præter legitima suffragia, desiderari? B. Istos quidem e Tyrannorum numero eximere non possumus. Præclare enim ab historico egregio dictū est, vi quidem regere patriam aut parentes quanquam & possis, & delicta corrigas, tamen importunū est. Deinde isti mihi perinde facere videntur ac latrones, qui male parua commode diuidendo, ex iniuria, iustitiæ, & e rapina, liberalitatis laudem quarunt, neque tamen quod petūt assequuntur. Nam vnius maleficij odio omnem illam ostentatā beneficentiæ gratiam amittunt: eoq; minus ciuili animi ciuibus fidem faciunt, quod non eorū commodis, sed dominatui suo id præstant, ut videlicet securius suis voluptatibus fruantur, & posteris, odio populi paulum lenito, imperiū stabiliant. Id autem ubi perfecerint, ad mores veros redeunt. Fructus enim qui sit sequuturus, e semente facile potest intelligi. Adsum enim vnius, nūc omnia reuocare, & omnium vim legum in se transferre eandem vim habet, ac si omnes leges abroges. Sed hoc Tyrannorū genus fortasse tolerandum fuerit, si absque publica perniciē tolli non possit: velut quosdam corporis morbos potius perferimus, quam vitam in ancipitem dubiæ curationis aleam coniiciamus. At qui palam non patriæ sed sibi gerunt imperiū, neq; publicæ utilitatis, sed suæ voluptatis rationem habent, qui stabilimentū suæ auctoritatis in ciuium infirmitate collocant, quiq; regnū non procurationem a Deo creditam, sed potius prædam sibi oblatam credunt, hi non ciuili nobiscum, aut aliquo humanitatis vinculo iuncti sunt, sed Dei & hominū hostes maxime omnium capitales iudicari debent. Omnes enim Regum actiones non suas opes priuatim, sed publice ciuiū incolumitatem spectare debent: quantoq; supra ceterorū hominū fastigiū Reges sunt euecti, tanto magis imitari caelestia corpora debent, quæ nullis officiis nostris conciliata, vim sui caloris & luminis vitalem & beneficam rebus humanis infundunt. Huius munificentiae vel tituli ipsi, quibus Reges honestauimus (si meministi) admonere poterant. M. Videor meminisse: nempe ut paterna vterentur indulgentia erga ciues liberorū loco sibi commissos: in utilitate procuranda, pastoris diligentia: in salutē tuenda, duces: virtutū excellentia, prætores: quæ ex usu essent iubendo, imperatores sese præstarent. B. Paterne igitur is dici potest qui ciues habet pro seruis? aut pastor, qui gregem nō pascit, sed deglubit? aut gubernator, qui iacturam bonorū semper facere studeat? quique (quod dicitur) nauem perforet, in qua ipse nauiget? M. Nequaquam. B. Quid, qui non quæ in rem populi sunt imperat, sed sibi studeat vni? qui non de virtute ceteris cum bonis, sed vitiis flagitiosissimū quemq; superare contendat? qui suos in manifestas insidias ducat? M. Profecto nec mihi dux, nec imperator, nec prætor habebitur. B. Si quem ergo conspexeris qui Regium nomen vsurpet, nec vllō virtutis genere quemuis e multitudine præcellat, multis etiam sit inferior, qui ciues nō amore patrio prosequatur, sed superba dominatione premat, qui gregem sibi commissū existimet non ad custodiā sed ad quæstum; hunc tu Regem vere putabis, etiam si magno satellitū numero stipatus incedat, magnificoque corporis cultu se ostendet, supplicia repræsentet, præmiis, ludis, pompis, insanis etiam substructionibus, quæq; alia magnifica esse creduntur, vulgus conciliet, eiusque applausum capret? Hunc tu, inquam, Regem existimabis? M. Non, si mihi consentire velim, sed omnis humanæ societatis expertem. B. Quibus tu finibus humanam hanc societatem circumscribis? M. Eisdem illis, quibus tu superiore sermone visus es eam velle concludi: iuris videlicet septis. Quæ qui transiliunt, latrones, fures, mœchi, eos video puniri publice: eamq; causam poenæ iustam haberi, quod societatis humanæ limites sint transgressi. B. Quid, qui septa illa nunquam ingredi voluerit? M. Deo & hominibus habendos inimicos: eosque in luporū, aliove noxiorū animalium genere potius quam hominū habendos putem. Quæ qui alit, & sibi perniciem alit, & aliis: qui occidit, non sibi modo, sed publice vniuersis prodest. Quod si mihi legem ferre liceret, iuberem (quod Romani in monstris procurandis facere solebant) id genus hominum in solas

DE IVRE REGNI

terras deportari, aut in alto, procul a conspectu terræ, demergi, ne contagio etiam mor-
 tuorū hominibus officeret: intersectoribus autem præmia decerni non ab vniuerso tan-
 tum populo, sed a singulis: quemadmodū vulgo fieri solet iis qui lupos aut vrsos occide-
 runt, aut catulos eorū deprehenderunt. Neque enim si quod huiusmodi monstrū nas-
 ceretur, etiam si vocem humanam funderet, faciemq; hominis, cæterarumq; partiū simi-
 litudines haberet, mihi cum eo societatem esse crederem. Aut si quis hominem exuens
 in talem immanitatem degeneraret, nolletq; cum cæteris hominibus nisi in eorū perni-
 ciem conuenire, hominem appellandū censeo, nihilo certe magis quam Satyros, simias,
 aut vrsos: quamlibet vultu, gestu & sermone hominem mentiretur. B. Iam, ni fallor,
 intelligis qualem Regem, qualem item Tyrannū sapientissimi veterū esse statuerunt.
 Visne igitur quod in Rege informando fecimus, Tyranni quoque tibi quaecumq; speci-
 men proponamus? M. Immo, nisi molestū est tibi, vehementer id cupio. B. Non, oblitus
 es, opinor, quæ apud poetas de furiis, apud nostros de cæcodaemonū natura dicuntur: esse
 videlicet spiritus humani generis hostes, qui cum ipsi in perpetuis cruciatibus versentur,
 hominū tamen tormentis gaudeant. Hæc profecto vera est tyrannidis imago. Sed quia
 cogitatione modo & sine ministerio sensus hæc imago cerni potest, aliam tibi proponam,
 quæ non modo animū, sed sensus etiam feriat, & velut in oculos incurrat. Finge te nauem
 in mari procellis vexatam videre, littora omnia circumcirca non modo importuosa, sed
 hostium infestissimorū plena: eius vero navis dominū mutuo cum vëctoribus odio cer-
 tantem, nec vllam tamen aliam, quam in nautarū fide spem salutis habentem; nec hanc
 quidem certam, vt qui non ignoret se maxime barbaro generi hominū & ab omni hu-
 manitate alieno, vitam suam credere: quos pecunia sola conciliatos retineat, quiq; lucro
 maiore obiecto aduersus eum ipsum conduci possint. Talis profecto est vita illa, quam
 velut beatam tyranni amplectuntur. Foris hostes, domi ciues metuunt. nec ciues modo,
 sed domesticos, propinquos, fratres, coniuges, liberos, parentes. Itaq; cum vicinis exter-
 num, cum ciuib; ciuile, cum suis domesticū bellum semper aut gerunt, aut metuunt;
 nec vsquam auxilia sperant, præter mercede conducta: neque bonos conducere audent,
 neque malis fidere possunt. Quid istis tandem in vita iucundum esse potest? Dionysius
 filias virgines adultas, cum nouaculam admittere ad guttur timeret, a barbæ radendæ mi-
 nisterio remouit. a Timoleonte frater, ab vxore Alexander Pheræus, a patre Sp. Cassius
 est interemptus. Qui hæc ante oculos exempla proposita semper habet, quam tu cum
 carnificinam in pectore circumferre credis: cum cogitet sese vniuerso mortaliū generi
 tanquam signū, in quod iaculentur, propositū: neque solum vigilans his conscientia tor-
 mentis crucietur, sed terrificis etiam viuorū & mortuorū simulachris e somno excitetur,
 & furiarū facibus agiterur. Tempus enim, quod omnibus animantibus ad quietem, ho-
 minibus etiam ad curarū laxamentū natura tribuit, illi in horrores & supplicia conuer-
 titur. M. Non inscite sano ista a te sunt explicata, ac nescio an etiam vere. Sed tamen, nisi
 fallor, ad nostrū institutū non adeo multū faciunt. Nam quibus in manu est eligere quos
 velint Reges, penes eosdem est, electos quibus velint constringere legibus. Nobis vero
 scis Reges non eligi, sed nasci: quibus ego semper hæreditariū non minus quam ipsum
 regnū existimaui, vt voluntas eorum pro legibus esset. Neq; temere in hanc opinionem
 sum inductus, sed magnis auctoribus, cum quibus errare (si modo in errore sum) non me
 pudeat. Nam, vt alios omitram, iureconsulti affirmant, lege regia quæ de imperio eorum
 est lata, omnem populi potestatem ita in eos transmissam, vt eorum placita pro legibus
 haberi debeant. Ex hac nimirum lege nata sunt illæ Imp. cuiusdam minæ, se iureconsultis
 omnibus omnem suam, qua tantopere gloriantur, scientiam vno edicto ablaturum. B.
 Bene abs te factū est, quod cum rei maximæ pessimū citares auctorem, nomen eius sup-
 primendū duxeris. Is enim fuit C. Caligula, qui etiam toti Po. Ro. vnam ceruicem opta-
 bat. In illo autem Imp. nihil hominis, ne dicam Regis, præter formam fuit. Itaq; quanta
 illi debeat auctoritas, non ignoras. Quod autem ad legem regiam attinet, qualis illa
 fuerit, quando, a quo, quibus verbis lata, nec ipsi iurisperiti expediunt. Regibus enim Ro-
 manis, nunquam ea potestas fuit: quippe a quibus prouocatio ad populū erat. Rogatio-
 nem vero, qua L. Flaccus libertate Po. Ro. oppressa, per aliarū legum silentiū stabilivit
L. Sylla

APVD SCOTOS.

L. Sylla tyrannidem, nemo vnquam pro lege habuit. eius autem Rogationis ea vis erat, vt quæcunque L. Sylla fecisset, ea rata essent. Quod ius nullus vnquam populus liber tam excors fuit vt volens in se permitteret. Aut si quis fuit, dignus profecto fuit qui perpetuo seruiret Tyrannis, stultitiæque suæ pœnas lueret. Sed si qua talis fuit lex, exemplū nobis ad cautionem non ad imitationem propositū existimemus. M. Recte profecto mones. Sed ista admonitio tua ad eos pertinet, quibus in manu est, quales sibi Reges creent. Ad nos vero nihil omnino pertinet, qui non suffragiis optimos eligimus, sed forte oblatos accipimus. Illud etiam iureconsulti nos proprie videtur respicere, qui maioribus Regum nostrorū id ius in nos posterosq; nostros dedimus, vt ipsi posteri; eorum imperium in nos perpetuo tenerent. Illos vtrique (maiores dico nostros) vellem admonuisses, quibus integrū erat, quos vellēt sibi Reges adsciscere. Nunc vero serum istud tuum consiliū eo valet, non vt quæ in potestate nostra non sunt ea corrigamus: sed vt maiorum stultitiam depleamus, & nostræ condicionis miseriam agnoscamus. Quid enim reliqui esse potest in seruitutem deditis, nisi vt alienæ stultitiæ pœnas luam⁹? & vt leuiiores fiant, eas patientia leniamus: nec importune tumultuando iras eorū prouocemus, quorum nec imperiū reiicere, nec potestatem imminuere, nec vim & impotentiam effugere possumus? Lex autem illa Regia, cui tu tantopere es inimicus, non est in Tyrannorum gratiam, vt tu videri vis, conficta: quippe quæ a Iustiniano Principe iustissimo sit cōprobata: apud quem adulatio tam aperta locum non fuisset habitura: nam in Principe stolido valet illud:

Falsus honor iuuat, & mendax infamia terret.

Quem, nisi mendosum & mendacem?

B. Fuit quidem Iustinianus, vt prædicant historiæ, vir magnus: etsi quidam in Belissariū fuisse crudeliter ingratum narrent. Sed fuerit ille qualem tu eum fuisse existimas, meminisse tamen potes ab illius ætatis fere æqualibus traditū, Tribonianū, præcipuū inter illarū legū latores, hominem fuisse longe nequissimū: & qui facile potuisset adduci vt Principi quoq; pessimo gratificaretur. Sed nec boni Princip. ab hoc adulationis genere abhorrent. Nam,

— & qui nolunt occidere quenquam, Posse volunt —.

— Et nihil est quod credere de se

Non audeat, cum laudatur dijs æqua potestas.

Sed redeamus ad nostros Principes, ad quos tu ais hæreditate non suffragiis regnū peruenire. de nostris autem solis loquor. Nam si ad externos digrediar, vereor ne longior quam institueramus fiat oratio. M. Ita facies censeo. Res enim externæ nō magnopere ad præsentem disputationem pertinent. B. Igitur, vt a primis ordiar initiis, illud satis cōuenit, Principes nobis ob virtutis opinionem delectos qui cæteris imperarent. M. Ita tradunt rerū nostrarū scriptores. B. Nec minus illud constat, multos qui crudeliter & flagitiose eum magistratū gesserunt, a ciuib⁹ in ius vocatos: quosdam perpetuis carceribus damnatos: alios partim exilio, partim morte multatos: quorū cum vel filij vel propinqui in eorum locum assumerentur, nulla vnquam quæstio aduersus interfectores decreta fuit. At quā bonos violassent Reges, nusquam gentium in eos seuerius vindicatū est. Et quia longū esset singulos percentere, e postremis, quorū recentior est memoria, paucos proferam Iacobi primi cædem, cum puerū sex annorum hæredem reliquisset, adeo grauiter nobilitas puniuit, vt homines clarissimis familiis natos, diuitiis & clientelis primarios nouo & exquisito genere supplicij extinxerit. contra Iacobi tertij, hominis flagitiosi & crudelis, mortem quis doluit, ne dicam vltus est? In filij vero eius Iacobi quarti morte, suspicio sceleris morte punita est. Neq; pij erga bonos Reges tantū maiores nostri fuerunt, sed in malos etiam lenes & misericordes. Nam, Culenum ad causam dicendam venientem cum ex inimicis quidam in itinere occidisset, grauissimas ex ordinū sententia pœnas dedit: & Euenū, perpetuis vinculis damnatū, cum itidem inimicus in carcere occidisset, itidem pœnas dedit. Et cuius vitam nefariam omnes oderant, mortem per vim illatam ceu parricidiū sunt persecuti. M. Ego non tam quid interdū factum sit, quæro in præsentia, quam quo iure apud nos regnetur. B. Igitur, vt eo redeamus, quemadmodū in primis Regibus vsq; ad Kennerthū tertium, qui primus regnū in sua familia stabiluit, perspicuū est, quæ fuerit potestas populi in Regibus creandis & in ordinem redigendis:

DE IVRE REGNI

ita necesse est ut is aut populo invito id fecerit, aut a persuaso impetrauerit. M. Negari non potest. B. Porro si vi coegit populum sibi parere, populus quoque ubi primum suis viribus coeperit confidere, violentum illud imperium poterit excutere: cum a Regibus & populis recepta iura pronuncient, & natura clamet, quicquid per vim fiat, simili vi solui posse. M. Quid si populus vel fraude circumuentus, vel metu coactus, in seruitutem sese dederit? quid causa praetendi potest quin in quod semel conuentum est, in eo perpetuo maneat? B. Si tu mecum ex conuento agis, quid causa est quin ego ex aduerso eas causas ponam cur pacta & conuenta solui possint? In primis autem quae vi metusque causa fiunt, apud omnes ciuitates de iis certum ius est, & naturae fontibus haustum. Per fraudem etiam circumuentis iura dant restitutionem in integrum, idque maxime in pupillis, eisque personis seruandum putant, quas optimo iure esse volunt. Quis igitur coetus iustius restitui, quam populus vniuersus postulet? Cui cum fit iniuria, ea non in vnam aliquam ciuitatis partem, sed in omnia ciuile corporis membra late permanat. M. Scio in priuatorum causis hoc ius usurpari, nec in illos esse iniquum. Sed non est quod de hac re magnopere contendamus, cum illud sit longe credibilius (quod ab historicis etiam traditur) id ius populi voluntate Regibus datum. B. Credibile est etiam non sine magna causa rem tantam fuisse impetratam. M. Facile assentior. B. Quam igitur causam potissimum fuisse arbitraris? M. Quam aliam, nisi quae narratur? Tadium ambitionis, tumultus, caedes, bella intestina saepe cum internecione alterius partis semper cum vtriusque maximo damno. nam qui regnum obtinebant, quo id pacatius liberis relinquerent, fratres & fere proximum quemque extinguere conabantur: quemadmodum apud Turcas fieri audimus, & apud Phylarchos in nostris insulis & Hibernia fieri videmus. B. Vtris igitur istam contentionem putas magis fuisse perniciosam, populone an Principibus? M. Regibus certe: cum populi maior pars secuta sui, Principum soleat spectare certamina, & semper victoribus in praedam cedat. B. Principes igitur (ut videtur) sua potius causa quam ex vtilitate populi in sua familia stabilem regni sedem constituere voluerunt. M. Credibile est. B. Ut autem rem ad perpetuum honorem, opes & incolumitatem suae familiae tantopere pertinentem impetrarent, verisimile est eos aliquid inuicem de suo iure remississe; & ut facilius populi voluntatem & studium tenerent & consensum impetrarent, aliquid ex aduerso laxamenti dedisse. M. Credo. B. Illud certe mihi fateberis incredibile, ut pro tanto beneficio Regibus impenso, peiore se iure esse paterentur quam antea fuerant. M. Incredibile prorsus. B. Neque Reges, si id noxium & liberis suis & populo inutile scissent futurum, tanta ambitione id petissent. M. Nequaquam. B. Finge ergo aliquem e media concione liberi populi libere Regem interrogare, quid si cui Regum filius sit stolidus? quid si insanus? eosne nobis constitues rectores, qui se ipsos regere non possunt? M. Nihil opinor opus fuisse ut hac exceptione vterentur: cum huic generi legibus sit prospectum. B. Probe sane. Illud ergo videamus, si liberam legum potestatem Reges a populo impetrassent, num ea inutilis fuisset, eis praesertim qui familiae suae in posterum prospectum volebant. M. Quamobrem vero inutilem futuram censebimus? B. Quod nihil aequae ad diuturnitatem dominationis faciat, ac temperamentum illud imperij, cum & Regibus est honorificum, & populo moderatum & salutare. Habet humanus animus sublime quiddam & generosum natura insitum, ut nemini parere velit, nisi vtiliter imperanti: neque quicquam est valentius ad continendam humanam societatem quam beneficiorum vicissitudo. ideoque sapienter visus est Theopompus respondisse exprobranti uxori, quod adiectis Ephoris vim imminuisset imperij, ac minus, quam acceperat, filiis reliquisset regnum: Tanto, inquit, firmitus. M. Quod de diuturnitate narras, video esse verissimum. Nam Scotorum & Cimbrorum regna longe omnium, quae in Europa sunt, antiquissima reor: neque alia re id mihi consecuti videntur, quam summi imperij moderatione: cum interim Francorum, Anglorum, Hispanorum regna toties ex aliis ad alias familias transferant. Sed nescio an Reges illi nostri tam sapientes fuerint quam Theopompus. B. Ut illi tam prouidi non fuerint, populumne putas tam stultum fuisse, ut occasionem tam opportunam oblatam negligeret? aut timore adeo perculsum aut seductum blanditiis, ut se sponte in seruitutem daret? M. Non fuit fortasse. Sed fuerit, (quod fieri potuit) adeo cecus, ut quod in rem suam esset, non viderit: aut cum videret, tam commodi sui negligens ut contempserit, nonne merito suae stultitiae poenas

poenas luer? B. Non est verisimile aliquid istorum factum esse, cum usque ad nostram aetatem contra observatum fuisse videamus. Nam praeterquam quod mali Reges, quoties tyrannidem in ciues moliti sunt, semper coerciti fuerunt, etiam in antiquis familiis vetustissimi moris quaedam vestigia adhuc remanent. Scoti enim prisca ad nostram usque aetatem suos eligunt Phylarchos, & electis concilium seniorum adhibent: cui concilio qui non parent, honore priuantur. Quod igitur in partibus adhuc summa diligentia servatur, in omnium salute negligenter? & qui in beneficii loco habiturus erat regnum legitimum, ei se sponte in servitutem traderent? & libertatem virtute partam, armis defensam, tot seculis non interpellatam, tam sine vi, sine bello, nec expectanti condonarunt? Istam enim potestatem Regibus nostris nunquam fuisse, praeter supplicia male administrati regni torques expetita, Ioannis Balioli calamitas ostendit. Qui fere CCC. LX. abhinc anno a nobilitate reiectus est, quod se regnumque suum Eduardi Angli imperio subiiecisset: in quo locum eius Robertus Primus est successus. Ostendit id etiam perpetuus ille mos a primis usque temporibus continuatus. M. Quem tu morem dicis? B. Reges nostri cum publice inaugurantur, populo uniuerso sancte promittunt se leges & maiorum ritus veteraque instituta seruatiuros: eoque iure, quod a maioribus acceperunt, vsuros. Ostendit totus ille ceremoniarum ordo, primique Regum aduentus in singula opida. e quibus omnibus facile intelligi potest, qualem a maioribus acceperint potestatem: non aliam videlicet, quam qui suffragiis electi in leges iurant. Hanc regnandi condicionem Dauidi & posteris eius Deus proposuit: tamdiu eos regnatiuros promittit, quamdiu illi legibus ab eo datis parerent. Haec quidem faciunt, ut verisimile sit non immensam, sed intra certos terminos constrictam & finitam, potestatem Reges nostros a maioribus accepisse. Accessit praeterea longi temporis confirmatio & perpetui iuris a populo usurpatio, nullo unquam decreto publico reprobata. M. Sed vereor ut a Regibus facile possit impetrari, ut ista verisimilitudine abducti in has leges utcumque iuratas, aut a populis usurpata concedant. B. Ego quoque credo non minus esse difficile ut populo persuadeamus, ut iure a maioribus accepto, tot seculorum usu probato, vno perpetuo tenore usurpato, decedat. Neque puto necesse coniecturis persequi quid sit facturum, cum videam quid fecerit. Quod si vtriusque obstinata pertinacia res ad arma veniat, victor quidem quod volet ius victo dabit: sed tam diu dabit, donec qui in certamine erit inferior, arma relictis viribus resumet: quibus in contentionibus cum populi perniciem semper, sed cum exitio Regum fere decertari solet. Ex hoc enim fonte omnes omnium regnorum interitus promanant. M. Ita fieri necesse est. B. Haec ego altius fortasse quam opus erat repetiui: ut perspicue intelligeres verum regnandi apud nos ius quale fuerit. Nam si summo iure tecum egissem, multo breuiore compendio quo volebam, peruenire potuissem. M. Quanquam mihi iam propemodum satisfeceris, tamen & istud, quale sit, libenter ex te audiam. B. Hoc igitur primum mihi velim respondeas, probesne definitionem legis a iureconsultis positam; qui legem esse aiunt quod populus sciuit, ab eo rogatus cui rogandi ius est? M. Probo equidem. B. Consensimus autem legum vitis deprehensis, ab eisdem earum latoribus eas vel corrigi vel abrogari posse. M. Consensimus. B. Illud autem, opinor, vides, qui nascuntur nobis Reges, eos & legibus & populi suffragio creari, non minus quam quos ab initio diximus electos: & aduersus non modo vim & fraudem, sed negligentiam quoque in legibus accipiendis non defutura populo legum latori remedia. M. Video plane. B. Id modo interesse, quod lex de nostris Regibus ante aliquot secula sit lata: regnum vero cum initur, non ferri noua, sed vetus lex approbari solet. Apud eos vero qui singulis Regibus eligendis habent comitia, simul lex ferri, Rex fieri & probari, regnum iniri solet. M. Sic est. B. Nunc ab initio si videtur, quid inter nos conuenierit, breuiter colligamus: ut si quid temere sit probatum, sit & poenitentiae locus. M. Placet. B. Primum omnium visum est nobis Regem populi causa creari, neque bono Rege quidquam praestantius diuinitus nobis dari, neque malo pestilentius. M. Recte. B. Malum etiam Regem diximus vocari Tyrannum. M. Diximus. B. Et quia non est tanta bonorum copia, ut semper probi suppetant quos eligamus: nec tanta nascendi felicitas, ut fors illa semper bonos offerat: si non quales optaremus, at quales vel consensus approbavit, vel casus

DE IVRE REGNI

obtulit, pro Regibus habemus. Ea autem, quæ est vel in eligendis novis, vel in oblatiis forte nascendi approbandis, alea, in causa fuit ut leges cuperemus quæ Regibus imperij modum facerent. Eæ autem leges nihil aliud esse debent, nisi expressa (quatenus assequi possumus) boni Principis imago. M. Id quoque, sumus confessi. B. Iam restat, opinor, ut de pœna Tyrannorum differamus. M. Id vñ mihi reliquū videtur. B. Igitur si Rex omnia legum vincula perfringat, planeque hostem publicū se gerat, quid hic faciendū censes? M. Hæreo profecto. Nam etsi rationes a te exposita videantur convincere, nullam nobis esse cum eo Rege societatem, tamen diuturnæ cōsuetudinis tanta vis est, ut apud me legis vigorem obtineat. Ea adeo pertinaciter in animis hominum hæret, ut si quem aliquando inuenerit errorem, cum tolerare præstet, quam dum morbum assuetudine lenem curare contendimus, totius corporis statum labefactare. Ea enim quorundam morborum est natura, ut dolorem quem afferunt, præstet perferre, quam a incipit remedia querere: in quibus experiundis ut cætera succedant, ita tamen acres dolores in medicando afferunt, ut ipso morbo morbi cura sit perniciosior. Deinde, quod me magis mouet, video istam, quam tu vocas, Tyrannidem diuino confirmatam oraculo: & quod tu velut legum interitum execraris, Deus legem regni vocat. Eius loci me magis mouet auctoritas quam omnia Philosophorum argumenta: inde me nisi explicaueris, non erunt apud me tanti hominum commenta, ut non confestim ad hostes deficiam. B. In communi, ut video errore versaris, eoque grauissimo, qui tyrannidem tyrannide confirmare coneris. Quanta enim sit consuetudinis tyrannis in animis hominum ubi altius radices egit, & nimium sæpe hoc seculo sumus experti, & historiæ scriptor vetustus Herodorus, vetusto nos monet exemplo: sed mihi veteribus exemplis non est opus, tere ipse consule. Cogita tecum quot sint res, nec hæc exiguæ, in quibus, rationem secutus, ab inueterata tot seculis cōsuetudine desciueris: ut iam domesticis experimentis didicisse potueris, nullam magis periculis esse plenam, quam sit ista, quam nos sequi iubent, via publica. Eam te iubeo diligenter circumspicere: quot ruinas, quantas strages in ea videbis? Sed si ipsa (quod dicitur) luce clarius est, non est quod in re perspicua vel probanda vel illustranda diutius immerer. Quod autem ad eum attinet locum quem ex historia Regum magis significas, quam explicas, vide quæso ne quæ in Tyrannorum vita Dominus execratur, tu Regibus ab eo concessa putes. Id ne fiat, primum te iubeo expendere quid populus a Domino petierit: deinde quas nouæ petitionis causas habuerit: postremo quid populo Dominus responderit. Primum, Regem petunt. At qualem? legitimum? at habebant. Erat enim Samuel eis a Domino, penes quem ius præficiendi erat, datus: ius eis legitime ex legū diuinarum præscripto multos annos dixerat. At filij eius cum ius eo seniore dicerent, multa flagitiose faciebant, & aduersus leges iudicabant. Nondum video causam cur status publici mutationem, sed emendationem potius exposcerent: aut certe a Domino expectarent, ut qui non adeo pridem totam Heli familiam a stirpe euerit, ob causam prope similem. Quid igitur petunt? Regem, qualem vicinæ gentes habebant, qui domi iudex, foris imperatoresset. Erant autem re vera Tyranni. Nam ut Asiæ populi magis serui animo sunt quam Europæi, ita Tyrannorum imperiis facilius parebant, neque vsquam quod sciam, ab historicis mentio sit legitimi Regis in Asia. Præterea, Tyrannum non Regem hic describi, vel ex eo facile apparet, quod in Deuteronomio formulam eis ante præscripserat, non modo ab hac diuersam, sed etiam plane aduersam: ex qua formula Samuel, ceterique iudices tot annos ius dixerant: quam cum reiicerent, Dominus se reiectum ab eis conqueritur. M. At non Tyrannum, sed Regem Dominus cum ubique vocat. B. Vocat quidem Regem: nam Domino peculiare est, quoties alloquitur populum, populari vñ sermone. Itaque vocabulo vñtur cum vulgo communi, sed ne quem ambiguus eius vsus deciperet, hic diserte exponit, quis esset eius vocabuli vsus apud gentes vicinas. M. Ista ut vera sint, illa tamen Pauli propius nos vrgent, qui pro salute Principum nos iubet orare: tantum abest ut detrectare imperium, multo minus detrahere de solio, detrahtosue trucidare permittat. At quos Principes commendat ille nostris precibus? omnium qui ynquam fuerunt crudelissimos, Tyberios, Caligulas, Claudios, Neronos. nam iis fere æquales sunt Pauli Epistolæ. B. Quod auctoritatis tantum in Paulo esse statuas, ut apud te

APUD SCOTOS.

apud te omnium Philosophorum & iureconsultorum scriptis una eius sententia præponderet, recte mihi facere videris. Sed vide ut satis eius sententias expenderis. non enim verba solum examinare oportet: sed quibus temporibus, ad quos, & cur scripserit. Primum igitur videamus quid Paulus scripserit. Scribit enim ad Titum cap. 111. Admone, Principibus & potestatibus subditos dicto obedire, ad omne opus bonum paratos esse. Vides, opinor, quos hic parendi constituat fines. Idem ad Timotheum cap. 11. scribit, ut oremus pro omnibus, etiam pro Regibus & cæteris magistratibus; ut, inquit, tranquillam vitam agamus in omni pietate & castitate. Vides & hic quem orandi finem statuatur: nempe non salutem Regum, sed Ecclesiæ tranquillitatem. ex quo non erit difficile orationis quoque formam concipere. In Epist. autem ad Rom. Regem etiam definit prope ad Dialecticam subtilitatem: Esse enim, ait, ministrum cui gladius a Deo sit traditus, ut malos puniat, ac bonos foueat & subleuet. Non enim de Tyranno, inquit Chrysost. hæc a Paulo scribuntur, sed de vero & legitimo magistratu, qui veri Dei vices in terris gerit: cui quiescit, certe Dei ordinationi resistit. Sed nec statim si pro malis Princip. est orandum, hinc colligere debemus, eorum vitia non esse punienda: non magis certe quam latronum, pro quibus etiam orare iubemur: nec si bono Principi parendum est, ideo malo non erit resistendum. Quod si etiam causam quæ Paul. ad hæc scribenda impulserit respicias, vide ne vehementer hic locus contra te faciat. Scripsit enim hæc ut quorundam temeritatem castigaret, qui negabant imperia magistratuum Christianis esse necessaria. Nam cum potestas magistratuum aduersus malos sit comparata, ut omnes ex quo iure viuerent, & exemplum iustitiæ diuinæ inter homines remaneret, nullum eius usum esse contendebant, inter homines adeo a vitiorum contagio alienos, ut ipsi sibi lex essent. Non igitur hic Paul. de iis qui magistratum gerunt agit, sed de ipso magistratu: hoc est de functione & officio eorum qui aliis præsumt: nec de vno, aut altero genere magistratus, sed de omni legitimi magistratus forma: nec ei contentio est cum eis qui malos magistratus coercendos putant, sed cum hominibus omne magistratus imperium detrectantibus: qui libertatem Christianam absurde interpretantes affirmabant indignum esse ut qui a Dei filio essent emancipati, a Dei spiritu regerentur, sub ullius hominis potestate essent. Eorum errorem Paulus ut refelleret, ostendit magistratum rem esse non modo bonam, sed etiam sacram; nempe Dei ordinationem: & ad id institutum, ut hominum coetus & ciuitates ita continerentur, ut & Dei beneficia in se agnoscerent, & alij ab alijs iniuriam abstererent. Qui in honore constituti essent, Deus legum suarum iussit esse custodes. Quod si leges (ut sunt) bonas esse fateamur, & custodes earum honore dignos, & custodum munus rem bonam & utilem fateri cogemur. At terribilis est magistratus. quibus tandem? bonisne, an malis? bonis terrori non est, ut qui ab iniuria eos tueatur: si malis est terrori, nihil ad te qui spiritu Dei regeris. Quid ergo mihi opus ut magistratui sim subiectus, inquires, si Domini sum libertus? Imo ut te Domini libertum probes, pare eius legibus: spiritus enim Domini, a quo te regi iactas, idem & legum est lator, & magistratum probator, & parendi magistratibus auctor. Igitur & in hac parte facile inter nos conueniet, magistratu in optimis etiam ciuitatibus opus esse, cumque omni honoris genere prosequendum. Quod si quis contra sentiat, eum insanum, instabilem, atque omni supplicio dignum existimamus. Repugnat enim aperte Dei voluntati per scripturas nobis reuelatæ. Quod autem ad Caligulam, Neronem, Domitianum, & reliquos eius generis Tyrannos attinet: cur violati iuris diuini & humani poenæ non debeant exigi? Nihil hic apud Paulum habes, qui de ipsa magistratuum potestate, non de malis male potestatem eam gerentibus differat. Nec si ad Pauli regulam id genus Tyrannorum examines, omnino magistratus erunt. Quod si quis contendat malos etiam Principes esse a Deo ordinatos, vide ne captiosa sit hæc oratio. Deus enim ut malo nodo malum (quod aiunt) cuneum adhiberet, malum hominem malis puniendis interim præficeret, sed humanæ malitiæ Deum auctorem esse, nemo sanus audebit affirmare: quemadmodum animaduertiendi in malos eundem esse auctorem nemo ignorat. Magistratus quoque bonus fere malum hominem eligit, qui sit carnifex in poenis noxiorum repetendis. Hunc quidem carnificem etsi magistratus ad id munus assumit, non protinus ei impunitas omnium scelerum tribuitur: nec superiorem esse vult, quam ut legibus interrogari possit. Non com-

DE IVRE REGNI

morabor diutius in hac similitudine, ne adultores aulici parum honorifice me de magistratu summo loqui clament. Sed utcumq; clamabunt, certe illud negare nō possunt, carnicis functionem partem esse muneris publici, ac fortasse etiam regij, vel ipsorū Regū testimonio: qui quoties aliquis e ministris publicis violatur, se suamq; maiestatem atq; corpus violari querantur. Poena autem sceleratorum, ut si quid aliud, ad munus regium spectat. Quid praefecti urbium? quid castrorum? Quid praetores? Quid ipsi Consules? Iste etiam Paulus nos subditos esse iubet? an pro privatis habet? At ab omnibus non modo minoribus magistratibus, sed ab eis etiā qui sunt Regibus aequales, ratio male obiti imperij solet exigi. Velim ergo, qui ex Pauli verbis tantam Regibus potestatem datā somniant, aut ostendant ex eodem Paulo solos Reges potestatis nomine hic accipiendos, ideoq; solos legum poenis eximendos: aut si, cum potestates dicimus, intelligatur etiam alij magistratus ab eodem auctore Deo in eundem usum instituti: illud quoque velim ostendant, ubi omnes magistratus legibus soluti, & a poenarū metu liberi pronuncientur: aut solis Regibus ista immunitas sit concessa, ceteris qui in potestate constituti sunt, negata. M. At potestatibus sublimiorib; omnes vult esse subditos. B. Iubet quidem: sed isto nomine potestatis necesse est ut & ceteros magistratus cōprehendat, nisi forte Paulum credamus existimare in ciuitatibus quae regio careant imperio, nullam potestatem sed plane *ἀναρχίαν* esse. M. Istud ego neque credo, nec est verisimile: eoq; magis in hac sententia, quod omnium huius loci interpretum doctiorum consensus tecum facit, qui istam Pauli disputationem aduersus eos institutam putant, qui omnes prorsus leges & magistratus nihil ad se pertinere contendebant. B. Quid autem illud, quod nuper dixi? credis ne Tyrannos illos omnium saulissimos ad Pauli formulam pertinere? B. Imo quid tu affers, cur id non credam? praesertim cum Hieremias tam sollicitè moneat Iudaeos, idq; diuinitus, ut Regi Assyriorū pareant, nec vlla ratione imperiū eius reiiciant. Atq; inde colligunt pari ratione ceteris quoq; Tyrannis, quantumvis immanibus esse parendū. B. Ut prius ad id quod posterius a te positū est, respondeam, illud oportet animaduertas, Prophetam non iubere ut omnibus Tyrannis pareant Iudaei, sed vni Assyriorū Regi. Quod si tu ex eo quod vni singulariter iussū est, legis formulam colligere velis, primū nō ignoras (docuit id te enim dialectica) quam absurde sis facturus, deinde periculū tibi erit, ne paribus te armis oppugnatores tyrannidis aggrediantur. Nam aut oportet ostēdas, quid sit in hac re singulare, eū tam omnibus ubiq; imitandam proponas: aut si id non potes, cōfitendū erit, ex alijs singularibus Dei mandatis, quicquid de vno aliquo sit iussum, id ad omnes ex aequo pertinere. Hoc si semel (quod tibi necesse erit) admiseris, statim tibi obicietur, Dei quoq; iussū Achab occisū: pramiū quoq; diuinitus interfectori & promissū & praestitū. Itaq; ubi tu eo refugies, omnibus Tyrannis ideo parendū, quia Deus per Prophetam iusserit populū suū vni Tyranno parere: statim tibi occinetur, omnes Tyrannos etiā a suis occidi debere: quia Achab iussu diuino a copiarū suarū praefecto sit interfectus. Igitur te admoneo, ut firmitus aliquod propugnaculū Tyrannis e scriptura pares: aut, ea in praesentia relictā, ad Philosophorū scholam reuertaris. M. De isto quidem cogitabo. Sed interim vnde sumus digressi, eo redeamus. Quid tandem e scripturis profers, cur liceat Tyrannos impune occidere? B. Primum id affero, quod cum discrete praceptū sit de scelere & sceleratis e medio tollendis, sine vlla exceptione gradus aut ordinis, nusquam tamen in sacris literis Tyrannis quam priuatis magis est cautum. Deinde quod definitio potestatis a Paulo tradita, ad Tyrannos nihil omnino pertineat. quippe qui imperij vim accommodent, non ad populi vtilitatem, sed ad suas libidines explendas. Praeterea animaduertendū diligenter, quantum Paulus tribuerit Episcopis, quorū functionem miris & veris laudibus afficit, ut qui quodam modo Regibus cōpositi ex aduerso respondent, quatenus materia vtriq; substrata natura patitur. Sunt enim alteri interiorū, alteri exteriorū morborū medici: neq; tamen alteros ab alterorū imperio solutos & liberos esse voluit. Sed quemadmodū Episcopi, in ciuili communione vitā exercenda sunt Regibus subditi, ita & Reges Episcoporū spiritualibus admonitionibus parere debent. Horum autem Episcoporum dico, cum tanta sit amplitudo & dignitas, eos neque lex vlla diuina aut humana scelerum poenis eximit. Et, ut ceteros omitramus, Papa ipse, qui quasi

quasi Episcoporum Episcopus habetur, qui ita super Regū omniū fastigiū assurgit, ut Deus quispiam inter homines haberi velit, nec a suis quidem Canonistis, genere hominū ei addictissimo, legū poenis eximitur. Nam cum absurdū existimarent Deū (non enim dubitant hoc nomine eum appellare) hominū animaduersioni esse obnoxii, & iniustum putarent maxima scelera & fœdissima flagitia cuiquam impunita fore, rationem excogitarūt, qua & scelera plecterentur, & Papa tamen sacrosanctus & inuiolatus haberetur. Aliud enim Papæ, aliud eius hominis qui Papa esset, ius existimabāt: & cum Papā, quem errare posse negant, legum cognitioni eximāt, cum tamen hominem qui est Papa, vitiis & vitiorum poenis obnoxium esse fateantur, neque magis differendi subtilitate, quā animaduertendi seueritate suam sententiam declararunt. Longū esset explicare, qui Pontifices (siue ut eorum more loquar) qui homines qui Pontificum personam gesserint, non modo viui magistratum eierare sint coacti, sed mortui etiam sepulchris eruti, & in Tiberim proiecti sint. Sed, ut vetera omittam, Pauli Quarti memoria recens in animis adhuc harer, in hunc odiū publicū sua Roma noui generis decreto nuper testata est. Iram enim cui ille erat ereptus, in propinquos, in statuas, in pictas eius imagines exercuit. Nec debet hæc interpretatio subtilior tibi videri, qua potestatem ab eo qui præest separamus, quam & Philosophia agnoscit, & veteres interpretes probant, nec vulgus illud ineruditū & a disputandi subtilitate alienū ignorat. Neq; enim opifices sellularij in suæ artis primum factum accipiunt, si quis vel faber vel pistior ob latrocinii poenas luit: sed gaudent potius collegium suum facinorosis hominibus esse purgatum. Quod si quis contra sentiat, verendum reor ne potius hominū poena, quibus cōscientia scelerū est coniunctus, quam collegij infamia dolere videatur. Neque Reges, opinor, si seorsum a facinorosis & adulatoribus consilia caperent, suamq; magnitudinem non potius virtutū officiis quam impunitate scelerum metirentur, nec agre ferrent Tyrannorū supplicia: aut ex eorum qualicunque interitu maiestatem regiam imminui existimarent. quin repurgatam potius a turpissimæ labe fœditatis eam gauderent: præsertim cum latronibus vehementissime, idq; optimo iure, soleant irasci, si qui Regium nomen suis maleficiis prætendunt. M. Nec iniuria certe. Sed his iam omissis velim ad cætera capita, a te proposita, pergas. B. Quæ tandem capita dicis? M. Nempe quibus temporibus, & ad quos Paulus ista scripserit, auco enim scire quid ista cognitio ad præsens argumentum faciat. B. Mos hic quoq; tibi geretur. Ac primum ut de tempore agam, scripsit hæc Paulus in ipsa nascentis Ecclesiæ infantia, quibus temporibus non solum crimine vacare, sed iniustas etiam criminandi causas quærentib; locū maledicendi neminem dare oportebat. Deinde ad homines scripsit e diuersis gentibus, atque adeo e toto Romani imperij corpore, in vnum cœtum collectos. in iis autem pauci erant opibus insignes: qui magistratū gererent, aut gessissent, prope nemo: qui inter ciues censerentur, non adeo multi, & hi fere inquilini, aut etiam magna ex parte libertinæ conditionis: ceteri fere opifices & serui. In his non deerāt qui libertatem Christianā latius protenderent quam Euangelij simplicitas patere-
retur. Hæc igitur multitudo e promiscua plebis turba, quæ magno labore tenuem victū quærebat, non tam sollicita esse debebat de Reip. statu, de imperij maiestate, de Regū vita & officiis, quā de tranquillitate publica, & otio domestico. neq; iure amplius sibi vendicare poterat, quam ut sub imperij qualiscūque vmbra lateret. Ea si quam publicæ administrationis partem capeßere tentasset, non modo stulta, sed insana existimari debebat: nedum e latebris suis prodiret, & rerū gubernacula tenentibus negotiū facesseret. Cōpescenda etiam erat luxuries immatura, Christianæ libertatis incōmoda interpres. Quid igitur Paulus scribit? nullū procul dubio nouum præceptū, sed illa tantum vulgata ut ciues magistratib; serui dominis, viris vxores parerēt: neq; existimarent iugū Domini quālibet leue, nos officiorū vinculis liberare: sed animo quā antea intēiore nos esse debere, ut per omnes officiorū gradus nihil omitteremus quod ad hominū beneuolentiam comparandum facere posset. Ita demū futurum, ut nomen Dei propter nos intergētes bene audiret, & gloria Euāgelij latius propagaretur. Ad hæc præstanda pace publicæ erat opus, cui; custodes erant Principes & magistrat; etsi mali. Vnde hui; rei manifestam ante oculos tibi ponam imaginem? Finge ad Christianos, qui sub Turcis viuūt, ali-

DE IVRE REGNI

quem e nostris doctoribus scribere, ad homines, inquam, re tenues, animo demissos, & inermes, & paucos, & ad omnem omnium iniuriam expositos. Quid, rogo, aliud consuleret, quam quod Paulus Ecclesiae quae tum Romae erat, quam quod Hieremias in Assyria exulantibus consulebat? Illud autem certissimum est argumentum quod Paulus eorum hominum ad quos tum scribebat, non autem vniuersorum civium rationem habebat, quod cum maritorum erga uxores, vxorum erga maritos, parentum in liberos, liberorum erga parentes, seruorum in dominos, dominorum in seruos mutua diligenter persequatur officia: quod sit magistratus officium etsi scribat, non tamen eos nominatim (quemadmodum in superioribus ab eo factum est) compellat. Quam ob causam nulla eum ad Reges magistratusque alios dedisse praecepta putabimus: praesertim cum eorum libido multo magis esset legum vinculis constringenda, quam priuatorum? quam aliam causam arbitremur, quam quod nulli tum essent in Ecclesia Reges & magistratus ad quos scriberet. Finge Paulum his temporibus viuere, quibus non modo populus, sed Principes etiam Christianum nomen profitentur. Sit eodem tempore princeps aliquis, qui non modo leges humanas, sed etiam diuinas suae libidini censeat obnoxias esse debere: qui sua non modo decreta, sed etiam nutus pro legibus haberi velit: qui, ut inquit ille in Euangelio, neque Deum timeat, neque reuereatur homines, qui Ecclesiarum prouentus scurris & balatronibus, ne quid nequius dicam, diuidat: qui syncerioris religionis cultores irrideat, & pro stolidis & insanis habeat: Quid de his Paulus ad Ecclesiam scriberet? si sibi consentire uolet, eum se pro magistratu habiturum negabit. Christianis omnibus interdicit, ne conuictu, ne colloquio, ne consuetudine, eius vrantur, ciuiliu legum poenas ciuibus relinquet. nec praeter officium eos facere existimabit, si cum quo lege diuina nullum est ipsis commercium, eum ne suum esse Regem arbitrentur. At non deerit ex aulica seruitute, qui, quando perfugium honestum non suppetet, eo impudentiae perueniat, ut dicat, Deum populis iratum Tyrannos immittere: quos velut ad parricidas expetendas carnifices constituat. Quod ut verum fatear, tamen illud aequum verum est, Deum plerumque de plebe infima homines tenues & prope ignotos excitare tyrannicae superbiae & impotentiae ultores. Deum enim (ut ante dictum est) malum e medio tolli iubet: neque ordinem, aut sexum, aut conditionem, ac ne hominem quidem excipit. Neque enim acceptiores illi sunt Reges quam mendicium. Itaque vere asserere possumus, Deum omnium ex aequo patrem, cuius prouidentiam nihil latet, potentiae nihil resistit, nullum scelus impune relicturum. Porro existet alius qui poscet, e literis sacratioribus, exemplum Regis a ciuibus puniti: quod si proferre non possem, non protinus effectum erit, ut quod illic factum non legamus, id pro scelesto ac nefario confestim habeatur. Possum apud multas nationes, plurimas ac saluberrimas recensere leges, quarum in sacris libris nullum est exemplum. Nam ut omnium nationum consensus approbavit, ut quae lex iubet, iusta, quae verat, iniusta habeantur, ita nulla unquam hominum memoria vetitum est, ut quod legibus non contineretur, id ne omnino fieret. Seruitus enim ista nec unquam recepta est, nec rerum natura tam foecunda novorum exemplorum eam recipi patietur, ut quicquid lege aliqua iussum non sit, aut illustri exemplo proditum, pro nefario & scelerato sit habendum. Itaque si quis ex me requirat exemplum e sacrorum voluminum libris, ubi malorum Regum poena probetur, ego vicissim ab illo petam ubi reprehendatur. Quod si nihil sine exemplo geri placet, quanta ciuiliu institutorum pars nobis restabit? quanta item legum? Maxima enim earum pars non ex veteri exemplo est desumpta, sed aduersus nouas & sine exemplo fraudes sancta. Sed iam plura quam necesse erat, exemplorum postulatoribus respondimus. Quod si Iudaeorum Reges a ciuibus puniti non sunt, hi non magnopere ad nostrum institutum faciunt. Non enim ab initio a ciuibus creati, sed a Deo illis dati fuerunt. Itaque optimo iure, qui honoris eis erat auctor, idem & poenarum fuit exactor. Nos autem id contendimus, populum, a quo Reges nostri habent quicquid iuris sibi vendicant, Regibus esse potentiores: iusque idem in eos habere multitudinem, quod illi in singulos e multitudine habent. Omnia alienarum gentium, quae sub legitimis Regibus degunt, iura nobiscum faciunt, omnes nationes quae Regibus a se electis parent, hoc communiter sentiunt, quicquid iuris alicui populus dederit, idem eum iustis de causis posse repossidere. Hoc ciuitates omnes
semper

semper ius retinuerunt. Itaque Lentulus, quod cum Catilina de euertenda Repub. coniurasset, se prætura coactus est abdicare: & decemviri, legum Romanarum conditores, cum in summo magistratu essent, in ordinem sunt redacti: & Venetorum duces aliquot, & Chilpericus Rex Francorum, depositis imperij insignibus, in monasteriis privati consueverunt: & non adeo pridem, Christiernus Cimbrorum Rex, post vicesimum fere annum quam exurus est regno, in custodia vitam finiuit. Sed ne dictatura quidem (quod tyrannidis erat genus) non in populi potestate erat. Semperque id ius obseruatum est, ut beneficia publica male collocata repeti, & libertas (cui iura maxime fauent) libertis ingratis adimi possit. Hæc de exteris nationibus hætenus dicta sint, ne soli videamur ius nouum aduersus nostros Reges usurpasse. Quod autem ad nos proprie pertinet, res paucis verbis transigi poterat. M. Quo pacto? hoc enim libens audire cupio. B. Possem enunciarere duodecim, aut etiam amplius, Reges, qui, ob scelera & flagitia, aut in perpetuos carceres sunt damnati, aut exilio vel morte voluntaria iustas scelerum poenas fugerunt. Sed ne quis vetera & obsoleta me referre causetur, si Culeos, Euenos, & Ferchardos commemorem, & patrum nostrorum memoria paucos proferam. Iacobum tertium omnes ordines iure cassum in conuentu publico iudicarunt, ob summam erga suos crudelitatem & flagitiosam turpitudinem: caueruntque in posterum ne cuiquam eorum qui coierunt, consenserunt, pecuniam operamue contulerunt, ea res fraudi esset. Quod igitur re gesta recte atque ordine factum iudicarunt, non est dubium quin ad exemplum in posterum proponi voluerint: nihilo certe minus, quam L. Quintius, qui Seruiliū Aham laudauit pro tribunali, quod Sp. Melium tergiuersantem & reuertentem in ius venire, in foro trucidauisset: nec civili sanguine pollutum, sed Tyranni cadem nobilitatum ille cum existimauit, & vniuersa posterorum series affirmavit. Qui ciuis affectantis tyrannidem cadem probauit, quid putas eum de Tyranno, in ciuium bonis latrocinium, in sanguine carnificinam exercente, facturum fuisse? Quid nostri homines? Nonne qui facinus perpetratum sunt publico decreto impunitate prosecuti, de eo si quando posterius acciderit, legem statuisse tibi videntur? Nihil enim ad summam interest, de eo quod factum est iudices, an de futuro statuas. Vtroque enim modo de facinoris genere, & auctoris poena vel premio iudicatur. M. Ista fortasse apud nostros homines valebunt: foris autem nescio quomodo aliae gentes hæc accepturae sint. Illis mihi satisfaciendum vides: non ut in iudicio de crimine, sed in publica luce de fama, nec mea (qui a suspitione procul absum) sed ciuium meorum. Vereor enim ne decreta, quibus te satis protectum putas, magis culpaturæ sint exterarum nationes, quam facinus ipsum plenam atrocitatis & inuidiæ. De exemplis vero quæ proposuisti, scis, ni fallor, quid pro cuiusque ingenio & iudicio in vtranque partem dici soleat. Velim igitur (quoniam cætera non tam ex hominum decretis quam e naturæ fontibus mihi visus es expedisse) si quid habes quod pro legis istius æquitate dicas, paucis exponas. B. Etsi hoc iniquum videri potest, pro lege, a primis usque temporibus regni Scotici tot seculorum usu probata, populo necessaria, Regibus nec iniqua, nec parum honesta, nunc demum *παρρησιας* accusata, causam dicere apud externos, tua tamen causa id experiar. Ac tanquam cum illis ipsis qui tibi negotium facessere volent, agerem, primum illud rogo, quid est quod hic reprehensione dignum arbitramini? causamne cur quaesita est? an legem ipsam? quaesita est enim ad coercendum iniustas Regum libidines. Hoc qui damnat, eadem opera omnes omnium leges gentium damnet oportere, eandem enim ob causam omnes expetita sunt. An legem ipsam reprehenditis, Regesque solui legibus æquum existimatis? id quoque an expediat videamus. Ac populo quidem ut non expedire probem, non multis opus est verbis. Nam si recte superiore sermone medico Regem comparauimus: ut non expedit populo, impunitatem quem velit occidendi medico permitti, ita nec publice est utile, in omnes promiscuam grassandi licentiam Regibus donari. Populo igitur, cuius est in legibus ferendis summa potestas, non est quod succenseamus, si quemadmodum Regem bonum sibi, ita Regi non optimo legem præesse velit. Quod si Regi hæc lex non sit utilis, videamus an agi cum populo debeat, ut aliquid de suo remittat iure, & de ea abroganda non in trinuindinum, sed more nostro in quadragessimum diem indicamus comitia. Interim, ut de eadem hic inter nos differamus, dic mihi, qui insanum vincu-

DE IVRE REGNI

illis liberat, commodumne infanientis tibi respicere videtur? M. Minime. B. Quid, qui febre laboranti, ita ut non multum absit ab infania, frigidam affidue petenti det: eumne bene mereri de aegrotante putas? M. At ego de sanis Regibus loquor. Et recte valentibus medicina, & sanis Regibus opus esse legibus nego. Tu vero Reges omnes malos videri vis, omnibus enim leges imponis. B. Minime quidem omnes: sed nec vniuersum populo existimo malum, & tamen lex vniuersum vna voce alloquitur. Eam autem vocem mali formidant: boni ad se nihil attinere putant. Ita nec Reges boni quod indigentur huic legi habent: & mali, si saperent, legis latori gratiam haberent, qui, quod ipsis inutile futurum intelligebat, id ne eisliceret, statuit. Quod profecto facient, si ad sanitatem aliquando redibunt: non secus ac morbo leuari medico gratias agunt, quem, quod aegrotantium cupiditatibus non obsequeretur, oderant. Sin in sua perseverent Reges infania, qui maxime eis obsequitur, is maxime indicandus est inimicus. In hoc genere sunt adulatores: qui dum eorum vitia blandiendo fouent, morbum augent, ac tandem vna fere cum Regibus principes ruunt. M. Negare certe non possum, quin tales Principes, legum vinculis fuerint & sint constringendi. Nullum enim monstrum est violentius & magis pestiferum homine, ubi (ut in poetarum fabulis est) semel in belluam degenerauerit. B. Hoc tu multo magis dicas, si animaduueris quam multiplex animal sit homo, & quam e variis monstris compositum. Quam rem veteres poetae & acute perviderunt, & eleganter expresserunt, cum Promethea tradunt in hominem fingendo e singulis animalibus aliquam particulam in eum contulisse. Omnium sigillatim referre naturas infinitum esset: certe duo monstra deterrima in homine perspicue apparent, ira, & libido. At leges quid aliud agunt aut expetunt, quam ut haec monstra pareant rationi? utque rationi dum non obtemperant, ea suarum iussionum vinculis coerceant? Qui soluit igitur vinculis siue Regem seu quemvis alium, non vnum ille hominem soluit, sed duo monstra longe crudelissima aduersus rationem immittit, & ad legum claustra perfringenda armat: ut recte ac vere mihi dixisse videatur Aristoteles, qui legi pareat, eum Deo & legi parere: qui Regi, homini & belluae. M. Et si haec satis concinne dici videantur, dupliciter a nobis erratum arbitror. Primum, quod postrema cum prioribus mihi non satis conuenire videantur. Deinde quod, ut caetera nobis constent, nihil mihi profectum adhuc videtur ad summam nostrae disputationis. Superius enim consensimus eandem Regis & legis vocem esse debere. Hic cum legibus facimus obnoxiū. Hoc autem ut concedamus maxime verum esse, quid tandem hac conclusione promouimus? quis enim Tyrannum e Rege factum in ius vocabit? ius enim sine viribus vereor ut per se satis sit potens ad Regem sui muneris oblitum coercendum; aut inuitum ad causae dictionem trahendum. B. Vereor ut satis animaduueris, quae de Regia potestate sunt superius disputata. Nam si animaduertisses, facile intellexisses ista quae modo recitasti non esse inter se pugnantia. Id quo facilius accipias, primum mihi responde: cum magistratus vel scriba praestit verba praconi, nonne eadem est utriusque vox? praconis, dico, & scribae? M. Eadem prorsus. B. Vter tibi maior videtur? M. Qui verba praestit. B. Quid Rex edicti auctor? M. Maior utroque. B. Ad hanc igitur imaginem componamus Regem, legem, & populum. Regis & legis eadem est vox. Vter auctoritatem habet ab altero? Rex ne a lege, an lex a Rege? M. Rex a lege. B. Vnde id colligis? M. Quia non Rex legi, sed lex Regi coercendo quassita est. Et a lege id ipsum habet, quod Rex est, nam absque ea Tyrannus esset. B. Lex igitur Rege potentior est: ac velut reatrix & moderatrix & cupiditatum & actionum eius. M. Id iam concessum est. B. Quid? populi & legis, nonne eadem vox est? M. Eadem. B. Vter potentior, populus an lex? M. Vniuersus, opinor, populus. B. Cur id opinaris? M. Est enim velut parens, certe auctor, legis, ut qui eam, ubi visum est, condere, aut abrogare potest. B. Igitur cum lex sit Rege, populus lege potentior, videndum num sit, ad quem Regem in ius vocemus. Hoc item excutiamus, quae alterius causa sunt instituta, nonne sunt minoris illis quorum causa quassita sunt? M. Istud velim apertius. B. Hac igitur sequere. Frangum non equi causa comparatum est? M. Equi scilicet. B. Quid ephippia, phalerae, calcaria? M. Eadem causa. B. Equus autem si nullus esset, nullus harum rerum foret usus. M. Nullus. B. Equus igitur

APVD SCOTOS.

igitur omnibus his præstantior est. M. Quid ni? B. Quid equus? in quem usum exportatur? M. In plurimos. In primis autem ad victoriam bello parandum. B. Pluris igitur victoriam equis, armis, cæterisque rebus quæ in usum belli parantur, æstimamus. M. Pluris profecto. B. In Rege creando quid potissimum spectarunt homines? M. Populi, ut opinor, vilitatem. B. Quod si nullus hominum coetus esset, Regibus non foret opus? M. Nihil prorsus. B. Populus igitur Rege præstantior. M. Necesse est. B. Si præstantior est, etiam & maior. Rex igitur cum ad populi iudicium vocatur, minor ad maiorem in ius vocatur. M. At enim quando sperabimus istam felicitatem, ut populus vniuersus in id quod rectum est consentiat? B. Id quidem vix est sperandum. Expectare certe necesse non est: alioqui neque lex ferri, nec magistratus creari posset: neque enim vlla fere lex satis æqua est omnibus: nec hominum fere quisquam est ea populari gratia, ut neminem habeat aut inimicum aut inuidum & obrectatorem. Id modo quaeritur, ut lex maiori parti sit utilis, & de candidato maior pars bene sentiant. Quid si maior populi pars legem iubere & magistratum creare potest, quid vetat quo minus & ipse de magistratu iudicare, & iudices ei ferre queat? aut si Tribb. plebis Romani, & Ephori Lacedæmonij ad leniendam vim imperij sunt quaesiti, iniquum ne cuiquam videri debet, si liber populus, aut simili aut etiam diuersa ratione, in reprimenda tyrannidis acerbitate sibi prospexerit? M. Hic ego propemodum videre videor, quid populus possit: quid autem velit, aut ferat, difficile est iudicare. Maior enim pars fere vetera & consuetæ requirit, a nouitate abhorret: quod eo magis mirandum est, cum in cibis, vestitu, ædificiis totoque suppellectilis instrumento tanta sit inconstantia. B. Noli putare hæc a me dicta esse, quod quicquam noui in hoc genere fieri velim, sed ut ostenderem id vetus fuisse, ut Rex apud iudices causam diceret. Quod tu propemodum incredibile, nedum nouum, credebas. Nam ut omittam quoties id factum sit apud maiores, uti ante a nobis aliqua ex parte dictum est, & tute ex historia facile colligere potes, audistine vnquam ab eis qui de regno contenderent, itum esse ad arbitros? M. Apud Persas quidem id factum aliquando audiui. B. Et nostri scriptores idem a Grimo & Milcolumbo Secundo factum narrant. Sed ne id genus cognitorum a litigantibus ipsorum consensu assumi solere caueris, ad iudices ordinarios veniamus. M. Hic vereor ne propemodum idem facias, ac si quis in Oceano captandis balænis tendat retia. B. Quamobrem vero? M. Quia omnis prehensio, coercitio, animaduersio potentioris est aduersus inferiores. Regem vero ad quos iudices adesse iubebis? Ad eosne in quos ipsi summa iudicandi est potestas? quos vno illo verbo, Veto, possit compescere? B. Quid si maior aliqua potestas reperiatur, cui id iuris sit in Reges, quod Regibus est in cæteros? M. Audire istud cupio. B. Hanc, si meministi, in populo diximus esse potestatem. M. In vniuerso quidem populo, aut in maiore eius parte. Illud etiam amplius tibi largior, in iis in quos populus, aut maior pars populi, eam potestatem transmiserit. B. Benefacis, qui me isto labore leues. M. Sed non ignoras maiorem multitudinis partem vel metu, vel præmiis, vel spe largitionis & impunitatis corrumpi, ut sua commoda & voluptates, publicæ utilitati, atque etiam incolumitati, præferant: qui autem iis rebus non moueantur, non adeo multi sunt:

Rari quippe boni numero sunt: vix totidem, quos

Thebarum porta, vel diuitis ostia Nilii.

Omnis autem reliqua colluies sanguine & rapinis saginata suam libertatem habet venalem, alienæ inuidet. Ut etiam eos præteream quibus malorum quoque Regum nomen est sacrosanctum. Omitto etiam illos, qui etsi non ignorant quid liceat & æquum sit, tamen honestis periculis quietam inertiam præferunt: & in euentus expectationem animo suspensi sua consilia componunt: aut fortunam partium, non causam sequuntur. Hæc quanta sit futura multitudo vides. B. Magna profecto: nec tamen maxima. Nam Tyrannorum iniuriæ ad multos, beneficia ad paucos pertinere possunt. Cupiditas enim vulgi inexplabilis, velut ignis adiecta materia vehementius accenditur: quod vero a multis aufertur per vim, paucorum magis alit famem, quam satiat libidinem. Deinde talium fere hominum fluxa est,

Et cum fortuna statque caditque fides.

DE IVRE REGNI

Quod si etiam in sententia maxime perstarent, tamen in ciuium numero non essent habendi, violatores enim sunt humanæ societatis, aut certe proditores: quod vitium si in Rege ferendum non est, multo minus in priuato est tolerabile. Qui igitur ciues habendi sunt? qui legibus parent, societatem hominum tuentur, qui labores omnes, omnia pericula malunt pro suorum salute obire, quam in ocio ab honestate seiuncto per ignauiam consensescere: qui non præsentis fructus, sed æternitatis memoriam ante oculos propositam habent. Quod si quos timor & rerum suarum respectus a periculis reuocat, tamen & facinoris præclari splendor, & virtutis pulchritudo animos deiectos eriget: & qui auctores, qui duces esse non audebunt, comites fieri non recusabunt. Itaque si ciues non e numero, sed dignitate censeantur, non solum pars melior, sed etiam maior, pro libertate, pro honesto, pro incolumitate stabit. Quod si etiam tota plebs dissentiat, nihil istud ad præsentem disputationem facit: non enim hic quid futurum sit, sed quid iure fieri possit, quærimus. Sed iam ad ordinaria iudicia veniamus. M. Istud iamdudum expecto. B. Si priuatus quispiam prædium, aut agri sui partem contra quam æquum est a Rege teneri contendat, quid hic priuato faciendum censes? cedetne agro, quoniam Regi iudicem ferre non poterit? M. Minime. Sed non Regem, sed procuratorem eius adesse iubebit. B. Iam istud perfugium, quo tu vteris, quam vim habeat vide. Mea enim nihil refert, an ipse Rex aderit, an eius procurator, utroque enim modo Regis periculo litigabitur: ei, non procuratori, ex euentu iudicii damnum aut lucrum accedet. Ipse denique reus est: id est, is cuius res agitur. Nunc tu velim consideres, quam non modo sit absurdum, sed etiam iniquum, de prædiolo, de luminibus, de stillicidiis aduersus Regem iudicium dari: parricidij, veneficij, perduellionis nullum esse iudicium: in minoribus rebus seueritate iuris uti, in maximis flagitiis summam licentiam & impunitatem permitti: ut plane verum esse videatur antiquum illud, leges aranearum telis esse persimiles, quæ muscas detineant, animalia maiora transmittant. Neque iusta est illa quorundam querela & indignatio, qui dicunt neque honestum, nec æquum esse ut de Rege ab inferioris ordinis homine pronuncietur, cum in lite de pecunia vel agro iam id videant receptum: & summi secundum Regem viri plerunque causam dicant apud iudices, neque diuitiis, neque nobilitate, nec rebus gestis pares: ac neque adeo multum supra vulgus eminentes: longeque maiore interuallo infra eos quam supremi ordinis homines sint infra Reges. Nec ea tamen re optimates illi ac viri primarij de sua dignitate quicquam detractum existimant. Quod si semel illud recipiamus, ut nemo apud iudicem nisi omnibus rebus superiorem sibi possit, expectandum erit tenuioribus donec Regi aut libeat, aut oriū sit, ut de nobili reo cognoscat. Quid, quod istorum querela non modo iniusta sed etiam falsa est? nemo enim qui ad iudicem venit, ad inferiorem venit: præsertim cum tantus honos a Deo ipso iudicij ordini habeatur, ut eos non Reges modo, sed etiam Deos vocet: suamque quoad fieri potest, dignitatem cum eis communicet. Itaque Pontifices illi Romani qui Regibus pedes suos gratiose indulgebant osculandos, qui aduenientibus ad se mulas suas obuiam honoris causa mittebant, qui pedibus Imperatorum ceruices conculcabant, in ius vocati parebant: a iudicibus coacti se magistratu abdicabant. Ioannes vicissimus secundus e fuga retractus, etiam in carcerem coniectus, ac vix tandem pecunia liberatus, alium in suum locum surrogatum adorauit: atque illa oratione iudicum sententiam approbavit. Quid Synodus Basiliensis? nonne communi omnium ordinum consensu statuit, atque sanxit, Pontificem subiectum esse senatui sacerdotum? Quibus autem rationibus ut id facerent, patribus illis persuasum sit, e conciliorum actis reperere potes. Reges igitur, qui Pontificum maiestatem tanto supra se fatentur eminere, ut suæ celsitudinis fastigio omnibus eis obumbret, nescio quo modo in eo suæ dignitatis imminutionem positam censeant, quo Pontifex e tanto altiore solio descendere, se non putauit indignum: ut videlicet causam in concilio Cardinalium diceret. Quid quod falsa est eorum querela qui indignantur se ad inferioris tribunal sibi? Non enim in iudiciis damnatur & absoluit, nescio quis Titius, aut Sempronius, aut Stichus, sed lex ipsa: cui ut Reges parerent, honorificum iudicarunt clarissimi Imp. Theodosius & Valentinianus. Eorum verba, quoniam dignissima sunt omnium seculorum memoria, hic apponam. Digna (inquiunt)

vox

APVD SCOTOS.

vox maiestate regnantis, legibus se alligatū principem fateri. Et re vera imperio maius est submittere legibus principatum: & oraculo præsens edicti quod licere alij non patimur, indicamus. Hæc optimi principes & senserunt, & sanciuerunt: neque pessimi eadem non vident. Nero enim in morem citharædorum cultus, non modo gestus & motus eorum obseruasse dicitur, sed etiam cum in iudicium est ventum, inter spem timoremque sollicitus de victoria stetit: etsi enim se victorem declaratum iri sciret, tamen victoriam honestiorem fore existimabat, si non adulatione iudicantium, sed legitimo certamine esset adeptus: legisque obseruationem non ad imminutionem auctoritatis, sed ad victoriæ splendorem facere opinabatur. M. Non est, vt video, tam insolens tua oratio, quam initio putaram cum reges parere legibus volebas: nititur enim non tam Philosophorū quam Regum, Imperatorum & Conciliorum Ecclesiæ auctoritate. Sed quod hic dicis non hominem sed legem esse quæ iudicet, non satis assequor. B. Renoca paulum superiora in memoriam. Nonne Regis & legis eandem esse vocem diximus? M. Factum. B. Quid scribæ, & præconis, cum legem pronuntiat? M. Eadem. B. Quid iudicis, cum legem decreto suo prætexit? M. Eadem. B. Vter vero ab vtro auctoritatem habet, iudexne a lege, an lex a iudice? M. A lege iudex. B. Vis igitur sententiæ a lege est, sola vero verborū pronuntiatio iudicis. M. Videtur. B. Imo nihil certius. Iudicū enim sententiæ secundum legem pronuntiatæ ratæ sunt, secus rescinduntur. M. Nihil verius. B. Vides igitur ex lege iudici, non e iudice legi auctoritatem esse. M. Video. B. Nec pronuntiantis humilitas dignitatem legis imminuit, sed legū dignitas, siue Rex, siue Iudex, siue præco eam pronunciet, semper est eadem. M. Prorsus. B. Lex igitur semel sancita primum vox est Regis, ac deinde aliorum. M. Ita est. B. Rex igitur cum a iudice damnatur, lege damnari videtur. M. Plane. B. Si a lege, igitur sua ipsius voce damnatur: siquidem eadem est legis & Regis vox. M. Sua, vt videtur, non minus quam si literis sua manu scriptis teneatur. B. Quid est ergo, quod de iudice tantopere laboramus, cum regis ipsius confessionem, hoc est legem, teneamus? Quin & hoc inspiciamus, quod modo mihi venit in mentem, Rex cum in quauis causa pro iudice sedet, nonne omnes alias personas deponere debet, patris, patris, propinqui, amici, inimici? solamque iudicis personam retinere? M. Debet. B. Eiusque vnus meminisse personæ quæ actionis propria est? M. Vellem istud magis perspicue diceres. B. Aduerte igitur: cum quis rem alienam clam inuolat, quid eum facere dicimus? M. Furari, opinor. B. Quod nomen ei damus ob hanc actionem? M. Furis videlicet. B. Quid, aliena vxore qui vitur tanquā sua? M. Mœchari. B. Quem eum vocabimus? M. Mœchū. B. Quid, qui iudicat? M. Iudicem vocamus. B. Cæteris quoque ad hunc modum ab actionibus quas tum agunt, nomina recte dari possunt. M. Possunt. B. Rex igitur cum ius dicet, alias omnes personas exuet. M. Exuet profecto: & eas maxime quæ in iudicando alteri litigantiū officere possunt. B. Quid de quo iudicatur? quod ei nomen ab actione dabimus? M. Reū vocare possumus. B. Et is nonne æquū est vt personas quæ iudicio possunt officere, exuat? M. Certe is etiam si quas alias personas quam rei gerat, ea tamen nihil ad iudicem pertinent: cum ne pauperis quidem in iudicando Deus rationem haberi velit. B. Igitur si quis qui pictor est & grammaticus, iudicio contendat de arte pingendi aduersus eum qui pictor est, grammaticus vero non est, nihil enim grammaticæ scientia hic prodesse debet? M. Nihil. B. Nec pingendi peritia, si ei de grammatica sit contentio? M. Nihilo magis. B. Igitur in iudicio iudex vnum agnoscet nomen, criminis videlicet, de quo reum aduersarius accusat. M. Vnum. B. Quid si Rex fiat parricidij reus, nomen regis an quicquam ad iudicem attinet? M. Nihil: sed Parricidæ tantum non enim in controuersiam de regno venit, sed de parricidio. B. Quid si duo parricidæ in ius vocentur, alter Rex, alter pauper: nonne par cognitio iudicis erit de vtroque? M. Par nec minus vere quam eleganter mihi dictum videtur a Lucano.

--- *Rem mihi Caesar in vndis*

Dux erat, hic socius. Facinus quos inquinat, æquat.

B. Vere profecto. Nō igitur de rege & paupere hic iudicabitur, sed de parricidis. Tū enim de rege iudicaretur, si quæreretur de duobus vter esse debeat Rex: aut si in quæstionem

DE IVRE REGNI

veniat rexne sit Hiero an tyrannus, aut si quid aliud in quaestione veniat, quod proprie ad Regis functionem pertineat. Veluti de pictore sit iudiciū, cum quaeritur ecquid sciat artem pingendi. M. Quid si Rex sua sponte nolit, nec vicogi possit, ut in ius veniat? B. Hac ei causa cum omnibus facinorosis est communis, nullus enim aut latro aut veneficus ultro in ius veniet. Sed scis, opinor, quid lex permittat, furem nocturnū quouis modo, diurnum, si telo se defenderit, interficere. Quod si aliter quam vi in ius protrahi non possit, meministi quid tum fieri soleat. Latrones enim potentiores quam ut iure cū eis agi possit, bello & armis persequimur. Nec alia fere bellorum omnium causa praetenditur inter nationes, populos, & Reges, quam iniuriarū, de quibus cum iudicio non potest decerni, ferro cernitur. M. Aduersus hostes quidem ob istas causas bella geri solent: cum Regibus alia ratio est, quibus iureiurando sanctissimo interposito ad parendum sumus obstricti. B. Obstricti quidem sumus: sed illi contra priores promittunt se ex aequo & bono ius dicturos. M. Ita res habet. B. Mutua igitur Regi cum ciuibus est pactio. M. Ita videtur. B. Qui prior a conuentis recidit, contraque quam pactus est facit, nonne is pacta & conuenta soluit? M. Soluit. B. Soluta igitur vinculo, quod Regem cum populo continebat, quicquid iuris ex pactioe ad eum qui pacta soluit pertinebat, id, reor, amittitur. M. Amittitur. B. Is etiam cum quo erat conuentum, aequae fit atque ante stipulationem erat, liber. M. Eodem plane iure, atque eadem libertate. B. Rex autem si facit, quae sunt soluendae societati humanae, cuius continendae causa fuit creatus, quid eum vocamus? M. Tyrannum, opinor. B. Tyrannus autem non modo non iustum habet imperium in populum, sed etiam populi hostis est. M. Hostis profecto. B. Cum hoste, ob graues & intolerabiles iniurias est iustum bellum. M. Iustum sane. B. Quid in eo, quod cum totius humani generis hoste, hoc est tyranno, geritur? M. Iustissimum. B. Bello autem cum hoste iusta de causa semel suscepto ius est non modo vniuerso populo, sed singulis etiam hostem interimere. M. Fateor. B. Quid tyrannum hostem publicum, quo cum omnibus bonis perpetuū est bellum? nonne singuli e tota generis humani multitudine iure omnes bellorum poenas ab eo expetere possunt? M. Video nationes fere omnes in ea fuisse sententia. Nam & Thebe laudari solet, quod maritum, & Timoleon, quod fratrem, & Cassius, quod filium interfecerit: & Fuluius, quod filiū ad Catilinam proficiscentem, & Brutus, quod filios & propinquos, cum reducendi tyranni consilia eos rescisset inisse, necauerit: & publice praemia erant tyrannicidis, & honores a multis Graeciae ciuitatibus instituti: adeo (quod ante dictum est) nullum ne humanitatis quidem vinculum cum tyrannis esse existimabant. Sed quid singulorum assensum colligo, cum possum vniuersi prope orbis testimonium proferre? Quis enim Domitium Corbulonem non grauiter reprehendit, quod adeo generis humani salutem neglexerit, ut Neronem cum facile posset, imperio non deiecerit? Nec a Romanis modo est reprehensus, sed a Tyridate Persarum Rege, nihil minus metiente quam ne id exemplum ad se aliquando pertineret. Sed nec pessimorum hominum animi crudelitate efforati ab hoc publico in tyrannos odio ita sunt liberi, ut non aliquando inuitis erumpat, & ad imaginem veri & honesti eos torpere & obstupefcere cogat. C. Caligulae crudelissimi Tyranni pari crudelitate ministri cum caeso domino tumultuarentur, & credis auctores ad supplicium deposcerent, subinde vociferantes quis imperatorem occidisset, Valerius Asiaticus homo consularis e loco conspicuo vnde audiri & cerni posset, exclamauit: Utinam ego eum occidissem! Ad hanc vocem homines prope omnis humanitatis expertes velut attoniti, a tumultu cessarunt. Tanta enim vis est honesti, ut leuissima specie eius animis oblata impetus violenti coquiescant, & furor incitatus relanguescat, & rationis imperiū amentia velit nolit agnoscat. Neque isti qui nunc caelum terrae clamoribus miscet, aliter sentiunt. Id autem vel hinc facile intelligimus, quod quae nunc gesta reprehendunt eadem, autem in speciem atrociora e vetere historia cū recitantur, laudant, & probant: ex eoque aperte demonstrant se magis priuatis affectionibus obsequi quā publico aliquo damno commoueri. Sed quid certiores testes quaerimus, quid Tyranni mereantur, ipsorum conscientia? Inde ille perpetuus ab omnibus, & potissimum a bonis, metus: & gladium quem in alios districtū semper habent, suis

ceruici-

ceruicib⁹ semper impēdentem vident, & suo in alios odio, aliorū in se animos metiūtū. Cōtra vero boni neminem metuendo, sēpe creant sibi periculū, dū non ex vitiosa hominū natura, sed e suo in alios merito, aliorū in se beneuolentiā expendunt. B. Verū igitur illud existimas, tyrannos in sēuissimarū belluarū numero habendos: tyrannicamq; violentiam magis esse contra naturam quam paupertatem, quam morbos, quam mortem, ceteraq; mala quæ possunt hominibus sponte naturæ accidere. M. Equidem cum rationum momenta mecū expendo, non possū negare quin ista vera sint, sed cum pericula & incōmoda occurrunt, quæ hanc sententiā subsequūtur, continuo velut iniecto frāno animus nescio quomodo labascit, & a recto illo nimiū Stoico & seuro ad vtilitatem se inflectit, & prope deficit. Nam si cuius tyrannū occidere licebit, vide quantā ad nequitia fenestram hominibus improbis aperias, quantum bonis periculū crees; malis licentiam permittas; omnibus omniū rerū perturbationem immittas! Quis enim cum Regem bonū, aut certe non pessimum occiderit, non istam honesti speciem suo sceleri prætere potest? aut si etiam quiuis e ciuiū bonorum numero dignū omni supplicio principem vel occidere frustra tentarit, vel etiam cogitatū facinus peregerit, quantam omniū rerum cōfusionem sequi necesse est? dum & mali tumultuabuntur, indignari ducem sibi ereptū, nec omnes boni factū probabunt. Nec qui probabunt, omnes auctorem liberratis aduersus scelestam factionem defendent, & plerique obtentu honesto pacis, suam segnitiam velabunt, aut potius virtutem alienam calūniabuntur, quam suam fatebuntur ignauiam. Hæc profecto vilitatis priuatæ recordatio, & publicæ causæ desertæ excusatio, & periculorū metus, animū plerisq; si non frangit, certe debilitat, & tranquillitatem & si non certissimā, cogit incertæ libertatis expectationi præponere. B. Tu si memoria teneas superiora, facile metus hic tuus discutietur. Diximus enim quasdam esse tyrannidas populi liberis suffragiis cōprobatas, quas ob administrationis moderationem regis nominibus dignamur. Nemo me auctore non modo quenquam horū, sed nec eorū qui per vim vel fraudem dominatum sibi pepererūt violabit, si modo ciuilis animi temperamentū in gubernando adhibuerint. Tales fuerunt apud Rom. Vespasianus, Titus, Perrinax: apud Græcos: Hiero Syracusis, qui licet vi & armis imperiū pepererūt, tamen iustitia & æquitate meruerūt vt inter iustos reges censeātur. Præterea ego in hoc genere quid fieri iure possit aut debeat explico, non ad rem suscipiendum exhortor. In illo enim satis est rei notatio, & dilucida explicatio: in hoc vero, & in suscipiendo consilio opus est, in aggrediendo prudentia, in efficiendo virtute. Hæc cū temporibus, personis, locis, ceterisq; rei gerendæ instrumentis, aut inuentur, aut euertantur, si quis temere attentauerit, nihilo magis eius erroris culpa ad me pertinet, quam medico qui remedia morborū commode descripsit, eius culpa est præstanda qui alieno tempore ea ægrotantibus dederit. M. Vnum mihi adhuc ad absolvendū hanc disputationem deesse videtur: id si adieceris cumulātū abs te beneficiū accepisse me existimabo: nempe si quæ sit Ecclesiæ censura de tyrannis, ex te intelligam. B. Eam cum voles ex Epist. priore Pauli ad Cor. tibi sumere licebit: vbi Apostolus vetat cū palam facinorosis aut flagitiosis vllum conuictus aut sermonis habere commercium. Id si inter Christianos obseruaretur, sceleratis, nisi resipiscerent, fame, frigore, & nuditate percundū esset. M. Grauis profecto sententia: sed nescio an populus, qui tantū solet magistratibus vbiq; tribuere, sub hac formula Reges etiam cōplectendos credet. B. Certe veteres Ecclesiastici scriptores ita ad vnū Pauli sententiam intellexerunt. Nam & Theodosium Imp. Ambrosius e cœtu Christianorū exclusit, & Theodosius Episcopo paruit. Nec vilius, quod sciam, Episcopi factū antiquitas maioribus est laudibus prosecuta: nec vilius Imperatoris modestia magis est cōmendata. Ad rem autem quantū interest, an extra ciuitatem Christianā pellaris, an igni & aqua tibi interdicator? magistratibus enim omnibus aduersus eos qui facere imperata recusant, hoc grauissimū est decretū: & illud Ecclesiasticorū. Vtriusque autem imperij spreti pœna mors est: sed alter corporis, alter totius hominis interitū denunciat. Igitur Ecclesia (quæ multo leuiores crimina morte puniendā censet) quem viuam e cœtu bonorū expellit, mortuū in cœtū cacodæmonū relegat, non cum morte dignū existimabit? Pro æquitate causæ satis multa mihi dixisse videor: quæ si exterorū quibusdam minus placcant, considerent, rogo, quam inique nobiscū agant.

DE IVRE REGNI APVD SCOTOS.

Nam cum permultæ per Europam sint nationes & magnæ & opulentæ, suæq; cuiq; leges: arroganter faciunt, qui formulam regnandi quam ipsi habent, omnibus præscribunt. Heluetij remp. habent: Germania nomine imperij, regno legitimo vtitur: ciuitates (vt audio) nonnullæ per Germaniam optimatibus parent, Veneti Dominatû ex his habent temperatû: Moscouia tyrannide gaudet. Nos regnû exiguum quidem, sed iam bis mille annos ab exterarû gentiû imperio liberû tenemus. Reges legitimos ab initio creauimus, leges & nobis & illis æquas imposuimus: vtilis fuisse temporis diuturnitas cõmonstrat. Earum enim obseruatione magis quam armis adhuc hoc regnû stetit. Quæ tandem iniquitas est hæc, velle vt leges, quarû vtilitatem tot seculis experti sumus, aut abrogemus, aut negligamus? aut quæ est ista impudentia, vt qui suum imperium tueri vix possunt, alieni regni statum & ordinem labefactare conentur? Quid, quod nostra instituta non modo nobis, sed vicinis etiam sunt vtilia? Quid enim ad pacem cum finitimis retinendam vtilius esse potest, quam Regû moderatio? ex eorum enim immoderata libidine iniusta bella temere plerunq; suscipiuntur, scelerate geruntur, turpiter deponuntur. Quid porro inutilius vlli ciuitati, quam malæ apud finitimos leges, quarû sæpe contagio serpere latius solet? Aut cur nobis vnus molesti sunt, cû tot circû circa nationes aliis atque aliis legibus & institutis vtantur: penitus eisdem nullæ? aut cur nunc demum molesti sunt cum noui nihil statuamus, sed in vetere iure perseueremus? cû nec soli, nec primi, nec nunc primû his institutis vtamur? At non placent quibusdam nostræ leges, fortasse nec suæ. Non inquirimus curiose in aliorû instituta. Nostra nobis relinquant tot annorû experimento perspecta. Num eorum concilia turbamus? aut qua tandem in re illis molesti sumus? At seditiosi estis, aiunt. Possem libere respõdere: quid ad illos? nostro periculo, nostro damno tumultuamur. Possem enumerare seditiones non paucas & ciuitatibus & regnis non inutiles. Non vtar illa defensione. Nego vllam gentem minus esse seditiosam. Nego vllam vnquam in seditionibus fuisse moderatiorem. Inciderûnt multæ cõtentiones de legibus, de iure imperij, de regni administratione, sed semper summa rerû salua: nec certatû est, vt apud plerosq; populos, cum plebis perniciæ, neq; principû odio, sed amore patrio, studio legum tuendarû. Quoties nostra memoria steterunt in procinctu magnæ ex aduerso acies? quoties non modo sine vulnere, sed sine noxa, sine conuitio discessum est? quoties simultates priuatas publica sedauit vtilitas? quoties intestina odia de hostiû aduentu rumor extinxit? nec in seditionibus tamen magis modesti, quam fortunati fuimus: cum semper fere quæ pars erat iustior, eadem fuerit felicior: & velut ciuilia moderate exercuimus odia, ita vtiliter consensimus in concordia. Hæc in præsentia occurrunt, quæ sermones malcuolorû compescere, pertinaciores refellere, a quioribus satisfacere posse viderentur. Quo autem iure apud alios regnetur, non putaui multû nostra interesse. Nostrû morem paucis recẽsui, sed pluribus quam institueram tamen, aut quam res expetebat: quia tibi vni hunc laborem suscepi: qui si abs te comprobetur, satis habeo. M. Mihi quidem quod ad me attinet, abunde satisfecisti: quod si ego item aliis satisfacere potero, magnum ex hoc sermone fructû cepisse, & molestia maxima leuatû esse me existimabo.

F I N I S.

R E X S T O I C V S E X S E N E C A.

REX non facit opes,
Non vestis Tyria color,
Non frontis nota regia,
Non auro nitida trahes.
Rex est qui posuit metus,
Et diri mala pectoris:
Quem non ambitio impotens,
Et nunquam stabilis fauor
Vulgi præcipitis mouet.
Non quicquid solis occidit,
Aut unda Tagus aurea
Claro decubuit aluo,
Non quicquid Libycis seris
Feruens arena misibus.
Quem non concutiet cadens
Obliqui via fulminis,

Non Eurus rapiens mare:
Aut sauo rapidus freso
Ventosi tumor Adria.
Quem non lancea militis,
Non strictus domuit chalybs,
Qui tuto posuit loco
Infra se videt omnia,
Occurritque suo libens
Fato: nec queritur mori.
Reges conueniant licet,
Qui sparsos agitant Dacas,
Qui rubri vada littoris,
Et gemmis mare lucidum
Late sanguineum tenent:
Aut qui Caspia fortibus
Recludant iuga Sarmatis,

Certe Danubium licet,
Audet qui pedes ingredi,
Et quocunque loco iacent
Seres vllere nobiles.
Mens regnum bona possidet.
Nil vllis opus est equis,
Nil armis, Et inertibus
Telis qua præcul ingerit
Parthus cum simulat fugas:
Admotis nihil est opus
Vrbes sternere machinis
Longe saxa rotantibus.
Rex est qui metuit nihil:
Hoc regnum sibi quisque dat.

F I N I S.

IN G. BVCHANANI DIALOGVM

de iure regni apud Scotos, & rerum Scoticarum histo-
riam ab eodem conscriptam, Andreæ Meluini

EPIGRAMMA.

QVI Regi pia iura, & legum fræna Tyranno,
Lege & natura, & numinis imposuit,
Ut regerent iuste Reges, ut vincla Tyranni
Horrerent sæui, vel fera fata truces;
Nunc Reges miti ingenio, crudosque Tyrannos
Æterna pingit doctius in tabula,
Ut laude exornet Reges, ut labe Tyrannos
Adspergat late postera fama volans.
Quos æquo obstrinxit, nunc soluit legibus æui:
Et facit æternos, quos dedit ante neci.

EIVSDEM AD REGEM.

DVM tu, magne puer, patribus das iura vocatis,
Et populi pensas criminali lance pari;
Iura tibi, tuus ille Solon, tuus ille Lycurgus,
Quæ recti e puris fontibus hausta dedit,
Nobilium Regum exemplis obsignat auitis,
Hic, ubi quid fugias, quidue sequaris, habes.
Felix, si fugias fugienda, sequenda sequaris!
Felix cum populo tuque, patresque tuo.

EIVSDEM AD G. BVCHANANVM.

SI Regi placuisse est displicuisse Tyranno,
Cui, quicquid Regi displicet, vsque placet.
Nunc odijs sæuit tantum VIS EFFERA, quantum
Officio gestit Rex, Buchanane, tuo.

AD EVNDEM.

QVI in Latium Solymam, in patriam Latium omne tulisti,
Orbi infers patriæ resque ducesque tuæ.
Quo Solyma, ac Latio maior stat maximus orbis;
Hoc maior tu te es, se quoque nunc patria.

AD EVVDEM.

MVLTVM oro Phæbi numen, doctasque sorores,
Dent mihi, dem quæ te carmina digna tibi.
At Phæbus nequicquam audit, mutæque sorores:
Et concreta rigent mollia corda gelu.
Nil Phæbus sine te, sine te nil turba sororum:
Vnus tu des te carmina digna tibi.

IN G. BACHMANI DIALECTO

de integritate & rectitudine
nam ab eodem confectum, Antea

EPICURUS

Quod si quis

sciret, quid sit

in integritate & rectitudine

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

AD EPISTOLAM

De integritate & rectitudine

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

sciret, quid sit

INDEX EORVM QVAE HISCE XX. LIBRIS CONTINENTVR.

- A.**
A Breconum arx, 7.26.a
 Abredonia flu. salmonum piscatu nobilis, 6.42.a
 Abrenethea, & Abinca, 6.36.a
 Abrenethium, 5.19.b
 vetus Pictorum regia, 6.17.a.48.52.b
 Abria regio, 6.48.a. eius etymon, 6.1.b.41.1.a
 Abridica insula, 8.28.a
 Abthianus Magistratus nomen, 63.17.b
 Achaius Scotorum Rex, 48.6.a
 Achmarra insula, 8.46.a
 Acho, Rex Noruegiae, cum clx. nauib. ad Aeram applicat, 70.43.b
 Acmode insula, 7.40.a
 Adami insula, 9.37.b
 Adamus Huntlaeus a Morauio captus, 181.41.b
 Ado Viennensis corrigitur, 25.37.b
 Adrianus e Galliis in Britanniam transit, 33.9.a. eius vallum, ibid.14
 Adulatio adolescentium pestis, 108.1.b
 Aebuda insula, 7.36.a
 Aegidius Edimburgensiu tutelaris Deus 167.11.a
 Aelius Pertinax in Britannia, 34.43.a
 Aemodae insula, 7.36.a
 Aeneia, 6.31.a. Aeneia vnde nomen habeat, 50.40.a
 Aera, 5.5.a
 Aethiones Britannice loquutos esse, 15.50.
 ab Aetio Britanni auxilium petunt, 42.5.a
 Afulla insula, 9.50.b
 Agnes Ketha, Comitris Marialis filia Iacobi Morauio nubit, 179.35.a
 Agathys corpora pingebant, 16.44.a
 Agnorum insula, 9.37.b
 Aidanus Scotorum Rex, 45.8.b
 Ainia regio, 6.16.b
 Alanus Lornensis fratrem captium tenet, 121.19.b
 Albanactus Bruti filius, 13.29.a. ab hoc Albani dicti, ibid.
 Albinich Scoti vocantur, 3.49.b
 Albium insula, nomen Britanniae retinet, 1.28.a. eius etymon, 3.49.b
 Albus non modo coloris, sed altitudinis nomen esse, 4.12.a. inde deriuata multa, vt Albingaunum, Albul, Albici, Albis, & similia.
 Alexander I. Scotorum Rex, 64.34.b
 cur Acer cognominatus, ibid.51
 Alexander II, 69.45.a
 Alexander III. 70.43.a. ei Margarita Henrici filia desponsa, 70.3.b. moritur, 71.6.b
 Alexander Albinus, Iacobi III. frater, 121.11.b. captus ab Anglis postea dimissus, ibid.122. in arcem Edimburgensem raptus, post astu elapsus ad Anglum venit, 125.16.50.b. Anglum vt arma capiat sollicitat, 127.2.a.
 a suis reuocatus summa imperij ad eum defertur, ibid.40. Iacobum fratrem in liberam regni possessionem restituit, 127.10.b. moritur in Gallia, 128.52.a
 Alexander Alexandri Albini filius, 128.53.a
 Alexander Bodius Ioannem Kennedum vulnerat, 122.40.a. accusatus in ius venit, 123.12. ac capite luit, ibid.
 Alexander Brusius Balliolo sese dedit, 85.18.a
 Alexander Buchaniae Comes Roberti II. nothus, 91.37.a
 Alexandri Cambelli Dominici exitus memorabilis, 145.25.b
 Alexander Cunigamius caesus, 119.49.a
 Alexander Cunigamius religioni puio-ri additis subsidio venit, 168.33.b.
 captus, capientem capit, 217.19.a
 Alexander Elphinstoni in pugna caesus, 137.1.b
 Alexander Forbosi Græcinam Bodiam uxorem ducit, 131.29.b
 Alexander Forbosi ab Adamo Gordonio captus, 217.36.b
 Alexander, Glencarniae Comes, exilio multatur, 183.12.b. dux in exercitu regio, 198.47.a
 Alexander Gordonius Comitem Crawford superat, 115.45.a
 Alexander Humius suos, ex pugna ad Fluidonem, integros reducit, 137.43.a
 magna eius auctoritas, 138.38.a. al Heburno apud Proregem accusatur, 140.4.a. in Angliam secedit ibid.37. bona eius fisco adjudicata, 140.3.b. capite luit, ibid.46.
 Alexander Humius pro Iacobo VI. Rege puero, iurat, 195.52.b. Regij exercitus dux, 198.45.a. vulneratus, 198.21.a
 pollicitationibus ad Reginae partes deficit, 205.36.a. arx eius ab Anglis capta, & spoliata, 209.15.a. in rebellium comitiis princeps, 216.4.b. captus, ac suorum interuentu liberatus, 28.23.
 Alexander Haliburtonus, multis acceptis vulneribus moritur 172.34.a
 Alexander Leuistonius Regni administrationi praefectus, 107.29.a. Reginam in custodiam tradit, 108.26.b. Rex illi veluti e manibus ereptus, 109.4.a.
 Cancellariu sibi reconciliat, 109.40.a. ad ius vocatus in custodiam relegatus 111.53.b
 Alexander Guliel. Leuistonij filius captus, 211.47.b
 Alexander insulanus latronum manum colligit, 101.21.b.
 Alexander Lindseyus Alexandru Ogiluium vincit, 111.49.a
 Alexander Macrorius, latronum dux, supplicio affectus, 101.7.b
 Alexander Marriae Comes, Alexandri filius, 99.23.a. & 103.35.b
 Alexander Ramisus rei militaris gloria clarus, 88.41.b. cum necopinantem Douglassius sauciat, 89.38.a.
 Alexander Ramisæi in occupanda arce Britannod. alacritas, 211.17.b
 Alexander Stuartus Garlianus occisus, 217.16.a
 Alexander Setonius Beruicum mittitur, 85.38.a. desperatis subsidiis urbem Anglo dedit, 86.37.a
 Alexander Stuartus cum Noruegiae rege congregitur, 70.50.b
 Alfridus Northumbriae Rex, 47.26.a
 Alisa, 7.40.b
 Alpa, pro Alba, Sabina, 4.13.a
 Alpes vnde dictæ
 Alpinus Scotorum Rex, 48.23.b. caesus a Pictis, ibid.50
 Altriffiodorus vrbs Gallia, 20.51.a
 Ambekelethus Scotorum Rex 47.38.a
 Ambianensis Episcopus in Scotia, 174.44.a. crudelitas, 174.4.b
 Amicus amicū prodit, 98.49.b. ab amico illata iniuria graues, 93.17.a
 Amici paterni non negligendi, 30.44.a. & 32.12.a
 Amicitia principum longinquorum, quam propinquorum, tutior, 143.23.a
 Andreas Apostolus Scotorum tutelaris Deus, 63.24.b
 Andreas Berkelaius, prodicionis accusatus, capite luit, 80.25.
 Andreas cogn. Britannus a Thoma Haruarto caesus, 135.44.a
 Andreas Carus patris mortem vlciscitur, 135.20.a
 Andreas Formanus multis beneficiis ecclesiasticis cumulatus, 139.33.a. & 193.b. ab Heburno apud Proregem accusatus, 140.10.a. in custodiam datus, 143.31.b
 Andreas Morauius Busij sororis filius, Prorex 85.4.a. ab Anglis captus, 85.47. pecunia redemptus, 86.6.b. in fide constans, 87.37.b. moritur, 88.40.a
 Andreas Rothusiae Comes exilio multatus, 183.12.b
 Andreas Siluius classis Scoticae praefectus, 130.25.a. Anglos praelio nauali vincit, 130.17.b. & mox iterum, 131.14.a.
 Andreas Stuartus, Cancellarius, 123.26.a. eius in sententia dicenda libertas, 183.6.a. in pugna vulneratus, 198.21.b
 Angliam quatuor flumina diuidunt, 4.6.b.
 Angliae reges Pontificis beneficiarij, 69.14.b
 Anglus pacem cum Scoto affinitate confirmat, 125.41.b. pacta de nuptiis irrita facit, 127.1.b
 Angli quomodo dicantur toti Britanniae imperasse, 53.20.a. exercitus 60000. hominū, 81.49.a. Angli milites Gallis minus rapaces, 53.8.a. a Scoto auxilium aduersus Regem suum petunt, 116.46.b. Scotorum liberatores, 176.30.a. Scotis regis caedis vindictibus subsidio veniūt, 208.4.b. Regis & Proregis caedis confcios aggrediuntur, 209.a. Rebelles Reginam Elizabetham ac Scotorū Regem vna opera tollere cupiunt, 216.52.a
 Angusia, 6.31.a
 Angustianus Scotorum Rex, 36.43.b
 Annandia regio, ab Annando amne, 4.20.b.41.3.a
 Anne Momorancio Gufianoru potentia merito suspecta, 166.50.a
 Anselmus Normanus Cantuariæ Archiepiscopus, 64.16.a
 Antonius Darsius praefectus, occiditur, 141.48.a
 Apoccanitz, 3.34.b
 Apostasia a Deo punita, 46.18.b
 Arania insula, 7.45.b
 Arboraria insula, 8.28.a

INDEX.

- Arcibaldus Duglassius, 85.21. a. Prorex
creatur, 85. 36. b. ab Anglis cæsus,
86. 20. a
- Arcibaldi Duglassii Comitis cognom.
Austeri cum Georgio Dumbario ini-
micitiæ, 96. 42. b. obit, 97. 21. a. cui
succedit Arcibaldus filius, captus, ibid.
52. liberatus, 98. 10. a. iterum captus
et dimissus, ibid. 20. a. Delfino in
Gallia Dux Turonensis appellatus,
100. 13. a. cæsus, 100. 16. a
- Arcibaldi Duglassii potentia, 107. 26.
in loquendo libertas, 108. 25. a. eius ad
Proceres oratio, 126. 14. a. captus,
128. 2. a. Recte monenti Rex non pa-
ret, 126. 32. b. Iacobi 1111. viduam
uxorem ducit, 138. 39. a. ab Heburno
accusatur, 140. 1. a. Edinburgum oc-
cupat, 141. 16. b. in Galliam relegatus,
ibid. 53. in Scotiam per Angliam redit,
143. 36. b. ab uxore oppugnatur, 143.
47. b. Regis & regni cultus eligitur,
144. 2. a. ei aqua & igni interdictum,
146. 22. a. in Angliam exulatum abit,
146. 20. b. post 15. exilij annum in Sco-
tiam redit, 152. 24. a. ad sedandas con-
trouersias veniens, ab Hamiltonio re-
tinetur, 154. 41. a. factum memorabi-
le, 155. 21. b. Proregi suadet vt Car-
dinali relicto, cum proceribus Scotorum
sua consilia communicet, 156. 1. a.
Anglos superat, 156. 44. a
- Archiepiscopus Fani Andreæ & Abre-
donia in custodiam dati, 143. 32. b
- Arcturus Vterij filius ex adulterio, 43.
28. b. Brittonum Rex, 43. 44. b. Saxo-
nes vincit, 44. 17. a.
- Arcturo Henrici Angli filio, Hispania-
rum filia collocata, 133. 36. a. ibid. 52. b
- Arcturus Forbosius cæsus, 217. 18. b
- Ardan ridir, i. alta equitis insula, 8. 50. b
- Ardua insula, 8. 28. a
- Ardieicara insula, 8. 32. a
- Aremorici, seu Armorici, 3. 27. b
- Argadus Prorex, 33. 28. b. accusatus pec-
nam deprecatur, 33. 34. b
- Argathelia, 5. 41. b
- Arij corpora pingebant, 16. 44. a
- Arrogantia potentia comes, 123. 7. a
- Asclepiodotus Allectu interemit, 36. 45. a
- Askerma insula, 9. 28. a
- Assentatio opulentia comes, 113. 10. b
- Assentatorum aulicorum supplicium, 126. 30. b
- Astrologiarum prædictionum studiis
aulici addicti, 124. 19. b
- Asyla insula, 9. 23. b
- Athelstanus Anglus aduersus Pictos, 48.
40. a. Athelstani vadum, ibid. 51.
- Athelstanus Eduardi Angli nothus Da-
nos & Scotos bello superat, 52. 48. b
- Athirus Scotorum Rex, 34. 53. b
- Atholia regio fertilis, 6. 20. a. malicia-
rum mulierum ferax, 106. 4. b
- Attacottæ, 17. 5. a
- Auctoritas vt bonis artibus comparatur,
ita malis amittitur, 194. 32. a
- Auen & Auon quid significant, 20. 50. b
- Auennus, 5. 15. a
- Augustinus quidam, monachus, se totius
Britanniæ Archiepiscopus edit, 46. 16. a
in Aula vtile honesto plerumque præpo-
nitur, 98. 17. b. Aula pestis adulatores,
134. 39. a. Aula Gallicæ encomium,
178. 31. b
- Auona insula, & eius etymon, 8. 9. a
- Aurelius Ambrosius, 42. 30. b. eius ori-
go, ibid.
- Auus lacus, 5. 44. b. item flumen, ibid.
B.
- Badenacha regio, 6. 46. a
- Balenarum copia in Leogo, 10. 22. a
- Balta insula, 11. 22. b
- Bardi qui, 12. 52. a. 17. 37. a
- Barneraia insula, 9. 19. b
- Barodunum vnde dictum, 50. 45. a
- Baronia, 5. 12. a
- Barra insula, 9. 33. a
- Bas Alpin, locus vbi Alpinus cæsus, 48.
52. b
- Balsianus legatus in Britannis, 36. 41. a
- Balsineti, alias monachi pisces, vili, 51.
14. b
- Bataurorum classis Dantisco rediens ab
Alexandro Mariz Comite spoliata,
103. 45. b
- Beathia insula, 8. 46. a
- Beatrix, Iacobo Duglassio marito suo
relicto, a Rege veniam petit, 116. 48. a
- Ioanni Atholio, Regis fratri veterino,
collocatur, 116. 1. b
- Bei quid significet, 7. 14. a
- Belgio equites ab Anglo exciti, 81. 44. a
- Bellach insula, 8. 20. a
- Belli sacri prætextu Romanenses argen-
to simpliciore emungunt, 71. 38. a
- Belnahua insula, 8. 22. a
- Belus Orcadensium Rex sit i manus in-
fert, 31. 49. a
- Berg, Germani, pro alto, 4. 31. a. inde
Bergion gigantis, nomen, ibid.
- Bernera insula, 8. 32. a. 9. 29. a. parua &
magna, 9. 28. b
- Berthæ pars magna inundatione diruta,
69. 17. a
- Berton pro Breton, 2. 30. a
- Berubium Anglis redditum, 127. 51. a
- Betubium promontorium, 7. 11. a
- Bigga insula, 11. 18. b
- Bifetorum familia in Hibernia, 70. 30. a
- Blandium, potionis genus, 7. 5. b
- Blara, 6. 22. a
- Bodiorum contra Kennedos facio, 122. 22. a
- Bodotria, 29. 17. b
- Bogia, 40. 53. b
- Boina regio, 6. 16. b
- Bombardarum vsus in Scotia, 117. 51. a
- Bota insula, 7. 52. b
- Bracara, 14. 37. b
- Braid Albin, 5. 51. b
- Brafa insula, 11. 25. b
- Brecantia opidum, 19. 34. b
- Brendinus in acie cæsus, 45. 39. b
- Brettanica insula, 2. 7. a
- in Bria, Briga, & Brica desinentia vrbium
nomina, 19. 23. a
- Briennus lacus, 9. 52. b
- Brigantes & Brigiani, 19. 28. b
- Brigidana insula, 8. 46. a
- Brigida ædes incensa, 121. 41. b
- Britanniæ descriptio, i. a. & deinceps. quo
tempore a peregrinis gentibus occu-
pata, 21. 42. b
- Britannodunum, 5. 37. b. arcis situs, 210.
51. b.
- Britannorum origo fabulosa, 12. 37. a.
13. 15. a. origo ac insula descriptio ex
Cæsare aliisque veteribus, 24. 30. a.
- corpora pingebant, 16. 43. a. olim sexum
in imperiis non discernabant, 25. 51. a.
- a Romanis auxilium petunt, 39. 50. b.
- a Scotis & Pictis superati, 41. 20. b.
- Gemitus ad Aetium, 42. 5. a
- Britto gemino 17. 2. 24. a. 3. 47. a. de
Brittonum origine, 15. 7. b. quo armo-
rum genere vsi sint, ibid. 17. cccc. an-
nos sub Imp. R. fuerunt, 20. 52. b. post
a Saxonibus subiugati, 21. 5. a
- Brix diminutium Scotis Brixac, 18. 21. a
- Brudus Pictorum Rex, 45. 20. b
- Brudus Pictorum Rex, 48. 28. b
- Buchania, 6. 5. b. eius etymon, 40. 53. b
- Burgundus a Burgo, 19. 26. b
- Burra insula, 11. 37. a. 11. 27. b
- Buya parua & maior, inf. 9. 26. a. & ibi. 45
& 9. 29. b.
- C.
- Cæclia Eduardi filia, Iacobi Scoti filio
promissa, 125. 43. b
- Cæsar in commentarijs ex ingenio cor-
rigitur, 20. 36. b
- Calden, Scotis corilus, 17. 20. a
- Caledonia, opid. 6. 24. a. Caledones.
- Caledonia filia vnde, 17. 20. a
- Calenus Cambellus Regis & regni cu-
stos cum ducibus aliis eligitur, 144. 3. a
- aduersus Duglassios nullus, 146. 16. b
- Calfa insula, 8. 47. b
- Camelodunum, 5. 2. b
- Cames arx, 8. 5. a
- Canibrus Bruti filius, 13. 29. a. ab hoc
Cambri dicti, ibid.
- Canus Danus a Scotis cæsus, 59. 27. a
- Cana inf. 8. 46. a. Canna insula, 9. 5. a
- Cantera promontorium, 8. 8. a
- Cantiera, 5. 46. b. Cantium, 24. 2. b
- Capraria insula, 8. 28. a
- Caraia inf. 8. 12. a. Caralia opid. 6. 13. a
- Cararacus Scotorum Rex, 31. 41. b
- Cariæta, 4. 51. b. 7. 44. b
- Carolus Delfinus a Scotis auxilium pe-
tit, 99. 7. b
- Caroli Furgundi mors, 125. 37. a. hicty-
rannidis fundamenta iecit, 129. 3. b
- Caroli v. ad Scot. de affinitate iungenda
legati, 148. 36. a. mater cur perpetua,
custodia tradita, 212. 53. b
- Carolus Gufius Cardinalis, Regni Sco-
tia curator, 164. 25. a
- Carron flumen, 5. 21. a
- Carausius Romanus Britannias sibi oc-
cupat, 36. 40. a
- Carautij fratris scelere, Findochus Rex
occiditur, 35. 23. b
- Cassiuellauni, 24. 11. b
- Cathanesia regio, 7. 7. a. eius etymon,
40. 52. b
- Cellæ Scotis priscis templa dicuntur, 36.
9. b.
- Celestinus Pont. Rom. Palladii in Sco-
tiam mittit, 42. 45. a
- Celtiberi a Celtis, 15. 20. a
- Christiana religio in Scotiâ promouetur,
36. 4. b. 41. 5. a. 42. 43. a.
- Christi natalis prophatio, 44. 27. a
- Christiani fœdere iuncti aduersus Danos
52. 9. a
- Christiernus Danus cum tota stirpe re-
gno exactus, 212. 49. b
- Chualfa insula, 11. 15. b
- Cialinus a Scotis cæsus, 46. 3. a
- Cimbri Gallis & Germanis latroces
dicti, 23. 17. a
- Clacmanana præfectura, 6. 9. a
- Clarentia dux in Gallia a Scotis cæsus,
99. 45. b
- Claudianus flu. 4. 38. b
- Claudiani versus, a Iosepho Scaligero
emendatus, 22. 19. b
- Cnapdalia, 5. 41. b
- Cocburni saltus, 4. 23. b
- Cœnobium D. Columbi, 18. 12. b
- Coila, 4. 37. b. & 5. 3. a
- Coilus Brittonum Rex, 28. 39. b
- a Scotis cæsus, ibid. 46.
- Colca, genus auis, 30. 51. a
- Colla insula, 8. 46. b
- Colmanus episcopus, 46. 34. b.
- Coluanfa insula, 8. 51. a
- Columbaria insula, 18. 5. b. & D. Colubi
insula, ibid. 7. & 9. 38. b
- Columba

INDEX.

- Colroffiana praefectura, 6.9.a
Columba auctoritas, 45.8.b
Columba insula, 8.45.a
Comes stabuli, 99.52.b
Comes Rothusius in custodiam datus, 157.22.a
Commodus Imperator in Britannia, 34.43.a
Conanus pacem suadens, a Britannis seditione confusus, 41.4.b
Conarus Scotorum Rex, 33.34.a, particeps coniurationis in patrem, ibid. in custodia vitam finit, 33.48.b
Congallus I. Scotorum Rex, 42.50.b
Congallus II. Scotorum Rex, 45.41.a Sacerdotes ditat, ibid.
Congallus III. Scotorum Rex, 48.4.b
Conscientia sceleris animum quietum esse non finit, 57.33.a
Constantinus Chlorus 36.47.a. a Brittonibus dux electus, 38.36.a. Britanorum Rex, 41.42.b
Constantinus I. Scotorum Rex, 42.5.b
Constantinus II. Scotorum Rex, 51.23.a disciplinam publicam instaurat, ibid.
Constantinus III. 52.15.b. foedus cum Danis init. ibid. 19. magistratum eiecit, 53.3.a
Constantinus IIII. cogn. Caluus, 57.20.b
Constantiensis concilij decretum periuris opportunum, 152.46.b
Corbredus I. Scotorum Rex, 31.53.b
Corbredus II. cognomēto Galdus, 32.32.a primus signa cum Romanis contulit ibid. 41.
Corilus, 6.24.a
Cornauj, 7.17.a. Cornouallia. ibid. 20.
Cornuallia vnde deducta, 18.35.a
Coualia, 5.40.b
Cracouia opid. 11.19.a
Crafordia comes Duglassiorum partes sequitur, 114.51.a. a Rege in gratiam receptus, 115.50.b
Crathilinthus Scotorum Rex, 36.12.a
Crathilinthus auum trucidat, 56.5.b
Crea flu. 4.40.b
Crepitaculis equi terri, 91.13.a
Cressingamius a Scotis casus, 75.30.a
Crocus Gallus legatus Reginae nuptias cum Bothuelio improbat, 191.34.a
Crudeles crudelis manet exitus, 49.41.a
Crudelitatis exemplum, 97.40.b
Crulinga, 9.20.a
Culbrenina insula, 8.21.a
Culdei, monachorum genus, 36.10.b
Dei cultores, 53.3.a
Culenus Scotorum R. 54.29.a. incestus ibid. 10.b
Culrosia vnde dicta, 50.43.a
Cumbra insula maior & minor, 8.7.a
Cumbri, Cumri 22.39.b
Cuminiurum factio potens 70.44.a
Cunicularia insula, 8.28.a. 9.17.a
Sigrama appellata, 9.38.b
Cunigamia, 5.4.a. eius etymon, 50.47.a
Cunigamij ab Hamilt. superati, 155.26.a
Cupiditas infatibilis, 97.16.b
Cuprum opid. 6.16.a. ibid. 33.
D.
Dalkethum, 14.32.b
Dalreudini vnde appellati Scoti, 30.3.a
Dani Angliam ingrediuntur, 21.17.a. aduersus Scotos, 51.41.a. 53.46.a. 55.30.b. ad Loncartem vicum fusi, 56.24.a. astu victi, 61.24.a
Danix Rex cum legato Scotiae transigit de insulis circa Scotiam, 123.27.a
Dardanus Scotorum Rex, 32.6.a
Dauid I. Scotorum R. virtutibus insignis 65.15.a
Dauid I. Scot. Rex inuiguitur, 83.25.a. in Galliā puer adhuc mittitur, 85.2.a. reditus in Scotiā, 89.16.a. in praelio capitur, 89.37.b. pretio redemptus, 90.47.a
Dauid Cuminius Rei. Scotiae ab Anglo praeficitur, 86.51.b. in Brusij verba iurare cogitur, 87.36.a. bonam Anglorum fortunā sequitur, 87.15.b. pro rege ab Anglo in Scotia relinquitur, ibid. 32. casus ibid. 46.
Dauid, Roberti III. filius a Gubernatore patruo suo, in carcere inclusus, fame perit, 97.40.b
Dauid Betonius Cardinalis testamentarius, 151.33.b. Prorex eligitur, ac fraude detecta, honore deijcitur, 152.30.a. in custodia, ibidem, 44. ruinam ecclesiae Papanae imminuentem auertere conatur, 152.12.b. bolo, quem spe deuorat, se fraudatum dolet, 153.53.b. Leuinum inani spe laestat, 153.23.b. a Mōgomerio grauiter arguitur, 157.1.a. in Christianos saeuitia, 157.6.a. filia filio Crafordia comitis desponsat, 158.43.b. in sua arce necatur, 159.23.a
Dauid Duglassius cum Gulielmo fratre capite poenas luit, 110.48.a
Dauid Strato, crematus, 148.10.b
Dauid Hamiltonius Euangelij causam defendit, 157.20.b
Dauid Panitarius, Rossiensis episcopus, cornobio a Gallorum rege donatus, 163.48.b
Dauidis Rizij cātoris cum Maria Scot. familiaritas, 182.10.b. & deinceps vique ad 185.50.a
Dauid spensius occisus, 217.20.a
Deidonum, 6.33.a
Delatores ab Eucno instituti, 30.35.a
Dera, 8.16.a
Dessius copiarum Gallicarum in Scotia dux, 161.2.b. a Gallo reuocatus, 162.9.b
Deua flu. 4.8.b. 4.40.b. vulgo Dea, 6.40.a
Deucaledonium mare, 7.46.a
Dianae Oraculum a Monacho fictum, 13.27.b
pro Dicaledones, Duncaledones videri legendum apud Marcellinum, 17.25.a
Dionethus se Regem Brittonum edit, 40.30.a
Diploma regium cum ignominia per vicos tractum, 115.29.a
Domus magister, 128.9.b
Dona, 6.41.a. 6.6.b
Donachi sinus, 7.15.a
Donaldus I. Scotorum Rex, 34.35.a primus Christianos ritus recepit, ibid. 46
Donaldus II. Scotorum Rex, 35.32.b
Donaldus III. Insulanus, Scotorum Rex, 35.44.b
Donaldus IIII. siue Doneualdus Scotorum Rex, 46.6.b
Donaldus V. Kennethi frater Scotorum Rex, 50.24.b
Donaldus VI. Constantini II. fil. 52.49.a
Donaldus VII. Scotorum Rex, 60.15.b
Donaldus Banus se regem Aebudarum vocat, 47.50.b
Donaldus VIII. Banus, 64.38.a
Donaldus Balocus Alexandrum & Alanum Stuartos superat, 102.18.a. poenas luit, 102.3.b
Donaldus Aebudarum regulus, Rossiae comes cum Duglassio aduersus Regem, 116.39.a. ab vxore relictus, 116.2.b. de pace oratores mittit, 116.29.b. rege mortuo se regem insularū pronunciat, 121.31.b
Donal. Monrous laudatur, 7.44.a. 10.7.a
Donaldus arcis praefectus Duffam regem iugulat, 54.11.a. parricidij poenas luit, ibid. 52.
Dongallus Scotorum Rex, 48.7.b
Dongardus Scotorum Rex, 42.36.a
Dornadilla Scotorum Rex, 29.44.a
Drinacha insula, 18.33.a
Druidum sacerdotium, 17.13.a
Drum Albin, 5.53.b
Druskennus Pictorum Rex, 49.8.a. cum omni nobilitate casus, 49.3.b
Ducum nomina quando in Scotiam inuecta, ibid. 96.29.b
Duffa insula, ibid. 8.26.a
Duffus Scotorum Rex, 53.17.b. iugulatur, 54.11.a
Duglassius flu. 5.15.a. Duglassia, 41.3.a
Duglassij potentia intolerabilis, 110.50.b
112.51. & deinceps. eorum vires fractae, 145.47.b
Dumbarum, 4.31.b. vnde dictum, 50.46.a
Dumchoiel insula, 8.21.a
Dunanus Scotorum Rex, 64.5.b
Duncanus Marriae comes, Prorex, 84.21.a in praelio occisus, 84.27.b
Duncanus Stuart' praeconū dux, 96.31.a
Duncaledoniū pro Deucaledoniū legendum videri apud Ptolemaū, 17.24.a
Dunclades, 6.24.a
Dunedinum prius Scotis, Edimburgū recentioribus, 50.2.b
Dunotrum, 6.39.a
Duni Pacis, 5.23.a. 34.39.b
Dunis Bei, al. Duncans Bei, promontorium, 7.12.a
a D V N o incoantia vel desinentia locorum nomina, 19.14.b
Dunus flumen, 5.2.a
a D V R declinata locorum quorundam nomina, 20.32.a. Dureta ibid. 52.
Durstus Scotorum Rex, 30.44.a. voluntatibus deditus, ibid. nobilitatem, ad cenam vocatam, necopinantem occidit, ibid. 30.4.b
Durstus a Pictis Rex creatur, 38.1.b. in pugna casus, 40.31.a
E.
Ebriofa capitali supplicio multati, 11.32.a
Ecclesiae inf. 8.27.a
Ecclesiasticorum in reges imperium, 69.14.b. auaritia, ibid. 35. potentiam suam minui nolunt, 70.30.b. potentia regibus formidabilis, 71.22.a. regna administrant, 72.24.a. illis fructuum portio adimittitur, 179.19.a
Ecclesiae status miser, 124.20.a
de Ecclesiā Scoticarum libertate controuersia, 122.20.b
Ederus a nutrice seruatur, 31.8.a. Scotorum Rex creatur, 31.3.b
Edgarus in Angliam redit, 63.6.a. Scotorum Rex, 64.18.b
Edimburgum, 4.32.b. vnde dictum, 50.2.b. Edinum, 50.4.b
Edimburgenses Angli. exules & Hamilt. in urbem recipere nolunt, 208.17.a
Edmundus Anglorū Rex, Milcolumbum Cumbria & Vestmaria donat, 53.27.a
Eduardus I. Anglorū Rex, 71.53.a. Scotiam suae ditionis facere conatur, 71.42.a. bello superatos Scotos in fidem iurare cogit, 76.33.a. monumenta omnia aufert, 76.5.b. moritur, 77.50.b
Eduardus II. Angl. Eduardo Patri succedit, 77.50.b. a filio & vxore in carcerem coiectus, ibique mortuus, 81.5.a
Eduardus III. Anglorum Rex, pacem facit cum Scotis, 82.5.b. Falkholm in fidem recipit, 85.1.b. in Alexandri Setonij filios saeuitia, ibid. 46.

INDEX.

- Eduardus Eboracensis, se regem Angliæ
edixit, 118. 3. b
Eduardus III. Anglus, pacem init cum
Scotis, 125. 4. 1. b. decessit, 127. 43. b.
hic tyrannidis fundamenta iecit, 129.
3. b
Eduardi VI. Angl. Regis mors, 164. 45. a
Eduardus Brusius in Hibernia Rex ap-
pellatus, 79. 33. b
Eduardus Balliolus in æstuario Forthæ
cum numerosa classe, 84. 23. a. Scotos
in acie vincit, 84. 27. b. regnum init,
ibid. 31. in Angli verba iurat, 85. 1. b
Eduardi Angli fil. supposititijs, 131. 40. b
Educatio aulica qualis, 176. 29. b. 178.
31. b
Egfridus Northumbriæ Rex, 47. 11. a
a Pictis concisus, ibid.
Egga insula, 9. 5. a
Eggha insula, 11. 32. a
Eidalsa insula, 8. 25. a
Elbeulj Marchio cum Regina in Scotia,
176. 50.
Eligna opidum, 6. 31. b
Elizabetha Angliæ Regina Scotis Reli-
gionis veræ vindicibus auxilia mittit,
172. 42. b. ad Mariæ Scot. legatos gra-
uissima responsio, 177. eius ad Pro-
regem de conuentu publico differendo
literæ, 199. 2. a. item alteræ quæ Pro-
regis victoriæ cursum interrumpunt,
199. 30. a. ex Prorege causas expulsa
Reginæ ob eadem mariti cognoscit,
200. 1. b. literas ad Scotiæ proceres
mittit de Regina recipienda, 204. 20. a
Hauarti in eam coniuratio detecta,
204. 49. b. exules Anglos a Scotis sibi
tradi petiit, 206. 51. b
Ennerlutha opidum, 6. 20. b
Ennerlutha, & Ennernessa emporia duo,
31. 51. a
Eora insula, 8. 29. b
Episcopatus sex in Scotia, 63. 44. b. ad
sex priores quatuor alij adiecti, ac pro-
uentibus annuis ditati, 65. 32. a
Episcopi apud Scotos præfatos quales, 50.
14. b. pollicitationibus corrupti, ius-
iurandum violant, 65. 20. b
Episcopus Cathanellæ oculis & lingua
priuatus, 68. 51. b. alter crematus, 70.
6. a
Episcopo Caledoniorum duce Angli in
Fortha caesi, 79. 48.
Episcopi Caledoniorum laus, 142. 1. a
Episcopi Dulnensis copiar, 94. 38. b
Episcopus Meneuensis ab Anglo ad Sco-
tum missus, 148. 23. b
Episcopus Orcadum gratiam aulicam
veritati præfert, 191. 27. a
Equorum insula, 9. 3. a. 9. 5. b
Era insula, 8. 5. b. 9. 38. b
Ergahelia, potius, quã Argathelia, 5. 41. b
Erica lectis consiciendis comoda, 7. 13. b
Ericæ insula, 8. 28. a
Eriscia insula, 9. 46. a
Esca flu. 4. 14. b. inde Esca regio ibid. 41
3. a. Esca Australis, 6. 37. a. Septen-
trionalis, ibid.
Etfinus Scotorum Rex, 47. 12. b
Ethelfridus Northumbriæ Rex, avarus,
45. 25. b
Ethodius I. Scotorum Rex, 93. 51. b. a fi-
dicine noctu in cubiculo occisus, 34.
20. a.
Ethodius, 11. 34. 43.
Ethus Scotorum Rex, 51. 12. b
Eu insula, 9. 46. b
Eubonia insula, 7. 35. b
Euenus I. Scotorum Rex, 30. 18. b
Euenus II. Scotorum Rex, 31. 30. a
Euenus III. Scotorum Rex, 31. 17. b.
obscenitate insignis, ibid.
Eugenius seu Euenus Scotorum Rex, 37
25. a. a Romanis caesus, ibid. 2. b
Eugenius II. Rex Scotorum, 40. 50.
Eugenius III. Congallifrater, Scotorum
Rex, 45. 30. a
Eugenius III. Aidani frater, Scotorum
Rex, 46. 30. a
Eugenius V. Scotorum Rex, 47. 11. a
Eugenius VI. ibid. 25.
Eugenius VII. ibid. 47. Regum res gestas
memoriæ mandari curat.
Eugenius VIII. 47. 22. b. in cœtu pro-
cerum interfectus, ibid. 31.
Euia regio ab Euo flu. 4. 19. b. 41. 3. a
Euifia insula, 9. 19. b
Euonia arx, 6. 22. b
Excommunicatio iniusta, excommuni-
catum non mouet, 80. 52. a
Exilium scrupute tolerabilius, 38. 50. a

F
Fabilla insula, 9. 37. b
Falangama insula, 8. 38. a
Fames feroces spiritus frangit, 41. 19. a
Fanum Andreæ, quod & Reguli, 6. 15. a
50. 14. b
Fara insula, 11. 38. a. 11. 1. b
Farsiorum familia fere extincta, 156. 7. 6
Fenella iussu Kennethus occisus, 57. 15. b
Feraia insula, 9. 46. a
Ferchardus I. Scotorum Rex, 46. 48. a.
malitiose factiones inter nobiles alit,
ibid. mortem ipse sibi consciscit. 46.
3. b
Ferchardus II. Scotorum Rex nefarie
uxorem iugulat, filiabus abutitur. 46.
29. b
Feredethus Pictorum Rex 48. 23. b
Ferelaia insula, 9. 20. b
Fergusius Scotorum Rex primus, 28. 17.
b. moritur, ibid. 50.
Fergusius I. puer adhuc cum parentib.
in Scandiam nauigio fugit, 39. 20. a
Rex creatur, 39. 7. b. in pugna caesus, 40
31. a. laus ibid. iure secundum Regni Sco-
torum conditorem posse appellari, 40
35. a
Fergusius III. Rex, 47. 15. b. moritur ve-
neno ab uxore dato, ibid. 37.
Feritaris Scotorum Rex, 29. 11. a.
Ferlegus Fergusij filius, 29. 1. aduersus pa-
truum conspirat, ibid. 15.
Fethelmachus Scotorum Rex, 37. 6. a
Fides hominum erga sceleratos fluxa,
31. 17. a. & 31. 26. b. 35. 8. a. militibus
sacrofancta 94. 29. b. hæretico, vt aiunt,
non seruanda, 169. 19. a
a Fidicine Ethodius Rex occiditur, 34.
20. a. item alterius fidicinis opera Fe-
thelmachus, 37. 16. a
Fifa regio, a Fiso dicta, 50. 44. a
Fincormachus Scotorum Rex, 36. 53. a
Findochus Scotorum Rex, 35. 47. a
Finelaus Episcopus malorum consilio-
rum auctor, 101. 23. a
Finis lacus, a Fino fluuij, dictus, 5. 42. b
Finnannus Scotorum Rex, 30. 37. a
Fiola insula, 8. 21. a
Fisci procuratores legem iniquissimam
defendunt, 33. 26. a
Fisci commoda incommoda, 45. 20. a
115. 51. a. 104. 9. a.
Flada insula, 7. 52. b. 8. 31. a. 9. 25. a.
e Fladria omnis generis opifices in Sco-
tiam vocati, 103. 46. a
Flara insula, 11. 38. a
Flauanæ insulae, 9. 23. b
Fœciales contra ius interfecti, 67. 5. b
Fordunum, 6. 38. a
Forestia, 6. 32. a
Fortha, 4. 21. b
Fortunæ inconstantis exemplum, 112. 3. a
134. 6. a
Fotlara insula, 11. 23. b
Franciscus Gallorum R. Angli opera ex
Hispanorum manibus, in libertatem
restitutus, 148. 28. a. Leuinium in Sco-
tiam mittit, 153. 30. a. a Leuinio alie-
natus, 154. 14. b. Mongomeriū in Sco-
tiam mittit, 156. 38. b
Franciscus II. Gallus Labrossiū in Sco-
tiam mittit, 170. 40. b. nuptiæ cum
Maria Scota 166. 7. b. in Gufianorum
manib. 175. 2. b. mors, ibid. 28.
Franciscus Gufiæ dux, Regni Scotiæ cu-
rator, 164. 25. a. Papanæ factionis dux
decretus, 176. 48. a. 181. 41. a
Franciscanorum mendicantium opu-
lentia, 168. 3. b
Fratres mendicantes Curionum merce-
narij, 103. 53. b. dogmata, 103. 17. a
manducantes, 168. 11. b
Fudaia insula, 9. 46. a

G
Glitera Gallis familiaris loco V. 18. 40. a
Gald, Gael, Galle, 18. 23. b
Galdus, Corbredi cognomentum, 32.
34. a
Galeatius Sfortia a patruo interemptus,
201. 33. b
Galfidus Monumetensis rerum Britan-
nicarum scriptor, 337. a
Galliar facies misera, 175. b
Gallus Scotis Reginæ factionis auxilia
promittit, 208. 21. b. & deinceps. Sco-
tis rebellibus auxilium promittit, 216.
30. a. qua spe hoc fecerit, ibid. 36. &
218. 27. a
Gallorum origo, 14. 36. a. a Massiliensib.
græcis characteres literarum accepe-
runt, 12. 26. a. Gallos longe lateque
fines suos propagasse, & de eorum in-
stitutis quadam, 15. 9. a. & 16. 45. b.
Gallis cum Scotis amicitia quando
primum inita, 48. 21. a. Scotis suppet-
tias ferunt, 92. 43. a. eorum petitio
iniqua, 92. 39. b. milites subsidiarij
in Scotia a solita rapacitate tempe-
rare non possunt, 93. 8. a. ex eorum
amicitia quid fructus Scotis redeat,
95. 11. b. a Scotis auxilium petunt,
99. 7. b. fœdus renouant, 101. 47. a.
quantum possunt largitionibus Sco-
torum cum Anglis fœdus impediunt,
143. 8. a. Vercam arcem oppugnant,
143. 51. a. Galli milites Edimburgi
præfectum ingressu prohibentem, cum
filio & ciuib. aliquot occidunt, 162.
38. a. vetus secum fœdus renouari,
nouum cum Anglis solui volunt, 176.
22. a. eorum cum Britannis commu-
nio, 18. 32. b. cum Scotis fœdus anti-
quum, 74. 3. a. renouatum, 80. 39. b.
superbia contumeliosa Scotorum ani-
mos a studio Gallicæ factionis auer-
tit, 173. 6. a. consilia de tyrannide
stabilienda, 174. 46. a
Gallica nauis cum munitionib. rebellib.
missa, a Regijs capitur, 216. 24
Gallicam linguam a Britannica olim
non multo fuisse diuersam, 17. 51. a
Gallouid priscis Scotis Gallum signifi-
cat, 4. 50. b
Gallouidia, 4. 37. b. quando ita appellata,
40. 50. b
Galo Cardinalis, legatus Rom. Pont.
in Anglia, 69. 14. b. Scotis sacris inter-
dicat.
Gal-

I N D E X.

- Galuinus Duglassius Fani Andreae Archiepiscopus appellatus, 138. 48. a. in custodiam comiectus, 180. 6. a. mors, 216. 7. a.
- Garnardus Pictorum Rex, 47. 46. a
- Garua insula tres, 8. 11. a.
- Garbellan insula, 9. 28. b.
- Garulanga ibi, 9. 45. a.
- Gathelus princeps Scotiae gentis conditor a quibusdam fingitur, 14. 9. b.
- Geldri Anglis subsidio veniunt, 87. 9. b.
- Geloni corpora pingebant, 16. 50. a.
- Genistaria insula, 8. 20. a.
- Georgius Buchananus, sopitis custodibus per cubiculi fenestram euadit, 149. 39. b.
- legatus cum aliis in Angliam missus, 199. 3. b.
- Georgius Comitiss Duglassiae frater, Ormundiae Comes creatus, 112. 1. b. copis aduersus Anglum praeficitur, ibid. 48. hostis denunciatus, 115. 8. b. capite luit, 116. 33. a.
- Georgius Duglassius Angustiae Comes, 116. 20. b. facinus memorabile, 119. 1. a.
- Reginae matri aduersatur, 119. 17. a. vox indigna, 144. 43. b.
- Georgius Duglassius Proregis frater nativum minimus, 197. 44. a. Regnam e Custodia liberat, 197. 13. b.
- Georgius Dumbarius, Marciae Comes, Dauidi, Roberti Regis filio, filia respondit, 96. 41. b. Hostis denunciatus, 97. 7. a. Duglassium in pugna capit, ibi. 52. placato Gubernatore in Scotiam redit, 98. 38. b. suo se patrimonio spoliari a Rege queritur, 104. 16. a.
- Georgius Gordonius cum exercitu aduersus Anglum missus, 150. 13. b. Regis in eum odium, ibid. 39. accusatus, ac multatus, 164. 19. b. ad res turbandas intentus, 176. 44. b. conspirationis in Morauum conficius, 181. 6. b. perditionis damnatur, 182. 14. a. a Regina prior dignitati relinquitur, 182. 31. b. e principibus factionis Reginae, 194. 31. b.
- Georgius Lessius, Rothusiae Comes, legatus in Galliam missus, 166. 33. a. ibiq; veneno, ut fama est, extinctus, 166. 23. b.
- Georgij Ruueni mors, 217. 14. a.
- Georgius Sephocardius Euangelij concionator, 157. 4. b. Cardinali mortem praenunciat, dein igne crematur, 158. 14. b.
- Germanorum fabulosa origo, 14. 29. a. & 36. in origine suae gentis scribenda ingemii, 12. 44. a.
- Germanica classis ad Hiberniae latus appellit, 28. 34. a.
- Gerloch insula, 9. 24. a.
- Gerlochus sinus, 5. 39. b.
- Gerfa insula, 11. 53. a.
- Geruico, 7. 18. a.
- Gessoriaci, 3. 15. b.
- Getini, & Getae, 15. 44. a.
- Getae corpora pingebant, 16. 51. a.
- Gethus Pictorum Rex, 29. 30. b.
- Geurastilla insula, 8. 20. a.
- Gigaia insula, 8. 12. a. 9. 46. a.
- Gilbertus Kennedus Iacobi Duglassij iussu interemptus, 145. 27. a. vir magni animi, 145. 15. a. in seruanda fide, constantia, 152. 49. b.
- Gilbertus Kennedus Cassiliffae Comes legatus in Galliam missus, 166. 33. a. ibique decedit non sine suspitione veneni, 166. 33. b.
- Gilbertus Filius cum index in Bothuelij causa legetur, sese excusat, 190. 17. a.
- Gilbertus Kennedus Proregi fratrem obsidem dat, 210. 22. b.
- Gildas, cccc. annos post Tacitum, 12. 42. a. 43. 17. a.
- Gilchristius uxorem, Regis sororem, adulterij compertam, occidit, 68. 12. b. in gratiam redit, ibid. 31.
- Gilespitus Cambellus auctor instaurandae religionis, 168. 37. b. minacibus Literis a Rege reuocatur, 169. 24. a.
- Gilespitus Argathelae comes exilio multatus, 183. 12. b. leuitas, 193. 44. scelerum Reginae conficius, 197. 25. a.
- Reginae exercitui praefectus, 198. 36. a. se Regi subditu profiteri recusat, 202. 50. a. a Prorege in gratiam recipitur, 202. 3. b. auctoritas magna, 207. 24. b. ab obsidione arcis re infecta, 209. 38. a.
- Gillus nothus, Scotorum Rex, 30. 51. b. in Hiberniam fugit, 31. 19. a.
- Gillinsa insula, 9. 26. b.
- Glasca, 4. 36. b.
- Glassa insula, 8. 49. b.
- Glotta flu. 4. 33. b.
- Glottia, 41. 2. a. Glottiana, 4. 26. b. 5. 13. a.
- Gomatra insula, 81. 33. b.
- Goranus Scotorum Rex, 43. 39. a. suorum fraude extinctus, 41. 18. a.
- Gorca, 6. 30. a.
- Gorlois nefarie ab Vterio interimitur, 43. 32. b.
- Gorropius notatur, 5. 26. b.
- Gothunnos, qui & Gothini, 15. 43. a.
- Gramus Eugenio tutor datus, 40. 43. a.
- Doctores Christianorum institutorum in Scotiam reuocat, 41. 9. a.
- Graio summum imperium commissum aduersus Gallos in Scotia, 173. 46. b.
- Grampius mons, 5. 32. b.
- Gratianus Britanniae imperium inuadit, 38. 37. a.
- Grauisa insula, 11. 45. a.
- Gregorius Scotorum Rex, ac res eius praelare gestat, 51. 26. b.
- Gressa insula, 8. 32. a.
- Gruanus flu. 4. 52. b.
- Gria insula, 9. 20. b.
- Grisinus in palatio caesus, 45. 39. b.
- Grimus Scotorum Rex, 58. 26. a.
- Gruinorta insula, 9. 47. b.
- Guidi, 9. 45. a. 34. 19. b.
- Gulielmus Scotorum Rex, 67. 46. b. ab Anglis captus, 68. 36. a. ad suos redit, ibid. 46.
- Gulielmus Crichtonius Cancellarius, a Regina, erepto rege filio, deceptus, 107. 20. b. Regem in silua prehensum ad suos ducit, 109. 6. a. ad ius vocatus venire non audent, 115. a. obsessus Regi sese dedit, ac pristinae dignitati restituitur, 111. 12. b. & 114. 29. a. obit, 116. 15. b.
- Gulielmi Crichtonij caedes, 162. 40. b.
- Gulielmus Duglassius in Eduardi verba iurare recusat, 74. 15. b. Alexandrum Ramisacum inhumaniter tractat, 89. 38. a. ab Arcibaldi filio interfectus, 89. 53. b.
- Gulielmus Duglassius, Arcibaldi Gallovidianus fil. 93. 24. a. ei quamuis notho Rex Aegidiam filiam collocat, 93. 32. a. Dantis per sicarios occiditur, 95. 31. b.
- Gulielmus Duglassius, Arcibaldo patri succedit, 108. 52. a. ab adulatoribus corruptus, 108. 1. b. Edimburghi a Cancellario pellectus perna capite luit, 110. 45. a.
- Gulielmus Duglassius Iacobi Crassii fil. patri filiam ducit, 110. 6. b. obsequio regem suum facit, ac eo modo patruclium mortem vlciscitur, ibid. 34.
- Romam proficiscitur, 113. 14. b. absens accusatus, procurator eius, causa cadit, ibid. 36. reuersus Prorex declaratur, 114. 17. tandem a Rege confossus, 115. 44. a.
- Gulielmus Duglassius vt Morauij fratris mors vindicetur petit, 107. 6. a.
- Gulielmus Drurius, eques Anglus, clari rebellibus fauet, 209. 44. a.
- Gulielmus Episcopus Dumblandensis in Galliam missus vt Regiam excuset de praecipitatis nuptijs, 191. 48. a.
- Gulielmus Gramus Regis custodiam praeficitur, 111. 6. b.
- Gulielmus Humius capite luit, 140. 46. b.
- Gulielmus Kethus ab Anglis captus, 166. 31. b.
- Gulielmus Kircadius Grangianus classi aduersus Bothuelium praefectus, 136. 39. b. dolo Matellanum captiuum e manibus Alex. Humij in arcem ducit, 205. 16. a. ad partes Hamiltoniorum pertractus, 208. 15. a. captiuos Reginae factionis principes dimittit, 208. 43. a. machinas aeneas Prorege dare recusat, 210. 4. a.
- Gulielmus Leuistonius in Galliam cum Regina proficiscitur, 161. 27. b.
- Gulielmus Malmesburienfis Britannicarum rerum scriptor, 3. 37. a.
- Gulielmus Matellanus in Angliam auxilij petendi causa missus, 172. 44. a. se a Gallis subducit, 174. 14. b. summo ingenio adolescens, 179. Reginae rebus fauet, 197. 1. a. factiosus, 199. 49. a. 199. 44. b. perfidia, 200. 4. a. captus, 205. 7. a. dimittitur, 206. 40. nouatum rerum studiosus, 207. 27. b.
- Gulielmus Morauus Tilibardinus Prorege iratus, 197. 14. a.
- Gulielmus Silius supplicio affectus, 80. 40. a.
- Guliel. Stedarus Cancellarius, 113. 48. b.
- Gulielmus Seueffus Archidiaconus Astrologiae studiis nobilis, 124. 15. b. Episcopatum obtinet, ibid. 50.
- Gulielmus Stuartus Abredoniae Episcopus, legatus in Galliam missus, 148. 17. b.
- Gulielmus Taichiae Comes, dux in exercitu regio, 198. 47. a.
- Gulielmus Vallas a tumultuaria urbe Prorex appellatur, 74. 46. b. Crescingamitum vincit, 75. 30. a. patriae deuotus, 75. 30. b. & 76. 44. a. a familiaribus suis proditus, Eduardi iussu lanatus, 77. 10. a.
- Gunna insula, 8. 46. b.
- Gustaforum in nuptijs Mariae cum Delfino accelerandis studium, 166. 46. a. potestaria nimia suspecta, ibid. Scotos peculiare suae familiae Regnum destinant, 174. 17. Iacobum Morauum e medio tollere conantur, 180. 48. a.
- Habreia parua & magna, ins. 9. 30. b.
- Hadina, vulgo Hadimona, 102. 40. 31. b.
- Haereticos fides non seruanda, 169. 19. a.
- Haja insula, 9. 46. a.
- Haius cum duobus filiis pro patria pugnat, 108. 52. a.
- Haiorum nomen prope deletum, 84. 45. b.
- Hakerfeta insula, 9. 45. a.
- Hamiltoniorum familiae origo, 80. 43.
- Hamiltonius partes Duglassiorum relinquit, 116. 24. a.
- Hamiltonij Regiam e custodia liberare volunt, 197. 18. a. in pugna victi & quidam capti, 198. a. b. conuersioni in Morauum subscribunt, 204. 16. b. arce eorum capta, 209. 48. a. Pastetum nuntius occupant, 210. 15. b.

INDEX

- Kebercurnig, 7.15.a
 Kedualia Brittonum Rex, 46.12.b
 Keligita insula, 9.19.b
 Keluinus amnis, 5.31.b
 Kemnos flu., 4.40.b
 Kennethus I. Scotorum Rex, 46.27.a
 Kennethus II. Scotorum Rex, 49.2.a.
 Pictis bello superat, ibid. 37. tertium
 regni Scotici conditorem posse appel-
 lari, 50.20.a
 Kennethus III. 55.10.a. Milcolumbum
 veneno tollendum curat, 56.36.b.
 leges nouas de regni successione fan-
 cit, 57.3.a. 120.1.a
 Kennethus Pictorum Rex, 48.31.b
 Kentigenus, 42.47.a
 Kerniburga maior & minor, 8.36.b
 Kernici, 7.19.a. Kernicoualli, ibid.
 Kinnatellus Scotorum Rex, 45.52.a
 Kinrossia, 50.44.a
 Kinrossiana praefectura, 6.9.a
 Kintera, 7.44.b
 Kircua opid., 1169.a
 Kirta insula, 9.29.b
 L.
 Labrosius Scotorum Nobilitatem extin-
 guendam censet, 174.1.b
 Laia flu., 8.37.a
 Lamba insula, 9.28.b
 Lamota legatus Regis Galliae in Scotia,
 135.23.b. Scotos ad bellum aduersus
 Anglos incitat.
 Lamyrii montes, 4.22.b
 Lanarcum, 4.36.b
 Laodices Reginae crudelitas, 201.27.b
 Largitionum immodicarum comesino-
 pia, 59.25.b
 Latrocinia nobilium punita, 54.1.a. 55.
 20.b. 144.12.a. 146.36.b
 Latronum effractorum inter se certame,
 96.1.b
 Lauderia a Laudero opido, 4.21.b
 Laurentius Trina Balliolum in Scotiam
 vocat persuadet, 84.50.a
 Laxa insula, 9.38.b
 Lecti ex erica concinnati, 7.15.b
 Legatus Romanus supposititius, 117.10.a
 Lelandus citatur, 18.10.b
 Lenitas nimia contemptum parit, 113.
 38.b. 114.33.b. 116.40.b
 Leogus insula, 9.37. & 53. b. in ea multa
 balena capiuntur, 10.22.a
 Leon Strozius Gallicarum tremitum praefectus,
 in Scotiam venit vltimus Car-
 dinalis mortem, 159.28.b
 Letha flu., 4.30.b
 Leuinia, 5.31.b. a Leuinio amine dicta,
 ibid. 36. & 6.14.a. 11.2.a
 Lex de regni successione apud Scotos, 29.
 5.a. alia noua, 57.3. confirmata, 58.25.b
 an vtilis, 60.20.a. Lex perniciofa, qua
 damnatorum bona fisco addicuntur,
 nullam in partem liberis & vxoribus
 admittit, 33.36.a. ad furta compescen-
 da, 83.35. b. de ponderibus ac mensu-
 ris, 162.12. b. de agrorum iure non
 satis aequa, 134.23. a. quae sacerdotia
 venire vetat, fraude elusa, 146.37. a
 Leges in Scotia praeter conuentum de-
 creta paucae, 147.12.b
 Legum venaticarum auctor, 29.49.a. &
 34.10.a
 Lidalla regio a Lidalo flu., 4.19.b. 41.3.a
 Limnuchus, 4.32.b
 Linga insula, 9.29.a. & 20.b. 11.18.b. ibi. 22.
 Lingaia insula, 9.46.a
 Lindilla insula, 9.28.a
 Lismora insula, 8.29.a
 Lochabria, 6.3.b
 Locrinus Bruti filius, 13.29.a
 Loegria, 13.32.
 Lollius Urbicus in Britannia, 33.45.a
 Lominius lacus, 5.33.b
 Longaia insula, 8.21.a
 Longus finus, a Longo flu., 5.40.b
 Lorna regio, 5.50.b
 Lothiana, a Lotho Pictorum rege, 4.22.
 b. 5.16.a. 50.47.a
 Lothus Rex Pictorum, 43.47.a. Regno
 Britannico filios suos fraudari coque-
 ritur, 43.44.b
 Loxia flu., 6.31.b
 Lubrus lacus, 6.46.b
 Luctacus Scotorum Rex flagitiosissi-
 mus, 32.39.b
 Luddus Prudaniae nomine Britanniam
 significari asseuerat 1.1.b. confutatur,
 ibid. & 21.44.a. 22.39.b
 Ludouicos XI. Margarita R. Scotiae filia
 desponsa, 101.49.a. Tyrannidis fun-
 damenta iacit, 123.35. b
 Luinga insula, 8.22.a
 Lundonium, postea Augusta, 26.53.a
 Lunga insula, 8.41.b
 Luparia, siue Loporū insula, 8.22. & 50.
 Lusitania, vnde, a quibusdam, deriue-
 tur, 14.19. b
 Lussus flu., 4.40. b
 Lutea flu., 6.18. b
 in Lutheranos quaestio exercita, 147.17.
 b. 148.7.b. 149.38.b. 157.8.a. 167.a.
 M.
 Macalpinanae leges, 50.35.a
 Macbethus Scotorum R., 61.26. b
 Macdonaldi crudele facinus, 102.40.a
 supplicium, ibid.
 Macduffo Milcolumbus tria priuilegia
 concedit, 62.37. b
 Magister equitum, qui & Stabuli comes
 99.52.b
 Magna insula, 8.32.a. item, 8.46. & 8.51.b
 Magnus Noruegus a Scotis pacem pe-
 tit, 71.9. a
 in MAGVS vrbium nomina definitia,
 20.5. b.
 Maiatta, 17.5. a
 Mainus Fergusij filius, 29.1. Scotorum
 Rex ibid. 37.
 Malduinus Scotorum R. 46.44. b. ab vxore
 strangulatus, 47.8. a
 Mana insula, 7.35. b. Manim, 7.36. b
 Marcellinus citatus, 17.14. a. corrigitur,
 ibid. 24.
 Marchetas mulierum Scoti quid vo-
 cent, 64.8.a
 D. Margaritae portus, 113.1.a
 Margarita, Regina Angliae, Eduardum
 maritum armorum vi liberat, 118.38.
 a. in Scotiam profugit, 118.2. b. inde
 in Galliam.
 Margarita Eduardi III. Angli foror, Ca-
 roli Burgundi vxor, res in Anglia
 turbare conatur, 131.41.b
 Margarita Hérica VI. filia Iacobo III. I.
 nubit, 133.51. b. eo mortuo, Arcibaldo
 Duglafsio, 138.39. a. cum Anglo sce-
 dus inire conatur, 142.39. alieno a
 marito animo, 143.47. b. sibi ab illo
 timet, 145.40.a
 Mariae Iacobi I. vxoris animus fortis,
 117.3. b.
 Maria Gufiana, Longouillani ducis vi-
 dua, Iacobo v. nubit, 149.35. b. Pro-
 regem de gradu paulatim depellit, 163.
 20. b. imperij insignia suscipit, 164.1.
 b. tributa noua excogitat, 165.13. a.
 comitatem pristinam in arrogantiam
 mutat, 168.2. a. purioris Religionis
 cultores persequitur, ibid. perfida, 169.
 12. a. cum Religionis vindicib. indu-
 clas init, 170.40. a. Regni administra-
 tio per facilem ei abrogatur, 171.2.b.
 in arce Edimburgensi decessit, 174.7.a.
 ingenium & mores, ibid.
 Mariae Scotiae Reginae natalis, 151.8. a.
 eam Henricus filio vxorem petit, 152.
 40. a. in Galliam missa, 161.26. b.
 Delfino nubit, 167.49. b. Maria Anglia
 mortua se pro haerede gerit, 167.49. b.
 mortuo marito reditu in Scotiam pa-
 rat, 176.34. a. astuta eius ad astutum
 Cardinalem responsio, ibid. 50. tyrannidis
 fundamenta iacit, 178.35. b. 184.
 20. a. cu Dauid Rizio parum decora
 familiaritas, 182.10. b. & deinceps.
 Henrico Stuarto nubit, 183.2.b. in Da-
 uidis percussores animaduertit, 185.
 40. edictum ridiculum, 186.3.a. Iaco-
 bus VI. nascitur, ibid. quoquo modo a
 marito liberari vult, 187.26.a. quaestio
 iocularis de paricidis habetur, 189.1.b
 Bothuelio nubit, 191.32. a. Bothuici
 cum illo obsidetur, 193.16. b. sese dedit,
 194.30. b. cadis Regiae literis mani-
 festo comperta, 195.24. eius liberandae
 principes, 197.1.a. e custodia elapsa,
 197.13. b. exercitu eius fuso in Angliam
 cogit, 198.40. b. per Balsurum res
 domi turbare conatur, 200.24. a. cadis
 regiae conuicta, 200.5. b. Regiam Ang-
 liae accusat, 202.12. a. Iacobum Ha-
 miltonium in patrem adoptat, 202.
 36. a. cum Hauarto secreto de matri-
 monio tractat, 204.10.a. cum Bothue-
 lio diuortium facere cupit, 204.34. a.
 machinationum Pontificis aduersus
 Elisabeth conscia, 209.28.b
 Maria, regio, 6.45. a. vnde dicta, 50.50.a
 Martha, Carictae Comes, & Robertus
 Bruffius matrimonio copulantur 71.53.b
 Martialis Comitis iactantia, 95.44.
 Martigius Comes in Scotiam venit, 173.
 11.a. 174.43. a.
 Matris in liberos, regnandi causa, crude-
 litas, 201.37. b
 Mattheus Stuartus, Leuiniae Comes,
 Margaritam Hamiltoniam vxorem
 ducit, 131.29. b. e Gallia in Scotiam re-
 dit, 153.13. a. se fraude Cardinalis cir-
 cumuentum dolet, 153.41. b. in An-
 gliam profectus a Rege honorifice
 suscipitur, 155.41.a. in Scotiam redit,
 161.21. a. remisso exilio patriae resti-
 tutus, 181.30. a. ab Elizabetha R. re-
 uocatur, 183.27. Interrex & mox Pro-
 rex creatur, 209.40. b. Rebelles ag-
 greditur, 210. a. liberalitas, 211.48.b
 vt de Archiepiscopo fani Andreae sup-
 plicium sumatur, curat, 212.11. a. ca-
 ptus ac mox liberatus, 217.20. a. ex
 vulnere obijt, 217.
 Maximianus legionis Praefectus, 40.18.a
 Maximus legatus in Britannia, 37.36.a
 Scotos vincit, ibid. a. b. purpuram sumit
 38.34. a.
 Meda insula, 11.25. b.
 Megala insula, 9.29.a
 Medici cur in summo honore apud Sco-
 tos, 30.29.a
 Melissus Gramus scernia a Rege spolia-
 tus, 104.5. b
 Mensurarum correctio, 102.10. b
 Mercatores quaestus causa nauigare ve-
 tantur, 71.35. b
 Mercatoris insula, 8.48.a
 Mercenaria fides cum fortuna mutatur,
 203.13. a.
 Merlinus vates seu impostor, quo tem-
 pore vixerit, 43.17. a
 Mernia vnde nomen habeat, 50.41. a
 Merno.

INDEX.

Mernoka inf. 8. 5. a. Mertaika inf. 9. 51. b.
 Metellanus Scotorum Rex, 31. 34. b.
 Mevania insula, 7. 35. b.
 Milcolumbus I. Scotorum Rex, 53. 25. a.
 Milcolumbus II. 58. 28. b.
 Milcolumbus III. 63. 21. b.
 Milcolumbus IIII. 66. 23. b.
 Milcolumbus Flaminius cum Duglassius
 supplicio affectus, 110. 48. a.
 Milites mercenarii ad stabiliendam tyran-
 nidem idonei, 165. 19. a. 184. 21. a.
 Modredus Lothi filius Pictorum copiis
 praefectus, 44. 2. a.
 Moenania insula, 7. 36. b.
 Mogaldus Scotorum Rex, 31. 50. b. ini-
 quissimam legem tulit, 33. 26. a.
 Molochasgir, insula, 8. 33. a.
 Monafallo a quibusdam pro Mana insu-
 la, 7. 35. b. 24. 48. a.
 Monachus Ioannē Anglū veneno necat,
 69. 21. b. item alter Thomam Randol-
 fum, 83. 52. b. in fabula fingenda impu-
 dentia, 13. 27. b. luxus, 41. 51. b. 65. 40. a.
 eorum cenobia decreto procerum de-
 moluntur, 176. 32. a.
 Monachi pisces sine mali praefagio non
 vili, 51. 14. b.
 Monadum insula, 8. 40. b.
 Mongomerius in Scotiā venit, 156. 38. b.
 Monstrum in Scotia natum 131. 32. a.
 Moravia, 6. 27. b. fecunda regio, ibid. 29.
 Moravienſes, ingenio inquieto, 67. 3. b.
 Mordacus Scotorum R. 47. 6. b.
 Mordacus Fife comes, Roberti fil. captus,
 97. 49. a. in Scotiam reuerſus, 99. 42.
 Patri in gubernatione succedit, 100. 3. a.
 Iacobū R. ab Anglis repetendū curat,
 100. 5. b. in custodias inclusus, 101. 14. a.
 supplicio affectus, ibid. 37.
 Moremarusa, 3. 25. b.
 Morini, 3. 15. b. More, vetere Gallorum
 lingua, mare significat, ibid. 21.
 Mors vita misera potior, 37. 18. b.
 Mossa, 8. 41. b.
 Mulierum insula, 8. 27. b.
 Mulieris animus virilis, 85. 49. b. 88. 21.
 2. 118. 3. 2. b.
 an Mulieribus cura publica mandanda,
 119. 24. b.
 Mulla inf. 8. 52. a. Mulmoris inf. 8. 45. a.
 Murus memorabilis ad Vallum Seueri a
 Romanis extructus, 40. 13. b.
 Musa inf. 11. 26. b. Musadilla inf. 8. 32. a.
 N.
 Naguisfoga inf. 8. 24. a. Naosiga inf. 8. 46. a.
 Narnia, 40. 53. b.
 Nathalocus Scotorum Rex, 35. 19. a. pri-
 mus regnum ambitiose petisse dici-
 tur, ibid.
 Naues eximiae magnitudinis ab Anglo
 edificatae, 134. 13. a.
 Nauerniaprovincia, a Nauerno flu. dicta,
 6. 39. b. 41. 1. a.
 Nautas offendere nauigantibus pericu-
 losum, 88. 16. a.
 Nectamus, Pictorum Rex, 36. 45. b.
 Nefa insula, 8. 49. a.
 Nessus opid. 6. 31. b. & flu. & lacus, cuius
 aqua semper fere tepida.
 Ninianus, 42. 47. a.
 Nithia a Nitho amne, 4. 25. b. 41. 3. a.
 Nobilium (quos vocant) in plebem ty-
 rannis coercetur, 53. 18. b. & 55. 20. b.
 Nobiliū in laco, III. conspiratio, 128. 48. b.
 Nomina noua regionibus ambitio im-
 ponit, 50. 38. a.
 Nonantum promontorium, 4. 45. b.
 Normāni Saxones in Britannia superant,
 21. 21. a.
 Normanus Leslius, Comit. Rothusiz fil.

Cardinalē vulnerib. conficit, 159. 24. a.
 Northūbria in duo regna diuisa, 46. 16. b.
 Nostrada insula, 11. 25. b.
 Northatus Scot. Rex, 29. 52. a. obtruncatur,
 29. 13. b.
 Nouiomagi nomine vrbes complures,
 20. 10. b.

O.

Occa superatur a tribus regibus, 44. 44. a.
 Occidentales insulae, 7. 32. a.
 Ocelli montes, 6. 7. a.
 ex Ocio scelera, 71. 22. b. 103. 1. b.
 Ocioforum insula, 8. 28. a.
 Oraculum a monacho fictum, 13. 27. b.
 Oranſa insula, 9. 17. a. & ibid. 26.
 Oratio Kennedi Archiepiscopi, de cura
 publica reginis matribus non man-
 danda, 139. 24. b.
 Orbanſa insula, 9. 45. a.
 Orcas promontorium, 7. 10. a.
 Orcades insulae, 7. 32. a. 24. 31. b. descri-
 ptio, 10. 4. b. de numero interſcriptores
 non conuenit, 11. 10. a.
 Orna insula, 11. 18. b.
 Oruanſa insula, 8. 50. a.
 Ofellij gloriae cupiditas, 166. 2. a. pacis &
 belli artibus eruditus, 174. 34. a.
 Ofwaldus Rex doctrinam Christianam
 promouet, 46. 21. b.
 Ofirna insula, 8. 45. b.
 Oues ferae carnis loco aruinam habentes,
 9. 25. b.
 Ouerſa insula, 8. 47. a.
 Ouia insula, 9. 27. a. & 45. a.
 Oucularis & Ouilia, inf. 8. 31. a. Oucul-
 laria, ibid. 46.
 Oxonia, pro Oxonfordia, 3. 12. a.

P.

Paba insula, latrocinij infamis, 9. 17. a.
 Pabaia insula, 9. 19. b. & ibid. 29.
 Pacis duni, 34. 59. b.
 Palladius a Celestino Romano Pontifice
 in Scotiam missus, 42. 45. a.
 Papa parua & maior, inf. 11. 26. b.
 Parricidia inulta non finit Deus, 54. 51. a.
 57. 36. a.
 Parsimonia sanitatis mater, 10. 23. b.
 Patricius Thorintonius Ioan. Sandelan-
 diū & Alanū Stuartū occidit, 116. 10. b.
 Patricius Gramus per Canonic. electus
 Episc. 122. 15. b. Primas Scotiae a Pon-
 tifice creatus, 124. 7. b. ei sacris inter-
 dicitur, ac tandem episcopatu eierare
 cogitur, ibid. 39.
 Patricius Graius in custodiam datus, 157.
 22. a.
 Patricius Blacaterus Duglassianis cedit,
 144. 24. a. a Ioanne Humio ex infi-
 diis interemptus, ibid. 31.
 Patricius Hamiltonius coniuratione sa-
 cerdotum oppressus, 145. 21. b.
 Patricij Ruueni magnanimitas, 168. 24. a.
 Patricius Ruuenius Morauium de con-
 iuratione certiore facit, 182. 48. b.
 Davidē Ruziū ad necē trahit, 185. 50. a.
 Patricius Lindesius, dux in exercitu Re-
 gio 198. 46. a. cum Prorege in Angliā
 proficiscitur, 199. 53. Lethae praefectus.
 Paulus Orosius corrigitur, 25. 57. b.
 Paulus Terminus in Scotiam subsidio a
 Gallo missus, 162. 10. b.
 Paulus Mefanius verbi Dei conciona-
 tor, 167. 7. a.
 Pax inter Anglos & Scotos affinitate
 confirmata, 125. 41. b. & 148. 9. a.
 152. 40. a. inter Gallos & Anglos inita,
 162. 34. b. inter Religionis vindices &
 Scotorum Reges, 175. 34. a.
 Ex Pace ocium, ex Ocio voluptates, &c.
 33. 21. a. 41. 50. b. 103. 1. b.

Peachri, 16. 37. a.
 Percius senior in Regē Angl. conspirat,
 98. 3. 1. b. ab amico proditus, ibid. 49.
 Perthum, 6. 29. a. extructum, 69. 22. a.
 Petrus Varbecus, impostor insignis, 131.
 40. b. ex Anglia in Scotiam nauigat,
 132. 27. a. ei Catharina Comitiss. Hū-
 tilei filia nubit, 132. 28. b. laqueo vi-
 tam finit, 133. 16. b.
 Petrus Hialus Regum Hispaniarum le-
 gatus in Anglia, 133. 34. a.
 Petrus Maufactus latro, supplicio affe-
 ctus, 119. 28. b.
 Picti num. a Saxonib. oriūdi, 10. 10. b. vnde
 dicti, 16. 14. a. oraculo praedicta Scotis
 delendos esse, 38. 49. a. de Scotis victi,
 49. 40. a. victi Scotos victores vincunt,
 50. 46. b. Pictlandici montes, 4. 30. b.
 Platycerotes Damas falso appellari, 179.
 35. b.
 Plinij locus corrigitur, 4. 33. a.
 Pollacae, pisces, 5. 35. b.
 Polygamia lex lata ab Eucno 31. 18. b.
 Pomona Orcadum maxima, 11. 15. a.
 Ponderum correctio, 101. 10. b.
 Populi ardor facile restinguitur, 193. 48. b.
 Potentiam arrogantia sequitur, 168. 3. a.
 Pontificis Rom. emissarii in Britannia,
 4. 16. a. in eum ius regni Angl. trans-
 latum, 69. 14. b. legati Scotis, sacris
 interdiciunt, 80. 52. a. eius permissu
 inungitur David II. Scot. R. 83. 6. b.
 corporis poenam homicidis non posse
 remittere, 83. 35. b. Scotiae Regi deci-
 mas in tres annos donat, 90. 50. a. ma-
 trimonia illicita confirmat, 115. 16. b.
 assecrati eius furor, 145. 30. b. in eius
 gratiam Scotos quaestionem in Luth-
 ranos exercet, 147. 17. b. Mariam Sco-
 tam ad Iacobi Morauij eadem literis
 sollicitat, 180. 5. b.
 Porcaria insula, 8. 51. a. 9. 3. a.
 Portugallia vnde quidam deducant, 14.
 35. b.
 Possessionum iura belli vicissitudines
 confundunt, 80. 23. a.
 Praeda ab hostibus recuperata, dominis
 agnoscantibus reddita, 31. 11. b. magni
 mali causa, 52. 47. b. praedatori noxia,
 226. 53. b. 217.
 Princeps, Regis filius natu maximus, ap-
 pellatur, 57. 20. a. 130. 24. a.
 a Principibus fidem promissorum, anxie
 non exigendam, 169. 20. a.
 Priuilegio veteri Scoti ad causam dicen-
 dā extra regnū non euocatur, 70. 38. b.
 Procerum Scotiae ad Angliam apologia
 summa, 212. 51. a. b.
 Prodigia, 54. 30. a.
 Prudania, 1. 51. a. Pryrancia, ibid.
 in Ptolemaeo pro Deucalcedonium forte
 Dunaledonium legendum, 17. 24. a.
 Pugna inter Scotos & Anglos, ad Ban-
 nocū, memorabilis, 78. 30. b. item ad
 Otterburnū, 94. 40. a. item ad Harlaū
 vicum memorabilis, 99. 24. a. cruentis-
 sima, 118. 53. a. item ad Fluidonem,
 137. a. Scotis calamitosa, 160. 31. b. ad
 Lansidum inter Reg. libertatis vindi-
 ces & Reginam, 198. 2. b.
 Pygmaeorum insula, 9. 30. b.

Q.

Quaestio iocularis de Regis morte aucto-
 ribus, 189. 1. b. & deinceps.
 Quindecimviratus in Scotia, 147. 15. b.
 R.
 Raarsa insula, 9. 21. a.
 Raclinda insula, 8. 11. a.
 Ranassa australis insula, 11. 31. a.
 Ransa insula, 83. 4. a.

INDEX

- Ratram flu. salmones non ingreditur, 6. 2. b.
- Rebellū, mortuo Morauio Prorege, coitiones variæ, 106. b. & deinceps. legatos ad Anglam, sed frustra, mittit, qui inducias precarentur, 20. 8. 7. b. Gallos & Hispanos sollicitant, vt. sibi auxilia mittant, 210. 50. a.
- Regia insula, 8. 26. a.
- Reginæ collocandæ ius penes ordines cur esse debeat, 79. 24. b. & 183. 14. a.
- a Regina matre regi nolunt Scoti, 109. 21. a.
- Regnandi cupiditas multorum patriciorum causa, 201. 27. b.
- de Regni successione apud Scot. lex, 20. 5. a. 21. 2. b. ei administratio, rege puero, cui potissimū committenda, 201. 22. a.
- Religionis causa in Scotia arma sumuntur, 168. b. Religionis sinceræ vindictes cum Regente inducias ineunt, 170. 40. a. illi Regni administrationem per fœcilem abrogant, 171. 2. b. auxilium ab Elizabetha Angl. petunt, 272. 44. a. literæ ad Regentem, 173. 37. a. pax promulgata, 175. 34. a. Elizabethæ per legatos gratias agunt, 175. 30. a.
- Religionis puræ vindictes in Gallia a Gullianis pene oppressi, 175. 5. b.
- Religionē instauratā se seruatiuros Proceres pro Rege puero spondēt, 195. 5. b.
- Renfroana, 5. 11. a. Renigonius, 4. 46. b.
- Reringa insula, 8. 27. b.
- Res secundæ hominum animos occæcant, aduersæ erudiunt, 52. 35. b.
- Reutherus Scotorum Rex, 29. 16. b. Beda verò Reuda, 30. 2. a.
- Reutha Scotorum Rex, 30. 9. a.
- Rex nobiles vlcisci cupiens, eos inter se committere conatur, 128. 25. b.
- Regi, inconsultis ordinibus, nihil, quod totius regni statū attinet, agere licere, 67. 42. a. b. 74. 8. a. præsentia in bello ad quid valeat, 98. 12. a. eius vxor ne Regina vocetur cautum, 120. 26. a. penes eum solum, in Scotia, non esse pacem vel inducias facere, 95. 9. b.
- Reges Scot. olim regiones omnes ad ius dicendum obibant, 30. 32. b. legibus inferiores, 212. 45. b. eorum patrimonio publico angustiori, qua arte subueniendum, 33. 14. b. de Regum hæreditaria successione lex lata, 57. 3. a. ac confirmata, 58. 25. b. an utilis, 60. 20. a. Regū adolescentiū amicitia lubrica, 124. 7. a. Regum auctoritas nonnunquam euanesceat, 194. 32. a. in Regios mores prauos subditi plerūq. degenerant, 32. 42. b.
- Rianus lacus, 4. 47. b.
- Ricardus Ang. in Scotos ira accensus ob peregrinū accessitum, 92. 51. a. maximis copiis Scotiam ingressus, 92. 4. b.
- Ricardus 11. Anglorum R. coactus se regno abdicare, 96. 39. b. quidam in Scotia pro eo se venditat, 99. 12. a.
- Ricardus Eboracensis Regulus Eduardum Anglum captiuum Londinū abducit, 118. 34. a. a Regina casus, ibid. filius eius se Regem edit, 118. 3. b.
- Ricardus, duobus Eduardi fratris filijs in custodiam coniectis, se Regem edicit, 127. 43. b. Hic tyrannidem immānisime exercuit, 129. 4. b.
- Ricardus Foxius, Dunelmi episcopus, summa prudentia vir, 133. 25. a.
- Ricardus Graftonius notatur, 74. 43. a.
- Richemondia Comes a Scotis captus, 80. 24. b.
- Rinarda insula, 8. 46. a.
- Ringrauius a Gallo in Scotiam missus, 161. 1. b.
- Roberti Brussij genealogia, 72. 50. a. magnanimū ad Regem Angliæ responsum, 72. 27. b. illi Regnum pollicetur Anglus, 74. 29. a.
- Robertus, Roberti Brussij fil. cum Ioāne Cuminiō aduersus Angl. conspirat, 76. 23. b. Rex coronatur, 77. 23. a. Eduardū 11. prælio superat, 78. 30. b. Nobilium in eum conspiratio, 80. 33. a.
- Robertus 11. Scotorū Rex, 90. 33. b. Elizabetham Moram ducit, 91. 30. a. natura quietus, 92. 4. b. moritur, 95. 17. b.
- Robertus 111. qui antea Ioannes appellabatur, patri succedit, 96. 20. a. inedia & moerore, propter filiū captū, extinctus, 98. 21. b.
- Robertus Bodius Iacobū Stuartum occidit, 111. 23. b. Regis custodiæ præficiuntur, 121. 7. b. Prorex creatur, 121. 45. b. in Angliā fugit, 123. 10. b. ibiq. decedit.
- Robert. Bodius a libertatis vindictibus ad Reginam se confert, 197. 24. b.
- Robertus Cocheranus, ex architecto aulicus factus, 125. 53. a. a Duglasio prebentus, ac custodiæ mandatus, 125. 22. b.
- Robertus Cunigamius c. Leuinij familia Bothuelio sese opponit, 190. 11. a.
- Robertus Duglasius vt Morauij fratris mors vindicetur petit, 207. 6. a.
- Robertus Fiza com. 93. 7. b. Gubernator appellatur, 95. 41. a. Dauidē R. fil. fame mori cogit, 97. 40. b. moritur, 100. 1. a.
- Robertus Gramus Iacobo Regi infensissimus, 104. 9. b. in eum cōspirat, 105. 47. b. supplicio afficitur, 106. 15. b.
- Robertus Maxuallius, 150. 40. b. ad sedandas controuersias veniens ab Hamiltonio retinetur, 154. 40. a.
- Robertus, Roberti Maxuallij filius, ab Anglis captus, 157. 4. a.
- Robertus Orcadū comes Regis custodiæ præficiuntur, 121. 7. b.
- Robertus Petcamius ad Anglam missus, 210. 18. b. 204. 48. b.
- Robertus Reidus legatus in Gall. missus, 148. 17. b. & 166. 36. a. veneno interemptus, ibid. 23. b.
- Robertus Stuartus Brussij nepos ex filia, 81. 15. a. a Balliolo captus, in Angli verba iurat, 84. 47. b. ad necē cōquiruntur, 86. 11. b. Prorex creatus, 87. 30. a.
- Rob. Semplius Crichtoniū occidit, 162. 40. b. dux in exercitu Regio, 198. 46. a.
- Rob. Taichia com. Rob. 11. notus, 91. 37. a.
- Rodolfus Perci capt' ac dimissus, 95. 15. a.
- Rodolf. Rokelbi' amicū prodit, 98. 49. b.
- Rodolfus Sadlerius controuersias Scotorum audit, 199. 16. b.
- Roffia, pro Raufchestria, 3. 12. a.
- Romachus Scotorum Rex, 36. 33. b.
- Romanenses legati argenti emunctores, 71. 38. a. mentarij, 124. 38. b. Iudeorū mimi, 113. 14. b. legatus suppositi, 117. 10. a.
- Romanorum in Brit. memorabile opus, Rona insula, 9. 22. a. 10. 29. a. (40. 11. b.)
- Rosa alba Eboracensis factionis insigne, Rosaia arx, 8. 4. a. (132. 15. a.)
- Rossia & eius etymon, 6. 41. b. 11. b. 40. b.
- Rottia insula, 112. 6. b. (52. b. 50. 42. a.)
- Rotunda insula, 8. 40. a.
- Rubius caudidicus, 174. 40. a.
- Rubrum promontorium, 6. 36. a.
- Rudana inf. 8. 27. b. Ruma inf. 8. 33. b.
- Rusa insula, 11. 51. a.
- Rustici militum licentiæ expositi, 93. 13. a.
- Sabrina flu. 4. 8. b.
- Sacerdotum insula, 9. 49. b.
- Sacerdotes luxu corrupti a Constantino ad officium reducuntur, 51. 29. a. ipsa Nobilitate opibus superiores, 71. 25. a.
- e nobillum calamitate fructum percipiunt, 137. 34. a. 138. 43. a. Regibus non subiecti, 102. 27. b. impostores, 147. 38. a.
- ad Dei regnū euerendū intenti, 150. a.
- Sacerdotiorum inundationes, 124. 45. a. 125. 7. a. 146. 37. a. Sacerdotiorum diuisio inimicitiarum causa, 144. 16. a.
- Sacrificulus seditionis auctor, 91. 23. b.
- alterius auaritia & crudelitas, 112. 3. a.
- alius Ioannam Reginam prodit, 111. 26. b. testamentarius, 151. 35.
- Sacra insula, 9. 23. b.
- Sacro sanctum asylum, insula, 8. 32. a.
- Saga parua, & magna, inf. 9. 19. b.
- Saliare carmen ab Horatio non intellectum, 13. 33. b.
- Salmonum piscatu Abredonia nobilis, 6. 42. a.
- Sandferri inf. 11. 18. b. Sandera inf. 9. 30. a.
- Sanguine septem dies pluuisse per totam Britanniam, 47. 34. a.
- Satracl Scotorum Rex, 34. 36. b.
- Saturnalia vetera renata, 44. 23. a.
- Saxi insula, 8. 31. a.
- Saxones Brittonū nobilitatem dolo trucidant, 21. 8. a. iidem a Normannis superantur, ibid. 22. crudeles in bello, & in cōmercijs parum fidi, 42. 12. b. 43. 51. a. pugna cum trib. regib. 44. 40. a.
- Scalpa insula, 9. 18. a. 9. 39. b.
- Scandiani, Noruegi, 51. 12. a.
- Scarba insula, 8. 17. a.
- Scarpa veruecum, 9. 29. a. 9. 31. b.
- Scaruaia, insula, 9. 19. b.
- Schola publicæ aperta, 99. 32. a. a Iacob. 1. ordinata, 102. 33. b. ad Fanum Andree, magnis sumptib. edificata.
- Sclata insula, 8. 23. a. (122. 4. b.)
- Scommma elegans in Bothueliū, 189. 28. b.
- Scorpiones, qui & arcubalistæ, 92. 46. a.
- Scotia doctos monachos habuit, 48. 26. nobilitate prope exhausta, 151. 25. b. quando primum a fœmina gubernata, 164. 1. b. eius status miser, 107. 31. Nobilitas chirurgiæ addita, 138. 8. a. regnum liberum, 175. 46. b. proceres Mariae Reginæ matri per fœcilem regni administrationē abrogant, 171. 2. b.
- Scotus per legatos de Gallorum fide cōqueritur, 147. 50. b.
- Scoti Ierni, & Scoti Albini, 16. 10. a.
- Scoti armis a Maximo legato superati, et patria pulsi, 37. 1. b. cum Gallis amicitiam quando primū inierint, 48. 21. a. ob victoriam securi, a Pictis vincuntur, 50. 46. b. cum maxime Anglis coniuncti, 68. 49. b. dedicationem regni, quam Balliolus Anglo fecerat, reuocant, 74. 13. a. in Angli fidem iurare coguntur, 76. 53. a. diris Pontificijs feriuntur, 80. 52. a. occisi supra x. milia, 86. 20. a. Scoti milites Gallis minus rapaces, 93. 8. a. vires corū attrita, 97. 50. a. Nobiles in Scotia caesi, 100. 25. a.
- Scoti Anglorū, & vicissim Angli Scot. rebus aduersis infidiātur, 128. 34. a. 132. 15. b. ad Fluidonem caesi, 137. a. & iterū, 160. 31. b. ad irā propensiores, 170. 50. a. libertatis vindictes ab Anglis auxilium petunt, 172. 44. a. Elizabethæ gratias agunt, 175. 50. a.
- Scotobrigantes in Claudiano legēdum, pro Scutabrigantes, 22. 16. b.
- Scyphus D. Magni, 10. 35. b.
- Securitas in duce periculosa, 50. 46. b.
- Seditiones perniciose, 41. 1. b. 91. 23. b.
- Secle inf. 8. 22. a. Seneciones qui, 12. 6. b.
- Seueri Imp. vallum, 34. 2. a. 5. 50. a. 7. 24. a. 25. 32. b. 27. 14. a. 34. 25. b. aduersus Britannos expeditio, 34. 49. a. Seuna parua & magna, 8. 23. a. 9. 10. b.

INDEX.

- Scuta insula, 9.39.b. Seruanus, 42.47.a
 Seruitute exilium leuius, 38.50.a
 Serum lactis Britannis potio, 7.4.b
 Siapins, 11.49.a
 Sigrania magna, & parua, inf. 9.29.b
 Silua, insula, 8.33.a. Silures pop. 18.8.b
 Siuna insula, 8.31.a
 Skenia, 8.25.a. 8.27.b. Skenia inf. 11.22.b
 Skia insula, 9.7.a. Skianacha, ibid. 14.
 Slegana insula, 9.21.b
 Soa, 8.25.b. 9.18.b. Soabietilla inf. 9.6.a.
 Sodora opidum, 7.37.b
 Solana, marini anseres, 7.43.b. 9.6.a
 Solanum somniferum, 61.25.a
 Soluathius Scotorum Rex, 47.46.b
 Soluauus flu. 4.14.b
 Sorbonici in Scotiam missi, 170.43.b
 Spelunca in qua aqua distillans in lapidum pyramidas vertitur, 16.9.b
 Speta, 4.1.1.a. Speta flu. 6.17.b
 Stabuli comes, qui magister equitum, 99.12.b
 Stacbadis inf. 8.47.a. Stafa, 8.35.b
 Stammoria vnde dicta, 63.51.a
 Stephanodunum, 6.23.b
 Stephanus Bononiae maritimae Comes, Angliae regnum occupat, 65.12.b
 Sterlinensis ager, 5.18.a
 Sterlina moneta argentea, 51.10.a
 Stinsarius flu. 4.52.b. Stranaucernia, 6.39.
 Strat, & Strathierna, 6.4.a. (b.52.)
 Strategema, 45.1.a. 52.4.5.b
 Stroma insula, 9.18.b. 11.27.a
 Stuartus, magistratus nomen, 63.13.b
 Stupra insula non manent, 97.36.b
 Sueno Angliae regnum adeptus, 21.20.a
 Sueno Danus in Scotiam venit, 58.34.b
 Suffragiorum vis imminuta, 52.28.b.
 157.32.a
 Suilkeria insula, 10.45.a
 Sumeredus Argatheliae Thanus in spem regni erectus, 66.27.b
 Suna insula, 11.38.a
 Supplicia exquisita spectantes effrant, Sutherlandia, 7.1.a. (106.30.b)
 Symphoniaci poenis compressi, 83.44.b
 T.
 Tai fluminis inundatio, 69.17.a
 Taichia, 5.12.b. vnde dicta, 6.6.a
 Tamesis flu. 4.8.b. Tanasta inf. 18.49.a
 Taodunum, 6.34.a. Taranfa inf. 9.21.b
 Tarnedum promontorium, 7.10.a
 Tarfcheria insula, 8.46.a
 Taurinum caput olim apud Scotos caedis tessera, 110.46.a
 Taus fluuiorum cotiae maximus, 6.18.a
 Templum Claudij caesaris, 5.8.b. (41.3.a)
 Termini teplo, 34.30.b. Tenuoria, 4.17.b
 Texa inf. 8.46.a. Textoris inf. 8.50.a
 Thanatos inf. 26.6.a. Thani. Praef. 9.16.b
 Thereus Scotorum R. ad Brittones confugit, 30.17.a
 Thiana insula, 8.25.a
 Thomae Elioti sententia, refutata, 1.50.b
 Thomae Berkethi ambitio, 71.30.a
 Thomas Bodius Iacobi III. sororem ducit 122.53.b. Burgundo operam nauat, 123.35.b. Antuerpiae diem obit, 124.9.a
 Thomas Carus Angliam foedat, 206.37.b
 Thomas Duchtius impostor, 147.38.a
 Thomas Hauartus clasis Anglica praefectus, 135.39.a. dux in pugna ad Fluidonem, 137.5.a in Scotiam immisus, 142.50.a. de matrimonio cum Maria Scot. agit, 199.10.b. civile bellum aduersus Reginam Anglam meditatur, 200.9.a. 203.47.b. 204. conspiratio detecta, 204.49.b
 Thomas Randolfus Regis tutor designatus, 79.25.b. & 82.30. in Anglia cum exercitu, 80.10.a. & 81.38.a. Prorex in caedis auctores inexorabilis, 83.32.a
 Thomas Randolfus legatus Angli. in Scot. exules Anglos deposcit, 206.52.b
 Thomas Suffexia Comes ab Elizabetha cum copiis in Scot. missus, 208.5.b in rebellium factionem pronior, 210.12.b
 Thomas Volsaus Cardinalis ambitiosus, 143.10.a
 Thyle, 24.32.b. Tina flu. 4.29.b
 Turci inf. 8.42.b. Tora inf. 9.39.b
 Traiani dictum, 212.42.b
 Traicet inf. 8.31.a. Triaracha inf. 8.27.a
 Tributorum impositio periculo, 110.49.b eorum coactores partem auertunt, 101.3.a. tributum exactum, restitutum, 105.21.b. belli causa, 133.1.a. coactores occisi, ibid. 11. excogitatum, non pensum, 165.53.a
 Troiani genere Graeci, 14.21.a. ab illis multi se oriundos fingunt, 14.39.a
 Trondra insula, 11.27.b
 Tueda flu. 4.12.6. Tuedia, ibid. 24.41.2.a
 Tuemen inf. 9.21.b. Tuilmen inf. 9.25.a
 Tyrannis diu stare non potest, 60.53.a eius radices quomodo reciderit Finnanus, 30.39.a
 Tyrannorum auaritia opulentiores ad supplicia trahit, 31.32.b
 V.
 Varar, 27.b. Valala, inf. 9.17.b
 Valetti Tralij Archiepisc. mors, 97.23.b
 Valis inf. 11.38.a. Valla, ibid. 2.7.b
 Vallia, 4.9.b. 18.5.b
 Vallu Adriani, 33.14.a. Seueri, vide Seuerus
 Valterus, totius Scotiae Stuartus, 63.11.b
 Valterus Mordaci fil. in custod. 100.30.b
 Valterus Atholia comes in Regem conspirat, 105.45.b. supplicio afficitur, 106.49.a
 Valterus Millus crematus, 106.45.
 Valterus Scotus Regem e manibus Dunglassiorum vi eripere conatur, 144.3. in custodiam datus, 146.46.b. libertati restitutus, 147.11.a. pduellionis damnatus, 147.13.b. cum Prorege suas copias iungit, 156.32.a.
 Vaterla insula, 9.30.a
 Vaticinium maleficarum impletum, 106.4.b
 Vderga inf. 8.26.a. Veturiones, 6.27.a
 Venetica supplicio affecta, 53.46.b
 Vera inf. 11.53.a. Verce arcis forma, 143.1.b
 Venedrū promot. 7.11.a. Vestra inf. 11.53.a
 Vetusum castellum, insula, 9.41.b
 Vexaia inf. 9.29.b. Via, inf. 11.21.b
 Viccoilla insula, 9.38.b
 Vicefima in Scotia imperata, 100.47.b
 Victorinus in Britanniam missus, 38.39.a
 Vidogara, 4.47.b
 Vigiliae in castris necessariae, 82.28.a. & 84.22.b. 91.11.b.
 Vikerana insula, 8.22.a
 Vilam a Scotis succo veneticae herbae infectum, 6.14.a
 Viridis inf. 8.28.a. maior & minor, 8.43.b
 Vistus insula, 9.47.a
 Vitellius a Scotis caesus, 46.3.a
 Vitulina inf. 8.22.a. Vituli marini, 9.5.b
 Vltionis importuna cupiditas perniciosa, 36.31.a. & 38.43.a
 Vlva insula, 8.30.b
 Vterius fratri in Britannia succedit, 43.35.a. flagitiosum factum, 43.24.b
 Vtile honesto nonnunquam in aulis principum praepositum, 98.17.b
 Voadica, Britannorum Dux, 25.51.a
 Vonneda insula, 11.26.b
 Vortigerni opera monachus Rex Eritanorum creatur, 41.47.b. quem postea obtruncandum curat, 42.13.a
 Vortimerus Britannorum Rex cum Scotiae & Pictis foedus renouat, 42.53.a
 Vra inf. 11.21.b. Vfabraffa insula, 8.49.a
 Vrbium plurimarum nomina in Bria, Friga, seu Brica desinentia, 19.27.a. Item in Dunum, 19.40.b. in Durum, 20.32.a
 Virus flu. 4.40.b
 VV. geminum non facile, nisi a Germanis, profertur, 2.26.b. 18.37.a
 VValovithia, 18.18.b
 VValfch, seu V Velfch Germanis quid significet, 16.7.b. 18.4.b
 Vulgi ardor facile restinguitur, 193.48.b
 Vuffa insula, 11.19.b
 Vxellu apud Caes. forte pro Ocello, 20.36.b. X.
 Xlitera Hispani pro ff duplici vtuntur, 18.24.a. Z.
 Zeal inf. 11.15.b. Zelandicae insulae, 7.32.a
 Zeulota, mons, 4.13.b

ERRATA SIC CORRIGENDA.

Primum, ne in quarendo fallaris, hosce numeros vsque fol. 45.46.47. & 201.

Pagina 17. l. 1. a. scrutatur, 4. insulae partem 30. obiit. 43. Panuachel, 27.18.b. *distingue*, sustentaculo, excepto venandi solatio, 30.9.b. omni 34.18.b. esse vt. 32. illatum, 36.8.a. quis 26. paucis ex vtr. 38. praesentem 57.11.a. clade 37.11.b. fractus 38.35.a. coactus 48. redigisti 39.1.b. modo 41.14.a. euaserant, 43.44.b. obnitente 44.49.b. putatur. 45.41.b. anni 47.8.b. fux. 48.28.b. exclusus 44. cedet 50.44.b. captum, 45. offio 48. concili 53.12.b. abiecto 55.33.b. multos 56.17.a. fugientes, D. 57. 59. a. lego, Milicolumbi cadem, 57.29.b. exercendo 58.5.a. raris 22.a. Milc. 23.e. Milc. 58.1.b. poenae 59.6.a. progressis, 60. 60.b. parebat. 29. querelam 46. seueritate 61.48.a. Suenonia C. 61.11.b. molestius, 62.34.b. familiarum 63.51.a. necessario 63.11. Valterius 39. adhort. 64.10.b. ad Enn. 65.8. appellant 39. profusionem 47. Morauiz 65.35.b. tranquillum 50. inducia 66.9.b. cumque 36. paucis 67.36. colloq. 41. pusilli animi, 69.6.b. in interio- 70.11.a. scilicet 76.47.b. comitib. 78.11.a. ducit. 78.48.b. prociderunt. 50. ne & 79.16.b. Coila 33. rectorib. 80.47.a. dabatur 80.28.b. alienatum 81.12.a. admon. 83.45.b. agenti 85.10.b. responsa 86.40. alii 87.a. occupat. Bora praef. 28. inuitos, 37. vicarium 88.16.a. reliquerint. P. 44. auspiciis 90.26.a. retentam 91. 22.a. coll. catas 93.39.a. Opidani 11. transfuisset, 91.26.b. intererat, 94.9.b. segni fato 96.41.b. sunt. 45. dote, 97.18.a. perturbati, 97.35.b. rapiebat, 99.20.a. redegit: 50. Concilio 101.7.a. conciliare, 107.19.a. eo 111.5.a. *distingue*, Citati, per literas resp. 11. populati 116.48.b. esset. Iac. 113.12.b. cepit 40. magnis 114.29.a. gubernaculum, or. 29. permanferant. 114.39. quadam 116.12.b. Sarisburiz, 123. 26.a. hominum 123.18.b. incerta 126.1.b. vicer. 130.51.b. dele. 133.41.a. statuendum 133.37.b. cum 134.2.b. cupidus, 137.15.b. capitis 118.10.a. vrad ea inuitum 143.18.a. *distingue*, Caxilliam filiam, Iacobi tertij fil. 144.44.a. vindic. 146.31.b. gratia tum florentem, 149.44.b. signauam 150.13.a. erroribus 152.40.b. partim 50. minis 153.18.a. magnz 154.10.a. profecisset, 158.33.a. deprecatur: 158. 31.b. indignabantur 160.11.b. ascensu 161.10.a. transferret 161.43. b. dele. cum 162.32.a. Anglia 43. fere *ibid.* molientium portas fr. 166. 23.a. mutuum 167.10.b. supell. *ibid.* apponenda 168.12.a. fieret 23. aggressa, *ibid.* nouandz 169.43. b. militarent. 44. *distingue*, quis eccl. instaurat: 173.9.b. maximz 175.26.b. fremitus 178.12.a. complecteb. 177. id ratum 179.25.a. visis modo, 180.37.a. Anglici, 28. Anglica, 181.6.b. indicio 186.28.b. conuentus 187.13.a. indicium 34. conspiceretur: 190.10.a. pronunciant, 21. quis 191.22.a. Sterlini 50. peracti 192.1.a. exemplo esse p. 193.22.a. rectius 196.44.b. miseria 198.14.b. Secunda 200.41.b. se paratum 206.51.a. renes 7. quem 210.15.a. vrbis 203.8. Regiam 210.51.a. octingentis 212.42.a. poena 215.48.a. incenderent,